


Mazatec, San
Jerónimo Tecóatl



New Testament in Mazatec, San Jerónimo Tecóatl Mazateco de S
Jerónimo Tecóatl; maa (MX:maa:Mazatec, San Jerónimo Tecóatl)

Mazatec, San Jerónimo Tecóatl
New Testament in Mazatec, San Jerónimo Tecóatl Mazateco de S
Jeronimo Tecoaatl; maa (MX:maa:Mazatec, San Jerónimo Tecóatl)
 copyright © 2012 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Contributor: Bible League International

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2012 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-10

PDF generated using Haiola and XeLaTeX on 10 May 2025 from source files dated 10 May 2025
 9f778253-d34e-5037-af35-7bca16479aa0

Contents

San Mateo	1
San Marcos	47
San Lucas	76
San Juan	124
Hechos	159
Romanos	201
1 Corintios	219
2 Corintios	237
Gálatas	249
Efesios	256
Filipenses	263
Colosenses	268
1 Tesalonicenses	272
2 Tesalonicenses	276
1 Timoteo	278
2 Timoteo	283
Tito	287
Filemón	290
Hebreos	291
Santiago	305
1 Pedro	310
2 Pedro	315
1 Juan	318
2 Juan	323
3 Juan	324
Judas	325
Apocalipsis	327

'Én ndaà-là Nainá xi kjoa ts'e Cristo koni s'ín kiskì San Mateo

*Xità jchínga-là Jesucristo
(Lucas 3:23-38)*

¹ Jè xojon xi oxkit' aà 'ín-là na' èn-jchá kjiin-là Jesucristo, xi ya inchrobàt' aà-ne tje-là David ko ts'e Abraham.

² Jè Abraham, jè komà na' èn-là xi Isaac ki' mì; ko jè Isaac, jè komà na' èn-là xi Jacob ki' mì; ko jè Jacob, jè komà na' èn-là xi Judá ki' mì, ko jñà xità 'ndse.

³ Judá, jè komà na' èn-là xi Fares ko Zara ki' mì. Ko jè nea-là, Tamar ki' mì. Jè Fares, jè komà na' èn-là xi Esrom ki' mì; ko jè Esrom, jè komà na' èn-là xi Aram ki' mì;

⁴ ko jè Aram, jè komà na' èn-là xi Aminadab ki' mì; ko jè Aminadab, jè komà na' èn-là xi Naasón ki' mì; ko jè Naasón, jè komà na' èn-là xi Salmón ki' mì;

⁵ ko jè Salmón, jè komà na' èn-là xi Booz ki' mì; ko jè nea-là Booz, Rahab ki' mì. Ko jè Booz, jè komà na' èn-là xi Obed ki' mì; ko jè nea-là Obed, Rut ki' mì. Ko jè Obed, jè komà na' èn-là xi Isai ki' mì;

⁶ ko jè Isai, jè komà na' èn-là xi David ki' mì xi xitaxá ítjòn tsibijna; koa jè David, jè komà na' èn-là xi Salomón ki' mì; ko jè nea-là Salomón, jè xi komà chjoón-là Uriás nga sa ítjòn.

⁷ Jè Salomón, jè komà na' èn-là xi Roboam ki' mì; ko jè Roboam, jè komà na' èn-là xi Abías ki' mì; ko jè Abías, jè komà na' èn-là xi Asa ki' mì;

⁸ ko jè Asa, jè komà na' èn-là xi Josafat ki' mì; ko jè Josafat, jè komà na' èn-là xi Joram ki' mì; ko jè Joram, jè komà na' èn-là xi Uzías ki' mì;

⁹ ko jè Uzías, jè komà na' èn-là xi Jotam ki' mì; ko jè Jotam, jè komà na' èn-là xi Acaz ki' mì; ko jè Acaz, jè komà na' èn-là xi Ezequías ki' mì;

¹⁰ ko jè Ezequías, jè komà na' èn-là xi Manasés ki' mì; ko jè Manasés, jè komà na' èn-là xi Amón ki' mì; ko jè Amón, jè komà na' èn-là xi Josías ki' mì;

¹¹ ko jè Josías, jè komà na' èn-là xi Jeconías ki' mì, ko jñà xità 'ndse, k'e nga kiiko kjo'in xità Israel ján j'nde nãnda 'mì Babilonia.

¹² Xi komà jskan k'e nga jye kiiko kjo'in xità ján Babilonia, jè Jeconías, jè komà na' èn-là xi Salatiel ki' mì; ko jè Salatiel, jè komà na' èn-là xi Zorobabel ki' mì;

¹³ jè Zorobabel, jè komà na' èn-là xi Abiud ki' mì; ko jè Abiud, jè komà na' èn-là xi Eliaquim ki' mì; ko jè Eliaquim, jè komà na' èn-là xi Azor ki' mì;

¹⁴ ko jè Azor, jè komà na' èn-là xi Sadoc ki' mì; ko jè Sadoc, jè komà na' èn-là xi Aquim ki' mì; ko jè Aquim, jè komà na' èn-là xi Eliud ki' mì;

¹⁵ ko jè Eliud, jè komà na' èn-là xi Eleazar ki' mì; ko jè Eleazar, jè komà na' èn-là xi Matán ki' mì; ko jè Matán, jè komà na' èn-là xi Jacob ki' mì;

¹⁶ ko jè Jacob, jè komà na' èn-là José. Ko José, jè xi x'in-là komà María; ko jè María, nea-lá komà Jesús xi Cristo, [xità xi xó kisikasén-ne Nainá].

¹⁷ Ngats'ii xità jchínga-là Jesús, teñijòn sko ma-ne xi inchrobàt' aà-ne ts'e Abraham skanda David. Ko jñà xità jchínga-là Jesús xi inchrobàt' aà-ne ts'e David skanda k'e nga kiiko kjo'in jñà xità Israel ján j'nde nãnda 'mì Babilonia, tikoagá teñijòn sko ma-ne. Ko ngu teñijòn sko ma-ne skanda k'e kits'iin xi Cristo, [xità xi xó kisikasén-ne Nainá].

*Kii komà k'e nga kits'iin Jesucristo
(Lucas 2:1-7)*

¹⁸ K'e nga kits'iin Jesucristo kiís'ín komà: María xi nea-là Jesús ko José jñà títsajna'ñó-là xikjín nga kixan. K'e nga tikj'ée bitsajna'ko xikjín, María ki'ya-là nga ki'ndí 'ya xi j't'aà ts'e nga'ñó-là Iníma Tsjeé-là Nainá.

¹⁹ José, xi x'in-là komà, nga xità kixi-né, majin-là nga kjosobà tsjá-là jè María, kisikítsjeèn nga tà sikkjina-ne chjoón jè, ko mì yá xità kji'nchré.

²⁰ K'e nga k'oas'ín tsíkítsjeèn jñà kjoa koi, jngoò àkjalé-là Nainá tsohóko inga nijñá. Kitsó-là:

— José, xi ya nchrobàt' aà-ne tje-là David, kì tsakjoòn-jèn nga bijnakoi María xi chjoón-lè koma, jè ki'ndí xi 'ya, nga'ñó ts'e Iníma Tsjeé-là Nainá-né.

²¹ S'ée jngoò-là ki'ndí x'in, ko 'ín-là Jesús k'oín. Koi k'oas'ín k'oín-ne nga jè kochrjetji naxandá-là xi kjoa ts'e jé-là.

²² Ngats'ii kjoa koi, k'oagá s'ín tsitasòn koni s'ín kitsó Nainá xi j't'aà ts'e xità xi kiichja ngajo-là Nainá kjótsee nga kitsó:

²³ Jngoò chjoón xongó, ki'ndí k'oagá ko k'oè jngoò ki'ndí x'in xi Emanuel k'oín 'ín-là.

Jè 'ín xi Emanuel tsò, Nainá tǎjnakò-ná tsòyaá-ne.

²⁴ K'e nga jaá-la José, k'oaá s'ín kis'iin koni s'ín kitsò-la àkjale-la Nainá, kiskoétjò Maríá kò chixàn-kò.

²⁵ Tanga mikii tsoyijòkò xíkjin skanda k'e-né nga kits'iin ki'ndítjòn-la Maríá. Kò k'oaá s'ín tsibít'aá 'ín-la nga Jesús ki'mi.

2

Kiis'in komà nga ijchò katsejèn-la Jesús jǎa xǎta xi 'ño tǎjín-la kjoachjine

¹ Jesús kits'iin ya naxandá xi 'mì Belén, nangui xi chja-ne Judea, k'e nga xǎtaxá ítjòn tǎjna xi 'mì Herodes ya j'nde jè. Ijchò ján Jerusalén, xi naxandá sko-la Judea, xǎta xi 'ño tǎjín-la kjoachjine, xi inchrobà-ne ñánda bitjokàtji-ne ts'oi

² nga kjònangui. Kitsò:

— Ñánda tǎjna xǎtaxá ítjòn-la ts'e xǎta judío xi jye kits'iin? Ki'yaá jngòò-jen ni'ño ján ñánda bitjokàtji-ne ts'oi xi tsakò nga jye kits'iin. Kò ngajen koií xá kjoj-najen nga jchaxkón-jen.

³ K'e nga kii'nchré Herodes xi xǎtaxá ítjòn tǎjna, tà kitsakjòn-né kò ngats'ii xǎta naxandá Jerusalén.

⁴ Jè xǎtaxá ítjòn xi 'mì Herodes, kii'chja-la ngats'ii xǎta sko-la no'mii kò xǎta xi okóya kjotixoma-la Nainá xi kiskii Moisés; kiskònangui-la ñánda jts'in xi Cristo, [jè xǎta xi xó sǎikasén-ne Nainá].

⁵ Jǎa xǎta koi kitsò-la:

— Yaá Belén, naxandá xi chja-ne Judea. K'oaá s'ín tíchja xojòn xi kiskii jǎa xǎta xi kii'chja ngajo-la Nainá nga kitsò:

⁶ Jǎa xi xǎta Belén 'mì-nò, xi nangui Judá nokjoà-nò, ngàsòn chji-la naxandá-nò koni jǎa naxandá ítjòn-la nangui Judá, nga yaá kitjoiin jngòò xǎtaxá ítjòn xi sǎikindá naxandá-na Israel.

⁷ Jè xǎtaxá ítjòn xi 'mì Herodes, kii'chja'ma-la jǎa xǎta xi 'ño tǎjín-la kjoachjine nga kiskònangui-la mé nachrjein-ne nga kijtsee ni'ño.

⁸ K'ée kisikasén ján Belén; kitsò-la:

— Tanguió ján, koa ndaa chjinanguio xi it'aá ts'e ki'ndí jè. K'e nga sakò-nò, tǎkí'nchré-ná mé-ne tǎkoá kjíán katsejèn-la nga skoexkoán koa jeya sǎikjina.

⁹ K'e nga jye kii'nchré xǎta xi 'ño tǎjín-la kjoachjine koni s'ín kitsò Herodes, k'ée kii xǎta koi kò jè ni'ño xi kijtsee ñánda bitjokàtji-ne ts'oi k'oaá s'ín kii ítjòn-la skanda ijchò ñánda tǎjna ki'ndí jè, kò yaá tsasijna jè ni'ño.

¹⁰ Jǎa xǎta xi 'ño tǎjín-la kjoachjine k'e nga kijtsee ni'ño jè, taxkǎ tsjaá komà-la.

¹¹ K'e nga jahas'en ni'ya jǎa xǎta koi, kijtsee ki'ndí kò nea-la Maríá. K'ée chinchaxkó'nchit'aá-la jè ki'ndí kò kijtsee'xkón; jeya kisikjina. Ijjoán kiskix'a kaxa-la kò kitsjaà-la tòn oro, kò chrjóngó-la Nainá kò xkii xi 'ño ndaa jne xi 'mì mirra.

¹² Nga komá jskan kits'ii-la nijǎa xǎta xi 'ño tǎjín-la kjoachjine nga mì tǎ k'oaá s'ín ndiyá kjoj-ne ñánda tǎjna Herodes. Xín ndiyá kii-ne nangui-la.

K'e nga jǎa xǎta jchínga-la Jesús kii'ko ján nangui Egipto

¹³ K'e nga jye kii-ne jǎa xǎta xi 'ño tǎjín-la kjoachjine, jngòò àkjale-la Nainá kisini'jǎa-la José, kitsò-la:

— Tǎsítjijn; chjoi jè ki'ndí kò nea-la; t'in ján nangui Egipto; yaá tijni skanda k'e 'an koxán-lè. Nga jè Herodes xi xǎtaxá ítjòn tǎjna, kohótsji ki'ndí jè nga mejèn-la nga sǎik'en.

¹⁴ K'ée tsasítjen José, k'e nga nitjen kiskoé jè ki'ndí kò nea-la nga kii ján nangui Egipto.

¹⁵ Yaá tsibitsajna skanda k'e nga k'en Herodes. K'oaá s'ín tsitasòn koni s'ín kitsò Nainá xi it'aá ts'e xǎta xi kii'chja ngajo-la Nainá nga kitsò: “Ya nangui Egipto kichjǎ-la ki'ndí-na.”

K'e nga kinik'en ndí ixti x'in

¹⁶ K'e nga kijtsee jè Herodes nga jǎa xǎta xi 'ño tǎjín-la kjoachjine kiskoò'nachan-la, tsí jti komà-la. Ijjoán kitsjaá okixi nga sǎik'en yije ndí ixti x'in xi jò nó tǎjín-la kò ngats'ii xi isá ki'ndí isá kóhokji ján naxandá Belén, kò ya naxandá indii-la koni s'ín jye kisijijn-la mé nachrjein-ne nga kijtsee ni'ño jǎa xǎta xi 'ño tǎjín-la kjoachjine.

¹⁷ K'oaá s'ín tsitasòn 'én xi kitsò Jeremías, xǎta xi kii'chja ngajo-la Nainá, nga kitsò:

¹⁸ Ya j'nde Ramá kina'ya jngòò-la xǎta

xi tísikájno kò 'ño tǎkjindáya kò tísiné;

jè chjoón Raquel xi tǎkjindáyakeé ndí ixti-la,

nga mikii majehikon inijma-la nga jye k'en ixti-la.

¹⁹ K'e nga jye k'en Herodes, xi xǎtaxá ítjòn tǎjna, jngòò àkjale-la Nainá kisini'jǎa-la José ján Egipto. Kitsò-la:

²⁰ —Tisítjiin, chjoí ki'ndí jè kò nea-là. T'in lɔngòò k'a-ne nangui Israel. Jyeé k'en jñà xità xi tɔjn-ne nga mejèn-là sɔik'en ki'ndí jè.

²¹ K'eé tsasítjen José, kiikò-ne ki'ndí jè kò nea-là ya nangui Israel.

²² Tanga k'e nga ki'inchré José nga jè tíhotíxoma jè xi 'mì Arquelaò ya nangui Judea, nga jè tɔjna ngajo-là na'èn-là Herodes, José kitsakjòn-né; mì k'oaá s'in kii. Ján kii i'nde ñánda 'mì Galilea nga k'oaá s'in kis'enojmíya-là inga nijñá.

²³ K'e nga ijchò i'nde jè, yaá tsibítsajna ya naxandá xi 'mì Nazaret. K'oaá s'in komà mé-ne nga tsitasòn koni s'in kitsò jñà xità xi kiichja ngajo-là Nainá, nga jè Jesús xità Nazaret k'oin.

3

'Én xi kiichja Juan xi kis'iin bautizar xità

(Marcos 1:1-8; Lucas 3:1-9, 15-17; Juan 1:19-28)

¹ Jñà nachrjein koi j'ii Juan xi kis'iin bautizar xità ya i'nde it'aà xìn ñánda nangui kixi choòn, nangui xi chja-ne Judea, nga kisika'bí 'én-là Nainá,

² kitsò:

—Tikájno jé-nò, kì tì jé binchaàtsji-nò nga jyeé kjòchrañat'aà-nò nachrjein nga jchà kó s'in otíxoma jè xi ngajmii nchrobá-ne.

³ Jè Isaías, xità xi kiichja ngajo-là Nainá, k'oaá s'in kiskii xojoñ-là xi it'aà ts'e Juan nga kitsò: Na'ya-là jta-là jngòò xità xi 'ñò chja ya i'nde it'aà xìn ñánda nangui kixi choòn, nga tsò:

“Tjandaà ndiyá-là Nainá ya jjiin inima-nò; kixi tikíjna koni jngòò ndiyá ñánda kojmeèya Na'èn-ná.”

⁴ Nikje xi tsohòkjá Juan, tsja-là cho camello-né; kò jngòò sincho chrjoa tsibíkjá ndáyá-là. Koa jñà tsojmi xi kiskine, cho langosta-né kò tsjén-là cho cera xi tɔjn jjiin ijñá.

⁵ Ijchò 'nchré-là xità xi inchròbà-ne Jerusalén, kò nga kijndá nangui Judea kò ngats'ii naxandá xi ya chrañat'aà-là xajngá nandá Jordán.

⁶ K'e nga jye tsafátakòn jé-là jñà xità, Juan, ikjoàn kis'iin bautizar ya xajngá nandá Jordán.

⁷ K'e nga kijtsee Juan nga kjin xità fariseo kò xità saduceo j'ii nga koma bautizar, kitsò-là: —Ijñò, k'oaá s'in ngaya-nò koni tsà tje-là ye! ¿Yá xi okitsò-nò nga kinchat'aaxìn-là jè kjo'in xi nchrobá machrañat'aà-nò?

⁸ Ndaà tɔjn kjoa xi t'een nga ndaà kàta'ya-nò nga jyeé kinikájno jé-nò nga mì tì jé binchaàtsji-nò.

⁹ Kì k'oaá s'in nikítsjeèn jjiin inima-nò nga bixón: “Ngajen, [mikii s'e-najen kjo'in nga] yaá inchròbát'aà-najen tje-là Abraham.” K'oaá xan-nò, Nainá, skanda jñà ndajo koma-là sijkatjìya-là nga ixti-là Abraham koma.

¹⁰ Jè kichayá jyeé kjijnandaà nga kotesòn yá; ngats'ii yá xi 'mì ndaà tòò ojà-là, skanda kò ima-là, jtisòn-né, ikjoàn sìnchájiin ni'in nga kitì.

¹¹ Xi okixi, 'an kòò nandá s'iin-nò bautizar, mé-ne nga sikájnoò jé-nò kò mì tì jé kinchátsji-nò. Tanga jè xi nchrobátjngui-na s'iin-nò bautizar kò Inima Tsjeè-là Nainá kò kò ni'in. Isaá tɔjn-là nga'ñò mì k'oaá-ne 'an. Skanda mikii tji'nde-na nga 'an kjikoa xojté-là.

¹² Jyeé kjinaya tsja jè pala nga sùtsjeè tjé-là trigo. Kínchàxkó trigo ya iya ni'nga; kò jè tjé paja kínchájiin ni'in ñánda nga mikii bits'o nità mé nachrjein-ne.

K'oaá s'in komà nga komà bautizar Jesús

(Marcos 1:9-11; Lucas 3:21-22)

¹³ Jesús j'ii-ne Galilea ya xajngá nandá Jordán nga mejèn-là nga jè Juan s'iin bautizar Jesús.

¹⁴ Tanga jè Juan k'e nga sa itjòn mikii kòkjein-là, kitsò-là Jesús:

—'Aán xi mochjeén-na nga jii s'een-ná bautizar, tanga ngaji, ta saá 'an f'iichòn-ná.

¹⁵ K'eé kitsò Jesús:

—Tjii-lè kjondaà, t'een-ná bautizar mé-ne nga k'oaá s'in sikitasoán kjotíxoma-là Nainá. K'eé kòkjein-là Juan.

¹⁶ K'e nga jye komà bautizar Jesús, k'e nga jye itjoiin-ne nandá, ikjoàn kitáx'a-là ngajmii, kò jè Jesús kijtsee Inima Tsjeè-là Nainá xi inchròbàjen-ne ngajmii, koni kji nise paloma kji; yaá kiskaàsòn-là Jesús.

¹⁷ K'eé kina'ya jngòò-là 'én xi ngajmii inchròbà-ne xi kitsò:

—Jè jèe xi ki'ndí-nà xan-là xi 'ñò matsjake; tsja tɔjn-là takoàn it'aà ts'e.

4

K'e nga jè xità neí kiskòòt'aà Jesús

(Marcos 1:12-13; Lucas 4:1-13)

¹ Jè Iníma Tsjeè-la Nainá kiiko Jesús jngoò j'nde it'aà xìn nga jè xitá nejí skót'aà nga mejèn-la nga kátátsji jé.

² Ichán nachrjein ko ichán nítjen tsibijnachjan Jesús ko k'e nga koma jskan jye kjòhojò-la.

³ Jè xitá nejí xi ma-la konachan ijchò kasit'aà chraña-la ñánda tíjna Jesús, kitsò-la:

—Tsà kixíi kjoa nga ngaji xi Ki'ndí-la Nainá 'mì-lè, tji-la okixi jña ndajo koi nga inchrajín kàtama.

⁴ Tanga Jesús kitsò-la:

—Tjit'aà Xojon-la Nainá, nga tsò: “Mìtsà tà koi tsojmì xi ma chine kitsakon-ne xitá, tikoaa kitsakon-ne nga yije 'én xi chja Nainá.”

⁵ Jè xitá nejí kiiko Jesús ya Naxandá-la Nainá xi xó kitjaajün-ne [ñánda 'mì Jerusalén]; kisikijnasòn jngoò íjòn ñánda isa 'nga kji.

⁶ Kitsò-la:

—Tsà kixíi kjoa nga ji xi Ki'ndí-la Nainá 'mì-lè, tìkatjengui yijo-lè, nga k'oaa s'in tjit'aà Xojon-la Nainá nga tsò:

Nainá koií xá-la àkjale-la it'aà tsiji,

nga ko tsja tsoba'ño-lè,

mé-ne nga nijngoò ndajo satíngui-ne ndsokoi.

⁷ Jesús kitsò-la:

—Tikoaa tjit'aà Xojon-la Nainá, nga tsò: “Ki k'oaa s'in chít'iì Na'èn-ná xi Nainá.”

⁸ Jngoò k'a jè xitá nejí kiiko Jesús isòn nindoò xi 'ño 'nga kji, koa tsakó yije-la ngats'iì naxandá xi tjin isò'nde ko kjoajeya-la jña naxandá.

⁹ Kitsò-la:

—Nga jii tsjaà yije-lè naxandá koi, tsà kqsixkó'nchit'aà-ná ko jeya sijkjna-ná.

¹⁰ K'éé kitsò Jesús:

—Tixín xitá nejí, tsjit'aàxìn-ná. Nga k'oaa s'in tjit'aà Xojon-la Nainá nga tsò: “Jeya tìkjini Na'èn-ná xi Nainá 'mì-la; tà jè tajngoò tìkitasòn-la.”

¹¹ K'éé kii jè xitá nejí, tsasit'aàxìn-la Jesús. Ikjoàn ijchò àkjale-la Nainá xi kisís'in-la Jesús.

Kii komà nga kii síxajün-la xitá Galilea Jesús

(Marcos 1:14-15; Lucas 4:14-15)

¹² K'é nga kii'nchré Jesús nga jè Juan xi kis'iin bautizar xitá ndayá tíjna'ya, kii jngoò k'a-ne ya j'nde-la ñánda 'mì Galilea.

¹³ Tanga mì ya tsibijna ñánda 'mì Nazaret; ján kii kijná ñánda 'mì Capernaum, jngoò naxandá xi kijnandii ndáchikon ya j'nde xi chja-ne Zabolón ko Neftalí.

¹⁴ K'oaa s'in komà mé-ne nga tsitasòn-ne 'én xi kiskii Isaías xitá xi kiichja ngajo-la Nainá nga kitsò:

¹⁵ Jè nangui xi ts'e Zabolón ko jè nangui xi ts'e Neftalí,

ya ndjyá xi fi indii ndáchikon,

ján xijngoaa xajngá nandá Jordán ya nangui Galilea,

ñánda tjin xi mìtsà xitá judío.

¹⁶ Jña xitá naxandá koi xi tjiñò kjohítsjeèn-la,

kijtseè jngoò ni'in xi 'ño tse kji,

koa jña xitá xi ya tjimaya ndjyá-la kjoabiyaà,

kjòhiseèn kjohítsjeèn-la.

¹⁷ K'éé tsibíts'ia Jesús nga kiichjaya 'én ndaà-la Nainá. Kitsò:

—Tikájno jé-nò, kì tì jé binchaàtsji-nò nga jyeé kjòchraña't'aà-nò nachrjein nga jchaa kós'in otixoma jè xi ngajmii nchrobá-ne.

Kii kis'iin Jesús nga ñijòn xitá kiichja-la xi ma-la sík'en tjin

(Marcos 1:16-20; Lucas 5:1-11)

¹⁸ K'é nga tífa Jesús ya indii ndáchikon ts'e Galilea, kijtseè jò xitá xi 'ndse ma, jngoò xi 'mì Simón ko tjiè-ne xi 'mì Pedro, ko xi jngoò, jè xi 'mì Andrés. Jña xitá koi xi sík'en tjin. K'é nga nchisikatjen-jün-ndá na'ya-la,

¹⁹ Jesús kitsò-la:

—Nchrohótjngui-ná, 'aán tsjaà-nò xá nga kíxkóya xitá xi 'an kjit'aà-na koni s'in maxkóya tjin.

²⁰ Jña xitá koi nitoón kisikájna na'ya-la nga kiitjngui-la Jesús.

²¹ Isa xijngoaa isa Jesús kijtseè ngui jò xitá xi tikoá 'ndse ma-ne; jngoò xi 'mì Jacobo, ko xi jngoò, Juan 'mì; ixti-la Zebedeo. Yaá títsaya chitso ko na'èn-la. Nchibíndaaya jña na'ya-la. Jesús kiichja-la nga jña kojmeiiko.

²² Xitá koi nitoón kisikájna chitso-la ko na'èn-la nga kiitjngui-la Jesús.

*Kii kis'in Jesús nga kjin xita tsakóya-la
(Lucas 6:17-19)*

²³ Jesús tsajmeé kóhokji nangui Galilea, tsakóya 'én-la Nainá ya ni'ya ingo sinagoga nga ínggo íngó naxandá. Kiihchaya 'én ndaa-la Nainá koni s'in otixoma Nainá; tikoá kisindaà-ne ngats'ii ch'in xi tjin-la xita nga xkí xi ján ijòjno ijòt'aà yijo-la.

²⁴ Kina'ya-la Jesús kóhokji ya i'nde ñánda 'mì Siria, koá j'ii'ko-la xita xk'én xi kjin skaya ch'in tjin-la, jña xi ijòjno ijòt'aà yijo-la ko xita xi ch'in neji tjiin inima-la, ko tjin xi ch'in biyaaxín tjin-la, ko xita xi mù ki ndaa ma síhiniyá yijo-la. Jesús kisindaà-ne ngats'ii xita koi.

²⁵ Kjin xita xi ya i'nde-la Galilea kùtjngui-la, ko jña xita naxandá xi te ma-ne (xi 'mì Decápolis), ko jña xita naxandá Jerusalén ko naxandá xi i'nga xi ya chja-ne nangui Judea, ko xi chja-ne xijngoáà xajngá mandá Jordán.

5

Kii kitsò Jesús nga kiihchaya ya isò'nga nindoò

¹ Jesús, k'e nga kijtseé ngats'ii xita xi kjin ma-ne, kiiimijin-jno ya isò'nga nindoò koá yaá tsibijna. Jña xita xi kota'yat'aà-la ijchò kinchat'aà-la.

² Jesús k'eé tsakóya-la kitsò-la:

*Kjondaà xi sakó-la jña xita k'e nga mé kjoa títajjìn
(Lucas 6:20-23)*

³ —Mé tà ndaa-la jña xita xi machiya-la nga mochjeén-la kjondaà-la Nainá; xita koi, jyeé ts'e ngats'ii kjondaà xi tjin ya ñánda tíhotixoma jè xi ngajmii nchrobá-ne.

⁴ Mé tà ndaa-la jña xita xi kjindáya; Nainá sjijetakòn-né.

⁵ Mé tà ndaa-la jña xita xi indaàjijn tjin inima-la; jña tjoé-la nangui xi Nainá jye k'oas'in kitsò nga jña tsjá kjotjò-la.

⁶ Mé tà ndaa-la jña xita xi 'ño mejèn-la nga kítasòn xi kjoa kixi xi Nainá síjé; Nainá kòsjko nga kítasòn kjoa koi.

⁷ Mé tà ndaa-la jña xita xi mahimakeé xita xi k'ejí; Nainá kohimakeé ngajo-ne jña xita koi.

⁸ Mé tà ndaa-la jña xita xi tsjeé tjin inima-la; jña xita koi, jña-né xi skoexkon Nainá.

⁹ Mé tà ndaa-la jña xita xi síkijna'nchán kjoa; Nainá ki'ndí-laá kítso-la.

¹⁰ Mé tà ndaa-la jña xita xi kjo'in tjin-la nga fitjngui kondra-la xita, koi kjoa-la nga ndaa síkitasòn xi kjoakixi. Xita koi, jyeé ts'e ngats'ii kjondaà xi tjin ya ñánda tíhotixoma jè xi ngajmii nchrobá-ne.

¹¹ Mé tà ndaa-nò k'e nga jña xita ch'o kítso-nò nga kotít'aà-nò ko k'e nga ch'o sjikò-nò, ko k'e nga 'én ndiso tsját'in-nò xi kjoa ts'an.

¹² Tsja t'è-la inima-nò, koá tsja t'è-là takòn. Jñò, tseé kjondaà tjoé-nò ján ngajmii. Mitsà tà jñò xi otíniko-nò. K'oaá tís'in kiniko jña xita xi kiihchja ngajo-la Nainá xi chinchima íjòn-nò.

*Kiis'in kochjeén naxa ko ni'in xi tjin isò'nde
(Marcos 9:50; Lucas 14:34-35)*

¹³ Jñò, k'oaá s'in ngaya-nò koni tsà naxa xi mochjeén-la xita isò'nde. Tanga tsà jè naxa mì tì kii sijnchra-ne tsojmi, ¿kó tís'in kochjeén-ne? Mì tì mé chji-la; xixteèn-ne ko yaá kijnchané xita.

¹⁴ Jñò, k'oaá s'in ngaya-nò koni tsà ni'in xi mochjeén-la xita isò'nde. Tsà jngoò naxandá xi isò'nga nindoò kijna, mìkii koma kijn'a'ma.

¹⁵ K'e nga jngoò ni'in sit'a'í, mìtsà ya sijnngui kaxa. Yaá sijna ñánda 'nga choòn, mé-ne nga kohiseèn yije-la xita xi títajjnaya ni'ya.

¹⁶ Koni ni'in xi síhiseèn-la xita, k'oaá s'in ndaa tíjchá yijo-nò nguixkon xita xi k'ejí, mé-ne jña xita koi, jeya sjikijna Nà'èn-nò xi Nainá xi tijná ngajmii k'e nga skoé-nò nga ndaa títasà'né.

Kiis'in tsakóya Jesús it'aà ts'e kjotixoma-la Nainá xi kiskii Moisés

¹⁷ Jñò, k'oaá s'in níkítseèn: mìtsà koi xá j'i-na 'an nga kochrjekànguia jè kjotixoma-la Nainá xi kiskii Moisés ko jè xi tsakóya xita xi kiihchja ngajo-la Nainá. Tà saá j'i sijnngoò-ná 'én xi tjit'aà kjotixoma.

¹⁸ Qkixí xi xan-nò, koni tjin nachrjein kijná-ísa isò'nde ko ngajmii, nímé xi tjàxin-la jè kjotixoma, nijngoò punto ko nijngoò letra tjàxin-la, skanda kóni nga kojngoò yije kjoa xi tjit'aà kjotixoma.

¹⁹ Jè xita xi mìkii síkitasòn koni s'in tíhja kjotixoma, nas'in 'ño chiba tíhja, ko k'oaá s'in okóya-la xita, k'oaá tís'in 'ño chiba jcha-la ya jjiin naxandá xi jè otixoma-la xi ngajmii nchrobá-ne. Ko jè xita xi síkitasòn kjotixoma-la Nainá ko k'oaas'in okóya-la xita xi k'ejí, jè xita jè, jè xi 'ño 'nga kijná ya jjiin naxandá xi jè otixoma-la xi ngajmii nchrobá-ne.

²⁰ Okixixi xi xan-nò, tsà mikii isa ndaa sjikatasòn kjoakixi koni jñà xita fariseo ko xita xi okóya kjotixoma-la Nainá xi kiskii Moisés, mikii kitjás'en-jñoò fiánda tíhotixoma jè xi ngajmii nchrobá-ne.

Kiis'in tjin it'aà ts'e kjoajti
(Lucas 12:57-59)

²¹ Jñò jye kina'yà koni s'in ki'mi-la jñà xita jchínga-nò: "Kì xita nìk'eèn; nita yá-ne xi xita sjik'en, kjo'in s'e-la."

²² Tanga 'an k'oaá xan-nò, tsà jngoò xita xi kojtiikeè 'ndse, s'eé-la kjo'in. Jè xi ch'o kjo'so-la 'ndse, xitaxá tsjá-la kjo'in. Ko jè xi 'ndse kjo'so-la: "Ngaji nímé chji-lè", ok'in-la nga ján kjo'i jjiin ni'in ts'e i'nde kjo'in.

²³ Tsà k'e nga kikoji tsojmi kjotjò-lè nga Nainá k'oi-la ya i'nde tsjeè-la, koa ya koiitsjeèn-lè nga jè 'ndsi tjin-la kondra tsiji,

²⁴ tikitsajnei tsojmi kjotjò-lè ya i'nde tsjeè, ikjoàn tikitsi'ba-la 'ndsi koa k'eé koma sjikitsajnei tsojmi-lè.

²⁵ Tsà tjin xita xi kohongui-lè nga kjiko-lè ni'ya osen, k'e nga tjaàya ndiyá, nitóón jchibàndaà-nò, mé-ne nga mi ya kjiko-lè nguixkon xitaxá, ko jè xitaxá mi ya tsjá-la kindá jñà policia nga mi ndayá kjiko-lè.

²⁶ Okixixi xi xan-lè, mù ti kii koma kitjoo-ne ndayá skanda k'e nga kichjtji yijo-lè nga yije xi sijjé-lè xitaxá.

Kiis'in tjin ts'e kjoa chijngui

²⁷ Jñò, jye kina'yà koni s'in ki'mi-nò kjòtsee: "Kì kjoa chijngui 'nè."

²⁸ Tanga 'an k'oaá xan-nò, nita yá-ne xi kotsejèn-jno jngoò chjoón nga fahajiiin-la, jye kjoa chijngui tís'in koni títóò injima-la.

²⁹ Tsà jñà xkoòn kixi ótsji jé-nò, tinachrjeè; kjiin tikatsjoò. Isáá ndaa-ne tsà chiya jngoò xkoòn mi k'oaá-ne tsà ya kixojiiin yije yijo-nò ya jjiin ni'in ya i'nde kjo'in.

³⁰ Tsà jñà ndseji kixi ótsji jé-nò, tichátjòn; kjiin tikatsjoò. Isáá ndaa-ne tsà chiya jngoò ndseji mi k'oaá-ne tsà ján kjo'i yijo-nò jjiin ni'in ya i'nde kjo'in.

Kiis'in tjin kjotixoma it'aà ts'e xita xi tsjeiin xikjin
(Mateo 19:9; Marcos 10:11-12; Lucas 16:18)

³¹ K'oaá ts'in kis'enojmi kjòtsee, nita yá xita-ne xi mejèn-la tsjin chjoón-la, itjòn tjámiin'nga xojon xi tsjeiin-ne xikjin xita.

³² Tanga 'an k'oaá xan-nò: tsà jngoò xita x'in xi tsjin chjoón-la, tsà mìtsá kjoa chijngui tís'in jè chjoón, jè x'in-la tibit'in-la nga kjoa chijngui kátas'in chjoón. Jè chjoón, k'e nga kixan jngoò k'a-ne, jè x'in xi kixan-ko, tikoáá jye kjoa chijngui tís'in.

Kiis'in tjin it'aà ts'e 'én xi nokjoá nga Nainá tibeè

³³ Tikoáá jye kina'yà koni s'in ki'mi-la jñà xita jchínga-ná: "K'e nga bixón: tibeè Nainá, ki chonachan-jèn, tikitasòn 'én-nò."

³⁴ Tanga 'an k'oaá xan-nò: K'e nga 'bioò 'én-nò, jngoò k'aá ki yá xi níkjna itjòn. Kì k'oas'in bixón: "Tibeè ngajmii." Nga jè ngajmii, jè ixile kjotixoma-la Nainá.

³⁵ Tikoáá ki bixón-jèn: "Tibeè isò'nde", nga jè nangui, yaá nchasòn ndsoko Nainá. Tikoáá ki bixón-jèn: "Tibeè naxandá Jerusalén", nga jè naxandá jè, ts'eé Xitaxá Itjòn xi Nainá.

³⁶ Tikoáá ki skoò níkjna itjòn k'e nga mé 'én xi 'bioò. Nga mikii koma-nò nga sijmá o sichroba jngoò tsja skoò.

³⁷ Tà k'oaá s'in tinójoa "jon", o xi "majin". Jñà 'én xi kjisòn, yaá nchrobá-ne it'aà ts'e xita nejí.

Kiis'in tikoo jñà xita xi ch'o sikò-nò
(Lucas 6:29-30)

³⁸ Jye kina'yà koni s'in ki'mi-nò kjòtsee: "Tsà yá xi kochrje jngoò xkoiin, tinachrjeè ngajo-ne ts'e. Ko tsà yá xi skoetoòn-lè nga skónájen jngoò ni'noi, chjinájen ngajo-ne ts'e."

³⁹ Tanga 'an, k'oaá xan-nò: Tikjeiin-la xita ts'en. Tsà jngoò xita xi sijjts'iin-t'aà kjoioòn kixi, tikoáá tjii-la xi ngobà nga kàt'eé-la.

⁴⁰ Tsà jngoò xita kohongui-nò nga mejèn-la skoé nachro-nò, tikoá tjii-la nachrokisòn-nò nga kàtakjoé.

⁴¹ Tsà jngoò xita xi kjò'ño s'in-nò nga sjikajen jngoò hora-nò ch'a-la nga onguiko-la, jò hora isa kjiin tanguiko-la.

⁴² Tsà yá xita xi sijé-nò tsojmi, tjii-la; ko tsà jngoò xita xi mejèn-la skijnat'aà-nò tsojmi, ki 'mì-là: mikii koma.

Kó s'in sikoo jñà xita xi majtiikeè-nò
(Lucas 6:27-28, 32-36)

43 Tjkoáá jye kina'ya koni ki'mi-nò kjòtseé: “Tjtsjacha xjta xinguioo ko tjjticha kon-dra-nò.”

44 Tanga an k'oaá xan-nò: Tjtsjacha jña xi kondra-nò, tjchikon-t'ioòn jña xi chja'on-ko-nò, ndaa tjko jña xi jtikee-nò, titsi'batjio jña xi ch'o tsò-nò ko jña xi ch'o síko-nò.

45 Tsà k'oas'in s'een, ki'ndi-la Nainá xi tjjna ngajmii koma; Nainá síhiseen-la ndobá-la ts'oi xjta xi ndaa ko xi mi ki ndaa; tjkoáá Nainá sík'a-la jtji jña xjta kixi ko xi mitsà xjta kixi.

46 Jñò, tsà tà jña matsjacha xjta xi matsjakeè-nò, nj mé kjondaá xi s'e-nò; nga k'oaá tis'in jña xjta xi síkíxjtji tsojmi ts'e Roma.

47 Tsà tà jña xjta xinguioo xi 'ndsè chiba sjaxat'aà, ja k'oaá ma-nò nga ñó ndaa titsa'nè?; nga tjkoáá jña xjta xi mikii beèkxon Nainá, k'oaá tis'in.

48 Jñò, ngui kjoakixij t'een, koni jè Nà'èn-ná xi tjjna ngajmii nga ngui kjoakixij s'in.

6

Kiis'in t'een k'e nga k'oi-là kjondaá xjta

1 K'e nga ndaa tjjn kjoa xi 'nè, tjkindako-nò yijo-nò; kì tà k'ee k'oa 'nè k'e nga nguixkon xjta, tsà tà jè xi mejèn-nò nga skoe-nò xjta xi kj'eji. Tsà k'oas'in s'een, Nà'èn-ná xi tjjna ngajmii mikii sjichikon-t'in-nò.

2 K'e nga jngoò kjondaá k'oi-là xjta ima, kì kii bènojmi-là ngats'iì xjta xi kj'eji, koni s'in xjta xi jò isén tjjn-la ya ni'ya ingo sinagoga ko ya ndiyá nga tsjá kjotjò-la tsojmi xjta; tà jè xi mejèn-la nga skoe yije xjta. Tanga okixi xi xan-nò, jña xjta xi k'oas'in s'in, jyeé tjjn-la chji-la [nga nguixkon xjta. Mi tj mé sjichikon-t'in-ne Nainá.]

3 K'e nga tsà tsojmi k'oi kjotjò-là xjta ima, mochjeén-né nga mi yá xjta xi skoe; nj jè skoe xi 'ño amigo chibá.

4 Tjà'ma-là jè kjondaá-nò; k'e nga jè Nà'èn-ná skoe jè xi kjoa'ma, jè tsjá-nò chji-nò.

Kiis'in t'een k'e nga bitsi'ba-lá Nainá

(Lucas 11:2-4)

5 K'e nga bitsi'ba, kì k'oaá 'nè koni s'in xjta xi jò isén tjjn-la. Jña xjta koi, k'e nga bitsi'ba-la Nainá, tsjakeè-né nga bincha kixi ya ni'ya ingo sinagoga ko ya chrjangui-la nditsin ñanda kjin xjta kotsejèn-la nga Nainá bitsi'ba-la. Xi okixi k'oaá xan-nò, jña xjta koi, jyeé tjjn-la chji-la [nga nguixkon xjta. Mi tj mé sjichikon-t'in-ne Nainá.]

6 Tanga k'e nga mejèn-lè nga kitsi'ba-la Nà'èn-ná, tjjtás'jin ni'ya-lè, tichjoi xotjoa-la ni'ya-lè, jkjoan tujé-la kjondaá-la Nà'èn-ná xi ya tajngoò tjjna'mako-lè. Jè Nà'èn-ná tsjá-lè chji-lè nga jè tibeé xi kjoa'ma.

7 K'e nga bitsi'ba, kì taxki kjin 'én nokjoà, koni s'in xjta xi mikii beèkxon Nainá. K'oaá s'in síktsjeén nga kjin 'én kjchja-la Nainá, isaá ndaa kjin'chré-la.

8 Kì k'oaá 'nè koni s'in jña xjta koi; jè Nà'èn-ná jye tjjin-la mé xi mochjeén-nò k'e nga tjki'eè nijét'aà-là.

9 K'e nga bitsi'ba, kiis'in tinókjoaa:

Nà'èn-najen xi tjjni ngajmii, kátayaxkón-la kjoajeya-lè nga tsjeé tjjni.

10 Kátjanchrobá kjotixoma-lè, k'oas'in kátama j'it'aà nangui koni s'in mejèn-lè nga koma, koni s'in ma ján ngajmii.

11 Tjji-najen j'ndeé jè ñño xi mochjeén-najen nga nachrjein inchjòn.

12 Tjichàat'aà-najen jè-najen koni s'in njchàat'aà-lajen jña xjta xi ch'o síko-najen.

13 Kì kii biì'ndi yá xi mejèn-la nga kot'aà-najen nga kìnchátjsi jè-jen.

Tjkinda-najen xi j'it'aà ts'e xjta neii.

Nga tsjii kjotixoma, tsjii nga ñó ko tsjii kjoajeya nita kjé-ne. K'oas'in kátama.

14 Tsà jño sjichàat'aà-là jè-la xjta xi kj'eji, tjkoáá jè Nà'èn-ná xi tjjna ngajmii sjichàat'aà-nò jè-nò.

15 Tanga tsà jño mikii sjichàat'aà-là jè-la xjta, tjkoáá Nà'èn-ná mikii sjichàat'aà-nò jè-nò.

Kiis'in t'een k'e nga bitsajnachjan

16 K'e nga bitsajnachjan, kì k'oaá 'nè koni s'in jña xjta xi jò isén tjjn-la nga síkjatjya isén-la, mé-ne nga skoe-ne xjta nga ba tjjn-la nga titsajnachjan. Xi okixi, k'oaá xan-nò, jña xjta koi, jyeé kitjoé-la chji-la [nga nguixkon xjta. Mi tj mé sjichikon-t'in-ne Nainá.]

17 Tanga jño, k'e nga bitsajnachjan, kì k'oaá 'nè. Tà saá tanjñoò isén-nò ko tasi'a tsjaskoò,

18 mé-ne nga mikii skoe-nò xjta tsà titsajnachjan, ko jè Nà'èn-ná xi tjjna'mako-nò, tà jè xi tibeé. Jè sjichikon-t'in-nò.

Kjoa nchiná xi tjjn ján ngajmii

(Lucas 12:33-34)

19 Jñò, ki tsojmì kjìn binchatjò ì isò'nde; bits'on-né kò makixo-né kò jñà xità síchijé.
 20 Ta saá ján ngajmii tìnchatjò tsojmì. Ján ngajmii mikii bits'on kò mikii makixo tsojmì; tìkoáá tsjin xità chijé.
 21 Ya ñánda kìnchatjò tsojmì-nò, tìkoáá yáá s̀ìkìtsjeèn inìma-nò.

*Kós'ín mochjeén xkoaán
 (Lucas 11:34-36)*

22 Jñà xkoaán, jè ma ni'ín xi síhiseèn-la yijo-ná. Koií kjoa-la k'e nga ndaa tsejèn-ná, iseèn choòn yije-la yijo-ná;
 23 tanga tsá mikii ndaa tsejèn-la xkoiin, tìkoáá kóhokji yijo-lè, tà jñò choòn-la. Nga tjjjñò-la kjohtsjeèn-lè tìkoáá ngui tà jñò choòn-la yijo-lè.

*Yá xi koma nei-la xita xi 'ñó matsjakeè ton
 (Lucas 16:13)*

24 Njingoò xita xi jò koma nei-la nga síixá-la. Tsá jò koma nei-la, jngoò kojtikeye kò jngoò kotsjakee; jngoò ndaa kjit'aà-la kò ch'o s̀ìkò xi jngoò. Jñò, tsá kjoa nchiná s̀ìis'in-là, mikii kòs'in-la kjoa ts'e Nainá.

*Kós'ín síkindá Nainá jñà xi ixti-la ma
 (Lucas 12:22-31)*

25 K'oaá xan-nò, ki makájno-nò mé tsojmì xi chjinee, xi s'igo, nga síjchá yijo-nò, kò mé níke xi chíkjá. ¿A mi 'ya-jèn k'e nga títajnakoaán ì isò'nde tjin-ísa kjoa xi ísa 'ñó chíj-la mi k'oa-ne koni tsojmì xi ma chine? Tìkoáá yijo-ná, tjin-ísa kjoa xi ísa 'ñó chíj-la mi k'oa-ne koni jè níke xi chíkjá.

26 Chítsejèn-là níse xi tjíma jjiin ísén; mi jngó 'beé; mi njijn majchá-la kò mi ni'nga tjin-la ñánda binchákkó njijn-la; tanga jè Na'èn-ná xi tjína ngajmii tsjá-la tsojmì xi kine; kò jñò, ísaá chíj-nò mi k'oa-ne jñà níse.

27 Jñò, na'sín takó 'ñó síkájnoò, ni jtsé koma síkatonè-là nàchrjein-nò koni s'ín tjíndaà-la Nainá.

28 ¿Mé-ne níkájno-nò xi it'aà ts'e níke xi chíkjá? Chítsejèn-là naxó lirio xi majchá jjiin ijñá; mikii síxá kò mikii ma-la faña níke.

29 Tanga 'an, k'oaá xan-nò, ndaa tsá jè Salomón xi xitaxá ítjòn tsibijna nga 'ñó xita jeya, mi k'oaá kjoan níke xi tsohòkjá koni kjoan jñà naxó nga ndaa kjoan.

30 Nainá, k'oaá s'ín ndaa kjoan s'ín xka ijñá, xi jngoò nàchrjein títajnakon kò xi ma nchijòn kotsjòojin ni'ín. Jñò xi xita 'mi-nò xi mikii ndaa mokjeiín-nò, ¿a mìtsá ísa nìtton tsjá-nò Nainá níke xi mochjeén-nò nga chíkjá?

31 Ki makájno-nò, ki bíxón-jèn: “¿Mé xi chjineé?, kò ¿mé xi s'ioáá? kò ¿mé níke xi chíkjá?”

32 Nga yije tsojmì koi, k'oaá tjin xi ótsji jñà xita xi mikii mokjeiín-la it'aà ts'e Nainá. Tanga jñò tjínaa-nò Na'èn xi tjína ngajmii xi jyeé tjiin-la nga mochjeén-nò ngats'ii tsojmì koi.

33 Ítjòn tìnchátsjioò kjoa ts'e Nainá koni s'ín otíxoma kò kjoakixi-la; ngats'ii tsojmì xi mochjeén-nò tà tjoésón-nò.

34 Ki makájno-nò mé kjoa xi s'e nchijòn-lè; nga nchijòn-lè, s'ee-nò kjoa xi kokájno-nò; tà koií kjoa tìkájno xi tjin nàchrjein ì ndei.

7

*Mi kii koma jñà síkindaá jé-la xita xinguiáá
 (Lucas 6:37-38, 41-42)*

1 Ki kjo'in 'biil-là xita xinguió kjoa ts'e jé-la mé-ne nga mi kjo'in tjoé-nò kjoa ts'e jé-nò.

2 Koni s'ín k'oi-là kjo'in xita xi k'jei, k'oaá tís'ín tjoé ngajo-nò kjo'in. Jè chíbá xi síchibaya-là xinguió, tije kochibá ngajo-nò.

3 [¿Mé-ne jé-la xinguii níkindá-ne kò tsiji mikii níkindí? ¿Mé-ne chítsejèn-la jè tje xi kjinangui xkon xinguii, kò jè yá chíso xi kjinangui xkoiin mikii chítsejèn-la?

4 Tsá yá chíso kjinangui xkoiin, ¿a koma k'oiin-la xita xinguii: “Tjii'nde-ná nga kochrjekànguia tje xi kjinangui xkoiin”?

5 Ngaji xi jò ma ísén-lè, ítjòn tìnàchrjekàngui chíso xi kjinangui xkoiin mé-ne nga ndaa kotsejèn-lè, íkjoan tìnàchrjekàngui tje xi kjinangui xkon xinguii.

6 Tsojmì tsjeè xi ts'e Nainá, ki nañá 'biil-la mé-ne nga mi ya síkáfataa-lè kò ya skine-lè. Kò jè ndátton chíj xi níkiin, ki chinga níkatjen-la mé-ne nga mi ndsóko kìnchanè-ne.

*Kó s'ín síjé-lá Nainá k'e nga mé xi mejèn-ná
 (Lucas 11:9-13; 6:31)*

7 Tjé mé xi mejèn-nò, jè Nainá tsjá-nò; tìnchátsjioò Nainá, sakó-nò; tìnókjoat'aà-la Nainá mé xi mejèn-nò mé-ne skíx'a'nde-nò koni jngoò xotjoa.

⁸ Ngats'ìi x̄ita xi s̄ijé, t̄joé-là, jè xi ótsji, sakó-là k̄o jè xi ch̄jat' aà-là Nainá, táx' a' nde-là koni jngòò xotjoa.

⁹ J̄nò xi x̄ita jchínga 'mì-nò, tsà inchr̄ajín s̄ijé-nò ixti-nò, ¿a ndajóò k'oi-là? Majìn.

¹⁰ Koā tsà t̄in s̄ijé-nò, ¿a yéé k'oi-là? Majìn.

¹¹ J̄nò nas' in x̄ita xi ch'ò 'nè, ma-nò 'biì-là ixti-nò tsojmì xi ndaa kjoàn. Jè Na'èn-nò xi t̄jna ngajmì, isaá n̄ton s̄iis'in-nò nga ts̄jà-nò tsojmì xi ndaa kjoàn tsà j̄nò s̄ijé' aà-là.

¹² N̄jta mé kjòndaà xi mejèn-nò nga s̄iikò-nò x̄ita, k'oaá t̄is' in t̄ikò ngajo-nò. K'oaá s' in t̄ichja kjotixoma-là Nainá xi kiskii Moisés k̄o xojon-là x̄ita xi kiichja ngajo-là Nainá.

Kó k̄i xotjoa xi kit̄jás' eén

(Lucas 13:24)

¹³ T̄it̄jás' iòòn jè xotjoa xi 'nchr̄eya k̄i. Jè xotjoa k̄o jè ndiyá xi 'n̄ó tiyá, ndiyá-là k̄jo'in-né. K̄in x̄ita xi yá fahas'en.

¹⁴ K̄o jè xotjoa k̄o ndiyá xi 'nchr̄eya choòn, ndiyá-là k̄joabinachon-né, k̄o chiba x̄ita matsji-là.

Kó s' in jchaxkoán x̄ita it' aà ts' e xá xi s' in.

(Lucas 6:43-44)

¹⁵ Ndaa t̄ikindaa yijo-nò it' aà ts' e x̄ita ndiso xi tsò nga 'én-là Nainá sika' bí. K' e nga f' iikon-nò j̄nà x̄ita koi, im̄a kjoaá s' in koni orré tanga inim̄a-là, tsején ts' eén 'ya.

¹⁶ J̄nò jchaxkoòn x̄ita koi it' aà ts' e xá xi s' in. K' oaá ngaya-là koni jngòò yá xi ndaa toò ojà-là. Jè toò uva, mìtsà jè majchá-là yá na' yá. T̄ikoaá jè toò iko, mìtsà jè majchá-là yá na' yá.

¹⁷ Ngats' ìi yá xi ndaa kjoàn, ndaa toò ojà-là. Tanga jè yá xi mikii ndaa kjoàn, mikii ndaa toò xi ojà-là.

¹⁸ Jngòò yá xi ndaa k̄i, mìtsà ch' o kjoàn toò xi ojà-là. Koā jè yá xi ch' o k̄i, mikii ojà-là toò xi ndaa kjoàn.

¹⁹ Nga yije yá xi mikii ojà-là toò xi ndaa, satèsòn-là ikjoàn s̄inch̄ajìn ni' in nga k̄it̄i.

²⁰ K' oaá s' in jchaxkoòn x̄ita koi it' aà ts' e xá xi s' in.

Yá x̄ita xi kjoahas' en-j̄in n̄ánda nga Nainá t̄thotixoma

(Lucas 13:25-27)

²¹ Mìtsà tà ngats' ìi x̄ita xi tsò-na: “Na'èn, Na'èn”, kjoas' en-j̄in jè kjotixoma-là ngajmì. Tà j̄nà x̄ita xi kjoas' en-j̄in xi s̄ikitasòn koni s' in mejèn-là Na'èn-na xi t̄jna ngajmì.

²² K' e nga k̄jchò n̄achr̄jein, k̄jn x̄ita k̄it̄so-na: “Na'èn, Na'èn, ngajen kinokjoàya-nájén 'én-lè xi it' aà ts̄iji. Nga koó ' in-lè kinachr̄jekaj̄in-nájén inim̄a ch' o-là neji xi mikii ndaa; t̄ikoaá k̄jn kjoxkón ki' n̄e-jen xi ndaa t̄jìn.”

²³ K' eé k' oa xán-là: “Mikii bekkon-nò. T̄inchat' aax̄in-ná j̄nò xi ch' o ki' nè.”

Mé xi ngaya-là j̄nà x̄ita xi s̄ikitasòn 'én-là Jesús k̄o xi mikii s̄ikitasòn.

(Lucas 6:47-49; Marcos 1:22)

²⁴ Jè xi 'nchr̄é koā s̄ikitasòn 'én-na koni xan-là, k' oaá s' in ngaya-là koni jngòò x̄ita xi t̄jín-là kjoh̄itsjeèn; yaá b̄indaàsòn ni' ya-là n̄ánda nax̄i choòn.

²⁵ 'Ba jtsi; 'ba t̄joxkón; f' ìi xajngá nandá xi fahanè ni' ya; ni mé xi ma-là nga ndaa t̄jindaà jè ni' ya, yaá kijnasòn n̄ánda nax̄i choòn.

²⁶ Tanga n̄jta yá-ne xi 'nchr̄é 'én-na k̄o mikii s̄ikitasòn, k' oaá ngaya-là koni jngòò x̄ita xi ts̄jín-là kjoh̄itsjeèn; yaá b̄indaàsòn ni' ya n̄ánda jncha tsoimì.

²⁷ 'Ba jtsi; 'ba t̄joxkón; f' ìi xajngá nandá yaá bixòña ni' ya jè; mi tà k' oaá k̄i kjoa xi ma k' e nga bixòña.

²⁸ K' e nga jye kiichja Jesús, ngats' ìi x̄ita xi t̄itsajna, tà k' oaá komà-là koni tsò 'én xi tsakóya.

²⁹ K' oaá s' in tsakóya koni jngòò x̄ita xi 'n̄ó t̄jín-là kjotixoma, mìtsà k' oaá s' in tsakóya koni x̄ita xi okóya kjotixoma-là Nainá xi kiskii Moisés.

8

Kii komà nga kjòndaà jngòò-ne x̄ita xi t̄ibindojno chr̄joa yijo-là

(Marcos 1:40-45; Lucas 5:12-16)

¹ K' e nga itjojen-ne Jesús ya isò' nga nindoò, k̄jn x̄ita j' iit̄jngui-là.

² Jngòò x̄ita xi t̄ibindojno chr̄joa yijo-là ijchòkon koā tsasixkó' nchit' aà-là, kitsò-là:

—Na'èn, tsà mejèn-lè, t̄itsjeè-ná ch' in xi t̄jín-na.

³ Jesús, k' eé tsijmeé tsja nga tsohót' aà-là yijo-là x̄ita jè, kitsò-là:

—Mejèn-na, kàtandaà-ne yijo-lè.

K' e nga okitsò Jesús, n̄itòón kjòndaà-ne.

⁴ K' eé kitsò-là Jesús:

—Tɪnáyí, kɪ yá xítá xɪ bɛnɔjmí-lá. T'in nǎnda tǐjna nɔ'miì, takó-lá yijo-lè nga jyeé kjòndaà-ne; koa jch'jì kjotjò-lè, tsojmi xi sjé kjotixoma-lá Nainá xi kiskii Moisés, mé-ne nga kàtèè-ne jǎn xítá nga jyeé kjòndaà-ne ch'in-lè.

Kii komà nga kjòndaà-ne ch'nda-lá xi xítá sko-lá soldado
(Lucas 7:1-10)

⁵ K'e nga jahas'en Jesús yá naxandá Capernaum, jngoò xítá sko-lá soldado ts'e Roma ijchòkon, kisijé-lá kjòndaà.

⁶ Kitsò-lá:

—Ná'èn, xítá ch'nda-na kijna-né ján ni'ya-na. Tsí 'nò xk'én koa tifa kjo'in nga mikii ma síhiníyá yijo-lá.

⁷ Jesús kitsò-lá:

—Koma kjisindaà-na.

⁸ Jè xítá sko-lá soldado kitsò:

—Ná'èn, mikii ok'in-na nga ngaji k'óin sobi ni'ya-na, tà saá tjii okixi nga kàtandaà-ne, koa kondaà-ne ch'nda-na.

⁹ 'An, tjiin-na nga tjin-lè kjotixoma. Tjkoáá 'an, tjin-na xítá ítjòn xi otixoma-na, tjkoáá tjin-na soldado xi 'an otixoma-lá, k'e nga xan jngoò-lá: "T'in", fi-né; xan-lá xi ljngoò: "Nchroboi", nchrobá-né; koa k'e nga xan-lá jè xi ch'nda-na: "K'oa t'jin", síkitasòn-na.

¹⁰ K'e nga kii'nchré Jesús jǎn 'én koi, tà kjòxkón-lá. Kitsò-lá jǎn xítá xi tjingui-lá:

—Okixii xi xan-nò, yá Israel ni saá jngoò xítá sakó-na xi k'ogas'in ndaà mokjeiin-lá koni jè xítá jè.

¹¹ K'oaá xan-nò, kjin xítá kjoii-ne nga ñijòn chrjangui-lá isò'nde xi kòkjen-kò Abraham kò Isaac kò Jacob yá ngajmiì nǎnda tíhotixoma Nainá.

¹² Tanga jǎn xítá xi tjin-ne nga yá kitsajna nǎnda kotixoma Nainá, kjtjokàjiiin-né; ján kjoii nditsin nǎnda jǎn choòn, kò yáá skindàya koa sijnjts'in ni'ño.

¹³ K'eé kitsò-lá Jesús jè xítá sko-lá soldado:

—T'in-ne ni'ya-lè; koni s'in nga ndaà mokjeiin-lè, k'oaá s'in koma.

Jè ch'nda-lá tjik'eé kjòndaà-ne.

Kii kis'in Jesús nga kisindaà-ne nachíya-lá Pedro
(Marcos 1:29-31; Lucas 4:38-39)

¹⁴ Jesús kii ni'ya-lá Pedro koa kijtsee nachíya-lá nga kijna xk'én; ch'in tjinga tjin-lá.

¹⁵ Jesús tsohót'aà-lá tsja jè chjoón, nitoón kjòndaà-ne ch'in tjinga-lá, tsasitjen-ne jè chjoón, ijjoàn kisis'in-lá Jesús.

Kii kis'in Jesús k'e nga kjin xítá xk'én j'iiiko-lá
(Marcos 1:32-34; Lucas 4:40-41)

¹⁶ K'e nga jye kòjñò, kjin xítá xk'én j'iiiko-lá Jesús xi iníma ch'o-lá neii tjin-lá. Jesús tà jngoò okixi kitsjaá nga tsatixoma-lá mé-ne nga itjokàjiiin-ne iníma-lá jǎn xítá ngats'ii iníma ch'o-lá neii, koa kjòndaà yije-ne xítá xk'én.

¹⁷ Kjoa koi koni s'in komà, koi tsitasòn koni kitsò Isaías xítá xi kiichja ngajo-lá Nainá k'e nga kitsò: "Jè jaaxìn ch'in-ná kò jè kiskijeiin kjo'in nga kjòndaà-ne nǎnda kitsi'on yijo-ná."

Mé xi sjé Jesús it'aà ts'e xítá xi mejèn-lá ftjngui-lá
(Lucas 9:57-62)

¹⁸ K'e nga kijtsee Jesús nga kjin ma-ne xítá xi kitseendù-lá, kitsjaá-lá okixi xítá xi kota'yát'aà-lá nga kii ján xijngoaá ndáchikon.

¹⁹ K'eé j'ii jngoò xítá xi okóya kjotixoma-lá Nainá xi kiskii Moisés, ijchòkon Jesús, kitsò-lá:

—Maestro, kjitjngui-lè nitá nǎnda nga k'óin.

²⁰ Jesús kitsò-lá:

—Jǎn ninda tjin-lá nguijo nǎnda oyijò, koa jǎn nise tjin-lá tjé, tanga 'an xi Ki'ndí-lá Xítá xan-lá yijo-na, tsjin-na j'nde nǎnda síkjáya.

²¹ Jjngoò xítá xi kota'yát'aà-lá kitsò-lá:

—Ná'èn, tjii'nde-ná nga ítjòn kjián kihijǎa ná'èn-na.

²² Jesús kitsò-lá:

—Ji, nchrobátjngui-ná, jǎn mik'en kàtihijiiin mik'en-lá.

Kii kis'in Jesús nga kiskijnajyò tjoxkón ya jiiin ndáchikon
(Marcos 4:35-41; Lucas 8:22-25)

²³ Jahas'en Jesús jè chitso; kjihijtako jǎn xítá xi kota'yát'aà-lá.

²⁴ Tà nitoón tsatsejen jngoò tjoxkón kò jtsí yá jiiin ndáchikon, kò jè ndáchikon taxkí komà-né, mejèn bíjtsa'ma jè chitso. Tanga jè Jesús kjinafé-né.

²⁵ Jǎn xítá xi kota'yát'aà-lá k'eé kiikon nga kiskijaá-lá Jesús, kitsò-lá:

—Na'èn, tìkinda-nájen. Jye tìtsabixònguindá.

²⁶ Kùichja Jesús kitsò:

—¿Mé-ne tsakjoòn-nò? Ñó chiba mokjeiín-nò xi it'aà ts'en.

K'ée tsasitjen Jesús, tsohótiko tjoxkón ko ndáchikon koa nitoón kisijyò-ne tjo koa kjòndaàya-ne.

²⁷ Koa jña xita xi kota'yat'aà-la tà kjòxkón-la, kitsò:

—Yá xita-ne jè skanda jè tjo ko ndáchikon sikitasòn-la.

*Kii kis'in Jesús nga tsachrjekajin inima ch'o-la neji xi tjin-la xita Gadara
(Marcos 5:1-20; Lucas 8:26-39)*

²⁸ K'e nga ijchò Jesús ján xijngoà ndáchikon ya nangui Gadara, jò xita ijchò kinchat'aà-la xi ya itjo-ne ya ñanda sihiijn mik'en. Inima ch'o-la neji tjin-la. Ñó jhán ts'en, kjaán-ko-ne tsá yá xi ya kjoahaya ndiyá.

²⁹ Ñó kùichja nga kitsò:

—¿Mé xi mejèn-lè ko ngajen, ji xi Ki'ndí-la Nainá 'mì-lè? ¿A koií xá kòf'i-ne nga jchatoòn-nájen k'e nga tìkj'e'e bijchò nachrjein-la kjò'in?

³⁰ Ya chrañat'aà-la kjin jhán chinga nchikjèn-jno,

³¹ koa jña inima ch'o-la neji tsibitsi'ba-la Jesús, kitsò-la:

—Tsá kinachrjekajin-nájen, tjiinde-nájen nga kitjás'en-jiin-jen yijo-la chinga koi.

³² Jesús kitsò-la:

—Ndaa tjin, tanguió.

Ijjoan itjoijn yijo-la jña xita koi, k'ée jahas'en-jiin yijo-la jña chinga, koa ngats'ii chinga tsatíkajen-jno ya naxi skanda jiin ndáchikon ko yaá k'en.

³³ Jña xita xi ko'nda chinga tsanga; k'e nga ijchò jiin naxandá, tsibénojmí yije kjoa xi komá ko kjoa xi komat'in jña xita xi inima ch'o-la neji tjiin inima-la.

³⁴ K'ée ijchò ngats'ii xita naxandá ñanda tjina Jesús; k'e nga kijtseèkxon tsibitsi'ba-la nga xin nangui kàtji.

9

*Kii kis'in Jesús nga kisindaà jngoò-ne xita xi mi kì ma sihiníyá yijo-la
(Marcos 2:1-12; Lucas 5:17-26)*

¹ K'e nga jahas'en Jesús jè chitso, jahatot'aà xijngoà ndáchikon koa ijchò-ne naxandá-la.

² Ya ijchòko jngoò-la xita xi mikii ma sihiníyá yijo-la; kjinason-la nachan-yá. K'e nga kijtseé Jesús nga jña xita koi mokjeiín-la it'aà ts'e, kitsò-la jè xita xk'én:

—Ji ndí na'èn, tjiin-la nga ñó yijo-lè; jé-lè jye kichàat'aà-lè.

³ Jña xita xi okóya kjotixoma-la Nainá xi kiskii Moisés, tjin i'nga xi kitsò kjohitsjeèn-la: “Xita jè, Nainá chjajno-la.”

⁴ Jesús nitoón kijtseeya-la koni s'in nchisíkitsjeèn, kitsò-la:

—¿Mé-ne kotsò-ne kjohitsjeèn-la inima-nò nga ch'o tsò-ne?

⁵ ¿Mé xi isa chiba 'in tjin, tsá xán-la jè xita xi xk'én: “Jé-lè jye kichàat'aà-lè”, ko tsá xán-la: “Tisitjiin koa tijeí?”

⁶ Kokoò-nò nga 'an xi Ki'ndí-la Xita xan-la yijo-na, tjiinde-na nga sijchàat'aà-la jé-la xita i jsò'nde.

K'ée kitsò-la jè xita xk'én:

—Tisitjiin, chjoi nachan-lè, t'in-ne ni'ya-lè.

⁷ K'ée tsasitjen jè xita xk'én, kii-ne ni'ya-la.

⁸ K'e nga kijtseé jña xita nga tsasitjen-ne jè xita xk'én, tà k'oaa koma-la; k'ée jeya kisikijna Nainá nga k'oas'in tse nga ñó tsjá-la xita jsò'nde.

*Mé kjoa xi komá k'e nga jè Jesús kùichja-la Mateo
(Marcos 2:13-17; Lucas 5:27-32)*

⁹ Jesús kii-ne i'nde jè. K'e nga tifi, kijtseé jngoò xita xi 'mi Mateo xi tjinat'aà imixa ya ñanda sikíchitji tsojmi, ton xi fi Roma; kitsò-la:

—Nchrobátjngui-ná.

K'ée tsasitjen Mateo, kùitjngui-la Jesús.

¹⁰ K'e nga tjinat'aà imixa Jesús nga tikjèn ya ni'ya-la Mateo, kjin xita j'ii xi tikoa tsojmi sikíchitji ko xita xi jé tjin-la. Tikoa tsibitsajnat'aà imixa, tsakjèn-ko Jesús ko jña xita xi kota'yat'aà-la.

¹¹ Tanga jña xita fariseo, k'e nga kijtseé xita koi, kiskònangui-la xita xi kota'yat'aà-la Jesús, kitsò-la:

—¿Mé-ne k'oas'in-ne maestro-nò nga xita xi sikíchitji tsojmi ko xita jé kjèn-ko-ne?

¹² Kii'nchré Jesús, k'ée kitsò-la:

—Jñà x̄it̄a xi mì ch'in t̄jín-là, mì ch̄jìnexkìlì mochjeén-là, jñà-né x̄it̄a xi xk'én xi mochjeén-là ch̄jìnexkìlì.

¹³ Tanguió chítà'yà ìsà kó tsòya-ne Xojon-là Nainá xi tsò: “An mejèn-na nga kátas'e-nò kjohimatakòn; kì tà tsjaà chō nik'e'èen kjotjò xi 'an 'biì-nà.” Mìtsà koi xá j'ì-na 'an nga j'íkjaàjñàa x̄it̄a kixì, jñà-né x̄it̄a xi t̄jín-là jé nga kátasíkájno jé-là nga mì t̄j̄ jé kohòtsji-ne.

Kó kitsò Jesús k'e nga kitjòngui-là mé-ne mì bitsajnachjan-ne x̄it̄a-là
(Marcos 2:18-22; Lucas 5:33-39)

¹⁴ Jè Juan xi kis'ìin bautizar x̄it̄a, jñà x̄it̄a xi kota'yàt'aà-là j'ìikon Jesús ñánda t̄jna koa kiskòngui-là, kitsò:

—Ngajèn kō x̄it̄a fariseo kjit'aà nachrjein bitsajnachjan-jen. ¿Mé-ne jñà x̄it̄a tsjii mìkìlì bitsajnachjan-ne?

¹⁵ Jesús kitsò-là:

—¿A baá bitsajna x̄it̄a k'e nga s'eí t̄jín k'e nga t̄tsajna osen xi kòbixan? Tanga k̄jchò nachrjein k'e nga t̄jãx̄in-là x'ìn xi kòbixan, k'e-né nga kitsajnachjan x̄it̄a.

¹⁶ Jngòo nikje ìbaà mìkìlì ma sjito-ne kō nikje x̄it̄se; nga jè nikje x̄it̄se, kjeèn-yó-né koa kotejnda-né jè nikje ìbaà. Ìsà tse koma ñánda kixajnda kji.

¹⁷ T̄jkoáá mìkìlì ma s̄inchá xán ixii jè chrjoa jchínga, jè xán ixii kotijnda-né jè chrjoa jchínga koa x̄ixteèn jè xán. T̄jkoáá ch̄ija jè chrjoa. Jè xán ixii, chrjoa x̄it̄seé s̄inchá. K'oáá s'ín ndaa s̄inchá ingajò.

Tsòti-là Jairo kō chjòón xi kitsobà nikje-là Jesús
(Marcos 5:21-43; Lucas 8:40-56)

¹⁸ T̄j'k'èé-ne nga t̄ichja Jesús, ijchò jngòo x̄it̄a skò-là jñà x̄it̄a judío, tsasixk'ò'nchit'aà-là, kitsò-là:

—Ndí tsòti-na, s̄a kò jye k'en; tanga tsà jì k'óin kō tsà kjòt'aà-là ndsejì, kíjnakon ijngòo k'a-ne.

¹⁹ Tsasitjen Jesús, k̄iiko jè x̄it̄a skò-là kō jñà x̄it̄a xi kota'yàt'aà-là.

²⁰ K'e nga nchifi, jngòo chjòón ijchòt̄jngui-là; chjòón jè, jyeé kō tejò nó xk'én nga t̄ix̄ixteèn-là jñí. Kìlì kasit'aà chraña-là Jesús ya ijton ít̄s'in nga kitsobà'ñó it̄jòn nikje-là.

²¹ K'oáá s'ín t̄hóko inima-là: “Tsà tà jè sikoaa nikje-là, kondaá-na.”

²² Jè Jesús kisikáfaya, k̄ijtseé chjòón jè, kitsò-là:

—Ndí nea, t̄jiil-là nga'ñó yijo-lè. Kòmandaà-ne koi-né nga mokjeiín-lè j't'aà ts'an.

T̄jje-ne hora kjòndaà-ne chjòón jè.

²³ K'e nga ijchò Jesús ya ni'ya-là jè x̄it̄a skò-là x̄it̄a judío, k̄ijtseé música xi nchisikjane nga jye k̄ihijjìn mik'en koa k̄ijtseé nga fijen fikjã x̄it̄a nga 'ñó nchikjindaya.

²⁴ Kitsò-là:

—T̄itjoo ni'ya; jè tsòti mìtsà kòbiyaà, tà k̄jinafé-né.

Jñà x̄it̄a, tà ts̄ijnòkeè-né k'e nga okitsò Jesús.

²⁵ Tanga Jesús tsachrje ni'ya ngats'ìi x̄it̄a xi t̄tsajna; k'èé jahas'en ni'ya, kiskoé tsja jè tsòti, koa jè tsòti tsasitjen.

²⁶ Nga kijnda ì'nde jè, tsabisòn 'én j't'aà ts'e kjoa xi koma.

Kó s'ín komàt'in x̄it̄a xi jò ma-ne xi mìkìlì tsejèn-là

²⁷ K'e nga itjo-ne Jesús ì'nde jè, jò x̄it̄a xi mìkìlì tsejèn-là k̄iit̄jngui-là; 'ñó k̄iichja, kitsò-là:

—¿Ch̄ahimatakòn-nájen, ngajì xi ya nchrobàt'aà-ne tje-là x̄it̄axá ít̄jòn David [nga jì t̄jna ngajo-là]!

²⁸ K'e nga jahas'en ni'ya Jesús, jñà x̄it̄a xi mìkìlì tsejèn-là ijchòkon. Jesús, kiskòngui-là, kitsò-là:

—¿A mokjeiín-nò nga koma-na s̄indaà-nò?

K'èé kitsò jñà x̄it̄a xi mìkìlì tsejèn-là:

—Jon, Nà'èn. Komaá-lè.

²⁹ Jesús k'èé kisiko jñà xkòn, kitsò-là:

—Jñò, koni s'ín mokjeiín-nò, k'oas'ín kàtandaà-nò.

³⁰ Jñà x̄it̄a xi mìkìlì tsejèn-là, k̄itãx̄a-ne xkòn koa kjòndaà-ne. Jesús 'ñó tsibinè-là nga kitsò-là:

—Ndaa t'een kindã nga mì yá x̄it̄a xi skoé kjoa koi.

³¹ Tanga jñà x̄it̄a koi, k'e nga itjo-ne ni'ya, t̄j'k'èé tsibíts'ia nga tsibénojmi nga kijnda ì'nde jè, kós'in kis'ìin Jesús.

Kó s'ín komà nga kjòndaà-ne jngòo x̄it̄a xi mìkìlì ma chja

³² K'e nga jye nchifi-ne jñà x̄it̄a xi mìkìlì tsejèn-là, j'ìiko jngòo-là Jesús x̄it̄a xi mìkìlì ma chja nga inima ch'o-là nejí t̄jiil inima-là.

³³ Jesús k'e nga jye tsachrjekàjìn inima ch'o-là nejí xi t̄jiil inima-là jè x̄it̄a xi mìkìlì ma chja, t̄j'k'èé komà k̄iichja-ne. Ngats'ìi x̄it̄a xi yá t̄tsajna tà kjòxkòn-là. Kitsò:

—Kj'e'e kii 'yaá kjoa xi k'oas'in ma i j'nde Israel.

³⁴Tanga jñà xita fariseo kitsò:

—Jè sobà xita sko-la xita neij tsjá-la nga'ño nga ma-la ochrjekajin inima ch'o-la neij xi tjín-la xita.

Kó kitsò Jesús k'e nga kjòhimakeè xita xi kjin ma-ne

³⁵Jesús tsajmeéjin ñánda naxandá ii kò naxandá jtabá nga tsakóya 'én-la Nainá ya ni'ya ingo sinagoga ts'e naxandá koi. Kiichjaya 'én ndaà-la Nainá koni s'in otixoma Nainá; tikoá kisindaà-ne ngats'ii ch'in xi tjín-la xita nga xkí xi ján ijòjno ijòt'aà yijo-la.

³⁶K'e nga kijtsee Jesús nga kjin ma xita, kjòhimakeè nga 'ño makájno-la kò mì yá xi osiko nga jye títsohoya k'oáá ngaya-la koni orré xi tsjin-la paxtó xi ko'ndá.

³⁷K'e'e kitsò-la xita xi kota'yat'aà-la:

—Xi okixí, 'ño tse xá tjín xi it'aà ts'e 'Én-la Nainá koni s'in ma k'e nga kjin tsojmi majchá tanga jñà xita ch'i'nda xi síxá, chiba ma-ne;

³⁸titsi'ba-là jè Nei-la xá, kátasíkasén-isa xita ch'i'nda xi kojíxkò tsojmi koi.

10

Kó 'mì 'ín-la xita-la Jesús xi tejó ma-ne

(Marcos 3:13-19; Lucas 6:12-16)

¹Nga koma iskan Jesús kiichja-la xita-la xi tejó ma-ne xi kota'yat'aà-la, kitsjaà-la kjotixoma nga koma kochrjekajin inima ch'o-la neij xi tjín-la xita koá koma-la sindaà-nè nita mé ch'in-ne nga ijòjno ijòt'aà yijo-la xita.

²Jñà 'ín-la xita xi tejó jaájlin Jesús nga tsibixáya-la: jè tjína ítjòn, Simón xi tikoá Pedro ki'mì, kò Andrés xi 'ndse ma Pedro; Jacobo kò 'ndse Juan xi ixti-la Zebedeo;

³Felipe, Bartolomé, Tomás, kò Mateo jè xi kisikíchijiti tsojmi ts'e Roma; Jacobo, ti-la Alfeo; Lebeo xi tikoá Tadeo ki'mì;

⁴Simón, xita xi ya fit'aà-la xita cananista; kò Judas Iscariote jè xi kisingatsja kondra-la Jesús.

Kós'in tsatixoma-la Jesús xita-la xi tejó ma-ne xi kisikasén nga kisika'bí 'én-la Nainá

(Marcos 6:7-13; Lucas 9:1-6)

⁵Jesús kisikasén nga tejó xita xi kota'yat'aà-la nga kisika'bí 'én-la Nainá koá kitsjaà-la kjotixoma, kitsò-la:

—Mikii onguió ya i'nde-la jñà xi mitsà xita judío; tikoá mikii bitjaàs'en-jñoò ya naxandá-la xita Samaria.

⁶Yaá tanguichòn jñà xita naxandá Israel koni orré xi kichijà.

⁷K'e nga onguió tinókoaya koá tixón: “Jye kjòchrañat'aà-nò nachrjein nga jchaá kó s'in otixoma jè xi ngajmii nchrobá-ne.”

⁸Tindaà-nò xita xi xk'én; títsee jè xi tbindojno chrjoa yijo-la; tikjaáya-là xi jye k'en; nachrjekajñoò inima ch'o-la neij xi tjiin inima-la xita. Tà kjotjò kitjoe-nò nga'ño koi, tikoáá tà kjotjò tjil ngajo-la jñà xita.

⁹Nimé ton ch'aà.

¹⁰Ki na'ya ch'aà xi it'aà ts'e ndiyá. Mikii tsá jò nachro ch'aà. Tikoáá mikii xoxté tsjayaá. Tikoáá ki yá garrote ch'aà. Nga jè xita xi síxá, mochjeén-né nga k'oj-la tsojmi xi skine.

¹¹K'e nga kijchoò naxandá ii, o xi naxandá jtabá tñchatsjioò jngoò ni'ya xi ndaà xita nei-la, yaá titsajnakoo skanda k'e nga ongui-nò.

¹²K'e nga kijtás'een ni'ya, tixat'aà jñà xita nei-la ni'ya.

¹³Tsá jñà xita nei-la ni'ya skoétjò-nò, tichikon-t'ioòn nga s'e-la kjoa'nchán, tanga tsá mikii skoétjò-nò, tà saá jño s'e-nò kjoa'nchán nga siichikon-t'in-nò Nainá.

¹⁴Tsá mikii skoétjò-nò, kò tsá majin-la kji'nchré 'én-nò, titjoo ni'ya jè, o naxandá jè, koá titsajné chijo-la ndsokoò.

¹⁵Okiixí xi xan-nò, naxandá jè, isaá tse kjo'in s'e-la jè nachrjein k'e nga sindaàjin-la xita, mì k'oáá-ne koni jñà xita ts'e naxandá Sodoma kò Gomorra.

Kjo'in xi tjín k'e nga 'én-la Nainá bènojmiá

¹⁶Tiná'ya, 'an, k'oáá s'in sikasén-nò koni tsá orré ya jjiin-la cho tsején. Jño, titsajnandaà nita mé kjoa-ne koni tsá ye xi 'ño maña tikoá indaákjoa kátama koni tsá nise paloma.

¹⁷Ndaá tikindaá yijo-nò. Jñà xita koi, ján skinìt'aà-nò nguixkon xitaxá koá skaàn-koo-nò ya ni'ya ingo sinagoga.

¹⁸Skanda ján kjiko-nò nguixkon xitaxá gobernador kò xitaxá ítjòn, tà koi kjoa-la it'aà ts'an. K'oáá s'in koma kijnójoa-là 'én xi ts'an jñà xitaxá kò jñà xi mitsà xita judío.

¹⁹K'e nga skinìt'aà-nò ñánda titsajna xitaxá, kò makájno-nò kós'in kijnójoa, o kós'in kixón. Nga tik'eé-ne, Nainá tsjá-nò 'én xi kijnójoa.

²⁰ Nga mitsà jñò xi kìnókjoaa; jè Inimà Tsjeè-là Nainá tsjá-nò kjohítsjeèn nga ma kìnókjoajjìn-là jñà xíta.

²¹ 'Tijè-ne 'ndse sijnatsja 'ndse xíta nga sijn'en. Jè na'èn-là sijnatsja ki'ndí-là nga sijn'en xíta. Jñà jxti-là sijnatsja na'èn-là nga kiyá.

²² Ngats'ii xíta isò'nde kojtikeyè-nò xi kjoa ts'an; tanga jè xíta xi kixi kijn skanda kjoehet'aà-ne, jè-né xi kítjokâjijn kjo'in.

²³ K'e nga kítjijngui kondra-nò xíta xi jngoò naxandá, tujó, xìn naxandá tanguió. Okixij xi xan-nò, 'an xi Ki'ndí-là Xíta xan-là yijo-na, isaá ítjòn kjoiaa nga tikj'eè onguió yije kóhokji naxandá Israel.

²⁴ Jngoò xíta xi kota'yà mitsà isa tjna ítjòn koni maestro-là; tikoaa jngoò xíta xi chí'nda tjna mitsà isa tjna ítjòn-là nei-là.

²⁵ Jè xíta xi kota'yà kojngoó ikon tsà k'oas'in kijchò koni jè maestro-là ko jè xi chí'nda tjna tsà tà k'oas'in kijn koni jè nei-là. Jè xi na'èn tjna, xíta neij tsò-là; jñà xi jxti-là, isaá tsato ch'ò kító-là.

Yá xíta xi kiskón-lá

(Lucas 12:2-9)

²⁶ 'Ki xíta tsakjoòn-là. Nga ni mé tjin xi tjttsa'ma xi mikii kotsejèn; ngats'ii xi tji'ma, jchaá-là.

²⁷ Jè kjoa xi k'oas xan-nò k'e nga jñò choòn, k'oaá tixón k'e nga naxhrjein; koa jè xi kjoa'ma xan-nò, jñò tijnókjoaya kóhokji isò'nga ni'ya.

²⁸ 'Ki tsakjoòn-là jè xi ma-là sik'en yijo-ná, tanga inimà-ná mikii koma-là sijn'en. Jè xi tjskón-là xi ma-là sik'en yijo-ná ko inimà-ná nga kinijjìn-ná ni'in ts'e kjo'in.

²⁹ 'Maá satijna jò ndí njise nas'in tà jngoò ma ton-ná. Tanga nijngoò njise kiyá tsà mikii tsjá'nde Nainá.

³⁰ Jñò, skanda tsjaskò tíxkeya yije-là Nainá.

³¹ Koií kjoa-là, kì tsakjoòn-jèn. Isaá tse chí-nò mì k'oaá-ne nas'in kijn ma ndí njise.

Jñà xíta xi tsò nga 'an fit'aà-na

(Lucas 12:8-9)

³² 'Nita yá-ne xi tsjá 'én nga nguixkon xíta nga 'an fit'aà-na, 'an k'oaá tì xán nga nguixkon Na'èn-na xi tjna ngajmii nga xíta ts'an-ná.

³³ Tanga jè xi kójna'mat'in-na nga nguixkon xíta, 'an k'oaá tìs'in kójna'mat'ian it'aà ts'e nga nguixkon Na'èn-na xi tjna ngajmii.

Kii koma nga kojòya xíta xi kjoa ts'e Cristo

(Lucas 12:51-53; 14:26-27)

³⁴ 'Ki K'oaá s'in nikitsjeèn nga kjoa'nchán j'ii koaa isò'nde. Mì kjoa'nchán j'ii koaa, tà saá kjoajchán j'ii koaa.

³⁵ Koií xá j'i-na nga jñà xíta, tijè-ne na'èn-là koma-ne kondra-là; jè tsòti-là, tijè koma-ne kondra-là nea-là; ko jè kja'nda-là, tijè naxhíya-là koma-ne kondra-là.

³⁶ Nga jngoò jngoò xíta, tijjñà-ne xíta ni'ya-là koma kondra-là.

³⁷ 'Jè xi isa tjókeè na'èn-là ko nea-là ko 'an mikii matsjakeè-na, mikii ok'in-là nga xíta-na xán-là; ko jè xi isa tjókeè ti-là, o jè tsòti-là, ko 'an mikii matsjakeè-na, mikii ok'in-là nga xíta-na xán-là.

³⁸ 'Jè xi kjo'in tsakjón-là nga majìn-là ojen krò-là nga 'an kjinchrobà tjingui-na mikii ok'in-là nga xíta ts'an xán-là.

³⁹ 'Jè xíta xi ndaa ótsji kós'in ma sijnkinda yijo-là nga mì mé kjo'in sakò-là, tà saá sijnhija-né ko kjo'in kijnajjìn; tanga jè xi tijnandaá nga tsjá yijo-là nga kiyá xi kjoa ts'an, sakò-là kjoabinachon nga it'aà ts'an ndaa kijn.

Kjondaá xi tjin-là xíta xi skoétjò xíkjin

(Marcos 9:41)

⁴⁰ 'Jè xíta xi skoétjò-nò, 'an kjoétjò-na; ko jè xi skoétjò-na, jè kjoétjò xi kisikasén-na.

⁴¹ 'Jè xíta xi kjoétjò jngoò xíta xi chja ngajo-là Nainá, koií kjoa-là nga 'én-là Nainá chja, k'oaá tìs'in kochikon-t'in koni jè xíta xi chja ngajo-là Nainá. Ko jè xíta xi skoétjò jngoò xíta kixi, koií kjoa-là nga ndaa s'in, tikoaa tà ngásòn kochikon-t'in koni jè xíta kixi.

⁴² 'Nita yá-ne xi tsjá jngoò chítsín-là nandá 'nchán jngoò ndí xíta ima-na koií kjoa-là nga 'an kota'yàt'aà-na, okixi-né kochikon-t'in-né.

11

¹ K'e nga jye kitsjaá-là okixi kós'in sijná xíta-là xi tejò ma-ne xi kota'yàt'aà-là Jesús, kiiakóya ko kisika'bí 'én-là Nainá ngats'ii naxandá xi tjin ya j'nde jè.

Jesús, kii kitsò-là xíta xi ijchò kjònanngui-là it'aà ts'e Juan

(Lucas 7:18-35)

² Juan, nga ndayá tǎjna'ya, kii'nchré kjoa xi tís'in Cristo [xǐta xi xó kisikasén-ne Nainá]. Kisikasén i'nga xǐta xi kota'yàt'aà-la

³ nga kii kjònangi-la. Kitsò-la:

—¿A jì-né xi Cristo xi tǎjnè-lè nga kjoji a xi k'ejí chǐña-lajen?

⁴ Jesús kitsò-la:

—Tanguió, tènójmí-la Juan jǎa kjoa xi títsa'yaà ko xi títsana'ya.

⁵ Jǎa xǐta xi mikii tsejèn-la, jyeé tsejèn-la; jǎa xi tsá'ya kjoàn, jyeé ma fi-ne; jǎa xi tibindojo chrjoa yijo-la, tímatsjeéjo-ne yijo-la; jǎa xǐta xi jtayaa, jyeé 'nchré-ne; ko xǐta xi jye k'en, nchifaayaá-la; koa jǎa xǐta ima, jyeé tís'enojmí-la 'én ndaa-la Nainá.

⁶ Mé tà ndaa-la jè xǐta xi ngui jngoo k'a ndaa mokjeiín-la jǐt'aà ts'an nga nì mé xi osijna-ikòn-la.

⁷ K'e nga jye kii-ne xǐta xi kota'yàt'aà-la Juan, tsibíts'ia Jesús nga tsohóko xǐta xi jǐt'aà ts'e Juan, kitsò-la:

—¿Mé xi tsangui chǐtsejèn-la ya j'nde jǐt'aà xǐn ñánda nangui kixi choòn? ¿A jè tsangui chǐtsejèn-la jngoo xǐta xi yá ínaxo kji nga tsjin-la nga'ño nga ma síjtǐya-la tjo?

⁸ Tsà majin, ¿mé-né xi tsangui chǐtsejèn-la? ¿A jngoo xǐta xi 'ño ndaa kji nikje-la? Jǎa xǐta xi 'ño ndaa kjoàn nikje-la, yaá títsajna ya ni'ya-la xǐtaxá ítjòn.

⁹ ¿Mé xá xi tsangui-nò? ¿A jè tsangui chǐtsejèn-la jngoo xǐta xi chja ngajo-la Nainá? Okixi-né, k'oaa xan-nò, Juan, isaá tǎjna ítjòn mì k'oaa-ne koni jngoo xǐta xi chja ngajo-la Nainá.

¹⁰ It'aà ts'e Juan, yaá tíchja Xojon-la Nainá nga tsò:

'Aán sikasén ítjòn-lè xǐta-na xi kjiiko 'én, jè xi kojindaaya ítjòn-lè ndiyá-lè.

¹¹ Okixi-né, ngats'ii xǐta xi tǎjn i jǐsò'nde, ni saá jngoo xǐta bitjokájin xi mangásòn koni jè Juan xi kis'in bautizar xǐta; tanga ya jjiin naxandá ñánda otíxoma jè xi ngajmii nchrobá-ne, jè xǐta xi fehet'aà-ne, isaá jeya tǎjna mì k'oaa-ne koni Juan.

¹² Tjen-ne nga j'ii Juan xi kis'in bautizar xǐta, jè kjotíxoma-la ngajmii, tse kjoasii tísakó-la skanda nachrjein j'nde; jǎa xǐta ts'en mejèn-la nga kàtachija kjotíxoma.

¹³ Ngats'ii xǐta xi kiichja ngajo-la Nainá ko xojon ts'e kjotíxoma-la Nainá xi kiskii Moisés, tà 'én j'ii ko skanda k'e nga j'ii Juan xi kis'in bautizar xǐta.

¹⁴ Tsà mokjeiín-nò koni tsò jè kjotíxoma ko xǐta xi kiichjaya tikoaa kokejiín-nò nga jè Juan, jè-né xǐta xi 'mì Elías xi tǎjnè-la nga kjoji.

¹⁵ Ndaa tǎná'yaà koni xan-nò.

¹⁶ ¿Yá xi siingáson-koa jǎa xǐta xi tǎjn nachrjein j'nde? Jǎa kongásòn-kjoò jǎa jǐxti xi bitsajna nditsin nga síská, chja-la xǐjín, tsò-la:

¹⁷ "Kànkjaneé-nòjen xobí tanga jǎa, mikii kàchà; kàjndaá-nòjen sò xi ba tsò tanga jǎa, mikii kàchihindayaá."

¹⁸ K'e nga j'ii Juan, mìtsà 'ño tsakjèn, ni mì xán kits'ii, koa jǎa bixón-nò: "Inima ch'o-la neji tǎjn-la."

¹⁹ Ikjoàn j'iaa xi Ki'ndí-la Xita xan-la yijo-na; ma-na kjeen, tikoaa ma-na 'biaa; jǎa xǐta tsò-né: xǐta chrjá'a-né, xǐta ch'j-né, amigo-la-né jǎa xǐta-la xǐtaxá Roma xi síkíhǐtjǐ tsojmi ko jǎa xi xǐta jé. Tanga jè kjoachjine-la Nainá, 'yaá-la nga kixi tǎjn k'e nga jye bitasòn.

Jesús, kii kitsò-la jǎa xǐta naxandá xi mikii 'nchréñijon

(Lucas 10:13-15)

²⁰ Jesús k'ee tsibíts'ia nga tsohótiko ngats'ii xǐta naxandá ñánda nga kjin kjoakón-ndaà kis'in, koií kjoa-la nga jǎa xǐta xi ya j'nde-la mikii kisikájno jé-la nga tákó jé nchihótsji. Kitsò-la:

²¹ —¡Ima xó-nò jǎa, xǐta naxandá Corazín! ¡Ima xó-nò jǎa, xǐta naxandá Betsaida! Tsà ya-làne naxandá Tiro ko Sidón nga k'oas'in kis'iaàn kjoakón xi ndaa tǎjn xi komà ya jjiin naxandá tsajòn, tsà jǎa xǐta Tiro ko Sidón kijtsee, jyeé-la nikje naxá íkjá ko chijo ni'in kisikájno sko koni seña nga jye kisikájno kjoa ts'e jé-la, mì tǐ jè ótsji-ne.

²² Tanga k'oaa xán-nò, k'e nga jè nachrjein nga sindaajjin, isaá tse kjo'in s'e-nò mì k'oaa-ne koni jǎa xǐta naxandá Tiro ko Sidón.

²³ Koa jǎa xi xǐta naxandá Capernaum tsajòn, ¿a k'oaa s'in mokjeiín-nò nga jchaxkón-nò ján ngajmii? Majin, yaá kítsajnajno j'nde ñánda tǎjn kjo'in. Tsà yaá-làne naxandá Sodoma k'oas'in komà kjoakón xi komà tsajòn, jè naxandá Sodoma tákó kijnaá-la skanda nachrjein j'nde.

²⁴ K'oaa xán-nò, k'e nga kijchò nachrjein nga sindaajjin, isaá tse kjo'in s'e-nò mì k'oaa-ne koni jǎa xǐta naxandá Sodoma.

Ñánda sakó-ná kjoa nikjáya ts'e inima-ná

(Lucas 10:21-22)

- ²⁵ Jñà nàchrjein koi Jesús kitsò:
—Na'èn xi tsiji ngajmù ko tsiji isò'nde, jeya síkijna-lè nga jñà kjoa koi tsibi'ma-la jñà xità xi tjin-la kjoachjine ko xi 'ñó tjin-la kjohítsjeèn nga jñà tsakoò-la xi taxkì ndí xità imà kjoa.
- ²⁶ Jon, Na'èn, nga k'oaá s'in kjòmejen-lè.
- ²⁷ 'Ngats'ù kjoa ts'e kjotixoma, 'aán kisingatsja-na Na'èn-na. Mitsà yá xi beèkxon yá-né xi Ki'ndí-la ma, tajngoo jè xi Na'èn ma; tikoáá mitsà yá xi beèkxon yá-né xi Na'èn ma, tajngoo jè xi Ki'ndí-la beèkxon; ko jè Ki'ndí-la kòkò-la jñà xità xi jè mejèn-la nga skoèkxon, yá-né xi Na'èn ma.
- ²⁸ Nchrobáchón-ná ngats'ioò xi jye ijta-nò nga nìxá ko nga kich'àjen ch'á-nò, 'aán síkjáya-nò.
- ²⁹ Jch'àjen-ko-ná jè yá jbo xi 'an 'yajen mé-ne nga koma-nò kos'in s'een koni s'in s'iaàn 'an. K'oas'in t'een koni 'an nga tjin-na kjoatsejta ko indaa kjoa tjin inima-na. K'oas'in sakó-nò kjoa níkjáya ts'e inima-nò.
- ³⁰ Jè yá jbo ko ch'á xi 'an sik'àjen-nò, jna-né, mitsà 'ñó íí.

12

*Yá xità xi otixoma-la jñà nàchrjein níkjáya
(Marcos 2:23-28; Lucas 6:1-5)*

- ¹ Jè nàchrjein níkjáya, Jesús ko xità xi kota'yat'aà-la ya ja ya ñánda tíje trigo. Koá jñà xità xi kota'yat'aà-la Jesús kjòhòjò-la. K'eé tsate natín-la trigo, ikjoàn kiskine.
- ² Jñà xità fariseo k'e nga kijtsee, kitsò-la Jesús:
—Chítsejen-la jñà xità xi kota'yat'aà-lè, jè kjoa xi nchis'in; mìkii tji'nde nga k'oas'in koma jè nàchrjein níkjáya.
- ³ Jesús kitsò-la:
—¿Jñò, a mitsà jye tjiin-nò koni s'in tíchja Xojon-la Nainá koni kis'ìin xitàxá ítjòn xi k'ì mì David ko jñà xità-la xi kjihijtako k'e nga kjòhòjò-la?
- ⁴ Jahas'en ni'ya-la Nainá koa tsakjèn inchrájin tsjeè-la Nainá xi mìkii tji'nde-la nga jè David kokjen ko xità xi kjihijtako; ta jñà no'mù tji'nde-la nga kokjen.
- ⁵ ¿A tikoáá mitsà jye tjiin-nò koni tsò kjotixoma xi kiskii Moisés? Nga jñà no'mù, ya iya ingo ítjòn, síxá-né nas'in jè nàchrjein níkjáya, ko nas'in síxá mitsà jè nchihótsji.
- ⁶ 'An, k'oaá xan-nò, jngoo tjna ijndé xi isa jeya tjna mi k'oaá-ne koni jè ingo ítjòn.
- ⁷ Ngats'ioò jñò mìkii machiya-nò kó tsòya-ne Xojon-la Nainá nga tsò: “An, mejèn-na nga kátas'e-nò kjòhímatakón, ki ta tsjaà cho'nik'eèn kjotjò xi 'an 'bii-ná.” Tsà kochiya-nò, mì-la kii kjo'in k'oi-la xità xi mitsà jè tjin-la.
- ⁸ K'oaá s'in tjin, 'an xi Ki'ndí-la Xità xan-la yijo-na, 'aán otixoma-la nàchrjein níkjáya.

*Mé kjoa xi kisakò-la Jesús k'e nga kisindaá jngoo-ne xità nàchrjein níkjáya
(Marcos 3:1-6; Lucas 6:6-11)*

- ⁹ Ikjoàn kii-ne Jesús ya i'nde jè; jahas'en jngoo ni'ya ingo sinagoga.
- ¹⁰ Ya tjna jngoo xità xi kixit'aà jngoo tsja. Jñà xità xi ya títajna kiskòngangui-la Jesús nga mejèn-la kòhòngui, kitsò-la:
—¿A tji'nde-né nga kjòndaà-ne xità k'e nga jè nàchrjein níkjáya?
- ¹¹ Jesús kitsò-la:
—Jñò, tsà tjna jngoo-nò orrè ko tsà ya skaya ngajo, ¿a mitsà konguínachrjeè nas'in nàchrjein níkjáya?
- ¹² Jyee'ya, isáá 'ñó chíj-la jngoo xità mì k'oaá-ne koni jngoo orrè. Koi kjoa-la nga tji'nde-né nga kosikoáá xità nas'in jè nàchrjein níkjáya.
- ¹³ Jesús kitsò-la jè xità xi kixit'aà jngoo tsja:
—Tjeendojoi ndseji.
Xità jè, tsijmeé tsja, nitoón kjòndaà-ne; k'oaá tì kji komà-ne koni kji xi jngoo.
- ¹⁴ Jñà xità fariseo, k'e nga itjo-ne ingo, ikjoàn tsajoóya-ne nga mejèn-la sík'en Jesús.

K'oaá s'in tsitasòn 'én xi kíichja Isaias xi it'aà ts'e Jesús

- ¹⁵ Jesús, k'e nga kijtsee nga jñà xità fariseo mejèn-la sík'en, itjo ni'ya, kii. Kjìn xità kíitjingui-la. Jesús kisindaà-ne ngats'ù xità xi xk'én.
- ¹⁶ Kítsjaà-la okixi jñà xità nga mìkii keènojmit'in yá-né jè.
- ¹⁷ K'oaá s'in komà mé-ne nga tsitasòn-ne 'én xi kíichja Isaias, xità xi kíichja ngajo-la Nainá, nga kitsò:
¹⁸ I tjna jè chí'nda-na jè xi 'an jaájnaà, xi 'ñó matsjake, tjin-la kjòtsja inima-na xi it'aà ts'e.
'Aán tsjaà-la Inima Tsjeè-na nga jè kíichjajiiin-la ngats'ù xità isò'nde xi kjoakixi

mé-ne nga koma sındaajijn-la.

¹⁹ Mitsà x̄ita skaàn-ko, kò nì mé 'én xi 'nò kichja, kò mì kì k̄inà'ya-là ya ȳa ndiyá 'én xi kichja.

²⁰ Mikii skít'o jngoo yá inaxo xi jye mejèn tít'ò, t̄kooá mikii s̄ikits'o jngoo nì'in xi ta n̄'ndii t̄bitjo sa-là. K'oas'in s'jin skanda k'e nga kojindaajijn xi kjoakixi.

²¹ J̄nà x̄ita naxandá xi t̄jin isò'nde xi mitsà x̄ita judio, kòkjeiin-là nga skóña-là kjondaà xi tsjá-là.

Mé xi komat'in j̄nà x̄ita xi chjajno-là Inim̄a Tsjeè-là Nainá
(Marcos 3:19-30; Lucas 11:14-23; 12:10)

²² J'iīko jngoo-là x̄ita Jesús xi mikii tsejèn-là, kò xi mikii ma chja nga inim̄a ch'o-là neij̄ t̄jiin inim̄a-là. Kisindaà-ne Jesús nga komà kiichja-ne koa kjotsejèn-là.

²³ Ngats'iī x̄ita, tà kjòxkón-la. K'eé kitsò:

—ÇA jè jèe xi ya nchrobát'aà-ne tje-là x̄itaxá it̄jòn David [nga jè k̄jna ngajo-là]?

²⁴ K'e nga kii'nchré j̄nà x̄ita fariseo kitsò:

—X̄ita jè, ma-là ochrjekajijn inim̄a ch'o-là neij̄ xi t̄jiin inim̄a-là x̄ita, k'ojí-né nga jè síkjeén nga'nó-là Beelzebú xi sko-là x̄ita neij̄.

²⁵ Jesús kijtseèya-là koni s'in nchihóko inim̄a-là, kitsò-la:

—Ngats'iī naxandá xi j̄oya t̄jin nga kondra t̄itsajna-là x̄ikjín, ti yijo-lá t̄isikixòña-ne; koa tsà jngoo naxandá kò tsà jngoo n'ya x̄ita s̄ij̄j̄oya x̄ikjín, mikii koma ndaa k̄itsajna.

²⁶ Tsà jè x̄ita neij̄ t̄jè t̄hochrjeiin-ne yijo-là neij̄, j̄oya t̄is'in xi t̄jè-ne yijo-là. ÇKós'in koma s'e-là nga'nó nga kot̄ixoma?

²⁷ J̄nò bixón-nò nga 'an síkjeén nga'nó-là xi sko-là x̄ita neij̄ k'e nga ochrjekaj̄ña inim̄a ch'o-là neij̄. Tsà k'oaa s'in t̄jin kjoa, j̄nà x̄ita tsajòn, çyá xi tsjá-là nga'nó k'e nga ochrjekaj̄ijn neij̄? Koi kjoa-la, t̄j̄nà-ne x̄ita-nò keenojmi nga mitsà kixi kjoa nga jè sko-là neij̄ síkjeén.

²⁸ Tanga 'an, k'e nga ochrjekaj̄ña inim̄a ch'o-là neij̄ xi t̄jiin inim̄a-là x̄ita, jè Inim̄a Tsjeè-là Nainá tsjá-na nga'nó. Jè kjoa koi tsòyaà-ne nga Nainá, jyeé ī t̄thotixoma ī it'aà nangui.

²⁹ ÇKó s'in koma kjoahas'en ni'ya-là nga s̄ichijé-là jngoo x̄ita nei-là ni'ya xi t̄jin-là nga'nó tsà mitsà it̄jòn koiit'aà'nó? K'eé koma s̄ichijé-là k'e nga jye k̄asit'aà'nó.

³⁰ N̄iton yá-ne xi m̄i 'an fit'aà-na, jè-né kondra-na; koa n̄iton yá-ne xi mikii síchjât'aà-na nga bixkoyako-na x̄ita xi ts'an koma, jè t̄isits̄johoba x̄ita.

³¹ K'oaa xan-nò, Nainá s̄ij̄chaa't'aà-là j̄nà x̄ita n̄ita mé jè xi kohótsji, n̄ita mé 'én xi ch'o tsò kichja. Tanga jè xi Inim̄a Tsjeè-là Nainá kichjajno-là mikii jchat'aà-là jé-là.

³² N̄iton yá-ne xi kichjajno-na 'an xi K'i'ndi-là X̄ita xan-là yijo-na, jchat'aà-là jé-là; tanga jè xi kichjajno-là Inim̄a Tsjeè-là Nainá, mikii jchat'aà-là jé-là n̄i jè nacherjein i'ndeí, kò n̄i jè nacherjein xi iskan kjoí.

Kós'in 'ya-là kós'in t̄jin inim̄a-là j̄nà x̄ita
(Lucas 6:43-45)

³³ Tsà jngoo yá xi ndaa kji, ndaa toò xi ojà-là. Kò tsà jngoo yá xi mikii ndaa kji, mikii ndaa toò xi ojà-là. Jngoo yá, jè toò-là yaxkon-la.

³⁴ J̄nò, x̄ita tje-là ye-nò! ÇKós'in ma k̄inójoaa 'én xi ndaa tsò nga ch'o tsò inim̄a-nò? Nga k'oaa tsò 'én xi chja j̄nà x̄ita koni tsò kjoh̄tsjeén xi t̄jiin inim̄a-là.

³⁵ Jngoo x̄ita xi 'én ndaa chja, koií-né nga kjondaà t̄jiin inim̄a-là; koa jngoo x̄ita xi 'én ts'en chja, koií-né nga kjoats'en t̄jiin inim̄a-là.

³⁶ K'oaa xán-nò k'e nga k̄jchò nacherjein nga sındaajijn, k'oaa s'in tsjá kindá ngats'iī x̄ita n̄ita mé 'én xi taxk̄i chja.

³⁷ Xi it'aà ts'e 'én-nò, k'oaa s'in sındaajijn-nò nga jcha-là tsà x̄ita ndaa-nò, o tsà jè t̄jin-nò.

Yá xi tsjât'in 'én j̄nà x̄ita ts'en xi t̄jin nacherjein i'ndeí
(Marcos 8:12; Lucas 11:29-32)

³⁸ J̄nà x̄ita fariseo kò x̄ita xi okóya kjot̄ixoma-là Nainá xi kiskii Moisés kitsò-là Jesús:

—Maestro, mejèn-najen nga jcha jngoo-jen seña xi j̄i 'nì.

³⁹ Jesús kitsò-là:

—J̄nà x̄ita ts'en kò x̄ita xi mikii 'nchréñjon-là Nainá, s̄ijé jngoo seña xi jeya t̄jin; tanga n̄imé seña skoé; ta jè skoé ts'e Jonás, x̄ita xi kiichja ngajo-là Nainá.

⁴⁰ Koni jè Jonás nga jàn nacherjein kò jàn n̄itjen tsibijnaya indso'ba jngoo t̄jin je, k'oaa t̄is'in 'an xi K'i'ndi-là X̄ita xan-là yijo-na, jàn nacherjein kò jàn n̄itjen kójna īj̄ña nangui.

⁴¹ J̄nà x̄ita naxandá Nínive kositjen-né jè nacherjein k'e nga kojindaajijn Nainá; j̄nà tsjât'in 'én j̄nà x̄ita xi t̄jin nacherjein i'ndeí, koií kjoa-là nga kisikájno jé-là nga m̄i t̄jè t̄sohótsji-ne k'e nga kiichjaya 'én-là Nainá Jonás; tanga nacherjein i'ndeí, 'an xi t̄ichjako-nò, isaá 'nó jeya t̄j̄n̄a m̄i k'oaa-ne koni Jonás [tanga j̄nò, mikii mokjeiin-nò].

⁴² Tikoagá jè chjoón ítjòn xi ya otíxoma nangui sur, kosítjen-né jè nachrjein k'e nga koíndaàjìin Nainá; jè tsját'in 'én jñà xítà xi tjin nachrjein i'ndeí, koií kjoa-là nga kjiin nangui j'ií-ne nga j'ií 'nchré-là kjoachjine-là Salomón; tanga nachrjein i'ndeí, 'an xi tichjàkò-nò, isaá 'ñó jeya tijnàa mì k'oagá-ne koni Salomón [tanga jñò, mikii na'yà-ná].

Inimà ch'o-là neíi xi f'ii òngoo k'a-ne

(Lucas 11:24-26)

⁴³ K'e nga jngoo inimà ch'o-là neíi bitjokàjìin inimà-là jngoo xítà, yaá ojmeé i'nde ñánda kixi choón, ótsji'nde nga sijkjáya; k'e nga mikii sakó'nde-là,

⁴⁴ jngoo k'a síkítseèn, tsó: "Kjín-la òngoo k'a-na ni'ya-na ñánda inchrobà-na." K'e nga bijchó jngoo k'a-ne, beé ni'ya-là nga kjiñá, ndaa ksatũcha kò tsjée choón.

⁴⁵ Ikjoàn fikjaá ngui itoo xíkjin xi isa ch'o s'in. K'ée fahas'en-jìin inimà-là xítà jè; yaá bitsajna. Xítà jè isaá 'ñó ch'o bijna koni s'in tsibijna k'e nga sa ítjòn. Jñò, xi xítà ts'en 'mì-nò, k'oagá ts'in komat'ioòn nachrjein i'ndeí.

Nea-là kò 'ndse Jesús

(Marcos 3:31-35; Lucas 8:19-21)

⁴⁶ Táko tük'ée tíhókò xítà Jesús nga ijchò nea-là kò 'ndse. Yaá tsibitsajna ján nditsiaán nga mejèn-là kichja-là.

⁴⁷ Jngoo xítà kitsò-là Jesús:

—Nea-lè kò jñà 'ndsi ján nditsiaán títsajna. Ji xó kòkò-lè.

⁴⁸ Jesús kitsò-là jè xítà xi ijchòkò-là 'én:

—¿A mejèn-lè nga jchji yá-né xi nea-na kò xi 'ndse?

⁴⁹ K'ée tsakò-là jñà xítà xi kota'yat'aà-là. Kitsò:

—Chítsejèn-lá jñà xítà koi, jè-né xi nea-na kò jñà-né xi 'ndse.

⁵⁰ Ngats'ii xi sikatòon koni s'in mejèn-là Na'èn-na xi tíjna ngajmii, jñà-né xi 'ndse xi tichja kò xi nea-na.

13

Kjoa xi mangásòn ts'e xítà xi kijnjí xojmá

(Marcos 4:1-9; Lucas 8:4-8)

¹ Tijè-ne nachrjein, Jesús ítjo-ne ni'ya, yaá tsibijnandii ndáchikon.

² Kjín jchán xítà chixoñat'aà-là; Jesús jahas'en jngoo chitso; yaá tsibijnaya. Ngats'ii xítà xi i'nga, yaá tsibitsajna indii nandá.

³ Tsibíts'ia Jesús nga kjiin skoya kjoa xi mangásòn tsibénojmi kitsò:

—Jngoo xítà kii kijnjí xojmá.

⁴ K'e nga tsibíts'ia nga kiskijnjí xojmá, chixò chiba ya iya ndiyá. Ikjoàn j'ií nise; tsakjèn.

⁵ Ngui koa tjin chixò ñánda nañi choón nga chiba ni'nde tjin-là. Jñà xojmá koi, ñtjòón isò, koi-né nga mì nanga tjin nangui.

⁶ Tanga k'e nga ítjokàtji ts'oi nga kjòtsjè ndobá, kixiñò, ikjoàn jngoo k'aá kixi, koi-né nga tsjin-là jma.

⁷ Ngui koa tjin chixò ya jjiin na'yá. K'e nga kjò'nga na'yá, kisk'én-ngui xka-là xojmá.

⁸ Jñà xi chixò ñánda nangui ndaa, ndaa tsaja-là toò. Tjin xi kitsjaa jngoo sindo nga jngoo jngoo xojmá, tjin xi kitsjaa ján kaàn, koa tjin xi kitsjaa katé.

⁹ Ndaa tjiná'yaà koni xan-nò.

Mé-ne kjoa xi mangásòn tsakóya-ne Jesús

(Marcos 4:10-12; Lucas 8:9-10)

¹⁰ Jñà xítà xi kota'yat'aà-là Jesús ijchòkon ñánda tíjna koa kiskònangui-là kitsò-là:

—¿Mé-ne k'oas'ín nokjoa-là xítà kjoa xi mangásòn k'e nga okoòyi?

¹¹ Jesús kitsò-là:

—Jñò, Nainá jye kitsjaa-nò nga jchaa kjoa'ma-là xi bénojmyá kó s'in otíxoma jè xi ngajmii nchrobá-ne. Tanga jñà xítà xi kj'eí, mikii tjiin-là.

¹² Jè xi tjin-là kjòhítseèn, k'oií isa-là skanda tsatoo s'e-là, tanga jè xi tsjin-là, skanda tjá'aan-là mé xi chiba tjin-là.

¹³ Koií kjoa-là k'e nga okoòya, koií 'én chjà-là kjoa xi mangásòn. Jñà xítà koi, sík'aá xkon tanga mikii tsejèn-là. Binchá líká-là tanga mikii 'nchré, tikoagá mikii machiya-là.

¹⁴ Kjoa ts'e xítà koi, k'oagá s'in bitasòn koni kitsò Isaías xítà xi kũchja ngajo-là Nainá, nga kitsò:

Jñò, naş'ín i'ñó-isa kijná'ya-nò tanga mikii kochiya-nò,

naş'ín i'ñó-isa chítsejèn-nò tanga mikii jchaa.

¹⁵ Inimà-là xítà koi, tájaajìin tjin; tsibichjoajto líká-là, tichjoajto xkon.

Koii kjoa-là mikii ndaa 'nchré kò mikii tsejèn-là kò mikii fahas'en-jiin-là.

K'oaá ma-ne nga majin-là nga 'an fit'aà-nà mé-ne nga 'an sindaa-na.

¹⁶ Jñò, mé tà ndaa-nò nga tjin xkoòn nga ma tsejèn-nò kò tjin líká-nò nga ma na'yà kjoa xi tíma nachrjein j'ndeji.

¹⁷ Okixí xi xan-nò, kjin xita xi kiichja ngajo-là Nainá kò xi xita kixi kjòmejèn-là nga skoe jè xi jñò títsa'yaá tanga mikii kijtseé; tikoáá kjin xita kjòmejèn-là nga kji'nchré jè xi jñò títsana'ya tanga mikii kii'nchré.

Kó tsòya-ne kjoa xi mangàsòn ts'e xojmá
(Marcos 4:13-20; Lucas 8:11-15)

¹⁸ Tiná'yaá kó tsòya-ne jè kjoa xi mangàsòn ts'e xita xi kijnji xojmá.

¹⁹ Jñà xojmá xi chixò iya ndiyá, jè ngaya-là koni jñà xita xi 'nchré 'én-là Nainá koni s'in otixoma tanga mikii machiya-la; f'ii xita neji, ikjoàn faaxin jè 'én jjiin inijma-là xita.

²⁰ Jñà xojmá xi chixò ya ñánda naxi choòn, jè ngaya-là xita xi 'nchré 'én-là Nainá. Tsjaá ma-la nga sa 'nchré.

²¹ Tanga jè-nè nga tsjin-là ima, ta chiba nachrjein chikjoa-la. K'e nga mé kjoa xi sakò-la kò tsà xita fitjinguvi kondra-là nga jè ngatji-la 'én-là Nainá, njtoón sikjina ndiyá-là Nainá.

²² Jñà xojmá xi chixò jjiin ñánda tjin na'yá, jè ngaya-là xita xi 'nchré 'én-là Nainá tanga 'ñó síkájno kjoa ts'e tsojmi xi tjin isò'nde kò jè kjoa nchiná konachan-la. Jñà kjoa koi síkíts'ón-jiin 'én-là Nainá, k'oaá ma-ne nga mikii majjin-ya.

²³ Tanga jñà xojmá xi chixò ñánda nga nangui ndaa, jè ngaya-là xita xi 'nchré 'én-là Nainá kò machiya-la; ikjoàn majjin-ya 'én, k'oaá ngaya-là koni yá xi ojà-là toò. Tjin xi tsjá katé; tjin xi tsjá jan-kaàn; tjin xi tsjá jngoò sindo nga jngoò jngoò yá.

Kjoa xi mangàsòn it'aà ts'e ijñá xi mikii ndaa

²⁴ Jesús ngui jngoò kjoa xi mangàsòn tsakóya-là xita, kitsò-la:

—Koni s'in otixoma jè xi ngajmii nchrobá-ne, k'oaá ngaya-là koni jngoò xita xi 'ñó ndaa xojmá-là trigo tsibitjesòn nangui-là.

²⁵ Tanga k'e nga kijfè yije kóhótjin xita, j'ii kondra-là nga tsibitjejiin xka ijñá xi mikii ndaa ya jjiin trigo. Ikjoàn kii.

²⁶ K'e nga jye kjò'nga jñà trigo kò kixò-la natín, yaá tsatsejèn-jiin ijñá xi mikii ndaa.

²⁷ K'eé kii jñà chij'nda nga tsibénojmi-là nei-la. Kitsò-la: “Na'én, jñà xojmá xi tsibitjii ya nangui-lè, ndaa-né. Tanga, ¿ñánda j'ii-ne ijñá xi mikii ndaa xi tsatsejèn-jiin trigo?”

²⁸ Jè nei-la nangui, kitsò: “Jngoò-la xita kondra-nà xi okis'iin.” K'eé kitsò jñà xita chij'nda: “¿A mejèn-lè nga kongui-jen, chijnéjin-jen jñà ijñá xi mikii ndaa?”

²⁹ Tanga jè nei-la nangui kitsò: “Majin, tsà chjínè jñò ijñá xi mikii ndaa, tsà koi nachrjein-là yaá chjínèkjoo jñà trigo.”

³⁰ Tikoáá-ne kátamajchákjoo ingajò skanda k'e nga jye kojchá. K'e nga jè nachrjein nga sincháxkó, 'aán koxán-la chij'nda xi kojixkó: “Ítjòn xin kìncha ijñá xi mikii ndaa, k'ñójté-né mé-ne nga kiti-ne. Nga koma iskan kìncháxkó jñà trigo; yaá kìncha iya ni'nga-na.”

Kjoa xi mangàsòn it'aà ts'e xojmá mostaza
(Marcos 4:30-32; Lucas 13:18-19)

³¹ Jesús jngoò k'a tsakóya-là xita kjoa xi mangàsòn, kitsò-la:

—Koni s'in otixoma jè xi ngajmii nchrobá-ne, jè mangàsòn-kò koni kji xojmá mostaza k'e nga jngoò xita bitjejiin nangui-là.

³² Okixi-né xojmá jè, jè xi isa'ítsé kji ngats'ii xojmá xi tjin, tanga k'e nga jye majchá, isaá 'nga ma koni xka xi ma chine xi sitje indii ni'ya. K'oaá kji 'nga ma koni jngoò yá 'nga; f'ii nise xi tjimajjin isén, jñà chrja-la ya bindaa'a tjé-la nise.

Kjoa xi mangàsòn it'aà ts'e na'yo san
(Lucas 13:20-21)

³³ Jesús ngui jngoò k'a tsakóya-là xita kjoa xi mangàsòn, kitsò-la:

—Koni s'in otixoma jè xi ngajmii nchrobá-ne, k'oaá ngaya-là koni jè na'yo san, k'e nga jngoò chjóón síkájjin jan chiba skoan inchrajín, masan yije-né kóhokji na'yo.

Jesús, kós'in kisikjéén kjoa xi mangàsòn
(Marcos 4:33-34)

³⁴ Ngats'ii 'én koi, Jesús, ngui kjoa xi mangàsòn tsakóya-là xita; njimé 'én kiichja xi mitsá kjoa xi mangàsòn tsibénojmi.

³⁵ K'oaá s'in tsitasòn koni s'in kitsò jè xita xi kiichja ngajo-là Nainá nga kitsò:

Kjoa xi mangàsòn kichjá.

Koii kjoa kénjomiá kjoa xi tji'ma skanda tjen-ne nga kisindaá isò'nde.

Kó tsòya-ne kjoa xi mangàsòn it'aà ts'e ijñá xi mikii ndaa

³⁶ Jesús k'e nga kishixhat'aà x̄ita xi k̄jìn ma; ìkjoàn jahas'en ni'ya. Yaá ijchòkon x̄ita xi kota'yàt'aà-la. Kitsò-la:

—Tènojímí-nájen kó tsòya-ne jè kjoa xi mangásòn kò jè ijñá xi mìkìl ndaa xi t̄jìn ya ijìin trigo.

³⁷ Jesús kitsò:

—Jè xi k̄jndí-xojmá xi ndaa, 'an-ná xi Kí'ndí-la X̄ita xan-la yijo-na;

³⁸ kò jè nangui, jè isò'nde; jñá xojmá xi ndaa, jñá-né x̄ita xi t̄itsajnaìin k̄jotìxoma-la ngajmì; jñá ijñá xi mìkìl ndaa, jñá-né xi x̄ita-la x̄ita neì;

³⁹ kò jè x̄ita kondra xi tsibítje ijñá xi mìkìl ndaa, t̄ijè-ne x̄ita neì; k'e nga jye sincháxkó tsojmì xi kojchá jè ngaya-la k'e nga kjoehet'aà isò'nde; kò jñá xi bíxkó tsojmì, jñá ngaya-la àkjale.

⁴⁰ K'oaá s'ín sincháxkó ijñá xi mìkìl ndaa mé-ne nga kotsjòjìin-ne ni'ín nga k̄it̄i, k'oaá s'ín koma k'e nga kjoehet'aà isò'nde.

⁴¹ An xi Kí'ndí-la X̄ita xan-la yijo-na siikasén àkjale-na ìt'aà ts'e k̄jotìxoma-na mé-ne nga kòjìxkó ngats'ìi x̄ita xi bít'in-la x̄ita xi k'j'eìi nga kàtátsji jè, kò ngats'ìi x̄ita xi ch'o s'ín.

⁴² Yaá kotsjòya ngajo ñánda t̄it̄i ni'ín; yaá sk̄indàya kò s̄ijts'ìin n̄i'ño.

⁴³ Koa jñá xi x̄ita kixi, k'oaá s'ín ote kotsjèen koni ndobá-la ts'oi'ya ñánda nga t̄ihotìxoma Na'èn-la. ìNdaà t̄jñá'yaá koni xan-nò!

Jngoò tsojmì ch̄jì xi kisijna'ma

⁴⁴ Koni s'ín otìxoma jè xi ngajmì nchrobá-ne, k'oaá ngaya-la koni jngoò t̄on xi 'ño ch̄jì xi t̄jina'ma ijìin nangui. Jè x̄ita xi sakó-la, tsjaá ma-la. T̄jyaá ìjngoò k'a b̄jina'ma-ne. K'eé fi kat̄jina yije tsojmì xi t̄jìn-la; ìkjoàn otse nangui jè, nga ts'e koma t̄on xi 'ño ch̄jì-la.

Jngoò ndát̄on ch̄jì

⁴⁵ Koni s'ín otìxoma jè xi ngajmì nchrobá-ne, k'oaá t̄is'ín ngaya-la koni jngoò x̄ita xi koi xá s'ín nga tsojmì ot̄j̄naya. Ótsji ndát̄on ch̄jì xi 'ño ndaa.

⁴⁶ K'e nga jye sakó-la xi 'ño ch̄jì, ìkjoàn fi kat̄jina yije tsojmì-la xi t̄jìn-la; k'eé otse ndát̄on jè.

Na'ya xi bíxkóya t̄in

⁴⁷ Koni s'ín otìxoma jè xi ngajmì nchrobá-ne, t̄ikoaá k'oaá s'ín ngaya-la koni jngoò na'ya xi n̄ikatjen-jìin ndáchikon mé-ne nga koma k̄jìn sk̄oya t̄in kòjìxkóya-ne.

⁴⁸ K'e nga jye tse na'ya-la jñá x̄ita xi sík'en t̄in, fiko ya ìndiì ndáchikon; yaá faájìin ngats'ìi t̄in xi ndaa kjoàn; n̄isjyá binchá; kò jñá t̄in xi mìkìl ndaa kjoàn, síkatsjò-né.

⁴⁹ K'oaá s'ín koma k'e nga kjoehet'aà isò'nde, k̄it̄jojen àkjale xi kjoaáìin jñá x̄ita xi ch'o s'ín ya ñánda t̄itsajna x̄ita kixi.

⁵⁰ Kò jñá x̄ita xi ch'o s'ín kotsjòya ngajo ñánda t̄it̄i ni'ín; yaá sk̄indàya kò s̄ijts'ìin n̄i'ño.

Tsojmì ch̄jì xi x̄itse kò xi jye kòjchínga

⁵¹ Jesús kiskónangui-la jñá x̄ita, kitsò-la:

—¿A mach̄yaa-nò ngats'ìi kjoa koi?

Jñá x̄ita kitsò:

—Jon, Na'èn.

⁵² K'eé kitsò-la Jesús:

—Jngoò x̄ita xi okóya k̄jotìxoma-la Nainá xi kiskìl Moisés k'e nga kota'yà kó s'ín otìxoma jè xi ngajmì nchrobá-ne, k'oaá s'ín ngaya-la koni jngoò nei-la ni'ya xi 'nchaxkó-la tsojmì, kò k'e nga mochjéen-la, ochrje tsojmì ch̄jì xi x̄itse, o xi jye kòjchínga.

Kó kitsò x̄ita k'e nga k̄il Jesús ján naqandá-la Nazaret

(Marcos 6:1-6; Lucas 4:16-30)

⁵³ Jesús, k'e nga jye tsibènojímíya kjoa xi mangásòn, k̄il-ne.

⁵⁴ K'e nga ijchò-ne nangui-la ján Nazaret, ya ni'ya ìngo sinagoga, tsibits'ia nga tsakóya-la x̄ita 'én-la Nainá. Koa jñá x̄ita ta k̄jòxkón-la, k'eé kitsò:

—¿X̄ita jè, ñánda komá-la ngats'ìi kjoachjine xi okóya? ¿Kó ma-ne nga ma-la s'ín k̄jòxkón xi ndaa t̄jìn?

⁵⁵ ¿A mìtsà jè ti-la ch̄jineyá? ¿A mìtsà jè nea-la xi 'mì María? ¿A mìtsà 'ndse ma Jacobo, José, Simón, kò Judas?

⁵⁶ T̄ikoaá, ¿a mìtsà ì t̄itsajnaìin-ná jñá íchjín ndichja? ¿Ñánda ma yije-la kjoa koi?

⁵⁷ K'oaá ma-ne nga mìkìl kòkjeiín-la ìt'aà ts'e Jesús. Tanga jè Jesús kitsò-la:

—Jngoò x̄ita xi ch̄j̄a ngajo-la Nainá, n̄ita ñá naqandá-ne yaxkón-né, tanga ya naqandá-la kò ni'ya-la mìkìl yaxkón.

⁵⁸ Mìkìl k̄jìn k̄jòxkón xi ndaa t̄jìn kis'ìin nga jñá x̄ita xi ya ì'nde-la mìkìl kòkjeiín-la ìt'aà ts'e Jesús.

14

Kii komà k'e nga k'en Juan xi kis'in bautizar xita

(Marcos 6:14-29; Lucas 9:7-9)

¹ Jña nàchrjein koi, jè Herodes xi xitaxá ítjòn tijná ya ngui Galilea, kii'nchré koni s'in bénojmi xita mé kjoa xi tís'in Jesús.

² Kitsò-là jña xita xi sáxá-là:

—Xita jè, jè-né xi 'mì Juan xi kis'in bautizar xita xi jye jaáya lingoò k'a-là. K'oáá ma-ne nga tjin-là nga'nó nga ma-là s'in kjoaxkón xi ndaa tjin.

³ Nga isa kjòtseé, jè Herodes kitsjaá okixi nga kitsobá'nó Juan, ikjoàn kiskinis'en ndayá, koi kjoa-là nga jè chjoón Herodías xi chjoón-là Felipe xi 'ndse komà Herodes k'oáá s'in kisijé.

⁴ Koi kjoa-là nga jè Juan xi kis'in bautizar xita, kjin k'a okitsò-là Herodes: "Mikii tji'nde-lè nga jì tijnakoi chjoón-là 'ndsi."

⁵ K'oáá ma-ne nga jè Herodes mejèn-là kisik'en Juan, tanga jña kitsakjòn-là xita naxandá, nga jyeé tjiin-là naxandá nga jè Juan, jè xita xi chjaya ngajo-là Nainá.

⁶ K'e nga ijchò nó-là jè Herodes, tsachrje s'eí-là koa jè tsòti-là Herodías kitè nga nguixkon xita xi titsajna s'eí. Jè Herodes, 'nó ndaa kisaseèn-là.

⁷ Koa kitsjaá kixi 'én-là nga tsjá yije-là mé xi sijé-là jè tsòti.

⁸ Koa jè nea-là chinchá'a ítjòn jè tsòti nga katasijé-là sko Juan. Jè tsòti, k'ée kitsò-là Herodes:

—Tjiin-ná sko Juan xi kis'in bautizar xita, tinaya-ná chrobate.

⁹ Jè Herodes xi xitaxá ítjòn tijná, kjòba-là k'e nga kii'nchré-là jè tsòti. Tanga koi kjoa-là nga jye kitsjaá kixi-là 'én nga nguixkon xita xi ya titsajna s'eí, k'ée kitsjaá okixi nga k'oi-là sko Juan jè tsòti.

¹⁰ Jè Herodes kitsjaá-là okixi xita-là nga tsatesin Juan ya iya ndayá.

¹¹ Ikjoàn kiiko sko Juan, tjia-là chrobate nga kitsjaá-là jè tsòti, ko jè tsòti kisingatsja nea-là.

¹² K'ée ijchò xita xi kota'yat'aà-là Juan; kiskoé yijo-là nga jye k'en, ikjoàn kii kihijin; nga komà iskan, kisik'i'nchré Jesús.

Kó kis'in Jesús nga 'òn jmi xita kisikjèn

(Marcos 6:30-44; Lucas 9:10-17; Juan 6:1-14)

¹³ Jesús, k'e nga jye kii'nchré jè kjoa xi komàt'in Juan, tà tajngoò kii-ne; tsibijna'ya jngoò chitso; ijchò jngoò i'nde it'aà xin. Tanga jña xita, nga jye kii'nchré nga kii-ne Jesús, tikoáá kiitjingui-là; saà ndsokoò kii-ne ngats'ì xita xi ya chrañat'aà-là naxandá-là.

¹⁴ Jesús, k'e nga itjojen chitso, kijtseé nga 'nó kjin ma xita xi titsajna; kjòhimakeé-né. K'ée kisindaà-ne ngats'ì xita xi xk'én.

¹⁵ Nga jye kjòhoxòn jña xita xi kota'yat'aà-là Jesús ijchò kinchat'aà-là, kitsò-là:

—Jye kjòhoxòn, ko i'nde jè, it'aà xin-né; nime tjin. Kot'in-là jña xita kätji-ne nga kätatse tsojmi xi skine jña naxandá nãnda nga chrañat'aà.

¹⁶ Jesús kitsò:

—Mikii kjoj-ne. Tjiin-là jñò xi kokjen xita koi.

¹⁷ Xita xi kota'yat'aà-là Jesús kitsò:

—Nime tjin-najen. Tà 'òn ma inchrájin ko jò ma tjin xi titsajna-najen.

¹⁸ Jesús kitsò-là:

—Nchrohóko-ná ijndé.

¹⁹ K'ée kitsò-là jña xita xi kjin ma-ne nga kätitsajnajin ijñá; ikjoàn kiskoé jña inchrájin xi 'òn ma-ne ko jña tjin xi jò ma-ne; ikjoàn kiskoötsjèn ngajmi, kitsjaá-là kjondaá Nainá, ikjoàn kisixkoaya inchrájin; k'ée kitsjaá-là jña xita xi kota'yat'aà-là, koa jña xita xi kota'yat'aà-là kisika'bi-là jña xita xi kjin ma-ne.

²⁰ Tsakjèn yije kóhotjin xita kó nga kjòski. K'ée tsibíxkó-ne jña xi tsiningui-ne. Ngui tejo nisjyá komá.

²¹ Jña xita xi tsakjèn, 'òn jmi ma-ne xi xita x'in. Mikii kòkkeya jña íchjin ko ixti.

Kjoxkón xi kis'in Jesús nga kii-ne ndsoko ya isòn ndáchikon

(Marcos 6:45-52; Juan 6:16-21)

²² Nga komá iskan, Jesús kisikas'en xita xi kota'yat'aà-là ya iya chitso mé-ne nga isa ítjòn kijchò-ne ján xingooá ndáchikon; koa jè Jesús k'ée tísíhixat'aà xita xi kjin ma-ne nga jye nchifi-ne.

²³ K'e nga jye kisihixat'aà yije jña xita, Jesús kiimijin-jno jngoò nindoò nga kii kiichjat'aà-là Nainá nga tà jè tajngoò. K'e nga jye kjiñò, Jesús tà tajngoò tijná ya i'nde jè.

²⁴ Jè chitso jye 'nó kjin ijchò. Jè nga'nó-là nandá jye ngaxin ngajen tífikò chitso nga jè tjo bichjoá ikon-là.

²⁵ K'e nga tajñòya isa, Jesús kiitjìngui-là xit̩a xi kota'yàt'aà-là nga kii-ne ndsokò ya isòn nandá.

²⁶ Jñà xit̩a xi kota'yàt'aà-là k'e nga kijtsee nga tífisòn nandá tà kitsakjòn-là; k'ée kiskindàya xkón, kitsò:

—Injima ch'o-né.

²⁷ Tanga Jesús nitoón kiichja-là, kitsò-là:

—'Nó t'è-là takòn, kì tsakjoòn-jèn, 'an-ná.

²⁸ Jè Pedro, k'ée kiichja-là kitsò-là:

—Na'èn, tsà jì-né, tjiù'nde-ná nga kjišoàn nandá skanda ñánda tìsijni.

²⁹ Jesús kitsò-là:

—Nchroboi.

Jè Pedro itjojen-jno chitso koa tsibíts'ia nga kii-ne ndsokò ya isòn nandá ñánda síjna Jesús.

³⁰ Tanga k'e nga kijtsee nga jè tjo 'ño tí'ba, kitsakjòn-né, ikjoàn tsibíts'ia nga mejèn kiskaajindá; k'ée kiskindàya kitsò:

—iNa'èn, nachrjejiin-ndá-ná!

³¹ Jesús nitoón kitsobà'ño tsja, kitsò-là:

—iChibaá mokjeiin-lè it'aà ts'an! ¿Mé-ne jò kòbèè-là takoin?

³² K'e nga jahas'en-ne chitso ingajò, nitoón kisijyò-ne tjo.

³³ Jñà xit̩a xi tìtsajnyaya chitso chuncha-xkó'nchit'aà-là Jesús, kitsò-là:

—xi okixi, jì-né xi Kì'ndí-là Nainá!

Kii s'in kjòndaà-ne xit̩a xi xk'én ján Genesaret

(Marcos 6:53-56)

³⁴ K'e nga jye tsatojiin ndáchikon, ijchò ján nangui Genesaret.

³⁵ Jñà xit̩a xi ya j'nde-la, k'e nga kijtseexon Jesús nga jè xi ya ijchò, kisikí'nchré xíkjin kóhokji ya j'nde ñánda chrañat'aà; ikjoàn j'ii-ko-là ngats'ii xit̩a xi xk'én ya ñánda tìjna Jesús.

³⁶ Tsibítsi'ba-là nas'ín t̩a jè itjòn nikje-là tsobà'ño nga kátandaà-ne; ngats'ii xi kitsobà'ño nikje-là kjòndaà yijeé-ne.

15

Jè kjoa xi síkits'ón xit̩a

(Marcos 7:1-23)

¹ Ijchò i'nga xit̩a fariseo ko xit̩a xi okóya kjotixoma-là Nainá xi kiskii Moisés xi inchrobà-ne Jerusalén nga kiskònangui-là Jesús, kitsò-là:

² —¿Mé-ne jñà xit̩a xi kota'yàt'aà-lè, k'e nga kjèn, mì k'oaa s'in onjño-ne tsja koni s'in síjé kjotixoma-là xit̩a jhínga-ná?

³ Jesús k'ée kiskònangui-là jñà xit̩a koi, kitsò-là:

—¿Jñò, mé-ne mikii nikitason-nò kjotixoma-là Nainá nga koi onguítjìngui-là kjotixoma-là xit̩a?

⁴ Jè Nainá k'oaa kitsò: “Jchaxkóin na'èn-lè ko nea-lè”, ko: “Jè xi chjajno-là na'èn-là ko nea-là tìjné-là nga kiyá.”

⁵ Tanga jñò bixón-nó: “Jngoò xit̩a ma kitsò-là na'èn-là, o nea-là: Mikii koma sìchját'aà-lè; ngats'ii tsojmi xi tjin-na, jè Nainá jye kitsjaà-là.”

⁶ Bixón-nó nga mì t̩i kii tji'nde-la nga skoexkón na'èn-là ko nea-là; mì t̩i kii koma ksjiko-nò. K'oaa s'in 'nè jñò nga níkiyna kjotixoma-là Nainá nga koi onguítjìngui-là kjotixoma tsajòn.

⁷ Jñò, xit̩a xi jò ma isén-nò, ndaa kiichja it'aà tsajòn Isaías, xit̩a xi kiichja ngajo-là Nainá k'e nga kitsò:

⁸ Jñà xit̩a koi beèxkón-na xi tà 'én chja tanga jè injima-là kjiiin tijnat'aaxin.

⁹ Njmé chji-là nga beèxkón-na,

nga kjotixoma-là xit̩aá okóya koni tsà kjotixoma-là Nainá.

¹⁰ Jesús, k'ée kiichja-là ngats'ii xit̩a, kitsò-là:

—Tjiná'yaà ko ndaa kàtachjya-nò.

¹¹ Jñà tsojmi xi tso'ba kine-ne xit̩a, mìtsà jñà xi síkits'ón xit̩a nga nguixkon Nainá; jñà xi tso'ba bitjo-ne xi síkits'ón.

¹² Jñà xit̩a xi kota'yàt'aà-là Jesús ijchòkon, kiskònangui-là, kitsò-là:

—¿A tjiin-lè jñà xit̩a fariseo kòjti-là k'e nga kii'nchré 'én koni s'in kinokjoi?

¹³ Jesús kitsò-là:

—Njton mé tsojmi t̩jè xi mìtsà jè Na'èn-na xi tìjna ngajmii tsibítje, tjanè-né skanda ko ima-là.

¹⁴ Kii kii 'nè kindá; jñà xit̩a fariseo mejèn-là okó-là ndiyá jñà xit̩a xi mikii tsejèn-là, tanga jñà, tikoaa mikii tsejèn-là. Tsà jngoò xit̩a xi mikii tsejèn-là, mikii koma kòkò-là ndiyá jngoò xi tikoaa mikii tsejèn-là. Ingajò, yaá kixoya ngajo ñánda ch'o choòn.

15 Pedro kitsò-là Jesús:

—Tènojmiya-nájen jè kjoa koi koni s'in kasi.

16 Jesús kitsò:

—¿Jñò, a tìkoáá mikii machiya-nò kó tsòya-ne?

17 ¿A mì fiya-nò ngats'iì tsojmi xi ndsobaá chine-ná, indso'baá fis'en, ikjoàn bitjojìin-ne yijo-ná?

18 Tanga ngats'iì 'én xi ndsobaá nokjoàa-ná, inìma-ná bitjojìin; jñà 'én koi, jñà-né xi síkìts'ón xita nga nguixkon Nainá.

19 Nga yaá bitjokajìin inìma-là xita kjohìtsjeèn xi ch'o tsò, koni jñà xi xita sík'en, kò xi kjoa chingui s'in ts'e xita xi k'j'èè kii bixan kò xi jye chixàn, kò kjoa chujé, kò kjoa ndiso kò kjoa nga chajano-ná.

20 Ngats'iì kjoa koi xi inìma-là bitjokajìin-ne xita, jñà-né xi síkìts'ón xita; tanga k'e nga bichiaá, nas'in mikii onìjnoaá ndsaá, mikii síkìts'ón-ná.

Kó kitsò jngoò chjoón xi xìn nangui-là nga kòkjeiín-là it'aà ts'e Jesús

(Marcos 7:24-30)

21 Jesús itjokajìin ya j'nde jè; kii j'nde ñánda 'mì Tiro kò Sidón.

22 Jngoò chjoón xi xita Cananea xi ya j'nde-là, inchrobà-ne ijchòkon Jesús, 'ñó kiichja, kitsò-là:

—¡Na'èn, nga ya nchrobàt'aà-ne tje-là xitaxá itjòn David [nga jì tijna ngajo-là] jchahìma-ná! Ndi tsòti-na ch'in neji tijin inìma-là, tseé kjo'in tísikjeiín.

23 Tanga Jesús nì mé 'én kiichja-là jè chjoón. Kò jñà xita xi kota'yàt'aà-là Jesús, kitsò:

—Kòt'in-là chjoón jè, kàtji-ne; tsí ch'o kjindáya tjingui-ná.

24 K'èé kitsò Jesús:

—Nainá kisikasén-na, tà jñà j'j katsjià xita naxandá Israel nga kichijà koni orrè.

25 Tanga jè chjoón tsasixkó'nchit'aà-là Jesús, kitsò-là:

—Na'èn, tìchját'aà-ná.

26 Jesús kitsò-là:

—Mikii ndaà tjin nga chjaà'an-lá niño jñà jxti, ikjoàn k'oi-lá nañá.

27 Tanga jè chjoón kitsò:

—Jon, Na'èn, tanga jñà nañá kineé xi-là tsojmi xi bixòngui ímìxa-là nei-là.

28 Jesús k'èé kitsò-là:

—Jì chjoón, 'ñó ndaà mokjeiín-lè it'aà ts'an. K'oas'in kàtama koni s'in mejèn-lè.

Kò jè tsòti-là chjoón, tìk'èé kjòndaà-ne nga tje-ne hora.

Kó kis'iin Jesús nga kjìn skoya ch'in kisindaà-ne

29 Jesús kii-ne ya j'nde ñánda 'mì Tiro kò Sidón koa tsatot'aà indii nandá Galilea. K'èé kiiimjin-jno jngoò nindoò kò yaá tsibijna.

30 Kjìn jchán xita ijchòtjingui-là ñánda tìjna; ijchòkò-là xita xi tsá'yá kjoàn, xita xi mikii tsejèn-là, xita xi kótó tsja kjoàn, xita xi mikii ma chja kò xita xi k'j'èi ch'in tjin-la; yaá kisikítsajngui ndsoqò Jesús. Ngats'iì xita koi kisindaà-ne.

31 Tà kjòxkón-là jñà xita k'e nga kijtseé nga komà kiichja-ne jñà xi mikii ma chja; koa jñà xi mikii ndaà síxá tsja, kjòndaà-ne; xi mì ma fi, komà kii-ne; koa jñà xi mikii tsejèn-là, kjòtsejèn-là. K'èé jeya kisikíjna Nainá koni kisikò jñà xita-là naxandá Israel.

Kó kis'iin Jesús nga ñijòn jmii xita kisikjèn

(Marcos 8:1-10)

32 Jesús kiichja-là xita xi kota'yàt'aà-là, kitsò-là:

—Mahìmakeè-ná jñà xita koi. Jye kò jàn nachrjein tjin-là nga tìtsajnakò-na, koa nìmé tjin tsojmi xi kine. Majin-na nga tà k'oas'in sikasén chjan-na ni'ya-là tsá ya kohindaáya ndiyá.

33 Jñà xita xi kota'yàt'aà-là Jesús kitsò:

—Jngoò j'nde it'aà xìn ñánda nìmé tsojmi tjin, ¿kòs'in koma sakó-ná tsojmi xi kòkjen jñà xita koi nga 'ñó kjìn ma-ne?

34 Jesús kiskònangui-là, kitsò-là:

—¿Kó tjin ma inchrajín xi tìyijò-nò?

Jñà xita xi kota'yàt'aà-là kitsò:

—Itoò ma-ne inchrajín, kò tjin chiba-najen tìn jtabá.

35 K'èé kitsò Jesús:

—Koa tìn-là kàtìtsajnat'aà nangui jñà xita.

36 Jesús kiskoé inchrajín xi itoò ma-ne kò jñà tìn jtabá, kitsjaà-là kjondaà Nainá, ikjoàn kisixkoaya, kjòngatsja jñà xita xi kota'yàt'aà-là mé-ne nga kitsjaà-là jñà xita xi kjìn ma-ne.

37 Tsakjèn yije xita kòhotjìn skanda kó nga kjòskii. K'e nga tsibixkò-ne xi tsiningui-ne, ngui itoò nìsiyá komà.

³⁸ Jñà x̄it̄a xi tsakjèn, ñijòn jmiì ma-ne xi x̄it̄a x̄'in, mìkii kòkkeya jñà íchjín kò íxti.

³⁹ Jesús kishixat'aà x̄it̄a, ìkjoàn jahas'en chitso koa kii ya ì'nde ñánda 'mì Magdala.

16

*Kó kitsò Jesús k'e nga jñà x̄it̄a fariseo kò x̄it̄a saduceo kisijé jngoò seña
(Marcos 8:11-13; Lucas 12:54-56)*

¹ Jñà x̄it̄a fariseo kò x̄it̄a saduceo kũkon Jesús ñánda t̄jna nga mejèn-là skót'aà tsà kix̄i kjoa nga Nainá kisikasén. Kisijé jngoò-là seña xi jeya t̄jín xi ìt'aà ts'e Nainá nchrobá-ne.

² Tanga Jesús kitsò-là:

—K'e nga jye mahixòn, jñò, bixón-nò: “Ndaà choòn nchijòn-lè, inì choòn ján ngajmii.”

³ K'e nga tajñòya bixón-nò: “Mikii ndaà choòn nàchrjein ì'nde; ngajmii inì choòn kò ifi kjija.” Jñò xi jò ma isén-nò, 'ya-nò kó choòn ngajmii tanga mikii fiya-nò kó tsòya-ne kjoxkòn xi tíma nàchrjein ì'nde.

⁴ Jñà x̄it̄a ts'en kò x̄it̄a xi mikii 'nchréñijon-là Nainá, jngoò seña síjé xi jeya t̄jín; tanga ñimé seña skoé, tà jè skoé ts'e Jonás, x̄it̄a xi kũchja ngajo-là Nainá.

Jesús yaá kisikítsajna x̄it̄a koi; jè, kii-né.

*Jesús, mé kjoa xi tísngásòn-kò kjohítsjeèn xi okóya x̄it̄a fariseo
(Marcos 8:14-21)*

⁵ Jñà x̄it̄a xi kota'yàt'aà-là Jesús, k'e nga tsatot'aà xijngoàà nandá, kijchàajin-là mikii ts'a inchrájin.

⁶ Jesús kitsò-là:

—Chítsejèn-là koa t̄kindaa yijo-nò ìt'aà ts'e na'yo san-là x̄it̄a fariseo kò x̄it̄a saduceo.

⁷ X̄it̄a xi kota'yàt'aà-là Jesús tsohóko x̄ikjín, kitsò-là:

—Koií kòtsò-ná nga mikii kich'á inchrájin.

⁸ Jesús ñitqón kijtseèya-là, kitsò-là:

—¿Mé-ne kòkixón-nò nga tsjin-nò inchrájin? 'Ñó ch̄iba mokjeiin-nò ìt'aà ts'an.

⁹ ¿A mì machiya-nò, a mì bitsjeèn-nò k'e nga kisika'biá inchrájin xi 'òn ma-ne koa 'òn jmiì x̄it̄a x̄'in tsakjèn? ¿Kó t̄jín ñisjyá tsibíkkó-isa?

¹⁰ ¿A mì t̄jiin-nò t̄ikoaa k'e nga kisika'biá inchrájin xi itoò ma-ne kò ñijòn jmiì x̄it̄a tsakjèn? ¿Kó t̄jín ñisjyá tsibíkkó-isa?

¹¹ ¿Mé-ne nga mikii machiya-nò nga 'an mìtsà koi xi otixan-nò ìt'aà ts'e inchrájin? Jè-né nga t̄kindaa yijo-nò na'yo san-là x̄it̄a fariseo kò x̄it̄a saduceo.

¹² K'eé kjòchya-là nga jè Jesús k'e nga okitsò-là: “T̄kindaa yijo-nò”, mìtsà na'yo san-là inchrájin xi tsibénojmi-là, jñà kjohítsjeèn xi okóya jñà x̄it̄a fariseo kò x̄it̄a saduceo.

*Kó kitsò Pedro yá x̄it̄a-ne Jesús
(Marcos 8:27-30; Lucas 9:18-21)*

¹³ K'e nga ijchò Jesús ya ì'nde ñánda 'mì Cesarea ts'e Filipino kiskòngui-là jñà x̄it̄a xi kota'yàt'aà-là. Kitsò-là:

—¿Kó tsò jñà x̄it̄a? ¿Yá-ná 'an xi Ki'ndí-là X̄it̄a xan-là yijo-na?

¹⁴ Kitsò jñà x̄it̄a xi kota'yàt'aà-là:

—T̄jín xi tsò: “Jè Juan xi kis'lin bautizar x̄it̄a.” Kò t̄jín xi tsò: “Jè Elías.” T̄ikoaa t̄jín x̄it̄a xi tsò: “Jè Jeremías.” Kò xi k'ejí x̄it̄a tsò-né: “Jngoò x̄it̄a xi kũchja ngajo-là Nainá.”

¹⁵ K'eé kitsò Jesús:

—¿Koa jñò, kó bixón? ¿Yá-ná 'an?

¹⁶ K'eé kũchja Simón Pedro kitsò:

—Ji-né xi Cristo [xi xó kisikasén-ne Nainá], Ki'ndí-là Nainá xi t̄jnakon.

¹⁷ Ìkjoàn kũchja Jesús; kitsò-là:

—Mé tà ndaà-lè nga jì Simón, ki'ndí-là Jonás. Jè Nainá xi t̄jna ngajmii tsakò-lè ngats'ii kjoa koi; mìtsà x̄it̄a isò'nde tsibénojmi-lè.

¹⁸ 'An, k'oaá xán-lè nga Pedro 'mì-lè [nga ndajo tsò-ne]; yaá isòn ndajo jè kındaasoàn naxandá-na; nas'in jè nga'ño-là kjoabiyaà mikii s̄ikijne-là jñà x̄it̄a naxandá-na.

¹⁹ 'Aán tsjaà-lè ìb̄j-là xotjoa-là naxandá xi jè otixoma-là jè xi ngajmii nchrobá-ne; ngats'ii kjoa xi koi'ndi ì isò'nde, t̄ikoaa ján ngajmii Nainá tsjá'nde-né; kò jñà kjoa xi mikii koi'ndi ì isò'nde, t̄ikoaa ján ngajmii, Nainá mikii tsjá'nde.

²⁰ Jesús kitsò-là jñà x̄it̄a xi kota'yàt'aà-là:

—Ki yá xi bènojmi-là nga 'an-ná xi Cristo [nga 'aán kisikasén-na Nainá].

*K'oaá s'in tsibénojmi Jesús kjoabiyaà-là
(Marcos 8:31-9:1; Lucas 9:22-27)*

²¹ Tikoj-ne nàchrjein Jesús tsibíts'ia nga tsibénojmíya-là xítà xi kota'yàt'aà-là nga jè, jàn kjoj Jerusalén, koa jñà xítà jchínga ko xítà sko-là no'mù ko xítà xi okóya kjotixoma-là Nainá xi kiskii Moisés, tseé kjo'in tsjá-là. Sjik'en-né. Tanga k'e nga kijchò jàn nàchrjein, kjoaáya-là.

²² Jè Pedro k'ée kiiko Jesús ñánda it'aà xin nga kiichjako nga mikii ndaà tjín koni tsò. Kitsò-là:

—Na'èn, ki k'oaá s'in nikítsjiin. Mi k'oaá tsò Nainá nga k'oas'in komat'in.

²³ Tanga Jesús kisikáfaya, kitsò-là jè Pedro:

—Tisít'aaxín-ná ji xítà neíi. Tà mejèn-lè nga jè binchaatsji-ná. Mitsà k'oas'in nikítsjiin koni s'in tjín kjohítsjeèn-là Nainá. Ngaji tà k'oaá s'in nikítsjiin koni s'in tjín kjohítsjeèn-là xítà.

²⁴ Jesús k'ée kitsò-là xítà xi kota'yàt'aà-là:

—Tsà yá xi mejèn-là nga xítà ts'an koma, kàtatsjeiin-takòn mé xi mejèn-là yijo-là; koni jngòò xítà xi 'yajen krò-là, kàtijnandaà nga siikjeiin kjo'in xi kjoa ts'an; ndaà kàtjit'aà-na.

²⁵ Nga nítà yá xítà xi mejèn-là kochrjetji yijo-là nga nimé kjo'in sakò-là, tà saá siichija-né ko kjo'in kijnajin; tanga jè xi tjinnandaà nga tsjá yijo-là xi kjoa ts'an, sakò-là kjoabinachon nga it'aà ts'an ndaà kijnà.

²⁶ Mé xi siikijne jngòò xítà nas'in tjoé yije-là isò'nde tsà siichija inima-là? Nímé. ¿A komaá kojichji kjoabiyaà jngòò xítà xi majin-là nga kiyá? Majin.

²⁷ 'An xi Ki'ndí-là Xítà xan-là yijo-na kitjojeén jngòò k'a-na nga kjoikoa kjoajeya-là Na'èn-na ko àkjale-là nga sichikon-t'ian nga jngòò jngòò xítà koni s'in kisikitasòn.

²⁸ Qkixii xi xan-nò, títajnajin i'nga jindé xítà xi mi ki kiyá skanda k'e nga skoe-na xi Ki'ndí-là Xítà xan-là yijo-na nga kitjojen jngòò k'a nga kotixoma.

17

Kii komà nga jahatjia í'ño isén-là Jesús ya isò'nga nindoò

(Marcos 9:2-13; Lucas 9:28-36)

¹ Nga komà joòn nàchrjein Jesús kiimijin-jno jngòò nindoò xi 'nga kji; kiiko jè Pedro, Jacobo, ko Juan xi 'ndse ma Jacobo.

² K'e nga ijchò j'nde jè, Jesús, jahatjia í'ño isén-là nga nguixkon jñà xítà koi. K'oaá kji komà isén-là koni kji ts'oi ko jè nikje-là kjöchroba-né koni isén ndobá.

³ Jñà xítà koi tà nítóón kijtseé Moisés ko Elías nga nchijoókjoò Jesús.

⁴ Pedro kitsò-là Jesús:

—Na'èn, ndaà tjín nga i titsajnaá; tsà mejèn-lè jàn ni'ya xkójndà kíndaà-jen, jngòò tsiji, jngòò ts'e Moisés ko xi jngòò ts'e Elías.

⁵ K'e nga tíchja Pedro, j'ii jngòò 'nguién-là ifi xi ote kji xi tsibi'ma xítà koi, ko ya jjiin ifi kina'yá jngòò-là 'én xi kitsò:

—Jè jèe xi ki'ndí-nà xi 'ño matsjake ko xi xó jaajin-nà; jè tjín'ya-là.

⁶ Jñà xítà xi kota'yàt'aà-là Jesús k'e nga kii'nchré, tà kitsakjòn-né. K'ée tsoyijò tsakján skanda it'aà nangui.

⁷ Jesús kiikasit'aà chrañà-là; kisikjaníyá-là, kitsò-là:

—Tisitjeen, ki tsakjón-jèn.

⁸ K'e nga kiskoótsejen xítà koi mì tí yá tjín-ne. Tà jè tajngòò síjna Jesús.

⁹ K'e nga inchròhòjen-t'aà-ne nindoò, Jesús kitsò-là:

—Kí yá xítà xi bènojmí-là jè kjoa xi kà'yaà skanda k'e nga kjoaáya-na it'aà ts'e kjoabiyaà 'an xi Ki'ndí-là Xítà xan-là yijo-na.

¹⁰ Jñà xítà xi kota'yàt'aà-là Jesús kiskònangui-là, kitsò-là:

—Mé-ne kòtsò-ne xítà xi okóya kjotixoma-là Nainá xi kiskii Moisés nga jè Elías kjoji itjòn? Jesús kitsò:

—Qkixi-né, jè kjoji itjòn Elías, ko jè kojindaajin yije kjoa.

¹² Tanga 'an, k'oaá xán-nò, jè Elías, jyeé j'ii. Jñà xítà, mikii kijtseèxkon. Ta k'oaá s'in kisiko koni s'in mejèn-là. K'oaá tís'in komat'ian 'an xi Ki'ndí-là Xítà xan-là yijo-na; tseé kjo'in tsjá-na jñà xítà.

¹³ Jñà xítà xi kota'yàt'aà-là Jesús k'ée kjöchija-là nga jè Jesús, k'e nga tíchja it'aà ts'e Elías, jè Juan xi kis'in bautizar xítà xi otsò-là.

Kòs'in koma kitjokajin inima ch'o-là neii xi tjín-là xítà

(Marcos 9:14-29; Lucas 9:37-43)

¹⁴ K'e nga ijchò Jesús ñánda títajna xítà xi kjin ma-ne, jngòò xítà ijchò kasit'aà-là nga tsasixkó'nchit'aà-là, kitsò-là:

¹⁵ —Na'èn, chahimai ki'ndí-nà. Ch'in biyaaxín tjín-là. 'Ñó tse kjo'in síkjeiin. Jyeé kòkjin k'a kaajin ni'in ko nandá.

¹⁶ Íi kòf'iko-là jñà xítà xi kota'yàt'aà-lè, tanga mikii mandaà-là.

¹⁷ Jesús kitsò:

—Jñò x̄it̄a xi mìkiì mokjeiín-nò it'aà ts'an xi ch'o 'nè. ¿Skanda mé nachrjein kótijnako-nò? ¿Skanda mé nachrjein ska-na kjoa-nò? Nchrohóko-ná jè ti j̄ndé.

¹⁸ Jesús tsohótiko jè inìma ch'o-la nejí koa itjokàjìin-ne yijo-la jè ti. Tijè-ne hora, n̄it̄oón kj̄ondaà-ne.

¹⁹ Jñà x̄it̄a xi kota'yàt'aà-la Jesús kiskònanguit'aàxìn-la. Kitsò-la:

—¿Mé-ne ngajen mìkiì kòbitjoiìn-najen jè inìma ch'o-la nejí?

²⁰ Jesús kitsò-la:

—Mìkiì komà-nò koi-né nga tà chiba mokjeiín-nò it'aà ts'an. Okixíí xi xan-nò tsà ta okji kokjeiín-nò koni kji xojmá mostaza nga it̄sé kji, koma k'oin-là nindoò: “Tixín j̄ndé. T'in ján xijngoaà ñánda it'aà xìn.” Koa jè nindoò kòsit'aàxìn-né. Jñò, n̄imé kjoa xi 'in koma-nò tsà ndaà kokjeiín-nò.

²¹ Jñà inìma ch'o-la nejí xi okjoàn, k'ée bitjokàjìin nga nokjoàt'aà-là Nainá ko nga bijnachjaán.

*K'oaá s'in tsibénojmi Jesús kjoabiyaà-la xi ma-ne jò k'a
(Marcos 9:30-32; Lucas 9:43-45)*

²² K'e nga taña kitjen nga tjíma ya i'nde Galilea, Jesús kitsò-la jñà x̄it̄a xi kota'yàt'aà-la:

—'An, xi Kí'ndí-la X̄it̄a xan-la yijo-na, yaá tsoḅa'ñó-na jñà x̄it̄a,

²³ ikjoàn s̄jik'en-na. Tanga k'e nga kijchò jàn nachrjein nga k̄iyá, kjoaáya-na.

Jñà x̄it̄a xi kota'yàt'aà-la k'e nga kii'nchré 'én koi t̄a ba koma-la.

Tsojmi xi machít̄ji ts'e ingo it̄jòn

²⁴ K'e nga ijchò Jesús ko x̄it̄a xi kota'yàt'aà-la ján naḅandá Capernaum, jñà x̄it̄a xi bíxkó ton ts'e ingo it̄jòn kiskònangui-la Pedro kitsò-la:

—Jè Maestro-lè, ¿a mìkiì bíchjí ton ts'e ingo?

²⁵ Jè Pedro kitsò:

—Jon, bíchjí-né.

K'e nga jahas'en ni'ya Pedro, Jesús, jè kiichja it̄jòn-la, kitsò-la:

—¿Kó si Simón, jè x̄it̄axá it̄jòn xi i'isò'nde ts'e, yá-né xi síkíchjít̄ji tsojmi ko ton-sá? ¿A jñà-né xi i'naḅandá-la, o xi jñà-né xi xìn i'nde-la?

²⁶ Pedro kitsò:

—Jñà xi xìn i'nde-la xi bíchjí.

K'ée kitsò-la Jesús:

—Jñà xi i'naḅandá-la n̄imé koiichjí.

²⁷ Tanga mé-ne nga mì ch'o k̄itso-ná jñà x̄it̄a, t'in ján indii ndáchikon. T̄ikatjen-jìin k̄icha libá-lè xi tsoḅa'ñó t̄in, koa jè t̄in xi chjoé it̄jòin, chíx'eii tso'ba; ya t̄ji'a jngoò ton. Komaá-ne nga kichjí xi ts'an ko ts̄ji. Tikoji, tichjí-la.

18

*Yá x̄it̄a-ne xi tjina it̄jòn it'aà ts'e Nainá
(Marcos 9:33-37; Lucas 9:46-48)*

¹ Jñà nachrjein koi jñà x̄it̄a xi kota'yàt'aà-la Jesús ijchòkon nga kiskònangui-la; kitsò-la:

—Jñà x̄it̄a xi jè otixoma-la xi ngajmii nchrobá-ne, ¿yá-ne xi tjina it̄jòn nga isa'ñó chíjí-la?

² Jesús kiichja jngoò-la ndí ti. Kisikasjina jngoò osen-la jñà x̄it̄a.

³ Kitsò:

—Okixíí xi xan-nò, jñò, tsà mì k̄i s̄jakjt̄iya-là kjohítsjeèn-nò ko tsà mì k̄i k'oas'ín s'een koni jñà ndí j̄xti mìkiì k̄it̄jás'en-jñò ñánda tíhotixoma jè xi ngajmii nchrobá-ne.

⁴ Jè xi síkjajen-la inìma-la koni ndí ti jè, jè-né xi tjina it̄jòn-la ngats'ii x̄it̄a xi jè tíhotixoma-la xi ngajmii nchrobá-ne.

⁵ N̄it̄a yá-ne xi it'aà ts'an skoétjò jngoò ndí ti koni jè, 'áan xi skoétjò-na.

*Mé xi ok'in-la jñà x̄it̄a xi jè ótsji-la x̄it̄a xi k'ejí
(Marcos 9:42-48; Lucas 17:1-2)*

⁶ N̄it̄a yá-ne xi jè sk̄injìin jngoò ndí x̄it̄a ima xi mokjeiín-la it'aà ts'an, isaá-la ndaà koma tsà s̄ngui'ñó jngoò ndajo natsí ís'ín, ikjoàn s̄ikatjen-jìin ndáchikon ñánda nga 'ñó nanga 'ncha nandá.

⁷ Ima xó-ne jñà x̄it̄a isò'nde nga tjín jchán x̄it̄a xi ótsji'nde-la nga mejèn-la nga sakó jè. Tanga xó k'oáa koma-ne isò'nde, tanga ima xó-nè jè x̄it̄a xi ótsji-la jè xi k'ejí x̄it̄a.

⁸ Tsà jè ndsaa ko ndsokoó ótsji jé-nò, t̄ichátjòn koa kjìin t̄ikatjòò. Isaá ndaà-nè tsà xkoán t̄itsjòò nga k̄it̄jás'een ñánda s'e-nò kjoabinachon, mì k'oáa-ne tsà jò ma ndsaa ko ndsokoó koa ján onguió j̄jìin ni'in ts'e i'nde kjo'in n̄it̄a mé nachrjein-ne.

⁹ Tsà jè xkoòn ótsji jé-nò, tìnachrjeè, kjiin tìkatsjoò. Ìsaá ndaà-nè tsà jngoò ma xkoòn nga kitjás'een ñánda s'e-nò kjoabínachon, mi k'oaá-ne tsà jò ma xkoòn koa ján onguió jjiin ni'in ts'e j'nde kjo'in.

Kjoa xi mangásòn ts'e orrè xi kichijà
(Lucas 15:3-7)

¹⁰ Njingoò ndí xitá koi xi nachrjenguioò; k'oaá xán-nò, ján ngajmii, jñà àkjalé-lá xitá koi, yaá títajna kjit'aà nga nguixkòn Nà'èn-na xi tìjna ngajmii.

¹¹ 'An xi Kì'ndí-lá Xitá xan-lá yijo-na koií xá j'i-na nga j'i kàchrjekàjñaà kjo'in jñà xitá xi kichijà.

¹² ¿Kó bixón? Tsà jngoò xitá xi jngoò sindo ma orrè-lá koa tsà sijchaya jngoò ján jjiin ijñá, ¿a mitsá s'ikitsajna jñà xi ñijòn-kaàn kò chrj'oòn ñijòn ma nga kjoí kátsji jè orrè xi kichijà jngoò?

¹³ Tsà kòtsji-lá, okixí xi xan-nò, isaá tsja koma-lá nei-lá jè orrè xi jngoò ma, mi k'oaá-ne jñà xi kjiin ma xi mi ki kichijà.

¹⁴ K'oaá s'in mejèn-lá Nainá xi tìjna ngajmii nga nijngoò xitá sijchja inima-lá.

Mé xi mochjeén k'e nga sindaàjiiin jngoò-lá xitá
(Lucas 17:3-4)

¹⁵ Tsà jè 'ndsi ch'o tísíko-lè, tìnókjoa-lá k'e nga tà jè tajngoò tìjna; tindaàjiiin-koi jè kjoa-lá; tsà kji'nchré-lè, jyeé ndaà kichibà-nò 'ndsi.

¹⁶ Tanga tsà mikii kji'nchré-lè, k'eé tìnókjoa-lá tsà jngoò kò tsà jò xitá mé-ne nga kji'nchré yije-ne 'én xi chibà koni s'in tichja Xojòn-lá Nainá nga tsò: Mochjeén-né tsà jò kò tsà ján xitá xi tsjá 'én nga koma sindaàjiiin nità mé kjoa-ne mé-ne nga chji-lá.

¹⁷ Tsà mikii 'nchréñijon-lá jñà xitá koi, koatìn-lá xitá naxandá-lá Nainá; koa tsà mikii 'nchréñijon-lá jñà xitá naxandá-lá Nainá, tà k'oas'in jchatakoin koni tsà jngoò xitá xi mikii beexkon Nainá, koni tsà jngoò xitá xi tsojmi sikichijití.

¹⁸ 'Okixí xi xan-nò, jñò, ngats'ii kjoa xi koj'nde i isò'nde, tìkooá ján ngajmii Nainá tsjá'nde-né; koa jñà kjoa xi mikii koj'nde i isò'nde, tìkooá ján ngajmii Nainá mikii tsjá'nde.

¹⁹ 'Jngoò k'a koa xan-nò: tsà jò ma-nò i isò'nde xi tìjngoò takòn nga sijét'aà-là Nà'èn-na xi tìjna ngajmii nità mé kjoa-ne, tsjá-nò.

²⁰ Ya ñánda títajna jò ján xitá-na xi jít'aà ts'an bixoña, yaá tìjnajiin osen-lá.

²¹ K'eé ki kasi'taà chrañá-lá jè Pedro, kiskòngui-lá Jesús, kitsò-lá:

—Nà'èn, ¿kó tjin k'a s'ijchàat'aà-lá xinguiáa k'e nga tsà ch'o tísíko-na? ¿A skanda itoò k'a?

²² Jesús kitsò-lá:

—Mitsá xan-lè itoò k'a; xaán-lè itoò k'a xi ján-kaàn kò te.

Jngoò ch'i'nda xi mi ki kisijchàat'aà-lá xikjín

²³ Koni s'in otixoma jè xi ngajmii nchrobá-ne, k'oaá s'in tjin koni kis'in jngoò xitáxá ítjòn xi kisijé-lá kindá xitá ch'i'nda-lá.

²⁴ K'e nga tís'in kindá j'ii jngoò ch'i'nda-lá xi 'ñó kjiin millón ton kitjen-lá.

²⁵ Ch'i'nda jè tsjin-lá ton xi kojichjí-lá. Jè nei-lá kitsjaá okixí nga kátasatijna osen jè chá, kò chjoón-lá kò jxti-lá, ngats'ii tsojmi xi tjin-lá mé-ne nga kochjí-lá ton xi kitjen-lá.

²⁶ Ch'i'nda jè tsasixkó'nchit'aà-lá jè nei-lá; tsibitsi'ba-lá, kitsò-lá: “Nà'èn, tjin-lè kjondaà, chíñakjoa-ná; kichjí yijeé-lè ngats'ii xi kitjen-na.”

²⁷ Jè nei-lá kjòhijakeé ch'i'nda-lá, kisijchàat'aà-lá nga yije kindá xi kitjen-lá koa kisikijnandej-ne.

²⁸ Tìk'e-ne nga itjo ni'ya ch'i'nda jè, kisatìkjoò jngoò ch'i'nda xikjín xi tìkooá ton kitjen chiba-lá xi ts'e. Kitsobá'ñó s'in nga mejèn-lá kìnchàjtá-lá, kitsò-lá: “Tìchjí-ná xi kitjen-lè.”

²⁹ Koa jè ch'i'nda xikjín tsasixkó'nchit'aà-lá, tsibitsi'ba-lá. Kitsò-lá: “Chíñakjoa-ná, kichjí yijeé-lè xi kitjen-na.”

³⁰ Tanga jè mikii kòkjeiín-lá. Tà saà ndayá kiskinis'en skanda k'e nga kojichjí yije-lá kòhotjín xi kitjen-lá.

³¹ K'e nga kijtseeé jñà ch'i'nda xikjín xi i'nga, baá koma-lá. K'eé ki tsibénomj-lá nei-lá ngats'ii kjoa xi komá.

³² Jè xitáxá ítjòn xi nei-lá, k'eé kiskinikjaá ch'i'nda jè, kitsò-lá: “Ji ch'i'nda xi ch'o 'ni. 'An kisijchàat'aà-lè ngayije xi kitjen-lè k'e nga tsibítsi'ba-ná.

³³ Tìkooá ngaji tji'nde-lè nga jchajimachii ch'i'nda xingui koni s'in kisiko-lè nga kjòhijakeé-lè.”

³⁴ Jè nei-lá kjòjtí-lá, k'eé kitsjaá okixí nga kát'i-lá kjo'in skanda k'e nga kojichjí yije xi kitjen-lá.

³⁵ Jesús kitsò:

—Jñò k'oaá t̄is'ín s̄iikò-nò nga jngooò l̄jngooò Nà'èn-nà xi t̄jna ngajm̄i tsà nga mì koo in̄ima-nò s̄ijchàat'aà-là jé-là x̄inguioo.

19

Kiis'ín tsakóya Jesús it'aà ts'e x̄ita xi t̄siin x̄ikjín

(Marcos 10:1-12; Lucas 16:18)

¹ K'è nga jye k̄ichj̄a Jesús, k̄i-ne ya Galilea ján nangui Judea xi t̄jna x̄ijngoaà x̄ajngá nandá Jordán.

² Nò k̄jìn x̄ita k̄iit̄jngui-là koa yaá kisindaà-ne j'nde jè jñà x̄ita xi xk'én.

³ Ijchò i'nga x̄ita fariseo ya ñanda t̄jna Jesús nga mejèn-là skónachan-là. Ikjoàn kiskónangui-là, kitsò-là:

—¿A t̄j'nde-là xi x'ín nga t̄siin chjoón-là xi n̄ita mé kjoa-ne?

⁴ Jesús kitsò-là:

—¿A k'è'e bixkejñò Xojon-là Nainá nga tsò: “Nainá, k'è nga s̄a tsibindaà x̄ita, tsibindaà x'ín ko chjoón?”

⁵ K'oaá kitsò: “K'oaá ma-ne nga jè x'ín s̄iikj̄ina nà'èn-là ko nea-là nga k̄jnakò chjoón-là. Ta jngooò x̄ita koma-ne ingajò.”

⁶ Mitsà t̄j jò ma-ne, tà jngooò koma-ne. K'oií kjoa-là nga mì yá x̄ita t̄j'nde-là nga s̄iits̄j̄in-ne x̄ikj̄in xi Nainá kis̄jngooò.

⁷ Jñà x̄ita fariseo kiskónangui-là Jesús:

—¿Mé-ne jè Moisés kitsjaà'nde-ne nga tsò: xojon k̄atasindaà nga koma tsj̄in x̄ikj̄in x̄ita?

⁸ Jesús kitsò-là:

—Koií-né nga t̄ajaaj̄in t̄jìn in̄ima-nò, Moisés kitsjaà'nde-nò nga k̄ijnioò íchj̄in-nò, tanga k'è nga s̄a t̄ats'en-là kjoa, mì k'oaá s'ín t̄jìn.

⁹ An k'oaá xán-nò, jè x'ín xi tsj̄in-ne chjoón-là, tsà mitsà kjoa chijngui t̄is̄iko, ko tsà k'ej̄i chjoón k̄ixan-ko, jyeé kjoa chijngui t̄is'ín jè x'ín. T̄ikoaá tsà jè x'ín xi k̄ixan-ko jngooò chjoón xi kits̄j̄in x'ín-là, t̄ikoaá kjoa chijngui t̄is'ín.

¹⁰ Jñà x̄ita xi kota'yàt'aà-là Jesús kitsò:

—Tsà k'oaá s'ín 'iín t̄jìn kjoa ts'e x̄ita xi bixan, isaá-la ndaa s'e tsà mì k̄ixan x̄ita.

¹¹ Jesús kitsò-là:

—Tj̄in x̄ita xi mìk̄i mokjeiín-là k̄joh̄its̄jeèn jè; tà jñà x̄ita xi Nainá xó k'oa's'ín kitsjaà-là.

¹² Tj̄in x̄ita xi mìk̄i bixan nga xó k'oa's'ín kits'ín-ne nga mì íchj̄in s̄iis'in-là; t̄ikoaá t̄jìn x̄ita xi x̄ita x̄ikj̄in okisikò nga mì íchj̄in s̄iis'in-là; t̄ikoaá t̄jìn x̄ita xi mìk̄i bixan nga k'oa's'ín tsibinè-là yijo-là nga mì íchj̄in s̄iis'in-là nga mejèn-là s̄ixá j't'aà ts'e k̄jot̄ixoma-là ngajm̄i. Jñà x̄ita xi ch̄ikjoa-là nga mokjeiín-là kjoa koi, k'oa's'ín k̄atasik̄tasòn.

Kií kitsò Jesús nga kisichikon-t'ín ndí ixti

(Marcos 10:13-16; Lucas 18:15-17)

¹³ Jñà x̄ita j'íikò-là ndí ixti ñanda t̄jna Jesús nga mejèn-là koòt'aà-là tsja ko k̄iits'ibatj̄i, tanga jñà x̄ita xi kota'yàt'aà-là Jesús tsohótiko jñà x̄ita xi j'íikò ndí ixti.

¹⁴ K'è'e kitsò Jesús:

—Tj̄i'nde-là jñà ndí ixti nga k̄at̄janchrobákon-na. Kì binchahikon-là. Jñà xi k'oa s'ín t̄jìn in̄ima-là koni ts'e ndí ixti, jyeé ts'e ngats'ii k̄jondaà xi t̄j̄in ya ñanda t̄ihot̄ixoma jè xi ngajm̄i nchrobá-ne.

¹⁵ Jesús tsohósòn-là tsja jñà ndí ixti; ikjoàn k̄i-ne ya j'nde jè.

X̄ita xi 'ñó k̄jìn tsojmi t̄jìn-là

(Marcos 10:17-31; Lucas 18:18-30)

¹⁶ Jngooò x̄ita ijchòkon Jesús, kiskónangui-là, kitsò-là:

—Maestro, ¿mé k̄jondaà xi s'iaàn nga s'e-là kjoabinachon in̄ima-nà n̄ita kjé-ne?

¹⁷ Jesús kitsò-là:

—¿Mé-ne chj̄inangui-ná j't'aà ts'e kjoa xi ndaa t̄jìn? Mitsà yá t̄jìn xi ndaa x̄ita, tà jngooò Nainá. Tsà mejèn-lè nga s'e-lè kjoabinachon n̄ita kjé-ne, t̄ikitasoin k̄jot̄ixoma-lè Nainá.

¹⁸ X̄ita jè kiskónangui:

—¿Ñá-lá k̄jot̄ixoma-ne?

Jesús kitsò-là:

—“Kì x̄ita n̄ik'in; k̄i kjoa chijngui 'n̄i; k̄i chijé 'n̄i; k̄i 'én ndiso nokjoi j't'aà ts'e x̄ita xi k'ej̄i;

¹⁹ jchaxkoin na'èn-lè ko nea-lè; t̄itsjachi x̄ita x̄ingui koni tsà t̄j yijo tsj̄i-ne.”

²⁰ —Ngats'ii k̄jot̄ixoma koi jyeé kisikitasoàn —kitsò jè ti—. ¿Mé xi chija isa-nà?

²¹ Jesús kitsò-là:

—Tsà mejèn-lè nga ngui kixi k̄jini, t'ín, tat̄j̄ni yije tsojmi xi t̄jìn-lè. Jè ton-lè t̄ika'bí-là x̄ita im̄a mé-ne nga s'e-lè kjoa machikon-t'ín ján ngajm̄i. Ikjoàn nchrobát̄jngui-ná.

²² X̄ita jè, k'e nga kii'nchré 'én koi, tà baá komà-là, koií kjoa-là nga 'ñó k̄jìn tsojmì t̄jín-là.

²³ K'eé kitsò-là x̄ita xi kota'yàt'aà-là Jesús:

—Okixíj xi xan-nò. 'Nó 'in koma-là j̄nà x̄ita nchínà nga kjoahas'en-j̄jìn ñánda tíhotixoma jè xi ngajm̄i nchrobá-ne.

²⁴ Ngui jngoo k'a koxan-nò, isaá mì 'in koma-là jngoo cho camello nga kjoahas'en xkon nindoó xi tjahaña-ne nikje, mì k'oaá-ne koni jngoo x̄ita nchínà xi 'nó t̄jín-là tsojmì nga koma kjoahas'en-j̄jìn ñánda tíhotixoma jè xi ngajm̄i nchrobá-ne.

²⁵ K'e nga kii'nchré 'én koi j̄nà x̄ita xi kota'yàt'aà-là Jesús tà kjòxkón-là. K'eé kitsò:

—¿Yá-né xi k̄itjokaj̄jìn kjo 'in kjoa ts'e jé-là?

²⁶ Jesús kiskoò'an, kitsò-là:

—J̄nà x̄ita mikii koma-là kochrjekaj̄jìn kjo 'in in̄jima-là. Tanga xi Nainá komaá-là ngats'ii kjoa.

²⁷ K'eé kitsò Pedro:

—Na'èn, ngajen, jyeé kinikitsajna yije-jen ngats'ii tsojmì xi t̄jín-najen, koa j̄i t̄jaàt̄jngui-lèjen. ¿Mé xi tjoé-najen?

²⁸ Jesús kitsò-là:

—Xi okixíj xi xan-nò, k'e nga kjichò nachrjein nga koxitseyá jngoo k'a isò'nde, ko 'an xi Ki'ndí-là X̄ita xan-là yijo-na, k'e nga kót̄jnasoàn íx̄ilè xi 'ñó jeya t̄jina, j̄nò, xi jye 'an t̄jaàt̄jngui-ná, t̄kooá yáá k̄itsajnasòn íx̄ilè ts'e k̄jot̄ixoma xi tejó ma-ne, nga j̄nò k̄indaaj̄jìn-là j̄nà x̄ita xi tejó t̄je-là ts'e naxandá Israel.

²⁹ Ngats'ii xi kjoa ts'an kisik̄jina ni'ya-là, 'ndse, ndichja, na'èn-la, nea-là, chjoón-la, ixti-la, nangui-là, jngoo s̄indó k'a k'oa t̄jín tjoé isa-là. T̄kooá tjoé-là kjoabinachon n̄ita kjé-né.

³⁰ I'ndeí, k̄jìn x̄ita xi t̄sajna ítjòn, k'e nga koma iskan j̄nà k̄itsajna t̄jngui. Ko xi t̄sajna t̄jngui j̄'ndeí k'e nga koma iskan j̄nà k̄itsajna ítjòn.

20

Chì'nda xi kisixáko tsojmì t̄jè

¹ Koni s'ín otixoma jè xi ngajm̄i nchrobá-ne, k'oaá s'ín ngayá-là koni tsà jngoo x̄ita xi t̄jín-là nangui. Kii nga tajñòya nga kii kátsji ch̄i'nda xi s̄ixáko ñánda t̄jín-là toó uva.

² K'e nga jye tsibíndaaj̄jìn-ko nga kojichj̄-là koni t̄jín síkijne x̄ita ch̄i'nda nga jngoo nachrjein, ikjoàn kisikasén ñánda kisixá.

³ J̄ngoo k'a kii jè nei-là xá koni xi ñijaàn-la nga tajñòya. Kijtsee isa ch̄i'nda xi t̄yijòj̄jìn nd̄jtsjn xi tsjín-là xá.

⁴ Kitsò-là: “Tanguió t̄xáko-ná. 'An kichj̄-nò koni t̄jín machj̄-nò.” Kii ch̄i'nda koi nga kisixá.

⁵ Jè nei-là xá, kii j̄ngoo k'a k'e nga ijchò nchisen. T̄kooá kii j̄ngoo k'a k'e nga ijchò xi jàn nga kjòhoxòn.

⁶ Jye-la ijchò tsà xi 'òn nga kjòhoxòn, itjo j̄ngoo k'a jè nei-là xá; koa kisakò isa-là ch̄i'nda xi tà jyò t̄sajna. Kitsò-là: “¿Mé-ne tà jyò t̄sajna-nò kó nga kò'ba-nò nachrjein nga mì nixá-nò?”

⁷ J̄nà ch̄i'nda koi kitsò: “Koií-né nga mì yá tsjá xá-najen.” K'eé kitsò-là: “Tanguió ndaà tsà j̄nò; tanguí t̄xá ján j̄jìn tsojmì t̄jè-na.”

⁸ K'e nga jye kójñò, jè nei-là xá kitsò-là jè x̄ita xi sikindá ch̄i'nda-là: “T̄jínókjoa-là ngats'ii ch̄i'nda. Tichj̄-la. T̄its'iāko-ne j̄nà xi iskan kófahas'en xá-là; koa j̄nà xi ítjòn kófahas'en, t̄ikjehet'aà-ne.”

⁹ K'eé kiichja-là j̄nà ch̄i'nda xi jahas'en xi 'òn nga kjòhoxòn; k'oaá t̄jín tsibíchj̄-là koni t̄jín chj̄-là nga jngoo nachrjein nga jngoo j̄ngoo.

¹⁰ K'e nga kjòchj̄-là j̄nà ch̄i'nda xi jahas'en tajñòya, k'oaá komà-là tsà isaá tse kochj̄-là. Tanga tà ngásòn t̄jín kjòchj̄-là koni t̄jín machj̄-là nga jngoo nachrjein nga jngoo j̄ngoo.

¹¹ K'e nga jye kjòchj̄-là ch̄i'nda koi ikjoàn tsibíts'ia nga tsatit'aà jè nei-là xá.

¹² Kitsò-là: “J̄nà ch̄i'nda xi iskan kóbijchó, tà jngoo hora kásixá, koa ngajen kánixá-nájen nga kò'ba nachrjein koa kánikjein-lajen ndobá nga kò'ba nachrjein. Tà ngásòn t̄jín t̄ibichj̄-nájen.”

¹³ Tanga jè nei-là xá kitsò jngoo-là j̄nà ch̄i'nda: “J̄i amigo mìtsá mé xi ch'o tsisko-lè; k'oaá t̄jín t̄ibichj̄-lè koni t̄jín chj̄-là nga jngoo nachrjein nga k'oaá s'ín káchibá.

¹⁴ Chjoi chj̄-lè koa t'in-ne. K'oaá s'ín mejèn-na nga k'oa t̄jín tsjaà-là jè xi iskan kásixá koni t̄jín t̄tsjaà-lè.

¹⁵ Nga ko ton-na, ¿a mì t̄j'nde-na nga k'oas'ín s'iaàn koni s'ín mejèn-na? ¿A maxitakòn-né nga 'an ndaà x̄ita?”

¹⁶ Jesús kitsò isa:

—K'oaá s'ín koma j̄nà x̄ita xi t̄sajna t̄jngui nachrjein j̄'ndeí, nga koma iskan, j̄nà k̄itsajna ítjòn; koa j̄nà xi t̄sajna ítjòn j̄'ndeí nga koma iskan j̄nà kjoehet'aà-ne. [K̄jìn ma-ne xi xó chja-là Nainá tanga chiba ma-ne xi t̄jaj̄jìn.]

K'oaá s'in tsibénjímí Jesús kjoabiyaá-la xi ma-ne jàn k'a

(Marcos 10:32-34; Lucas 18:31-34)

¹⁷ Jesús k'e nga nchifi ján naxandá Jerusalén, kiichjat'aaxin-la jñà xitá xi kota'yàt'aà-la xi tejò ma-ne, kitsò-la:

¹⁸ —I'ndeí nga títahonguíá naxandá Jerusalén, 'an xi Ki'ndí-la Xitá xan-la yijo-na yaá tsobà'ñó-na xitá sko-la n'omii kò xitá xi okóya kjoixoma-la Nainá xi kiskii Moisés nga koi'i'nè-na kjoabiyaá,

¹⁹ ikjoàn sjingatsja-na jñà xi mitsà xitá judío nga sjisobà-na, kojà-na, koòt'aà-na krò. Tanga xi koma jàn nachrjein kjoáaya-na.

Kjondaá xi kisijé nea-la Jacobo kò Juan

(Marcos 10:35-45)

²⁰ Nea-la Jacobo kò Juan ixti-la Zebedeo ijchòkon ñánda tíjna Jesús. Tjikò ixti-la. Tsasixkó'nchit'aà-la Jesús nga kisijé jngòò-la kjondaá.

²¹ Jesús kiskònangui-la, kitsò-la:

—¿Mé xi mejèn-lè?

Jè chjoón kitsò:

—Ya ñánda koixomai, tjiì okixi nga ya kàtiyijòt'aà-lè ixti-na. Jngòò kàtijnakixi-lè koa jngòò kàtijnat'aà-lè xi ngaskón-lè.

²² Jesús kitsò-la:

—Mikii 'yaá mé xi niyé. ¿A kichikjoaá-nò nga kotojñoò jè kjo'in xi 'an kotojñaà?

Xitá koi kitsò:

—Kichikjoaá-najen.

²³ K'eé kitsò-la Jesús:

—Okixi-né, k'oaá tís'in kotojñoò kjo'in koni 'an, tanga xi 'an tsjaà-nò nga ya kitsajnat'aà-ná ya kixi-na kò ngaskón-na mitsà 'an oko-na nga tsjaà-nò. Jñà j'nde koi, jñà tjoé-la xitá xi Nainá títajnaandaá-la nga tsjá-la.

²⁴ K'e nga kii'nchré jñà xitá-la Jesús xi i'nga xi te ma-ne, kòjti-la j't'aà ts'e xitá xi jò ma-ne.

²⁵ Jesús kiichja-la, kitsò:

—Jyeé tjiin-nò nga jñà xitá sko-la naxandá, nangui síkítsajna xitá-la xi jñà otixoma-la. Tikoáá jñà xitá xi 'nga xá tjin-la, jñà xi beé nga otixoma-la xitá.

²⁶ Tanga jñò mikii k'oaá's'in s'een. Tsà jngòò xitá xinguijò mejèn-la 'nga kíjna, jè xi kàtasíxá-la xitá xi i'nga.

²⁷ Kò jè xi mejèn-la kíjna ítjòn, chi'nda-nò kàtama.

²⁸ An xi Ki'ndí-la Xitá xan-la yijo-na, mitsà koi xá j'i-na nga 'an kòs'in-na, tà saá 'an siixá-la xitá xi i'nga kò tsjaá yijo-na nga kíya mé-ne nga kjin xitá kitiokàjiin-ne kjo'in xi kjoa ts'e jé-la.

Kó kisikò Jesús nga kisindaá-ne xitá xi jò ma-ne xi mikii tsejèn-la

(Marcos 10:46-52; Lucas 18:35-43)

²⁹ K'e nga jye nchifi-ne ya naxandá Jericó, kjin xitá kiitjngui-la Jesús.

³⁰ Ya indii ndiyá koni s'in tifi Jesús, jò xitá xi mikii tsejèn-la títajna. K'e nga kii'nchré nga jè Jesús tífaya ndiyá, 'ñó kiichja-la kitsò-la:

—i'Na'èn, nga ya nchrobàt'aà-ne tje-la xitaxá ítjòn David [nga jì tijna ngajo-la] jchahimatakòn-nájen!

³¹ Jñà xitá xi tjiikò Jesús tshótikò-ne nga jyò kàtitsajna, tanga jñà xitá xi mikii tsejèn-la, isaá 'ñó kiichja, kitsò:

—i'Na'èn, xi tje-la David, jchahimatakòn-nájen!

³² K'eé tsasijna Jesús koa kiichja-la, kiskònangui-la, kitsò-la:

—¿Mé xi mejèn-nò nga sjikò-nò?

³³ Jñà xitá koi, kitsò:

—Na'èn, mejèn-najen nga kàtasejèn-najen.

³⁴ Jesús kjòhimakeé jñà xitá koi. Tshót'aà-la tsja xkòn koa nitoón kjòtsejèn-la. Ikjoàn kiitjngui-la Jesús.

21

Kó kitsò xitá naxandá k'e nga jahas'en-jiin Jesús ján Jerusalén

(Marcos 11:1-11; Lucas 19:28-40; Juan 12:12-19)

¹ K'e nga jye kjomeé bijchó chraña-la naxandá Jerusalén ijchò jngòò naxandá xi 'mi Betfagé ya chraña't'aà-la nindoò Yá Olivo. Jesús kisikasén jò xitá xi kota'yàt'aà-la.

² Kitsò-la:

—Tanguió ján ndí naxandá itse xi kijnat'aà ján koa ya sakó jngòò-nò orrá xi tjit'aà'ñó kò ndí búrró ki'ndí-la. Chijnda'ñó koa nchrohóko-ná.

³ Tsà yá xi kó kitsò-nò, ko't'in-là: “Jè xó Na'èn-ná kochjeén-la koa nitoón xó sjikasén-ne.”

⁴ K'oaá s'ín komà mé-ne nga tsitasòn-ne koni s'ín kiskù xità xi kiùchja ngajo-là Nainá, nga tsò:

⁵ Kot'in-là naxandá Sión:

“Chítsejèn-là Xità Itjòn-lè;
nga jii nchrobá katsejèn-lè;
jmaá kji;

tinasòn jngoò-là búrró,
jngoò ndí búrró jtsé xi ki'ndí-là cho ch'á.”

⁶ Kù jñà xità xi kota'yàt'aà-là Jesús, k'oas'ín kisikitasòn koni s'ín kisatiixá-là.

⁷ K'e nga ijchòkò ñánda tjna Jesús jè orrà kò ki'ndí-là, jñà kisikjeén nikje-là nga tsohójtša-là; ijkjoàn tsibijnasòn-là Jesús.

⁸ Koa jñà xità xi kjin ma-ne tsohójngoò nikje-là ya iya ndiyá. Tjin i'nga xi chrja-là yá tsate, ijkjoàn tsohójngoò iya ndiyá.

⁹ Jñà xità xi tjima itjòn-là kò xi tjingui-là tsibíts'ia nga 'ñó kiùchja, kitsò:

—Jeya kàtjna jè xi ya nchrobát'aà-ne tje-là xitaxá itjòn David [nga jè kjna ngajo-là]! ¡Mé ta ndaa-là jè xi nchrobá ngajo-là Nà'è-n-á! ¡Jeya choòn ján ngajmii!

¹⁰ K'e nga jahas'en Jesús ya naxandá Jerusalén ngats'ii xità naxandá tà kjòxkón-là, koa kiskònangui-là xikjín. Kitsò:

—¿Yá xità-ne jè?

¹¹ Jñà xità xi kjin ma-ne kitsò:

—Jè xità xi chja ngajo-là Nainá xi Jesús 'mì xi Nazaret ts'e, ya nangui Galilea.

K'e nga tsachrje ingo itjòn jñà xità xi otjna tsojmi

(Marcos 11:15-19; Lucas 19:45-48; Juan 2:13-22)

¹² Jesús jahas'en ya nditsin ingo itjòn-là Nainá, tsachrje yije ngats'ii xità xi ya nchihotjna kò nchihotse tsojmi ya nditsin ingo. Kisihitkjá imixa-là jñà xità xi sikjatjya ton kò tikoáá kisikatsjoò ixile-là jñà xi otjna nise paloma.

¹³ Kitsò-là:

—Jè Xojon-là Nainá tsò-né: “Ni'ya-na, ni'ya-là ochikoón k'oín.” Tanga jñò, nguijo-là xità chijé titsa'nè.

¹⁴ Nga ya ingo itjòn tjina Jesús, ijchò kinchat'aà-là xità xi mìki tsejèn-là kò xi tsá'yá kjoàn; jè Jesús kisindaà-ne xità koi.

¹⁵ Jñà xità sko-la no'mii kò xità xi okóya kjotixoma-là Nainá xi kiskù Moisés kòkjan-là k'e nga kijtsee kjòxkón xi kis'iin Jesús kò nga kù'nchré 'én-là jñà ndí jxti xi chjaya iya ingo itjòn, nga tsò: “¡Jeya kàtjna jè xi ya nchrobát'aà-ne tje-là xitaxá itjòn David [nga jè kjna ngajo-là]!”

¹⁶ K'eé kiùchja xità koi, kitsò-là Jesús:

—¿A na'yá-né? ¿A ndaa tsò 'én xi chja jñà jxti koi?

Jesús kitsò:

—Jon, 'nchré-ná. ¿A kj'eé bixkejñoò Xojon-là Nainá nga tsò?:

Jñà ndí jxti xi jtobá kjoàn kò ki'ndí xi sa oki,

jñà-né xi titsajnaanda nga jeya sijkjna Nainá.

¹⁷ Jesús yaá kisikitsajna jñà xità koi, itjojijn-ne ya naxandá itjòn Jerusalén. Kù ján naxandá Betania. Yáá kisikjaya nga nitjen.

K'e nga jè Jesús kisixi yá-là toò ikò

(Marcos 11:12-14, 20-26)

¹⁸ K'e nga tajñòya nga tífi-ne Jerusalén, Jesús, kjòhojò-là.

¹⁹ Kijtsee jngoò yá-là toò ikò xi ya chraña indii ndiyá sjina. Kù katsejèn-là tanga nimé toò yijá-là. Tà xkaá tjín-là. K'eé kitsò-là Jesús:

—Ñi tì jngoò nachrjein koja-lè toò.

Koa jè yá toò ikò nitjéon kixi.

²⁰ K'e nga kijtsee jñà xità xi kota'yàt'aà-là Jesús, tà kjòxkón-là. K'eé kiskònangui-là mé-ne nga tà nitjón kixi-ne jè yá-là toò ikò.

²¹ Jesús kitsò-là:

—Xi okixi, tsà ndaa mokjeiin-nò it'aà ts'an, tsà mì jò tjín-là inima-nò, komaá-nò nga k'oas'ín s'eén koni s'ín kàsikoa jè yá ikò; tikoáá komaá-nò k'oín-là jè nindoò: “Tisixin; ján tikatjen-jin yijo-lè ndáchikon.” Kò k'oaá s'ín koma.

²² Jñò, tsà ndaa mokjeiin-nò nitjé mé xi sijé k'e nga kítsi'ba, k'oaá s'ín tjoé-nò.

Kjotixoma xi tjín-là jè Jesús

(Marcos 11:27-33; Lucas 20:1-8)

²³ K'e nga jye komá kjoa koi, Jesús jahas'en ya nditsin ingo itjòn kò k'e nga tíhokóya-là xità ijchòkon jñà xità sko-là no'mii kò xità jchínga-là jñà xità judío. Kiskònangui-là:

—¿Mé kʷotíxoma xi tsjá'nde-lè koni s'ín 'ni? ¿Yá xi kitsjaà-lè kʷotíxoma koi?

²⁴ Jesús kitsò-la:

—Tíkooá 'an skònangui jngoò-nò kjoa. Jñò, tsà kòk'oín-ná, tíkooá 'an k'ooá xán-nò yá xi kitsjaà-na kʷotíxoma koni s'ín s'iaàn.

²⁵ Jè Juan, k'e nga kis'iin bautizar xíta, ¿yá xi kitsjaà-la kʷotíxoma? ¿A Nainá-né xi tijná ngajmii, o xi tà xíta-né?

Jñá xíta koi k'eé tsajoóya-ne. Kitsò-la xíkjin:

—Tsà kixoán: “Nainá kitsjaà-la kʷotíxoma”, kítso-ná: “¿Mé-ne mikii kòkjeín-nò j't'aà ts'e?”

²⁶ Koa tsà kixoán: “It'aà ts'e xíta-né”, tsakjoòn-ná tsà koi nachrjein-la jñá xíta naxandá skaàn-kò-ná, nga ngats'ii, ngui k'ooá tsò nga jè Juan, jngoò xíta xi kiichja ngajo-la Nainá.

²⁷ K'eé kiichja, kitsò-la Jesús:

—Mì ki 'ya-jen.

Koa jè Jesús kitsò-la:

—Tíkooá 'an mikii k'ooá xán-nò yá xi kitsjaà-na kʷotíxoma koni s'ín s'iaàn.

Kjoa xi mangásòn ts'e ixti xi jò ma-ne

²⁸ Jesús kiskònangui-la, kitsò-la:

—¿Jñò, kó bixón? Jngoò xíta xi jò ma ixti x'in-la kitsò jngoò k'a-la jngoò ti-la: “Nà'èn, t'in, tixá-la jè toò uva-na.”

²⁹ Ti jè kitsò: “Majin-na.” Tanga koma jskan, kisikitsjeèn; k'eé kii sixá.

³⁰ Nà'èn-la k'eé kii nga kiikon ti xi jngoò. K'ooá ti kitsò-la. Tanga ti jè, kitsò: “Ndaà tjin nà'èn, komaá kján.” Tanga mikii kii.

³¹ ¿Ná-laá nga ingajò ixti xi kisikitasòn-la nà'èn-la?

Jñá xíta kitsò:

—Jè xi ítjòn.

K'eé kitsò-la Jesús:

—Okixijí xi xan-nò, jñá xíta xi sikíchjítjì tsojmi ts'e Roma kò jñá íchjín ská, isaá nìtòn kjoahas'en nándá nga Nainá tihotíxoma mì k'ooá-ne koni jñò.

³² Nga jè Juan xi kis'iin bautizar xíta k'ojí xá j'ii-ne nga tsakóya-la xíta kós'in sijnchá yijo-la, tanga jñò mikii kòkjeín-nò. Koa jñá xi sikíchjítjì tsojmi kò jñá íchjín ská kòkjeín-la. Tanga jñò ndaa nas'in k'yaá yije kjoa koi, mikii kinikájno jé-nò kò mikii kòkjeín-nò.

Jñá ch'nda ts'en

(Marcos 12:1-12; Lucas 20:9-19)

³³ Tjiná'yaá jngoò-là kjoa xi mangásòn. Jngoò xíta xi tjin-la nangui, tsibítje toò uva kò tsibíndi-la íchibá, ikjoàn tsibíndaà jngoò j'nde nándá tsi'nóngui nandá-la toò uva. Tíkooá tsibíndaà jngoò torre nándá bitsajna xíta nga sikhnda yije kòhótjín. Ikjoàn kisikiña-la nangui-la xíta xi k'ejí nga kisixásòn. Ikjoàn kii nei-la nangui nándá j'nde kjíin.

³⁴ K'e nga ijchò nachrjein-la nga jye kòjchá toò uva, jè nei-la nangui kisikasén xíta ch'nda-la nga kisijé-la xi jè oko-la ts'e toò uva xi kòjchá.

³⁵ Tanga jñá xíta xi kisixásòn nangui kitsobà'nó xíta-la jè nei-la nangui. Jngoò xi tsi'beé-la kò jngoò xi kisik'en koa jè xi jngoò ndajo tsibínè.

³⁶ K'e komá jskan jè nei-la nangui isaá kjin xíta-la kisikasén tanga jñá xíta xi sixásòn nangui ta ngásòn kisikò ngats'ii ch'nda xi j'ii.

³⁷ K'e nga jyehe't'aà-ne kisikasén ki'ndí-la. Kisikitsjeèn kitsò: “Skoexkón-la ki'ndí-na.”

³⁸ Jñá xíta xi sixásòn nangui k'e nga kijtsee jè ki'ndí-la nei-la nangui tsajoóya-ne, kitsò-la xíkjin: “Jè jèe xi tjoé kʷotjò-la j'nde, sik'eén kò tsaján koma j'nde.”

³⁹ Kitsobà'nó, tsachrjeiin ya nangui nándá tjtje toò uva. Ikjoàn kisik'en.

⁴⁰ Jñò, ¿kó bixón? K'e nga kjojí nei-la nangui, ¿mé xi sijnkò jñá xíta xi kisixásòn nangui-la?

⁴¹ Jñá xíta xi nchi'nchré kitsò:

—Jngoò k'aá sijnk'en jñá xíta ts'en; mikii kòhimaakeé. Kò jè nangui-la, k'ejí xíta sijnkiña-la xi kòijchjì kó kjì oko-la k'e nga kòjchá toò uva.

⁴² Jesús kitsò-la:

—¿A k'ejé bixkejñò Xojon-la Nainá nga tsò?:

Jè ndajo xi tsachrjekàngui chjinechrjó nga sa ítjòn,

jè-né xi komá ndajo tàts'en chrjó-la ni'ya.

K'ooá s'in kis'iin Nainá.

Jñá, tà maxkón-ná k'e nga 'yaá kjoa koi.

⁴³ K'ojí koxan-nò jñò, tjáxin-nò kjoa machikon-t'in nga jè Nainá tihotíxoma-nò. Jñá tjoé-la xíta xi k'ooás'in sixá koni s'in ok'in-la xá-la Nainá.

⁴⁴ Xi j't'aà ts'e ndajo, nita yá-ne xi kixqosòn ndajo jè, koxkoaya-né; kò tsà jè ndajo skané xíta, kochijio-né.

⁴⁵ Jñà x̄it̄a sk̄o-l̄a n̄o'm̄īi k̄o x̄it̄a fariseo, k'èé k̄īnchré koni s'ín k̄īchj̄a Jesús nga tsibénom̄i 'én xi mangásòn, k'èé k̄jòch̄iya-l̄a nga it'aa ts'e-né koni s'ín k̄īchj̄a Jesús.

⁴⁶ T̄ik'èé-ne mejèn kitsobà'n̄o Jesús tanga jñà kitsakjòn-l̄a x̄it̄a naxandá, koi-né nga k'oaá s'ín mokjeīn-l̄a jñà x̄it̄a nga jè Jesús, jngoo x̄it̄a xi chj̄a ngajo-l̄a Nainá.

22

S'e'i xi bitjo k'e nga bixan x̄it̄a
(Lucas 14:15-24)

¹ Jesús tsibíts'ia j̄ngoo k'a nga tsakóya-l̄a x̄it̄a kjoa xi mangásòn. Kitsò:

² —Koni s'ín otixoma jè xi ngajm̄īi nchrobá-ne, k'oaá s'ín mangásòn koni jngoo x̄it̄axá ítjòn xi tsibijna jngoo s'e'i k'e nga chixàn ti-l̄a.

³ Kisikasén ch̄i'nda-l̄a mé-ne nga k̄ī kichj̄a-l̄a ngats'īi x̄it̄a xi xó kinokjoá-l̄a nga ti-l̄a t̄ibixan. Tanga jñà x̄it̄a koi, mik̄ī kòkjeīn-l̄a nga k̄ī s'e'i.

⁴ J̄ngoo k'a kisikasén ch̄i'nda-l̄a xi k'ej̄i. Kitsò-l̄a: “Kot'in-là jñà x̄it̄a xi jye k̄īnchré: Tsojmi xi sk̄ine, jyeé t̄jindaá; jyeé kisik'en nchraja-na, cho xi 'n̄o xiné. Jyeé t̄jindaá yije kòh̄ot̄j̄in. K̄at̄janchrobá s'e'i.”

⁵ Tanga jñà x̄it̄a koi mik̄ī kisis'in. Tj̄in xi rancho-l̄a k̄ī-katsejèn-l̄a; t̄j̄in xi k̄joh̄ima-l̄a k̄ī.

⁶ Koa jñà x̄it̄a xi i'nga, kitsobà'n̄o ch̄i'nda-l̄a jè x̄it̄axá ítjòn. Kiskaàn-kò koa kisik'en.

⁷ Jè x̄it̄axá ítjòn, 'n̄o kòjti-l̄a. K'èé kisikasén x̄it̄a soldado nga kisik'en yije kòh̄ot̄j̄in jñà x̄it̄a koi nga ma-l̄a sik'en-ná, koa tsaká naxandá-l̄a.

⁸ Jè x̄it̄axá ítjòn, j̄ngoo k'a kitsò-l̄a ch̄i'nda-l̄a: “Kixi kjoa, jyeé t̄jindaá yije xi kjoa ts'e s'e'i, tanga jñà x̄it̄a xi jye k̄īnchré, mik̄ī mochjeén-l̄a nga j̄ kjo'ī.

⁹ Tanguiò j̄ngoo k'a ya ndiyá jngoo osen-l̄a naxandá, t̄inòkjoa-l̄a x̄it̄a n̄it̄a yá-ne xi skaj̄n̄oo nga s'e'i t̄j̄in kjoa ts'e x̄it̄a xi bixan.”

¹⁰ Jñà ch̄i'nda-l̄a x̄it̄axá ítjòn k̄ī kixkóya x̄it̄a inchò calle n̄it̄a yá xi k̄jòtsja-l̄a nga k̄ī s'e'i, x̄it̄a xi ndaa kò xi mik̄ī ndaa; k'oaá s'ín kitseé ni'ya.

¹¹ Jè x̄it̄axá ítjòn, k'e nga jahas'en ni'ya, kiskoòtsejèn-l̄a jñà x̄it̄a xi ijchò. K'èé k̄ijtseé jngoo x̄it̄a xi yá t̄j̄najīn nga mik̄ī ík̄já nikje-l̄a xi ts'e kjoa bixan.

¹² Kitsò-l̄a: “J̄i, amigo, k̄kò s'ín komà nga kòbitjaas'j̄in j̄ndé nga mik̄ī kichíkjeī nikje xi ts'e s'e'i?” Tanga x̄it̄a jè, tà j̄yò tsibijna.

¹³ Jè x̄it̄axá ítjòn kitsò-l̄a jñà x̄it̄a xi nchisís'in-l̄a ím̄ixa: “Tit'aa'n̄o ndsokò kò tsja. Ikjoàn t̄ikatjeen ján j̄īin j̄n̄o yá n̄ánda nga sk̄indàya kò s̄ij̄ts'in ni'n̄o.”

¹⁴ Kitsò-isa Jesús:

—K'oaá s'ín koma nga k̄j̄in ma-ne x̄it̄a xi nokjoà-l̄a tanga tà chibaá ma-ne xi t̄j̄aj̄in.

Kjoa nga machj̄t̄j̄i tsojmi
(Marcos 12:13-17; Lucas 20:20-26)

¹⁵ Jñà x̄it̄a fariseo k'èé k̄ī tsajoóya-ne nga mejèn-l̄a kòhòngui Jesús mé 'én xi kichj̄a.

¹⁶ Koi kjoa-l̄a nga kisikasén-l̄a Jesús x̄it̄a-l̄a kò x̄it̄a-l̄a Herodes; kiskònangui-l̄a, kitsò-l̄a:

—Maestro, 'ya-nájen nga 'én kixi xi nokjoi koa k'oaá s'ín okoóy ndiyá-l̄a Nainá koni s'ín t̄j̄in xi kjoa kixi. Mik̄ī 'ni kindá koni tsò-lè x̄it̄a; kò m̄itsá jè chitsejèn-jnoi kó kjoàn x̄it̄a.

¹⁷ Koa't̄in-nájen. ¿A ndaa t̄j̄in nga kichj̄t̄j̄i-jen tsojmi it'aa ts'e x̄it̄axá ítjòn ts'e Roma, a xi maj̄in-né?

¹⁸ Jesús k̄jòch̄iya-l̄a nga ch'o nchisík̄itsjeèn. K'èé kitsò-l̄a:

—J̄n̄o, x̄it̄a xi jò isén t̄j̄in-nò, mé-ne chonach̄an-ná.

¹⁹ Takó-ná jè ton xi machj̄t̄j̄i-ne tsojmi.

K'èé j̄īiko jngoo-l̄a ton denario.

²⁰ K'e nga k̄ijtseé Jesús, kiskònangui-l̄a, kitsò-l̄a:

—¿Yá ts'e isén jè kò jè 'in xi t̄j̄it'aa?

²¹ Kitsò x̄it̄a koi:

—Ts'èé César, x̄it̄axá ítjòn ts'e Roma.

K'èé kitsò-l̄a Jesús:

—Tj̄ī-lá César xi ts'e César koa tj̄ī-lá Nainá xi ts'e Nainá.

²² K'e nga k̄īnchré 'én koi jñà x̄it̄a fariseo kò x̄it̄a-l̄a Herodes, tà k̄jòxkón-l̄a. Kitsj̄in Jesús, ikjoàn k̄īn-ne.

Kó s'ín koma k'e nga kjoaáya j̄ngoo k'a-l̄a x̄it̄a xi jye k'en
(Marcos 12:18-27; Lucas 20:27-40)

²³ T̄ikoi-ne nachrjein ijchòkon Jesús jñà x̄it̄a saduceo nga mik̄ī mokjeīn-l̄a nga faáya-l̄a jñà x̄it̄a xi jye k'en. X̄it̄a koi kiskònangui-l̄a Jesús,

²⁴ kitsò-l̄a:

—Maestro, Moisés kitsò-né: “Tsà jngoò x̄it̄a x̄'in k̄iyá xi mik̄i kis'e-l̄a ixti k̄o chjooón-l̄a, jè 'ndse mik'en k̄ixan-k̄o i jngoò k'a chjooón-l̄a 'ndse nga s'e-l̄a ixti xi tje ts'e 'ndse.”

²⁵ Kis'e xó jngoò k'a x̄it̄a i jndé xi itoò komà 'ndse. Jè xi s̄ijna ítjòn chixàn, tanga k'e nga k'en, mik̄i kis'e-l̄a ixti koa jè 'ndse xi ma jò-ne tsibijnako jè chjooón ka'àn.

²⁶ K'oaá t̄i komàt'in jè 'ndse xi ma jò-ne k̄o xi ma jàn-ne skanda komà itoò. Nijngoò xi kis'e-l̄a ixti.

²⁷ Xi jyehet'aà-ne, k'en jè chjooón.

²⁸ K'e nga tsà kjoaáya i jngoò k'a-l̄a mik'en, çñá-l̄aá nga itoò 'ndse xi koma chjooón-l̄a? Nga jñà chixàn-k̄o nga itoò.

²⁹ K'ee kitsò-l̄a Jesús:

—Jñò, maskáya-nò koi-né nga mik̄i 'yaá kó s'in tíchja Xojon-l̄a Nainá k̄o nga'ñó xi t̄jín-l̄a Nainá.

³⁰ K'e nga kjoaáya i jngoò k'a-l̄a mik'en, íchjín, íchjá, mì t̄i k̄iil k̄ixan-ne. K'oaá s'in s'e koni jñà àkjalé xi t̄itsajna ngajm̄i xi ts'e Nainá.

³¹ Jè kjoa nga faáya i jngoò k'a-l̄a mik'en, ça k'j'e è bixkejñò Xojon-l̄a Nainá nga jè sobà Nainá xi kitsò:

³² “An-ná xi Nainá tsò-na Abraham, Isaac k̄o Jacob?” Jñà xi jye k'en, mìtsà Nainá tsò-l̄a xi Nainá; tà jñà xi t̄itsajnakon xi Nainá tsò-l̄a! [Nga it'aà ts'e Nainá, t̄itsajnakon x̄it̄a koi.]

³³ Jñà x̄it̄a naxandá, k'e nga k̄iil'nchré 'én koi, tà kjòxkón-l̄a koni s'in tsakóya Jesús.

Jè kjotixoma-l̄a Nainá xi t̄jina ítjòn

(Marcos 12:28-34)

³⁴ Jñà x̄it̄a fariseo k'e nga k̄iil'nchré nga Jesús kisik̄itsajnajyò jñà x̄it̄a saduceo, tsibíxkóya x̄ikjín.

³⁵ Jngoò xi x̄it̄a ts'e, xi chjine xojon-l̄a kjotixoma-l̄a Nainá xi kisk̄i Moisés, mejèn-l̄a skót'aà Jesús nga skónachan-l̄a. Kiskónangui-l̄a, kitsò-l̄a:

³⁶ —Maestro, çñá-l̄aá kjotixoma xi is̄a t̄jina ítjòn nga yije kjotixoma ts'e Moisés?

³⁷ Jesús kitsò-l̄a:

—“T̄itsjachi Na'èn-ná xi Nainá 'mì-l̄a, nga k̄o in̄jma-lè k̄o kjohítsjeèn-lè k̄o nga t̄ijnakoin.”

³⁸ Jè kjotixoma xi is̄a 'ñó t̄jín k̄o xi t̄jina ítjòn.

³⁹ Jè xi ma-ne jò, k'oaá t̄i tsò-ne: “T̄itsjachi x̄it̄a xingui xi i'nga koni tsà t̄i yijo tsiji-nè.”

⁴⁰ Jñà t̄itsajna ítjòn jñà kjotixoma koi. Yaá bitjokàt'aà kóhótjín kjotixoma xi i'nga xi ts'e Moisés k̄o xi ts'e x̄it̄a xi k̄iichja ngajo-l̄a Nainá.

Nánda kitjen-l̄a Cristo [x̄it̄a xi xó kisikasén-ne Nainá]

(Marcos 12:35-37; Lucas 20:41-44)

⁴¹ Tà kó yaá t̄itsajna jñà x̄it̄a fariseo. Jesús kiskónangui-l̄a, kitsò-l̄a:

⁴² —çjñò, kó bixón it'aà ts'e Cristo [jè x̄it̄a xi xó s̄ik̄iasén-ne Nainá]? Çñánda kitjen-l̄a?

Jñà x̄it̄a fariseo kitsò:

—Yaá kjinchrobàt'aà-ne tje-l̄a x̄it̄axá ítjòn David [nga jè k̄jina ngajo-l̄a].

⁴³ K'ee kitsò Jesús:

—Tanga jè David k'e nga k̄iichja nga k̄o nga'ñó-l̄a In̄jma Tsjeè-l̄a Nainá, kitsò it'aà ts'e Cristo: “Jè otixoma-na.” K'oaá s'in k̄iichja David:

⁴⁴ Jè Nainá kitsò-l̄a jè xi otixoma-na:

“T̄ijnat'aà-ná j̄ kixj-na

skanda k'e nga sik̄itsajnanguia ndsokoi

jñà xi kondra-lè nga 'an jye kisik̄ijne-l̄a.”

⁴⁵ Jè David, tsà ks̄'in kitsò-l̄a Cristo [jè x̄it̄a xi xó s̄ikasén-ne Nainá], çkó s'in t̄jín-ne nga ya nchrobàt'aà-ne tje-l̄a x̄it̄axá ítjòn David?

⁴⁶ Nijngoò xi koma-l̄a nga kisik̄átjine 'én koi. Tjen-ne n̄achrjein koi, mì t̄i yá xi kjò'ñó-ne ikon nga kiskónangui is̄a-l̄a 'én xi k'ej̄i.

23

Kiis'in k̄iichja Jesús it'aà ts'e x̄it̄a fariseo k̄o x̄it̄a xi okóya kjotixoma-l̄a Nainá

(Marcos 12:38-40; Lucas 11:37-54; 20:45-47)

¹ Xi komà iskan kitsò-l̄a Jesús jñà x̄it̄a xi k̄jín ma-ne k̄o x̄it̄a xi kota'yàt'aà-l̄a:

² —Jñà x̄it̄a xi okóya kjotixoma-l̄a Nainá xi kisk̄i Moisés k̄o jñà x̄it̄a fariseo t̄jín-l̄a xá nga okóya kjotixoma-l̄a Nainá xi kisk̄i Moisés.

³ T̄jina'yaá yije-là koni s'in okóya-nò. Tanga mik̄i k'oa 'nè koni s'in jñà x̄it̄a koi. K'ej̄i tsò k̄o k'ej̄i s'in.

⁴ Jñà x̄it̄a koi binè-l̄a x̄it̄a xi k'ej̄i kjotixoma-l̄a xi 'ñó 'in t̄jín koni tsà ch'á i'í sik'a xi mik̄i k'a-l̄a; koa jñà x̄it̄a xi okóya kjotixoma, n̄i j̄tsé sichjât'aà-l̄a jñà x̄it̄a nga s̄ik̄itasòn kjotixoma-l̄a.

⁵ Koni s'in s'in yije kjoa koi, tà jè-né nga mejèn-là nga isa ndaà skoe xita. Jè Xojon-là Nainá xi ót'aà tjen-là kò chrja-la, isaá ìi s'in; koa jè nikje xi ókjá, isaá ndojò kjoàn s'in lixto xi titjòn-la nikje-là, tà jè xi mejèn-là nga okó yijo-là nga tsò nga xita tsjeè-là Nainá-né.

⁶ Mejèn-là nga jña kítsat'aà itjòn imixa k'e nga kjèn xita ñánda tjín s'eí kò yà ni'ya ingo sinagoga mejèn-là nga jña kítsanè íxile xi jncha itjòn.

⁷ Tjikoáá mejèn-là nga skoexkón xita xi k'ejí, ndaá sjaxat'aà yà nditsin; kítsò-là: "Maestro, Maestro."

⁸ Tanga jñò, mìkii bìi'nde nga "Maestro" kítsò-nò xita; ngats'ioò jñò, 'ndsè chibàkòo xinguio; tà jngòò ma xi Maestro-nò, jè Cristo [xita xi xó kisikasén-ne Nainá].

⁹ Nijngòò xi 'Na'èn' 'mì-là j'it'aà nangui; tà jngòò ma xi Na'èn-nò xi tjina ngajmii.

¹⁰ Koa ni yá xi xita sko-la kítsò-nò; tajngòò Cristo xi sko-là tjina-nò.

¹¹ Jè xi 'nò 'nga síkjina yijo-là it'aà tsajòn, jè-né xi síxá-là xita xi i'nga.

¹² Jè xi 'nga síkjina yijo-là, isaá nangui kína nga koma iskan; kò jè xi nangui síkjina yijo-là, isaá 'nga kína nga koma iskan.

¹³ 'ijma xó-nò jñò, xita xi okoòya kjotixoma-là Nainá xi kiskii Moisés, kò jñò xi xita fariseo, xita xi jò isén tjín-nò! Bichjoà-là ndiyá-là ngajmii jña xita xi mejèn-là fahas'en yà ñánda nga tihotixoma Nainá. Jñò, mìkii bitjaàs'en-jñòò kò mìkii bìi'nde-là xi k'ejí xita nga fahas'en-jñin.

¹⁴ 'ijma xó-nò jñò, xita xi okoòya kjotixoma-là Nainá, kò jñò xi xita fariseo, xita xi jò isén tjín-nò! Chjaa'an-là ni'ya-là íchjín ka'àn xi jye k'en x'in-la; ikjoàn 'nò ndojò onguikòo oçhikon-nò nga mejèn-nò nga bitsajna'ma nga mì jcha-nò mé kjoa xi 'nè. Koi kjoa-là isaá tse kjo'in s'e-nò.

¹⁵ 'ijma xó-nò jñò, xita xi okoòya kjotixoma-là Nainá, kò jñò xi xita fariseo, xita xi jò isén tjín-nò! Bitjaàsòn yije isò'nde kò ndáchikon nga nokjoà-là nas'in tà jngòò xita nga yà fit'aà-nò. Kò k'e nga jye bitasòn-nò xita jè, jò k'a ókji ok'in-là koni jñò nga s'e-là kjo'in yà ñánda titi ni'in ts'e j'nde kjo'in.

¹⁶ 'ijma xó-nò jñò, xita xi mìkii tsejèn-nò nga mejèn-nò okoò-là ndiyá xita xi k'ejí! Bixón-nò: "Tsà jngòò xita xi tsjá 'én-là xi it'aà ts'e ingo, mìtsà mé-ne. Tanga tsà jngòò xita tsjá 'én-là xi it'aà ts'e tsojmi hjí xi oro ts'e ingo, koi xi kjo'ño kítasòn 'én-là."

¹⁷ Jñò xi xita tondò kò xita xkan 'mì-nò! ¿Ná-là xi isa ndaà tjín? ¿A jña tsojmi hjí xi oro a xi jè ingo xi síchikon-t'in tsojmi hjí?

¹⁸ Jñò k'oaá tj bixón: "Tsà jngòò xita tsjá 'én-là nga kítsò: Tíbeè j'nde tsjeè ñánda binchasòn kjotjò xi tsjá-là Nainá, jña xita mìkii kjo'ño kítasòn 'én-là. Tanga tsà tsjá 'én-là xi it'aà ts'e tsojmi xi yà títasjnasòn jè j'nde tsjeè, jè xi okixi nga kjo'ño kítasòn."

¹⁹ Jñò xi xita tondò kò xita xkan 'mì-nò! ¿Ná-là xi isa ndaà tjín? ¿A jña tsojmi xi tjín-sòn yà j'nde tsjeè a xi jè j'nde tsjeè xi síchikon-t'in tsojmi?

²⁰ Jè xi tsjá 'én-là xi it'aà ts'e j'nde tsjeè, tjikoáá tsjá 'én-là xi it'aà ts'e ngayije tsojmi xi yà tjín-sòn yà j'nde tsjeè.

²¹ Jè xi tsjá 'én-là it'aà ts'e ingo mìtsà tà jè it'aà ts'e ingo tsjá, tjikoáá tsjá 'én-là xi it'aà ts'e Nainá xi yà tjina.

²² Jè xi tsjá 'én-là it'aà ts'e ngajmii, tsjá 'én-là xi it'aà ts'e íxile kjotixoma-là Nainá; tjikoáá tsjá 'én-là xi it'aà ts'e Nainá xi yà tjinasòn íxile.

²³ 'ijma xó-nò jñò, xita xi okoòya kjotixoma-là Nainá, kò jñò xi xita fariseo, xita xi jò isén tjín-nò! Nga ma-nò 'bii-là Nainá xi teya oko-là ts'e xka menta kò xka anis kò xka comino; tanga mìkii níkitasòn jè kjotixoma xi isa 'nò mochjeén koni jè kjoa kixi, kjoahimatakòn kò jè kjoa nga kixi kátakjein-nò it'aà ts'e Nainá. Koi kjoa xi 'nò mochjeén nga kítasòn; tjikoáá mochjeén-né nga kítasòn jña kjoa xi i'nga.

²⁴ Jñò, xita xi mìkii tsejèn-nò nga mejèn-nò okoò-là ndiyá xita xi k'ejí, jñò, níkaànguioò natse nga majin-nò nga chjeèn cho xi tjé, tanga mìkii 'yaà k'e nga chjeèn cho ch'a xi 'mì camello!

²⁵ 'ijma xó-nò jñò, xita xi okoòya kjotixoma-là Nainá, kò jñò xi xita fariseo, xita xi jò isén tjín-nò! Onijnoò chitsín-nò kò chrobà-nò yà isò'nga-là tanga yà iya-là kitsee tsojmi xi nichijé kò nga tse mejèn-nò.

²⁶ Jñò xi xita fariseo 'mì-nò, xi mìkii tsejèn-nò. Ítjòn taníya chitsín-nò kò chrobà-nò yà iya-là, mé-ne nga kotsjeè-ne isò'nga-là.

²⁷ 'ijma xó-nò jñò, xita xi okoòya kjotixoma-là Nainá, kò jñò xi xita fariseo, xita xi jò isén tjín-nò! K'oaá titsjoò koni kjoàn chrjó-là mìk'en xi kitsiinga isò'nga-là. Ndaà kjoàn, tanga yà iya-là kitsee nindaà-là mìk'en kò ngats'ii tsojmi xi ch'o kjoàn.

²⁸ Jñò, k'oaá s'in 'nè nga nguixkòn xita, xita ndaà-nò; tanga jjiin inijma-nò kitsee kjoa xi jò isén tjín-là kò kjoa nga ch'o 'nè.

²⁹ 'iṁa xó-nò jñò, xità xi okoòya kjoṭixoma-là Nainá, ko jñò xi xità fariseo, xità xi jò isén tjín-nò! Bindaà chrjó-là mik'en ts'e xità xi kiichja ngajo-là Nainá ko nikiinga chrjó-là xi xità kixi komà.

³⁰ Ikjoàn bixón: "Tsà jñá-lá-ná xi titsajnakoaán jè nachrjein-là xità jchínga-ná mi-la kii kinichját'aà-lá xità jchínga-ná nga kisik'en jñá xità xi kiichja ngajo-là Nainá."

³¹ K'oaá s'in 'ya-là nga tjjñò 'ya-nò yijo-nò nga ixti-là maá xità xi kisik'en xità xi kiichja ngajo-là Nainá.

³² Jñò, koni s'in tsibíts'ia xità jchínga-nò, jngoò k'a tikitason yije kjoa.

³³ Jñò, k'oaá ngayá-là koni ye, nga ya tjeñ-nò it'aà ts'e ye. Mikii kojno-nò i'nde ts'e kjo'in.

³⁴ K'oií kjoa-là, 'an sikasén-nò xità xi kichja ngajo-là Nainá, xità xi tjin-là kjoachjine ko xi kokòya kjoṭixoma. Tanga jñò, tjin xi sjk'eèn, tjin xi kjòt'aà krò koa tjin xi kixkàn-koo ya iya ni'ya ingo sinagoga; koa konguitjingui kondra-là xità koi nga xki xi ján naxandá.

³⁵ Jñò skané yije-nò kjo'in jè jni xi kixixteèn ts'e xità ndaa xi k'en, mats'ia-ko-ne Abel, xità kixi xi k'en itjòn, skanda jè Zacarias, ki'ndi-là Berequías, jè xi kisik'en xità tsajòn ya i'nde jngoò osen-là ñánda tijná Ni'ya Tsjeé-là Nainá ko ñánda binchásòn kjoṭjò xi tsjá-là Nainá jñá xità.

³⁶ Qkixíí xi xan-nò, ngats'ii kjoa koi, jñá skané-là kjo'in jñá xità xi tjin i'ndeí.

*Mé kjoa-ne nga kos'in kiichjako-ne Jesús xità naxandá Jerusalén
(Lucas 13:34-35)*

³⁷ 'jñò xi xità naxandá Jerusalén tsajòn xi nik'eèn xità xi chja ngajo-là Nainá ko binè ndajo jñá xità xi Nainá sikasén-nò! jkjin k'a kjòmejèn-na nga tsibixkóya xità naxandá-nò, koni s'in xa'nda nga bingui jngaá-là jñá ixti-là; tanga jñò, mikii kòkjeiín-nò!

³⁸ Chítsején-là ni'ya-nò nga jye tsjiín-takòn Nainá.

³⁹ K'oaá xán-nò mats'ia-ne nachrjein i'ndeí mi tì kii jchaxkòòn-ná skanda k'e nga jè nachrjein nga kixón: "¡Mé ta ndaa-là jè xi nchrobá ngajo-là Nainá!"

24

*K'e nga kiichja Jesús it'aà ts'e ingo kó s'in tjiné-là nga kixoña
(Marcos 13:1-2; Lucas 21:5-6)*

¹ Jesús k'e nga jye itjo-ne ingo itjòn, jyeé tífi nga ijchò kinchat'aà chraña-là xità xi kota'yát'aà-là. Ikjoàn tsakó-là jè ingo itjòn ko ni'ya xi tjin-là.

² Jesús kitsò-là:

—¿A titsachitsején-là ngats'ii ni'ya koi? Qkixíí xi xan-nò, ni tì jngoò ndajo siyijòsòn-là xikjín. Kixoña yije-né kòhòtjín.

*Seña xi s'e k'e nga nchrobá ma chraña nga kjoehet'aà isò'nde
(Marcos 13:3-23; Lucas 21:7-24; 17:22-24)*

³ Jesús, k'e nga tjina ya nindoò Yá Olivo, ijchò kinchat'aà-là jñá xità xi kota'yát'aà-là nga kiskònanguit'aaxìn-là kitsò-là:

—Koaín-nájen, ¿mé nachrjein-ne nga okoma kjoa koi? ¿Mé seña xi s'e k'e nga kjoii ljngoò k'a ko k'e nga kjoehet'aà isò'nde?

⁴ K'eé kitsò-là Jesús:

—Tjkindaa yijo-nò nga mi yá xità xi skónachan-nò.

⁵ Kjin xità kjoii xi 'in ts'an sjikjeén; kitsò: "An-ná xi Cristo, [nga 'aán kisikasén-na Nainá]"; koa kjin xità skónachan-là.

⁶ S'e kjoichán ñánda chrañat'aà ko tjikoa kina'ya-là kjoa ts'e kjoichán ñánda kjin i'nde, tanga jñò, kì tsakjoòn-jèn. Xó k'oaá koma-ne. Tanga kje'e tsà isò'nde tifehet'aà.

⁷ Naxandá skaàn-kjóò xi kje'eií naxandá. Koa xitaxá koiits'ia nga skaàn-kjóòko xitaxá xi kje'eií naxandá. S'e kjinchrá, s'e ch'in, ko k'oa ch'ón nga xki xi ján i'nde.

⁸ Ngats'ii kjoa koi, tà jè xi sa tímats'ia-ko kjo'in.

⁹ Jñá xità skinit'aà-nò ts'e xitaxá nga tsjá-nò kjo'in; sjik'en-nò. Ngats'ii xità isò'nde kojti-keè-nò koií kjoa-là nga 'an onguít'aà-ná.

¹⁰ Jè nachrjein koi, kjin koma xi mi kii tì kòkjeiín-là it'aà ts'an. Tjjñá koótjiné-ne xikjín xità ko tsjenguikeè xikjín.

¹¹ Kjin xità s'e xi xità ndiso xi kitsò nga Nainá chja ngajo-là. Tjikoáá kjin xità skónachan-là.

¹² Ndaà jchán s'e kjoats'en; skanda mi tì kii kotsjakeè-ne xikjín xità.

¹³ Tanga jè xi kixi kijnako kjoa xi mokjeiín-là skanda k'e nga kjoehet'aà-ne kjoa, jè xi kitjokájin kjo'in.

¹⁴ Koa jè 'én ndaa-là Nainá koni s'in otixoma Nainá, kobísòn yije-né nga tjítsa isò'nde mé-ne nga kji'nchré-ne ngats'ii xità naxandá; ikjoàn k'eé kjoehet'aà isò'nde.

¹⁵ K'e nga jchaa nga 'ño ch'ó tíma ya i'nde Tsjeé-là Nainá, koií kjoa tbitasòn koni s'in kiskii Daniel, xità xi kiichja ngajo-là Nainá. (Kátasjijn-là jñá xità xi bixke xojon jé.)

¹⁶ Jñò, k'e nga jchaa kjoa koi, jña xita xi títasajna Judea, kátanga, kàtjì ñánda nindoò choòn.
¹⁷ Jè xi tijnasò'nga ni'ya-la, ki tì kii fahas'en-ne ni'ya nga skoé tsojmi-la.
¹⁸ Jè xi tísíxájin nangui-la, ki tì kii nchrobá-ne nga nchrohókjá níkjè-la.
¹⁹ Jima xó-ne jña íchjín xi kí'ndí 'ya kò xi jxti xó nchisikaki jña nachrjein koi!
²⁰ Tíjé't'aa-là Nainá mé-ne nga mì k'e'é kiyó-nò k'e nga nachrjein-la cho 'nchán kò k'e nga nachrjein níkjáya.

²¹ Jña nachrjein koi, tseé kjo'in s'e; k'j'eé kii k'oá ma skanda tjen-ne nga kisindaà isò'nde. Koa mì tì kii okoma-ne nga koma iskan.

²² Tsà mì k'oáa kítso Nainá nga isa chiba nachrjein s'e kjo'in nijngòò xita kítjokájin kjo'in. Tanga koi kjoa-la jña xita xi xó jaàjin-ne Nainá, isa chiba nachrjein s'e kjo'in.

²³ 'K'e nga tsà yá xita xi kítso-nò: “íChítsejèn-là jí tjna Cristo [xita xi xó kisikasén-ne Nainá]”, o tsà kítso-nò: “ján tjna ján!”, kii kii mokjeiin-nò.

²⁴ Kjoíí xita ndiso xi Cristo kítso-la yijo-la, tikoáá kjoíí xita xi kòá ti kítso nga jña xi chja ngajo-là Nainá. K'oáá tís'in kòkò seña kò kjoókón xi ndaa tjin nga skónachan. Skanda jña xita xi jye jaàjin Nainá mejèn skónachan-la tsà kòkjeiin-la.

²⁵ Kangui nachrjeiin tibenojmíya yije-nò kjoa xi koma iskan.

²⁶ Tsà yá xita xi kítso-nò: “íChítsejèn-là yaá tjna Cristo ya i'nde it'aa xin ñánda nangui kixi choón!”, kii kii onguó; kò tsà kítso-nò: “íYaá tjnaya inga ni'ya!”, tikoáá kii kii mokjeiin-nò.

²⁷ Koni ma ni'in ch'on k'e nga ote ñánda bitjokátji-ne ts'oi skanda ñánda okaàtji-ne, k'oáá s'in koma k'e nga kjoiaa jngòò k'a xi Kí'ndí-la Xita xan-la yijo-na.

²⁸ Ya ñánda kijna mik'en, yaá kítasajnatjín jña líké.

Mé xi koma k'e nga kjoíí jngòò k'a Kí'ndí-la Xita

(Marcos 13:24-37; Lucas 21:25-33; 17:26-30, 34-36)

²⁹ Tíjè-ne nachrjein, k'e nga kjoehet'aa kjo'in koi, jè ts'oi, mì tì kii síhiseèn-ne, kojñò-né, mì tì kii kòtsjè-ne ndobá-la. Tikoáá jè sá, mì tì kii síhiseèn-ne. Ni'ño xi tjin ngajmii, kixongui-né. Jña nga'ño xi tjin ngajmii kítjya yijeé-la.

³⁰ Ijjoàn skoé xita ján ngajmii seña-na xi Kí'ndí-la Xita 'mi-na. Ngats'iì naxandá xi tjin i isò'nde, jña xita skindáya-né nga 'ño tsakjón. Koa skoé-na xita xi Kí'ndí-la Xita xan-la yijo-na nga kjinchrobàjñaà jjiin ifi xi tjin ngajmii; tse nga'ño kò kjoajeya kjoijkoaa.

³¹ Síikasén àkjale-na nga 'ño síikjindáya chrjo nga koiixkóya xita-na xi 'an xó jaàjin-na nga ñijon chrjangui-la isò'nde, nga jngòò jngòò ngobà-la isò'nde.

³² 'Chíta'yakoò jè yá-la too iko mé xi okóya-ná; k'e nga ma kíndíya chrja-la, ikjoàn bíjts'én xka-la, tjiin-nò nga jye nchrobá machraña chon ndobá.

³³ K'oáá tís'in tjin, k'e nga jchaa nga k'oas'in tima kjoa koi, kátasijin-nò nga 'an xi Kí'ndí-la Xita xan-la yijo-na jyeé nítón kjoiaa, k'oáá ngaya-la koni tsà jye tjna chraña xotjoa-la ni'ya.

³⁴ Okixíí xi xan-nò, k'oáá s'in kítasón yije kjoa koi, k'e nga tìkj'éé biyaá xita xi tjin nachrjein i'ndei.

³⁵ Jè ngajmii kò isò'nde kjoehet'aa-né, tanga jña 'én-na mikii kjoehet'aa; kítasón-né.

³⁶ Tanga k'e nga okoma, mì yá xi tjiin-la mé nachrjein-ne kò mé hora-ne; nì jñò àkjale xi tjin ngajmii, kò nì jè Kí'ndí-la Nainá tjiin-la; tajngòò Nainá xi Na'èn-ná tjiin-la.

³⁷ 'Koni s'in komá nachrjein-la Noé, k'oáá tís'in koma k'e nga kjoiaa jngòò k'a 'an xi Kí'ndí-la Xita xan-la yijo-na.

³⁸ Jña nachrjein koi, k'e nga tìkj'éé 'ba jtsí xkón, jña xita xi tjin k'e-ne, nchikjèn, nchi'biì, nchibixan íchjá kò íchjín skanda k'e nga jè nachrjein nga jahas'en ni'ya chitso jè Noé.

³⁹ Xita xi tjin koi nachrjein, mikii tjiin-la mé xi koma skanda k'e nga j'iì jtsí xkón xi kiichrjoako nandá ngats'iì xita. K'oáá tís'in koma k'e nga kjoiaa jngòò k'a 'an xi Kí'ndí-la Xita xan-la yijo-na.

⁴⁰ Jè nachrjein k'e nga 'an xi kjoiaa, jò xita xi nchisíxá ján jjiin ijña, jngòò tjámítjen, xi jngòò síjna-né.

⁴¹ Jò íchjín nchat'aa natsí xi nchi'o na'yo, jngòò tjámítjen, xi jngòò síjna-né.

⁴² Títasajnaakoòn nga mikii 'yaá mé nachrjein-ne kò mé hora-ne nga kjoiaa 'an xi Nainá 'mì-na.

⁴³ Kátasijin-nò, tsà jngòò nei-la ni'ya sjjiin-la mé hora-ne k'e nga jñò kjoíí xita chíjé nga síichjé-la, síikindaá ni'ya-la; mikii tsjá'nde nga kochijé-la.

⁴⁴ Jñò, tikoáá títasajnaandá; nga 'an xi Kí'ndí-la Xita xan-la yijo-na, k'eé kjoiaa jngòò k'a k'e nga jñò mikii títascháña.

Chí'nda xi ndaa s'in kò xi ch'o s'in

(Lucas 12:41-48)

⁴⁵ 'Yá-ne xi chí'nda kixí xi tjin-la kjoachjine? Jè nei-la síikjína'nda jña chí'nda-la xi i'nga xi ya síxá ni'ya-la mé-ne nga k'e kichò chiba-la, síikjèn chí'nda xikjín.

⁴⁶ Mé tà ndaa-la jè chí'nda xi k'oas'in ndaa tísíkitasón k'e nga kjoíí-ne nei-la.

- ⁴⁷ Xi okixíí xi xan-nò, nei-là ch'í'nda jè, jè sxiikjina'nda yije tsojmi xi tjin-là.
⁴⁸ Tanga tsà jè ch'í'nda ts'en kitsò nga koòko inima-là: "Nei-na, kjin nachrjein kochrjein-là nga kjoí-ne."
⁴⁹ Ikjoàn kojits'ia nga skaàn-ko ch'í'nda xikjín, koà kokjen-ko ko skoíko xita ch'í.
⁵⁰ Ch'í'nda jè, kjoíí-ne nei-là jè nachrjein ko jè hora k'e nga mikii tíkoña-là.
⁵¹ 'Nò tse kjo'in tsjá-là. Tà ngàsòn okji kjo'in tsjá-là koni jñà xita xi jò isén tjin-là. Ikjoàn skindaya ko sxijs'íin ni'ño.

25

Kjoa xi mangàsòn ts'e ixti íchjín xi te ma-ne

- ¹ Jè nachrjein k'e nga kotixoma jè xi ngajmii nchrobá-ne, k'oaá s'ín koma koni komàt'in jñà ixti íchjín xi te ma-ne. Kiskoé ni'ín lámpara-là xi ts'e asiti. Kiikoña-là jè xita xi bixan.
² 'Òn ma-ne ixti íchjín xi tjin-là kjohitsjeèn koà 'òn ma-ne xi tsjin-là kjohitsjeèn.
³ Jñà ixti íchjín xi tsjin-là kjohitsjeèn kiskoé lámpara-là tanga mikii ts'a-là asiti.
⁴ Koà jñà ixti íchjín xi jye tjiin-là ts'a nomita asiti-là ko lámpara-là.
⁵ Jè xita xi tibixan, mikii xátí j'ii, koà kjònijñá-là ngats'ii ixti íchjín; tsohofè í'ño.
⁶ K'e nga ijchò osen nitjen, 'ño kiichja jñà xita, kitsò: "Jye nchrobá jè xita xi bixan. Titjoò ni'ya, tanguichjaà indiaa."
⁷ Ngats'ii ixti íchjín tsasítjen, koà tsibitsajnandaà lámpara-là.
⁸ Jñà xi 'òn ma-ne xi tsjin-là kjohitsjeèn kitsò-là jñà xi tjin-là: "Tjii itsé-nájen asiti-nò. Jè ni'ín-nájen jye tibits'o."
⁹ Tanga jñà ixti íchjín xi tjin-là kjohitsjeèn, kitsò-là: "Mikii koma, mikii kjichóya-là tsajen. Tangui kindá ñanda satijna."
¹⁰ Tanga jñà ixti íchjín xi tsjin-là kjohitsjeèn k'e nga kii katse asiti-là, k'eé j'ii xita xi bixan. Koà jñà ixti íchjín xi 'òn ma-ne xi títstandaà nga títi lámpara-là, jahas'en ko jè xita xi bixan ya ni'ya ñanda tjin s'eí. Ikjoàn kisichjoà xotjoa-là ni'ya.
¹¹ Koma iskan j'ii-ne jñà ixti íchjín xi ngui 'òn ma. Kitsò: "Na'èn, Na'èn, chíx'a-nájen ni'ya."
¹² Tanga jè xita xi bixan, tà kitsò-là: "Okixíí xi xan-nò, mikii bexkon-nò yá-nò jñò."
¹³ Jesús kitsò-isa:
 —Jñò, títajnandaà, nga mikii 'yaà mé nachrjein-ne koà mé hora-ne nga kjoiaa 'an xi Ki'ndí-là Xita xan-là yijo-na.

Kjoa xi mangàsòn ts'e ton xi kitjoé-là jñà ch'í'nda

- ¹⁴ Jè nachrjein k'e nga kotixoma jè xi ngajmii nchrobá-ne, k'oaá ti ngaya-là koni tsà jngoò xita xi tjin-là ch'í'nda. Kjiiin j'nde tífi. Kiichja-là ch'í'nda-là; kisingatsja ton-là nga jngoò ljngoò nga kátasikinda.
¹⁵ Jngoò ch'í'nda xi kitsjaà-là 'òn jmii ton oro; xi ljngoò jò jmii kitsjaà-là; xi ma-ne jàn jngoò jmii kitsjaà-là. K'oaá s'ín kitsjaà-là koni s'ín koma-là nga sxiákò nga jngoò ljngoò. Ikjoàn kii jè nei-là xá ñanda j'nde kjiiin.
¹⁶ Jè ch'í'nda xi kitjoé-là 'òn jmii, kisixákò ton xi kitjoé-là koà ngui okji kisikijnesòn.
¹⁷ Ko jè ch'í'nda xi jò jmii kitjoé-là, k'oaá tí kis'íin, tíkoá ngui jò jmii kisikijnesòn.
¹⁸ Tanga jè ch'í'nda xi kitjoé-là jngoò jmii, tà tsibijna'ma-né ton xi kitsjaà-là nei-là. Yaá tsibijnajiiin it'aà nangui.
¹⁹ K'e nga jye kjòtsé kii nei-là ch'í'nda koi, j'ii ljngoò k'a-ne; kis'íin-là kindá jè ton xi kitsjaà-là.
²⁰ Ijchò jè xi kjòngatsja xi 'òn jmii, koà ngui 'òn jmii ijchòkosòn. Kitsò-là nei-là: "Na'èn, 'òn jmii ton xi jì kiningatsja-ná, koà ngui 'òn jmii kisikijnesoàn."
²¹ Jè nei-là kitsò-là: "Ndaà tjin; ngaji, xita ndaa-né. Ndaà kinitasòn-ná nas'ín tà chiba ton kitsjaà-lè. 'An, isaá tse tsja isa-lè. Títjás'en-jiiin nga títjako-ná."
²² Ikjoàn ijchò jè ch'í'nda xi jò jmii kjòngatsja, kitsò: "Na'èn, jò jmii ton kiningatsja-ná koà ngui jò jmii kisikijnesoàn."
²³ Jè nei-là kitsò-là: "Ndaà tjin; ngaji, xita ndaa-né. Ndaà kinitasòn-ná nas'ín tà chiba ton kitsjaà-lè. 'An isaá tse tsja isa-lè. Títjás'en-jiiin nga títjako-ná."
²⁴ Koà k'e nga ijchò jè ch'í'nda xi jngoò jmii kjòngatsja kitsò-là nei-là: "Na'èn, bexkoón-lè nga xita jti takòn-né nga bixkoí tsojmi xi mi jì bitji, ko bixkoí jñà xi mi jì chíndji.
²⁵ Koií kjoa-là nga kitsakjòn-na nga tsibijna'ma ton-lè ya jjiin nangui. I tijná-ne ton-lè xi jngoò jmii kiningatsja-ná."
²⁶ Jè nei-là kitsò-là: "jNgaji, ch'í'nda ch'o-né koà xita ts'eé-né! Tsà jye tjiin-lè nga 'an bixkoá ñanda mi 'an kijniaa.
²⁷ Tsà ya tsibijni ton-na ya banco mé-ne k'e nga kjoí-na, tjoé-na ton-na ko ki'ndí-là ton xi ts'an."

²⁸ Ikjoàn kitsò-là jñà x̄ita xi ya t̄itsajna: “Chjaà'an-là jè ton xi jngòò jmiì; jè t̄jiì-là ch̄i'nda xi te jmiì ma ts'e.

²⁹ Nga jè xi t̄jìn-là, k'oif̄ isa-là skanda tsatoò s'e-là, tanga jè xi tsjìn-là, skanda t̄já'aan-là mé xi chiba t̄jìn-là.

³⁰ Jè ch̄i'nda xi ni mè ch̄ji-là, t̄ikatjeen ján nd̄itsiaán ya ñánda jñò choòn, yaá sk̄indàya ko yaá s̄ij̄ts'ìn ni ñò.”

K'e nga jè Nainá koìndaaj̄iìn-là ngats'ìi x̄ita isò'nde

³¹ K'e nga kjoiaa j̄ngòò k'a 'an xi K'ndí-là X̄ita xan-là yijo-na koni jngòò x̄itaxá ítjòn nga kjoij̄koaga kjoajeya-na, ko àkjale tsjeè-na xi t̄itsajnan̄d̄iì-na, k'eé kót̄ijnasoàn íx̄ile ts'e k̄jot̄ixoma-na xi ñò jeya t̄jina.

³² Ngats'ìi x̄ita xi t̄jìn isò'nde, yaá koxxkóya nguixkooàn; ikjoàn siijòya koni s'ín paxtò xi ko'ndá t̄indsó nga ochrjekaj̄iìn orrè ko t̄indsó ska.

³³ Jñà orrè, yaá k̄itsajnat'aà kixi-na, koa jñà t̄indsó ska, yaá k̄itsajnat'aà ngaskón-na.

³⁴ 'An xi x̄itaxá ítjòn 'mì-na xán-là jñà xi t̄itsajnat'aà kixi-na: “Nchrobá jñò xi Nainá kisichikon-t'ìn-nò; chjoe k̄jondaà xi t̄ijnanda-là Nainá skanda k'e nga kisindaà isò'nde, nga ya k̄itsajnaà ya ñánda nga jè t̄ihotixoma.

³⁵ K'e nga k̄jòhòjò-na, kits'ìi-ná jñò xi tsoókjeen; k'e nga k̄jòxínda-na, kits'ìi-ná nandá nga kits'iaa; k'e nga tsjìn-na j'nde ñánda s̄ikjáyá, kits'ìi'nde-ná ni'ya-nò.

³⁶ K'e nga tsjìn-na nikje xi ónakjá, jñò kits'ìi-ná; k'e nga k̄jòx'én, tsangui nikinda-ná; k'e nga ndayá tsohót̄ijna'ya, tsangui chitsejèn-ná.”

³⁷ Koa jñà xi x̄ita kixi skonangui-na, kitsò-na: “Na'èn, çkjé-né nga ki'ya-lèjen nga k̄jòhòjò-lè, ko kits'ìi-lèjen xi chichi?, o çkjé-né nga ki'ya-lèjen nga k̄jòxínda-lè, ko kits'ìi-lèjen nandá nga ki'yoì?”

³⁸ Çkjé-né nga ki'ya-lèjen nga tsjìn-lè j'nde ñánda nikjáyá, ko kits'ìi'nde-lèjen ni'ya-najen, nas'ín mikil̄ yaxkon-lèjen? Çkjé-né nga ki'ya-lèjen nga tsjìn-lè nikje xi chikjeí, ko kits'ìi-lèjen?

³⁹ Çkjé-né nga ki'ya-lèjen nga k̄jòxk'ín, ko tsangui nikinda-lèjen?, o çkjé-né nga ki'ya-lèjen nga tina'yi ndayá, ko tsangui chitsejèn-lèjen?”

⁴⁰ 'An xi x̄itaxá ítjòn 'mì-na xán-là: “Okixíí xi xan-nò, k'e nga k'oas'ín kinikò jngòò x̄ita xinguiáa nas'ín takó 'ñò x̄ita imá kji, 'aán xi k'oas'ín kinikò-ná.”

⁴¹ 'An xi x̄itaxá ítjòn 'mì-na xán-là jñà x̄ita xi t̄itsajna ngaskón-na: “Tinchat'aax̄in-ná jñò xi k̄jò'ín t̄jìné-nò. Tanguió ya j'nde ñánda titi ni'ín xi mikil̄ bits'o n̄ita kjé-ne, jè j'nde xi t̄jindaà j̄t'aà ts'e x̄ita neji ko àkjale-là.

⁴² K'e nga k̄jòhòjò-na, jñò, mikil̄ kits'ìi-ná xi tsoókjeen; k'e nga k̄jòxínda-na, mikil̄ kits'ìi-ná nandá nga kits'iaa;

⁴³ k'e nga tsjìn-na j'nde ñánda s̄ikjáyá, mikil̄ kits'ìi'nde-ná ni'ya-nò. K'e nga tsjìn-na nikje xi ónakjá, jñò mikil̄ kits'ìi-ná; k'e nga k̄jòx'én mikil̄ tsá kinikinda-ná; k'e nga ndayá tsohót̄ijna'ya, mikil̄ tsangui chitsejèn-ná.”

⁴⁴ T̄ikoaá jñà x̄ita xi t̄itsajna ngaskón-na skonangui-na, kitsò-na: “Na'èn, çkjé-né nga ki'ya-lèjen nga k̄jòhòjò-lè, nga k̄jòxínda-lè nga tsjìn-lè j'nde ñánda nikjáyá, nga tsjìn-lè nikje xi chikjeí, nga k̄jòxk'ín, o k'e nga tina'yi ndayá ko mikil̄ kinichjât'aà-lèjen?”

⁴⁵ 'An xi x̄itaxá ítjòn 'mì-na, xán-là: “Okixíí xi xan-nò, k'e nga mikil̄ k'oas'ín kinikòò jngòò x̄ita nas'ín takó 'ñò imá kji, 'aán xi mikil̄ k'oas'ín kinikò-ná.”

⁴⁶ Jñà x̄ita ts'en koi s'eé-là k̄jò'ín n̄ita kjé-ne, koa jñà xi x̄ita kixi s'eé-là kjoabinachon n̄ita kjé-ne.

26

Kís'ín tsajoóya-ne x̄ita kondra-là Jesús nga tsoba'ñó

(Marcos 14:1-2; Lucas 22:1-2; Juan 11:45-53)

¹ Jesús k'e nga jye k̄ichjá yije 'én koi kitsò-là x̄ita xi kota'yàt'aà-là:

² —Jñò, jye t̄jiìn-nò nga tà jò nachrjein chija ts'e s'eí Paxko; 'an xi K'ndí-là X̄ita xan-là yijo-na, yaá kongatsja it'aà ts'e x̄ita naxandá nga koòt'aà-na krò.

³ Nachrjein koi jñà x̄ita skò-là nò'miì, x̄ita xi okóya k̄jot̄ixoma-là Nainá xi kiskil̄ Moisés ko x̄ita jchínga-là jñà x̄ita judío, yaá chixoña ya nd̄itsin ni'ya-là Caifás xi nò'miì ítjòn.

⁴ Yaá tsajoóya-ne kós'ín tsobà'ñó Jesús xi kjoa chijé, ikjoàn s̄ik'len.

⁵ Kitsò-là x̄ikjín:

—Mì nachrjein-là s'eí s̄ik'eén nga mì kots'en jñà x̄ita naxandá.

Jngòò chjòón xi kisikaájno xk̄iì jne skò Jesús

(Marcos 14:3-9; Juan 12:1-8)

⁶ Jesús, k'e nga t̄jina ján naxandá Betania, ya ni'ya-là jngòò x̄ita xi tsindojno chrjoa yijo-là nga sa ítjòn xi 'mì Simón,

⁷ ijchò jngòò chjòón xi 'ya jngòò lamità ndajò xi 'mì alabastro xi tjíya-là xkü jne, xi 'ñó chjí-la. K'è nga týnat'aà ímíxá Jesús, chjòón jè, tsibíxteèn-sòn sko jè xkü jne.

⁸ Jñà xítà xi kota'yàt'aà-là Jesús k'è nga kijtseeè, kòjti-là, kitsò:

—¿Mé-ne nga kasíkits'ón-ne jè xkü jne?

⁹ Tsà kàsátjina, 'ñó-là tse chjí-la kòja jè tòn-là kòmaá kòchját'aà-là xítà ima.

¹⁰ Kù'nchré Jesús. K'èé kitsò-là:

—¿Mé-ne nìjti-là chjòón jè? Koni s'ín kasíko-na ndaà kàs'in.

¹¹ Jñà xítà ima kítsajnakò kjit'aà-nò; tanga 'an mì ì týnakò kjit'aà-nò.

¹² Koni s'ín kasíko-na chjòón jè, nga kàbixteèn-jno xkü jne yijo-na, koií òkàs'in-ne nga síkijnandaà-na nga sijnñà.

¹³ Okixí xi xan-nò, nítà ñánda-ne nga týtsa isò'nde nga kòbísòn 'én ndaà-là Nainá, tìkoáá kòbísòn-nè koni s'ín kasíko-na mé-ne nga sijnkítsjeèn-ne xítà it'aà ts'è chjòón jè.

Kó kis'in Judas nga tsatjina Jesús

(Marcos 14:10-11; Lucas 22:3-6)

¹⁴ Jè xi 'mì Judas Iscariote xi ya itjòjìn ts'è xítà xi tejò ma-ne xítà-là Jesús, kùkon jñà xítà sko-là no'miì,

¹⁵ kitsò-là:

—¿Kò týn tòn k'oi-ná nga singatsja-nò Jesús?

Jñà xítà sko-là no'miì, katé ixò tòn chroba tsibíndaàjìn-ne.

¹⁶ Judas, k'èé tsibíts'ia nga tsohótsji'nde-là kós'in sijningsja Jesús.

Kís'in tsibjina okixi Jesús k'è nga tsakjèn-kò xítà-là xi tejò ma-ne

(Marcos 14:12-25; Lucas 22:7-23; Juan 13:21-30; 1 Corintios 11:23-26)

¹⁷ Jè nàchrjein xi mats'ia ítjòn ts'è s'eí k'è nga kjèn inchrájìn xi tsjin-là na'yo san jñà xítà judío, jñà xítà xi kota'yàt'aà-là Jesús ijchòkon, kiskòngui-là, kitsò-là:

—¿Nánda mejèn-lè nga onguí kíndaà-jen tsojmì xi chjineé ts'è s'eí Paxkò?

¹⁸ Jesús kitsò-là:

—Tanguíchòn ni'ya-là jngòò xítà ya jjiìn naxandá. Kot'in-là: “Jè maestro k'oaá tsò: Jyee tíma chraña nàchrjein-na nga kiyá. Yaá ni'ya-lè kjián kachrje s'eí Paxkò kò xítà xi kota'yàt'aà-na.”

¹⁹ Jñà xítà xi kota'yàt'aà-là, k'oaá s'ín kis'in koni s'ín kitsò-là Jesús. Yaá tsibíndaà tsojmì xi kòkjen kjoa ts'è s'eí Paxkò.

²⁰ K'è nga jye kòjñò, Jesús, tsibíjnat'aà ímíxá kò xítà-là xi tejò ma-ne.

²¹ K'è nga nchikjèn, Jesús kitsò-là:

—Okixí xi xan-nò, jñò, ì týnajìn jngòò-nò xi sijningsja-na it'aà ts'è xítà kondra-na.

²² Jñà xítà xi kota'yàt'aà-là Jesús 'ñó kjóba-là k'è nga òkítsò. K'èé jngó jngó kiskòngui-là, kitsò-là:

—Na'èn, ¿a 'an-ná?

²³ Jesús kitsò-là:

—Jè xi kóngajìn-kò-na chroba, jè xi sijningsja-na.

²⁴ An xi Kí'ndí-là Xítà xan-la yijo-na, k'oaá s'ín kòmat'ian koni s'ín tìchja Xojòn-là Nainá. Tanga ima xó-ne jè xítà xi sijningsja-na! Ísaá-là ndaà komà tsà mikii kits'in xítà jè.

²⁵ K'èé kùchja Judas, jè xi sijningsja Jesús, kitsò:

—Maestro, ¿a 'an-ná?

Jesús kitsò-là:

—Jon, ngaji-né.

²⁶ K'è nga nchikjèn, Jesús kiskoé inchrájìn, kùchjat'aà-là Nainá nga kisichikon-t'in, kisixkoaya íkjoàn kitsjaà-là xítà xi kota'yàt'aà-là, kitsò-là:

—Chjóé, tìchjóé, yijo-na né.

²⁷ Íkjoàn kiskoé jngòò chjtsín, kitsjaà-là kjòndaà Nainá, k'èé kitsjaà-là xítà xi kota'yàt'aà-là. Kitsò-là:

—Ngats'ioò, t'iqo jè xi tjíya chjtsín.

²⁸ Jè-né xi jní-na xi síkixiya kjoa xjtsè xi bindaàjìn-kò-nò. Jè jní-na xixteèn xi kjòndaà ts'è kjìn xítà mé-ne nga jchat'aà-là jé-là.

²⁹ K'oaá xán-nò, mì tì kii skí-na vino skanda jè nàchrjein k'è nga skíko jngòò k'a-nò vino xjtsè jè nàchrjein k'è nga kotixoma Na'èn-na.

Én xi kùchja Jesús nga jè Pedro kjó'mat'in

(Marcos 14:26-31; Lucas 22:31-34; Juan 13:36-38)

³⁰ K'è nga jye kiseé jngòò-là sò Nainá ts'è Salmo, íkjoàn kii ján ì'a nindoò Yá Olivo.

³¹ Jesús kitsò-là xítà xi kota'yàt'aà-là:

—Ngats'ioò jñò, n̄tjen jè, kijneí takòn-ná, nga k'oaá s'ín tichja Xojon-la Nainá nga tsò: "Kiyá jè paxtò koa jñà orrè tsjohoya-né."

³² Tanga koma iskan, k'e nga kjoaáya-na, kjin ítjòn-nò ján nangui Galilea.

³³ Kitsò Pedro:

—Nas'ín ngats'iì x̄ita-lè xi i'nga tsjín takòn-lè, 'an, n̄imé n̄achrein-ne nga tsjiin takòn-lè.

³⁴ K'eé kitsò-la Jesús:

—Okixí xi xan-lè, n̄tjen jè, k'e nga tik'j'eè kjindáya kóxtí, ngaji, jàn k'a tsjá'mat'in-ná.

³⁵ Pedro kitsò:

—Nas'ín skanda ya kiyáko-lè mikii kójna'mat'in-lè.

Ngásòn kitsò ngats'iì x̄ita xi kota'yat'aà-la Jesús.

Kii kitsò Jesús nga tsibítsi'ba ya i'nde ñánda 'mì Getsemaní

(Marcos 14:32-42; Lucas 22:39-46)

³⁶ K'eé kii Jesús ya ñánda 'mì Getsemaní ko x̄ita xi kota'yat'aà-la. Kitsò-la:

—Titsajna ijndé. 'An, ya kò-la kjián nga kichjät'aà-la Nainá.

³⁷ Jesús kiiko Pedro ko ingajò ixti-la Zebedeo. Ikjoàn tsibítsi'ia nga kjòba-la koa kisikájno inima-la.

³⁸ K'eé kitsò Jesús:

—Tsi baá ma-la inima-na koni tsi mejèn kiyá. Titsajna ijndé koa titsajnakon-ko-ná.

³⁹ Jesús kiikjá chiba-isa. Ikjoàn tsohojna tsakján skanda it'aà nangui koa kisijét'aà-la Nainá, kitsò:

—Ji xi Na'èn-na xan-lè, tsà koma, kàtatajàxin-ná kjo'in koi, tanga mìtsà jè 'én ts'an kítasòn, jè kàtitasòn 'én tsiji.

⁴⁰ Ikjoàn j'ii ijngòò k'a-ne ya ñánda titsajna x̄ita-la xi kota'yat'aà-la, tanga jñà x̄ita-la, kjiyijòfè-né. Jesús kitsò-la Pedro:

—¿A mì kachikjoa-nò tsà tà jngòò hora kòbitsajnakon-ko-ná?

⁴¹ Titsajna koò koa titsi'ba-la Nainá mé-ne nga mì s̄ikijne-nò kjoa ts'e jé. Xi okixí, jé inima-nò tijnandaà-né tanga jè yijo-nò xi tsjin-la nga'ño.

⁴² Xi ma-ne jò k'a kii ijngòò k'a Jesús nga kii kitsi'ba. Kitsò:

—Ji xi Na'èn-na xan-lè, tsà mikii koma tjáxin-na kjo'in koi, kos'ín kàtitasòn koni s'ín mejèn-lè.

⁴³ K'e nga j'ii ijngòò k'a-ne, jñà x̄ita xi kota'yat'aà-la, táko kjiyijòfè-né nga 'ño nijñá-la.

⁴⁴ Komá jàn k'a nga kii kitsi'ba. Yaá kisikitsajna x̄ita xi kota'yat'aà-la. Táko k'oaá t̄i kitsò nga tsibítsi'ba.

⁴⁵ J'ii ijngòò k'a-ne ya ñánda titsajna x̄ita xi kota'yat'aà-la. Kitsò-la:

—¿A táko titsanikjáya-nò kò titsafè-nò? Jyeé ijchò hora-la, 'an xi Ki'ndí-la X̄ita xan-la yijo-na, yaá kongatsja jñà x̄ita jé.

⁴⁶ T̄is̄it̄jeen, chit̄sejèn-là, tik̄jiaán, jyeé nchrobá chrañà jè xi s̄iingatsja-na.

Kii komá k'e nga kindobà'ño Jesús

(Marcos 14:43-50; Lucas 22:47-53; Juan 18:2-11)

⁴⁷ Táko tik'eé tichja-isa Jesús nga ijchò Judas xi ya itjojiin ts'e x̄ita-la Jesús xi tejó ma-ne. Kjin x̄ita tjiko xi 'ya kich̄a ndojò ko yá. Jñà kisikasén x̄ita sko-la no'mii ko x̄ita jchinga xi ts'e x̄ita judío.

⁴⁸ Judas, jè xi tsatjina Jesús, ítjòn tsibénojmi-la kós'ín kòkò-la Jesús. Kitsò-la:

—Jè xi skíne'a, jè-né xi t̄indobà'ño.

⁴⁹ N̄itoón kii kasit'aà chrañà-la Jesús. Kitsò-la:

—Ndaà-lè Maestro.

Ikjoàn kiskine'a.

⁵⁰ Jesús kitsò-la:

—Amigo, ¿mé xá kjoj-ne?

Jñà x̄ita xi tjiko Judas, n̄itoón kitsobà'ño Jesús.

⁵¹ Jngòò x̄ita xi tjikoa ya tsòhoko Jesús, tsachrje kich̄a ndojò-la. Tsajá-la jè x̄ita ch̄i'nda-la no'mii ítjòn; tsatet'aà líká-la.

⁵² Jesús kitsò:

—T̄ik̄ájn̄at̄joi kich̄a ndojò-lè ya i'nde-la; jñà xi kich̄a skaàn-ne nga s̄iik'en x̄ikjín, ngásòn kich̄a kiyá ngajo-ne.

⁵³ ¿A mì 'ya-jèn tsà 'an s̄ijé-la Na'èn-na, tsatoó tejó jmi àkjalé n̄itoón s̄iikasén-na?

⁵⁴ Tanga tsà k'oaá s'ín s̄ijé, mikii k̄itasòn koni s'ín tichja Xojon-la Nainá nga mochjeén-né nga k'oaá s'ín koma.

⁵⁵ Jesús kitsò-la jñà x̄ita xi kjin ma-ne:

—¿Mé-ne kos'ín kòf'ii ndobà'ño-ná nga ko kich̄a ko yá kich'á koni tsà jngòò x̄ita chijé? N̄achrein nchijòn t̄ijn̄ako-nò ján jngò ítjòn nga okoòya-nò ko mikii kindobà'ño-ná.

⁵⁶ K'ojí kjoa-là okoma-ne nga kítasòn 'én xi tjí't' àà xojon-là jñà xítà xi kùichja ngajo-là Nainá. Tík'eé-né ngats'ìi xítà xi kota'yà't' àà-là Jesús tsanga kò kitsjeiin takòn.

Kii komà k'e nga tsibijna Jesús nguixkon nò'mùì ítjòn
(Marcos 14:53-65; Lucas 22:54-55, 63-71; Juan 18:12-14, 19-24)

⁵⁷ Jñà xítà xi kitsobà'ñó Jesús kiiko ñánda tíjna Caifás xi nò'mùì ítjòn. Yáá títsajna xítà xi okóya k'jotixoma-là Nainá xi kiskii Moisés kò xítà jchínga-là xítà judío.

⁵⁸ Jè Pedro, tà kjiin tà kjiin tsajmeètjngui-là skanda ijchò ndítsin ni'ya-là nò'mùì ítjòn. Jahas'en ni'ya. Yáá tsibijnat' àà-là ñánda títsajna xítà xi síkínda ni'ya ingo nga mejen-là skoe kós'in koma nga kjoehet' àà kjoa.

⁵⁹ Jñà xítà sko-là nò'mùì kò xítà jchínga, ngats'ìi xítà xi tjin-là xá ts'e xítà judío, tsohótsji'nde-là nga tsjã't'in 'én xi kondrà ts'e Jesús mé-ne nga koma sjìngatsja-ne xítà Roma nga sjìk'en Jesús.

⁶⁰ Tanga nímé 'én kisakò-là nas'in ijchò xítà ndiso xi kondrà ts'e. Xi komà iskan ijchò jò xítà ndiso

⁶¹ xi kitsò:
—Xítà jè kitsò-né: “An, koma-na nga sihixòña ingo ítjòn-là Nainá koà jàn nachrjein kindàya ìjngò k'a-na.”

⁶² K'eé tsasijna kixi jè nò'mùì ítjòn. Kitsò-là Jesús:

—¿A nímé 'én nokjoi, koni tsò 'én xi tsjã xítà koi xi kondrà tsiji?

⁶³ Jesús mikii kùichja. Jè nò'mùì ítjòn kitsò-là:

—Tènojmi kixi nga nguixkon Nainá xi tíjnakon. Kòt'in-nájen. ¿A ngaji-né xi Cristo [xítà xi xó kisikasén-lè Nainá] nga Ki'ndí-là mai?

⁶⁴ Jesús kitsò-là:

—Ngajii xi k'oa si nga 'an-ná. Tík'oa, k'oaá xán-nò, jñò jchà-ná xi Ki'ndí-là Xítà xan-la yijo-na nga kótijnat' àà kixi-là ñánda tíjna Nainá xi 'ñó tse nga'ñó tjin-là. Tík'oaá jchà-ná k'e nga kjinchrobàjñà ìjjiin ifi xi ts'e ngajmii.

⁶⁵ Jè nò'mùì ítjòn tsatijnadajno yijo-là níkje-là xi íkjá nga 'ñó kòjti-là, kitsò:

—Xítà jè, jyeé kà'yàa nga chjajno-là Nainá koni tsò 'én xi chja. ¿Mé s'eén-isa-ná xítà xi k'ejí xi tsjã 'én? Jñá, jyeé kàna'yà-là koni s'in chjajno-là Nainá.

⁶⁶ ¿Jñò, kó bixón, mé xi sjkoáá?

Ngats'ìi xítà kitsò:

—Tjin-là jé, ok'in-là nga sík'en.

⁶⁷ Ikjoàn tsibíchrá'a kò tsi'beé-là. Koà tjin xi isén-là tsi'beé'a,

⁶⁸ kitsò-là:

—Ji Cristo [xi xó kisikasén-lè Nainá], kòt'in-nájen, ¿yá xi tí'beé-lè?

K'e nga jè Pedro jàn k'a tsoho'mat'in Jesús

(Marcos 14:66-72; Lucas 22:56-62; Juan 18:15-18, 25-27)

⁶⁹ Jè Pedro k'e nga tíjna ndítsin ni'ya, ijchòkon jngòò chjoón chí'nda xi kitsò-là:

—Tík'oaá ngaji, yáá tjaàkoi Jesús xi Galilea j'nde-là.

⁷⁰ Tanga jè Pedro tsoho'mat'in-né nga nguixkon ngats'ìi xítà. Kitsò:

—Mikii be mé 'én xi tinokjoi.

⁷¹ Jè Pedro jyeé tíbitjo xotjoa ni'ya k'e kijtseé ìjngòò chjoón xi k'oa ti kitsò-là jñà xítà xi ya títsajna. Kitsò:

—Xítà jè, tík'oaá yá tsóhokò Jesús xi Nazaret ts'e.

⁷² Pedro ìjngòò k'a tsoho'mat'in. Kitsò:

—jTibeé Nainá, mikii bexkoan xítà jè!

⁷³ Nga komà iskan jñà xítà xi ya títsajna ijchòkon ñánda tíjna Pedro. Kitsò-là:

—Okixi-né, tík'oaá ngaji xítà xi kota'yà't' àà-là Jesús-né. 'Yàa-lè; k'oaá tís'in nokjoi.

⁷⁴ K'eé isa 'ñó kùichja Pedro kitsò:

—jBeé Nainá, nas'in tìk'eén-ná, mikii bexkoan xítà jè!

Tík'e-ne kiskindàya jngòò kóxti.

⁷⁵ K'eé tsibítsjeèn-là Pedro koni kitsò-là Jesús: “K'e tìk'jéé kjindàya kóxti, ngaji, jàn k'a tsjã'mat'in-ná.” K'eé itjo ni'ya Pedro, jàn ndítsiaán; ndaá jchán kiskindàya.

27

Kjoa xi komà't'in Jesús k'e nga kjòngatsja Pilato

(Marcos 15:1-2; Lucas 23:1-2; Juan 18:28-32)

¹ K'e nga kis'e isén, ngats'ìi xítà sko-là nò'mùì, jñà xítà jchínga ts'e xítà judío tsajoóya-ne nga kondrà kjoj-là Jesús mé-ne nga koma sjìngatsja-ne jñà xítà Roma nga sjìk'en.

² Tsibít' àà'ñó, kiiko nga kisingsatsja Pilato xi xítaxá gobernador tíjna ts'e Roma.

Kii komàt'in Judas k'e nga k'en

³ Judas, jè xi tsatjina Jesús, k'e nga jye kijtsee nga jye kitjoòt'in kjoa nga kiyá, 'nó kokájno-la kjoa xi kis'in koa kiskátji-ne tòn chroba xi katé ma-ne jña xita sko-la nò'mù kò xita jchínga.

⁴ Kitsò-la:

—Tsee jè tsohótsji-la yijo-na nga kisingatsja-nò jngoò xita xi nímé jé tjín-la.

Tanga jña xita koi kitsò:

—Ngajen, mikii 'ya-jen. Kjoa tsiji-né.

⁵ Judas tsibítsjo tòn ya ingo ítjòn. K'ée kii tsibítjohóngui yijo-la.

⁶ Jña xita sko-la nò'mù, kiskoé tòn, kitsò:

—Mikii koma ya sijngoaa tòn xi tjíya kaxa-la tòn kjoatjò-la Nainá. Tòn jè, chjí-la mik'en-né.

⁷ K'ée tsajoóya-ne nga jè tòn jè, nanguii kotse jngoò 'nde-ne, xi 'mi: I'nde Nándá Mandaa Tíjì, mé-ne nga s'e-ne i'nde nándá koma sijjiin xita xi xin naxandá-la.

⁸ K'oíi kjoa-la, skanda nachrjein i'ndeí, tákó k'oaá 'mi i'nde jè nga I'nde-la Jní 'mi.

⁹ K'oaá s'in tsitasòn koni s'in kitsò Jeremías xita xi kiichja ngajo-la Nainá nga kitsò: “Kiskoé tòn chroba xi katé ma-ne, koni tjín tsibíjna-la chjí-la jña xita Israel,

¹⁰ kò k'oaá s'in kiskijeén tòn jè nga tsatse i'nde-la xita xi tíjì bínadaà koni s'in kitsjaà-na okixi Nainá.”

'En xi kiichja Pilato k'e nga kiskònangui-la Jesús

(Marcos 15:2-5; Lucas 23:3-5; Juan 18:33-38)

¹¹ Jesús, k'e nga síjna nguixkòn jè xitaxá gobernador kiskònangui-la, kitsò-la:

—¿A jí-né xi xitaxá ítjòn-la jña xita judío?

Jesús kitsò:

—Ngají xi k'oa si nga 'an-ná.

¹² K'e nga nchihóngui Jesús jña xita sko-la nò'mù kò xita jchínga-la xita judío, Jesús nímé 'én kiichja.

¹³ K'ée kitsò Pilato, jè xi xitaxá gobernador:

—¿A mí na'yà-la koni tsò-lé? Kjin 'én tsjá xi kondra tsiji.

¹⁴ Tanga Jesús njngoò 'én kiichja. K'oíi kjoa-la nga jè xitaxá gobernador tà k'oaá komà-la.

Kii komà k'e nga kitjoònè kjoa Jesús nga kiyá

(Marcos 15:6-20; Lucas 23:13-25; Juan 18:38-19:16)

¹⁵ Nga xkí nó k'e nga bitjo s'eí Paxkò, jè xitaxá gobernador sikíjnandeí jngoò xita xi tútsa'ya ndayá, jè xi mejèn-la xita naxandá nga kíjnandeí.

¹⁶ Tík'ée-ne tjína'ya ndayá jngoò xita xi 'ya-la nga 'nó ts'en xi 'mì Barrabás.

¹⁷ K'e nga chixoña xita naxandá, jè Pilato kiskònangui-la, kitsò-la:

—¿Yá-né xi mejèn-nò nga kíjnandeí? ¿A Barrabás-né, o xi Jesús-né xi Cristo 'mì-là?

¹⁸ Koií okitsò-ne Pilato nga jyeé tjíin-la nga tà kjoaxitakòn-né nga ya ijchò singatsja Jesús.

¹⁹ Jè Pilato k'e nga tjína ni'ya osen, jè chjoón-la kiskasén xá-la, kitsò-la: “Kii jí chingájiin kjoa-la xita kixi jè. Nati nítjen, tsí 'nó ch'o tsò nijná xi kò'bil-na ít'aà ts'e.”

²⁰ Tanga jña xita sko-la nò'mù kò xita jchínga, chinchá'a xita naxandá nga kátasíjé nga kátijnandeí Barrabás kò kátasík'en Jesús.

²¹ Jè xitaxá gobernador jngoò k'a kiskònangui-la jña xita naxandá; kitsò-la:

—¿Ná-laá nga ingajò xita koi xi mejèn-nò nga sikíjnandiá?

Jña xita naxandá kitsò:

—Jè Barrabás.

²² Pilato kiskònangui-la jña xita naxandá. Kitsò-la:

—¿Mé xi síkooá Jesús xi Cristo 'mì-là?

Ngats'ii xita naxandá kitsò:

—¡Kátasit'aà krò!

²³ K'ée kitsò Pilato:

—¿Mé jè xi tsohótsji, mé-ne kiyá-ne?

Jña xita, isaá 'nó kiichja, kitsò:

—¡Kátasit'aà krò!

²⁴ K'e nga kijtsee Pilato nga ni mé kjoa sindaàjiin, tà isaá túmatse kjoasi, kiskinikjaá nandá nga tsanjino tsja nga nguixkòn xita naxandá [mé-ne nga skoe-ne jña xita nga nímé jé tjín-la].

Kitsò:

—Nímé jé tjín-na xi ít'aà ts'e xita kixi jè nga mejèn-nò nik'eén. Kjoa tsajòn-nò.

²⁵ Ngats'ii xita kjin kitsò:

—Kjoabiyaa-la xita jè, kindá tsajen-nájen kò ixti-najen.

²⁶ Pilato, k'ée kiskíjnandeí Barrabás; k'e nga jye kitsjaà okixi nga tsajá-la Jesús, íkjoàn kisingatsja nga sít'aà krò.

27 Jñà soldado-là xitaxá gobernador kiikò Jesús ján ni'ya osen. Ikjoàn kiichja yije-là soldado xikín nga tsibitsajinandü-là.

28 Tsachrje nikje-là koa kisikjá jngòò nikje xi inì kji.

29 Ikjoàn tsibí'a skò jngòò corona na'yá xi jñà xó tsibíndaà-ne, koa jngòò yá tsohóya tsja kixi; k'ée chinchaxkó'nchit'aà-là nga kisísobà-là. Kitsò-là:

—¡Viva xitaxá ítjòn-là xitá judío!

30 Tíkoáá tsibíchrájno koa kiskoé yá xkajnchrá xi kjiya tsja, tsatjí skò.

31 K'e nga jye kisísobà-là, jaàxin-là nikje inì xi ikjá. Ikjoàn kisikákjá-ne xi nikje ts'e. K'ée kiikò nga kqsit'aà krò.

Kii kinikò Jesús k'e nga kisasit'aà krò

(Marcos 15:21-32; Lucas 23:26-43; Juan 19:17-27)

32 K'e nga jye nchifikò Jesús, kiskaakjòò jngòò xitá xi Cirene i'nde-là xi 'mì Simón. Jñà soldado kjo'ño kis'in-là nga kisik'ajen krò-là Jesús.

33 K'e nga ijchòko ya i'nde ñánda 'mì Gólgota 'én xi tsòya-ne i'nde skò mik'en,

34 yaá kitsjaà-là vino xi tsjájin-là ndá chikitsja. K'e nga kiskoò't'aà Jesús mikii kits'ii.

35 K'e nga jyeé tsasit'aà krò, jñà soldado kisiskákò nikje-là Jesús nga kisika'bí-là xikín yá ts'e koma. K'oaá s'in tsitasòn 'én-là jè xitá xi kiichja ngajo-là Nainá nga kitsò: "Kisika'bí nikje-na koa kisiskákò yá ts'e koma."

36 Ikjoàn yaá tsibitsajna nga kisikinda Jesús.

37 Ya isòn skò krò tsibit'aà 'én xi k'oa kitsò mé jé xi komà-là nga kinik'en. Jñà 'én koi, tsò: "Jè jèe xi Jesús xi Xitaxá ítjòn-là xitá judío."

38 Tíkoáá kisit'aà krò jò xitá chijé. Jngòò kisit'aà nga kixi-là koa jngòò kisit'aà nga ngaskón-là.

39 Jñà xitá xi ya ja, sikatji skò nga kiichjajno-là,

40 kitsò-là:

—Ji, k'oaá kisi nga siixòñi jngò ítjòn-là Nainá ko jàn naxchrjein kındaà ngajo-ne; tikijnandeij yijo-lè. Tsá kixi kjoa nga ji xi Ki'ndí-là Nainá, chinájen-t'i yijo-lè krò.

41 K'oaá t's'in kisísobà-là jñà xitá sko-la no'mii, ko xitá xi okóya kjotixoma-là Nainá xi kiskii Moisés, ko xitá jchínga ts'e xitá judío. Kitsò:

42 —Xitá jè, tsachrjekajin kjo'in xi k'ejí xitá, tanga jè xi yijo-là, mikii ma ochrjekajin kjo'in. Tsá kixi kjoa nga jè Xitaxá ítjòn-là Israel, kátitjojen-t'aà krò mé-ne nga kòkjeiin-ná it'aà ts'e.

43 Xitá jè, it'aà ts'e Nainá kjò'fiót'aà ikon. Tsá kixi kjoa tsjakee Nainá, i'ndeji, jè kátasikò. Nga k'oaá t'j kitsò nga Ki'ndí-là Nainá ma.

44 Skanda jñà xitá chijé xi tíkoáá tsatít'aà.

Mé xi komà k'e nga k'en Jesús

(Marcos 15:33-41; Lucas 23:44-49; Juan 19:28-30)

45 K'e nga ijchò nchisen skanda xi jàn nga kjòhoxòn, kòhokji nga títsa jsò'nde kòjñò.

46 Tjje-ne hora Jesús'ño kiichja nga kitsò: "Elí, Elí, ¿lama sabactani?" 'En jè tsòya-ne: Nainá, Nainá, ¿mé-ne kàjneitakòn-ná?

47 Tjín i'nga xitá xi ya títsajna xi kii'nchré-là, kitsò:

—Xitá jè, jé chja-là Elías.

48 K'ée tsangachikon jngòò xi kiikjaá tsanga; kisika'nchi-là ko vinagre; ikjoàn tsibísko-là inaço; kitsjaà-là Jesús nga kát'ii.

49 Tanga kitsò xitá xi i'nga:

—Kii k'oa niko, chítsejèn-lá, ¿a kjoji Elías nga skónájen-t'aà krò?

50 Jesús jngòò k'a 'ño kiskindàya. Ikjoàn k'en.

51 Jè nikje velo xi tjòhóya jngòò osen jngò ítjòn kixajndá. Jòya komà skanda it'aà nangui; ts'a ch'ón koa tsàkjàn naxi

52 nga kitáx'a jñà ítjò-là mik'en. Kjìn xitá tsjeè-là Nainá jaáya-là xi kjòtsee k'en.

53 Jñà xitá mik'en xi itjo-ne ítjò-là, k'e nga koma jskan nga jaáya-là Jesús, xitá koi, jahas'en ya naxandá tsjeè Jerusalén; kjìn xitá kijtseexon.

54 Jñà xitá xi nchisikinda Jesús ko jé xitá sko-là soldado, k'e nga kijtsee nga ts'a ch'ón, ngats'ii kjoa xi komà, tsí ndáá kitsakjòn. K'ée kitsò:

—Kixii-lá kjoa, xitá jèe, Ki'ndí-là Nainá-né.

55 Tíkoáá kjìn íchjín títsajna xi kjìn nchikotsejèn-ne xi inchrobà-tjingui-là Jesús skanda ján Galilea nga kisichját'aà-là.

56 Yaá títsajna xi 'mì María Magdalena, María xi nea-là ma Jacobo ko José, ko nea-là ixti-là Zebedeo.

*K'e nga kishijiin Jesús**(Marcos 15:42-47; Lucas 23:50-56; Juan 19:38-42)*

⁵⁷ K'e nga jye kòjñò, j'ii ngòò xitá nchiná xi 'mì José. Yáá i'nde-la jè naxandá xi 'mì Arimatea. Xitá jè tikoáá yáá kiskoóta'yát'aà-la Jesús.

⁵⁸ K'ée kùichja-la Pilato nga kisiyé-la yijo-la Jesús. Jè Pilato kitsjaà okixi nga kàtatjóé-la.

⁵⁹ José kiskoé yijo-la Jesús; kiskájté ngòò nikje sávana tsjeè.

⁶⁰ Kii kishijiin ya nangui-la xi ts'e José. Kiskinìs'engui ngòò ngajo itsjó xitse xi xó tsibindaà-ne ya ingui nguijo. Ikjoàn tshójtisa xotjoa-la ngajo ngòò ndajo teè; ikjoàn kii-ne.

⁶¹ Jè María Magdalena kò María xi i'ngòò, yáá tsibitsajnat'aà chraña-la ñánda kishijiin Jesús.

Mé-ne soldado kiskindá-ne ñánda kishijiin Jesús

⁶² K'e nga komà inchijòn, jè nachrjein nikjáya, jña xitá sko-la nò'mii kò xitá fariseo kiikon Pilato.

⁶³ Kitsò-la:

—Na'èn, bitsjeèn-najen, jè xitá ndiso jèe, k'e nga sá tsibijnakon kitsò-né: “K'e nga kijchò jàn nachrjein kjoaáya-na.”

⁶⁴ K'ojí kjoa-la kàtamakindá itsjó-la skanda k'e koma jàn nachrjein nga mì yáá kijchò xitá-la xi kota'yát'aà-la k'e nga nitjen nga kji'kò chijé yijo-la. Ikjoàn kitsò jña xitá-la nga ke'nojmi-la jña xitá naxandá: “Jyeé jaáya-la xi i't'aà ts'e kjoabiyaá.” Koá isaá ch'o komà 'én ndiso koi koni jña xi itjòn.

⁶⁵ Kitsò Pilato:

—Ya títsajna soldado. Tanguió tkindaa. 'Nó tichjoà jè itsjó nga 'nó kàtas'e.

⁶⁶ K'ée kii nga tsibichjoà'nó jè itsjó koá tsasén ngòò-la sello ya isò'nga-la ndajo xi kijtsa. Ikjoàn kiskitsajna soldado xi kiskindá.

28*Mé xi komà k'e nga jaáya-la Jesús it'aà ts'e kjoabiyaá**(Marcos 16:1-8; Lucas 24:1-12; Juan 20:1-10)*

¹ K'e nga jye tsato nachrjein nikjáya, nga jye tís'e isén jè nachrjein tahàngo nga tàts'en xomàng, kii María Magdalena kò María xi i'ngòò nga kii katsejèn-la itsjó-la ñánda kishijiin Jesús.

² K'e nga itjokàjen ngòò àkjalé-la Nainá xi inchrobà-ne ngajmii, tà nitoón ts'a ngòò ch'ón xi 'nó ts'a nga jaáxin jè ndajo xi kijtsa ngajo itsjó; yáá tsibijnasón.

³ Jè àkjalé ote kji koni ngòò ni'in ch'on; kò jè nikje-la xi íkjá, chroba kji koni kjoàn 'nchán.

⁴ Jña soldado k'e nga kijtsee, tsí ndaa kitsakjòn-la. Tsí chibá-la tsatsé-né koá yáá k'en-ña.

⁵ Jè àkjalé kitsò-la jña íchjín:

—Kì tsakjoòn-jèn. Be-ná, jè binchaàtsjioè Jesús xi kisit'aà krò.

⁶ Mì tì ii tjina-ne. Jyeé kòfaáya-la koni s'in kitsò nga kjoaáya-la. Nchrobá chitsejèn-la i'nde-la ñánda kisijna.

⁷ Nitoón tanguió, koatìn-là xitá xi kota'yát'aà-la: “Jyeé kòfaáya-la. Jè, yáá tífi itjòn-nò ján Galilea. Yáá jchaxkoòn i'ngòò k'a.” Tà k'oaá tjin 'én xi tsja-nò.

⁸ Jña íchjín nitoón itjongui-ne nguijo; kii tsangachikon; okji tsakjòn koá okji 'nó tsja s'e-la nga kii kénojmi-la xitá xi kota'yát'aà-la Jesús.

⁹ K'e nga nchifi íchjín, tà nitoón kisatiikjoè Jesús koá kishixat'aà. Jña íchjín, kii kinchat'aà chraña-la, ikjoàn chinchá-xkò'nchit'aà-la nga kijtsee'xkón, k'ée kitsohòkjá ndsoko.

¹⁰ Jesús kitsò-la:

—Kì tsakjoòn-jèn. Tanguió tiki'nchré jña 'ndse mé-ne nga kàtì-ne ján Galilea. Yáá skoe i'ngòò k'a-na.

'Én xi kitsjaà jña soldado

¹¹ K'e nga nchifi-ne jña íchjín, tikoáá kii i'nga-ne jña soldado xi kiskindá jè itsjó; kii ján ngòò osen naxandá nga kii kénojmi-la jña xitá sko-la nò'mii ngats'ii kjoá xi komà.

¹² Jña xitá sko-la nò'mii kii'kako jña xitá jchínga. K'e nga jye tsajoáya-ne, tseé tòn kitsjaà-la jña soldado,

¹³ ikjoàn kitsò-la:

—Jño, k'oaá tixón: “K'e nga ijchò osen nitjen nga titsayijòfè-jen, jña xitá xi kota'yát'aà-la Jesús ijchòkjaá chijé yijo-la.”

¹⁴ Tsá kji'nchré jè xitaxá gobernador nga titsayijòfè, ngajeén onguichòòn-jen mé-ne nga mì kjo'in tsjá-nò.

¹⁵ Jña soldado kiskoé tòn xi kitsjaà-la kò k'oaá s'in kitsò koni s'in ki'mi-la. Skanda nachrjein i'nde'j tákò k'oaá tsò jña xitá judío.

*Kii kitsò Jesús nga kitsjaà-là xá xítà xi kota'yàt'aà-là
(Marcos 16:14-18; Lucas 24:36-49; Juan 20:19-23)*

¹⁶ Jñà xítà xi kota'yàt'aà-là Jesús xi nguì tejngoò ma-ne, kii ján Galilea yà nindoò ñánda nga okitsò-là Jesús.

¹⁷ K'è nga kijtseè Jesús, chincha-xkó'nchit'aà-là nga kijtseèxkón. Tanga tjin i'nga xi mikii kòkjeiín-là tsà jè-né.

¹⁸ Jesús, k'èé kii kasit'aà chrañà-là, kitsò-là:

—Jyeé kitjoé yije-na nga ñó nga 'an kotiiixoma ngajmii kò j'isò'nde.

¹⁹ Tanguíchòn yije xítà xi tjin nga úttsa naxandá xi tjin isò'nde; takóya-là nga it'aà ts'an kàtakota'yà; t'een bautizar it'aà ts'e 'ín-là Na'èn-ná kò ts'e Kí'ndí-là koa kò ts'e Injima Tsjeè-là Nainá;

²⁰ takóya-là nga kàtasíkitasòn yije kjoa xi 'an tsakoóya-nò. Kì njchàajìln-jèn nga 'aán tijnakò-nò nàchrjein inchijòn skanda k'è nga kjoehet'aà isò'nde. K'ogá s'ín kàtama.

'Én ndaà-là Nainá xi kjoa ts'e Cristo koni s'ín kiskì San Marcos

Kó kitsò 'én xi kiichja Juan xi kis'iin bautizar xita

(Mateo 3:1-12; Lucas 3:1-9, 15-17; Juan 1:19-28)

¹ I mats'ia-ne 'én ndaà-là Jesucristo xi Ki'ndí-là Nainá.

² K'oaa s'ín komà koni s'ín tjit'aà xojon-là Isaias xita xi kiichja ngajo-là Nainá nga kitsò: 'An, sikasén ítjòn-lè xita-na xi kjiiko 'én, jè xi koindaaya ítjòn-lè ndiyá-lè.

³ Na'ya-là jta-là jngoò xita xi 'nó chja

ya i'nde it'aà xìn ñánda nangui kixi choòn, nga tsò:

“Tjandaà ndiyá-là Nainá ya jjiin inima-nò;

kixi tikájna koni jngoò ndiyá ñánda kojmeèya Na'èn-ná.”

⁴ K'oaa s'ín komà; j'ii jè Juan nga kis'iin bautizar xita ya i'nde it'aà xìn ñánda nangui kixi choòn. Kiichjaya nga katasikájno jé-là jña xita nga mì tì jé kohótsji-ne, ikjoàn kátas'ín bautizar yijo-là mé-ne nga siichàat'aà-là Nainá jé-là.

⁵ Kjin xita ijchò 'nchré-là Juan xi inchrobà-ne nangui Judea kò naxandá Jerusalén. K'e nga jye jahatakòn jé-là jña xita, jè Juan kis'iin bautizar ya nandá xajngá nandá Jordán.

⁶ Nikje xi tsohòkja Juan, tsja-là cho camello-né; kò jngoò sincho chrjoa tsibikjá ndáyá-là; tsojmi xi kiskine Juan, jña cho langosta, kò tsjén-là cho cera xi tjin jjiin ijña.

⁷ K'oaa s'ín kiichja nga tsò:

—Jngoò nchrobátjngui-na xi isa tse nga'ño tjin-là mì k'oaa-ne koni 'an, skanda mì ki tji'nde-na nga kósñiat'aà-là nga skjinda jè xox'ín-là xojtè-là.

⁸ Kixi kjoa 'an, ta nandá s'ín-na bautizar xita, tanga jè xi sa nchrobátjngui-na, koó Inima Tsjeè-là Nainá s'iin-nò bautizar.

Kós'ín komà k'e nga komà bautizar Jesús

(Mateo 3:13-17; Lucas 3:21-22)

⁹ Jngoò nachrjein j'ii-ne Jesús ya Nazaret, nangui xi chja-ne Galilea; ikjoàn jè Juan kis'iin bautizar ya nandá xajngá nandá Jordán.

¹⁰ K'e nga itjokajjin-ne nandá Jesús, njtoón kijtsee nga kitáx'a ngajmii koa jè Inima Tsjeè-là Nainá inchrobàjen 'nè-là koni jngoò njise paloma.

¹¹ Koa kina'ya jngoò-là 'én xi ngajmii inchrobà-ne xi kitsò:

—Ji-né xi ki'ndí-na, xan-lè, xi 'nó matsjake-lè, tsja tjin-là takoàn it'aà tsji.

K'e nga jè xita neji kiskoòt'aà Jesús

(Mateo 4:1-11; Lucas 4:1-13)

¹² Nga komà iskan jè Inima Tsjeè-là Nainá kiskasén Jesús ya i'nde it'aà xìn ñánda nangui kixi choòn.

¹³ Ichán nachrjein tsibijna; tsibijnajiin-là cho ts'en kò jè xita neji kiskoòt'aà nga mejèn-là nga kátátsji jé. Tanga jña àkjalè kisis'in-là.

K'e nga tsibits'ia Jesús nga kisixá ya i'nde Galilea

(Mateo 4:12-17; Lucas 4:14-15)

¹⁴ K'e nga jye kii ndáyá Juan xi kis'iin bautizar xita, Jesús kii ján Galilea nga kiichjaya 'én ndaà-là Nainá koni s'ín otixoma Nainá.

¹⁵ Kitsò:

—Jye kjòchrañat'aà-nò nachrjein nga jchaa kós'ín otixoma Nainá. Tikájno jé-nò, kì tì jè binchaatsji-nò; kàtakjeiin-nò 'én ndaà-là Nainá.

Kii kis'iin Jesús nga ñijòn xita kiichja-là xi ma-là sík'en tìn

(Mateo 4:18-22; Lucas 5:1-11)

¹⁶ Jesús, k'e nga ja indii ndáchikon Galilea, kijtsee xi 'mì Simón kò 'ndse Andrés nga nchisikatjen-nguindá na'ya-là. Xita koi, tìn sík'en.

¹⁷ Jesús kitsò-là:

—Nchrobátjngui-ná, 'an tsjaà-nò xá nga kixkóya xita xi 'an kjit'aà-na koni s'ín maxkóya tìn k'e nga ník'eèn.

¹⁸ Jña xita koi njtoón kisikájna na'ya-là nga kiitjngui-là Jesús.

¹⁹ Isa xijngoaa isa, Jesús kijtsee xi 'mì Jacobo kò 'ndse Juan, ixti-là Zebedeo nga túsaya chitso; nchibindaaya na'ya-là.

²⁰ Tíkooáá nítóón kiichja-lá xíta koi; yaá kiitjngui-lá Jesús; kisikíjna Zebedeo xi na'èn-lá ma, kó xíta ch'i'nda xi sixáko ya iya chitso.

Jngòò xíta xi iníma ch'o-lá neíí tjiin iníma-lá
(Lucas 4:31-37)

²¹ Ijchò naxandá Capernaum; k'e nga jye ijchò naxhrjein nìkjáya, jahas'en ni'ya ingo sinagoga ts'e xíta judío; ikjóan tsakóya 'én-lá Nainá.

²² Jñá xíta, tà k'oaá komà-lá koni tsò 'én xi tsakóya. K'oaá s'in tsakóya koni jngòò xíta xi 'ñó tjin-lá kjetixoma; mitsà k'oaá 'in tsakóya koni xíta xi okóya kjetixoma-lá Nainá xi kiskii Moisés.

²³ Ya ni'ya ingo sinagoga tjna jngòò xíta xi iníma ch'o-lá neíí tjiin iníma-lá. 'Nó kiichja nga kitsò:

²⁴ — Ji Jesús, xi Nazaret tsiji, ¿mé xi mejèn-lè? ¿Mé xi binchaàtsji? ¿A kòf'i nìkjesòn-nájen? Bexkon-lè; ji-né xi Xíta Tsjeè-lá Nainá.

²⁵ Tanga Jesús tsohótkò jè iníma cho-lá neíí, kitsò-lá:

— Jyò tjni, titjoiin iníma-lá xíta jè.

²⁶ Jè iníma cho-lá neíí kisikatsé koá kiskindáya xá, ikjóan itjoiin iníma-lá xíta jè.

²⁷ Ngats'ii xíta xi títajna, tà k'oaá koma-lá; xkí xi ján tsohóko xíkjin; kitsò:

— ¿Mé kjoa-ne koi? Jngòò kjoa xitse okóya xi tjin-lá kjetixoma. Skanda jñá iníma cho-lá neíí tsjá-lá okixi, kó 'nchréñjon-lá.

²⁸ Jesús, nítóón kina'ya-lá kóhokji nga jngòò itjandii nangui xi chja-ne Galilea.

K'e nga kisindaà-ne Jesús jè naxhíya-lá Pedro
(Mateo 8:14-15; Lucas 4:38-39)

²⁹ Jesús, k'e nga itjo-ne ni'ya ingo sinagoga, kjihijtakó Jacobo kó Juan, nítóón kii ya ni'ya-lá ñánda tjna Simón kó Andrés.

³⁰ Jè naxhíya-lá Simón, kijna xk'én-né. Ch'in tjnnga tjin-lá. Nítóón kis'enojmi-lá Jesús.

³¹ Ikjóan kiikassit'aa chrañá-lá; kitsobà'ñó tsja; kisikasitjen. Kó nítóón kitjaaxin-lá ch'in tjnnga. Ikjóan chjoón jè, kisís'in-lá Jesús kó xíta xi kjihijtakó.

K'e nga Jesús, kjin xíta xk'én kisindaà-ne
(Mateo 8:16-17; Lucas 4:40-41)

³² K'e nga jye kiskaàtji ts'oi nga jye kòjñò, j'ikò-lá Jesús ngats'ii xíta xk'én kó xi iníma cho-lá neíí tjiin iníma-lá.

³³ Ngats'ii xíta naxandá, yaá kitsejeto xotjoa ni'ya.

³⁴ Jesús, kjin jchán xíta kisindaà-ne xi kjin skaya ch'in tjin-lá tíkooá tsachrjekájiin iníma ch'o-lá neíí xi tjiin iníma-lá xíta; Jesús mikii kitsjaà'nde nga jñá neíí kiichja nga jñá iníma ch'o-lá neíí jyeé beèxkon yá-né Jesús.

K'e nga ijchò Jesús ján Galilea nga kisika'bi 'én ndaa-lá Nainá
(Lucas 4:42-44)

³⁵ 'Nó tajñóya tsasitjen Jesús; tákó jñò-isa nga itjoiin najnchra; kii jngòò i'nde it'aa xin ñánda tsjin xíta nga kiichjat'aa-lá Nainá.

³⁶ Simón kó xíta xíkjin xi i'nga, kii kátsji Jesús.

³⁷ K'e nga jye kisakò-lá ñánda tjna Jesús, kitsò-lá:

— Ngats'ii xíta, jii ótsji-lè.

³⁸ Kiichja Jesús, kitsò:

— Tíkooá tijkiaán jñá naxandá chrañàt'aa nga kichjáya 'én-lá Nainá nga koi xá j'i-na.

³⁹ K'oaá s'in tsajmeé Jesús kóhokji i'nde Galilea nga kiichjáya 'én-lá Nainá ya ni'ya ingo sinagoga nga xkí xi ján naxandá. Tíkooá tsachrjekájiin-ne iníma cho-lá neíí xi tjiin iníma-lá xíta.

Kii komà nga kjòndaà jngòò-ne xíta xi tbindojno chrjoa yijo-lá
(Mateo 8:1-4; Lucas 5:12-16)

⁴⁰ J'iiikon jngòò xíta xi tbindojno chrjoa yijo-lá. Tsasèn-xkó'nchit'aa-lá Jesús, tsibítsi'ba-lá, kitsò-lá:

— Tsà mejèn-lè, títsejè-ná ch'in xi tjin-na.

⁴¹ Jesús kjòhijmakéé-né, tsijmeé tsja nga tsohót'aa-lá yijo-lá xíta jè, kitsò-lá:

— Mejèn-na, kàtandaà-ne.

⁴² Tík'eé-ne nga tichja Jesús, nítóón kjòndaà-ne; kitjaaxin-lá ch'in; kjòtsjeè-ne yijo-lá.

⁴³ Jesús kisihixat'aa xíta jè nga kii-ne. Tanga itjòn 'ñó tsibit'in-lá, kitsò-lá:

⁴⁴ — Tjiná'yi, kii yá xíta bènojmi-lá. T'in ñánda tjna nò'ni, takó-lá yijo-lè nga jye kjòndaà-ne; jch'ii kjetjò-lè, tsojmi xi sjé kjetixoma-lá Nainá xi kiskii Moisés, mé-ne nga tsjeé kijna-ne nguixkon Nainá tikoá skoeé jñá xíta nga jye kjòndaà-ne ch'in-lè.

⁴⁵ Tanga x̄ita jè, k'e nga kiì-ne, tsibíts'ia nga tsibénojmi yije kós'in komàt'in. K'oaá komà-ne nga jè Jesús, mi ti kiì ma t̄axki jahas'en-jìin-ne j̄n̄a naxandá; yaá tsibijna ñánda tsjin x̄ita. Tanga j̄n̄a x̄ita xi x̄ki xi ján i'nde inchrobá-ne, yaá ijchòkon ñánda t̄jna Jesús.

2

K'e nga jè Jesús kisindaà jngoò-ne x̄ita xi mikii ma osijna kixi

(Mateo 9:1-8; Lucas 5:17-26)

¹ Xi komà jò ján n̄achrjein, ijchò jngoò k'a Jesús ján naxandá Capernaum. Kiì'nchré x̄ita nga ya t̄jna Jesús ya ni'ya jè.

² Tik'e-ne kjin jchán x̄ita ijchò maxkót'aà-la skanda mi ti kiì tsi'ndè-ne xotjoa ni'ya. Jesús kiichjayajiiin-la 'én ndaà-la Nainá.

³ Jngoò x̄ita j'iiko xi mikii ma síhiníyá yijo-la. Ñijòn x̄ita yangui.

⁴ Nga mikii komà kitjò'nde-la nga jahas'en ya xotjoa ni'ya, nga 'nó kjin x̄ita t̄itsajna, yaá kiskix'a it̄sja ni'ya ya kixi-la ñánda t̄jna Jesús. Yaá kiskinj̄en-ne jè x̄ita xi xk'én xi kjiya-la yá.

⁵ Jesús, k'e nga kijt̄sèè nga j̄n̄a x̄ita koi mokjeiún-la i't̄aà tse, kitsò-la jè x̄ita xi xk'én:

—Ji ndí na'én, jé-lè jye kichàat'aà-lè.

⁶ Ya t̄itsajna i'nga x̄ita xi okóya kjotixoma-la Nainá xi kiskii Moisés nga nchisík̄tsjeèn j̄jiiin in̄ima-la. Kitsò:

⁷ “¿Mé-ne kós'in chja-ne jè x̄ita jè nga Nainá chjajno-la? Nga tajngoò Nainá síjchàat'aà-ná jé-ná.”

⁸ Tik'e kijt̄sèèya-la Jesús koni s'in nchisík̄tsjeèn j̄jiiin in̄ima-la. Kitsò-la:

—¿Mé-ne kotsò-ne kjohítsjeèn-la in̄ima-nó?

⁹ ¿Mé xi isa chiba 'in t̄jín? Tsà xan-la jè x̄ita xi xk'én: “Jé-lè jye kachàat'aà-lè”, o tsà xán-la: “Chjoi n̄achan-lè, t̄isit̄jiiin, t̄it̄jei.”

¹⁰ Kokoò-nò nga 'an xi Kí'ndí-la X̄ita xan-la yijo-na, t̄jì'ndeé-na nga síjchàat'aà-la jé-la x̄ita j̄isò'nde.

K'eé kitsò-la jè x̄ita xi xk'én:

¹¹ —Ji, k'oaá xan-lè: T̄isit̄jiiin, chjoi n̄achan-yá-lè, t'in-ne ni'ya-lè.

¹² K'eé tsasít̄jen jè x̄ita xk'én. Kiskoé n̄achan-la. Itjoiin-la ngats'ii x̄ita xi t̄itsajna. K'e nga kijt̄sèè kjoa koi, tà kjòxkón-la ngats'ii x̄ita. K'eé jeya kiskijna Nainá. Kitsò:

—N̄i saá jngoò k'a 'yaá jngoò kjoa xi kós'in ma.

K'e nga jè Jesús kiichja-la Leví

(Mateo 9:9-13; Lucas 5:27-32)

¹³ Jesús, jngoò k'a itjo. Kiì ján indii ndáchikon. Ngats'ii x̄ita yaá ijchòkon, ikjoàn tsakóya-la 'én ndaà-la Nainá.

¹⁴ K'e nga nchifi, Jesús kijt̄sèè jè Leví, ki'ndí-la Alfeo. T̄ijnat'aà ím̄ixa ya ñánda síkíchj̄it̄ji tsojmi ts'e Roma. Kitsò-la:

—Nchrohót̄j̄ngui-ná.

K'eé tsasít̄jen Leví, kiit̄j̄ngui-la Jesús.

¹⁵ K'e nga t̄ijnat'aà ím̄ixa Jesús nga t̄ikjèn ya ni'ya-la Leví, kjin ma x̄ita xi síkíchj̄it̄ji tsojmi ko x̄ita xi jè t̄jín-la t̄itsat'aako ím̄ixa Jesús ko x̄ita xi kota'yat'aà-la. Kj̄in jchán ma x̄ita xi t̄j̄ngui-la.

¹⁶ J̄n̄a x̄ita xi okóya kjotixoma-la Nainá xi kiskii Moisés ko x̄ita fariseo k'e nga kijt̄sèè Jesús nga t̄ikjèn-ko x̄ita xi tse jè t̄jín-la ko x̄ita xi síkíchj̄it̄ji tsojmi, kitsò-la j̄n̄a x̄ita xi kota'yat'aà-la Jesús:

—¿Mé-ne k'oas'in-ne Maestro-nò nga x̄ita xi síkíchj̄it̄ji tsojmi ko x̄ita jè kjèn-ko-ne?

¹⁷ K'e nga kiì'nchré Jesús; kitsò-la:

—J̄n̄a x̄ita xi mi ch'in t̄jín-la, mi ch̄j̄inexkiì mochjeén-la; j̄n̄a-né x̄ita xi xk'én xi mochjeén-la ch̄j̄inexkiì. 'An, m̄itsá koi xá j'i-na nga j̄n̄a kichjà-la j̄n̄a x̄ita xi tsò-la yijo-la nga x̄ita kixi, koií xá j'i-na nga j̄n̄a kichjà-la x̄ita xi beè-la ikon nga jè t̄jín-la.

X̄ita xi bitsajnachjan

(Mateo 9:14-17; Lucas 5:33-39)

¹⁸ Jngoò k'a, k'e nga j̄n̄a x̄ita xi kota'yat'aà-la Juan ko j̄n̄a xi kota'yat'aà-la x̄ita Fariseo nchibitsajnachjan, kiì i'nga x̄ita koi nga kiskònangui-la Jesús. Kitsò-la:

—J̄n̄a x̄ita xi kota'yat'aà-la Juan ko xi kota'yat'aà-la x̄ita Fariseo bitsajnachjan-né. ¿Mé-ne j̄n̄a x̄ita tsj̄ji xi kota'yat'aà-lè mi bitsajnachjan-né?

¹⁹ Kitsò Jesús:

—¿A bitsajnachjaán x̄ita k'e nga x̄ita kòbixan k'e nga ya t̄j̄nakò-isa jè x̄ita x'in xi kòbixan? Maj̄in, mikii bitsajnachjan x̄ita.

²⁰ Tanga kijchò n̄achrjein k'e nga t̄j̄axin-la x'in xi kòbixan; k'e-né nga k̄itsajnachjan x̄ita.

²¹ 'Jngoò nikje ìbaà mìkìl ma sji-to-ne kò nikje xitse; nga jè nikje xitse, kjeèn-yó-né koa kotejnda-né jè nikje ìbaà. Ìsaà tse koma ñánda kixajnda kji.

²² Tjkoáá mitsà yá xi koma binchá xán ixii kò chrjoa jchínga; tsà kos'ín s'een, k'e nga jye kojchá xán, sji-xajnda chrjoa jchínga, ikoàn chjja xán kò chrjoa. Jè xán ixii, chrjoa xitsee sinchá.

Kiís'ín tjín it'áà ts'e nàchrjein nìkjáya

(Mateo 12:1-8; Lucas 6:1-5)

²³ Jngoò nàchrjein nìkjáya ja Jesús ya ñánda títe trigo. Jñà xitá xi kota'yát'aà-là tsate chiba natin-là trigo.

²⁴ Jñà xitá Fariseo kitsò-là:

—¿Mé-ne kos'ín-ne xitá-lè jè nàchrjein nìkjáya? Mìkìl tjí'nde nga kos'ín koma.

²⁵⁻²⁶ Kìichja Jesús kitsò-là:

—¿Jñò, a mitsà jye tjiin-nò koni s'ín tíchja Xojon-là Nainá koni kis'iin xitaxá ítjon xi k'i'mi David kò jñà xitá-là xi kjihitako k'e nga no'mi ítjon tsibijna jè Abiatar? K'e nga kjòhòjò-là nga nì mé tjín xi kine, jahas'en n'ya-là Nainá. Tsakjèn inchrájin tsjèe-là Nainá. Tjkoá kitsjaà-là xitá-là xi tjiko. Mìkìl tjí'nde nga jñà kokjen. Tà jñà no'mi tjí'nde-là nga kokjen.

²⁷ Jngoò k'a kitsò Jesús:

—Jè nàchrjein nìkjáya, koi xá kisindaà-ne nga kjondaà ts'e xitá. Mitsà koi xá kisindaà-ne xitá nga kjondaà ts'e nàchrjein.

²⁸ K'oáá s'ín tjín, 'an xi Kí'ndí-là Xitá xan-là yijo-na, skanda jè nàchrjein nìkjáya, 'aán otìixoma-là.

3

Xitá xi kixit'aà jngoò tsja

(Mateo 12:9-14; Lucas 6:6-11)

¹ Jngoò k'a jahas'en Jesús ñánda tíjna jngoò ni'ya ingo sinagoga. Kò ya tíjna jngoò xitá xi kixit'aà jngoò tsja.

² Jñà kondra-là Jesús nchisikinda nga mejèn-là nga skoe a sjiindaà-ne jè xitá xi kixit'aà tsja jè nàchrjein nìkjáya, mé-ne nga koma kòhngui-ne.

³ Jesús kitsò-là jè xitá xi kixit'aà jngoò tsja:

—Tisítjijn, tjsijni j jngoò osen-là xitá.

⁴ Jesús k'ée kitsò-là jñà xitá xi i'nga:

—¿A tsjá'nde kjotixoma nga ndaa s'eén, o xi ch'o s'eén, jè nàchrjein nìkjáya? ¿A sjiindaá-ná xitá, o xi sji'k'en-ná?

Jñà xitá xi otì'mi-là ta jyò tsibitsajna.

⁵ Jesús kiskoodtsejèn-jijn-là xitá nga jti komà-là. Tjkoá ba kis'e-là nga tájaajijn tjín inijma-là jñà xitá. K'ée kitsò-là jè xitá xi kixit'aà tsja:

—Tjeendojoi ndesei.

Tsijmeé tsja, nitoón kjondaà-ne.

⁶ Jñà xitá fariseo, k'e nga itjo-ne, tsajoóya-ne kò xitá Herodes nga mejèn-là sji'k'en Jesús.

K'e nga kjin xitá kiijtingui-là Jesús ya indii ndáchikon Galilea

⁷ Jesús kò xitá xi kota'yát'aà-là chinchat'aà xìn. Ján kii indii ndáchikon. Kjin xitá kiijtingui-là xi nangui Galilea ts'e kò xitá nangui Judea,

⁸ kò xitá naxanda Jerusalén, kò xitá nangui Idumea, kò xitá xijngoá xajngá nandá Jordán kòhokji jngoò itjandii-là naxanda Tiro kò Sidón nga kii'nchrè-là kjoxkón xi kis'iin Jesús. K'oáá komà-ne kjin jchán xitá ijchò tjtingui-là.

⁹ Jesús kitsò-là xitá xi kota'yát'aà-là:

—Kjit'aà nàchrjein tjajnandaà jngoò chitso mé-ne nga mi xitá kojttúnè-ná.

¹⁰ Koi kjoa-là nga jyeé kjin jchán xitá xk'én kjondaà-ne. Jñà xitá xk'én xi i'nga, yaá fikjanè'ño ñánda tíjna Jesús nga mejèn-là kòt'aà-là tsja.

¹¹ Jñà xitá xi inijma ch'o-là neij tjiin inijma-là, k'e nga beè Jesús bincha-xkó'nchit'aà-là, ikoàn 'ño chja, tsò:

—Ji-né xi Kí'ndí-là Nainá.

¹² Tanga jè Jesús 'ño tsohótiko nga mi jñà keènojmi yá-né jè.

Kó 'mi 'in-là xitá-là Jesús xi tejò ma-ne

(Mateo 10:1-4; Lucas 6:12-16)

¹³ Xi jye komà iskan, Jesús kiimijjn-jno jngoò nindoò. Kìichja-là xitá xi jè ndaa kisaseèn takòn. Xitá koi, ijchò kinchat'aà-là.

¹⁴ Ikoàn jaajijn tejò xitá xi koahitako, tijnà-ne xi sjiakasén nga kichjaya 'én ndaa-là Nainá

¹⁵ xi tikoḷa kitjoé-la ḳixi nga s̄indaà-ne x̄ita xi ch'in t̄jín-la tikoḷa koçhrjekàj̄in in̄ima ch'o-la nejí xi t̄j̄in in̄ima-la x̄ita.

¹⁶ J̄nà x̄ita xi kitjaàj̄in: jè Simón. Ikjoàn tsibít'aàsòn 'ín-la; Pedro kitsò-la.

¹⁷ K̄o j̄nà ixti-la Zebedeo xi 'mì Jacobo ko jè 'ndse xi 'mì Juan, xi tikoḷa tsibít'aàsòn 'ín-la; Boanerges kitsò-la. (Jè 'én jè tsò-ne: Ixti-la ch'on.)

¹⁸ K̄o Andrés; Felipe; Bartolomé; Mateo; Tomás; Jacobo xi ti-la ma Alfeo; Tadeo; Simón, x̄ita xi ya fit'aà-la x̄ita cananista;

¹⁹ Judas Iscariote, jè x̄ita xi kisingatsja kondra-la Jesús.

X̄ita xi chjajno-la In̄ima Tsjeè-la Nainá

(Mateo 12:22-32; Lucas 11:14-23; 12:10)

K'e nga j'ii-ne Jesús ni'ya ñánda síkjáya,

²⁰ j̄ngoò k'a kòkj̄in x̄ita skanda mì ti k̄i kitjò'nde-la nga tsakjèn.

²¹ K'e nga k̄i nchrè x̄ita x̄ikj̄in Jesús, kjoḷa xi t̄s'ín, k̄i k̄atsji nga tsoba'ño; kitsò: Skáyaá-la.

²² J̄nà x̄ita xi okóya k̄jotixoma-la Nainá xi kisk̄i Moisés xi j'ii-ne Jerusalén k'oḷá kitsò nga jè x̄ita nejí xi 'mì Beelzebú t̄j̄in in̄ima-la Jesús, nga jè x̄ita skò-la x̄ita nejí tsjá-la nga'ño nga ochrjekàj̄in in̄ima ch'o-la nejí xi t̄j̄in in̄ima-la x̄ita.

²³ Jesús k̄içhja-la x̄ita koi. Tsibénojmi j̄ngoò-la kjoḷa xi mangásòn. Kitsò-la:

—¿A komaá jè x̄ita nejí koçhrjekàj̄in-ne xi t̄j̄è-ne yijo-la ya in̄ima-la x̄ita? Majin.

²⁴ Tsà j̄ngoò naxandá je, tsà j̄oya t̄j̄in nga kondra t̄itsajna-la x̄ikj̄in, mik̄i koma 'ño kitsajna;

²⁵ k̄o tsà j̄ngoò ni'ya, tsà j̄oya t̄j̄in nga kondra t̄itsajna-la x̄ikj̄in, tikoḷá mik̄i koma 'ño kitsajna.

²⁶ Tsà jè x̄ita nejí, tsà j̄oya t̄s'ín xi t̄j̄è-ne yijo-la, mik̄i koma 'ño k̄jina. Jye tífèhet'aà nachrjein-la.

²⁷ J̄ngoò x̄ita xi t̄j̄in-la nga'ño, mì yá xi koma kjoḷahas'en ni'ya-la nga s̄içhijé-la tsà mì ítjòn koi't'aà'ño. K'eé koma s̄içhijé-la k'e nga jye k̄asit'aà'ño.

²⁸ Okixi xi xan-nó, x̄ita xi t̄j̄in-la jè k̄o xi chjajno-la Nainá, jchat'aà-la jé-la.

²⁹ Tanga j̄nà x̄ita xi chjajno-la In̄ima Tsjeè-la Nainá, mik̄i jchat'aà-la n̄ita mé nó-ne, n̄ita mé nachrjein-ne. Kjo'in s'e-la n̄ita k̄jé-ne.

³⁰ Koi k'oas'ín kitsò-ne Jesús nga j̄nà x̄ita xi okóya k̄jotixoma-la Nainá xi kisk̄i Moisés kitsò-né: “X̄ita jè, in̄ima ch'o-la nejí t̄j̄in in̄ima-la.”

Nea-la Jesús ko 'ndse

(Mateo 12:46-50; Lucas 8:19-21)

³¹ Xi komá iskan, ijchò 'ndse k̄o nea-la Jesús. Ján nditsiaán tsibitsajna. K'eé kinokjoá-la Jesús.

³² J̄nà x̄ita xi t̄itsajnandi-la, kitsò-la:

—Nea-lè k̄o j̄nà 'ndsi, ján nditsiaán t̄itsajna. J̄i xó ótsji-lè.

³³ K'eé k̄içhja Jesús, kitsò:

—¿Yá-né xi nea-na k̄o xi 'ndse?

³⁴ Ikjoàn kiskootsejèn-j̄in-la j̄nà x̄ita xi t̄itsajnandi-la. Kitsò:

—J̄nà x̄ita koi xi nea-na, k̄o xi 'ndse.

³⁵ Nga n̄ita yá x̄ita-ne xi síkitasòn koni s'ín mejèn-la Nainá, j̄nà-né xi 'ndse, xi tichja, k̄o xi nea-na.

4

Kjoḷa xi mangásòn ts'e x̄ita xi bitje xojmá

(Mateo 13:1-9; Lucas 8:4-8)

¹ Jesús j̄ngoò k'a tsibít'ia nga tsakóya ya ind̄i ndáchikon. K̄j̄in jchán ma x̄ita xi chixoñat'aà-la. Jesús jahas'en j̄ngoò chitso xi k̄jijnaj̄in ndáchikon; ikjoàn tsibijnaya. Ngats'ii x̄ita, yaá t̄itsajnat'aà nangui ya ind̄i ndáchikon.

² K̄j̄in skaya kjoḷa xi mangásòn tsakóya-la x̄ita. K'e nga tsibénojmi-la kitsò-la:

³ —Ndaà t̄iná'yaá. J̄ngoò x̄ita k̄i k̄j̄ndj xojmá.

⁴ K'e nga tsibít'ia nga kisk̄ij̄ndj xojmá, chixò chiba ya jya ndiyá. Ikjoàn j'ii n̄ise; tsakjèn.

⁵ Ngui k'oḷa t̄j̄in chixò ñánda naxi choòn nga chiba ni'nde t̄j̄in-la. J̄nà xojmá koi, n̄it̄oñ isò koi-né nga mì nanga t̄j̄in nangui.

⁶ Tanga k'e nga itjokàtji ts'oi nga k̄jòtsjè ndobá, kixiño, ikjoàn j̄ngoò k'aá kixi, koi-né nga tsjin-la ima.

⁷ Ngui k'oḷa t̄j̄in chixò ya j̄j̄in na'yá. K'e nga k̄jò'nga na'yá, kisk̄i'en-ngui xk̄a-la xojmá; k'oḷá ma-ne nga mik̄i tsajà-la toò.

⁸ Tanga j̄nà xojmá xi chixò ñánda nangui ndaà, tsijin, k̄jò'nga, tsajà-la toò, ndaà itjo. Kitsjaà katé, jàn-kaàn skanda j̄ngoò sindo toò nga j̄ngoò j̄ngoò.

⁹ Ikjoàn kitsò Jesús:

—Ndaà tɪná'yaà koni xan-nò.

Mé-ne kjoa xi mangásòn kisikjeén-ne Jesús

(Mateo 13:10-17; Lucas 8:9-10)

¹⁰ K'e nga jye tsibijna tajngòò Jesús, jñà xità xi chraña títsajnat'aà-là kò xità-là xi tejó ma-ne, kiskòngui-là kó tsòya-ne 'én xi tsibénojmi.

¹¹ Kitsò Jesús:

—Jñò, Nainá jye kitsjaà-nò nga jchaa kjoa'ma-là kó s'ín otíxoma Nainá. Tanga jñà xità xi kjeji, tà 'én ts'e kjoa mangásòn s'enojmi yije-là,

¹² mé-ne nga mikii skoe-ne nas'ín skótsejèn, tikoaa mikii kochiya-là nas'ín kji'nchré. Nga jñà xità, majin-là sikjatjya kjohitsjeèn-là koo mikii jchaf'aà-là jé-là.

Jesús tsibénojmi kó tsòya-ne kjoa xi mangásòn ts'e xità xi bitje xojmá

(Mateo 13:18-23; Lucas 8:11-15)

¹³ Kitsò Jesús:

—¿A mi fíya-nò jè 'én ts'e kjoa xi mangásòn? ¿Kós'ín skaya-nò ngats'ii kjoa xi i'nga?

¹⁴ Jè xi bitje xojmá, jè ngaya-là xità xi sika'bi 'én-là Nainá.

¹⁵ Jñà xojmá xi chixò ya jya ndiyá, jñà ngaya-là xità xi 'nchré 'én-là Nainá. K'e nga ma iskan nga jyeé 'nchré, f'ii xità neji faaxin jè 'én ya ijün inijma-là xità.

¹⁶ Jñà xojmá xi chixò ya ñánda naxi choón, jñà ngaya-là xità xi 'nchré 'én-là Nainá. Tsjaá s'e-là k'e nga sa 'nchré.

¹⁷ Tanga jè 'én mikii ndaa kisijün inijma-là koni xka xi tsjin-là ima, mi 'ño binchako 'én, ta chiba nachrjein chikjoa-là. K'e nga mé kjoa xi sakó-là kò tsà xità fitjngui kondra-là nga jè ngatji-là 'én-là Nainá, nitóón sikijna ndiyá-là Nainá.

¹⁸ Jè xojmá xi chixò ya ñánda tjín na'yá, jñà ngaya-là xità xi 'nchré 'én-là Nainá,

¹⁹ tanga 'ño síkájno kjoa ts'e tsojmi xi tjín isò'nde; kò jè kjoa nchiná konachan-la; kò mejèn yije-là tsojmi xi tjín isò'nde. Jñà kjoa koi síkíts'ón-jün 'én-là Nainá, k'oaá ma-ne nga mikii majjin-ya.

²⁰ Tanga jñà xojmá xi chixò ñánda nga nangui ndaa, jñà ngaya-là xità xi 'nchré 'én-là Nainá koo mokjeiin-la; ikjoàn majjin-ya 'én, k'oaá ngaya-là koni yá xi ojà-là toò. Tsja katé, jàn-kaàn skanda jngoò sindo nga jngoò ljngoò yá.

Kjoa xi mangásòn ts'e ni'in xi síhiseèn

(Lucas 8:16-18)

²¹ Jesús kitsò-isa:

—¿A k'oaá s'ín mochjeén ni'in xi síhiseèn nga ya sijnangui kaxa, o ya sijnangui naxhan? Majin, jngoò ni'in xi síhiseèn, ngaá sjina mé-ne nga síhiseèn-là xità.

²² Njímé kjoa tjín xi tji'ma j'ndeji xi mikii jcha-la; tikoaa tsjin kjoa xi tji'ma j'ndeji xi mikii kotsejèn.

²³ Ndaà tɪná'yaà koni xan-nò!

²⁴ Jesús kitsò-isa-là:

—Jñò xi na'yá, ndaa tɪná'yaà. Koni kji machiya-nò, k'oaá tji kji sjikichiya-nò Nainá, skanda tsjásòn-isa-nò.

²⁵ Jè xi tjín-là [kjohitsjeèn], tjoé-isa-la; tanga jè xi tsjin-là, skanda tjá'aan-là [kjohitsjeèn] xi chiba tjín-là.

Kjoa xi mangásòn ts'e nga majchá njjin

²⁶ Kitsò Jesús:

—Koni s'ín otíxoma Nainá k'oaá tjs'ín tjín koni k'e tsà jngoò xità bitje nojmé.

²⁷ Jè nojmé, síxá nga bisò, ma'nga, nas'ín jè xità xi bitje mikii tibeé kós'ín tísíxá nga jè xità ojnafé-né k'e nga njtjen; nga s'e jsén ositjen;

²⁸ nga jè nangui tísíjchá; ítjòn bitjo xka-là, iskan ma'nga, ikjoàn tjo-là natín koo ikjoàn majchá njjin.

²⁹ K'e jye majchá njjin, jye ma maxkó nga jye ijchò chiba-là nga sincháxkó njjin.

Kjoa xi mangásòn ts'e xojmá mostaza

(Mateo 13:31-32; Lucas 13:18-19)

³⁰ Jesús ijngoò k'a kitsò:

—¿Mé xi kongásòn-kò koni s'ín otíxoma Nainá?, o ¿mé 'én xi sjngásòn-kjoaá?

³¹ Jè mangásòn-kò koni kji xojmá mostaza; k'e nga sitje ijün nangui, jè xi isa itsé kji ijt'aà nangui.

³² K'e nga jye sitje, bisò, ma'nga skanda isáá 'nga ma koni ngats'ii xka xi ma chine xi sitje jndii ni'ya. 'Nó 'nga ma chrja-là skanda ma bndaá'a tjé-là njise ya ngui 'nguién-là.

Jesús, kós'ín kisikjeén kjoa xi mangásòn
(Mateo 13:34-35)

³³ Jesús kjin skaya kjoa xi mangásòn kisikjeén nga tsakóya 'én ndaa-la Nainá, koni kji nga ndaa fiya-la xita.

³⁴ Ngui koó kjoa xi mangásòn tsakóya-la xita; nímé 'én küchja xi mitsà kjoa xi mangásòn tsibénojmi; tanga k'e nga jye tijnat'aaxin-ko xita-la xi kota'yat'aà-la, k'ée ijngoó k'a tsakóya ndaa yije-la.

K'e nga jè Jesús kisikijnajò tjoxkón
(Mateo 8:23-27; Lucas 8:22-25)

³⁵ K'e nga jye kòjñò nga tije-ne nachrjein, Jesús kitsò-la xita-la xi kota'yat'aà-la:

— Tikjiaán, ján xijngoaà ndáchikon.

³⁶ Jñá xita xi kjin ma-ne ta yaá kisikítsajna; kii Jesús ko xita xi kota'yat'aà-la nga títsajnya chitso. Tjioaá tsafáhijitako chitso xi i'nga.

³⁷ K'e nga jye tjímajin nanda, j'ii jngoó tjoxkón xi taxkj komà-né; kiskimì'nga nanda koa jè chitso jye kitsee nanda.

³⁸ Jesús yaá kjinafé tàts'en chitso. Kijnanguisko jngoó nikje nguisko. K'ée kisikjaà-la, kitsò-la:

— Maestro, za mitsà tì'yi nga titsabixònguindá-ná.

³⁹ Jesús k'ée tsasítjen, tsohótiko jè tjo; kitsò-la ndáchikon:

— Jyò tjini.

Nitoón kisijyò-ne tjo; kjòndaàya-ne.

⁴⁰ Jesús kitsò-la xita xi kota'yat'aà-la:

— ¿Mé-ne tsakjoò-nò? ¿A mitsà mokjeiin-nò it'aà ts'an?

⁴¹ Jñá xita xi kota'yat'aà-la ndaa jhán kitsakjòn. Xkì xi ján kjònangui-la xikjín, tsò-la:

— ¿Yá xita-ne jè skanda jè tjo ko ndáchikon síkitasòn-la?

5

Xita Gerasa xi kjin inima ch'o-la neii tjijin inima-la
(Mateo 8:28-34; Lucas 8:26-39)

¹ Jesús ko xita xi kota'yat'aà-la ijchò ján xijngoaà ndáchikon ya nangui-la xita Gadareno.

² K'e nga itjojen chitso Jesús ijchò kasit'aà jngoó-la xita xi inima ch'o-la neii tjijin inima-la. Jè xita jè yaá itjo-ne itsjó ngajo mik'en.

³ Xita jè yaá bijnaya ya itsjó ngajo mik'en. Mi yá xi ma bit'aà'ño nas'in na'ño kichja cadena.

⁴ Kjin k'a okis'iin-ko nga tsibit'aà'ño ndsoko ko tsja na'ño kichja cadena. Niyá xi chikjoa-la nga kisi'nchré; otejtsò xo cadena.

⁵ Ko nachrjein ko nitjen yaá ojeemèsòn nindoò ñanda tjín itsjó ngajo-la mik'en. Kjindáya tsò kjindáya ská nga kjaán ko yijo-la; 'beé-la ndajo yijo-la.

⁶ K'e nga kijtsee nga kjin tinchrobá Jesús, tsangachikon. Kii kasit'aà chraña-la, tsasèn-xkó'nchit'aà-la.

⁷ Nò küchja, kitsò:

— ¿Mé xi tjín-lè ko 'an, Jesús, Ki'ndí-la Nainá xi 'ño 'nga tjina? Bitsi'bà-lè nga nguixkon Nainá, ki yatoòn-ná.

⁸ Koií k'oas'in küchja-ne nga jè Jesús kitsò-la:

— Ngaji inima ch'o-la neii, titjojin inima-la xita jè.

⁹ Jesús kiskònangui-la. Kitsò-la:

— ¿Kó 'mì-lè?

Jè kitsò:

— Legión 'mì-na, koií-né nga kjin jhán ma-najen.

¹⁰ Jñá inima ch'o-la neii, 'ño tsibitsi'ba-la Jesús nga mi it'aà xin skini ya l'nde jè.

¹¹ Ko ya chraña it'aà nindoò, kjin chinga nchikjèn-jno.

¹² Jñá inima ch'o-la neii tsibitsi'ba-la Jesús. Kitsò-la:

— Yaá tjkasèn-nájen ñanda tjín chinga; yaá kitjás'en-jin-jen yijo-la.

¹³ Jesús kitsjaà'nde-la; jñá inima ch'o-la neii itjojin inima-la xita jè; ikjoàn jahas'en-jin yijo-la chinga. Ma-la tsá jò jmii jñá chinga xi tsanga; tsatikjájén-jno ya naxi skanda jjin ndáchikon, yaá k'en yije jjin ndáchikon.

¹⁴ Jñá xita xi ko'nda chinga, tsanga. Kii kénójmi-la xita naxandá ko xita rancho jè kjoa xi komá. Jñá xita naxandá ijchò katsejèn-la kjoa xi komá.

¹⁵ Kjin xita ijchò ñanda tjina Jesús, kijtsee jè xita xi inima ch'o-la neii tjijin inima-la nga sa itjòn. Jyò tjina. Íkjá-ne nikje-la. Ndaa tjín-ne kjohitsjeèn-la. Xita xi ijchò, ta kitsakjòn-la.

¹⁶ Jñá xita xi kijtsee koni s'in komát'in jè xita xi inima ch'o-la neii tjijin inima-la nga kjòndaà-ne ko chinga xi tsatikjá, tsibénojmi-la jñá xita xi ijchò xi mikii kijtsee.

¹⁷ Jñà x̄it̄a xi ijchò tsibítsi'ba-là Jesús nga x̄in ì'nde k̄àt̄ji.

¹⁸ K'è nga jahas'en chitso Jesús, jè x̄it̄a xi in̄im̄a ch'o-là nejí kisij̄in in̄im̄a-là, tsibítsi'ba-là Jesús nga mejèn-là k̄jiko.

¹⁹ Tanga jè Jesús mik̄i kitsjaà'nde-là. Kitsò-là:

—T'in-ne ni'ya-lè, tènójm̄i yije-là x̄it̄a xingui jè kj̄ondaà xi kisiko-lè Nainá; kós'ín kijtsee ìma-lè.

²⁰ X̄it̄a jè, k̄i; ìkjoàn tsibítsi'ia nga tsibénoj̄m̄i-là jñà x̄it̄a nax̄andá Decápolis jè kj̄ondaà xi kisiko Jesús. Ngats'ì x̄it̄a xi kis'enoj̄m̄i-là tà k'oagá komà-là.

*Tsòti-là Jairo k̄o chj̄oón xi kitsobà'ño ìt̄jòn nikje-là Jesús
(Mateo 9:18-26; Lucas 8:40-56)*

²¹ Jesús tsibijna'ya chitso, inchrobà ìjngòò k'a-ne ján xijngoaà ndáchikon, k̄j̄in jchán x̄it̄a chixoñat'aà ìjngòò k'a-là, koa yaá tsibijnandi ndáchikon.

²² Ìjchòkon jngòò x̄it̄a xi 'm̄i Jairo xi x̄it̄a ìt̄jòn ts'è ni'ya ìngo sinagoga. K'è nga kijtsee Jesús tsasèn-xkó'nchit'aà-là.

²³ 'Ñó tsibítsi'ba-là, kitsò-là:

—Ndí tsòti-nà jye kj̄omeè biyaa; nchroboí, t̄ikjiaán, t̄jat'aà-là ndseji nga k̄atandaà-ne, mé-ne nga k̄j̄inakon-ne.

²⁴ Jesús k̄iiko, k̄j̄in jchán x̄it̄a k̄iit̄jngui-là; ch̄iba-là ó'nchò'ño-né.

²⁵ Yaá tsóhoj̄in jngòò chj̄oón xi k̄jò tejó nó xk'én, ch'in jn̄i t̄j̄in-là.

²⁶ K̄j̄òtsèé t̄is̄k̄jeīn k̄j̄o'in ìt'aà ts'è ch̄j̄inexk̄i; jye xó kisikje yije t̄on-là; mik̄i mandaà-ne, ta saà t̄ima'ño ch'in-là.

²⁷ Chj̄oón jè, k'è nga k̄i'nchré ìt'aà ts'è Jesús, k̄ij̄j̄in-là ngats'ì x̄it̄a k̄j̄in; j̄j̄ton ìts'in kitsobà-ne nikje-là Jesús.

²⁸ K'oas'ín t̄is̄k̄itsj̄eèn, kitsò: “Tsà tà jè nikje-là sikoaga, kondaà-na.”

²⁹ K'è nga kitsobà'ño nikje-là, n̄it̄oón kisijyò-là jn̄i, koa kijtseeyaà-là yijo-là nga jye kj̄ondaà-ne ch'in-là.

³⁰ Jesús n̄it̄oón kijtseeya-là nga nga'ño-là it̄j̄oijn; kisik̄at̄ji, kiskoòtsejèn-j̄j̄in-là x̄it̄a k̄j̄in, kitsò:

—¿Yá xi k̄atsobà'ño nikje-na?

³¹ Jñà x̄it̄a xi kota'yat'aà-là Jesús kitsò-là:

—¿A mìtsà 'yi nga jñà x̄it̄a ó'nchò'ño-lè? Ngaji si-né: “¿Yá xi k̄atsobà'ño nikje-na?”

³² Tanga jè Jesús kotsejèn-j̄j̄in-là jñà x̄it̄a nga mejèn-là skoe ya xi kitsobà'ño nikje-là.

³³ Chj̄oón jè, tsí t̄ihotsé-né nga kitsakj̄òn, nga jyeé t̄j̄j̄in-là kós'ín komà ch'in-là; k̄i, tsasèn-xkó'nchit'aà-là Jesús; tsibénoj̄m̄i kix̄i yije-là kós'ín komat'in.

³⁴ Jesús kitsò-là:

—Ndí neaga, koi-né nga mokjeīn-lè ìt'aà ts'an nga kòmandaà-ne. T'in-là ndaa-ne. Jyeé kòmaxk̄i-là ch'in-lè.

³⁵ Tákó t̄j̄k'èé t̄ichja-isa Jesús nga j'ì ìnga x̄it̄a xi inchrobà-ne ni'ya-là x̄it̄a ìt̄jòn ts'è ni'ya ìngo sinagoga, kitsò-là:

—K̄i t̄i k̄i n̄is̄i-là Maestro, ndí tsòti-lè jyeé k'en.

³⁶ Tanga jè Jesús, nga k̄i'nchré koni kitsò okix̄i xi j'ìiko, kitsò-là jè na'èn-là ndí tsòti:

—K̄i tsakjoòn-jèn; tà jè-né nga k̄atakjeīn-lè.

³⁷ Jesús mik̄i kitsjaà'nde nga k̄j̄in x̄it̄a k̄iiko. Tà jè Pedro, Jacobo k̄o Juan 'ndse Jacobo.

³⁸ K'è nga ijchò ni'ya-là jè x̄it̄a ìt̄jòn ts'è ni'ya ìngo sinagoga, Jesús kijtsee nga fijen filjá x̄it̄a, 'ño nchikj̄indáya k̄o 'ño nchisik̄aj̄no.

³⁹ Jahas'en ni'ya Jesús, kitsò-là:

—¿Mé-ne k̄o'nè-nò nga k̄o tà ndaa ch̄ihindáya-nò? Jè ndí tsòti mìtsà kòbiyaa; tà k̄j̄inafé-né.

⁴⁰ Jñà x̄it̄a xi t̄itsajna tà tsijnòkeé Jesús. K'èé tsachrje yije ni'ya kòhotj̄in x̄it̄a; tà jñà tsibitsajna na'èn-là, nea-là, k̄o x̄it̄a ts'è xi t̄j̄iko. Ìkjoàn jahas'en ñanda kijna ndí tsòti.

⁴¹ Kiskoé tsja, kitsò-là:

—Talita cumi —'én xi tsòya-ne: J̄i tsòti, k'oagá xan-lè, t̄is̄it̄j̄in.

⁴² Jè ndí tsòti n̄j̄ton tsasit̄j̄en, tsajmeè-ne. Jye k̄jò tejó nó t̄j̄in-là. Jñà x̄it̄a xi t̄itsajna, 'ño jchán kitsakj̄òn.

⁴³ Tanga Jesús 'ño kitsjaà okix̄i nga mì yá x̄it̄a xi keènoj̄m̄i-là. Ìkjoàn kitsò-là:

—T̄j̄ii-là nga k̄atakj̄èn ndí tsòti.

6

*Kó kitsò x̄it̄a k'è nga k̄i Jesús ján Nazaret
(Mateo 13:53-58; Lucas 4:16-30)*

¹ Jesús it̄j̄oijn-ne ya ì'nde jè, k̄i-ne nangui-là Nazaret, t̄j̄iko x̄it̄a xi kota'yat'aà-là.

² K'e nga jye ijchò nàchrjein nìkjáya, tsibíts'ia nga tsakóya 'én ndaà-là Nainá ya ni'ya jngo sinagoga. Kjin jchán ma xita xi kii'nchré-là koni s'in tsakóya. Jñà xita, tà k'oáa komà-la, kjònangui-là xikjín, kitsò:

—Xita jè, ÷ñánda komà-la ngats'iì 'én xi okóya? ÷Ñánda ochrje kjoachjine koi kò kjoàkón xi s'in?

³ ÷A mìtsà jè xi chjineyá xi ti-là María, xi 'ndse ma Jacobo, José, Judas kò Simón? ÷A mìtsà tikoá ÷ tìtsajnañiin-ná ichjín ndichja?

Xita koi mikii kòkjeiin-là ÷t'aa ts'e Jesús.

⁴ Tanga jè Jesús kitsò-la:

—Jngoò xita xi chja ngajo-la Nainá, nita ñà naxandá-ne yaxkón-né, tanga ya naxandá-la kò ni'ya-la kò ÷t'aa ts'e xita xikjín mikii yaxkón.

⁵ Jesús ñimé kjoàkón xi ndaà tjin kis'iin nangui-la, tà chiba xita xk'én xi tsohót'aa-la tsja nga kisindaà-ne.

⁶ Tà kjòkón-la Jesús, nga jñà xita koi, mikii mokjeiin-là ÷t'aa ts'e.

Kós'in tsatixoma-là Jesús xita-là xi tejò ma-ne xi kisikasén nga kisika'bi 'én-la Nainá (Mateo 10:5-15; Lucas 9:1-6)

Jesús yaá tsajmeé naxandá jtabá xi chrañat'aa kjijijò nga tsakóya.

⁷ Nga komà iskan, Jesús kiichja-la xita-la xi tejò ma-ne xi jè tsibixáya-la; jò jò kisikasén, kitsjaà-la okixi nga kochrjekajiin inima ch'o-la neji xi tjiin inima-la xita.

⁸ K'oáa tís'in kitsjaà-la okixi nga ñimé tsojmi k'oá k'e nga kjoì ndiyá. Kitsò-la:

—Tà k'oáa s'in tanguiò. Tà jngoò yá garrote ch'aa. Kì na'yaá ch'aa, kì inchrajín ch'aa, kì ton ch'aa.

⁹ Komaá tsjayaà xojté-nò. Tà jngoò nachro ch'aa. Kì jò ch'aa.

¹⁰ Jesús kitsò-isa-la:

—K'e nga kjichò jngoò naxandá, jngoò ni'ya tìtsajna skanda k'e nga konguí-nò.

¹¹ Tsà tjin naxandá ñánda mikii skoétjò-nò, tsà majin-la nga 'nchré-nò, tìtjòñò, tìtsajneé chjo-la ndsokoò mé-ne nga skoe-ne nga jñà tjin-la jé nga mikii 'nchréñijon. Xi ngui okixi k'oáa xan-nò k'e nga kjichò nàchrjein-la jñà naxandá koi, isaá tse kjo'in s'e-la koni s'in komat'in naxandá Sodoma kò Gomorra.

¹² Xita koi, kii nga tsibéngmíya-la xita nga kátasikájno jé-la nga mì tì jè kòhótsji-ne.

¹³ Kjin inima ch'o-la neji tsachrjekajiin inima-la xita, tikoá kjin xita kisindaà-ne xi xk'én nga kisikaájno-la asiti.

K'e nga k'en Juan xi kis'iin bautizar xita (Mateo 14:1-12; Lucas 9:7-9)

¹⁴ Jè Herodes xi xita xá itjòn tjna, kii'nchré ÷t'aa ts'e Jesús nga jye xkì xi ján naxandá kina'ya-la. Tjin xita xi kitsò:

—Jè Juan xi kis'iin bautizar xita, jyeé jaáya-la. K'oáa ma-ne nga tjin-la nga ñó nga ma-la s'in kjoàkón xi ndaà tjin.

¹⁵ Tjin xita xi kitsò:

—Jè Elías.

Tikoá tjin xi kitsò:

—Jngoò xita xi kiichja ngajo-la Nainá kjòtsee.

¹⁶ Jè Herodes, k'e nga kii'nchré kitsò-né:

—Jè Juan xi jaáya-la xi 'an tsatesian skò.

¹⁷ Nga isa kjòtsee, Herodes kisikasén xita nga kitsobà'ñó Juan nga kiskinìs'en ndayá, koi kjoa-la ts'e chjoón Herodías xi chjoón-la Felipe nga jè Herodes chixàn-kò xi chjoón-la 'ndse.

¹⁸ Nga jè Juan xi kis'iin bautizar xita, kjin k'a okitsò-la Herodes:

—Mikii tji'nde-lè nga jì tijnakoji chjoón-la 'ndsi.

¹⁹ Jè chjoón Herodías, kòjtikeé Juan, mejèn-la nga sijk'en tanga mikii ma xi síko.

²⁰ Nga jè Herodes, beèkón Juan kò síkinda-ne nga jye tjiin-la nga xita kixi-né kò xita tsjeé-né. Herodes k'e nga chjako Juan, matsjaà-la nga 'nchré-la, tanga mikii beé mé xi s'jin, a sijkitasòn-né, a xi majin.

²¹ Ijchò jngoò nàchrjein xi ndaà ts'e chjoón Herodías k'e nga tsachrje s'e-la jè Herodes jè nàchrjein nga kits'iin. Ijchò xita-la xitaxá itjòn, kò xita skò-la soldado, kò xita nchiná xi tjin kòhokji Galilea nga tsakjèn-kò Herodes.

²² Tikoá ijchò tsòti-la Herodías, jahas'en ni'ya; kitè. Jè Herodes kò xita xi tìtsajna, ndaà jchán kisaseèn-la koni s'in kitè jè tsòti. Herodes, xi xita xá itjòn tjna, kitsò-la:

—Tijé-ná mé xi mejèn-lè, tsjaà-lè.

²³ K'oáa s'in kitsjaà-la tso'ba nga tsja yije-la nita mé xi mejèn-la nas'in osen nangui xi jè otixoma-la.

²⁴ Jè tsòti, itjo ni'ya, kiskònangui-la nea-la. Kitsò-la:

—¿Mé xi siijé-lá?

Jè nea-la. Kitsò:

—Tijé-lá sko Juan xi s'in bautizar xita.

²⁵ Jè tsòti, nitoón jahas'en ijngoo k'a ni'ya ñánda tjna xitaxá ítjòn. Kitsò-la:

—I'ndeij mejen-na nga niton tjii-ná sko Juan xi s'in bautizar xita; tinaya-ná chrobate.

²⁶ Jè Herodes, xi xitaxá ítjòn tjina, 'ño kjòba-lá k'e nga kii'nchré-lá jè tsòti. Tanga koií kjoa-la nga jye kitsjaà-lá 'én-lá nga nguixkon xita xi títsajna s'eí, kjo'ño kisikitasòn-lá.

²⁷ Jè Herodes, tik'eé-ne kisikasén jngoo soldado, kitsjaà okixi nga kàtjanchrohóko sko Juan.

²⁸ Jè soldado kii ján ndayá nga tsatesin Juan; ikjoàn j'ii ko sko Juan; tjíya-lá chrobá nga kitsjaà-lá jè tsòti; ko jè tsòti kisingatsja nea-la.

²⁹ K'e nga kii'nchré xita xi kota'yat'aà-lá Juan nga jye k'en, kiikjaá yijo-lá nga kiskinis'en-ngui jngoo ngajo ítjò-lá mik'en.

Jè kjoxkón xi kis'in Jesús nga 'òn jmií xita kisikjèn

(Mateo 14:13-21; Lucas 9:10-17; Juan 6:1-14)

³⁰ K'e nga j'ii ijngoo k'a-ne jña xita xi tsibixáya-lá Jesús, tsibénojmi ngats'ii kjoa xi kis'in ko xi tsakóya ñánda kii.

³¹ Jesús kitsò-la:

—Nchrobá. Tíkjaán nga sijkjáya í'ñoá jngoo j'nde it'aà xìn.

Koií k'oa kitsò-lá nga kjin jchán ma xita, koa tjin bijchó, koa tjin nchrobá-ne. Jesús ko xita xi tsibixáya-lá skanda mi tí kii ma'a-lá nga kjèn.

³² Tsibítsajna chitso nga ta jña kii jngoo j'nde it'aà xìn ñánda tsjin xita.

³³ Tanga kjin xita kijtsee k'e nga kii. Kijtseexon nga jè Jesús. Ikjoàn kiitjingui-lá ngats'ii xita naxandá xi ya chrañat'aà-lá nga kii-ne ndsóko; skanda isa ítjòn ijchò jña xita koi.

³⁴ Jesús, k'e nga itjojen chitso, kijtsee nga 'ño kjin ma xita xi títsajna; kjòhimakee-né. K'oaá ngaya-lá koni jña orré xi tsjin-lá paxtó xi ko'ndá. Ikjoàn tsibits'itako nga kjin 'én tsibénojmi-lá.

³⁵ K'e nga jye 'ño kjòhoxòn, jña xita xi kota'yat'aà-lá Jesús ijchò kinchat'aà-lá, kitsò-lá:

—Jyeé kjòhoxòn, jè j'nde jè, it'aà xìn-né, njimé tjin.

³⁶ Kot'in-lá jña xita kàtjì-ne nga kàtatse tsojmi xi skine ya naxandá ko tsá jña ni'ya ñánda nga chrañat'aà.

³⁷ Kiichja Jesús, kitsò-la:

—Tjii-lá jño xi kòkjen xita koi.

Kitsò jña xita:

—¿A mejen-lè nga konguí kindaà-jen inchrajín koni tjin sikijne xita nga jò sindo nachejein síxá?

³⁸ Kitsò Jesús:

—Chítsejen-lá kó tjin ma inchrajín-nò.

K'e nga kijtsee kó tjin ma-ne, kitsò-la:

—'Òn ma inchrajín ko jò ma tjin.

³⁹ K'eé kitsjaà okixi Jesús nga kàtitsajnajtín jña xita ya jjiin ijña ñánda saşe choòn.

⁴⁰ Jngó jngó sindo tsibítsajnajtín-ne jña xita; ko tjin ñánda icháte icháte tsibítsajnajtín-ne.

⁴¹ Jesús kiskoé jña inchrajín xi 'òn ma-ne ko jña tjin xi jò ma-ne; ikjoàn kiskoótsjen ngajmii; kitsjaà-lá kjondaá Nainá; ikjoàn kisixkoaya inchrajín; k'eé kitsjaà-lá jña xita xi kota'yat'aà-lá nga kiska'bí-lá ngats'ii xita kjin xi títsajna. Tikoá kisijóya tjin xi jò ma-ne. Kitsjaà-lá ngats'ii xita.

⁴² Tsakjèn yije kòhótjin xita kó nga kjòskii.

⁴³ K'eé tsibixkó-ne inchrajín ko tjin xi kjòxkoaya jña xi tsiningui-ne; ngui tejò njsiyá komá.

⁴⁴ Jña xita xi tsakjèn, 'òn jmií ma-ne xi xita x'in.

K'e nga jè Jesús tsajmeèsòn ndáchikon

(Mateo 14:22-27; Juan 6:16-21)

⁴⁵ Nga komá iskan, Jesús kisikas'en xita xi kota'yat'aà-lá ya iya chitso mé-ne nga isa ítjòn kijchò-ne ján naxandá Betsaida ya xijngoà ndáchikon; koa jè Jesús k'eé tsíhixat'aà xita xi kjin ma-ne nga jye nchifi-ne.

⁴⁶ K'e nga jye kisíhixat'aà xita, Jesús kilmijin-jno jngoo nindoò nga kii kiichjat'aà-lá Nainá.

⁴⁷ K'e nga jye kòjñò, jè chitso, jyeé ya síjna jngoo osen ndáchikon. Jesús, nga tajngoo tsibíjat'aà nangui,

⁴⁸ kijtsee chitso nga mikii ma fi. Nga jè tjo bíchjoà ikon-lá. K'e nga tajñóya isa, Jesús kiitjingui-lá xita xi kota'yat'aà-lá nga kii-ne ndsóko ya isòn nandá. Tanga k'oaá kis'iin koni tsá mejen-lá nga kjoí ítjòn-lá chitso.

⁴⁹ Jña xita xi kota'yat'aà-lá, k'e nga kijtsee nga tífisòn nandá, k'oaá s'in kisikitsjeèn, kitsò, tsá inijma ch'o-né; kiskindáya xkón

⁵⁰ nga kitsakjòn-lá k'e nga kijtsee kòhótjin. Tanga Jesús nitoón kiichja-lá, kitsò-lá:

—Ñó t'è-là takòn, kì tsakjoòn-jèn, 'an-ná.

⁵¹ K'e nga jahas'en chitso Jesús, ñitooón kisijyò-ne tjo. Tà k'oaá komà-là jñà xitá xi kota'yàt'aà-là,

⁵² Nga kj'eè kì ndaà fahas'en-jiin-là jè kjoxxkón xi kis'iin Jesús ts'e inchrájin, koi-né nga tájaajjin tjin inima-là.

K'e nga jè Jesús kisindaà-ne xitá xk'én ján Genesaret

(Mateo 14:34-36)

⁵³ K'e nga jye tsatojiin ndáchikon, ijchò ján nangui Genesaret; yaá tsibít'aà'ño chitso-là ya indii ndáchikon.

⁵⁴ K'e nga tsitajen yije chitso, jñà xitá xi ya títasajna, ñitooón kijtseexon nga jè Jesús.

⁵⁵ Tíkoáá ñitooón kii kóhokji nga jngoò itjandii i'nde jè. Ičkoàn tsibíts'ia xitá nga j'ii-ko-là ngats'ii xitá xi xk'én; kjiisón-là nachan-ya ya i'nde ñánda nga 'nchré xitá nga bijchó Jesús.

⁵⁶ Nita ñánda naxandá nga jahas'en Jesús, tsà naxandá jtabá-né, naxandá ii-né, inchiya-né, kò tsà rancho-né, jñà xitá yaá sikáyijò jñà xitá xi xk'én ya jngohosen ndiyá; ičkoàn bítsi'ba-là nas'in tà jè itjòn nikje-là tsobà'ño nga kátandaà-ne. Ngats'ii xitá xi kitsobà'ño nikje-là kjóndaà yijee-ne.

7

Kjoa xi síkíts'ón xitá

(Mateo 15:1-20)

¹ Ijchò xitá fariseo kò xitá xi okóya kjotixoma-là Nainá xi kiskii Moisés xi j'ii-ne naxandá Jerusalén. Yaá ijchòtjingui-là ñánda tjna Jesús.

² Jñà xitá koi, kijtsee i'nga xitá xi kota'yàt'aà-là Jesús nga kjèn tjéko tsja nga mikii oníjno; kitsò-là xikjín [nga mikii nchisikitasòn koni s'in tjin kjotixoma ts'e xitá judío xi xkón tjin].

³ Nga jñà xitá fariseo kò ngats'ii xitá judío, k'oaá s'in sikitasòn koni s'in tjin kjotixoma-là xitá jchínga; tsà mi ngui ndaà koníjno tsja, mikii kòkjen.

⁴ Tíkoáá k'e nga f'ii-ne nditsin, itjòn oníjno tsja, k'ée kjèn; tjin-isa-là kjotixoma xi kj'eí koni oníya chitsín-là, tji-là, kò chitsín kicha-là kò nachan-là.

⁵ Koi kjoa-là jñà xitá fariseo kò xitá xi okóya kjotixoma-là Nainá xi kiskii Moisés kiskónangui-là Jesús, kitsò-là:

—Mé-ne mikii síkitasòn-ne xitá xi kota'yàt'aà-lè, koni s'in tjin kjotixoma-là xitá jchínga nga ta k'oaá s'in kjèn tjéko tsja?

⁶ Jesús kitsò-là:

—Koni s'in kiskii Isaías, xitá xi kiichja ngajo-là Nainá, ndaà kiichja it'aà tsajòn, jñò, xitá xi jò ma isén-nò, k'e nga kitsò:

Jñà xitá koi,
beèxkón-na xi tà 'én chja,
tanga jñà inima-là kjiin títasajna;

⁷ Nimé chjí-là nga beèxkón-na,
nga kjotixoma-là xitáá okóya koni tsà kjotixoma-là Nainá.

⁸ Jñò, níkjina-nò xi ngui kjotixoma-là Nainá, kò jè onguítjingui-là kjotixoma-là xitá jchínga-nò nga oníya tji-nò, chitsín-nò; kjin skaya kjotixoma tjin-nò koni s'in 'nè.

⁹ Kitsò-isa Jesús:

—Jñò, nachrjekàngui-nò xi ngui kjotixoma-là Nainá, jè níkitasòn kjotixoma-là xitá jchínga-nò.

¹⁰ Moisés k'oaá kitsò: “Jchaxkóin na'èn-lè kò nea-lè.” K'oaá tì kitsò: “Jè xi chjajno-là na'èn-là kò nea-là, tjinè-là nga sík'en.”

¹¹ Tanga jñò bixón-nò: “Jngoò xitá, ma kitsò-là na'èn-là, o nea-là: Mikii koma siichját'aà-lè; ngats'ii tsojmi xi tjin-na, Corbán-né.” (Én xi tò Corbán, 'én Hebreo-né; tsòyaá-ne: jè Nainá jyeé kitsjaà yije-là.)

¹² Bixón-nò nga mi tì kii tji'nde-là nga kosiko na'èn-là, o nea-là.

¹³ Jñò, nachrjekàngui-nò 'én-là Nainá nga níkatoya-là xinguijo kjotixoma-là xitá jchínga-nò. Kjín skaya kjotixoma tjin-isa-nò xi k'oas'in 'nè.

¹⁴ Jesús, k'ée kiichja-là ngats'ii xitá, kitsò-là:

—Ngats'ioò, tjiná'yaá kò ndaà kàtachya-nò.

¹⁵ Nimé tjin xi fahas'en-jiin yijo-là xitá xi síkíts'ón. Jè-né xi inima-là xitá bitjojiin-ne, xi síkíts'ón.

¹⁶ Ndaà tjiná'yaá koni xan-nò!

¹⁷ Jesús itjokájiin-là xitá; kii, jahas'en jngoò ni'ya; ičkoàn jñà xitá xi kota'yàt'aà-là kiskónangui-là kò tsòya-ne jè kjoa mangàsòn xi tsibénojmí.

¹⁸ Kitsò Jesús:

—¿Jñò, a tìkoáá mìkìi machìya-nò kó tsòya-ne? ¿A mì fìya-nò ngats'iì tsojmì xi fahas'en-jìin yijo-la xìta mìkìi síkìts'ón

¹⁹ nga mìtsà inìma-là fahas'en-jìin? Yáá fahas'en inḁsò'ba, ìkjoàn bitjo-ne k'e nga fi kítsajna ján baño.

Jesús kítsòyaá-ne: Ngats'iì tsojmì xi ma chine, tsjeè-né; mìkìi síkìts'ón inìma-là xìta.

²⁰ Kítsò-isa Jesús:

—Jè kjoḁtsjeèn xi bitjojìin inìma-là xìta, jè xi síkìts'ón.

²¹ Koi-né nga inìma-là xìta nchrobájiin, jñà kjoḁtsjeèn xi ch'o tsò, koni jè kjoa chijngui ts'e xìta xi jye chixàn kò xi k'j'eè bixan jèn, kò xi xìta sík'en,

²² kò kjoa chijè, kò kjoa tse mejèn, kò kjoa ts'en, kò kjoa konachan, kò kjoa ts'e xi otonè-la kjoa ts'e yijo-ná, kò kjoaxitakòn, kò kjoa 'on takòn, kò kjoa 'nga ikon, kò kjoa 'én ndiso, kò kjoa tòndo xi mìtsà ìtjòn nìkìtsjeèn.

²³ Ngats'iì kjoa koi xi inìma-là xìta bitjokàjiin-ne, koi xi síkìts'ón xìta.

Mé xi komàt'in chjoón xi xìn nangui-là nga kòkjeiín-là it'à ts'e Jesús

(Mateo 15:21-28)

²⁴ Kii Jesús ján naxandá Tiro kò Sidón. K'e nga ijchò ya, jahas'en jngoò ni'ya; mejèn-là nga mì yá xìta xi skoe, tanga mìkìi komà tsibijna'ma.

²⁵ Nìtjòón kii'nchré jngoò chjoón xi inìma ch'o-la nejí tìjìin inìma-là tsòti-là. Kii ñánda tìjna Jesús nga tsasìkkó'nchit'aà-la;

²⁶ tsibítsi'ba-là nga kochrjekàjiin jè inìma ch'o xi tìjìin inìma-là tsòti. Jè chjoón, yaá ì'nde-la ñánda 'mì Sirofenicia; 'én griego chja.

²⁷ Jesús kítsò-la:

—Tjii'nde-la jñà kàtakjèn ìtjòn xi ìxti ma. Mìkii ndaa tjin tsà chjaa'an-là nìjò jñà ìxti, ìkjoàn k'oj-lá ndí naña.

²⁸ Jè chjoón kítsò:

—Ndaa tjin Nà'én; tanga jñà ndí naña kineé xi-là tsojmì xi bixòngui ìmìxa xi síkatsjoò ìxti.

²⁹ K'e kítsò Jesús:

—Ndaa kinokjoi. T'in-ne ni'ya-lè. Jè inìma ch'o-la nejí, jye itjokàjiin-ne inìma-là tsòti-lè.

³⁰ K'e nga ijchò-ne ni'ya-la, jè chjoón, jè tsòti-là, yaá kijnasòn nàchan; tanga jye itjokàjiin-ne inìma-là jè inìma ch'o-la nejí.

K'e nga jè Jesús kisindaà jngoò-ne xìta jtayaà kò xi skí'in

³¹ Jesús kii-ne ya ì'nde ts'e Tiro; jahatojiin ì'nde Sidón, tìkoá jahatojiin nangui xi 'mì Decápolis, ijchò-ne ya ndáchikon ts'e Galilea.

³² Yáá ijchòkò jngoò xìta xi jtayaà kò skí'in, tsibítsi'ba-là Jesús nga kòòt'aà-la tsja jè xìta jè.

³³ Jesús, it'aà xìn kiiìkò ñánda tsjìn xìta, k'eé jahas'en jnòtsja ya líká-la, kò ndánachrá-la kiskakaájno nijen-la.

³⁴ Jesús kiskòòtsejèn ngajmii; ìkjoàn jaátse-la, kítsò:

—¡Fata! —tsò-ne 'én jè; ¡Kátatáx'a!

³⁵ Nìtjòón kitáx'a-ne líká-la xìta jè, tìkoáá ndaa komà kiiichja-ne.

³⁶ Jesús kítsò-la jñà xìta:

—Kì yá xìta xi bènojímí-là.

Tanga k'e nga 'ñò tsibít'in-là Jesús nga mì yá xìta keènojímí-là, tanga jñà xìta isáá ndaa kiskinisòn 'én.

³⁷ Jñà xìta xi kii'nchré, ta kjoxxón-la, kítsò:

—Ndaa s'ín yije. Síndaà-ne xìta xi jtayaà kò xi mìkii ma chja.

8

Jè kjoxxón xi kis'iin Jesús nga ñijòn jmii xìta kiskìjèn

(Mateo 15:32-39)

¹ Ìjngoò nàchrjein nga kjiin jchán xìta kjoxxóya koa tsjìn tsojmì xi kine, Jesús kiiichja-la xìta-la xi kota'yát'aà-la, kítsò-la:

² —Jñà xìta koi, mahìmaakeè-ná. Jyeé kò jàn nàchrjein tjin-là nga títsajnakò-na koa nìmé tjin tsojmì xi kine.

³ Tsà tà kòs'ín siikasén chjan-na ni'ya-là yaá kohindaàya ndiyá nga tjin xi kjiin inchrobà-ne.

⁴ Kítsò xìta xi kota'yát'aà-la Jesús:

—¿Kòs'ín síkjèn xìta koi jngoò ì'nde ìt'aà xìn ñánda nìmé tjin?

⁵ Jesús kiskònangui-la, kítsò-la:

—¿Kó tjin ma inchrájin xi tìyijò-nò?

Kítsò jñà xìta xi kota'yát'aà-la:

—Itoó ma-ne.

6 K'ée kitsò Jesús:

—Koatin-là kàtitsajnat'aà nangui jñà xità.

Jesús kiskoé inchrájin xi itoò ma-ne; kitsjaà-là kjondaà Nainá ikjoàn kisìxkoaya; k'ée kjòngatsja jñà xità xi kota'yàt'aà-là mé-ne nga kisika'bí-là jñà xità xi kjin ma-ne.

7 Tìkoáá tìyìjò chiba-là tìn jtohá. Jesús kisichikon-t'in; ikjoàn kitsò-là xità xi kota'yàt'aà-là: —Tìka'bió.

8 Tsakjèn yije xità kóhòtjìn skanda kó nga kjòski; k'e nga tsibíxkó-ne jñà xi kjòxkoaya nga tsiningui-ne, ngui itoò nìsjá koma.

9 Jñà xità xi tsakjèn, kjomeé ñijòn jmii ma-ne. Jesús, ikjoàn kisihixat'aà-ne jñà xità;

10 ikjoàn jahas'en chitso kò xità xi kota'yàt'aà-là. Yáá kii j'nde ñánda 'mì Dalmanuta.

K'e nga jñà xità fariseo jngòò seña kisijé xi jeya tjin

(Mateo 16:1-4; Lucas 12:54-56)

11 Ijchò xità fariseo, tsibíts'ia nga tsajoókjoò-kò Jesús. Kisijé jngòò-là seña xi jeya tjin xi it'aà ts'e Nainá nchrobá-ne nga mejèn-là skoé tsá kixi kjoa nga Nainá kisikasén.

12 Jesús 'ñó jaátse-là, kitsò:

—Jñà xità koi, ¿mé-ne seña xi jeya tjin síjé-ne? Xi ngui okixi, k'oaá xan-nò, nijngòò seña jchaa.

13 Yáá kisikitsajna xità koi; jahas'en ijngòò k'a-ne chitso; kii ján xijngoaà ndáchikon.

Na'yo san-là xità fariseo

(Mateo 16:5-12)

14 Jñà xità xi kota'yàt'aà-là Jesús, k'e nga kii, kijchàajjin-là mikii ts'a inchrájin. Tà jngòò ma inchrájin xi kjinaya-là chitso.

15 Jesús kitsò-là:

—Chítsejèn-là koa tìkindaa yijo-nò it'aà ts'e na'yo san-là xità fariseo kò ts'e Herodes.

16 Jñà xità xi kota'yàt'aà-là Jesús tsohóko xikjin, kitsò-là:

—Koií k'oa tsò-ná nga mikii kich'a inchrájin.

17 Jesús kisijjin-là koni s'in nchijóó, k'ée kitsò-là:

—¿Mé-ne kòbixón-nò nga tsjin-nò inchrájin? ¿A k'jeé fiya-nò? ¿A mì machiya-nò? ¿A tsí 'ñó tájaajjin tjin inima-nò?

18 Tjin xkoòn, ¿mé-ne mikii tsejèn-nò? Tjin líká-nò, ¿mé-ne mikii na'yà-nò? ¿A mì bitsjeèn-nò

19 K'e kisika'biá inchrájin xi 'òn ma-ne koa 'òn jmii xità tsakjèn? ¿Kó tjin nìsjá tsiningui-ne xi tsibíxkó-isa?

Kitsò jñà xità:

—Tejó nìsjá komà.

20 —K'e nga kisika'biá jñà inchrájin xi itoò ma-ne, koa ñijòn jmii xità tsakjèn, ¿kó tjin nìsjá tsiningui-ne xi tsibíxkó-isa?

Kitsò jñà xità:

—Itoò nìsjá komà.

21 K'ée kitsò-là:

—¿A tà kó k'jeé machiya-nò?

K'e nga jè Jesús kisindaà jngòò-ne xità xi mikii tsejèn-là

22 Jesús ijchò ján naḡandá Betsaida; ya ijchòko jngòò-là xità xi mikii tsejèn-là. Tsibítsi'ba-là nga kàtát'aà-là tsja jñà xkòn.

23 Jesús kitsobá'ñó tsja jè xità xi mikii tsejèn-là. Ikjoàn tsachrjekàjjin naḡandá, tsibíchrángui xkòn, ikjoàn tsohósòn-là tsja. K'ée kiskònangui-là a tsejèn chiba-là.

24 Jè xità xi mikii tsejèn-là kiskòtsejèn, kitsò:

—Jye be xità tanga k'oaá ma-na ta koni kjoàn yá kjoàn nga tjima.

25 Jesús, ijngòò k'a tsohót'aà-là tsja jñà xkòn. Kitsò-là nga ndaà kàtakotsejèn, nìtòón kjòndaà-ne. Ndaà kijtseé yije-ne.

26 Jesús kisikasén-ne ni'ya-là xità jè, kitsò-là:

—Ki ya bitjaàs'en-jin naḡandá, ki yá xità xi bènojmi-là.

K'e nga jè Pedro tsibénojmiya nga Jesús, jé xi Cristo

(Mateo 16:13-20; Lucas 9:18-21)

27 Itjo Jesús kò xità xi kota'yàt'aà-là, kii ya naḡandá jtohá xi chja-ne Cesarea ts'e Filipino. K'e nga tjimaya ndiyá, Jesús kiskònangui-là xità xi kota'yàt'aà-là, kitsò-là:

—¿Kó tsò jñà xità? ¿Yá-ná 'an?

28 Kitsò jñà xità xi kota'yàt'aà-là:

—Tjin xi tsò: “Jé Juan xi kis'iin bautizar xità.” Tjin xi tsò: “Jé Elías.” Tìkoáá tjin xi tsò: “Jngòò xità xi kiichja ngajo-là Nainá.”

²⁹ Jesús kiskònangui-là jñá xità xi kota'yàt'aà-là; kitsò-là:

—¿Jñò kó bixón? ¿Yá-ná 'an?

Kiichja Pedro, kitsò:

—Ji-né xi Cristo [xi xó kisikasén-lè Nainá].

³⁰ Tanga jè Jesús kitsò-là:

—Ki yá xità xi bènojmi-là xi it'aà ts'an.

K'e nga jè Jesús tsibènojmiya kjoa biyaà-là

(Mateo 16:21-28; Lucas 9:22-27)

³¹ Tsibíts'ia Jesús nga tsakóya-là xità xi kota'yàt'aà-là, kitsò-là:

—'An xi Ki'ndí-là Xità xan-là yijo-na, tse kjo'in siikjiaán; kochrjengui-na jñá xità jchínga, kò jñá xità sko-là nõ'mù, kò xità xi okóya kjo'tixoma-là Nainá xi kiskii Moisés. Siik'eén-na tanga k'e nga kijchò jàn nachrjein kjoaáya-na.

³² Jesús ngui ndaa tsibènojmi kjoa xi komàt'in. Jé Pedro kiichjat'aàxin-là Jesús nga mikii ndaa tjin koni tsò.

³³ Tanga Jesús, kisikáfaya, kiskoòtsejèn-là xità xi kota'yàt'aà-là, tsohótiko Pedro. Kitsò-là:

—Tisit'aàxin-ná ji xità neji. Nga ji, mitsà k'oas'in nikitsjiin koni s'in tjin kjohitsjeèn-là Nainá. Ngaji tà k'oas'in nikitsjiin koni s'in tjin kjohitsjeèn-là xità.

³⁴ Jesús kiichja-là xità xi kota'yàt'aà-là kò xità xi tjingui-là. Kitsò-là:

—Tsà yá xi mejèn-là nga xità ts'an koma, kàtatsjein-takòn mé xi mejèn-là yijo-là; koni jngòò xità xi 'yajen krò-là, kàtijnandaà nga siikjein kjo'in xi kjoa ts'an; ndaa kàtjit'aà-na.

³⁵ Nga nita yá xità xi mejèn-là kochrjetji yijo-là nga nimé kjo'in sakò-là, tà saá siichjia-né kò kjo'in kijnajiin; tanga jè xi tijnandaà nga tsjá yijo-là xi kjoa ts'an kò kjoa ts'e 'én ndaa-là Nainá, jè-né xi kjtjokajiin kjo'in nga it'aà ts'an ndaa kijná.

³⁶ ¿Mé xi siikijne xità nas'in tjoé yije-là isò'nde tsà siichja inima-là? Nimé.

³⁷ ¿A koma koiichji kjoabiyaà jngòò xità xi majin-là nga kijyá? Majin.

³⁸ Tsà tjin i'nga xità xi kosobà-là it'aà ts'an kò it'aà ts'e 'én-na ya nguixkon xità jé xi tjin, tikoáá 'an xi Ki'ndí-là Xità xan-là yijo-na, kosobà-na it'aà ts'e k'e nga kjoijkoáa jngòò k'a kjoajeya-là Na'èn-na kò àkjalé tsjeè-là Nainá.

9

¹ Jesús kitsò-isa:

—Okixí xi xan-nò, títsajnajiin i'nga xità ijndé xi mikii kijyá skanda k'e nga skoe kó s'in otixoma Nainá nga kjoijko nga'ñò-là.

K'e nga jè Jesús jahatjia i'ño isén-là kóhokji yijo-là

(Mateo 17:1-13; Lucas 9:28-36)

² Nga komà joòn nachrjein, Jesús kiimijin-jno jngòò nindoò xi 'nga kji; tà jñá kiiko Pedro, Jacobo kò Juan. K'e nga ijchò i'nde jè, Jesús, jahatjia i'ño isén-là nga nguixkon jñá xità koi.

³ Jè nikje-là 'ño kjochroba, tsí ote ni'ín né. Tsjin xità nga títsa isò'nde xi ma-là ts'iin nikje koni s'in kjochroba.

⁴ Tikoáá kijtsee jè Elías kò Moisés nga nchijoókjoò kò Jesús.

⁵ Jè Pedro kitsò-là Jesús:

—Maestro, ndaa tjin nga i' títsajnaá. Jàn ni'ya xkójndá kındaà-jen. Jngòò tsjji, jngòò ts'e Moisés, jè xi jngòò ts'e Elías.

⁶ Jè Pedro tà k'oáá kitsò. Mi tji ki beè-ne kó s'in kiichja nga 'ño kitsakjòn xità koi.

⁷ K'eé j'ii jngòò 'nguién-là ifi xi tsibi'ma xità koi; yaá jjiin ifi kina'yà jngòò-là 'én xi kitsò:

—Jè jèe xi ki'ndí-na xi 'ño matsjake. Jè tjiná'ya-là.

⁸ Tik'e-ne kiskoòtsejèn xità koi. Mi tji yá tjin-ne. Tà jè tajngòò Jesús síjna.

⁹ K'e nga inchròbajen-t'aà-ne nindoò, Jesús kitsò-là xità xi kota'yàt'aà-là:

—Ki yá xità xi bènojmi-là jè kjoa xi kà'yaá; skanda k'eé tènójmi-là k'e nga kjoaáya-na it'aà ts'e kjoabiyaá 'an xi Ki'ndí-là Xità xan-là yijo-na.

¹⁰ Jñá xità xi kota'yàt'aà-là tsibi'ma jè kjoa jè, sakoáá tsajooya-ne kó tsò-ne xi tsò-là kjoaáya-là.

¹¹ Kiskònangui-là Jesús. Kitsò-là:

—¿Mé-ne kòtsò-ne jñá xità xi okóya kjo'tixoma-là Nainá xi kiskii Moisés nga jè Elías kjoii ítjòn?

¹² Jesús kitsò-là:

—Okixí né. Jè kjoii ítjòn Elías, jè koiindaajiin yije kjoa. ¿Koa mé-ne kòtsò-ne Xojon-là Nainá nga 'an xi Ki'ndí-là Xità xan-là yijo-na, tseé kjo'in siikjiaán, toòn skoe-na xità?

¹³ Tanga 'an, k'oáá xán-nò, jè Elías jyeé j'ii. Jñá xità k'oáá s'in kisiko koni s'in mejèn-là. Tanga k'oáá s'in tíchja Xojon-là Nainá nga k'oáá s'in kòmat'in.

K'e nga jè Jesús kisindaà jngoò-ne ti xi inìma ch'o-la neí tjiin inìma-la
(Mateo 17:14-21; Lucas 9:37-43)

14 Jesús k'e nga ijchò-ne ñánda títsajna xíta xi kota'yàt'aà-la xi i'nga, kijtseè nga kjiin jchán ma xíta xi títsajna. Yáá títsajnajiiin i'nga xíta xi okóya kjotixoma-la Nainá xi kiskii Moisés, 'ñó nchijoóya-ne.

15 Jñà xíta k'e nga kijtseè nga ijchò Jesús, tà k'oaá koma-la. Kii yije kóhótjin nga kisihihat'aà.

16 Jesús kiskònangui-la, kitsò-la:

—¿Mé xi ko ta ndaà chibàya-nò?

17 K'ée kiichja jngoò xíta xi ya tijnajiin. Kitsò:

—Maestro, jè ki'ndí-na kòf'iiko-lè. Inìma ch'o-la neí tjiin inìma-la; mikii ma chja.

18 Njton ñánda tíjna k'e nga tsobà'ñó, majndoòt'aà nangui ko ochrje ndáxó tso'ba, sjts'i'in ni'ño, ikjoàn sjina tsjó. Koi tísjé-la xíta xi kota'yàt'aà-lè nga kàtachrjekàjiiin inìma-la jè inìma ch'o-la neí tanga mikii bitjokàjiiin-la.

19 Kiichja Jesús, kitsò:

—Jñò, xíta xi mikii mokjeiin-nò it'aà ts'an. ¿Skanda mé nachrjein kótijnako-nò? ¿Mé nachrjein ska-na kjoa-nò? Nchrohóko-ná jè ti jindé.

20 K'ée kiiko jè ti ya nguixkon Jesús; jè inìma ch'o-la neí, k'e nga kijtseè Jesús, jngoò k'a k'en xin ti. K'e nga kiskaat'aà nangui tsangáyà'nde koa itjo ndáxó tso'ba.

21 Jesús kiskònangui-la na'èn-la, kitsò-la:

—¿A kjòtseé oma-la ti-lè?

Jè na'èn-la kitsò:

—Tik'e-ne nga sa ndí ti jtabá kji.

22 Jè inìma ch'o-la neí kò kjiin jchán k'a síkatjen-jiiin ni'in ko síkatjen-jiiin nandá nga mejèn-la sík'en. Tsá koma-lè mé xi síkoi, jchahimatakón-nájen ko tichját'aà-nájen.

23 Jesús kitsò-la:

—¿Kó si tsá koma-lè? Ma yije-né njta mé kjoa-ne jè xi mokjeiin-la.

24 Njtoón 'ñó kiichja jè na'èn-la ti. Kitsò:

—Mokjeiin-na, tichját'aà-isa-ná nga ngui isa ndaà kokjeiin-na.

25 Jesús k'e nga kijtseè nga tíma kjiin xíta, tshótiko jè inìma ch'o-la neí; kitsò-la:

—Ngaji, inìma ch'o-la neí xi mikii ma-lè nokjoi ko mikii na'yi, 'an, k'oaá xan-lè, titjoiin inìma-la ti jè; ki ti yaá bitjaas'en-jiiin-ne inìma-la.

26 Jè inìma ch'o-la neí kiskindáyaxá; ikjoàn jngoò k'a k'en xin ti. Ikjoàn itjoiin-ne inìma-la. Kisikájna jè ti koni tsá jye k'en, jñà xíta xi nchikotsejèn, kitsò:

—Jyeé k'en.

27 Tanga jè Jesús kitsobà'ñó tsja; kiskimii'nga; ikjoàn tsasíjna kixi jè ti.

28 K'e nga jahas'en ni'ya Jesús, jñà xíta xi kota'yàt'aà-la kiskònangui-la nga tajngoò, kitsò-la:

—¿Mé-ne ngajen mikii kòbitjoiin-najen jè inìma ch'o-la neí?

29 Kiichja Jesús, kitsò:

—Jñà inìma ch'o-la neí xi okjoàn, k'ée bitjokàjiiin nga nokjoat'aà-là Nainá ko nga bijnach-jaán.

K'oaá s'in tsibéngimí Jesús kjoabiyaà-la xi ma-ne jò k'a
(Mateo 17:22-23; Lucas 9:43-45)

30 K'e nga kii-ne ya i'nde jè, jahatojiiin nangui Galilea. Tanga Jesús majin-la nga xíta skoe;

31 Jesús k'oaá s'in tsakóya-la xíta xi kota'yàt'aà-la. Kitsò-la:

—'An xi Ki'ndí-la Xíta xan-la yijo-na yaá tsobà'ñó-na jñà xíta; ikjoàn sjik'en-na. Tanga k'e nga kijchò jàn nachrjein nga kiyá, kjoaáya-na.

32 Tanga jñà xíta xi kota'yàt'aà-la mikii kjòchija-la 'én xi kitsò-la. Tà kitsakjòn-né, mikii kiskònangui-la.

Yá xíta xikjin xi kjna itjòn
(Mateo 18:1-5; Lucas 9:46-48)

33 K'e nga ijchò ya naxandá Capernaum, k'e nga jye títsajna jya ni'ya, Jesús kiskònangui-la xíta xi kota'yàt'aà-la, kitsò-la:

—¿Mé xi koa ta ndaà chibàya-nò k'e nga títsanchrobàya ndiyá?

34 Xíta xi kota'yàt'aà-la tà jyò tsibítsajna, koi-né, k'e nga nchinchrobà ya ndiyá, tsajoóya-ne yá xíta xikjin xi kjna itjòn.

35 Jesús tsibíjna; ikjoàn kiichja-la nga tejò xíta xi kota'yàt'aà-la, kitsò-la:

—Tsá yá xíta xi mejèn-la nga kína itjòn, ta saá jè kjoehet'aà-ne, chí'nda-la kàtama ngats'i'i xíta xi i'nga.

36 Jesús kiskoé jngoò ndí ti. Tsasíjna 'nchòhosen. Tsa'nga. Ikjoàn kitsò-la:

37 —Njta yá-ne xi it'aà ts'an skoétjó jngoò ndí ti koni jè, 'aán xi skoétjó-na; ko jè xi skoétjó-na mitsà tà 'an skoétjó-na, tikoáá jè skoétjó xi kisikasén-na.

Yá xi kondra-la Cristo ko yá xi xita ts'e
(Lucas 9:49-50; Mateo 10:42)

- ³⁸ Kùchja Juan, kitsò:
—Maestro, jngòò xita ki'ya-jen xi it'aà tsiji ochrjekàjiin inima ch'o-la neji inima-la xita.
Tanga mitsà xita tsaján; mikii kits'ì'nde-lajen.
³⁹ Jesús kitsò:
—Ki k'oaá nìkoo. Njya-jèn xi it'aà ts'an s'jin jngòò kjoqkón xi ndaà tjin xi tije kichajano-ná.
⁴⁰ Jè xi mitsà kondra tsaján, it'aà tsaján tjina.
⁴¹ Ngats'ìi xita xi it'aà ts'an tsjá jngòò chitsín-nò nandá, koi kjoa-la nga xita-la Cristo mi-nò, okixi xi xan-nò, jña xita koi, tjoé-la chji-la.

Xita xi bit'in-ná nga binchaatsjiaá jé
(Mateo 18:6-9; Lucas 17:1-2)

- ⁴² Nita yá-ne xi jé skinjijn jngòò ndí xita ima xi mokjein-la it'aà ts'an, isaá-la ndaà koma tsà sngui'ño jngòò ndajo natsi is'in, ikjoàn sjkatjengui ndáchikon.
⁴³ Tsà jè ndsaa ótsji jé-nò, tichátjòn. Isaá ndaà-ne tsà xkoán titsjoò nga kitjás'en-jñoò kjoabinachon mi k'oa-ne tsà jò ma ndsaa koa ján konguio jjiin ni'in nanda mikii bits'o,
⁴⁴ ya nanda mikii biyaá ch'indo xi kine-ná ko ya nanda mikii bits'o ni'in nga titiá.
⁴⁵ Tsà jña ndsokoo ótsji jé-nò, tichátjòn. Isaá ndaà-ne tsà xkoán titsjoò nga kitjás'en-jñoò kjoabinachon mi k'oa-ne tsà jò ma ndsokoo koa ján konguio jjiin ni'in,
⁴⁶ ya nanda mikii biyaá ch'indo xi kine-ná ko ya nanda mikii bits'o ni'in nga titiá.
⁴⁷ Tsà jña xkoon ótsji jé-nò, tinachree. Isaá ndaà-ne tsà jngòò ma xkoon nga kitjás'en-jñoò nanda tihotixoma Nainá mi k'oaá-ne tsà jò ma xkoon koa ján konguio jjiin ni'in
⁴⁸ ya nanda mikii biyaá ch'indo xi kine-ná ko ya nanda mikii bits'o ni'in nga titiá.
⁴⁹ Ngats'ìi xita sa ni'in kotsjeé-ne, koa jña kjetjò xi tsjá xita, naxaa kojnchra-ne.
⁵⁰ Jè naxa, ndaà-né; tanga tsà mi tì kù jnchra-ne, zkos'in siko-la nga kojnchra jngòò k'a? Kàtasjiin naxa inima-nò koa nchán titsajnakò xinguioo.

10

K'e nga jè Jesús tsakóya kjoa ts'e xita xi tsjiin xikjin
(Mateo 19:1-12; Lucas 16:18)

- ¹ Jesús itjoiin ya naxandá Capernaum, kù ján i'nde Judea, ijchò ján nangui jiton xajngá nandá Jordán. Yaá kòkjìn jngòò k'a xita; koa jè tsibits'ia jngòò k'a nga tsakóya-la xita koni s'in kjit'aà.
² Ijchò kinchat'aà chraña i'nga-la xita fariseo. Nga mejèn-la skónachan-la, kiskònangui-la, kitsò-la:
—¿A tji'nde-la xi x'in nga tsjin chjoón-la?
³ Tanga Jesús kitsò-la:
—¿Kós'in tsakóya-nò Moisés?
⁴ Kitsò xita koi:
—Moisés kitsjaá'nde-né nga ma sindaà xojon nga koma tsjin xikjin xita.
⁵ Jesús kitsò-la:
—Moisés, koi k'oa kitsò-nò, jño, 'ño tájaajiin tjin inima-nò.
⁶ Tanga k'e nga sa kisindaá isò'nde, Nainá tsibindaá x'in ko chjoón.
⁷ K'oaá ma-ne nga jè x'in sijkjina na'en-la ko nea-la nga kijnako chjoón-la.
⁸ Ta jngòò xita koma-ne ingajò. Mitsà tì jò ma-ne, ta jngòò koma-ne.
⁹ K'oi kjoa-la nga mi yá xita tji'nde-la nga sjiitsjiin xikjin xi Nainá kisijngòò.
¹⁰ K'e nga ijchò-ne ni'ya-la, jña xita xi kota'yat'aà-la Jesús kiskònangui jngòò k'a-la tikoine kjoa koi.
¹¹ Jesús kitsò-la:
—Jè xita xi tsjin chjoón-la, ikjoàn bixan-ko jngòò xi kj'eij chjoón, kjoa chijngui tís'in it'aà ts'e chjoón-la.
¹² Tsà jè chjoón tsjin x'in-la ikjoàn bixan-ko jngòò xi kj'eij x'in, tikoaa kjoa chijngui tís'in it'aà ts'e x'in-la.

K'e nga jè Jesús kisichikon-t'in ndí ixti
(Mateo 19:13-15; Lucas 18:15-17)

- ¹³ Jngòò k'a jña xita j'iko-la ndí ixti jè Jesús nga mejèn-la sischikon-t'in; kòòt'aà-la tsja. Tanga jña xita xi kota'yat'aà-la Jesús mikii kitsjaá'nde-la. Tsohótiko-né.
¹⁴ K'e nga kijtsee Jesús, kòjti-la, kitsò-la:
—Tji'nde-la ndí ixti kàtjanchrobákon-na. Ki binchahikon-la. Jña xi k'oaá s'in tjin inima-la koni ts'e ndí ixti, jña xi tjin-la kjondaà nga Nainá tihotixoma-la.

¹⁵ K'oaá xan-nò xi ngui okixi, jña xi mikii kòkjeiin-la koni jngoò ndí ixti nga skoé kjondaà-la Nainá nga jè kòtixoma-la, mikii kjoahas'en-jiin ñánda tíhotixoma Nainá.

¹⁶ Jesús tsa'nga jña ndí ixti; tsohósòn-la tsja; ikjoàn kisijét'aà-la Nainá nga kàtasíchikon-t'in jña ixti.

Xità xi 'ño kjin tsojmi tjín-la
(Mateo 19:16-30; Lucas 18:18-30)

¹⁷ K'e nga tifi lingoò k'a-ne Jesús, tsangachikon jngoò xita xi ijchò tjingui-la. Tsasixkó'nchit'aà-la; ikjoàn kiskòngui-la; kitsò-la:

—Ji Maestro ndaà, ¿mé xi s'iaàn nga s'e-na kjoabinachon nita kjé-ne?

¹⁸ Jesús kitsò-la:

—¿Mé-ne nga xita ndaà 'mì-ná? Nijngoò xita xi ndaà, ta jngoò jè Nainá xi ndaà.

¹⁹ Jyeé tjiiin-lè kó tsò kjotixoma: “Ki xita nik'in; ki kjoa chijngui 'ni; ki chijé 'ni; ki 'én ndiso nokjoi it'aà ts'e xita xi kj'ejí; ki chonachan-jèn; chaxkóin na'èn-lè kò nea-lè.”

²⁰ Jè xita nchiná kitsò:

—Maestro, ngats'ii kjotixoma koi, jyeé kisikitasoàn kó nga sa chítia.

²¹ Jesús tsja komà-la, kiskoò'an, ikjoàn kitsò-la:

—Jjngoò kjoa chija-lè. T'in, tatjini yije tsojmi xi tjín-lè. Ikjoàn tika'bí-la xita ima mé-ne nga s'e-lè kjoa machikon-t'in ján ngajmii. Ikjoàn nchrobátjngui-ná.

²² Jè xita nchiná, tà kjòbaa-la nga kii'nchré 'én koi. Tà ba kis'e-la nga kii, koi xó nga 'ño kjin tsojmi tjín-la.

²³ Jesús kiskoòtsejèn tjingui-la, kitsò-la xita xi kota'yat'aà-la:

—'Iin jchán koma-la jña xita nchiná nga kjoahas'en-jiin ñánda tíhotixoma Nainá.

²⁴ Jña xita xi kota'yat'aà-la Jesús, k'e nga kii'nchré 'én koi, tà k'oaá komà-la. Tanga jè Jesús jingoò k'a kitsò-la:

—Jñò xi ki'ndí-na xan-nò, 'ño 'iin koma-la jña xita xi ton-la 'ñót'aà takòn nga kjoahas'en-jiin kjotixoma-la Nainá.

²⁵ Isáá mì 'in koma-la jngoò cho camello nga kjoahas'en xkon nindoò xi tjahaña-ne nikje, mì k'oaá-ne koni jngoò xita nchiná xi 'ño tjín-la tsojmi nga koma kjoahas'en-jiin ñánda tíhotixoma Nainá.

²⁶ Jña xita xi kota'yat'aà-la Jesús, isáá ndaà kjòxkón-la. Ikjoàn kiskòngui-la xikjín, kitsò:

—¿Yá-né xi kitjokájiin kjo'in?

²⁷ Jesús kiskoò'an, kitsò:

—Jña xita mikii koma-la; tanga Nainá komaá-la; it'aà ts'e Nainá nita mé kjoa-ne, koma yijee-la.

²⁸ Kiichja Pedro, kitsò:

—Na'èn, ngajen, jyeé kinikitsajna yije-jen ngats'ii tsojmi xi tjín-najen nga tjaàtjngui-lèjen.

²⁹ Jesús kitsò:

—Okixi xi xan-nò, nita yá xita-ne xi kisikijna ni'ya-la, 'ndse, ndichja, nea-la, na'èn-la, chjoón-la, ixti-la kò nangui-la xi kjoa it'aà ts'an kò it'aà ts'e 'én ndaà-la Nainá

³⁰ Jisò'nde, isáá tsato tjoé ngajo-la xi ni'ya 'mì, xi 'ndse, ndichja, nea-la, ixti-la kò nangui-la, nas'in kjitjinguikée xita kondra. Tanga jè isò'nde xi sa nchrobá, s'eé-la kjoabinachon nita kjé-ne.

³¹ Kjin xita xi titsajna itjòn i'ndeí, k'e nga koma iskan jña kitsajna tjingui. Kò xi titsajna tjingui i'ndeí k'e nga koma iskan jña kitsajna itjòn.

K'oaá s'in tsibéngjmi Jesús kjoabiyaà-la xi ma-ne jàn k'a
(Mateo 20:17-19; Lucas 18:31-34)

³² Jesús, tsó'ba itjón-la xita xi kota'yat'aà-la nga nchifi ján naxandá Jerusalén. Jña xita xi tjingui tà nchimaxkón-la nga nchifi. K'eé kiichjat'aà-xin lingoò k'a-la xita-la xi tejò ma-ne, ikjoàn tsibéngjmi lingoò k'a-la jè kjoa xi komat'in. Kitsò-la:

³³ —I'ndeí ján titsahonguiá naxandá Jerusalén; 'an xi Ki'ndí-La Xita xan-la yijo-na, yaá tsohá'ño-na xita sko-la no'mii kò xita xi okóya kjotixoma-la Nainá xi kiskii Moisés nga koi'nè-na kjoabiyaá, ikjoàn sijngatsja-na jña xi mitsá xita judío

³⁴ nga sijsobá-na, kichrájino-na, kojá-na, ikjoàn sijik'en-na. Tanga k'e kijchò jàn nachrjein kjoáyaá-na.

Kjondaà xi 'in tjín xi kisijé Jacobo kò Juan
(Mateo 20:20-28)

³⁵ Jacobo kò Juan ixti-la Zebedeo ijchò kinchat'aà-la Jesús, kitsò-la:

—Maestro, mejèn-najen nga k'oi-nájen jè kjondaà xi sijé-lèjen.

³⁶ Jesús kiskòngui-la, kitsò-la:

—¿Mé-ne xi mejèn-nò nga tsjaà-nò?

³⁷ Jacobo ko Juan kitsò:

—K'e nga jeya kijni nga tihotixomai, ki'nde-nájen nga ya kitsat'aà-lèjen, jngoò kijnat'aà-lè kixi-lè koa jngoò kijnat'aà-lè ngaskón-lè.

³⁸ K'eé kitsò Jesús:

—Mikiì 'yaà mé xi njé. ¿A kichikjoaá-nò nga s'ioya jè chitsín ts'e kjo'in xi 'an skiaa, a chikjoa-nò nga koma bautizar ts'e kjo'in xi 'an tímat'ian?

³⁹ Kitsò jñà xita koi:

—Kichikjoaá-nájen.

Kitsò-la Jesús:

—Jñò, komaá s'igo koa koma-nò bautizar it'aà ts'e kjo'in xi 'an kotojñaà,

⁴⁰ tanga xi 'an tsjaà-nò nga ya kitsajnat'aà-ná ya kixi-na ko ngaskón-na mìtsà 'an oko-na nga tsjaà-nò. Jñà i'nde koi, jñà tjoé-la xita xi Nainà títsajnaandaa-la nga tsjá-la.

⁴¹ K'e nga kii'nchré jñà xita-la Jesús xi i'nga xi te ma-ne, kòjti-la koni kitsò Jacobo ko Juan.

⁴² Tanga jè Jesús kiichja-la, kitsò-la:

—Jye tjiin-nò nga jñà xita sko-la naxandá xi 'ya-la nga kjoixoma tíya tsja, nangui siktsajna xita-la xi jñà otixoma-la. Tikoáá jñà xita xi 'ño jeya títsajna, beètoón-né jñà xi xita ima.

⁴³ Tanga jñò mikiì k'oas'in s'een; tsà jngoò xita xinguiò mejèn-la 'nga kijná, jè xi kàtasíxá-la xita xi i'nga.

⁴⁴ Koa jè xi mejèn-la kijná ítjòn, chi'nda-la kàtama ngats'ìi xita xi i'nga.

⁴⁵ Ndaa tsà 'an xi Ki'ndí-la Xita xan-la yijo-na, mìtsà koi xá ji-na nga 'an kos'in-na; tà saá 'an siixá-la xita xi i'nga, ko tsjaá yijo-na ko inima-na nga kijn xita kitsajnaandéi kjoa ts'e jé-la.

K'e nga kisindaà-ne Jesús jè xita xi mikiì tsejèn-la xi 'mì Bartimeo

(Mateo 20:29-34; Lucas 18:35-43)

⁴⁶ K'e nga ijchò naxandá Jericó nga jye nchibitjoiin najnchra, Jesús tjiko xita xi kota'yat'aà-la ko kijn xita tjingui-isa-la. Ya indii ndiyá tíjna jngoò xita ima xi mikiì tsejèn-la xi 'mì Bartimeo, ti-la ma xita xi 'mì Timeo, nga tísié kjoitjò tsojmi.

⁴⁷ Jè xita xi mikiì tsejèn-la k'e nga kii'nchré nga jè Jesús xi Nazaret ts'e tífi, nitoón kiichja-la, kitsò-la:

—Jesús, nga ya nchrobát'aà-ne tje-la xitaxá ítjòn David [nga ji tíjna ngajo-la], jchahimatakòn-ná!

⁴⁸ Kijn ma xita xi tshótiko Bartimeo nga jyò kàtijná. Tanga jè Bartimeo isaá 'ño kiichja. Kitsò:

—Ji xi ya nchrobát'aà-ne tje-la xitaxá ítjòn David, jchahimatakòn-ná!

⁴⁹ K'eé tsasíjna Jesús, kitsò:

—Tijnójoa-là.

Ikoan kinokjoa-la jè xita xi mikiì tsejèn-la. Kitsò-la:

—'Nó te-la takoin, tsitjiin, chja-lè Jesús.

⁵⁰ Jè xita xi mikiì tsejèn-la kisikatjen inchrokisòn-la, nitoón tsasítjen, kii kasit'aà-la ñanda síjna Jesús.

⁵¹ Jesús kiskònangui-la, kitsò-la:

—¿Mé xi mejèn-lè nga siiko-lè?

Jè xita xi mikiì tsejèn-la kitsò:

—Maestro, mejèn-na nga kàtatsejèn-na.

⁵² Jesús kitsò-la:

—T'in-ne; koi-né nga mokjeiin-lè it'aà ts'an nga kòmandaa-ne.

Jè xita xi mikiì tsejèn-la nitoón kjoitsejèn-la. Kijtjngui-la koni s'in ndiyá tífi Jesús.

11

K'e nga jè Jesús jahas'en-jiin naxandá Jerusalén

(Mateo 21:1-11; Lucas 19:28-40; Juan 12:12-19)

¹ K'e nga jye kjomeè bijchó chraña-la naxandá Jerusalén, jñà naxandá xi 'mì Betfagé ko Betania, ya it'aà nindoó Yá Olivo, Jesús kisikasén jò xita xi kota'yat'aà-la;

² kitsò-la:

—Tanguió ján ndí naxandá itsé xi kijnat'aà ján. K'e nga kijchoò yaá síjnat'aà'ño jngoò búrró ki'ndí xi ni saá yá bijnasòn-la. Chjinda'ño, nchrohókoo.

³ Tsà yá xi kjònangui-nò, tsà kitsò-nò: “¿Mé-ne kònikò-nò búrró?”, tin-là: “Jé xó Na'èn-ná Jesús kochjeén-la, koa nitoón xó siikasén-ne.”

⁴ Kii jñà xita xi kota'yat'aà-la. K'e nga ijchò jngoò ni'ya, yaá tjit'aà'ño jngoò búrró jè xotjoa-la ni'ya ya iya ndiyá. K'e nga kiskijnda'ño.

⁵ Jñà xita xi ya títsajna kitsò-la:

—¿Mé s'een-nò, mé-ne chíjnda'ñó-nò ndí búrró?

⁶ K'oaá s'in kitsò-là koni s'in tsibénojmi-là Jesús; kitsjaa'nde-là nga kiiko.

⁷ K'e nga ijchòko ñánda tjna Jesús jè ndí búrró, jña níkje ts'e xita kisikjeén nga tsohójtja-là jè ndí búrró; ikjoàn tsibijnasòn-là Jesús.

⁸ Kjin xita tsohójngò níkje-là ya iya ndiyá. Jña xita xi i'nga, xka chrja-là yá tsohójngò xi tsate ya jjiin ijña.

⁹ Jña xita xi títjòn kò xi tjingui 'ño chja, nga kitsò:

—¡Mé tà ndaa-là jè xi nchrobá ngajo-là Nainá, jè xi otixoma-ná!

¹⁰ ¡Mé tà ndaa-ne nga jè kotixoma ngajo-là xita jchínga-ná David! ¡Kátas'e kjoajeya ján ngajmi!

¹¹ Jesús jahas'en-jiin ya naxandá Jerusalén. Ikjoàn jahas'en nditsin ingo ítjòn. Xki xi ján kiskoótsejèn. Ikjoàn itjo-ne; kiiko xita-là xi tejò ma-ne ján naxandá Betania, koi-né nga jye kjòhoxòn.

K'e nga jè Jesús kitsò-là jngò yá-là toò iko nga ch'o kátama-là

(Mateo 21:18-19)

¹² K'e koma nchijòn nga itjo l'jngò k'a-ne ján naxandá Betania, Jesús kjòhòjò-là.

¹³ K'ée kijtsee jngò yá-là toò iko xi kjiin síjna. Kii katsejèn-là tsá yijá-là toò, tanga nimé tjín-là; tà xkaá tjín-là. Mitsà nachrjein-là toò.

¹⁴ K'ée kitsò-là jè yá toò iko:

—Nj tí yá xi skíne-ne toò-lè.

Xita xi kota'yàt'aà-là Jesús kii'nchré 'én koi.

K'e nga tsachrje ingo ítjòn jña xita xi otíjna tsojmi

(Mateo 21:12-17; Lucas 19:45-48; Juan 2:13-22)

¹⁵ K'e nga ijchò naxandá Jerusalén, Jesús jahas'en ya nditsin ingo ítjòn; ikjoàn tsibíts'ia nga tsachrje jña xita xi tsojmi otíjna kò xi otse tsojmi. Kisihitkjá imixa-là jña xita xi síkjatjija ton tikoáá kisihitkjá íxile-là xita xi otíjna nise paloma.

¹⁶ Mi tí kii kitsjaa'nde-là xita xi tsojmi otíjna nga ch'á fahatoyako ingo ítjòn.

¹⁷ Ikjoàn tsakóya-là xita. Kitsò-là:

—Jè Xojon-là Nainá tsò-né: “Ni'ya-na, ni'ya ts'e ochikoón k'óin nga i kichjat'aà-na ngats'iì xita naxandá xi tjín kóhokji isò'nde.” Tanga jñò, nguijo-là xita chijé titsa'nè.

¹⁸ K'e nga kii'nchré jña xita sko-là nò'mi kò xita xi okóya kjotixoma-là Nainá xi kiskii Moisés, tsohótsji'nde-là kós'in síjko nga síjk'en Jesús nga tsakjón-là. Koi kjoa-là nga jña kjotixoma xi okóya Jesús ndaa' tsò, kò jña xita xi 'nchré-là tà k'oaá ma-là 'én xi okóya.

¹⁹ K'e nga jye kòjñò, Jesús kò xita xi kota'yàt'aà-là itjojiin naxandá Jerusalén, xìn kii.

Mé xi komà-là jè yá toò iko xi tsjìn-là toò

(Mateo 21:20-22)

²⁰ K'e nga tajñòya nga koma nchijòn, ja l'jngò k'a ñánda síjna yá toò iko, kijtsee nga jye kixi yá kóhokji skanda i'mà-là.

²¹ Jè Pedro tsibítsjeèn-là koni kitsò Jesús. K'ée kitsò-là:

—Maestro, chítsejèn-là jè yá toò iko xi 'on kinokjoàkoi ngojña. Jye kixi.

²² Jesús kiichja; kitsò:

—Kàtakjeiin-nò jít'aà ts'e Nainá.

²³ Okixjí xi xan-nò, tsá yá xi kítso-là jè nindoò jè: “Tisixin; ján tikatjen-jiin yijo-lè ján jjiin ndáchikon.” Tsá mitsà tà jò tjín-là k'e nga okítso nga tjngò inima-là nga mokjeiin-là, k'oaá s'in koma.

²⁴ Koi kós'in xan-nò kóhótjión, k'e nga kítsi'ba-là Nainá, k'oaá s'in kàtakjeiin-nò koni tsá jye kitjoé-nò mé-ne nga tjoé-nò.

²⁵ K'e nga kinókoat'aà-là Nainá tijchàat'aà-là jé-là xinguiqo mé-ne jè Nà'èn-nò xi tjna jít'aà ngajmi síjchàat'aà-nò jé-nò xi tsajòn.

²⁶ Tanga tsá mikii síjchàat'aà-là jé-là xita xinguiqo tikoá mikii síjchàat'aà-nò Nà'èn-ná xi tjna ngajmi.

Kjotixoma-là Jesús

(Mateo 21:23-27; Lucas 20:1-8)

²⁷ Jesús ijchò l'jngò k'a Jerusalén. K'e nga tsó'ba ya nditsin ingo ítjòn, j'ii kinchat'aà-là jña xita sko-là nò'mi, kò xita xi okóya kjotixoma-là Nainá xi kiskii Moisés, kò xita jchínga;

²⁸ kiskónangui-là, kitsò-là:

—¿Mé kjotixoma xi tsjá'nde-lè koni s'in 'ni? ¿Yá xi kitsjaa-lè kjotixoma kjoa xi 'ni?

²⁹ Jesús kitsò-là:

—Tikoáá 'an jngò kjoa skónangui-nò. Kot'in-ná, koá 'an, k'oaá xán-nò yá xi kitsjaa-na kjotixoma koni s'in s'iaàn.

³⁰ ¿Yá xi kitsjaà-là kjotíxoma Juan nga kis'in bautizar xita? ¿A Nainá-né xi tjna ngajmi, o xi tà xita-né? Kot'in-ná.

³¹ Jñà xita koi, k'ée tsajoóya-ne, kitsò-là xíkjin:

—Tsà kixoán: “Nainá kitsjaà-là kjotíxoma”, kitsò-né: “¿Mé-ne mikii kòkjein-nò it'aà ts'e?”

³² Mi-la kii koma kixoán: “It'aà ts'e xita-né.”

Nga jñà xita naxandá tsakjón-là, koi-né nga jñà xita k'oaà tsò nga jè Juan, ngui kjoa kixi-né nga jè xi kùchja ngajo-là Nainá.

³³ K'ée kùchja, kitsò-là Jesús:

—Mikii 'ya-jen.

Jè Jesús kitsò-là:

—Tikoáá 'an mikii k'oa xán-nò yá xi kitsjaà-na kjotíxoma koni s'in s'iaàn.

12

Kjoa mangásòn ts'e xita xi tsibitje toò uva

(Mateo 21:33-46; Lucas 20:9-19)

¹ Tsibíts'ia Jesús nga tsibénjmiya kjoa xi mangásòn. Kitsò:

—Jngoò xita tsibitje toò uva, tsibíndi-là ínchibá, ikjoàn tsibíndaà jngoò i'nde ñánda tsi'ñongui nandá-là toò uva. Tikoá tsibíndaà jngoò torre xi síkinda yiye kóhotjín. Ikjoàn kisikiña-là nangui xita xi k'ejí nga kisixásòn. Ikjoàn kii jè nei-là nangui ñánda i'nde kjiin.

² K'e nga íchò nachrjein-là nga kòjchá toò uva, jè nei-là nangui kisikasén jngoò xita ch'i'nda-là nga kisijé-là xi jè tjoé chiba-là ts'e tsojmi xi kòjchá.

³ Tanga jñà xita xi síxásòn nangui kitsobá'ñó koa kiskaàn-ko, tà kisikasén tiyaá-ne.

⁴ Jè nei-là nangui kisikasén ijngoò xita ch'i'nda-là. Tikoáá tà ndajo tsibínè, tsate sko, kisiki'on ko ch'o kisiko.

⁵ Jè nei-là nangui ijngoò kisikasén xita ch'i'nda-là. Tikoáá kisik'en-né. Kjìn xita-là kisikasén-isa, tanga tjin xi kiskaàn-ko, koa tjin xi kisik'en.

⁶ 'Kò jè nei-là nangui tà jngoò xita-là tjna-isa; tà jè ki'ndí-là xi 'ñó matsjakeè kisikasén, kitsò: “Skoexkón-là ki'ndí-na.”

⁷ Tanga jñà xita xi síxájin nangui, tsajoóya-ne, kitsò-là xíkjin: “Jè jèè xi tjoé kjotjò-là i'nde, sik'eén, tsajan koma i'nde.”

⁸ Kitsobá'ñó, kisik'en, ikjoàn kisikatjen ján ijton nangui ñánda títje toò uva.

⁹ 'Jñò, ¿kó bixón? K'e nga kjoii nei-là nangui, ¿mé xi sjiko jñà xita koi? Sjik'en-né; k'ejí xitaá sjingatsja jè nangui ñánda tjin toò uva.

¹⁰ ¿A k'j'èè bixkejñòò Xojon-là Nainá? Tsò-né:

Jè ndajo xi tsachrjekàngui ch'jinechrjó nga sa ítjòn,

jè-né xi komà ndajo tàts'en chrjó-là ni'ya;

¹¹ K'oaá s'in kis'in Nainá. Jñà, tà maxkón-ná.

¹² Jñà xita sko-là no'mii, ko xita xi okóya kjotíxoma-là Nainá ko xita jchínga mejèn kitsobá'ñó Jesús nga kiskaàya-là jè kjoa xi mangásòn xi tsibénjmi nga kondra ts'e-né, tanga jñà kitsakjón-là xita naxandá; kisikjina, ikjoàn kii-ne.

Kjoa ts'e xi machitji tsojmi

(Mateo 22:15-22; Lucas 20:20-26)

¹³ Kisikasén i'nga-là Jesús xita Fariseo ko xita ts'e Herodes nga mejèn-là ótsji'nde-là kós'in sjiko nga kòhngui.

¹⁴ Xita koi, kii kitsò-là:

—Maestro, 'ya-nájen nga 'én kixí xi nokjoi; mikii 'ni kindá koni tsò-lè xita; ko mitsà jè chitsejèn-jnoi kó kjoàn xita; k'oaá s'in okoóyi ndiyá-là Nainá koni s'in tjin xi kjoa kixi. ¿A ndaà tjin nga kichjiti-jen tsojmi it'aà ts'e xitaxá ítjòn ts'e Roma, o xi majin-né? ¿A kichji-nájen a xi mikii kichji-jen?

¹⁵ Jesús jye beè nga jò tjin injima-là; kitsò-là:

—¿Mé-ne nga chonachán-ná? Nchrohóko jngoò-ná ton nga skoeè kó kji.

¹⁶ K'ée kii ko jngoò-là ton. Jesús kitsò-là:

—¿Yá ts'e isén jè ko jè 'in xi tjit'aà?

Kitsò-là:

—Ts'eé César, xitaxá ítjòn ts'e Roma.

¹⁷ K'ée kitsò Jesús:

—Tji-là César xi ts'e César koa tji-là Nainá xi ts'e Nainá.

Tà k'oaá koma-là nga kii'nchré koni kitsò Jesús.

Kjoa ts'e nga faáya-là mik'en

(Mateo 22:23-33; Lucas 20:27-40)

¹⁸ Jñà x̄it̄a Saduceo ijchòkon Jesús. Jñà x̄it̄a koi mìkii mokjeiín-là nga faáya-là xi jye k'en. Kiskònangui-là, kitsò-là:

¹⁹ —Maestro, jè Moisés, k'oaá s'ín kiskii: Tsà jngoò x̄it̄a xi kiyá 'ndse, tsà tsjìn-là ixti k'e nga kiyá, jè chjòón-là, t̄ijè-ne 'ndse kixan-ko jngoò k'a-ne mé-ne nga s'e-là ixti xi t̄je ts'e 'ndse.

²⁰ Kis'e xó jngoò k'a x̄it̄a xi itòò komà 'ndse. Jè xi s̄jna ítjòn, kis'e xó-là chjòón; tanga k'e nga k'en, mìkii kis'e-là ixti.

²¹ Jè xi ma jò-ne chixàn-ko chjòón ka'àn-là 'ndse. T̄jkoáá jè k'en. Mìkii kis'e-là ixti. K'oaá t̄j komà jè xi ma jàn-ne.

²² Ngásòn komà nga itòò. Njingoò xi kis'e-là ixti. Nga jye it'aà-ne k'en jè chjòón.

²³ K'e nga tsà kjoáya-là mik'en, nga itòò 'ndse, ¿yá-né xi chjòón-là koma? Nga jñà tsibitsajnakò nga itòò 'ndse.

²⁴ Kisikátji-ne 'én Jesús, kitsò-là:

—Jñò, koií maskáya-nò nga mìkii 'yaà kó s'ín t̄ichja Xojon-là Nainá ko nga'ñó xi t̄jín-là Nainá.

²⁵ K'e nga kjoáya-là mik'en, íchjín, íchjá mì t̄j kii kixan-ne. K'oaá s'ín s'e koni jñà àkjalé xi t̄itsajna ngajmii.

²⁶ Jè kjoá ts'e mik'en nga kjoáya-là, ¿a k'j'eè bixkejñòò xojon-là Moisés ya ñánda t̄ichja ts'e ya na'yá xi t̄iti? Nainá kitsò-là Moisés: “An-ná xi Nainá tsò-na Abraham, Isaac, ko Jacob.”

²⁷ Jñà xi jye k'en, mìtsà Nainá tsò-là xi Nainá; tà jñà xi t̄itsajnakon xi Nainá tsò-la! Jñò, 'ñó maskáya-nò.

Kjotixoma-là Nainá xi t̄jna ítjòn

(Mateo 22:34-40)

²⁸ Jngoò x̄it̄a xi okóya kjotixoma-là Nainá xi kiskii Moisés kii'nchré-là Jesús nga ndaà kiichja; k'e nga nchiòokjòò ijchò kasit'aà chrañà-là, ijkjoàn kiskònangui-là, kitsò-là:

—¿Ñá-laá kjotixoma-là Nainá xi t̄jna ítjòn?

²⁹ Kiichja Jesús, kitsò-là:

—Jè kjotixoma xi t̄jna ítjòn tsò-né: “T̄iná'yaà x̄it̄a Israel, jè Nainá xi Na'èn-ná, ta jè ta jngoò-né xi otixoma-ná.

³⁰ T̄jtsjachi Na'èn-ná xi Nainá 'mì-là, nga ko inìma-lè ko yijo-lè ko kjohitsjeèn-lè ko nga'ñó-lè.”

³¹ Jè xi ma-ne jò: “T̄jtsjachi x̄it̄a xinguii koni tsà t̄j yijo tsiji-ne.” Mì t̄j tsjìn-ne kjotixoma xi isa xkón t̄jín.

³² Jè x̄it̄a xi okóya kjotixoma-là Nainá kitsò:

—Ndaà t̄jín, Maestro. Okixi-né koni s'ín nokjoi. Jngoò ma-ne Nainá ko mì t̄j yá t̄jín-ne xi kj'ejí.

³³ Ìsa chjì-là nga ko inìma-ná jchaxkoán Nainá, ko kjohitsjeèn-ná ko nga'ñó-ná ko nga jchaxkoán xinguiáá koni tsà yijo-ná. Ìsaá chjì-là koni ngats'ii cho xi tsisòn inìma tsjeè-là Nainá, kjotjò xi tsjá jñà x̄it̄a.

³⁴ Jesús k'e nga kijtseè nga ndaà kiichja jè x̄it̄a xi okóya kjotixoma-là Nainá, kitsò-là:

—Mìtsà kjìin t̄jini it'aà ts'e kjondaà xi t̄jín-là jñà x̄it̄a xi Nainá otixoma-là.

Mì t̄j yá xi kjò'ñó-ne ikon nga kiskònangui-isa-là.

Ñánda kitjen-là Cristo [x̄it̄a xi xó sikikasén-ne Nainá]

(Mateo 22:41-46; Lucas 20:41-44)

³⁵ Jesús k'e nga t̄ihokóya ya nd̄itsin ingo ítjòn, kiskònangui-la, kitsò-là:

—¿Mé-ne kotsò-ne jñà x̄it̄a xi okóya kjotixoma-là Nainá xi kiskii Moisés nga jè xi Cristo, [x̄it̄a xi xó sikikasén-ne Nainá], nga yaá kjinchrobàt'aà-ne t̄je-là x̄itaxá ítjòn David?

³⁶ T̄ijè-ne David k'e nga kiichja nga ko nga'ñó-là inìma Tsjeè-là Nainá, kitsò-né:

Jè Nainá kitsò-là jè xi Nei-nà:

“T̄ijnat'aà-ná i kixi-na

skanda k'e nga sikitsajnanguia ndsokoii

jñà xi kondra-lè nga 'an jye kisikijne-là.”

³⁷ Jè David, tsà Nainá kitsò-là Cristo, [x̄it̄a xi xó sikikasén-ne Nainá], ¿kó s'ín t̄jín-ne nga t̄je-là ma-ne David?

Ngats'ii x̄it̄a xi kjìn ma-ne, tsja ma-là nga 'nchré-là Jesús koni s'ín okóya.

K'e nga jè Jesús tsohojé'in jñà x̄it̄a xi okóya kjotixoma-là Nainá xi kiskii Moisés

(Mateo 23:1-36; Lucas 11:37-54; 20:45-47)

³⁸ Jesús k'oaá s'ín tsakóya-là x̄it̄a. Kitsò-là:

—T̄jkindaa yijo-nò it'aà ts'e x̄it̄a xi okóya kjotixoma-là Nainá xi kiskii Moisés. Sasén-là nga nikje ndojò ókjá. T̄jkoáá sasén-là nga skoexkón x̄it̄a xi kj'ejí, ndaà s̄ixat'aà ya nd̄itsin.

³⁹ Tikoaaá jñà ótsji íxile xi jncha ítjòn ya ni'ya ingo sinagoga, ko mejèn-la nga jñà kítsat'aà ítjòn ímíxa k'e nga kjàn xíta ñánda tjin s'eí.

⁴⁰ Koa faá'an ni'ya-la xi tjin-la íchjin ka'àn xi jye k'en x'in-la. K'e nga chjat'aà-la Nainá 'ñó ndajo fiko ochikon nga mejèn-la nga bitsajna'ma nga mi jcha-la mé kjoa xi s'in. Jñà xíta koi isaá tse kjo'in s'e-la.

Ton xi kitsjaa kjo'tjo chjoón ka'àn xi 'ñó ima
(Lucas 21:1-4)

⁴¹ Jesús tsibijna ya kixi-la ñánda tjna kaxa xi sinchá ton kjo'tjo-la Nainá. Tíkotsejèn-la xíta naxandá nga bitsajna ton kjo'tjo-la Nainá. Kjin xíta nchiná xi tse ton bitsajna.

⁴² Íjchò ingoo chjoón ka'àn xi 'ñó ima. Jò ndí ton jtobá tsibijna xi chiba chji-la.

⁴³ Jesús kíichja-la xíta xi kota'yat'aà-la, kitsò-la:

—K'oaá xan-nò xi ngui okixi, jè chjoón ka'àn xi 'ñó ima, jè xi isaá tse ton kóbijna mi k'oaá-ne koni jñà xíta xi i'nga.

⁴⁴ Tà jè tsjá xi ningui-la tanga jè ndí chjoón ima, nas'in nimé tjin-la, ingoo k'a kátsjá yije ngats'ií ndí ton xi tjna-la xi tísichá-ne yijo-la.

13

K'e nga jè Jesús tsibenojmi nga kixoña ingo ítjòn
(Mateo 24:1-2; Lucas 21:5-6)

¹ K'e nga ítjo-ne nditsin ingo ítjòn, Jesús, ingoo xíta xi kota'yat'aà-la kitsò-la:

—Maestro, chítsejèn-la mé tà ndaà kjoàn ni'ya ko ndajo-la.

² Kitsò Jesús:

—Chítsejèn-la ngats'ií ni'ya koi xi i kjoàn. Nii tí ingoo ndajo siyijòsòn-la xikjín. Kixoña yije-né kóhótjin.

Mé seña xi s'e k'e nga nchrohómachraña nga kjoehet'aà isò'nde
(Mateo 24:3-28; Lucas 21:7-24; 17:22-24)

³ Jesús, k'e nga tjna ya nindoó Yá Olivo ya kixi-la Ingo ítjòn ts'e Jerusalén, jè Pedro, Jacobo, Juan ko Andrés, íjchò kinchat'aà-la Jesús, kiskònanguit'aàxin-la kitsò-la:

⁴ —Koa'tin-nájen, ¿mé nachejreine nga okoma kjoa koi? ¿Mé seña xi s'e k'e nga jye mejèn kítasòn yije kjoa koi?

⁵ Kíichja Jesús, kitsò-la:

—Tikindaa yijo-nò nga mi yá xíta xi skónachan-nò.

⁶ Kjin xíta kjoíí xi 'in ts'an síkjeén; kítso: “An-ná xi Cristo, [nga 'aán kíkikásen-na Nainá].” Ko kjin xíta skónachan-la.

⁷ 'Jñò, k'e nga kíná'ya kjoa ts'e kjojchán nga xki xi ján i'nde tjin, ki tsakjoòn-jèn. Xó k'oaá koma-ne, tanga kje'e tsá isò'nde tífehét'aà.

⁸ Naxandá skaàn-kjoò xi kje'íí naxandá. Koa xítaxá koiits'ia nga skaàn-kjoò ko xítaxá xi kje'íí naxandá. Xki xi ján k'oa ch'ón. S'e kjinchrá. S'e kjoasií. Jñà kjoa koi, tà jè xi sa tímats'ia ko kjo'in.

⁹ 'Ndaà tikindaa yijo-nò nga yaá skínit'aà-nò nguixkon xítaxá. Síki'oón-nó nga skaàn-ko-nò xíta ya ni'ya ingo sinagoga. Kjikò-nò nguixkon xítaxá gobernador ko xítaxá ítjòn, tà koi kjoa-la it'aà ts'an. K'oaá s'in koma kínókjoa-là 'én xi ts'an.

¹⁰ Mochjeén-ne nga ítjòn kóbisòn 'én ndaà-la Nainá xi kjoa ts'e Cristo nga títsa isò'nde.

¹¹ K'e kjjchò nguixkon xítaxá, ki makájno-nò kós'in kínókjoa. Ki níksjeén-jèn. Nga tik'e'é-ne, Nainá tsjá-nò 'én xi kínókjoa. Nga mítsà jñò xi kínókjoa; jè Iníma Tsjeé-la Nainá xi kichja ngajo-nò.

¹² Tije-ne 'ndse síngatsja 'ndse xíta nga sík'en. Jè na'én-la síngatsja ki'ndí-la nga sík'en xíta. Jñà íxti-la síngatsja na'én-la nga kiyá.

¹³ Ngats'ií xíta isò'nde koiitikeé-nò xi kjoa ts'an; tanga jè xi kichikjoa-la skanda k'e nga kjoehet'aà-ne kjoa, jè xi kítjokájjin kjo'in.

¹⁴ K'e nga jcha nga 'ñó ch'o tíma ya i'nde Tsjeé-la Nainá ñánda míkíí ok'in-la, [koni s'in kiskíí Daniel xíta xi kíichja ngajo-la Nainá]. (Kátasíjín-la jñà xíta xi bíxke xojoñ jé.) K'e nga okoma kjoa koi, jñà xíta xi títsajna Judea, kátanga, kátji ñánda nindoó choòn.

¹⁵ Jè xi tínasò'nga ni'ya-la, ki tí kii nchrobájen-ne, ki tí kii fahas'en-ne ni'ya-la tsà mé xi mejèn-la nga skoé.

¹⁶ Jè xi tísixájín nangui-la ki tí ki nchrobá-ne nga nchrohókjá níkke-la.

¹⁷ Ima xó-ne jñà íchjin xi ki'ndí 'ya ko xi íxti xó nchisikaki jñà nachejreine koi!

¹⁸ Tíjé't'aà-la Nainá nga mi k'eé okoma k'e nga nachejreine-la chon 'nchán.

¹⁹ K'e nga jè nachejreine nga okoma, 'ñó tse kjo'in s'e, kje'e ñá oma skanda tje-ne tsibínda isò'nde Nainá koa mi tí kii okoma-ne nga koma ískan.

²⁰Tsà mè k'oaá kítsò Nainá nga ìsà kòchiba nàchrjein, nùjngòò xítà kítjokàjìin k'jò'in. Tànga koií kjoa-là jñà xítà xi xó jaàjìin-ne Nainá, kòchibaya nàchrjein.

²¹K'e nga tsà yá xi kítsò-nò: "Chítsejèn-là, íf tìjna Cristo [xítà xi xó kisikasén-ne Nainá]", o tsà kítsò-nò: "Chítsejèn-là, ján tìjna ján", kì kù mokjeiín-nò.

²²K'joií xítà ndiso xi Cristo kítsò-là yijo-là, tìkooá k'joií xítà xi koo ti kítsò nga jñà xi chja ngajo-là Nainá. K'oaá tís'in kòkò seña kò k'jòxkón xi ndaa tìjn nga skónachan. Skanda jñà xítà xi jye jaàjìin Nainá mejèn skónachan-là tsà kòkjeiín-là.

²³Tìkindaa yijo-nò. Nga jyeé tìbenojmíya yije-nò ngats'ií kjoa xi koma jskan.

*K'e nga k'joií jngòò k'a Kì'ndí-là Xítà
(Mateo 24:29-35, 42-44; Lucas 21:25-36)*

²⁴K'e nga koma jskan nga jye koto nàchrjein ts'e k'jò'in, jè ts'oi kòjñò-né, mì tì kù kòtsjè-ne ndobá-là; tìkooá jè sá mì tì kù kòhiseèn-ne.

²⁵Ni'ño xi tìjn ngajmii, kixongui-né. Jñà nga'ño xi tìjn ngajmii kítíya yijeé-là.

²⁶Ikjoàn skoe-na xítà xi Kì'ndí-là Xítà xan-là yijo-na nga k'jinchrobájàa jìiin ifi; tséé nga'ño kò kjoajeya k'joiíkoaa.

²⁷Sìikasén àkjalè-nà nga k'jòixkóya xítà-na xi 'an xó jaàjìin-na nga ñijòn chrjangui-là nga tìjtsa isò'nde kò nga tìjtsa ngajmii.

²⁸Chíta'yàkòò jè yá-là toò iko mé xi okóya-ná; k'e nga ma kíndíya chrja-là, ikjoàn bíjts'én xka-là, tìjìin-nò nga jye nchróbá machraña chon ndobá.

²⁹K'oaá tís'in tìjn, k'e nga jchaa nga k'oas'in tìma kjoa koi, kàtasijìin-nò nga 'an xi Kì'ndí-là Xítà xan-là yijo-na, jyeé nìton kjoiaa, k'oaá ngaya-là koni tsà jye tìjna chraña xotjoa-là ni'ya.

³⁰Okixíjì xi xan-nò, ngats'ií kjoa koi, k'oas'in koma k'e nga tìk'èè biyaá xítà xi tìjn nàchrjein j'ndeí.

³¹Jè ngajmii kò isò'nde kjoehet'aà-né, tanga jñà 'én-na mìkii kjoehet'aà; kítasòn-né.

³²Tànga k'e nga okoma, mì yá xi tìjìin-là mé nàchrjein-ne kò mé hora-ne; nì jñà àkjalè xi tìtsajna ngajmii kò nì jè Kì'ndí-là Nainá tìjìin-là; tajngòò Nainá xi Na'én-ná tìjìin-là.

³³T'een kindá yijo-nò, tìtsajnakon, tìtsi'ba nga mìkii tìjìin-nò k'jé-né nga okoma.

³⁴K'oaá s'in t'een koni s'in ch'í'nda-là xítà xi k'jiiin j'nde tifi, jè xítà xi tifi síngatsja ni'ya-là xítà ch'í'nda-là. Tsjá-là xá nga jngòò jngòò, tsò-là jè xi síkindá xotjoa ni'ya: "Tìjní, tìjnakoin."

³⁵K'oaá s'in tìtsajnakoon ngats'ioò nga mìkii 'yaá mé nàchrjein k'joií-ne nei-là ni'ya. ¿A k'eé-nè nga k'jòhoxòn, o xi k'eé-nè nga k'jichò osen nìtjen, o xi k'eé-nè nga skìndàya kòxtí, o xi k'eé-né nga jye s'e isén?

³⁶Kì tsjayìjòfè-jèn tsà koi nàchrjein-là tà nìton j'ii-ne nei-là ni'ya.

³⁷Koni s'in xan-nò jñò, k'oaá xan yije-là kòhotjín xítà: "Tìtsajnakoon."

14

*Kìs'in tsajoóya-ne xítà kondra-là Jesús nga tsoba'ño
(Mateo 26:1-5; Lucas 22:1-2; Juan 11:45-53)*

¹Tà jò nàchrjein chija-là nga kítjo s'eí Paxkò ts'e xítà judío k'e nga k'jèn inchrájín xi tsjìin-là na'yo san. Jñà xítà sko-là nò'mii kò xítà xi okóya k'jotuxoma-là Nainá xi kiskii Moisés tsohòtsji'nde-là kòs'in s'ìkò nga skónachan-là nga tsoba'ño Jesús, ikjoàn s'ìk'en.

²Tjín i'nga xítà xi kítsò:

—Mì nàchrjein-là s'eí s'ik'eén nga mì kòts'en jñà xítà naxandá.

*Jngòò chjoón xi kisikáajno xkii jne sko Jesús
(Mateo 26:6-13; Juan 12:1-8)*

³Jesús, k'e nga tìjna ján naxandá Betania, ya ni'ya-là Simón, jngòò xítà xi tsindojno chrjoa yijo-là nga sà itjòn, k'e nga tìjnat'aà ímíxa, ijchò jngòò chjoón xi 'ya jngòò ndajo chitsín xi tjiya-là xkii jne ts'e nardo, xi 'ño ch'í-là. Kiskix'a ndajo chitsín, ikjoàn tsibixteèn-jno sko Jesús jè xkii jne.

⁴Tjín i'nga xítà xi ya tìtsajna, kòjti-là, kítsò-là xíkjín:

—¿Mé-ne kasikits'ón-ne jè xkii jne?

⁵Tsà kàsátjina, tsatoó-là ján sindò tòn denario ch'í-là koo jè tòn-là koma kòchját'aà-là xítà ima.

Kùichajno-là jè chjoón xi okis'ìn.

⁶Tànga kítsò Jesús:

—Kì k'oaá 'mì-là. ¿Mé-ne nìjti-là? Koni s'in kàs'in-kò-na, ndaa kàs'in.

⁷Jñà xítà ima kìtsajnakò k'jít'aà-nò, kò maá s'ichját'aà-là k'e nga mejèn-nò. Tànga 'an, mì jì tìjnakò k'jít'aà-nò.

⁸Jè chjoón jè, k'oaá s'in kàs'in koni kji ma xi kàs'in. Kàsikaajno itjòn xkii jne yijo-na xi ts'e nga s'ijñaà.

⁹ Okixíí xi xan-nò, n̄ta ñánda-ne nga t̄jtsa isò'nde nga kobísòn 'én ndaà-là Nainá, t̄ikoáá kobísòn-né koni s'ín kasikò-na mé-ne nga s̄j̄k̄tsjeèn-ne x̄t̄a it'aà ts'e chjón jè.

*K'e nga jè Judas tsat̄jna Jesús
(Mateo 26:14-16; Lucas 22:3-6)*

¹⁰ Jè Judas Iscariote xi ya itjoiin-ne ts'e x̄t̄a xi tejò ma-ne xi tsajmeiikò Jesús, kiikon j̄n̄a x̄t̄a skò-là nò'miì nga s̄j̄ngatsja Jesús.

¹¹ J̄n̄a x̄t̄a skò-là nò'miì, k'e nga k̄iì'nchré, kjòtsja-là, kitsjaà-là tso'ba nga t̄on tsjá-là. Jè Judas tsohòtsji'nde-là kòs'ín s̄j̄ngatsja Jesús.

*K'e nga jè Jesús tsakjèn kò x̄t̄a xi kota'yàt'aà-là jè s'eí Paxkò
(Mateo 26:17-29; Lucas 22:7-23; Juan 13:21-30; 1 Corintios 11:23-26)*

¹² Jè nachrjein ts'e s'eí xi mats'ia itjòn-ne k'e nga kjèn inchrain xi tsjìn-là na'yo san j̄n̄a x̄t̄a judío, k'e nga sik'en orrè xi ts'e s'eí Paxkò, j̄n̄a x̄t̄a xi kota'yàt'aà-là Jesús kiskònangui-là; kitsò-là:

—¿Ñánda mejèn-lè onguíkindaà-jen xi kichiaá ts'e s'eí Paxkò?

¹³ Jesús kisikasén jò x̄t̄a xi kota'yàt'aà-là ján Jerusalén, kitsò-là:

—Tanguiò ján j̄iìn naxandá, yaá skaj̄nòò jngòò x̄t̄a xi 'yajen jngòò nisa nandá; tanguitjngui-là.

¹⁴ Ya ñánda kjoahas'en, koat̄in-là nei-là ni'ya: “K'oáá tsò Maestro: ¿Ñánda t̄jna jè cuarto ñánda kókjen-koáa x̄t̄a xi kota'yàt'aà-na jè s'eí Paxkò?”

¹⁵ Yaá kòkò jngòò-nò cuarto xi je k̄ji xi t̄jna isò'nga ni'ya. Jyee t̄jndaà tsojmi xi kochjeén. Ya t̄indaà xi kichiaá.

¹⁶ K̄iì j̄n̄a x̄t̄a xi kota'yàt'aà-là ján j̄iìn naxandá. K'oáá s'ín kisakò-là koni s'ín kitsò-là Jesús, yaá tsibindaà tsojmi xi kókjen kjoa ts'e s'eí Paxkò.

¹⁷ K'e nga jye kòj̄nò, Jesús, ijchòkò x̄t̄a-là xi tejò ma-ne.

¹⁸ K'e nga t̄tsajnat'aà im̄ix̄a nga nchikjèn, Jesús kitsò-là:

—Okixíí xi xan-nò, j̄n̄o, j̄i t̄ijnaj̄in jngòò-nò xi s̄j̄ngatsja-na it'aà ts'e x̄t̄a kondra-na, jngòò xi 'an t̄ikjèn-kò-na.

¹⁹ J̄n̄a x̄t̄a xi kota'yàt'aà-là Jesús ta kjòba-là k'e nga okitsò. K'eé jngó jngó kiskònangui-là, kitsò-là:

—¿A 'an-ná?

²⁰ Jesús kitsò:

—Jngòò xi k̄t̄jokaj̄iìn ts'e x̄t̄a-na xi tejò ma-ne jè xi t̄jè-ne chrob̄a ts'an t̄isika'nchi-ne inchrain-là.

²¹ An xi K̄i'ndí-là X̄t̄a xan-là yijo-na, k'oáá s'ín komat'ian koni s'ín t̄ichja Xojon-là Nainá. T̄tanga im̄a xó-ne jè x̄t̄a xi s̄j̄ngatsja-na! Isáá-là ndaà komà tsà mikii kits'ìin x̄t̄a jè.

²² K'e nga nchikjèn, Jesús kiskoé inchrain, kiichjat'aà-là Nainá nga kisichikon-t'ín, kisixkoaya ikjoàn kitsjaà-là x̄t̄a xi kota'yàt'aà-là, kitsò-là:

—Chjoé. Yijo-na né.

²³ Ikjoàn kiskoé jngòò ch̄tsín, kitsjaà-là kjondaà Nainá; k'eé kitsjaà-là x̄t̄a xi kota'yàt'aà-là, ngats'ìi x̄t̄a kits'ìi vino xi t̄jya ch̄tsín.

²⁴ Kitsò-là:

—Jè-né xi jn̄i-n̄a xi s̄j̄kixiya jè kjoa x̄t̄se xi bindaaj̄iìn-kò-nò. Jè jn̄i-n̄a x̄ixteèn xi kjondaà ts'e nga k̄j̄in x̄t̄a.

²⁵ Okixíí xi xan-nò, mù t̄i k̄iì sk̄i-na vino skanda jè nachrjein k'e nga skiaa vino x̄t̄se, ján ñánda t̄ihotixoma Nainá.

*'Én xi kiichja Jesús nga jè Pedro k̄j'omat'in
(Mateo 26:30-35; Lucas 22:31-34; Juan 13:36-38)*

²⁶ Jesús kò x̄t̄a-là, k'e nga jye kiseé jngòò-là sò Nainá ts'e Salmo, ikjoàn k̄iì ján nindoò Yá Olivo.

²⁷ Jesús kitsò-là x̄t̄a xi kota'yàt'aà-là:

—Ngats'ioò j̄n̄o, k̄j̄ineí takòn-ná jè n̄itjen jè, nga k'oáá s'ín t̄ichja Xojon-là Nainá, nga tsò: “Kiyá jè paxtò koa j̄n̄a orrè tsjohoya-né.”

²⁸ Tanga koma iskan, k'e nga kjoaáya-na, k̄j̄in itjòn-nò ján nangui Galilea.

²⁹ Kitsò Pedro:

—Nas'ín ngats'ìi x̄t̄a-lè xi i'nga tsjeiìn takòn-lè, 'an, mikii tsjeiìn-takòn-lè.

³⁰ Jesús kitsò-là:

—Okixíí xi xan-lè; n̄itjen jè, k'e nga t̄ikj'eé kjindáya jò k'a kóxti, ngaj̄i, ján k'a tsjá'mat'in-ná.

³¹ Jè Pedro is̄a 'ñó kiichja; kitsò:

—Nas'ín ya k̄jyáko-lè, mikii kójn̄a'mat'in-lè.

Ngásòn kitsò yije x̄t̄a xi kota'yàt'aà-là xi i'nga.

Kii kitsò Jesús nga tsibítsi'ba ya i'nde ñánda 'mì Getsemani
(Mateo 26:36-46; Lucas 22:39-46)

³² Kii ján i'nde ñánda 'mì Getsemani; Jesús kitsò-la xíta xi kota'yàt'aà-la:
—Títsajna ijndé; 'an, Nainá kò-la kichjät'aà-la.

³³ Jesús kiikò Pedro, Jacobo, kò Juan. Ikjoàn tsibítsi'ia Jesús nga ba koma-la. 'Nó kisikájno.
³⁴ K'eé kitsò Jesús:

—Tsí baá ma-la iníma-na koni tsà mejèn kiyá. Títsajna ijndé, titsajnaakoòn.

³⁵ Jesús kiikjá chiba-isa. Ikjoàn tsohojna skanda it'aà nangui koa kisijét'aà-la Nainá tsà koma, kjoaáxin-la kjo'in jè.

³⁶ K'e nga tíchjät'aà-la Nainá, kitsò-la:

—Na'èn xi Na'èn-na xan-lè, ma yijeé-lè níta mé kjoa-ne it'aà tsiji. Chjaàxin-ná kjoa ts'e kjo'in jè, tanga mìtsà jè 'én ts'an kítasòn, jè kàttasòn 'én tsiji.

³⁷ Ikjoàn j'ii lingoò k'a-ne ya ñánda titsajna xíta-la, tanga jña xíta-la, kjiyijòfè-né. Jesús kitsò-la Pedro:

—Simón, ¿a titsajnafè-né? ¿A mì kachíkjoa-lè tsà tà jngoò hora kòbijnakoin?

³⁸ Títsajnaakoòn, tíjèt'aà-la Nainá mé-ne nga mì sùikijne-nò kjoa ts'e jé. Xi okixi, jè iníma-nò tijnandaà-né tanga jè yijo-nò, indaa tjin, tsjin-la nga'ñó.

³⁹ Jesús kii kítisi'ba lingoò k'a. Táko k'oaá tì kitsò-ne koni kitsò nga sa ítjòn.

⁴⁰ K'e nga j'ii lingoò k'a-ne, jña xíta xi kota'yàt'aà-la, táko kjiyijòfè-né nga 'ñó nijña-la. Mikii beé kó kitsò-la Jesús.

⁴¹ Koma jàn k'a nga j'ii Jesús. Kitsò-la:

—¿A táko titsanikjáya-nò kò titsafè-nò? Kàtje kjoa. Jyeé ijchò hora-la, 'an xi Ki'ndí-la Xíta xan-la yijo-na, yaá kongatsja jña xíta jé.

⁴² Tisitjeen, chítsejen-là, tikjaán, jye nchrobá chraña jè xi sùingatsja-na.

Kii komà k'e nga kindobà'ño Jesús

(Mateo 26:47-56; Lucas 22:47-53; Juan 18:2-11)

⁴³ Táko tìk'eé tíchja-isa Jesús nga ijchò Judas, xi ya itjojin-ne ts'e xíta-la Jesús xi tejò ma-ne. Kjin xíta tjikò xi 'ya kichá ndojò kò yá. Xíta koi, jña kisikasén xíta sko-la nò'mii kò xíta xi okóya kjotixoma-la Nainá xi kiskii Moisés kò xíta jchínga-la xíta judío.

⁴⁴ Judas, jè xi tsatjna Jesús, ítjòn tsibíhichiya-la kós'in kokò-la Jesús. Kitsò-la:

—Jè xi skíne'a, jè-né xi tndobá'ño; ndaa tìkindaa k'e nga onguikò.

⁴⁵ K'e nga ijchò Judas, kii ndiyá-né ñánda tjna Jesús, kitsò-la:

—Maestro.

Ikjoàn kiskine'a.

⁴⁶ Jña xíta xi tjikò, nitoón kitsobà'ño Jesús.

⁴⁷ Yaá tjna jngoò xíta xi tsachrje kichá ndojò-la. Tsajá-la jè xíta chí'nda-la nò'mii ítjòn, tsatet'aà jngoò líká-la.

⁴⁸ Jesús kiichja, kitsò-la jña xíta:

—¿Mé-ne kos'in kof'j ndobà'ño-ná nga kò kichá kò yá kich'a koni tsà jngoò xíta chíjé?

⁴⁹ Nachrjein nchjòn tjna kò-nò ján jngo ítjòn nga okoóya-nò koa mikii kindobà'ño-ná. Koií k'oaá s'in tíma-ne nga kítasòn 'én xi tjt'aà Xojon-la Nainá.

⁵⁰ Ngats'ii xíta xi kota'yàt'aà-la Jesús tsanga-né, yaá kitsjein-takòn.

⁵¹ Jngoò chíti tjingui-la xi tijnaté jngoò nikje sávana. Jña xíta kitsobà'ño,

⁵² tanga jè chíti kitsjein nikje sávana-la; ikjoàn k'oaá s'in tsanga laká.

K'e nga kiikò Jesús ñánda tjna nò'mii ítjòn

(Mateo 26:57-68; Lucas 22:54-55, 63-71; Juan 18:12-14, 19-24)

⁵³ Jesús kiikò ñánda tjna nò'mii ítjòn. Yaá chixoña kóhojtjn xíta sko-la nò'mii, jña xíta jchínga, kò xi okóya kjotixoma-la Nainá xi kiskii Moisés.

⁵⁴ Jè Pedro, tà kjiin tà kjiin tsajmeétjngui-la skanda k'e nga ijchò ya ndítsin ni'ya-la nò'mii ítjòn. Yaá tsibínat'aà-la ñánda titsajna xíta chí'nda xi sikinda jngo nga titsajna'ngui.

⁵⁵ Jña xíta sko-la nò'mii kò ngats'ii xítaxá xi ts'e xíta judío tsohótsji'nde-la nga tsját'in 'én xi kondra ts'e Jesús mé-ne nga koma sijk'en-ne tanga nimé 'én kisakò-la.

⁵⁶ Kjin ma xíta xi tsját'in 'én ndiso xi kondra ts'e Jesús tanga k'ejí tsò nga jngoò jngoò; mikii mangásòn 'én xi tsját'in.

⁵⁷ Chíncha kixi i'nga xíta xi tsibénojmi 'én ndiso. Kitsò:

⁵⁸ —Ngajen, kina'yà-lajen nga tsò: "An siikixoña jngo ítjòn xi tsja xíta kisindaà-ne, kò jàn nachrjein kindaa jngoò-na xi mìtsà tsja xíta sindaa-ne."

⁵⁹ Nj mikii kjóngásòn 'én-la nas'in okitsò.

⁶⁰ K'eé tsasítjen jè nò'mii ítjòn; tsasijnajin osen-la; kiskònangui-la Jesús, kitsò-la:

—¿A ni mé 'én nokjoi, koni tsò 'én xi tsját xíta koi xi kondra tsiji?

61 Tanga jè Jesús jyò tsibìjna, ñimé 'én kiìchja. Jè nò'mùì íjtòn ìjngòò k'a kiskònangui-là, kitsò-là:

—¿A jì-né xi Cristo, xi Ki'ndí-là Nainá xi 'nó jeya tíjna?

62 Jesús kitsò:

—An-ná, jñò jchà-ná xi Ki'ndí-là Xìtá xan-là yijo-nà nga kótijnat'aà chrja kixi-là Nainá xi 'nó tse nga 'nó tjín-là, koa kjinchrobàjñàà ifi ján ngajmùì.

63 Jè nò'mùì íjtòn tsatijnadajno yijo-là níkje-là xi íkjá nga 'nó kòjti-là. Kitsò:

—¿Mé s'èén-isa-ná xítá xi k'ejí xi tsjá 'én?

64 Jñá, jye titsana'yá koni s'ín chajjno-là Nainá. ¿Jñò, kó bixón? ¿Mé xi sikoáá?

Ngats'ìi xítá kisijngòò ikon nga tjín-là jé koa ok'ín-là nga kiyá.

—Ok'ín-là nga sik'en.

65 Jñá xítá tsibíts'ia nga tsibíchrájno koa tsibíchjoa xkon, tsi'beé-là, kitsò-là:

—K'oaá sí, ¿yá xi tí'beé-lè?

Jñá xítá xi síkínda ìjngò, kisíjts'ìin-'a ìsén-là.

K'e nga jè Pedro tsibijna'mat'in Jesús

(Mateo 26:69-75; Lucas 22:56-62; Juan 18:15-18, 25-29)

66 Jè Pedro yaá tíjna kangui ndjitsin ni'ya. Ijchò jngòò chjoón xi chí'nda-là nò'mùì íjtòn.

67 K'e nga kijtsee Pedro, nga tíjna'ngui, kiskoòtsejèn-jno, kitsò-là:

—Tjkoáá ngaji, yaá tjaakoji Jesús xi Nazaret j'nde-là.

68 Tanga jè Pedro tsoho'mat'in-né. Kitsò:

—Mikìlì bexkoan. Mikìlì be mé 'én xi tinokjoi.

Pedro itjo ni'ya ján xotjoa-là. K'eé kiskindàya jngòò kóxtí.

69 Jè chjoón chí'nda-là nò'mùì íjtòn kijtsee ìjngòò k'a jè Pedro. Kitsò-là jñá xítá xi ya títsajna:

—Jè xítá jè, xítá ts'eé Jesús.

70 Tanga jè Pedro tsoho'mat'in ìjngòò k'a. Nga koma jskan, jñá xítá xi ya títsajna, ìjngòò k'a kitsò-là Pedro:

—Xi okixi, ngaji, xítá-là Jesús-né nga Galilea j'nde-lè, k'oaá tsò 'én-lè xi nokjoi.

71 Tanga isaá 'nó kiìchja Pedro kitsò:

—jBeé Nainá, nas'ín tik'eèn-ná, mikìlì bexkoan jè xítá xi o'mì-là!

72 Tik'e-ne nga okitsò Pedro, jè xi ma-ne jò k'a kiskindàya kóxtí. K'eé tsibítsjeèn-là Pedro koni kitsò-là Jesús: "K'e tik'j'eé kjindàya jò k'a kóxtí, ngaji, jàn k'a tsjá'mat'in-ná." Ijkoàn ndaa jchán kiskindàya.

15

Kjoa xi komàt'in Jesús k'e nga kjòngatsja Pilato

(Mateo 27:1-2, 11-14; Lucas 23:1-5; Juan 18:28-38)

1 K'e nga kis'e isén jñá xítá skò-là nò'mùì kò xítá jchínga kò xítá xi okóya kjotíxoma-là Nainá xi kiskii Moisés kò ngats'ìi xítaxá ts'e xítá judío tsajoóya-ne. Tsibít'aà'nó Jesús, kiìkò, kisíngatsja jè Pilato.

2 Jè Pilato kiskònangui-là, kitsò-là:

—¿A jì-né xi xítaxá íjtòn-là jñá xítá judío?

Jesús kitsò:

—Ngajíí xi k'oa si nga 'an-ná.

3 Tanga jñá xítá skò-là nò'mùì, kjìn skaya 'én tjín-ne xi tsját'in nga óngui.

4 Pilato ìjngòò k'a kiskònangui-là, kitsò-là:

—¿A ñimé 'én nokjoi? Tíiná'yaà-là, 'nó kjìn skaya kjoa tsját'in-lè nga óngui-lè.

5 Jesús mikìlì kiìchja nas'ín koa tí'mì-là. Pilato, tà k'oaá komà-là.

K'e nga jè Jesús kitjoònè kjoa nga kiyá

(Mateo 27:15-31; Lucas 23:13-25; Juan 18:38-19:16)

6 Nga xkì nó k'e nga bitjo s'eí Paxkò jè Pilato síkíjnandeíí jngòò xítá xi títsa'ya ndayá, jè xi síjé xítá naxandá nga kijnandeíí.

7 Jñá xítá xi títsa'ya ndayá nga kjoasii tsohótsji ts'e gobierno, ya tíjna xi 'mì Barrabás xi xítá kisik'en.

8 Jñá xítá naxandá kiìkako Pilato nga mejèn-là koa s'ín síkitasòn koni ma nga xkì nó.

9 Kiìchja Pilato, kitsò:

—¿A mejèn-nò nga síkíjnandeíí-nò xi xítaxá íjtòn-là xítá judío?

10 Pilato jye tíjín-là nga tà kjoaxitakòn-né nga jñá xítá skò-là nò'mùì ya ijchò síngatsja Jesús.

11 Jñá xítá skò-là nò'mùì chinchá'a xítá naxandá nga kos'ín kátasíjé nga kátijnandeíí-ne Barrabás.

12 Pilato ìjngòò k'a kiskònangui-là xítá naxandá, kitsò-là:

—¿Mé xi sikoáá jè xi 'mì-là xítaxá íjtòn-là xítá judío?

13 Jñà x̄ita, 'ñó kiichja, kitsò:

—Tasit'ii krò.

14 K'eé kitsò Pilato:

—¿Mé jé xi tsohótsji, mé-ne kiyá-ne?

Jñà x̄ita, isaá 'ñó kiichja, kitsò:

—Tasit'ii krò.

15 Pilato mejèn-la nga ndaa kijnako x̄ita naḡandá. Kisikijnandeí Barrabás. K'e nga jye kitsjaà okixi nga tsajá-la Jesús, ikjoàn kisingatsja nga s̄it'aà krò.

16 Jñà soldado kiiko Jesús ján ni'ya osen. Ikjoàn kiichja yije-la soldado x̄ikjín.

17 Kisikákjá jngoò nikje xi inì jmà kji; tsibí'a sko jngoò corona na'yá xi jñà xó tsibíndaà-ne.

18 Ikjoàn tsibíts'ia nga kiskindáyat'in. Kitsò-la:

—Viva x̄itaxá ítjòn-la x̄ita judío.

19 Tsatji yá xkajnchra sko; ikjoàn tsibíchrájno koa chinchaxkó'nchit'aà-la koni tsà nchibeèxkón.

20 K'e nga jye kisisobà-la, jaàxìn-la nikje sko xi íkjá, ikjoàn kisikákjá-ne xi nikje ts'e. K'eé itjoko nga kqsit'aà krò.

K'e nga kisit'aà krò Jesús

(Mateo 27:32-44; Lucas 23:26-43; Juan 19:17-27)

21 Jngoò x̄ita kisatilkjoò xi 'mì Simón xi Cirene j'nde-la xi tínchrobá-ne rancho-la. Na'èn-laá ma jè Alejandro ko Rufo. Jñà soldado kjo'ño kis'ín-la nga kisik'ajen krò-la Jesús.

22 Kiiko Jesús ján j'nde ñánda 'mì Gólgota, jè 'én xi tsòya-ne j'nde sko mik'en.

23 Kitsjaà-la vino xi tsjájín xich'a tsja xi 'mì mirra tanga jè Jesús mikii kits'ii.

24 K'eé tsasit'aà krò, ikjoàn jñà soldado kisiskáko nikje-la Jesús nga kisika'bí-la x̄ikjín yá ts'e koma.

25 Ijchò-la tsà xi ñijaàn nga tajñòya nga kisasit'aà krò Jesús.

26 Jñà 'én xi tsohót'aà jsòn sko krò, yaá tichja mé jé xi komà-la Jesús nga kinik'en. Tsò-né: "X̄itaxá ítjòn-la x̄ita judío."

27 Tikoáá chinchat'aà krò jò x̄ita chijé. Jngoò tsasijnat'aà nga kixi-la Jesús ko jngoò tsasijnat'aà nga ngakón-la.

28 K'oáá s'ín kjóngásòn koni s'ín tichja Xojon-la Nainá nga tsò: "K'oáá ngaya-la koni jngoò x̄ita xi tse jé tjín-la."

29 Jñà x̄ita xi ya ja, sikatji sko nga kiichjajno-la, kitsò-la:

—Ji, k'oáá kisi nga s̄ixòñi jngo ítjòn-la Nainá ko jàn naḡhrjein kíndaà ngajo-ne,

30 t̄ikijnandeí yijo-lè ko chinájen-t'i yijo-lè krò.

31 K'oáá ts'ín kisisobà-la jñà x̄ita sko-la no'mi ko x̄ita xi okóya kjotixoma-la Nainá xi kiskii Moisés. Kitsò-la x̄ikjín:

—X̄ita jè, tsachrekájín kjo'in xi kj'eíj x̄ita, tanga jè xi yijo-la, mikii ma ochrekájín kjo'in.

32 Kàttjohen-t'aà krò jè xi Cristo, xi X̄itaxá ítjòn-la naḡandá Israel, mé-ne nga jchà-ná koa kójjeíin-ná.

Skanda jñà x̄ita xi t̄ikoá ya kjit'aà krò, t̄ikoáá tsatit'aà.

K'e nga k'en Jesús

(Mateo 27:45-56; Lucas 23:44-49; Juan 19:28-30)

33 K'e nga jye ijchò nchisen, kóhokji nga t̄jtsa jsò'nde kójñò skanda xi jàn nga nguixòn.

34 T̄ijè-ne hora Jesús 'ñó kiichja nga kitsò:

—Eloi, Eloi, ¿lama sabactani? —'Én jè tsòya-ne: Nainá, Nainá, ¿mé-ne kájneitakòn-ná?

35 T̄jín i'nga x̄ita xi ya t̄itsajna xi k̄i'nchré-la, kitsò:

—T̄iná'yaà-là, jè chja-la Elías.

36 K'eé tsangachikon jngoò xi kisika'nchi tsanga ko vinagre, ikjoàn tsibísko-la inaḡo, kitsjaà-la Jesús nga kàt'ii, kitsò:

—Chitsejèn-là, ¿a kjoíj Elías nga skónájen-t'aà krò?

37 Tanga Jesús isaá 'ñó kiskindáya; k'en.

38 Jè nikje velo xi t̄johóya jngoò osen jngo ítjòn kixajndá, jòya koma skanda it'aà nangui.

39 Jè x̄ita sko-la soldado xi sijna ñánda kisit'aà krò Jesús k'e nga kijtsee nga jye k'en Jesús, kitsò:

—Kixij kjoa, x̄ita jè, Ki'ndi-la Nainá-né.

40 T̄ikoá t̄itsajna i'nga íchjín xi kjìin nchikotsejèn-ne; jè María Magdalena, ko chjoón Salomé, ko María xi nea-la ma José ko Jacobo, jè xi isa ma ki'ndí.

41 Jñà íchjín koi, k'e nga tsibijna Galilea Jesús, yaá chinchima-t̄jngui-la ko yaá kisichját'aà-la. Kjín ma íchjín xi ya t̄itsajna xi ijchòko ján Jerusalén.

K'e nga kisihiijn Jesús

(Mateo 27:57-61; Lucas 23:50-56; Juan 19:38-42)

⁴² K'e nga jye kjònguixòn nga jye bitsajnaadaà-la nàchrjein nìkjáya.

⁴³ José xi Arimatea i'nde-la, jngoo xitá xi tikoá nga xá tjin-la ts'e xitaxá-la xitá judío xi tikoá tikoá-la nga mejèn-la skoé kó s'in otixoma Nainá, kitsjaà-la nga 'ño yijo-la, jahas'en ya ni'ya ñánda tjna Pilato nga kisiyé yijo-la Jesús.

⁴⁴ Pilato, tà k'oaa koma-la nga jye k'en Jesús; kiichja-la jè xitá sko-la soldado; kiskòngui-la tsà kixi kjoa nga jye k'en.

⁴⁵ K'e nga jye tsibénojmi jè xitá sko-la soldado nga jye k'en Jesús, Pilato kisingatsja José yijo-la Jesús.

⁴⁶ José tsatse jngoo nikje sávana; kiskójen-t'aà krò yijo-la Jesús; ikjoàn kiskájté jè nikje. K'eé kii kihijijn ñánda jye tjíndaà jngoo ngajo itsjó ingui nguijo; kiskinìs'en-ngui, ikjoàn tsohótsa xotjoa-la ngajo jngoo ndajo.

⁴⁷ María Magdalena kò María nea-la José, nchikotsejèn-la nga kisihiijn Jesús.

16

K'e nga jaáya-la Jesús

(Mateo 28:1-10; Lucas 24:1-12; Juan 20:1-10)

¹ K'e nga jye tsato nàchrjein nìkjáya, María Magdalena, Salomé, kò María nea-la Jacobo, tsatse xkii jne nga mejèn-la sikkaájno yijo-la Jesús.

² Jè nàchrjein nga tàts'en xomàna, 'ño tajñóya kii katsejèn-la ñánda kisihiijn Jesús. Tìk'eé tìbitjokàtji ts'oi.

³ Tsò-la xikjín:

—¿Yá xi kjoaáxin-ná ndajo xi tichjoàjto ya xotjoa-la ngajo itsjó?

⁴ K'e nga ijchò, kiskootsejèn, kijtsee nga jè ndajo je xi 'ño i'í xi tichjoàjto-la ngajo itsjó ñánda kisijna Jesús, jye kitjaàxin.

⁵ K'e nga jahas'en-ngui nguijo kijtsee jngoo xitá ixti xi tijnajé jngoo nikje chroba ndojò. Tijnat'aà kixi-la ngajo. Jña íchjín tà kitsakjòn-né.

⁶ Tanga jè xitá ixti kitsò-la:

—Kì tsakjoòn-jèn. Jñò, jè binchaàtsjioò Jesús xi Nazaret i'nde-la, jè xi kisi't'aà krò. Jye kòfaáya-la. Mì tì jì tjna-ne. Chitsejèn-là i'nde-la ñánda kisijna.

⁷ Tanguió koàtin-là xitá xi kota'yat'aà-la kò Pedro: “Jè tifi ítjòn-nò ján Galilea. Yaa jchaxkoòn ijngoo k'a koni s'in kitsò-nò.”

⁸ Jña íchjín, itjo nitoón-ne ya iya nguijo. Kii, tsangachikon. Chjba-la nchihotsé-né nga kitsakjòn. Niyá xi tsibénojmi-la nga 'ño tsibixkón-la yijo-la.

K'e nga jè María Magdalena kijtsee Jesús

(Juan 20:11-18)

⁹ Jè nàchrjein nga tàts'en xomàna, Jesús jaáya-la nga tajñóya. Jè kijtsee ítjòn María Magdalena, jè xi tsachrekàjijn itoo inima ch'o-la neij inima-la.

¹⁰ María Magdalena kii, kisi'kí'nchré ngats'iì xitá-la Jesús nga ba tjin-la koa nchikjindáya.

¹¹ Jña xitá xi kota'yat'aà-la, k'e nga kii'nchré nga tijnakon Jesús nga jè chjoón kijtsee, mikii kòkjeiin-la.

K'e nga jò xitá-la kijtsee Jesús

(Lucas 24:13-35)

¹² K'e komá iskan, Jesús, k'ejí kji isén-la k'e nga tsakó-la yijo-la jò xitá-la xi nchifi campo.

¹³ Tsohóti-ne jña xitá xi jò ma, kisi'kí'nchré jña xitá xi i'nga. Tikoáá mikii kòkjeiin-la.

Kii kitsò Jesús nga kitsjaà-la xá xitá xi kota'yat'aà-la

(Mateo 28:16-20; Lucas 24:36-49; Juan 20:19-23)

¹⁴ Xi jyehet'aà-ne, Jesús tsakó-la yijo-la jña xitá xi tejnngoo ma-ne k'e nga títajnat'aà imixa nga nchikjèn. Tsohótiko nga tájaà tjin inima-la nga mì kòkjeiin-la k'e nga tsibénojmi-la jña xitá xi tsakó ítjòn-la yijo-la nga jè jye jaáya-la.

¹⁵ Koa kitsò-la:

—Tanguió nga tjtisa isò'nde. Tènojmi yiye-là ngats'iì xitá jè 'én ndaa-la Nainá xi kjoa ts'an.

¹⁶ Jña xitá xi kòkjeiin-la it'aà ts'an koa koma bautizar, kítjokàjijn kjo'in. Tanga jña xi mikii kòkjeiin-la, kjo'ín s'e-la.

¹⁷ Jña xi kòkjeiin-la it'aà ts'an, k'oaa s'in jcha-la; nga koma-la kochrekàjijn inima ch'o-la neij xi tjin inima-la xitá; tikoáá koma-la kichja 'én xi k'ejí tsò;

¹⁸ tsà ye tsobá'ño, tsà xkii kjan skine, nime xi koma-la; kohòson-la tsja xitá xi xk'én, kondaà-ne.

K'è nga jè Jesús kùmjìn ngajmù

(Lucas 24:50-53)

¹⁹ K'è nga jye ọkítsò-là xítà xi kota'yàt'aà-là, Nà'èn-ná Jesús, kitjámiì'nga; nga kii ngajmù, tsibijna it'aà kixi-là Nainá.

²⁰ Jnà xítà-là kii; kisika'bí 'én ndaà-là nga kijndà j'nde, kọ jè Nà'èn-ná Jesús kisichját'aà-là kọ kisikixiyandaà 'én-là kọ kjondaà xi kis'iin xítà-là. K'oaá s'ín kátama.

'Én ndaà-la Nainá xi kjoa ts'e Cristo koni s'ín kiskii San Lucas

'Én xi kiskii-la Teófilo jè Lucas

¹ Kjoa kixi xi komá jjiin naxandá it'aa ts'e Cristo, jye kjin ma-ne xita xi kiskii chiba
² koni s'ín tsakóya-najen jña xita xi xkon kijtsee-ne skanda tats'en-la kjoa, tijná-ne xi kis'e-la xá nga kisika'bí 'én ndaà-la Nainá xi kjoa ts'e Cristo.

³ Ngaji Na'én Teófilo xi 'ño ndeè, tikoaa 'an, ndaà sasén-na nga tikji-lè xojon jè, koni s'ín tjin nga jngoò jngoò skoya kjoa; ndaà tsohotsji-jñaà yije skanda tisa tats'en-la kjoa

⁴ mé-ne nga isa ndaà jcha-ne kjoa kixi xi ngui kos'ín tjin, jña 'én xi k'oas'ín tsakóya-lè xita.

'Én xi kiihja jngoò àkjale-la Nainá nga iskan jts'ín Juan xi kis'iin bautizar xita

⁵ Koi nachrjein k'e nga jè tijná xitaxá itjòn Herodes ján nangui Judea, tijná jngoò nò'mii xi Zacarías 'mì xi tje-la ts'e Abías. Jè Zacarías tjin-la chjoón xi Elisabet 'mì xi tikoaa tje-la ts'e Aarón.

⁶ Jña ingajò, xita kixi-né nga nguixkon Nainá. Síkitasòn yije-né ngats'i kjoatixoma-la Nainá.

⁷ Tsjin-la ixti; jè Elisabet, chjoón 'ndi-né; ingajò, jyeé 'ño xita jchinga.

⁸ Jngoò nachrjein, jña xita nò'mii xi síxakjòò Zacarías, jña tsako-la nga kisixá nguixkon Nainá.

⁹ Koni s'ín tjin kjoatixoma xi ts'e nò'mii Israel, tsako-la suerte Zacarías nga jahas'en ni'ya tsjeè-la Nainá, ya iya jngo itjòn, nga jè koká chrjongó-la Nainá.

¹⁰ Jè hora k'e nga tì chrjongó-la Nainá ngats'i xita naxandá, yaá títajna nditsin nga nchichjat'aà-la Nainá.

¹¹ Jè Zacarías tsatsejèn jngoò-la àkjale-la Nainá xi síjna kixi ya ngobà kixi-la ñanda tìsòn chrjongó-la Nainá.

¹² Jè Zacarías k'e nga kijtsee, tà kjòxkón-la, tà kitsakjòn-né.

¹³ Tanga jè àkjale-la Nainá kitsò-la:

—Ngaji, Zacarías, kì tsakjòòn-jèn; jè kjoa bitsi'ba-lè jye kina'ya-la; jè chjoón-lè Elisabet, jts'ín jngoò-la k'ndi x'in; k'oaa s'ín kít'aà 'ín-la nga Juan k'oín.

¹⁴ 'Ñó s'e-lè kjotsja. Koi kjoa-la nga jè k'ndi xi jts'ín, kjin xita kjotsja-la.

¹⁵ Xita itjòn kijná nga nguixkon Nainá; mikii xán sk'oi nga xó k'oaa s'ín kítjaàjiiin-ne; Injima Tsjeè-la Nainá sjiiin injima-la skanda tük'e-ne nga tisa tijná'ya'ma indso'ba nea-la.

¹⁶ Xi it'aà ts'e, kjin xita naxandá Israel koófat'aà-la Nainá.

¹⁷ Jè kjoí itjòn-la Na'én-ná. Sjiiin injima-la nga'ño xi kisikjeèn jè Elías xita xi kiihja ngajo-la Nainá. Injima-la xita jchinga, 'nchán síkítsajnakò ixti-la. Jña xita xi tájaàjiiin tjin injima-la nga mikii síkitasòn, síkijatjya-la kjohitsjeèn-la mé-ne nga s'e-la kjoa chjine xi tjin-la xita kixi. K'oaa s'ín síkijijòndaà xita naxandá mé-ne nga kítsajndaà-ne k'e nga kjoí Na'én-ná.

¹⁸ Zacarías kitsò-la jè àkjale:

—¿Kó s'ín skoeè-na tsà kixi kjoa? 'An, jye 'ño xita jchinga; tikoaa chjoón-na jye tifehet'aà nachrjein-la.

¹⁹ Jè àkjale kitsò:

—'An-ná Gabriel xi tijná nguixkon Nainá; kisikasén-na nga kichjako-lè, tsjaà-lè 'én ndaà-la Nainá.

²⁰ Indeí, kijná chisín-né, mikii koma kinókojii skanda k'e nga kijchò nachrjein nga kítasòn 'én koi, koi kjoa-la nga mikii kòmokjeiin-lè 'én-na xi kàxan-lè.

²¹ Jña xita naxandá, nchikoña-la Zacarías. Kjòngui-la xikjín nga tífchrjein-la nga mikii xatí bitjo-ne ni'ya tsjeè-la Nainá.

²² K'e nga jye itjo-ne jyeé kjòchisín; m̀ tì kii ma chja-ne; jña xita xi nchikoña-la kis'e'ejin-la nga tjin kjoa xi kijtsee ya iya ni'ya tsjeè-la Nainá; Zacarías tà jmeé chisín-isa tsja. K'oaa s'ín tsibijna nga mikii komá kiihja.

²³ Zacarías, k'e nga jye kisisòn jña nachrjein nga kisikitasòn xá-la, kii-ne ni'ya-la.

²⁴ K'e nga komá iskan, jè chjoón Elisabet, k'ndi ts'a; 'on sá m̀ tì kii itjo-ne ni'ya-la. Kitsò:

²⁵ "K'oaa s'ín kisiko-na jè Nainá xi it'aà ts'an: kijtsee imaá-na nga kitsjaà-na kjondaà-la mé-ne nga m̀ kii tì kochrjekàngui-na xita."

Kii komá k'e nga jngoò àkjale tsibejmí nga iskan jts'ín jè Jesús

²⁶ K'e nga ijchò jòòn sá, jè àkjale Gabriel, Nainá kisikasén jngoò naxandá xi chja-ne Galilea ñanda 'mì Nazaret.

²⁷ Kiiikon jngoò chjoón xongó xi tjin-ne nga jè kixan-ko jngoò xita xi 'mì José xi tje-la ts'e xitaxá itjòn xi k'ímì David. Jè 'ín-la chjoón xongó, María 'mì.

28 Jè àkjale, k'e nga jahas'en ni'ya nga kijtseèkxon María, kitsò-là:
— ¡Ndaà-lè, ngaji xi ji kitjoé-lè kjondaà jè! Nainá tijnako-lè. Ngaji xi ndaà kjòchikon-t'in mi k'oaá-ne koni íchjín xi kj'eí.

29 Jè María k'e nga kijtseèkxon, tà kjòxkón-là koni s'in kitsò-là jè àkjale; kisikitsjeèn kò tsòya-ne nga kòs'in j'ii síhixat'aà-ne.

30 Jè àkjale kitsò-là:

— María, kì tsakjoòn-jèn, jye kitjoé-lè kjondaà nga nguixkxon Nainá.

31 J'ndeí koxk'én-né, k'ndí jchà jngoií. K'oaá s'in kít'ii 'in-là nga Jesús k'óin.

32 Xìtá ítjòn koma; K'ndí-là Nainá k'óin xi isá 'ño 'nga tìjna; Nainá, jè sìngatsja kjotixoma-là. Xìtaxá ítjòn kìjna koni s'in tsibijna David xi xìtá jchínga-là komà.

33 Jè kjotixoma-là naxandá Israel. Kjotixoma-là mi kì kjoehet'aà nìtá kjé-ne.

34 Jè María k'eé kitsò-là àkjale:

— ¿Kò s'in koma jè kjoa koi? Nga mìtsà x'in tjin-na.

35 Jè àkjale kitsò:

— Jè Inìma Tsjeè-là Nainá kijtjojen-nè-lè. Jè nga 'ño-là Nainá xi 'ño 'nga tìjna kojìtsat'in-lè koni jngoó 'nguién-là ifi mé-ne jè k'ndí tsjeè xi jts'in, K'ndí-là Nainá k'óin.

36 Jè xinguií Elisabet xi chjoón 'ndí, kò joòn sá tjin-là nga k'ndí 'ya nas'in jye 'ño xìtá jchínga.

37 Xì it'aà ts'e Nainá, nijngoó kjoa xi mìkii koma-là — kitsò àkjale.

38 K'eé kitsò María:

— 'An-ná xi chjoón chí'nda-là Nainá; k'oa's'in kàtama koni s'in kò'mi-ná.

Jè àkjale tinguixkxon-ne kii-ne.

Kìi komà k'e nga jè María kii katsejèn-là Elisabet

39 Nachrjein koi, jè María nìtjoón kii jngoó naxandá xi kìjna'nchò nindoò ján nangui Judea.

40 Jahas'en ni'ya-là Zacarías; kisihihat'aà Elisabet.

41 K'e kii'nchré Elisabet nga kisihihat'aà María, k'ndí xi 'ya, kiskì'nga iya indso'ba. Jè inìma-là Elisabet ndaà kis'ejiin Inìma Tsjeè-là Nainá.

42 K'eé 'ño kii'chja, kitsò:

— ¡Nainá, isáá 'ño ndaà tísichikon-t'in-lè mi k'oaá-ne koni jñà íchjín xi kj'eí; tìkooá k'ndí-lè xi tìjnaya indso'boi 'ño ndaà tímachikon-t'in!

43 ¿Yá-ná 'an? ¡Mé tà ndaà kòf'ijchon-ná jì xi nea-là Na'èn-ná!

44 Tìk'e-né nga kà'nchrè nga kànìhixat'aà-ná, k'ndí-nà kàkji'ngaya indso'bà nga tsja kòma-là.

45 ¡Mé tà ndaà-lè nga mokjeiín-lè 'én xi kis'enojmí-lè! Jè 'én xi kii'chja Nainá kítasòn-né — kitsò Elisabet.

46 Jè María kitsò:

Inìma-nà 'ño 'nga tísikìjna Nainá.

47 Matsja-na it'aà ts'e Nainá xi ochrjekátjì-na.

48 Kijtseè imaá-na, 'an xi chjoón chí'nda-là ma;

j'ndeí skanda nìtá kjé-ne k'oaá s'in kítso-na xìtá: “Mé tà ndaá-là.”

49 'Nó ndaà tse kjoa kisiqo-na Nainá, jè, nga isá tse nga 'ño tjin-là.

Nainá, xìtá tsjeè-né.

50 Tjin kjit'aà-là kjohimatakòn it'aà ts'e jñà xìtá xi beèxkón skanda tàts'en-là kjoa nìtá kjé-ne.

51 K'oaá s'in okó nga tse nga 'ño tjin-là;

jñà xìtá xi 'ño 'nga ikon jjiin inìma-là, ochrjekàngui kjohitsjeèn-là.

52 Jñà xìtaxá ítjòn xi 'nga tìtsajna, faáxin kjotixoma-là,

koa jñà xi nangui tìtsajna, isáá 'nga síkìtsajna.

53 Jñà xìtá xi tsjin-là tsojmi xi kine, 'ño kjin tsjá-là,

koa jñà xìtá nchíná, nímé tsjá-là, tà síkasén tiyaa-ne.

54 Nainá síchjít'aà-là naxandá Israel, jñà xìtá chí'nda-là;

mìkii síjchàajiin nga tjòkeé Abraham,

55 ngats'ii tje-là nìtá mé nachrjein-ne.

Nga Nainá, k'oaá s'in kitsjaà-là tso'ba jñà xìtá jchínga-ná.

Kitsò María.

56 Jè María, jàn sá tsibijnakò Elisabet; k'e komà iskan kii-ne ni'ya-là.

K'e nga kits'iin Juan xi kis'iin bautizar xìtá

57 K'e nga jye ijchò nachrjein-la, Elisabet, kits'iin jngoó-la k'ndí x'in.

58 Nainá, 'nó ndaà kisiqo. K'e nga kii'nchré xìtá xikjín ko xìtá indii ni'ya-là tìkooá kjòtsja-là.

59 Nga komà jìin nachrjein, kii'ko jè k'ndí nga nguixkxon no'mii, mé-ne nga kisi't'aà chíba-là yijo-là kjoa ts'e circuncisión. Jñà xìtá xi kj'eí, k'oaá s'in mejèn tsibít'aà 'in koni 'mì na'èn-là nga Zacarías 'mì.

60 Tanga jè nea-là kitsò:
 —Majin, Juan k'oin.
 61 Kitsò jñà xita xi títajna:
 —¿Mé-ne kos'in k'oin-ne? Njingoò xita xingui xi kos'in 'mì 'in-là.
 62 K'éé kitjonangui chisín-là na'èn-là kó k'oin.
 63 Zacarías kisijé jngoò itée nga kiskiiino, tsibít'aà: “Juan 'mì 'in-là.” Ngats'ii xita xi ya títajna, tà k'oaá komà-là.
 64 Zacarías tik'eé-ne kitax'a-ne tso'ba ko tsaniyá-ne nijen, ikjoàn komà kiichja-ne. K'éé kitsjaà-là kjondaà Nainá.
 65 Ngats'ii xita xi títajna chraña indii ni'ya-là, tà kjòxkón-là k'e nga kii'nchré nga jye ma kiichja-ne Zacarías. Xki xi ján tsabisòn kjoa koi kóhokji inchò nindoò nangui Judea.
 66 Ngats'ii xita xi kii'nchré kjoa koi, tsohóko jjiin inima-là; kitsò:
 —Jè ki'ndí, k'e nga kojchínga, ¿yá xita xi koma?
 Nga jè nga'ño-là Nainá tijnako.

Kii komà k'e nga jè Zacarías kiichja it'aà ts'e Nainá

67 Zacarías, na'èn-là Juan, kisijiin inima-là Inima Tsjeè-là Nainá. Kiichja ngajo-là Nainá, kitsò:

68 Mé tà ndaa kji-là Na'èn-ná jè xi Nainá tsò-là naxandá Israel nga j'ii kichjiti naxandá-là tikoá j'ii sikijnandeji!

69 Kitsjaà jngoò-ná xita xi tse nga'ño tjin-là nga j'ii kachrjetji-ná kjo'in xi kjoa ts'e jé-ná, jè xi tje-là David xi ch'inda-là Nainá tsibijna.

70 Nainá kisikjeén tso'ba jñà xita tsjeè-là xi kiichja ngajo-là.

K'oaá s'in kitsò nga tisa tàts'en-là kjoa nga
 71 kochrjekátji-ná it'aà ts'e xita kondra-ná,
 ko xita xi jtikeè-ná.

72 K'oaá ti kitsò Nainá nga skoe ima jñà xita jchínga-ná.
 Mikii siichajjiin jè 'én xi kitsjaà-là xita jchínga-ná Abraham nga tsibindaajjiin-ko jngoò kjoa tsjeè.

73 Nainá, k'oaá s'in kitsjaà-là tso'ba Abraham xi xita jchínga kjiin-ná nga
 74 sikitsajnandeji-ná ts'e xita kondra-ná mé-ne nga mikii kiskoán nga sixá-lá.
 75 Kjit'aà nachrjein tsjeé kitsajnaá tikoá kixi kitsajnaá nga nguixkon Nainá.
 Kitsò Zacarías.

76 K'éé kitsò-là ki'ndí-là:
 Ngaji, siikjeén-lè Nainá xi 'ño 'nga tjna nga kinókjoa ngajo-là.
 Ngajii k'oin itjon-là Na'èn-ná nga kiiidii ndiyá-là.
 77 Kénojmi-là naxandá-là kós'in s'in Nainá nga kochrjekátji-ná jé-ná.
 Nainá, 'ño tse kjohimatakòn tjin-là nga sjcháat'aà-là jé-là jñà xita.
 78 Nainá siikasén jngoò-ná xi nchrobá-ne ngajmi.
 K'e nga kjoii, k'oaá s'in sihiseèn-là xita koni s'in mahiseèn k'e nga tajñoaya.
 79 Jñà kohiseèn-là kjohitsjeèn-là xita xi j'nde jño títajnajjiin,
 ko xi jye ndiyá kjoa biyaa tjimaya.
 Yaá kjiko-ná ndiyá ñanda tjin kjoa'nchán.
 Kitsò Zacarías.

80 Ki'ndí jè tímajchínga tikoá tís'e-là nga'ño xi ts'e inima-là. Yaá tsibijna j'nde it'aà xin ñanda nangui kixi choòn skanda k'e nga tsibíts'ia nga tsibijna osen-là naxandá Israel.

2

*Kii komà k'e nga kits'iin Jesús
(Mateo 1:18-25)*

1 Koi nachrjein k'e nga tjin-là xá itjon César Augusto tsjachrje jngoò qkixi nga ngats'ii xita naxandá xi otixoma-là Roma, xojoón sit'aà 'in-là.

2 Jè xojon censo xi kisindaà itjon k'e nga tjna gobernador xita xi 'mì Cirenio ján j'nde ñanda 'mì Siria.

3 Kii yije xita nga kii kit'aà xojon yijo-là nga jngoò jngoò naxandá-là xi chja-ne.

4 José itjo-ne Nazaret, naxandá ts'e Galilea, kii nangui ñanda 'mì Judea ya naxandá Belén ñanda kits'iin xita itjon xi David ki'mì nga jè José, tje-là ts'e David-né.

5 Kii kit'aà xojon yijo-là; tikoáá kii jè María, chjoón-là xi tjna'ño-là nga jè kixan-ko, tanga jyeé ki'ndí 'ya.

6 K'e nga jye títajna Belén, María ijchò nachrjein-là nga kits'iin ki'ndí-là.

7 Kits'iin ki'nditjon-là xi ndí ki'ndí x'in; kisikájté nikje-là; ya kisikánaya kaxa ñanda kjèn-ya cho, nga mi ti kii tjin-ne j'nde ya ni'ya ñanda ma nikjáya.

Kii komà k'e nga jñà àkjalé-la Nainá j'iiikon jñà paxtò

⁸ Ya chrañàt'aa-là Belén títsajna paxtò xi nchisikinda cho orré-là nga nitjen.

⁹ Tà n̄itoón ijchòkon jngòò àkjalé-la Nainá. Jè kjoajeya-la Nainá xi 'nó ote kji, kisihiseèn yije kóhokji jngòò itjandii ñánda títsajna jñà paxtò. K'e nga kijtsee, tsí ndaà kitsakjòn.

¹⁰ Jè àkjalé kitsò-la:

—Kii tsakjoòn-jèn; 'an, koií xá j'i-na nga síki'nchré jngòò-nò 'én xitse xi ndaà tsò xi 'nó kjojsja-la ngats'ii naxandá:

¹¹ J'ndeí kats'iin jngòò ki'ndí ya naxandá-la David jè xi kochrjekàjiiin-ná kjo'in, jè xi Cristo, [xítà xi xó kisikasén-ne Nainá], nga jè kotixoma-ná.

¹² Tjín jngòò seña nga kixi kjoa: sakò jngòò-nò ki'ndí xi tsjáltjéjiiin níkjé-la; kjinaya kaxa ñánda kjèn-ya cho.

¹³ Tjìk'e-ne kjin jchán àkjalé tsatsejèn-kjoò-isa xi inchrobà-ne ngajmii xi 'nga kisikíjna Nainá. Kitsò:

¹⁴ Nainá kátas'e-la kjoajeya ján ngajmii;

kò j'it'aa nangui,

'nchán kátas'e kjoa, it'aa ts'e xítà xi tjín-la kjondaà-la Nainá.

¹⁵ K'e nga kii-ne jñà àkjalé ján ngajmii, jñà paxtò kitsò-la xíkjin:

—Tíkjaán skanda Belén nga jchaá kjoa xi kòma koni s'in kàsiki'nchré-ná Nà'èn-ná.

¹⁶ N̄itoón kii jñà paxtò ján Belén; k'e nga ijchò, kisakò-la ñánda tjina María kò José, koa jè ki'ndí, kjinaya kaxa ñánda kjèn-ya cho.

¹⁷ K'e nga kijtseexon ki'ndí jè, tsibénojmi yije koni s'in kitsò jè àkjalé it'aa ts'e ki'ndí.

¹⁸ Ngats'ii xítà xi kii'nchré koni s'in kitsò jñà paxtò tà k'oaá komà-la.

¹⁹ Tanga jè María yaá tsibijiiin yije jiiin inima-la jñà 'én xi kis'enojmi-la. 'Nó kisikítsjeèn-jiiin kjoa koi.

²⁰ Kii jngòò k'a-ne jñà paxtò; jeya tsachrje tjikoa ndaà kisikíjna Nainá ngats'ii kjoa xi kii'nchré kò xi kijtsee, nga ngui k'oaá s'in komà koni s'in kis'enojmi-la.

K'e nga jñà xítà jchínga-la Jesús kiiko ingo ítjòn ya Jerusalén nga kisingatsja Nainá

²¹ K'e nga ijchò jiiin nachrjein nga kits'iin ki'ndí jè, kisi't'aa chiba-la yijo-la kjoa ts'e circuncisión; Jesús kisi't'aa 'in-la koni s'in kitsò àkjalé-la Nainá k'e nga tisa kisinaya'ma indso'ba nea-la.

²² Ijchò nachrjein nga k'oa's'in s'in xítà koi, koni s'in tíchjā kjotixoma-la Nainá xi kiskii Moisés, mé-ne jè María tsjeé kija-ne nguixkon Nainá. Nachrjein koi, kiiko Jesús ingo ítjòn ya Jerusalén nga kisingatsja Nainá.

²³ K'oaá s'in tjit'aa kjotixoma-la Nainá xi kiskii Moisés: “Ngats'ii ki'ndí x'in xi jts'in ítjòn, ts'eé Nainá, jè kongatsja.”

²⁴ Xítà jchínga-la Jesús kiiko kjotjò-la nguixkon Nainá; jò tjoni'ña kò tsà jò pichón koni s'in tjín kjotixoma-la Nainá.

²⁵ Koi nachrjein ján Jerusalén tjina jngòò xítà kixi xi ndaà beèxon Nainá, Simeón 'mì. Tjikoáá tikoña-la jè xi sjikijnandéi' naxandá Israel; jè Simeón, yaá tjínako Inima Tsjeé-la Nainá.

²⁶ Jè Inima Tsjeé-la Nainá k'oaá s'in tsibénojmiya-la Simeón nga mikii kiyá skanda k'e nga skoexkon Cristo xi Nainá sjikasén.

²⁷ Jè Inima-la Nainá kisikasén Simeón ján ingo ítjòn Jerusalén. K'e nga ijchòko Jesús jñà xítà jchínga-la mé-ne nga kisikitasón-ne koni s'in sjé kjotixoma-la,

²⁸ Simeón kiskoé ki'ndí jè, tsohóya tsja; 'nga kisikíjna Nainá. Kitsò:

²⁹ Nà'èn, jyeé kóbitasón 'én-lè koni s'in ki'mi-ná, j'ndeí, 'nchán kàtiyaá 'an xi chj'nda-lè ma.

³⁰ Jyeé kòbe-na xkooàn jè xi kochrjekátji-ná kjo'in,

³¹ jè xi kànikíjna-osin nguixkon ngats'ii naxandá,

³² jè xi sjihiseèn-la kjohítsjeèn-la jñà xítà xi mìtsà xítà naxandá Israel.

It'aa ts'e ki'ndí jè, naxandá-lè Israel jeyaá kija.

³³ Jñà xítà jchínga-la Jesús tà k'oaá komà-la koni s'in kitsò Simeón it'aa ts'e ki'ndí-la.

³⁴ Simeón kisjé't'aa-la Nainá nga kátasíchikon-t'in; ijkooàn kitsò-la María, nea-la Jesús:

—It'aa ts'e ki'ndí jè, k'oaá s'in tjínè-la nga kjin xítà naxandá Israel kitjoiin kjo'in koa kjin kixojiiin. Seña-la Nainá kija

³⁵ mé-ne nga jcha-la kó s'in tjín kjohítsjeèn-la nga jngòò jngòò xítà, tanga kjin xítà xi mikii kòkjeiin-la; tjikoáá ngaji, k'oaá s'in s'e-lè kjo'on-takón koni tsà jngòò kichā ndojò kotokjá inima-lè.

³⁶ Tjikoáá yaá tjina chjooón Ana xi chjaya 'én-la Nainá, tsòti-la Fanuel xi tje-la Aser. Jyeé 'nó xítà jchínga. Itoò nó tsibijnako x'in-la.

³⁷ Nàchrjein koi, jè chjoón Ana kò ñijòn kaàn kò ñijòn nó tjin-là nga tjna ka'àn. Yaá bijnaya nàchrjein inchiòn ya nditsin ingo itjòn; kò nàchrjein kò nùjjen beèxkòn Nainá; bitsi'ba-là koa bijnachjan.

³⁸ Tjè-ne hora, chjoón jè ijchò kasijnat'aà chraña-là xita jchínga-là Jesús; kitsjaa-là kjondaa Nainá; kiichja-là ngats'ii xita it'aà ts'e ki'ndi jè, ñña xi tikoá nchikoña-là nga kitjotji yije naxandá xi chja-ne Jerusalén.

K'e nga kii lingoó k'a-ne Nazaret

³⁹ José kò María, k'e nga jye kisihitasòn yije koni s'in tichja kjotixoma-là Nainá, kii lingoó k'a-ne ján Galilea ya naxandá-là Nazaret.

⁴⁰ Ki'ndi jè tímajchínga; tís'e-là nga'ño jjiin inima-là; tikoáá isa ndaà tímachiya-là; yaá tijnako kjondaa-là Nainá.

Kii komá k'e nga jè Jesús tsibijnaya ingo itjòn ján Jerusalén

⁴¹ Jña xita jchínga-là Jesús, xkí nó fi ya Jerusalén k'e nga bitjo s'eí Paxkò.

⁴² Jesús, k'e nga jye tjin-là tejò nó tikoá kii ján Jerusalén koni s'in choón kjotixoma ts'e s'eí Paxkò.

⁴³ K'e nga inchròbà-ne xita nga jyehe't'aà s'eí, jè Jesús yaá tsibijna Jerusalén; koa jña xita jchínga-là mikii kisijiin-là tsà ya tsibijna.

⁴⁴ Jngoó nàchrjein chinchimaya ndiyá. Maá-là tsà yaá tsóhojiin-là jña xita xi nchifi-ne. K'e nga tsohótsjiin-là xikjin kò xita xi beèxkon,

⁴⁵ mikii kisakò-là. K'eé kii lingoó k'a ján Jerusalén nga kii kátsji.

⁴⁶ K'e nga komá ján nàchrjein nga nchihótsji, kisakò-là ya nditsin ingo itjòn; tijnajiin-là xita xi okóya kjotixoma-là Nainá; t'nchré-là tikoá tijkjòngui-là.

⁴⁷ Ngats'ii xita xi nchi'nchré-là tà k'oaá komá-là jè kjohítsjeen xi tjin-là koni s'in tichja.

⁴⁸ Jña xita jchínga-là, k'e nga kijtsee nga ya tjna, tikoáá tà k'oaá komá-là; jè nea-là kitsò-là: —Ji na'èn, ¿mé-ne nga kòs'in nìkò-najen? Na'èn-lè kò 'an tímakájno-najen nga kichij, titsabinchaatsji-lèjen.

⁴⁹ Jesús kitsò:

—¿Mé-ne nga binchaatsji-ná? ¿A mi tjiin-nò nga tjinè-na nga ya kótijna ni'ya-là Na'èn-na?

⁵⁰ Tanga jña xita jchínga-là mikii jahas'en-jiin-là jè 'en xi kitsò Jesús.

⁵¹ Jesús, kii lingoó k'a-ne ján Nazaret kò nea-là kò na'èn-là; Jesús ndaá kisikitasòn-là xita jchínga-là. Jè nea-là tà yaá tsibijiin-ikon inima-là ngats'ii kjoa koi.

⁵² Jesús, tímajchínga koa nàchrjein inchiòn, isa ndaà tímachiya-là; tikoá tís'e-là kjondaa-là Nainá kò ts'e xita.

3

'En xi kiichja Juan xi kis'iin bautizar xita

(Mateo 3:1-12; Marcos 1:1-8; Juan 1:19-28)

¹ K'e nga jye tjin-là chrj'oón nó nga tíhotixoma-là isò'nde xi chja-ne Roma jè xi 'mì Tiberio César, kò ján nangui Judea, jè tjna gobernador Poncio Pilato; kò jè Herodes, xitaxá itjòn tjna ya nangui Galilea; kò jè Felipe xi 'ndse ma Herodes, xitaxá itjòn tjna ya nangui ñánda 'mì Iturea kò ya nangui Traconite; kò jè Lisánias, xitaxá itjòn tjna ya nangui Abilinia.

² Kò ján Jerusalén, no'mi itjòn títsajna jè Anás kò Caifás. Tjiko-ne nàchrjein, Juan, ki'ndi-là Zacarías, kits'ii-là 'én-là Nainá ya i'nde it'aà xin ñánda nangui kixi choón.

³ Juan, kii kóhokji indii xajngá nandá Jordán nga kiichjaya nga kátasikájno jé-là jña xita nga mi tji jè kohótsji-ne, ikjoàn kátas'in bautizar yijo-là mé-ne nga siijcháat'aà-là Nainá jé-là.

⁴ K'e nga k'oas'in kiichjaya Juan, jña títbasòn 'én xi kiskii Isaías, xita xi kiichja ngajo-là Nainá nga tsò:

Na'ya-là 'én xi 'ño chja ya i'nde it'aà xin ñánda nangui kixi choón:

“Tjandaá ndiyá-là Nainá ya jjiin inima-nò; kixi tikijna koni jngoó ndiyá ñánda kojmeèya Na'èn-ná.

⁵ Ngats'ii xajngá kongásòn-né;

ngats'ii nindoó kò chrjangui, kókixi-né;

jña ndiyá xi tsó'ño tjin, tikoáá kókixi-né;

koa jña ndiyá xi tjen-jen-jno tjen-jen-t'aà choón, kojchoón-là.

⁶ Ngats'ii xita nga tjtisa isò'nde, skoe-né kó s'in s'jiin Nainá nga kochrjekátji jé-là xita.”

Kitsò Isaías.

⁷ Juan kitsò-là jña xita xi ijchò nga mejèn-là koma bautizar:

—Jñò xi xita tje-là ye 'mì-nò! ¿Ya xi okitsò-nò nga kinchat'aaxin-là jè kjo'in xi sa nchròbà machrañat'aà-nò?

⁸ Ndaá tjin kjoa xi t'een nga ndaá kàta'ya-nò nga jyeé kinikájno jé-nò nga mi tji jé binchaatsji-nò. Ki bixón-jèn ya jjiin inima-nò: “Ngajen, [mikii s'e-najen kjo'in] nga yaá

inchrobàt'aà-najen tje-là Abraham.” K'oaá xan-nò, Nainá, skanda jñà ndajo komaá-là sikkatjiya-là nga ixti-là Abraham koma.

⁹ Jè kichayá jyeé kijijnandaà nga kotèsòn yá; ngats'ii yá xi 'mì ndaa toò ojà-là, skanda ko ima-là, jtisòn-né, ikjoàn sìnchájùn ni'ín nga kiti.

¹⁰ Jñà xita kiskónangui-là kitsò-là:

— Mé xi s'en-jen?

¹¹ Juan kiichja kitsò-là:

— Jè xi jò ma nachro-là kàtatsjá jngoò-là jè xi tsjin-là; jè xi tjin-là tsojmì xi kine, kàtatsjá-là jè xi tsjin-là.

¹² Tikoáá j'ii i'nga xita-là xitaxá Roma xi síkíchítjì tsojmì nga mejèn-là koma bautizar. Kitsò-là Juan:

— Maestro, ngajen, ¿mé xi s'en-jen?

¹³ Juan kitsò:

— Kì tsato níkichjió koni s'ín tíchja kjoáxoma.

¹⁴ Tikoáá kiskónangui i'nga jñà soldado, kitsò:

— Ngajen, ¿mé xi s'en-jen?

Juan kitsò-là:

— Kì xita binchaxkón-là, kì 'én ndiso niyasòn-là k'e nga ni mé kjoá tjin-là nga ton mejèn-nò nachrjekájno-là; kàtajngoò-takón koni tjin machji-nò.

¹⁵ Nchikoña jñà xita naxandá; nchisíkítsjeèn ijün inima-là xi it'aà ts'e Juan: tsà jè xi Cristo, [xita xi xó kisikasén-ne Nainá].

¹⁶ Juan kitsò-là ngats'ii xita naxandá:

— Okixi-né, 'an, tà nandá s'iin-nò bautizar; tanga nchrobá jngoò xi isa tse nga ñó tjin-là mì k'oaá-ne koni 'an; skanda mikil tji'nde-na nga skjinda'ñoá ox'ín-là xojté-là; jè xi sa nchrobá, s'jin-nò bautizar ko Inima Tsjeè-là Nainá koá ko ni'ín.

¹⁷ Jyeé kjinaya tsja jè pala nga sjijsjeè tjé-là trigo. Kínchàxkó trigo ya jya ni'nga; tanga jè tjé-là trigo, kokà-né ya jün ni'ín ñánda mikil bits'o nita mé nachrjein-ne.

¹⁸ Juan, k'oaá s'ín kiichjayajün-là xita 'én ndaa-là Nainá; kjin skoya kjoáxoma tsibit'in-là xi ndaa tsò.

¹⁹ Juan, tshótiko jè Herodes xi xita itjòn tjna, koí kjoá-là nga jè tijnako Herodías chjoón-là Felipe xi 'ndse Herodes. Tikoá tshótiko Herodes ngats'ii kjoá xi ch'o ts'ín.

²⁰ Juan jè Herodes, isaá 'ño ch'o kis'iin-isa: ndayá kiskinis'en Juan.

Kii komá k'e nga komá bautizar Jesús

(Mateo 3:13-17; Marcos 1:9-11)

²¹ K'e nga tikj'eé ndayá fahas'en Juan nga tís'ín bautizar ngats'ii xita naxandá, tikoáá k'eé komá bautizar Jesús; k'e nga tíchjat'aà-là Nainá Jesús, kitax'a ngajmü.

²² Ikjoàn itjojen-nè-là Jesús jè Inima Tsjeè-là Nainá xi okji koni kji nise paloma; koá kina'yá jngoò-là 'én xi ngajmü inchrobà-ne xi kitsò:

— Ji-né xi ki'ndí-na xan-lè xi 'ño matsjake-lè; tsja tjin-là takoàn it'aà tsjji.

Tje-là Jesucristo

(Mateo 1:1-17)

²³ Jesús k'e nga tsibíts'ia nga kisixá, tjin-là tsà katé nó. K'oaá s'ín tjin-là xita, nga ki'ndí-là xó José; José, ki'ndí-là Elí;

²⁴ Elí, ki'ndí-là Matat; Matat, ki'ndí-là Leví; Leví, ki'ndí-là Melqui; Melqui, ki'ndí-là Jana; Jana, ki'ndí-là José;

²⁵ José, ki'ndí-là Matatías; Matatías, ki'ndí-là Amós; Amós, ki'ndí-là Nahúm; Nahúm, ki'ndí-là Esli; Esli, ki'ndí-là Nagai;

²⁶ Nagai, ki'ndí-là Maat; Maat, ki'ndí-là Matatías; Matatías, ki'ndí-là Semei; Semei, ki'ndí-là Josec; Josec, ki'ndí-là Judá;

²⁷ Judá, ki'ndí-là Joanán; Joanán, ki'ndí-là Resa; Resa, ki'ndí-là Zorobabel; Zorobabel, ki'ndí-là Salatiel; Salatiel, ki'ndí-là Neri;

²⁸ Neri, ki'ndí-là Melqui; Melqui, ki'ndí-là Adi; Adi, ki'ndí-là Cosam; Cosam, ki'ndí-là Elmodam; Elmodam, ki'ndí-là Er;

²⁹ Er, ki'ndí-là Josué; Josué, ki'ndí-là Eliezer; Eliezer, ki'ndí-là Jorim; Jorim, ki'ndí-là Matat;

³⁰ Matat, ki'ndí-là Leví; Leví, ki'ndí-là Simeón; Simeón, ki'ndí-là Judá; Judá, ki'ndí-là José; José, ki'ndí-là Jonam; Jonam, ki'ndí-là Eliaquim;

³¹ Eliaquim, ki'ndí-là Melea; Melea, ki'ndí-là Mainán; Mainán, ki'ndí-là Matata; Matata, ki'ndí-là Natán;

³² Natán, ki'ndí-là David; David, ki'ndí-là Isai; Isai, ki'ndí-là Obed; Obed, ki'ndí-là Booz; Booz, ki'ndí-là Salmón; Salmón, ki'ndí-là Naasón;

- ³³ Naasón, ki'ndí-là Aminadab; Aminadab, ki'ndí-là Aram; Aram, ki'ndí-là Esrom; Esrom, ki'ndí-là Fares; Fares, ki'ndí-là Judá;
³⁴ Judá, ki'ndí-là Jacob; Jacob, ki'ndí-là Isaac; Isaac, ki'ndí-là Abraham; Abraham, ki'ndí-là Taré; Taré, ki'ndí-là Nacor;
³⁵ Nacor, ki'ndí-là Serug; Serug, ki'ndí-là Ragau; Ragau, ki'ndí-là Peleg; Peleg, ki'ndí-là Heber; Heber, ki'ndí-là Sala;
³⁶ Sala, ki'ndí-là Cainán; Cainán, ki'ndí-là Arfaxad; Arfaxad, ki'ndí-là Sem; Sem, ki'ndí-là Noé; Noé, ki'ndí-là Lamec;
³⁷ Lamec, ki'ndí-là Matusalén; Matusalén, ki'ndí-là Enoc; Enoc, ki'ndí-là Jared; Jared, ki'ndí-là Mahalaleel; Mahalaleel, ki'ndí-là Cainán;
³⁸ Cainán, ki'ndí-là Enós; Enós, ki'ndí-là Set; Set, ki'ndí-là Adán; Adán, xi jè sobà Nainá tsibíndaà.

4

*K'e nga jè xita neii kiskoo't'aa Jesús
(Mateo 4:1-11; Marcos 1:12-13)*

¹ Jesús, nga ndaa tíjini iníma-là jè Iníma Tsjeè-là Nainá, inchrobà lngoo k'a-ne ya xajngá nandá Jordán, koa jè Iníma Tsjeè-là Nainá kiiko lngoo j'nde it'aà xin ñánda nangui kixi choòn.

² Ichán nàchrjein tsibijna. Jè xita neii kiskoo't'aa nga mejèn-là kàtátsji jé Jesús. Ngats'ii nàchrjein koi, Jesús mikii tsakjèn, tsibijnachjan-né. K'e nga jyehet'aà nàchrjein, jyeé 'ño kjòhojò-là.

³ Jè xita neii kitsò-là:
 —Tsà kixi kjoa nga ngaji xi Ki'ndí-là Nainá 'mì-lè, tjii-là okixi ndajo jè nga inçhrajín kàtama.

⁴ Jesús kiichja kitsò:
 —Tjit'aà Xojon-là Nainá nga tsò: “Mítsà tà koi tsojmì xi ma chine kítsakon-ne xita, tikoaa kítsakoón-ne ngats'ii 'èn-là Nainá.”

⁵ Jè xita neii kiiko Jesús lngoo nindoo 'nga, tà lngoohija tsakó yije-là ngats'ii naxandá xi tjin isò'nde.

⁶ Jè xita neii kitsò-là Jesús:
 —Ngajii tsjaà yije-lè ngats'ii naxandá koi, nga ji kotixoma-là nga jeya kijni. Nga 'aán kjòngatsja yije. Tsà mejèn-na maá singatsja nita ya-ne.

⁷ Ngaji, tsà kosixkó'nchit'aà-ná ko jeya sikjina-ná, tsjii koma kòhojtín.

⁸ Kiichja Jesús, kitsò-là:
 —Tjsit'aà xin-ná ji, xita neii. K'oa s'in tjit'aà Xojon-là Nainá nga tsò: “Jeya tikjini Na'èn-ná xi Nainá; tà jè tajngoo chàxkoín.”

⁹ Jè xita neii, ikoàn kiiko Jesús ján Jerusalén; kisikjinasòn ingo ítjòn ñánda isa 'nga kji; kitsò-là:

—Tsà kixi kjoa nga ji xi Ki'ndí-là Nainá 'mì-lè, tìkatjengui yijo-lè jindé;

¹⁰ K'oa s'in tjit'aà Xojon-là Nainá nga tsò:

Nainá koií xá-là àkjale-là mé-ne nga sjikinda-lè,

¹¹ nga ko tsja tsoba'ño-lè mé-ne nga nijngoo ndajo satíngui-ne ndsokoii.

¹² Kiichja Jesús, kitsò-là:

—K'oa s'in tichja Xojon-là Nainá nga tsò: “Kì taxkj chit'aà-jèn Na'èn-ná xi Nainá.”

¹³ Jè xita neii, k'e nga mì tì kii kisakò-là kós'in skónachan-là Jesús nga mejèn-là kòho'tsji jé, tsasit'aà xin chiba nàchrjein-là skanda komà iskan.

*Kii komà nga tsibits'ia Jesús nga kisixá nangui Galilea
(Mateo 4:12-17; Marcos 1:14-15)*

¹⁴ Jesús j'ii lngoo k'a-ne Galilea, ko nga'ño-là Iníma Tsjeè-là Nainá ndaa tíjini iníma-là; kina'ya-là it'aà ts'e, kòhokji nga jngoo itjandii nangui ts'e Galilea.

¹⁵ Tsakóya ya ní'ya jngoo sinagoga xi ts'e naxandá ñánda tsajmeé; ngats'ii xita xi kii'nchré 'èn-là ndaa kisikjina Jesús.

*Kó kitsò Jesús nga mì kii kòkjein-là jña xita ya naxandá-là Nazaret
(Mateo 13:53-58; Marcos 6:1-6)*

¹⁶ Jesús ijchò Nazaret ya nangui-là ñánda kòjchá. Jè nàchrjein nikjaya, koni s'in s'in kjit'aà, jahas'en ní'ya jngoo sinagoga. Tsasijna kixi nga tsibixke Xojon-là Nainá.

¹⁷ Kits'ii-là xojon-là Isaiás, xita xi kiichja ngajo-là Nainá; k'e nga kiskjindaya jè xojon, kjòtsji-là ñánda tjit'aà 'èn xi tsò:

¹⁸ Jè Iníma Tsjeè-là Nainá tíjnakò-na nga 'aán tsibit'aà-na xá nga sika'bi-là xita ima 'èn ndaa-là Nainá;

'aán kisikasén-na nga sindaà-na x̣iṭa xi kjo'on tjiin inima-la;

ṭiḱoáá koi xá kisikasén-na nga 'an kichjàjiiin-la x̣iṭa xi ndayá ṭiṭsajna nga ḳiṭsajnadej̄i-ne;

sindaà-na j̄nà x̣iṭa xi mikii tsejèn-la;

ḳiṭsajnadej̄i x̣iṭa xi ṭiyatoòn;

¹⁹ kichjàya jè nó-la Nainá k'e nga tsjá-la ḳjotjò x̣iṭa-la.

²⁰ Tsibixkóya-ne xojon, kitsjaà-la jè x̣iṭa xi síchjât'aà xá ts'e ni'ya ingo sinagoga, ikjoàn tsibijna. Tà nchikotsejèn-la ngats'ii x̣iṭa xi ya ṭiṭsajna.

²¹ K'eé tsibíts'ia Jesús nga kiichja kitsò:

—J̄ndeji, jyeé kàna'yà-là nga nguixkoon kòbitasòn koni s'in tichja Xojon-la Nainá xi 'an

kòbixḳee.

²² Ngats'ii x̣iṭa ndaà kiichja it'aà ts'e Jesús. Tà k'oáá komà-la nga 'nò ndaà tsò 'én xi chja. J̄nà x̣iṭa kitsò-la x̣ikjín:

—¿A mitsà jè jèe xi ki'ndi-la José?

²³ K'eé kitsò Jesús:

—Xi okixi, j̄nò, k'oáá k'oín-ná 'én xi tsò: “Chjine xkii, tji ṭixkii-la yijo-lè.” K'oáá ṭis'in k'oín-ná: “Koni s'in kina'yà-jen kjoa xi ki'ni ján Capernaum nga kinixkii-la x̣iṭa, k'oá ṭis'in ṭixkii-la j̄ nangui-lè.”

²⁴ Jesús kitsò-isa:

—Okixi xi xan-nò, nijngoo x̣iṭa xi chja ngajo-la Nainá xi yaxkón ya nangui-la.

²⁵ Ṭiḱoáá okixi xi xan-nò, kjin ichjín ka'an ṭjín ya Israel jè nachrjein ts'e Elías k'e nga jàn nó osen mi ṭi kii ts'a-ne jtsi; j'ii kjinchrá 'nó kòhokji j'nde Israel.

²⁶ Tanga jè Elías mitsà ya kii n̄anda ṭiṭsajna ichjín ka'an ts'e naxandá Israel; yaá kinikasén n̄anda ṭjina chjoón ka'an ts'e naxandá Sarepta xi chja-ne Sidón.

²⁷ Ṭiḱoáá kjin ma x̣iṭa xi ṭibindojno chrjoa yijo-la ya Israel koi nachrjein ts'e Eliseo, x̣iṭa xi kiichja ngajo-la Nainá. Tanga nijngoo xi x̣iṭa Israel kjòndaà-ne, tà jè tajngoo Naamán xi Siria ts'e.

²⁸ Ngats'ii x̣iṭa xi ya ṭiṭsajna ya ni'ya ingo sinagoga, 'nó kòjti-la k'e nga kii'nchré 'én xi kiichja Jesús nga k'oáá s'in kiskaàya-la nga kondra ts'e-né.

²⁹ Ngats'ii x̣iṭa koi tsasitjen, tsachrjeiin Jesús ya naxandá jè, kiiko isò'nga nindoò n̄anda kijna naxandá-la nga mejèn-la sjiḳatjen-ngui naxi n̄anda nga 'nó tjen-jen-jno choòn.

³⁰ Tanga jè Jesús jahajiiin osen-la koa kii.

Jngoo x̣iṭa xi inima ch'o-la neji síxajiiin yijo-la

(Marcos 1:21-28)

³¹ Jesús kii n̄anda 'mi Capernaum, naxandá xi chja-ne Galilea; tsakóya-la x̣iṭa k'e nga nachrjein nikjáya.

³² J̄nà x̣iṭa, tà k'oáá komà-la koni tsò 'én xi tsakóya, nga jè 'én xi kiichja, ṭjín-la ḳjotixoma.

³³ Ya ni'ya ingo sinagoga ṭjina jngoo x̣iṭa xi inima ch'o-la neji síxajiiin yijo-la; x̣iṭa jè, 'nó kiichja:

³⁴ —Jesús xi Nazaret tsjii, ki k'oáá niko-nájen. ¿Mé kjoa xi ṭjín-lè ko ngajen? ¿Mé-ne ngajen nijti-nájen? ¿A kòf'i nikjehesòn-nájen? Beèxkon-lè; j̄i-né xi X̣iṭa Tsjeè-la Nainá —kitsò.

³⁵ Jesús tsohótiko jè x̣iṭa neji:

—ijyò ṭjini, titjoiin yijo-la x̣iṭa jè! —kitsò-la.

Jè inima ch'o-la neji, tsajndoò't'aà nangui nga nguixkoon ngats'ii x̣iṭa, ikjoàn itjoiin yijo-la x̣iṭa jè, tanga ni mé xi kisiki'on.

³⁶ Ngats'ii x̣iṭa xi ṭiṭsajna, tà kitsakjòn-né; k'eé tsohóko x̣ikjín:

—¿Mé 'én-ne koi? K'e nga chja x̣iṭa jè, ṭjín-la nga 'nó ṭiḱoá ṭjín-la ḳjotixoma nga síkitasòn-la inima ch'o-la neji —kitsò.

³⁷ Jesús, kina'yà-la kòhokji nga jngoo itjandii nangui xi chja-ne Galilea.

Kii kis'in Jesús nga kisindaà-ne nachiya-la Pedro

(Mateo 8:14-15; Marcos 1:29-31)

³⁸ Jesús tsasitjen; itjo-ne ni'ya ingo sinagoga; kii; jahas'en ni'ya-la Simón. Jè nachiya-la Simón 'nó xk'én. Ch'in ṭjina ṭjín-la. J̄nà x̣iṭa kiichjatji nga skòtsejèn-la.

³⁹ Jesús tsasiñiat'aà-la, tsohótiko ch'in ṭjinga; jè chjoòn n̄itoòn kjòndaà-ne. Ikjoàn tsasitjen, kisís'in-la x̣iṭa.

Kii kis'in Jesús nga kjin x̣iṭa xk'én kisindaà-ne

(Mateo 8:16-17; Marcos 1:32-34)

⁴⁰ K'e nga tikaaṭji ts'oi, ngats'ii x̣iṭa xi ṭjín-la x̣iṭa xk'én xi kjin skoya ch'in ṭjín-la, j'ii kò n̄anda ṭjina Jesús. Jè Jesús tsohót'aà-la tsja nga jngoo ijngoo x̣iṭa xk'én; ngats'ii x̣iṭa koi, kjòndaà yijé-ne.

41 Tikoáá kjin ma xita xi inima ch'o-la neji itjokajin yijo-la nga kjondaà-ne. 'Nó kiichja inima ch'o-la neji:

—ji-né xi Ki'ndí-la Nainá 'mì-lè! —kitsò.

Tanga jè Jesús tsohotiko. Mikil kitsjaà 'nde-la nga kiichja, koi kjoa-la nga jyeé beëxon nga jè xi Cristo, [xita xi xó kisikasén-ne Nainá].

*Kii komà k'e nga jè Jesús kisika'bi 'én-la Nainá
(Marcos 1:35-39)*

42 K'e nga jye kis'e isén, itjo Jesús; kii jngoò i'nde it'aà xin nãnda tsjin xita. Jña xita tsohotsji nãnda kii. K'e nga ijchò nãnda tjna, mejèn-la nga ya kijnako nga mì xin kjoj.

43 Tanga jè Jesús kitsò-la jña xita:

—Tikoáá mochjeén-né nga xin naxandá kjiakoá 'én ndaà-la Nainá koni s'in otixoma Nainá. Koi xá kisikasén-na Nainá.

44 K'oáá s'in chjaya 'én-la Nainá kóhokji ni'ya jngo sinagoga xi tjin ya nangui-la xita judío.

5

*Kjoxkón xi komà k'e nga kjin tin tsibíxkóya Pedro
(Mateo 4:18-22; Marcos 1:16-20)*

1 Jesús k'e nga sjna ya indii ndáchikon ts'e Genesaret kjójtínè jña xita xi ijchò nga mejèn-la kji'nchré 'én-la Nainá.

2 Jesús, kijtsee jò chitso xi ya kjoondii ya indii nandá. Jña xita nei-la xi bíxkóya tin, jyeé itjojen chitso nga nchihonjino na'ya-la.

3 Jesús jahas'en jngoò chitso xi ts'e Simón, tsibítsi'ba-la nga skínikjá-isa chitso-la ya jjiin ndáchikon. Ikjoàn tsibijnaya nga tsakóya-la xita.

4 K'e nga jye tsakóya-la xita, kitsò-la Simón:

—Tikojj chitso-lè nãnda nga isa 'ño nanga nandá; ikjoàn tikatjen-ngui-nda na'ya-nò mé-ne nga kixkóya-nò tin.

5 Simón kiichja kitsò:

—Maestro, kánik'a-nájen nütjen nga kánixá-jen, njmé xi kásakó-najen; tanga tsà ji xi osi nga siikatjen-ngui-nda na'ya-na, koma-né.

6 K'e nga jngoò k'a kisikatjen-ngui-nda na'ya-la, kjin jchán tin tsibíxkóya, tsí mejèn xajnda na'ya-la.

7 K'eé kisikatjii-la tsja xikjin nga kiichja-la jña xita xi títsaya chitso xi jingoò mé ne nga kisichját'aà-la. Ingajò chitso jngoò k'a kitsee tin. Mejèn tsà bixongui-nda nga 'ño i'í komà.

8 Jè Simón xi tikoá Pedro 'mì, k'e nga kijtsee kjoa koi, tsasèn-xkò'nchit'aà-la Jesús, kitsò-la: —Tisít'aàxin-ná Na'én, 'an xita jé-ná!

9 Jè Simón ko xita xikjin xi taña síxákjoò, tà kjòxkón-la nga 'ño kjin tin kjòxkóya-la.

10 Tikoáá tà kjòxkón-la jè Jacobo ko Juan, xti-la Zebedeo, jña xita xi taña síxákjoò Simón. Jesús kitsò-la Simón:

—Ki tsakjoò-n-jèn, i'ndeji mì ti kii tin kixkóya-ne, xitaá kixkóyi xi it'aà ts'an.

11 K'e nga jye kiiko-ne chitso-la ya indii ndáchikon, yaá kitsjein-takòn yije tsojmì-la, ikjoàn kiitjingui-la Jesús.

*K'e nga jè Jesús kisitsjeé jngoò xita xi tbindojno chrjoa yijo-la
(Mateo 8:1-4; Marcos 1:40-45)*

12 Jesús k'e nga tsibijna jngoò naxandá, ijchò jngoò xita x'in xi tbindojno chrjoa yijo-la; nga kijtsee Jesús, tsohojna-ñiat'aà nangui nga kijtseeékón Jesús, tsibítsi'ba-la, kitsò-la:

—Na'én, tsà mejèn-lè, títsjeé-ná ch'in xi tjin-na.

13 Jesús tsijmeé tsja nga tsohót'aà-la yijo-la xita jè, kitsò-la:

—Mejèn-na; jkàtandaà-ne!

Xita jè, nitoón kjondaà-ne.

14 Jè Jesús kitsò-la:

—Ki ya xita xi bənojmi-la; t'in nãnda tjna no'ni; takó-la yijo-lè nga jye kjondaà-ne; tjii-la kjotjò xi síjè kjotixoma-la Moisés mé-ne nga tsjeé kijna-ne nguixkon Nainá tikoá skoe jña xita nga jye kjondaà-ne ch'in-lè.

15 Tanga Jesús, isaá 'ño kina'ya-isa-la; ko isaá kjin xita kjòxkóya xi mejèn-la nga kji'nchré-la; tikoá mejèn-la nga kondaà-ne ch'in xi tjin-la.

16 Tanga Jesús xin i'nde fi nãnda tsjin xita nga chjat'aà-la Nainá.

*Kii kis'iin Jesús nga kisindaà jngoò-ne xita xi mì ki ma síhiníyá yijo-la
(Mateo 9:1-8; Marcos 2:1-12)*

17 Jngoò nachrjein k'e nga tíhokóya-la xita Jesús, ya títsajnajjin xita fariseo ko xita xi okóya kjotixoma-la Nainá xi kiskii Moisés. Xita koi, ján inchrobà-ne naxandá xi chja-ne Galilea,

Judea ko Jerusalén. Jesús ya tijnajin inima-la nga'ño-la Nainá nga s̄indaà-ne ngats'iì x̄ita xi xk'én.

¹⁸J'iiko jngoò x̄ita xk'én xi mikii ma síhiníyá yijo-la; kjiya-la n̄achan-yá. Tsohótsji'nde-la kó s'in síikas'en xotjoa ni'ya ya ñánda t̄jna Jesús.

¹⁹Tanga mikii komá jahas'en ni'ya nga 'ño k̄jin x̄ita t̄itsajna; k'eé tsijin isò'nga ni'ya; jaàxin ni'tja; kiskinjen-j̄in-la x̄ita koni s'in kjiya n̄achan-yá-la jè x̄ita xk'én. Yáá tsohójna nguixkon ñánda t̄jna Jesús.

²⁰Jesús k'e nga kijtseè nga mokjeiin-la j̄t'aà ts'e, kitsò-la jè x̄ita xk'én:

—Ngaji, jyeé kàchàat'aà-lè jé-lè.

²¹Ñã x̄ita fariseo ko x̄ita xi okóya k̄jot̄ixoma-la Nainá xi kiskii Moisés tsohóko inima-la, kitsò: “X̄ita jè, chjajno-la Nainá koni s'in tsò. ¿Yá-né jè nga ma-la síjchàat'aà-ná jé-ná? Tajngoò Nainá xi síjchàat'aà-ná jé-ná.”

²²Jesús kijtseeya-la koni s'in nchisik̄itsjeèn; k̄ichja, kitsò-la:

—¿Mé-ne kotsò-ne inima-nò?

²³¿Mé xi isa chiba 'in t̄jin, tsà xán-la jè x̄ita xi xk'én: “Jé-lè jyeé kichàat'aà-lè”, ko tsà xán-la: “T̄isit̄ijin koa t̄it̄jei”?

²⁴Kokoò-nò nga 'an xi Ki'ndí-la X̄ita xan-la yijo-na, t̄j'nde-na nga síjchàat'aà-la jé-la x̄ita i isò'nde.

Jè Jesús k'eé kitsò-la jè x̄ita xi mikii ma síkjaníyá:

—Ji, k'oaá xan-lè, t̄isit̄ijin, chjoí n̄achan-lè, t'in-ne ni'ya-lè.

²⁵Jè x̄ita xk'én ñit̄oón tsasit̄jen nga nguixkon ngats'iì x̄ita xi ya t̄itsajna; kiskoé n̄achan-la xi kijnasòn; k'e nga tifi-ne ni'ya-la, jeya chjat'aà-la Nainá.

²⁶Ngats'iì x̄ita xi ya t̄itsajna tà k̄jòxkón-la, t̄ikoáá jeya k̄ichjat'aà-la Nainá. Tsakjón-ko-ne, kitsò:

—I'nde j k̄ayaxkon jngoáá k̄jòxkón.

Mé kjoa xi komá k'e nga jè Jesús k̄ichja-la Leví

(Mateo 9:9-13; Marcos 2:13-17)

²⁷K'e nga jye os'in komá kjoa koi, itjo Jesús, kiì; k'eé kijtseè jngoò x̄ita xi 'mì Leví, x̄ita-la x̄itaxá Roma xi síkchj̄it̄ji tsojmì. T̄jnat'aà ím̄ixa ya ñánda síkchj̄it̄ji tsojmì ts'e Roma. Jesús kitsò-la:

—Nchrobát̄j̄ingui-ná.

²⁸Leví, tsasit̄jen; kisik̄itsajna yije tsojmì xi t̄jin-la; kiit̄j̄ingui-la Jesús.

²⁹Leví, ya ni'ya-la, tsí ndaà k̄is'iin-la s'eí Jesús. T̄ikoáá k̄jin x̄ita xikj̄in t̄itsajna xi t̄ikoá tsojmì síkchj̄it̄ji, ko x̄ita xi k'ej̄i; t̄itsat'aà ím̄ixa.

³⁰Ñã x̄ita fariseo ko x̄ita xi okóya k̄jot̄ixoma-la Nainá xi kiskii Moisés tsatit'aà x̄ita xi kota'yat'aà-la Jesús, kitsò-la:

—¿Mé-ne ñã x̄ita xi síkchj̄it̄ji tsojmì, ko xi t̄jin-la jé, 'yò-ko koa bichi-ko?

³¹K'eé k̄ichja Jesús kitsò:

—Ñã x̄ita xi mìtsà ch'in t̄jin-la mìtsà chj̄ine xkii mochjeén-la, tà ñã x̄ita xi xk'én xi mochjeén-la chj̄ine xkii.

³²Mìtsà koi xá j'i-na 'an nga j'ikjaàñã x̄ita kixi, ñã-né x̄ita xi t̄jin-la jè nga k̄atasíkajno jé-la nga mì t̄j jè k̄ohótsji-ne.

Kó kitsò Jesús k'e nga kit̄j̄onangui-la mé-ne mì bitsajnachjan-ne x̄ita-la

(Mateo 9:14-17; Marcos 2:18-22)

³³Ñã x̄ita kitsò-la Jesús:

—¿Mé-ne ñã x̄ita xi kota'yat'aà-la Juan tsí ndaà bitsajnachjan t̄ikoá tsí ndaà bítsi'ba; k'oaá t̄j'in ñã x̄ita fariseo; tanga ñã x̄ita tsji, k̄jèn-né koa 'bii-né?

³⁴Jesús kitsò-la:

—K'e nga bixan jngoò x̄ita, ¿a komaá sík̄itsajnachjaan x̄ita xi báhijtakò-ná k'e nga tákò t̄jna x̄ita x'in xi kòbixan?

³⁵Tanga k̄jchò n̄achrein nga t̄jxin-la x'in xi kòbixan, k'e-né nga k̄itsajnachjan x̄ita.

³⁶T̄ikoáá tsibéngj̄imì jngoò-la 'én xi mangásòn [nga tsakóya-la nga ñã k̄jot̄ixoma jchínga, mikii sasén-la xi k̄jot̄ixoma x̄itse]. Kitsò-la:

—Mìtsà yá xi ote chiba nikje x̄itse nga bíjto-ne ko nikje íbaa. Tsà k̄os'in s'een k̄its'ón nikje x̄itse; t̄ikoáá mikii ndaà kongásòn nikje x̄itse ko nikje íbaa.

³⁷T̄ikoáá mìtsà yá xi binchá xán ixii chrjoa jchínga; tsà k̄os'in s'een, k'e nga jye kojchá xán, síxajndá chrjoa jchínga, íkjoàn x̄ixteèn xán; t̄ikoáá chjja jè chrjoa.

³⁸Jè xán ixii, chrjoa x̄itseé sinchá mé-ne nga ndaà sínchát̄jò-ne.

³⁹Tsà yá xi skoí xán jchínga xi k̄jot̄seé jncha, mikii ñit̄on síjé jngoò k'a xi xán ixii. K̄itsò-né: “Jè xán jchínga, isaá ndaà.”

6

K'e nga jñà xità xi kota'yàt'aà-la Jesús tsate natín jè nàchrjein nìkjáya
(Mateo 12:1-8; Marcos 2:23-28)

¹ Jngòò k'a jè nàchrjein nìkjáya, ja Jesús ñánda títje trigo. Xità xi kota'yàt'aà-la tsate natín-la trigo, tsafèya-ne tsja, ìkjoàn kiskine.

² Tjín i'nga xità fariseo xi kitsò:

—*¿Mé-ne kò'nè-enò jè kjoa xi mikii tji'nde nga kòs'in koma jñà nàchrjein nìkjáya?*

³ Kiichja Jesús, kitsò-la:

—*¿Jñò, a mìtsà jye tjiin-nò koni s'in tichja Xojon-la Nainá koni kis'iin xitàxá ítjon xi ki'mi David kò jñà xità-la xi kjihijitako k'e nga kjòhojò-la?*

⁴ Jahas'en ni'ya-la Nainá; kiskoé inchrain tsjee-la Nainá; tsakjèn. Tikoà kitsjaà-la xità-la xi tjiko. Mikii tji'nde nga jñà kòkjen. Tà jñà nò'ni tji'nde-la nga kòkjen.

⁵ Jesús kitsò-isa-la:

—*¿An xi Ki'ndí-la Xità xan-la yijo-na, 'aán otìixoma-la nàchrjein nìkjáya.*

Xità xi kixit'aà jngòò tsja
(Mateo 12:9-14; Marcos 3:1-6)

⁶ Jngòò k'a k'e nga jè nàchrjein nìkjáya, Jesús jahas'en ni'ya jngò sinagoga; tsibits'ia nga tsakóya-la xità. Koa yaá tjina jngòò xità xi kixit'aà tsja kixi.

⁷ Jñà xità xi okóya kjotixoma-la Nainá xi kiskii Moisés kò xità fariseo nchisikinda Jesús kó s'iin, a sùndaà-ne jè xità xi xk'én jè nàchrjein nìkjáya; mejèn-la nga skoe mé-ne nga koma kohòngui-ne.

⁸ Tanga Jesús jyeé tjiin-la kó s'in nchisikitsjeèn jñà xità koi. Kitsò-la jè xità xi kixit'aà tsja:

—*Tsítjiin, tjsijna kixi ya jngòò osen.*

Xità jè tsasítjen, tsasijna kixi.

⁹ Jesús, k'eé kitsò-la ngats'ii xità xi ya títajna:

—*Jngòò kjoa skònangui-nò: ¿A tji'nde-né k'e nga jè nàchrjein nìkjáya nga ndaà s'eén, o xi ch'o s'eén? ¿A sijk'en-ná o xi sùndaà-ná jngòò xità?*

¹⁰ Jesús kiskoòtsejèn yije-la kóhòtjin xità xi ya títajnanndii-la. K'eé kitsò-la jè xità xi kixit'aà tsja:

—*Tjeendojoi ndseji.*

Xità jè, tsijmeé tsja, nitoón kjòndaà-ne.

¹¹ Jñà xità fariseo, ñò jti komà-la; k'eé tsibits'ia nga tsajoóya-ne mé xi sùkò Jesús.

Kó 'mì 'in-la xità-la Jesús xi kota'yàt'aà-la xi tejò ma-ne
(Mateo 10:1-4; Marcos 3:13-19)

¹² Tjijñà-ne nàchrjein koi, Jesús kilmijin-jno jngòò nindoò nga kiichjat'aà-la Nainá; kiskik'a nítjen nga tichjat'aà-la.

¹³ K'e nga kis'e isèn kiichja-la xità xi kota'yàt'aà-la; ìkjoàn jaàjìin tejò xità xi sibixáya-la.

¹⁴ Jè Simón xi tikoà Pedro tsibit'aà 'in; Andrés xi 'ndse ma Simón; Jacobo; Juan; Felipe; Bartolomé;

¹⁵ Mateo; Tomás; Jacobo, ti-la Alfeo; Simón xi ya fit'aà-la kjotixoma ts'e xità Celote;

¹⁶ Judas, ti-la Jacobo; kò Judas Iscariote, jè xi iskan komà kondra-la Jesús.

K'e nga jè Jesús, kjin xità kisindaà-ne
(Mateo 4:23-25)

¹⁷ Jesús itjojen-jno-ne nindoò, tjiko xità xi kota'yàt'aà-la; j'ii jngòò j'nde ñánda isòn choòn; yaá tsibitsajna. Kjìn ma xità-la xi ya nchikoña-la; tikoáá kjìn ma xità xi k'ejí xi inchròbà-ne kòhòkji j'nde Judea kò naxandá Jerusalén kò xi inchròbà-ne Tiro kò Sidón, naxandá xi kjiyijòndii ndáchikon. Koi xá j'ii-ne nga kji'nchré-la Jesús, tikoà mejèn-la kondaà-ne ch'in xi tjin-la.

¹⁸ Jñà xità xi inima ch'o-la neji sítji-la, tikoáá kjòndaà-ne.

¹⁹ Ngats'ii xità, mejèn-la nga kòòt'aà-la tsja yijo-la Jesús nga tseé nga'ño tbitojìin yijo-la nga mandaà yije-ne xità.

Kó kitsò Jesús it'aà ts'e xità ima kò xità nchíná
(Mateo 5:1-12)

²⁰ Jesús kiskoòtsejèn-'a xità xi kota'yàt'aà-la kitsò-la:

—*Mé tà ndaà-anò jñò xi xità ima 'mì-nò, nga tsajòn-nó jñà kjòndaà xi tsjá Nainá nga jè tìhotixoma.*

²¹ Mé tà ndaà-anò jñò xi ijò-nò j'ndeji, nga koma iskan, koskii-nò.

'Mé tà ndaà-anò jñò xi chihindáya j'ndeji, nga koma iskan kijnò-nò.

²² 'Mé tà ndaa-anò k'e nga tjin xita xi sjtikeè-nò tà 'an ngatji-na xi Ki'ndi-la Xita xan-la yijo-na; k'e nga sikitsajnat'aaxin-nò, k'e nga chja'on-ko-nò, k'e nga ochrjekàngui-nò koni tsà jngoò xita xi 'ño ts'en.

²³ Tsja t'è-là takòn jè nàchrjein koi; tjtjsa-là inima-nò; tsee kjondaà tjoè-nò ján ngajmii; tikoáá jña xita jchínga-la xita xi beètoòn-nò, k'oaá t's'in kijtseètoòn jña xita xi kiichja ngajo-la Nainá.

²⁴ 'Tanga ima-xó-nò jño xi xita nchiná 'mì-nò nga tjin yije-nò xi mochjeén-la yijo-nò [tanga mikii nikitsjeèn kjondaà-la Nainá xi mochjeén-la inima-nò].

²⁵ 'Ima-xó-nò xi skiù titsajnaà j'nde; k'e nga koma iskan, kohojò-nò.

²⁶ 'Ima-xó-nò jño xi bijno j'nde; k'e nga koma iskan kobaà-nò koa jchihindáya-nò.

²⁶ 'Ima-xó-nò jño k'e nga ndaa sikitsajna yije-nò xita. Jña xita jchínga k'oaá t's'in ndaa kisikitsajna jña xita xi 'én ndiso kiichjaya.

Kó s'in sikoáá xita kondra-ná

(Mateo 5:38-48; 7:12)

²⁷ 'Tanga jño xi titsana'ya, k'oaá xán-nò: Tjtjsacha kondra-nò, ndaa tikoò jè xi jtikeè-nò.

²⁸ 'Tjét'aa-là Nainá nga kátasichikon-t'in jña xi chja'on-ko-nò, titsi'batjiò jè xi ch'o siko-nò.

²⁹ Jè xi sjts'iin-t'aa kjioòn, tikoá tjiì-là xi ngobà; jè xi faa'an nàchrkòsòn-nò, tikoá tjiì-là nachro-nò xi jngoò.

³⁰ Nita yá xita xi sjé-nò tsojmi, tjiì-là; tsà yá xi skoé xi tsojmi tsajòn, kì tì kii nijé-là.

³¹ Koni s'in mejèn-nò nga siko-nò xita, k'oaá t's'in tiko ngajo-nò.

³² 'Tsà matsjacha jè xi matsjakeè-nò, nimé kjondaà xi s'e-nò, nga k'oaá t's'in jña xita ts'en, matsjakeè xikjin.

³³ Tsà tà jña ndaa sikoò xita xi tikoá ndaa siko-nò, nimé kjondaà xi s'e-nò. Jña xita ts'en, k'oaá tì siko xikjin.

³⁴ Tsà sikiña-là jè xi yaxkoòn nga kojichji, tikoáá nimé kjondaà s'e-nò. Tikoáá jña xita ts'en sikiña-la xikjin nga jyeé tjiin-la nga kojichji yije kóhótjin.

³⁵ 'Tjtjsacha kondra-nò; ndaa tikoò; tikiña-là mé xi sjé-nò, nimé xi chiña-là it'aa ts'e. Tsà kos'in s'een, isaá tse kjondaà s'e-nò. Ixti-la Nainá xi 'ño 'nga tjna komaà k'e nga k'oaá s'in s'een koni s'in Nainá, nga tjin-la kjohimatakòn it'aa ts'e xita xi 'nga ikon ko xi ch'o s'in.

³⁶ Chahima xinguoò koni s'in beehima-nò Nainá xi Na'èn-ná 'mì-là.

Mi kii koma jña sikiñáá jé-la xita xinguiáá

(Mateo 7:1-5)

³⁷ 'Kì jé-la xinguioò 'nè kindaa mé-ne nga Nainá tikoá mikii sikiñáá jé-nò; kì jé binchané-là xinguioò mé-ne nga Nainá mì jé kijnchané-nò; tjjchàat'aa-là jé-la xinguioò mé-ne nga Nainá tikoá sjiichàat'aa-nò jé-nò.

³⁸ 'Tjiì-là xinguioò; jè Nainá tsjá ngajo-nò; Nainá sjiichiba-nò chiba xi ndaa kitsee, xi 'ño jncha, xi ndaa kisitsajneé ko xi tixixteèn-tji nga kijncha chijtsa-nò; jè chiba xi sjiichibaya-là xinguioò, tjiè sjiichibaya ngajo-nò Nainá.

³⁹ 'Jesús tsibénjmi jngoò-la kjoa xi mangásòn, kitsò-la:

—Jngoò xita xi mikii tsejèn-la, mikii koma kòkò-la ndiya jngoò xi tikoá mikii tsejèn-la. Ingajo, yaá kixoya ngajo ñanda ch'o choòn.

⁴⁰ 'Jngoò xita xi kota yá mitsà isa 'nga tjna koni maestro-la; tanga k'e nga kjoehet'in-la nga ndaa skóta'ya, tikoáá kongásòn-né koni jè maestro-la.

⁴¹ '¿Mé-ne jé-la xinguii nikinda-ne koa tsiji mikii nikindji? ¿Mé-ne chitsejèn-la tjé xi kijnangui xkon xinguii, koa jè yá chiso xi kijnangui xkoiin mikii chitsejèn-la?

⁴² '¿A mì 'ya-jèn yá chiso xi kijnangui xkoiin? ¿Mé-ne ko'mì-la xinguii: “Ndsé, tjiì'nde-ná nga kochrjekànguia tjé xi kijnangui xkoiin”? Ngaji xi jò ma isén-lé; itjòn tijnachrjekàngui chiso xi kijnangui xkoiin, mé-ne nga ndaa kòtsejèn-lé, ijkjoan tijnachrjekàngui tjé xi kijnangui xkon xinguii.

Kós'in 'ya-la kós'in tjin inima-la jña xita

(Mateo 7:17-20; 12:33-35)

⁴³ 'Tsjìn yá xi ndaa kjoàn ko ch'o kjoàn toò xi ojà-la; tikoáá tsjin yá xi ch'o kjoàn ko ndaa kjoàn toò xi ojà-la.

⁴⁴ 'Nga jngoò jngoò skoya yá, k'oaá s'in yaxkon-la koni kjoàn toò xi ojà-la. Jè toò iko, mitsà yá na'yá ojà-la. Tikoáá jña toò uva mitsà na'ya xanchroò ojà-la.

⁴⁵ 'Koni kjoàn yá, k'oaá tì kjoàn xita; jngoò xita xi 'én ndaa chja, koi-né nga kjondaà tjiin inima-la; koa jngoò xita xi 'én ts'en chja, koi-né nga kjoats'eén tjiin inima-la; nga k'oaá tsò 'én xi nokjoá koni tsò kjohitsjeèn xi tjiin inima-ná.

Chró n'ya xi jò ma-ne

(Mateo 7:24-27)

⁴⁶ 'Jmé-ne kōs'ín 'mì-ná nga bixón: "Ná'èn, Ná'èn", koa mikii nikitason koni xan-nò?

⁴⁷ K'oaá xan-nò yá xi mangásòn jè xīta xi 'an fit'aà-na, xi 'nchré 'én-na, tīkoá sīkitasòn.

⁴⁸ Jè mangásòn jngoò xīta xi bīndaà ni'ya-lá; 'ñó nāngá ò'ngui; bījna tàts'en chrjò ni'ya ya json naxi. K'e nga 'ba jtsi xkón, f'ii xajngá nandá, kaat'aà'ñó-lá ni'ya; nīmè xi síko nga ya tjīndaàsòn naxi.

⁴⁹ Tāngá jè xi 'nchré 'én-na koa mikii sīkitasòn, k'oaá ngayá-lá koni jngoò xīta xi bīndaàsòn ni'ya-lá nānda tà nangui; mikii ndaa bīndaà tàts'en chrjò; f'ii xajngá nandá, kaat'aà'ñó-lá ni'ya; yáá bixòña ni'ya jè; jngoò k'a bixòjen.

7

Kii komà nga kjōndaà-ne chī'nda-lá xi xīta sko-lá soldado

(Mateo 8:5-13)

¹ Jesús, k'e nga jye tsakóya-lá xīta naxandá xi nchi'nchré 'én-la, kii, jahas'en-jūin naxandá Capernaum.

² Ya tīna jngoò soldado ítjòn. Jè chī'nda-lá, 'ñó xk'én. Kjomèè biyaà. Tāngá 'ñó tjòkeè.

³ K'e nga kii'nchré xīta jè it'aà ts'e Jesús, kisikasén xīta jchīngá xi ts'e xīta judío nga kii kitsi'ba-lá Jesús mé-ne nga kátjanchrobá, kátasixkii-lá jè chī'nda-lá xi xk'én.

⁴ Jñá xīta jchīngá, k'e nga ijchòkon Jesús 'ñó tsibitsi'ba-lá, kitsò-lá:

—Ok'ín-lá nga sichját'aà-lá xīta ítjòn jè.

⁵ Tsjakèè naxandá xi chjā-ne Judea, koa jè tsibīndaà jngoò-ná ni'ya jngo sinagoga i naxandá-ná.

⁶ Jesús kiiko jñá xīta jchīngá koi, tāngá k'e nga jye kjomèè bijchó chrañà'aà-lá ni'ya, jè xīta ítjòn-lá soldado kisikasén i'nga amigo-lá nga kitsò-lá Jesús:

—Ná'èn, ki yijo-lè nījti-lá. 'An, mikii ok'ín-na nga ngaji k'óin sobi ni'ya-ná.

⁷ Tīkoáá mikii ok'ín-na nga 'an kōfikon sobà-lè. Tāngá tjii okixi nga kátandaà-ne chī'nda-na.

⁸ 'An, tījīn-na nga tījīn-lè kjotixoma. Tīkoáá 'an, tījīn-na xīta ítjòn xi otixoma-na, tīkoáá tījīn-na soldado xi 'an otixoma-lá, k'e nga xan jngoò-lá: "T'in", fi-né; xan-lá xi jngoò: "Nchrobol", nchrobá-né; koa k'e nga xan-lá jè xi chī'nda-na: "K'oa t'jīn", sīkitasòn-na.

⁹ K'e nga kii'nchré Jesús jñá 'én koi, tà kjòxkón-lá. K'eé kiskoòtsejèn-a jñá xīta xi tjīngui-lá; kitsò-lá:

—K'oaá xan-nò, ya Israel, nī saà jngoò xīta sakó-na xi kōs'ín ndaa mokjeiín-lá koni jè xīta jè.

¹⁰ Jñá xīta xi kiikjaá Jesús, k'e nga j'ii-ne, jè chī'nda xi xk'én, jyeé kjōndaà-ne.

Kós'ín komà k'e nga jè Jesús kisikjaáya-lá ki'ndi-lá chjōón ka'an

¹¹ Nga komà iskan Jesús kii jngoò naxandá xi 'mì Naín. Tjīko xīta xi kota'yàt'aà-lá, tīkoáá kjiin xīta xi tà xīta naxandá tjīngui-lá.

¹² K'e nga jye ijchó chrañà ijto xotjōa naxandá, kjiin ma xīta naxandá xi kjihjītakō chjōón ka'an nga nchifi kihijīin jngoò mik'en xi ti tā jngoò-lá jè chjōón ka'an.

¹³ Ná'èn-ná Jesucristo, k'e nga kijtseèxkon, kjòhīmākeè; kitsò-lá chjōón ka'an:

—Ki chīhindáya-jèn.

¹⁴ Kii kasit'aà chrañà-lá jè kaxa mik'en, tsohósòn-lá tsja; jñá xīta xi yangui mik'en chinchakō. Kitsò Jesús:

—Ngaji ti, k'oaá xán-lè: jTisítjīin!

¹⁵ Jè mik'en nītoón tsibijna kixi; ikjoàn kiichja. Jesús, k'eé kisingatsja neá-lá.

¹⁶ Ngats'ii xīta xi tjīko, tà kitsakjòn-né; k'eé jeya kisikjīna Nainá kitsò:

—Jngoò xīta tījnakō-ná xi 'ñó ndaa chjā ngajo-lá Nainá.

Tīkoáá tījīn xi kitsò:

—Nainá j'ii kasikō naxandá-lá.

¹⁷ Jñá 'én koi, kina'yà-lá kóhokji nangui Judea, ngats'ii j'inde nga jngoò itjandii nangui Judea.

Xīta xi kota'yàt'aà-lá Juan xi kis'iin bautizar xīta

(Mateo 11:2-19)

¹⁸ Juan xi kis'iin bautizar xīta kii'nchré yije kjoa xi tís'ín Jesús; jñá xīta xi kota'yàt'aà-lá tsibénojmi-lá. K'eé kiichja jò-lá xi xīta ts'e.

¹⁹ Kisikasén nānda tījna Jesús nga skonangui-lá, za jè-né xi Cristo xi tījínè-lá nga kjoji a xi kj'eji chíña-lá?

²⁰ Jñá xīta-lá Juan, k'e nga ijchòkon Jesús, kitsò-lá:

—Jè Juan kāsikasén-najen xi it'aà tsiji nga chjīnangui-lèjen, za jī-né xi Cristo xi tījínè-lè nga kjoji a xi kj'eji chíña-lajen?

²¹ Tjè-ne hora, Jesús, kjin xita kisindaà-ne xi xk'én, xi kjo'in nchisíkjeín, xi inima ch'o-la neji tjin inima-la; tikoáá kjin xita xi mikii tsejèn-la kjòndaà-ne.

²² Jesús kitsò-la jña xita xi ijchòkon:

—Tanguió ténjomi-là Juan jña kjoa xi kà'yaà ko xi kàna'ya. Jña xita xi mikii tsejèn-la, jyeé tsejèn-la; jña xi tsá'ya kjoàn, jyeé ma fi-ne; jña xi tbindojno chrjoa yijo-la, tímatsjeèjnoó-ne yijo-la; jña xita xi jta'yaà, jyeé 'nchré-ne; ko xita xi jye k'en, nchifaáya-là; koa jña xita ima, jye tís'enojmi-là 'én ndaa-là Nainá.

²³ Mé tà ndaa-là jè xita xi ngui jngoò k'a ndaa mokjein-la it'aà ts'an nga nímé xi osijna-ikònd-la!

²⁴ K'e nga jye kiil-ne xita xi kisikasén Juan, tsibíts'ia Jesús nga tsohóko xita xi it'aà ts'e Juan, kitsò-la:

—¿Mé xi tsangui chitsejèn-là ya i'nde it'aà xin ñánda nangui kixi choòn? ¿A jè tsangui chitsejèn-là jngoò ya ínaço xi sítlya-la tjo?

²⁵ ¿Mé-né xi tsangui chitsejèn-là? ¿A jngoò xita xi 'ño ndaa kji nikje-la? Jño, jyeé 'yaà, jña xi ndaa kjoàn nikje xi ókjá, xi tikoá 'ño ndaa kjoàn tsojmi xi tjin-la, yaá títsaya ni'ya-la xitaxá ítjòn.

²⁶ Tanga, ¿mé xi tsangui chitsejèn-là? ¿A jngoò xita xi chja ngajo-la Nainá? Qkixi-né, k'oaá xan-nò, Juan, isaá 'ño ndaa koni jngoò xita xi chja ngajo-la Nainá.

²⁷ It'aà ts'e Juan, yaá tíchja Xojoñ-la Nainá nga tsò:

‘An, sikasén ítjòn-lè xita-na xi kjiko 'én;

jè xi kojindaáya ítjòn-lè ndiyá-lè.

²⁸ K'oaá xán-nò, ngats'ii xita xi tjin i isò'nde, nijngoò xita xi mangásòn koni jè Juan xi kis'iin bautizar xita, tanga ya ijlin naḡandá ñánda otixoma Nainá, jè xita xi fehet'aà-ne, isaá jeya tijná mi k'oaá-ne koni Juan.

²⁹ K'e nga kiil'nchré jña xita naḡandá ko jña xita-la xitaxá Roma xi síkíhítji tsojmi, kjòjngoò-ikon nga ndaa tjin jè ndiyá kixi-la Nainá, nga jye komá bautizar it'aà ts'e Juan.

³⁰ Tanga jña xita fariseo ko xita chjine xojoñ ts'e kjotixoma-la Nainá, mikii komá bautizar it'aà ts'e Juan. Tsachrjengui-né kjòndaà xi tjindaà-la Nainá nga tsjá-la xita koi.

³¹ Jesús kitsò:

—¿Yá xi siingásòn-koaa jña xita xi tjin naḡrjein i'ndeji? ¿Kó kjoàn xi kongásòn-ko?

³² Jña kongásòn-kjoó jña íxti xi bitsajna ndítsin nga síská, chja-la xíkjin, tsò-la: “Kánikjaneé-nòjen xobí tanga jño mikii káchà; kàjndaá-nòjen sò xi ba tsò tanga mikii káchihindáya.”

³³ J'ii Juan xi kis'iin bautizar xita xi mitsá inchrájin tsakjèn, tikoá mitsá xán kits'ii koa jño bixòn-nò: “Inima ch'o-la neji tjin-la.”

³⁴ Ikjoàn j'iaa xi Ki'ndí-la Xita xan-la yijo-na; ma-na kjeen, tikoá ma-na 'biaa; jño, k'oaá s'in bixòn i'ndeji: “Xita chrj'a-né, xita ch'i-né, amigo-la-né jña xita-la xitaxá Roma xi síkíhítji tsojmi ko jña xi xita jè.”

³⁵ Tanga jè kjoachjine-la Nainá, 'yaá-la nga kixi tjin k'e nga jye bitasòn.

Kó tsò 'én xi kíichja Jesús k'e nga jngoò chjoón xi tse jè tjin-la tsaníno ndsóko

³⁶ Jngoò xita fariseo kíichja-la Jesús nga mejèn-la kokjen-ko. K'e nga jahas'en ni'ya-la jè xita fariseo, tsibijnat'aà ímíxa.

³⁷ Ya naḡandá jè, tijná jngoò chjoón xi tse jè tjin-la. K'e nga kiil'nchré nga ya tijnat'aà ímíxa Jesús, ya ni'ya-la jè xita fariseo, ijchòko jngoò chitsín xi tjiya-la xkii xi ndaa jne.

³⁸ Yaá tsasijnat'aà ítjòn ndsóko Jesús nga tíkjindáya. Ikjoàn tsaníno ndsóko Jesús ko ndáxkon. K'ée kisixijno-ne ko tsja skó. Kjin k'a kiskine'a ndsóko. Ikjoàn kisikaájno xkii xi ndaa jne.

³⁹ Jè xita fariseo xi kíichja-la Jesús, k'e nga kijtseé kjoa koi, kitsò jjiin inima-la: “¿Mé-ne nga mikii beèxkon-ne ya chjoón-ne xi otísíko? Tsá kixi kjoa nga jè xita xi chja ngajo-la Nainá, skóexkon-né nga chjoón xi jè tjin-la.”

⁴⁰ K'ée kíichja Jesús, kitsò-la:

—Simón, jngoò kjoa ko xán-lè.

Simón kitsò:

—Maestro, kot'in-ná.

⁴¹ Jesús kitsò:

—Jò xita títsajna xi tòn tjen-la ts'e xita xi síkiña tòn; jngoò xi 'òn sindo tjen-la; jè xi jngoò ícháte tjen-la.

⁴² Ingajo xita koi, tsjin-la tòn xi kojichí ngajo-ne. Jè nei-la tòn kisíjcháat'aà-la ingajo. Kot'in-ná, jña-la ingajo xita koi xi isa 'ño matsjakeé jè nei-la tòn?

⁴³ Kíichja Simón kitsò:

—An, k'oaá s'in síkítsjeèn, jè-la xi isa tse tòn kitjen-la.

Jesús kitsò:

—Ndaà kichoòsòn-là.

⁴⁴ Jesús kiskoòtsejèn-jno jè chjoón, kitsò-là Simón:

—Chítsejèn-là chjoón jè. 'An, k'e nga kòfahas'eèn ni'ya-lè [mikii kànikitasoin koni s'in tjin kjoòtixoma tsajan]; mikii kò'bùl-nà nandá xi mochjeén-là ndsokoaà nga sanjino; tanga chjoón jè, ndáxkoón kòhonjino-ne ndsokoaà koa tsja skoó kàsixjino-ne.

⁴⁵ K'e nga kànlihat'aà-nà mikii kichine'a-nà tanga chjoón jè, kóni kòfahas'eèn ni'ya-lè tìkine'a ndsokoaà.

⁴⁶ Ngaji, mikii kànáhijnoi asiti skoaà, tanga chjoón jè, kòfáhijno ndsokoaà xkii xi ndaà jne.

⁴⁷ Koi k'oas'in xan-lè: Chjoón jè, jyeé kàcháat'aà yije-là ngats'iì jé-là koi kjoa-là nga 'ño matsjakeè-na, tanga jè xita xi chiba kàcháat'aà-là jé-là, isaà chiba matsjakeè-na.

⁴⁸ K'eé kitsò-là Jesús jè chjoón:

—Jé-lè jyeé kàcháat'aà-lè.

⁴⁹ Jñà xita xi taña títajnat'aà ímixa kitsò-là xíkjin:

—¿Yá xita-né jè nga tikoá ma-là sícháat'aà-ná jé-ná?

⁵⁰ Jesús kitsò ìjngòd k'a-là jè chjoón:

—Koi-né nga mokjeiín-lè j't'aà ts'an nga bitjotji-ne jé-lè; t'in-là ndaà-ne.

8

Íchjín xi kisichját'aà-là Jesús

¹ K'e nga komà iskan. Jesús, kjin naxandá tsajmeè, kò rancho, nga kiichjaya kò kisika'bí 'én ndaà-là Nainá koni s'in otixoma Nainá. Tjiko xita-là xi tejò ma-ne.

² Tjikoáá tjiko i'nga íchjín xi jye kjòndaà-ne ch'in neji-là kò xi k'ejí ch'in. Yaá tjiko María jè xi Magdalena 'mì, xi itoò injima ch'o-là neji itjoiin yijo-là;

³ tjiko Juana, chjoón-là Chuza xi síkinda tsojmi-là xitaxá itjòn xi 'mì Herodes; tjikoáá tjiko xi 'mì Susana koa kjin-isa íchjín tjiko xi síchját'aà-là mé tsojmi xi tjin-là.

Kjoa xi mangásòn ts'e xita xi bitje xojmá

(Mateo 13:1-9; Marcos 4:1-9)

⁴ K'e nga jye kòkjin xita xi xkì xi ján naxandá j'ii-ne, Jesús, tsibénojmi-là kjoa xi mangásòn. Kitsò-là:

⁵ —Jngòd xita xi kii kjinjdi xojmá. K'e nga tsibíts'ia nga kiskjindj xojmá, chixò chiba ya jya ndiyá. Koa chinchane xita koa jñà nise tsakjèn.

⁶ Ngui k'oa tjin chixòson ya ñanda naxi choòn, tanga k'e nga isò xojmá, nitòon kixi nga mikii 'nchi'nde nangui.

⁷ Ngui k'oa tjin chixò ya ijün na'yá; yaá taña isòkjoò; k'e nga kjò'nga na'yá, kisik'en-ngui xka-là xojmá.

⁸ Ngui k'oa tjin chixò ñanda nangui ndaà; isò, kjò'nga, koa tsajà-là toò; kitsjaà jngòd sindo nga jngòd ìjngòd.

Jesús k'e nga jye tsibénojmi kjoa koi, 'ño kiichja, kitsò:

—jNdaà tina'yaà koni xan-nò!

Mé-ne kjoa xi mangásòn kisikjeén-ne Jesús

(Mateo 13:10-17; Marcos 4:10-12)

⁹ Jñà xita xi kota'yat'aà-là Jesús kiskònangui-là kó tsòya-ne jè kjoa xi mangásòn xi tsibénojmi-là xita.

¹⁰ Jesús kitsò:

—Jñò, Nainá jye kitsjaà-nò nga jchaa kjoa ma-là xi bénojmiya kó s'in otixoma Nainá; tanga jñà xita xi k'ejí, tà kjoa xi mangásòn s'enojmi-là, mé-ne nga mikii skoe-ne xi kjoa kixi nas'in skòtsejèn, mikii kochiya-là nas'in nchi'nchré.

Kó tsòya-ne kjoa xi mangásòn ts'e xita xi bitje xojmá

(Mateo 13:18-23; Marcos 4:13-20)

¹¹ 'Jè kjoa xi mangásòn ts'e xojmá, kii tsòyaà-ne: Jñà xojmá, jè 'én-là Nainá.

¹² Jñà xojmá xi chixò jya ndiyá, jñà ngaya-là xita xi 'nchré 'én-là Nainá, ikjoàn f'ii xita neji, faáxin jè 'én ijün injima-là mé-ne nga mikii kòkjeiín-là koa mikii kitjoiin kjo'in injima-là.

¹³ Jñà xojmá xi chixòson naxi, jñà ngaya-là xita xi 'nchré 'én-là Nainá, k'e nga tàts'en-là kjoa tsjaà ma-là nga mokjeiín-là, tanga tsjin-là i'ma; tà chibaà naxrjein mokjeiín-là; k'e nga mé kjoa xi sakò-là, nitòon síkjna-ne.

¹⁴ Jñà xojmá xi chixò ijün na'yá, jñà ngaya-là xita xi 'nchré 'én-là Nainá; k'e nga jye tjimaya ndiyá-là Nainá, bits'ia nga síkajno-là yijo-là, ótsji xi kjoa nchiná kò xi kjoa kjotsja. Jñà kjoa koi xi tjin isò'nde bíchjoà-ikòn-là nga mikii makixi nga ojà-là toò.

¹⁵ Jñà xojmá xi chixò ñánda nangui ndaà, jñà ngaya-là xítà xi ndaà tjin kò xi kixi tjin inijma-là; 'nchré 'én-là Nainá tikoá bjiin-ikon 'én xi 'nchré; ndaà bincha kixi skanda k'e nga ndaà makjin-ya jñà 'én.

Kjoa xi mangásòn ts'è ni'ín xi slihèèn
(Marcos 4:21-25)

¹⁶ Tsjin xítà xi oká ni'ín, ikjoàn bjiinsa'ma, o xi ya sikjnnangui nàchan; jngoò ni'ín xi tì, sijna 'nga-né; yaá sijnaya candelero mé-ne nga kohiseèn-là jñà xítà xi kjoahas'en ni'ya.

¹⁷ Njmé kjoa tjin xi tji'ma j'ndeji xi mikii kotsejèn nga koma jskan; tikoáá tsjin kjoa xi tji'ma j'ndeji xi mikii jcha-là. Ngats'ii kjoa skoexkon yije xítà.

¹⁸ T'een kindá kjohitsjeèn-nò k'e nga kiná'ya 'én-là Nainá. Ndaà tjiná'yaá. Nga jè xi tjin-là kjohitsjeèn k'oíi isa-là; tanga jè xi tsjin-là, skanda tjá'aán-là mé xi k'oas'ín sikitsjeèn nga tjin-là.

Nea-là Jesús kò 'ndse
(Mateo 12:46-50; Marcos 3:31-35)

¹⁹ Nea-là kò 'ndse kükon ñánda tjiná Jesús. Tanga mikii komá ijchò skanda ñánda tjiná nga 'ñó kjin ma-ne xítà xi títasajna.

²⁰ Jesús kis'enojmi-là, kitsò-là:

—Nea-lè kò jñà 'ndsi, ján nditsiaán títasajna, mejèn xó-là nga skótsejèn-lè.

²¹ Küchja Jesús, kitsò:

—Xi nea-ña kò xi 'ndse xan-là, jñà-né xi 'nchré 'én-là Nainá, tikoá sikitasòn.

K'e nga jè Jesús kisikjnjajò tjojkón
(Mateo 8:23-27; Marcos 4:35-41)

²² Jngoò nàchrjein, Jesús kò xítà xi kota'yàt'aà-là jahas'en jngoò chitso, kitsò Jesús:

—Tikjiaán, kitjájtoaá ján xijngoaa ndáchikon.

Ikjoàn kii.

²³ Tanga k'e nga küsòndá chitso, Jesús tsohojnafè-né. Ikjoàn kjòts'ia nga j'ii tjojkón ya jjiin ndáchikon. Jyeé tífahas'en nandá chitso; xkón tjin tsá ya skajjin-ndá.

²⁴ Jñà xítà-là k'eé kükon nga kisikjaá-là Jesús; kitsò-là:

—¡Maestro! ¡Maestro! ¡Chitso, jye tíkaànguindá! Jyeé-la kiyá.

Jaá-là Jesús; ikjoàn tsohótiko tjojkón kò ndáchikon, ni'toón kisijyò-ne, kjòndaàya-ne.

²⁵ Jesús kitsò:

—¿Mé-ne mikii mokjeiín-nò it'aà ts'è Nainá?

Jñà xítà-là tà kitsakjòn-né. Tà kjòxkón-là. Kitsò-là xíkjin:

—¿Yá xítà-ne jè nga chja-là tjo kò nandá koá sikitasòn-là?

Xítà Gadara xi kjin inijmá ch'o-là neíi tjiin inijma-là
(Mateo 8:28-34; Marcos 5:1-20)

²⁶ Ikjoàn ijchò ya nangui-là xítà Gadareno xi kijna xijngoaa ndáchikon ts'è Galilea.

²⁷ K'e nga itjojen chitso, Jesús, ijchò kasit'aà jngoò-là xítà x'in xi ya j'nde-là naxandá Gadara. 'Nó kjòtseé tjiin yijo-là inijmá ch'o-là neíi; mìtsá níkjé ókjá, koá mì ni'ya tjin-là; yaá xó bijnaya ngajo-là mik'en.

²⁸ Xítà jè, k'e nga kijtseé Jesús, 'ñó kiskindáyat'aà-là koá tsasèn-xkò'nchit'aà-là; ikjoàn 'ñó küchja, kitsò:

—Jesús, ngaji xi Ki'ndí-là Nainá 'mì-lè xi 'ñó nga tjiná, ¿mé xi mejèn-lè kò 'an? ¡Bitsi'bà-lè, kì yatoòn-ná!

²⁹ Koií okitsò-ne, nga jè Jesús, jyeé kos'ín tsatixoma-là jè inijmá ch'o-là neíi nga kàtitjojin yijo-là xítà jè. Jyeé kjòtseé kos'ín tjiin yijo-là nga biyaaxín; nas'ín na'ñó kichá cadena sit'aà'ñó ndsoqo kò tsja, chíkjoaa-là nga otejtso, ikjoàn fiko jè inijmá ch'o-là neíi ya nangui kixi ñánda tsjin xítà.

³⁰ Jesús kiskònnangui-là, kitsò-là:

—¿Kó 'mì-lè?

Xítà jè kitsò:

—Legión 'mì-na.

Koií kò'mì-ne nga 'ñó kjin inijmá ch'o-là neíi tjiin yijo-là.

³¹ Jñà inijmá ch'o-là neíi tsibitsi'ba-là Jesús nga mì yaá sikkatsjoya ni'tjan-là neíi ñánda tjin kjo'in.

³² Ya it'aà nindoò, 'ñó kjin ma chinga xi nchikjèn-jno jjiin ijñá. Jñà inijmá ch'o-là neíi, tsibitsi'ba-là Jesús nga tsjá'nde-là nga ya kjoahas'en-jjin yijo-là chinga. Jesús, kitsjaá'nde-là.

³³ Jñà inijmá ch'o-là neíi, nga jye itjojin yijo-là xítà jè, ikjoàn jahas'en-jjin yijo-là jñà chinga. Ikjoàn jñà chinga tsatíkajen-jno ya naxi skanda jjiin nandá; yaá k'en-jjin nandá ngats'ii jñà chinga.

³⁴ Jñà x̄ita xi nchikondà ch̄inga, k'e nga kijtseè kjoa xi komà, tsangachikon nga kisiki'nchré naxandá kóhokji ñánda rancho.

³⁵ Jñà x̄ita naxandá, k'e nga kii'nchré, itjo katsejèn jñà kjoa xi komà. Kii ñánda tíjna Jesús. Tjkoa ya tijnat'aà ndsoko Jesús jè x̄ita xi jye itjojiin-ne yijo-la jñà iníma ch'o-la neí. Jyee íkjá-ne nikje-la, t̄ikoaá jyee ndaa t̄jín-ne kjoh̄itsjeèen-la. Jñà x̄ita k'e nga kijtseèxkon, tà kitsakjòn-la.

³⁶ Jñà x̄ita xi kijtseè kjoa koi, tsibénojmí-la x̄ikjín kó s'in komà nga kjòndaà-ne jè x̄ita xi iníma ch'o-la neí kisijiin yijo-la.

³⁷ Ngats'ii x̄ita xi títsajna ya nangui-la x̄ita Gadareno, kóhokji jngoò itjandii, tsibítsi'ba-la Jesús nga kàtjì-ne, koií kjoa-la nga 'ñó kitsakjòn x̄ita koi. Jesús jahas'en-ne chitso, ikjoàn kii-ne.

³⁸ Jè x̄ita xi jye itjokàjiin-ne yijo-la iníma ch'o-la neí tsibítsi'ba-la Jesús nga mejèn-la nga ya kojmeiik; tanga jè Jesús kitsjaà-la okixi nga kàtjina; kitsò-la:

³⁹ —T'in-ne ni'ya-lè, tènogmí yije-la x̄ita nga 'ñó tse kjoa kàsiko-lè Nainá.

X̄ita jè, kii-ne; ikjoàn tsibítsi'ia nga tsibénojmí, kisihingason 'én kóhokji naxandá jè nga 'ñó tse kjoa kisiko Jesús xi it'aà ts'e.

*Tsòti-la Jairo kò chjoón xi kitsobà itjòn nikje-la Jesús
(Mateo 9:18-26; Marcos 5:21-43)*

⁴⁰ K'e nga jye j'ii jngoò k'a-ne Jesús ján xijngoaa ndáchikon, kjòtsjaà-la jñà x̄ita xi kjin ma-ne, koií kjoa-la nga ngats'ii, nchikoña-la.

⁴¹ J'iiikon jngoò x̄ita skò-la xi ts'e ni'ya ingo sinagoga xi 'mì Jairo; tsasèn-xkó'nchit'aà ndsoko Jesús, tsibítsi'ba-la nga mejèn-la kjiko ni'ya-la.

⁴² Koií xá j'iikjaá-ne nga jye tibiyaá ndí tsòti-la xi tajngoò ma-ne xi tejò nó t̄jín-la.

Jesús, k'e nga tífi, jñà x̄ita nga kjin ma-ne, ch̄iba-la tsohó'nchò'ñó-né.

⁴³ Ya tsóhojiin jngoò chjoón xi jye kjò tejò nó t̄jín-la ch'in jni. Jye kjò tse t̄on kò tsojmi xi t̄jín-la kisikjeheya xi kjoa ts'e ch̄jinexkii; mikii mandaà-ne n̄ita yá xi síxkii-la.

⁴⁴ Chjoón jè, kii kasit'aà chraña-la Jesús ya ijton its'in nga kitsobà 'ñó itjòn nikje-la, koa jè jni xi tíxíteen-la, n̄itòón kisijyò-ne.

⁴⁵ K'ée kiskònangui Jesús, kitsò:

—¿Yá-né xi kàtsobà-na?

Ngats'ii x̄ita kitsò:

—Mìtsà yá-jèn.

K'ée kitsò Pedro kò x̄ita xi i'nga:

—Maestro, jñà x̄ita nga kjin ma-ne fàhitjen-lè koa ó'nchò'ñó-lè, ngaji si-né: “¿Yá-né xi kàtsobà-na?”

⁴⁶ Jesús kitsò jngoò k'a:

—Tjín xi kàtsobà-na; kàbeéyaá-na nga kòbitjojiin nga'ñó yijo-na.

⁴⁷ Jè chjoón, k'e nga kijtseè nga mikii koma kójna'ma nga ki'yat'in-la, ch̄iba-la tíhotsé yijo-la nga tsasèn-xkó'nchit'aà-la Jesús. Tsibénojmí-la nga nguixkon ngats'ii x̄ita naxandá mé kjoa-ne nga nikje-la Jesús kitsobà-ne, koa kó s'in nga n̄iton kjòndaà-ne ch'in-la.

⁴⁸ Jesús kitsò-la:

—Ndí neaa, koi-né nga mokjeiín-lè it'aà ts'an nga kòmandaà-ne. T'in-la ndaa-ne.

⁴⁹ Tákó t̄ik'ée tíchja-isa Jesús nga j'ii jngoò x̄ita xi ts'e x̄ita itjòn xi inchrobà-ne ni'ya-la nga kitsò:

—Ndí tsòti-lè jyee k'en; ki t̄i kii nijti-la Maestro.

⁵⁰ K'e nga kii'nchré Jesús kitsò-la:

—Ki tsakjoòn-jèn; tà jè-né nga kàtakjeiín-lè, jè ndí tsòti-lè kòndaà-ne.

⁵¹ K'e nga jahas'en ni'ya, Jesús, mikii kitsjaà'nde-la x̄ita xi kj'eíí nga jahas'en-ko, tà jè Pedro, Jacobo, Juan, kò na'èn-la kò nea-la ndí tsòti.

⁵² Ngats'ii x̄ita xi títsajna, nchikjindáya-né koa nchisíkájno-né xi it'aà ts'e ndí tsòti. Tanga jè Jesús kitsò-la:

—Ki chihindáya-jèn; mìtsà kòbiyaá ndí tsòti, tà kjinafè-né.

⁵³ Jñà x̄ita xi títsajna tà tsijnòkeè Jesús nga t̄jijn-la nga jyee k'en.

⁵⁴ Tanga Jesús kiskoé tsja ndí tsòti; 'ñó kùichja-la kitsò-la:

—Tsòti, it̄isítjiiin!

⁵⁵ J'ii jngoò k'a-ne iníma-la; ikjoàn n̄itòón tsasítjen; Jesús kitsjaà okixi nga tsjá-la xi skine.

⁵⁶ Jñà x̄ita jch̄inga-la, tà kjòxkón-la; tanga jè Jesús kitsò-la:

—Ki yá x̄ita xi bènojmí-la jè kjoa xi kòma.

9

K'e nga jè Jesús kitsjaà-là xá xitá-là xi tejò ma-ne

(Mateo 10:5-15; Marcos 6:7-13)

¹ Jesús kiichja-là xitá-là xi tejò ma-ne xi jè tsibixáya-là; kitsjaà-là nga ñò ko kjotíxoma nga kochrjejiin yiye iníma ch'o-là neji xi tíjin yiyo-là xitá; tikoá koma-là siindaà-ne xitá xi ch'in xk'én tjin-là.

² Kisikasén nga kichjaya kó s'in otíxoma Nainá, tikoá siindaà-ne xitá xi ch'in tjin-là.

³ Kitsò-là:

—Nímé xi ch'aà xi ts'e ndiyá; kì yá garrote ch'aà; kì na'yaá ch'aà; kì inchrájin ch'aà; kì toón ch'aà; tikoá kì jò nachró ch'aà.

⁴ Níta ñánda ni'ya nga kijchoò, yaá títsajna, skanda k'e kitjoo-nò.

⁵ Tsá jngoò naxandá ñánda kijchoò, tsá mikii skoetjò-nò, titjjoñò, títsajneè chijo-là ndsókoò nga kàteè kjoá koi koni jngoò seña, nga jñò, mì tì kii sis'in-là; kjo'ín s'e-là nga mikii mokjeiin-là.

⁶ Itjo xitá koi, xkì xi ján naxandá kii; kisika'bí 'én ndaa-là Nainá xi kjoá ts'e Cristo; tikoáá kisindaà-ne xitá xi ch'in tjin-là nga kjjindá naxandá.

K'e nga k'en Juan xi kis'in bautizar xitá

(Mateo 14:1-12; Marcos 6:14-29)

⁷ Jè xitaxá itjón xi 'mì Herodes, k'e nga kii'nchré ngats'ii kjoá xi tís'in Jesús, mikii beè kó s'in silkítsjeèn, nga tjin i'nga xitá xi tsò: “Juan, jyeé jaáya-là.”

⁸ Xitá xi i'nga tsò: “Jè Elías xi tsatsejen i'ngoo k'a-ne.” Tikoáá xitá xi k'e'ejí tsò: “Jaáya jngoò-là xitá jchúnga xi kiichja ngajo-là Nainá.”

⁹ Kitsò Herodes:

—'An sobá tsibixá-là xitá xi kisik'en Juan nga tsatesin. ¿Yá xitá-ne jè xi qos'in tís'in kjoá xi 'nchré?

K'oaá ma-ne nga mejèn-là skoexkon Jesús.

K'e nga 'on jmii xitá kisikjèn Jesús

(Mateo 14:13-21; Marcos 6:30-44; Juan 6:1-14)

¹⁰ K'e nga j'ii i'ngoo k'a-ne jñá xitá xi tsibixáya-là Jesús, tsibénojmi ngats'ii kjoá xi kis'in. Jesús, k'eé kiiko jngoò i'nde ts'e naxandá Betsaida ñánda tsjin xitá.

¹¹ Jñá xitá, k'e nga kii'nchré nga jye kii Jesús, kiitjingui-là; k'e nga ijchòtjingui-là, Jesús, kisís'in-là, tsohóko, tsibénojmi-là kó s'in otíxoma Nainá, tikoá kisindaà-ne xitá xi mochjeén-là nga kondaà-ne.

¹² K'e nga jye tímahixón, jñá xitá-là xi tejò ma-ne, ijchò kinchat'aà-là Jesús, kitsò-là:

—Kot'in-là ngats'ii xitá kàtjì-ne mé-ne nga kàtasíkjáya ya naxandá chrañat'aà ko rancho ñánda sakò-là xi skìne. I j'nde ñánda títsajnaá, it'aà xin-né, nímé tjin.

¹³ Jesús kitsò-là:

—Tjii-là jñò xi kokjen xitá koi.

Jñá xitá-là kitsò:

—Nímé tjin-najen, tà 'on ma inchrájin-najen koá jò ma tjin, tà jè-la tsá konguí kindaa-lajen xi kokjen ngats'ii xitá koi.

¹⁴ Maá-là tsá 'on jmii xi ngui xitá x'in.

Jesús kitsò-là xitá xi kota'yat'aà-là:

—Tíkítsajnajitíon, icháte icháte tíkítsajna-nò.

¹⁵ K'oaá s'in kisíkítsajna kóhottjin.

¹⁶ Jesús, kiskoé jñá inchrájin xi 'on ma-ne ko jñá tjin xi jò ma-ne; ikjoàn kiskoótsejen ngajmii; kitsjaà-là kjondaá Nainá; ikjoàn kisixkoaya inchrájin, k'eé kitsjaà-là jñá xitá xi kota'yat'aà-là nga kisika'bi-là jñá xitá xi kjin ma-ne.

¹⁷ Tsakjèn yiye kóhottjin xitá, kó nga kjòskii; k'eé tsibixkò-ne jñá xi tsiningui-ne; ngui tejò njsiyá komá.

Kós'in kiichja Pedro nga jè Jesús xi Cristo

(Mateo 16:13-19; Marcos 8:27-29)

¹⁸ Jngoò k'a k'e nga tijnat'aaxin Jesús nga tíchjat'aà-là Nainá, ya títsajnakò xitá xi kota'yat'aà-là. Jesús kiskónangui, kitsò-là:

—¿Kó tsò xitá, yá-ná 'an?

¹⁹ Jñá xitá-là kitsò:

—Tjin xi tsò: jè Juan xi kis'in bautizar xitá, tikoáá tjin xi tsò: jè Elías, koá tjin i'nga xi tsò: jaáyaá-là jngoò-là xitá xi chinchima kjòtseé xi kiichja ngajo-là Nainá.

²⁰ Jesús kiskónangui-là kitsò-là:

—Jñò, kó bixón. ¿Yá-ná 'an?

K'eé kiichja Pedro, kitsò:

—Ji-né xi Cristo xi xó kisikasén-lè Nainá.

K'oaá s'in tsibénojmi Jesús kjoabiyaá-la
(Mateo 16:20-28; Marcos 8:30-9:1)

²¹ Tanga Jesús 'nó tsibít'in-la nga mì yá xita xi keènojmi-la kjoa koi.

²² Kitsò-la:

—'An xi Ki'ndí-la Xita xan-la yijo-na, tsee kjo'in siikjaán; kochrje-nguif-na jña xita jchínga, ko xita sko-la nò'mi ko xita xi okóya kjoixoma-la Nainá xi kiskii Moisés. Siik'éen-na tanga k'e nga kijchò jàn nachrjein kjoaáya-na.

²³ Xi komà iskan kitsò-la kóhótjin:

—Tsà yá xi mejèn-la nga xita ts'an koma, kàtatsjein-takòn mé xi mejèn-la yijo-la; koni jngoò xita xi 'yajen krò-la, nachrjein inchijòn kàtijnandaà nga siikjein kjo'in xi kjoa ts'an; ndaa kàtjit'aa-na.

²⁴ Nga nita yá xita xi mejèn-la kochrjetji yijo-la nga nimé kjo'in sakò-la, tà saá siichija-né ko kjo'in kijnajin; tanga jè xi tijnandaà nga tsja yijo-la xi kjoa ts'an, jè-né xi kitjokajin kjo'in nga it'aa ts'an ndaa kijn.

²⁵ Mé xi siikjine jngoò xita nas'in tjoé yije-la isò'nde tsà chija inima-la koa siikits'ón yijo-la? Nimé.

²⁶ Tsà tjin i'nga xita xi kosobà-la it'aa ts'an ko it'aa ts'e 'én-na, tikoaa 'an xi Ki'ndí-la Xita xan-la yijo-na, kosobà-na k'e nga kitjoen jngoò k'a nga skoe xita kjoajeya-na, skoe kjoajeya-la Nà'èn-na tikoaa skoe kjoajeya-la ts'e àkjale tsjeè-la Nainá.

²⁷ Xi okixi, k'oaá xán-nò, jindé titsajnajin i'nga xita xi mikii kija skanda k'e nga skoe kó s'in otixoma Nainá.

Kii komà k'e nga jè Jesús jahatija i'nó isén-la kóhokji yijo-la
(Mateo 17:1-8; Marcos 9:2-8)

²⁸ Tjin-la tsà kó jin nachrjein nga tsibénojmi 'én koi, Jesús, kiijin-jno jngoò nindoò nga kiichjat'aa-la Nainá. Kiiko Pedro, Juan ko Jacobo.

²⁹ K'e nga tichjat'aa-la Nainá, Jesús, jahatija i'nó isén-la; jè nikje-la 'nó kjòchroba; tsí ote tsatsejèn.

³⁰ Jo xita x'in tsatsejèn xi nchijoókjoò Jesús, jè Moisés ko Elías.

³¹ Xita koi, tsí ote choòn kjoajeya-la nga jngoò itjandii nánda jncha. Nchijoóya-ne nga jè Jesús, jye tifi sikitasòn kjoa jàn Jerusalén nga ya kija.

³² Jè Pedro ko xita xikjin, tsí 'nó nijña-la, tanga k'e nga jye kitjaaxin-la nijña kijtseèkon kjoajeya-la Jesús ko jña xita xi jò ma-ne xi titsajna.

³³ K'e nga jye chinchat'aa xin-la Jesús xita koi, jè Pedro kitsò:

—Maestro, ndaa tjin nga i titsajna. Kíndaà jàn ni'ya xkójndá, jngoò tsji, jngoò ts'e Moisés, jè xi jngoò ts'e Elías.

Jè Pedro tà k'oaá kitsò, mì tì kii beè-ne kó s'in kijchja.

³⁴ Tjik'e-né nga tichja Pedro, j'ii jngoò 'nguién-la ifi xi tsibí'ma xita koi. K'e nga jahas'en-jin ifi, tà kitsakjòn-né.

³⁵ Ya jjin ifi kina'ya jngoò-la 'én xi kitsò:

—Jè jèe xi ki'ndí-na xi 'nó matsjake, jè tjiná'ya-là.

³⁶ K'e nga jye kina'ya-la 'én koi tà jè tajngoò síjna-isa Jesús. Nachrjein koi jña xita-la jyo tsibitsajna, nimé 'én xi kiichja, mitsà yá xita tsibénojmi-la kjoa xi kijtsee.

K'e nga jè Jesús kisindaà jngoò-ne ti xi inima ch'o-la neii tjin inima-la
(Mateo 17:14-21; Marcos 9:14-29)

³⁷ Xi komà inchijòn, k'e nga itjoen-jno-ne nindoò, 'nó kjin xita kisatìkjoò.

³⁸ K'eé jngoò xita xi ya tijnajin-la xita kjin, 'nó kiichja, kitsò-la Jesús:

—Maestro, tibitsi'bà-lè nga chítsejèn-la ki'ndí-na xi tà jè tajngoò-ne.

³⁹ Jngoò inima ch'o-la neii tsojà'nó; tà nitóon kjindáya, ikjoàn 'nó síkatsé yijo-la; ochrje ndáxo tso'ba; tse kjo'in tsja-la, mikii xátì tsjein.

⁴⁰ Kábisi'bà-la jña xita xi kota'yát'aa-lè nga kàtachrekajin inima ch'o xi tjin yijo-la, tanga mikii koma-la.

⁴¹ K'eé kiichja Jesús kitsò:

—Jñò, xita xi mikii mokjein-nò it'aa ts'an, xi ch'o 'nè. ¿Skanda mé nachrjein kótijnako-nò koa ska-na kjoa-nò? Nchrohokji ki'ndí-lè jindé.

⁴² K'e nga tinchrobá chraña jè tì, jè inima ch'o-la neii, tsajndoò't'aa nangui, ikjoàn kisikatsé yijo-la; tanga jè Jesús, tsohótiko jè inima ch'o-la neii; ikjoàn kisindaà-ne jè tì; kisingatsja-ne na'èn-la.

⁴³ Ngats'ii xita tà kjòxkón-la jè kjoajeya-la Nainá.

K'oḡá s'in tsibénojmí Jesús kjoḡbiyaà-là xi ma-ne jò k'a
(Mateo 17:22-23; Marcos 9:30-32)

Ngats'ii kjoḡ xi kis'iin Jesús, tikoḡá tà kjòxkón-là ngats'ii x̄ita. Jesús kitsò-là j̄nà x̄ita xi kota'yàt'aà-la:

⁴⁴ —Ndaà t̄iná'yaà j̄nà 'én koi; k̄i n̄jchàaj̄iin-jèn: 'An xi Ki'ndí-là X̄ita xan-là yijo-na yáá s̄iingatsja-na x̄ita nguixkon x̄itaxá.

⁴⁵ J̄nà x̄ita-là mikii kjòch̄iya-là jè 'én xi k̄os'in kitsò-là. Nainá tsib'ima-né nga mikii kjoḡhas'en-j̄iin-là; tà kitsakjòn-né, mikii kiskònangui-là Jesús kó tsòya-ne 'én xi tsibénojmí-là.

Yá x̄ita x̄ikjín xi k̄jna ítjòn
(Mateo 18:1-5; Marcos 9:33-37)

⁴⁶ X̄ita xi kota'yàt'aà-là Jesús, tsibits'ia nga tsajoóya-ne yá x̄ita x̄ikjín xi k̄jna ítjòn.

⁴⁷ Jesús, k'e nga k̄ijtsee koni s'in nchisik̄itsjeèn, kiskoé jngoo ndi ti, kisik̄jnat'aà-là yijo-là,

⁴⁸ kitsò-là:

—N̄ita yá-ne xi j̄t'aà ts'an skoétjò jngoo ndi ti koni jè, 'aán xi skoétjò-na; jè xi skoétjò-na, t̄ikoḡá skoétjò-né jè xi kisikasén-na. Koi kjoḡ-là, jè xi is̄a nangui t̄jna xi yá t̄jnaj̄iin-nò, jè-né xi is̄a t̄jna ítjòn.

Yá xi kondra-là Cristo k̄o yá xi x̄ita ts'e
(Marcos 9:38-40)

⁴⁹ Juan kitsò:

—Maestro, k̄i'ya jngoo-jen x̄ita xi k̄o 'in-lè ochrjek̄aj̄iin in̄ima ch'o-là neij̄i xi t̄j̄iin yijo-là mikii kits'ii'nde-lajen nga m̄itsà x̄ita tsaján xi j̄nà fit'aà-ná.

⁵⁰ Jesús kitsò-là:

—K̄i bichakj̄aya-là. Jè xi m̄itsà kondra tsaján, x̄ita tsaján-ná.

K'e nga jè Jesús tsohóitiko Jacobo k̄o Juan

⁵¹ K'e nga jye kjòchrañà n̄achrjein nga k̄oi jngoo k'a-ne Jesús ján ngajmii, 'ñò tsi'beé-là ikon nga k̄i ján Jerusalén.

⁵² Kisikasén ítjòn i'nga x̄ita-là jngoo naxandá j̄tobá ján nangui Samaria. K̄i k̄atsji'nde ñanda s̄ikj̄aya.

⁵³ J̄nà x̄ita Samaria mikii kitsjaà'nde-là nga jyeé t̄j̄iin-là nga ján nchifi Jerusalén.

⁵⁴ X̄ita xi kota'yàt'aà-là Jesús, Jacobo k̄o Juan, k'e nga k̄ijtsee nga mikii kitsjaà'nde-là kitsò: —Na'èn, ¿a mejèn-lè nga k'oḡ kixón-jen nga k̄atjanchrobá-jen ni'in xi ts'e ngajmii nga k̄atjehesòn x̄ita koi koni s'in kis'iin Elías?

⁵⁵ Tanga jè Jesús kisik̄atj̄i'a, tsohóitiko. Kitsò-là:

—J̄nò, mikii t̄j̄iin-nò yá ts'e in̄ima xi k̄atsj̄á-nò kjoh̄itsjeèn jè.

⁵⁶ 'An xi Ki'ndí-là X̄ita xan-là yijo-na, m̄itsà koi xá j̄i'-na nga k̄atachija in̄ima-là x̄ita; jè-né nga k̄atitjok̄aj̄iin k̄o'in.

Ikoḡàn x̄in naxandá k̄i.

Jè xi mejèn-là nga k̄jit̄j̄ingui-là Jesús
(Mateo 8:19-22)

⁵⁷ K'e nga nchifiya ndiyá, jngoo x̄ita kitsò-là:

—Na'èn, k̄jit̄j̄ingui-lè n̄ita ñanda-ne nga k'oín.

⁵⁸ Jesús kitsò-là:

—J̄nà n̄inda, t̄j̄in-là nguijo ñanda oyijò; t̄ikoḡá j̄nà n̄ise t̄j̄in-là t̄jé; tanga 'an xi Ki'ndí-là X̄ita xan-là yijo-na, ts̄j̄in-na i'nde ñanda s̄ikj̄aya.

⁵⁹ Jesús kitsò jngoo-là x̄ita:

—Nchrobát̄j̄ingui-ná.

Jè x̄ita xi oki'mi-là kitsò:

—Na'èn, t̄j̄ii'nde-ná nga ítjòn k̄jián k̄ihij̄nàà na'èn-na.

⁶⁰ Jesús kitsò-là:

—J̄nà mik'en k̄atihij̄iin mik'en-là; ngaj̄i t'in, t̄ika'bí 'én kó s'in otixoma Nainá.

⁶¹ Jngoo x̄ita xi k'oḡ t̄i kitsò:

—K̄jit̄j̄ingui-lè ngaj̄i Na'èn, tanga t̄j̄ii'nde-ná nga k̄jián s̄ihixat'aà ítjoàn j̄nà x̄ita xi t̄itsajna ni'ya-na.

⁶² Jesús kitsò-là:

—N̄ijngoo x̄ita xi ij̄ton its'in t̄ikotsejèn-ne koma s̄ikitasòn xá-là Nainá nga jè t̄ihotixoma. K'oḡá ngaya-là tsá jngoo x̄ita xi t̄isikon nchraja, tsá ij̄ton its'in t̄ikotsejèn-ne, mikii koma s̄ixá.

¹ K'e nga jye komà kjoa koi, Na'èn-ná Jesús kitsjaà-là xá nguì jàn-kaàn kò te xita xi k'ejí. Jò jò kisikasén ítjòn nga kjiindá naxandá kò i'nde ñánda nga isa iskan kjoí jè.

² Kitsò-là:

—Xi okixi, 'ño tse xá tjin xi it'aa ts'e 'Én-là Nainá koni s'in ma k'e nga kjin tsojmi majchá, tanga jña xita chi'nda xi sixá, chiba ma-ne. Tìtsi'ba-là jè Nei-là xá, kátasikasén-isa xita chi'nda xi koiixkò tsojmi koi.

³ Tanguió; 'aán siikasén-nò koni orrè ki'ndí ya jjiin-là cho tsején.

⁴ Kì chijtsa ton ch'aa, kì naxá na'yaá ch'aa, ni xoxté tsjayaá; tikoáá mikii yá xita xi nihixat'aa ya jya ndiyá.

⁵ Njta ñánda ni'ya nga kitjás'een, ítjòn k'oá tixón: “Nchán kátas'e ni'ya jè.”

⁶ Ni'ya jè, tsà tjin xita xi ok'in-là nga s'e-là kjoa'nchán, kítasòn-ne; tsà majin, mikii kítasòn.

⁷ Tjtsajna ya ni'ya ñánda kitjás'een; kì xkì xi ján ni'ya onguió; chinee, t'ioo mé tsojmi xi tsjá-nò. Jè xita xi sixá mochjeen-né nga k'oj-là chji-là.

⁸ K'e nga kijchoò jngoò naxandá ñánda tsjá'nde-nò, chinee mé tsojmi xi tsjá-nò.

⁹ Tsà tjin xita xi xk'én, tindaá-nò; koatìn-là: “Jye kjòchrañat'aa-nò nga jchaa kó s'in otixoma Nainá.”

¹⁰ Tsà jngoò naxandá ñánda kijchoò, tsà mikii tsjá'nde-nò, tjtjayaá ndiyá, koatìn-là:

¹¹ “Skanda jè chijo-là naxandá-nò xi kátasobá'ño ndsooko-jen, kítasajneè-nòjen koni jngoò seña nga mì tì kù s'is'in-nòjen. Tanga kátasijjin-nò nga jye kjòchrañat'aa-nò nga jchaa kó s'in otixoma Nainá.”

¹² K'oáá xán-nò, naxandá jè, isáá tse kjo'in s'e-là jè nachrjein k'e nga sindaàjìn-là xita, mì k'oáá-ne koni jña xita ts'e naxandá Sodoma.

Mé kjo'in xi tjoé-là naxandá xi mikii sikjahatjiva kjòhítsejen-là kjoa ts'e jé-là (Mateo 11:20-24)

¹³ 'jima xó-nò jño, xita naxandá Corazin! jima xó-nò jño, xita naxandá Betsaida! Tsà ya-làne naxandá Tiro kò Sidón nga k'oas'in kis'iaàn kjòxkón xi ndaà tjin xi komà ya jjiin naxandá tsajòn, tsà jña xita Tiro kò Sidón kijtsee, jyeé-la nikje naxá íkjá kò chijo ni'in tjtajjin koni seña nga jye kisikájno jé-là nga mì tì jé ótsji-ne.

¹⁴ Tanga jè nachrjein nga sindaàjìn, isáá tse kjo'in s'e-nò mì k'oáá-ne koni jña xita naxandá Tiro kò Sidón.

¹⁵ Jño xi xita naxandá Capernaum tsajòn, ¿a k'oáá s'in mokjeiin-nò nga jchaxkón-nò ján ngajmii? Majin, yaá kítajnajjñoò i'nde ñánda tjin kjo'in.

¹⁶ 'Jè xi 'nchré-nò, 'aán xi 'nchré-na; jè xi kochrjengui-nò, 'aán xi ochrjengui-na; jè xi kochrjengui-na, jè ochrjengui xi kisikasén-na.

Mé-ne kjòtsja-là jña xita xi jàn-kaàn kò te ma-ne

¹⁷ J'ii-ne jña xita xi jàn-kaàn kò te ma-ne. 'Nó tsja tjin-là, kitsò:

—Na'èn, xi it'aa tsji, skanda jña injima ch'o-là neji sikitason-najen.

¹⁸ Jesús kitsò-là:

—Kixii kjoa, kijtsee-ná jè xita neji koni kji ni'in ch'oon kji nga kiskaangui it'aa ngajmii.

¹⁹ 'An, jyeé kitsjaà-nò kjotixoma kò nga'ño nga koma kinchané ye kò cho na'ya, nga sikijneè-là ngats'ii nga'ño-là xita neji xi kondra tsajòn; njimé xi ch'o siiko-nò.

²⁰ Tanga kì matsja-nò nga jè injima ch'o-là xita neji sikitason-nò; jè xi kátatsja-nò nga jye tjin-nò i'nde ján ngajmii nga jyeé ya tjt'aa 'in-nò.

Mé kjoa-ne nga jè Jesús kitsjaà-là kjondaà Na'èn-là it'aa ts'e xita-là (Mateo 11:25-27; 13:16-17)

²¹ Tjje-ne hora, Jesús, tsjaá komà-là xi it'aa ts'e Injima Tsjeè-là Nainá; kitsò:

—Na'èn, xi tsji ngajmii kò tsji isò'nde, tsjaà-lè kjondaà nga jña kjoa koi tsibi'ma-là jña xita xi tjin-là kjoachjine kò xi 'ño tjin-là kjòhítsejen nga jña tsakoò-là xi taxki ndí xita ima kjoa. Jon, Na'èn, nga k'oáá s'in kjòmejen-lè.

²² 'Ngats'ii kjoa ts'e kjotixoma, 'aán kisingatsja-na Na'èn-na. Mítsà yá xi beèxkon yá-né xi Kì'ndí-là ma, tajngoò jè xi Na'èn ma; tikoáá mítsà yá xi beèxkon yá-né xi Na'èn ma, tajngoò jè xi Kì'ndí-là beèxkon, kò jè Kì'ndí-là kokò-là jña xita xi jè mejèn-là nga skoexkon, yá-né xi Na'èn ma.

²³ Jesús kisikáfaya'a xita xi kota'yat'aa-là, tà jña kiichjat'aa xìn-là, kitsò-là:

—Mé tà ndaà-là jña xita xi xkon nchibeè-ne koni s'in titsa'yaá jño.

²⁴ K'oáá xán-nò, kjin xita xi kiichja ngajo-là Nainá, tikoáá kjin xitaxá ítjòn xi kjòmejen-là nga skoe jè kjoa xi jño titsa'yaá, tanga mikii kijtsee; tikoáá kjòmejen-là nga kji'nchré jè xi titsana'ya, tanga mikii kii'nchré.

Xita samaritano xi ndaà xita

²⁵ Ingoò x̣iṭa cḥij̣ne xojon ts'e ḳjoṭixoma-ḷa Nainá xi kiskii Moisés kiikon Jesús nga mejèn-ḷa skónachan-ḷa, kitsò:

—Maestro, ¿mé kjondaà xi s'iaàn nga ḳijnakon iṇima-n̄a n̄iṭa mé nachrjein-ne?

²⁶ Jesús kitsò-ḷa:

—¿Mé xi ṭjít'aa jè xojon ts'e ḳjoṭixoma-ḷa Nainá xi kiskii Moisés? ¿Kó tsò xi ḅixkejiin?

²⁷ Jè x̣iṭa cḥij̣ne xojon kitsò:

—“Ṭitsjachi Na'èn-ná xi Nainá 'm̄-l̄a nga ḳo in̄ima-lè, ḳo nga'ñó-lè, ḳo ḳjoh̄itsjeèn-lè; koa ṭis'in̄ ṭitsjachi x̣iṭa x̣inguui koni tsà ṭi yijo tṣiji-ne.”

²⁸ Jesús kitsò-ḷa:

—Ndaà k̄anokjoi. Tsà k'oas'in̄ s'jin, ḳijnakon-né.

²⁹ Jè x̣iṭa cḥij̣ne xojon mejèn-l̄a nga ndaà ṣiiḳjna yijo-l̄a 'én xi kiskónangui; iñgoò k'a kiskónangui-l̄a Jesús, kitsò:

—¿Yá-né xi x̣iṭa x̣inguiaa?

³⁰ Jesús kitsò:

—Ingoò x̣iṭa ṭifjen ján ndiyá Jerusalén skanda Jericó. Yá iya ndiyá tsibichjoà-l̄a x̣iṭa cḥijé. Tsafaa'an tsojmi-l̄a ḳo nikje-l̄a. 'Nó kiskii'on. Ikjoàn yaá kiskájna k'en ya iya ndiyá.

³¹ Ṭij̄e-ne ndiyá, k'e cḥiba-l̄a jahajen ingoò n̄o'mii, t̄anga k'e nga ḳijtseèxkon nga ya ḳjinaya ndiyá x̣iṭa xi kitsi'on, tà jahat'aa x̣in-l̄a.

³² Ṭik'eé-ne ja ingoò x̣iṭa levita [xi iya ingoó ṣixá] k'oaa ṭi kis'iin k'e nga ḳijtseèxkon x̣iṭa jè nga ḳjinaya ndiyá; ṭikoaà tà jahat'aa x̣in-l̄a.

³³ Tanga k'e nga ijchò ingoò x̣iṭa Samaria [xi x̣iṭa kondra-l̄a x̣iṭa judío] nga koa ṭis'in̄ ṭifi ndiyá jè, k'e nga ḳijtseèxkon, ḳjòh̄imakeè-né.

³⁴ Kii kasit'aa chrañá-l̄a. Kisixkii-l̄a; kiskaàjno asiṭi ḳo xán ñánda kitii-l̄a. Ikjoàn tsibíjṭej̄iin; kiskíjn̄asón-l̄a kohòyo-l̄a; kiiḳo ingoò ni'ya ñánda nga ma nikjáyaá. Jè kiskinda.

³⁵ Xi komà inchijòn k'e nga jye ṭifi-ne jè x̣iṭa Samaria, tsibichj̄i-l̄a nei-l̄a ni'ya, kitsjaà-l̄a t̄on koni ṭjin cḥj̄i-l̄a cḥj̄i'nda xi jò nachrjein; kitsò-l̄a: “Ṭikinda-ná x̣iṭa jè. K'e nga ḳjoi iñgoò k'a-na kichj̄iá tsà is̄a tse ṣiiḳje.”

³⁶ Ngaji, ¿kó si? Ingaàn x̣iṭa koi, ¿yá-né xi x̣ikj̄in jè x̣iṭa xi kiskii'on cḥijé?

³⁷ Jè x̣iṭa cḥij̣ne xojon kitsò:

—Jè xi x̣ikj̄in, jè x̣iṭa xi ḳjòh̄imakeè.

Jesús kitsò-l̄a:

—Ngaji, k'oaa ṭis'in̄ t'jin.

K'e nga jè Jesús tsibijna ni'ya-l̄a María ḳo Marta

³⁸ Jesús k'e nga ṭjimaya-isa iya ndiyá, ijchò ingoò ndí naxandá jtabá ñánda ṭjna ni'ya-l̄a cḥjòón xi 'm̄i Marta. Yáá kitsjaa'nde-l̄a nga tsibijna.

³⁹ Jè Marta ṭjna iñgoò-isa cḥjòón ndichja xi 'm̄i María. Jè María tsibijnat'aa ndsoko Jesús nga kii'nchré-l̄a 'én xi tibénojmi.

⁴⁰ Tanga jè Marta, 'ño ṭisikájno xá xi ṭjin-l̄a. Kii kasit'aa-l̄a Jesús, kitsò-l̄a:

—Na'èn, ¿a mi makájno-lè nga jè x̣inguiaa tajngoò sikájna-na nga s'iaàn xá? Kot'in-l̄a k̄atasichj̄at'aa-na.

⁴¹ Jesús kiichja kitsò-l̄a:

—Marta, Marta, tsi ndaà nikájnoi, tsi ndaà binè-l̄a xá yijo-lè.

⁴² Tà ingoò kjoa xi 'ño mochjeén. Jè María ndaà ṭjin xi kòfaájin; nyá xi kjoaáxin-l̄a kjoa jè.

11

*K'e nga jè Jesús tsakóya kjoa ts'e nga bitsi'baá
(Mateo 6:9-15; 7:7-11)*

¹ Ingoò k'a, Jesús ṭjna ingoò i'nde ñánda ṭichjat'aa-l̄a Nainá; k'e nga jye kiichjat'aa-l̄a, ingoò x̣iṭa xi kota'yat'aa-l̄a kitsò-l̄a:

—Na'èn, t̄akóya-nájen kó s'in̄ ḳinókjoat'aa-lajen Nainá koni s'in̄ kis'iin Juan nga tsakóya-l̄a x̣iṭa xi kota'yat'aa-l̄a.

² Jesús kitsò-l̄a:

—K'e nga ḳinókjoat'aa-là, k'oaa s'in̄ tixón:

Na'èn xi ṭjni ngajmii, k̄atayaxkón-l̄a kjoajeya-lè nga tsjeè ṭjni.

K̄atjanchrobá ḳjoṭixoma-lè.

K'oas'in̄ k̄atama i'it'aa nangui koni s'in̄ mejèn-lè nga ḳoma, koni s'in̄ ma ján ngajmii.

³ Ṭjii k̄jit'aa-nájen niñó xi mochjeén-najen nga nachrjein inchijòn.

⁴ Ṭjichaat'aa-nájen jé-nájen koni s'in̄ nijchaa'taa-lajen ngats'i x̣iṭa xi ch'o síko-najen.

Ki kii bi'i'ndi yá xi mejèn-l̄a nga kot'aa-najen nga ḳinchatṣji jé-jen.

⁵ Jesús kitsò-isa-l̄a:

—Jñò, tsà tjin jngòò-nò amigo, tsà osen n̄tjen onguichoòn, tsà k'òin-là: “Amigo, t̄ik̄iña jàn-nà inchrájin-lè,

⁶ jngòò amigo-na kòp̄iikon-na koa tsjin-na mé xi tsjaà-là.”

⁷ Tsà jè amigo xi t̄jna inga ni'ya, tsà kitsò: “Ki 'an n̄jti-nà. Jè xotjoa ni'ya jyeé t̄ichjoàjto. Jñà nd̄iix̄ti-nà kò 'an jyeé kinikjaya-jen. Mikii koma kósit̄jeen nga tsjaà-lè tsojmi xi mochjeén-lè.”

⁸ K'oaá xán-nò, nas'ín majin-là nga osit̄jen nga amigo tsajòn, tsà 'ñó sisi-là, chaán kosit̄jen. Tsjaá yije mé xi mejèn-nò.

⁹ K'oaá xan-nò: Tjé mé xi mejèn-nò, jè Nainá tsjá-nò; t̄inchátsjioò Nainá, sakó-nò; t̄inókjoat'aà-là Nainá mé xi mejèn-nò mé-ne skix'a'nde-nò koni jngòò xotjoa.

¹⁰ Ngats'ìi x̄ita xi síjé, t̄joé-là, jè xi ótsji, sakò-là kò jè xi chjät'aà-là Nainá, t̄jãx'a'nde-là koni jngòò xotjoa.

¹¹ Jñò xi na'èn 'mì-nò, tsà inchrájin síjé-nò ixti-nò, ¿a ndajòó k'òj-là? Majin. Koa tsà t̄in síjé-nò, ¿a yéé k'òj-là? Majin.

¹² Tsà chjòó síjé-nò, ¿a cho na'yá k'òj-là? Majin.

¹³ Jñò, nas'ín x̄ita xi ch'o 'nè, ma-nò 'biì-là ixti-nò tsojmi xi ndaa kjoàn; jè Na'èn-nò xi t̄jna ngajmii, isaá n̄tjon síj's'in-nò nga tsjá-nò Inimá Tsjèe-là tsà jñò síj'et'aà-là.

Jngòò ni'ya xi jòya t̄jin

(Mateo 12:22-30; Marcos 3:20-27)

¹⁴ Jesús, tíhocrjèiin inimá ch'o-là neii xi t̄jiin inimá-là jngòò x̄ita xi mikii ma chja. X̄ita jè, k'e nga jye itjokajin jè inimá ch'o-là neii, komà kiichja-ne. Jñà x̄ita xi nchikotsejèn, tà kjòkkón-là jè kjoa jè.

¹⁵ Tanga t̄jin i'nga x̄ita xi kitsò:

—Jè x̄ita sko-là x̄ita neii xi 'mì Beelzebú, jè tsjá-là nga'ñó nga k'oas'ín ochrjekajin inimá ch'o-là neii xi t̄jiin inimá-là x̄ita.

¹⁶ T̄jin i'nga x̄ita xi mejèn-là skót'aà tsà kixi kjoa nga Nainá kisikasén Jesús; kisiyé jngòò-là seña xi jeya t̄jin xi it'aà ts'e Nainá nchrobá-ne.

¹⁷ Jesús, t̄ik'éé k̄iitseeya-là koni s'ín nchisik̄itsjeèn x̄ita koi, kitsò-là:

—Ngats'ìi naxandá xi jòya t̄jin nga kondra t̄itsajna-là x̄ik̄jin, ti yijo-làá t̄isikixòña-ne; t̄ikoaá tsà jngòò ni'ya x̄ita xi jòya t̄jin nga kondra t̄itsajna-là x̄ik̄jin t̄ikoaá jngòò k'a tsjohoba x̄ita.

¹⁸ Tsà t̄ikoa jè x̄ita neii, tsà jòya t̄is'ín xi t̄jé-ne yijo-là. ¿Kós'ín koma s'e-là nga'ñó nga kotixoma? Jñò, bixón-nò nga 'an, kòó nga'ñó-là Beelzebú ochrjekajnaà inimá ch'o-là neii.

¹⁹ Tsà k'oas'ín t̄jin kjoa, jñà x̄ita tsajòn, ¿yá xi tsjá-là nga'ñó k'e nga ochrjekajin neii? Koií kjoa-là, t̄jñà-ne x̄ita-nò keènojmi nga mìtsà kixi kjoa nga jè sko-là neii síkjeèn.

²⁰ Tanga 'an, k'e nga ochrjekajnaà inimá ch'o-là neii xi t̄jiin inimá-là x̄ita, jè Nainá tsjá-na nga'ñó. Jè kjoa koi tsyaa-ne nga Nainá, jyeé i t̄ihotixoma i it'aà nangui.

²¹ K'e nga jngòò x̄ita xi t̄jin-là nga'ñó kò t̄jin-là k̄icha, kò ndaa síkinda ni'ya-là, ndaa jncha tsojmi xi t̄jin-là.

²² Tanga tsà kjoii jngòò xi k'eii x̄ita xi isa tse nga'ñó t̄jin-là, síikjine-là, kjoaá'an yije k̄icha xi ma'ñót'aà takòn, ijkòàn síjòya yije tsojmi xi t̄jin-là; kjiko-né.

²³ N̄tjon yá x̄ita-ne xi mì 'an fit'aà-na, jè-né xi kondra-né; kòá n̄ta yá x̄ita-ne xi mikii síhjät'aà-na nga bíxkóyako-na x̄ita xi ts'an koma, jè t̄isitsjohoba x̄ita.

Mé xi mat'in x̄ita k'e nga f'ii jngòò k'a-ne inimá ch'o-là neii

(Mateo 12:43-45)

²⁴ K'e nga jngòò inimá ch'o-là neii bitjokajin inimá-là jngòò x̄ita, yaá ojmeé i'nde ñanda kixi choòn, ótsji'nde nga síikjaya. K'e nga mikii sakó'nde-là, jngòò k'a síkitsjeèn, tsò: “Kjin-là jngòò k'a-na ni'ya-na ñanda inchróbá-na.”

²⁵ K'e nga bijchó jngòò k'a-ne ni'ya-là, beè nga ndaa k̄isat̄iicha kò tsjeé choòn.

²⁶ Ijkòàn fikjaá ngui itòó x̄ik̄jin xi isa ch'o s'ín. K'eé fahas'en-jün inimá-là x̄ita jè; yaá bitsajna. X̄ita jè, isaá 'ñó ch'o bija koni s'ín tsibijna nga sa t̄jòn.

Yá x̄ita-ne xi isa 'ñó ndaa-là

²⁷ T̄ik'é-né nga t̄ibénojmi Jesús jñà kjoa koi, kiichja jngòò chjòón xi yá t̄jnajiin-là x̄ita k̄jin, 'ñó kiichja, kitsò:

—jMé tà ndaa-là jè chjòón xi kisikatsejèn-lè isò'nde t̄ikoa k̄isikaki-lè!

²⁸ Jesús kitsò:

—Isaá ndaa-là jñà x̄ita xi 'nchré 'én-là Nainá, t̄ikoa síkitasòn!

X̄ita xi kisiyé jngòò kjòkkón

(Mateo 12:38-42; Marcos 8:12)

²⁹ K'e nga jye kòkjìn x̄ita ñanda t̄jna Jesús, tsibíts'ia nga kitsò:

—X̄ita xi t̄jin nachrjein i'ndeji, ch'oó s'ín; síjé jngòò seña xi it'aà ts'e Nainá, tanga nijngòò seña skoé. Tà jè skoé seña ts'e Jonás.

³⁰ Koni s'in komat'in Jonás, jñà xitá naxandá Nínive kijtsee jngoò kjoaxkón xi ndaà tjin, 'an xi Ki'ndí-lá Xitá xan-lá yijo-na, k'oaa tís'in tjin jè kjoa xi sa komat'ian; jñà xitá xi tjin i'ndeí skoeé kjoaxkón xi ndaà tjin.

³¹ Jè chjoón ítjòn xi ya otixoma nangui sur, kosítjen-né jè nachrjein k'e nga kojindaajin Nainá; jè tsját'in 'én jñà xitá xi tjin nachrjein i'ndeí, koií kjoa-lá nga kijin nangui j'ii-ne nga j'ii nchré-lá kjoachjine-lá Salomón; tanga nachrjein i'ndeí, 'an xi tichjako-nò, isaá 'ñó jeya tijnáa mì k'oaa-ne koni Salomón.

³² Jñà xitá naxandá Nínive kosítjen-né jè nachrjein k'e nga kojindaajin Nainá; jñà tsját'in 'én jñà xitá xi tjin nachrjein i'ndeí, koií kjoa-lá nga kisikájno jé-lá nga mì tì jé tshótsji-ne k'e nga kiichjaya 'én-lá Nainá Jonás; tanga nachrjein i'ndeí, 'an xi tichjako-nò, isaá 'ñó jeya tijnáa mì k'oaa-ne koni Jonás.

*Ni'in xi shiseèn-la xita
(Mateo 5:15; 6:22-23)*

³³ Nijngoò xitá xi sikijna'ma k'e nga jngoò ni'in bit'a'i. Mitsà kaxa síkijnangui; síkijna'nga-né, candelero síkijnaya mé-ne nga kohiseèn yije-lá xitá xi fahas'en ni'ya.

³⁴ Jñà xkooán, jè ma ni'in xi síhiseèn-lá yijo-ná; k'e nga ndaà tsejèn-ná, iseèn choòn yije-lá yijo-ná; tanga tsà mìkii ndaà tsejèn-lá xkoiin, jñò choòn-lá yijo-lè.

³⁵ Ndaà chitsejin, ¿a ndaà tijná iníma-lè? ¿A iseèn choòn-la? ¿A xi jñò choòn-la?

³⁶ Tsà iseèn choòn kóhokji yijo-lè, tsà mì ñánda tjt'aa xi jñò choòn, ndaà kotsejin k'oaa ngaya-lá koni tsà jngoò ni'in xi 'ñó títí tísihiseèn-lè.

*K'e nga jè Jesús kisikaká-lá xitá fariseo kó xitá chjine xojon ts'e kjoatxoma-lá Nainá
(Mateo 23:1-36; Marcos 12:38-40; Lucas 20:45-47)*

³⁷ K'e nga jye kiichja Jesús, jngoò xitá fariseo kiichja-lá nga mejèn-lá kókjén-kó ya ni'ya-lá. K'e nga jahas'en ni'ya Jesús, tsibijnat'aa ímíxa.

³⁸ Jè xitá fariseo, tà k'oaa komá-lá nga kijtsee nga jè Jesús, mìkii kishitasòn kjoatxoma xi xkón tjin, mìkii tsanjino tsja nga tsakjèn.

³⁹ Kiichja Nà'én-ná Jesucristo, kitsò-lá:

—Jñò, xi xitá fariseo 'mì-nò, onijnòò chitsín-nò kó chroba-nò ya isò'nga-lá, tanga jjiin iníma-nò, 'ñó fahajiiin-nò nga chjaa'an-lá tsojmì-lá xitá xi kj'eji tikoaa binchaatsjioò kjoa xi ch'o tjin.

⁴⁰ Jñò xi xitá tòndo 'mì-nò. ¿A mì tjiin-nò: Nainá, k'e nga tsibindaà isò'nga yijo-lá xitá, tikoaa tije-ne xi tsibindaà iníma-lá?

⁴¹ Tjiin-lá xitá ima kjondaà xi tjiin iníma-nò mé-ne nga tsjeé kitsajnaà nguixkon Nainá.

⁴² 'ima xó-nò xi xitá fariseo 'mì-nò! Nga ma-nò bíchji-lá Nainá xi teya oko-lá ts'e xka menta kó xka ruda ngats'ii xka xi ma chine, tanga mìkii kjoa kixi nikoò xitá; mìkii tjócha 'yaà Nainá. Koií kjoa xi 'ñó mochjeén nga kitasòn; tikoaa mochjeén-né nga kitasòn jñà kjoa xi i'nga.

⁴³ 'ima xó-nò xi xitá fariseo 'mì-nò! Nga mejèn-nò nga jñò kitsané íxile xi jncha ítjòn ya ni'ya ingo sinagoga, tikoaa mejèn-nò nga skoejxkón-nò xitá xi kj'eji, ndaà sijat'aa-nò ya nditsin.

⁴⁴ 'ima xó-nò jñò xitá xi okoòya kjoatxoma-lá Nainá xi kiskii Moisés kó xi xitá fariseo 'mì-nò xi jò ma isén-nò! K'oas'in tutsjoò koni kjoan ngajo-lá mik'en nga mìkii tsejèn; k'e nga binchimasòn xitá, mìkii beé mé xi jnchaya.

⁴⁵ K'ee kitsò jngoò jñà xitá chjine xojon:

—Maestro, k'e nga k'oas'in nokjoi, tikoaa 'on nokjoako-nájen.

⁴⁶ Jesús kitsò:

—Tikoaa, ima xó-nò jñò xi xitá chjine xojon 'mì-nò! Nga binè-lá kjoatxoma-nò xitá xi kj'eji xi 'ñó 'in tjin nga mìkii chikjoa-lá nga síkitasòn, tanga jñò, n'j itsé nichjat'aa-lá.

⁴⁷ 'ima xó-nò xi bindaà chrjó-lá mik'en ts'e jñà xitá xi kiichja ngajo-lá Nainá! Jñà xitá jchínga-nò kisik'en.

⁴⁸ K'oaa s'in bitjo kixi kjoa nga tijnogoò-takòn nga xitá jchínga tsajòn kisik'en xitá koi, koa jñò, bindaà chrjó-lá mik'en.

⁴⁹ 'Xi kjohitsjeèn ts'e Nainá kitsò-né xi jt'aa ts'e xitá jchínga-nò kó tsajòn: “Siikasén xitá xi kichja ngajo-ná kó xitá xi 'an kotixáya-lá; tanga tjin xi sik'en koa tjin xi kondra kjoí tijnui-lá.”

⁵⁰ Nainá kindaa sijé-lá jñà xitá xi tjin i'ndeí, jni xi kixixteèn ngats'ii xitá xi k'en xi kiichja ngajo-lá Nainá skanda k'e nga tisa kisindaà isò'nde;

⁵¹ mats'iaqo-ne Abel xitá xi k'en ítjòn skanda jè Zacarías xi jyehet'aa-ne nga k'en; jè xitá xi k'en ya i'nde jngoò osen-lá ñánda tijná Ni'ya Tsjé-lá Nainá kó ñánda binchásòn kjoatjò xi tsjá-lá Nainá jñà xitá. K'oaa xán-nò, jè Nainá sijé-lá kindá jñà xitá xi tjin i'ndeí.

⁵² 'Iṁa xó-nò j̄nò x̄ita xi okoóya k̄jotixoma-la Nainá xi kisk̄i Moisés! Binchachjoà-là x̄ita xi k'ej̄i nga mik̄i k̄joahas'en-j̄iin-la k̄joa ch̄jine-la Nainá; j̄nò, mik̄i bitjaas'en-j̄nò k̄o mik̄i bī'nde-là xi k'ej̄i x̄ita nga fahas'en-j̄iin k̄joa ch̄jine-la Nainá.

⁵³ K'e nga jye okitsò Jesús j̄nà 'én koi, j̄nà x̄ita xi okóya k̄jotixoma-la Nainá k̄o x̄ita fariseo 'nò tsibít'aà-la nga k̄j̄n skoya k̄joa kisk̄onangui-la,

⁵⁴ t̄ikoa kisikinda nga skoé mé 'én xi k̄ichja-isa mé-ne nga k̄oma k̄ohongui-ne it'aà ts'e x̄itaxá.

12

Kjoa ts'e x̄ita xi jò isén t̄j̄n-la

¹ K'e nga jye 'nò k̄j̄n j̄m̄i k̄òk̄j̄n x̄ita, ch̄iba-la ot̄j̄no, ot̄it'aà x̄ik̄j̄n, tsibíts'ia Jesús nga k̄ichja it̄j̄on-la x̄ita xi kota'yàt'aà-la; kitsò-la:

—T̄ikinda yijo-nò it'aà ts'e x̄ita fariseo xi jò isén t̄j̄n-la; ki k'oáá s'in k̄omat'ioon koni ma na'yo san nga sisan x̄ik̄j̄n k'e nga ot̄j̄iin-la.

² Ni mé t̄j̄n xi t̄j̄tsa'ma xi mik̄i kot̄sej̄en; ngats'ii xi t̄j̄'ma, j̄chaa-la.

³ Ngats'ii k̄joa xi k̄inók̄joa'ma k'e nga n̄it̄jen, k̄j̄'nchré yije x̄ita k'e nga nachrjein; jè k̄joa xi ya k̄inók̄joa'ma iya ni'ya-nò, j̄án isò'nga ni'ya, 'nò k̄iná'ya-la.

Yá-né xi kiskón-lá

(Mateo 10:26-31)

⁴ 'J̄nò xi amigo ts'an xan-nò, ki tsakjoon-là j̄nà xi ma-la sík'en yijo-ná; k'e nga jye ma, n̄i t̄i mé xi sík̄-isa-ná.

⁵ 'An, k'oá xán-nò yá xi kiskón-là; jè xi t̄iskón-là, jè xi ma-la sík'en-ná, ik̄joàn t̄j̄'nde-la nga s̄ikat̄jen-j̄iin-ná n̄ánda t̄iti ni'in xi ts'e k̄jo'in. K'oáá xan-nò, jè xi t̄iskón-là.

⁶ K'e nga 'òn ndí n̄ise, saá jò t̄on sat̄j̄na-ne. Tanga Nainá, t̄j̄n-la k̄inda. Nijngoò n̄ise s̄j̄chaāj̄in.

⁷ Xi it'aà tsaj̄on, isaá 'nò tse ch̄j̄-nò mi k'oáá-ne koni nas'in 'nò k̄j̄n ma n̄ise. Skanda tsaj̄askò t̄ixkeya yije-la Nainá. Ki tsakjoon-j̄en, nga Nainá 'nò ndaa s'in-nò k̄inda.

J̄nà xi beèxkón Jesús nga nguixkón x̄ita

(Mateo 10:32-33; 12:32; 10:19-20)

⁸ 'Ngats'ii x̄ita xi tsj̄á 'én nga nguixkón x̄ita nga 'an fit'aà-na, t̄ikoaá 'an xi Ki'ndí-la X̄ita xan-la yijo-na, tsjaà-la 'én j̄nà àk̄jale-la Nainá nga x̄ita ts'an xan-la.

⁹ Tanga jè xi k̄j̄ojna'mat'in-na nga nguixkón x̄ita, t̄ikoaá s'i'mat'in-né nga nguixkón àk̄jale-la Nainá.

¹⁰ 'Ngats'ii x̄ita xi ch'o tsò 'én xi k̄ichjajno-na 'an xi Ki'ndí-la X̄ita xan-la yijo-na, j̄chat'aà-la jè-la; tanga j̄nà xi k̄ichjajno-la In̄j̄ma Tsjeè-la Nainá mik̄i j̄chat'aà-la jè-la.

¹¹ 'J̄nò, k'e nga k̄j̄ko-nò x̄ita ya ni'ya ingo sinagoga, ya nguixkón x̄ita it̄j̄on k̄o ts'e x̄itaxá, ki makájno-nò kó s'in kixón nga kosiko yijo-nò mé 'én xi k̄inók̄joa.

¹² K'e nga k̄j̄chò hora nga k̄inók̄joa, jè In̄j̄ma Tsjeè-la Nainá, kēnoj̄m̄iya-nò kó s'in kixón.

Xi ts'e kjoa nch̄iná

¹³ Jngoò x̄ita xi ya t̄j̄n̄aj̄in-la x̄ita k̄j̄n, kitsò-la Jesús:

—Maestro, kot'in-la jè 'ndsé k̄atasj̄oya tsojmi-la x̄ita j̄chinga-najen; xi 'an oko-na, k̄atatsj̄a-na.

¹⁴ Tanga jè Jesús kitsò-la:

—Ji amigo, m̄itsà x̄itaxá t̄j̄n-na nga 'an s̄j̄òya-nò tsojmi xi tsaj̄on.

¹⁵ Jesús t̄ikoaá kitsò-isa-la:

—Ch̄it̄sej̄en, t̄ikoa t'een k̄inda yijo-nò; ki 'nò k̄j̄n tsojmi binchaats̄j̄ioò i isò'nde; nga jngoò x̄ita, nas'in 'nò k̄j̄n tsojmi t̄j̄n-la, mik̄i s̄iik̄j̄nakon tsojmi-la.

¹⁶ T̄ikoaá tsibénoj̄m̄i jngoò-la k̄joa xi mangásòn; kitsò-la:

—Jngoò k'a jngoò x̄ita xi 'nò nch̄iná, 'nò k̄j̄n tsojmi k̄òjchásòn nangui-la.

¹⁷ X̄ita jè, kisik̄ts̄ejen; kitsò: “¿Mé xi s'iaàn? Ts̄j̄in-na n̄ánda k̄inchaaxkó tsojmi-na.”

¹⁸ K'e kitsò: “Jyeé be mé xi s'iaàn. Siik̄ixòña ni'nga-na, ik̄joàn k̄inda-isa xi isa i k̄joàn; yaá k̄inchaaxkó yije kóhot̄j̄n tsojmi xi k̄òjchá-na k̄o xi t̄j̄n-na.

¹⁹ Ik̄joàn xán-la yijo-na: K̄j̄n tsojmi 'nchaxkó-na. K̄j̄n nó k̄oma-la; siik̄j̄aya, kók̄jeen, skiaa, sīts̄jakaá isò'nde.”

²⁰ Tanga jè Nainá kitsò-la: “Ji xi x̄ita t̄ondo 'm̄i-lè, n̄it̄jen jè, k̄j̄yá-né. Tsojmi xi 'nchaxkó-lè, ¿yá ts'e koma?”

²¹ K'oáá s'in mat'in j̄nà x̄ita xi tà tsojmi ts'e yijo-la binchaxkó koá m̄itsà x̄ita nch̄iná nga nguixkón Nainá.

Kós'in síkinda Nainá j̄nà xi ixti-la ma

(Mateo 6:25-34)

22 Nga komà iskan Jesús kitsò-là xitá xi kota'yàt'aà-là:

—Koií k'oa xan-nò: ki makájno-nò mé tsojmi xi chjinee nga sijchá yijo-nò kò mé nikje xi chikjá.

23 Isáá 'nó tse chji-là nga titsajnakoaán i isò'nde koni jñà tsojmi xi ma chine. Tikoáá yijo-ná, isáá 'nó tse chji-là koni jñà nikje xi chikjá.

24 Chítsejèn-là jñà nchraá; mì jngó 'beé, mì njijn binchákkó, tsjin-là kaxa nojmé, tikoá tsjin-là ni'nga; tanga jè Nainá tsjá-là tsojmi xi kine. jñò, isáá 'nó chji-nò mì k'oaá-ne koni jñà cho xi tjimajijn isén!

25 Jñò, nas'in takó 'nó sikájnoò, ni jtsé koma sikatonè-là nàchrjein-nò koni s'in tjindaà-là Nainá.

26 Tsà mìkii ma-nò nikitason kjoa xi chiba tjín, mé-ne nga jè nikájno-nò kjoa xi isa chjá tjín.

27 Chítsejèn-là naxó lirio, kó s'in majchá; mìkii síxá, mìkii ma-là faña nikje; tanga 'an, k'oaá xan-nò, ndaa tsà jè Salomón xi xitaxá ítjòn tsibijna nga 'nó xitá jeya, mì k'oaá kjoàn nikje tsohòkjá koni kjoàn jñà naxó.

28 Nainá, k'oaá s'in ndaa kjoàn s'in xka ijñá, xi jngó nàchrjein titsajnakon kò xi ma nchjòn kotsjòjijn ni'in. Jñò xi xitá 'mì-nò xi mìkii ndaa mokjeiín-nò, ça mìtsà isa niton tsjá-nò Nainá nikje xi mochjeén-nò nga chikjá?

29 Jñò, ki nikájno-jèn; ki bixón-jèn: “¿Mé xi chjineé; mé xi s'ioaá?”

30 Ngats'ii xitá isò'nde, k'oaá tjín tsojmi xi ótsji, tanga jñò, tjinaa-nò Na'èn xi Nainá; jyeé tjijiln-là nga kotjín tsojmi xi mochjeén-nò.

31 Jñò, tinchátsjioò kjoa ts'e Nainá koni s'in otixoma; ngats'ii tsojmi xi mochjeén-nò tikoáá tjoésòn-nò.

Tsojmi xi 'nó tse chji-là ngajmii

(Mateo 6:19-21)

32 Jñò, xi ndí orrè-na xan-nò, ki tsakjoòn-jèn; k'oaá s'in kiskoòsòn-là Nainá nga jñò kotixomakjòò ya ñánda tíhotixoma Nainá.

33 Tatjinaa tsojmi xi tjín-nò; tjii kjetjò-là jñà xitá xi mochjeén-là; k'e nga tsà k'oas'in s'een, k'oaá ngayá-là koni tsà nchisakó ngajo-nò chijtsa ton ján ngajmii xi mìkii majchínga; sakò-nò tsojmi xi 'nó tse chji-là ján ngajmii ya ñánda mìkii kjoehet'aà, mìkii bijchó chijé, tikoá mìkii silje cho kixo.

34 Ya ñánda kinchajtión tsojmi-nò, tikoáá yaá sijkítsjeèn inima-nò.

Chí'nda xi ndaa titsajnandaà

35 Ndaa titsajnandaà nga sikitasòn-là Na'èn-ná koni jngóò xitá xi ndaa tíkjá xincho-là kò ndaa títi ni'in-là.

36 K'oaá s'in ndaa titsajnakoòn koni jñà xitá chí'nda xi nchikoña-là nei-là xi s'eí kófi ñánda kòbixan xitá, mé-ne k'e nga kjoíi-ne, nei-là ni'ya kichja, sijkjane xotjoa ni'ya, ikjoàn skix'a-là.

37 Mé tà ndaa-là jñà xitá chí'nda xi titsajnakon k'e nga kjoíi-ne nei-là. Xi okixi, k'oaá xán-nò, jè sobá nei-là skoé nikje ot'aà-là nga koòt'aà koa sijkítsajnat'aà imixa-là, ikjoàn sijkjèn.

38 Mé tà ndaa-là jñà chí'nda xi kos'in titsajnakon nas'in jye ijchò osen nitjen, nas'in jye nchrohós'e isén nga kjoíi-ne nei-là.

39 Tjijiln-nò tsà jngóò nei-là ni'ya sjjiln-là mé hora kjoíi xitá chijé nga sjichijé-là, kijnakon-né nga mìkii tsjá'nde nga kochijé-là.

40 Jñò, k'oaá tis'in titsajnandaà; 'an xi Ki'ndí-là Xitá xan-là yijo-na, kjoíi ijngóò k'a k'e nga mìkii titsachiña kjoaa.

Chí'nda xi mì ndaa s'in

(Mateo 24:45-51)

41 Pedro kiskònangui, kitsò:

—Na'èn, jè kjoa mangásòn xi tinokjoi, ça tà jijn xi qti'mi-nájen, a xi kóhotjín xitá?

42 Kitsò Na'èn-ná Jesús:

—K'oaá xán-nò yá-né xi chí'nda kixi xi tjín-là kjoachjine nga jè nei-là sijkíjna'nda jñà chí'nda-là xi i'nga xi ya síxá ni'ya-là mé-ne nga k'e kijchò chiba-là, sijkjèn chí'nda xíkjin.

43 Mé tà ndaa-là jè chí'nda xi k'oas'in ndaa tsíkitasòn k'e nga kjoíi-ne nei-là.

44 Okixi xi xan-nò, nei-là chí'nda jè, jè sijkíjna'nda yije tsojmi xi tjín-là.

45 Tanga tsá jè chí'nda jè kítsj nga koòko inima-là: “Nei-na, kjin nàchrjein kochrjein-là nga kjoíi-ne.” Ikjoàn koíits'ia nga skaàn-kò chí'nda x'in xíkjin, tikoá k'oegè-là jñà chí'nda íchjin; kòkjen, koa skoí, koa koch'j.

46 Chí'nda jè, kjoíi-ne nei-là jè nàchrjein kò jè hora k'e nga mìkii tíkoña-là. 'Nó tse kjo'in tsjá-là; yaá sijkíjnajijn-là ñánda titsajna xitá xi mìkii mokjeiín-là.

47 'Jè ch'nda xi jye ndaà tjiin-la mé xi mejèn-la nei-la, tanga mikii bijnandaà, tikoà mikii sikitason koni s'in sije nei-la, koiu je xi koma-la nga 'no koja-la nei-la.

48 Tanga tsà jè ch'nda, tsà mikii tjiin-la nga kjo'in tjin-la kjoa xi ch'o tjin, isaà chiba kjo'in s'e-la. Jè xi tse kitjoè-la, isaà tse sije-la; tikoà jè xi tse kjonngatsja, tikoà isaà tse sije-la.

Mé xi koma ya ni'ya-la xita xi jè ngatji-la kjoa ts'e Jesús

(Mateo 10:34-36)

49 'Koni jngoò ni'in xi oká tje ko sikiyne-ngui xi tsjeè, koiu xá j'i-na i j't'aà nangui nga kjoaaxin-la jé-la xita mé-ne nga kotsjeè-ne. Tsi mejèn-na tsà jye tibitasòn.

50 K'oaà s'in tjinè-na nga tse kjo'in kotojñaà; tsi ndaà makájno-na skanda k'e nga kitason!

51 'A K'oaà s'in nikitsjeèn nga jè kjoa xi j'likoa nga 'nchán kitsajna xita? Majin, xán-nò, kjoasii kitsajnajin jè ngatji-la kjoa ts'an.

52 Mats'ia-ne skanda j'ndeji kóni nga fi-isa nachrjein, k'oaà ngaya-la tsà 'òn ma xita xi titsajna nga jngoò ni'ya, jòya koma; xi jàn ma-ne skaàn-kjoòko xi jò ma-ne, jña xi jò ma-ne skaàn-ko xi jàn ma-ne.

53 Jò skoya s'e. Na'èn-la, kondra-laà koma jè ki'ndí-la; koa jè ki'ndí-la, kondra-laà koma na'èn-la; nea-la, kondra-laà koma tsòti-la; jè tsòti-la kondra-laà koma nea-la; nachiya-la, kondra-laà koma jè kja'nda-la; jè kja'nda-la kondra-laà koma nachiya-la.

Seña ts'e nachrjein

(Mateo 16:1-4; Marcos 8:11-13)

54 Jesús tikoà kitsò-la jña xita xi kjin ma-ne:

—K'e nga 'yaà nchrobá ifi, bixón-nò: "Jtsí K'oa." K'oaà s'in bitason.

55 K'e nga 'ba tjo tsje, bixón-nò: "Ndobá kotsje." K'oaà s'in bitason, matsje-né.

56 jñò, xita xi jò ma isén-nò! Maà-nò chitsejèn-là kó choòn j't'aà ngajmii ko j't'aà nangui, koa, ¿mé-ne nga mikii ma-nò 'nè kindá mé kjoa xi tíma jña nachrjein xi titsajnaà?

Mé xi komat'iaán tsà mikii niton kindaajin-koá kondra-ná

(Mateo 5:25-26)

57 'Mé-ne nga mi tà jñò bindaajin-là xinguiço nga kàtakixiya kjoa xi tjin-nò?

58 K'e nga onguio ján nguixkon xitaxá ko kondra-lè, tinchátsji'nde-la ya iya ndiyá mé-ne nga koma jchibandaà-nò nga mi ya kjiiko-lè j't'aà ts'e xitaxá koa jè xitaxá mi ya sijngatsja-lè j't'aà ts'e policia koa jè policia nga mi ndayá skinis'en-lè.

59 K'oaà xan-lè, mikii koma ktjoo-ne ndayá skanda k'e nga kichjiti yijo-lè nga yije xi sijjè-lè xitaxá.

13

Mé xi koma tsà mikii sijkáno jé-la jña xita

1 Tijnà-ne nachrjein koi, ijchò xita xi tsibénojmi-la Jesús nga jè Pilato tsatixá-la xita nga taña kisik'en-kjoò cho ko xita Galilea k'e nga nchitsjá-la kjojtjò Nainá. Kisikátjijin jni-la cho ko ts'e xita.

2 Kiichja Jesús, kitsò:

—Jñò, ¿a k'oaà s'in nikitsjeèn nga isaà tse jè tjin-la jña xita Galilea nga k'oa'sin komat'in?

3 Majin, xán-nò; tsà mikii sijkánoò jé-nò nga mi tje jè kinchátsji-nò, jñò, kiyá yije-nò.

4 K'e nga k'en jña xita xi chrj'oòn jàn ma-ne xi kiskaàné chrjò ts'e torre Siloé, ¿a k'oaà s'in nikitsjeèn nga isaà tse jè tjin-la xita koi nga kos'in komat'in, mi k'oa-ne koni ngats'ii xita xi tjin ján Jerusalén?

5 Majin, xán-nò; tsà mikii sijkánoò jé-nò nga mi tje jè kinchátsji-nò, jñò, tikoà kiyá yije-nò.

Kjoa xi mangásòn-kjoò yá iko xi mikii oja-la toò

6 Jesús tikoà tsibénojmi jngoò-la kjoa xi mangásòn. Kitsò-la:

—Jngoò xita xi kijna jngoò-la j'nde ñánda tjin-la toò uva, yaá titjejin jngoò-la yá toò iko. Xita jè, j'ii katsejèn-la tsà yija-la toò, tanga nimé kisakò-la.

7 K'ee kitsò-la jè xita xi tjna'nda: "Kó jàn nó nga f'ii katsejèn-la yá jè, tsà yija-la toò. Tanga nimé tjin-la. Tichásoin. Nanguii tísikits'ón."

8 Jè xita xi tjna'nda kitsò: "Na'èn, tikijna-là ngui jngoò nó-isa. Sikòn-la, sijxan-ngui-la ni'nde nga jngoò itjandii; ikjoàn kingui-là tje'nde.

9 Tsà koiu nachrjein-la, kjoa-la toò nó xi nchrobá; tsà majin, komaá iskan kichásoin."

K'e nga jè Jesús jngoò chjoón kisindaà-ne nachrjein nikjáya

10 Jesús, k'e nga tihokóya jngoò ni'ya ingo sinagoga ts'e xita judío, jè nachrjein nikjáya,

11 ya tjna jngoò chjoón xi jye kò chrj'oòn jàn nó tjna nga xk'én. Jngoò inijma ch'o-la neii tísitsit'in koa mi xó kii ma osijna kixi.

12 Jesús, k'e nga kijtseè, kiichja-la, kitsò-la:

—Chjoón, jyeé ndaa-ne ch'in xi tjin-lè.

¹³ Ikjoàn tsohòsòn-là tsja; jè chjoón, nitoón kjòkixi jngoo k'a-ne, ikjoàn kitsjaà-là kjondaà Nainá.

¹⁴ Tanga jè xita sko-la ts'e ni'ya ingo sinagoga kòití-là nga jè Jesús kisindaà-ne chjoón jè, koiú kjoa-là nga nàchrjein nikjáya; kitsò-là jña xita xi títsajna:

—Joón nàchrjein tjin nga ma maxá; jña nàchrjein koi komaá kjinchrobà nga kondaà-nò, tanga mikii tji'nde jè nàchrjein nikjáya.

¹⁵ K'ée kiichja Na'èn-ná Jesús, kitsò:

—Jño, xi jò ma isén-nò. Jè nàchrjein nikjáya, za mi chíjnda'ño-jèn nchraja-nò ko búrró-nò nga nàchrjenguiò ni'nga nga onguú nik'ioò nandá?

¹⁶ Ko jè chjoón jè, xi tsòti-là Abraham, jyeé kò chr'oon jàn nó tjin-là nga tjit'aà'ño-là xita neí. za mi koma tájnda'ño nas'in jè nàchrjein nikjáya?

¹⁷ K'e nga jye okitsò Jesús, tà kjòsobà-là ngats'ii xita kondra-là tanga jña xita naxandá kjòtsja-là koni s'in tjin kjòxkón xi 'ño jeya tís'in Jesús.

Kjoa xi mangásòn-kjoò xojmá mostaza

(Mateo 13:31-32; Marcos 4:30-32)

¹⁸ Jesús kitsò:

—¿Mé xi k'oas'in mangásòn-kjoò koni s'in otixoma Nainá? ¿Mé xi siingásòn-kjoaà?

¹⁹ Jè mangásòn-ko koni kji xojmá mostaza; k'e jngoo xita bitjejiin nangui-là, ikjoàn bisò, ma'nga; jña nise xi tjíma i'ngaá, bindaa'a tjé-là jña chrja-là ya.

Kjoa xi mangásòn-kjoò na'yo san

(Mateo 13:33)

²⁰ Jngoo k'a kiichja Jesús, kitsò:

—¿Mé xi siingásòn-kjoaà koni s'in otixoma Nainá?

²¹ K'oaá ngaya-là koni jè na'yo san, k'e nga jngoo chjoón síkajin jàn chiba skoan inchrain, masan yije-né kòhokji na'yo.

Xotjoa xi 'nchrèya kji

(Mateo 7:13-14, 21-23)

²² Jesús, nga tífi ján ndiyá Jerusalén, kjin naxandá jahato nga tsakóya, naxandá xi jtobá kjoan ko xi ii kjoan.

²³ Jngoo xita xi kiskònangui-là, kitsò-là:

—Na'èn, za chibaá ma xita xi kòchrjekàjiin kjo'in Nainá?

Jè, k'ée kitsò:

²⁴ —T'een-là kjo'ño yijo-nò nga kitjás'een jè xotjoa xi 'nchrèya kji. K'oaá xán-nò: kjin xita komejèn-là kjoahas'en tanga mikii koma kjoahas'en.

²⁵ K'e nga jè nei-là ni'ya kòsitjen nga kiichjoàjto xotjoa ni'ya, jño, tsà nditsiaán títsajnaa, k'ée kits'iaa nga kjinòkjoa, kixón: “Na'èn, chíx'a-nájen xotjoa ni'ya.” Jè nei-là ni'ya kitsò-nò: “Mikii bexkon-nò ñánda-ne tsajón.”

²⁶ K'ée kits'iaa nga kixón: “Ta'ñaá chichiko-lèjen, tikoáá ta'ñaá ki'yòko-lèjen, tikoáá yaá nditsin-najen tsakoóyi.”

²⁷ Tanga jè, tà kitsò-nò: “K'oaá xan-nò, mikii bexkon-nò ñánda-ne tsajón. jTinchat'aaxin-ná ngats'ioò xi ch'o 'nè!”

²⁸ Yaá jchihindáyaá, tikoá sjits'ioón ni'fioò k'e nga jchaxkoón jè Abraham, Isaac, Jacob, ngats'ii xita xi kiichja ngajo-là Nainá nga ya títsajna ñánda tíhotixoma Nainá, koá jño, xin i'nde sükasén-nò Nainá.

²⁹ Kjoí-ne xita xi kjinchrobà-ne nga ñijòn chrjangui-là isò'nde xi kítsajnat'aà imixa nga kòkjen ñánda tíhotixoma Nainá.

³⁰ J'ndeí, tjin xita xi títsajna-tjingui, nga koma iskan jña kítsajna itjòn; tikoáá tjin xita xi títsajna itjòn i'ndeí, k'e nga koma iskan, jña kjoehet'aà-ne.

K'e nga jè Jesús kiskindáyakeè naxandá Jerusalén

(Mateo 23:37-39)

³¹ Tjje-ne nàchrjein ijchò i'nga xita fariseo ñánda tjina Jesús, kitsò-là:

—Tisít'aà xin, jè Herodes mejèn-là sük'en-lè.

³² Kitsò Jesús:

—Tanguio, kot'in-là xita maña jè: “T'ndeí ko nchijòn-lè k'oaá s'iaàn: kòchrjekàjñaà inima ch'o-là neí xi tjiin inima-là xita, tikoá siindaà-na xita xi xk'én; skanda k'e kijchò nàchrjein nga kjoehet'aà xá-na.”

³³ K'oaá s'in koma i'ndeí, nchijòn-lè ko jngui-lè, kàtji-isa ndiyá-na. Mikii ndaa tjin nga jngoo xita xi chja ngajo-là Nainá, xin-t'aà kiyá-là naxandá Jerusalén.

³⁴ Jñò xi x̄ta naxandá Jerusalén tsajòn xi nìk'eèn x̄ta xi ch̄ja ngajo-là Nainá, kò bìnè ndajo jñà x̄ta xi Nainá sikasén-nò! j̄kjin k'a kjòmejèn-na nga tsibixkóya ixti-nò koni s'ín x̄a'nda nga bíngui jngá-là jñà ixti-là; tanga jñò, mìkii kòkjeifn-nò!

³⁵ Chítsejèn-là ni'ya-nò nga jye tsjeiin-takòn Nainá; k'oaá xán-nò nga mì t̄j kii j̄chaxkòon-ná skanda k'e nga kijchò nachrjein nga kixón: “j̄Mé tà ndaa-là jè xi nchrobá ngajo-là Nainá!”

14

Kòs'ín komà k'e nga kisindaà jngò-ne x̄ta Jesús xi ch'in chjón-nda t̄jín-là

¹ Jngò k'a jngò nachrjein nìkjáya, Jesús kii kjèn ni'ya-là jngò x̄ta skò-là jñà x̄ta fariseo; jñà x̄ta koi, nchisikinda mé kjoa xi s'jin Jesús.

² Tjkoá yaá t̄jna nguixkon Jesús jngò x̄ta xi ch'in chjón-nda t̄jín-là (jñà x̄ta xi nandá sinchá indso'ba).

³ Jesús kiskònangui-là jñà x̄ta ch̄jine xojon ts'e kjotíxoma-là Nainá kò x̄ta fariseo, kitsò-là: —¿A t̄j'nde-né nga sixkii-lá x̄ta jè nachrjein nìkjáya, a xi majin-né?

⁴ Tanga jñà x̄ta koi, mìkii kiiichja, tà jyò tsibitsajna. Tanga jè Jesús kiskoé x̄ta jè, kisindaà-ne, ikjoàn kisikasén-ne ni'ya-là.

⁵ K'eé kitsò-là jñà x̄ta koi:

—Jñò, tsà búrró-nò, kò tsà nchraja-nò kixoya jngò ngajo, ¿a mìtsà n̄jton k̄inachrje-nò nas'ín nachrjein nìkjáya?

⁶ Jñà x̄ta fariseo, n̄j t̄j mé 'én kiiichja-ne.

X̄ta xi faájin íxile xi jncha ítjòn

⁷ Jesús, k'e nga kijtsee jñà x̄ta xi xó kinokjoà-là nga nchifaájin íxile ts'e x̄ta ítjòn ya it'aà ím̄ixa, tsibénojm̄i jngò-là kjoa xi mangásòn, kitsò-là:

⁸ —Tsà xó kinokjoà-lè ya ni'ya ñánda t̄jín s'eí nga x̄ta bixan, mìkii ya bijnasòin íxile ts'e x̄ta ítjòn, tsà koi nachrjein-là t̄jín jngò-isa x̄ta xi 'ño ítjòn koni ngaji, xi tjkoá xó kànokjoà-là;

⁹ jè x̄ta xi xó káchja-nò k̄itsò-lè: “T̄jii'nde-là x̄ta jè nga kàt̄jina.” Ngaji, k̄sobà-lè nga k̄je'íí íxile k̄jinasòin ñánda fehet'aà-ne.

¹⁰ K'e nga xó kinokjoà-lè, yaá t̄jinasòin íxile xi fehet'aà-ne mé-ne k'e nga kjoíí jè x̄ta xi xó káchja-lè, k̄itsò-lè: “Amigo, t̄jnat'eii ím̄ixa ñánda s̄jna íxile ítjòn.” Ngaji, skoexkòn-lè x̄ta xi taña t̄tsajnat'aà ím̄ixa.

¹¹ Jè x̄ta xi 'nga s̄k̄jina yijo-là, isáá nangui k̄jina; jè xi nangui s̄k̄jina yijo-là, isáá 'nga k̄jina.

¹² Jesús, tjkoá kitsò-là jè x̄ta xi xó kiiichja-là:

—K'e nga xó kinokjoà-là x̄ta nga k̄chikoi nga nchisen, o nas'ín nguixòn, kii jñà nokjoà ítjòn-là amigo-lè, 'ndsi, x̄ta xingui, n̄j jñà x̄ta indii ni'ya-lè xi x̄ta nch̄iná, mé-ne nga jñà x̄ta koi, tsà koi nachrjein-là k'oaá t̄s'ín k̄ichja ngajo-lè nga kojndà-ne.

¹³ Tà saá k'e nga s'eí s'jin, jñà t̄inokjoà ítjòn-là x̄ta ima, xi tsjin tsja, xi mìkii ma fi, kò xi mìkii tsejèn-là.

¹⁴ Ngaji, k'e nga k'oa'sín s'jin, ndaa s'e-là inima-lè nga jñà x̄ta koi mìkii koma s̄jindà ngajo-lè; tanga ngaji, k'eé kochj̄i ngajo-lè k'e nga kjoaáya-là jñà xi x̄ta kixi.

Kjoa xi mangásòn ts'e x̄ta xi kjèn s'eí

(Mateo 22:1-10)

¹⁵ K'e nga kii'nchr̄e jngò x̄ta xi ya taña t̄tsajnat'aà ím̄ixa, kitsò-là Jesús:

—j̄Mé tà ndaa-là jè x̄ta xi k̄okjen ya ñánda tíhotíxoma Nainá!

¹⁶ K'eé kitsò Jesús:

—Jngò x̄ta, xi s'eí tsibijna, k̄jin x̄ta kiiichja-là.

¹⁷ K'e nga ijchò hora-là nga jye k̄okjen x̄ta, kisikasén ch̄i'nda-là nga kii kichja-là jñà x̄ta xi xó kinokjoà-là, kitsò-là: “Nchrobá, jyeé t̄jindaà yije.”

¹⁸ Ngats'ii x̄ta kisijé kjoa n̄jchàat'aà. Kitsò jè xi ítjòn: “Mì-là kii koma k̄jián; jngò nangui jye kòhotse; mochjeén-né nga k̄jián katsejèn-là; kitsi'ba-lè, t̄je-là takoin, mìkii k̄jián.”

¹⁹ Jè xi jngò kitsò: “An, 'òn nga nchraja xi bínci jyeé kòhotse; mejèn-na k̄jián kat'aà tsà ndaa síxá; kitsi'ba-lè, t̄je-là takoin, mìkii k̄jián.”

²⁰ Xi jngò, k'oaá t̄j kitsò: “An, saá jye kòbixan, koi kjoa-là nga mìkii koma k̄jián.”

²¹ K'e nga j'ii-ne ch̄i'nda jè, tsibénojm̄i yije-là nei-là ngats'ii kjoa koi. Jè nei-là ni'ya, k̄jiti-là; k'eé kitsò-là ch̄i'nda-là: “T'in n̄jtojin ján nd̄itsin, kòhokji iya nd̄iyá-là naxandá; nchrohókoi yije x̄ta ima, xi tsjin tsja, xi mìkii ma fi, kò xi mìkii tsejèn-là.”

²² Ch̄i'nda jè, nga komà iskan kitsò: “Na'èn, jyeé kòbitasòn yije koni s'ín kò'mi-ná, tanga t̄jín-isa j'nde.”

²³ K'eé kitsò jè nei-là ch̄i'nda: “T'in kòhokji nd̄iyá teé, kò nd̄iyá j̄tsj̄i; nchrohókoi x̄ta; kò'ño t'en-là nga kàtjahas'en mé-ne nga kàtatsee ni'ya-na.

²⁴ K'oaá xán-nò; nijngò x̄ta xi kichj̄a ítjòn-là k̄okjen-kò-na s'eí-na.”

Mé kjo'in xi singui nga onguítjngui-lá Cristo

(Mateo 10:37-38)

²⁵ 'Nó kjin xita tjingui-la Jesús; kiskáfayat'aà-la, kiichja, kitsò-la:

²⁶ — Tsà yá xi mejèn-la nga 'an kjinchrobà-tjingui-na, tsà jè yijo-la, tsà na'èn-la, tsà nea-la, tsà chjoón-la, ixti-la, 'ndse, ndichja, tsà isa tjokee mi k'oaà-ne koni 'an, mikii koma nga xita ts'an xán-la nga 'an kota'yàt'aà-na.

²⁷ Jè xi mikii skitasòn koni jngoò xita xi 'yajen krò-la, tsà mikii tjnandaà nga sijljein kjo'in nga 'an kjinchrobà-tjingui-na, mikii koma nga xita ts'an xán-la nga 'an kota'yàt'aà-na.

²⁸ Jhò, tsà mejèn-nò nga chrjó torre kindaa jngoò, ça mitsà itjòn jchòsòn-là kó tjín sngui chji-la, a tjín-nò ton xi sindaà yije-ne?

²⁹ Tsà koi nachrjein-la tà jè tàts'en chrjó sijna. Tsà mikii kongásòn yije chrjó, ngats'ì xita xi skoe kijnokeè-né.

³⁰ Kìtso: "Jhà xita koi tsibíts'ia nga kiskimìtjen chrjó ni'ya tanga mikii kiskjehet'aà."

³¹ Tsà jngoò xitaxá itjòn xi mejèn-la kojìts'ia kjojchán nga skaàn-kjoòkó xikjín xi ngásòn xitaxá itjòn, ça mitsà itjòn skòsòn-la tsà te jmii ma xita-la, a kichikjoaà-la nga skaàn-kò tsà kaàn jmii ma xita kondra-la?

³² Tsà beè-la ikon nga mikii kichikjoa-la, tik'éé-ne nga kjìin tjna xitaxá itjòn xi jngoò, sijkasén xita xi kjoì sijjé kjoa'nchán.

³³ K'oaà tìs'ín tjín, ngats'ioò, nita yá-nò xi mejèn-nò nga xita ts'an koma, itjòn tikìtsjeèn, a sijngoò-takòn nga s'ichjaà yije tsojmi xi tjín-nò. Tsà majin, mikii koma nga xita ts'an xán-nò.

Jhà xita xi kota'yàt'aà-la Cristo, k'oaà s'ín ngaya-la koni naxa

(Mateo 5:13; Marcos 9:50)

³⁴ Jè naxa, ndaa-né; tanga tsà mì tì kii sijnchra-ne tsojmi, kó tìs'ín kochjeèn-ne?

³⁵ Mì tì mé chji-la; mì tì kii kochjeèn-la nangui; mì tì kii kochjeèn-ne koni tjé'nde, tà xíteèn-né. ¡Ndaà tìnà'yaa koni xan-nò!

15

Kjoa xi mangásòn ts'e paxtò xi kisakò-ne orrè-la

(Mateo 18:10-14)

¹ Jhà xita-la xitaxá Roma xi s'ikichijtì tsojmi kò jhà xita xi ch'o tjín kjoa xi s'ín, ijchò kinchat'aà chraña-la Jesús nanda tjna, nga mejèn-la kji'nchré-la.

² Jhà xita fariseo kò xita xi okóya kjoitxoma-la Nainá xi kiskii Moisés kiichjajno-la Jesús, kitsò:

—Xita jè, ndaa ókò jhà xita xi ch'o s'ín, tikoaá tañaá kjèn-kò.

³ Jesús, k'eé tsibénjmi jngoò-la kjoa xi mangásòn, kitsò-la:

⁴ —Tsà jngoò xita tsajòn xi tjín-la jngoò sindo orrè, tsà chija jngoò orrè-la, ça mitsà sijkìtsajna jjiin ijhà jhà xi ñijòn kaàn kò chrj'oòn ñijòn ma-ne? Ikjoàn kjoì kátsji jè xi kichijà skanda kó nga sakò-la.

⁵ K'e nga jye sakò-la, tsjaá koma-la; koa'nga kohòsòn chrja-la.

⁶ K'e nga kijchò-ne ni'ya-la, kichja-la amigo-la kò xita indii ni'ya-la, kìtso-la: "Tìtsjako-ná, jye kásakò-ne orrè-na xi kichijà."

⁷ K'oaà xán-nò, k'oaà tìs'ín isa ndaa s'e kjotsja ján ngajmii it'aà ts'e jngoò xita jé xi s'ikájno jé-la nga mì tì jé ótsji-ne, mì k'oaà-ne koni tsà ñijòn kaàn kò chrj'oòn ñijòn ma-ne xi tjín-la okixi xi mikii mochjeèn-la nga sijkájno jé-la.

Kjoa xi mangásòn ts'e chjoón xi kisakò-ne ton-la

⁸ Tsà jngoò chjoón xi te ma-ne ton-la, tsà chija jngoò ton-la, ça mitsà koká ni'ín, tikoa koticha jnga ni'ya-la; ndaa ndaa kohótsji ton-la skanda kó nga sakò-la?

⁹ K'e nga jye sakò-la, kichja-la amiga-la kò íchjín indii ni'ya-la, kìtso-la: "Tìtsjako-ná, jye kásakò-ne ton-na xi kichijà."

¹⁰ K'oaà xán-nò, k'oaà tìs'ín tjín kjotsja nga nguixkon àkjalé-la Nainá k'e nga jngoò xita jé s'ikájno jé-la nga mì tì jé ótsji-ne.

Kjoa xi mangásòn ts'e ti xi kichijà

¹¹ Jesús tsibénjmi jngoò kjoa xi mangásòn; kitsò:

—Jngoò xita xi jò ma ixti-la.

¹² Jè ti xi ma kí'ndí kitsò-la na'èn-la: "Na'èn, tjii-ná tsojmi xi 'an kòkò-na." Jè na'èn-la kisijòya yije-la tsojmi xi tjín-la, ikjoàn kitsjaà-la.

¹³ Xi jye tsato jò ján nachrjein, ti jè, nitóon tsatjina yije tsojmi-la xi kitjóé-la, kisijngoò ton-la. Ikjoàn kii jngoò naxandá xi 'ño kjiiin kijna. Yáá kisikjeheya yije ton-la nga taxkí kisiko yijo-la.

¹⁴ K'e nga jye kisikjeheya yije ton-la, ya j'nde ñanda tsibijna, j'ii jngoò kjinchrá 'ño; mi ti mé tjin-la xi kine.

¹⁵ K'ée kiì síjé-la xá jngoò xita xi ya j'nde-la naxandá jè. Xita jè, kisikasén ñanda tjin-la rancho nga kisikinda chinga.

¹⁶ Ti jè, mejèn xó kine chrjoa najmá xi kjèn chinga tanga mi yá xi tsjá-la.

¹⁷ K'e nga jye kjondaaya-ne kjohitsjeèn-la kitsò: "iKjin xita chí'nda tjin-la na'èn-na ya ni'ya-la xi ningui-la inchrájin xi kjèn, koa 'an, ijndé, tibiyaa-ná kjinchrá!

¹⁸ Kjin jngoò k'a-na ni'ya-la na'èn-na; k'oaá xán-la: Na'èn, tseé jé tsohotsjiá xi it'aà ts'e Nainá xi tjna ngajmii ko it'aà tsiji;

¹⁹ mi ti kiì ok'in-na nga ki'ndi-lè k'oín-ná; k'oaá s'in jcha-takòn-ná koni tsá jngoò chí'nda-lè."

²⁰ K'ée tsasítjen, kiikon na'èn-la.

Tik'ée-ne nga kjiin tifi, jè na'èn-la kijtseèxon, kjòhimakeè, tsangachikon, ikjoàn kit-sobákjá ki'ndi-la, kiskine'a.

²¹ Jè ki'ndi-la kitsò: "Na'èn, tsohotsjiá jé xi it'aà ts'e Nainá xi tjna ngajmii ko it'aà tsiji; mi ti kiì ok'in-na nga ki'ndi-lè k'oín-ná."

²² Tanga jè na'èn-la kitsò-la chí'nda-la: "Niton nchrobákòò nikje xi isa 'ño ndaa kjoàn, tikákjá, tikoa tikjá jngoò tangò jnótsja, tjayaa xoxté ndsoko.

²³ Tanguichjaá jngoò nchraja ki'ndi xi 'ño xiné, tik'eèn. iChjineé, s'eí s'eén!

²⁴ Jè ki'ndi-na, maá-na tsá jyeé k'en, tanga tijnakon-né; kichijá-né tanga j'ndeí kásakó-ne. Ikjoàn tsibíts'ia s'eí."

²⁵ Jè ti-la xi ma jchinga, ján túsíxá rancho-la. K'e nga j'ii chraña-ne ni'ya-la, ki'nchré-la música nga s'eí tjin; xita nchitè.

²⁶ K'ée kiichja jngoò-la chí'nda, kiskònangui-la mé xi tíma.

²⁷ Jè chí'nda kitsò: "Jè 'ndsi kòfi-ne; jè na'èn-lè kásik'en jngoò nchraja ki'ndi xi 'ño xiné, koií kjoa-la nga ndaa kòfi-ne jè 'ndsi."

²⁸ Jè ti xi ma jchinga, 'ño kojti-la; majin-la fahas'en ni'ya; k'ée itjo ni'ya na'èn-la, tsibítsi'ba-la nga kátjahas'en ni'ya.

²⁹ Kitsò-la na'èn-la: "An, kjò kjin nó sixá-lè; njkjé-ne nga mikii sikitasòn-lè; ni saá jngoò ndi tindsó ki'ndi 'bii-ná nga sítsjakoaa amigo-na.

³⁰ Tanga k'e nga kòfi-ne ki'ndi-lè xi kisikjeheya ton-lè, tsojmì-lè, kisikjeheyako íchjín ská; ikjoàn kánik'en jngoò-la nchraja ki'ndi xi 'ño xiné."

³¹ Jè na'èn-la kitsò-la: "Ngaji xi ki'ndi-na xan-lè, jí tijnako kjit'aà-ná; ngats'ii tsojmì xi tjin-na, tsiji-né.

³² Mochjeén-né nga s'eí s'eén mé-ne nga sítsjakoaa yijo-ná, koi kjoa-la nga jè 'ndsi, jye kòfi-ne. Maá-na tsá jyeé k'en tanga tijnakon-né; kichijá-né tanga j'ndeí kásakó-ne."

16

Kjoa xi mangásòn ts'e chí'nda xi konachan

¹ Jesús tsibénojmì jngoò-la kjoa xi mangásòn, jña xita xi kota'yat'aà-la, kitsò-la:

—Jngoò k'a, jngoò xita nchiná, tjna jngoò-la xita xi síkinda chí'nda. Xita xi k'ejí kiì nga nguixkon nei-la nga kitsjaat'in 'én nga tsojmì-la tísikje.

² Jè nei-la, k'ée kiichja-la, kitsò-la: "¿Mé 'én xi tsját'in-lè xita? Tjiì-ná kindá kjoa ts'e xá-lè; mi-la ti kiì chí'nda skò-la kjina-ne."

³ Chí'nda jè, k'ée tsohóko yijo-la, kitsò: "¿Mé xi s'iaàn? Jè nei-na mi ti kiì tsjá-na xá. 'An, mikii chíkjoa-na nga síxákoaa nangui. Masobà-na tsá ton síijé kjotjoà.

⁴ Jyeé be mé xi s'iaàn mé-ne nga s'e-ne amigo xi tsjá'nde-na ni'ya-la k'e nga tjáxin-na xá jè."

⁵ K'ée kiichja jngoò jngoò-la jña xita xi tjen-la ton ts'e nei-la. Kitsò-la jè xi ítjòn: "¿Kó tjin kitjen-lè ts'e nei-na?"

⁶ Xita jè kitsò: "Jngoò sindo barril asitj kitjen-na." Jè chí'nda kitsò-la xikjín: "Chjoi xojoñ-lè, tjini, niton tindaá jngoii xi k'ejí xojoñ xi tà ícháte chí'la."

⁷ Ikjoàn kiskònangui-la xi jngoò, kitsò-la: "Ngaji, ¿kó tjin kitjen-lè?" Xita jè kitsò: "Jngoò sindo naxá trigo kitjen-na." K'ée kitsò-la: "Chjoi xojoñ-lè; tindaá jngoii xi tà ñijòn kaàn chí'la."

⁸ Chí'nda jè, kijtseèxkòn nei-la nga tjin-la kjohitsjeèn nga amigo tsohótsji, nas'in ch'o kis'iin nga kiskoònachan-la nei-la. Jña xi mitsá xita-la Nainá, isaá tjin-la kjohitsjeèn kó s'in ótsji amigo-la xi skoétjò mi k'oaá-ne koni jña xita xi isèèn tjin kjohitsjeèn-la.

⁹ K'oaá xán-nò, tikjeèn ton ko tsojmì xi tjin j isò'nde nga kátas'e-nò amigo mé-ne k'e nga mi ti kiì kojcheén-ne j isò'nde, ján ngajmii s'e-nò amigo xi skoétjò-nò ya ñánda kítajnaá nita mé nachrjein-ne.

¹⁰ Jè xi ndaa sikitason jè kjoa xi chiba tjin, tikoaa ndaa sikitason jè kjoa xi tse tjin; tanga jè xi konachan kjoa xi chiba tjin tikoaa konachan-ne kjoa xi tse tjin.

¹¹ Jñò, tsà mi ndaa titsanicheén tsojmi ko ton xi tjin isò'nde jè, mikii tjoé-nò kjoa xi ngui ndaa tjin ts'e ngajmii.

¹² Tsà mi ndaa titsanikjeén tsojmi ko ton xi mi tsajòn-jèn xi Nainá kisingatsja-nò i isò'nde, tikoaa mikii tjoé-nò xi ngui tsajòn ján ngajmii.

¹³ Njingoò chí'nda xi jò koma nei-la nga sjaxá-la; tsà jò koma nei-la, jngoò kojitikeè koa jngoò kotsjakeè; jngoò ndaa kjit'aà-la koa ch'o sijkò xi jingoò. Jñò, tsà kjoa nchiná sji's'in-là, mikii kos'in-la kjoa ts'e Nainá.

¹⁴ Jñà xita fariseo nga tsjakeè ton, k'e nga kii'nchré ngats'ii kjoa koi, tà tsijnòkeè Jesús.

¹⁵ K'ée kitsò-la jè Jesús:

—Jñò, ndaa nikitsajnaa yijo-nò nga nguixkon xita, tanga Nainá, beè inima-nò nga mitsà kixi kjoa nga ndaa 'nè. Jè kjoa xi jeya sikijna xita, Nainá ochrjekàngui-nè.

Kjotixoma-la Nainá xi kiskii Moisés

¹⁶ Jesús kitsò-isa:

—Jñà Xojon-la Nainá xi kiskii Moisés ko xita xi kiichja ngajo-la Nainá, jñà tímakjeén xojon koi skanda k'e nga j'ii Juan xi kis'iin bautizar xita. Tjen-ne nachrjein koi, skanda i'nde, tinokjoáya 'en ndaa-la Nainá kó s'in otixoma Nainá. Ngats'ii xita xi mejèn-la kjoahas'en-jün ñanda tíhotixoma Nainá, bínè-la yijo-la.

¹⁷ 'Nó 'in tjin tsà jè isò'nde ko ngajmii chija, tanga isaá tà 'ñó 'in tjin nga chija jngoò letra ts'e kjotixoma-la Nainá xi kiskii Moisés. Mikii chija nita kjé-ne —kitsò-isa Jesús.

Kiis'in tsakóya Jesús it'aà ts'e xita xi tsjün xikjín

(Mateo 19:1-12; Marcos 10:1-12)

¹⁸ —Nita yá-ne xi tsjün chjoón-la ikjoàn bixan-ko jngoò chjoón xi kj'eji, kjoa chijngui tís'in; tikoaa jè x'in xi bixan-ko chjoón xi kitsjün x'in-la, tikoaa kjoa chijngui tís'in —kitsò-isa Jesús.

Xita nchiná ko xita ima xi 'mi Lázaro

¹⁹ Jesús kitsò:

—Tsibijna jngoò xita nchiná xi 'ñó ndaa kjoàn nikje chí xi tshòkjá; nachrjein inchjòn kis'iin s'e'i xi taxkí 'ñó ndaa ma.

²⁰ Tikoaa tsibijna jngoò xita ima xi Lázaro ki'mi, xi jtsé tjin yijo-la. Yaá bijna xotjoo ni'ya-la jè xita nchiná.

²¹ Xita ima jè, fahajün xó-la jñà xi-la tsojmi xi kine jè xita nchiná nga bixòngui ímija; tikoaa jñà nañá bijchó xó nga tomajno jtsé-la.

²² K'e nga k'en jè ndi xita ima, jñà ákjale-la Nainá kiiko; yaá kisikjnat'aà-la Abraham. Tikoaa chaán k'en jè xita nchiná; ikjoàn kisihiijün.

²³ 'Ya i'nde ts'e mik'en ñanda nga tísikjein kjo'in jè xita nchiná, kiskoótsejèn, kijtseexkon Abraham nga kjiin tjna; yaá tjnat'aà-la jè Lázaro.

²⁴ Xita nchiná, k'ée 'ñó kiichja kitsò: “'Na'èn Abraham, चाहिमा-takòn-ná! Tikasín Lázaro nga kátasika'nchi jnótsja ya ijün nandá nga kátasikijne 'nchán nijen-na; 'ñó tse kjo'in tiskijaán i ijün ni'in.”

²⁵ Jè Abraham kitsò-la: “Na'èn, tikitsjün k'e nga tsijni isò'nde, 'ñó ndaa tsijni. Jè Lázaro, kjo'in kisikjein, tanga i'nde, ndaa tjna ijndé. Ngaji, kjo'in tnikjein.

²⁶ K'oaá s'in tjin, tikoaa jngoò xajngá jñò xi 'ñó nanga kijna-ikòn mé-ne nga mikii koma ján kotot'aà jñà xita xi i túsajna; tikoaa xi túsajna ján, mikii koma kjinchrobá ijndé.”

²⁷ Kitsò jè xita nchiná: “Na'èn Abraham, 'an bitsi'bà-lè tikasín Lázaro ya ni'ya-la Na'èn-na; ²⁸ 'òn ma-ne 'ndè se túsajna; kàtèngjmí-la xi okixi mé-ne nga tikoaa mi i kjinchrobà-ne i'nde ts'e kjo'in.”

²⁹ Abraham kitsò-la: “Xita xingui, jyeé tjin-la xojon-la Moisés ko ts'e xita xi kiichja ngajo-la Nainá; jñà kàta'nchré-la!”

³⁰ K'ée kitsò jè xita nchiná: “Majin, na'èn Abraham, tsà jngoò mik'en xi jye kijtseé kjo'in kjo'i keèngjmí-la, sijkajno jè-la nga mi tì jè kohótsji-ne.”

³¹ Jè Abraham kitsò-la: “Tsà mikii 'nchré-la Moisés ko xita xi kiichja ngajo-la Nainá, tikoaa mikii kokjeiin-la nas'in kjoaáya jngoò-la mik'en.”

17

Xita xi bit'in-ná nga binchaátsjiaá jé

(Mateo 18:6-7, 21-22; Marcos 9:42)

¹ Jesús kitsò-la xita xi kota'yát'aà-la:

—Kjit'aà nachrjein s'e xita xi kojit'in-ná nga kinchátsjiaá jé, tanga ima-xó-ne jè xita xi kojit'in.

² Ìsàa-la ndaà koma tsà sɔngui'ño jngoò ndajo natsí Ìs'iin, Ìkjoàn sɔkatjen-jìin ndáchikon, mé-ne nga mi jé skiniñjìin-ne ndí xita xi mochjeén-la nga kòkinda.

³ ɔT'een kindá yijo-nò!

Tsà jé xinguii ótsji jé xi kondra tsiji, tìnókjoa-la nga kàtakixi; tsà sɔkájno jé-la nga mi tì jé kohótsji-ne, tɔjchàat'aà-la.

⁴ Tsà itoò k'a nga jngoò nàchrjein ótsji jé xinguii xi kondra tsiji, koa tsà sɔkájno jé-la koa tsà itoò k'a nga jngoò nàchrjein kjoíkon-lè, kɔtso-lè: “Mì tì kii k'oa s'iin-na”, tsà k'oa kɔtso-lè, tɔjchàat'aà-la.

K'e nga mokjeiín-ná it'aà ts'e Jesús

⁵ Jñà xita xi tsibixáya-la Na'è-ná Jesucristo kitsò-la:

—Tɔsiko-nájen mé-ne nga Ìsà 'ño ndaà kòkjeiín-nájen it'aà tsiji.

⁶ Jé Na'è-ná k'eé kitsò:

—Jñò, tsà tà okji kòkjeiín-nò koni kji xojmá mostaza nga itsé kji, komaá k'oin-la yá xanchroò jé: “Chjìnyé yijo-lè, Ìkjoàn yá kàtatjen-jìin ndáchikon”; jé yá, k'oaá s'in sɔkitasòn-nò.

Xá-la ch'i'nda

⁷ Jñò, tsà tɔjna jngoò-nò ch'i'nda xi kàfi sɔkínchi nchraja, o xi kàfi ka'ndà tindsó, k'e nga kjoíi-ne nga kàfi sixá, za k'oin-la: “Tɔjini, tɔjnat'eii imixa”?

⁸ Majìn, a mìtsà tã sã k'oin-la: “Tindaà-ná tsojmì xi kókjeen; tixkóngui nikje-lè; tɔya-ná tsojmì xi kókjeen ko xi skiaa. K'e nga jye kjoé koma, Ìkjoàn tichi koa tjoíi jì.”

⁹ Jé nei-la, tɔkooá mìkii tsjá-la kjondaà ch'i'nda-la nga ndaà kàsikitasòn jé xá xi kàsít'in-la; mìtsà tsò-la: “Ndaà ch'i-lè.”

¹⁰ Tɔkooá jñò, k'e nga jye nìkitasòn yije xá xi tsjá-nò Nainá, k'oaá tixón: “Ngajen, taxkì ch'i'nda-nájen, tà jé kànkitasòn-jen koni s'in k'i'mi-nájen.”

Kòs'in komà k'e nga jé Jesús, te xita kisindaà-ne xi tɔbindojno chrjoa yijo-la

¹¹ Jesús, k'e nga tɔfi ján naḡandá Jerusalén, jahato yá nangui Samaria ko Galilea.

¹² K'e nga jahas'en-jìin jngoò ndí naḡandá xi jtobá kji, te xita kiskaàjìin yá jya ndiyá xi tɔbindojno chrjoa yijo-la; kjiin chinchina-ne

¹³ nga 'ño kii chja kitsò:

—Jesús, Maestro, chahima-takòn-nájen!

¹⁴ Jesús, k'e nga kijtseè, kitsò-la:

—Tanguiò, takó-la yijo-nò jé n'ò mii.

K'oaá s'in komà, k'e nga nchifi-ne, kjòtsjeè-ne yijo-la ch'in xi tɔjn-la.

¹⁵ K'e nga kijtseè yijo-la nga jye kjondaà-ne ch'in xi tɔjn-la, jngoò-ne xi inchrobà Ìjngoò k'a-ne; 'ño kii chja nga kitsjaà-la kjondaà Nainá.

¹⁶ Tsasèn-xkó'nchit'aà-la Jesús skanda it'aà nangui, nga kitsjaà-la kjondaà. Xita jé, Samaria j'nde-la.

¹⁷ Jesús kitsò-la:

—¿A mìtsà te ma-ne xi kòmatsjeè-ne ch'in-la? Jñà xi ñijaàn, çñánda tɔtsajna?

¹⁸ ¿A tà jé tà jngoò xita xi xìn nangui-la kànchrobà Ìjngoò k'a-ne nga tsjá-la kjondaà Nainá?

¹⁹ Jesús kitsò-la xita jé:

—Tɔsitjìin, t'in-ne; koi-né nga mokjeiín-lè nga kòmandaà-ne.

K'e nga jcha-la kó s'in kòtixoma Nainá

(Mateo 24:23-28, 36-41)

²⁰ Jñà xita fariseo kiskònangui-la Jesús, kitsò-la:

—¿Kjé-né nga jcha-la kó s'in kòtixoma Nainá?

Jesús kitsò-la:

—Koni s'in otixoma Nainá mìtsà tsejèn jcha-la.

²¹ Mìtsà yá xi kɔtso: “Í tɔjna Ìjndé”, ko “Ján tɔjna ján”; nga jyeé tɔjnajìin-nò kó s'in otixoma Nainá.

²² Jesús, kii chja-isa; kitsò-la xita xi kota'yàt'aà-la:

—Kijchò nàchrjein k'e nga komejèn-nò jchaxkoòn-ná nga jye kòtijnajìin-nò 'an xi Kì'ndí-la Xita xan-la yijo-na, tanga nàchrjein jé, mìkii jchaxkoòn-ná.

²³ K'oaá kɔtso-nò xita: “Chítsejèn-là Ìjndé, chítsejèn-là ján.” Tanga kii kii mokjeiín-nò, tɔkooá kii kii onguítjngui-là nas'in k'oa kɔtso-nò.

²⁴ Koni ma ni'in ch'on k'e nga ote, ma iseèn kó okji nga jngoò itjandii, k'oaá s'in koma k'e nga kijchò nàchrjein nga kjoiaa Ìjngoò k'a xi Kì'ndí-la Xita xan-la yijo-na.

²⁵ Tanga 'an xi Kì'ndí-la Xita xan-la yijo-na, ítjòn, tse kjo'in sùkjaán; jñà xita xi tɔjn nàchrjein j'nde, kochrjekàngui-na.

²⁶ Koni s'in komà jñà nàchrjein ts'e Noé, k'oaá tɔs'in koma jñà nàchrjein k'e nga kjoiaa Ìjngoò k'a 'an xi Kì'ndí-la Xita xan-la yijo-na.

²⁷ X̄ita, tsakjèn, kits'ìi, chixàn íchjín skanda jè nàchrjein nga jahas'en ni'ya chitso jè Noé, íkjoàn j'ìi jtsí xkón, yaá jyehesón yije x̄ita kóhótjín.

²⁸ K'oaá t̄s'in komà nàchrjein ts'e Lot [x̄ita xi tsinü kitsò-la Abraham]. J̄nà x̄ita tsakjèn, kits'ìi, tsatse tsojmì, tsatjina tsojmì, tsibítje tsojmì, tsibíndaà ni'ya;

²⁹ tanga jè nàchrjein nga itjojin jè Lot ya naxandá Sodoma, ts'a jtsí ni'in xi ngajmü inchròbà-ne xi nguì chijo azufre, yaá jyehesón yije x̄ita kóhótjín.

³⁰ K'oaá s'in koma jè nàchrjein k'e nga 'an kítojen òngòò k'a xi Kí'ndí-la X̄ita xan-la yijo-na.

³¹ Jè xi t̄jnasò'nga ni'ya-la, ki t̄j kii nchròbájen-ne nga skoé tsojmì xi 'ncha ni'ya-la; t̄jkoáá jè xi t̄sísájin nangui-la ki t̄j kii nchròbà-ne ni'ya-la.

³² T̄jkitsjeèn koni s'in komàt'in chjoón-la Lot.

³³ N̄ita ya x̄ita xi mejèn-la kochrjet̄ji yijo-la nga mì mé kjo'in sakò-la, tà saá s̄ichija-né ko kjo'in kíjnajin; tanga jè xi t̄jnandaà nga tsjá yijo-la, jè-né xi kíjokájin kjo'in nga it'aà ts'an ndaà kíjna.

³⁴ K'oaá xan-nò, jè n̄itjen k'e nga okoma, t̄jín ni'ya ñánda jò x̄ita kjioòsòn nàchan, jngòò t̄jamitjen nga kjiko Cristo, xi jngòò s̄ijna-né nga kjo'in s'e-la.

³⁵ T̄jkoáá t̄jín ni'ya ñánda jò íchjín nchí'o na'yo, jngòò t̄jamitjen nga kjiko Cristo, xi jngòò s̄ijna-né nga kjo'in s'e-la.

³⁶ Jò x̄ita xi nchisíxangui rancho-la, jngòò t̄jamitjen nga kjiko Cristo, jè xi jngòò sas̄ijna-né nga kjo'in s'e-la.

³⁷ J̄nà x̄ita kiskónangui-la Jesús:

—¿Ñánda-ne nga k'oaas'in koma Na'èn?

Jesús kitsò-la:

—Ya ñánda kíjna cho k'en, yaá kitsajnajtín j̄nà líké.

18

Kjoa xi mangásòn ts'e chjoón ka'àn ko x̄itaxá ts'en

¹ Jesús t̄jkoáá tsibénojmi jngòò-la kjoa xi mangásòn nga mochjeén-né nga mikii s̄jindaaj̄nàá in̄ima-ná; nàchrjein inchiòn kínoákoat'aà-lá Nainá.

² Kitsò-la:

—Jngòò naxandá ñánda t̄jna jngòò x̄itaxá xi mikii beèxkón Nainá t̄jkoáá mikii beèxkón x̄ita xi kj'ejí.

³ T̄ija-ne naxandá jè, t̄jna jngòò chjoón ka'àn xi f'íikon kjit'aà x̄itaxá jè nga tsò-la: “T̄indaaj̄in-ná kjoa ts'e kondra-na.”

⁴ Jè x̄ita xi t̄jín-la xá, mikii xátí tsibíndaaj̄in-la, tanga xi komà iskan kisikitsjeèn nga tsibíndaaj̄in-la jè chjoón mé-ne nga mì tà tsja s̄ijti-la. Kitsò j̄jin in̄ima-la: “Nas'in mikii beexoán Nainá, t̄jkoáá mikii beexoán x̄ita,

⁵ tanga chjoón jè, 'nó tsísil-na, koií kjoa-la nga k̄indaaj̄in-la mé-ne nga mì tà tsja i kjoíikon-na, mì tà tsja 'an s̄ijti-na.”

⁶ Kitsò Na'èn-ná:

—T̄iná'ya-là koni tsò x̄itaxá xi ts̄jín-la okixi.

⁷ Nainá, ¿a mitsá isá ndaà s̄jís'in-la x̄ita-la xi xó k'oaas'in jaaj̄in-ne nga ko nàchrjein ko n̄itjen 'nó s̄jjet'aà-la? ¿A mitsá isá n̄iton s̄jís'in-la?

⁸ K'oaá xán-nò nga isá xátíya koj̄indaaj̄in-la. Tanga k'e nga kjoiaa jngòò k'a 'an xi Kí'ndí-la X̄ita xan-la yijo-na, ¿a sakò-na x̄ita i isò'nde xi mokjein-la it'aà ts'an?

Kjoa xi mangásòn ts'e x̄ita fariseo ko x̄ita-la x̄itaxá Roma xi síkchjít̄ji tsojmì

⁹ Jesús tsibénojmi jngòò-la kjoa xi mangásòn ts'e x̄ita xi x̄ita kixi tsò-la yijo-la koa ochrjekàngui xi i'nga. Kitsò:

¹⁰ —Jò x̄ita kii ñánda t̄jna jngo it̄jon nga kiichjat'aà-la Nainá: jngòò xi x̄ita fariseo, xi jngòò, x̄ita-la x̄itaxá Roma xi síkchjít̄ji tsojmì.

¹¹ Jè x̄ita fariseo, nga s̄jna kixi, t̄ichjat̄ji yijo-la, kitsò: “Nainá, tsjaà-lè kjondaà, ndaà chjì-lè nga 'an mì k'oaá s'iaàn koni s'in x̄ita xi kj'ejí xi ts̄jín-la kjoa kixi, x̄ita chijé, x̄ita ts'en, x̄ita ch̄jngui; n̄i mì k'oaá s'iaàn koni s'in jè x̄ita xi síkchjít̄ji tsojmì.

¹² Jò k'a ót̄ijnachjan nga jngòò xomàna; tsjaà-ná xi teya ngats'ìi xi sikijne.”

¹³ Tanga jè x̄ita xi síkchjít̄ji tsojmì, k̄jiln s̄jna; skanda majin-la nga kotsejèn ngajmü; tà jè in̄ima-la 'beé-la; tsò: “Nainá, kàtas'e-lè kjoh̄matakòn xi it'aà ts'an nga x̄ita jè 'mì-na!”

¹⁴ K'oaá xán-nò, x̄ita jè, k'e nga kii-ne ni'ya-la, jyeé x̄ita kixi kitsò-la Nainá; tanga jè x̄ita fariseo majin. Koií kjoa-la, n̄ita ya-ne xi 'nga síkijna yijo-la, isáá nangui kíjna, koa jè xi nangui síkijna yijo-la, isáá 'nga kíjna.

*K'e nga jè Jesús kisichikon-t'in ndí ixti
(Mateo 19:13-15; Marcos 10:13-16)*

¹⁵ Tikoáá j'ikò-la ndí ixti mé-ne nga koòt'aà-la tsja; jñà xita xi kota'yat'aà-la Jesús, k'e nga kijtseèkxon jñà xita xi ijchòko ndí ixti, tsohótiko.

¹⁶ Tanga jè Jesús kiichja-la jñà ixti; kitsò-la xita-la:

—Tji'nde-la jñà ndí ixti nga kàtjanchrobákon-na, ki binchahikon-la. Jñà xi k'oa s'in tjin inima-la koni ts'e ndí ixti, jñà xi tjin-la kjondaà nga Nainá tíhotixoma-la.

¹⁷ K'oaá xan-nò xi nguú okixí, jñà xi mikil kòkjeiin-la koni jngoò ndí ixti nga skoé kjondaà-la Nainá nga jè koṭixoma-la, mikil kjoahas'en-jiin nñanda tíhotixoma Nainá.

Jngoò xita xi 'ño nchiná

(Mateo 19:16-30; Marcos 10:17-31)

¹⁸ Jngoò xi xita sko-la kiskònangui-la Jesús kitsò:

—Maestro ndaà, ¿mé xi s'iaàn nga s'e-na kjoabinachon nita kjé-ne?

¹⁹ Jesús kitsò-la:

—¿Mé-ne nga xita ndaà 'mì-ná? Nijngoò xita xi ndaà; ta jngoò jè Nainá xi ndaà.

²⁰ Jyeé tjiin-lè kó tsò kjoṭixoma: “Ki kjoa chiinguii 'ni, ki xitaá nik'in, ki chijé 'ni, ki 'én ndiso nokjoi it'aà ts'e xita xi kj'eji, chàkxoìn na'èn-lè ko nea-lè.”

²¹ Xita jè kitsò:

—Ngats'ii kjoṭixoma koi, jyeé kisikitasoàn kó nga sa chítia.

²² K'e nga kii'nchré Jesús, kitsò-la:

—Nguú jngoò kjoa chija-lè: tatijni yiji kóhotjín tsojmi xi tjin-lè; ikoàn tika'bí-la xita ima mé-ne nga s'e-lè kjoa machikon-t'in ján ngajmii. Ikoàn nchrobátjinguiná.

²³ Xita jè, k'e nga kii'nchré, tà kjòbaá-la, koi kjoa-la nga 'ño nchiná.

²⁴ Jesús, k'e nga kijtseé nga 'ño ba kis'e-la kitsò:

—iñà xita nchiná, 'iin koma-la nga kjoahas'en-jiin nñanda tíhotixoma Nainá!

²⁵ Isáá mì 'in koma-la jngoò cho camello nga kjoahas'en xkon nindoò xi tjahaña-ne nikje, mì k'oaá-ne koni jngoò xita nchiná xi 'ño tjin-la tsojmi nga koma kjoahas'en-jiin nñanda tíhotixoma Nainá.

²⁶ Jñà xita xi kii'nchré kitsò:

—¿Yá-né xi kijtjokàjiiìn kjo'in?

²⁷ Jesús kitsò-la:

—Jè kjoa xi mikil koma-la xita, Nainá komaá-la.

²⁸ K'ee kitsò Pedro:

—Na'èn, ngajen, jyeé kinikitsajna yije-jen tsojmi xi tjin-najen nga tjaatjinguilèjen.

²⁹ Jesús kitsò-la:

—Okixí xi xan-nò, ngats'ii xita xi kitsjiin-takòn ni'ya-la, na'èn-la, 'ndse, choón-la, ixti-la, nga mejèn-la k'oas'in sijnchá yijo-la koni s'in otixoma Nainá,

³⁰ ngats'ii xita koi, tsojmi xi kisikitsajna, isáá tse tjoé ngajo-la jñà nachrjein xi titsajnaá j'ndeji isò'nde; koa jñà nachrjein xi sa nchrobá, s'ee-la kjoabinachon nita kjé-ne.

Jesús, jngoò k'a tsibénojmi kjoabiyá-la

(Mateo 20:17-19; Marcos 10:32-34)

³¹ Jesús kiichjat'aà xìn-la xita-la xi tejò ma-ne, kitsò-la:

—I'ndeji, ján onguiaá Jerusalén; yaá kítasòn yije ngats'ii kjoa xi tjit'aà xojon it'aà ts'an xi Ki'ndí-la Xita xan-la yijo-na, koni s'in kiskii xita xi kiichja ngajo-la Nainá.

³² Yaá sijnatsja-na it'aà ts'e xita xi mìtsà xita judio; kijnokeè-na; ch'o sijnko-na; kiichrájno-na;

³³ kojà-na, ikoàn sijn'en-na; tanga xi koma ján nachrjein kjoaáya-na.

³⁴ Tanga jñà xita-la mikil kjòchiya-la 'én xi tsibénojmi-la; tji'maá-la; mikil jahas'en-jiin-la koni s'in kitsò Jesús.

Kós'in kisindaà-ne Jesús jngoò xita xi mikil tsejèn-la ya naxandá Jericó

(Mateo 20:29-34; Marcos 10:46-52)

³⁵ K'e nga jye tímachrañat'aà nga kijchò Jesús ya naxandá Jericó, jngoò xita ima xi mikil tsejèn-la tijná indii ndiyá; túsíjé kjoṭjò ton.

³⁶ Xita jè, k'e nga kii'nchré nga kjin xita nchifa, kiskònangui mé kjoa xi tíma.

³⁷ K'ee kitsò-la xita nga jè Jesús xi Nazaret ts'e tífahato.

³⁸ K'ee 'ño kiichja, kitsò:

—iJesús, nga ya nchrobát'aà-ne tje-la xitaxá ítjòn David [nga ji tijná ngajo-la], jchahimatakòn-ná!

³⁹ Jñà xita xi tíma ítjòn, tsohótiko nga jyò kàtijná; tanga jè, isáá 'ño kiichja nga kitsò:

—ji xi ya nchrobát'aà-ne tje-la xitaxá ítjòn David, jchahimatakòn-ná!

⁴⁰ K'ee tsasijna Jesús; kitsò: “Nchrobákòó.” K'e nga ijchò kasit'aà chraña-la kiskònangui-la, kitsò-la:

41 —¿Mé xi mejèn-lè nga siiko-lè?

Jè xita xi mikii tsejèn-la, kitsò:

—Na'èn, mejèn-na nga kàtatsejèn-na.

42 Jesús kitsò-la:

—¿Kàtatsejèn-lè! Koi-né nga mokjeiin-lè nga kòmandaà-ne.

43 Xita jè, nitoón kjòtsejèn-la, ikjoàn kiitjingui-la Jesús; jeya kisikijna Nainá. Ngats'ii xita naxandá xi kijtsee kjoa koi, tikoáa jeya kisikijna Nainá.

19

Jesús ko Zaqueo

1 Jesús k'e nga ijchò naxandá Jericó, tsibits'ia nga jahas'en-jin naxandá.

2 Ya tjina jngoo xita xi 'mì Zaqueo xi xita sko-la jña xita-la xitaxá Roma xi sikichijiti tsojmi; tikoá 'ño xita nchiná.

3 Mejèn-la nga skoeexkon yá-né xi 'mì Jesús; tanga mikii ma kotsejèn-la nga kjin ma-ne xita, nga jtabá kji Zaqueo.

4 K'e tsangachikon itjòn, ikjoàn tsijin-jno jngoo yá sicómoro nga mejèn-la skoeexkon Jesús koni s'in kjoahato.

5 K'e nga jahaya ndiyá Jesús, kiskoòtsejèn mijin k'oa kijtseeexkon Zaqueo nga ya tjina'a yá; kitsò-la:

—Zaqueo, nitoón titajjin, i'ndeji mochjeén-né nga ya siikjaya ni'ya-lè.

6 Zaqueo, nitoón tsitajen. Tsjaá komà-la nga kitsjaà'nde-la ni'ya-la.

7 Jña xita k'e nga kijtsee nga ya siikjaya ni'ya-la Zaqueo, tsibits'ia nga kiichjajno-la Jesús; kitsò nga ya siikjaya ni'ya-la xita xi jé tjín-la.

8 K'e tsasijna kixi Zaqueo, kitsò:

—Na'èn, osen tsojmi xi tjín-na tsjaà-la xita ima; koa tsà tjín xita xi 'an kiskoònachaan-la, ñijòn k'a kokji tsjaà ngajo-la.

9 Jesús kitsò-la:

—Ngats'ii xita nei-la ni'ya jè, nachrjein i'ndeji, jyeé kòbitjokajjin kjoa ts'e jé-la, koi kjoa-la nga k'oas'in mokjeiin-la Zaqueo koni jè xita jchinga-la Abraham.

10 "An xi Ki'ndi-la Xita xan-la yijo-na, koi xá j'i-na nga j'i katsjia xita xi kichija, tikoá j'i kachrjekajñaà jé-la xita.

Kjoa xi mangáson xi okóya kjoa ts'e ton

(Mateo 25:14-30)

11 Jña xita, k'e nga nchi'nchré-la Jesús, koni s'in tibénojmi kjoa koi, k'oa s'in kisikitsjeèn nga yaá koiits'ia njiton nga kotixoma Nainá; nga jè Jesús, jyeé kjomeé bijchò chraña Jerusalén. Koi kjoa-la, Jesús, tsibénojmi jngoo-la kjoa xi mangáson nga mitsá k'oas'in koma.

12 Kitsò-la:

—Jngoo k'a, jngoo xita xi tje-la xita itjòn kii jngoo nangui ñanda 'ño kjiin nga tjoé-la xá itjòn, ikjoàn kjinchrobà-ne k'e nga jye tjoé-la xá.

13 Tanga k'e nga tikj'eé bitjo xita jè, te xita ch'nda-la kiichja-la nga tse ton kisingatsja nga jngoo jngoo; kitsò-la: "Chjoé ton koi, tixáko skanda k'e nga kjoé-na."

14 Tanga jña xita xi tjya-ne naxandá-la nga jtikeé komá, kisikasén-tjingui i'nga-la xita xi kitsò-la xitaxá itjòn: "Majin-najen nga jè xitaxá jè kotixoma-najen."

15 "Tanga jè xita jè, k'e nga jye kitjoé-la xá, j'ii jngoo k'a-ne nangui-la. Ikjoàn kiichja-la ngats'ii xita ch'nda-la xi kisingatsja ton mé-ne nga skoe kó tjín kisikijne ki'ndi-la jè ton xi kisingatsja nga jngoo jngoo.

16 Jè xita xi j'ii itjòn kitsò: "Na'èn, ton-lè xi kiningatsja-ná, te k'a okji kisikijnesòn ki'ndi-la."

17 Jè xitaxá itjòn kitsò-la: "Ndaà tjín; ngaji, ch'nda ndaa-né; ndaa kinikjin ton xi chiba kjongatsjei; i'ndeji, te naxandá singatsja-lè xi jji kotixoma-la."

18 Ijchò jngoo xi ma-ne jò ch'nda, kitsò: "Na'èn, ton-lè xi kiningatsja-ná, 'òn k'a okji kisikijnesòn ki'ndi-la."

19 Jè xitaxá itjòn kitsò: "Tikoáa ngaji, 'òn naxandá singatsja-lè xi jji kotixoma-la."

20 'Jii jngoo xi kitsò: "Na'èn, i tjina ton-lè xi kiningatsja-ná. Ndaà tsibitjoá; pahito tsibitjé'noá.

21 Kitsakjoón-lè; ngaji, xita jti-takòn-né; chjoí xi mì ngaji tsibijni tikoá bixkoí xi mì ngaji tsibitjii."

22 Jè xitaxá itjòn kitsò: "Ngaji xi ch'nda ch'o 'mì-lè; tjè-ne 'én xi nokjoi sinè-lè jé, nga si: xita jti-takòn-né; chjoí xi mì ngaji tsibijni tikoá bixkoí xi mì ngaji tsibitjii.

23 Tsà jye tjiiin-lè, ¿mé-ne mì yaá kinikijna-ne ton-na ya banco nga kisikijnesòn ki'ndi-la mé-ne k'e nga kjoí jngoo k'a-na singatsja-ná ton-na?"

24 K'eé kitsò-la jña xita xi ya túsajna: "Chjaà'an-là ton; jè tjii-la xita xi te k'a kisikijnesòn."

²⁵ Jñà x̄it̄a xi oki 'mì-là kitsò: “Nà'èn, x̄it̄a jè, jyeé kò te k'a kot̄jín t̄jín-là!”
²⁶ Jè x̄it̄axá ít̄jòn kitsò: “K'oaá xán-nò, ngats'ìi xi t̄jín-là, k'oi'isa-là; tanga jè xi tsjìn-là, skanda t̄já'aán-là mé xi chiba t̄jín-là.
²⁷ T̄ikoa jñà x̄it̄a kondra-nà xi majìn-là nga 'an kot̄ixoma-là, nchrohókò-ná ijndé, t̄ik'eèn nga nguixkoaàn.”

K'e nga jahas'en Jesús ya naxandá Jerusalén
(Mateo 21:1-11; Marcos 11:1-11; Juan 12:12-19)

²⁸ K'e nga jye okitsò Jesús, kiì ít̄jòn-là x̄it̄a-là nga kiìkò ján Jerusalén.
²⁹ K'e nga jye ijchò chraña jñà naxandá xi 'mì Betfagé kò Betania ya chraña't'aà-là jè nindoò xi 'mì Yá Olivo, kisikasén jò x̄it̄a xi kota'yat'aà-là.

³⁰ Kitsò-là:
 —Tanguiò ján ndí naxandá itsé xi kijnat'aà ján; k'e nga kijchoò, yaá síjnat'aà'ño jngoò ndí búrró ki'ndí xi nì s̄a yá x̄it̄a bijnasòn-là. Ch̄jnda'ño, nchrohókò.

³¹ Tsá yá xi k̄jngangui-nò, tsá kitsò-nò: “¿Mé-ne ch̄jnda'ño-nò?”; t̄in-là: “Jè xó Nà'èn-ná Jesús kochjeén-là.”

³² Kiì jñà x̄it̄a-là; k'oaá s'ín kisakò-là koni s'ín tsibénojmi-là Jesús.

³³ K'e nga nchik̄jnda'ño ndí búrró ki'ndí, kitsò nei-là:

—¿Mé-ne ch̄jnda'ño-nò ndí búrró?

³⁴ Jñà x̄it̄a-là Jesús kitsò:

—Jè xó kochjeén-là Nà'èn-ná Jesús.

³⁵ K'e nga ijchòkò ñánda t̄jna Jesús, jñà kisikjeén nikje-là nga tsohótsa-là ndí búrró; ikjoàn kisik̄jnasòn-là.

³⁶ Koni s'ín t̄fi Jesús, jñà x̄it̄a tsohójngoò nikje-là ya iya ndiyá.

³⁷ K'e nga jye kjòchraña't'aà nga nchifijen ya nindoò Yá Olivo, ngats'ìi x̄it̄a xi kota'yat'aà-là xi t̄jiko tsibits'ia nga 'ño kiich̄ja xi ngui tà kjòtsja-là nga kitsjaà-là kjòndaà Nainá nga koi' kjoa-là jñà k̄joxkón xi jye kijtseè.

³⁸ Kitsò:

—Mé tà ndaà-là jè x̄it̄axá ít̄jòn xi jè nchrobá ngajo-là Nainá. T̄jín kjoa'nchán it'aà ngajmì. T̄ikoa t̄jín kjoajeya.

³⁹ Jñà x̄it̄a fariseo xi ya taña t̄jiko x̄it̄a k̄jín kitsò-là:

—¡Maestro, jch̄it̄ikoi' x̄it̄a xi kota'yat'aà-lè!

⁴⁰ Tanga jè Jesús kitsò-là:

—K'oaá xán-nò tsá jñà x̄it̄a koi kitsajnajyò, jñà ndajo kichja.

⁴¹ Jesús, nga jye ijchò chraña naxandá Jerusalén, k'e nga kijtseèxkon, kiskindâyakeè xi it'aà ts'e naxandá.

⁴² Kitsò:

—Jño xi x̄it̄a naxandá Jerusalén 'mì-nò, tsá jè-là-ne nachrjein i'nde' k̄k̄jeiín-nò it'aà ts'e jè kjoa xi tsjá-nò kjoa'nchán; tanga i'nde', t̄j'í' maá-nò.

⁴³ K̄joi' nachrjein k'e nga jñà kondra-nò k̄jindii-nò chrjò ndajo, s̄jikinda-nò kò kít'aà-nò nga jngoò itjandii.

⁴⁴ Jngoò k'a s̄jikjehesòn-nò, s̄jik'en yijeé-nò; n̄i' t̄i jngoò ndajo s̄jijyòsòn-là x̄ikjín. Koi' jè xi koma-nò nga mikii kiyaxkoòn Nainá k'e nga j'ii katsejèn-nò.

Kii komá k'e nga jè Jesús tsachrje x̄it̄a xi ot̄jna tsojmi ya ingo ít̄jòn ts'e Jerusalén
(Mateo 21:12-17; Marcos 11:15-19; Juan 2:13-22)

⁴⁵ Jesús jahas'en ya ñánda kijna ingo ít̄jòn, ikjoàn tsibits'ia nga tsachrje jñà x̄it̄a xi nchihot̄jna kò xi nchihotse tsojmi;

⁴⁶ kitsò-là:

—K'oaá s'ín t̄ich̄ja Xojon xi t̄jít'aà 'Én Tsjeé-là Nainá: “Ni'ya-nà, ni'ya ts'e ochikon-né, tanga jñò, nguijo-là x̄it̄a ch̄jé t̄itsa'nè.”

⁴⁷ Jesús, nachrjein inchijòn tsakóya-là x̄it̄a ya nd̄itsin ingo ít̄jòn; jñà x̄it̄a skò-là no'mi, x̄it̄a xi okóya k̄jot̄ixoma-là Nainá xi kiskii Moisés, kò jñà x̄it̄a skò-là naxandá, nchihótsji'nde-là nga mejèn-là s̄jik'en Jesús.

⁴⁸ Tanga mikii kisakò-là kó s'ín s̄jiko nga jñà x̄it̄a naxandá, 'ño ndaà nchi'nchré-là koni s'ín tsò 'én xi t̄ibénojmi.

20

Kjot̄ixoma-là Jesús
(Mateo 21:23-27; Marcos 11:27-33)

¹ Jngoò nachrjein, k'e nga jè Jesús t̄ihokóya-là x̄it̄a 'én ndaà-là Nainá ya nd̄itsin ingo ít̄jòn, ijchò x̄it̄a skò-là no'mi kò x̄it̄a xi okóya k̄jot̄ixoma-là Nainá xi kiskii Moisés; k̄jih̄it̄akò x̄it̄a jchínga.

² Kitsò-là:

—Koatin-nájen, ¿mé kjotíxoma xi tsjá'nde-lè koni s'ín 'ni? ¿Yá xi kitsjaà-lè kjotíxoma koi?

³ Kiichja Jesús, kitsò:

—Tíkoáá 'an, jngòò kjoa skòngui-nò. Koatin-ná:

⁴ ¿Yá xi kitsjaà-là kjotíxoma Juan nga kis'iin bautizar xítà? ¿A Nainá-né xi tǵina ngajmii, o xi tà xítà-né?

⁵ Jǵnà xítà koi k'eé tsajoóya-ne; kitsò-là xíkjin:

—Tsà kixoán: “Nainá kitsjaà-là kjotíxoma”, kitsò-né: “¿Mé-ne nga mikii kòkjeiin-nò jít'àà ts'e?”

⁶ Tíkoá tsà kixoán: “Ít'àà ts'e xítà-né”, jǵnà xítà naxandá ndajoó koi'nè-ná nga k'oáá s'ín mokjeiin-là nga jè Juan xi kiichja ngajo-là Nainá.

⁷ K'eé kitsò:

—Mikii 'ya-jen yá xi kitsjaà-là kjotíxoma.

⁸ Jè Jesús, kitsò-là:

—Tíkoáá 'an, mikii k'oáá xán-nò yá-né xi kitsjaà-na kjotíxoma koni s'ín s'iaàn.

Kjoa xi mangásòn ts'e jǵnà chǵ'nda ts'en

(Mateo 21:33-44; Marcos 12:1-11)

⁹ Ikjoàn tsibíts'ia Jesús nga kiichja-là xítà naxandá; tsibénojmi jngòò-là kjoa xi mangásòn, kitsò:

—Jngòò k'a jngòò xítà tsibítje toò uva, ikjoàn kisikiña-là xítà xi k'ejí nga kisixásòn; jè nei-là nangui, kjiin nó kii.

¹⁰ K'e nga ijchò nacherjein nga jye kòjchá toò uva, jè nei-là, kisikasén jngòò chǵ'nda-là nga tjoé chiba-là chǵí-là toò uva xi jè oko-là; tanga jǵnà xítà xi kisixásòn nangui, tà kiskaàn-kò-né, tà kisikasén tiyaá-ne.

¹¹ Xi komá jskan, jè nei-là nangui jngòò xítà chǵ'nda-là kisikasén; k'oáá tǵs'ín kisiko; kiskaàn-kò, ch'o kisiko, ikjoàn kisikasén tiya-ne.

¹² Jngòò kisikasén xi ma-ne jàn xítà chǵ'nda; tà ngásòn kisiko; kisiki'on, koa tsachrjekajin nangui-là.

¹³ K'eé kitsò jè nei-là nangui: “¿Mé xi s'iaàn? Jè-la sikasén ki'ndí-na xi 'ñò tsjakeè; jè-la xi skoexkón.”

¹⁴ Tanga jǵnà xítà chǵ'nda koi, k'e nga kijtseèxkon, kitsò-là xíkjin: “Jè jèe xi tjoé kjotjò-là j'nde; sǵk'eén mé-ne nga tsaján koma j'nde.”

¹⁵ Tsachrjekajin ya ñánda tǵtje toò uva; ikjoàn kisik'en.

J'ñò, ¿kò bixón? Nei-là nangui, ¿mé xi sǵiko xítà koi?

¹⁶ Kjoíi sǵk'en xítà koi; k'ejí xítà sǵingatsja jè nangui ñánda tǵin toò uva.

Jǵnà xítà xi nchi'nchré-là Jesús kitsò:

—¡Nǵkjé-ne k'oas'ín koma!

¹⁷ Tanga Jesús, kiskoó'an, kitsò-là:

—Tsà majin, ¿kò bixón? ¿Kó tsóya-ne koni s'ín tíchja Xojon xi jít'aà 'Én-là Nainá nga tsò?:

“Jè ndajo xi tsachrjekàngui chǵjinechrjò nga sǵ íjòn, jè-né xi komá ndajo tàts'en chrjò-là ni'ya.”

¹⁸ Ngats'ii xi ya kixosòn ndajo jè, koxkoaya-né; kò tsà jè ndajo skanè xítà, kochijo-né.

¹⁹ Jǵnà xítà sko-là nò'mii kò xítà xi okóya kjotíxoma-là Nainá xi kiskii Moisés, mejèn-là nga tǵjè-ne hora tsobà'ñó Jesús, nga jè kjoa xi mangásòn, kiskaàya-là nga kondra ts'e koni s'ín tsibénojmi; tanga jǵnà xítà naxandá kitsakjòn-là.

Kjoa ts'e xi machǵtǵi tsojmi

(Mateo 21:45-46; 22:15-22; Marcos 12:12-17)

²⁰ Jǵnà xítà sko-là nò'mii kisikindǵ; kisikasén-'ma-là xítà xi ijchò 'nchré-là xi k'oas'ín kis'iin koni tsà xítà ndaà nga mejèn-là sakòtsji jngòò-là 'én xi ch'o tsò mé-ne nga koma sǵingatsja-ne jè gobernador xi tǵiya kjotíxoma tsja nga jè koiindaàjin.

²¹ Jǵnà xítà koi kiskòngui-là, kitsò-là:

—Maestro, 'ya-nájen jǵnà 'én xi nokjoi, ndaà okoodyi; mikii chjaàjin xítà; k'oáá s'ín okoodyi ndǵyá-là Nainá koni s'ín tǵin xi kjoa kixi.

²² ¿A ndaà tǵin nga kǵchǵtǵi-jen tsojmi jít'aà ts'e xítaxá íjòn ts'e Roma? ¿A xi majin-né?

²³ Jesús, tǵk'eé kijtseèya-là nga nchikonachan-là, kitsò-là:

—¿Mé-ne nga mejèn-nò nga 'an chít'aà-ná?

²⁴ Tǵkó jngòò-ná tǵn. ¿Yá ts'e isén kò 'ín xi jít'aà?

Kitsò xítà koi:

—Ts'eé César xi xítaxá íjòn ts'e Roma.

²⁵ Jesús kitsò:

—Tǵii-lá César xi ts'e César, koa tǵii-là Nainá xi ts'e Nainá.

²⁶ Ngats'ii 'én xi kiichja Jesús nga nguixkon xita naxandá, mikiì kisakò-là xi koma kohòngui-ne. Tà kjòxkón-là; tà saá à jyoò tsibitsajna.

Kós'in kiskònangui kjoa ts'e nga faáya-là mik'en
(Mateo 22:23-33; Marcos 12:18-27)

²⁷ Jñà xita saduceo xi mikiì mokjein-là nga faáya-là xita xi jye k'en ijchò kjònangui-là Jesús, kitsò-là:

²⁸ —Maestro, Moisés, k'oaá s'in kiskii: Tsà jngoò xita xi kiyá 'ndse, tsà tsjin-là ixti k'e nga kiyá, jè chjoón-là mik'en, tije-ne 'ndse kixan-ko ijngoò k'a-ne mé-ne nga s'e-là ixti xi tje ts'e 'ndse.

²⁹ Kis'e xó jngoò k'a xita xi itoò komá 'ndse. Jè xi síjna ítjòn, kis'e xó-là chjoón; tanga mikiì kis'e-là ixti skanda kóni nga k'en.

³⁰ Jè 'ndse xi ma-ne jò, chixàn-koó; tikoáá k'e nga k'en, mikiì kis'e-là ixti.

³¹ Chjoón jè, chixàn-koó xi ma-ne jàn; k'oaá xó s'in chixàn-ko ngats'ii nga itoò 'ndse, tanga nijngoò xi kis'e-là ixti skanda k'e nga k'en.

³² Xi komá jskan, tikoáá k'en jè chjoón.

³³ K'e nga tsà kjoááya-là, nga itoò 'ndse, zyá-né xi chjoón-là koma? Nga jñà tsibitsajna ko nga itoò 'ndse.

³⁴ Jesús, k'ée kitsò-là:

—Jñà xita xi tjin nachrjein j'nde, ko chjoón ko x'in, bixan-né.

³⁵ Tanga jñà xita xi Nainá okitsò nga ok'in-là nga kjoááya-là nga kitsajna isò'nde xi sa kjoíí, mì tì kii kixan-ne.

³⁶ Tikoáá mì tì kii kiyá-ne. K'oaá s'in ngásòn kitsajnakon koni àkjalé; yaá kitsajna ko Nainá nga ixti-là ma nga jye kófaáya-là.

³⁷ Tije-ne Moisés k'oaá s'in okóya nga jñà xi jye k'en, kjoááya-là. K'oaá s'in tjit'aà xojoñ it'aà ts'e ya na'ya xi titi k'e nga tsò Moisés: “Jè xi Nainá 'mì-lá, tikoáá Nainá tsò-là Abraham, Isaac, ko Jacob.”

³⁸ Jñà xi jye k'en, mìtsà Nainá tsò-là xi Nainá; tà jñà xi títajnakon xi Nainá tsò-là! It'aà ts'e Nainá, ngats'ii-né nga títajnakon.

³⁹ K'ée kiichja xita xi okóya kjotixoma-là Nainá xi kiskii Moisés, kitsò:

—Maestro, kixii kjoa 'én xi nokjoi.

⁴⁰ Nì tì jngoò xita xi kjò'ño-ne ikon nga kiskònangui-isa-là.

Ñánda kitjen-là Cristo [xita xi xó kisikasén-ne Nainá]

(Mateo 22:41-46; Marcos 12:35-37)

⁴¹ Jesús kitsò:

—¿Mé-ne kotsò-ne jñà xita nga jè xi Cristo, [xita xi xó sijikasén-ne Nainá], nga ya kijnchrobát'aà-ne tje-là xitaxá ítjòn David?

⁴² Tije-ne David, tsò xojoñ-là ya ts'e Salmo:

Jè Nainá kitsò-là Cristo, jè xi otixoma-na:

“Tijnat'aà-ná j kixi-na,

⁴³ skanda k'e nga sikítsajnanguia kondra-lè

ñánda nchasòn ndsokoi nga 'an, jye kisikijne-là.”

⁴⁴ Jè David, tsà kós'in kitsò-là Cristo, ¿kó s'in tjin-ne nga ya nchrobát'aà-ne tje-là David?

Kii kitsò Jesús it'aà ts'e xita xi okóya kjotixoma-là Nainá

(Mateo 23:1-36; Marcos 12:38-40; Lucas 11:37-54)

⁴⁵ K'e nga nchi'nchré ngats'ii xita naxandá, Jesús kitsò-là xita xi kota'yát'aà-là:

⁴⁶ —Tikindaa yijo-nò it'aà ts'e xita xi okóya kjotixoma-là Nainá xi kiskii Moisés. Sasén-là nga nikje ndojò ókjá. Tikoáá tsjaá ma-là nga ndaa beèxkón xita xi kje'ei, ndaa síhixat'aà ya nditsin. Tikoáá jñà ótsji íxile xi jncha ítjòn ya ni'ya ingo sinagoga, ko mejèn-là nga jñà kitsat'aà ítjòn ímíxa k'e nga kjèn xita ñánda tjin s'ei.

⁴⁷ Faá'an ni'ya-là íchjín ka'àn xi jye k'en x'in-là. Ikjoàn 'ño ndojò fiko ochikon-là nga mejèn-là nga bitsajna ma nga mì jcha-là mé kjoa xi s'in. Jñà xita koi isaá tse kjo'in s'e-là.

21

Ton xi kitsjaá kjotjò chjoón ka'àn xi 'ño imá

(Marcos 12:41-44)

¹ Jesús k'e nga kiskootsejèn, kijtsee xita nchiná xi 'ño tjin-là ton nga nchibítsajnaya ton-là ya kaxá ñánda sinchá ton kjotjò-là Nainá.

² Tikoáá kijtsee jngoò chjoón ka'àn xi 'ño imá nga tsibítsajnaya jò ndí ton xi chibachji chji-là.

³ K'ée kitsò:

—Xi kjoa kixi, k'oaá xán-nò, chjoón ka'an ima jè, isaá tse ton kòbjina mì k'oaá-ne ngats'ii xita xi i'nga.

⁴Ngats'ii xita koi xi tjin-la ton, koií tsjá-la Nainá jè xi ningui-la, tanga jè chjoón ima, kàtsjá yijéé ton xi tjin-la xi tímajchá-ne.

K'e nga kiichja Jesús it'aà ts'e ingo kó s'in tjinè-la nga kixoña

(Mateo 24:1-2; Marcos 13:1-2)

⁵Tikoa nchijoóya i'nga-ne xita xi nchikotsejèn-la ingo ítjòn nga ndaà kjoàn ndajo-la; tikoa ndaà kjoàn tsojmi xi kitsjá kjoótjò-la Nainá jñá xita. Jesús kitsò-la:

⁶—Kjoíí nachrjein k'e nga jñá ndajo kò tsojmi xi ndaà kjoàn xi chitsejèn-là, níí tí jngoò siyijòsòn-la xikjin, kixoña yije-né.

Seña xi s'e k'e nga nchrobá machraña nachrjein nga kjoehet'aà isò'nde

(Mateo 24:3-28; Marcos 13:3-23)

⁷K'eé kiskònangui-la kitsò-la:

—Maestro, ¿mé nachrjein-ne nga okoma kjoa koi? ¿Mé seña xi s'e k'e nga jye kochraña nga k'oas'in koma kjoa koi?

⁸Jesús kitsò:

—Tikindaá yijo-nò nga mì yá xita xi skónachan-nò. Kjin xita kjoíí xi 'in ts'an sijkjeén; kitsò: “An-ná xi Cristo, [nga 'aán kisikasén-na Nainá]”, tikoa kitsò-nò: “Jyee tjina chraña nachrjein nga 'an kotiixoma.” Kì kii onguítjinguí-là.

⁹K'e nga kiná'ya kjoa ts'e kjojchán, kjoasii, kì tsakjoòn-jèn; mochjeén-né nga k'oas'in koma ítjòn tanga kj'eé tsá jè nachrjein nga kjoehet'aà.

¹⁰Kitsò-isa-la:

—Naxandá skaàn-kjoò xi k'ejíí naxandá. Koa xitaxá koiits'ia nga skaàn-kjoòko xitaxá xi kj'ejíí naxandá.

¹¹Ndaà jchán k'oa ch'ón xkón; xkì xi ján naxandá s'e kjinchrá kò ch'in xi 'ño kjan. Ján ngajmii jcha-la kjojkón xi ch'o tjin kò xi ch'o kjoàn.

¹²Tanga jñó, ítjòn tsoqá'ño-nò xita; kjitjinguikéè-nò kjiko-nò ya ni'ya ingo sinagoga nga ya sindaajin. Skinis'en-nò ndayá; kjiko-nò it'aà ts'e xitaxá ítjòn kò ts'e gobernador, tà koií kjoa-la nga mokjeiin-nò it'aà ts'an.

¹³K'e nga k'oas'in komat'ioòn, jè hora nga kénajmí-là xita xi it'aà ts'an.

¹⁴K'oaá s'in t'è-là takòn, kì tà chjà ítjòn nikítsjeén kó kixón nga kinókjoa nga kinchakoo yijo-nò,

¹⁵koií kjoa-la nga 'an, tsjaà-nò 'én tikoa tsjaà-nò kjoa kjin-takòn kó s'in kinókjoa mé-ne nga jñá xita kondra-nò mikii sijkjine-nò k'e nga chibákjoò.

¹⁶Skanda jñá siingatsja-nò xi na'én-nò, 'ndsé, xinguigo kò amigo-nò, tikoa sijk'en i'nga-nò.

¹⁷Ngats'ii xita isò'nde kojtiikeé-nò xi kjoa ts'an.

¹⁸Tanga nijngoò tsjaskoò hjija.

¹⁹Jè xi kichikjoa-la kjo'in, kijnakon inima-la!

²⁰K'e nga jcha naxandá Jerusalén nga kitsee jngoò itjandii-la soldado, k'oaá s'in tjiin-nò nga jye kjochraña nga jngoò k'a kjoehesòn yije mé xi tjin.

²¹Jñá xita xi titsajna Judea, kátanga, kàtji nándá nindoò choòn; jñá xi titsajna Jerusalén, kàtjokajjin naxandá, jñá xi ján titsajna campo, kì tí kii nchrobá-ne jjiin naxandá-la.

²²Koií kjoa-la nga nachrjein ts'e kjo'in-né mé-ne nga kitasòn yije-ne koni s'in tíchja Xojon xi tjit'aà 'En Tsjeè-la Nainá.

²³ima xó-ne jñá íchjin xi ki'ndí 'ya kò xi jxti xó nchisikaki jñá nachrjein koi, nga 'fio tse kjo'in s'e it'aà nangui! Xi kjoajti-la Nainá, tse kjo'in koi'ne-la xita naxandá Israel.

²⁴Tjin xita xi kicha machitín kiyá-ne; tikoaá tjin xi kj'ejíí nangui kjiko preso jñá xita kjojchán. Jñá xi mitsá xita judío, 'ño ch'o sijkò nga skoetoòn jñá xita naxandá Jerusalén; jñá kotixoma skanda k'e nga kitasòn nachrjein-la xita koi.

K'e nga kjoíí jngoò k'a-ne Ki'ndí-la Xita

(Mateo 24:29-35, 42-44; Marcos 13:24-37)

²⁵Ikjoàn jcha-la jè ts'oi, sá kò ni'ño nga kotsejèn-la seña xi ch'o kjoàn. I it'aà nangui, ngats'ii xita 'ño tsakjón nga kji'nchré-la nga 'ño kjone nga fi nchrobá ndáchikon.

²⁶Jñá xita chiba-la kiyáya-né nga tsakjón k'e nga skoe kjoa xi komat'in isò'nde. Skanda jñá ni'ño xi tjin ngajmii kjitiyaá-la.

²⁷Ikjoàn skoe-na xita xi Ki'ndí-la Xita xan-la yijo-na nga kjinchrobàjñaá jjiin ifi. Tseeé nga'ño kò kjoajeya kjoijkoaa.

²⁸K'e nga kots'ia kjoa koi nga k'oas'in koma, kixi tinchaa, chjimi'ngaá skoò, tsja t'è-là inima-nò, chíñakjoa nga jyee kjochraña nachrjein nga jñó kitsajnandeji-nò.

²⁹K'eé tsibénajmí jngoò-la kjoa xi mangásòn; kitsò-la:

—Chítsejèn-là yá toò iko, ngats'ìi yá xi tjin.

³⁰ K'è nga jye bíts'ia nga bíjts'én xka-là yá, jyeé 'yaà nga nchrobá machraña chon ndobá.

³¹ K'oaá tís'in tjin, k'è nga jchaà nga k'oas'in tíma kjoa koi, kátasjiin-nò nga jye tijnat'aà chraña-nò nachrjein nga jchaà kó s'in otixoma Nainá.

³² Xi okixi, k'oaá xán-nò: Mikil kiyá xita xi tjin nachrjein koi skanda kóni nga jye kítasòn yije jña kjoa koi.

³³ Jè ngajmù ko isò'nde kjoehet'aà-né, tanga jña 'én-na mikil kjoehet'aà; kítasòn-né.

³⁴ T'een kindá yijo-nò; mikil bìi'nde nga sitájaajin inima-nò jña kjoa xi ch'o tjin koni kjoa ch'i, kjoa chrjá'a, ko kjoa xi nikájnoò j isò'nde. Tsà k'oas'in s'een, mikil titsajnaandá jè nachrjein k'è nga 'an kjoiaa jngoo k'a; tà nìton kjoii nachrjein, skané-nò koni jngoo ch'an.

³⁵ K'oaá s'in komat'in ngats'ìi xita xi tjin nga tíjtsa isò'nde.

³⁶ Jñò, ndaà titsajna, titsi'ba kijnà nga kjit'aà nachrjein mé-ne nga s'e-nò nga'ño nga koma kitjoñnoò ngats'ìi kjo'in xi k'oas'in koma, tikoá mé-ne nga mikil kosobà-nò nga kìncha nguixkon K'ndí-là Xita.

³⁷ K'è nga nachrjein, Jesús, yaá tsakóya ya nditsin ingo ítjòn. K'è nga majñò yaá fisikjáya ya nindoò xi 'mì Yá Olivo.

³⁸ Kjin xita naxandá, f'ìikon ya nditsin ingo ítjòn nga xki tajñòya; f'ii 'nchré-là mé 'én xi okóya.

22

Kiis'in tsohótsji'nde-là xita kondra-là Jesús nga tsoba'ño

(Mateo 26:1-5, 14-16; Marcos 14:1-2, 10-11; Juan 11:45-53)

¹ Jyeé tímachraña nachrjein nga bitjo s'eí Paxko k'è nga kjèn inchrájin xi tsjin-là na'yo san jña xita judío.

² Jña xita sko-là no'mù ko xita xi okóya kjotixoma-là Nainá xi kiskii Moisés, nga tsakjón-là xita naxandá, tsohótsji'nde-là kó s'in sjiko Jesús nga sjik'en.

³ Jè xita neji jahas'en-jin inima-là jè Judas xi tikoá Iscariote 'mì, xi ya itjojìn ts'e xita xi tejo ma-ne xi tsajmeikò Jesús.

⁴ Judas, kiikáko jña xita sko-là no'mù ko xita sko-là xi sikinda ingo ítjòn nga tsajoóya-ne kó s'in sjingatsja Jesús.

⁵ Jña xita koi, tsjaá komà-là; tsibindaajin nga tjon tsjá-là.

⁶ Judas, kòkjein-là, ikjoàn tsohótsji'nde-là kó s'in sjingatsja Jesús nga mikil skoe jña xita naxandá.

K'è nga jè Jesús tsakjèn-ko xita xi kota'yàt'aà-là

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ijchò nachrjein-là s'eí ts'e inchrájin xi tsjin-là na'yo san, k'è nga k'oas'in tjinè-là nga biyaà orré xi bíxteèn jni-là xi it'aà ts'e s'eí Paxko.

⁸ Jesús kisikasén Pedro ko Juan, kitsò-là:

—Tanguí kindáà tsojmi xi kjoa ts'e s'eí Paxko mé-ne nga kichiaá.

⁹ Jña xita-là kiskònangui-là, kitsò-là:

—¿Ñanda mejèn-lè nga konguí kindáà-jen?

¹⁰ Jesús kitsò:

—K'è nga kitjás'en-jñò naxandá, ya skakjoò jngoo xita x'in xi 'yajen jngoo nisa nandá. Tanguitjngui-là skanda ya ñanda kjoahas'en ni'ya.

¹¹ Kot'in-là nei-là ni'ya: “Jè Maestro kjònangui: ¿Ñanda tjna cuarto-là ni'ya ñanda kòkjen-koáa xita xi kota'yàt'aà-na ts'e s'eí Paxko?”

¹² Xita jè, kòkò jngoo-nò cuarto xi tiyá kji xi jye ndaà choòn xi ya tijnasò'nga ni'ya. Ya tindaà nga kichiaá.

¹³ Jña xita koi, kii; k'oaá s'in kisakò-là koni s'in kitsò-là Jesús. Yaá tsibindaà tsojmi xi kòkjen kjoa ts'e s'eí Paxko.

¹⁴ K'è nga ijchò hora nga kòkjen, Jesús tsibijnat'aà imixa ko xita-là xi tsibixáya-là.

¹⁵ Kitsò-là:

—;Ñò tsikitsjeèn nga mejèn-na kòkjen-ko-nò ts'e s'eí Paxko nga tikj'eé fi-na kjoa biyaà!

¹⁶ K'oaá xán-nò nga mì tì kii kòkjeen-na s'eí Paxko skanda k'è nga kítasòn yije kjoa ts'e s'eí Paxko jña nachrjein k'è nga Nainá kotixoma.

¹⁷ K'è kiskoé jngoo chitsin, kitsjaà-là kjondaà Nainá, kitsò:

—Chjoé, tjka'bí-là xinguiqo;

¹⁸ K'oaá xán-nò nga mì tì kii skì-na vino skanda k'è nga kotixoma Nainá.

¹⁹ Ikjoàn kiskoé inchrájin, kitsjaà-là kjondaà Nainá, kisixkoaya, kitsjaà-là xita-là, kitsò:

—Inchrájin jè, yijo-na-né nga 'aán kiyá ngajo-nò. K'oa tís'in t'een nga tixkoaya inchrájin, mé-ne nga kojitsjeèn-nò xi it'aà ts'an.

20 K'e nga jye tsakjèn, k'oaá t̃s'ín kis'ín; kiskoé ch̃tsín, kitsò:

—Ch̃tsín jè, jè-né xi kjoa x̃itse xi bindaàj̃in-kò-nò xi it'aà ts'e j̃nì-nà xi x̃ixteèn xi kjondaà tsajòn nga makix̃ya kjoa.

21 Í t̃jnat'aako-ná ìm̃xa, jè x̃ita xi s̃iingatsja-na it'aà ts'e x̃ita kondra-ña.

22 Xi òkixi, 'an xi Ki'ndi-là X̃ita xan-là yijo-ña, t̃jñè-ña nga k̃jyá. T̃anga, j̃im̃a xó-ne jè x̃ita xi s̃iingatsja-na!

23 J̃nà x̃ita-là tsibíts'ia nga kiskònangui-là x̃ikjín, kitsò:

—¿Yá-né xi k'oa's'ín s̃iingatsja?

Yá-né xi t̃jna ítjòn

24 J̃nà x̃ita-là tsajoókjoò xi kjoa ts'e yá-né xi t̃jna ítjòn.

25 Jesús kitsò-là:

—J̃nà x̃itaxá ítjòn-là xi mìtsà x̃ita judío, 'ñó beètoòn x̃ita nax̃andá-là, t̃anga j̃nà x̃itaxá koi, tsò-né nga ndaà x̃ita.

26 T̃anga j̃nò, mìkii k'oa's'ín s'een. Jè xi t̃jna ítjòn, isáa nangui kàt̃jna; jè xi otíxá, tà saá jè kàtama ch̃'nda.

27 ¿Yá-né xi t̃jna ítjòn? ¿A jè xi b̃jnat'aà ìm̃xa, o xi jè xi bíya tsojmi? ¿A mìtsà jè xi b̃jnat'aà ìm̃xa? T̃anga j'ndeji, mìkii k'oa's'ín koma. 'An, t̃jnjaj̃in-nò koni jngoo x̃ita ch̃'nda xi síxá-nò.

28 'Skanda kó-ne nga tàts'en-là kjoa, j̃nò-nò xi t̃itsaj̃nako k̃jit'aà-ná ñjta mé kjoa xi t̃imat'ian.

29 Koi kjoa-là nga 'an s̃iingatsja-nò k̃jotixoma nga j̃nò k̃jotixomaà koni s'ín k̃isingsatsja-na Nainá xi Na'èn-ña,

30 mé-ne j̃nò, yá kichioò t̃ikoa s'ioo ya it'aà ìm̃xa-ña ñanda t̃ihotixoma, t̃ikoa ya k̃itsaj̃nasòn ìxile ts'e k̃jotixoma nga j̃nò, k̃indaàj̃in-là x̃ita xi tejó t̃je-là ts'e nax̃andá Israel.

'Èn xi k̃ichja Jesús nga jè Pedro k̃j'omat'in

(Mateo 26:31-35; Marcos 14:27-31; Juan 13:36-38)

31 K̃ichja-isa Na'èn-ná, kitsò:

—Simón, Simón, jè x̃ita neji k̃isjé'nde nga mejèn-là 'ñó skót'aà-nò. K'e nga skót'aà-nò, yaá jcha-là yá-né xi ndaà kò xi mìkii ndaà, koni s'ín ñikò trigo nga matsjeè.

32 T̃anga 'an, tsibítsi'bat̃jì-lè mé-ne nga mì jchjat'aà-lè nga mokjeiín-lè xi it'aà ts'an. K'e nga jye s̃ikát̃jifaya-ne xi it'aà ts'an, t̃isikoi xingui nga kixi kitsajna.

33 Simón kitsò:

—Na'èn, t̃jnjanda-ná nga k̃jiko-lè nas'ín ndayá k'oóin, nas'ín skanda k̃iyáko-lè.

34 Jesús kitsò-là:

—Ngaji Pedro, k'oaá xan-lè, j'ndeji, jàn k'a k'oa sí nga mìkii yaxkon-ná k'e nga t̃ikj'èè k̃jindáya kóxtí.

K'e nga jye k̃jochrañà nachrjein nga k'oi-là k̃j'oin Jesús

35 Jesús kiskònangui-là, kitsò-là:

—K'e nga k̃iskasén-nò nga tsanguio nika'bió 'én-ña nga mìkii kich'à ton, mìkii kich'à ch̃jtsa, mìkii xoxté kitsjaya, ¿mé xi k̃isichjaat'aà-nò?

J̃nà x̃ita kitsò:

—Ñimé-jèn.

36 K'eé kitsò-là:

—J'ndeji, jè xi t̃jín-là ch̃jtsa ton, kàtakjoé; t̃ikoa jè xi t̃jín-là na'ya kàtakjoé; kò jè xi tsjín-là k̃ichá ndojò, kàtat̃jna nachrokisòn-là koa kàtatse k̃ichá-là.

37 K'oaá xán-nò nga t̃jñè-là nga k̃itasòn koni s'ín t̃ichja Xojon xi t̃jít'aà 'Èn Tsjeè-là Nainá xi it'aà ts'an nga tsò: "K'oaá s'ín skoe-ikon koni jngoo x̃ita xi mìkii ndaà s'ín." Koni s'ín t̃ichja 'Èn Tsjeè-là Nainá xi it'aà ts'an, k̃itasòn yije-né.

38 J̃nà x̃ita-là kitsò:

—Na'èn, k̃jioò jò-najen k̃ichá ndojò ijndé.

Jè Jesús kitsò:

—Kàtje kjoa.

K'e nga jè Jesús tsibítsi'ba ya nindoò Yá Olivo

(Mateo 26:36-46; Marcos 14:32-42)

39 Jesús kii nga k̃ichjat'aà-là Nainá ya ñanda 'mì nindoò Yá Olivo koni s'ín s'ín k̃jit'aà; ĩkjoàn k̃iit̃jngui x̃ita xi kota'yat'aà-là.

40 K'e nga ĩjchò j'nde jè, kitsò-là x̃ita-là:

—T̃itsi'ba-là Nainá mé-ne nga mì jé skajñò.

41 K'eé tsasit'aà x̃in chiba-là koni k̃jì saté jngoo ndajo k'e jngoo x̃ita osén. Tsasèn-xkó'nchi, ĩkjoàn k̃ichjat'aà-là Nainá.

42 Kitsò:

—Na'èn, tsà mejèn-lè, chjaàxin-ná kjo'in jè; tanga mìtsà jè kítasòn 'én-na, jè kàtabitasòn tsjji.

⁴³ K'e nga tíchjat'aà-la Nainá tsatsejèn jngoò àkjale-la Nainá xi inchrobà-ne ngajmii nga kitsjaà-isa-la nga'ño.

⁴⁴ Nga tse kjo'in tískjeiín iníma-la, isaá 'ño kíichjat'aà-la Nainá; chíba-la kitjoòndá-né, jè ndátsjèya-la xi chixòt'aà nangui, jní kjoàn.

⁴⁵ K'e nga jye kíichjat'aà-la Nainá, kii ìjngoò k'a-ne ñánda títsajna xítà xi kota'yàt'aà-la. Tanga k'e nga ijchò, jyeé kjijijòfè, koií kjoa-la nga 'ño 'on ma-la iníma-la.

⁴⁶ Kitsò-la:

—¿Mé-ne titsayijòfè-nò? Tísitjeen, títsi'ba-la Nainá mé-ne nga mì jè skajñoò.

Kii komà k'e nga kindobà'ño Jesús

(Mateo 26:47-56; Marcos 14:43-50; Juan 18:2-11)

⁴⁷ Tákò tík'eé tíchja-isa Jesús, kjìn xítà ijchò; jè tsó'ba ítjòn Judas, xi ya ítjojiín ts'e xítà-la Jesús xi tejò ma-ne. K'e nga ijchò, kii kasit'aà chrañá-la Jesús nga kiskine'a.

⁴⁸ Jè Jesús kitsò-la:

—Ngaji Judas, ¿a k'oaá s'ín tà jngoò kjoa xi chine'aá ñingatsja-ná 'an xi Kí'ndí-la Xítà xan-la yijo-na?

⁴⁹ Jñá xítà-la xi i'nga, k'e nga kijtseé kjoa xi komat'in Jesús, kitsò:

—Na'èn, ¿a mejèn-lè nga kich'on-jen kícha ndojò?

⁵⁰ Jngoò xítà-la Jesús tsajá-la kícha ndojò jè chí'nda-la nò'mii ítjòn, tsatet'aà líká kixi-la.

⁵¹ K'eé kitsò Jesús:

—¡Kí k'oaá níkoò, kàtje kjoa!

Ikjoàn tsohót'aà-la tsja líká-la; nítjoón kjòndaà-ne.

⁵² K'eé kitsò-la jñá xítà xi j'íkjaá xi xítà skò-la nò'mii kò xítà xi síkinda jngo ítjòn kò xítà jchínga:

—¿Mé-ne k'oaá'ín kà'nè-nò nga kícha machitín kò yá kich'à koni tsà jngoò xítà chijé kòflichjaà?

⁵³ Nachrjein inchijòn tsohótijnako-nò ya ndítzin jngo ítjòn; ¿mé-ne nga mikii ya kindobà'ño-ná? Koií kjoa-la nga jè hora jè nga jño choón, tsajòn-nò k'e nga jè xítà neíí tíhotixoma.

K'e nga jè Pedro mikii tsibénojmi nga beèkxon Jesús

(Mateo 26:57-58, 69-75; Marcos 14:53-54, 66-72; Juan 18:12-18, 25-27)

⁵⁴ Jesús, kitsobà'ño xítà, kii kò ni'ya-la nò'mii ítjòn. Jè Pedro, tà kjìin tà kjìin tsajmeètjngui-la.

⁵⁵ Ya jngoò osen ndítzin, jñá xítà tsibítse jngoò ni'ín, íkjoàn tsibítsajna'ngui jngoò ítjandii. Tíkoá jè Pedro tsibíjnajiín-la xítà.

⁵⁶ K'eé jngoò chjoón chí'nda kijtseèkxon Pedro nga tíjna'ngui; kiskoò'an, kitsò:

—Xítà jè, tíkoáá yaá tsóhoko Jesús.

⁵⁷ Tanga jè Pedro tsoho'mat'in-né, kitsò:

—Ngaji chjoón, xítà jè, mikii beexoan.

⁵⁸ Xi komà ìjngoò tjò, ngui jngoò xítà kijtseèkxon Pedro, kitsò-la:

—Tíkoáá ngaji, yaá tjaàkoií Jesús.

K'eé kitsò Pedro:

—Ngaji x'jin, mìtsà ya tsòhokoáa.

⁵⁹ Nga komà ískan, tíjin-la tsà jngoò hora, tíkoáá 'ño okitsò ngui jngoò xítà:

—Kixii kjoa, xítà jè, yaá tsóhoko, tíkoáá yaá j'nde-la Galilea.

⁶⁰ Pedro kitsò:

—Ngaji x'jin, mikii be mé 'én xi kò'mi-la.

Tík'eé-ne tíchja Pedro kiskindàya kóxti.

⁶¹ Kisikátjifaya Na'èn-ná Jesús, kiskoòtsejèn-la Pedro. K'eé tsibítsjeèn-la Pedro 'én xi kitsò-la Na'èn-ná Jesús nga kitsò-la: “Jàn k'a k'oaá sí nga mikii yaxkon-ná k'e nga tík'i'eé kjindàya kóxti.”

⁶² Jè Pedro, k'eé ítjo ni'ya, íkjoàn 'ño jchán kiskindàya nga 'on komà-la iníma-la.

Kós'ín kíichja xítà xi kisisobà-la Jesús

(Mateo 26:67-68; Marcos 14:65)

⁶³ Jñá xítà xi nchisikinda Jesús, kisisobà-la tíkoá tsajá-la.

⁶⁴ Tsibíchjoá xkqon, íkjoàn kiskònangui-la, kitsò-la:

—¡Kòatín-nájen yá xi tí'beé-lè!

⁶⁵ Kjìn kjoa tíjin-isa xi kj'eíí xi 'ño 'on kitsò-la.

K'e nga kiiko Jesús ñánda tǵna xitaxá ítjòn ts'e xita judío

(Mateo 26:59-66; Marcos 14:55-64; Juan 18:19-24)

⁶⁶ K'e nga kis'e isén, kjòxkóya jǵnà xita jchínga ts'e xita judío, xita sko-la nò'mi kò xita xi okóya kjótixoma-la Nainá xi kiskii Moisés; kiiko Jesús ya ñánda maxkóya jǵnà xitaxá ítjòn; ikjoàn kiskònangui-la, kitsò-la:

⁶⁷ —Koaǵin-nájen, ¿a ngaji-né xi Cristo, [xi xó kisikasén-lè Nainá], o xi majin-né?

Jesús kitsò:

—Tsà k'oa xán-nò: “An-ná”, mikii kòkjeiin-nò.

⁶⁸ Tsà 'an skònangui-nò, jǵnò, mikii kǵnòkjoaa tikoaa mikii sikijnandeí-na.

⁶⁹ Jyeé ijchò hora-la nga 'an xi Ki'ndí-la Xita xan-la yijo-na yaá kótijnat'aà kixi-la Nainá xi 'nò tse nga 'nò tǵin-la.

⁷⁰ Ngats'ii xita kitsò:

—¿A ngaji-né xi Ki'ndí-la Nainá 'mì-lè?

Jesús kitsò-la:

—Jǵnò sobà xi obixón nga 'an-ná.

⁷¹ K'eé kitsò jǵnà xita:

—¿Yá xita xi mochjeén-isa-ná xi tsja 'én? Jǵnà sobá títsana'ya-lá koni s'in tichja-ne tso'ba.

23

K'e nga kiiko Jesús ñánda tǵna Pilato

(Mateo 27:1-2, 11-14; Marcos 15:1-5; Juan 18:28-38)

¹ Tsasitjen ngats'ii xita, kiiko Jesús ñánda tǵna Pilato.

² K'e nga ijchòkò nguixkon Pilato, jǵnà xita tsibits'ia nga tsohóngui, kitsò:

—Xita jè, kjòtsji-najen nga k'ejii ndiyá fiko naxandá-ná. Tsò-né nga mì xó kii kichjítjia tsojmì xi it'aà ts'e César, xitaxá ítjòn ts'e Roma; tikoaa tsò-né nga jè xó xi Cristo [xi xó kisikasén-ne Nainá] nga xitaxá ítjòn kǵjna.

³ Jè Pilato kiskònangui, kitsò-la:

—¿A jì-né xi xitaxá ítjòn-la jǵnà xita judío?

Kitsò Jesús:

—Ngajii xi k'oa si nga 'an-ná.

⁴ Pilato kitsò-la jǵnà xita sko-la nò'mi kò xita naxandá:

—Nǵmè jè xi matsji-na it'aà ts'e xita jè.

⁵ Tanga jǵnà xita, isaá 'nò kũchja nga tsohóngui, kitsò:

—K'ejii s'in okóya-la xita naxandá nga ótsji-la kjoasii. Tsibits'ia-ne nangui Galilea, kòhokji nangui Judea, skanda j Jerusalem.

K'e nga kiiko Jesús ñánda tǵna Herodes

⁶ K'e nga kii'nchré Pilato jè 'én xi tsò, Galilea, kiskònangui-la xita: ¿A yaá i'nde-la?

⁷ K'e nga kis'enojmí-la nga ya i'nde-la, kisikasén-la jè xita xi tǵna xitaxá ítjòn Galilea xi 'mì Herodes; jǵnà nachrjein koi, tikoaa ján tǵna naxandá Jerusalén.

⁸ Herodes, k'e nga kǵtseèkxon Jesús, 'nò tsja komà-la nga kjòtseé mejèn-la nga skoèkxon, nga jyeé kǵjn kjoa kii'nchré xi it'aà ts'e. Mejèn-la skoe jngòò kjoèkxon xi s'in.

⁹ Kǵjn skoya kjoa kiskònangui-la, tanga jè Jesús, nijngòò 'én kũchja.

¹⁰ Tikoaa yaá títsajna jǵnà xita sko-la nò'mi kò xita xi okóya kjótixoma-la Nainá xi kiskii Moisés nga 'nò nchihóngui.

¹¹ Jè Herodes kò soldado-la tsachrjekàngui-né; kisikákjǵ nikje xi 'nò ndaà kjoàn koni ts'e xitaxá ítjòn nga kisobà-la; ikjoàn kisikasén ijngòò k'a-la jè Pilato.

¹² Nachrjein jè, tsajoóndaà-ne jè Pilato kò Herodes; k'e nga sa ítjòn, kondraá títsajna-la xikjín.

K'e nga kitjoònè kjoa Jesús nga kiyá

(Mateo 27:15-26; Marcos 15:6-15; Juan 18:39-19:16)

¹³ Pilato tsibíxkóya jǵnà xita sko-la nò'mi kò jǵnà xitaxá, ngats'ii xita naxandá,

¹⁴ kitsò-la:

—Jǵnò, kinikasén-ná xita jè nga onguioò; bixón-nó nga kjoasii ótsji-la xita naxandá; tanga 'an, kiskònangui-la nga nguixkòon; ngats'ii 'én xi 'bioò, nǵmè jè sakó-na it'aà ts'e.

¹⁵ 'Tikoaa jè Herodes, kisikasén ijngòò k'a-na xita jè nga nǵmè jè kisakòt'aà-la. Tsjin-la jè nga kiyá.

¹⁶ Tsjaà-la kjo'in, ikjoàn siikijnandeí-na.

¹⁷ K'oaá s'in tǵinè-la, k'e nga bitjo s'eí Paxkò, bijnandeí jngòò xita xi ndayá títsajna'ya.

¹⁸ Tanga jǵnà xita naxandá, tà jngòò jtáá kii ngats'ii, kitsò:

—¡Kàtiyaá Jesús; tikijnandeí-nájen Barrabás!

¹⁹ Barrabás, ndayá tǵjna koií kjoa-là nga xǵta naxandá Jerusalén kisikjaán-kjoò tǵkoa xǵta kisik'en jngòò.

²⁰ Pilato, mejèn-là nga sǵikjñandeíí Jesús; jngòò k'a kiichja-là xǵta naxandá.

²¹ Tanga jǵnà xǵta naxandá, isáá 'nò kiichja, kitsò:

— ¡Tjat'aà krò! ¡Tjat'aà krò!

²² Xi ma-ne jàn k'a kitsò-là xǵta naxandá:

— ¿Mé jé xi tshótsji, mé-ne kǵyá-ne? 'An, nǵmé jé sakò-na xi jǵt'aà ts'e nga kǵyá. Tǵkoaá-ne tsjaá-là kǵj'in, ikjoàn sǵikjñandeíí-na.

²³ Sii kis'iin xǵta, 'nò kiichja nga mejèn-là krò sǵt'aà Jesús. Koií kjoa-là nga 'nò chja xǵta naxandá kǵj'axà sko-là nǵ'mii, kisikijne nga kisikitasòn Pilato.

²⁴ Jé Pilato kitsjaá òkixǵ nga kátitasòn koni s'ín sǵjé xǵta naxandá.

²⁵ Kisikjñandeíí Barrabás, xǵta xi xó k'oas'ín kisijé-ne naxandá xi tǵjna'ya ndayá nga kjoasii tshótsji koa xǵta kisik'en. Ikjoàn kisingsatsja Jesús nga k'oas'ín kátasíko koni s'ín mejèn-là.

K'e nga kisit'aà krò Jesús

(Mateo 27:32-44; Marcos 15:21-32; Juan 19:17-27)

²⁶ K'e nga kiiko Jesús nga kii sik'en jǵt'aà krò, kitsobà'nò jngòò xǵta xi tǵnchrobá-ne rancho-là xi 'mì Simón xi yá j'nde-là ñánda 'mì Cirene; jé kisik'ajen krò nga kiitjinguiko-là Jesús.

²⁷ Kǵjìn xǵta naxandá tǵjngui-là, tǵkoaá kǵjìn íchjín tǵjngui-là xi kǵjindáyakeè nga mahǵmákeè kjoa xi tǵmat'in Jesús.

²⁸ Jesús, kisikátji, kiskoòtsejèn-là, kitsò:

— Íchjín xi Jerusalén tsajòn, kǵ 'an chihindáyachaà-ná, chihindáyachaà yijò-nò kǵ ts'e jǵxti-nò.

²⁹ Kǵjchò nachrjein k'e nga tse kǵj'in s'e nga kǵtso xǵta: “Mé tà ndaa-là jǵnà íchjín xi 'ndǵ, xi tsjǵn-là jǵxti, xi mikii kǵ'ndǵ tsi'beé, xi mì jǵxti kisikaki nga isáá chiba sǵikjño.”

³⁰ Ikjoàn kojǵts'ia nga kǵtso-là nindoò: “¡Kátakaànè-najen!” K'oò tǵ kǵtso-là chrjangui-là nindoò: “¡Tǵjtsa'nde-najen!”

³¹ 'An, koni jngòò yá xkoén, tanga 'nò ch'o sǵko-na xǵta; jǵnò xi xǵta Jerusalén tsajòn, isáá tà 'nò ch'o sǵiko-nò xǵta koni jǵnà yá kixì.

³² Tǵkoa kiiko jò xǵta xi tse jé tǵjín-là nga tǵkoa krò kǵyát'aà.

³³ K'e nga ijchòko yá j'nde ñánda 'mì I'nde Skò Mik'en, tsasjnat'aà krò Jesús kǵ xǵta xi jò ma-ne, jǵnà xi tse jé tǵjín-là; jngòò, tsasjnat'aà nga kixǵ-là koa jngòò, tsasjnat'aà nga ngaskón-là.

³⁴ K'eé kitsò Jesús:

— Nǵ'èn, tǵjchàat'aà-là; mikii beè mé kjoa xi s'ín.

Ikjoàn jǵnà soldado kisiskáko nikje-là Jesús nga kisika'bí-là xǵjǵjín yá ts'e kǵoma.

³⁵ Jǵnà xǵta naxandá nchikotsejèn-là; tǵkoa jǵnà xǵtaxá ítjòn nchisísobà-là, nchítsò:

— Xǵta xi kǵ'ejǵ tsachrjetǵ kǵj'in; tsá kixǵ kjoa nga jé xi Cristo xi xó k'oas'ín jaajǵjín-ne Nainá, kátachrjetǵ kǵj'in yijò-là.

³⁶ Tǵkoaá jǵnà soldado kisísobà-là Jesús. Ijchò kinchat'aà chraña-là; kitsjaá-là nandá vinagre nga sǵikiil.

³⁷ Kitsò-là:

— ¡Tsá jǵ-né xi xǵtaxá ítjòn-là xǵta judío, tǵkǵjñandeíí yijò-lè!

³⁸ Tǵkoa tǵj't'aasòn-là sko krò xi 'èn griego, 'èn latín, kǵ 'èn hebreo xi tsò: “Jé jèè xi Xǵtaxá ítjòn-là xǵta judío.”

³⁹ Jǵnà xǵta xi tse jé tǵjín-là xi tǵkoa yá tǵjohónguit'aà krò, jngòò xi 'nò 'nga kiichjako Jesús, kitsò-là:

— ¡Tsá jǵ-né xi Cristo [xi xó kisikasén-lè Nainá], tǵkǵjñandeíí yijò-lè tǵkoa tǵkǵjñandeíí-najen!

⁴⁰ Jé xǵta xi jngòò tshóतिकò xǵjǵjín, kitsò-là:

— ¿A mì tsakjoòn-là Nainá nga ngásòn kǵj'in tǵtsanǵkǵjaán?

⁴¹ Xi òkixǵ, jǵnà ok'ín-ná nga sǵkǵjaán kǵj'in nga kǵchjǵá jé-ná, koi kjoa-là nga 'nò ch'o kǵ'né; tanga jé xǵta jé, nǵmé xi ch'o kis'iin.

⁴² K'eé kitsò-là Jesús:

— Tǵkǵtsjeèn-ná k'e nga jye kǵts'ǵi nga kǵtǵxomai.

⁴³ K'eé kitsò Jesús:

— Okixǵí xi xan-lè; j'ndeí, ján kǵjñako-ná ngajmii yá j'nde ñánda 'nò ndaa choòn.

K'e nga k'en Jesús

(Mateo 27:45-56; Marcos 15:33-41; Juan 19:28-30)

⁴⁴ K'e nga ijchò nchisen, kǵjñò nga tǵjtsa isò'nde skanda xi jàn nga nguixòn.

⁴⁵ Jé ts'oi, kǵjñò, koa jé nikje xi tǵjohóya jngohosen jngò ítjòn, jóya komá nga kixojndá.

⁴⁶ Jesús 'nò kiichja, kitsò:

— ¡Nǵ'èn, ndseíí bíjnaya inǵma-na!

K'e nga jye ɔkitsò, k'en.

⁴⁷ Jè xita sko-la soldado, k'e nga kijtsee kjoa koi koni s'in komà, kijtseexon Nainá, kitsò: —Kixí kjoa, xita jè, xita kixí-né.

⁴⁸ Ngats'ii xita xi chixoña nga nchikotsejèn, k'e nga jye kijtsee kjoa xi komà, kii-ne ni'ya-la; kisijts'in-sòn inima-la nga 'ño tse kjoaba kis'ejiin inima-la.

⁴⁹ Ngats'ii xita xi beèkxon Jesús ko íchjín xi inchrobà-tjingui-la skanda ján Galilea, kjiin jncha-ne nga nchikotsejèn-la.

K'e nga kishijiin Jesús

(Mateo 27:57-61; Marcos 15:42-47; Juan 19:38-42)

⁵⁰ Tjna jngoò xita xi 'mì José xi 'ño ndaà xita, tikoáá xita kixí-né. Yaá i'nde-la ñánda 'mì Arimatea, jngoò naxandá xi chja-ne Judea. Tikoáá xá íjòn tjín-la ts'e xita judío.

⁵¹ Jè José, tikoáá tikoáá-la nga mejèn-la skoe kó s'in otixoma Nainá; mikii tjingoò-ikon koni s'in tsajoóya-ne xitaxá xikjín koni s'in kisiko Jesús.

⁵² Kiiikon Pilato; kii síjé'nde-la nga kjinchrobàko yijo-la Jesús.

⁵³ Kiskónájen-t'aà krò; kiskájté jngoò nikje lino chroba. Ikjoàn kii kishijiin. Kiskinis'en-ngui jngoò ngajo mik'en ñánda nga xó k'oas'in kitáx'a-ne naxi. I'nde jè, ni saá jngoò mik'en shijiin.

⁵⁴ Nachrjein jè, víspéra-la s'eí Paxko-né; jye kjomee bijchó hora nga kots'ia jè nachrjein nikjáya.

⁵⁵ Jñà íchjín xi tjiko kóni nga inchrobà-ne Galilea, kiitjingui-la; kijtseexon ngajo mik'en kó s'in kisijna yijo-la Jesús.

⁵⁶ K'e nga j'ii-ne ni'ya-la tsibitsajnandaà xkii xi 'ño ndaà jne ko xkii na'yo. Ikjoàn kisikjáya íchjín jè nachrjein nikjáya, koni s'in tíchja kjotixoma.

24

Mé xi komà k'e nga jaáya-la Jesús

(Mateo 28:1-10; Marcos 16:1-8; Juan 20:1-10)

¹ Jè nachrjein nga tats'en xomàna, 'ño tajñóya kii jñà íchjín ya ngajo mik'en ñánda kishijiin Jesús nga kiiko xkii jne xi tsibitsajnandaà nga kiixten-jno yijo-la Jesús; tikoá kjihijtakò íchjín xi kj'ejí.

² K'e nga ijchò, kijtsee jè ndajo xi tíchjoàito-la ngajo mik'en, xìn kijna.

³ K'e nga jahas'en-ngui ngajo mì tì kii kjòtsji-la yijo-la Na'en-ná Jesús.

⁴ K'e nga nchisákájno íchjín koi, tà nítòon chinchat'aà jò-la xita x'in xi íkjá nikje xi ote ni'in kjoàn.

⁵ Íchjín koi, tà kitsakjòn-la; chinchá-ñiat'aà nangui. K'eé kitsò jñà xita x'in xi jò ma-ne:

—¿Mé-ne j binchaatsjiin-la mik'en jè xita xi tjínakon?

⁶ Mì tjí yá tjín-ne jindé, jyeé kòfaáya-la. Tikítsjeèn koni s'in kitsò-nò k'e nga tisa tsibijna Galilea,

⁷ nga kitsò: “Mochjeén-né nga jè Ki'ndí-la Xita, jñà kongatsja xita jé nga kòòt'aà krò tanga k'e nga kijchò jàn nachrjein kjoáya-la.”

⁸ Jñà íchjín koi, k'eé tsibitsjeèn-la koni s'in kitsò Jesús.

⁹ K'e nga j'ii-ne nga kii katsejèn-la ngajo mik'en, tsibénojmi-la jñà xita xi tsibíxáya-la xi tejngoò ma-ne ko xita xi i'nga.

¹⁰ Jñà íchjín koi, jè xi 'mì María Magdalena, Juana, María xi nea-la ma-ne Jacobo ko xi kj'ejí íchjín-isa; jñà xi ijchòko 'én nga tsibénojmi-la jñà xita xi tsibíxáya-la.

¹¹ Tanga jñà xita-la Jesús, xi kjoa nítòn, tà kjoaská komà-la; mikii kòkjeín-la 'én xi tsibénojmi-la jñà íchjín.

¹² Tanga jè Pedro, tsangachikon, kii katsejèn-la ngajo mik'en; k'e nga kiskoòtsejèn-s'en ngajo, kijtsee nga tà jñà kjioò nikje xi kisìjtéjin Jesús. Ikjoàn kii-ne ni'ya-la; tà kjòxkón-la kjoa xi komà.

Ndiyá Emaús

(Marcos 16:12-13)

¹³ Tjè-ne nachrjein, jò xita xi kota'yat'aà-la Jesús nchifi jngoò naxandá xi 'mì Emaús, xi tjín-la tsá tejngoò kilómetro skanda ján Jerusalén.

¹⁴ Nga nchifi ya ndiyá, koi nchijoóya-ne ngats'ii kjoa xi komà.

¹⁵ Nga nchijoójmi tikoá nchikjònangui-la xikjín ijchòtjingui chraña-la xi tjè-ne Jesús xi taña tsobáhijtakò.

¹⁶ Tanga jñà, k'oáá komà-la koni tsá tíchjoà xkòn, mikii kijtseexon.

¹⁷ Jesús kiskònangui-la, kitsò-la:

—¿Mé 'én xi ondaà chibáya-nò nga tjaáya ndiyá? ¿Mé-ne ba tjín-nò?

¹⁸ K'eé kiichja Cleofas, kitsò:
—Ngats'ii xita naxandá Jerusalén, tà jì tã jngoo-lè xi mikii tjiin-lè jè kjoa xi komà ján Jerusalén, jñà nachrjein xi tsato.

¹⁹ Jesús kitsò:
—¿Mé kjoa-ne?
Jñà xita koi kitsò-la:
—Kjoa ts'e Jesús xi Nazaret i'nde-la, jè xi kiichja ngajo-la Nainá; kis'eé-la nga'ño, ma yijee-la nita mé kjoa-ne, nita mé 'en-ne nga nguixkon Nainá, nguixkon ngats'ii xita naxandá.

²⁰ Xita sko-la no'müi, ko xitaxá tsajen, kisingatsja xita Romano nga kisik'en, tsohot'aà krò.
²¹ Ngajen, titsachiña-lajen, bixón-najen tsà jè Mesías xi siikitsajnadeji-ne xita naxandá Israel. Tanga i'ndeji, jyeé tjin-la ján nachrjein nga k'oas'in komà kjoa koi.

²² Tjkoáa tjin i'nga ichjin xi titsajnajiin-najen, xi tajñoa kofi katsejen-la jè ngajo mik'en. K'e nga kofii-ne kabincháxkón-najen nga kabénojmi-najen

²³ nga mi xó kii kásakó-la yijo-la Jesús; tjkoá kabéexkon xó àkjale xi kàtsò-xó-la: Jesús tijnakon-né.

²⁴ K'eé kofi i'nga xita xingui-jen xi kofi katsejen-la ngajo mik'en, k'oáa tjs'in kabéexkon koni s'in kàtsò jñà ichjin tanga jè Jesús, mi xó kii kòbeè.

²⁵ K'eé kitsò Jesús:
—jMé tà tònò-nò tjkoá mé tà tãjaajin tjin inima-nò nga mikii ndaà mokjeiin-nò kjoa xi kitsò jñà xita xi kiichja ngajo-la Nainá!

²⁶ ¿A mitsá tjiin-nò? K'oáa s'in tjinè-la Cristo, [xita xi xó kisikasén-ne Nainá], nga itjòn siikjeiin kjo'in, ikjoàn kjoahas'en ngajmii nanda jeya kijná.

²⁷ Tsibénojmiya-la kó tsóya-ne koni s'in tichja ngats'ii Xojon-la Nainá it'aà ts'e Cristo. Tsibits'iaqo-ne xojon xi kiskii Moisés; ikjoàn tsibénojmiya-la ngats'ii xojon xi kiskii jñà xita xi kiichja ngajo-la Nainá.

²⁸ K'e nga ijchò ya naxandá nanda nchifi xita koi, Jesús, k'oáa kis'iin koni tsà isa kjiiin tifi.

²⁹ Tanga jñà xita koi, kjo'ño kis'iin-la nga kisikijná; kitsò-la:

—Tijnako-najen; jyeé kjòhoxòn, jye kiskaatji ts'oi.

Jè Jesús, kòkjeiin-la; jahas'en ni'ya; tsibijnako.

³⁰ K'e nga jye titsajnat'aà imixa, kiskoé inchrájin, kitsjaà-la kjondaà Nainá, kisixkoaya, ikjoàn kitsjaà-la jñà xita.

³¹ K'eé kitax'a xkon; kijtseexkon nga jè Jesús; tanga jè Jesús, tà kichijà-né nga nguixkon xita koi.

³² K'eé kitsò-la xikjin:
—Koi-la kjoa-la nga ndaà kòmatsja-la inima-ná k'e nga tihókonojmi-ná ya jya ndiyá nga tibénojmi-ná kjoa ts'e Xojon-la Nainá.

³³ Mi tì kii kiskoòña-ne, kisikátji nitóon-ne nga kii-ne Jerusalén; ijchò jngoo k'a-ne jngoo ni'ya nanda titsajnajin xikjin xi tejngoo ma-ne ko xita xi kje'ei-isa.

³⁴ Jñà xita xi tejngoo ma-ne kitsò-la xikjin:

—Kixii kjoa, jyeé kofaaya-la Na'en-ná Jesús; jyeé kòbeexkon Simón.

³⁵ K'eé tsibénojmi jñà xita xi jò ma-ne kó s'in komat'in ya jya ndiyá koa kó s'in komà nga kijtseexkon Jesús k'e nga kisixkoaya inchrájin.

K'e nga jè Jesús tsatsejen-jin osen nanda titsajna xita xi kota'yà'a-la

(Mateo 28:16-20; Marcos 16:14-18; Juan 20:19-23)

³⁶ Tákó tik'eé nchichja-isa nga nchibénojmi-la xikjin kjoa koi, nga tsasijnajin osen-la Jesús; kishixat'aà, kitsò-la:

—Nainá, 'nchán kátasíksajna-nò.

³⁷ Jñà xita koi, tsí ndaà kitsakjòn, koa tsí ndaà kisinchaàxkón; k'e nga kijtseè, komà-la tsà tà inima-la mik'en-né.

³⁸ Tanga Jesús kitsò-la:

—¿Mé tà ndaà tsakjoòn-nò? ¿Mé-ne k'oáa tsò-ne kjohitsjeen xi bitjojin inima-nò?

³⁹ Chitsejen-la ndsaa ko ndsokoaà. 'An-ná. Tjat'aà-ná ndsaa koa chitsejen-ná. Jngoo xita xi tà inima, tsjin-la yijo, tjkoáa tsjin-la nindaà, tanga 'an, tjin-na koni s'in titsa'yaà-ná.

⁴⁰ K'e nga jye okitsò-la, tsakó-la tsja ko ndsoko.

⁴¹ Tanga jñà xita-la mikii xatí kòkjeiin-la nga tsja komà-la tjkoá kisinchaàxkón nga kijtseexkon Jesús; k'eé kiskòngui Jesús, kitsò-la:

—¿A tjin chiba-nò tsojmi xi ma chine?

⁴² Kitsjaà jtsé-la tjin xi jye kichjàn, ko tsjén-la cho cera.

⁴³ Jesús kiskoé, ikjoàn kiskine nga nguixkon jñà xita-la.

⁴⁴ K'eé kitsò-la jñà xita-la:

—Jñà kjoa xi komàt'ian, jñà-né xi tsibenojmí-nò k'e nga tisa tsohótijnako-nò. K'oaá s'in kixan-nò nga kítasòn yije-né koni s'in tichja xojon it'aà ts'an, jè kjotixoma-la Nainá xi kiskii Moisés ko ts'e xita xi kùchja ngajo-la Nainá ko xi tjit'aà libro ts'e Salmo.

⁴⁵ K'ée kiskichiya-la kjohitsjeèn-la mé-ne nga kátjahas'en-jijn-la koni s'in tichja Xojon xi tjit'aà 'En Tsjeè-la Nainá.

⁴⁶ Kítsò-la:

—K'oaá s'in tichja Xojon-la Nainá nga tsò nga 'an xi Cristo, [xi xó kiskasén-na Nainá], k'oaá s'in tjiné-na nga kiyá; tanga k'e nga kijchò jàn nachrjein, kjoaáya-na it'aà ts'e kjoa biyaa.

⁴⁷ Xi it'aà ts'an, Nainá sijchaaat'aà-la jé-la xita k'e nga sijkajino jé-la nga mi ti jé kohótsji-ne. Jè 'én koi, mochjeén-né nga kinókoayajijn yije-la xita mats'iaqo-ne Jerusalén kó nga tjtisa isò'nde.

⁴⁸ Jñò kénojmió kjoa kixi koni s'in komà.

⁴⁹ 'An sikasén-nò jè kjotjò xi tsjá Na'èn-na koni s'in kitsjaà tso'ba. Tanga jñò, jí títajna naxandá Jerusalén skanda k'e nga tjoé-nò nga'ño-la Nainá xi nchrobá-ne ngajmii.

*K'e nga kùmjìn ngajmii Jesús
(Marcos 16:19-20)*

⁵⁰ K'ée kiiko xita-la skanda ján naxandá Betania. Kiskimii'nga tsja nga kisijét'aà-la Nainá nga kátasichikon-t'in jñà xita koi.

⁵¹ K'e nga tísijét'aà-la, kitjámii'nga nga kù-ne ngajmii.

⁵² Jñà xita-la, k'e nga jye chincha-xkó'nchit'aà-la nga jeya kiskikjna Jesús, kù-ne Jerusalén; 'ño tsja kis'e-la.

⁵³ Nachrjein inchijòn tsibitsajnaya ingo ítjòn nga kitsjaà-la kjondaà Nainá tikoja jeya kiskikjna.

'Én ndaà-la Nainá xi kjoa ts'e Cristo koni s'ín kiskii San Juan

Jesucristo xi 'Én-la Nainá, xitá komà

- ¹ K'e nga tjsa tàts'en-la kjoa, jè 'Én, jyeé k'oa tjna-né. Yaá tijnako Nainá. Jè 'Én, Nainá-né.
² Ko yaá tijnako Nainá skanda tjsa tàts'en-la kjoa.
³ Jè Nainá, k'e nga tsibindaà ngats'ii tsojmi xi tjin, it'aà ts'eé 'Én tsibindaà; ni mé tsojmì tjin mi mii it'aà ts'e kisingdaà.
⁴ Jè 'Én, it'aà ts'e-né nga túsajnakon xita; jè kjoa nga túsajnakon xita, jè-né ni'in xi síhiseèn-la ngats'ii xita.
⁵ Jè ni'in xi síhiseèn ñánda jñò choòn, ote-né, ko jè kjoa jñò mikii ma síkijne-la ni'in nga síkits'o.

'Én xi kíichja Juan it'aà ts'e Cristo

- ⁶ Tsibijna jngoò xita xi 'mì Juan xi Nainá kiskasén.
⁷ Jè j'ii tsjá 'én it'aà ts'e ni'in xi síhiseèn, mé-ne ngats'ii xita kokjeiin-la koni s'ín kíichjaya.
⁸ Mitsà jè Juan ni'in xi síhiseèn-la xita, tà 'én j'ii tsjá it'aà ts'e ni'in xi síhiseèn-la xita.
⁹ Jè ni'in xi ngui kixi kjoa xi síhiseèn-la ngats'ii xita, yaá tinchrobá i isò'nde.
¹⁰ Íi tsibijna isò'nde, ko it'aà ts'eé kisingdaà isò'nde, tanga jñà xita isò'nde mikii kijtseèxon.
¹¹ J'ii nangui ñánda ts'e, tanga jñà xita-la mikii kiskoétjò.
¹² Ngats'ii xita xi kiskoétjò tjoa kòkjeiin-la jñà 'én xi kíichja, k'oá s'ín kitjò'nde-la nga Ki'ndí-la Nainá ma,
¹³ tanga mitsà koi kjoa-la nga jni kits'iin-jìin, ni mitsà koi kjoa-la nga it'aà ts'e xita kits'iin; koi-né nga it'aà ts'e Nainá kits'iin.
¹⁴ Jè 'én, xitaá komà, íi tsibijnajìin-najen. Ki'ya-nájen kjoa jeya-la nga Ki'ndí tà jngoò-la Nainá. 'Nò tjin-la kjonndaà ko kjoakixi.
¹⁵ Juan kitsjaá 'én it'aà ts'e, kitsò:
 —Jè jèe xi k'oas'in kixan-nò k'e nga kixan-nò: “Jè xi sa nchrobá tjingui-na, jè isa tjna ítjòn-na, nga isa kjòtseé tjna koni 'an.”
¹⁶ 'Nò tse kjonndaà kitjoé-ná ngats'iaá, sa 'nó, sa 'nó kochikon-t'ian.
¹⁷ Jè kjotixoma, it'aà ts'e Moisés j'ii-ne, tanga xi kjonndaà ko kjoakixi, it'aà ts'e Jesucristo j'ii-ne.
¹⁸ Ni saá jngoò xita beèxon kó kji Nainá. Tà jè xi ki'ndí tajngoò-la xi ya tjinat'aà-la, béngjmi kixi-ná it'aà ts'e.

'Én xi tsibéngjmi Juan it'aà ts'e Jesús

(Mateo 3:11-12; Marcos 1:7-8; Lucas 3:15-17)

- ¹⁹ Jñà 'én koi xi kitsjaá Juan, k'e nga jñà xita judío xi túsajna Jerusalén kiskasén-la no' mii ko xita levita ñánda tjna Juan nga kiskònangui-la, kitsò-la:
 —¿Yá xita-ne jí?
²⁰ Juan tsibéngjmi kixi-né; mikii tsakajna'ma, kitsò:
 —Mitsà 'an xi Cristo, xita xi xó kiskasén-ne Nainá.
²¹ Xita koi ijngoò k'a kiskònangui-la kitsò-la:
 —¿Yá-né ngají? ¿A jí-né Elías?
 Juan kitsò:
 —Majin, mitsà 'an.
 —¿A jí-né xita xi chja ngajo-la Nainá xi tjinè-la nga kjoíí?
 Juan kitsò:
 —Majin, mitsà 'an.
²² Íjngoò k'a kiskònangui-la, kitsò-la:
 —Kot'in-nájen, yá-ne jí, mé-ne nga koma konguíko-lajen 'én jñà xita xi kàsikasén-najen.
 ¿Mé 'én xi k'oi-nájen it'aà tsiji?
²³ K'éé kitsò Juan:
 —'An-ná xita xi 'nó chjaya j'nde it'aà xin ñánda nangui kixi choòn: “Tjandaà kixioo ndiyá-la Nainá”, koni s'ín kitsò Isaías, xita xi kíichja ngajo-la Nainá.
²⁴ Jñà xita xi ijchò kjonangui-la Juan, xita fariseo-né.
²⁵ Íjngoò k'a kiskònangui-la, kitsò-la:
 —Tsà mitsà jí xi Cristo, ni Elías, ni jè xita xi chja ngajo-la Nainá, mé-ne xita 'nè-ne bautizar.
²⁶ Kíichja Juan kitsò:

—'An tà nandá s'iin-*ná* bautizar *xíta*, tanga *tínajiiin* jngoò-nò xi *jñò* mikii yaxkon, 27 jè xi iskan kjoii, jè xi isá *tína* itjòn koni 'an; skanda mikii *tí'nde-ná* nga 'an skjnda'ñoá xox'*in-lá* xojté-lá.

28 Ngats'iì kjoa koi, ján naxandá Betania nga k'oas'*in* komà, naxandá xi kijna xijngoaa ndá jè Jordán, ñánda kis'iin bautizar *xíta* jè Juan.

29 Nga komà nchijòn, Juan kijtsee Jesús nga tínchrobákon, kitsò:

—[Chítsejèn-là, jè jèe xi síkasén Nainá k'oaa ngaya-lá koni Orré Ki'ndí xi faaxìn jé-lá *xíta* isò'nde!

30 Jè jèe xi k'oaa kixan-nò k'e nga kixan: “Nchrobá *tjìngui* jngoò-na *xíta* x'*in* xi isá *tína* itjòn-na nga isá kjótsee *tína* koni 'an.”

31 *Tíkooá* 'an, mikii bexkoan yá-né jè. Koi kjoa-lá nga ta nandá s'*in*-na bautizar *xíta* mé-ne *jñá* *xíta* naxandá Israel skoexkon-ne.

32 Juan, k'oas'*in* kitsjaa 'én nga kitsò:

—Kijtsee-ná jè *Iníma* Tsjeè-lá Nainá nga itjojen-ne ngajmii koni kji nise paloma kji, tsibijnasòn-lá Jesús.

33 'An, k'jèe ki bexkoan, tanga jè Nainá xi kisikasén-na nga kò nandá s'*in*-na bautizar *xíta*, kitsò-na: “Jè xi *jchii* nga *kítjojenè-lá* *Iníma* Tsjeè-na nga yá *kijnasòn-lá*, jè-né xi kò *Iníma* Tsjeè-na s'*in*-ne bautizar *xíta*.”

34 'An, k'oaa s'*in* kijtsee, k'oaa ma-ne k'oas'*in* tsjaa 'én nga Jesús, jè xi Ki'ndí-lá Nainá.

Xíta xi kiskoòta'yà'aà itjòn-lá Jesús

35 Nga komà nchijòn, Juan yaá *tína* jngoò k'a; *tjiko* jò *xíta* xi kota'yà'taà-lá.

36 Juan kijtseeexkon Jesús nga *tíkooá* ya tsóba, kitsò:

—[Chítsejèn-là, jè jèe xi orré-lá Nainá [xi *kjyátj*] jé-lá *xíta*!]

37 Ingajò *xíta* koi, k'e nga kii'nchré koni s'*in* kitsò Juan, *kii'tjìngui-lá* Jesús.

38 Jesús k'e nga kisikátjiya, kijtsee nga *xíta* *tjìngui-lá* kitsò-lá:

—¿Mé xi binchaàtsjio?

Ingajò *xíta* koi, *kii'chja*, kitsò:

—Maestro, ¿ñánda *tijni*?

39 Jesús kitsò-lá:

—Nchrobá, *chítsejèn*.

Itjoàn *kii'tjìngui-lá*, kijtsee ñánda *bijna* Jesús. Yaá tsibitsajnakò nga jye *kjòhoxòn*, *ijchò-lá* tsá xi *ñijòn*.

40 Ingajò *xíta* koi, *jñá* xi *kii'tjìngui-lá* Jesús k'e nga *kii'nchré-lá* koni s'*in* kitsò Juan, jngoò xi 'mì Andrés xi 'ndse ma Simón Pedro.

41 Andrés kii kátsji itjòn 'ndse xi 'mì Simón, kitsò-lá:

—Jyee *kà yaxkon-jen* jè Mesías [xi *xó* kisikasén-ne Nainá]. Jè 'én Mesías, Cristo tsóya-ne.

42 Andrés kii ko Simón xi 'ndse ma ya ñánda *tína* Jesús. Jesús, k'e nga kijtsee, kitsò-lá:

—Ngaji-né xi 'mì-lè Simón xi ki'ndí-lá ma Jonás. I'ndeji, Cefas k'oín-lè ('én xi Pedro tsóya-ne).

K'e nga Jesús kii'chja-lá jè Felipe kò Natanael

43 Nga komà nchijòn, Jesús k'oaa s'*in* kisikitsjeèn nga ján *kjoj* nangui Galilea. Kiskaàjiiin Felipe, kitsò-lá:

—Nchrobá *tjìngui-ná*.

44 Felipe, yaá *i'nde-lá* naxandá Betsaida, ya ñánda *i'nde-lá* Andrés kò Pedro.

45 Felipe kii kátsji Natanael, kitsò-lá:

—Jè *xíta* xi *oxkít'aà* *kjótixoma* xi *kiskii* Moisés kò *xíta* xi *kii'chja* ngajo-lá Nainá, jyee *kà yaxkon-jen* nga jè Jesús xi ki'ndí-lá José xi Nazaret *i'nde-lá*.

46 Natanael, kitsò-lá Felipe:

—Ján naxandá Nazaret, ¿a *tjín* jngoò xi ndaa *xíta* xi ya *kijokàjiiin-ne*?

Felipe kitsò:

—Nchrobói, *chítsejèn-lá*.

47 Jesús, k'e nga kijtsee Natanael nga tínchrobákon, kitsò:

—Jè *xíta* jè xi *ngui* *kixj* *kjoa* nga *xíta* Israel nga ndaa *tísjchá* *yijo-lá* kò mikii *konachan*.

48 Natanael kitsò:

—¿Kó s'*in* ma-ne nga yaxkon-ná?

Jesús kitsò:

—K'ée *kòbe-lè* k'e nga *tikj'eè* *chja-lè* Felipe nga *tína*'ngui yá toò iko.

49 Natanael kitsò:

—Maestro, ngaji-né xi Ki'ndí-lá Nainá; *ji-né* xi *xítaxá* *itjòn-lá* naxandá Israel.

50 *Kii'chja* Jesús kitsò:

— ¿A koií-né nga xan-lè: Kòbe-lè k'e nga tijna'ngui yá toò iko nga mokjeiin-lè? K'oogá xan-lè nga isa 'nó tse kjojkón jchaá-isi.

⁵¹ Ijngoo k'a kiichja Jesús kitsò:

— Ngui okixi xi xan-nò, naxhrjein xi sa f'ii isa jchaxkoòn ngajmii nga tij'á koa jña àkjale-la Nainá fimijin koa nchrobájen nga tjimat'aà-na xi Ki'ndi-la Xita xan-la yijo-na.

2

Jè kjojkón xi kis'iin ítjòn Jesús

¹ Xi komà ján naxhrjein, kis'e jngoo s'eí nga chixàn xita ján naxandá Caná, ya nangui Galilea. Tikoogá yaá tjina jè nea-la Jesús.

² Tikoogá kinokjoá-la Jesús ko xita xi kota'yat'aà-la ya ñánda chixàn xita.

³ K'e nga jyehet'aà vino, jè nea-la Jesús kitsò:

— Mì tì mé vino tjín-ne.

⁴ Jesús kitsò:

— ¿Mé xi ma-lè? ¿Mé-ne 'an kò'mi-ná? Kj'eè kii bijchó naxhrjein-na nga skoe-na xita yá-ná an.

⁵ Jè nea-la Jesús kitsò-la jña xita xi bíya vino:

— K'oogá s'in tikitasòn yije-là koni s'in tsò-nò.

⁶ Ya títajna joòn tiji ndajo xi sinchá nandá, xi síkjeén jña xita judío nga ma sítsjeè-ne tsojmi xi tjín-la koni s'in tjín kjoítixoma-la xi xkón tjín. Jña tiji kjiyaá-la tsá jò ko tsá ján nisa nandá.

⁷ Jesús kitsò-la jña xita chi'nda xi nchibíya vino:

— Tjínchaa nandá tiji koi.

Jña xita chinchá nandá; jngoo k'aá kisitsee.

⁸ Ikjoàn kitsò Jesús:

— Tjínaxhrjeè chiba vino; tanguiko-là jè xi tísís'in-la xita.

K'eé kiiko-la.

⁹ Jè xita xi oko-la nga tísís'in-la jña xita, kiskoòt'aà nandá xi vino komá; xita jè, mìkii tjiin-la ñánda j'ii-ne. (Tà jña tjiin-la xita chi'nda xi tsachrje nandá.) Jè xita xi oko-la, k'eé kiichja-la xita x'in xi chixàn,

¹⁰ kitsò-la:

— Ngats'ii xita, jè tsjá ítjòn vino xi 'nó ndaa; k'e nga jye 'nó 'bii jña xita, k'eé tsjá xi chiba ndaa. Tanga ngaji, kòbinchatjó-né xi 'nó ndaa, skanda saá tì'bi.

¹¹ Jè kjojkón xi kis'iin ítjòn Jesús ján naxandá Caná nangui xi chja-ne Galilea; k'oogá s'in tsakó kjoa jeya-la ko jña xita xi kota'yat'aà-la kòkjeiin-la it'aà ts'e.

¹² Xi jye komá iskan, Jesús kii ján naxandá Capernaum; kiiko nea-la, 'ndse, ko xita xi kota'yat'aà-la. Tà chibaá naxhrjein tsibitsajna ya naxandá jè.

K'e nga kii s'eí Jesús ján Jerusalén

(Mateo 21:12-13; Marcos 11:15-18; Lucas 19:45-46)

¹³ Nga jye nchrobá machraña s'eí-la xita judío xi bitjo k'e nga itjokajin kjo'in ján nangui Egipto, Jesús kii ján Jerusalén.

¹⁴ K'e nga jahas'en jngo ítjòn, kijtsee nga tjín xita ya nditsin jngo xi nchihotjna nchraja ko orré ko paloma; tikoogá títajna xi síkjatjya tòn.

¹⁵ Jesús tsibindaá jngoo na'ño xi tsajá-la jña xita nga tsachrje yije ya nditsin jngo, ko nchraja ko orré. Tsibixteeen tòn-la jña xi síkjatjya tòn. Jngoo k'aá chinchá ngajten imixa-la.

¹⁶ Jña xita xi nchihotjna nise paloma, kitsò-la:

— Tjínaxhrjeè yije cho koi; ki ni'ya nditsin 'nè ni'ya-la Na'èn-na.

¹⁷ Jña xita xi kota'yat'aà-la k'eé tsibitsjeèn-la nga k'oas'in tjít'aà Xojoñ-la Nainá nga tsò: "Nó matsjake ni'ya-lè; koií kjoa-la nga machinikee."

¹⁸ Jña xita judío kiskónangui-la Jesús, kitsò-la:

— ¿Mé kjojkón xi okoò-nájen nga tjín-lè kjoítixoma it'aà ts'e kjoa xi 'ni?

¹⁹ Kiichja Jesús kitsò-la:

— Tikixaña jngo jè, 'an, ján naxhrjein kindàya ijngoo k'a-na.

²⁰ Kitsò jña xita judío:

— Jngo jè ichán joòn nó kisindaà-ne, koa ji, ¿a tà ján naxhrjein kindaa xitse ijngoo k'a-ne?

²¹ Tanga jè jngo xi kisikaxki Jesús, jè yijo-la xi okitsò-la.

²² K'e nga jye jaáya-la Jesús nga k'en, k'eé tsibitsjeèn-la jña xita xi kota'yat'aà-la 'én xi okitsò. K'eé kòkjeiin-la koni s'in tichja Xojoñ-la Nainá ko 'én xi kiichja Jesús.

Jesús, kós'in ma ndaa beé inima-la ngats'ii xita

²³ Jesús k'e nga tsibijna s'eí Paxko ján Jerusalén, kjin xita kòkjeiin-la it'aà ts'e k'e nga kijtsee kjojkón xi kis'iin.

²⁴ Tanga Jesús mìtsà nguì ndaà tǎngòò ikon it'aa ts'e xǎta koi, nga jyeé beèxkon yije xǎta.

²⁵ Jesús mìkìl mochjeén-la nga kje'ejǎ xǎta okǎtso-la kó s'ín jǎa xǎta; jè, jyeé beè inǎma-la xǎta kós'ín síkǎtseèn.

3

K'e nga jè Jesús tsohókò Nicodemo

¹ Tsiǎjǎna jngòò xǎta fariseo xi tǎkoǎ xǎta itǎjòn tsiǎjǎna it'aa ts'e xǎta judío; Nicodemo ki'mì.

² Jngòò k'a j'iikon Jesús k'e nga jǎò, kitsò-la:

—Maestro, 'ya-nájén nga jè Nainá kisikasén-lè mé-ne kókóya-nájén. Nga jngòò xǎta xi mìtsà Nainá tǎnako, mìkìl koma-la s'jǎn kjoǎkón xi jǎ 'nì.

³ Jesús kitsò-la:

—Xi nguì okǎxi, k'oaá xan-lè, jè xǎta xi mìkìl jts'ín xǎtse jngòò k'a-ne, mìkìl skoe kó s'ín otǎxoma Nainá.

⁴ Nicodemo kiskónangui, kitsò:

—¿Kós'ín koma jts'ín xǎtse jngòò k'a xǎta xi jye kǎjǎnga? Nǎ jtsé koma kjoǎhas'en jngòò k'a indso'ba neǎ-la nga jts'ín jngòò k'a.

⁵ Kǎichja Jesús kitsò:

—Xi nguì okǎxi, k'oaá xan-lè, jè xi mì it'aa ts'e nandá kò Inǎma Tsjeè-la Nainá jts'ín-ne, mìkìl koma kjoǎhas'en-jǎn nǎnda tíhotǎxoma Nainá.

⁶ Jè xi ts'iin it'aa ts'e xǎta, xǎta-né. Koa jè xi ts'iin it'aa ts'e Inǎma Tsjeè-la Nainá, inǎma-né.

⁷ Kǎ maxkón-lè koni s'ín tǎxan-lè: “Mochjeén-né nga jts'ín xǎtse jngòò k'a-ne jǎa xǎta.”

⁸ Jè tǎjò 'ba-né nǎta nǎnda-ne; na'yà-la nga one. Tanga mìkìl 'ya-la nǎnda nchrobá-ne, tǎkoǎ mìkìl 'ya-la nǎnda fi. K'oaá tǎs'ín ma yije ngats'ì xi it'aa ts'e Inǎma Tsjeè-la Nainá ts'iin-ne.

⁹ K'éé kitsò Nicodemo:

—¿Kós'ín ma-ne nga k'oaas'ín koma-ne kjoǎ koi?

¹⁰ Jesús kitsò-la:

—Ngajǎ, maestro tǎjǎn ts'e xǎta naxandá Israel. ¿Mé-ne mìkìl tǎjǎn-lè kjoǎ koi?

¹¹ Xi nguì okǎxi, k'oaá xan-lè: Jè kjoǎ xi ma-najén, k'oaá s'ín nokjoǎ-jen; xi jye kina'yà-jen, k'oaá s'ín bènǎjǎmǎ-jen. Jǎò, mìkìl mokjeiín-nò 'én-najén.

¹² K'e nga benǎjǎmǎ-nò kjoǎ xi tǎjǎn isò'nde, mìkìl mokjeiín-nò. ¿A kǎkjeiín-nò tsà kèbènǎjǎmǎ-nò kjoǎ xi tǎjǎn jǎn ngajmǎi?

¹³ 'Nǎ saà jngòò xǎta xi jye kǎimǎjǎn jǎn ngajmǎi; tà jè Kǎ'ndí-la Xǎta xi ngajmǎi tǎjǎna nga ya itǎjǎn-ne.

¹⁴ Koni s'ín kis'iin Moisés nga kiskímǎ'nga yá xi tǎjǎn'aa yè kǎchǎ bronca ya jǎ'nde it'aa xǎn nǎnda kǎxi choòn, k'oaá tǎs'ín tǎjǎn-la jè Kǎ'ndí-la Xǎta nga tǎjǎmǎjǎn-t'aa jè yá,

¹⁵ mé-ne ngats'ì xǎta xi kǎkjeiín-la it'aa ts'e, mìkìl chǎja, s'eé-la kjoǎbinachon nǎta kjé-ne.

¹⁶ Nainá 'nǎ tsatoo kǎtǎsjakèè xǎta isò'nde nga kitsǎa Kǎ'ndí-la xi tǎjǎngòò ma-ne, mé-ne ngats'ì xǎta xi mokjeiín-la it'aa ts'e, mìkìl chǎja; s'eé-la kjoǎbinachon nǎta kjé-ne.

¹⁷ Nainá mìtsà koi xá kisikasén-ne Kǎ'ndí-la nga kǎjǎn koinè-la xǎta isò'nde; koií xá kisikasén-ne nga kǎchǎjekǎjǎn kǎjǎn xǎta kjoǎ ts'e jé-la.

¹⁸ Jè xi mokjeiín-la it'aa ts'e Kǎ'ndí-la Nainá, mìtsà kǎjǎn sinè-la xi kjoǎ ts'e jé-la, tanga jè xi mìkìl mokjeiín-la jyeé kǎjǎn tǎjǎn-la, koií kjoǎ-la nga mìkìl mokjeiín-la it'aa ts'e Kǎ'ndí-la Nainá xi tǎjǎngòò ma-ne.

¹⁹ Jǎa xǎta xi mìkìl mokjeiín-la, jyeé kǎjǎn tǎjǎn-la, koií kjoǎ-la k'e nga j'ì j isò'nde jè xǎta xi j'iiko kjoǎhiseèn, mìkìl kisaseèn-la kjoǎhiseèn; isaà ndaà kisaseèn-la kjoǎjǎò, nga ch'o tǎjǎn kjoǎ xi nchis'ín.

²⁰ Ngats'ì xǎta xi ch'o s'ín, majtikeè kjoǎhiseèn; mìkìl ya síchrañat'aa nǎnda iseèn choòn, mé-ne nga mìkìl jchǎ-la kjoǎ xi ch'o nchis'ín.

²¹ Tanga jǎa xǎta xi kjoǎ kǎxi nchis'ín, nchrobá kinchat'aa chrañá-la nǎnda iseèn choòn, mé-ne nga jchǎ-la nga ndaà tǎjǎn kjoǎ xi nchis'ín koni s'ín mejèn-la Nainá.

Jè Juan, j'ì itǎjǎn-la Cristo

²² Nga jye komá kjoǎ koi, Jesús kǎikò xǎta xi kota'yat'aa-la jǎn nangui Judea; yaá tsiǎbitsǎjna chǎba nachrjein nga kis'iin bautizar xǎta.

²³ Juan tǎkoǎ kis'iin bautizar xǎta ya naxandá Enón, jngòò jǎ'nde xi chrañat'aa-la ya naxandá Salim, koií kjoǎ-la jǎ'nde jè tǎjǎn jchǎn nandá. Jǎa xǎta, yaá ijchòkon Juan nga komá bautizar.

²⁴ Nachrjein koi, tǎkj'eè ndayá fis'en Juan.

²⁵ Jǎa xǎta xi kota'yat'aa-la Juan kǎ jngòò xǎta judío tsohótǎya-ne kǎjǎtǎxoma-la xǎta judío xi xkón tǎjǎn kós'ín matsjeèya-ne xǎta.

²⁶ Kǎi jǎa xǎta nǎnda tǎjǎna Juan, kitsò-la:

—Maestro, jè x̄ita xi ijchòkoi ján xijngoaà xajngá nandá Jordán, jè x̄ita xi jì kits'ì 'én it'aà ts'e, i'nde j̄ t̄ikoá t̄is'in bautizar; saá jé fit̄jngui-là ngats'ì x̄ita.

²⁷ Kùichja Juan, kitsò:

—Nimé xi s'e-là x̄ita tsà mì jè sobà Nainá tsjá-là.

²⁸ J̄nò, ndaà t̄jiin-nò koni s'in kixan-nò nga mitsà 'an xi Cristo; 'an-ná xi kinikasén it̄jòn-na it'aà ts'e x̄ita jè.

²⁹ Jè x̄ita x'in xi sa kòbixan, t̄jna chjoón-là; jè amigo-là xi kòbixan s̄ijnat'aà chrañà-là nga t̄i'nchré-là koni s'in t̄ichja. Tsja jchán ma-là k'e nga 'nchré-là x̄ita xi sa kòbixan. 'An, k'oaá t̄is'in matsja-na k'e nga 'nchré koni s'in t̄is'in x̄ita jè.

³⁰ X̄ita jè, mochjeén-né nga k̄atasijna it̄jòn. 'An, kósijna t̄jngui-ná.

Mé 'én xi tsjá jè xi ngajmii nchrobá-ne

³¹ Jè xi nchrobá-ne ngajmii, jè t̄jna it̄jòn-là ngats'ì x̄ita. Jè xi i isò'nde ts'e, x̄ita isò'nde-né, kò j̄nà 'én xi chja kjoá ts'e isò'nde-né. Tanga jè xi ngajmii nchrobá-ne, jè t̄jna it̄jòn-là n̄ita yá-ne.

³² Jè tsjá 'én mé xi kijtsee kò mé xi kii'nchré. Tanga 'én xi tsjá, n̄iyá xi mokjeiin-là koni s'in tsò.

³³ Tanga jè x̄ita xi mokjeiin-là 'én xi chja, jè tsjá 'én nga Nainá, ngui 'én kixí xi chja.

³⁴ X̄ita xi Nainá kisikasén, 'én-là Nainá chja, nga mikii fehet'aà koni s'in síxájin in̄ima-là jè nga'ñó xi t̄jin-là In̄ima Tsjeè-là Nainá.

³⁵ Na'én-ná tsjakeé Kí'ndí-là; jè kis̄ngatsja yije n̄ita mé kjoa-ne.

³⁶ Jè xi mokjeiin-là koni tsò 'én xi chja Kí'ndí-là Nainá, t̄jin-là kjoabinachon n̄ita kjé-ne. Kò jè xi mikii mokjeiin-là mikii k̄jnakon in̄ima-là; kjo'in s̄inè-là xi kjoiti-là Nainá.

4

Kò komà k'e nga jè Jesús tsohòkò jngoò chjoón samaritana

¹ Jesús, kis'enojmi-là nga j̄nà x̄ita fariseo kitsò: Jesús isaá k̄jin x̄ita t̄is'in bautizar mé-ne nga ya skóta'yat'aà-là mì k'oa-ne Juan.

² (Tanga Jesús mitsà x̄ita kis'in bautizar; tà j̄nà x̄ita xi kota'yat'aà-là xi kis'in bautizar.)

³ K'oaá komà-ne it̄joiin-ne nangui Judea; kii l̄jngoò k'a-ne nangui Galilea.

⁴ K'e nga kii-ne, kjo'ñó t̄jin-ne nga ya kjoahato Samaria.

⁵ Ijchò jngoò naxandá xi 'mì Sicar, nangui xi chja-ne Samaria, ya chrañat'aà-là nangui xi kitsjaà kjojtò-là kjotseé Jacob jè k'ndí-là xi José k'ì'mì.

⁶ Yaá t̄jna jngoò ngajo nandá xi nei-là komà Jacob. Jesús jye 'ñó ijta-là nga tsó'baya ndiyá. Tsibijnat'aà jè ngajo nandá nga jyeé kjomeé bijchó nchisen.

⁷⁻⁸ J̄nà x̄ita xi kota'yat'aà-là Jesús, tsojmi kii katse ján j̄jin naxandá, j̄nà tsojmi xi sk̄ine. K'eé ijchò jngoò chjoón xi ya j'nde-là Samaria xi ijchòkjaá nandá. Jesús kitsò-là:

—Tjii it̄sé-ná nandá xi skiaa.

⁹ J̄nà x̄ita judío mikii ndaà fikò x̄ita Samaria. Koií kjoa-là, jè chjoón kitsò:

—Ngaji x̄ita judío-né, kò 'an chjoón Samaria-ná. ¿Mé-ne nandá n̄jé-ná?

¹⁰ Kùichja Jesús kitsò-là:

—Tsà 'ya-lè kjojtò xi tsjá Nainá kò tsà yaxkoin yá-né xi t̄is̄jé-lè nandá, tsà jì s̄ijé-là nandá, jè tsjá-lè nandá xi síkijnakon-ná.

¹¹ Jè chjoón kitsò:

—Na'én, nimé kich'ì xi koma k̄inachrje-ne nandá. Jè ngajo nandá 'ñó nanga. N̄anda t̄jin-lè nandá xi síkijnakon-ná.

¹² Ngaji, ¿a isaá t̄jna it̄jòn-là x̄ita jchínga-najen Jacob? Jè kitsjaà-najen jè ngajo nandá jè. J̄nà x̄ita jchínga-najen, jì kits'ì nandá, ixti-là kò cho t̄jè-là.

¹³ Kùichja Jesús kitsò-là:

—N̄ita yá-ne xi skoí nandá xi j̄ t̄bitjo, koxíndá l̄jngoò k'a-là.

¹⁴ Tanga jè x̄ita xi skoí nandá xi 'an tsjaà-là, mì t̄j kii koxíndá-là n̄ita kjé-ne. K'oaá s'in s'e j̄jin in̄ima-là koni jngoò ngajo nandá xi t̄bitjo nga jè nandá s̄ikijnakon-ne n̄ita kjé-ne.

¹⁵ Jè chjoón kitsò:

—Na'én, t̄jii-ná jè nandá xi kò'mi-là mé-ne nga mì t̄j kii koxíndá-na t̄ikoá mì t̄j jì kjojikjaá-nà nandá.

¹⁶ Jesús kitsò-là:

—T̄inókjoa-là x'in-lè, nchrobákoij̄ j̄ndé.

¹⁷ Kùichja jè chjoón kitsò:

—Tsjin-nà x'in.

Jesús kitsò-là:

—Okixí xi si nga tsjin-lè x'in.

¹⁸ Jyeé kò 'òn ma x'in-lè xi bijnakoji. Jè x̄t̄a xi tijnakoji i'nde, mìtsà x'in-lè ma. Qkixí xi kasi nga tsjìn-lè x'in.

¹⁹ Jè chjoón k'è nga kii'nchré 'én koi kitsò:

— Na'èn, k'oaá s'in machiya-na nga jii-là x̄t̄a xi chja ngajo-la Nainá.

²⁰ X̄t̄a jchínga-najen xi Samaria tsajen, íi nindoò jè kijtseèkkón Nainá. Tanga jñò xi x̄t̄a judío 'mì-nò bixón-nó nga tà ján Jerusalén jchaxkoán Nainá.

²¹ Jesús kitsò-la:

— Ngaji chjoón, kàtakjeiín-lè, jyeé nchrobá machraña nachrjein nga jchaxkón Nainá nas'in mì i kjinchrobà nindoò jè kò n̄i ján onguió Jerusalén.

²² Jñò, xi Samaria tsajèn, mìkii 'ya yá-né xi yaxkón; tanga ngajen xi x̄t̄a judío 'mì-najen, 'ya-najen yá xi yaxkón-jen; nga tje-la x̄t̄a judío k̄itjokàjiiñ jngoò xi kochrjekàjiiñ kjo'in x̄t̄a.

²³ Jyeé nchrobá nachrjein, kò tijè-ne hora jè, k'è nga jñà x̄t̄a xi ngui kixi kjoa nga beèkkón Nainá, kàteèkkón nga kò inima-la kò kjoa kixi. Tiko jè Na'èn-ná ótsji-né x̄t̄a xi k'oaá s'in mejèn-la nga skoeckón.

²⁴ Nainá Inima Tsjeè-né. Jè x̄t̄a xi beèkkón, mochjeén-né nga ngui kò kjoa kixi kò ngui kò inima-la kàteèkkón.

²⁵ Jè chjoón, k'èé kitsò:

— 'An, be-ná nga sa kjoii jè Mesías [xi xó s̄ikkasén-ne Nainá] jè xi Cristo tsóya-ne; k'è nga jè xi kjoii keènojmi yije-najen kjoa koi.

²⁶ Jesús kitsò-la:

— 'An-ná, jè xi t̄ihókò-lè.

²⁷ Tijè-ne hora j'ii-ne x̄t̄a xi kota'yàt'aà-la xi kii katse tsojmi. Tà k'oaá komà-la nga kijtseè nga chjoón t̄ihókò. Tanga njjngoo x̄t̄a xi kitsò ikon nga kiskònangui-la mé xi t̄ikjònangui-la, o mé 'én xi nchijoó.

²⁸ Jè chjoón, k'èé kisikíjna nisa nandá-la; kil ján jiiñ naxandá nga tsibénojmi yije-la x̄t̄a; kitsò-la:

²⁹ — Nchrobá, chítsejèn-là jngoò x̄t̄a xi k'oa kàtsò yije-na kjoa xi kis'iaàn. Tsà jè-né xi Cristo [xi xó kisikasén-ne Nainá].

³⁰ K'èé kii jñà x̄t̄a naxandá nga kii katsejèn-la ñánda t̄jna Jesús.

³¹ T̄ik'e-ne jñà x̄t̄a xi kota'yàt'aà-la Jesús, tsibítsi'ba-la, kitsò-la:

— Maestro, t̄chi.

³² Tanga Jesús kitsò:

— 'An, t̄jín-na tsojmi xi kókjeen, xi jñò mìkii yaxkon.

³³ Jñà x̄t̄a xi kota'yàt'aà-la kitsò-la xikjín:

— ¿Yá xi kòf'ikò-la tsojmi xi skjine?

³⁴ Tanga Jesús kitsò:

— Jñà tsojmi xi kínee, jè-né nga sikitasoàn koni s'in mejèn-la jè xi kisikasén-na kò nga sikjehet'aà xá-la.

³⁵ Jñò, bixón-nó nga ngui ñijòn sá chija-la nga sincháxkò tsojmi xi jye tímajchá. 'An, k'oaá xan-nò: Chítsejèn-là x̄t̄a koi; k'oaá ngaya-la koni tsojmi tjè xi jye kòjchá; jyeé koma sincháxkò.

³⁶ Jè x̄t̄a xi bíxkò, machjí-la, kò jñà tsojmi xi bincháxkò, k'oaá ngaya-la koni x̄t̄a xi s'e-la kjoabinachon, mé-ne nga jè xi bitje kò xi bincháxkò ngàsòn s'e-la kjòtsja.

³⁷ 'Én kixi-né xi tsò: "Kj'eji x̄t̄a xi bitje kò kj'eji xi bíxkò."

³⁸ 'An, kisikasén-nò nga k̄incháxkò tsojmi xi mìtsà jñò kisengui-nò kjo'in. Kj'eji xi kisixá. Tanga jñò t̄ihokò-nò nga bíxkò tsojmi tjè-la.

³⁹ Kjín jchán x̄t̄a Samaria xi ya t̄itsajna naxandá jè kòkjeiín-la it'aà ts'e Jesús koni kitsò 'én xi kitsjaà jè chjoón nga kitsò: "K'oaá kàtsò yije-na kjoa xi kis'iaàn."

⁴⁰ K'è nga jñà x̄t̄a Samaria ijchòkon Jesús ñánda t̄jna, tsibítsi'ba-la nga ya kàtijnako. Jesús, jò nachrjein tsibijnako.

⁴¹ Kjín x̄t̄a kòkjeiín isa-la it'aà ts'e Jesús, k'è nga kii'nchré-la 'én xi jè sobà tsibénojmi.

⁴² Jñà x̄t̄a kitsò-la jè chjoón:

— I'nde, mokjeiín-najen; mìtsà tà koi kjoa-la koni s'in ki'mi-najen. Ngajen sobà kina'yà-lajen; k'oaá s'in ma-ne nga mokjeiín-najen. Kixí kjoa, jè xi kochrjekàjiiñ kjo'in kjoa ts'e-jè-la x̄t̄a isò'nde, jè-né xi Cristo [xi xó kisikasén-ne Nainá].

K'è nga jè Jesús kisindaà jngoò-ne ti xi ch̄i'nda-la x̄taxá t̄jòn.

⁴³ Xi jye komà jò nachrjein nga tsibijna Samaria, Jesús, itjòjiiñ jngoò k'a-ne i'nde jè. Kii ijngoò k'a-ne nangui Galilea.

⁴⁴ Jè sobà Jesús kitsò: Njngoo x̄t̄a xi chja ngajo-la Nainá yaxkón nangui-la.

⁴⁵ K'è nga ijchò ya Galilea, jñà x̄t̄a xi ya i'nde-la, ndaa kiskoétjò, nga jyeé kijtseè jñà kjoa xi kis'iiñ ján Jerusalén k'è nga itjo s'eí Paxko. Jñà x̄t̄a koi t̄ikoaá kii-ne k'è nga itjo s'eí.

⁴⁶ Jesús ijchò ìjngòò k'a ján Caná, nangui xi chja-ne Galilea, ñánda kisikjatjya-lá nandá nga vino kis'iin. Yá naxandá Capernaum tjna jngòò ch'nda-lá xitaxá ítjòn xi tikoá xá 'nga tjin-lá. 'Nó xk'én ki'ndí-lá.

⁴⁷ Xita jè k'e nga kii'nchré nga Jesús yá ijchò Galilea nga inchrobà-ne Judea, kiikon, tsibítsi'ba-lá nga káti ni'ya-lá, kátasindaà-ne ki'ndí-lá xi jyeé kjómee biyaa.

⁴⁸ Jesús kitsò-lá:

—Jñò, mikii mokjeiin-nò k'e nga tsà mikii jchaa kjoxkón kò kjoa xi okó kjoa jeya-lá Nainá.

⁴⁹ Jè xita ch'nda ítjòn kitsò-lá Jesús:

—Na'èn, t'iin kjondaà, ñitòn nchroboí nga tikj'eé biyaa ki'ndí-na.

⁵⁰ Jesús kitsò-lá:

—T'in-ne ni'ya-lè. Ki'ndí-lè jyeé ndaa tjna-ne.

Xita jè kòkjeiin-lá 'én xi kitsò-lá Jesús. Ikoàn kii-ne ni'ya-lá.

⁵¹ K'e nga jye kjómee bijchò-ne ni'ya-lá, xita ch'nda-lá kiikjaá indiaa, kitsò-lá:

—Ki'ndí-lè jyeé ndaa tjna-ne.

⁵² Xita jè, kiskònangui-lá ch'nda-lá:

—¿Mé hora kjòxan-lá ch'in 'ndi xi tjin-lá?

Kitsò xita ch'nda-lá:

—Ngojña xi jngòò-lá kjondaà-ne.

⁵³ Jè na'èn-lá ti xi xk'én, kisijiin-lá nga tijè-ne hora k'e nga kitsò-lá Jesús: “Ki'ndí-lè jyeé ndaa tjna-ne.” Xita jè kò ngats'ii xita xi títsajna ni'ya-lá, jyeé ndaa tjjngòò ikon nga mokjeiin-lá it'aà ts'e Jesús.

⁵⁴ Jè xi ma-ne jò kjòxkón xi kis'iin Jesús k'e nga inchrobà-ne Judea nga j'ii-ne yá Galilea.

5

Kó kitsò xita k'e nga Jesús kisindaà jngòò-ne xita xi mikii ma fi jè nachrjein nikjáya

¹ K'e nga jye k'oas'in komà kjoa koi, nga komà jskan, jña xita judío tsibíjna jngòò s'eí ján Jerusalén. Jesús kii jngòò k'a ján Jerusalén.

² Ya Jerusalén tjna jngòò chrjò nandá xi 'mì Betesda nga 'én hebreo. 'Òn ma nguitjoa xi tjin-lá. Yaa tjna chrañat'aà-lá xotjoa ts'e orrè.

³ Ya nguitjoa-lá kjin xita xk'én kjijijongui: xi mikii tsejèn-lá, xi tsá'yá kjoàn, xi mikii ma síjamiyá. Ngats'ii xita koi nchikoña-lá k'e nga sjitjya-lá nandá xi 'ncha jè chrjò.

⁴ Jngòò àkjale-lá Nainá xi tà kjé tà kjé bitjoen-ne nga sjitjya-lá nandá. Jè xita xk'én xi fahas'en-jiin ítjòn nandá, k'e nga jye jtjya-lá, ñitooón mandaa-ne ñita mé ch'in xi tjin-lá.

⁵ Ya kijnajiin jngòò xita xi jye tjin-lá kaàn chrj'oon jàn nó nga xk'én.

⁶ Jesús, k'e nga kijtseéxon nga yá kijna, kisijiin-lá nga jyeé 'nó kjòtsee xk'én. Kitsò-lá:

—¿A mejèn-lè kondaà-ne?

⁷ Jè xita xk'én, kitsò:

—Na'èn, mì yá xi síchját'aà-na nga kinís'en-jiin-na k'e jtjya-lá nandá. 'An, k'e nga mejèn-na fahas'en-jña, kj'eij xita síkijne-na nga fahas'en-jiin ítjòn.

⁸ Jesús kitsò-lá:

—Tísitjijn, chjoí nijñaà-lè, tjtjámil.

⁹ Xita jè ñitooón kjondaà-ne, kiskoé-ne nijñaà-lá, komà tsajmeè-ne. Nachrjein jè, nachrjein nikjáya-né.

¹⁰ Jña xita judío kitsò-lá jè xita xi kjondaà-ne:

—Nachrjein j'ndej, nachrjein nikjáya-né. Mikii tji'nde-lè nga kikoji nijñaà-lè.

¹¹ Xita jè kitsò:

—Jè xita xi kásindaà-na, jè sobà xi kòkàtsò-na: “Chjoí nijñaà-lè, tjtjámil.”

¹² Jña xita koi kiskònangui-lá, kitsò-lá:

—¿Yá-né xi okàtsò-lè: “Chjoí nijñaà-lè, tjtjámil?”

¹³ Jè xita xi jyeé kjondaà-ne mikii beéxon yá xita-ne xi kisindaà-ne nga jè Jesús jyeé xin kii nga itjokajjin-lá xita xi kjin ma-ne xi yá títsajna.

¹⁴ Xi komà jskan, Jesús kisatükjoo ìjngòò k'a xita jè yá jya jngo, kitsò-lá:

—Jyeé kòmandaa-ne; tanga ki tì jè binchaatsji-ne, mé-ne nga mì isa ch'o tjin kjoa xi komat'in.

¹⁵ Xita jè kiikon jña xita judío, tsibénojmi-lá nga jè Jesús xi kisindaà-ne.

¹⁶ Jña xita judío kiitjngui kondra-lá Jesús, mejèn-lá síik'en koi kjoa-lá nga k'oas'in s'in k'e nga nachrjein nikjáya.

¹⁷ Tanga Jesús kitsò-lá:

—Na'èn-na skanda nachrjein j'ndej k'oáá tjin xá xi tís'in, tikoáá 'an k'oáá tís'in tís'iaàn.

¹⁸ K'oaá ma-ne jñà xita judío isaá 'ño ndaà kiitjngui kondra-la Jesús nga mejèn-la sjiik'en. Mitsà tà koií kjoa-la nga mikii beèkkón nachrjein nikjáya, tikoáá koií-né nga jè Jesús Na'èn-na tsò-la Nainá. K'oaá s'in tísingásòn-kjoò yijo-la koni Nainá nga k'oa tsò.

¹⁹ Jesús kitsò-la:

— Xi ngui okixi xi xan-nò, 'an xi Ki'ndí-la Nainá ni mé kjoa xi s'iaàn xi tà kjoátsjeèn ts'an. Tà koií kjoa s'iaàn xi be koni s'in Na'èn-na. Ngats'ii kjoa xi s'in Na'èn-na, 'an xi Ki'ndí ma, k'oaá tís'in s'iaàn.

²⁰ Jè xi Na'èn-na ma, 'ño tsjakeè-na nga Ki'ndí-la tsò-na; okó yiye-na mé xi s'iaàn. Kokò-isa-na kjoa xi isa 'ño xkón tjín, mé-ne jñò, k'e nga jchaa, isa 'ño ndaà koxkón-nò.

²¹ Koni s'in s'in Nainá nga síkjaáya-la mik'en ko síkítsajnakon iníma-la nita kjé-ne, 'an xi Ki'ndí-la ma, k'oaá tís'in tsjaà-la kjoabinachon yá-né xi mejèn-na nga tsjaà-la.

²² Jè xi Na'èn-na ma, mitsà jè bindaàjiin-la xita, 'an-ná xi Ki'ndí-la ma kisingatsja yiye-na kjoátsjoma nga koma kindaàjiin-la xita,

²³ mé-né ngats'ii xita skoèkkón-na nga Ki'ndí-la ma koni s'in beèkkón Na'èn-na. Jè xi mikii beèkkón-na nga Ki'ndí-la ma, tikoáá mikii beèkkón Na'èn-na nga jè kisikasén-na.

²⁴ Xi ngui okixi, k'oaá xan-nò: Jè xi 'nchré 'én-na koni s'in chjá, tikoá mokjeiín-la it'aa ts'e xi kisikasén-na, tjín-la kjoabinachon nita kjé-ne. Mitsà kjo'in sijné-la, jyeé itjokájiin kjo'in ts'e kjoa biyaa, jyeé tjínakon iníma-la it'aa ts'e Nainá.

²⁵ Xi ngui okixi xi xan-nò: Nchrobá nachrjein, tije-ne hora jè, k'e nga jñà mik'en kji'nchré jta-na xi Ki'ndí-la Nainá ma; jñà xi kji'nchré jta-na, kitsajnakon-né.

²⁶ Jè Na'èn-na, tije-ne xi kjoabinachon; ko 'an xi Ki'ndí-la ma, k'oaá tís'in kitsjaà-na nga tjan-na xi kjoabinachon.

²⁷ Tikoáá kitsjaà-na kjoátsjoma nga 'an kindaàjiin-la xita, nga 'an-ná xi Ki'ndí-la Xita xan-la yijo-na.

²⁸ Ki maxkón-nò 'én koi, kjjchò nachrjein k'e nga ngats'ii xita xi títsajnak'en ján inchibá mik'en kji'nchré-la jta-na.

²⁹ Kosítjen tjngoo k'a-ne ya ngajo mik'en. Jñà xita xi ndaà kis'iin, kjoááya-la nga s'e-la kjoabinachon, tanga jñà xita xi ch'o kis'iin, kjoááya-la nga s'e-la kjo'in.

Yá xi tsjá 'én it'aa ts'e Jesús

³⁰ Jesús kitsò:

— An, ni mé xi s'iaàn xi tà kjoátsjeèn ts'an. K'oaá s'in bindaàjñaà koni s'in tsò-na Na'èn-na. Kixii bindaàjñaà; mitsà k'oa's'in s'iaàn koni s'in mejèn-na. K'oaá s'in s'iaàn koni s'in mejèn-na Na'èn-na xi kisikasén-na.

³¹ Tsà tjan tsjaà-na 'én xi it'aa ts'an, 'én xi tsjaà, jñò kixón-nò: “Ni mé chji-la.”

³² Tanga tjín jngoo xi kje'ei xi tsjá 'én xi it'aa ts'an, be-ná nga jè 'én xi tsjá it'aa ts'an, ngui 'én kixi-né.

³³ Jñò kinikasén-la xita Juan nga kiskòngui-la. Jè Juan, kitsjaà kixi 'én xi it'aa ts'an.

³⁴ Mitsà kjo'ño tjíné-la nga kje'ei xita tsjá 'én xi it'aa ts'an, koií k'oa xan-nò mé-ne nga kitjokájiinò kjo'in kjoa ts'e jè.

³⁵ Juan k'oa's'in गया-la koni jngoo ni'in xi titi nga síhiseèn, tanga jñò tà chiba nachrjein kinitjsakoo kjoa iseèn-la.

³⁶ Jè xá xi tís'iaàn, isa 'ño ts'e chji-la mi k'oa-ne koni 'én xi kitsjaà Juan, nga jè Na'èn-na kitsjaà-na nga sikitasoàn; tije-ne xá xi tís'iaàn okó it'aa ts'an nga kixi kjoa nga jè Na'èn-na kisikasén-na.

³⁷ Jè Na'èn-na xi kisikasén-na, tsjá 'én xi it'aa ts'an. Jñò, kje'e kii na'ya-là jta-la, ni mikii yaxkon kó kji jsén-la;

³⁸ tikoáá jè 'én-la mikii fahas'en-jiin iníma-nò. Jè xi Nainá kisikasén, mikii mokjeiín-nò it'aa ts'e.

³⁹ Ndaà binchaàtsjijñò Xojon-la Nainá nga k'oa's'in nikítsjeèn nga ya sakó-nò kjoabinachon nita kjé-né. Jè Xojon-la Nainá, tsjá 'én xi it'aa ts'an,

⁴⁰ tanga jñò, mikii sasén-nò nga nchrobátjngui-ná, mé-ne nga s'e-nò kjoabinachon koi.

⁴¹ Mitsà koi kjoa otsjia nga jeya sjikjna-na xita.

⁴² Tanga 'an, beèkkoòn-nò, nga jñò, mikii matsjacha Nainá nga ko iníma-nò.

⁴³ An, it'aa ts'e Na'èn-na jji-na; jñò majin-nò nga choétojò-ná. Tanga tsà kje'ei xita kjoii xi ta kjotsja ts'e kjoii-ne, isaá-là niton choétojò.

⁴⁴ Jñò, ¿kós'in koma kokjeiín-nò? Nga tà jè binchaàtsjioò nga ndaà kitsajnaà nga nguixkon xita, ko mitsà jè binchaàtsjioò nga ndaà kitsajnaà nga nguixkon Nainá xi tà jngoo ma.

⁴⁵ Ki k'oa s'in nikítsjeèn nga 'an tsjat'in-nò 'én nga nguixkon Na'èn-na. Jè xi tsjat'in-nò 'én, tije-ne Moisés xi jè ma'ñót'aa takòn.

⁴⁶ Jñò, tsà mokjeiín-nò koni s'in kiskii Moisés, tikoáá kokjeiín-nò it'aa ts'an nga jè Moisés it'aa ts'aan kiichja nga kiskii.

47 Tsà mikì mokjeiín-nò koni s'ín kiskii Moisés, ¿kós'ín kòkjeiín-nò 'én-na xi benojmí-nò?

6

Kó kis'iin Jesús nga 'òn jmiì xita kisikjèn

(Mateo 14:13-21; Marcos 6:30-44; Lucas 9:10-17)

- 1 Nga jye komà kjoa koi, Jesús kii ján xijngoà ndáchikon Galilea, xi tikoá Tiberias 'mì.
 2 'Nò kjin xita kii tjiingui-la nga jye kijtsee kjoxkón ndaa xi s'ín nga sínda-ne xita xk'én.
 3 Jesús k'éé kii mijin-jno jngoò nindoò, yaá tsibijna kò xita xi kota'yat'aà-la.
 4 Jyeé tímachraña s'eí Paxkò ts'e xita judío.
 5 Jesús, k'e nga kiskoòtsejèn, kijtsee nga 'nó kjin ma xita tjíma tjiingui-la, kitsò-la Felipe:
 —¿Ñánda kindá-lá tsojmi xi kòkjen xita koi?
 6 Tà k'oáá kitsò-la, tà jè xi mejèn-la nga skoe kó kitsò Felipe. Jesús, jyeé tjiin-la mé kjoa xi s'iin.
 7 Felipe kitsò:
 —Nas'ín jò-la sindò nàchrjein tjin-ne chjì-la xita, mì-la kii kichiya-la nga itsé itsé skjine ngats'iì xita koi.
 8 Kii chja Andrés xi tikoá xita xi ya kota'yat'aà-la Jesús xi 'ndsè ma Simón Pedro, kitsò:
 9 —I tjiina jngoò ti xi 'ya 'òn inchrájin ts'e cebada kò jò ma tjin xi 'ya, tanga mì-la kii kichiya-la nga 'nó kjin ma-ne xita.
 10 Jesús kitsò-la:
 —Kot'in-la jña xita, kàtitsajna yije.
 I'nde jè 'nó tjin xka ijña. Jña xita xi tsibitsajna, ma-la tsà 'òn jmiì xi ngui xita x'in.
 11 Jesús, kiskoé inchrájin, kitsjaà-la kjondaà Nainá, ikjoàn kitsjaà-la jña xita-la. K'éé kisika'bi-la jña xita xi titsajna. K'oá tís'ín kisikò jña tjin, kiskine njta kó kji mejèn-la nga jngoò ijngoò.
 12 K'e nga jye kjòskii yije xita, Jesús kitsò-la jña xita xi kota'yat'aà-la:
 —Tíxkó yije-nò xi kaningui-ne, mé-ne nga mì kits'ón-ne.
 13 Jña xita-la tsibíxkò-ne inchrájin xi tsiningui-ne. Ngui tejò nisiyá komà, k'e nga jye tsakjèn yije xita.
 14 Jña xita, k'e nga jye kijtsee kjoxkón ndaa xi kis'iin Jesús, kitsò-la xikjín:
 —Kixíj-la kjoa, jè-la xita jè xi chja ngajo-la Nainá, xi tjiné-la nga kjoí j'isò'nde.
 15 Tanga Jesús, tjk'éé kijtseeja-la nga jña xita mejèn-la kjo 'nó kiikò nga xitaxá íjòn sílkjna; ijngoò k'a kii mijin-jno nindoò nga tà tajngoò tsibijna.
K'e nga tsajmeèsòn ndáchikon Jesús
(Mateo 14:22-27; Marcos 6:45-52)
 16 K'e nga jye kòjñò, xita xi kota'yat'aà-la Jesús inchròhòjen ijngoò k'a-ne ñánda kijna ndáchikon.
 17 Jahas'en jngoò chitso, kiisòn-ndá nga kii ján naxandá Capernaum. Jyeé 'nó kòjñò, Jesús mikii xatí j'iì tjiingui-la jña xita-la.
 18 Ya jjiin ndáchikon j'iì jngoò tjòxkón xi 'nó jchán ts'a. Jè ndáchikon tsibíts'ia nga kiskí'nga.
 19 K'e nga jye tjin-la tsà 'òn kò tsà joòn jmiì metro nga tjiimajin nandá, kijtsee nga jè Jesús tsóbasòn ndáchikon. Tífi tjiingui chraña-la jè chitso. Jña xita tà kitsakjòn-la.
 20 K'éé kii chja Jesús, kitsò-la:
 —Ki tsakjoòn-jèn, 'an-ná.
 21 Jña xita tsjaá komà-la, k'éé kisikas'en chitso. Kò jè chitso njtoón ijchò ya naxandá ñánda nchifi.

Mé xi kis'iin jña xita nga tsohótsji Jesús

- 22 Nga komà nchijòn, jña xita xi tsibitsajna ján xijngoà ndáchikon, kijtsee nga tà jngoò chitso kijna xi kiikò xita, tanga Jesús mikii tsejèn jahas'en ya chitso. Tà jña xita xi kota'yat'aà-la jahas'en nga kii.
 23 Tanga ijchò chitso xi k'ejí xi ya inchròbà-ne naxandá Tiberias; yaá chinchá chraña j'nde ñánda tsakjèn inchrájin xita xi 'òn jmiì ma-ne, k'e nga jè Jesús kitsjaà-la kjondaà Nainá.
 24 Jña xita, k'e nga kijtsee nga mì yá tjin Jesús kò xita xi kota'yat'aà-la, k'éé jahas'en jña chitso koi, kii kátsji Jesús ján naxandá Capernaum.

Inchrájin xi tsjá Nainá, jè xi tsjá-la kjoabinachon xita

- 25 Xita koi, k'e nga jye ijchò ján xijngoà ndáchikon, yaá kiskaàjijn Jesús kitsò-la:
 —Maestro, ¿mé nàchrjein j'iì jindé?
 26 Kii chja Jesús, kitsò-la:
 —Xi ngui okixi, k'oáá xan-nò, mìtsà koi xá binchaàtsji-ná nga k'i'yaá kjoxkón-ndaa xi kis'iaàn, koi'né nga kisikjèn-nò skanda kó nga kjòskioò.

²⁷ Ki koi nixátjìò tsojmì xi fehet'aà. Jè tìxátjìò tsojmì xi síkíjnakon iníma-ná nítà kjé-né, jè xi 'an tsjá xi Kí'ndí-là Xítà xan-là yijo-na. Na'èn-ná xi Nainá jè kitsjaà-na kjoéxoma kjoa xi s'iaàn.

²⁸ Xítà koi, kiskònangui, kitsò-là Jesús:

—¿Mé xi s'en-jen nga koma síxá-lajen Nainá koni s'ín mejèn-là jè?

²⁹ Jesús kitsò-là:

—Xá-là Nainá, jè-né nga kòkjeiín-nò it'aà ts'e xi Nainá kiskasén.

³⁰ Xítà koi, kitsò-là Jesús:

—¿Mé kjoékón ndaà xi kòkó-nájen mé-ne k'e nga jcha-jen kòkjeiín-nájen? ¿Mé xi ma-lè 'nì?

³¹ Jñà xítà jchínga kjìn-nájen tsakjèn inchrájin xi 'mì maná, ján j'nde it'aà xìn ñánda nangui kixi choón. Koni s'ín tjit'aà Xojon-là Nainá nga tsò: “Inchrájin xi nchrobá-ne ngajmii kitsjaà-là nga kiskikjèn.”

³² Kùichja Jesús kitsò-là:

—Xi ngui okixi xi xan-nò, mìtsà jè Moisés kitsjaà-nò inchrájin xi ngajmii inchròbà-ne; jè Na'èn-na xi tsjá-nò xi ngui inchrájin xi ngajmii nchrobá-ne.

³³ Inchrájin xi tsjá Nainá, jè xi jye itjojen-ne ngajmii, jè xi tsjá-là kjoabinachon jñà xítà isò'nde.

³⁴ Xítà koi kitsò:

—Na'èn, kjit'aà nachrjein tjii-nájen inchrájin koi.

³⁵ Jesús, kitsò-là:

—'An-ná inchrájin xi síkíjnakon iníma-là xítà. Jè xi 'an kjinchrobàt'aà-na, mì tì kii kòhijò-là. Jè xi kòkjeiín-là it'aà ts'an, mì tì kii kòxíndá-là nítà kjé-ne.

³⁶ Jyeé okixan-nò, jñò nas'ín títsa'yaà-ná mìkii mokjeiín-nò.

³⁷ Ngats'ii xítà xi 'an tsjá-na Na'èn-na, 'aán nchrobát'aà-na; kò jñà xi 'an nchrobát'aà-na mìkii ochrjengua.

³⁸ 'An, mìtsà koi xá itjojen-na ngajmii nga k'oas'ín s'iaàn koni s'ín mejèn-na. K'oáá s'ín sikitasoàn koni s'ín mejèn-là Na'èn-na xi kiskasén-na.

³⁹ Jè xi mejèn-là Na'èn-na xi kiskasén-na, nga níjngòò xítà chija xi 'an tsjá-na. 'An siikjaáya-là it'aà ts'e kjoa biyaa k'e nga kjoehet'aà nachrjein.

⁴⁰ Koi xi mejèn-là jè xi kiskasén-na: ngats'ii xítà xi skoexkon-na nga Kí'ndí-là Nainá 'mì-na kò kòkjeiín-là it'aà ts'an, s'eé-là kjoabinachon. 'An siikjaáya-là k'e nga kjoehet'aà nachrjein.

⁴¹ Jñà xítà judío k'eé tsibíts'ia nga kùichjajno-là Jesús, koií kjoa-là nga kitsò: “'An-ná inchrájin xi ngajmii nchrobá-ne.”

⁴² Kitsò-là xikjín:

—¿A mìtsà jè Jesús, xi ti-là ma José? Yaxkon-ná na'èn-là kò nea-là. ¿Mé-ne tsò-ne nga ngajmii itjojen-ne?

⁴³ K'eé kitsò Jesús:

—Kii k'oas'ín nokjoájno-ná.

⁴⁴ Níjngòò xítà xi koma kjinchrobát'aà-na tsà mìtsà jè Na'èn-na xi kiskasén-na kjinchrobàke, mé-ne nga 'an siikjaáya-là k'e nga kjoehet'aà nachrjein.

⁴⁵ Xítà xi kùichja ngajo-là Nainá, k'oáá tsò xojon xi kiskii nga tsò: “Jè sobà Nainá kòkòya yije-là xítà.” K'oáá s'ín ma-ne nga ngats'ii xítà xi 'nchré-là Na'èn-na kò xi machiya-là it'aà ts'e, 'aán nchrobát'aà-na.

⁴⁶ 'Nj saá jngòò xítà xi beèkxon Na'èn-ná. Tajngòò jè beèkxon xi Nainá kiskasén.

⁴⁷ Xi ngui okixi xi xan-nò: Jè xi kòkjeiín-là it'aà ts'an s'eé-là kjoabinachon nítà kjé-ne.

⁴⁸ 'An-ná inchrájin xi síkíjnakon iníma-là xítà.

⁴⁹ Jñà xítà jchínga kjìn-nò tsakjèn inchrájin xi 'mì maná ya j'nde it'aà xìn ñánda nangui kixi choón, tanga tákó k'en-né.

⁵⁰ Jè inchrájin xi k'oá xan-nò xi nchrobájen-ne ngajmii. Kò jè xi kòkjen inchrájin jè mìkii kiyá.

⁵¹ 'An-ná inchrájin xi tijnakon xi itjojen-ne ngajmii. Tsà yá xi kòkjen inchrájin jè, s'eé-là kjoabinachon nítà kjé-ne. Jè inchrájin xi 'an tsja, jè yijo-na. Koií k'oas'ín tsjaà-na nga 'an kiyátjì-là xítà isò'nde mé-ne nga kítsajnakon-ne.

⁵² Jñà xítà judío xki xi ján tsajoóko xikjín, kitsò:

—¿Kós'ín s'íin nga siikine-ná yijo-là?

⁵³ Jesús kitsò-là:

—Ngui okixi xi xan-nò. Jñò, tsà mìkii chjinee yijo-na 'an xi Kí'ndí-là Xítà xan-là yijo-na, tìkoá mìkii s'iqo jní-na, mìkii s'e-nò kjoabinachon.

⁵⁴ Jè xi skine yijo-na tìkoá skoí jní-na tjín-là kjoabinachon nítà kjé-ne. 'An siikjaáya-là k'e nga kjoehet'aà nachrjein.

⁵⁵ Yijo-na, jè xi kixi kjoa xi ngui yijo xi ma chine; koa jè jni-na jè nanda xi ngui kixi kjoa nga ma 'yo.

⁵⁶ Jè xi skine yijo-na koa skoí jni-na, kjit'aà nachrjein ya kijnako-na, tikoá 'an kjit'aà nachrjein ya tijnakjoókoa.

⁵⁷ Na'èn-na xi kisikasén-na, tijnakon-né; ko it'aà ts'e-né nga tijnakoan; k'oáá tís'in tjin jè xi skine yijo-na, it'aà ts'e 'an kijnakon-né.

⁵⁸ Jè inchrájin xi itjojen-ne ngajmiì, mìtsà jè xikjin inchrájin maná xi tsakjèn xita jchínga kjiin-nò; nga komà iskan, xita xi tsakjèn, k'en-né. Tanga jè xi kokjen inchrájin xi itjojen-ne ngajmiì, s'ée-la kjoabinachon nita kjé-ne.

⁵⁹ Jesús k'oáá s'in kiichja nga tsakóya ya ni'ya ingo sinagoga ya naxandá Capernaum.

'En xi tsjá-la kjoabinachon inima-la xita

⁶⁰ Jñá xita k'e nga kii'nchré koni s'in tsakóya Jesús, kjin ma xita xi kota'yat'aà-la xi kitsò:

—Jñá 'én koi, 'nó 'in tjin. ¿Yá xi kokjeiin-la?

⁶¹ Jesús, k'e nga kijtseeya-la nga jñá xita xi kota'yat'aà-la ch'o nchijoóya-ne 'én xi tsakóya, kitsò-la:

—¿'En koi, a mì sasén-nò?

⁶² ¿Kós'in koma-ne tsà jcha-ná 'an xi Ki'ndí-la Xita xan-la yijo-na nga kjimijin lngoò k'a-na ñanda tjnaa nga sa itjòn?

⁶³ Jè Inima Tsjeé-la Nainá xi síkijnakon-ná. Jè yijo-ná nímé chji-la. 'En xi 'an okóya-nò, ts'ée Inima Tsjeé-la Nainá, ko tsjá-la kjoabinachon inima-nò.

⁶⁴ Tanga jñò tjin i'nga xita xinguio xi mikii mokjeiin-la.

Nga jè Jesús jye tjiin-la kóni skanda tats'en-la kjoa yá-né xi mikii kokjeiin-la ko yá-né xi sijngatsja it'aà ts'e xita kondra-la.

⁶⁵ Jesús kitsò isa:

—Koi k'oas'in kixan-nò nga nijngoò xita xi koma kjinchrobàt'aà-na tsà mìtsà jè Na'èn-na kjinchrobàko.

⁶⁶ Ijjoàn kjin jchán xita xi kota'yat'aà-la Jesús xi tjingui-la tsibíts'ia nga kii-ne its'in. Mì tì kii ya chinchimako-ne.

⁶⁷ Jesús kitsò-la jñá xita-la xi tejò ma-ne:

—Jñò, ¿a tikoáá mejèn-nò nga onguió?

⁶⁸ Kiichja Simón Pedro, kitsò:

—Na'èn, zyá xi onguítjngui-lajen? Ji-né xi tjin-lè 'én xi tsjá kjoabinachon.

⁶⁹ Ngajen 'ya-nájen, tikoáá mokjeiin-najen nga ji-né xi Cristo, xi Ki'ndí-la Nainá xi tijnakon.

⁷⁰ Jesús kitsò-la:

—'An, xó k'oáá s'in jaajiin-nò nga tejò ma-nò, mé-ne nga kitjako-ná. Tanga jñò, yaá tijnajiin jngoò-nò xi xita nejí tísixajiin inima-la.

⁷¹ Jesús, jè kiichja it'aà ts'e Judas, ki'ndí-la Simón Iscariote. Nga jè sijngatsja Jesús it'aà ts'e xita kondra-la. Jè Judas, xi ya itjojin xita-la Jesús xi tejò ma-ne.

7

Kó kitsò jñá 'ndse Jesús nga mikii kòkjeiin-la it'aà ts'e

¹ K'e nga jye k'oas'in komá kjoa koi, Jesús yaá tsajmeé nangui Galilea. Majin-la nga ya kojmeé naxandá Judea, koi kjoa-la nga jñá xita judío nchihótsji nga mejèn-la sijk'en.

² Jyee nchrobá machraña s'eí-la xita judío ts'e Ni'ya Xka Ijñá.

³ Jñá 'ndse Jesús kitsò-la:

—Kì ta tsja jí bijni. T'in ján Judea mé-ne jñá xita xi kota'yat'aà-lè xi títajna ján kateè-lè mé kjoa xi 'ni.

⁴ Tsá k'e mejèn-ná nga skoe-ná xita mé kjoa xi tí'né, mochjeén-né nga kokó-lá yijo-ná. Ngaji, koni s'in 'ni, takó-lá yijo-lè ngats'ii xita isò'nde.

⁵ Koi okitsò-la jñá 'ndse nga mikii kòkjeiin-la it'aà ts'e.

⁶ Jesús kitsò-la:

—Kj'èè kii bijchó nachrjein-na, tanga xi it'aà tsajòn ndaa tjin nita mé nachrjein-ne.

⁷ Jñò, mikii majtkeè-nò jñá xita isò'nde, tanga 'an majtkeè-na, koi kjoa-la nga 'an benojmí kixi-la nga ch'o tjin kjoa xi s'in.

⁸ Tanguió jñò jè s'eí, 'an mikii kjián. Kj'èè kii bijchó nachrjein-na.

⁹ K'e nga jye okitsò-la jñá xita, Jesús yaá tsibijna ya nangui Galilea.

K'e nga jè Jesús kii s'eí ts'e ni'ya xka

¹⁰ K'e nga jye kii s'eí jñá 'ndse Jesús, jè, tikoáá kii 'ma-né. Majin-la nga xita skoexkon.

¹¹ Ya ñanda tibtjo s'eí, jñá xita judío nchihótsji Jesús, kitsò-la xikjin:

—Xita jè, ñanda tjina.

¹² Ngats'ìi x̄ita xi ijchò s'eí, x̄kì xi ján tsajoóya-ne it'aà ts'e Jesús. Tjín xi kitsò: "X̄ita ndaà-né." Tjikoá tjín xi kitsò: "Majín, naxandá konaçhan-la."

¹³ Tanga niyá xi kiichja tsejèn nga nguixkon x̄ita xi k'jeí, nga jñà x̄ita sko-la x̄ita judío, tsakjón-la.

¹⁴ K'e nga jye ijchò osen nga t̄ibitjo s'eí, ijchò Jesús, jahas'en ingo ítjòn, ikjoàn tsakóya-la x̄ita.

¹⁵ Jñà x̄ita judío, k'e nga kijtsee koni s'ín okóya, tà kjòxkón-la kitsò-la x̄ikjín:

— X̄ita jè, çkós'ín ma-ne nga ko tà ndaà okóya-ne nga mìtsà xojoñ kiskoòta'yà?

¹⁶ Jesús kitsò-la:

— Jñà 'én xi 'an okoóya, mìtsà 'én ts'an, ts'e-né jè xi kisikasén-na.

¹⁷ Tsà yá xi mejèn-la s̄ikitasòn koni s'ín mejèn-la Nainá, skoé-né jñà 'én xi 'an okoóya tsà it'aà ts'e Nainá nchrobá-ne, o xi tà kjohitsjeèn ts'an-ná.

¹⁸ Jngoó x̄ita xi tà kjohitsjeèn ts'e t̄isikjeèn nga tíchja, tà jè xi mejèn-la nga jè jchaxkón; tanga jè x̄ita xi koi kjoa t̄ihótsji nga jè k̄atayaxkón jè xi kisikasén, jè-né xi ngui 'én kixi tsjá, mìtsà 'én ndiso chja.

¹⁹ Jñò, ça mìtsà kixi kjoa nga kitjoé-nò kjotixoma-la Nainá xi jè Moisés kiskii? Tanga jñò, nijngoó xi ma-la s̄ikitasòn. ÇMé-ne mejèn-nò nga s̄ik'en-ná?

²⁰ Jñà x̄ita kitsò:

— Neí-la t̄ijjìn inima-lè! ÇYá-né xi mejèn-la s̄ik'en-lè?

²¹ Jesús kiichja kitsò-la:

— Jñò, maxxón-nò jngoó kjoa xi kis'iaàn jè nachrjein nikjáya.

²² Kixi kjoa, jè Moisés kitsjaà-nò kjotixoma xi kjoa ts'e circuncisión. (Tanga kjotixoma jè, mìtsà ts'e Moisés; it'aà ts'eé x̄ita jchinga kjiin-nò inchrobá-ne.) Tanga jñò, nas'ín nachrjein nikjáya bit'aà chibaà-la x̄ita x'ín kjoa ts'e circuncisión.

²³ Jñò, nga bit'aà chiba-la jñà x̄ita kjoa ts'e circuncisión jè nachrjein nikjáya nga majìn-nò nijchaanguio kjotixoma xi kitsjaà-nò Moisés, çmé-ne majti-nò nga 'an jngoó k'a ndaà sindaa-na x̄ita jè nachrjein nikjáya?

²⁴ Kì k'oagá s'ín jchósòn-la koni s'ín tsejèn-nò. K'oagá s'ín jchósòn-la koni s'ín tjín xi ngui kjoa kixi.

Kós'ín bénojmi Jesús ñánda j'ii-ne

²⁵ Tjín i'nga x̄ita xi Jerusalén ts'e xi kitsò:

— ÇA mìtsà jè x̄ita jè xi ótsji jñà x̄ita judío nga mejèn-la s̄ik'en?

²⁶ Chítsejèn-la, tíchjajjìn osen-la jñà x̄ita naxandá, niyá xi kó tsò-la. ÇA jyeé kòkjeíin-la jñà x̄itaxá nga kixi kjoa nga jè xi Cristo [xi xó Nainá kisikasén-ne]?

²⁷ Tanga jñà, 'ya-ná ñánda j'ii-ne x̄ita jè, k'e nga kjoíi Cristo niyá xi skoé ñánda kjoíi-ne.

²⁸ Jesús nga t̄ihokóya ya nd̄itsin ingo ítjòn, kiin'chré koni s'ín kitsò jñà x̄ita. K'eé 'ño kiichja kitsò:

— Jñò, yaxkoon-ná; t̄ijjìn-nò ñánda j'i-na. Tanga mìtsà tà kjotsja ts'an nga j'iaa. Jè xi kisikasén-na, jè-né xi ngui kixi kjoa nga Nainá. Jñò, mikii yaxkon.

²⁹ Tanga 'an, bexkon-ná. It'aà ts'eé inchrobá-na nga jè sobá kisikasén-na.

³⁰ Tjje-ne hora jñà x̄ita mejèn-la nga tsoab'ño Jesús tanga nijngoó xi kitsò ikon nga kitsobá'ño, koi-né nga k'jeé ki bijchó nachrjein-la nga kijá.

³¹ 'Ñó kjìn x̄ita kòkjeíin-la koni kitsò Jesús. Kitsò-la x̄ikjín:

— K'e nga kjoíi Cristo, ça isa kjjìn kjoaxkón ndaà xi s'jin, koni jè x̄ita jè? Kixi-là kjoa, jè-la xi Cristo.

Kò kitsò Jesús k'e nga jñà x̄ita fariseo mejèn-la kitsobá'ño

³² Jñà x̄ita fariseo kiin'chré koni s'ín nchijoó jñà x̄ita it'aà ts'e Jesús. X̄ita sko-la no'mii ko x̄ita fariseo kisikasén x̄ita xi sikinda ingo nga mejèn-la tsoab'ño Jesús.

³³ Jesús kitsò-la:

— An, tà chibaà nachrjein kótijnako-nò, ikjoàn kjjìn jngoó k'a-na ñánda tjina xi kisikasén-na.

³⁴ Jñò, k̄inchátsji-ná tanga mikii sakò-nò nga mikii koma konguió ya ñánda kótijna.

³⁵ Jñà x̄ita judío, tsibits'ia nga kiskõnangui-la x̄ikjín kitsò:

— X̄ita jè, çñánda kjoí? ÇMé-ne nga mikii koma sakò-ná? ÇA yaá kjjiko x̄ita judío xinguiáa xi xìn j'nde t̄itsajna nga jñà xi taxkì x̄ita kokóya-la?

³⁶ ÇKó tsóya-ne 'én xi bénojmi nga tsò: "Jñò, k̄inchátsji-ná tanga mikii sakò-nò nga mikii koma konguió ya ñánda kótijna"?

Jngoó xajngá nandá xi t̄ijnakon

³⁷ Jè nachrjein xi fehet'aà-ne s'eí, Jesús tsasijna kixi, 'ño kiichja, kitsò:

— Tsà yá xi x̄indá-la k̄atjanchrobákon-na, k̄at'ii nandá.

³⁸ Koni s'in tichja Xojon-la Nainá nga tsò: Jè xi mokjeiin-la it'aà ts'an sijnajiin inima-la koni jngoò xajngá nandá xi mikii xiya xi síkijnakon xita.

³⁹ K'e nga okitsò Jesús, it'aà ts'eé Inima Tsjeè-la Nainá kiichja nga iskan tjoé-la jña xita xi kokjeiin-la it'aà ts'e. Nachrjein jè, Inima Tsjeè-la Nainá k'èè kii bitjojen nga k'èè kii fi-ne ngajmii Jesús nga jcha-la kjoajeya-la.

Mé-ne kjòjòya-ne jña xita it'aà ts'e Jesús

⁴⁰ Jña xita, k'e nga kii'nchré 'én koi, tjin i'nga xi kitsò:

—Kixii kjoa xita jè, jè-né xi tjinè-la nga kjoii nga kichja ngajo-la Nainá.

⁴¹ Jña xita xi i'nga kitsò:

—Jè-né xi Cristo [xi xó kisikasén-ne Nainá].

Tikoáá tjin i'nga xi kitsò:

—Majin-la nga jè Cristo, mitsà nangui Galilea kjoii-ne.

⁴² Xojon-la Nainá k'oaá s'in tichja nga jè Cristo, yaá kjinchrobát'aà-ne tje-la David, ya naxandá Belén, j'nde-la David.

⁴³ K'oaá s'in komà-ne nga kjòjòya jña xita xi kjoa ts'e Jesús.

⁴⁴ Tjin i'nga xita xi mejèn-la kitsobà'nó nga kjiiko ndayá, tanga nijngoò xi kitsò ikon nga kitsobà'nó.

Kjoa xi tsohótiya-ne xita itjòn-la no'mii

⁴⁵ Jña xita xi síkinda jngo, inchrobà-ne ñánda títsajna xita fariseo ko xita sko-la no'mii, kitjánangui-la, ki'mi-la:

—¿Mé-ne mikii kanchrobáko-nò?

⁴⁶ Jña xita xi síkinda jngo kitsò:

—Ni saá jngoò xita xi k'oas'in chja koni s'in chja xita jè.

⁴⁷ Jña xita fariseo, kitsò:

—Jño, ¿a tikoáá kachonacháan-nò?

⁴⁸ ¿A k'oaá tis'in mokjeiin-la xitaxá itjòn tsaján ko xita xinguiáá fariseo?

⁴⁹ Tanga jña xita xi tichonachan-la nga mikii tjin-la kjotixoma-la Moisés, tjinè-la nga kjo'in s'e-la.

⁵⁰ Nicodemo, jè xi xita fariseo, xi jño j'ikon jngoò k'a Jesús, kitsò-la:

⁵¹ —Kjotixoma tsaján, mikii tsjá'nde nga kjo'in k'oj-la xita, k'e nga tik'èè kii ndaá 'ya-la mé kjoa xi tjin-la.

⁵² Jña xita fariseo, kitsò-la Nicodemo:

—¿A tikoáá yaá nangui-lè Galilea? Chíta'yi Xojon-la Nainá mé-ne nga jcha-ne ni sà jngoò xita xi chja ngajo-la Nainá f'ii-ne Galilea.

Chjoón xi kjoa chijngui kis'in

⁵³ Tà k'oas'in kitsòjòya-ne xita, xki xi ján kii-ne ni'ya-la nga jngoò ijngoò.

8

¹ Tanga Jesús, ján kii ya nindoó Yá Olivo.

² Nga komà nchijòn tajñòyaá j'ii-ne ya jngo itjòn. Ngats'ii xita j'ii tjinui-la Jesús ñánda tjina. K'èé tsibijna nga tsakóya-la jña xita.

³ Jña xita xi okóya kjotixoma-la Nainá xi kiskii Moisés ko xita fariseo ijchòko jngoò chjoón xi ki'yat'in-la nga kjoa chijngui tis'in. Tsasijna osen ñánda títsajna ngats'ii xita;

⁴ Jña xita koi kitsò-la Jesús:

—Maestro, chjoón jè, ndaá kà'yat'in-la nga kjoa chijngui tis'in.

⁵ Jè kjotixoma-la Moisés, k'oaá s'in tichja nga jña íchjin xi k'oa tjin kjoa xi ótsji ndajóó kiyá-ne. Ngaji, ¿kó si?

⁶ Jña xita koi, koi k'oas'in kitsò-la Jesús nga mejèn-la skót'aà, mé-ne koma kohòngui-ne it'aà ts'e xitaxá. Tanga Jesús, tsasiñiat'aà nangui nga kiskijno-ne ko jnótsja it'aà nangui.

⁷ Xita koi nga sii nchis'in nga kjònangui, Jesús tsasijna kixi kitsò-la:

—Jño, tsà tjin i'nga xita xinguió xi tsjin-la jè, jè kátné itjòn ndajóó chjoón jè.

⁸ Jesús ijngoò k'a tsasiñia nga kiskijno isa it'aà nangui.

⁹ Jña xita koi, k'e nga kii'nchré koni s'in kitsò Jesús, tà ijngó ijngó kii-ne, nga kijtseè nga mikii ndaá tjin kjòhítsjeèn xi kiichja, tsibíts'ia-ne xi xita jchínga, íkjoàn kii-ne ixti. Tà jè tajngoò Jesús ko chjoón tsibitsajna.

¹⁰ Jesús tsasijna kixi-ne, kijtseè nga mi tí yá xita tjin-ne. Tà jè tajngoò chjoón síjna. K'èé kitsò-la:

—¿Ñánda títsajna xita xi óngui-lè? ¿A nijngoò xi kohóné-lè kjo'in?

¹¹ Jè chjoón kitsò:

—Ná'èn, nijá-jèn.

Jesús kitsò-la:

—Tikoá 'an, mikil kìnè-lè kjo'in. T'in-ne ni'ya-lè; ki tì jé binchaàtsji-ne.

Ni'in xi tsjá kjoabinachon xi síhiseèn-la xita isò'nde

¹² Jesús, i'ngòò k'a kùchjajün-la jñà xita, kitsò-la:

—'An-ná ni'in xi síhiseèn-la isò'nde. Jè xi 'an fit'aà-na s'èé-la ni'in xi tsjá kjoabinachon. Mi tì kùl yá kojmejün-ne kjoajñò.

¹³ Jñà xita fariseo kitsò:

—Ti jí tì'bù-ne 'én it'aà tsjii. 'Én xi nokjoi, nímé chjí-la.

¹⁴ Jesús kùchja kitsò-la:

—'Én xi chjá, chjí-la-né, nas'in t'an tsjaà-na 'én xi it'aà ts'an. Nga be-ná ñánda j'i-na ko ñánda tífia. Tanga jñò mikil 'yaá ñánda j'i-na ko ñánda tífia.

¹⁵ Jñò, tà kjo'hítsjeèn ts'e xitaá níkjeén k'e nga jé binè-ná. Tanga 'an nijngòò xita binè-la jé.

¹⁶ Tanga 'an, tsá yá xita xi konè-la jé, kjoakixí xi s'iaàn. Nga mìtsà tajngòò bindaàjiaàn, koó Na'èn-na xi kisikasén-na bindaàjün-ko-na.

¹⁷ Kjo'tixoma tsajòn k'oas'in tíchja nga tsò: K'e nga tsà jò ma-ne xita xi tsjá 'én, tsà ngásòn tsò ingajò, kixí kjoa, chjí-la né.

¹⁸ Tí'aán-na xi tsjaà 'én it'aà ts'an. Ko tikoá jé Na'èn-na xi kisikasén-na tsjá 'én it'aà ts'an.

¹⁹ Jñà xita fariseo, kiskònangui-la kitsò-la:

—¿Nánda tífia Na'èn-lè?

Kùchja Jesús, kitsò-la:

—Jñò, 'an, mikil yaxkon-ná, ni jè Na'èn-na mikil yaxkon. 'An, tsá yaxkon-ná tikoá jchaxkon-nò Na'èn-na.

²⁰ K'e nga tsakóya jñà 'én koi Jesús, yaá tífia yá ingo itjòn yá chrañàt'aà-la i'nde ñánda maxkón ton kjo'tjò. Nijngòò xita xi kitsò ikon nga kitsobà'ño Jesús nga k'èé kù bijchó nàchrjein-la nga kiyá.

Mé-ne jñà xita mikil koma kjo-i-ne ya ñánda tifi Jesús

²¹ Jesús i'ngòò k'a kitsò-la:

—'An, tífia-ná. Jñò, kìnchátsji-ná. Tanga jñò yaá kiyájñòò jé-nò. Yá ñánda 'an tífia, jñò mikil koma konguíó.

²² Jñà xita judío kitsò-la xíkjin:

—¿A tije sík'en-ne yijo-la? ¿Mé-ne k'oá tsò-ne, nga tsò: Yá ñánda 'an tífia, jñò mikil koma konguíó?

²³ Jesús kitsò-la:

—Jñò, íí it'aà nangui tsajòn, tanga 'an ján ngajmii ts'an. Jñò, íí i'nde-nò isò'nde, 'an, mìtsà isò'nde i'nde-na.

²⁴ Koí k'oas'in kixan-nò nga ya kiyájñòò jé-nò nga mikil mokjeiin-nò nga 'an-ná (xi Cristo). Koí kjoa-la nga kiyájñòò jé-nò.

²⁵ Xita judío, kiskònangui-la, kitsò-la:

—¿Yá-ne ngaji?

Jesús kùchja, kitsò-la:

—Jyeé okixan-nò nga sa itjòn yá-ná 'an.

²⁶ It'aà tsajòn, kjin kjoa tjin isa xi 'an kènojímí-nò, ko xi 'an kàndaajün-ko-nò. Jè xi kisikasén-na ngui 'én kixí xi chjá. Koni s'in ki'nchrè-la, k'oá tjin 'én xi 'an chjàjün-la jñà xita isò'nde.

²⁷ Tanga jñà xita judío mikil kjo'chiya-la tsá it'aà ts'e Na'èn-ná xi Nainá tíchja Jesús.

²⁸ Jesús kitsò-la:

—Jñò, k'e nga chjímii'nga-ná 'an xi K'ndí-la Xita xan-la yijo-na, k'eé kochiya-nò nga 'an-ná [xi Cristol]. Nímé kjoa xi s'iaàn xi tà kjo'hítsjeèn ts'an. K'oas'in chjá koni s'in tsakóya-na xi Na'èn ma.

²⁹ Jè xi kisikasén-na jí tijnako-na. Mikil síkijna tajngòò-na Na'èn-na. Koí kjoa-la nga kjit'aà nàchrjein sikitasoàn koni s'in sasén-la jé.

³⁰ Jesús, k'e nga kùchja 'én koi, kjin jchán xita kòkjeiin-la it'aà ts'e.

Jè kjoa kixi síkítsajnadeji-ná xi kjoa ts'e jé-ná

³¹ Jesús kitsò-la jñà xita judío xi kòkjeiin-la it'aà ts'e:

—Tsá kixi síkítasòn 'én-na xi okoóya-nò, jñò-nò xi ngui kixi kjoa nga 'an kota'yàt'aà-na.

³² Jchaxkoòn xi kjoa kixi, koa jé kjoa kixi síkítsajnadeji-nò.

³³ Kùchja xita judío, kitsò:

—Ngajen, xita tje-la Abraham-nájen. Ni saá jngòò xita xi k'ejí síkítsajna'ño-najen. Ngaji, ¿mé-ne k'oá si-ne nga kítsajnadeji-najen?

³⁴ Jesús kitsò-la:

—Ngui kjoa kixi xi xan-nò, ngats'ii xita xi jé ótsji, yaá títajna'nó it'aà ts'e jé-la, k'oaá ngaya-la koni jngoò xita chi'nda xi tjna'nó-la nei-la.

³⁵ Jngoò xita xi chi'nda tjna, mikii tji'nde-la nga ya kjna kjit'aà ya ni'ya ñanda síxá. Tanga jngoò xi ki'ndí ma, tji'ndeé-la nga kjit'aà nachrjein ya kjna ya ni'ya-la na'èn-la.

³⁶ K'oaá ma-ne, tsá jé Kí'ndí-la Nainá sijkjñandei-nò, ngui kixi kjoa nga jñò, kítajñandei-nò.

³⁷ An, be-ná nga tje-la Abraham-nò; tanga jñò mejèn-nò nga sik'en-ná, koi-né nga mikii mokjeiin-nò 'én-na xi chjà.

³⁸ An, k'oaá s'in chjà koni s'in tjin xi kijtseé k'e nga tisa tijnakoaa Na'èn-na. Jñò, k'oaá tís'in 'nè koni s'in kina'yà-là na'èn-nò.

Yá-né xi na'èn-la ma xita xi chjako Jesús

³⁹ Jñá xita judío kitsò:

—Jè tje-najen, yaá inchrobà'taà-ne ts'e Abraham. Jè na'èn-jchá kjiin-najen.

Jesús kiichja kitsò-la:

—Tsá kixi kjoa nga ixti-la Abraham 'mì-nò, k'oaá s'in s'een koni s'in kis'iin Abraham.

⁴⁰ An, nas'in jye k'oas'in tsibenojmi kixi-nò, nga Nainá kitsjaà-na 'én xi chjà, jñò mejèn-nò nga sik'en-ná. Abraham mì k'oaá kis'iin.

⁴¹ Jñò, k'oas'in 'nè koni s'in na'èn-nò.

Jñá xita judío kitsò:

—Ngajen, mìtsá kjoa chijngui kits'iin-jiiin-jen. Tajngoò jè Na'èn-najen, jè Nainá.

⁴² Jesús kiichja, kitsò-la:

—Tsá kixi kjoa nga jè na'èn-nò Nainá, 'an tjòchaá-la s'én-ná nga it'aà ts'e Nainá inchrobà-na; mìtsá tà kjotsja ts'an nga j'iaa; Nainá kisikasén-na.

⁴³ Mé-ne mikii machiya-nò 'én-na xi chjako-nò? Koi-né nga mikii ma-nò na'yañijon.

⁴⁴ Na'èn-nò, jè xita neji, jè nokjoa-nò. K'oaá s'in 'nè koni s'in mejèn-la na'èn-nò. Jè xi ma-la sik'en xita kóni nga tisa tàts'en-la kjoa. Mìtsá kjoa kixi s'in nga tsjin-la kjoa kixi. K'e nga chja 'én ndiso, k'oaá tsò koni s'in tjin inima-la nga ngui xita ndiso-né. Jè na'èn-la ts'e 'én ndiso.

⁴⁵ Tanga 'an, 'én kixi benojmi-nò; koi kjoa-la jñò, mikii mokjeiin-nò.

⁴⁶ ¿Yá xita xinguiò xi koma-la kòkò mé jé xi tjin-na? K'e nga chjako-nò, ngui 'én kixi chjà, kò mé-ne mikii mokjeiin-nò?

⁴⁷ Jè xi xita-la Nainá, 'én-la Nainá 'nchré. Tanga jñò, nga mikii na'yà, koi-né nga mìtsá xita-la Nainá 'mì-nò.

Jñá kjoa xi tsohótiya-ne Jesús kò xita judío

⁴⁸ Jñá xita judío kiichja, kitsò-la Jesús:

—Ngajen, koi kjoa-la k'oas'in 'mì-lèjen: ji, xita Samaria-né, inima ch'o-la neji tjiin inima-lè.

⁴⁹ Kiichja Jesús kitsò-la:

—'An, mìtsá inima ch'o-la neji tjiin inima-na. Jè kjoa xi tis'iaàn, jè-né nga beškoan Na'èn-na. Tanga jñò mikii yaxkón-ná. Tà saá nachrjengui-ná.

⁵⁰ Mìtsá jè kjoa tihotsja nga jeya sijkjna yijo-na. Tjna jngoò xi tikosòn-la, jè-né xi jeya sijkjna-na.

⁵¹ Ngui 'én kixi xi chjako-nò, jè xi sikitasòn 'én-na koni s'in xan-nò, mikii kiyá nta kjé-ne.

⁵² Xita judío kiichja, kitsò:

—I'ndeji jyeé 'ya-jen nga inima ch'o-la neji tjiin inima-lè. Abraham kò ngats'ii xita xi kiichja ngajo-la Nainá kjòtseé, k'en-né. Tanga ji si-né: "Jè xi sikitasòn 'én-na koni s'in xan-nò, mikii kiyá."

⁵³ Ngaji, ¿a isa tjna itjoin a mì k'oa-ne koni jè Na'èn-najen Abraham? K'en-né. Kò ngats'ii xita xi kiichjaya ngajo-la Nainá tikoáá k'en-né. ¿Yá-ne ji nga tiji tinachrjeé jeya-ne yijo-lè?

⁵⁴ Kiichja Jesús kitsò-la:

—Tsá tjan jeya sijkjna-na yijo-na, nímé chji-la. Jè xi jeya sijkjna-na, jè Na'èn-na xi Nainá 'mì-la.

⁵⁵ Jñò mikii yaxkon Nainá, tanga 'an beškoan-ná. Tsá xán-nò mikii beškoan, xita ndiso koma koni jñò nga xita ndiso-nò. 'An, beškoan-ná kò sikitasòn-ná 'én-la.

⁵⁶ Xita jchínga-nò Abraham, tsjaá komà-la nga mejèn-la skoexkon nachrjein-na nga j'iaa. K'e nga kijtseé nachrjein-na isa 'nó ndaa kjòtsja-la.

⁵⁷ Jñá xita judío kitsò-la:

—Skanda kj'eé tjin-lè icháte nó. ¿Kós'in komà-ne nga kiyaxkoin Abraham?

⁵⁸ Jesús kiichja kitsò-la:

—Ngui kixi kjoa xi xan-nò, 'An-ná xi isa kjòtseé tjna koni jè Abraham.

⁵⁹ Jñá xita judío, kiskoé ndajo nga mejèn-la kòsèn-la Jesús. Tanga Jesús tsibijna'ma, itjo-ne nditsin ingo, jahajin osen-la xita, ikjoàn kiil.

9

K'e nga jè Jesús kisindaà jngoò-ne x̄ita xi mikii tsejèn-la

¹ Jesús k'e nga tifi ya ndiyá, kijtsee jngoò x̄ita xi mikii tsejèn-la xi xó k'oas'in kits'iin-ne.

² X̄ita xi kota'yàt'aà-la Jesús kiskònangui-la kitsò-la:

—Maestro, x̄ita jè, ¿mé-ne k'oas'in kits'iin-ne? ¿Yá xi tsohótsji jé? ¿A jñà x̄ita jchínga-la, o xi jè x̄ita xi mikii tsejèn-la?

³ Kùichja Jesús kitsò-la:

—Mitsà jè x̄ita xi mikii tsejèn-la tjín-la jé, ni mitsà jñà x̄ita jchínga-la tsohótsji jé. Koií-né nga it'aà ts'e x̄ita koi jcha-la kjoxkón-ndaà-la Nainá.

⁴ Mochjeén-né nga siikitasoàn kjoxkón-ndaà-la jè xi kisikasén-na nga nachrjein isa. Kijchò nachrjein k'e nga kojñò; ni tì jngoò-ne xi koma s̄ixá.

⁵ K'e tákó i' tijnáa isa isò'nde, 'an-ná ni'in xi sihiseèn-la x̄ita isò'nde.

⁶ K'e nga jye okitsò, tsibíchrá it'aà nangui. Jè ndánachrá-la tsibíndaà-ne ndási, i'kjoàn kiskaajno xkòn jè x̄ita xi mikii tsejèn-la.

⁷ I'kjoàn kitsò-la:

—T'in, kaníkjoín ya chrjó nandá Siloé (jè 'én xi tsòya-ne, jè xi kinikasén).

Jè x̄ita xi mikii tsejèn-la kii kaníkjoàn, k'e nga inchrobà-ne jye tsejèn-la.

⁸ Jñà x̄ita indii ni'ya-la jè x̄ita xi mikii tsejèn-la, kò jñà x̄ita xi jye kjótsee beèxkon nga ton síjé kjotjò, kitsò-la xíkjin:

—¿A mitsà jè x̄ita jè xi b̄jna nga síjé kjotjò ton?

⁹ Tjín i'nga x̄ita xi tsò:

—Jè-né.

Koa jñà x̄ita xi i'nga kitsò:

—Kjomeè k'oáa kji, tanga mitsà jè.

K'eé kùichja x̄ita xi mikii tsejèn-la nga sa ítjòn, kitsò:

—'An-ná.

¹⁰ Jñà x̄ita kiskònangui-la kitsò-la:

—¿Kós'in komà nga kitáx'a-ne xkoiin?

¹¹ X̄ita jè kitsò:

—Jè x̄ita xi 'mì Jesús, kisindaà ndási, kiskaajno xkoaàn, i'kjoàn kitsò-na: “T'in, kaníkjoín ya chrjó nandá Siloé.” 'An, kiaà, k'e nga jye tsaníkjoàn, komà kotsejèn-na.

¹² Jñà x̄ita koi kiskònangui-la kitsò-la:

—X̄ita jè, ¿ñánda tjina?

Jè x̄ita xi jye kjòndaà-ne, kitsò:

—Mikii be ñánda tjina.

K'e nga jñà x̄ita fariseo kisijtsò jè x̄ita xi mikii tsejèn-la xi jye kjòndaà-ne

¹³ Jè x̄ita xi mikii tsejèn-la nga jye kjòndaà-ne kii kò ñánda titsajna x̄ita fariseo,

¹⁴ koií kjoa-la nga nachrjein níkjáya-né k'e nga tsibíndaà ndási Jesús nga kiskaajno xkòn jè x̄ita xi mikii tsejèn-la mé-ne koma kitáx'a-ne xkòn.

¹⁵ Jñà x̄ita fariseo jngoò k'a kiskònangui-la jè x̄ita xi mikii tsejèn-la xi jye kjòndaà-ne, kitsò-la:

—¿Kós'in komà nga kitáx'a-ne xkoiin?

X̄ita jè kitsò:

—Ndási kiskaajno xkoaàn; i'kjoàn tsaníkjoàn; i'ndeí jyeé tsejèn-na.

¹⁶ Tjín i'nga x̄ita fariseo xi kitsò:

—X̄ita jè, mì-la tsà Nainá kisikasén nga mikii beèxkón nachrjein níkjáya.

Tjkoá tjín i'nga xi kitsò:

—¿Kós'in ma-ne nga ma-la s'in kjoxkón xi ndaà tjín tsà x̄ita jé-né?

I'kjoàn kjòjòya xi tjíñà-ne x̄ita fariseo; mikii kjòngásòn kjòhítsjeèn-la.

¹⁷ Jngoò k'a kitjànangui-la jè x̄ita xi mikii tsejèn-la xi jye kjòndaà-ne, kitsò-la:

—Ngaji, ¿kó si, yá x̄ita-ne xi kiskíx'a-ne xkoiin?

X̄ita jè kitsò:

—Jngoò x̄ita xi chja ngajo-la Nainá.

¹⁸ Tanga jñà x̄ita judío, mikii kòkjeín-la tsà kixí kjoa nga jè x̄ita xi mikii tsejèn-la nga k'oas'in kits'iin koa i'ndeí jyeé tsejèn-la. K'eé kùichja-la jñà x̄ita jchínga-la,

¹⁹ kiskònangui-la kitsò-la:

—Jè x̄ita jè, ¿a kí'ndí-nò ma? ¿A kixí kjoa nga mikii tsejèn-la k'e nga sa kits'iin? ¿Kó ma-ne nga tsejèn-la i'ndeí?

²⁰ Jñà x̄ita jchínga-la kitsò:

—Ya-nájen nga kí'ndí-nájen ma. Kixí kjoa nga mikii tsejèn-la k'e nga sa kits'iin.

²¹ Tanga mikii 'ya-jen mé-ne nga ma tsejèn-là i'ndeji, tikoáá mikii 'ya-jen yá-né xi kiskix'a-ne xkon. Jè sobà chjinangui-là, jè kàtènojmi-nò, nga jyeé xita jchinga.

²² Jñà xita jchinga-là koií k'oas'in kitsò-ne nga jñà tsakjón-là xita judío. Jñà xita judío jyeé k'oas'in tsajoóya-ne nga jngoò k'aá kítjokajün ya ni'ya jngo sinagoga, tsà yá xita xi kitsò nga jè Jesús jè xi Cristo [xi xó kisikasén-ne Nainá].

²³ Koií k'oas'tis'in kitsò-ne jñà xita jchinga-là, nga kitsò: "Jè sobà chjinangui-là, nga jyeé xita jchinga-né."

²⁴ Jñà xita judío jngoò k'a kiichja-là jè xita xi mikii tsejèn-là, kitsò-là:

—Tènojmi kixi-nájen nga nguixkon Nainá. Ngajen 'ya-nájen nga jè xita jè, xita jé-né.

²⁵ Jè xita xi mikii tsejèn-là xi jye kjòndaà-ne kiichja, kitsò:

—'An, mikii be tsà xita jé-né. Tà jè xi be, k'e nga sa kits'ian mikii tsejèn-na, tanga i'ndeji jyeé tsejèn-na.

²⁶ Jngoò k'a kitsò-là:

—¿Mé xi kisikò-lè? ¿Kó s'in kisikò-lè nga kitáx'a-ne xkoìn?

²⁷ Jè xita xi mikii tsejèn-là kitsò:

—Jyeé koa kàxan-nò, tanga jñò mikii na'yà. ¿Mé-ne mejèn-nò nga jngoò k'a k'oá xán-nò? ¿A tikoáá mejèn-nò nga xita-là koma nga ya chita'yat'aà-là?

²⁸ Jñà xita judío k'e nga k'oá ki' mì-là, kòjti-là, kiichjajno-là jè xita xi mikii tsejèn-là, kitsò-là:

—Ji-né xita xi ya chita'yat'aà-là. Tanga ngajen yaá chita'yat'aà-lajen Moisés.

²⁹ Ya-nájen nga jè sobà Nainá kiichjako Moisés. Tanga jè xita jè mikii 'ya-jen ñánda j'i-ne.

³⁰ Jè xita xi mikii tsejèn-là kitsò:

—Kjoa jè, tà maxkón-ná nga jñò, mikii 'ya ñánda j'i-ne xita jè, tanga 'an be-ná nga jè kiskix'a-ne xkoaàn.

³¹ Yaà-ná jñà xita xi tjín-là jé, mikii 'nchré-là Nainá. Tanga jñà xita xi tsakjón-keè Nainá tikoá sikitasón koni s'in mejèn-là, jñà-né xi 'nchré-là.

³² Kóni nga tisa kjòtséé, ní saá jngoò xita na'yà-là xi ma-là kix'a-ne xkon jngoò xita xi mikii tsejèn-là k'e nga k'oas'in kits'ün.

³³ Xita jè, tsà mìtsà Nainá kisikasén, nímé xi koma-là nga k'oas'in s'jin.

³⁴ Jñà xita judío kitsò-là jè xita xi mikii tsejèn-là:

—Ngaji xi taxki 'ñó tse jé tjín-lè, ¿a jji mejèn-lè kokóya-najen?

Ikjoàn tsachrje ni'ya jngo sinagoga.

Xita xi mikii tsejèn-là kjoa ts'e inima-là

³⁵ Jesús kii'nchré nga jè xita jè kinachrjekajün ya ni'ya jngo sinagoga. K'e nga kisatiükjó jngoò k'a, kiskònangui-là kitsò-là:

—Ji, ¿a mokjeiín-lè it'aà ts'e xi Ki'ndí-là Xita tsò-là yijo-là?

³⁶ Xita jè kitsò:

—Na'èn, koatùn-ná yá-né, mé-ne nga kokjeiín-na it'aà ts'e.

³⁷ Jesús kitsò-là:

—Jyeé ki'yi, 'an-ná xi tìchjako-lè.

³⁸ Xita jè tsasijna xkó'nchit'aà-là Jesús nga kijtseèkkón, kitsò-là:

—Na'èn mokjeiín-na it'aà tsiji.

³⁹ Ikjoàn kitsò Jesús:

—'An, koií xá j'i-na j'isò'nde; nga 'an skosòn-là mé-ne jñà xita xi mikii tsejèn-là kotsejèn jngoò k'a-là, koa jñà xi tsejèn-là mikii kotsejèn-là.

⁴⁰ Tjín 'nnga xita fariseo xi ya títajnakò Jesús, k'e nga kii'nchré 'én koi, kiskònangui-là kitsò-là:

—Ngajen, ¿a tikoáá mikii tsejèn-najen?

⁴¹ Jesús kiichja kitsò-là:

—Jñò, tsà mikii tsejèn-nò, tsjin-nò jé. Tanga bixón-nò: "Tsejèn-najen", k'oá ma-ne nga ya tjínè-nò jé-nò.

10

Paxtò kò ndí orrè-là

¹ Ngui kjoa kixí xi xan-nò, jè xita xi mìtsà ya fahas'en-ne xotjoa-là ínchibá-là orrè, xi xin fahas'en-kjá-ne, xita chijé-né, jè xita xi fikò chijé cho.

² Tanga jè xi ya fahas'en-ne xotjoa-là ínchibá, jè-né xi paxtò, xi sikindá orrè.

³ Jè xi sikindá xotjoa-là ínchibá, jè kix'a-là. Jè xi paxtò, chja 'ín-là nga jngoò jngoò orrè, kò jñà orrè 'nchréjta-là nei-là. Ikjoàn ochrje ínchibá-là.

⁴ K'e nga jye bitjo yije ínchibá-là jñà orrè, jè paxtò fikò nga 'nchréjtaá-là nga jè nei-là.

⁵ Tanga jngoò xita xi k'ejí, mikii kjtjngui-là nga mikii beèxkon. Tà saá ta kongaá-là nga mikii 'nchré jta-là xita xi k'ejí.

⁶ Jesús k'oaá tsò kjoa xi mangásòn xi tsibénojmi-là. Tanga jñà xità koi mìkil kjòchija-là kó tsòya-ne.

Mé xi s'in jè paxtò xi ndaà s'ikindà orrè

⁷ Jesús, ìjngòò k'a kitsò-là:

—Xi ngui okixi k'oaá xán-nò. 'An-ná xotjoa-là ìnchibá ñánda fahas'en-ne jñà orrè.

⁸ Ngats'ì jñà xi j'ì ìtjòn-na, sà xità chijé-né, jñà xi fikò chijé ço. Jñà orrè mìkii kii'nchréñijon-là.

⁹ 'An-ná xi xotjoa; jè xi ìt'aa ts'an kjoahas'en, k'ijokàjín kjo'in kjoa ts'e jè-là. K'oas'in ngaya-là koni s'in orrè nga fahas'en ìnchibá-là kò bitjo kò sakò-là ìjñà xi kjèn.

¹⁰ Jè xità chijé tà f'ì ì sichijé-né, f'ì ì s'ik'en-né, f'ì ì s'ik'ehesòn-ne. Tanga 'an, koií xá j'i-na nga kátas'e-nò kjoabinachon nità kjé-ne, nga nímé chijat'aa-nò nga ngui ndaà kátas'e-nò.

¹¹ 'An-ná xi paxtò xi ndaà k'òndà orrè. Jè paxtò xi ndaà k'òndà orrè, jè xi t'ijngòò ikon nga kiyátjì jñà orrè.

¹² Jè xità xi tà ch'i'nda t'ijna nga k'òndà orrè, k'e nga beè nga nchrobá chraña tsején, sikitsajna jñà orrè, ìkjoan onga. Koií k'oas'in-ne nga mìtsà jè paxtò xi k'òndà, t'ikoa mìtsà jè nei-là orrè. Ìkjoan matsja-là jè tsején nga tsobá'ño jñà orrè, xkì xi ján sítsjòya jñà orrè xi i'nga.

¹³ Jè xità xi ch'i'nda t'ijna tà onga-né; koií k'oas'in-ne nga nímé kindà-là. Tà jè s'ikindà chjì-là mìtsà jñà orrè s'ikinda.

¹⁴⁻¹⁵ "An-ná paxtò xi ndaà k'òndà orrè; koni s'in beèkxon-na Na'èn-na, t'ikoa 'an beèkxon Na'èn-na, k'oaá t'is'in beèkxon-ná orrè-na kó kjoan, kò jñà orrè beèkxon-na nga ts'an. 'An t'ijngòò takoàn nga kiyátjì jñà orrè-na.

¹⁶ T'ikoa t'ijn-isa-na xi k'ejì orrè, jñà xi mìtsà j' t'itsajnyaya ìnchibá jè. T'ikoaá mochjeén-né nga k'ijnchrobàkon-na mé-ne nga k'ij'nchréñijon-na t'ikoa s'ikitasòn-na. Jngòò ìnchibá koma-ne kò jngòò koma paxtò xi skó'nda.

¹⁷ Koií kjoa-là nga matsjakeè-na Na'èn-na nga 'an t'ijngòò takoàn nga kiyá mé-ne k'e nga koma iskan kjoaáya-na.

¹⁸ Niyá xi t'j'nde-là nga s'ik'en-na, 'an kjotsja ts'an-ná nga tsja yijo-na. T'j'nde-na nga tsja, t'ikoa t'j'nde-na nga kjoaáya-na ìt'aa ts'e kjoabiyaá. Jè Na'èn-na k'oaá t'ijn kjotixoma xi kitsjaá-na.

¹⁹ Jñà xità judío k'e nga kii'nchré 'én koi, ìjngòò k'a kjòjòya jñà xità.

²⁰ K'jín ma xità xi kitsò:

—Ìnjmà ço-là nejí t'ijmì ìnjmà-là. Xità ská-né. ¿Mé-ne okji-ne xità xi na'yà-là?

²¹ Jñà xità xi i'nga kitsò:

—'Èn koi mìtsà ts'e xità nejí. ¿A komaá-là jè xità nejí nga skíx'a xkon xità xi mìkii tsejèn-là?

Mé xi komà k'e nga jñà xità judío kis'ijitikeè Jesús

²² K'e nga nachrjein çoñ 'nchán, ján Jerusalén t'ibitjo s'eí nga ijchò ìjngòò nó nga kjòchikon-t'in ìngo.

²³ Jesús ya t'ijna ìngo ìtjòn nga tsòbangui nguitjoa xi 'mì Salomón.

²⁴ Jñà xità judío chinha jngòò ìtjandii-là Jesús, kitsò-là:

—¿Skanda mé nachrjein chiña-lèjen? Jngòò k'a koatín-nájen, ¿a jì-né xi Cristo [xi xó kisikasén-ne Nainá]?

²⁵ Jesús k'ijchja kitsò-là:

—Jyeé k'oa kixan-nò, tanga jñò mìkii mokjeíin-nò. Jñà kjojkón xi ìt'aa ts'e Na'èn-na s'iaàn, jñà sikixiya ndaà kjoa xi ìt'aa ts'an.

²⁶ Tanga jñò, mìkii mokjeíin-nò, koií kjoa-là nga mìtsà ndí orrè ts'an xan-nò.

²⁷ Jñà ndí orrè-na 'nchréjtaá-na; 'an beèkxon-ná, kò f'itjngui-na.

²⁸ 'Aán tsja-là kjoabinachon nità kjé-ne; mìkii chija nità kjé-ne; t'ikoa niyá xi kjoaá'an-na.

²⁹ Jè Na'èn-na xi kisingatsja-na jñà ndí orrè, isà t'ijna ìtjòn nità yá-ne. Nijngòò xi koma-là kjoaá'an-na iya tsja Na'èn-na.

³⁰ 'An kò Na'èn-na tà jngòò ma-najen.

³¹ Jñà xità judío tsibíxkò ndajo nga mejèn-là kosèn-là Jesús.

³² K'ijchja Jesús kitsò-là:

—'Nó k'jín kjojkón xi ndaà t'ijn jye tsakoò-nò xi inchrobá-ne ìt'aa ts'e Na'èn-na. ¿Jñò, ñá-là ngatjì-là kjoa koi, nga ndajo mejèn binè-ná?

³³ Jñà xità judío kitsò:

—Mìtsà koií kjoa-là kjojkón ndaà xi t'ì'nì nga ndajo k'ínè-lèjen. Koií kjoa-là nga Nainá nokjoàjno-là nga Nainá 'mì-là yijo-lè. Jì, tà xità-né.

³⁴ Jesús k'ijchja kitsò-là:

—Jè Xojon-là Nainá xi jñò chità'yá k'oaá s'in t'ichja ñánda nga tsò Nainá: "Jñò, k'oaá kixan-nò, nainá 'mì-nò."

³⁵ Xojon-la Nainá, mì yá xi koma kochrjekàngui. K'oqa s'in tichja nga jè Na'èn-ná, nainá kitsò-la jña xita xi kitjoé-la 'én-la.

³⁶ Tsá k'oas'in ki'mi xita koi, ¿mé-ne bixón-nò nga Nainá chjájno-la k'e nga xan-nò: 'An-ná xi Ki'ndí-la Nainá? Nga jè Nainá kitsjaà-na xá nga kisikasén-na i isò'nde.

³⁷ Ki kii mokjeiin-nò it'aà ts'an, tsá mì k'oqa s'in tís'iaàn koni s'in tís'in Na'èn-na.

³⁸ Tanga tsá k'oqa tjin kjoa xi tís'iaàn nas'in mikii mokjeiin-nò it'aà ts'an, kàtakjeiin-nò it'aà ts'e kjoa xi tís'iaàn, mé-ne nga k'oas'in jcha-nò ko kàtakjeiin-nò nga ta jngoó ma-najen Na'èn-na ko 'an.

³⁹ Jña xita judío mejèn-la nga kitsobà'nó jngoó k'a Jesús. Tanga Jesús itjokàya tsja xita koi, ikjoàn kii.

⁴⁰ K'ée kii jngoó k'a ján xijngoaa xajngá nandá Jordán ya ñanda kis'iin itjòn bautizar xita jè Juan; Jesús yaá tsibijna.

⁴¹ 'Nó kjin xita ijchò tjingui-la Jesús. Xita koi, kitsò:

—Juan, ñimé kjojkón ndaa kis'iin. Tanga ngats'ii 'én xi kitsò jè Juan it'aà ts'e xita jè, ngui kjoa kixj-né.

⁴² Ya i'nde jè, 'nó kjin xita kòkjeiin-la it'aà ts'e Jesús.

11

Kò kitsò Jesús k'e nga kii'nchré nga k'en Lázaro

¹ Tjina xk'én jngoó xita xi 'mì Lázaro xi ya i'nde-la Betania, ya naxandá ts'e María ko ndichja xi 'mì Marta.

² (Jè María xi ndichja ma Lázaro, jè-né xi kisikaajno xkii jne ndsoko Jesús. Ikjoàn ko tsja sko kisixijno-ne ndsoko.)

³ Jña íchjín ndichja Lázaro, kisikasén-la xá Jesús, kitsò-la:

—Na'èn, jè amigo-lè xi ndaa matsjachi kijna xk'én-né.

⁴ K'e nga kii'nchré Jesús, kitsò:

—Ch'in jè, mikii kiyá-ne; k'oqa s'in kochjeén nga jcha-la kjoajeya-la Nainá, mé-ne jè Ki'ndí-la tikoq jeya kijna-ne.

⁵ Jesús 'nó matsjakeè Marta ko ndichja ko Lázaro xi 'ndse ma.

⁶ K'e nga kii'nchré nga kijna xk'én Lázaro, ngui jò nachrjein tsibijna Jesús, ya i'nde ñanda tjina.

⁷ Xi jye komà, ikjoàn kitsò-la xita xi kota'yat'aà-la:

—Jngoó k'a tijkjaán ján nangui Judea.

⁸ Jña xita xi kota'yat'aà-la Jesús kitsò:

—Maestro, k'jè tsá kjin nachrjein tjin-la k'e nga jña xita judío mejèn-la tsibinè-lè ndajo nga sjiik'en-lè. ¿A tijaá mejèn k'oín jngoó k'a ngá-ne?

⁹ Kiichja Jesús kitsò-la:

—Nga jngoó nachrjein, ¿a mìtsà tejò hora tjin-la? Jè xi nachrjein tsóba mikii satíngui nga jè ni'in xi tjin isò'nde síhiseèn-la.

¹⁰ Tanga jè xi tsóba nga nítjen, satíngui-né nga tsjin-la ni'in xi síhiseèn-la.

¹¹ Ikjoàn kitsò-la xita-la:

—Jè amigo-ná Lázaro kjinafé-né, tanga 'an koi xá fi-na nga 'an sikjaá-la.

¹² Xita xi kota'yat'aà-la Jesús kitsò:

—Na'èn, tsá kjinafé-né, kondaá-ne.

¹³ Jesús k'e nga okitsò, jè tichja it'aà ts'e kjoabiyaà-la Lázaro. Tanga jña xita xi kota'yat'aà-la k'oqa s'in kisikitsjeén tsá tà tiskjáya-ne Lázaro nga kjinafé.

¹⁴ K'ée jngoó k'a tsibénojmi kixj-la kitsò-la:

—Lázaro jyeé k'en.

¹⁵ Matsja-na xi it'aà tsajòn nga jè nachrjein nga mì ya titsajnaà, mé-ne jñò kòkjeiin-nò. Nchrobá, tijkjaán chítsejèn-lá.

¹⁶ K'ée kiichja Tomás xi tikoq Dídimò tsò-la ['én xi tsóya-ne Ti'ño]; kitsò-la xikjín:

—Jña tikoq tijkjaán, mé-ne ya kiyákoqá Jesús.

Jesús, jè xi síkjaáya-la xita tikoq tsjá-la kjoabinachon

¹⁷ K'e nga ijchò Jesús, kii'nchré nga jyeé tjin-la ñijòn nachrjein nga kishihjìn Lázaro.

¹⁸ Naxandá Betania chrañat'aà kijna-la naxandá Jerusalén, tjin-la tsá jàn kilómetro.

¹⁹ Kjin xita judío ijchòkon jè Marta ko María nga ijchò síjehikon nga 'ndse k'en.

²⁰ Jè Marta, k'e nga kii'nchré nga Jesús tinchrobá chraña, kíkjaá indiaa. Jè María yaá tsibijnaya ni'ya.

²¹ Jè Marta kitsò-la Jesús:

—Na'èn, tsá i-là tijni, jè 'ndsè mì-la kii k'en.

²² Tanga i'nde jè be-ná nita mé xi sijé-la Nainá, tsjá-lè.

23 Jesús, kitsò-là:
—Jè 'ndsi kjoaáya-là.

24 Marta kitsò:

—Be-ná k'e nga kjoehet'aà nachrjein kíjnakon íjngòò k'a-ne, k'e nga kjoaáya-là ngats'ìi xítà xi jye k'en.

25 Jesús, k'ée kitsò-là:

—An-ná xi síkjaáya-là xítà kò tsjaà-là kjoabinachon. Jè xi mokjeiín-là ít'aà ts'an nas'ín kíyá, kíjnakon íjngòò k'a-ne.

26 Ngats'ìi xítà xi títsajnakon, jñà xi mokjeiín-là ít'aà ts'an, mìtsà íjngòò k'a kíyá. Ngajì, ¿kó sí?, ¿a mokjeiín-lè?

27 Marta kíichja kitsò:

—Jon Na'èn, 'an, mokjeiín-na nga jí-né xi Cristo; jí-né xi Kí'ndí-là Nainá, jè xi k'oas'ín tíjínè-là nga kjoíí íj'sò'nde.

Jesús, mé-ne kiskindàyakeè-ne Lázaro

28 Marta, k'e nga jye okitsò, kíichja'ma-là María xi ndichja ma, kitsò-là:

—Í tíjna Maestro, chja xó-lè.

29 Jè María k'e nga kíi'nchré, nítoón tsasítjen, kíikon Jesús.

30 Jesús, k'j'ée kíi fahas'en-jiin naxandá, tákó yaá síjna ñánda íjchòkjaá indiaa Marta.

31 Jñà xítà judío xi títsajnakò ní'ya-là María nga nchísíjehikon, k'e nga kíjtsee nga tà níton ítjo ní'ya María, kíitjinguí-là. K'oaá s'in kíkítsjeèn tsà ya tífi kíjndáya ñánda kísihíjìin Lázaro.

32 María k'e nga íjchò ñánda síjna Jesús, k'e nga kíjtsee, tsasíjna xkó'nchit'aà-là, kitsò-là:

—Na'èn tsà íí-la tíjni, jè 'ndse mí-la kíi k'en.

33 Jesús k'e nga kíjtsee nga tíkjindáya María tíkjoa nchikjindáya xítà judío xi tíjko, 'oón komà-là ínima-là Jesús, 'ño kjòba-là.

34 Jesús kiskònangui, kitsò:

—¿Ñánda kísihíjìin?

Kitsò jñà xítà:

—Na'èn nchroboí, chítsejèn-là.

35 Jesús kiskindáya-né.

36 Jñà xítà judío kitsò-là xíkjin:

—Chítsejèn-là, 'ño matsjakeè Lázaro.

37 Tjín i'nga xítà xi kitsò:

—Xítà jè komà-là kíkíx'á xkòn xítà xi míkíi tsejèn-là, ¿a mìtsà komà-là tsà míkíi k'en Lázaro?

Kós'ín ma jaáya-là Lázaro

38 Jesús íjngòò k'a 'ño 'on komà-là ínima-là. Kíi kasit'aà chraña-là jè ítsjó-là mík'en. Íjngòò nguíjo ñánda íjngòò ndajò teè tíchjoájto-là.

39 Jesús kitsò:

—Chjaàxiòn jè ndajò.

Jè Marta, ndichja mík'en, kitsò-là Jesús:

—Na'èn, jyeé-la ch'o jñe nga jyeé tíjín-là níjòn nachrjein nga kísihíjìin.

40 Kíichja Jesús kitsò-là:

—¿A mí jyeé k'oa kixan-lè, tsà mokjeiín-lè jcha-ne kjoajeya-là Nainá?

41 K'ée jaàxìn ndajò xi tíchjoájto-là ítsjó-là mík'en, Jesús kiskoótsejèn ngajmíi, kitsò:

—Na'èn, tsjaà-lè kjòndaà, ndaàhà chjí-lè nga na'ya-ná.

42 'An be-ná nga kíjt'aà nachrjein na'ya-ná, tanga koií k'oa kàxan-lè nga kíjìn ma xítà xi títsajna mé-ne nga kòkjeiín-là nga jí kínikasén-ná.

43 K'e nga jye okitsò, 'ño kíichja, kitsò:

—Lázaro, nchroboí, tútjoi ngajo.

44 Jè xi kíjna k'en, ítjo-ne ngajo. Jñà ndsoqò kò tsja, níkje na'ño tíj'ño-ne. Jè ísén-là, íjngòò níkje chroba tíjtéjìin. Jesús k'ée kitsò-là jñà xítà:

—Chíjnda'ño-nò, kàtjì-ne.

K'e nga jñà xítà judío tsajoóya-ne nga síik'en Jesús

(Mateo 26:1-5; Marcos 14:1-2; Lucas 22:1-2)

45 Jñà xítà judío xi jí'ìi nga tsobáhíjtakò María, k'e nga kíjtsee kóni s'ín kísi'ìin Jesús, kíjìn ma xi kòkjeiín-là ít'aà ts'e.

46 Tanga tíjín i'nga xítà judío xi kíikon jñà xítà fariseo, tsibénojímí-là kóni s'ín tíjín kjoa xi kísi'ìin Jesús.

47 Jñà xítà skò-là nò' mii kò xítà fariseo tsibíxkóya xíkjin, tsibíjna íjngòò junta ts'e xítà ítjòn-là xítà judío, kitsò-là xíkjin:

—¿Mé xi s'én? Xità jè ndaa jchán tís'in kjoxkón xi ndaa tjín.

⁴⁸ Tsà ta k'nde-lá, ngats'ì xità kòkjeiin-là it'aà ts'e. Ijkoàn kjoí xità Roma, sijkits'ón-ya i'nde tsjeè-ná kò naxandá-ná.

⁴⁹ Xi tijnà-ne xità koi, jngòò xi 'mì Caifás xi nò'mù itjòn tjina jè nó jè, kiichja kitsò:

—Jñò, nìmé kjoa xi tijn-nò,

⁵⁰ kò mikì nikitsjeèn nga mochjeén-né nga tà jngòò xità kàtiyaàtji-là naxandá-ná mì k'oaá-ne tsà kiyá yije xità naxandá-ná.

⁵¹ Caifás k'e nga k'oas'in kiichja mìtsà tà kjohitsjeèn ts'e. Tanga koi-né nga nò'mù itjòn tjina nó jè, Nainá kisikichiya-là nga Jesús, k'oaá s'in tjinè-là nga jè naxandá kiyátji ngajo-là.

⁵² Mìtsà tà jè naxandá kiyátji ngajo-là; tìkoá koiixkóya-né ngats'ì ixti-là Nainá xi xkì xi ján naxandá nchisíjchá yijo-là, kòhokji nga títisa isò'nde.

⁵³ Tjje-ne nachrjein jè tsajoóya-ne nga sijk'en Jesús.

⁵⁴ Koií kjoa-là Jesús mì tì kù taxkì tsajmeèjün osen-là xità judío. Yáá kù kjna i'nde it'aà xìn ñanda nangui kixi choòn ya chrañà't'aà-là jngòò naxandá xi 'mì Efraín; yáá tsibjina kò xità xi kota'yà't'aà-là.

⁵⁵ Jyeé nchrobá machrañá s'eí Paxkò ts'e xità judío. K'e nga tikj'eè mats'ia s'eí, kjin xità kii ján Jerusalén nga kii sítsjeèya yijo-là koni s'in tjin kjotixoma-là xi xkón tjín.

⁵⁶ Xkì xi ján tsohótsji Jesús. K'e nga títajna ya nditsin jngò, kitsò-là xíkjin:

—¿Kó bixón? ¿A kjoí s'eí Paxkò, o xi majin-né?

⁵⁷ Jñá xità sko-là nò'mù kò xità fariseo, k'oaá s'in kitsjaá okixi tsà yá xi skoexkon ñanda tjina Jesús, kàtènojmi mé-ne nga tsojà 'nó-ne.

12

*Mé xi kis'ün María it'aà ts'e Jesús
(Mateo 26:6-13; Marcos 14:3-9)*

¹ Ngui jòòn nachrjein chija isa-là nga kitjo s'eí Paxkò. Jesús kii ján naxandá Betania ñanda tjina Lázaro xi jè Jesús kisikjaáya-là k'e nga k'en.

² Yáá kisindaá-là tsojmi Jesús xi tsakjèn nga kòjñò. Jè Marta tsibíya tsojmi xi kiskine. Ngats'ì xità xi ya títajnat'aà imixa, tìkoá ya tjina Lázaro kò Jesús.

³ María j'ikò osen litro xkii jne xi 'nó chji xi ngui ts'e nardo. Kisikaàjno ndsokò Jesús, ijkoàn kisixijno-ne tsjaskò. Kòhokji i'nga ni'ya, ndaa jchán kijnje.

⁴ Jngòò xità xi kota'yà't'aà-là Jesús, jè ti-là Simón xi 'mì Judas Iscariote, jè xi sijnatsja Jesús jñá xità kondra-là, kitsò:

⁵ —¿Mé-ne mìtsà kàsatjna-ne xkii jne jè? Tsà kàsatjna-ne koni tjin síkijne chji-là jngòò xità xi ján sindò nachrjein síxá, mé-ne jè ton-là ko'bi-là jñá xità ima.

⁶ Judas mìtsà koi kjoa-là okitsò-ne nga makájno-là xità ima, koií-né nga xità chijé-né. Jè ngatsja chijtsa xi sinchá ton; ma síchijé ton xi sinchá chijtsa.

⁷ Jesús kitsò-là:

—Kì k'oa 'mì-là jè chjoón. Xkii jne jè tijnatjò-là k'e nga 'an xi sijnáa.

⁸ Jñò, kjit'aà nachrjein kítajnakò-nò jñá xità ima, tanga 'an mìtsà tà kjit'aà nachrjein i kótijnakò-nò.

K'e nga jñá xità judío tsajoóya-ne nga tìkoá sijk'en jè Lázaro

⁹ 'Nó kjin xità judío kisijjin-là nga ya tjina Jesús ya naxandá Betania; k'eé kiitjinguí-là. Tanga mìtsà tà koií kjoa-là Jesús kii-ne; jè kii katsejèn-là Lázaro xi jè Jesús kisikjaáya-là k'e nga k'en.

¹⁰ Jñá xità sko-là nò'mù tsajoóya-ne nga tìkoá mejèn-là sijk'en jè Lázaro,

¹¹ koií kjoa-là nga jè ngatji-là Lázaro, kjin jchán xità judío chinchat'aaxìn nga jye mokjeiin-là it'aà ts'e Jesús.

*Kós'ün komà k'e nga jè Jesús jahas'en-jiin naxandá Jerusalén
(Mateo 21:1-11; Marcos 11:1-11; Lucas 19:28-40)*

¹² Nga komà nchjòn, kjin jchán xità ijchò s'eí Paxkò ján Jerusalén; kisijjin-là nga tìkoá ya kijnchò Jesús;

¹³ tsate xkajén, itjo kiskoòñá-là iya ndiyá; 'nó kiichja, kitsò:

—jeya kàtjna Nainá! jmé tà ndaa-là jè xità xi nchrobá ngajo-là Nainá, xi xitaxá ítjòn-là xità naxandá Israel!

¹⁴ Jesús kisakò jngòò-là ndí búrró ki'ndí xi tsibijnasòn-là koni s'in tichja Xojon-là Nainá, nga tsò:

¹⁵ Kì tsakjoòn-jèn, jì naxandá Sión, chitsejèn-là xitaxá ítjòn-lè xi nchrobá, tijnasòn jngòò-là ndí búrró ki'ndí.

16 K'e nga sa t'jòn, j'na xita xi kota'yàt'aà-la Jesús mikii kjòchiya-la kó tsòya-ne 'én koi. Tanga k'e nga k'en Jesús, i'kjoàn jaáya-la nga kiimijín ján ngajmii, skanda k'e'e kjòchiya-la nga k'oaá s'in komàt'in koni s'in t'ichja xojon xi it'aà ts'e.

17 J'na xita xi kiitse'e k'e nga jè Jesús kisikjaáya-la jè Lázaro nga jye kijnak'en, isaá ndaa kisika'bisòn 'én, tsibénojmi yije-la xita xi kj'eji.

18 Koi kjoa-la 'nó kjin xita kiikjaá indiaa Jesús nga jye kii'nchré j'na kjoxkón xi kis'in.

19 J'na xita fariseo kitsò-la xikjin:

—Chitsején-la; j'na, nime xi s'een nga ngats'ii xita isò'nde sa jè fitjingui-la.

Kó kitsò Jesús k'e nga j'na xita griego mejèn-la skoexkon

20 J'na xita xi ijchò s'ei ján Jerusalén nga ya beèxkón Nainá, yaá títsajnajiiin i'nga xita griego.

21 Xita koi ijchòkon Felipe xi Betsaida i'nde-la, nangui xi chja-ne Galilea; tsibítsi'ba-la kitsò-la:

—Na'èn, mejèn-najen jchaxkon-jen Jesús.

22 Felipe kii kénajmí-la Andrés; k'e'e kii Andrés ko Felipe tsibénojmi-la Jesús.

23 Jesús kiichja kitsò-la:

—Jyeé ijchò nachrjein-la nga jè Ki'ndí-la Xita kjimijín i'ngodò k'a-ne ngajmii mé-ne nga jeya k'jna-ne.

24 Ngui okixii xi xan-nò, jè nojmé tsà mikii tjókiyá k'e nga sitje, tà jngodò kjit'aá koma. Tanga tsà tjókiyá k'e nga sihiijín, kòkjín-ya-né.

25 Jè xita xi tjòkeé yijo-la nga mi mé kjo'in sakò-la, tà saá siichija-né ko kjo'in k'jnajiiin; tanga jè xita xi mikii tjòkeé yijo-la i isò'nde, ndaa t'jnatjò-la kjoabinachon-la skanda ta mé nachrjein-ne.

26 Tsà yá xi mejèn-la nga 'an siixáko-na kàtjanchrobá t'jingui-na; ya nánda nga 'an kótijna, t'ikoá jè, yaá k'jnat'aà-na. Tsà yá xi 'an siixáko-na jè Na'èn-na ndaa skoexkón.

K'oaá s'in tsibénojmi Jesús it'aà ts'e kjoabiyaà-la

27 'I'ndeij 'nó jchán ba ma-la inima-na. ¿Mé 'én xi kichjà? ¿A k'oaá xan-lè: “Na'èn, t'inchrjekajiiin-ná kjo'in xi komat'ian jè hora jè”? Majín, nga koií xá j'i-na nga k'itason.

28 Na'èn, jeya tijni.

Tik'e-ne kina'yà jngodò-la 'én xi ngajmii nchrobá-ne, kitsò:

—Jyeé kòkjín k'a jeya sík'jna yijo-na ko j'ngodò k'a jeya siik'jna yijo-na.

29 J'na xita xi ya títsajna, k'e nga kii'nchré, t'jin xi kitsò: ch'oón xi jane. J'na xita xi i'nga, kitsò:

—Ákjale-la Nainá xi kiichja-la.

30 Kiichja Jesús kitsò:

—'Én xi kána'yà-là mitsà kjondaà ts'an, kjondaà tsajòn-nò.

31 Jè hora jè, nga sindaàjiiin-la isò'nde; i'ndeij, jyeé ijchò hora nga jè xita nejí xi tihotixoma-la isò'nde, jyeé kitjojiin.

32 K'e nga 'an, t'jamitjen it'aà nangui, ngats'ii xita, 'aán kichjà-la nga k'jinchrobàt'aà-na.

33 Koií okitsò-ne, jè tsibénojmiya kós'in komat'in k'e nga k'iyá.

34 J'na xita kiichja kitsò-la:

—Ya-nájen nga jè kjotixoma-la Nainá xi kiskii Moisés, k'oaá s'in t'ichja, tsò-né: Jè Cristo, k'jnakon-ne nita kjé-ne. Ngaji, ¿mé-ne kosi-ne nga mochjeén-né nga jè Ki'ndí-la Xita t'jamitjen-t'aà nangui? ¿Yá-ne xi Ki'ndí-la Xita 'mi-la?

35 Jesús kitsò-la:

—Tákó k'jnajiiin chiba nachrjein-nò ni'in xi sihiseèn-nò. T'itjameé nga t'jnjajiiin-nò xi sihiseèn-nò, mé-ne nga mi kojñò-nò. Jè xi jiiin j'no tsò'ba mikii beè kós'in fi.

36 Kàtakjein-nò it'aà ts'e ni'in xi sihiseèn k'e nga tákó t'jnjajiiin-nò, mé-ne nga ya k'itjá nánda iseèn choón.

K'e nga jye okitsò Jesús, kii tsibijna'ma-la j'na xita.

Mé-ne j'na xita judío mikii kòkjein-la it'aà ts'e Jesús

37 Jesús, nas'in tákó 'nó kjin kjoxkón ndaa kis'in nga nguixkon xita, j'na xita mikii kòkjein-la.

38 Koií tsitasòn 'én xi kiskii Isaías, xita xi kiichjaya ngajo-la Nainá, nga kitsò: Na'èn, ¿yá-né xi tímokjein-la 'én-ná xi kinokjoayaá?

¿Yá xi tihokoò-la nga'nó xi t'jin-lè?

39 Koií kjoa-la nga mikii kòkjein-la, nga k'oaá s'in t'ichja j'ngodò k'a xojon-la Isaías nánda tsò:

40 Nainá tsibichjoà xkon,

kisitàjaàjiiin inima-la,

mé-ne nga mikii kotsejèn-la,

mikii kochiya-la jiiin inima-la

nga t'ikoá mi 'an k'jinchrobàt'aà-na nga 'an sindaà-na.

41 Isaías, koií k'oas'ín kiichja-ne nga jyeé kijtsee jè kjoa jeya-la Jesús nga it'aà ts'ee kiichja.

42 Nas'ín koatsò 'én koi, kjin xita judío kòkjeiin-la it'aà ts'e Jesús, skanda kòkjeiin i'nga-la xi xita sko-la. Tanga mitsà jngoò k'a tsakò yijo-la nga jye kòkjeiin-la it'aà ts'e Cristo; nga jña tsakjón-la jña xita fariseo, tsà ya kochrjekajiln ni'ya ingo sinagoga.

43 Jè xi mejèn-la nga isa ndaà kitsajna nga nguixkon xita mi k'oa-ne koni nga nguixkon Nainá.

'En xi kiichja Jesús, nga jè koiindaajin-la xita

44 Jesús 'nó kiichja kitsò:
—Jè xi mokjeiin-la it'aà ts'an, mitsà tà it'aà ts'an mokjeiin-la, tikoáá mokjeiin-la it'aà ts'e Na'èn-na xi jè kisikasén-na.

45 Jè xi beèxkon-na, tikoáá beèxkon-né jè xi kisikasén-na.

46 An xi sihiseèn-la xita, koií xá j'i-na i isò'nde, nga ngats'ì xita xi kokjeiin-la it'aà ts'an, mi ya kitsajnajin jjin jñò.

47 Jè xi 'nchré 'én-na kò mikil sikitason, mitsà 'an tsjaa-la kjo'in nga mitsà koi xá j'i-na nga kjo'in tsjaa-la xita isò'nde, koií xá j'i-na nga kochrjekajña kjo'in xita isò'nde.

48 Jè xi ochrjekàngui-na nga mikil joetjò 'én-na, tjin xi tsjá-la kjo'in. Jè 'én xi jye 'an kichja, jè tsjá-la kjo'in k'e nga kjoehet'aà nachrjein.

49 K'e nga chja, mitsà tà kjohitsjeèn ts'an sikjeén, jè Na'èn-na xi kisikasén-na kitsjaa-na okixi kós'in chja koa mé 'én xi kokoöya.

50 Be-ná jè kjotixoma-la Na'èn-na, jè xi tjin-la kjoabinachon nita kjé-ne. Jña 'én xi 'an chja, k'oaá s'in chja koni s'in tsatixoma-na Na'èn-na.

13

K'e nga jè Jesús tsanjno ndsoko xita xi kota'yat'aà-la

1 Chibaá nachrjein chja-isa nga kitjo s'eí Paxko ts'e xita judío. Jesús jyeé tjiin-la nga jye ijchò nachrjein nga siikjina isò'nde nga jye tifikò-ne Na'èn-la. Tanga Jesús tjòkèe kijtsee yije xita-la i isò'nde kóni skanda jyehet'aà nachrjein-la.

2 K'e nga jye kòjñò, Jesús tükjèn-kò xita-la, kò jè xita neí jyeé k'oas'ín tsibíjin inima-la jè Judas Iscariote, ti-la Simón, nga jè siingatsja Jesús it'aà ts'e xita kondra-la.

3 Jesús jyeé tjiin-la nga jè Na'èn-la kisingsatsja yije kjoa nga jè kotixoma-la nga it'aà ts'e Nainá inchròbà-ne kò tujè tifikò jngoo k'a-ne.

4 Jesús tsasitjen-t'áa imixa, jaaxin nachro xi kisòn-'nga-la, kiskoé jngoò nikje toalla, tsibikjá ndáyá-la.

5 Ikjoàn kiskoé jngoò tina, tsibíya nandá, tsibíts'ia nga tsanjno ndsoko xita xi kota'yat'aà-la, ikjoàn kisixjino-ne jè nikje toalla xi tikjá ndáyá-la.

6 K'e nga ijchò kasit'aà-la Simón Pedro nga mejèn-la konjino ndsoko, Simón kitsò:
—Na'èn, za ok'in-na nga ji konijnnoi ndsokoaá?

7 Kiichja Jesús, kitsò:
—I'nde j mikil machiya-lè mé kjoa xi tis'iaàn, tanga koma iskan, k'ee kochiya-lè.

8 Jè Pedro kitsò:
—Mikil tsjaa'nde nga ndsokoaá konijnnoi.
Jesús kitsò-la:

—Tsà mikil kónijnoa ndsokoii mitsà xita ts'an xán-lè.

9 K'ee kitsò Simón Pedro:
—Na'èn, mitsà tà ndsokoaá tanijnnoi, tikoáá tanijnnoi ndsaa kò skoaá.

10 Kiichja Jesús kitsò-la:
—Jè xi jye tsangaya, tà jè ndsoko mochjeén nga sanjino, nga jyeé tsjeè yije yijo-la. Jñò, tsjeé kjoàn nas'ín mitsà kòhgtjion.

11 Jesús koií k'oas'ín kitsò-la: “Mitsà tà ngats'ioò nga tsjeé kjoàn”, nga jyeé tjiin-la yá-né xi siingatsja it'aà ts'e xita kondra-la.

12 K'e nga jye tsanjno ndsoko jña xita-la, tsohòkjá-ne nachrokisòn-'nga-la. Tsibijnat'aà-ne imixa, kitsò-la:

—Za machyaa-nò kjoa xi kasiiko-nò?

13 Jñò, k'oaá bixón nga Maestro kò Na'èn 'mì-ná. Ndaa bixón, kixí kjoa xi 'mì-ná.

14 An, xi Maestro kò Na'èn 'mì-ná, kónijnoa ndsokoò, jñò tikoáá mochjeén-né nga k'oa tís'in tanjinoò ndsoko xinguioo.

15 An, k'oaá s'in kjna jngoò-nò xkósòn mé-ne jñò k'oa tís'in tikoo xinguioo koni s'in kasiiko-nò.

16 Ngui kjoa kixí xi xan-nò, jè xi ch'nda tjna, mitsà jè tjna itjòn-la nei-la. Tikoá jè xi satixá-la mitsà jè tjna itjòn-la jè xi otixá-la.

17 I'nde j nga jye machiya-nò kjoa koi, mé ta ndaà-nò tsà k'oas'ín sikitason nga kos'ín s'een.

¹⁸ Mìtsà ngats'ioò k'oatìxan-nò; bexkon-ná jñà xit̃a xi 'an jaajñaà. Mochjeén-né nga kàtìtasòn koni s'ín tìchj̃a Xojoŋ-là Nainá nga tsò: "Jè xi kjèn-ko-na, t̃jè-ne xi kondra kiit̃jngui-na."

¹⁹ Tìbenojmì-nò kjoa koi k'è nga t̃ikj'èè k'oà ma, mé-ne k'è nga jye k'oas'ín koma, kòkjeiín-nò nga 'an-ná [xi Nainá].

²⁰ Ngui kjoa kix̃i xi xan-nò, jè xi skoétjò xit̃a xi 'an siikasén, 'aán skoétjò-na; kò jè xi skoétjò-na, jè skoétjò jè xi kisikasén-na.

Kó kitsò Jesús k'è nga tsibénjmi nga jè Judas s̃iingatsja xit̃a kondra-là
(Mateo 26:20-25; Marcos 14:17-21; Lucas 22:21-23)

²¹ Jesús k'è nga jye okitsò, 'ñò jchán kokájno-là; ìjngoo k'a kiichja, kitsò:

—Ngui okix̃i xi xan-nò, ì t̃ijnajin ìjngoo-nò xi s̃iingatsja-na ìt'aa ts'e xit̃a kondra-na.

²² Jñà xit̃a xi kota'yat'aa-là, xk̃i xi ján kiskoo'an xikjín nga mikì t̃jiin-là yá-ne xi ot̃itsò-là Jesús.

²³ Jngoo xit̃a xi kota'yat'aa-là Jesús ya t̃ijnakjoòkò k'è nga nchikjèn, jè xit̃a-là xi jè Jesús 'ñó matsjakeè.

²⁴ Jè Simón Pedro, kitsjaà-là seña jè xit̃a xikjín xi ya t̃ijnakjoòkò Jesús nga skonangui-là yá-né xi ot̃itsò-là.

²⁵ Jè xit̃a jè, is̃a 'ñó tsibìjnat'aa chrañà-là; kiskònangui-là, kitsò-là:

—Na'èn, ¿yá-né xi ot̃i'mì-là?

²⁶ Kiichja Jesús kitsò:

—Jè xi tsjaà jngoo-là inchrájin 'nchi, jè-né xi ot̃ixan-là.

K'èè kitsjaà-là jè Judas Iscariote, tì-là Simón.

²⁷ Jè xit̃a neij̃ ñitoón jahas'en-jin inima-là Judas k'è nga kiskoé inchrájin. Jesús kitsò-là:

—Jè kjoa xi s'jin xat̃iya kot̃jin.

²⁸ Jñà xit̃a xi t̃itsajnat'aa ìmix̃a xi nchikjèn, nijngoo xi kjòchija-là mé-ne kos'ín kitsò-ne Jesús.

²⁹ T̃ijn ì'nga xit̃a xi k'oas'ín kisikitsjeèn; maà-là tsà t̃itsò-là Jesús: "Tsojmì t̃indí xi ts'e s'eí." O tsà t̃itsò-là: "Ton t̃ji chiba-là xit̃a ima." Nga jè Judas ngatsja chijt̃sa ton.

³⁰ Judas, k'è nga jye tsakjèn inchrájin, ñitoón it̃jo ni'ya; kii; nga jye jñò choòn.

Kjot̃ixoma xit̃se xi kitsjaà Jesús

³¹ K'è nga jye it̃jo ni'ya Judas nga kiì, Jesús kitsò:

—J'ndeì, jè Ki'ndí-là Xit̃a, jyeè jeya t̃jna. T̃ikoa Nainá jyeè jeya t̃jna ìt'aa ts'e Ki'ndí-là.

³² Nainá tsà jeya t̃jna ìt'aa ts'e Ki'ndí-là, t̃jè-ne Nainá jeya s̃iikjina Ki'ndí-là. Ñitoón jcha-là kjoa jeya-là.

³³ Jñò, xi ndí jxti-na xan-nò, mìtsà t̃j tse kótijnako is̃a-nò. Jñò, kjinchatsji-ná t̃anga k'oaa xan-nò koni kixan-là jñà xit̃a judío: Ya ñánda t̃fia, jñò, mikii koma konguió.

³⁴ Jngoo kjot̃ixoma xit̃se tsjaà-nò: T̃itsjacha xinguió nga jngoo ìjngoo. K'oas'ín t̃itsjacha xinguió koni s'ín 'an kisitsjakeè-nò.

³⁵ Tsà k'oas'ín s̃itsjacha xinguió nga jngoo ìjngoo, k'oaa s'ín skoè-ne ngats'ii xit̃a nga kix̃i kjoa nga ya chit̃a'yat'aa-ná.

Én xi kiichja Jesús nga jè Pedro kjó'mat'in

(Mateo 26:31-35; Marcos 14:27-31; Lucas 22:31-34)

³⁶ Simón Pedro kiskònangui-là Jesús, kitsò-là:

—Na'èn, ¿ñánda t̃i'mì?

Jesús, kitsò-là:

—Ya ñánda t̃fia, mikii koma kjit̃jngui-ná xi kjoa ñiton, t̃anga k'è nga koma iskan, komaá kjit̃jngui-ná.

³⁷ Simón Pedro kitsò-là:

—Na'èn, j'ndeì, ¿mé-ne mikii koma kjit̃jngui-lè? T̃ijnngoo takoàn nga 'an kiyá ngajo-lè.

³⁸ Jesús kiichja, kitsò-là:

—¿A kix̃i kjoa nga t̃ijnngoo takoin nga j̃i kiyá ngajo-ná? Ngui okix̃i xi xan-lè, k'è nga t̃ikj'èè kjindáya kóxti, jàn k'a tsjá'mat'in-ná nga mikii yaxkon-ná.

14

Kó s'ín koma nga ma kijchoaa ya ñánda t̃jna Na'èn-ná

¹ Ki makájno-nò. Kàtakjeiín-nò ìt'aa ts'e Nainá, t̃ikoa kàtakjeiín-nò ìt'aa ts'an.

² Ján ni'ya-là Na'èn-ná t̃jin jchán j'nde ñánda ma nikjáya. Tsà mì kix̃i kjoa nga k'oas'ín t̃jin, mì-la tsà tà chj̃a k'oà xán-nò nga t̃ifkndaà-nò jngoo j'nde xi tsajòn.

³ Koni s'ín kjian nga kindaà-nò j'nde, k'oaa t̃is'ín kjoiaa jngoo k'a nga kjikò-nò, mé-ne ya ñánda kótijn, t̃ikoa ya kitsajnakò-ná.

⁴ Jñò jyeé 'yaà kós'in fi ndiyá ñánda tífia.

⁵ Tomás kitsò:

—Na'èn mìkii 'ya-jen ñánda tí'mì. ¿Kós'in jcha-najen ndiyá?

⁶ Jesús kitsò-la:

—'An-ná xi ndiyá, 'an-ná xi kjoakixi, 'an-ná xi kjoabinachon. Tajngoò jí't'aa ts'an koma kijchò jñò ñánda tíjna Na'èn-ná.

⁷ Jñò, tsà yaxkon-ná, tíkoá jchaxkon-nò Na'èn-na. Tanga jí'ndeji, jyeé yaxkon kò titsachitsejèn-la.

⁸ Felipe kitsò:

—Takó-nájen yá-ne xi Na'èn 'mì. Tà k'oaá tíjn xi kojngoò-ne takòn-jen.

⁹ Jesús kíichja kitsò-la:

—Ji Felipe, kjòtseé tíjnako-nò, ¿a tà kj'eé yaxkon-ná? Jè xi jye kijtseèxkon-na, jyeé kijtseèxkon Na'èn-na. ¿Mé-ne kosi-ne: “Takó-nájen xi Na'èn 'mì”?

¹⁰ ¿A mì mokjeiin-lè nga 'an, yaá tíjnakoáa Na'èn-na, koá jè Na'èn-na ya tíjnako-na? Jñá 'én xi 'an chjáo, mìtsá kjòhítsejèn ts'an; jè Na'èn-na xi tíjnako-na, jè-né xi tísíxá jí't'aa ts'an.

¹¹ Kátakjeiin-nò nga 'an ya tíjnakoáa Na'èn-na, kò jè Na'èn-na ya tíjnako-na. Tsá mìkii mokjeiin-nò jí't'aa ts'an, nas'in tà jè kátakjeiin-nò jí't'aa ts'e xá-na xi 'an tis'iaàn.

¹² Ngui okixíi xi xan-nò, jè xi mokjeiin-la jí't'aa ts'an, tíkoáa komaá-la s'jin xá xi 'an s'iaàn; skanda ísáa tsato s'jin, nga 'an, ján tífia ñánda tíjna Na'èn-na.

¹³ Njita mé xi sjjé-la Na'èn-na xi jí't'aa ts'an, 'an sikitasoàn, mé-ne jè Na'èn-na jeya kíjna-ne jí't'aa ts'e Kí'ndí-la.

¹⁴ Tsá mé xi sjjé jí't'aa ts'an, 'an, sikitasòn-ná.

K'e nga jè Jesús kitsjaá 'én-la nga síikasén jè Iníma Tsjeé-la Nainá

¹⁵ Jñò, tsá matsjacha-ná tíkitasòn kjótixoma-na.

¹⁶ 'An, kitsi'bà-la Na'èn-na nga kátasikasén jngoò-nò jè xi kosíko-nò, mé-ne kjit'aa nachrjein kíjnako-nò.

¹⁷ Jè xi síikasén-nò Na'èn-na, jè Iníma Tsjeé-la xi ngui kjoa kixi. Jñá xita isò'nde, mìkii koma skoéjò nga mìkii beèxkon, tanga jñò yaxkon-nò nga ya tíjnako-nò, kò yaá kíjnajiin iníma-nò.

¹⁸ Mìkii síikítsajna jchan-nò, kjoikon ijngoò k'a-nò nga kótíjnako-nò.

¹⁹ Tà chubaá nachrjein chija-la nga jñá xita isò'nde mì tí kii skoèxkon-na; tanga jñò jchaxkon-ná; tíkoáa kítsajnakon-nò nga 'an tíjnakon-ná.

²⁰ K'e nga kíjchò nachrjein jè, jcha-nò nga yaá tíjnakoáa Na'èn-na, koá jñò yaá titsajnakon-ná, kò 'an yaá tíjnako-nò.

²¹ Jè xi tíjin-la kjótixoma-na tíkoáa síkitasòn-né, jè-né xi matsjakeé-na. Kò jè xi matsjakeé-na tíkoáa kotsjakeé Na'èn-na. 'An, tíkoáa matsjakeé-ná koá kokoò tsejèn-la yijo-na.

²² Kiskónangui Judas (mìtsá jè Iscariote). Kitsò-la:

—Na'èn kós'in koma nga tà ngajen kokótsejèn-nájen yijo-lè nga mìtsá jñá xita isò'nde kokótsejèn-la yijo-lè.

²³ Kíichja Jesús, kitsò-la:

—Jè xi matsjakeé-na síkitasòn 'én-na; kò jè Na'èn-na kotsjakeé-né. Na'èn-na kò 'an kíjnchrobàchón-nájen; yaá kítsajnakon-jen.

²⁴ Jè xi mìkii matsjakeé-na mìkii síkitasòn 'én-na. Jñá 'én xi jñò titsana'yá, mìtsá ts'an, ts'eé Na'èn-na xi kisikasén-na.

²⁵ K'oaá s'in tibenojmi yije-nò 'én koi k'e nga tákó tíjnako ísa-nò.

²⁶ Jè xi kosíko-nò, jè Iníma Tsjeé-la Nainá xi jí't'aa ts'an síikasén-nò Na'èn-na, jè kokóya yije-nò koá síkítsejèn-nò ngats'ii 'én xi tíxan-nò.

²⁷ 'An, tsjaá-nò kjoa'nchán; yaá síkíjnajiñaà iníma-nò. K'oaá s'in tsjaá-nò koni s'in 'nchán tíjna, mìtsá k'oas'in tsjaá-nò koni s'in tsjá isò'nde. Kí makájino-nò kò kí tsakjoòn-jèn.

²⁸ Jñò, jyeé kina'yá koni s'in tíxan-nò nga 'an tífia tanga kjoji íjngoò k'a. Tsá kixi kjoa nga matsjacha-ná, jñò, tíkoáa kotsjaá-nò nga xan-nò: Jye tífia ñánda tíjna Na'èn-na; nga jè Na'èn-na ísáa tíjna ítjòn mì k'oa-ne koni 'an.

²⁹ K'oaá s'in tibenojmi ítjòn-nò kjoa koi, mé-ne k'e nga jye kítasòn, kòkjeiin-nò.

³⁰ Mì tí kii kíjn 'én kichjako ísa-nò. Jyeé nchrobá xita nejí xi tíhotixoma-la jè isò'nde; tanga nímé nga'ño tíjn-la nga jè síikijne-na.

³¹ K'oaá s'in kítasòn, mé-ne skoè-ne jñá xita isò'nde nga matsjakeé Na'èn-na nga tísikitasoàn kjótixoma xi kitsjaá-na.

¹Tísítjeen, tíkijaán.

15

Jè xi ngui yá-la toò uva kò jñá xi chrja-la

¹ 'Aán ngaya-la yá je-la toò uva; jè Na'èn-na xi síxáko.

2 Ngats'ii chrja-la yá uva xi it'aà ts'an nchrobát'aà-ne xi mikii ojà-la toò, Na'èn-na ote't'aà-né; koa jñà xi ojà-la toò, ta sítsejè-né, mé-ne nga isa ndaà koja-la toò.

3 Jñò, jyeé k'oas'ín kjòtsjèè-nò xi it'aà ts'e 'én xi okixan-nò.

4 Jñò, mochjeén-né nga ya kítsajnakò kjit'aà-ná koa 'an, yaá kótijnako kjit'aà-nò. Jngoò chrja-la yá toò uva, mikii koja-la toò tsà mikii 'ño tít'aa jé ya je-la. It'aà tsajòn, k'oa tís'ín tjin, nímé xi s'een tsà mì 'an kítsajnakò kjit'aà-ná.

5 'An-ná xi yá je-la toò uva, jñò-nò xi chrja-la. Jè xi 'an kijnako kjit'aà-na ko 'an kótijnako kjit'aà, ndaà jchán koja-la toò. Tanga nímé xi s'een tsà títajnat'aàxin-ná.

6 Jè xi mìtsà 'an kijnako kjit'aà-na, k'oaá s'ín tjáxin koni chrja-la yá xi nímé toò ojà-la; k'e nga jye xi, maxkó-né jkjoàn sinchájin n'ín nga ti.

7 Jñò, tsà ya kítsajnakò kjit'aà-ná, koa tsà kixi kítsajnakoo 'én-na xi 'an tsakoòya-nò, tije nita mé xi mejèn-nò, k'oaá s'ín kítasòn-nò koni s'ín kixòn.

8 K'oaá s'ín ma-ne jcha-la kjoajeya-la Na'èn-na k'e nga 'ño kjin toò koja-nò ko k'oaá s'ín ma-ne nga 'ya-la nga kixi kjoa nga ya chita'yàt'aà-ná.

9 Koni s'ín matsjakeè-na Na'èn-na, jñò, 'an, k'oa tís'ín matsjake-nò. Mochjeén-né nga k'oas'ín títajnakò kjit'aà kjoa tsjacha-na.

10 Tsà sikitason kjotixoma-na, yaá kítsajnajñò kjit'aà kjoa tsjacha-na. 'An, k'oaá tís'ín sikitasoàn kjotixoma-la Na'èn-na ko yaá tijnajñaà kjit'aà kjoa tsjacha-la.

11 Jñò, k'oaá s'ín chjako-nò mé-ne sijnajjin-ne inima-nò kjotsja xi 'an tjin-na ko ngui ndaà s'e-nò kjotsja.

12 Kjotixoma-na xi 'an tsjaà-nò, jè-né nga títajna xinguiò nga jngoò ijngoò, koni 'an matsjake-nò.

13 Jè xita xi biyaàtji ngajo-la amigo-la, jè-né xi isa 'ño matsjakeé xíjín.

14 Jñò-nò xi amigo-na xan-nò, tsà sikitason koni s'ín binè-nò.

15 Mì ti ch'i'nda-na xan-nò nga jè ch'i'nda mikii beè mé xi s'ín nei-la. Amigo ts'aan xan-nò nga jyeé tsibenojmíya yije-nò kjoa xi tsakóya-na Na'èn-na.

16 Mìtsà jñò kichjaajjin-ná, ta saà 'an jaajjin-nò. Kítsjaà-nò xá nga konguió mé-ne nga ndaà sixá-nò. Jè xá-nò sijna-né nita kjé-ne, mé-ne k'e nga mé xi sjje-là Na'èn-na xi it'aà ts'an, tsja-nò.

17 Jè kjotixoma xi 'ño tibinè-nò: Nga tjòcha jcha xinguiò nga jngoò ijngoò.

Mé-ne jñà xita isò'nde sítikeè-ne xita-la Jesús

18 Jñò, tsà sítikeè-nò jñà xita isò'nde, kátasijjin-nò nga 'an, k'oaá s'ín kisítikeè itjòn-na.

19 Jñò, tsà táko ya títajnajjin-là xita isò'nde, jñà xita isò'nde kòtsjakeè-nò koni s'ín matsjakeé xita xíjín. Tanga jñò, mìtsà tì jè-ne isò'nde tsajòn. 'An jaajjin-nò nga tsachrjekajjin-nò kjoa xi tjin isò'nde, koi kjoa-la nga majtikeè-nò jñà xita isò'nde.

20 Ndaà tiktisjeèn koni s'ín kixan-nò: "Jè xi ch'i'nda tjna, mìtsà isa tjina itjòn-la nei-la." Koni s'ín kiitjngui kondra-na jñà xita, jñò, k'oaá tís'ín kjitjngui kondra-nò. Tsà sikitasòn 'én-na, tikoáá sikitason tsajòn.

21 Ngats'ii kjoa koi, k'oaá siko-nò jè ngatji-la it'aà ts'an nga mikii beèkon jè xi kisikasén-na.

22 'An, tsà mì-la kii j'iaa ko tsà mì-la kii tsohókoa, nì mé-la jé tjin-la. Tanga j'ndeí, mì ti kii koma kosiko-ne yijo-la kjoa ts'e jé-la.

23 Jñà xita xi 'an majtikeè-na, tikoáá majtikeè Na'èn-na.

24 Nímé-là jé tjin-la jñà xita tsà mì-la kii kijtseè jñà kjoaxkón xi 'an kis'iaàn xi nì saá jngoò xita k'oas'ín s'ín. Tanga jyeé kjitseè kjoaxkón xi 'an kis'iaàn, tanga táko majtikeè-na tikoá majtikeè Na'èn-na.

25 K'oas'ín tina nga tibitasòn 'én xi tít'aa Xojoñ-la Nainá xi kota'yá xita koi, nga tsò: "Tísítikeè-na nas'ín nì mé kjoa tísikoa."

26 'Tanga k'e kjtjojen jè xi sikiko-nò, xi 'an sikasén it'aà ts'e Na'èn-na, jè Inima Tsjeè-la Nainá xi ngui okixi, xi it'aà ts'e Na'èn-na nchrobá-ne, jè tsjá 'én it'aà ts'an.

27 Jñò, tikoáá k'oioo 'én it'aà ts'an nga yaá títajnakò-ná kóni nga tàts'en-la kjoa.

16

1 'K'oas'ín tibenojmí-nò kjoa koi mé-ne nga mikii kinchat'aàxin-nò nga mokjeiin-nò it'aà ts'an.

2 Kòchrjekajjin-nò ya nì'ya ingo sinagoga. Tikoá kjichò nàchrjein k'e nga nita yá-ne xi sikk'en-nò k'oaá s'ín sikkitsjeèn nga Nainá nchisixá-la.

3 Koi kjoa-la nga k'oas'ín s'jin-ne nga mikii beèkon Na'èn-na, tikoáá 'an mikii beèkon-na.

4 Koi k'oas'ín tixan-nò mé-ne k'e nga kjichò nàchrjein kítisjeèn-nò nga jyeé tsibenojmíya yije-nò. K'e nga sa itjòn, mikii okixan-nò nga yaá tijnako-nò.

Xá xi s'ín Inima Tsjeè-la Nainá

5 'Tanga j'ndeí, jyeé tífiko-na jè xi kisikasén-na. Jñò, nijngoò chjinangui-ná, ñánda tífia.

6 Tà saà kjoaba tjiin inima-nò, jè ngatji-la koni tixan-nò kjoa koi.

7 'Èn kixi xi tixan-nò; kjondaà tsajòn-nò nga kjián. Tsà mikii kjián, mikii koma kitjojen jè xi kosiko-nò nga i kijnako-nò. Mochjeén-né nga kjián mé-ne nga koma sikasén-nò.

8 K'e nga kitjojen jè xi kosiko-nò, jè siikichiya ndaa-la xita isò'nde kjoa ts'e jé, ko kjoa xi kixi tjin ko nga sindaajiin yá xi koko-la kjo'in.

9 Jè siikichiya ndaa-la xita isò'nde xi kjoa ts'e jé nga mikii mokjeiin-la it'aà ts'an.

10 Ko siikichiya ndaa-la xita it'aà ts'e kjoa xi kixi tjin, nga 'an jyeé tifa ñánda tjna Na'èn-na. Jñò, mi tì kii jchaxkon-ná.

11 Ko siikichiya ndaa-la xita nga sindaajiin-la yá xi koko-la kjo'in, koi kjoa-la nga jè xita nejí xi tíhotixoma-la isò'nde jye k'oas'in tjinè-la nga kjo'in s'e-la.

12 'Kjin jchán kjoa tjin isa xi kjei' xi koxán-nò tanga i'nde' mikii titsajndaà nga kjoahas'en-jiiin-nò.

13 K'e nga kitjojen jè Inima Tsjeè-la Nainá xi ngui kjoa kixi, jè siikichiya ndaa-nò xi ngui kjoa kixi nga mitsá kjohitsjeèn ts'e siikjeén k'e nga kichja. K'oaá s'in kichja koni s'in tjin kjoa xi 'nchrè. Keengjimi-nò kjoa xi s'e k'e nga koma iskan.

14 Jè jeya siikijna-na k'e nga tjoé-la 'én-na ikjoàn kokòya-nò.

15 Ngats'i xi tjin-la Na'èn-na, tjoaá ts'an-ná. Koií k'oa xan-nò nga jè Inima Tsjeè-la Nainá tjoé-la 'én xi ts'an, ikjoàn kokòya-nò.

Mé-ne jè kjoa, kjotsjaá koma-ne

16 Jñò, tà chibaá nachrjein chija nga mi tì kii jchaxkon-ná; xi koma jò jàn nachrjein lingoó k'a jchaxkon lingoó k'a-ná nga jè tifikoaá Na'èn-na.

17 Xita xi kota'yat'aà-la k'eé kitsò-la xikjin:

—Kó tsòya-ne 'én xi tsò-la: tà chibaá nachrjein chija-la nga mi tì kii jchaxkon-ná, xi koma jò jàn nachrjein, lingoó k'a jchaxkon-ná nga jè tifikoaá Na'èn-na.

18 Kitsò-la xikjin:

—¿Kó tsòya-ne 'én xi tsò-la: “Tà chibaá nachrjein chija”? Mikii fiya-ná koni s'in chja.

19 Jesús, tik'eé kjòchija-la nga jñà xita-la mejèn-la skonangui-la kó tsòya-ne 'én xi kiichja. K'eé kitsò-la:

—¿A titsachjinangui-la xinguiqo kó tsòya-ne koni s'in kàxan-nò: Tà chibaá nachrjein chija-la nga mi tì kii jchaxkon-ná, xi koma jò jàn nachrjein lingoó k'a jchaxkon-ná?

20 Ngui okixi xi xan-nò, jñò, ba s'e-la inima-nò, jchihindáya-nò, tanga jñà xita isò'nde tsjaá s'e-la inima-la. Jñò, nas'in ba s'e-nò, jè kjoa ba-nò, nga koma iskan, kjoa tsjaá koma-ne.

21 Jngoó chjoón, k'e nga chóya nachrjein-la nga 'beé ki'ndí, tse kjo'in síkjein. Tanga k'e nga jye ts'iin jè ki'ndí, mi tì kii sikitsjeén-ne kjo'in xi kasikjein jè chjoón. Tà saá tà kjotsjaá s'e-la nga jngoó xita kats'iin i isò'nde.

22 Okixi-né it'aà tsajòn, i'nde', ba tjin-nò, tanga koma iskan, k'e nga skoexkon lingoó k'a-nò, k'e-né nga 'ño tsja koma-la inima-nò. Jè kjotsja-nò nija xi kjoaáxin-nò.

23 'K'e nga kijchò nachrjein nga jchaxkon lingoó k'a-ná, nimé xi chjinangui-ná. Okixi xi xan-nò, nita mé xi sijé-la Na'èn-na xi it'aà ts'an, tsjá-nò.

24 Skanda i'nde', ni sà mé xi nijé xi it'aà ts'an; tije, tjoé-nò, mé-ne nga nimé xi chijat'aà-la kjotsja xi tjiin inima-nò.

Mé kjoa-ne nga Jesús jye kisikijne-la kjoa xi tjin isò'nde

25 'Èn xi tichjàko-nò, tà kjoa mangásòn-né tsikjeén. Tanga kijchò nachrjein k'e nga mi tì kii kjoa mangásòn kichjàko-nò. Kènojmi kixi-nò it'aà ts'e Na'èn-na.

26 Nachrjein jè, jñò, it'aà ts'aán sijét'aà-la Na'èn-na. 'An, mi tì kii kitsi'ba-tji-nò xi it'aà tsajòn,

27 nga jè sobà Na'èn-na matsjakeè-nò. Koií matsjakeè-nò nga jñò, tjoaá matsjacha-ná ko mokjeiin-nò nga it'aà ts'e Nainá inchrobà-na.

28 Yaá itjokàt'aà-la Nainá nga inchrobà i isò'nde. I'nde' siikijna-ná isò'nde, tifikoo lingoó k'a-ná Na'èn-na.

29 Jñà xita xi kota'yat'aà-la kitsò-la:

—I'nde', tinokjoá kixi-né, nimé kjoa mangásòn tinikjin.

30 I'nde', jyeé 'ya-jen nga ji machiya yijeé-lè nita mé kjoa-ne. Mikii mochjeén tsá yá xi skonangui-lè. K'oaá ma-ne nga mokjeiin-najen nga it'aà ts'e Nainá inchrobà-ne.

31 Kiichja Jesús, kitsò-la:

—I'nde', ¿a mokjeiin-nò?

32 Jyeé kjomeé bijchó hora, tije-ne hora jè, jñò, tsjohoba-nò nga jngoó lingoó; ongui-nò ni'ya-nò; tajngoó siikijna-ná. Tanga mitsá tajngoó tjnaa, jè tjnako-na Na'èn-na.

33 K'oaá s'in tichjàko-nò mé-ne it'aà ts'an s'e-nò kjoa'nchán. Koa i isò'nde kjo'in s'e-nò, tanga 'ño t'e-là takòn. 'An, jyeé kisikijne-la jñà kjoa xi tjin isò'nde.

17

K'e nga jè Jesús tsibitsi'batji jñà xità xi kota'yàt'aà-la

¹ Jesús, k'e nga jye k'oas'in kiichja, kiskootsejèn ngajmii, kitsò:

—Na'èn, jyeé ijchò hora-la, jeya tikjini Ki'ndi-lè, mé-ne jè Ki'ndi-lè tikoá ngaji, jeya sijkjna-lè,

² koni s'in kits'ii-la kjotixoma Ki'ndi-lè it'aà ts'e ngats'ii xità nga tji'nde-la nga tsjaà-la kjoabinachon nità kjé-ne ngats'ii xità xi jì kits'ii-la.

³ Jè kjoabinachon xi tjin nità kjé-ne, jè-né nga skoejkon-lè, nga ta jì tajngoò-né xi kixi kjoa nga Nainá 'mì-lè, tikoá skoejkon Jesucristo xi Ki'ndi-lè xi xó jì kinikasén-ne.

⁴ "An, jeya kisikjna-lè i isò'nde, nga jyeé kisijngoaa xá xi jì kiningsatsja-ná.

⁵ Na'èn, i'nde, k'oas'in jeya tikjna-ná nga nguixkoin koni tjin kjoa jeya xi kis'e-na nga tsohotijnat'aà-lè k'e nga tikj'eè sindaa isò'nde.

⁶ Jñà xità isò'nde xi xó jì kichjaajin-ne nga 'an kiningsatsja-ná, jyeé tsibenojmí-la it'aà tsiji. Xità tsiji-né, nga jì kits'ii-ná, kò nchisikitasòn-né koni tsò 'én-lè.

⁷ Jñà xità koi, i'nde, jyeé beé nga ngats'ii kjoa xi 'an kits'ii-ná, it'aà tsiji nchrobá-ne.

⁸ "An, tsibenojmí-la jñà 'én xi jì kits'ii-ná; jñà xità koi, jahas'en-jiin-la; jyeé kijtsee nga kixi kjoa nga it'aà tsiji inchrobá-na. Mokjein-la nga jì kinikasén-ná.

⁹ Jñà xità koi, bitsi'batjiá. Mitsà jñà xità isò'nde bitsi'batjiá; tà jñà-né xi jì kits'ii-ná, nga xità tsiji-né.

¹⁰ Ngats'ii xità xi ts'an, tikoá tsiji-né, koá jñà xità xi tsiji, tikoáá ts'an-ná. It'aà ts'eé xità koi, nga jeya ótjna.

¹¹ "An, mì tì ki tse kótjna-na i isò'nde; tanga jñà xità koi, íi kítsajna isò'nde. 'An, yaá tifikon-lè nga ya kótjnako-lè. Na'èn tsjeé, ndaa tikindji xità koi nga kò nga'ño-lè, tije-ne nga'ño xi jì kits'ii-ná mé-ne nga ndaa kítsajnajtín-ne koni jñà ndaa titsajnakjoaa ngaji kò 'an.

¹² K'e nga tsohotijnakoaa i isò'nde, ndaa kisikinda nga kò nga'ño-lè, tije-ne nga'ño xi jì kits'ii-ná. Njingoó xi kichijá, tà jé kichijá jè xi k'oas'in tjiné-la nga k'oas'in komat'in, mé-ne kítasòn-ne koni s'in tichja Xojon-lè.

¹³ "Tanga i'nde, yaá tifikon-lè nándá tjin. Jñà 'én xi tichja k'e nga tákó i tijná isò'nde, koi-né nga 'ño ndaa kátasjin inima-la jñà xità-na, jè kjotsja xi tjin ts'an.

¹⁴ "An, jyeé tsibenojmí-la 'én-lè jñà xità-na; tanga jñà xità isò'nde sijtikeé-né, koi-né nga mitsà tì xità ts'e isò'nde-ne, tikoáá 'an, mitsà tì i isò'nde chja-na.

¹⁵ Mitsà xan-lè nga chjaaxin i isò'nde, tà jè-né xi xan-lè nga tikindji it'aà ts'e xità neji.

¹⁶ Koni 'an mitsà i isò'nde chja-na, tikoáá jñà xità-na mitsà tì i-ne isò'nde chja-ne.

¹⁷ It'aà ts'e kjoa kixi-lè, tsjeé tikítsajni nga ngui xità tsiji kátama; nga jñà 'én-lè, ngui kjoa kixi-né.

¹⁸ Jì, koni s'in kinikasén-ná i isò'nde, 'an, k'oaa tís'in sikasén jñà xità-na it'aà ts'e xità isò'nde.

¹⁹ Xi kjondaá ts'e xità-na, 'an, jyeé tsjeé tsingatsja-lè yijo-na mé-ne jñà xità-na tikoá tsjeé siingatsja-lè yijo-la xi it'aà ts'e kjoa kixi-lè.

²⁰ "Mitsà tà jñà bitsi'batjiá jñà xità ts'an; tikoáá bitsi'batjiá-ná jñà xità xi iskan kòkjeiin-la it'aà ts'an k'e nga kji'nchré 'én-na xi keenojmí-la jñà xità-na,

²¹ mé-ne ngats'ii jñà xità koi, tà jngoó koma-ne, koni jñà nga jngoó ma-ná koni s'in tijnako-ná ngaji Na'èn, tikoá 'an tijnako-lè. Jñà xità koi, tikoá kátitsajnakó-ná mé-ne jñà xità isò'nde kòkjeiin-la nga jì kinikasén-ná.

²² Jè kjoajeya xi jì kits'ii-ná, 'an, k'oaa tís'in kitsjaà-la jñà xità-na mé-ne nga tà jngoó koma-ne koni jñà nga tà jngoó ma-ná.

²³ "An tijnakoaa jñà xità-na kò jì tijnako-ná, mé-ne nga ngui jngoó koma-ne. K'oaa s'in skoe-ne jñà xità isò'nde nga jì kinikasén-ná kò tikoá skoe nga matsjachi jñà xità-na koni s'in matsjacha-ná 'an.

²⁴ Na'èn, koi xi mejèn-na nga jñà xità xi jì kits'ii-ná ya kítsajnakó-na nándá kótjna, mé-ne nga skoe-ne kjoa jeya-na xi jì kits'ii-ná nga tikoá matsjacha-ná skanda k'e nga tikj'eè sindaa isò'nde.

²⁵ Na'èn xi xità kixi 'mì-lè, jñà xità xi tjin isò'nde, mikii beèxkon-lè, tanga 'an, beèxkon-lè. Tikoá jñà xità xi jì kits'ii-ná jye kisijin-la nga jì kinikasén-ná.

²⁶ Jñà xità-na jyeé tsibenojmí yije-la it'aà tsiji; tákó saá kènojmí isa-la mé-ne jè kjoatjochá xi tjin-lè it'aà ts'an, tikoá s'e-la jñà xità koi, koá 'an sobá kótijnajñaá inima-la.

18

Kós'in komà k'e nga kitsobà'ño Jesús xità kondra-la
(Mateo 26:47-56; Marcos 14:43-50; Lucas 22:47-53)

¹ Jesús k'e nga jye okitsò, ikjoàn itjo, kiiko xita xi kota'yàt'aà-là ján xijngoàà xajngá nandá xi 'mì Cedrón. Yá kijna jngoò i'nde ñánda kjin skaya tsojmi títe; yaá jahas'en-jijn Jesús kò xita-là.

² Judas, xita xi sijnagsja Jesús it'aà ts'e xita kondra-là, jyeé beèkxon i'nde jè, nga Jesús, kjin k'a ya chixoñakò xita xi kota'yàt'aà-là ya i'nde jè.

³ Judas, kjin soldado ijchòkò, tjiko xita xi sikiñda ingo xi jña kiskasén xita sko-là nò'mi kò xita fariseo; 'ya ni'in linterna, 'ya kichá ndojò, 'ya ni'in nicha.

⁴ Jesús, nga jyeé tjiin yije-là kjoa xi kòmat'in, nitoón itjo, kitsò-là:

—¿Yá xi binchaàtsjiò?

⁵ Xita koi, kitsò:

—Jè Jesús xi Nazaret i'nde-là.

Jesús kitsò-là:

—'An-ná.

Judas, xita xi tisingatsja Jesús, tjikoá ya tsóbajijn-là.

⁶ K'e nga kitsò Jesús: "'An-ná", xita koi, kii-ne its'in, chixòt'aà nangui.

⁷ Jesús, jngoò k'a kiskònangui-là kitsò-là:

—¿Yá xi binchaàtsjiò?

Xita koi kitsò:

—Jè Jesús xi Nazaret i'nde-là.

⁸ Kiichja Jesús, kitsò-là:

—Jyeé, k'oá tixan-nò, 'an-ná. Tsá 'an binchaàtsji-ná, tji'nde-là jña xita-na xi i'nga nga kàtji-ne.

⁹ K'e nga okitsò Jesús, koi tsitasòn 'én xi jè kiichja k'e nga kitsò: "Ná'èn, xita xi ji kits'i-ná, nijngoò kichijá."

¹⁰ Jè Simón Pedro, 'ya jngoò kichá ndojò; tsachrje; tsajá-là xita xi 'mì Malco, xita chi'nda-là nò'mi itjòn; tsatet'aà líká kixi-là.

¹¹ Jesús kitsò-là jè Simón Pedro:

—Tikájnato-ne kichá ndojò-lè. Tjaya-ne chrjoa-là. Jè kjoa ts'e kjo'in xi tsjá-na Ná'èn-na koni s'in mejen-là, ça mitsà tjinè-là nga siikitasoàn?

K'e nga jè Jesús tsibijna nguixxon Anás

(Mateo 26:57-58; Marcos 14:53-54; Lucas 22:54)

¹² Jña xita soldado kò soldado itjòn kò xita judío xi sikiñda ingo itjòn, kitsobà'ño Jesús, ikjoàn chinchá na'ño.

¹³ Itjòn kiiko ján ñánda tjina ni'ya-là Anás, nga níxáya-là ma jè Caifás xi nò'mi itjòn tjina nó jè.

¹⁴ Jè Caifás xi okitsò-là jña xita judío nga kitsò-là: Mochjeén-né nga tà jngoò xita katiyaàtji-là naxandá.

K'e nga jè Simón Pedro k'oá kitsò nga mikii beèkxon Jesús

(Mateo 26:69-70; Marcos 14:66-68; Lucas 22:55-57)

¹⁵ Simón Pedro tjingui-là Jesús kò jngoò sa xita xi kota'yàt'aà-là Jesús, jè xi beèkxon jè nò'mi itjòn, jahas'en-kò Jesús ya nditsin ni'ya-là nò'mi itjòn.

¹⁶ Tanga jè Pedro, ján kiskoñà nditsiaán; yaá tsibijna xotjoa-là ni'ya. Jè xita-là Jesús xi jngoò, k'eé itjo jngoò k'a, kiichja-là jè chjoón xi sikiñda xotjoa-là ni'ya, ikjoàn kiskas'en Pedro.

¹⁷ Jè chjoón xi sikiñda xotjoa-là ni'ya, kitsò-là Pedro:

—Ngaji, ça mitsà tjikoá ya chita'yàt'aà-là xita jè?

Jè Pedro, kitsò:

—Majin.

¹⁸ Jña xita chi'nda kò xita xi sikiñda ingo nchat'aà-là ni'in xi jña tsibitse nga nchisihiso-là yijo-là nga 'ño 'nchán tima. Jè Pedro tjikoá ya sijná nga tsihiso-là yijo-là.

Mé 'én xi kiichja Jesús ya nguixxon nò'mi itjòn

(Mateo 26:59-66; Marcos 14:55-64; Lucas 22:66-71)

¹⁹ Jè nò'mi itjòn tsibits'ia nga kiskònangui-là Jesús it'aà ts'e xita xi kota'yàt'aà-là kò it'aà ts'e 'én xi okóya.

²⁰ Kiichja Jesús kitsò-là:

—'An, kichjajijn osen-là xita nga tjitsa isò'nde. Kjit'aà nachrjein tsakoóya ya ni'ya ingo sinagoga kò ya nditsin ingo itjòn ñánda bixoña yije xita judío. Nime 'én xi tichja 'ma.

²¹ ¿Mé-ne 'an chjinangui-ná? Jña chjinangui-là xita xi kii'nchré-na, mé 'én xi tsakoóya-là. Jña xita koi, ndaà tjiin-là kó kixan-là.

²² K'e nga jye okitsò Jesús, jngoò xita xi sikiñda ingo itjòn sijnat'aà chraña-là, kisijts'iin-t'aà kjin Jesús, kitsò-là:

—¿Mé-ne kotsò-ne 'én xi nokjoàkoji nò'miù ítjòn?

²³ Jesús kiichja kitsò-là:

—Tsà ch'o tsò 'én xi tìchjà, koatìn-ná, kó xán. Tanga tsà ndaa tsò 'én xi tìchjà, ¿mé-ne tì'bé-ná?

²⁴ Nga k'oas'ín tjít'aà'ñó Jesús, jè Anás kiskasén ñánda tìjna jè Caifás jè xi nò'miù ítjòn tìjna koi nachrjein.

K'e nga jè Pedro ìjngòò k'a kitsò nga mikii beèxkon jè Jesús

(Mateo 26:71-75; Marcos 14:69-72; Lucas 22:58-62)

²⁵ Jè Pedro ya sijnat'aà-là ni'in nga tìsìhiso-là yijo-là; jñà xitá koi kiskòngui-là, kitsò-là:

—Ngaji, ¿a mìtsà tìkóa ya chita'yat'aà-là xitá jè?

Jè Simón Pedro tsibijna'ma, kitsò:

—Majìn, mù yaá kota'yat'aà-là.

²⁶ Ikjoàn kiskòngui ìjngòò-là xitá ch'i'nda-là nò'miù ítjòn; xikjín ma xitá xi jè Pedro tsater'aà líká-là, kitsò-là:

—Ngaji, yaá kijtseèxkon-lè kò Jesús ya j'nde ñánda tìjn tsojmi tjà.

²⁷ Jè Pedro, ìjngòò k'a tsibijna'mat'in Jesús, ikjoàn nùtoón kiskindaya kóxtí.

K'e nga tsibijna Jesús ya nguixkon Pilato

(Mateo 27:1-2, 11-14; Marcos 15:1-5; Lucas 23:1-5)

²⁸ Kìiko-ne Jesús ya ni'ya-là Caifás skanda ján ni'ya osen ts'e xitaxá ítjòn ts'e Roma. Nga jye tís'e isén, jñà xitá judío mikii jahas'en ni'ya osen koni s'in tìjn kjotìxoma-là nga majìn-là nga sijkits'on yijo-là mé-ne koma kokjen-ne s'eí paxko.

²⁹ K'oáá komà-ne nga itjo ni'ya osen jè Pilato, kiskòngui-là jñà xitá koi, kitsò-là:

—¿Mé kjoa xi ongui-nò xitá jè?

³⁰ Jñà xitá judío kitsò:

—Tsà nímé jè tìjn-là, mì-la jì tìtsanìngatsja-lèjen.

³¹ K'eé kitsò Pilato:

—Tanguikoo, jñò tindaajìin-là koni s'in tìjn kjotìxoma-nò.

Jñà xitá judío kitsò:

—Ngajen mikii tji'nde-najen nga taxki sik'en jngòò-jen xitá.

³² K'oas'ín komà-ne nga tsitasòn 'én xi kitsò Jesús k'e nga tsibénojmi kós'in komat'in k'e nga kiyá.

³³ Pilato, ìjngòò k'a jahas'en ni'ya osen, kiichja-là Jesús, kitsò-là:

—¿A jì-né xi 'mì-lè xitaxá ítjòn-là xitá judío?

³⁴ Kiichja Jesús, kitsò-là:

—¿A tà kjohitsjeèn tsiji-né nga k'oá tisi, a xi k'ejí xitáá okitsò-lè jì'aà ts'an?

³⁵ Pilato kitsò:

—An, mìtsà xitá judío-ná. Jñà xitá naxandá-lè kò xitá sko-là nò'miù, jñà xi kòfi síngatsja-na jì'aà tsiji. ¿Mé kjoa xi chinchaàtsji?

³⁶ Kiichja Jesús kitsò:

—Mìtsà jì isò'nde tìjnè-na nga kotìxoma. Tsà k'oáá-la s'in tìjn jñà xitá-na kosìko-na nga mì ya kongatsja ts'e xitá judío. Tanga mìtsà jì kotìxoma.

³⁷ Pilato, ìjngòò k'a kiskòngui-là kitsò-là:

—Ngaji, ¿a xitaxá ítjòn 'mì-lè?

Kiichja Jesús kitsò:

—Ngají xi osi nga xitaxá ítjòn 'mì-na. Koií xá kits'ìin-na kò koií xá jì-na jì isò'nde, mé-ne nga kènojmiá jì'aà ts'e kjoa kixi. Ngats'ii xi fit'aà-là kjoa kixi, 'nchré 'én-na.

³⁸ Pilato kiskòngui, kitsò-là:

—¿Mé-né xi 'mì-là kjoakixi?

K'e nga kitjoònè kjoa Jesús nga kiyá

(Mateo 27:15-31; Marcos 15:6-20; Lucas 23:13-25)

K'e nga jye kiskòngui Pilato, ìjngòò k'a itjo ni'ya osen. Kìikon xitá judío, kitsò-là:

—Xitá jè, nímé jè xi sakót'aà-na jì'aà ts'e.

³⁹ Jñò, k'oáá s'in tìjn kjotìxoma-nò k'e nga bitjo s'eí Paxko: bijnandeí jngòò xitá xi ndayá tìtsajna. ¿A mejèn-nò nga kàtìjnandeí jè Xitaxá ítjòn-là xitá judío?

⁴⁰ Jngòò k'a 'ñó jchán kiichja kóhòtìjn xitá judío, kitsò:

—Majìn, jè Jesús, mikii kìjnandeí, jè Barrabás kìjnandeí.

Tanga jè Barrabás xitá chijé-né.

- ¹ Pilato kitsjaà-là okixj jñà xitá soldado nga tsajá-là Jesús.
- ² Jñà soldado tsibindaà jngoò corona na'yá, tsibí'a sko Jesús, ikjoàn kisikákjá jngoò nikje sko.
- ³ Kitsò-là:
—A ta k'oaà ndaà-ne jì xi xitaxá ítjòn-là xitá judío 'mì-lè.
Ikjoàn kisijts'in-t'aà k'jín.
- ⁴ Pilato itjoko jngoò k'a ya nditsin, kitsò-là jñà xitá naxandá:
—Chítsejèn-là, j'j'ikò jngoò k'a-nò mé-ne nga jchà-nò nga nìmé jé sakót'aà-na it'aà ts'e xitá jè.
- ⁵ Itjo Jesús, tjí'a corona na'yá sko; ikjá nikje xi sko kjoàn; Pilato kitsò-là jñà xitá naxandá:
—I síjna xitá jè.
- ⁶ K'e nga kijtseèkxon jñà xitá sko-là nò'mi kò jñà xitá xi síkinda jngo, tsibíts'ia nga 'ñó jchán kùichja, kitsò:
—iTjat'aà krò! iTjat'aà krò!
K'eé kitsò jè Pilato:
—Jñò, sobà tanguíkoo nga tjat'aà krò. 'An, nìmé jé xi sakót'aà-na it'aà ts'e xitá jè.
- ⁷ Kùichja jñà xitaxá-là xitá judío, kitsò-là Pilato:
—Ngajen, tjín jngoò-najen kjotixoma; k'oaà s'ín tichja kjotixoma tsajen: Xitá jè, mochjeén-né nga kiyá, koií kjoa-là nga Kí'ndí-là Nainá tsò-là yijo-là.
- ⁸ Pilato, k'e nga kii'nchré 'én koi, isaá 'ñó ndaà kitsakjòn.
- ⁹ Pilato, jahas'en jngoò k'a ni'ya osen, kitsò-là Jesús:
—¿Nánda-ne j'nde-lè?
Tanga Jesús, miki kùichja-là.
- ¹⁰ Pilato kitsò-là:
—¿Mé-ne mì nokjoà-ná? ¿A mì 'ya-jèn? 'An, tjí'ndeé-na nga kot'aà-lè krò, tìkoo tjí'ndeé-na nga siikjñandejì-lè.
- ¹¹ Kùichja Jesús kitsò-là:
—Nimé-la xi tjí'nde-lè it'aà ts'an tsà mìtsà Nainá kitsjaà-lè. Jè xitá xi síngatsja-na it'aà tsiji, isaá tse jé tjín-là mì k'oa-ne koni jì.
- ¹² Tjje-ne hora, jè Pilato mejèn-là siikjñandejì Jesús tanga jñà xitá judío isaá 'ñó kùichja kitsò:
—Xitá jè, tsà síkijñandejì-ne, mìtsà amigo tsiji ma César xi xitaxá ítjòn tjína ts'e Roma. Nita yá-ne xi xitaxá ítjòn tsò-là yijo-là, kondra ts'eé César.
- ¹³ Pilato, k'e nga kii'nchré 'én koi, kiiko Jesús ján nditsiaán; tsibijnason íxile-là ya j'nde nãnda 'mì Isòn Chrjó Ndajj; Gabatá 'mì nga 'én hebreo.
- ¹⁴ Ta jngoò nchrjein chija-là ts'e s'eí Paxko; jyeé kjomeè bijchó nchisen. Pilato, kitsò-là jñà xitá judío:
—jì síjna xitaxá ítjòn-nò!
- ¹⁵ Jñà xitá judío 'ñó jchán kùichja kitsò:
—jKàtabiyaà! jKàtabiyaà! iTjat'aà krò!
Pilato kitsò-là:
—Xitaxá ítjòn-nò, ¿a krò kót'aà?
Jñà xitá sko-là nò'mi, kùichja kitsò:
—Ngajen, tsjìn-najen xitaxá ítjòn xi k'ejí, tà jè ta jngoò César.
- ¹⁶ Pilato kisingatsja nga kátát'aà krò. Jñà xitá koi kiiko Jesús.
- K'e nga kisit'aà krò Jesús*
(Mateo 27:32-44; Marcos 15:21-32; Lucas 23:26-43)
- ¹⁷ Jesús itjo, 'yajen krò-là; yaá kiiko ya j'nde nãnda 'mì I'nde Sko Mik'en, xi 'én hebreo Gólgota 'mì.
- ¹⁸ K'e nga ijchòko j'nde jè, tsohót'aà krò, kò ngui jò xitá xi k'ejí, íjngó íjngó kisinchaat'aà-là nga ngobà ngobà. Jè Jesús kisasijna jngoò osen-là.
- ¹⁹ Pilato kiskii 'én xi tsohót'aà sko krò xi tsò: “Jesús xi Nazaret j'nde-là, Xitaxá ítjòn-là xitá judío.”
- ²⁰ Jñà 'én koi, kjìn xitá judío tsibíxkejìin; nga ya j'nde nãnda kisit'aà krò Jesús, yaá chrañat'aà-là naxandá. 'Én hebreo tjít'aà kò 'én griego, kò 'én latín.
- ²¹ Jñà xitá sko-là nò'mi ts'e xitá judío, kitsò-là jè Pilato:
—Kì k'oaà s'ín chjii xi tsò: “Xitaxá ítjòn-là xitá judío.” K'oaà s'ín chjì xi tsò: “Xitá jè, k'oaà tsò nga jè-né xi xitaxá ítjòn-là xitá judío.”
- ²² Kùichja Pilato kitsò:
—Koni s'ín jye kàkjiaà, k'oaà s'ín kàtìjna.

K'e nga jñà soldado, kisijòya nikje-la Jesús

²³ Jñà soldado k'e nga jye tshót'aà krò Jesús, tsibíxkò nikje-la; ñijòn ya kis'iin. Íjngó íjngó ya kitsjaà-la xíkjin. Tíkòá kiskoé jè nikje ndojò-la xi x'íó kji, mikìl kítjahaña, tà kijnà ndojò-né.

²⁴ Kítsò-la xíkjin:

— Mikìl sjaxandá; tà sjskákò-ná yá ts'e kòma.

Jè kjoá koi k'oáá s'in tsitasòn koni s'in tíchja Xojòn-la Nainá nga tsò:

Nikje-nà kisika'bí-la xíkjin;

jè nikje ndojò-nà tà kisiskákò-né.

Jñà soldado, k'oáá kis'iin.

²⁵ Yáá nchat'aà chrañà-la krò nea-la Jesús kò ndichja kò María chjoón-la Cleofas kò María Magdalena.

²⁶ Jesús, k'e nga kijtseèkon nea-la kò jè xítà xi kota'yat'aà-la xi 'ñó matsjakeè, kitsò-la nea-la:

— Chjoón, ya síjna ki'ndí-lè.

²⁷ Íkjoàn kitsò-la jè xítà xi kota'yat'aà-la xi 'ñó matsjakeè:

— Yá síjna nea-lè.

Skanda tìk'e-ne jè xítà jè kiskoétjò jè nea-la ya ni'ya-la.

K'e nga k'en Jesús

(Mateo 27:45-56; Marcos 15:33-41; Lucas 23:44-49)

²⁸ Xi jye komà, Jesús kijtseè nga jye tsitasòn yije, kitsò:

— Xindá-na.

K'oáá s'in tsitasòn koni s'in tjit'aà Xojòn-la Nainá.

²⁹ Yáá tijnà jngòò tíji xi tjiya nandá vinagre. Kiskoé tsànga, kisika'nchi-ne vinagre, íkjoàn tsibí'a jngòò yá, tsijmeé'a chrañà-la tso'ba Jesús.

³⁰ Jesús, k'e nga jye kits'ìi nandá vinagre, íkjoàn kitsò:

— Jyeé tsitasòn yije.

Tsibíjnajteén skò, k'en.

Mé-ne kiskix'akjá-ne nisin-la Jesús

³¹ Tà jngòò nachrjein chija-la ts'e s'eí Paxkò; jñà xítà judío majin-la nga ya sítjobát'aà krò yijo-la xítà xi jye k'en jè nachrjein níkjáya (koií kjoa-la nga 'ñó xkón jè s'eí Paxkò). Tsibítsi'ba-la Pilato nga kàtatsjá òkixi mé-ne nga kàtakján-ne nindaà chrjomí-la jñà xítà xi tjoót'aà krò, íkjoàn kàtakjánjén-t'aà krò.

³² Kii jñà soldado nga tsakján nindaà chrjomí-la jè xi síjna ítjòn; k'oáá tí kisikò jè xi íjngòò xi ngásòn taña kisit'aà krò.

³³ Tanga k'e nga ijchò kinchat'aà-la Jesús, kijtseè nga jye k'en. Mikìl tsakján nindaà chrjomí-la.

³⁴ Tanga jngòò soldado tsibísekjá nisin-la jngòò kicha xi 'mì lanza. Íkjoàn itjo jní kò nandá.

³⁵ Jè xi kijtseè kjoa koi, jè-né xi tsjá 'én nga kixi kjoa, kò jè 'én xi tsjá, ngui 'én kixi-né, ndaa tíjin-la nga 'én kixi xi bénojmi, mé-ne jñò tìkòá kòkjeiin-nò.

³⁶ Kjoa koi, k'oáá s'in komà mé-ne nga tsitasòn-ne koni s'in tjit'aà Xojòn-la Nainá nga tsò: "Níjngòò nindaà-la kòkjàn."

³⁷ Tìkòáá tjit'aà-né ñanda tsò: "Jè skótsejèn-la jè xi kiskix'akjá nisin-la."

K'e nga kishijiin Jesús

(Mateo 27:57-61; Marcos 15:42-47; Lucas 23:50-56)

³⁸ K'e nga jye komà kjoa koi, José xi ya naxandá Arimatea j'nde-la, tìkòáá jè xítà xi kota'yat'aà-la Jesús tanga tà tsajmeé'ma-né nga jñà tsakjón-la xítà judío. Tsibítsi'ba-la Pilato nga kàtatsjá'nde-la nga kjiikò yijo-la Jesús. Pilato kitsjaa'nde-né. José kiskónájén-t'aà krò yijo-la Jesús, íkjoàn kiikò.

³⁹ Tìkòá ijchò Nicodemo, jè xítà xi ijchòkon jngòò k'a Jesús k'e nga jñò. 'Ya chijo jnè xi tsjájin-la chijo xi 'mì mirra kò áloe. Ma-la tsà katé kilo chijo xi 'ya.

⁴⁰ José kò Nicodemo, kiikò yijo-la Jesús. Kisikájtéjno nikje xi tjin-la chijo xi ndaa jnè koni s'in tjin kjoótixoma-la jñà xítà judío k'e nga sihiijin mik'en.

⁴¹ Yá j'nde ñanda kisit'aà krò Jesús, tjin jngòò j'nde ñanda tíjtje tsojmi tjè; yáá tix'a jngòò ngajo ítsjò-la mik'en xi ngui xítse, ñanda nj saà jngòò mik'en sijnaya.

⁴² Yáá kisikájna yijo-la Jesús nga isa chrañat'aà nga jyeé timats'ia nachrjein níkjáya ts'e xítà judío, jè víspèra-la s'eí Paxkò.

20

K'e nga jaáya-la Jesús it'aà ts'e kjoa biyaà

(Mateo 28:1-10; Marcos 16:1-8; Lucas 24:1-12)

¹ Jè nàchrjein nga tàts'en xomàna, jè María Magdalena 'ñó tajñòya kii, nga kii katsejèn-là itsjó ñánda kishijjin Jesús; tákó jñò choòn k'e nga kii. K'e nga ijchò, kijtsee nga jye kitjaaxin ndajo xi tichjoajto-ne jè ngajo itsjó.

² K'ée tsangachikon, kiikon ñánda tjna Simón Pedro kò xita xi lingoò xi tikoà ya kota'yàt'aà-là Jesús, jè xi 'ñó matsjakeè, kitsò-là:

—Jñà xita, jyeè kiiko jè Na'èn-ná. Mikii 'yaá ñánda kisikájna.

³ Pedro kò xita xi lingoò xi ngásòn ya kiskoòta'yàt'aà-là Jesús, kii katsejèn-là jè ngajo itsjó.

⁴ Ingajo xita koi, 'ñó jchán tsangachikon, tanga jè xi lingoò, isaá 'ñó tsangachikon mi k'oaa-ne koni jè Pedro. Isaá itjòn ijchò ya ngajo itsjó-là Jesús.

⁵ K'e nga tsasiña kiskoòtsejèn-s'en ngajo, kijtsee nga tà jñà nikje-là kjioò, tanga mikii jahas'en-ngui ya ngajo.

⁶ Ikjoàn ijchò tjingui Simón Pedro, jè-né xi jahas'en-ngui ngajo itsjó, tikoà kijtsee nga tà jñà nikje-là kjioò.

⁷ Tikoà kijtsee jè nikje xi kisijtjèiin skò Jesús. Mitsà ya tsátjèiin-là nikje xi i'nga. Xin kijna nga tixkóya-là.

⁸ K'ée jahas'en-ngui xita xi lingoò, jè xi ijchò itjòn; kijtsee kjoa xi komà, kòkjeiin-là.

⁹ K'j'ée kii ndaa machiya-là nga k'oas'in tichja Xojon-là Nainá nga jè Jesús, k'oaa s'in tjinè-là nga kjoaáya-là it'aà ts'e kjoabiyaà.

¹⁰ Jñà xita xi kota'yàt'aà-là Jesús, kii-ne ni'ya-là.

*K'e nga jè Jesús tsakó-là yijo-là jè María Magdalena
(Marcos 16:9-11)*

¹¹ Tanga jè María Magdalena, yaá tsibijna nditsiaán nga tikjindáyat'aà-là ngajo itsjó; k'e nga tikjindáya tsasiña nga kiskoòtsejèn-s'en jè ngajo itsjó-là Jesús.

¹² Kijtsee jò àkjalé xi nikje chroba íkjá. Jngoò tjna ya skò ñánda kisijna yijo-là Jesús; jè xi lingoò ya tjnangui ndsoko.

¹³ Jñà àkjalé, kitsò-là María:

—Ji ndí chjóón, ¿mé-ne tichhindáya-ne?

Jè María kitsò:

—Koií tikjindáya-na, jyeè kiiko xita yijo-là Na'èn-na; mikii be ñánda kisikájna.

¹⁴ María k'e nga okitsò, kisikátji skò, kijtsee Jesús nga ya síjna, tanga mikii beè tsà jè-né.

¹⁵ Jesús kitsò-là:

—Ji ndí chjóón, ¿mé-ne chihindáya-ne? ¿Yá xi binchaàtsji?

Jè María, k'oaa s'in kisikitsjeèn, maà-là tsà jè xita xi síkindá i'nde jè, kitsò-là:

—Ji na'èn, tsá ji kiikoí, kot'in-ná ñánda kinikájnei mé-ne nga kikjaà-na.

¹⁶ Jesús kiichja-là kitsò-là:

—¡María!

Kò jè María, kisikátji, kitsò-là:

—¡Rabonil —'én hebreo xi tsòya-ne: Maestro.

¹⁷ Jesús, kitsò-là:

—Ki 'an niko-ná nga k'j'ée kii fi mijin-koaa jè Na'èn-na. Tanga t'in tikí'nchré jñà 'ndse, kot'in-là nga jye tifikooa jè Na'èn-na jè xi tikoà Na'èn-nò ma, jè xi Nainá xan-là, xi tikoà Nainá 'mì-là.

¹⁸ María Magdalena kil kisikí'nchré jñà xita xi kota'yàt'aà-là Jesús nga jye kijtseeexkon Jesús, tikoà tsibénojmi-là 'én xi kiichja Jesús.

*K'e nga jè Jesús tsakó-là yijo-là jñà xita-là
(Mateo 28:16-20; Marcos 16:14-18; Lucas 24:36-49)*

¹⁹ K'e nga jye kójñò, tije-ne nàchrjein nga tàts'en xomàna, jñà xita xi kota'yàt'aà-là Jesús tichjoajto-là xotjoa-là ni'ya ñánda chixoña nga jñà tsakjón-là xita judío. Jesús jahas'en ni'ya, tsasijnajin osen-là xita-là, kishixat'aà, kitsò-là:

—¿A ta k'oaa ndaa-ne? Kátas'e-nó kjoa'nchán.

²⁰ K'e nga jye okitsò-là, tsakó-là tsja kò nindaà nisjin-là. Jñà xita xi kota'yàt'aà-là 'ñó tsja kis'e-là k'e nga kijtsee Jesús.

²¹ Jesús, lingoò k'a kitsò-là:

—Jñò, kátas'e-nò kjoa'nchán. Koni s'in kisikasén-na Na'èn-na, jñò, k'oaa tís'in silkasén-nò.

²² K'e nga jye okitsò, ikjoàn kiskinomájno, kitsò-là:

—Chjóé jè Inimá Tsjeè-là Nainá.

²³ Jñà xita xi jñò sjichàat'aà-là jè-là, jchàt'aà-là, jñà xi jñò mikii sjichàat'aà-là jè-là, k'oaa s'in kítsajna nga mikii jchàt'aà-là.

K'e nga kijtsee Tomás nga jye jaáya-là Jesús

²⁴ X̄it̄a xi kota'yat'aà-l̄a Jesús xi tejo ma-ne, jngoò xi 'mì Tomás, xi t̄ikōa Dídimo tsò-l̄a ['én xi tsòya-ne: Ti'ño], mikì ya t̄jna k'e nga ijchò Jesús.

²⁵ J̄n̄a x̄it̄a xi i'nga xi t̄ikōa ya kota'yat'aà-l̄a Jesús, kitsò-l̄a Tomás:

—Kà'ya-nájen Na'èn-ná Jesús.

Tomás kitsò:

—Tsà mikì skoeé tsja ñánda kisinchaàs'en xó, kò tsà mikì skinis'en najmá ndsaa ñánda kitá'x̄a, kò tsà mikì skinis'en ndsaa ya n̄is̄in-l̄a, mikì kòk̄jeīn-na.

²⁶ Xi jye komà j̄in nachrjein, j̄n̄a x̄it̄a xi kota'yat'aà-l̄a Jesús jngoò k'a ya t̄itsajna; jyeé ya t̄jna-ne Tomás; tanga jè xotjoa ni'ya t̄ichjoàjto-né. Ijchò Jesús, tsas̄ijn̄aj̄in osen-l̄a, kitsò-l̄a:

—J̄n̄o, k̄atas'e-nò kjoa'nchán.

²⁷ Jesús, ikjoàn kitsò-l̄a Tomás:

—Ch̄inis'in najnóndsej̄i j̄indé, ch̄itsej̄en-l̄a ndsaa. Nchrobákoi ndsej̄i, ch̄inis'in n̄is̄in-na. Ki k'oaa s'in mikì mokjeīn-lè. K̄atakjeīn-lè.

²⁸ K'eé k̄ichj̄a Tomás, kitsò:

—J̄i xi Na'èn xan-lè kò xi Nainá xan-lè!

²⁹ Jesús kitsò-l̄a:

—Ngaji Tomás, koi kjoa-l̄a mokjeīn-lè nga kà'ya-ná. ¡Mé tà ndaa-l̄a j̄n̄a x̄it̄a xi mokjeīn-l̄a nas'in mikì beèxkon-na!

Mé-ne k'oas'in kitjei-ne xojon jè

³⁰ T̄axk̄i k̄jin jchán kjōxkón kis'ín isa Jesús nga nguixk̄on x̄it̄a xi kota'yat'aà-l̄a xi mikì t̄j̄it'aa xojon jè.

³¹ Tà j̄n̄a 'én koi k'oas'in kitjei mé-ne nga kòk̄jeīn-nò nga Jesús, jè xi Cristo, [jè xi xó kinikasén-ne] xi Ki'ndí-l̄a Nainá. Kò mé-ne k'e nga kòk̄jeīn-nò s'e'é-nò kjoabinachon xi it'aa ts'e.

21

K'e nga jè Jesús itoo x̄it̄a-l̄a tsakó-l̄a yijo-l̄a

¹ Jesús, jngoò k'a tsakó-l̄a yijo-l̄a j̄n̄a x̄it̄a xi kota'yat'aà-l̄a ya indii ndáchikon xi 'mì Tiberias. J̄n̄a kjoa koi, kiis'in komà.

² T̄itsajna kjoò Simón Pedro kò Tomás, xi t̄ikōa Dídimo tsò-l̄a ['én xi tsòya-ne: Ti'ño], kò Natanael xi Caná i'nde-l̄a, nangui xi chja-ne Galilea. T̄ikōa t̄itsajna j̄n̄a ixti-l̄a Zebedeo kò ngui jò isa x̄it̄a xi t̄ikōa ya kota'yat'aà-l̄a Jesús.

³ Simón Pedro kitsò-l̄a x̄it̄a x̄ik̄j̄in:

—T̄in kó-lá t̄ifi tsobà'ñoá nga sik'èn.

J̄n̄a x̄it̄a xi i'nga, kitsò-l̄a:

—T̄ikōa onguiko-lèjen.

Ikjoàn kii, jahas'en jngoò chitso. Tanga n̄itjen jè, n̄imé t̄in kisakò-l̄a.

⁴ K'e nga jye kis'e isén, Jesús tsatsej̄en, tsas̄ijna ya indii nandá, tanga j̄n̄a x̄it̄a xi kota'yat'aà-l̄a mikì k̄it̄seèxkon tsà jè Jesús.

⁵ Jesús kitsò-l̄a:

—Ixti, ¿a k'j'eé sakó chiba-nò t̄in?

J̄n̄a x̄it̄a-l̄a kitsò:

—Maj̄in, n̄imé t̄j̄in.

⁶ Jè Jesús, k'eé kitsò-l̄a:

—T̄ikatjen-ngui-ndá na'ya-nò ya kixj̄ xijngoaà chitso. Sakò-nò t̄in.

J̄n̄a x̄it̄a koi, k'oaa s'in kisikatjen-ngui-ndá na'ya-l̄a. K'e nga tsachrjek̄aj̄in-ne, jye mì t̄i kii ma bitjok̄aj̄in-ne na'ya-l̄a nga 'ño jchán k̄jin t̄in 'ncha.

⁷ Jè x̄it̄a-l̄a Jesús xi 'ño matsjakeé xi ngàsón ya kota'yat'aà-l̄a Jesús, kitsò-l̄a jè Simón Pedro:

—Jè Na'èn-ná Jesús xi ok̄ji.

Simón Pedro, k'e nga kii'nchrè nga jè Na'èn-ná Jesús, n̄itjón tsohòkjá nachro-l̄a (nga sa t̄j̄on tà mikje k̄j̄ingui íkjá), ikjoàn kiskingui nandá nga k̄it̄j̄ingui-l̄a Jesús.

⁸ J̄n̄a x̄it̄a xi i'nga xi ngàsón ya kota'yat'aà-l̄a, kiiko jè chitso; tifej̄in nandá jè na'ya t̄in nga k̄jin jchán t̄in 'ncha; nga mitsà k̄j̄in k̄jna jè chitso; t̄jin-l̄a tsà jngoò s̄ind̄o metro ñánda k̄ijnaj̄in nandá.

⁹ X̄it̄a koi, k'e nga tsitajen chitso, k̄it̄seè it'aa nangui t̄jt̄se jngoò ni'ín. Jngoò t̄in t̄imatsjò, t̄ikōa k̄it̄seè inchr̄aj̄in.

¹⁰ Jesús kitsò-l̄a:

—Nchrohókoo i'nga t̄in xi sa jye kitjoé-nò.

¹¹ Simón Pedro, jahas'en chitso. Kiskoé na'ya t̄in, tsibifet'aa nangui. Jngoò s̄ind̄o kò icháte j̄an ma-ne j̄n̄a t̄in i xi 'ncha na'ya. Nas'ín 'ño k̄jin ma-ne t̄in, jè na'ya mikì kixaj̄ndá.

¹² Jesús kitsò-l̄a:

—Nchrobá, t̃ichioò.

Tanga n̄jngoō x̄ita xi kota'yàt'aà-là kitsò ikon nga kiskònangui-là yá-né jè. Nga jyeé t̄jiin-là nga jè Na'èn-ná Jesús.

¹³ Jesús, kii kasit'aà chrañà-là, kiskoé inchrájin, kitsjaà-là jñà x̄ita koi, k'oáa ti kisiko jñà t̄jin.

¹⁴ Ya ma-ne jàn k'a nga tsakó-là yijo-là Jesús jñà x̄ita xi kota'yàt'aà-là, k'e nga jye jaáya-là it'aà ts'e kjoābiyaà.

Jesús, mé-ne jàn k'a k̄ichja-là Simón Pedro

¹⁵ K'e nga jye tsakjèn, Jesús kiskònangui-là Simón Pedro, kitsò-là:

—Ji, Simón, ti-là Jonás, ¿a isáa ndaà matsjacha-ná mì k'oá-ne koni jñà koi?

Pedro kitsò:

—Jon Na'èn, jyeé 'yi nga matsjake-lè.

Jesús kitsò-là:

—T̄jkindji jñà ndí ixti orrè-na.

¹⁶ Xi ma-ne jò k'a, Jesús ījngoō k'a kiskònangui-là, kitsò-là:

—Simón, ti-là Jonás, ¿a matsjacha-ná?

K̄ichja Pedro, kitsò:

—Jon Na'èn, jyeé 'yi nga matsjake-lè.

Jesús kitsò-là:

—T̄jkindji jñà orrè-na.

¹⁷ Xi ma-ne jàn k'a, ījngoō k'a kiskònangui-là kitsò-là:

—Simón, ti-là Jonás, ¿a matsjacha-ná?

Pedro, ba kis'e-là nga ma-ne jàn k'a nga k̄jònangui-là tsà nga matsjakeè-né. Kitsò-là:

—Na'èn, 'ya yije-né, jyeé t̄jiin-lè nga matsjake-lè.

Jesús kitsò-là:

—T̄jkindji jñà orrè-na.

¹⁸ Ngui okixi xi xan-lè, k'e nga t̄isa ti titsjoi, ji tajngoō kichíkjei nikje-lè k'e nga k'iin ñánda mejèn-lè nga k'oín. Tanga k'e nga jye kojchíngui, tà kjoén-né ndseji. Kj'eji x̄itaá s̄ikákjá-lè nikje-lè, kjoiko-lè ñánda nga majin-lè nga k'oín.

¹⁹ Jesús, koi okitsò-ne, jè kjoā tsibénojmiya kós'in komat'in Pedro k'e nga kiyá mé-ne nga jeya s̄ikíjna-ne Nainá. K'e nga jye okitsò Jesús, ikjoàn kitsò-là Pedro:

—Nchrobátjngui-ná.

Jè x̄ita-là Jesús xi 'ñó tsjakeè

²⁰ Pedro, k'e nga kiskootsejèn-ne its'in, kijtsee jè x̄ita-là Jesús xi 'ñó matsjakeè xi ngásòn ya kota'yàt'aà-là nga t̄ifitjngui-là. Tjje-ne x̄ita xi taña tsibitsajnakjoè Jesús k'e nga tsakjèn. Jè xi kiskònangui-là nga kitsò-là: “¿Yá-né xi s̄iingatsja-lè it'aà ts'e x̄ita kondra-lè?”

²¹ Pedro, k'e nga kijtsee, kiskònangui-là Jesús, kitsò-là:

—Na'èn, x̄ita jè, ¿mé xi komat'in?

²² K̄ichja Jesús, kitsò-là:

—Tsà 'an xi mejèn-na nga kíjnakon skanda k'e nga kjoiaa ījngoō k'a, mìtsà ji oko-lè. Ngaji, nchrobátjngui-ná.

²³ K'oáa s'in komà-ne nga tsabísòn 'én koi. Ngats'i x̄ita 'ndse kitsò nga jè x̄ita jè, mikii kiyá; tanga Jesús mìtsà kitsò nga mikii kiyá. Kitsò-né: “Tsà 'an xi mejèn-na nga kíjnakon skanda k'e nga kjoiaa ījngoō k'a, mìtsà ji oko-lè.”

²⁴ Tjje-ne x̄ita xi kota'yàt'aà-là Jesús xi t̄ibénojmi kixi ngats'i kjoa koi. Kò tjje-ne xi kiskii yije xojon jè. Kò 'ya-ná nga 'én kixi xi chja.

²⁵ Jesús k̄jin jchán kjoa kis'iin-isa xi kj'eji. Tsà tjeí yije nga jngoō jngoō skaya kjoa xi kis'iin, mì-là kii kichiya-là nga t̄jtsa isò'nde jñà xojon. K'oas'in kàtama.

Kó kis'ìn jñà x̄ita xi tsibíx̄aya-la Jesús

Én xi kitsjaà Jesús nga iskan kjojí Iníma Tsjeè-la Nainá

¹ Ngaji Na'èn Teófilo, jè xojon xi 'an kiskù itjòn-lè, k'oàá kixan-lè ngats'ì kjoa xi kis'ìn ko xi tsakóya Jesús kóni nga tsibíts'ia nga kisixá

² skanda jè nachrjein k'è nga Nainá kùkò òngòò k'a-ne ján ngajmii. K'è nga t̄ikj'eè fi-ne ján ngajmii, jè nga'ñó-la Iníma Tsjeè-la kisikjeén nga jaájìn x̄ita xi tsibíx̄aya-la nga kitsjaà-la kjoťixoma mé xá xi s'jìn.

³ K'è nga k'en ko nga jaáya-la it'aà ts'e kjobiyaà nguì ichán nachrjein tsibijna isg; kjin k'a tsakó-la yijo-la jñà x̄ita-la kò kjin skoya kjoa kis'ìn nga kixi kjoa nga t̄ijnakon. T̄ikoàá tsakóya-la x̄ita-la kós'ín otixoma Nainá.

⁴ K'è nga t̄ijnako x̄ita-la k'oàá s'ín kitsjaà-la okixi, kitsò-la:

—Kì tà chjã bitjoíñoò naxandá Jerusalén. Chíña kjoa skanda k'è nga kitjojen kjondaà xi tsjá Na'èn-na kóni s'ín kitsjaà tso'ba. Jyee k'oas'ín kixan-nò nga sa itjòn.

⁵ Kixi kjoa, jè Juan, nandá kis'ìn-ne bautizar x̄ita. Tanga jñò, machraña nachrjein nga ko Iníma Tsjeè-la Nainá koma-nò bautizar.

Kíi komà k'è nga kii mijìn òngòò k'a-ne Jesús ján ngajmii

⁶ Jñà x̄ita xi t̄itsajnakò Jesús, kiskònangui-la, kitsò-la:

—Na'èn, xi jì otixoma-nájen, jñà nachrjein koi, ça s̄ikj̄inandeij̄i òngòò k'a-ne naxandá Israel nga ta jè tajngòò kotixoma-la yijo-la?

⁷ Jesús kitsò:

—Mitsá jñò okò-nò nga jchã nachrjein; ta jngòò Na'èn-na beè kó s'ín kosòn-la xi kjoťixoma ts'e.

⁸ Tanga k'è nga kitjojen-nè-nò jè Iníma Tsjeè-la Nainá, tjoé-nò nga'ñó-la. Jñò kénjóm̄i-là x̄ita xi it'aà ts'an j̄i Jerusalén, kóhokji nga kijndá nangui Judea ko Samaria, skanda ñanda fehet'aà-ne isò'nde.

⁹ K'è nga jye okitsò Jesús, ikjoàn kitjámijìn i'nga nga kùkò òngòò k'a Nainá ján ngajmii ko jñà x̄ita-la nchikotsejèn-la. Chaán mì t̄i kii kijtsee-ne nga jè ifi tsibijtsa'ma.

¹⁰ Jñà x̄ita-la, k'è nga nchikotsejèn-la nga tífi-mijìn ngajmii Jesús, tà n̄itoón j'ìi kinchat'aà jò-la x̄ita xi íkjá níkje chroba.

¹¹ Kitsò jñà x̄ita koi:

—Jñò xi x̄ita Galilea tsajòn, çmé-ne kos'ín chitsejèn-nò ngajmii? Jè Jesús, kóni s'ín kà'yaà nga kófmijìn òngòò k'a-ne ngajmii, kijchò nachrjein nga k'oà t̄is'ín kjojí òngòò k'a-ne.

Kíi komà nga kitjaájìn Matías

¹² Jñà x̄ita xi tsibíx̄aya-la Jesús inchrobà-ne nindoò Yá Olivo nga kii òngòò k'a-ne Jerusalén. K'oàá kji chrañat'aà fi ndiyá Jerusalén kóni kji tsjá'nde kjoťixoma nga ma fi x̄ita k'è nga nachrjein níkjáya.

¹³ K'è nga ijchò-ne naxandá Jerusalén, kii mijìn isò'nga ni'ya, jahas'en cuarto ñanda síkjáya. Jñà x̄ita xi ijchò, jè Pedro, Jacobo, Juan, Andrés, Felipe, Tomás, Bartolomé, Mateo, Jacobo ki'ndí-la Alfeo, Simón Celote, Judas, ti-la Jacobo.

¹⁴ Ngats'ì x̄ita koi yaá bixoña nga kjit'aà nachrjein nga jngòò t̄jìn kjoťisjeèn-la nga chjat'aà-la t̄ikoa bíts'iba-la Nainá; t̄ikoaá t̄itsajna i'nga íchj̄in ko María xi nea-la Jesús ko jñà 'ndse Jesús.

¹⁵ Jñà nachrjein koi, Pedro, kiichjajìn-la x̄ita x̄ikj̄in xi mokjeín-la it'aà ts'e Cristo. Maá-là tsá jngòò s̄indo ko kaàn jñà x̄ita. Pedro kitsò:

¹⁶ —'Ndsè, t̄jìn-ne nga k̄itasòn kóni s'ín t̄ichjã Xojon-la Nainá jñà 'én xi kjòtseé k̄ichjã Iníma Tsjeè-la Nainá nga jè x̄itaxá itjòn David kisikjeén nga k̄ichjã mé xi komat'in Judas, jè xi k̄iakó-la x̄ita xi kitsobá'ñó Jesús.

¹⁷ Judas, nga x̄ita xinguj-nájen. T̄ikoàá kitjoé-la xá nga ngajen kisixáko-nájen.

¹⁸ Jè t̄on xi kisikijne Judas it'aà ts'e jé xi tsohótsji, nangui tsatse jngòò 'nde-ne; ikjoàn sko kiskaànguit'aà-ne nangui, jngòò k'a kixojndá indso'ba, itjo ndó'ye-la.

¹⁹ K'è nga jye kii'nchré yije x̄ita naxandá Jerusalén nga jye k'en Judas, i'nde jè, k'oàá s'ín tsibít'aà 'ín nga Acéldama kitsò-la. 'Én ts'e xi chja, tsòyaá-ne: "I'nde ts'e Jní-né."

²⁰ Jè xojon ts'e Salmo, k'oàá s'ín t̄ichjã nga tsò:

Ni'ya-la k̄atasijna tiya-né,

nijngòò x̄ita kitsajmaya.

T̄ikoàá t̄ichjã Salmo ñanda tsò:

Kj'eij̄i x̄ita k̄at'ì-la xá-la.

²¹ 'Mochjeén-né nga k'ejí x̣iṭa sakó òngòò-isa xi jè ngajo-là Judas; j̄nà chjaàj̄iìn-jngoaā x̣iṭa xi kjòsèé t̄jimakò-ná skanda k'e nga t̄isa tsajmeikò-ná Jesús,

²² mats'ìakò-ne nga kis'ìiìn bautizar Juan skanda k'e nga tsijin òngòò k'a-ne Jesús ján ngajmì, mé-ne nga k̄j̄nako-ná t̄ikoa tsj̄ 'én nga Jesús jyeé jaáya-là.

²³ K'eé tsafaájiìn jò x̣iṭa: jngoò xi 'mì José, t̄ikoa t̄j̄t' aàs'òn 'ìn-là nga Barsabás 'mì. Barsabás, kò t̄j̄jè-ne xi 'mì Justo. Xi òngòò, Matías 'mì.

²⁴ Ikjoàn k̄iichj̄at' aà-là Nainá kitsò:

—Ngaji Na'èn, xi yaxkoin in̄im̄a-là ngats'ìi x̣iṭa, kòt'ìn-nájen ñá-láa ingajò x̣iṭa koi jye kàchjaájiìn,

²⁵ mé-ne nga skoé xá-lè xi j̄i bíxáya-là, jè xá xi kisik̄j̄ina Judas k'e nga tsohòtsji jé, nga jye t̄j̄na i'nde ñánda oko-là.

²⁶ Kisiskákjòò suerte-là. Jè Matías kisik̄j̄ine. Jè komà-ne tejò x̣iṭa xi tsibíxáya-là Jesús xi tejn̄gòò ma nga s̄a íj̄tòn.

2

K'e nga itjojen In̄im̄a Tsjeè-là Nainá

¹ K'e nga ijchò n̄achr̄jein-là s'eí Pentecostés, ngats'ìi x̣iṭa xi mokjeiìn-là j̄t'aà ts'e Cristo ta jngoò j̄t̄in t̄ítsajna.

² Tà ñitòón kina'yà jngoò-là xi 'ñò one, koni jngoò tjo xi 'ñò tí'ba xi ngajmì inchròbà-ne. Kina'yà-là kóhokji i'nga ni'ya ñánda t̄ítsajna j̄nà x̣iṭa.

³ Tsatsejèn-là n̄ijen xi koni kjoàn ni'ìn kjoàn; kjòxkoaya òngòò òngòò kisijnasòn-là j̄nà x̣iṭa.

⁴ Ngats'ìi x̣iṭa, jngoò k'a ndaa kis'ejiìn in̄im̄a-là In̄im̄a Tsjeè-là Nainá; ikjoàn tsibít's'ia nga k̄iichj̄a 'én-là x̣iṭa xi k'ejí naxandá koni s'ìn kitsjaà-là In̄im̄a Tsjeè-là Nainá nga k̄ichj̄a.

⁵ N̄achr̄jein koi, k̄j̄in x̣iṭa judío t̄ítsajna [xi ijchò s'eí] ya naxandá Jerusalén xi beèxkón Nainá xi inchròbà-ne ñánda nga x̄in naxandá nga t̄j̄tsa isò'nde.

⁶ J̄nà x̣iṭa xi ya t̄ítsajna xi ijchò s'eí ya naxandá Jerusalén, ngats'ìi kjòxkóya k'e nga k̄i' nchré-là xi jane. T̄ikoaá tà kjòxkón-là k'e nga k̄i' nchré-là x̣iṭa-là Cristo nga ma-là chja nga jngoò òngòò skoya 'én-là x̣iṭa xi x̄in naxandá-là xi ya t̄ítsajna.

⁷ Tà k'oaā komà-là, t̄ikoaá tà kjòxkón-là, kitsò-là x̄ikj̄in:

—¿A m̄itsà x̣iṭa Galilea ngats'ìi x̣iṭa xi nchichj̄a?

⁸ ¿Kós'ìn ma-ne nga na'yá-lá 'én-ná xi nokjoá nga x̄in naxandá-ná nga òngòò jngoá?

⁹ Ngats'iaá xi j̄ t̄ítsajnaā, t̄j̄in x̣iṭa Partia, x̣iṭa Media, x̣iṭa Elam, x̣iṭa Mesopotamia, x̣iṭa Judea, x̣iṭa Capadocia, x̣iṭa Ponto, x̣iṭa Asia,

¹⁰ x̣iṭa Frigia, x̣iṭa Panfília, x̣iṭa Egipto, x̣iṭa Libia xi ya chrañat'aà-là Cirene. T̄ikoa t̄j̄in x̣iṭa Roma xi j̄ t̄ítsajna Jerusalén. T̄j̄in xi ngui x̣iṭa judío. T̄ikoaá t̄j̄in xi tà jahatj̄iya-là nga x̣iṭa judío komà.

¹¹ T̄ikoaá t̄j̄in xi inchròbà-ne Creta kò Arabia. j̄Ngats'iaá na'yà-lá nga jngoò òngòò skoya 'én-ná koni s'ìn bénojm̄-ná kjòxkón xi s'ìn Nainá!

¹² Ngats'ìi x̣iṭa tà kisinchaaxkón-né, mì t̄j̄ k̄i machiya-là, kitsò-là x̄ikj̄in:

—¿Kó tsòya-ne kjoa koi?

¹³ T̄j̄in i'nga x̣iṭa xi tà tsijnòkeè-né, kitsò:

—¿Ch'íi x̣iṭa koi!

'Én xi k̄iichj̄ayaj̄iìn-là x̣iṭa jè Pedro

¹⁴ K'eé tsasijna kixi Pedro kò x̣iṭa xi tejn̄gòò ma-ne; 'ñò k̄iichj̄aj̄iìn-là x̣iṭa, kitsò:

—J̄nò, x̣iṭa xinguaá xi judío 'mì-ná kò ngats'ioò xi x̄in naxandá-nò xi j̄ t̄ítsajnaā Jerusalén, ndaa k̄atasij̄iìn-nò, ndaa t̄j̄nà'ya 'én xi kichj̄àkò-nò.

¹⁵ J̄nò bixón-nò: “Ch'íi x̣iṭa koi.” ¿Kós'ìn koma-ne nga koch'ì nga saá ijchò xi ñijaàn nga taj̄ñòya?

¹⁶ Koií t̄íbitasòn 'én xi k̄iichj̄a Joel, x̣iṭa xi k̄iichj̄a ngajo-là Nainá.

¹⁷ K'oaā tsò Nainá:

K'e nga jye t̄ifehet'aà n̄achr̄jein,

síka'bí-là In̄im̄a Tsjeè-nà ngats'ìi x̣iṭa xi t̄j̄in nga t̄j̄tsa isò'nde;

j̄nà òxti x'ìn kò òxti íchj̄in-nò, 'aán k̄ichj̄a ngajo-na;

j̄nà òxti xongó-nò, skoé kjòxkón xi okó Nainá;

j̄nà x̣iṭa jch̄inga-nò k'oj̄i-là nij̄nà xi j̄t'aà ts'e Nainá.

¹⁸ Okixi-né n̄achr̄jein koi,

j̄nà ch'ìnda-nà xi x'ìn kò íchj̄in síka'bí-là In̄im̄a Tsjeè-nà

mé-ne nga k̄ichj̄a ngajo-na.

¹⁹ Ján ngajmì k̄j̄in kjòxkón jcha-là,

t̄ikoaá j̄t'aà nangui jchaā-là kjòxkón

nga x̄ixteèn jn̄i-là x̣iṭa,

nga ko ni'in ko ni'ndi tsje xi kjoa ts'e kjojchán.

²⁰ Jè ts'oi, kojñò-né,

jè sá, jni kji koma

k'e nga tikj'eè f'ii Na'èn-ná

nga kjoji kindaajiin-la xita

jè nachrjein xi jeya ko 'ño xkón.

²¹ Tanga ngats'ii xita xi kichjat'aà-la Nainá,

kitjokajiin kjo'in.

[K'oaá tsò 'èn-la Nainá xi kiskii Joel (2:28-32).]

²² Tiná'ya xi xita Israel 'mì-nò 'én xi k'oa xán-nò: Jñò, ndaà tíjiin-nò, Nainá tsakó nga Jesús xi Nazaret ts'e, tíjin-la kjoixoma. Xkoòn ki'ya-nò nga kis'iin ngats'ii kjoixkón ko kjoa ts'e seña xi tsee nga'ño tíjin-la.

²³ Koni s'in tíjindaà-la Nainá nga tísa tàts'en-la kjoa, jñò, kindobà'ño xita jè nga kinik'eèn nga kiningsja xita xi mikii beèxkón kjoixoma nga tsakat'aà krò.

²⁴ Tanga Nainá kisikjaáya-la; kisikjnandejí kjoa ts'e kjo'in xi tíjin-la kjoabiyaà nga mikii koma nga ya sijna'ño it'aà ts'e kjoabiyaà.

²⁵ Jè xitaxá ítjòn xi David ki'mi, kitsò it'aà ts'e Jesús:

Kijtsee kjit'aà-ná Nainá k'e nga tíjna nguixkoaàn;

i tíjnat'aà ndsaa kixi mé-ne nga ni mé xi komat'ian.

²⁶ Koií kjoa-la nga matsja-la inima-na,

tikoá matsja-la nijen-na nga seè.

Yijo-na, tikoáá ndaà siikjáya nga skóña kjoa,

²⁷ koií kjoa-la nga mi ya sikíjni inima-na ya i'nde-la mik'en,

tikoá mikii koi'ndi nga ki'ndo yijo-na xi chi'nda tsjeè-lè 'mì-ná.

²⁸ Tsakoò-ná ndiyá nga ma kótijnakoan,

tsee kjotsja s'e-la inima-na nga ji tíjnakó-ná.

[K'oaá tsò 'èn-la Nainá xi kiskii David (Salmo 16:8-11).]

²⁹ "Ndsé, k'oaá xan-nò xi ngui kjoa kixi: xita jchinga-ná David, jye kjòtsee k'en, tikoá kishihijin-né. Jè ítjò-la, tíjna skanda nachrjein i'ndeí.

³⁰ Tanga jè David, jngoò xita xi kiichja ngajo-la Nainá. Jyeé k'oas'in tíjiin-la koni s'in kitsjaà-la tso'ba Nainá nga tje ts'e kitjokajiin Cristo nga jè kina ngajo-la koni xitaxá ítjòn.

³¹ Jè David, k'oaá s'in kiichja it'aà ts'e Cristo koni tsá jye kijtsee nga jye jaáya-la. Kitsò: "Mikii ya kisijna inima-la ya i'nde-la mik'en, tikoáá mikii i'ndo yijo-la."

³² Nainá, jyeé kisikjaáya-la Jesús. Ngats'ii kjoa xi komà, k'oaá s'in bènojmi-nòjen nga xkoòn ki'ya-najen.

³³ Nainá jeya kisikjnat'aà chrja kixi-la; kitjoé-la Inima Tsjeè-la koni s'in kitsjaà tso'ba Nainá. Jè Jesús kisika'bison jngoò k'a Inima Tsjeè-la. Koií kjoa-la nga k'oas'in titsa'yaà ko titsana'ya.

³⁴ Jè David, mitsà ngajmii kii mijin; tanga k'oaá kitsò:

Jè Nainá kitsò-la jè xi Nei-na:

"Tijnat'aà-ná i kixi-na,

³⁵ skanda k'e nga sikitsajnanguia kondra-lè ñánda nchasòn ndsokoií."

³⁶ Jñò xi xita naxandá Israel tsajòn, ndaà jchaja yije nga 'ño kixi tíjin kjoa nga jè Jesús xi jñò tsakat'aà krò, Nainá, k'oaá s'in kisikjina nga jè-né xi Na'èn-ná, ko tíjè-ne xi Cristo [xita xi xó kisikasén-ne Nainá].

³⁷ K'e nga kii'nchré 'én xi okitsò jñà xita xi ya títsajna, kisikájno jjiin inima-la; k'eé kiskónangui-la Pedro ko xita xikjín xi i'nga xi tikoá xó tsibixáya-la Jesús. Kitsò-la:

—'Ndsé, i mé xi s'en-jen?

³⁸ Pedro kitsò-la:

—Tikájno jè-nò, ki tí jé binchaatsi-nò; t'een bautizar yijo-nò it'aà ts'e Jesucristo nga jngoò jngoò-nò, mé-ne nga sijjchàat'aà-nò Nainá, tikoá tsjá-nò Inima Tsjeè-la.

³⁹ Koni s'in kitsjaà tso'ba Nainá, 'én xi tsibijna tsajòn-nò; tikoáá ts'ée íxti-nò, ko ngats'ii xita xi kjiin títsajna, nga yije xi jè sobà Nainá xó kichja-la.

⁴⁰ Pedro, kjin 'én kiichjajiin-sa-la. 'Nó kiichjako. Kitsò-la:

—Tinchat'aaxin-la kjo'in xi tjoé-la jñà xita koi xi ch'o s'in!

⁴¹ Jñà xita xi kòkjein-la 'én xi kiichja Pedro komà bautizar; ma-la tsè jàn jmií xita xi jahas'en-t'aà nachrjein jè.

⁴² Kóhotjín, kixií chinchako 'én xi kii'nchré koni s'in tsakóya-la jñà xita xi tsibixáya-la Jesús, tikoá kjit'aà nachrjein maxkóya nga kjèn-ko xikjín tikoá chjat'aà-la Nainá.

⁴³ Ngats'ii xita xi ya títsajna tà kitsakjòn-né k'e nga kijtsee ngats'ii kjondaà ko kjoixkón xi kis'iin jñà xita xi tsibixáya-la Jesús.

⁴⁴ Jñà x̄ita xi jye kòkjein-là ìt'aa ts'e Cristo bitsajnajtín-né kòhòtjín; síxkoaya yije mé tsojmì xi t̄jín-là.

⁴⁵ Ot̄jina nangui-là kò tsojmì xi t̄jín-là, ìkjoàn síjòya tòn-là koni s'ín mochjeén-là nga jngòò ìjngòò.

⁴⁶ Nàchrjein inchiòn bixoña ya nditsin ingo ìtjòn, kò ya ni'ya-là xikjín nga kjèn-kjoò nga t̄jín-là kjotsja kò indaàjìn t̄jín inima-là.

⁴⁷ Jeya kisikjina Nainá; jñà x̄ita naxandá tsjakeè komà x̄ita-là Cristo; jè Nainá, nàchrjein inchiòn kisikas'en-t'aa-isa naxandá-là Cristo jñà x̄ita xi jè mejèn-là nga k̄itjokàjìn kjo'in.

3

Kòs'ín komà k'e nga kjòndaà jngòò-ne x̄ita xi mikìi ma fi

¹ Jngòò k'a kii Pedro kò Juan ya ingo ìtjòn ts'e x̄ita judío. Ijchò-la xi jàn nga nguixòn k'e nga chjat'aà-là Nainá jñà x̄ita.

² Nàchrjein nchiòn bijchó síkijna jngòò x̄ita ima xi mikìi ma fi. X̄ita jè k'oaá s'ín kits'in. Yaá bijnajto xotjoa-là ingo ìtjòn xi k'oas'in t̄jít'aa 'ín: xotjoa xi ndaa kjì. X̄ita jè, tòn síjé k̄jotjò-là jñà x̄ita xi fahas'en nditsin ingo.

³ Jè x̄ita xi mikìi ma fi, k'e nga kijtsee Pedro kò Juan nga nchifahas'en nditsin ingo, kisijé k̄jotjò-là tòn.

⁴ Jè Pedro kò Juan, kiskoò'an; jè Pedro kitsò-là:

—jChitseejèn-'a-nájen!

⁵ Jè x̄ita xi mikìi ma fi kiskoò'an; k'oaá s'ín komà-là koni tsà t̄jín xi tsjá-là.

⁶ Tanga jè Pedro kitsò-là:

—Nimé tòn t̄jín-na xi oro kò xi plata, tanga jè xi t̄jín-na tsjaà-lè; ìt'aa ts'e Jesucristo xi Nazaret ts'e, t̄isítjii, t̄it̄jámil.

⁷ Jè Pedro, k'e nga òkìtsò-là, kiskoé tsja kixi, kiskimìtjen; n̄it̄jón kis'e-là nga ñó tsji ndsòkò, kòhòkji ndsòkò.

⁸ Jè x̄ita jè, kiskì'nga nga tsasítjen; ìkjoàn tsibíts'ia nga tsajmeè-ne; jahas'en-ko nditsin ingo jè Pedro kò Juan nga ndsòkò kii-ne; fijen fikjá, kjì'nga kitsian nga jeya kisikjina Nainá.

⁹ Ngats'ii x̄ita naxandá kijtsee jè x̄ita jè nga jye ma fi-ne kò nga jeya kisikjina Nainá.

¹⁰ Tà kjòxkón-là x̄ita, t̄ikoaá tà kitsakjòn-né koni s'ín komà'tin jè x̄ita jè nga jyeé beèxkon nga jè-né xi síjé k̄jotjò tòn ya xotjoa ingo xi k'oas'ín t̄jít'aa 'ín-là: xotjoa xi ndaa kjì.

Én xi k̄ichjaya Pedro ya nguitjoa-là ingo ts'e Salomón

¹¹ Jè x̄ita xi jye kjòndaà-ne, mikìi tsjeiin nga kitsobà'ñó Pedro kò Juan. Ngats'ii x̄ita naxandá tà k'oaá komà-là; k'eé tsangachikon k̄it̄jinguì-là ya ingo ìtjòn, ya nguitjoa-là xi 'mì Salomón.

¹² Jè Pedro, k'e nga kijtsee jñà x̄ita naxandá, kitsò-là:

—Jñò, x̄ita x̄inguaá xi x̄ita Israel 'mì-ná, ¿mé-ne maxkón-onò? ¿Mé-ne ngajen ch'ì'an-nájen? ¿A k'oaá s'ín nikitsjeèn koni tsà nga ñó tsajen kò kjòndaà tsajen kòmandaà-ne x̄ita jè nga ma fi-ne?

¹³ Jè xi Nainá tsò-là Abraham, Isaac, Jacob kò ngats'ii x̄ita jchínga-ná xi i'nga, jè-né xi jeya kàsikjina Jesús xi ch'ìnda-là ma; t̄ijè-ne Jesús xi jñò kinìngatsja x̄itaxá. Jñò, mikìi kits'ii'nde k'e nga jè Pilato mejèn-là s̄iikjinnandèj-ne.

¹⁴ Jñò, kinàchrjekànguio jè xi X̄ita Tsjeè kò xi X̄ita Kixi; ìkjoàn kinìjé nga tsibijnandèj jè x̄ita xi mik'en kitjen-là.

¹⁵ Jñò kinik'eèn jè xi síkijnakon-ná tanga jè Nainá kisikjaáya-là. Ngats'ii kjoa koi, ki'ya-nájen, k'oaá ma-ne nga bènojmi-jen.

¹⁶ Jesús kàtsjá-là nga ñó x̄ita jè xi jñò titsa'yaá t̄ikoa yaxkoòn, koi-né nga mokjeiin-najen ìt'aa ts'e Jesús. Tà koi kjoa-là nga ndaa mokjeiin-najen nga ndaa kòmandaà-ne x̄ita jè nga nguixkoòn jñò xi j̄ titsajnaà.

¹⁷ "Ndsé, jyeé t̄jiiin-na, k'e nga k'oas'ín ki'nè kò x̄itaxá-nò nga kinik'eèn Jesús, koi-né nga mikìi machiya-nò.

¹⁸ Jè Nainá, k'oaá s'ín kisikitasòn koni s'ín k̄ichjya ngats'ii x̄ita-là xi k̄ichjya ngajo-là nga jè Cristo [jè xi xó kisikasén-ne Nainá] k'oaá s'ín t̄jínè-là nga kiyá.

¹⁹ Koi k'oa 'mì-nòjen nga t̄ikájno jé-nò, ki t̄jé binchaàtsji-nò; Nainá tanguít'aà-là mé-ne nga jchat'aà-nò jé-nò ìkjoàn tsjá-nò Nainá kjoa'nchán ts'e inima-nò.

²⁰ Kàtasikasén-nò Jesús, jè xi xó k'oas'ín kjòtsee jaàjìn-ne Nainá nga jè xi Cristo nga ìt'aa tsajòn kjojì-ne.

²¹ Mochjeén-né nga ján kijna ngajmii jè Jesucristo skanda k'e nga jè Nainá s̄iixitseyaya yije ìjngòò k'a tsojmì xi t̄jín. K'oaá s'ín kitsjaà òkixi Nainá k'e nga k̄ichjya ngajo-là x̄ita tsjeè-là xi jè kisikjeén nga sà kjòtsee.

22 Moisés, k'oaá s'ín kitsò-là jñà xita jhínga-ná: "Jè Nà'èn-ná xi Nainá, yaá kochrjekàjìin jngòò xita xinguiáá xi kichja ngajo-là Nainá koni 'an. Jè tìná'ya-là koni s'ín kichjako-nò ngats'ì kjoa xi keènojmi-nò.

23 Ngats'ì xita xi mikì kji'nchrènjìon-là, jngòò k'a tjàxin it'aà ts'e naxandá-là Nainá."

24 'Ngats'ì xita xi kùichja ngajo-là Nainá, mats'ia-ne Samuel, skanda j'ndej, saá koí 'én tsibèojmí mé kjoa xi tíma nachrjein j'ndej.

25 Kjongdaà tsajòn-nò koni s'ín kitsjaà tso'ba Nainá it'aà ts'e xita-là xi kùichja ngajo-là. Tjkoáá kjondaà tsajòn-nò koni s'ín tsibindaàjìin jngòò kjoa Nainá ko xita jhínga-ná k'e nga kitsò-là Abraham: "Ngats'ì xita xi tjin nga tjtisa isò'nde kochikon-t'in-né xi it'aà ts'e tje-lè."

26 Nainá, k'e nga kisikjaáya-là Ki'ndí-là, jñò kisikasén itjòn-nò nga sjichikon-t'in-nò mé-ne nga sjikatjìya-là kjohítseè-nò nga jngòò jngòò, nga mì tì ch'o s'en-nò.

4

K'e nga jè Juan ko Pedro kiko xita naxandá ya nguixkon xitaxá

1 Pedro ko Juan tákò tìk'eé nchihòko xita naxandá nga ijchò jñà nò'mù, tjiko jè xita sko-là policia xi sikinda ingo itjòn ko jñà xita saduceo.

2 Jñà xita koi 'ño jù komà-là nga jè Pedro ko Juan k'oaá s'ín tsakóya-là xita naxandá nga jyeé ki'ya-là nga kjoaáya-là xita xi jye k'en koni s'ín jaáya-là Jesús.

3 Kitsobà'ño, kiko, ikjoàn kiskinìs'en ndayá nga jyeé kjònguixòn. Yaá kisikítsajna ndayá skanda komà nchijòn.

4 'Ñó kjìn ma-ne xita xi kòkjein-là k'e nga kii'nchré 'én xi kùichja Pedro ko Juan. Jyeé ma 'òn jmù xita x'in xi mokjein-là; ko jñà ichjìn xi kòkjein-là mikì kòkkeya.

5 Xi komà inchijòn, kjòxkóya ján Jerusalén xita sko-là jñà xita judío ko xita jhínga ko xita chjìne xojon xi okóya kjotixoma-là Nainá xi kiskii Moisés.

6 Tjkoá ya tjna Anás, xi nò'mù itjòn, Caifás, Juan, ko Alejandro, ngats'ì xita xíjín jñà xi nò'mù itjòn.

7 Kiskinikjaá Pedro ko Juan, ikjoàn chinchá osen nga kiskònangui-là, kitsò-là:

—¿Yá ts'e nga'ño? ¿Yá xi kitsjaà'nde-nò nga xita xk'én nindaà-nò?

8 Jè Pedro nga ndaa tjiin inijma-là jè Inijma Tsjeè-là Nainá kitsò:

—Jñò xi xitaxá itjòn 'mì-nò ko xita jhínga-là naxandá Israel:

9 Jñò, ¿mé-ne mejèn-nò nga jchaa kjondaà xi kòmat'in xita jè nga kòmandaà-ne nga jye ma fi-ne?

10 Jñò nga nguixkòòn, kénojmi-nòjen, tjkoá kàtji'nchré yije ngats'ì xita naxandá Israel. Xita jè, it'aà ts'eé Jesucristo xi Nazaret ts'e kjondaà-ne. Tjje-ne xi kinik'eèn nga tsakat'aà krò, tanga Nainá kisikjaáya-là.

11 Jñò, k'oaá ngaya-là koni chjìnechrjò xi bíndaà ni'ya. Kinachrjekàngui-nò Jesús koni jngòò ndajo xi nímè chji-là. Tanga j'ndej jè tjna itjòn koni ndajo chrjangui-là chrjó ni'ya.

12 Tà jngòò ma xita xi ma-là ochrjekàjìin-ná kjò'in, tà jè Jesucristo. Mì tì yá xita tjin-ne j it'aà nangui xi Nainá kisikasén nga koma kochrjekàjìin-ná kjò'in.

13 Jñà xitaxá, k'e nga kijtseè nga 'ño chja Pedro ko Juan nga mikì tsakjón, tjkoá kijtseè nga taxkì ndí xita-né nga mitsá 'ño ma-là xojon, tà kjòxkón-là; k'eé kjòchiya-là nga jñà xita xi tsajmeiiko Jesús.

14 Tjkoá kijtseè nga ya síjna jè xita xi jye kjondaà-ne, k'oaá s'ín komà-ne nga mì tì kó kitsò-là.

15 K'eé tsachrje jngòò tjò ni'ya osen, ikjoàn tsajoóya-ne.

16 Kitsò-là xíjín:

—¿Mé xi sikoáá xita koi? Ngats'ì xita naxandá Jerusalén, jyeé tjiin-là kjòxkón xi kis'iin, mikì koma kí'maá.

17 Kínchaxkón-laá nga nì tì jngòò xita kohòko-ne xi it'aà ts'e Jesús, mé-ne nga mì tì kii kobísòn-ne kjoa koi.

18 K'eé kichja jngòò k'a-là Pedro ko Juan; kitsjaà-là okixi nga jngòò k'a mì tì kii tj'nde-là nga kichja-isa-là, tjkoá kòkóya-isa-là xita it'aà ts'e Jesús.

19 Jè Pedro ko Juan kùichja, kitsò-là:

—Jñò, ndaa jchósòn-là, ñá-laá xi kixi tjin nga nguixkon Nainá. ¿Yá-né xi sjikitasòn-lajen? ¿A jñò-nò xi xita 'mì-nò? ¿A xi jè sobá Nainá?

20 Mikì koma jyò kítsajna-jen it'aà ts'e kjoa xi ki'ya-jen ko xi kina'yà-jen.

21 Jñà xitaxá mikì kjòtsji-là kós'in silko nga tsjá-là kjò'in, tà chincháxkón-là, ikjoàn kisikítsajnandej-ne, koí kjoa-là nga jñà ngats'ì xita naxandá, 'ño jeya kisikjina Nainá it'aà ts'e kjòxkón xi komà.

22 Koí-né nga jè xita xi jye kjondaà-ne, tsatoó ichán nó tjin-là k'e nga k'oas'in komàt'in kjòxkón jè.

Kó s'in kisjé't'aà-lá Nainá jñá xítá xi mokjeiún-lá it'aà ts'e Cristo

²³ K'e nga jye tsibitsajnandeji-ne Pedro ko Juan, kii-ne ñánda títsajna xítá xíkjin; tsibénojmi yije-lá kó kitsò-lá jñá no müi ítjón ko jñá xítá jchínga.

²⁴ Jñá xítá xíkjin, k'e nga jye kii'nchré koni s'in kis'enojmi-lá, ngats'ii, tsibíts'ia nga tà jngoò jta kíichjat'aà-lá Nainá, kitsò:

—Ji Na'èn xi ji tjin-lè kinda ngats'ii xi tjin, nga ji tsibìndii ngajmii, nangui ko ndáchikon, ngats'ii tsojmi xi tjin isò'nde.

²⁵ Nga ko Injma Tsjeè-lè kinikjín tso'ba chj'nda-lè David xi xítá jchínga kjíin-najen nga k'oa kisi:

¿Mé-ne nga mats'en-ne xítá isò'nde?

Ko jñá xítá naḡandá, ¿mé-ne kjoa ts'en joóya-ne xi kondra ts'e Nainá?

²⁶ Kjóxkóya xítaxá ítjón xi tjin isò'nde;

kisjingoó yijo-lá jñá xítá xi tjin-lá kjotixoma

nga kondra kii-lá Nainá ko Cristo, [xítá xi xó kisikasén-ne Nainá].

²⁷ 'Kixíj kjoa, jè Herodes ko Poncio Pilato, ko xi taxkj xítá xi mitsá xítá judío, ko ngats'ii xítá naḡandá Israel, kisjingoó yijo-lá j naḡandá jè, nga kondra kii-lá Kí'ndi-lè Jesús xi xítá tsjeè xi ngaji xó ji kichjaajíin-ne nga kinikasín nga jè xi Cristo.

²⁸ Jñá xítá koi, k'oaá s'in kis'iin yije koni s'in tjíndaà-lè nga tisa tats'en-lá kjoa nga k'oa'sín koma.

²⁹ Na'èn, i'ndeji, chítsején-lá xítá koi nga mején-lá beetoón-najen; tíchjat'aà-nájen nga mikii kiskón-jen nga ma kinókoaya-jen 'én-lè xi chj'nda-lè 'mí-nájen.

³⁰ Takoi nga'ño xi tjíya ndseji nga kátandaà-ne xítá xi xk'én; í't'aà ts'e Chj'nda Tsjeè-lè Jesús, t'jin kjóxkón xi okó kjoajeya-lá Nainá.

³¹ K'e nga jye kíichjat'aà-lá Nainá, ts'a ch'ón ya i'nde ñánda títsajna. Ngats'ii xítá xi ya títsajna kis'ejiin injima-lá Injima Tsjeè-lá Nainá; mi tí kii kitsakjón-ne nga kíichjaya 'én-lá Nainá.

Kó kis'iin jñá xítá-lá Cristo nga nijngoó xi kisichjät'aà-lá tsojmi xi mochjeén-lá

³² Ngats'ii xítá xi jye kòkjeiún-lá, ngàsón ngáya tjin injima-lá ko kjohitsjeén-lá; ngats'ii tsojmi xi tjin-lá nga jngoó jngoó, ts'e yije-né kòhotjín. Nijngoó xi kitsò: "Tsojmi xi tjin-na, tà ts'an, tajngoó-na."

³³ Jñá xítá xi tsibixáya-lá Jesús 'ño tse nga'ño kis'e-lá nga isa ndaà tsibénojmi nga jye jaáya-lá Na'èn-ná Jesucristo í't'aà ts'e kjoabiyaá. Ngats'ii jñá xítá koi, Nainá 'ño ndaà kisichikon-t'ín.

³⁴ K'oaá s'in komá-ne nga nijngoó xítá kisichjät'aà-lá tsojmi xi mochjeén-lá. Jñá xítá xíkjin xi tjin-lá nangui ko jñá xi tjin-lá ni'ya, otjina. Íkjoàn f'íko yije ton-lá tsojmi xi otjina.

³⁵ Síngatsja jñá xítá xi tsibixáya-lá Jesús; íkjoàn síka'bi-lá xíkjin nga jngoó jngoó mé xi chijat'aà-lá.

³⁶ Ya tijnajíin jngoó xítá levita xi José 'mí. Yaá i'nde-lá naḡandá Chipre. Jñá xítá xi tsibixáya-lá Jesús, tsibít'aàsón 'ín-lá; Bernabé kitsò-lá. ('Ín jè, tsòyaá-ne: xítá xi síjehikon-ná.)

³⁷ Xítá jè, kijna jngoó 'nde-lá nangui; tsatjina; j'íiko ton-lá; kisingatsja jñá xítá xi tsibixáya-lá Jesús.

5

Jé xi tsohótsji Ananías ko Safira

¹ Tanga jngoó xítá x'in xi 'mí Ananías ko chjoón-lá Safira, tíkoá tsatjina jngoó 'nde nangui-lá.

² Xítá jè tsajoóya-ne ko chjoón-lá, tsibí'ma chiba ton chj-lá nangui. Tà chiba j'íiko nga kisingatsja jñá xítá xi tsibixáya-lá Jesús.

³ Jè Pedro kitsò:

—Ji Ananías, ¿mé-ne kòbii'nde-ne nga xítá nejí kòfahas'en-jíin injima-lè nga mején-lè kachonachan-lá Injima Tsjeè-lá Nainá nga kòb'i'ma chiba ton chj-lá nangui?

⁴ ¿A mitsá tsjii nangui? K'e nga jye kòhotjini, ¿a mitsá tsjii ton? ¿Mé-ne k'oa'sín kanikitsjeén-ne jíin injima-lè? Mitsá taxkj xítá mején-lè kachonachan-lá, jè sobá Nainá.

⁵ Jè Ananías, k'e nga kii'nchré 'én koi, kiskaàjndoò't'aà nangui, k'en. Ngats'ii xítá xi kis'ejiin-lá kjoa xi komá, ndaà jchán kitsakjón.

⁶ K'eé j'ii i'nga íxti x'in xi kisikájté níjje yijo-lá Ananías; tsachrje ni'ya, nga kii kíhijíin.

⁷ Tjin-lá tsá ján hora nga j'ii Safira chjoón-lá Ananías; mikii tjin-lá mé kjoa xi komá.

⁸ Pedro kiskónangui-lá kitsò-lá:

—¿A k'oaá tjin kòhotjina-nò nangui-nò koni tjin bixón?

Jè chjoón kitsò:

—Jon, k'oaá tjin kòhotjina-najen.

⁹ Jè Pedro kitsò-la:

—¿Mé-ne k'oas'ín káchibàya-nò? ¿A k'oaa s'ín kànkítsjeèn nga ma chónachan-là jè Inima Tsjeè-la Nainá? Chítsején-la jñà ixti xi nchajto xotjoa ni'ya. Jñà kòfi kíhijiin x'in-lè; tìkooá ngaji, jñà kjiiko-lè.

¹⁰ Chjóón jè, nùtoón kiskaàjndoòt'aà nangui ya ñánda síjna Pedro; k'en. K'e nga jahas'en ni'ya jñà ixti x'in, kijtsee nga jye k'en; tsachrje ni'ya; kii kíhijiin-t'aà-la x'in-la.

¹¹ Ngats'iì xitá naxandá-la Cristo kò ngats'iì xitá xi kii'nchré kjoa koi, ndaa jchán kitsakjòn.

Kjoxkón ndaa xi kis'iin jñà xitá xi tsibixáya-la Jesús

¹² Jñà xitá xi tsibixáya-la Jesús, kjin kjoxkón xi okó kjoajeya-la Nainá kis'iin nga nguixkon xitá naxandá. Ngats'iì xitá-la Cristo, yaá bixoña kjit'aà ya ingo ítjòn ya nguitjoa-la xi 'mì Salomón.

¹³ Jñà xitá xi mikii mokjeiin-la it'aà ts'e Cristo, nijngoò kjò'ñóhikon nga ya kiit'aà-la jñà xitá-la Cristo. Tanga jñà xitá naxandá, 'ño ndaa kijtseeékón jñà xitá-la Cristo.

¹⁴ Tanga jñà xitá xi kòkjeiin-la it'aà ts'e Cristo, íchjin íchja, isaá 'ño kòkjin-ya-isa.

¹⁵ Jñà xitá tsachrje xitá xi xk'én ya jya ndiyá; kisikájiyòsòn nàchan kò nijñaà mé-ne k'e nga kjoa Pedro, nas'in tà jè 'nguién-la skat'aà i'nga-la jñà xitá xk'én.

¹⁶ Tìkooá kjin xitá j'ii ya Jerusalén xi inchrobà-ne naxandá xi kjiyijòt'aà chraña-la; j'iiiko xitá xi xk'én kò jñà xi injma ch'o-la nejj nchibeètoòn; ngats'iì xitá koi kjòndaà yijeé-ne.

Kjò'in xi tsatojiin Pedro kò Juan

¹⁷ Jè nò'mii ítjòn kò ngats'iì xitá xi ya báhijitako, jñà xi ya chja-ne it'aà ts'e xitá saduceo, kjòchjinikeé jñà xitá xi tsibixáya-la Jesús.

¹⁸ Kítsobà'ño; kiiko; kiskinis'en ndayá xi ts'e naxandá.

¹⁹ Tanga k'e nga jye kòjño, jngoò àkjalè-la Nainá ijchò kix'a-la xotjoa ndayá. Tsachrje xitá koi; kitsò-la:

²⁰ —Tanguió, tìnchajtoò xotjoa ingo ítjòn. Tènojmi yije-là xitá naxandá kós'in kitsajnakon xitá it'aà ts'e Cristo.

²¹ K'e nga kii'nchré 'én koi, nga komà nchijòn, tajñòyaá kii ya ingo ítjòn, ikjoàn tsibits'ia nga tsakóya-la xitá.

Tik'e-ne chixoña jè nò'mii ítjòn, ngats'iì xitá-la xi ya títajnakò. Kiichja-la ngats'iì xitaxá kò xitá jchínga ts'e naxandá Israel; ikjoàn kiskinikjaá jñà xitá-la Cristo xi títajna'ya ndayá.

²² Tanga k'e nga ijchò jñà policia, mikii kisakò-la jñà xitá xi títajna'ya ndayá; tà k'oaá s'in inchrobà-ne; kitsjaá okixi nga mì tì yá tjín-ne.

²³ Kitsò:

—K'e nga kòbijchò-jen, ndaa tíchjoàjto xotjoa-la ndayá. Jñà xitá soldado xi síkinda, yaá nchajto xotjoa, tanga k'e nga kòbitjaas'en-jen mì tì yá xitá tjín-ne jya ndayá.

²⁴ K'e nga kii'nchré 'én koi, jè nò'mii ítjòn kò nò'mii xi i'nga kò jè xitá sko-la policia xi síkinda ingo ítjòn, tà k'oaá komà-la nga mikii machiya-la kós'in koma nga kjoehet'aà kjoa koi.

²⁵ Tìk'eé-ne j'ii jngoò xitá xi j'ii kénajmi, kitsò:

—Jñà xitá xi kichinis'en ndayá ngojña, yaá títajna ingo ítjòn nga nchihokóya-la xitá naxandá.

²⁶ K'eé kii jè xitá sko-la policia xi síkinda ingo, kjihijitako jñà policia xi i'nga nga kiikjaá Pedro kò Juan. Tà kjòndaà inchrobàkò. Jñà tsakjón-la xitá naxandá tsà ndajo koi'nè nga sjiik'en.

²⁷ K'e nga j'iiiko, chinchá osen ñánda nchijoóya-ne. Jè nò'mii ítjòn kitsò-la:

²⁸ —¿A mìtsá k'oas'ín k'i'mi-nòjen nga jngoò k'a mì tì k'oaá tsò-ne 'én xi kòkóya it'aà ts'e Jesús? I'ndeí, kóhokji Jerusalén, jyeé títachinisòn yije kjòtixoma-nò; tìkooá mejèn-nò ngajen chini'nè-nájen nga k'en xitá xi 'mì Jesús.

²⁹ Jè Pedro kò xitá xi i'nga xi taña tsibixáya-la Cristo kitsò:

—Isaá 'ño mochjeén nga jè Nainá síkitasòn-lajen mì k'oaá-ne koni xi taxkí xitá.

³⁰ Jè xi Nainá tsò-la xitá jchínga-ná kisikjaáya-la Jesús it'aà ts'e kjoabiyaá, tijè-ne Jesús xi jñò kinik'eèn nga tsakat'aà krò.

³¹ Nainá, 'ño jeya kisikijnat'aà chrja kixi-la. Xitaxá ítjòn kisikijna. Tìkooá jè kisikijna nga jè kochrekájiin-ná kjo'in. K'oaá s'in kis'iin Nainá, mé-ne nga jñà xi naxandá Israel 'mì-ná sikájnoaá jé-ná; mì tì jè kìnchátjsi-ná nga sjiichàat'aà-ná Nainá jé xi tjín-ná.

³² K'oaá s'in bènojmi-nòjen kjoa koi xi xkoòn ki'ya-najen. Tìkooá bènojmi kixi-né jè Injma Tsjeè-la Nainá xi jye kitjoé-la jñà xitá xi síkitasòn-la Nainá.

³³ K'e nga kii'nchré 'én koi, 'ño jchán kòjti-la; skanda mejèn-la sjiik'en.

³⁴ Ya tijnajiin jngoò xitá fariseo xi tìkooá xá tjín-la xi 'mì Gamaliel, jè xi okóya kjòtixoma. Ngats'iì jñà xitá naxandá 'ño ndaa beèxkón xitá jè. K'eé tsasijna-kixi-jiin-la ngats'iì jñà xitá xi tjín-la xá; kitsjaá okixi nga kàtítjo jngoò tjò ni'ya jñà xitá xi tsibixáya-la Jesús.

³⁵ Jè Gamaliel kitsò-la xitaxá xikjin:

—Jñò ngats'ioò xi xita xinguiáa Israel 'mì-ná, ndaà tikítsjeèn mé kjoa xi siko jña xita koi.

³⁶ Tikítsjeèn jña nachrjein xi jye tsato, tsibijnaá jngoò xita xi ki'mi Teudas. K'oaá kitsò nga xita ítjòn-né. Komà-là tsà ñijòn sindo xita xi kiit'aà-là. Tanga k'e nga kisik'en xita, ngats'ii xita xi kiit'aà-là, kitsjohoba-né. Tà yaá jyehet'aà kjoa.

³⁷ K'e nga komà iskan, jè nachrjein nga kòkkeya xita, tsatsejèn jngoò xita xi 'mì Judas xi xita Galilea. Tikoaá kjin xita naxandá kiit'aà-là. Tanga k'e nga kinik'en xita jè, tikoaá ngats'ii xita xi ya kiit'aà-là, kitsjohoba yije-né.

³⁸ I'nde j'nde k'oaá ma-ne koxan-nò, tà tikjehet'aà kjoa. Tjii'nde-là xita koi nga kàtji-ne. Tsà tà xá ts'e xitaá xi nchis'in kjoehet'aà-né.

³⁹ Tanga tsà xá ts'e Nainá-né xi nchis'in, mikii kichikjoa-nò nga jñò kixkàn-ko; tikindaá yijo-nò tsà koi nachrjein-là, tsà xá-là Nainá titsabixkàn-ko.

⁴⁰ Ngats'ii xita xi titsajna junta, kòkjeiin-là koni s'in kitsò Gamaliel. K'eé kiichja jngoò k'a-là jña xita xi tsibixáya-là Jesús. Ikjoan tsajá-là. 'Nó tsibíne-là nga mì t' k'oa s'in kichjaya-ne ít'aà ts'e Jesús. Ikjoan kisikitsajnadeji-ne.

⁴¹ Jña xita xi tsibixáya-là Jesús, 'nó tsja tjín-là k'e nga itjo-ne ni'ya nga jè Nainá kitsjaà'nde nga kitjoé-là kjondaá nga kisikjeiin kjo'in xi kjoa ts'e Jesús.

⁴² Jña xita koi, mikii jyò tsibitsajna. Nachrjein inchiòn tsakóya tikoa kiichjaya 'én ndaà-là Nainá ya jngo ítjòn ko xi k'ejí ni'ya nga jè Jesús xi Cristo [jè xi xó kisikasén-ne Nainá].

6

K'e nga itoò xita kitjaajin xi kisichjá't'aà

¹ Jña nachrjein koi, k'e nga jye 'nó tímakjin-ya xita xi kota'yàt'aà-là Cristo, jña xita xi chja 'én griego tsibits'ia nga tsohojét'in jña xita xi chja 'én hebreo, nga jña íchjin ka'an xi ts'e xita griego mì ngàsòn tí'bi-là tsojmi xi kine koni jña íchjin ka'an xi ts'e xita hebreo.

² Jña xita xi tejò ma-ne xi tsibixáya-là Jesús, tsibixkóya ngats'ii xita xi kota'yàt'aà-là Cristo, kitsò:

—Mì-la kii ndaà tjín nga sijkjna-jen xá-là Nainá nga mì t' kii kinòkjoaya-najen 'én-là Nainá, nga ngui ta koi xá s'en-jen nga xita ima sijkjèn-jen.

³ 'Ndsé, chjaájñòò itoò xita x'in xi 'yaá nga ndaà nchisíchá yijo-la, tikoa ndaà tjijn inima-là Inima Tsjeè-là Nainá, xita xi ndaà kjohitsjeèn tjín-là mé-ne jña kongatsja xá koi.

⁴ Ngajen, kjit'aà nachrjein kinòkjoat'aà-lajen Nainá; tikoa kókóya-jen 'én-là Nainá.

⁵ Jña 'én koi, ndaà kisaseèn yije-là ngats'ii xita. K'eé jaajin Esteban, jngoò xita x'in xi ndaà mokjeiin-là ít'aà ts'e Nainá, tikoa ndaà tjijn inima-là jè Inima Tsjeè-là Nainá. Tikoa kitjaajin Felipe, Prócoro, Nicanor, Timón, Parmenas, Nicolás, jngoò xita Antioquia xi jahatjya-là nga xita judío komá.

⁶ Jña xita xi itoò ma-ne chinchá osen nga nguixkon xita xi tsibixáya-là Jesús. Kò jña xita xi tsibixáya-là Jesús kiichjatji ít'aà ts'e Nainá, ikjoan tsohósòn-la tsja nga kjongatsja xá.

⁷ Isaá 'nó tsabísòn-isa 'én-là Nainá. Ya naxandá Jerusalén saá 'nó saá 'nó makjin-ya xita xi kota'yàt'aà-là Cristo. Skanda jña no'mii, tikoaá jyeé kjin ma-ne xi mokjeiin-là ít'aà ts'e Cristo.

K'e nga kindobá'nó Esteban

⁸ Jè Esteban, 'nó ndaà kis'e-là nga'nó ko kjondaá xi ít'aà ts'e Nainá. K'oaá komà-ne nga kjin kjoxon xi okó kjoajeya-là Nainá kis'in ya jjin naxandá.

⁹ Tjin i'nga xita xi ya chja-ne ni'ya jngo sinagoga ñanda maxkóya xita judío xi jye titsajnadeji-ne, ko xita Cirene, xita Alejandría, xita Cilicia ko xi ján j'nde-là Asia; tsibits'ia nga tsakátikjoó ko Esteban.

¹⁰ Tanga xita koi, mikii kisikijne, nga jè Esteban, koó kjohitsjeèn-là Inima Tsjeè-là Nainá kiichja.

¹¹ K'eé tsohótsji xita xi tsibíchjí-là nga kitsjaat'in 'én ndiso; kitsò:

—Kina'yà-lajen Esteban nga chjajno-là Moisés ko Nainá.

¹² K'oaá s'in komà-ne nga kòtji-là jña xita naxandá ko xita jchínga ko xita xi okóya kjotixoma-là Nainá xi kiskii Moisés. Kitsobá'nó Esteban, kiiko ñanda titsajna xitaxá ítjòn xi joóya-ne kjotixoma.

¹³ Ijchòko xita ndiso xi kitsjaat'in 'én, kitsò:

—Xita jè, mikii jyò bijna, kjit'aà nachrjein chjajno-là jè Ingo Tsjeè-là Nainá ko kjotixoma xi kiskii Moisés.

¹⁴ Jyeé kina'yà-lajen nga tsò nga jè Jesús xi Nazaret ts'e, sijkixòña Ingo-là Nainá tikoa sijkjatjya-là kjotixoma xi 'né koni s'in tsakóya-ná Moisés.

¹⁵ Ngats'ii xitaxá xi ya titsajna, k'e nga kiskoo'an Esteban, k'oaá s'in kijtsee isén-là koni kji isén-là ákjale.

7

Én xi kiichja Esteban nga tsasiko yijo-la

¹ Jè xita sko-la no'mi kiskònangui-la Esteban kitsò-la:

—¿A kixi kjoa nga k'oa tjin jè xi onè-lè xita?

² Jè Esteban kitsò:

—'Ndsè, kò xi xita jchínga 'mì-nò, tìná'ya-ná: Jè Nainá, xi 'nò jeya tjna, yaá ijchòkon ñánda tjna xita jchínga-ná Abraham k'e nga tákò ya tjna Mesopotamia, k'e nga tikj'eé bijchò kijna ján naxandá Harán. Kò jè Abraham kijtseé tsejèn-né kó kji Nainá.

³ K'eé kiichja Nainá, kitsò-la: “Titjojìn nangui-lè; tikítsajnei xita xingui; t'in kijni ya nangui ñánda 'an kokoò-lè.”

⁴ Jè Abraham, itjokajìn nangui-la xita Caldea; ján kii kjna nangui Harán. K'e nga k'en na'èn-la, Nainá j'ikò i j'nde jè ñánda titsajnaá j'nde.

⁵ Nainá, nimé j'nde kitsjaá kjotjò-la; ni tsà tà jtsé ñánda kòsjnasòn jngoò ndsòkò. Tanga k'oaá s'in kitsjaà-la tso'ba nga kitsò-la nga ts'eé koma kò ts'eé xita tje-la nita mé nachrjein-ne. Nachrjein koi, k'j'eé ixtií tjin-la jè Abraham.

⁶ Nainá k'oaá s'in kitsò-isa-la: “Jña tje-lè, xita chj'ndaá koma; ñijòn sindò nó xìn naxandá sijchá yijo-la nga sjikjeifn kjo'in.”

⁷ Nainá kitsò: “Aán tsjaá-la kjo'in jè naxandá ñánda ch'nda kitsajna; k'e nga koma iskan, kitjokajìn-né nangui jè. Kjinchrobá jngoò k'a-ne ijndé, kò j'nde jè, skoexkòn-na.”

⁸ Nainá jngoò kjoa tsibindaajìn-kò Abraham nga sit'aá chiba-la yijo-la xita kjoa ts'e circuncisión. Abraham, kis'e jngoò-la ki'ndí xi Isaac ki'mi; k'e nga ijchò jìn nachrjein nga kits'iin, tsibit'aá chiba-la. Isaac kis'e-la ki'ndí xi 'mì Jacob; k'oaá tjs'in kisikò. Jacob, kis'e-la ixti xi tejò ma-ne tje-la xita jchínga-la naxandá Israel. K'oaá tjs'in tsibit'aá chiba-la.

⁹ Jña ixti-la Jacob, xi xita jchínga-ná, kjòxitakòn-keé jè 'ndse xi 'mì José; ikjoàn tsatjna nga kiikò xita xi tsatse ján nangui Egipto. Tanga Nainá kisikinda José.

¹⁰ Nainá kisichját'aá-la nita mé kjoa xi kis'e-la José. Kitsjaá-la kjohitsjeèn, kitsjaá-la kjondaá nguixkòn faraón xi xitaxá ítjòn tjna ján naxandá Egipto. Jè Faraón kisikjna José nga jè tsatixoma-la naxandá Egipto, tikoá jè tsatixoma ni'ya-la faraón.

¹¹ Jña nachrjein koi j'ií kjinchrá kóhokji nangui Egipto kò i'nde Canaán; tseé kjo'in kis'e-la xita; jña xita jchínga-ná tsjin tsojmi xi kine.

¹² K'e nga ki'nchré Jacob nga tjin tsojmi xi ma chine ján Egipto kisikasén nga kiikjaá ítjòn tsojmi ixti-la jña xi xita jchínga-ná.

¹³ Xi komá jò k'a nga kiikjaá tsojmi, José tsakó-la yijo-la xikjín nga 'ndse ma-ne. Faraón k'oaá s'in komá-ne kijtseèkxon, ñánda nchrobát'aá-ne tje-la José.

¹⁴ José kiskinikjaá Jacob xi na'èn-la ma nga kjitjingu-la ján Egipto. Ngats'ií xita xikjín, ján kaàn kò chrj'oon ma-ne.

¹⁵ K'oaá s'in komá-ne nga kii Jacob ján Egipto; yaá k'en; tikoáá yaá k'en ngats'ií ixti-la jña xi xita jchínga-ná.

¹⁶ Xi komá iskan, kiikò nindaá-la Jacob kò ts'e ti-la nga kii kihijìn jngoò ngajo itjsjó ján Siquem; j'nde ñánda tsatse Abraham xi tsatjna ixti-la Hamor.

¹⁷ K'e nga jye kjòchraña nachrjein nga kitasòn 'én koni s'in kitsjaá tso'ba Nainá koni s'in tsajoókjoó Abraham, jè naxandá Israel, 'nò kòkjìn-ya jña xita-la ján Egipto.

¹⁸ Ijchò nachrjein nga jngoò xita kisakò xi xita sko-la tsibijna ján Egipto; tanga xita jè, mikii beèkxon José.

¹⁹ Xitaxá ítjòn jè, tsibits'ia nga kiskoònachan-la xita jchínga-ná nga kijtseètoòn; kis'iin-la kjo'no nga kitsjeifn takòn ngats'ií ndí ixti-la mé-ne nga katiyaá yije-ne nga kátachija tje-ne.

²⁰ Tijña-ne nachrjein koi, kits'iin Moisés. Ki'ndí jè, 'nò ndaa kji isén-la. Ján sá kisikjna'ma ni'ya-la xita jchínga-la.

²¹ K'e nga ijchò sikjna jjin nandá, jè tsòti-la faraón kiskoétjó, kisijchá koni tsà ki'ndí ts'e.

²² Jè Moisés kiskoòta'ya ngats'ií kjoachjine xi tjin Egipto. 'Nó ndaa kjohitsjeèn xi kis'e-la, ndaa kiichja tikoá ndaa kis'iin.

²³ Moisés, k'e nga jye tjin-la ichán nó k'oaá s'in tsi'beé-la ikon nga mejèn kiikon xita naxandá Israel xikjín.

²⁴ Moisés, k'e nga kijtseé nga ch'o tìnìkò jngoò xita Israel xikjín, tsasikò nga kisik'en xita Egipto mé-ne nga kòjndá-ne.

²⁵ Moisés, k'oaá s'in tsíkítsjeèn, maá-la tsà tímachiyaá-la jña xita Israel xikjín nga jè Moisés sjikjeèn Nainá nga sjikítsajnandeji; tanga jña xita Israel mikii kjòchiya-la.

²⁶ K'e nga komá inchijòn, Moisés kijtseé jò xita Israel xi nchikjaán-kjoó, mejèn-la kotekjáya-la, kitsò-la: “Jño xi 'ndsè chiba, ¿mé-ne bixkàn-kò-nò xinguiqo?”

²⁷ Jè xita xi tikjaán-kò xikjín, k'eé kii jahitjen Moisés, kitsò-la: “¿Yá xi xitaxá kàsikjna-lè kò xi ikkàlè kàtsò-lè xi jt'aá tsajen?”

²⁸ ¿A tikoáá mejèn-lè nga s'ik'en-ná koni s'in kinik'in ngojña jè xita Egipto?"

²⁹ Moisés, k'e nga kii'nchré 'én koi, tsanga-né; ján kil k'jna j'nde ñánda 'mì Madián. K'oáá s'in tsibijna koni jngoo xita xi kjiin j'nde-la; jò ixti kis'e-la.

³⁰ K'e nga jye ijchò ichán nó nga tjna Madián, Moisés, tsatsejèn jngoo-la àkjalé-la Nainá xi ya sijnajin ni'n ñánda titi jngoo yá na'yá ya chrañat'aà-la nindoò Sinaí, ya j'nde it'aà xin ñánda nangui kixi choòn.

³¹ Moisés, k'e nga tikotsejèn-la jè yá na'yá xi titi, tà kjòxkón-la koni s'in tíma; k'e nga isa chrañat'aà kil kasijna nga isa ndaà skog, kii'nchré jta-la Nainá nga kiichja-la, kitsò:

³² "An-ná xi Nainá tsò-na xita jchínga-lè, Nainá tsò-na Abraham, kò Isaac, kò Jacob." Tanga jè Moisés tà tsatsé-né nga 'ño kitsakjòn, mikil kitsò-ikon nga kiskoòtsejèn-la.

³³ Jè Nainá kitsò-la Moisés: "Chjaàxin xojté xi titsjayi; jè j'nde ñánda tsijnasoin, j'nde tsjeé-né.

³⁴ Ndaà tibe kjo'in xi nchisikjeiín xita-na xi títsajna Egipto. Jyeé ki'nchré-la nga nchi-hojét'aà-na; koií xá kòbitjojen-na nga siikítsajnandiaá. Koií xá tichja-lè, nchroboí, ján siikasén-lè Egipto."

³⁵ J'ña xita Israel nas'in tsachrjekàngui Moisés k'e nga kitsò-la: "Yá xi xitaxá kásik'jna-lè kò xi ixkàlé kàtsò-lè?", tanga jè sobá Nainá kisikasén ján naxandá Egipto koni jngoo xitaxá itjòn xi kisikítsajnandeií xita Israel. Nainá kisikjeén jè àkjalé xi tsatsejèn-jin yá na'yá xi titi.

³⁶ Jè Moisés xi tsachrjekàjin xita Israel ján naxandá Egipto. Nainá kisikjeén Moisés nga 'ño kjiin kjòxkón kis'iin kòhokji Egipto, kò ya Ndáchikon Iní, kòhokji ñánda nangui kixi choòn nga ichán nó chinchimaya ndiyá.

³⁷ Tjje-ne Moisés xi kitsò-la j'ña xita Israel: "Nainá kochrjekàjin jngoo xi tì xita xinguoo-nò, jè xi kichja ngajo-la Nainá koni 'an."

³⁸ Tikoáá tjje-ne Moisés xi tsibijnako xita naxandá Israel ya ñánda nangui kixi choòn, jè xi tsohóko àkjalé ya nindoò Sinaí, jè xi tsajmeiiko xita jchínga-ná nga kisikatoya-la 'én xi kitsjaà-la àkjalé; tikoáá tjje-ne xi kitjoé-la 'én-la Nainá xi sikijnakon-ná mé-ne komá kisikatoya-ná j'ña 'én.

³⁹ Tanga j'ña xita jchínga-ná, tsachrjenguií 'én xi kitsjaà Moisés, mikil kisikitasòn. K'oáá s'in kisikitsjeén jjiin iníma-la, mejèn kil jngoo k'a-ne ján Egipto.

⁴⁰ Kitsò-la jè Aarón: "Tindaà i'nga-ná nainá xi kjiko-ná. Jè Moisés xi tsachrjekàjin-ná ján nangui Egipto, mikil 'yaá mé xi komá-la."

⁴¹ K'e tsibindaà jngoo xkòsòn xi nainá kitsò-la xi isén-la nchraja ki'ndí kji; kisik'en cho kjotjò xi kitsjaà-la jè nchraja nga kijtseèkón, ikjoàn tsibijna jngoo-la s'eí xi it'aà ts'e xkòsòn xi tj'ña tsibindaà-ne.

⁴² Koií kjoa-la tsasit'aàxin Nainá it'aà ts'e xita Israel. Kitsjaà'nde-la nga kijtseèkón yije ni'ño xi tjín ngajmii. K'oáá s'in tichja jè xojon xi kisikil j'ña xita xi kiichja ngajo-la Nainá nga tsò:

J'ño xi xita naxandá Israel tsajòn, k'e nga ichán nó tsitjaayaá ndiyá ya ñánda nangui kixi choòn, kò kinik'eèn cho nga mejèn-nò kits'iil kjotjò-ná, mìtsà 'an kiyaxkón-ná.

⁴³ Majin, ta saá kichijeén ni'ya nikje-la Moloc, kò ni'ño ts'e Renfán xi nainá 'mì-lá;

j'ña isén xi tj'ño tsibindaà-nò nga kiyaxkón.

Koií kjoa-la nga kochrjekàjin-nò j'nde tsajòn.

Ján siikasén-nò ñánda nga isa kjiin-la Babilonia.

⁴⁴ Ya ñánda nangui kixi choòn, j'ña xita jchínga-ná kis'e-la Ni'ya Tsjeé xi nikje ñánda kjiyijóya kjotixoma-la Nainá. K'oáá s'in kisindaà koni s'in tsatixoma-la Nainá jè Moisés k'e nga kitsò-la nga kátindaà jngoo ni'ya koni kji isén-la ni'ya xi jye jè tsakó-la.

⁴⁵ Ni'ya tsjeé jè xi nikje, j'ña xita jchínga-ná kjòngatsja; j'ña xita Israel xi tjiko Josué, j'iiko ni'ya jè, k'e nga jahas'en nangui ijndé ñánda Nainá kitsjaà-la kò tsachrjekàjin nangui-la j'ña xita naxandá xi k'eií. Ni'ya jè, yaá kisijna skanda naxchrejin ts'e xitaxá itjòn xi David ki'mi.

⁴⁶ Nainá, 'ño ndaà kisaseén takòn David. Kò jè David mejèn-la kojindaà jngoo-la ni'ya ñánda jeya k'jna Nainá xi beèkón j'ña xita tje-la Jacob.

⁴⁷ Tanga jè xitaxá itjòn xi ki'mi Salomón, jè xi tsibindaà jngoo-la ni'ya Nainá.

⁴⁸ Nainá xi 'ño 'nga tjna, mìtsà ya tjnaya ni'ya xi xita bindaà. Jè xita xi kiichja ngajo-la Nainá kitsò:

⁴⁹ Jè ngajmii, jè ixile-na ñánda otixoma;

jè isò'nde, k'oáá ngaya-la koni jngoo ískon ñánda nchasòn ndsokoaá.

¿A komaa-nò nga kindaa jngoo-ná ni'ya ñánda siikjáya? tsò Na'èn-ná.

⁵⁰ ¿A mìtsà 'an sobá xi tsibindaà yije tsojmii koi?

⁵¹ Jè Esteban kitsò-isa-la:

—Jñò, kjit'aà nachrjein, 'ñò tajaajijn tjin inima-nò, kò mikii ndaà na'yà koni s'in jñà xi mìtsà xita-la Nainá. Kjit'aà nachrjein kondra ongui-là Inima Tsjeè-la Nainá koni kis'in jñà xita jchínga-nò.

⁵² Njngoo xita xi kiichja ngajo-la Nainá xi mi kondra kii-la; kisik'en jñà xita xi j'ii kénojmi it'aà ts'e jè xita kixi xi tjinè-la nga kjojí. I'ndeí, nga jye j'ii jè xita kixi, yaá kiningsja jñà xitaxá nga kisik'en.

⁵³ Jñò, nas'in it'aà ts'e àkjale-la Nainá kitjoé-nò kjoťixoma, tanga mikii nikitasòn.

K'e nga k'en Esteban

⁵⁴ K'e nga kii'nchré 'én xi kiichja Esteban, 'ñó jti komà-la jjiin inima-la, chiba-la kinenè ni'ño xi kondra ts'e Esteban.

⁵⁵ Jè Esteban, 'ñó ndaà tjiin inima-la Inima Tsjeè-la Nainá. Kiskoòtsejèn ngajmii; kijtseè kjoajeya-la Nainá nga Jesús ya sijnat'aà chrja kixi-la Nainá.

⁵⁶ Kitsò Esteban:

—Tibe-ná ngajmii nga tix'á; jè xi Ki'ndi-la Xita tsò-la yijo-la yaá sijnat'aà chrja kixi-la Nainá.

⁵⁷ Ngats'ii xita koi, tsibíchoajto líká-la; i'kjoàn 'ñó kiskindáya; jngoo k'a kii kóhoťín nga jahatjen Esteban;

⁵⁸ tsachrekajijn naxandá; kò jñà xita ndiso xi kitsját'in 'én xi kondra kii-la Esteban, yaá tsibítsajngui ndsoko jñà nikje-la nanda sijn jngoo xita ixti xi 'mí Saulo mé-ne nga komà tsibínè-ne ndajo nga kisik'en.

⁵⁹ K'e nga tisinè ndajo, Esteban tichjat'aà-la Nainá, kitsò:

—Na'èn Jesús, chjoétjoi inima-na.

⁶⁰ Esteban tsasijna-xkó'nchi, i'kjoàn 'ñó kiichja kitsò:

—iNa'èn, ki kindáá 'ni jé-la xita koi!

K'e nga jye okitsò, k'en.

8

¹ Jè Saulo, nga ya sijná tikoáá kisijngoo ikon nga kinik'en Esteban.

Mé kjoa-ne nga jè Saulo kitsobá'ño xita-la Cristo

Kjòts'ia-ne nachrjein jè nga 'ñó kiitjngui kondra-la xita ngats'ii xita naxandá-la Cristo ján Jerusalén. Kóhoťín xita-la Cristo kitsjohoba kóhokji nangui Judea kò Samaria. Tà jñà tsiningui-ne xita xi tsibixáya-la Jesús.

² Tjin i'nga xita xi beèkón Nainá, jñà tsibihijijn Esteban. 'Ñó kiskindáyaake.

³ Tanga jè Saulo, 'ñó kiitjngui kondra-la xita naxandá-la Cristo. Xki xi ján ni'ya jahas'en nga kjo'ño ochrje íchjín kò íchjá, i'kjoàn kinís'en ndayá.

Mé xi komà ya nangui Samaria k'e nga kiichjaya 'én-la Nainá jè Felipe

⁴ Jñà xita xi kitsjohoba, xki xi ján kii nga kisika'bí 'én ndaà-la Nainá xi kjoa ts'e Cristo.

⁵ Jè Felipe, k'e nga ijchò naxandá Samaria, yaá tsibénojmi it'aà ts'e Cristo [xita xi xó kisikasén-ne Nainá].

⁶ Jñà xita Samaria nga kjin ma, k'e nga kii'nchré tikoá kjitsee jñà kjo'xkón ndaà xi kis'in Felipe, kóhoťín, isaá ndaà kii'nchré-isa koni s'in tsibénojmiya-la.

⁷ Kjín xita xi inima ch'o-la nejí tjiin inima-la kjòndaà-ne. Jñà inima ch'o-la nejí, 'ñó kjindáya k'e nga bitjojijn inima-la xita. Tikoáá kjín xita ima kjòndaà-ne xi mikii ma síhiníyá yijo-la kò xi tsá'yá kjoàn.

⁸ K'oaá ma-ne nga jñà xita naxandá jè, 'ñó tsja kis'e-la.

⁹ Ya Samaria tsibijna jngoo xita xi Simón ki'mi. K'e nga sa ítjòn, maá-la bíndaà. Kjín nó kiskoònaxan-la xita xi ya i'nde-la nga chincháxkón-la nga kitsò: “An 'ñó ndaà machiya-na.”

¹⁰ Ngats'ii xita ixti kò xita jchínga, ndaà kii'nchréñijon-la; kitsò:

—Jè xita jè xi tse nga 'ñó tjin-la it'aà ts'e Nainá.

¹¹ Koií kjoa-la nga ndaà kii'nchréñijon-la nga jye kò kjín nó konaxan-la nga bincháxkón-la nga 'ñó ndaà ma-la bíndaà.

¹² Jñà xita, k'e nga kòkjeín-la 'én ndaà-la Nainá kó s'in otixoma Nainá kò it'aà ts'e Jesucristo xi jè Felipe tibénojmi, tsibíts'ia nga komà bautizar íchjín íchjá.

¹³ Skanda tije-ne Simón tikoáá kòkjeín-la; i'kjoàn komà bautizar. Nanda tsajmeè Felipe, yaá tsajmeiiko Simón. Tà k'oaá ma-la nga tibeè kjo'xkón ndaà xi tís'in Felipe kò kjoa xi okó kjoa jeya-la Nainá.

¹⁴ Jñà xita xi tsibixáya-la Jesús xi tútsajna Jerusalén, k'e nga kii'nchré nga jñà xita Samaria jyeè kòkjeín-la 'én-la Nainá, kisikasén jè Pedro kò Juan.

¹⁵ Jñà x̄ita koi, k'e nga jye ijchò Samaria, tsibítsi'batji jñà x̄ita xi jye kòkjeín-la mé-ne nga tjoé-la jè Inima Tsjeè-la Nainá.

¹⁶ Nga jè nachrjein jè, ni saá jngoò tjoé-la Inima Tsjeè-la Nainá. Sà tà jè it'aà ts'e Na'èn-ná Jesús komá bautizar x̄ita koi.

¹⁷ Jè Pedro kò Juan, k'ée tshósòn-la tsja, ikjoàn kitjoé-la Inima Tsjeè-la Nainá.

¹⁸ Jè Simón, k'e nga kijtsee nga jñà x̄ita xi tsibíxáya-la Jesús, ósòn-la tsja jñà x̄ita, ni tóón tjoé-la Inima Tsjeè-la Nainá, jè Simón tsibít'aà-la tòn jñà x̄ita-la Cristo,

¹⁹ kitsò-la:

—'An, t̄ikoá t̄ji-ná nga'ñó jè, mé-ne ni t̄a yá x̄ita-ne xi kosòn-la ndsaa t̄ikoá tjoé-la Inima Tsjeè-la Nainá.

²⁰ Jè Pedro kitsò-la:

—j̄k̄atiyaakoji tòn-lè! Ngaji, k'oáá s'in níkítsiìn tsá maá bindaà-ná kotjò xi tsjá Nainá.

²¹ Ngaji mikii t̄j'nde-lè it'aà ts'e xá jè nga jè inima-lè mi kixi t̄jna nguixkon Nainá.

²² T̄ikájnoi jè-lè, nga ch'otso yá j̄iìn inima-lè, k̄i t̄i jè binchaatsi-ne. T̄ijét'aà-la Nainá tsá koi nachrjein-la s̄ijchàat'aà-lè jè-lè.

²³ Be-ná nga jè kjoaxitakòn xi t̄jiìn inima-lè kò jè kjoach'o-lè mikii tsjá'nde-lè nga ndaà 'ni.

²⁴ Jè Simón k'ée kitsò:

—S̄jét'aà-nò, t̄itsi'ba-la Nainá xi it'aà ts'àn mé-ne nga mi k'oá s'in komat'ian ngats'i kjoa xi k'oas'in t̄itsa'mi-ná.

²⁵ Jñà x̄ita xi tsibíxáya-la Jesús, k'e nga jye kitsjaá 'én it'aà ts'e Cristo t̄ikoá tsakóya 'én ndaà-la Nainá, kii jngoò k'a-ne ján Jerusalén. K'e nga chinchimaya ndiyá, k̄jìn x̄ita naxandá jtabá xi chja-ne Samaria tsibénojmi-la 'én ndaà-la Nainá xi kjoa ts'e Cristo.

Jè Felipe kò jngoò x̄ita Etiopía

²⁶ Xi jye komá, jngoò àkjalè-la Nainá kùchja-la Felipe, kitsò-la:

—T̄isítjii, t'in kixi ndiyá xi bitjokàt'aà-ne Jerusalén, fijen bijchó skanda Gaza.

(Ndiyá jè, yaá fahato yá j'nde it'aà xìn ñánda nangui kixi choòn.)

²⁷ Felipe, tsasitjen, kii; ya jya ndiyá kisatiikjoò jngoò x̄ita x'in ts'e Etiopía xi 'ñó nga xá t̄jin-la xi jye k̄jòxkii-la nga mi t̄i íchjín s̄iis'in-ne; tesorero t̄jin-la ts'e chjoón sko-la Etiopía xi 'mi Candace. Jerusalén j'ii-ne x̄ita jè nga kii jngo ñánda beèxkón Nainá.

²⁸ X̄ita jè, k'e nga t̄inchrobá-ne nangui-la, t̄j̄naya carreta-la; t̄ibíxkej̄iìn xojon xi kiskii Isaiás, x̄ita xi kùchja ngajo-la Nainá.

²⁹ Jè Inima Tsjeè-la Nainá kitsò-la Felipe:

—T'in t̄jingui-la carreta jè, tsjahijtakoji.

³⁰ Felipe ni tóón k̄iit̄jingui-la, kii'nchré-la jè x̄ita nga t̄ibíxkej̄iìn xojon xi kiskii Isaiás, x̄ita xi kùchja ngajo-la Nainá; ikjoàn kiskònangui-la kitsò-la:

—¿A f̄iyá-lè kó s'in t̄ichja xojon xi t̄ibíxkej̄iìn?

³¹ Jè x̄ita etiope kitsò:

—¿Kó s'in koma k̄j̄iya-na nga mi yá bénojmiya-na? K'ée tsibítsi'ba-la Felipe nga tsijin-jno carreta; yaá tsibijnayako.

³² Jè Xojon-la Nainá xi t̄ibíxkej̄iìn ts'e Isaiás tsó-né:

Kiikò koni jngoò orrè nga kii sík'en;

k'oáá ngaya-la koni jngoò orrè ki'ndí xi mikii kjindáya k'e nga t̄isijno-la,

k'oáá s'in mikii kùchja k'e nga tsatoj̄iìn kjo'in.

³³ K'e nga tsachrjekàngui x̄ita, mi kixi kisindaàj̄iìn-la.

Nga mi yá x̄ita t̄j̄e s'e-la, niyá xi s̄iikitsjeèn,

nga jè, kinik'en-né i'jsò'nde.

³⁴ Jè x̄ita etiope kitsò-la Felipe:

—T'j̄iìn kjondaà. Tènojmiya-ná yá-né xi k'oas'in t̄itsò-la jè Isaiás; ¿a k̄j'ei' x̄ita-né, a xi t̄j̄è-ne yijo-la?

³⁵ Felipe tsibítsi'ako-ne jè xojon xi t̄ibíxkej̄iìn x̄ita etiope; tsibénojmi yije-la it'aà ts'e 'én ndaà-la Nainá xi kjoa ts'e Jesús.

³⁶ Koni s'in nchif̄iya ndiyá, ijchò jngoò j'nde ñánda t̄j̄in nandá, kitsò x̄ita etiope:

—J'nde jè, t̄j̄in nandá; ¿a m̄itsá ndaà s'e tsá s'iaàn bautizar yijo-na?

³⁷ Felipe kitsò-la:

—Tsá k̄oó inima-lè nga ndaà mokjeiìn-lè koma-né.

X̄ita jè kitsò:

—Mokjeiìn-na nga Jesús, jè xi Cristo xi Ki'ndí-la Nainá.

³⁸ Kò kitsjaá okixi nga tsasijna carreta, ikjoàn tsitajen ingajò, jahas'en-j̄iìn nandá, jè Felipe kis'iin bautizar.

³⁹ K'e nga jye itjokàj̄iìn-ne nandá, Felipe, tà ni tóón kichijà; jè Inima Tsjeè-la Nainá kiikò; mi t̄i kii k̄ijtseexon-ne xikj̄in; t̄anga jè x̄ita etiope, k'e nga t̄ifi yá ndiyá, tsjaá jchán t̄j̄in-la.

⁴⁰ Jè Felipe k'e nga kjòchija-là jye ya tìjna naxandá Azoto; xkì xi ján naxandá tsibénojmi 'én ndaà-là Nainá xi kjoa ts'e Cristo skanda k'e nga ijchò naxandá xi 'mì Cesarea.

9

*Kós'in komà k'e nga jè Saulo kòkjein-là it'aà ts'e Cristo
(Hechos 22:6-16; 26:12-18)*

¹ Saulo, xkì xi ján i'nde bincháxkón-là xitá xi kota'yàt'aà-là Cristo nga mejèn-là sjik'en. K'oaá ma-ne nga kùkon jè nò'mù itjòn,

² nga kisijé-là xojon xi tìjn-là nga'nó xi k'oa ts'e jñà ni'ya ingo sinagoga ján Damasco, mé-ne nga koma tsobà'nó-ne xitá ichjín kò íchjá xi fit'aà-là jè ndiyá xitse-là Cristo; ikjoàn kjinchrobàko Jerusalén nga sjikitsajna ndayá.

³ K'e nga nchifija ndiyá nga jye kjòchrañàt'aà-là naxandá Damasco, tà nitoón kjòhiseèn jngoo itjandii-là jngoo ni'in xi inchrobà-ne ngajmii.

⁴ Jè Saulo kiskaajndoòt'aà nangui, ikjoàn kii'nchré-là 'én xi kiichjajiin isén xi kitsò:

—Saulo, Saulo, ¿mé-ne 'an tì'mitjngui kondra-ná?

⁵ Saulo kitsò:

—¿Yá-né ngaji, Na'èn?

Jè xi tíchja kitsò:

—'An-ná Jesús xi tì'mitjngui kondra-ná. Tijí tiyatoòn-ne yijo-lè, k'oaá ngayá-là koni tsà nchraja tsjón-là jè yá xi bínès'en-là nei-là.

⁶ Saulo, tsí tsatsé-né; tsí ndaà kitsakjòn; k'ee kitsò:

—Na'èn, ¿mé xi mejèn-lè nga 'an s'iaa'n?

Jè Na'èn-ná kitsò-là:

—Tisitjijn, títjás'en-jijn naxandá; yaá s'enojmí-lè mé xi s'jin.

⁷ Jñà xitá xi tìjko Saulo, tà kisinchaà-né nga 'nó kitsakjòn; kii'nchré-là jè xi tíchja tanga mìkii kijtseèxkon yá xi tíchja.

⁸ Jè Saulo, tsasítjen-t'aà-ne nangui, tanga k'e nga kiskíx'a xkon mì tì kii kjòtsejèn-là. Tà jñà xitá xi tìjko kitsobàt'aà, kùko ján Damasco.

⁹ Ján naxandá tsibijna nga mì tì kii kotsejèn-là; nímé xi kiskine tìkoa nímé xi kits'ii.

¹⁰ Ya naxandá Damasco tìjna jngoo xitá xi kota'yàt'aà-là Cristo xi 'mì Ananías; Nainá kiichja-là nga tsatsejèn jngoo-là kjoa koni tsà nijñá tí'bil-là, kitsò-là:

—¡Ananías!

Kiichja Ananías kitsò:

—¿Mé-ne Na'èn? ¿Mé xi mejèn-lè?

¹¹ Jè Na'èn-ná kitsò-là:

—Tisitjijn, t'in jè calle xi 'mì Calle Kixi, ya ni'ya-là Judas; ya tinchátsji jngooi xitá xi 'mì Saulo xi ya i'nde-là Tarso. I'ndej, tìbít'si'ba-né.

¹² Saulo jyeé kòbeè jngoo kjoa koni tsà nijñá tí'bil-là xi tsò: jngoo xitá xi 'mì Ananías kòbijhókon nga kòhósón-là tsja nga kòmandáa jngoo k'a-ne xkon.

¹³ Ananías, k'e nga kii'nchré kitsò:

—Na'èn, tìjijn-na, kjin xitá jye tsibénojmi-na nga 'nó ch'o kjoàn xitá jè; jè-né xi 'nó tibeetoòn xitá tsjii ján Jerusalén.

¹⁴ I'ndej koií xá j'ii-ne skanda ijndé, tìjn-là okixi it'aà ts'e nò'mù itjòn nga tsobà'nó ngats'ii xitá xi mokjein-là it'aà tsjii.

¹⁵ Nainá kitsò-là Ananías:

—Tich'óin xitá jè; xó jaajijn-na; k'oaá s'in kochjeén-na nga jè kichjaya it'aà ts'an nga títja isò'nde nguixkon ngats'ii xitá xi mìtsá xitá judío kò xitaxá itjòn-là, tìkoa jñà xi xitá Israel.

¹⁶ Aan kokoò yije-là kjo'in xi 'nó tse sjikjein xi kjoa ts'an.

¹⁷ Ananías kii nanda tìjna Saulo; jahas'en ni'ya. Tsohósón-là tsja, kitsò-là:

—Ndsè Saulo, jè Na'èn-ná Jesús xi kiichja-lè ya iya ndiyá k'e nga tjinchroboí, jè kásikasén-na nga kotsejèn jngoo k'a-lè tìkoa sjiiin inima-lè Inima Tsjeè-là Nainá.

¹⁸ Saulo, nitoón kitjaaxin-là xkon xi koni kjoàn chrjoa ton-là tìn. Ikjoàn kjòtsejèn jngoo k'a-là. K'ee tsasítjen, ikjoàn komà bautizar.

¹⁹ Saulo, tsakjèn; ikjoàn kis'e jngoo k'a-là nga'nó. Tsibijnakò chiba naxandá jñà xitá xi kota'yàt'aà-là Cristo xi títajna Damasco.

Kós'in komà nga jè Saulo kiichjaya 'én-là Cristo

²⁰ Saulo, nitoón tsibít'si'ja nga kiichjaya it'aà ts'e Jesús ya ngats'ii ni'ya ingo sinagoga nga jè Jesús, jè xi Kí'ndi-là Nainá.

²¹ Ngats'ii xitá xi kii'nchré-là tà kjòxkón-là; kitsò-là xíkjin:

—¿A mìtsá jè xitá jè xi tsangatjngui-là xitá ján Jerusalén, jñà xi mokjein-là it'aà ts'e Jesús? ¿A mìtsá tìkoa koií xá j'ii-ne ijndé nga ndayá kjiko yije xitá koi, ikjoàn sjingatsja nò'mù itjòn?

²² Tanga Saulo, ìsàá 'ńó tse nga'ńó tísijin iníma-là nga chjaya. Jńà xítà judío xi títsajna Damasco, skanda mì tì kii beè-ne kós'ín s̀ikítsjeèn koni s'ín tsakóya Saulo nga ngui 'én kixi-né nga Jesús, jè xi Cristo [jè xi xó kisikasén-ne Nainá].

K'e nga jè Saulo tsanga-la xítà judío

²³ Nga jye komà kjin nàchrjein, jńà xítà judío, tsajoóya-ne nga s̀iik'en Saulo.

²⁴ Tanga jè Saulo kii'nchré koni s'ín tsajoóya-ne nga jńà xítà judío, kò nàchrjein kò nítjen kisikinda, tsibítsajnajto xotjoa-là naxandá nga mejèn-là s̀iik'en.

²⁵ Tanga jńà xítà-la Saulo, k'e nga jńò, kii_kò, kisikínaya jngòò nísjyá xi je kji; ikjoàn kiskinís'en-kjá ñánda tux'á chiba jè chrjò xi t́jindii-là naxandá kò yaá kiskinijen-jno jè chrjò, mé-ne komà tsanga-ne.

K'e nga tsibijna Jerusalén jè Saulo

²⁶ Saulo, k'e nga ijchò-ne ján Jerusalén, mejèn-là nga ya koahijtakò jńà xítà xi kota'yàt'aà-la Cristo, tanga ngats'ii xítà koi, tà kitsakjòn-la, nga mikii kòkjeiin-la tsà kixi kjoa nga t́koà ya kota'yàt'aà-la Cristo.

²⁷ Tanga jè Bernabé k'eé kii_kò ñánda títsajna xítà xi tsibíxáya-la Jesús. Tsibénojmi-la nga jyeé jahatjija-la k'e nga kijtsee Na'èn-ná Jesús nga kiichja sobà-la ya iya ndiyá k'e nga tífi Damasco; t́koàá tsibénojmi-la nga ján Damasco 'ńó ndaà kiichja it'aà ts'e Jesús, mikii kitsakjòn.

²⁸ Saulo, yaá tsibijnakò jńà xítà xi tsibíxáya-la Jesús; yaá tsajmeiikò Jerusalén. Mikii kitsakjòn nga kiichjaya it'aà ts'e Jesús.

²⁹ 'Nó kiichjako jńà xítà judío xi 'én griego chja nga tsajoókjoòkò xikjín; tanga jńà xítà koi tshótsji'nde-là kó s'ín s̀iikò nga mejèn-là s̀iik'en Saulo.

³⁰ Jńà xítà xi 'ndse joó it'aà ts'e Cristo, k'e nga kii'nchré 'én koi, kii_kò Saulo ján Cesarea, ikjoàn kisikasén skanda ján Tarso.

³¹ Ngats'ii xítà naxandá-la Cristo, 'nchán tsibítsajna kóhotjín naxandá xi chja-ne nangui Judea, Galilea kò Samaria; ni tì mé kjoasii kis'e-ne. Kis'e-isa-la nga'ńó ts'e iníma-la nga isa ndaà kijtsee_xón Nainá; jè Iníma Tsjeè-la Nainá ìsàá ndaà tsasikò nga isa kjin komà xítà-la Cristo.

Kós'ín komà k'e nga kjòndaà-ne Eneas

³² Jè Pedro, k'e nga tsajmeèsòn j'nde koi, t́koàá kiikon xítà-la Cristo xi títsajna ya naxandá Lida.

³³ Ya t́jna jngòò xítà xi 'mì Eneas; jyeé t́jin-la j́in nó nga kijna xk'én, mikii ma síkjaníyá yijo-la.

³⁴ Pedro kitsò-la:

—Eneas, jè Jesucristo tísindaà-lè. Tísitjín, tixkóyi nijñaà-lè.

Eneas, nítòón tsasítjen.

³⁵ Ngats'ii xítà xi títsajna ya naxandá Lida kò Sarón, kijtsee Eneas nga tsajmeè-ne, ikjoàn kòkjeiin-la it'aà ts'e Na'èn-ná Jesús.

K'e nga jaáya-la Dorcas it'aà ts'e kjoabiyaá

³⁶ Ya naxandá Jope t́jna jngòò chjòon xi kota'yàt'aà-la Cristo: Tabita 'mì. Jè 'én griego, Dorcas 'mì. [Jè 'én tsaján, Naxín tsò-ne.] Chjòon jè, 'ńó ndaà xítà, t́koàá ndaà síchjät'aà-la xítà imà.

³⁷ Jńà nàchrjein koi, chjòon jè, kjòxk'én koà k'en. K'e nga jye kisihingáya, kii_kò, kisikájnyaya ni'ya xi ma-ne jò piso.

³⁸ Jè naxandá Lida yaá kijnat'aà chraña-la Jope. Jńà xítà xi kota'yàt'aà-la Cristo kii'nchré nga ya t́jna Lida jè Pedro. Kisikasén jò xítà x'ín xi kii kitsi'ba-la, kitsò-la:

—Kì nìkachrjein-jèn, nítòn nchrobáchón-nájen.

³⁹ Pedro, k'e nga kiskaat'aà-la okixi, nítòón tsasítjen; tsoháhijtakò xítà koi. K'e nga ijchò Jope, kii_kò ñánda kijna mik'en; jahas'en ni'ya. Ngats'ii íchjín ka'an xi títsajna ijchò kinchat'aà-la Pedro nga kjindáya; tsakó-la x'ió kò nàchrò xi tsibindaà Dorcas k'e nga t́sa t́jnakon.

⁴⁰ Pedro tsachrje yije ni'ya jńà xítà koi; ikjoàn tsasixkónchi, kiichjat'aà-la Nainá; k'eé kiskoò'an jè mik'en, kitsò-la:

—jTabita, tísitjín!

Jè mik'en, kiskix'angui-ne xkon. K'e nga kijtsee Pedro, tsibijna kixi.

⁴¹ Pedro kitsjaà-la tsja, kisikasítjen; ikjoàn kiichja-la xítà-la Cristo kò jńà íchjín ka'an; tsakó-la Dorcas nga t́jnakon-né.

⁴² Kjoa jè, ki'ya yijeé-la kóhokji Jope; kjin xítà kòkjeiin-la it'aà ts'e Na'èn-ná Jesucristo.

⁴³ Jè Pedro, kjin nàchrjein tsibijna ya Jope, ya ni'ya-la xítà xi 'mì Simón chjinechrjoa.

10

K'e nga jè Cornelio kiichja-la Pedro

¹ Ya naxandá Cesarea tsibijna jngoò x̣iṭa xi 'mì Cornelio, jè xi x̣iṭa sḳo-la ts'e soldado xi jngoò sindo ma-ne xi ya chja-ne xi 'mì Italiano.

² Jè Cornelio, ngats'iì x̣iṭa ni'ya-la, ndaa beèxkón Nainá, ṭikoaá tsakjón-keè Nainá. Ndaa sichját'aà-la j̄n̄a x̣iṭa im̄a xi ni mé ṭj̄n-la. Kjit'aà n̄achr̄ein bítsi'ba-la Nainá.

³ Jngoò n̄achr̄ein, ijchò-la tsà xi j̄n̄ nga nguixò, tsatsejèn jngoò-la kjoa koni tsà nijñá t'biì-la nga jahas'en jngoò àkjale-la Nainá ya ni'ya ñanda t̄jna; kitsò-la:

— ¡Cornelio!

⁴ Jè Cornelio, k'e nga kiskoò'an àkjale, tà kitsakjòn-la, kitsò-la:

— ¿Mé xi mejèn-lè n̄'èn?

Jè àkjale kitsò:

— Jyeé ijchò kaat'aà-la Nainá jè kjoa bítsi'ba-lè ḳo kjoa nga nichját'aà-la x̣iṭa im̄a xi ni mé ṭj̄n-la. Jè Nainá ndaa sasèn-la.

⁵ T̄kasin x̣iṭa-lè j̄n̄ naxandá Jope; k̄atikjaá Simón xi t̄ikoa Pedro 'mì.

⁶ Ya t̄jna ni'ya-la x̣iṭa xi t̄ikoa Simón 'mì xi chr̄oa-la cho síhinda. Jè ni'ya-la yaá kijnandii ndáchikon. Jè keénojmi-lè mé xi s'iin.

⁷ K'e nga jye kii-ne àkjale-la Nainá xi t̄ichjako Cornelio, kiichja jò-la x̣iṭa ch̄i'nda-la koa jngoò soldado xi ndaa beèxkón Nainá xi ya síxát'aà-la.

⁸ K'e nga jye tsibénojmi yije-la ngats'iì kjoa xi kii'nchré, ikjoàn kisikasén j̄n̄ naxandá Jope.

⁹ K'e nga komá nchjòn, ijchò-la tsà nchisen, j̄n̄ x̣iṭa koi, jyeé kjomeé bijchó chrañá-la naxandá Jope. T̄j̄jè-ne hora jè Pedro, tsij̄in isò'nga ni'ya nga kii kítsi'ba-la Nainá.

¹⁰ Pedro, jyeé 'ñó kjòhòjò-la; mejèn-la nga kokjèn, t̄anga t̄ikoañá-la, k'eé t̄isindaá tsojmi xi sk̄ine; tsatsejèn jngoò-la kjoa koni nijñá t'biì-la.

¹¹ Kijtsèé nga t̄ixá ngajmii; inchròbajen jngoò nikje skanda it'aà nangui xi 'ñó teè kji, j̄it̄'aà'ñó nga ñijòn chr̄janguì-la.

¹² Jè nikje, yaá t̄itsajna yije cho xi t̄j̄n i it'aà nangui xi ñijòn ma ndsoko ḳo j̄n̄ cho xi bífejno yijo-la nangui, ngats'iì cho xi t̄j̄n-la jngaa xi t̄jma j̄j̄in isén.

¹³ Jè Pedro kii'nchré jngoò 'én xi kitsò-la:

— Pedro, t̄isitj̄in, t̄ik'in cho koi, ch̄inji.

¹⁴ Kitsò Pedro:

— Na'èn, maj̄n; n̄ saà jngoò k'a tsojmi t̄jé k̄inee xi xkón t̄j̄n it'aà ts'e kjot̄ixoma.

¹⁵ Pedro, j̄jngoo k'a kii'nchré 'én xi kitsò-la:

— Tsojmi xi Nainá jye kisitsjeé nga ma ch̄j̄ne, ki tsojmi t̄jé 'mì-la.

¹⁶ Jè kjoa ts'e nikje, j̄n̄ k'a okomá. Ikjoàn tsij̄in j̄jngoo k'a-ne j̄n̄ ngajmii.

¹⁷ Pedro, t̄isik̄itsjeèn kó tsòya-ne jè kjoa xi kijtseé. T̄ik'eé-ne ijchò kinchajto xotjoa ni'ya j̄n̄a x̣iṭa xi kisikasén Cornelio nga jye kiskònangui ñanda-ne ni'ya-la Simón.

¹⁸ Kiskònangui, a yaá t̄jna jngoò x̣iṭa xi Simón 'mì, t̄ikoa t̄j̄t'aàsòn 'in-la nga Pedro 'mì.

¹⁹ Jè Pedro, t̄ákó k'eé t̄isik̄itsjeèn jè kjoa xi kijtseé, jè Inj̄ma Tsjeè-la Nainá kitsò-la:

— J̄n̄ ma x̣iṭa xi j̄i ótsji-lè.

²⁰ T̄isitj̄in, t̄itj̄oj̄in, ki jò 'beé-la takoin nga 'm̄ikoj̄i; j̄n̄ x̣iṭa koi, 'aán k̄asikasén.

²¹ Jè Pedro inchròbajen ñanda 'ncha x̣iṭa xi kisikasén Cornelio, kitsò-la:

— An-ná xi binchaàtsji-ná; ¿mé xá xi kòf'i-nò?

²² J̄n̄a x̣iṭa koi kitsò:

— Jè kisikasén-najen x̣iṭa sḳo-la soldado xi 'mì Cornelio, jngoò x̣iṭa kixi xi ndaa beèxkón Nainá, t̄ikoa jè, ndaa yaxkón it'aà ts'e naxandá Israel. Jngoò xó àkjale-la Nainá k'oa kitsò-la nga ngaji sk̄inikjaá-lè nga k'óin ni'ya-lá mé-ne nga kénojmiya-la 'én xi j̄i t̄ihokooyi.

²³ Jè Pedro kisikas'en ni'ya-la; yaá kisikj̄ayako jngoò n̄itjen. Xi komá nchjòn, kiiḳo x̣iṭa koi; t̄ikoaá t̄sobáhijtakò i'nga x̣iṭa xi mokjein-la it'aà ts'e Cristo xi t̄itsajna ya Jope.

²⁴ Xi komá nchjòn ijchò Cesarea; jyeé t̄ikoa jè Cornelio; jyeé t̄itsajna x̣iṭa x̄ikj̄in ḳo amigo-la xi ndaa óḳo xi xó kisik'i'nchré-ne.

²⁵ K'e nga jye ijchò Pedro, jè Cornelio itjo ni'ya nga kisihixat'aà; tsasixkó'nchit'aà-la nga kijtseèxkón.

²⁶ T̄anga jè Pedro kisikasitjen, kitsò-la:

— T̄isitj̄in; 'an, t̄ikoaá ta x̣iṭa-ná koni ngaji.

²⁷ Jè Pedro, nga t̄ihóḳo Cornelio, jahas'en ni'ya; kijtseé nga 'ñó k̄j̄in ma-ne x̣iṭa xi ya t̄itsajna.

²⁸ Pedro kitsò-la:

— J̄n̄ò, t̄j̄j̄in-nò nga j̄n̄a x̣iṭa judío mikii t̄j̄'nde-la nga j̄n̄a x̣iṭa xi x̄in j̄'nde-la s̄ingásòn-ḳo, mikii ma kjoas'en ni'ya-la xi mitsá x̣iṭa judío. T̄anga Nainá tsibénojmiya-na nga nijngoò x̣iṭa xi koma xán-la; j̄n̄ò, taxk̄i x̣iṭa-nò ḳo x̣iṭa t̄jé-nó nga nguixk̄on Nainá.

²⁹ Koií kjoa-lá k'e nga ijchò nokjoà-ná, mikii kisitajaajña, nitoón inchròbà. Jè xi kjonanguia, zmé xá xi nokjoà-ná?

³⁰ Cornelio kitsò:

—Tjin-lá ñijòn nachrjein, tijè-ne hora jè nga xi jàn nga nguixòn, k'e nga tichjàt'aà-lá Nainá j ni'ya-ná, tà nitoón tsatsejèn jngoò xita xi tsasijna nguixkooàn; ñó ote kji nikje-lá.

³¹ Kitsò-na: “Cornelio, jè kjoa bitsi'ba-lè jye kina'ya-lá kò jye ki'ya-lá nga nguixkòn Nainá koni s'in nìchjàt'aà-lá xita jma xi ni mé tjin-lá.

³² Tjikasín xita-lè ján naxandá Jope, kàtikjaá Simón xi tikoá Pedro 'mì. Yá tjina ni'ya-lá xita xi tikoá Simón 'mì xi chrjoa-lá cho síhinda. Jè ni'ya-lá yaá kijnandi ndáchikon.”

³³ K'oaá komà-ne nga ñitòn kiskinikjaá-lè. Ndaa kà'nè-ne nga kànchroboi. Kóhótjin-jen jí titsajna-jen nga nguixkòn Nainá mé-ne nga kiná'ya yije-jen mé okixi xi kitsjaá-lè Nainá nga kénjmi-nájen.

K'e nga kiichja Pedro ya ni'ya-lá Cornelio

³⁴ Pedro tsibits'ia nga kiichja, kitsò:

—Kixi kjoa, tibe-ná nga Nainá mikii faajin nita yá xita-ne, tà ngàsòn fiko yije.

³⁵ Nainá kjoétjò-né nita yá xita-ne nita ñánda-ne j'nde-lá xi beèxkòn Nainá xi tikoá s'in kjoakixi.

³⁶ Nainá kisikasén 'én-lá ya naxandá Israel; tsibénjmiya-lá 'én ndaa-lá nga 'nchán kitsajnaoá Nainá it'aà ts'e Cristo, jè xi otixoma-lá ngats'i xita xi tjin isò'nde.

³⁷ Jñò, ndaa tjin-nò koni s'in komà kóhokji nangui-lá xita judío, kjòts'ia-ne j'nde Galilea k'e nga jye kiichjaya Juan xi kjoa ts'e bautismo.

³⁸ Tjin-nò nga jè Jesús xi Nazaret ts'e, Nainá xó jaajin-ne nga kitsjaá-lá Inima Tsjeè-lá kò nga ñó. Nita ñánda-ne nga tsajmeé Jesús, ndaa tjin kjondaa xi kis'in; kisinda-ne xita xi kjo'in nchisikjein it'aà ts'e xita neji. Koií k'oa s'in kis'in-ne nga jè Nainá tjinakò.

³⁹ K'oaá ma-ne bènojmi-jen nga xkoón ki'ya-najen ngats'i kjondaa xi kis'in Jesús ya nangui-lá xita judío kò Jerusalén. K'e nga komà iskan, jña xita kisik'en Jesús, tsibitjohónguit'aà krò.

⁴⁰ Tanga nga ijchò jàn nachrjein Nainá kisikjaáya-lá kò k'oaá s'in kis'in nga kiyaxkòn jngoò k'a-lá nga jye jaáya-lá.

⁴¹ Mitsà ngats'i xita naxandá kijtseèxkon, tà ngajen-nájen xi xó kjòtseé kitjaajin-najen mé-ne nga koma kénjmi-jen xi it'aà ts'e, ngajen-nájen xi chichiko-jen tikoá ki'yòkò-jen k'e nga jye jaáya-lá.

⁴² Jè Jesús tsibit'in-najen nga kinókoaya-jen kò kénjmi kixi-lajen xita naxandá nga jè Jesús, k'oaá s'in kisikijna Nainá koni xitaxá itjòn nga jè bndaajin-lá xita xi titsajnakon kò xi jye k'en.

⁴³ Ngats'i xita xi kiichja ngajo-lá Nainá, k'oaá s'in tsjá 'én nga ngats'i xita xi mokjein-lá it'aà ts'e Cristo, it'aà ts'e-né nga jchat'aà-lá jé-lá.

K'e nga kitjoé-lá Inima Tsjeè-lá Nainá jña xi mitsà xita judío

⁴⁴ Táko tik'eé tichja isa Pedro, ngats'i xita xi nchi'nchré-lá itjojen-nè Inima Tsjeè-lá Nainá.

⁴⁵ Jña xita judío xi tjiko Pedro [xi tikoá jye mokjein-lá it'aà ts'e Cristo], tà k'oaá komà-lá k'e nga kijtseé nga jña xi mitsà xita judío, tikoá ndaa itjojen-nè jè Inima Tsjeè-lá Nainá.

⁴⁶ Nga kii'nchré-lá nga chja xi kj'eji 'én, tikoá chjat'aà-lá Nainá nga 'ño jeya síkijna.

⁴⁷ K'eé kitsò Pedro:

—Mì-la kii koma kichakjáya-lá jña xita koi nga koma bautizar nga jyeé kàtjoé-lá Inima Tsjeè-lá Nainá koni s'in kitjoé-ná jña.

⁴⁸ Jè Pedro kitsjaá okixi nga koma bautizar xita koi it'aà ts'e Na'èn-ná Jesucristo. Ikjoàn jña xita tsibitsi'ba-lá Pedro nga kàtjinakò chiba nachrjein isa.

11

Mé 'én xi kiichja Pedro nga tsibénjmi-lá xita naxandá-lá Cristo ján Jerusalén

¹ Jña xita xi tsibixáya-lá Jesús kò xita xikjin xi 'ndse joó it'aà ts'e Cristo xi titsajna nangui Judea, kii'nchré nga jña xi mitsà xita judío tikoá jye kókjein-lá 'én-lá Nainá.

² Jña xita judío xi mokjein-lá it'aà ts'e Cristo tsohótiko Pedro, k'e nga ijchò-ne ján Jerusalén.

³ Kitsò-lá:

—Zmé-ne ya kii-ne ni'ya-lá xi taxxi xita xi mitsà xita judío, skanda yaá chichikoji?

⁴ Jè Pedro k'eé tsibits'ia nga ndiyá ndiyá tsibénjmi yije-lá koni s'in komà'in; kitsò-lá:

⁵ —K'e nga tjnaa ján naxandá Jope, nga tichjàt'aà-lá Nainá, tsatsejèn jngoò-na kjoa koni tsà nijña ti'biu-na, jngoò nikje kijtseé xi 'ño te kji, tjí'ño nga ñijòn chrjangu-lá xi ngajmii inchròbàjen-ne, j'ii skanda ñánda tjnaa.

⁶ K'e nga kiskoòtsejèn-la, ndaà kijtsee nga títsajnáya чо xi tjin i it'aà nangui xi ñijòn ma ndsoko чо чо ts'en xi tjin jjiin ijñá, қо чо xi bifejno yijo-la nangui, ngats'ii чо xi jngáá tjin-la xi tjinajjiin isén.

⁷ K'i'nchré jngoáá 'én xi kitsò-na: "Pedro, tísitjiin, tik'ìn чо koi, chinji."

⁸ 'An kixan-la: "Majin Na'èn, 'an, ni saà jngoò k'a tsojmi tje kínee xi xkón tjin it'aà ts'e kjoťixoma."

⁹ Xi ma-ne jò k'a, ijngoò k'a kiichja-na ján ngajmi kitsò-na: "Tsojmi xi Nainá jye kisitsjeè nga ma chjine, ki tsojmi tje 'mi-la."

¹⁰ Jè kjoa koi, ján k'a okomà. Ikjoàn tsijin yije ijngoò k'a-ne ján ngajmi.

¹¹ Tjje-ne hora, ján xita ijchò kátsji-na ya ni'ya ñánda tijnáa xi ján inchrobà-ne Cesarea xi xó kisatiixá-la.

¹² Jè Injima Tsjeè-la Nainá kitsò-na: "Tikoji xita koi; ki jò beè-la takoin nga tsáhijtakoi; tikoáá tsohájtako-na jñá xita ndsè xi joòn ma-ne xi i títsajna; ijchò-jen ya ni'ya-la jè xita xi kisikinkjaá-na, ikjoàn tsitjaás'en-jen ni'ya-la."

¹³ Xita jè tsibénojmi-najen nga jngoò xó ákjalé kijtsee ya ni'ya-la xi kitsò xó-la: "Tikasín xita ján naxandá Jope nga kátikjaá jè xita xi 'mi Simón xi tikoá Pedro 'mi.

¹⁴ Jè tsjá-lè 'én nga kítjokájñó kjo'in kjoa ts'e jé-nò, ngaji қо ngats'ii xita ni'ya-lè."

¹⁵ K'e nga tsibits'ia nga tsibénojmi-la, jè Injima Tsjeè-la Nainá, ñitoón itjojen-nè jñá xita koi koni s'in komát'iaán jñá nga sa táts'en-la kjoa.

¹⁶ K'eé tsibitsjeèn-na koni s'in kitsò Na'èn-ná Jesús nga kitsò: "Jè Juan, nandá kis'ìn-ne bautizar, tanga jñó, қо Injima Tsjeè-la Nainá koma-nò bautizar."

¹⁷ Tsá Nainá k'oas'in sasén-la nga tikoá tsjá kjoťò-la jè Injima Tsjeè-la koni s'in kitsjaá-ná jñá k'e nga kòkjeiin-ná it'aà ts'e Na'èn-ná Jesucristo, 'an, mé-ne kondra kótijna-la Nainá?

¹⁸ K'e nga kii'nchré 'én koi, jyò tsibitsajna. Jeyaá kisikjina Nainá, kitsò:

—iKixií-la kjoa nga jñá xi mitsá xita judío, tikoá tsjá-la kjondaá Nainá mé-ne nga sijkájno-ne jé-la қо mi tje jè kohótsji-ne mé-ne nga s'e-la kjoabinachon ts'e injima-la!

K'e nga kinikasén Bernabé ján naxandá Antioquia

¹⁹ K'e nga jye k'en Esteban, jñá xita xi mokjeiin-la it'aà ts'e Jesús kitsjohoba, koi kjoa-la nga ñó kütjinguikéè xita. Tjin xi kii ján nangui Fenicia қо Chipre қо naxandá Antioquia. Xita koi, k'e nga ijchò i'nde koi, tsibénojmi-la 'én-la Cristo jñá xita judío xi ya títsajna tanga xi taxki xita, majin.

²⁰ Jñá xita xi kitsjohoba, tjin i'nga xi ján i'nde-la nangui Chipre қо naxandá Cirene. K'e nga ijchò ya naxandá Antioquia tikoáá tsibénojmi-la jñá xita xi mitsá xita judío 'én ndaá-la Nainá xi kjoa ts'e Jesús xi otixoma-ná.

²¹ Nainá kitsjaá-la nga'ño; kjin xita koi kòkjeiin-la it'aà ts'e Cristo, jahatjia-la kjohtsjeèn-la, kiit'aá-la Na'èn-ná.

²² Jñá xita naxandá-la Cristo xi títsajna Jerusalén kii'nchré koni s'in tima ján Antioquia. Kisikasén jè Bernabé.

²³ Bernabé, k'e nga ijchò Antioquia, kijtsee nga jè Nainá ndaá tíschikon-t'in xita koi. Tsja jchán komà-la. K'eé isa ndaá tsibit'in yije-la nga қо injima-la isa ndaá kátjit'aá-la Na'èn-ná.

²⁴ Jè Bernabé, 'ño ndaá xita; ndaá tjiin injima-la Injima Tsjeè-la Nainá; tikoáá ndaá mokjeiin-la it'aà ts'e Nainá. K'oáá s'in komà-ne nga isa kjiin xita jahas'en-t'aá-la Na'èn-ná Jesús.

²⁵ Nga komà iskan, Bernabé kii ján Tarso nga kii kátsji Saulo.

²⁶ K'e nga jye kisakò-la, kiiko ján Antioquia. Jngoò nó tsibitsajnakò jñá xita naxandá-la Cristo; koi xá kis'ìn nga kjin xita tsakóya-la. Yaá kisit'aá 'in ítjòn nga xita-la Cristo 'mi ngats'ii xita xi kota'yát'aá-la Cristo.

²⁷ Nachrjein koi ijchò i'nga xita xi kiichja ngajo-la Nainá ján Antioquia xi inchrobà-ne Jerusalén.

²⁸ Jngoò xita xi 'mi Agabo, tsasijna kixi, kiichja nga jè Injima Tsjeè-la Nainá tsibit'in-la, kitsò nga títtsa isò'nde kjinchrá 'ño kjoí. 'Én jè, k'oáá s'in tsitasòn k'e nga tsibijna xitaxá ítjòn ján Roma jè xi 'mi Claudio.

²⁹ Jñá xita xi kota'yát'aá-la Cristo xi títsajna Antioquia tsajoóya-ne nga sijkasén-la nga'ño xita xikjin xi títsajna nangui Judea koni kji bijchò nga'ño-la nga jngoò ijngoò.

³⁰ Koni s'in tsajoóya-ne, k'oáá s'in kisikitasòn. Jè Bernabé қо Saulo, kiiko kjoťjò jè ján nangui Judea nga kisingatsja jñá xita jchínga xi tjin-la xá ts'e naxandá-la Cristo.

12

Kó s'in komà nga itjo ndayá Pedro

¹ Tijná-ne nachrjein koi, jè Herodes xi xitaxá ítjòn tijná, kitsjaá okixj nga kitsobá'ño i'nga xita naxandá-la Cristo mé-ne nga koma skoetoòn-ne.

² Tsatíxá nga kichá ndojò kisik'en-ne Jacobo, 'ndse Juan.

³ Jè Herodes, k'e nga kijtsee nga tsja komà-la jñà xita judío nga jye k'en Jacobo, ikjoàn kitsobà'ño Pedro jè nachrjein k'e nga bitjo s'eí nga kjèn inchrajín xi tsjin-la na'yo san.

⁴ Kiskinis'en ndayá. Chrj'oon jngoò soldado kisikinda ya iya ndayá; ñijòn kisikinda nga indiaà indiaà. Kjhótsjeen-la Herodes, jè-né k'e nga jye kjoehet'aà s'eí Paxko kochrje ndayá mé-ne jñà xita naxandá tsjá 'én nga kijá Pedro.

⁵ Jè Pedro, ndaa tímakinda iya ndayá; ko jñà xita naxandá-la Cristo, mikii jyò tsibitsajna nga 'ño ndaa nchisjé't'aà-la Nainá it'aà ts'e Pedro.

⁶ Jè nachrjein k'e nga mejèn-la Herodes nga siingatsja xita naxandá jè Pedro, tijè-ne nitjen, kijjinafè'nchò osen-la jò soldado; jò na'ño kichá cadena tjit'aà'ño-ne; jñà soldado xi i'nga yaá nchisikinda xotjoa ndayá.

⁷ Tà nitoón tsatsejèn jngoò àkjale-la Nainá ya iya ndayá; kjòhiseèn yije kòhokji; jè àkjale kisihiníyá-la Pedro nga kisikjaá-la; kitsò-la:

— ¡Niton tsítjijn!

Jñà na'ño kichá cadena xi tjit'aà'ño-ne tsja Pedro chixò't'aà nangui.

⁸ Jè àkjale kitsò-la:

— Chikjeí nikje-lè, tsjayi xojté-lè.

Jè Pedro, k'oaá s'in kis'iin. Ikjoàn kitsò àkjale:

— Chikjeí nachrokisòn-lè, nchrobátjngui-ná.

⁹ Pedro itjo tjingui-la jè àkjale; mikii machiya-la tsà kixí kjoa xi tísiko àkjale; jè Pedro k'oaá ma-la koni tsà nijñá t'biil-la.

¹⁰ Jahat'aà-la jè soldado xi sjina ítjòn, tíkoá jahat'aà-la xi ma-ne jò; k'e nga ijchò xotjoa-la ndayá xi nguú kichá nga jye bitjoaá calle, tà tajngoò kitá'a; ikjoàn itjo; tsato'nchò jngoò calle; tà nitoón kichijá jè àkjale; jè Pedro, tajngoò kisasijna.

¹¹ Jè Pedro, k'ée ndaa kjòchija-la nga kixí kjoa xi tímat'in, kitsò:

— Kixí kjoa, mokjeín-na nga Nainá kásikasén àkjale-la nga kásikjñandéj-na it'aà ts'e Herodes ko ngats'ii kjoa xi ch'o tjin xi nchikoña-la xita judío nga sjiko-na Herodes.

¹² Jè Pedro, k'e nga ndaa kjòchija-la kjoa koi, kii ni'ya-la María, nea-la Juan xi tíkoá Marcos 'mì. Ya ni'ya jè, kjin xita chixoña xi nchibítsi'ba-la Nainá.

¹³ Kichja, kisikjane xotjoa-la ni'ya; k'ée itjo katsejèn jngoò tsòti xi 'mì Rode nga mejèn-la skoe yá-né xi tíchja.

¹⁴ K'e nga kii'nchré jta-la nga jè Pedro xi tíchja, tsja jchán komà-la skanda mì tì kii kiskix'a-la xotjoa ni'ya; tà saá tsangachikon iya ni'ya; kisikí'nchré ñánda títajna xikjín nga jè Pedro sijnajto xotjoa ni'ya.

¹⁵ Jñà xita xikjín kitsò-la:

— ¡Ská-lè!

Tanga jè tsòti táko k'oaá tsò nga kixí kjoa jè Pedro xi tíchja. Tanga jñà xita kitsò-la:

— Jè-la àkjale-la.

¹⁶ Jè Pedro, táko tíchja-ne, síkjane xotjoa ni'ya. K'e nga kiskix'a-la xotjoa ni'ya, kijtseexon nga jè Pedro; jñà xita xikjín, tà kjòxkón-la.

¹⁷ Kiskimítjen tsja Pedro nga kitsò-la jyò títajna; ikjoàn tsibénojmi-la kó s'in komà't'in nga Nainá tsachrje-ne ndayá. Kitsò-la:

— K'oaá s'in ténnojmi-là jè Jacobo ko xita xinguiáá xi i'nga.

Ikjoàn itjo ni'ya; xin j'nde kii.

¹⁸ K'e nga kis'e isén ngats'ii soldado xi nchisikinda, mì tà k'oaá kji kjoasii kis'e-la nga mikii tjijn-la kó s'in komà nga itjo ndayá Pedro.

¹⁹ Jè Herodes kitsjaà okixi nga tshótsji Pedro tanga mikii kisakò-la. K'e nga jye kiskónangui-la ngats'ii soldado xi kisikinda, jñà kiskaànè-la nga tsjin Pedro; ikjoàn kitsjaà okixi nga katiyaá jñà soldado. Herodes itjokajijn ya Judea. Ján kii kijna naxandá Cesarea.

²⁰ Herodes kjoasii tjin-la ko xita naxandá Tiro ko Sidón. Xita naxandá koi, tsajoóya-ne nga inchrobàkon Herodes. Tanga ítjòn ndaa tsajoóko Blasto xi tíkoá xá tjin-la ya ni'ya-la Herodes xi xitaxá ítjòn tjina. Ko jè Blasto kiichjatji naxandá koi nga kátas'e kjoa'nchán. Koi k'oa's'in kis'iin-ne jñà naxandá koi, nga ya nangui-la Herodes otse tsojmi xi kine.

²¹ Jè nachrjein k'e nga chixoña xita nga kisijna junta, jè Herodes, tshòhjá nikje-la xi ts'e xitaxá ítjòn; tsibijnasòn íxile-la, ikjoàn kiichjajijn-la xita naxandá.

²² Jñà xita naxandá, k'e nga kii'nchré-la, tsibíts'ia nga 'ño kiichja kitsò:

— ¡Jè xi tíchja, jngoò xita xi nainá, mìtsà taxkí xita!

²³ Tík'e-ne j'ii àkjale-la Nainá xi kitsjaá ch'in-la; kjòxk'én, chí'ndoó kisikje, ikjoàn k'en, koi kjoa-la nga mikii jeya kisikjina Nainá.

²⁴ Tanga jè 'én-la Nainá isaá ndaa tìhobisòn k'oa isaá ndaa tímakjín xita xi mokjeín-la.

²⁵ Jè Bernabé ko Saulo, k'e nga jye kjòngàsòn xá-la, inchrobà-ne Jerusalén, kii-ne ján Antioquia. Tjiko Juan xi tíkoá Marcos 'mì.

13

K'e nga jè Bernabé kọ Saulo tsibíts'ia nga kisixá

¹ Jñà xítà naxandá-là Cristo xi títsajna ya naxandá Antioquía, tjin i'nga xítà xi chjaya ngajo-là Nainá kọ okóya 'én-là Nainá: jè xi 'mì Bernabé, Simón (xi tikoá Niger 'mì), Lucio xi Cirene ts'e, Manaén (xi taña kòjchákọ Herodes, xi tsatixoma Galilea), kọ Saulo.

² Jngoò nàchrjein k'e nga tíma culto tikoá títsajnachjan xítà-là Cristo, jè Injima Tsjeè-là Nainá kitsò:

—Tjiksajnandaà-ná jè Bernabé kọ Saulo xá xi xó 'an kichjà-là.

³ Jñà xítà-là Cristo, k'e nga jye tsibítsajnachjan kọ jye tsibítsi'ba, tsohòsòn-là tsja Bernabé kọ Saulo, ikjoàn kisikasén [xi kjoá ts'e xá-là Nainá].

Kòs'in komà k'e nga jè Bernabé kọ Saulo kùchjaya ján Chipre

⁴ Jè Injima Tsjeè-là Nainá kisikasén Bernabé kọ Saulo nga kii Seleucia; yaá jahas'en chitso nga kii nangui xi kijnajin-ndá xi 'mì Chipre.

⁵ K'e nga ijchò naxandá Salamina, tsibíts'ia nga kùchjaya 'én ndaa-là Nainá ya jñà ni'ya ingo sinagoga ts'e xítà judío. Tjiko jè Juan Marco xi kisichját'aà-là Bernabé kọ Saulo.

⁶ Tsatojin kòhokji nangui jin-ndá Chipre, ijchò skanda naxandá Pafos. Yaá kiskaat'aà jngoò-là xítà judío xi 'mì Barjesús xi xítà t'je, tikoáá xítà ndiso-né nga tsò, 'én-là Nainá chjaya.

⁷ Jè xítà t'je, yaá ojmeèkọ Sergio Paulo xi xitaxá ítjòn tíjna kòhokji nangui Chipre. Jè Sergio Paulo ndaa fiya-là. Kùchja-là jè Bernabé kọ Saulo nga mejèn-là kji'nchré 'én ndaa-là Nainá.

⁸ Tanga jè xítà t'je, xi 'mì Barjesús xi tikoá Elimas 'mì xi 'én griego, kondraá kii-là jè Bernabé kọ Saulo nga majin-là nga jè xitaxá ítjòn kòkjeiin-là 'én ndaa-là Nainá.

⁹ Tanga jè Saulo, tije-ne xi 'mì Pablo, ndaa tjin injima-là Injima Tsjeè-là Nainá; 'nò kisko'o'an,

¹⁰ kitsò-là:

—Xítà ndiso xi ch'o tjin kjohtsjeèn-lè; ki'ndí-là xítà neji; ngaji kondra 'mì yije-là xi kjoá kixi! ¿Mé-ne nga kjit'aà nàchrjein mejèn-lè nikits'ón-jin ndiyá kixi-là Nainá?

¹¹ J'ndeji Nainá tsjá-lè kjo'in; mì kii tì kòtsejèn-lè. Kjin nàchrjein mì tì kii jcha-ne isén ndobá ts'e ts'oi.

Tj'k'e-ne mì tì kii kjòtsejèn-là. Kj'ejí xítà tsohòtsji xi kitsobàt'aà nga komà kii.

¹² Jè xitaxá ítjòn, k'e nga kijtsee kjoá koi, kòkjeiin-là 'én-là Nainá nga kixi kjoá. Tà kjòkón-là koni s'in tsakóya-là Pablo kọ Bernabé it'aà ts'e Na'én-ná.

Kòs'in komà k'e nga jè Pablo kùchjaya ya Antioquia ts'e Pisidia

¹³ Pablo kọ jñà xítà xi kjihjatakọ jahas'en chitso ya Pafos, kii ján Perge j'nde xi chja-ne Panfilia. Tanga jè Juan Marco, tsohòtji-ne, ján kii-ne Jerusalén. Mì tì ya tsoháhtakọ-ne Pablo.

¹⁴ Jè Bernabé kọ Pablo jahato Perge, kii Antioquia, naxandá xi chja-ne Pisidia. Jè nàchrjein nikjaya, jahas'en ni'ya ingo sinagoga, ikjoàn tsibítsajna.

¹⁵ K'e nga jye kjòkxejin kjotixoma-là Moisés kọ xojon xi kiskii xítà xi kùchjaya ngajo-là Nainá, jñà xítà skò-là ni'ya ingo sinagoga kisikasén xá-là jè Pablo kọ Bernabé, kitsò-là:

—'Ndsé, tsà tjin-nò mé 'én xi kijnókjoajin-là xítà, tjinókjoa mé-ne nga s'e-là nga'nó injima-là jñà xítà.

¹⁶ K'ee tsasitjen Pablo; kọó tsja kisijé-là nga jyò kàtitsajna; kitsò-là:

—Jñò xi xítà Israel 'mì-nò, kọ xi mitsà naxandá Israel tsajòn tanga yaxkón Nainá, tiná'ya-ná.

¹⁷ Jè Nainá xi ts'e naxandá Israel, jaajin xítà jchinga kjin-ná; jngoò naxandá je kis'in k'e nga tisa ján títsajna Egipto nga mitsà ya j'nde-là; nga'nó ts'e Nainá-né nga tsachrjekajin nangui Egipto.

¹⁸ Nainá, ichán nó kis'e-là kjoatsejta nga kisikindá jñà xítà Israel ya j'nde it'aà xin nanda nangui kixi choòn.

¹⁹ Nainá, itoò naxandá xítà kisikjehesòn ya nangui Canaán. Ikjoàn kitsjaà-là jñà xítà Israel jè nangui jè nga ts'e koma.

²⁰ Ngats'ii kjoá koi, ñijnò sindo osen nó tsato.

'Xi komà iskan, Nainá kitsjaà-là xi xítà skò-là tsibítsajna nga tsibindaajin-là xítà naxandá Israel. Kọ jñà tsasikò skanda k'e nga j'ii Samuel, xítà xi kùchja ngajo-là Nainá.

²¹ Xítà naxandá Israel, kisijé-là Nainá jngoò xitaxá ítjòn xi mejèn-là nga kotixoma-là. Nainá kitsjaà-là Saúl, ki'ndí-là Cis xi tje-là Benjamín. Ichán nó tsatixoma Saúl.

²² Nga komà iskan, Nainá jaaxin Saúl; jè David kitsjaà-là xá nga tsibijna xitaxá ítjòn. Nainá kitsò: "Jyee kisakò-na nga jè David xi ki'ndí-là Isai, jngoò xítà xi sasén-là injima-nà nga sijikitasòn yije xi 'an mejèn-na."

²³ Nainá kisikasén-la x̄ita naxandá Israel, ingoò x̄ita xi tje-la David xi 'mì Jesús nga jè kochrjekàjìn kjo'in. Nainá, k'oaá s'in kitsjaà tso'ba nga tisa tats'en-la kjoa.

²⁴ K'e nga t̄ikj'eè f'ii Jesús, Juan kiichjayajìn-la x̄ita naxandá Israel nga katasikájno jé-la, mì t̄i jè kohótsji-ne ko kátama bautizar.

²⁵ K'e nga jye tifehet'aà nachrjein-la Juan xá xi j'ii-ne, kitsò: "J̄nò, çkó s'in nikítsjeèn it'aà ts'an? çA bixón-nò: jè Cristo? Majìn. Saá nchrobá t̄jngui ingoò-na xi isa t̄jna it̄jòn skanda mìki ok'in-na nga 'an sk̄jnda'ñoá xox'in-la xoxté-la", kitsò Juan.

²⁶ Tanga j'ndeji, k'oaá ma-ne koxan-nò ngats'ioò j̄nò ndí 'ndsè xi tje-la Abraham inchrobát'aà-nò ko j̄nò xi mìtsà ya inchrobát'aà-nò tanga yaxkón Nainá: j̄nà j'ii-ná jè 'én it'aà ts'e Cristo nga jè kochrjekàjìn-ná kjo'in.

²⁷ J̄nà x̄ita naxandá Jerusalén ko x̄itaxá-la, mìki kijtseèkxon Jesús nga jè xi Cristo, t̄ikoáá mìki kjòchiya-la j̄nà 'én xi maxke nga j̄in j̄in nachrjein jè nachrjein nikjáya ya ni'ya ingo sinagoga koni s'in t̄jt'aà xojon ts'e x̄ita xi kiichja ngajo-la Nainá. Tanga j̄nà x̄ita ko kitsjaà okixi nga katiyaá Jesús ko k'oaá s'in tsitasòn koni tsò 'én koi.

²⁸ Nas'in tsjìn-la jè Jesús nga ok'in-la nga kiyá, x̄ita koi, kisijét'aà-la Pilato nga katasik'en.

²⁹ K'e nga jye tsitasòn yije koni s'in tichja Xojon-la Nainá it'aà ts'e Jesús, kiskónajen t'aà krò, ijkjoàn kii nga tsibihijìn.

³⁰ Tanga Nainá kisikjaáya-la it'aà ts'e kjoabiyaá.

³¹ Jesús, k'e nga jye jaáya-la, k̄jìn k'a tsakó-la yijo-la j̄nà x̄ita xi chinchimako nga inchrobà-ne Galilea skanda Jerusalén; nachrjein j'ndeji, j̄nà x̄ita koi xi bénojmí kixi-la x̄ita naxandá it'aà ts'e Jesús.

³² Koi xá j'ii-najen nga kénojmí-jen 'én ndaa-la Nainá xi kjoa ts'e Cristo koni s'in kitsjaà-la tso'ba Nainá j̄nà x̄ita jchínga-najen.

³³ J'ndeji, k'e nga kisikjaáya-la Jesús, k'oaá s'in kisikitasòn xi it'aà tsajen xi j̄xti-la ma-jen j̄nà x̄ita jchínga-najen. K'oaá s'in t̄jt'aà xojon ts'e Salmo xi ma-ne jò, nga tsò: "J'ndeji, j̄i-né xi Ki'ndí-nà xan-lè; 'an-ná xi na'én-lè ma."

³⁴ Koni kis'jìn Nainá nga kisikjaáya-la Jesús it'aà ts'e kjoabiyaá nga mì t̄i kii kiyá-ne, yaá makixiya 'én koi nga tsò Xojon-la Nainá: "Siikitasòn-ná koni tsò 'én tsjeè-na, ko 'én kixi-nà xi 'an kitsjaà-la David."

³⁵ K'oaá t̄is'in t̄jt'aà j̄ngoo xojon ts'e Salmo nga tsò: "Mìki koi'ndi nga k̄i'ndo yijo-la X̄ita tsjeè-lè."

³⁶ J̄nà nachrjein nga tsibijnakon David, k'e nga jye kisikitasòn koni s'in mejèn-la Nainá, k'en. K'oaá t̄is'in kisihijìn koni komat'in x̄ita jchínga-la. T̄ikoáá i'ndo yijo-la.

³⁷ Tanga jè X̄ita Tsjeè xi Nainá kisikjaáya-la mìki i'ndo yijo-la.

³⁸ Ngats'ioò j̄nò ndí 'ndsè, k'oaá s'in katasijìn-nò, j̄nà 'én xi nokjoàyajìn-nòjen, jè-né nga it'aà ts'e Jesús, Nainá sjchàat'aà-ná jé-ná.

³⁹ J̄nà x̄ita, ngats'ii kjoa xi ch'o s'in, mìtsà it'aà ts'e k̄jotixoma-la Moisés makixiya; jè it'aà ts'e Jesús makixiya x̄ita, j̄nà xi mokjei'n-la it'aà ts'e.

⁴⁰ T'een kinda yijo-nò mé-ne nga mì k'oaá s'in komat'ioòn koni s'in tichja xojon-la j̄nà x̄ita xi kiichja ngajo-la Nainá nga tsò:

⁴¹ Chitsejèn, j̄nò xi nachrjekànguioò kjoakixi,

kàtaxkón-nò, ko j̄ngoo k'a kàtachija j̄nò.

'An, j̄ngoo xá s'iaàn nachrjein tsajòn, k'e nga tisa t̄itsajinakoòn.

Mìki k̄okjei'n-nò nas'in s'enojmí-nò xá xi 'an ts'iaàn.

⁴² Jè Pablo ko Bernabé k'e nga itjo-ne ni'ya ingo sinagoga, j̄nà x̄ita kisijét'aà-la nga kàtènojmíya kjoa koi jè xòhoto xi sa nchrobá.

⁴³ K'e nga kisihixat'aà x̄ikjín nga kii-ne, k̄jìn x̄ita k̄iit'aà-la Pablo ko Bernabé, j̄nà xi x̄ita judío ko j̄nà x̄ita xi beèkón Nainá xi jye jahatjya-la nga x̄ita judío komà. Jè Pablo ko Bernabé, k'e nga tsohóko x̄ita koi, 'nó tsibit'in-la nga ndaa kàt̄jijn in̄jma-la j̄nà 'én xi jye k̄iit'nchré xi kjondaà ts'e Nainá.

⁴⁴ Jè nachrjein nikjáya xi j̄ngoo, kjomeé ijchò ngats'ii x̄ita naxandá nga k̄iit'nchré 'én-la Nainá.

⁴⁵ Tanga j̄nà x̄ita judío k'e nga kijtseè nga 'nó k̄jìn ma x̄ita, isaá ndaa kjòch̄injikeè Pablo. Ijkjoàn tsibits'ia nga kondra kii-la Pablo 'én xi kiichja, t̄ikoá tsakatit'aà.

⁴⁶ Pablo ko Bernabé, 'nó tsi'beé-la ikon; kitsò-la:

—Tj̄inè-najen nga kénojmí it̄jòn-nòjen 'én-la Nainá j̄nò xi x̄ita judío 'mì-nò; tanga j̄nò nachrjengui-nò; k'oaá ma-ne nga j̄nò, mìki s'e-nò kjoabinachon n̄jta mé nachrjein-ne; ngajen t̄a s̄á j̄nà kénojmí-lajen j̄nà xi mìtsà x̄ita judío.

⁴⁷ K'oaá s'in tsatixoma-najen Nainá nga kitsò:

J̄jii tsjaà-lè xá nga s̄ihiseèn-la j̄nà x̄ita xi mìtsà x̄ita judío,

kòhokji nga t̄jtsa isò'nde mé-ne nga k̄itjokàjìn-ne kjoa ts'e kjo'in.

⁴⁸ K'e nga kii'nchré ngats'ii xi mitsà xita judío, kjòtsjaà-la; ijkjoàn tsibíts'ia nga kitsò: Ndaà tjin 'én-la Nainá; kòkjeiin-la ngats'ii xi xó kitjaàjiin-ne nga s'e-la kjoabinachon nita mé nachrjein-ne.

⁴⁹ K'oaá s'in komà nga tsabísòn 'én ndaa-la Nainá kòhokji ya i'nde jè.

⁵⁰ Tanga jña xita judío tsibíts'ia nga chinchá'a jña íchjín ítjòn xi ndaa beèxkón Nainá ko xita ítjòn-la naxandá. K'oaá s'in komà nga kondra kii-la jè Pablo ko Bernabé. Tsachrjekájiin ya naxandá.

⁵¹ Jè Pablo ko Bernabé tsibítsajneè chijo-la ndsóko xi kondra ts'e xita koi, [jè kjoa xi okó nga kjo'in s'e-la it'aà ts'e Nainá]; ijkjoàn kii ján Iconio.

⁵² Tanga jña xita xi kota'yat'aà-la Cristo, ndaa kis'e-la kjòtsjacha ko ndaa kisixájiin inima-la Inima Tsjeè-la Nainá.

14

K'e nga jè Pablo ko Bernabé kiichjaya ján Iconio

¹ K'oaá s'in komà ya Iconio, jè Pablo ko Bernabé, k'e nga jahas'en ni'ya ingo sinagoga ts'e xita judío, 'ño ndaa tsakóya; k'oaá komà-ne nga 'ño kjin xita judío ko xi mitsà xita judío kòkjeiin-la it'aà ts'e Jesús.

² Tanga jña xita judío xi mikii mokjeiin-la, chinchá'a jña xi mitsà xita judío mé-ne nga ch'o tsò-ne kjòhítsjeèn xi kisikítsjeèn it'aà ts'e xita-la Cristo.

³ Pablo ko Bernabé, tsee tsibítsajna ya Iconio. Mikii kitsakjòn nga tsakóya 'én ndaa-la Nainá koi kjoa-la nga Nainá ndaa ma'ñót'aà takòn. Nainá kisikixiyandaà nga kixi kjoa 'én xi tsibénojmi xi kjondaà-la Nainá. Kitsjaà-la nga'ño nga kis'in kjòxkón xi ndaa tjin xi okó kjoajeya-la Nainá.

⁴ Jña xita naxandá Iconio, jòya komà; osen kiit'aà-la jña xita judío koa osen kiit'aà-la Pablo ko Bernabé, xita xi tsibíxáya-la Jesús.

⁵ Jña xita judío ko xi mitsà xita judío tsajoóya-ne ko xitaxá ítjòn-la nga mejèn-la skaàn-ko, kijnè ndajo.

⁶ Pablo ko Bernabé, k'e nga jye kii'nchré, tsanga; kii ján Listra ko Derbe, naxandá xi chja-ne Licaonia; tikoá chinchima kòhokji i'nde xi chja-ne nga jngoò ítjandii.

⁷ Ya i'nde jè, tikoá kisika'bí 'én ndaa-la Nainá xi kjoa ts'e Cristo.

K'e nga kisinè ndajo Pablo ya Listra

⁸ Ya Listra tjina jngoò xita x'in xi mikii ma fi. K'oaá s'in kits'iin; ni saá jngoò nachrjein nga ndsóko tsajmeè-ne.

⁹ Xita jè, tjina; tí'nchré-la Pablo nga tíchjaya. Jè Pablo, k'e nga kiskoò'an, kijtsee nga mokjeiin-la nga kondaà-ne.

¹⁰ Pablo, 'ño kiichja kitsò-la:

—i' Tisítjiin, tsiijna kixi-ne ndsókoii!

Xita jè, ngui kiskí'nga-né; tsibíts'ia nga tsajmeè-ne.

¹¹ Jña xita, k'e nga kijtsee kjòxkón ndaa xi kis'in Pablo, 'ño kiichja xi 'én Licaonia, kitsò:

—jña nainá, xitáa kjoàn kòma nga kòf'iikon-ná!

¹² Bernabé, Zeus kitsò-la; Pablo, Hermes kitsò-la nga jè xi isa 'ño chja.

¹³ Jè ingo xkósòn-la Zeus, yaá kijna indii naxandá. Jè no'mii-la j'iikò nchraja ko corona. Jè no'mii, ko ngats'ii xita naxandá mejèn sík'en-la jña nchraja nga tsjá-la kjòtjò mé-ne nga skoèxkón-ne.

¹⁴ Jè Pablo ko Bernabé xi kisixáya-la it'aà ts'e Cristo, ch'oó komà-la k'e nga kijtsee kjoa xi nchis'in; tsatejndajno yijo-la jè nikje-la; ijkjoàn kiis'ejiin-la xita. 'Nó kiichja, kitsò-la:

¹⁵ —Tiná'yaá, ¿mé-ne k'oas'in titsá'nè-nò? Ngajen, tikoá taxkj xita-nájen koni jño. Koi xá kòf'i-najen nga kénéjmi-nójen 'én ndaa-la Nainá xi kjoa ts'e Cristo mé-ne nga sijkjna-nò kjoa koi xi ni méé chji-la; jè tanguít'aà-la Nainá xi tijnakon xi tsibíndaà ngajmii, nangui, ko ndáchikon, ko ngats'ii tsojmi xi ya tjin.

¹⁶ Nachrjein xi jye tsato, Nainá kitsjaa'ndeé-la ngats'ii xita naxandá xi tjin kòhokji jso'nde nga chinchimaya ndyá xi kisasaen-la.

¹⁷ Tanga Nainá, kjit'aà nachrjein tíhokó yijo-la yá-né jè, nga tí'ya-la ngats'ii kjondaà xi tis'in; jè-né xi tisikasén-nò jtsí xi ngajmii tí'nchrobá-ne; títsjá-nò tsojmi xi ndaa tímajchá-nò; jè tísihikon-t'in-nò nga ndaa títsjá-nò tsojmi xi ma chine, mé-ne nga ndaa s'e-nò kjòtsja.

¹⁸ Pablo ko Bernabé, nas'in k'oas'in tsatekjáya yije-la kjoa xi nchis'in nga mejèn sijk'en-t'aà-la cho, tsee xá kisengui nga kòkjeiin-la jña xita naxandá.

¹⁹ Tík'e-ne j'ii xita judío xi inchrobá-ne Antioquia ko Iconio xi chinchá'a jña xita naxandá nga tsibínè ndajo jè Pablo. K'e nga jye k'oas'in kisikò, kitsò-né tsá jyeé k'en; ijkjoàn tsibifejno nangui, kii sikatjen ján indii naxandá.

²⁰ Tanga jñà x̄ita xi kota'yàt'aà-là Cristo, k'e nga chixoñat'aà-là Pablo ñánda kijna, jè Pablo tsasítjen òngòò k'a-ne; jahas'en-jiin òngòò k'a-ne naxandá; xi komà inchijòn, Pablo kò Bernabé kii ján Derbe.

²¹ K'e nga jye tsibénojmi 'én ndaa-là Nainá xi kjoa ts'e Cristo ya Derbe, nga jye kjin x̄ita kòkjeiin-là, kii òngòò k'a-ne Lистра, Iconio kò Antioquia.

²² Pablo kò Bernabé kitsjaà-là nga ñó inima-là jñà x̄ita xi kota'yàt'aà-là Cristo xi títsajna naxandá koi; tsibénojmi-là nga kixi kàtitsajnakò 'én xi mokjeiin-là; kitsò-là:

—Mochjeén-né nga tse kjo'in sijkiaán ítjoán k'e nga kitjás'en-jñaa ñánda tíhotixoma Nainá.

²³ Nga òngòò òngòò j'nde ñánda tjín x̄ita naxandá-là Cristo, Pablo kò Bernabé jaàjiin x̄ita jchínga xi tsibít'aa xá nga sijkinda x̄ita-là Cristo; k'e nga jye kíichjat'aà-là Nainá, jye tsibítsajnachjan, kisikítsajnya tsja Nainá nga jye mokjeiin-là ít'aa ts'e Nainá.

Kós'in ijchò-ne Pablo kò Bernabé ján Antioquia ts'e Siria

²⁴ Jahato j'nde Pisidia, ijchò-ne nangui Panfilia.

²⁵ Tsibénojmi 'én ndaa-là Nainá xi kjoa ts'e Cristo ya Perge, ikjoàn kii-ne Atalia.

²⁶ Yaá jahas'en chitso nga tshóhóti-ne nga kii òngòò k'a-ne Antioquia, j'nde ñánda kisatiixá-là ít'aa ts'e k'jondaà-là Nainá, xá xi jye kisikitasòn.

²⁷ K'e nga jye ijchò-ne Antioquia, tsibíxkóya x̄ita naxandá-là Cristo; tsibénojmi-là ngats'ii kjoa xi kisikò Nainá, kós'in komàt'in nga Nainá kitsjaà'nde nga tíkjoa kòkjeiin-là jñà xi mitsá x̄ita judío.

²⁸ Pablo kò Bernabé, tseé tsibítsajnakò x̄ita xi kota'yàt'aà-là Cristo ya Antioquia.

15

Mé kjoa xi tsajoóya-ne jñà x̄ita xi tsibixáya-là Jesús kò x̄ita jchínga ján Jerusalén

¹ Jñà nàchrjein koi, j'ii i'nga x̄ita xi inchrobà-ne Judea nga tsibénojmi-là x̄ita-là Cristo, kitsò-là: “Mikii kítjokajñóò kjo'in tsà mikii sít'aa chíba-là yijo-nò kjoa ts'e circuncisión koni s'in tíchja k'jótixoma xi kiskii Moisés.”

² Pablo kò Bernabé 'ñó tsajoókjoò kò jñà x̄ita koi; tshótiyaà-ne jñà kjoa koi; ikjoàn kisikasèn Pablo kò Bernabé ján Jerusalén; tsobáhíhtako i'nga x̄ita-là Cristo xi títsajna ya Antioquia nga kiiikon jñà x̄ita xi tsibixáya-là Jesús kò x̄ita jchínga xi otixoma ya naxandá-là Cristo nga sindaàjiin kjoa koi.

³ Jñà x̄ita naxandá-là Cristo xi títsajna Antioquia, kisichját'aà-là nga kii-ne x̄ita koi. Jahato Fenicia kò Samaria; tsibénojmi nga jñà xi mitsá x̄ita judío tíkjoa jyeé tífatjya-là nga Cristo nchifit'aà-là. Ngats'ii x̄ita xi mokjeiin-là ít'aa ts'e Cristo, 'ñó k'jòtsja-là.

⁴ Pablo kò Bernabé, k'e nga ijchò ján Jerusalén, jñà x̄ita naxandá-là Cristo kò x̄ita jchínga xi ya otixoma kò x̄ita xi tsibixáya-là Jesús, ndaa kiskoétyò. X̄ita koi tsibénojmi yije mé kjoa xi kis'iiin Nainá nga kisichját'aà-là.

⁵ Ya títsajnaiin i'nga x̄ita fariseo xi jye kòkjeiin-là 'én ndaa-là Nainá xi kjoa ts'e Cristo; chíncha kixi, kitsò:

—Jñà xi mitsá x̄ita judío xi jye mokjeiin-là, mochjeén-né nga sít'aa chíba-là kjoa ts'e circuncisión; tíkjoa s'ine-là nga kàtasikitasòn k'jótixoma xi kiskii Moisés.

⁶ K'jòxkóya x̄ita xi tsibixáya-là Jesús kò x̄ita jchínga xi otixoma ya jjiin naxandá-là Cristo nga tsajoóya-ne kjoa koi.

⁷ Tse jchán tsajoóya-ne kjoa koi; chaán tsasíjna kixi Pedro, kíichja, kitsò:

—'Ndsee, jñò, jyeé tíjiin-nò nga k'jòtsee jaàjiin-na Nainá nga 'an kènojmi-là 'én ndaa-là Nainá xi kjoa ts'e Cristo jñà xi mitsá x̄ita judío mé-ne nga tíkjoa kòkjeiin-là.

⁸ Nainá xi beé inima-ná, k'oaá s'in tsakó kixi-ná nga tíkjoa kiskoétyò x̄ita koi nga k'oaá t'is'in kitsjaà-là Inima Tsjeé-là koni s'in kitsjaà-ná jñà.

⁹ Nainá, kisitsjeé inima-là x̄ita koi k'e nga kòkjeiin-là ít'aa ts'e Cristo, nga mikii faájiin x̄ita, tà ngásòn fiko-ná ngats'iaá, xi x̄ita judío 'mí-ná kò xi taxkí x̄ita.

¹⁰ I'ndeji, ¿mé-ne kondra ongui-là k'johítsjeén-là Nainá, tsà koi nàchrjein-là k'joti-là? Nga biné-là x̄ita xi kota'yàt'aà-là Cristo nga sijkitasòn kjoa ts'e k'jótixoma. Ní jñà kò ní jñà x̄ita jchínga-ná chíkjoa-ná nga níkitasoán.

¹¹ Mikii kos'in koma. Nga k'oaá s'in mokjeiin-ná nga jñà, kò xi taxkí x̄ita, ta ngásòn k'jondaà-là Na'én-ná Jesucristo kítjokajñaa kjo'in.

¹² Jyò tsibítsajna ngats'ii x̄ita xi ya títsajna. Kii'nchré-là Bernabé kò Pablo nga tsibénojmi-là x̄ita nga 'ñó tse k'jòxkón ndaa xi kis'iiin Nainá xi ít'aa ts'e nga nguixkon jñà xi mitsá x̄ita judío.

¹³ K'e nga jye kíichja Bernabé kò Pablo, k'eé kíichja Jacobo, kitsò:

—'Ndsee xi j' títsajnaa, t'ina'ya-ná.

¹⁴ Jè Simón Pedro, jyeé tsibénojmi-ná kó s'in komà nga tísa ítjòn nga Nainá jaàjiin jñà xi mitsá x̄ita judío nga naxandá-là koma.

¹⁵ K'oaá s'in mangásòn 'én koni s'in kiskii jñà x̄ita xi kíichja ngajo-là Nainá nga kitsò:

16 K'e nga koma iskan, kitjojen lɔngod k'a nga kindàya xitse-na kɔtixoma-la xitaxá itjòn David xi jye its'oòn; jè xi jye chixoña, lɔngod k'a síkixiya-na; síkijna jngod-na xita xi kɔtixoma ngajo-la David,
17 mé-ne jña xita xi i'nga kohótsji-ne Nainá, ngats'ii xi mitsá xita judío, jña xi 'in ts'an tjit'aà.

18 K'oaá tsò Nainá, nga tsibénomji kɔhótsjeèn xi tjin-la skanda tisa tats'en-la kjoa.

19 "An, k'oaá xán-nò nga mikii sinè-la kjoa xi 'in tjin jña xi mitsá xita judío, jña xi nchifatjija-la nga Nainá nchifit'aà-la.

20 Ta jè xi mochjeèn nga sikasén-lá xojon mé-ne nga mikii skine ngats'ii tsojmi xi ya sinchá nguixkon kjoaxkòsòn; tikoá ki tì kjoa chijngui s'in-ne, mì tì kii skine-ne jni kò ngats'ii yijo-la cho xi mikii xixteèn jni-la.

21 Skanda kɔtseé, xki xi ján naxandá tjin xita xi bíxkejin xojon kɔtixoma xi kiskii Moisés ya ni'ya ingo sinagoga nga jijn jijn naxhrjein nga naxhrjein nikjáya.

22 Jña xita xi tsibixáya-la Jesús kò ngats'ii xita naxandá-la Cristo kò xita jchínga xi ya otixoma, tsajoóya-ne nga jaajin i'nga xita xikjin xi kisikasén ján Antioquia. Jña kitjaajin Judas xi tikoá Barsabás 'mì kò Silas, jña xita xi ndaà yaxkón ya jijn naxandá-la Cristo. Tsoháhtakò Pablo kò Bernabé.

23 Kisik'a jngod xojon xi tsò:

"Ngajen, xita xi tsibixáya-la Jesús kò xita jchínga, nihixat'aà-nòjen jñò xi mitsá xita judío 'mì-nò xi 'ndsé chibá it'aà ts'e Cristo xi titsajnaa ya naxandá Antioquia, kò i'nde Siria kò Cilicia.

24 Jyeé kina'ya-jen nga i itjokajin i'nga xita xi ijchòkon-nò nga sii síkò-nò nga chjako-nò 'én xi síkits'ón-jijn-la inima-nò, tanga mitsá ngajen tsatixá-lajen.

25 Ngats'ii-jen, k'oaá s'in kichoòsòn-lajen nga kinikasén i'nga-nòjen xita tsajen xi kiikon-nò. Tsoháhtakò xinguiáá Pablo kò Bernabé, xita xi 'ño matsjacha-jen.

26 Jña xita koi, jye k'oas'in tsibinè-la yijo-la nita mé kjo'in xi komà'in xi kjoa ts'e Na'en-ná Jesucristo.

27 Tisanikasén-nòjen Judas kò Silas; ngats'ii 'én xi tjit'aà xojon, jña xita koi keèngimíya lɔngod k'a-nò xi tà 'én kòòkò-nò.

28 Ngajen kò Injma Tsjeè-la Nainá ndaà kisaseèn-najen nga mì kjo'ño koma-nò kjoa ts'e kɔtixoma xi 'in tjin; tà koi-né xi ndaà mochjeèn:

29 nga mikii ma chjinee yijo-la cho xi ya biyaá nguixkon xkòsòn; mikii ma chjinee jni kò mikii ma chjinee yijo-la cho xi mikii xixteèn jni-la; tikoá ki tì kjoa chijngui nìs'in-là; tsà chjaaxin-là yijo-nò ngats'ii kjoa koi, ndaà s'e; k'e chibá."

30 Xita koi, k'e nga jye kishixat'aà xikjin, nitóon kii skanda ján Antioquia; k'e nga ijchò tsibixkóya ngats'ii xita-la Cristo, kisingatsja xojon xi 'ya.

31 Jña xita naxandá-la Cristo, k'e nga jye tsibixkejin xojon, tsjaá komà-la nga ijchò-la 'én xi kishijehikon.

32 Jè Judas kò Silas tikoá Nainá chja ngajo-la; ndaà kishijehikon jña xita-la Cristo; kitsjaà-la nga'ño.

33 Xita koi, kjin naxhrjein tsibitsajna Antioquia. Nga komà iskan kishixat'aà xikjin, kii-ne Jerusalén; kiikon-ne jña xita xi kisikasén.

34 [Tanga jè Silas ndaà kisaseèn-la nga tsibijna Antioquia.]

35 Jè Pablo kò Bernabé, yaá tsibitsajna Antioquia; tsakóya-isa 'én-la Nainá tikoá kiichjaya 'én ndaà-la Nainá xi kjoa ts'e Cristo. Tikoá kjin xita xi k'ejii kisixákjoó.

K'e nga chinchat'aà xin-la xikjin jè Pablo kò Bernabé

36 K'e nga komà iskan, Pablo kitsò-la Bernabé:

—Tikjiaan lɔngod k'aá kóhokji naxandá ñanda tsibènojmiá 'én-la Nainá mé-ne nga jchaa kó s'in titsajna xita xinguiáá.

37 Jè Bernabé mejèn-la kji kjo Juan, xi tikoá Marcos 'mì;

38 tanga jè Pablo mikii kisaseèn-la nga jè kji kjo, koi kjoa-la nga kitsjein takòn ján Panfilia nga mì tì kii tsoháhtakò-ne nga kisixá jè xá xi tjima-ne.

39 K'oaá s'in komà-ne nga kisakò kjoa nga mikii kjongásòn 'én-la; chinchat'aà xin-la xikjin; jè Bernabé kiikò Marcos; kiisòn-nda skanda Chipre.

40 Jè Pablo, jaajin Silas nga tsoháhtakò. Jña xita-la Cristo kisikitsajnyaya tsja Nainá nga kii.

41 Kii kóhokji nangui Siria kò Cilicia nga ya chinchima nga isa ndaà kisi'ño ikon jña xita naxandá-la Cristo.

16

K'e nga jè Timoteo tsoháhtakɔ Pablo kɔ Silas

¹ Pablo, k'e nga ijchò naxandá Derbe kɔ Listra, ya kisatilkjoò jngòò xita xi kota'yàt'aà-la Cristo xi Timoteo 'mì; nea-la xita judío-né xi mokjeiin-la it'aà ts'e Cristo. Tanga jè na'èn-la xita griego-né.

² Jñà xita-la Cristo xi títajna Listra kɔ Iconio 'ño ndaa kisikijna Timoteo.

³ Pablo mejèn-la nga jè koahijtakɔ; k'oaa komà-ne nga kisit'aà chiba-la kjoa ts'e circuncisión mé-ne nga ndaa kijn-ne Timoteo it'aà ts'e xita judío; nga jñà xita xi ya j'nde-la jyeé beè nga na'èn-la Timoteo, xita griego-né.

⁴ Ngats'ii naxandá ñanda jahato, k'oaa kitsò-la nga kàtasikitasòn kjoakixi xi tsajooya-ne jñà xita xi tsibixáya-la Jesús kɔ xita jchínga xi títajna Jerusalén xi otixoma ya jjiin naxandá-la Cristo.

⁵ Jñà xita naxandá-la Cristo, isaá 'ño ndaa mokjeiin isa-la; nachrjein nchijòn tímakjin-ya xita xi nchimokjeiin-la.

K'e nga jè Pablo kisinjñá jngòò-la xita Macedonia

⁶ Jè Injma Tsjeé-la Nainá mikil kitsjaa'nde-la Pablo kɔ xita xi kjihijtakɔ nga 'én-la Cristo kii sika'bi ján nangui Asia; k'oaa ma-ne nga ya jahatojiin nangui ñanda 'mì Frigia kɔ Galacia.

⁷ K'e nga ijchò chrañat'aà-la nangui Misia mején-la nga ján kjoì nangui Bitinia, tanga jè Injma-la Jesús mikil kitsjaa'nde-la.

⁸ Tà jahato Misia, ijchò skanda naxandá Troas.

⁹ Nga jye títajna Troas, Pablo, k'e nga nitjen, tsatsejèn jngòò-la xita koni tsà nijñá tí'bi-la xi nangui Macedonia j'nde-la xi tsasjina kixi nguixkon Pablo. Tsibítsi'ba-la, kitsò-la: "Nchroboi j nangui Macedonia. Tichjat'aà-nájen."

¹⁰ Pablo, k'e nga jye kijtsee kjoa koi, nitóón tsitsajna ndaa-jen nga tsanguí-jen ján nangui Macedonia; k'oaa s'in kjochiya-najen nga kixi kjoa nga Nainá tichja-najen mé-ne nga sika'bi-jen 'én ndaa-la Nainá xi kjoa ts'e Cristo ya j'nde jè.

Kós'in komà nga jè Pablo kɔ Silas kii ndayá ya naxandá Filipos

¹¹ K'e nga itjo-najen ya naxandá Troas, kichjoé jngòò-jen chitso, tsanguí kixi-jen ya nangui xi kijnajiin ndá xi 'mì Samotracia; xi komà inchijòn jngòò k'a tsanguí-jen skanda naxandá Neápolis.

¹² Itjo-najen Neápolis, tsanguí-jen Filipos, jngòò naxandá itjòn ts'e j'nde Macedonia xi 'ño tjoé-la nga'ño it'aà ts'e Roma. Kjin nachrjein tsitsajna-jen ya j'nde jè.

¹³ Jngòò nachrjein nikjáya tsanguí jngòò-jen j'nde indii naxandá ñanda tífa jngòò xajngá nandá nga k'oas'in kinikitsjeèn-jen nga tjín jngòò j'nde ñanda chjat'aà-la Nainá xita judío. Tsitsajna-jen; kinokjoako-jen it'aà ts'e 'én ndaa-la Nainá xi kjoa ts'e Cristo jñà ichjín xi maxkóya ya j'nde jè.

¹⁴ Ya tjínajiin jngòò chjoón xi 'mì Lidia xi otjina nikje chji xi sko kjoàn isén-la; yaá j'nde-la ñanda 'mì Tiatira; ndaa beèxkón Nainá; jè Nainá kiskix'ajiin kjohitsjeèn-la nga ndaa tí'nchré koni s'in tichja Pablo.

¹⁵ Komà bautizar Lidia kɔ ngats'ii xita ni'ya-la; xi komà jskan tsibítsi'ba-najen kitsò:

—Jñò tsà kixi kjoa nga mokjeiin-nò nga 'an, ndaa mokjeiin-na it'aà ts'e Nainá, tikjiaan ni'ya-na, ya sikjáyaá.

Ngajen kjo'ño tsitsajna-jen.

¹⁶ Jngòò nachrjein k'e nga títahonguí-jen j'nde ñanda nokjoat'aà-lajen Nainá, kisatilkjoò jngòò-jen tsòti chí'nda xi injma ch'o-la neji tjijin injma-la; maá-la bíndaá nga kot'aasòn xita. Jñà nei-la tsòti jè, ndaa jchán sikijne tɔn nga koi xá s'in.

¹⁷ Tsòti jè, kiitjngui-najen; 'ño chja tjingui-najen, nga tsò:

—Xita koi, chí'nda-la Nainá-né xi 'ño jeya tjina; tjñà-ne xi bénojmi-nò ndiyá xi kitjokajiin-nò kjo'in.

¹⁸ Jè tsòti, kjin nachrjein k'oas'in kitsò-najen. Pablo chaán kòjti-la, kisikátjifaya'a; kiichja-la jè tjo neji xi tjijin injma-la. Kitsò-la:

—It'aà ts'e Jesucristo, k'oaa xan-lè, titjokajiin injma-la tsòti jè.

Tik'eé-ne kjòndaá-ne.

¹⁹ Jñà nei-la, k'e nga kijtsee nga kitjaaxin-la kjoa xi ma-la, nga mì tjì kii kisikijne-ne tɔn, kitsobá'ño Pablo kɔ Silas, kiikɔ nguixkon xitaxá.

²⁰ Chinchá osen ñanda títajna xitaxá, kitsò:

—Jñà xita koi xi xita judío, fi kátsji kjosii j naxandá-ná.

²¹ Kjotixoma xi okóya mikil ndaa tjín, mikil tjí'nde-ná nga chjoé, mikil k'oas'in s'eén, koi kjoa-la nga xita Roma-ná jñà.

²² Ngats'ii x̄ita naxandá saà kondra kii-là jè Pablo kò Silas; j̄nà x̄itaxá kitsjaà okixi nga tsatejndajno nikje-là, ikjoàn tsajá-là.

²³ K'e nga jye 'nó tsajá-là, ingajò, kiskinìs'en ndayá; ikjoàn kitsjaà-là okixi jè x̄ita xi síkinda ndayá nga ndaa kàtasikinda x̄ita koi.

²⁴ Jè x̄ita xi síkinda ndayá, k'e nga kits'ii-là okixi, yaá chinchá iya ñanda isá 'nó tjín. Tsibít'aa'nó ndsokò j̄t'aa yá ts'e ndayá.

²⁵ K'e nga jye ijchò osen nitjen, jè Pablo kò Silas, nchichjat'aa-là Nainá kò nchiseè-là; j̄nà x̄ita xi i'nga xi t̄ikoa kjo'in t̄itsajna, tà nchi'nchré-là.

²⁶ T̄ik'e-ne tà nitjón j'ii jngoo ch'ón xi 'nó jchán ts'a. J̄nà xotjoa-là ndayá kitáx'a, t̄ikoa j̄nà na'nó kichá cadena xi tjít'aa 'nó-ne x̄ita xi t̄itsajna ndayá, jngoo k'a kitjájnda'nó.

²⁷ Jè x̄ita xi síkinda ndayá, k'e nga jaá-là, kijtseè nga t̄ix'á yije xotjoa-là ndayá. Kisikitsjeèn, maá-là tsá jyeé tsanga yije x̄ita xi t̄itsajna kjo'in. Kiskoé jngoo kichá ndojò nga mejèn-là s̄ik'en yijo-là.

²⁸ Jè Pablo, k'e nga kijtseè, nitjón 'nó kiichjá-là kitsò-là:

—Ki k'oaá nikoii yijo-lè; ii t̄itsajna yije-jen.

²⁹ Jè x̄ita xi síkinda ndayá kisijé jngoo ni'in nga kjòhiseèn-ya ndayá; chiba-là t̄ihotsé-né k'e nga jahas'en cuarto ñanda t̄itsajna Pablo kò Silas; ikjoàn kisikatjen yijo-là ya jngui ndsokò.

³⁰ Ikjoàn tsachrje-ne ndayá Pablo kò Silas; kiskòngui-là, kitsò-là:

—Na'èn, ¿mé é s'iaàn nga kitjokàjñaà kjo'in?

³¹ Pablo kò Silas kitsò-là:

—Katakjeiin-lè j̄t'aa ts'e Na'èn-ná Jesucristo mé-ne nga kitjokàjñoò kjo'in ngaji kò ngats'ii x̄ita ni'ya-lè.

³² K'eé tsibénojmi-là 'én-là Na'èn-ná ngats'ii x̄ita xi ya t̄itsajna ni'ya-là.

³³ Tjìe-ne nitjen jè, jè x̄ita xi síkinda ndayá, tsanijno ñanda kitii-là Pablo kò Silas; x̄ita jè t̄ikoa komà bautizar kòhótjín x̄ita xi ya t̄itsajna ni'ya-là.

³⁴ Nga jye komà iskan, kiikò ni'ya-là nga tsakjèn kjoò kòhótjín x̄ita ni'ya-là xi ngui tà kjòtsja nga jye kòkjeiin-là j̄t'aa ts'e Nainá.

³⁵ Nga komà inchijòn, j̄nà x̄itaxá kisikasén policia-là nga kisikasén-là okixi jè xi síkinda ndayá nga tà k'oas'in kàtitjo-ne Pablo kò Silas.

³⁶ Jè x̄ita xi síkinda ndayá kisikì'nchré Pablo kitsò-là:

—J̄nà x̄itaxá, jyeé kàtsjá-na okixi nga ma kitjondejì-nò. Ndaà tanguí-nò.

³⁷ Tanga jè Pablo kitsò:

—Ngajen x̄ita Roma-nájen. [Mikii tjì'nde nga taxkì siko-najen.] Tanga kis'eé-najen yá nga nguixkon naxandá k'e nga skanda t̄ikj'eé 'ya-là mé jé xi tjín-najen; tanga j̄nde mejèn-là nga tà kjoa chijé kochrje-najen ndayá; j̄nà kàtjanchróbà sobà nga kàtachrje-najen.

³⁸ J̄nà policia, k'oaá s'in kii kénojmi-là j̄nà x̄itaxá koni s'in kitsò Pablo. K'e nga kii'nchré j̄nà x̄itaxá nga jè Pablo kò Silas nga x̄ita Roma, tsí ndaa kitsakjòn.

³⁹ K'eé nitjon kii nga tsachrje-ne ndayá Pablo kò Silas; ikjoàn tsibítsi'ba-là kjoa xi komà'in; kitsò-là nga tà kjondaà kàtitjojin naxandá.

⁴⁰ Pablo kò Silas, k'e nga jye itjo-ne ndayá, kii ni'ya-là chjoón xi 'mì Lidia. Yaá tsohókò nojmí xikjín xi ngàsòn mokjeiin-là j̄t'aa ts'e Cristo nga 'nó kàt'eé-là ikon; ikjoàn kii-ne.

17

K'e nga kisakò kjoasii ján Tesalónica

¹ Jahato Anfipolis kò Apolonia, ijchò Tesalónica ya naxandá ñanda tjín jngoo ni'ya ingo sinagoga xi ts'e x̄ita judío.

² Jè Pablo, koni s'in kjit'aa, jahas'en jè ni'ya ingo sinagoga; jàn naxchrjein nikjáya tsajoóya-ne nga kiskoóta'ya Xojon-là Nainá.

³ K'oaá s'in tsibénojmi-là nga jè Cristo k'oaá s'in tjínè-là nga kiyá t̄ikoaá jaáyaá-là j̄t'aa ts'e kjoabiyaá. Kitsò-là:

—Jesús xi 'an t̄ibénojmi-nò, jé-né xi Cristo [xi xó k'oas'in tjínè-là nga kjoii].

⁴ Tjín i'nga x̄ita judío xi kòkjeiin-là; yaá tsoháhitakò Pablo kò Silas. T̄ikoaá kjìn ichjín ítjòn kòkjeiin-là kò x̄ita griego xi beèkón Nainá.

⁵ Tanga j̄nà x̄ita judío xi mikii mokjeiin-là, kjòchinikéè Pablo kò Silas. Tsibíxkóya x̄ita ts'eé xi tà jyò tjíma; tsibíts'ia kjoasii ya naxandá; kii kjaán-t'aa ni'ya-là x̄ita xi 'mì Jasón nga tsohótsji Pablo kò Silas nga mejèn-là s̄ikjína osen nga nguixkon naxandá.

⁶ Tanga mikii kisakò-là ñanda tjína Pablo kò Silas; kjo'ño komà-là nga tsachrje ni'ya jè Jasón kò i'nga x̄ita-là Cristo xi ya t̄itsajna nga kiikò nguixkon x̄itaxá; 'nó kiichjá kitsò:

—J̄nà x̄ita koi xi síkìs'ón x̄ita xi tjín nga t̄jtsa isò'nde; jyeé j'ii j̄nde tsaján.

⁷ Ngats'ii x̄ita koi, jè Jasón kitsjaà'nde-là ni'ya-là. Saà kondraá fi-là kjotixoma-là César xi x̄itaxá ítjòn ts'e Roma; k'oaá tsò nga tjín jngoo x̄itaxá ítjòn xi Jesús 'mì.

⁸ Jñā xitaxá kō xitā naxandá, k'e nga kii'nchré 'én koi, kòjtíí-la.

⁹ Jè Jásón kō xitā xi i'nga tsibichjítjì yijo-la it'aà ts'e xitaxá nga komá tsibitsajnandeíí-ne.

K'e nga tsibitsajna naxandá Berea Pablo kō Silas

¹⁰ K'e nga jye kòjñò, jñā xitā-la Cristo nitoón kisikasén jè Pablo kō Silas skanda ján naxandá Berea. K'e nga ijchò i'nde jè jahas'en ni'ya ingo sinagoga ts'e xitā judío.

¹¹ Jñā xitā xi títajna Berea, isaá ndaà tjin kjohtsjeèn-la mi k'oàà-ne koni xi títajna ya Tesalónica; isaá nitoñ kòkjeíin-la 'én-la Nainá kō nachrjein inchijòn tsibixkejiin Xojon-la Nainá nga mejèn-la skoe tsá kixíí kjoa koni tsò 'én xi okóya Pablo.

¹² Kjin xitā judío kòkjeíin-la tikoá kjin íchjín itjòn kō xitā x'in kòkjeíin-la xi xitā griego.

¹³ Jñā xitā judío xi títajna Tesalónica, k'e nga kii'nchré nga jè Pablo kō Silas ya títajna Berea, nga 'én-la Nainá nchibénojmi, kii ya naxandá jè nga kii kinchá'a xitā mé-ne nga kisakò-ne kjoasií.

¹⁴ Jñā xitā-la Cristo, nitoón kisikasén Pablo ján indii ndáchikon; tà jè Silas kō Timoteo tsibitsajna ya Berea.

¹⁵ Jñā xitā xi tsobáhíjtako Pablo nga kii kiní indiaà, kiikō skanda Atenas. K'e nga jye j'ii-ne xitā koi, 'ya-la okixíí Silas kō Timoteo nga nitoón kjitjinguí-la Pablo.

Kó tsò 'én xi kichjā Pablo k'e nga tsibijna ján Atenas

¹⁶ Pablo, k'e nga tjna naxandá Atenas nga tikoña-la Silas kō Timoteo, 'nó baá komà-la nga kijtseè nga ya naxandá jè, 'nó kjin xkósòn beèxkón.

¹⁷ Ya ni'ya ingo sinagoga tsajoókjòkō xitā judío kō xi taxkí xitā xi beèxkón Nainá; nachrjein inchijòn tsohókò ngats'ii xitā xi bixoña ya nditsin.

¹⁸ Nachrjein koi tjin i'nga xitā xi tsakóya kjohtsjeèn ts'e xitā epicúreo kō xitā estoicos nga tsajoókjò Pablo. Tjin i'nga xi tsò:

—Kó tsòya-ne 'én xi chjaya, nga sii s'in nga chjā?

Tikoáá tjin i'nga xi tsò:

—K'oáá ma-ná, k'ejíí-la nainá tíhokóya.

Koií k'oas'in kitsò-ne nga jè Pablo, jè tíbénojmi 'én ndaà-la Nainá xi kjoa ts'e Jesús nga jaáya-la it'aà ts'e kjoabiyaá.

¹⁹ K'eé kiikō jngòò i'nde ñánda 'mì Areópago. Kiskònangui-la kitsò-la:

—A komaá isa ndaà kénójmi-nájen jè kjoúxoma xitse xi ngaji okoóyí?

²⁰ Nó k'ejíí tsò. Mejèn-najen nga jcha-jen kó tsòya-ne.

²¹ Koií okitsò-ne nga jñā xitā Atenas kō xitā xi xìn nangui-la xi ya títajna, tà jè xi mejèn-la nga skoe kō koma kjoóya-ne ngats'ii kjoa xitse.

²² Pablo, tsasíjna kixíí nga jngòò osen-la j'nde Areópago, kitsò:

—Ngats'ioò xi j'nde-nò Atenas, k'oáá s'in tibexkon-nò; 'nó ndaà yaxkón jñā xi nainá 'mì-la.

²³ K'e nga jáhatoáá jñā ingo ñánda bixoñaá, kijtseè jngoáá ingo ñánda tjit'aà 'én xi tsò: "Nainá xi mikíí yaxkon-la." Jè xi jñò yaxkón, nas'in mi kí yaxkon, tije-ne xi 'an benojmi-nò.

²⁴ Jè Nainá xi tsibíndaá isò'nde, ngats'ii tsojmi xi tjin nga tjtasa isò'nde, jè xi nei-la ngajmii kō nangui; mitsá ya tijnaya ingo xi tsja xitā bndaá-ne.

²⁵ Tikoáá, nímé xi mochjeén-la it'aà tsaján. Ta saá jè tísikínakon-ná, tsjá-ná tjo xi chjoaán, tsjá-ná ngats'ii xi mochjeén-ná.

²⁶ 'Nainá, jngòò xitā kisikjeén nga tsibíndaá ngats'ii xitā xi tjin nga tjtasa isò'nde; kiskoòsòn-la kótjín nachrjein kitsajna kō ñánda kitsajna,

²⁷ mé-ne nga kátatsji-ne Nainá, nas'in k'oas'in kátas'in koni jngòò xitā xi mikíí tsejèn-la nga ótsijno ótsjit'aà nangui. Tanga Nainá, mitsá kjiin tjna; chraña tijnat'aà-ná.

²⁸ Koni s'in kitsò jngòò xitā tsajòn xi 'nó chjine: "Jñā, k'ndí-la Nainá 'mì-ná." Kixíí kjoa, nga jè tsjá-ná nga títajnakoaán nga níkaníyá nga títajnasoaán isò'nde.

²⁹ Tsá kixíí kjoa nga k'ndí-la Nainá 'mì-ná, mi k'oas'in sikítseén nga Nainá jñā isén xi kichā oro xi kichā plata kō xi ndajo xi xitā bndaá-ne tsja koni s'in tjin kjohtsjeèn-la.

³⁰ Nga sa itjòn Nainá kitsjaá'nde-né nga tjjñò-la xitā. Tanga j'ndeí, k'oáá s'in tsjá okixíí nga tjtasa isò'nde nga jñā xitā kátasíkajno jé-la nga mi tje kòhótsji-ne.

³¹ Nainá jye tsibijna jngòò nachrjein nga kixíí koiindaajiin ngats'ii xitā isò'nde. Jaajiin jngòò xitā xi kitsjaá-la okixíí nga jè koma xitaxá xi koiindaajiin-la ngats'ii xitā. Kō k'oáá s'in tsakó nga kixíí kjoa k'e nga kisikjaáya-la it'aà ts'e kjoa biyaá.

³² K'e nga kii'nchré-la kjoa ts'e nga faáya-la mik'en it'aà ts'e kjoa biyaá, tjin i'nga xitā xi tà tsijnò'nga-né kō tjin i'nga xi kitsò:

—Jñā kjoa koi, k'ejíí nachrjein kina'ya-jen.

³³ Pablo, k'eé itjojiin-la.

³⁴ Tanga tjin i'nga xitā xi ya títajna nga kòkjeíin-la: jngòò xitā xi 'mì Dionisio xi ya chjā-ne ts'e xitā xi títajnajtín xi 'mì Areópago; tikoá jngòò chjoón xi 'mì Dámaris, kō xitā xi k'ejíí isa.

18

K'e nga kisixá Pablo ya Corinto

¹ K'e nga jye komá iskan, Pablo it'ojjün Atenas, kii Corinto.

² Yaá kiskaakjoó jñá xita judío xi 'mi Aquila ko choón-la xi 'mi Priscila. Ján nangui-la ñánda 'mi Ponto. Sà tã k'ee' j'ii-ne nangui Italia koi kjoa-la nga jè Claudio xi xita sko-la tsachrje kjotixoma nga ngats'ii xita judío kjtjokajün naxandá ítjòn xi 'mi Roma. Pablo kiikon jñá xita koi.

³ Jñá xita koi, tikoáá koi xá s'in jè xá xi s'in Pablo nga ni'ya nikje bíndaà. Yaá tsibijnako nga kisixákjoó.

⁴ Nga jün jün nachrjein, k'e nga nachrjein nikjáya, Pablo fi ya ni'ya ingo sinagoga nga fi káko jñá xita judío ko xi mitsá xita judío nga kátakjeiín-la.

⁵ K'e nga j'ii-ne Macedonia, jè Silas ko Timoteo, jè Pablo nguì koi xá kis'iín nga tsibénojmi-la 'én-la Nainá jñá xita judío. Kitsò-la nga jè Jesús, jè xi Cristo [xi xó kinikasén-ne].

⁶ Tanga jñá xita judío, tà kondraá kii-la Pablo koá kiichjajno-la; k'oaá s'in komá-ne jè Pablo tsibítsajne nikje-la xi kondra ts'e xita koi, [jè kjoa xi okó nga kjo'in s'e-la it'aà ts'e Nainá], kitsò-la:

—Jé tsajòn-nó tsá mikii mokjeiín-nó; 'an jye kisikitasoàn nga tsibenojmi-nó 'én. I'nde, jñá tífkenojmi-la jñá xi mitsá xita judío.

⁷ Pablo, itjo ni'ya ingo sinagoga; kii jngoó ni'ya-la xita xi ya chrañat'aà tjna xi 'mi Ticio Justo xi ndaa beèxkón Nainá.

⁸ Crispo, jè xi xita ítjòn-la ni'ya ingo sinagoga, kòkjeiín-la 'én-la Nainá, ngats'ii xi xita ni'ya-la; tikoáá kjün xita Corinto xi kü'nchré 'én xi tsakóya Pablo kòkjeiín-la, ikjoàn komá bautizar.

⁹ Jngoó nitjen jè Pablo, k'oaá komá-la koni tsá nijñá kits'ii-la; Na'è-ná kiichja-la, kitsò-la: —Kii jyó bijni, ko kii tsakjoón-jèn, tinókjoa-né.

¹⁰ Mi ya xita kó siko-lè, 'aán tijnako-lè; i'nde jè, kjün ma xi xita ts'an ma.

¹¹ Pablo, jngoó nó osen tsibijna Corinto nga tsakóya 'én-la Nainá.

¹² K'e nga xitaxá gobernador tsibijna jè xi 'mi Galión ya i'nde Acaya, jñá xita judío tsajoóya-ne nga kitsobá'ño Pablo; kiiko ni'ya osen mé-ne nga kisindaajün-la.

¹³ Kitsò-la jè xitaxá xi gobernador tjna:

—Xita jè naxandá tbinchá'a nga kj'eíi s'in beèxkón Nainá; mi k'oaá s'in koni s'in tjin kjotixoma ts'e Roma.

¹⁴ K'e nga mejèn kiichja Pablo, jè Galión kitsò-la xita judío:

—Tsá jngoó kjoa xi tse tjin ko 'in tjin, tjinè-la nga 'an kındaajña;

¹⁵ tanga tà 'én-né, tà kjotixoma tsajòn-nó; tà jñó tindaajñoó; 'an mikii skongájñaà kjoa koi.

¹⁶ Ikjoàn tsachrje ni'ya osen.

¹⁷ Ngats'ii xita griego kitsobá'ño jè xita ítjòn ts'e ni'ya ingo sinagoga, jè xi 'mi Sóstenes. Kiskaán-ko ya ni'ya osen nga nguixkon xitaxá. Tanga jè xitaxá Galión, mikii kisis'in-la.

Kii s'in kii jngoó k'a-ne Pablo ya Antioquia

¹⁸ Pablo, kjün nachrjein tsibijna isa ya Corinto. Iskan kisihiat'aà jñá xita 'ndse, kii-ne Siria. Tsobáhjtako Priscila ko Aquila. Yá Cencrea tsibijno-la sko koni jngoó chjba xi okó nga jye kisikitasòn koni s'in kitsjaà-la tso'ba Nainá.

¹⁹ K'e nga ijchò Éfeso, yaá tsibítsajna Priscila ko Aquila. Pablo, ján kii ni'ya ingo sinagoga nga tsajoókjoó jñá xita judío xi ya bixoña.

²⁰ Jñá xita koi tsibítsi'ba-la Pablo nga isa kjün nachrjein kätijnako, tanga Pablo, mikii kòkjeiín-la.

²¹ Kisihiat'aà xita xikjín kitsò-la:

—Tsá Nainá mejèn-la, iskan kjoikon jngoó k'a-nó.

Ikjoàn tsibijnaya chitso nga kii.

²² K'e nga ijchò Cesarea, kii ján Jerusalén nga kisihiat'aà xita naxandá-la Cristo. Ikjoàn kii skanda Antioquia.

²³ Kjün nachrjein tsibijna Antioquia; iskan kii kóhokji i'nde Galacia ko Frigia. Kisi'ño ikon ngats'ii xita xi kota'yat'aà-la Cristo.

K'e nga kiichjaya Apolos ya Éfeso

²⁴ Ya Éfeso ijchò jngoó xita judío xi 'mi Apolos xi ján i'nde-la Alejandría, jngoó xita xi 'ño ndaa ma-la chjaya. Ndaa tjiin-la it'aà ts'e Xojon-la Nainá.

²⁵ Jè Apolos, xó kiskoóta'ya-ne ndiyá-la Nainá; 'ño tsja beè-la inima-la nga nguì kixij chjaya tikoáá tsakóya it'aà ts'e Jesús; jè kjoa ts'e bautismo nas'in tà jè tjiin-la ts'e Juan.

²⁶ Apolos, 'ño tjin ikon nga kiichja ya ni'ya ingo sinagoga. K'e nga kii'nchré jè Priscila ko Aquila, it'aà xin kiiko nga isa kixi tsakóya-la ndiyá-la Nainá.

²⁷ Apolos, k'e nga kjòmejèn-là kii ján i'nde Acaya, ngats'ii x̄ita-là Cristo kisi'ño ikon nga komà kii. Ikjoàn kiskii jngòò-là xojoñ jñà x̄ita xi kota'yàt'aà-là Cristo xi títajna ján i'nde Acaya nga skoétjò jè Apolos k'e nga kijchò. K'e nga ijchò Acaya, 'ño ndaa tsasiko jñà x̄ita xi kitsjaà-là kjondaà Nainá nga kòkjein-là it'aà ts'e Cristo.

²⁸ Apolos, 'ño ndaa tsajoókjoò jñà x̄ita judío ya nguixkòn naxandá nga kisikitsajnajyò nga it'aà ts'e Xojoñ-là Nainá, ngui ndaa tsakó-là nga jè Jesús, jè xi Cristo [xi xó kinikasén-ne].

19

K'e nga ijchò naxandá Éfeso jè Pablo

¹ K'e nga tákó ya t̄jna Apolos ya naxandá Corinto, jè Pablo, kjìn i'nde jahatojiin xi nindoò choòn nga ijchò Éfeso. Yáá kiskaàjiin i'nga x̄ita xi kota'yàt'aà-là Cristo.

² Kiskònangui-là, kitsò-là:

—¿A kitjoé-nò Inimá Tsjeè-là Nainá k'e nga kòkjein-nò it'aà ts'e Cristo?

Jñà x̄ita koi kitsò:

—Ngajen mikii t̄jiin-najen tsà t̄jín Inimá Tsjeè-là Nainá.

³ Pablo kitsò-là:

—¿Kó s'ín komà bautizar?

Jñà x̄ita koi kitsò:

—It'aà ts'eé bautismo-là Juan komà-jen.

⁴ Pablo kitsò:

—Kixii kjoa. Juan, kis'iin bautizar x̄ita xi kisikájno jé-là nga mì t̄jé kohótsji-ne, tanga k'oaá s'ín kitsò-là x̄ita naxandá nga kàtakjein-là it'aà ts'e Jesús, jè x̄ita xi iskan kjoji.

⁵ K'e nga jye kii'nchré 'én koi, ikjoàn komà bautizar it'aà ts'e Na'èn-ná Jesucristo.

⁶ Pablo, k'e nga jye tsohósòn-là tsja, jñà x̄ita koi jahas'en-jiin inimá-là Inimá Tsjeè-là Nainá, ikjoàn kiichja 'én xi kje'ei tsò t̄jkoá kiichjaya ngajo-là Nainá.

⁷ Ngats'ii x̄ita koi, tejò ma xi x̄ita x'ín.

⁸ Pablo, jàn sá tsibijna Éfeso nga xk̄i xòhotò f̄i ya ni'ya ingo sinagoga; mikii tsakjòn nga bénojmiya, 'ño kiichjako x̄ita nga kàtakjein-là kós'ín otixoma Nainá.

⁹ Tanga t̄jín i'nga x̄ita xi kisitájaajiin inimá-là, mikii kòkjein-là koni s'ín tíhokóya Pablo. Ch'oo kiichja nga nguixkòn x̄ita it'aà ts'e ndiyá x̄itse-là Cristo. Pablo, k'eé tsasit'aà x̄in; kiiko yije x̄ita xi kota'yàt'aà-là Cristo. Yáá kiiko jngòò ni'ya escuela ñána okóya x̄ita xi 'mì Tirano. Yáá tsajoóya-ne nga nachrjein nchijòn.

¹⁰ Pablo, jò nó tsibijna nga tsakóya-là x̄ita. K'oaá s'ín komà nga kii'nchré 'én ndaa-là Na'èn-ná Jesucristo ngats'ii x̄ita judío kò xi mitsà x̄ita judío xi títajna naxandá ts'e nangui Asia.

¹¹ Nainá, tseé kjojkón kis'iin nga jè kisikjeén Pablo.

¹² Skanda jè pahitò-là kò nikje xi síkjeén Pablo f'iiikjaá x̄ita nga fiko-là x̄ita xi xk'én. K'e nga jye siko jñà nikje, mandaà-ne ch'in xi t̄jín-là; t̄jkoáá bitjokàjiin-ne inimá ch'o-là neji xi t̄jiin inimá-là.

¹³ T̄jín i'nga x̄ita judío xi xk̄i xi ján naxandá t̄jima nga ochrjekàjiin inimá-là x̄ita xi inimá ch'o-là neji t̄jiin inimá-là. Mejèn-là k'oa t̄is'ín s̄jikaxk̄i 'in-là Jesús nga koxkii-là x̄ita. Tsò-là jè neji:

—It'aà ts'e Jesús xi jè Pablo okóya otixoma-lè nga titjokàjiin inimá-là x̄ita koi!

¹⁴ Jngòò x̄ita judío xi 'mì Esceva xi x̄ita skò-là nò'mii, K'oaá s'ín mejèn kis'iin ixti-là xi itòò ma-ne.

¹⁵ Tanga jè x̄ita neji, jngòò k'a kiichja-là kitsò-là:

—'An bexkon-ná Jesús, t̄jkoáá bexkon-ná Pablo; tanga jñò, zyá x̄ita-nò?

¹⁶ Jè x̄ita xi inimá ch'o-là neji t̄jiin inimá-là kiskaàn-kò jñà ixti koi; kitsjoònè kitsjoòfè; kisikijne-là nga itòò ixti. Itjo ni'ya, ikjoàn tsanga nga laká kjoàn koi kjoa-là nga 'ño kisiki'on.

¹⁷ Ngats'ii x̄ita judío kò xi mitsà x̄ita judío xi t̄jín ján naxandá Éfeso, kii'nchré kjoa xi komà; tà kitsakjòn-né. Isaá 'ño ndaa kijtseéxkón Na'èn-ná Jesucristo.

¹⁸ Kjìn x̄ita xi jye mokjein-là 'én ndaa-là Nainá xi kjoa ts'e Cristo, j'ii kénojmi nga nguixkòn x̄ita nga ch'o t̄jín xá xi kis'iin nga s̄j itjòn.

¹⁹ T̄jkoáá kjìn ma x̄ita t̄j'e j'iiiko yije libro xi kisikjeén nga t̄isa itjòn nga tsaká. Chinchájiin ni'ín nga kitii nga nguixkòn yije x̄ita. K'e nga komà kindá jè chjí-là libro xi kitii, icháte jmii ton plata t̄jín-ne chjí-là.

²⁰ K'oaá s'ín komà-ne nga 'ño tsangasòn 'én ndaa-là Nainá xi kjoa ts'e Cristo; tseé nga'ño kis'e-là.

²¹ K'e nga jye jyehet'aà kjoa koi, Pablo kisikitsjeèn nga ján kjoji Jerusalén, kjoahato nangui Macedonia kò Acaya. K'oaá s'ín kisikitsjeèn nga t̄jkoá mochjeén-né nga ján kjoji naxandá Roma.

22 K'ée kisikasén ingajò x̄ita xi síxját'aà-là ján nangui Macedonia, jè Timoteo kò Erasto; kò jè Pablo, yaá tsibjina chiba nàchrjein is̄a ya nangui Asia.

Mé kjoa-ne nga kjoasii kis'e ya naxandá Éfeso

23 Jñà nàchrjein koi, 'ñó tse kjoasii kis'e ya Éfeso, koi kjoa-là Ndiyá xit̄se-là Cristo.

24 Jngoò x̄ita xi 'mì Demetrio xi síxáko kich̄a plata, bindaà xkòsòn-là ts'è ingo-là Diana. Ngats'ii x̄ita xi síxáko 'ñó ndaà síkijne tòn.

25 Tsibíxkóya ngats'ii x̄ita-là xi síxáko kò x̄ita xi k'ejí xi t̄kjoa koi xá s'ín, kitsò-là:

—Ngats'ioò jñò, 'ya-nò nga jè xá koi, bijne-ná tòn.

26 Tanga t̄kjoaá t̄tsa'ya-nò, kò t̄tsana'ya-nò nga jè x̄ita xi 'mì Pablo, k'oaá s'ín binchá'a yije x̄ita nga mì xó tsà nainá xi tsja x̄ita sindaà-ne. Kjin ma-ne xi jye jahatj̄iya-là, mìtsà t̄a j̄ Éfeso, kòhokji jngoò itjandii nangui Asia.

27 Jè kjoa koi, mikii ndaà t̄jín. Mìtsà tà koi kjoa-là nga chjja xá xi 'nè. T̄kjoaá t̄jín-là kjoskon tsà chjja ingo-là nainá xi 'mì Diana, jè xi 'ñó 'nga t̄jina nga mì t̄j kii ksoexkòn-ne x̄ita; kò yaá chjja kjoajeya-là; mìtsà tà j̄ Asia nga yaxkón, t̄jtsaá isò'nde.

28 Jñà x̄ita, k'è nga kii'nchré 'én koi, 'ñó kòjti-là, ijkjoàn 'ñó kiichjja nga kitsò:

—j'Nga kàtjina Diana ts'è naxandá Éfeso!

29 Kòhokji naxandá kis'e kjoasii; kitsobà'ñó jè xi 'mì Gayo kò Aristarco. Ingajò x̄ita koi, yaá kjihj̄itako Pablo; ján j'nde-là nangui Macedonia. Fàhatjen fàhania, kiikò ni'ya teatro ñanda bixoña x̄ita naxandá.

30 Pablo, mejèn jahas'en t̄jingui-là ni'ya nga kichjajin-là x̄ita naxandá tanga jñà x̄ita xi kota'yàt'aà-là Cristo mikii kitsjaà'nde-là.

31 T̄kjoaá yaá t̄tsajina i'nga x̄ita xi xá t̄jín-là ts'è nangui Asia xi amigo ts'è Pablo. Kisikasén-là 'én nga mì ya kjoas'en-jin ya ni'ya teatro.

32 Ya ni'ya teatro ñanda chixoña x̄ita, mikii 'ya-là mé kjoa xi t̄jín. Xk̄i xi ján chjja, k̄akj'ejí k̄akj'ejí tsò nga jngoò i'jngoò. Isá kjin ma-ne xi mikii t̄jijn-là mé kjoa xi t̄jín j'nde jè.

33 Jñà x̄ita judío tsasjina osen Alejandro nga kisikichjja. Jè Alejandro, k'ée kiskim̄itjen tsja nga kisikitsajnajyò x̄ita. Mejèn-là nga kosiko x̄ita judío.

34 Jñà x̄ita, k'è nga kijtseexkon Alejandro nga x̄ita judío, ngats'ii, 'ñó kiichjja nga ta jngoò jtaá kiichjja, kitsò:

—j'Nga kàtjina Diana ts'è naxandá Éfeso!

Koni jò-là hora kiichjja nga okitsò.

35 Jè x̄ita xi t̄jín-là secretario ts'è naxandá, k'è nga jye kisikitsajnajyò x̄ita naxandá kitsò-là:

—Ngats'ioò xi x̄ita Éfeso 'mì-nò, 'ya-nò nga ngats'ii x̄ita xi t̄jín nga t̄jtsa isò'nde beè-né nga j̄ naxandá Éfeso t̄jín-là kindá ingo-là kò xkòsòn-là xi nea-ná Diana xi 'ñó 'nga t̄jina xi najmii j'ii-ne.

36 Nijngoò xi koma k̄jna'ma kjoa koi. Mochjeén-né nga mì taxk̄i s'een; ítjòn t̄ikitsjeén.

37 Jñà x̄ita xi jnò kòf'ikòò ijndé, ni mé kjoa xi kòhòtsji'it'aà ts'è ingo; t̄kjoaá mìtsà jè nea-ná Diana kàchjajno-là.

38 Tsà jè Demetrio kò x̄ita xi síxáko, tsà mé kjoa xi t̄jín-là kò x̄ita xi k'ejí, t̄jín x̄itaxá xi ma-là bíndaajin, koa t̄jín ni'ya osen ñanda sindaajin mé-ne nga koma k̄inchako-ne yijo-là.

39 Jñò, tsà mé xi mejèn-isa-nò, kàtasjina jngoò junta ts'è x̄ita naxandá xi kix̄i t̄jín nga kàtasindaajin koni s'ín t̄ichjja kjot̄ixoma.

40 Jè kjoa xi koma j'nde, t̄jín-là kjoskon tsà jè x̄itaxá ítjòn ts'è Roma kichjja'nchré-ná nga kjosii t̄tsab̄inchaátsjiaá. ¿Mé kindá xi k'oiáá?

41 K'è nga jye okitsò x̄ita jè, kii yije-ne ni'ya-là x̄ita.

20

K'è nga kii Pablo ya nangui Macedonia kò Grecia

1 K'è nga jye kisikjoàn-là kjoasii, Pablo tsibíxkóya yije x̄ita xi kota'yàt'aà-là Cristo nga kitsjaà-là 'én xi ndaà tsò nga kisi'ñójin ikon. Ijkjoàn, kisihixat'aà xik̄jín nga kii ján nangui Macedonia.

2 Koni s'ín tsajmeè nga kii, jahato ngats'ii naxandá nga ndaà kisi'ñójin ikon jñà x̄ita-là Cristo; ijchò skanda Grecia.

3 Pablo, jàn sá tsibjina Grecia. K'è nga jye t̄ibjindaà nga skoé jngoò chitso nga jye t̄ifi ján Siria, kisijin-là nga jñà x̄ita judío, k'oaá s'ín t̄jindaà-là nga mejèn-là sjik'en; kisikátji-ne, ndiyá Macedonia kii jngoò k'a-ne.

4 Tsobáhj̄itako jè Sópater xi Berea j'nde-là, ti-là ma Pirro; jè Aristarco kò Segundo xi Tesalónica j'nde-là; Gayo xi Derbe j'nde-là; kò Timoteo; t̄kjoaá ya t̄jko Tíquico kò Trófimo xi Asia j'nde-là.

5 Jñà x̄ita xinguiáá koi, kii ítjòn-né skanda ján Troas. Yaá kiskoòñà-najen.

⁶ K'e nga jye jyehet'aà jñà nàchrjein-là s'eí nga bichiaá inchrájin xi tsjin-là nà'yo san, tsitsajnáya jngoò-jen chitso ya Filipos; ikjoàn tsangujiin-ndá-jen; xi komà 'òn nàchrjein ijchòtjingui-lajen ján Troas; yaá tsitsajna jngoò xomàna-jen.

K'e nga tsibijna Pablo ján Troas

⁷ Jè nàchrjein tahàngo nga tàts'en xomàna chixoña yije-jen nga kinixkoaya-jen inchrájin; jè Pablo 'nó ndojò kiikò nga tsibenojmíya 'én-là Cristo. Tichja-né skanda kó nga ijchò osen nitjen, koií kjoa-là nga komà inchijòn jye tífi-ne.

⁸ Ya cuarto xi kijnasòn-nga ts'e ní'ya nànda titsajna-jen, kjin lámpara tífi.

⁹ Jngoò chíti xi 'mì Eutico tijnajto ventana-là ní'ya xi jàn piso tjin-là. Koá jè Pablo nga 'nó ndojò kiikò 'én xi tsibenojmi, jè chíti kisijnafè nga 'nó nijná-là. K'e nga jye 'nó kjinafè, kiskaàngui skanda it'aà nangui. K'e nga kitjámiltjen, jyeé k'en.

¹⁰ K'eé inchròbajen Pablo; kitsobàkjá, kitsò:

—Ki tsakjoòn-jèn, tijnakon-né.

¹¹ Ikjoàn kii mijin jngoò k'a-ne ya cuarto nànda titsajna; kisixkoaya inchrájin, koa tsakjèn-ko xikjin. Jngoò k'a tsibíts'ia nga kiichjaya skanda kis'e-là isén. Ikjoàn kii-ne.

¹² Jñà xita kiikò-ne ní'ya-là jè chíti; jye tijnakon-ne; k'oaá tjin kjoa xi isa ndaa kjòtsja-là xita.

K'e nga itjo-ne Pablo ya Troas nga kii ján Mileto

¹³ Ngajen, tsanguí itjòn-nájen, tsitsajnáya-jen chitso skanda ján Asón; yaá tsitjaachjaajto-jen Pablo; k'oaá kitsò nga ndiyá ndsokoó kii-ne.

¹⁴ K'e nga jye ijchò-jen ján Aso, yaá kiskaàkjoò-jen Pablo; tsibijnayako-najen chitso; tsanguí-jen skanda ján Mitilene.

¹⁵ Itjo-jen Mitilene. Nga komà inchijòn, tsitjaajto-jen Quío. Xi ma-ne jò nàchrjein ijchò-jen Samos. Yaá Trogilio kinikjáya-jen. Xi komà jàn nàchrjein ijchò-jen Mileto.

¹⁶ Jè Pablo, k'oaá s'in kisikitsjeèn nga tà kjoahato kixjí Èfeso; kisixátíya-là yijo-là nga mikii tsibijna Asia; jè xi mejèn-là nga isa nitjon kijchò Jerusalén tsà koi nàchrjein-là ya tjna k'e nga kitjo s'eí ts'e Pentecostés.

'Én xi kiichjako Pablo jñà xita jchínga ts'e naxandá-là Cristo xi titsajna Èfeso

¹⁷ Pablo, k'e nga tjna Mileto, kiskinikjaá jñà xita jchínga xi tjin-là xá ya jjiin naxandá-là Cristo xi titsajna Èfeso.

¹⁸ K'e nga ijchò jñà xita jchínga, kitsò-là:

—Jñò, ndaa tjiin-nò kós'in tijnako-nò skanda tjen-ne k'e nga j'iaa j nangui Asia.

¹⁹ Nga kjit'aà nàchrjein, 'nó indaàkjoa tsixá-là Nainá; mi k'oaá kji ndáxkoaàn bixteèn nga otojñaà kjoa koií kjoa-là koni s'in síko-na jñà xita judío nga bíchjoa ikon-na.

²⁰ 'An, mikii jyò ótjina nga benojmíya-nò ngats'ii kjoa xi mochjeèn-nò xi kjondaà tsajòn. Benojmíya-nò nànda bixoña xita ko ní'ya-nò.

²¹ K'oaá s'in benojmíya yije-là, ngats'ii xita judío ko xi mìtsà xita judío nga kàtasikájno jé-là nga mì tí jè kohòtsji-ne, Nainá kàtjít'aà-là ko kàtakjeiin-là it'aà ts'e Nà'én-ná Jesucristo.

²² T'ndeí, ján tífia Jerusalén; tsejèn ma-na nga jè kjo'ño tífiko-na Iníma Tsjeé-là Nainá. Mikii tjiin-na mé kjoa xi komat'ian;

²³ ta jè-né nga kjiindá naxandá nànda bijchoa, jè Iníma Tsjeé-là Nainá, k'oaá s'in benojmíya-na, k'e nga kijchoa Jerusalén, ndayá kótjina, tse kjo'in siikjiaán.

²⁴ Kjoa ts'e kjo'in, mikii makájno-na nas'in siik'en-na xita. Jè xi mejèn-na nga ndaa sikitasoàn. Ndaa sikjehet'aà xá xi kitsjaà-na Nà'én-ná Jesucristo nga sika'biá 'én ndaa-là it'aà ts'e kjondaà xi tsjá Nainá.

²⁵ T'ndeí, k'oaá xan kixi-nò ngats'ioò jñò xi kiyaxkon-ná nga tsibenojmi-nò kjotixoma-là Nainá, mì tí kii jchaxkon-ná.

²⁶ T'ndeí, k'oaá xan-nò, tsà mikii mokjeiin-nò it'aà ts'e Jesús, mìtsà 'an tjin-na jé tsà kjo'in s'e-nò.

²⁷ Nga 'an, jyeé tsibenojmi yije-nò kó s'in tjin kjoa xi tjinnda-là Nainá; nimé xi tsibi'ma-nò.

²⁸ Jñò, tikindaa yijo-nò, tikoa tikindaa naxandá-là Cristo xi jè kisikijne nga ko jni-là. K'oaá s'in tikindaa koni jngoò paxtò ts'e orrè nga jè xá kitsjaà-nò Iníma Tsjeé-là Nainá.

²⁹ 'An, be-ná, k'e nga koma iskan, nga jye kjián, kjoahas'en-jiin-nò xita xi k'ejí koni tsejèn ts'en xi mejèn-là siikje xita naxandá-là Cristo.

³⁰ Tikoa kitjokajin xi tí xita tsajòn-nò xi k'ejí kjotixoma kòkòya xi mìtsà kixi kjoa; kjiko xita xi kota'yát'aà-là Cristo nga skónachan-là.

³¹ Titsajnakon; tikitsjeèn, 'an, jàn nó tsohótijnako-nò ko nàchrjein ko nitjen bixteèn ndáxkoaàn nga tsibenojmiya-nò kós'in sijchá yijo-nò.

³² T'ndeí, ndí 'ndsé, ngats'ioò, tsja Nainá sikitsajnáya-nò. Tikoa sikitsajnájin-nò 'én-là Nainá it'aà ts'e kjotsjacha xi tjin-là, jè 'én xi koma tsjá-là nga'ño iníma-nò. It'aà ts'e 'én koi tjoé-nò kjotjò ján ngajmii k'e nga tjoé yije-là xita tsjeé-là Nainá.

³³ An, nímé xi jaàjìin-na, nì tòn, nì níkjé xi ts'è xítà.
³⁴ Jñò, ndaà tjiin-nò nga ndsaa kisixá-na nga kisikijne ngats'iì tsojmì xi kinichjeén-jen ko xítà xi títsajnakò-na.
³⁵ K'oaá s'ín tsakoóya-nò, mochjeén-né nga sixá mé-ne nga sichját'aà-lá jñà xítà xi 'in títsajna; tikítsjeèn 'én-là Na'è-ná Jesucristo xi tsò: "Ìsáá ndaà machikon-t'ín jñà xítà xi tsjá mì k'oaà-ne jñà xítà xi tjoé-là."
³⁶ K'è nga jye okítsò, ìkjoàn tsasijna-xkó'nchi Pablo, kiichjät'aà-là Nainá kóhòtjín xítà.
³⁷ Ngats'iì kiskindàya, kitsobàkjá ko kiskine'a Pablo.
³⁸ Jñà xítà, tsí 'on komà-là jè 'én xi kitsò Pablo nga mì tì kii skoexkon-ne xíkjin. Kii kini indiaà skanda ñánda kijna chitso.

21

K'è nga kii Pablo ján Jerusalén

¹ K'è nga jye kinihixat'aà-jen xítà xingui-jen, tsitsajnya-jen chitso; tsanguí kixi-jen naḡandá jìin-ndá ñánda 'mì Cos; xi komà inchijòn ijchò-jen naḡandá Rodas, ìkjoàn tsangui-jen skanda naḡandá Pátara.
² Ya Pátara sijna ìjngoo chitso xi tífi Fenicia; jè tsitsajnya-jen nga tsanguí-jen.
³ K'è nga tsitjaajìin-ndá-jen, ki'ya-jen nangui jìin-ndá ts'è Chipre xi kijna ya ngakón-najen; tanga tsanguí kixi-nájen skanda Siria. Jè chitso, yaá kisasijna ìndii ndáchikon Tiro nga yaá chinchá ch'á-là xi 'ya.
⁴ Ya Tiro, kiskaàkjoò-jen xítà xi kota'yát'aà-là Cristo, itoo nachrjein tsitsajnakò-jen. Jñà xítà koi kitsò-là Pablo nga mìkii kjoì ján Jerusalén; jè Injima Tsjeè-là Nainá k'oaá s'ín tsibénojmiya-là.
⁵ K'è nga jye ijchò jngoo xomàna nga titsajna-jen, ìkjoàn itjo ìjngoo k'a-jen. Tsobáhijtakò yije-najen jñà xítà-là Cristo, ko ichjín-là ko ìxti-là skanda ján ìndii najnchrà. Ko yaá ìndii ndáchikon chinchá-xkó'nchi-jen nga kinokjoat'aà-lajen Nainá.
⁶ Ìkjoàn kinihixat'aà-jen xítà xingui-jen, tsitjaas'en-jen chitso koa jñà xítà koi, kii-ne ni'ya-là.
⁷ Yaá jyehet'aà nga tsitjaajìin-ndá-jen nga itjo-najen Tiro skanda ijchò-jen Tolemaida. Yaá kinihixat'aà-jen xítà xinguiáá it'aà ts'è Cristo; jngoo nachrjein tsitsajnakò-jen.
⁸ K'è nga komà nchijòn, tsanguí-jen ján Cesarea. Ijchò-jen ni'ya-là Felipe, xítà xi chjaya 'én ndaà-là Nainá xi kjoa ts'è Cristo, jè xi taña kitjaajìin-ko jñà xítà xi itoo ma-ne nga kisixáko naḡandá-là Cristo. Yaá kinikjáya-jen ni'ya-là.
⁹ Nijòn ma ìxti íchjín xongó-là xi síkjeén Nainá nga chja ngajo-là.
¹⁰ Kjin nachrjein tsitsajnakò-jen Felipe. Yaá j'ii jngoo xítà xi 'mì Agabo xi inchrobà-ne Judea jè xi síkjeén Nainá nga chja ngajo-là.
¹¹ K'è nga ijchòkon-najen, kiskoé sincho xi bijnakjá Pablo. Tsibí'ño tsja ko ndsoko, ìkjoàn kitsò:
 —K'oaá tsò jè Injima Tsjeè-là Nainá: kiís'in koiit'aà'ño jñà xítà judío ján Jerusalén jè xítà nei-là sincho jè; ìkjoàn sjingatsja xi mìtsà xítà judío.
¹² Ngajen ko xítà Cesarea, k'è nga kina'ya-jen 'én koi, tsibitsi'ba-lajen Pablo nga mìkii kjoì Jerusalén.
¹³ Tanga jè Pablo kitsò:
 —¿Mé xi ma-nò? ¿Mé-ne chihindáya-nò? Kì nba-là injima-na. 'An tìjngoo takoàn nga kátít'aà'ño-na naḡs'ín kátasik'en-na xítà ján Jerusalén xi kjoa ts'è Na'è-ná Jesucristo.
¹⁴ Mikii komà kichjaàxin-lajen kjohitsjeèn-là; tà k'oaá k'i-mi-lajen:
 —K'oaas'ín kátitasòn koni s'ín mejèn-là Nainá.
¹⁵ Xi komà ìskan, tsibixkó-jen tsojmì-najen, ìkjoàn tsanguí-jen Jerusalén.
¹⁶ Tsobáhijtakò i'nga-najen jñà xítà-là Cristo xi Cesarea i'nde-là. Kiikò-najen ya ni'ya-là xítà xi 'mì Mnason xi Chipre i'nde-là. Xítà jè kjõtseeé kota'yát'aà-là Cristo. Yaá kinikjáyakò-jen.
Mé xi komà k'è nga jè Pablo ijchò Jerusalén
¹⁷ K'è nga ijchò-jen Jerusalén, jñà xítà-là Cristo xi ya títsajna, tsjaá komà-là nga kiskoétjò-najen.
¹⁸ Xi komà inchijòn, tsanguí-jen ko Pablo ni'ya-là Jacobo; yaá títsajna ngats'iì xítà jchínga xi otixoma ijìin naḡandá-là Nainá.
¹⁹ Pablo ksilihixat'aà xítà koi, ìkjoàn tsibénojmi yije-là kjoa xi tís'in Nainá it'aà ts'è xítà xi mìtsà xítà judío nga jè tísikjeén Pablo xá xi tís'in.
²⁰ K'è nga kii'nchré 'én koi, jeyaá kisikjina Nainá. Ìkjoàn kitsò-là Pablo:
 —Jì ndí'ndse, tí'ya-né nga jñà xítà judío jyeé 'ño kjin jmii ma-ne xi mokjeín-là it'aà ts'è Jesús. Ngats'iì xítà koi, 'ño mejèn-là nga kítason kjótixoma xi Nainá kitsjaà-là Moisés.

²¹ Tanga jye xó kii'nchré xi it'aà tsiji nga k'oaá xó s'in okoóya-la ngats'iì xita judío xi títajnaíjiln ya naxandá-la jñà xi mìtsà xita judío nga mì xó tì kii sùkkitasòn-ne kjotixoma-la Moisés; kátasíchija xó kjotixoma xi tjin-ná xi xita judío 'mì-ná, tìkjoa mì xó tì kii sít'aà chíjba-la jñà ndí íxti kjoa ts'e circuncisión.

²² ¿Mé xi s'eén? Kjo'ño-né kji'nchré xita nga i tijni.

²³ K'oaá s'in t'jin koni s'in 'mì-lèjen; i títajnaíjiln ñijòn-najen xita xi sùkkitasòn koni s'in kitsjaà-la tso'ba Nainá nga sùtsjeèya yijo-la.

²⁴ Tikoji jñà xita. Tùtsjeèyi yijo-lè kò xita koi. Tíchíj nga kátasijno-la tsja skò mé-ne nga skoe-ne xita xi kje'eií nga mìtsà kixi kjoa koni tsò-lè xita. Yaá skoe-ne nga tìkjoa ngaji níkitasòin kjotixoma-la Moisés.

²⁵ It'aà ts'e xita xi mìtsà xita judío xi jye mokjeín-la 'én-la Cristo, jyeé kinikasén-lajen xojon koni s'in kichoòsòn-lajen nga mikii skine tsojmì xi xkòsòn sinchá't'aà-la; mikii skine jni-la cho; tìkjoa mikii skine yijo-la cho xi mikii xixteèn jni-la k'e nga biyaá; tìkjoa kì tì kjoa chijngui sís'in-la.

K'e nga kindobà'ño Pablo ya ingo ítjòn

²⁶ Xi komá nchijòn, Pablo kii kò nga ñijòn xita koi. Tañaá kisikitasòn kjotixoma-la xita judío nga kisitsjeèya yijo-la kjoa ts'e jé-la. Ikjoàn kii ya ñánda tjna ingo ítjòn nga kisikí'nchré jñà xita mé nachrjein kjoehet'aà nachrjein-la nga nchisitsjeèya yijo-la; ikjoàn koma kji kjo cho xi kjotjò ts'e Nainá nga jngòò ñjngòò.

²⁷ K'e nga jye kjomeé bijchò itòò nachrjein, jñà xita judío xi inchrobà-ne nangui Asia, kijtseèkxon Pablo nga ya tjna nditsin ingo ítjòn; chinchá'a ngats'iì xita nga kitsobà'ño.

²⁸ Ñò kii chja, kitsò:

—iNgats'ioò xi xita Israel 'mì-nò, tìchját'aà-nájen! Jè xita jè xi tsò'ba nga kijndà naxandá nga okoóya kjotixoma xi kondra ts'e naxandá, kondra ts'e kjotixoma-la Moisés, kò kondra-la ingo ítjòn. Skanda j'ii kò xita xi mìtsà xita judío xi kisikas'en ya nditsin ingo nga sítjè jè i'nde tsjeè-la Nainá.

²⁹ Xita koi, koi kjoa-la nga k'oas'in kitsò, k'e nga sa ítjòn kijtseèkxon Pablo ya jjiin naxandá nga taña tímakjòòk jngòò xi mìtsà xita judío xi 'mì Trófimo xi xita Efeso; k'oaá s'in kisikitsjeèn tsà tìkjoa kii kò-né ya nditsin ingo.

³⁰ Kòhokji naxandá kii'nchré nga kjoasii kisakò. Nitoón chixoña xita. Kitsobà'ño Pablo; kjo'ño tsahrje ya nditsin ingo; ikjoàn tsibíchjoàjto-la xotjò ingo.

³¹ Jye mejèn nchisik'en tanga nitoón kii'nchré jè xita skò-la soldado ts'e Roma nga kjoasii kisakò naxandá Jerusalén.

³² Jè xita skò-la soldado, nitoón kii chja i'nga-la soldado xi isa nangui xá tjin-la nga tsibíxkóya soldado-la; ikjoàn tsangachikon, kii ñánda tjin kjoasii. Jñà xita, k'e nga kijtseè soldado, k'ee kitsjein Pablo; mì tì kii kiskaàn-kò-ne.

³³ K'e nga ijchò xita skò-la soldado, kitsobà'ño Pablo; kitsjaà okixi nga jò na'ño kicha cadena kisit'aà'ño Pablo. Ikjoàn kiskònangui ya xita-ne xi 'mì Pablo kò mé xi kis'iin.

³⁴ Jñà xita xi jkìn ma-ne, xki xi ján chja; kakj'eií kakj'eií tsò nga jngòò ñjngòò. Jè xita skò-la soldado, mikii kisakò-la mé kjoa xi komá nga 'ño sii nchis'in. Kitsjaà-la okixi soldado-la nga kàtjikò Pablo ján cuartel.

³⁵ K'e nga nchifimijìn-jno escalón, jñà soldado tsa'nga Pablo, koi kjoa-la nga jñà xita xi jkìn ma-ne xi tjingui-la, 'ño nchimat's'en,

³⁶ nga tsò:

—iTik'eèn!

Kó kitsò Pablo nga kii chjatjì yijo-la

³⁷ Jè Pablo, k'e nga jye tífahas'en cuartel kii chja-la jè xita skò-la soldado, kitsò-la:

—¿A koma kichjako jngòò tjò-lè?

Jè xita skò-la soldado kitsò:

—¿A maá-lè nokjoi 'én griego?

³⁸ ¿A mìtsà ngaji xi xita Egipto i'nde-lè xi tsibít's'i kjoasii kò jngòò kò jò nó nga kii koi ñijòn jmù xita kjoasii ján i'nde it'aà xìn ñánda nangui kixi choòn?

³⁹ Pablo kitsò:

—'An, xita judío-ná, yaá i'nde-na Tarso, jngòò naxandá xi ndaá yaxkon-la ts'e nangui Cilicia; tjin-lè kjondaá, tjiin'nde-ná nga kichjakoaa xita naxandá.

⁴⁰ Jè xita skò-la soldado, kitsjaà'nde-la; ikjoàn tsasijna kixi Pablo ya escalón; kiskimijten tsja nga jyò kàtitsajna xita naxandá. K'e nga jye tsibitsajnajyò, kii chjako 'én hebreo, kitsò:

22

¹—Ngats'ioò xi xita judío xinguiáá 'mì-nò kò xi xita jchínga, tjiná ya 'én kixi xi kichjako-nò nga kichjatjia yijo-na.

2 Jñà x̄ita, k'e nga kii'nchré nga 'én hebreo kiichja, isaá jyò tsibitsajna. K'eé kitsò Pablo:

3 —'An, x̄ita judío-ná. Yáá kits'ian Tarso, naxandá xi chja-ne Cilicia. Tanga jí Jerusalén kòjchá. Jè kiskooda'yat'aà-la jè maestro Gamaliel. Ngui kixí tsakóya-na koni s'in t̄jín kjotixoma-la x̄ita jchínga-ná. Ngui t̄jngoo takoàn nga sikitasòn-la Nainá koni s'in 'nè jñò skanda naxhrjein i'ndeí.

4 Nga sá kjótsee, kiitjngui kondra-la jñà x̄ita xi fitjngui-la ndiyá x̄itse jè, skanda mejèn-na kisik'én. Tsibit'aà'ñoá, t̄jkoá kiskinìs'en ndayá íchjín, íchjá.

5 Jñà x̄ita sko-la no'miì, ngats'iì x̄ita jchínga, ndaá kijtsee kjoa koi. Jñà kitsjaa-na xojon nga kiiko-la x̄ita xinguiáá xi t̄itsajna Damasco nga koma kjinchrobàkoaa í Jerusalén ngats'iì x̄ita xi mokjeiin-la j̄it'aà ts'e Cristo mé-ne nga s'e-la kjo'in.

Kó kitsò Pablo k'e nga tsibénojmi kó s'in komàt'in nga jahatj̄iya kjoh̄itsjeèn-la (Hechos 9:1-19; 26:12-18)

6 'K'e nga jye kjomeé bijchoa chrañat'aà-la Damasco, ijchò-la tsà nchisen, tà n̄itooñ tsatsejèn jngoo-na ni'in xi ngajmiì inchrobà-ne xi kjohiseèn kòhokji nga jngoo itjandii-na koni s'in t̄ifia.

7 'An, kiskaájndoòt'aà nangui. Ki'nchré 'én xi j̄jiin isén kiichja, kitsò: “Saulo, Saulo, ¿mé-ne 'an ti'mitjngui kondra-ná?”

8 K'eé kiskònangui-la, kixan-la: “¿Yá-ne ngají Nà'én?” Kitsò-na: “'An-ná xi 'mì-na Jesús xi Nazaret ts'an xi jí ti'mitjngui kondra-ná.”

9 Jñà x̄ita xi t̄jkoá, kijtsee ni'in nga kjohiseèn, tà kitsakjòn-né, tanga mikù ki'ya-la 'én xi 'an kiichja-na.

10 K'eé kiskònangui-la kixan-la: “¿Mé xi s'iaàn, Nà'én?” Kitsò-na: “T̄isítj̄iin, t'in kixí Damasco. Yáá s'enojmi yije-lè kó s'in t̄jindaá kjoa xi s'jiin.”

11 Koi kjoa-la nga ñò kjohiseèn ni'in, 'an mù t̄j kù kjótsejèn-na. Jñà x̄ita xi t̄jkoá kitsobà'ñoó ndsaa nga kiiko-na skanda Damasco.

12 'Yá Damasco t̄jina jngoo x̄ita xi 'mì Ananías xi ndaá beèxkón Nainá koni s'in t̄ichja kjotixoma ts'e Moisés. Jè Ananías t̄jkoáá ndaá yaxkón j̄it'aà ts'e x̄ita judío xi t̄itsajna ya i'nde jè.

13 K'e nga j'ii katsejèn-na Ananías, kitsò-na: “'Ndsè Saulo, kàtatáx'a-ne xkoiin.” T̄ik'eé-ne kitáx'a-ne xkooàn ikjoàn kiskod'an Ananías.

14 Kitsò isa-na: “Nainá xi ts'e x̄ita jchínga-ná jaájiin-lè nga jchaxkoin mé xi mejèn-la; t̄jkoá jchaxkoin jè xi Ngui X̄ita Kixí; kiná'yi 'én-la xi jè sobá k̄ichja-lè.

15 J̄i kénajmi-la ngats'iì x̄ita, ngats'iì kjoa xi t̄'yi k̄o xi t̄ina'yi.

16 I'ndeí, k̄i t̄i chiñá-ne. T̄isítj̄iin; k̄atamai bautizar; t̄inókjoat'aà-la Nà'én-ná Jesús nga k̄atatsjeèya jé-lè.”

Mé xi komà k'e nga jè Pablo tsibénojmi-la kós'in komà nga kiikon jñà xi mìtsà x̄ita judío

17 'K'e nga j̄i-na Jerusalén, kiaa ya ñánda t̄jina ingo itjòn nga kichj̄at'aà-la Nainá. Koni nijñá t̄i'biì-na,

18 tsatsejèn-na Nà'én-ná; kitsò-na: “T̄ixát̄iyi, n̄it̄on t̄itjokaj̄iin naxandá Jerusalén; ijndé, mì yá xi k̄j̄i'nchré 'én-lè xi kinókjoayi j̄it'aà ts'an.”

19 'An kixan-la: “Nà'én, jyeé beèxkon-na nga 'an, xk̄i ni'ya ingo sinagoga kiaa nga kitsobá'ñoá x̄ita, kiskinìs'en ndayá, t̄jkoá kiskaàn-koaa jñà xi mokjeiin-la j̄it'aà tsjii.

20 K'e nga kisik'en Esteban xi x̄ita chí'nda-lè xi jè kitsjaa 'én tsjii, t̄jkoáá 'an yaá t̄jnaa; t̄jkoáá kisijngoo takoàn nga kinik'en; skanda 'aán kitsobá nikje-la jñà x̄ita xi kisik'en Esteban.”

21 Tanga jè Nà'én-ná kitsò-na: “T'in, ján siikasén-lè naxandá-la xi mìtsà x̄ita judío xi kj̄iin t̄itsajna.”

22 Jñà x̄ita naxandá, ndaá nchi'nchré-la Pablo koni s'in t̄ichja; k'eé kòjt̄i-la k'e nga kii'nchré 'én xi jyehet'aà-ne; ñò kiichja kòhotj̄in nga kitsò:

—x̄ita jè, k̄atiyaá! iMikiì ok'in-la nga k̄ijnakon isa isò'nde!

23 Jñà x̄ita koi, isaá ñò kiichja isa, bítsajneé nikje-la koá bíxteèn chijo ni'nde.

24 Jè x̄ita sko-la soldado, kitsjaa okixí nga tsasíjna'ya Pablo ya cuartel; t̄jkoá kitsjaa okixí nga k̄atajá-la mé-ne nga keénojmi-ne mé kjoa xi tsohótsi nga kondra fitjngui-la x̄ita.

25 K'e nga jye t̄j̄it'aà'ñoó, Pablo kiskònangui, kitsò-la jè soldado xi ya síjna, jè xi bit'in-la jñà soldado xi i'nga:

—¿A tsj̄á'ndeé-lè kjotixoma nga k'oas'ín n̄ikoj̄i jngoo x̄ita Roma xi k̄j̄eé kii 'ya-la mé jé xi t̄j̄in-la?

26 Jè x̄ita xi bit'in-la jñà soldado xi i'nga, k'e nga kii'nchré nga x̄ita Romaá Pablo, kiikon jè x̄ita sko-la soldado, kitsò-la:

—¿Mé xi s̄ikoj̄i x̄ita jè? Nga x̄ita Roma-né.

27 Jè x̄ita sko-la soldado kiikon Pablo, kiskònangui-la kitsò-la:

—Ngaji, ça kixíí kjoa nga xíta Roma-né?
 Pablo kitsò:
 —Kixíí kjoa.
 28 Jè xíta sko-là soldado kitsò-là Pablo:
 —Tse jchán tòn kisengui-na yijo-na nga xíta Roma komà.
 Jè Pablo kitsò:
 —Tanga 'an, k'oaá s'in kits'ian nga xíta Roma-ná.
 29 Jñá xíta soldado xi tjin-ne nga kojà-la, chinchat'aàxin; tikoáá jè xíta sko-là soldado k'e nga kisijün-là nga jè Pablo xíta Roma-né, kitsakjòn-né koi kjoa-là nga jè kitsjaá okixi nga kisit'aà'nò Pablo.

Mé xi komà k'e nga jè Pablo tsibijna nguixkòn xítaxá ítjòn-là xíta judío

30 K'e nga komà inchijòn, jè xíta sko-là soldado mejèn-là nga ndaa skoe mé jé xi tjin-là nga k'oas'in óngui-ne jñá xíta judío. Kiskíjnda'nò; ikjoàn tsibixkóya xíta sko-là nò'müi kò xítaxá ítjòn-là xíta judío; kiikò Pablo, tsasijnangui nguixkòn xíta koi.

23

1 Pablo kiskoò'an jñá xítaxá ítjòn kitsò-là:
 —Jñó xi xíta xinguiáá judío 'mi-nò, ngats'ioò, k'oaá xán-nò, kjohítsjeèn ts'an, k'oaá tsò nga ndaa tsikitasoàn koni s'in mejèn-là Nainá skanda nachrjein i'ndei.

2 Jè nò'müi ítjòn xi 'mi Ananias kitsò-là jñá xíta xi nchat'aà chrañà-là Pablo nga kàtasíjts'iin-'a tso'ba.

3 Tanga jè Pablo kitsò-là:
 —jNgaji, xi jò isén tjin-lè, Nainá kàtasíjts'iin-'a ndsobi! Ngaji, koií xá tijna-ne nga kíndaajün-ná koni s'in tíchja kjotixoma tanga ngaji, isaá nikatonè-là kjotixoma nga mejèn-lè síjts'in-'a-ná.

4 Jñá xíta xi nchat'aà chrañà-là Pablo kitsò-là:
 —¿Mé-ne k'oas'in nokjoájno-là xi nò'müi ítjòn-là Nainá?

5 Pablo kitsò:
 —'Ndseé, miküi bexkoan tsà jè xi nò'müi ítjòn tijna. Kixíí kjoa, k'oaá s'in tíchja xojon kjotixoma-là Nainá nga tsò: "Jè xi xítaxá sko-là naxandá miküi koma kínoá kjoajno-là."

6 Pablo, k'e nga kijtseèkxon jñá xíta xi títsajna nga jò skoya ma; tjin xíta fariseo kò tjin xíta saduceo; 'nò küichja, kitsò-là:

—'Ndseé, 'an, xíta fariseo-ná; ki'ndi-là xíta fariseo-ná; koií kjoa-là nga k'oas'in títsindaajün-na nachrjein i'ndei nga k'oaá s'in mokjeiin-na nga faáya-là jñá xíta xi biyaa.

7 K'e nga k'oa kitsò Pablo, kjòjòya jñá xíta xi títsajna junta; tsibíts'ia jñá xíta fariseo kò xíta saduceo nga tsohótiko xikjün.

8 Koi kjoa-là nga jñá xíta saduceo miküi mokjeiin-là tsà kixi kjoa nga faáya-là mik'en, tikoá miküi mokjeiin-là tsà tjin xi 'mi àkjalè kò xi 'mi iníma; tanga jñá xíta fariseo mokjeiin yije-là kjoa koi.

9 Ngats'ii xíta 'nò jchán küichja; k'eé chinchá kixi xíta xi okóya kjotixoma-là Nainá xi ya chja-ne ts'e xíta fariseo, kitsò:

—Xíta jè, nímé kjoa xi ch'o tís'in; tsà iníma tsohóko kò tsà àkjalè tsohóko; miküi koma jñá kìncha ikón-là Nainá.

10 Jè xíta sko-là soldado, k'e nga kijtseè nga isa 'nò makjan-là jñá xíta, kitsakjòn-né tsà ya síik'en Pablo. K'eé küichja isa-là soldado; kitsjaá-là okixi nga kàtjiko jngoo k'a ján cuartel.

11 Xi komà nchijòn nga nítjen, ijchò kasit'aà-là Na'èn-ná jè Pablo, kitsò-là:
 —Ki tsakjoòn-jèn, k'oaá s'in mochjeén nga kínoá kjoi xi it'aà ts'an ján Roma, koni s'in kinokjoi j Jerusalén.

K'e nga jñá xíta judío tsajoóya-ne nga síik'en Pablo

12 Nga kis'e isén, jñá xíta judío tsajoóya-ne nga síik'en Pablo; k'oaá kitsò nga mi ki kokjen kò miküi skoí nandá; Nainá kàtatsjá-là kjo'in tsà miküi kítasòn nga síik'en Pablo.

13 Tsatoó ichán ma-ne jñá xíta judío xi k'oas'in tsajoóya-ne.
 14 Xíta koi, kiikon jñá xíta sko-là nò'müi kò xíta jchínga ts'e xíta judío, kitsò-là:
 —K'oaá s'in tsibinè-lajen yijo-najen nga nímé xi chjine-jen, Nainá kàtatsjá-najen kjo'in tsà miküi kítasòn nga sík'en-jen Pablo.

15 Ngats'ioò xi tjin-nò xá ítjòn ts'e Junta jè, kot'in-là jè xíta sko-là soldado nga kàtjanchrobáko nchijòn-le i nguixkoòn. Tà k'oaá tìn-là nga isa ndaa mejèn-nò jchaxkoòn kjoa xi tjin-là. Ngajen kítsajnandaá-jen ya jya ndiyá nga sík'en-jen k'e nga tikj'eé fi jindé.

16 Jè ti-là ndichja Pablo, küi'nchré kjoa xi tsajoóya-ne xíta judío; k'eé küi kíkik'nchré Pablo ya cuartel.

17 Pablo küichja jngoo-là soldado, kitsò-là:

—Tikoi ti jè ñánda tǐjna xǐta sko-la soldado. Tǐjn 'én xi ke'nojmi-la.

¹⁸ Jè soldado kiiko jè ti ñánda tǐjna xǐta sko-la, kitsò-la:

—Jè Pablo xi tǐjna ndaya káchja-na kàtsò-na: “Tikoi ti jè.” Tǐjn xó 'én xi ke'nojmi-lè.

¹⁹ Jè xǐta sko-la soldado, kitsobà'ño tsja jè ti, kiiko it'aà xin, kiskònangui-la mé 'én xi ke'nojmi-la.

²⁰ Jè ti kitsò:

—Jǐa xǐta judío, jye ndaa tsajoóya-ne [nga mejèn-la skónachan-lè]; sijé-lè nga kíkoi nchijòn-lè jè Pablo ján nguixkon xǐtaxá judío nga mejèn xó-la isa ndaa tjanangui-la mé kjoa xi tǐjn-la.

²¹ Ngaji, kǐ kǐi mokjeiin-lè. Xǐta koi, ma-la tsà ichán nga tǐtsajnachjoa-la Pablo ya iya ndiyá nga mejèn-la sijik'en. Jye k'oas'in kitsjaà-la tso'ba Nainá nga mikii kókjen tǐkoa mikii skoí nandá skanda k'e nga sijik'en Pablo. I'ndeí, tà jè nchikoña-la nga k'oj-la 'én-lè koni s'in nchisijé.

²² Jè xǐta sko-la soldado, kitsò-la jè ti nga komáa kjoí-ne; kitsjaà-la okixi nga nijngoò xǐta ke'nojmi-la nga jè ijchò siki'nchrè.

K'e nga jè Pablo kichini'taà-la Félix xi xǐtaxá ítjòn

²³ Jè xǐta sko-la soldado kiichja jò-la soldado-la xi bit'in-la soldado xi i'nga, kitsjaà-la okixi nga kàtasikitsajnandaà jò sindo soldado xi ndsoko kjoí-ne, ján kaàn ko te xi kohoyo kitsasòn-la, jò sindo xi kǐcha lanza k'oá nga kjoí skanda ján Cesarea k'e nga kijchò xi ñijaàn nga kojño.

²⁴ Tǐkoa kitsjaà okixi nga kàtinchándaà kohoyo xi kǐjnákjá-la Pablo mé-ne nga ndaa kijko-ne nga ñimé xi komat'in skanda ñánda tǐjna Félix xi xǐtaxá ítjòn.

²⁵ Jngoò xojon carta tsibíndaà xi tsò:

²⁶ “Tǐjn-lè kjondaà ngaji Félix xi xǐtaxá ítjòn tǐjni; 'an, xi Claudio Lisias 'mì-na síhixat'aà-lè.

²⁷ Xǐta xi tsiskasén-lè, jǐa xǐta judío kitsobà'ño, kjooméé kisik'en, tanga 'an tsohósikooa nga kiikooa soldado-na nga jye kis'ejiin-na nga xǐta Roma-né.

²⁸ 'An, mejèn-na nga skoeé mé kjoa xi tǐjn-la. K'oáa komà-ne nga kiikooa ñánda tǐtsajna xǐtaxá judío.

²⁹ K'e nga ijchòkooa, kisijiin-na nga tà koií kjoa-la xi kjotixoma ts'e. Nì mé jè tǐjn-la nga kiyá; skanda mikii ok'in-la nga ndayá kǐjna iya.

³⁰ 'An, kis'enojmi-na nga jǐa xǐta judío, k'oáa s'in tsajoóya-ne nga mejèn-la sijik'en chijé. K'oáa ma-ne nga jǐ tsiskasén-lè. K'oá tǐs'in kixan-la jǐa xǐta xi óngui nga nguixkoiin kàtasindaajiin-la mé kjoa xi tǐjn-la kondra ts'e.”

³¹ Jǐa soldado, k'e nga jye kitjoé-la okixi, kiiko Pablo k'e nga jye kòjño skanda ján naxandá Antipatris.

³² Nga komà nchijòn jǐa xǐta soldado xi ndsoko kii-ne, kisikátji-ne; inchrobà-ne skanda cuartel. Tà jǐa kiiko Pablo soldado xi kohoyo tǐtsajnasòn.

³³ Jǐa xǐta soldado, k'e nga ijchò Cesarea, kisingatsja jè xǐtaxá ítjòn xojon carta xi 'ya; tǐkoa kisingatsja Pablo.

³⁴ Jè xǐtaxá ítjòn, k'e nga jye tsibíxkejiin xojon carta, kiskònangui ñánda i'nde-la Pablo. K'e nga jye kis'enojmi-la nga nangui Cilicia i'nde-la,

³⁵ kitsò-la:

—K'eé kǐj'nchrè-lè k'e nga kjoíí xǐta xi óngui-lè.

Ikjoàn kitsjaà okixi nga kàtamakinda, yaá kǐjna ni'ya osen-la Herodes.

24

Kó kitsò Pablo k'e nga kiichjatǐ yijo-la nguixkon xǐtaxá ítjòn xi 'mì Félix

¹ K'e nga komà 'òn nachrjein, ijchò Ananias ya Cesarea xi xǐta sko-la no'mii. Tǐjko i'nga xǐta jchinga xi xá tǐjn-la ts'e xǐta judío tǐkoa tǐjko jngoò xǐta xi 'mì Tértulo xi chjine xojon ts'e kjotixoma. Jǐa xǐta koi kiikon Félix jè xi xǐtaxá ítjòn tǐjna nga kitsjaat'in 'én xi kondra ts'e Pablo.

² K'e nga jye ijchòkò Pablo nguixkon xǐtaxá, tsibits'ia Tértulo nga kitsjaat'in 'én xi kondra ts'e Pablo; kitsò-la Félix:

—Ngaji xi xǐtaxá ítjòn tǐjni, ndaa yaxkón-lèjen. Nga it'aà tsjii, 'ño tísakó-najen kjoa'nchán. Ndaa xá xi tǐbitasòn i naxandá-najen xi kjoa chjine tsjii.

³ Kǐj'taà nachrjein, kóhokǐ ñánda tǐtsajna-jen tjoé-najen kjondaà tsjii. Ndaa chjǐ-lè nga k'oas'in nichját'aà-najen.

⁴ Majin-najen nga sii s'en-lèjen; tǐjn-lè kjondaà, tǐn'ya jtsé-najen.

⁵ K'oáa s'in kǐ'ya-jen xǐta jè nga tǐtsa iso'nde 'ño ch'o tǐjn kjoa xi ótsji nga sijóya xǐta judío; jè-né xi xǐta ítjòn-la xǐta Nazaret xi síkajtǐya ndiyá-la Nainá.

⁶ Tikoáa mejèn-là ch'o kisitjé Ingo Tsjeè-là Nainá, k'oaá ma-ne nga kindobà'nò-jen. [Mejèn k'oaas'in siko-jen koni s'in tichja kjoitxoma tsajen,

⁷ tanga jè Lisias xi xita sko-là soldado tsasiko. Koó kjoats'en tsafaá'an-najen k'e nga jye tijnaya ndsaa-jen.

⁸ Ko k'oaá kitsò Lisias nga jñà xita xi óngui, ií kjoii nguixkoiin nga sindaàjìin.] Komaá ngaji sobà chjinangui-là mé-ne nga jchà-ne mé kjoa xi tjin-là nga ongui-jen.

⁹ Jñà xita judío xi ya títajna, tikoáa síngàsòn 'én nga kixi kjoa.

¹⁰ Jè xitaxá ítjòn kiskimítjen tsja nga kitsjaá'nde-là Pablo nga kiichja. Pablo kitsò:

—Ji xi xitaxá ítjòn tijní, tijnín-na nga kò kjìn nó tìnkitasòin xá i'í'nde jè; k'oaá ma-ne nga kò kjotsja-na, tì'an kichjàtjì-na yijo-na.

¹¹ Ngaji, komaá kinchàtsjiyi. 'An, saá tjin-là tejò nàchrjein nga kiaá Jerusalén ya ingo ítjòn nga kijtseèxkoán Nainá.

¹² Ní saá jngoò k'a 'ya-na nga xita otikjoòkoa, tikoáa mì xita naxandá binchaa'a ya nditsin ingo ítjòn, kò ni'ya ingo sinagoga, kò ya jjiin naxandá.

¹³ Jñà xita xi óngui-na mikii koma kokixiya-là kjoa xi ónè-na.

¹⁴ K'oaá xán-lè xi ngui kixi kjoa, 'an, jè sikitasòn-là xi Nainá tsò-là xita jchínga-najen; k'oaá s'in sikitasoàn koni s'in tjin jè ndiyá xitse-là Cristo, jè xi tsò-là jñà xita koi nga ndiyá xin-là Nainá-né. 'An, mokjeiin yije-na koni s'in tichja xojon ts'e kjoitxoma-là Nainá xi kiskii Moisés kò ts'e xita xi kiichja ngajo-là Nainá.

¹⁵ 'An, k'oaá tjs'in mokjeiin-na it'aa ts'e Nainá koni s'in mokjeiin-là jñà xita xi óngui-na nga faáya-là xita xi biyaá, jñà xi xita kixi kò xi mitsà xita kixi.

¹⁶ Koi k'oaas'in binè-là yijo-nà nga tsjeè síkijna kjòhítsjeèn-nà nguixkòn Nainá kò nguixkòn xita.

¹⁷ 'Nga jye kò kjìn nó mì tii kii f'i-na naxandá-nà Jerusalén, j'ii jngoò k'a-na nga j'ìkò-là ton jñà xita ima kò kitsjaá-là kjoitjò Nainá.

¹⁸ K'oaá tjin kjoa xi tís'iaàn k'e nga jye kisitsjeeya yijo-nà koni tjin kjoitxoma-là xita judío. K'e nga kijtseè-na jñà xita judío xi Asia j'nde-là nga ya tijnaya ya nditsin ingo, mitsà kjin ma xita xi títajnakò-na. Tikoáa mitsà kjoasii tìbìts'iaa.

¹⁹ Jñà xita xi kijtseè-na ya nditsin ingo, tsà mé kjoa xi tjin-là xi kondrà ts'an, jñà sabá kàtjanchrobá nga kàtatsj'én.

²⁰ Tsà majin, jñà xita xi j títajna kàtènojmi tsà mé jé kisakòt'aa-là it'aa ts'an k'e nga tsohótjina nguixkòn xitaxá judío.

²¹ A xi koi jé xi tíma-na nga 'ñò kichjà k'e nga tijnajiin-là xitaxá judío nga kixan-là: "Nàchrjein j'ndeí tísindaàjìin-na nga mokjeiin-na nga faáya-là xita xi biyaá."

²² Jè Félix, ndaa tjiin-là koni s'in tjin ndiyá xitse ts'e Jesucristo. Tsibíchróbá kjoa koi. Kitsò: —K'e nga kjoii Lisias xi xita sko-là soldado, k'ée skònangui-isa-nò kjoa xi tjin-nò.

²³ Félix kitsjaá-là okixi jñà soldado-là nga síikijna isa ndayá Pablo, tanga komaá kojmeendeii ya jya ndayá, tikoáa komaá kjichòkon xita xikjín kò amigo-là.

²⁴ K'e nga komà jàn ñijòn nàchrjein, ijchò jngoò k'a Félix; tijkò Drusila xi chjoón-là ma xi tikoá xita judío. Kiskinikjaá Pablo nga mejèn-là kj'ínchrè-là kós'in mokjeiin-là it'aa ts'e Na'èn-ná Jesucristo.

²⁵ Pablo, tsibénojmi-là kós'in tjin xi kjoa kixi, mé xi s'een nga kíkjoán-lá kjoa xi ch'o tjin xi síjè yijo-nà; tikoá tsibénojmi-là nga sà nchrobá nàchrjein nga Nainá kùindaàjìin. Félix tà kitsakjòn-né; k'ée kitsò-là:

—T'in-ne. Kj'ejí nàchrjein kichjà jngoò k'a-lè k'e nga k'o-a-na.

²⁶ Jè Félix, k'oaá s'in tísikitsjeèn, mejèn-là ton kochrjekájno-là Pablo nga síikijnandeii; k'oaá ma-ne nga kjin k'a kiichja-là.

²⁷ K'e nga tsato jò nó, jahatjya xá-là Félix. Jè jahas'en xi 'mì Porcio Festo. Jè Félix, mejèn-là nga ndaa tsibijnakò jñà xita judío; kiskijna isa ndayá Pablo.

25

K'e nga jè Pablo tsibijna nguixkòn Festo

¹ Festo ijchò Cesarea nga jahas'en xitaxá ítjòn; xi komà jàn nàchrjein itjo-ne Cesarea, kii Jerusalén.

² K'e nga jye tijná Jerusalén, jñà nò'mii ítjòn kò xita sko-là xita judío ijchòkon nga tsohóngui Pablo; kitsjaat'in 'én xi kondrà ts'e.

³ Xita koi, kisijé-là kjondaá jè Festo nga kàtjanchrobáko Pablo ya Jerusalén. K'oaá s'in jye tjindaá-là nga kitsachjoá ikon-là ya jya ndiyá mé-ne nga síik'en-ne.

⁴ Tanga jè Festo, kitsò:

—Majin, mikii koma, nga jè Pablo ndayá tijná ján Cesarea; 'an, jyeé ya tifa.

⁵ Jñà x̄itaxá-nò koma koahijtakò-na ján Cesarea mé-ne koma kohòngui-ne x̄itá jè, tsà mé jé xi t̄jín-la.

⁶ Jè Festo tsibìjna-la tsà ngui jìin nàchrjein kò tsà te nàchrjein ján Jerusalén; ikjoàn kii ìjngòò k'a-ne ján Cesarea; nga komà inchijòn ijchò ni'ya osen, tsibìjnanè ìx̄ilè-la ñànda otìxoma; ikjoàn kiskinìkjaá Pablo.

⁷ K'è nga jahas'en ni'ya osen Pablo, jñà x̄itá judío xi j'ii-ne Jerusalén, kii kinchat'aà chraña-la nga kitsjaat'in 'én ndiso xi 'ñò ch'o tsò tanga mìkii komà kjòkixiya 'én xi kitsjaat'in.

⁸ Pablo tsasikò yijo-la kitsò:

—Nìmé jé xi tsohotsjià xi kondra ts'e kjotìxoma-la x̄itá judío, nì jè kondra ts'e ìngò ìtjòn-la Nainá, nì jè kondra ts'e César xi x̄itaxá ìtjòn ts'e Roma.

⁹ Tanga jè Festo mejèn-la nga ndaa kíjnako x̄itá judío; kiskònangui-la Pablo, kitsò-la:

—A mejèn-lè nga k'óin ján Jerusalén mé-ne nga ya kindaàjñaà kjoa-lè?

¹⁰ Pablo kitsò:

—Jye ì tìjnaa ñànda t̄jín kjotìxoma-la César xi x̄itaxá ìtjòn ts'e Roma. Mochjeén-né nga ì kàtasindaàjìin-na. Ngaji ndaa t̄jìin-lè nga nì mé kjoa tsohotsjià ìt'aà ts'e x̄itá judío.

¹¹ Tsà t̄jín-na jé, tsà ok'ín-la nga kiyá, t̄jngòò takoàn nga kàtasik'en-na; tanga tsà mì kixji kjoa 'én xi tsját'in-na, mìkii koma ya kongatsja ìt'aà ts'e x̄itá koi. T̄jkoàá-ne, jè kàtindaàjìin-na César xi x̄itaxá ìtjòn ts'e Roma.

¹² Jè Festo, k'e'è tsajoóya-ne kò x̄itá-la xi t̄itsajnakò junta, ikjoàn kitsò:

—Tsà k'oaá s'ín nìjì nga jè César k̄iindaàjìin-lè, tà s̄qá ján sikasén-lè.

K'è nga ijchò ján Cesarea jè x̄itaxá Agripa

¹³ K'è nga jye tsato chiba nàchrjein, jè x̄itaxá Agripa kò Berenice kii ján Cesarea nga kishixat'aà Festo.

¹⁴ K̄jìin nàchrjein tsibìtsajna ya Cesarea; jè Festo tsibénojmi-la Agripa kjoa-la Pablo, kitsò-la:

—Jè Félix, jngòò x̄itá kiskìjnaya ndayá j̄jndé.

¹⁵ K'è nga tsohòtìjna ján Jerusalén, jñà x̄itá skò-la nò'mii kò x̄itá jchínga-la x̄itá judío kitsjaà-na 'én nga óngui. Kisijé nga kàtiyaa.

¹⁶ 'An, k'oaá kixan-la nga jñà x̄itaxá Roma, mì taxkì sík'en x̄itá k'e'è nga t̄ikj'e'è 'ya-la jé xi t̄jín-la. Ìtjòn joó'a kjoa-la kò jñà x̄itá xi óngui mé-ne nga koma k̄inchako-ne yijo-la.

¹⁷ Koi kjoa-la, k'e'è nga j'ii j̄jndé jñà x̄itá koi, mìkii kisichja nàchrjein; nga koma inchijòn, nga jye t̄jinaoàn ìx̄ilè-na nga t̄ihotìxoma, n̄t̄oón kiskinìkjaá x̄itá jè.

¹⁸ K'è nga jye t̄itsajna osen jñà x̄itá xi óngui, mìtsà koi kjoa tsohòngui koni s'ín 'an t̄isik̄itsjeèn.

¹⁹ Tà k'oaá t̄jín 'én xi kitsjaat'in xi kondra ts'e Pablo koni s'ín beèkkón Nainá kò ìt'aà ts'e jngòò x̄itá xi 'mì Jesús xi jye k'en; tanga jè Pablo tsò-né nga t̄jnakon-né.

²⁰ 'An, mìkii be mé xi s'iaàn ìt'aà ts'e kjoa koi. K'è'è kiskònangui-la Pablo, a mejèn-la nga ján kjoj Jerusalén mé-ne nga ya s̄indaàjìin-la kjoa xi finé.

²¹ K'oaá s'ín kisijé Pablo nga jè César k̄iindaàjìin-la. Koi k'oaá s'ín kitsjaà-na ok̄ixi nga ndayá t̄jnjaya-isa skanda k'e'è nga koma sikasén-la César.

²² Agripa kitsò-la jè Festo:

—T̄jkoàá 'an mejèn-na nga k̄jì'nchrè-la x̄itá jè.

Festo kitsò:

—Nchijòn-lè k̄iná'ya-la.

²³ Nga komà inchijòn, ijchò Agripa kò Berenice. K'è nga jahas'en ni'ya osen 'ñò ndaa kisis'in-la. K̄jihijtakò jñà x̄itá skò-la soldado kò jñà x̄itá skò-la naxandá. Festo kitsjaà ok̄ixi nga k̄ichjaá Pablo.

²⁴ Festo kitsò:

—Ngaji Agripa xi x̄itaxá ìtjòn t̄jini, ngats'ioò xi ì t̄itsajnaa: ch̄itsejèn-là x̄itá jè. Ngats'ii jñà x̄itá judío, 'ñò s̄jèt'aà-na ján Jerusalén kò ì Cesarea nga 'ñò ch̄ja nga mejèn-la s̄jìk'en.

²⁵ Tanga 'an, nìmé xi matsjìt'aà-na ìt'aà ts'e nga mochjeén-la nga kiyá. Tanga tso'baá kisijé-ne nga jè k̄iindaàjìin-la César xi x̄itaxá skò-la t̄jina-la ngats'ii x̄itá. 'An, k'oaá s'ín kiskòosòn-la nga ya s̄ikasén.

²⁶ Tanga 'an, nìmé kjoa xi matsji-na ìt'aà ts'e x̄itá jè, kós'ín sikasén-la xojon jè César xi x̄itaxá skò-la t̄jina-la ngats'ii x̄itá. K'oaá ma-ne nga s̄jèt'aà-nò j̄nò xi ì t̄itsajnaa kò ngaji Agripa xi x̄itaxá ìtjòn t̄jini, mé-ne k'e'è nga jye ch̄jìnangui-laá, 'an sakò-na ok̄ixi nga sikasén x̄itá jè.

²⁷ 'An, k'oaá ma-na, nga nìmé ch̄jì-la tsà taxkì sikasén jngoaá x̄itá xi ndayá t̄jina tsà mì sík'à jngòò xojon xi 'ya-la mé jé xi t̄jín-la.

26

K'è nga k̄ichjat̄jì yijo-la Pablo nga nguixkon Agripa

¹ Jè Agripa kitsò-la Pablo:

—Tji'ndeé-lè nga kìnókoatji yijo-lè.

Pablo kiskimítjen tsja; tsibíts'ia nga kiichjatji yijo-la; kitsò:

²—Ngaji Agripa, matsjaá-na nga ma kichjàkò-lè mé-ne nga kósíkooa yijo-na ngats'ii kjoa xi kondra ts'an tsját'in-na 'én xita judío.

³Be-na nga ji Agripa, tjiin yijee-lè ngats'ii kjoatixoma xi tjiin-la xita judío kjoa xi joóya-ne. K'oaá ma-ne sijét'aà-lè, tjiin-lè kjondaá, tse t'jin takoin, ndaa tina'ya-ná.

⁴'Ngats'ii xita judío tjiin-la kós'in kisijchá yijo-na jan nangui-na kjo Jerusalén tjen-ne nga sa ti kja skanda nachrjein i'ndeji.

⁵Jña xita koi, tsà mejèn-la komaá keënojmi-lè. Ndaa tjiin-la nga 'an, ngui xita fariseo-ná; nga jña xita fariseo xi isa 'nó bìnè-la yijo-la nga beëxkón kjoatixoma-la Nainá mi k'oaá-ne koni jña xita judío xi i'nga.

⁶'An mokjeiin-na nga kitasòn kjoa xi tikoña-la koni s'in jye kitsjaà-la tso'ba Nainá jña xita jchinga kjiin-ná. Koi kjoa-la nga i' tinaa.

⁷Nga tejo tje-la naxandá Israel, kò nachrjein kjo nitjen, jeya nchisikína Nainá nga nchikoñaá-la nga kitasòn kjoa koi. K'oaá xan-lè ngaji Agripa, nga tikoíi-ne kjondaá xi 'an tikoña-la; k'oaá ma-ne nga óngui-na jña xita judío.

⁸¿ñò, mé-ne nga mikii mokjeiin-nò nga Nainá sijkjaáya-la xita xi jye k'en?

K'e nga tsibenojmi Pablo kó kis'in nga kisijikeè xita-la Cristo

⁹'An, nga sa kjótseeé, k'oaá s'in kisikitsjeèn nga mochjeén-né nga kondra kjítjinguu-la Jesús xi Nazaret i'nde-la.

¹⁰K'oaá kis'iaàn jan Jerusalén. Jña xita sko-la nò mi kitsjaà-na okixi nga kjin xita tsjeè-la Nainá kiskin's'en ndaya. K'e nga kinik'en xita koi, 'an tikoáá kjòjngoo takoàn.

¹¹Nga xkí xi jan ni'ya ingo sinagoga, kjin k'a kitsjaà-la kjo'in nga mejèn-na nga kátichajano-la Cristo. 'Nó kisijikeè, skanda kiitjinguu kondra-la nãnda xin naxandá xi tjin isò'nde.

Kó komà nga jahatjya kjohitsjeèn-la Pablo

(Hechos 9:1-19; 22:6-16)

¹²'Koi xá kii-na jan naxandá Damasco nga 'an tsatixá-na jña xita sko-la nò mi, tikoá kitsjaà-na okixi.

¹³Ngaji, xi xitaxá ítjòn tigni, k'e nga ijchò nchisen, kjitseeé ya iya ndiyá, jngoo ni'in xi ngajmi inchrobà-ne xi isa 'nó ote tsejèn mi k'oaá-ne koni ts'e ts'oi. Ngui kishiseèn-né nga jngoo ítjandii-na kjo ts'e xita xi tjikoa.

¹⁴Chixòt'aà-jen nangui, ikjoàn ki'nchrè jngoaá 'én hebreo xi kiichjajiin isén-na; kitsò: "Saulo, Saulo, zmé-ne 'an ti mitjinguu kondra-ná? Tjii tiyatoòn-ne yijo-lè, k'oaá gaya-la koni tsà nchraja tsjón-la jè yá xi bìnès'en-la nei-la."

¹⁵'An kixan-la: "¿Yá-né ngaji Na'en?" Jè kitsò-na: "An-ná xi 'mi-na Jesús xi ti mitjinguu kondra-ná.

¹⁶Tisítjijn; tjsijna kixii; koi xá kàyaxkon-ná nga 'an sixá-ná; jii k'oi 'én, jè kjoa xi kà'yi kjo kjoa xi iskan 'an kokoò sobà-lè.

¹⁷Aàn sikinda-lè j't'aà ts'e xita naxandá-lè kjo ts'e xi mitsá xita judío. Yáá sikasén-lè

¹⁸nga chíx'angui xkon nga mi ta tsjaá ya kinchimaya ndiyá jñò; ndiyá iseèn kinchimaya. Kátinchat'aaxin-la nga 'nó-la xita neji; Nainá kátjít'aà-la. K'e nga kokjeiin-la j't'aà ts'an, jchat'aà-la jè-la, tikoá s'e-la kjoatjò xi tjoé-la xita naxandá-la Nainá xi xó kitjaajiin-ne."

¹⁹'Ngaji Agripa xi xitaxá ítjòn tigni, 'an mikii kisitajaajña inima-na jè kjoa xi kjitseeé kjo xi ki'nchrè xi ngajmi inchrobà-ne.

²⁰Ta saá, tsibenojmi ítjón-la jña xita Damasco, ikjoàn tsibenojmi-la xita Jerusalén, tikoá tsibenojmi-la kóhokji nangui Judea, kjo jña xi mitsá xita judío. K'oaá s'in tsibenojmi-la nga kátasikájno jè-la nga mi tji jè kohòtsji-ne. Nainá kátjít'aà-la; ndaa kátas'in mé-ne nga jcha-la nga jye jahatjya-la kjohitsjeèn-la.

²¹Koi kjoa-la, jña xita judío, kitsobá'nó-na ya nditsin ingo; mejèn-la nga sikk'en-na.

²²Tanga Nainá tsasiko-na; táko k'oaá tis'iaàn skanda i'ndeji; k'oaá s'in tsibenojmi yije-la nita yá xita-ne. Mitsá kj'eji 'én okoóya; koi 'én benojmiá xi tsakóya Moisés kjo xita xi kiichja ngajo-la Nainá, kjoa xi koma nga tifi isa nachrjein.

²³K'oaá s'in tsakóya xita koi, nga jè Cristo [xi xó kiskasén-ne Nainá] tjinè-la nga k'en, tanga jè jaáya ítjòn-la mé-ne nga keënojmi-la xita naxandá-la kjo xi mitsá xita judío kós'in kohiseèn-jiin inima-la nga koma kitjokajiin kjoajñò.

Kó kitsò Agripa nga mejèn jahas'en-jiin-la 'én-la Nainá

²⁴Jè Festo, k'e nga kii'nchré 'én-la Pablo nga tihosikò yijo-la, 'nó kiichja kitsò:

—jNgaji Pablo, timaskáyaá-lè; jè xojon tisiskáya-lè!

²⁵Tanga jè Pablo kitsò:

—Ngaji Festo xi xitaxá tijní, mìtsà tímaskáya-na; k'oaá s'ín tjin; 'én kixí xi tichjá.

²⁶ Jè Agripa xi xitaxá ítjòn tijná, tjiin yijeé-la kjoa koi; k'oaá ma-ne ma'ño takoàn nga nguixkòn jè tichjá 'én koi; 'an, k'oaá s'ín makixiya-na nga jè, tikoáá 'ño ndaa tjiin-la kjoa koi; nga mìtsà tji'ma koni s'ín komà.

²⁷ Ngaji Agripa xi xitaxá tijní, ja mokjeiín-lè koni s'ín kitsò jña xita xi kiichja ngajo-la Nainá? 'An, be-ná nga mokjeiín-lè.

²⁸ Jè Agripa kitsò-la Pablo:

—Tà chibaá chija-la tsà kinikijne-ná nga 'an, xita-la Cristo koma.

²⁹ Pablo kitsò:

—Tsà tse ko tsà chiba chija-la, 'an, k'oaá s'ín mejèn-na nga nguixkòn Nainá nga kàtakjeiín-lè xi xitaxá ítjòn tijní; tikoá kàtakjeiín-la ngats'ìi xita xi nchi'nchré-na. K'oaá s'ín kàtamát'ioòn koni 'an tanga mì k'oaá s'ín na'ño kichá cadena sít'aa'ño.

³⁰ K'ee tsasitjen Agripa ko Festo ko Berenice, ngats'ìi xita xi ya títajna.

³¹ Xin kii nga tsajooya-ne kjoa koi. Kitsò-la xíjín:

—Xita jè, nímé kjoa tjin-la nga kiyá, tikoáá mikii ok'in-la nga ndayá kijná'ya.

³² Agripa kitsò-la jè Festo:

—Xita jè, komaá-la kijnandei-ne tsà mì k'oaá s'ín kisijé nga jè kiiindaajiin-la César xi xitaxá ítjòn ts'e Roma.

27

K'e nga kinikasén Pablo ján Roma

¹ K'e nga jye k'oas'ín kiskoòsòn-la nga ján sikkasén-najen Italia, jè Pablo ko xita xi i'nga xi ndayá títajna, jè kjòngatsja xita skò-la soldado xi 'mì Julio xi ya chja jngoò jtin-ne soldado xi ts'e César.

² Tsitjaàs'en-jen jngoò chitso xi ts'e Adramitio xi jye mejèn títitjo nga ya tífi jña naxandá indii ndáchikon ts'e nangui Asia. Tikoáá yaá tijnako-najen Aristarco xi ya i'nde-la Tesalónica, naxandá xi chja-ne nangui Macedonia.

³ Nga komà inchijòn, ijchò-jen Sidón. Jè Julio ndaa kijtsee ikon Pablo; kitsjaà'nde-la nga kiikon amigo-la mé-ne nga siis'in-la.

⁴ K'e nga itjo-najen Sidón, k'oaá s'ín tsanguù-jen xijngoàà nangui jiiin-nda Chipre, nga jè tjo, kondra tsajeén tí'ba.

⁵ Tsitjaajto-jen jiiin ndáchikon i'nde ts'e Cilicia ko Panflia; ijchò-jen Mira, naxandá xi chja-ne nangui Licia.

⁶ Jè xita skò-la soldado kisakò jngoò-la chitso xi naxandá Alejandría ts'e; yaá kisikas'en-najen nga ján tífi Italia.

⁷ Kjín nachrjein tsitjaajiin-jen ndáchikon nga tafi tafi tsanguù-jen; chja ijchò-najen ya kixi-la Gnido. Jè tjo mikii tsj'nde-najen nga ongui kixi-jen; tsitjaahindii-la-jen nangui Creta ya kixi-la naxandá Salmón.

⁸ Tsee kjo'in ki'nè-jen nga tsitjaajiin-nda-jen kóhokji indii ndáchikon ts'e Creta. Chja ijchò-najen i'nde nanda 'mì Buenos Puertos ya chrañat'aa-la naxandá Lasea.

⁹ Jyeé kjín nachrjein tsato; jyeé 'ño kjoxkón tjin-la jiiin ndáchikon, nga jyeé nchrobá machraña nachrjein cho 'nchán [k'e nga 'ño 'ba tjo]. K'oaá ma-ne jè Pablo kitsò-la jña xita:

¹⁰ —'An, k'oaá s'ín machiya-na, ndiyá jè, 'ño tse kjoxkón tjin-la; jchijaá-la jè chitso ko ch'á xi 'ya, skanda jña, mejèn tsà sichiijaá yijo-ná.

¹¹ Jè xita skò-la soldado, isaá ndaa kii'nchréñijon-la jè nei-la chitso ko jè xita skò-la xi tísixáko chitso mì k'oaá-ne koni kitsò Pablo.

¹² Ya i'nde jè, mikii ndaa choòn nga ya sasijna chitso nachrjein cho 'nchán. Xita xi ya títajnyaya chitso, kjín ma xi ngàsòn kitsò nga kitjokajiin Buenos Puertos; ján kjo Fenice, jngoò i'nde xi ndaa choòn xi chja-ne Creta nanda bijchó sinchá chitso nga ya fahas'en jngoò chra-la ndáchikon ya nga kixi-la ko ngakón-la nanda kahatji-ne ts'oi; yaá kítajna nachrjein ts'e cho 'nchán.

K'e nga ts'a tjo xkón

¹³ Jña xita xi síxáko chitso, k'e nga kijtsee nga indaa ts'a tjo xi inchrobà-ne ya i'nde sur, k'oaá s'ín kisikitsjeèn nga jyeé koma kison-nda; itjo-jen, tsanguisòn nda-jen ya indii nangui Creta.

¹⁴ Xi komà iskan nga jye tjaajiin-nda-jen, j'ii tjoxkón xi inchrobà-ne ya i'nde norte.

¹⁵ Kiiko jè chitso koni s'ín fi tjo. Ngajen, mì tji kii ma nikáfaya-najen jè chitso, nga jè tjo, mikii tsj'nde-la; ta saá ta kits'ii'ndeé-lajen nga k'oas'ín kiiko-najen jè tjo.

¹⁶ Tsitjaajto-jen ijton its'in i'nde Cauda; i'nde jè, mì tji k'oaá 'ño tí'ba-ne tjo; chja kitjoé-najen jè chitso jtoá xi tjíndófe-la ijton its'in jè chitso jè.

¹⁷ K'e nga jye kitjoé-najen jè chitso jtabá, ìkjoàn na'ño tsibí'ño'kjá-ne jè chitso je nga mì kixóna-jèn. Jña xita xi sixáko chitso, tsakjón-la tsá ya skajjiin-'ño ya i'nde ñánda 'ño 'ncha tsumi ñánda 'mì Sirte. Koií kiskínajen-ne jè níkje ts'e chitso xi 'mì vela; tà k'oaá s'ín kiiko jè tjo.

¹⁸ Nga komà inchijòn, jè tjo'xkón, táko 'ño jchán tí'ba. K'ee tsachrje jña ch'á xi 'ya chitso; tsibíxteèn-jiin ndáchikon [mé-ne nga isa jna komà-ne jè chitso].

¹⁹ Xi komà jàn nàchrjein, tjo'ka tsachrje tsojmi xi mochjeén-la nga sixáko chitso. Tsibíxteèn-jiin ndáchikon.

²⁰ Kjin nàchrjein mì tì kii ki'ya-najen ts'oi kò ni'ño nga 'ño 'ncha ifi nga jtsi xkón tibanè-najen. K'oaá komà-ne nga chixón-jen nga mì-la tì kii ndaa kítjokajjiin-najen ndáchikon.

²¹ Nga jyeé kò kjin nàchrjein mì tì kii bichi-najen, Pablo tsasijna kixi, kitsò-la jña xita: —Ndaa-la komà tsà kina'yañijon-ná koni kixan-nò; tsà mìkii itjokajñaá ya i'nde Creta, mì-la kii k'oa's'ín timat'iaán nga kjo'in títšaníkjaán koa kinichijá tsojmi-ná.

²² Tanga j'ndeji, kii makájno-nò; nijngoò xita kiyá; tà jè chitso xi jchija.

²³ Nati nítjen kò'bii jngoò-na nijña; jngoò àkjalé kò'fikon-na xi Nainá kásikasén, jè Nainá xi 'an fit'aà-la koa 'an sixá-la.

²⁴ kàtsò-na: “Pablo, kii tsakjoòn-jèn; kjo'ño tjin-ne nga kichoi nguixkòn César, xitaxá ítjòn ts'e Roma. Nainá, k'oaá tjin kjondaa xi tsjá-lè nga nijngoò xita kiyá xi ya títšajnayako-lè chitso.”

²⁵ Jño, 'ño t'è-là takòn. 'An mìkii sikájnoa. 'Beé-la takoàn, k'oaá s'ín kítasòn koni kàtsò-na jè àkjalé.

²⁶ Tanga yaá kichko kat'aà'ño-laá jngoò nangui jtabá xi kjiinajjiin-nda.

²⁷ K'e nga jye komà jò xomàna nga tjaajjiin-jen ndáchikon Adriático, jè tjo fijen fikjako jè chitso. Jngoò nítjen, ijchò-la tsá osen nítjen, jña xita xi nchisixáko chitso, kijtsee nga jyeé kjomeé bijcho chrañat'aà-lajen nangui.

²⁸ Kisichijá kó kji nanga kijna nandá; kijtsee nga kaàn chrj'oòn jngoò metro nanga kijna. K'ee nguì kò kji kii isa; ìkjoàn kisichijá jngoò k'a; jye kaàn itoò metro tjin-la nga nanga.

²⁹ Kitsakjòn-la tsá jña ndajo nandá skakjoòko jè chitso. Nijòn kichá ii xi gancho kjoàn kisikatsjoójin tãts'en chitso mé-ne nga kítso'ña'ño-ne nangui nga mì tì kii koma kjo-ne jè chitso; ìkjoàn tsibítsi'ba-la Nainá nga nítjen kãtas'e isén.

³⁰ Ngats'ii jña xita xi sixáko chitso mejèn tsanga chijé; k'oaá kis'iin koni tsá jña kichá ii xi gancho kjoàn kinchangui'ño skò chitso nga kítso'ña'ño nangui; tsibíts'ia nga kiskinjèn-jiin nandá jè chitso jtabá.

³¹ Tanga jè Pablo kitsò-la jè xita skò-la soldado kò soldado xi i'nga:

—Tsá jña xita koi konga, jña, mìkii koma kítjokajña nandá.

³² Jña soldado tsate'ño jè chitso jtabá. Kiskaajjiin ndáchikon.

³³ K'e nga jye kis'e isén, jè Pablo kitsò-la ngats'ii xita:

—Jyeé tjin-la jò xomàna nga títšajnachjaán nga chíña-lá mé xi komat'iaán.

³⁴ Bitsi'ba-nò, mochjeén-né nga tichioò mé-ne nga s'e-nò nga'ño. Ngats'ioò, nímé xi komat'ioòn, skanda nijngoò xi slichja jngoò tsja skòò.

³⁵ Pablo, k'e nga jye okitsò, kiskoé inchrájin, kitsjaa-la kjondaa Nainá nga nguixkòn ngats'ii xita. Kisixkoaya; ìkjoàn tsakjèn.

³⁶ Ngats'ii xita, kjòtsja yije-la; tjo'ka tsakjèn kòhòtjin.

³⁷ Jò sindò kò jàn kaàn kò chrj'oòn jngoò ma-najen xi ya títšajnaya-jen chitso.

³⁸ K'e nga jye komà ndaa chichi yije-jen, jña ch'á trigo kisixteèn-jiin ndáchikon mé-ne nga isa jna komà-ne jè chitso.

³⁹ K'e nga jye itjokàtji ts'oi, jña xita xi sixáko chitso, mìkii beèxkon kó 'mì nangui ñánda ijchò-jen, tanga kijtsee-né nga tjin jngoò i'nde ñánda fahas'en jngoò chrja-la ndáchikon ñánda 'ño 'ncha tsumi; mejèn k'oa's'ín kiskimi chitso tsá koma ya skajjiin-'ño tsumi.

⁴⁰ Tsate na'ño xi tjit'aà'ño chitso; jña kichá ii xi gancho kjoàn, yaá kisiyijòjiiin ndáchikon; kiskijnda'ño jña yá xi sixáko nga fikò kixi chitso. ìkjoàn kiskimítjen jè níkje xi sinchá tjo nga fahitjen chitso. ìkjoàn tsibíts'ia nga kii kixi ñánda kijna nangui xi 'ño 'ncha tsumi.

⁴¹ Tanga yaá kii kaajjiin-'ño ñánda 'ncha tsumi ya jjiin ndáchikon. Jè skò yá chitso, kiskaajjiin-'ño; mì tì kii koma kisihiníya-ne. ìkjoàn kjòts'ia nga kjòxkoaya jè tãts'en chitso nga jè nga'ño-la nandá kisixkoaya.

⁴² Jña soldado mejèn kisk'en jña xita xi kjo'in nchifi nga majin-la nga konga ya jjiin ndáchikon.

⁴³ Tanga jè xita skò-la soldado mìkii kitsjaa'nde. Jè xi mejèn-la nga mì kiyá Pablo. Tà saá okixi kitsjaa kitsò:

—Yá xi ma-la nandá, kàtji ítjòn mé-ne nga koma kichò-ne ñánda nangui choòn,

⁴⁴ kò jña xita xi i'nga xi mì ma-la nandá, kàtjison ítee kò tsá jña yá xko-la chitso.

K'oagá s'in komà-ne nga ndaà ijchò yiye-jen ñánda nangui choòn.

28

Mé xi komàt'in Pablo k'e nga tsibijna Malta

¹ K'e nga jye itjojùn-jen ndáchikon, kis'enojmí-najen nga ya i'nde jè, Malta 'mì.

² Jñà xitá xi ya i'nde-lá, ndaà kiskikò-najen; tsibítse-najen ni'in, ikjoàn kitsjaà 'nde-najen nga kinihiso-jen, nga jtsí tí'ba koa 'nchán choòn.

³ Jè Pablo tsibíxkò chiba chikín kixi. K'e nga chinchájin ni'in jñà chikín, jngoò ye itjokájin xi tihonga nga 'ñó tsjè ni'in; kiskine tsja Pablo.

⁴ Jñà xitá xi ya i'nde-lá nga kijtsee nga ye tjohóngui-lá tsja Pablo, kitsò-lá xíkjin:

— Xitá jè, xitáá-la ma-lá sik'en; nas'in ndaà kòbitjokájin ndáchikon, jè nea-ná xi tjin-lá okixi, majin-lá síkijnakon.

⁵ Jè Pablo, tsibítsajneé tsja ya jjin ni'in; nímé xi komà-la.

⁶ Ngats'ii xitá nchikoña-lá mé hora kítjaya tsja koa mé hora kiyá Pablo. K'e nga kijtsee nga jye kjin hora tsato nga nímé xi komà-la, k'ejí s'in kiskítsjeen, kitsò:

— Jè Pablo, Nainá-la.

⁷ Ya chrañat'aà-lá i'nde ñánda ijchò-jen, tseé nangui tjin xi ts'e xitá itjòn-lá i'nde Malta xi 'mì Publio. Jàn nachrjein tsitsajna-kò-jen; ndaà kiskoétjò-najen kò ndaà kisis'in-najen.

⁸ Nachrjein koi, jè na'èn-la Publio, xk'én-né; ch'in tjinga tjin-lá kò xojmá jní tífa-lá. Pablo kiikon; kiichjat'aà-lá Nainá; ikjoàn tsohójasòn-lá tsja; jngoò k'a kjòndaá-ne.

⁹ K'e nga kii'nchré jñà xitá xk'én xi tjin ya i'nde jè, tikoá inchrobá ñánda tjna Pablo. Kjòndaá yijee-ne.

¹⁰ Jñà xitá, ndaà kisis'in-najen. K'e nga jye titsachjoé jngoò-jen chitso nga jye titsahonguí-jen, jñà xitá kiskik'a yijee-najen ngats'ii tsojmi xi kochjeen-najen ya ndiyá.

K'e nga ijchò Pablo ján naxandá Roma

¹¹ K'e nga jye tsato ján sá nga titsajna-jen i'nde jè, ikjoàn tsanguí jngoò k'a-jen. Tsitjaas'en jngoò-jen chitso xi ján i'nde-lá naxandá Alejandria xi tikoá ya kisajjna ya indii ndáchikon ts'e Malta jñà nachrjein cho 'nchán; isén ts'e Cástor kò Pólux tjít'aá.

¹² K'e nga ijchò-jen naxandá Siracusa, jàn nachrjein tsitsajna-jen.

¹³ Tsanguí jngoò k'a-jen; ijchò-jen skanda naxandá Regio. Xi komá inchijòn tsibíts'ia nga ts'a tjo xi inchrobá-ne i'nde sur. Ijchò jò nachrjein, ijchò-jen naxandá Puteoli.

¹⁴ Yaá kiskaakjóò i'nga-jen xitá xinguiáá xi it'aá ts'e Cristo xi kiichjako-najen nga tsitsajna-kò-jen jngoò xomána. Xi komá iskan, ikjoàn tsanguí-jen skanda Roma.

¹⁵ Jñà xitá xinguiáá it'aá ts'e Cristo xi titsajna Roma, jyeé tjün-lá nga ya titsahonguí-jen; tjin xi ijchò kaña-najen ya nditsin Apio; tikoá tjin xi ijchò kaña-najen ñánda 'mì Ján Tabernas. Jè Pablo, k'e nga kijtseexon, tsjaá kis'e-la injma-lá; kitsjaá-lá kjòndaá Nainá.

¹⁶ K'e nga jye titsajna-jen Roma, Pablo kits'ii'nde-lá nga tsibijna tajngoò ni'ya-lá; kò tà jngoò soldado kiskikinda.

Mé 'én xi kiichja Pablo k'e nga tsibijna Roma

¹⁷ Nga komá jàn nachrjein nga ijchò-jen Roma, Pablo, tsibíxkóya jñà xitá sko-lá xitá judío xi ya titsajna. K'e nga jye j'ii yiye, kitsò-lá:

— Jñò xi xitá xinguiáá judío xi i titsajnaà Roma, ján Jerusalén, kitsobá'ñó-na xitá, ikjoàn kisingatsja-na it'aá ts'e xitaxá Roma nga tsibindaájin-na. 'An, nímé jé xi tihotsjia it'aá ts'e xitá xinguiáá judío kò it'aá ts'e kjetixoma-lá xitá jhíngá-ná.

¹⁸ Jñà xitaxá Roma nga tsibindaájin-na, nímé jé xi kiskatòt'aà-lá it'aá ts'an. Mejèn kiskíjnandeí-na nga mikii ok'in-lá nga sijk'en-na.

¹⁹ Tanga jñà xitá judío, mikii kòkjein-lá; k'oagá komà-ne nga 'an, kisiyé nga jè katúndaájin-na jè César xi xitaxá itjòn ts'e Roma. 'An, nímé xi sijé xi kondra ts'e naxandá-ná.

²⁰ K'oagá ma-ne nga kòbixkóya-nò mé-ne nga kichjako-nò; koi kjoa-lá nga mokjein-na it'aá ts'e kjoa xi titsachiñá-lá xi xitá Israel 'mì-ná nga na'ñó kichja jtít'aá'ñó-ná.

²¹ Jñà xitá judío kitsò:

— Ngajen, nímé xojon tíkaat'aà-najen xi kjoa tsjji xi ján Judea nchrobá-ne. Ngats'ii xitá judío xinguiáá xi nchif'ii, nímé 'én xi ch'o tsò nchitsjá-najen xi kjoa tsjji.

²² Mejèn-najen nga kiná'ya-jen kjoa xi níkitjün; ngajen, tjin-najen nga xki xi ján chjajno-lá xitá nga kondra fi-lá jè ndiyá xitse xi ya tjaáyi.

²³ Tsibíjna jngoò nachrjein-lá xíkjin, mé nachrjein kixoña. K'e nga chixoña, kjin xitá ijchò ya ni'ya ñánda tjna Pablo; kò jè Pablo tsakóya-lá kós'in otixoma Nainá, tsibíts'ia-kò-ne nga sa tajñóya skanda kjònguixòn. Pablo kiskijeén xojon ts'e Moisés kò ts'e xitá xi kiichjaya ngajo-lá Nainá nga tsakóya-lá kó s'in tíchja mé-ne nga jñà xitá kàtakjein-lá it'aá ts'e Jesús nga jè xi Cristo.

²⁴ Tjin xitá xi kòkjein-lá, tikoá tjin xi mikii kòkjein-lá.

²⁵ Nga mìkìl kjàngàsòn 'én-là koni s'ín tsajoókjoò, tsibíts'ia nga itjo ni'ya. K'èé kitsò-là Pablo: —Ndaà kiichja Inima Tsjeè-là Nainá nga kisikjeén Isaías xitá xi kiichja ngajo-là kjòtseé nga kitsò-là jñà xitá jchínga judío:

²⁶ T'in, kot'in-là jñà xitá naxandá: Jñò, kìná'ya-nò tanga mìkìl kjoas'en-jìin-nò; chítsejèn-nò tanga mìkìl jchaxkon.

²⁷ Koií kjoa-là nga jñà xitá naxandá jè, kisitájàjìin kjohítsjeèn-là, tsibíchjoàjto líká-là, tìkoà tsibíchjoà xkon, mé-ne nga mìkìl skoe-ne, mìkìl kji'nchré, tìkoà mìkìl kjoas'en-jìin-là; majìn-là nga 'an fit'aà-na nga sindaà-na.

²⁸ Jñò kátasijìin-nò, naxchrjein j'ndeí, Nainá, ján tísikasén-là jñà xi mìtsà xitá judío, kjondaà jè, mé-ne nga kitjokàjìin-ne kjo'in. Kò jñà xitá koi, kòkjeiín-là.

²⁹ K'è nga jye okitsò Pablo, jñà xitá judío, k'è nga kii-ne, nguì tà tsohótiyaá-ne 'én xi tsibénojímí Pablo.

³⁰ Pablo, jò nó tsibijna ni'ya xi kiskìña nga tsibíchjí. Yáá kisís'in-là ngats'ii xitá xi ijchòkon.

³¹ Kitjò'nde-là nga kiichjaya kós'in otíxoma Nainá tìkoà tsakóya it'aà ts'è Nà'èn-ná Jesu-cristo. Mì yá xitá tsatekjáya-là.

Xojon carta-la San Pablo xi kiskii-la xita naxandá-la Cristo xi títsajna Roma

Kó tsò Pablo nga síhixat'aà jñà xita naxandá-la Cristo xi títsajna Roma

¹ Jè xojon carta jè, 'aán tikjiil-nò xi Pablo 'mì-na xi ch'i'nda-la Jesucristo ma, xi xó kiichja-na Nainá nga 'an tsibixáya-na kò xó kitjaajjiln-na nga 'an sika'bísoàn 'én ndaa-la Nainá.

² It'aà ts'e 'én koi, Nainá jye k'oas'in kitsjaà tso'ba nga tjsa kjòtseé, koni s'in tíchja Xojon Tsjeè-la xi kiskii xita xi kiichja ngajo-la Nainá.

³ Nga ya tíchja it'aà ts'e Ki'ndí-la, jè Na'èn-ná Jesucristo xi jè otixoma-ná. Koni xita isò'nde, yaá inchrobát'aà-ne tje-la xitaxá itjòn David.

⁴ K'e nga jaáya-la it'aà ts'e kjoabiyaa, Jesucristo, k'oaá s'in kiyaxkon-la nga Ki'ndí-la Nainá-né xi tse nga'ño tjin-la koni s'in ndaa síkichiya-ná jè Injima Tsjeè-la Nainá xi sítsjeè-ná.

⁵ It'aà ts'e Jesucristo, kitjóé-na kjondaà nga 'an tsibixáya-na nga kènjmíya-la 'én ndaa-la jñà xita naxandá xi tjin nga títsa isò'nde nga kátasikitasòn kò kátakjeiin-la it'aà ts'e Cristo, mé-ne nga jeya kjna-ne Cristo.

⁶ Tjkoáá jñò, xó kinokjoà-nò nga xita-la Cristo k'oín-nò.

⁷ Tikjiil-nò ngats'ioò xi títsajnaà Roma xi matsjakeè-nò Nainá nga tjkoá xó kinokjoà-nò nga xita tsjeè-la koma.

Nainá xi Na'èn-ná, kò jè Jesucristo xi otixoma-ná kátatsjá-nò kjondaà kò kjoa'nchán ya jjiin injima-nò.

Mé-ne mejèn-la kjoí Roma jè Pablo

⁸ Xi mats'ia-ne, it'aà ts'e Jesucristo tsjaà-la kjondaà Nainá xi it'aà tsajòn, koi kjoa-la nga xki xi ján naxandá xi tjin nga títsa isò'nde, na'yá-nò nga ndaa mokjeiin-nò it'aà ts'e Cristo.

⁹ It'aà ts'e Nainá xi 'an sixá-la nga tijnogò takoàn nga sika'biá 'én ndaa-la xi kjoa ts'e Ki'ndí-la, jè tibeé nga nachrjein nchijòn síkítsejèn-nò k'e nga chjät'aà-la.

¹⁰ K'e nga bitsi'ba-la Nainá, k'oaá s'in síjé'taà-la tsá ikon xi tsò nga chaán tsjá'nde-na nga kjíkon-nò.

¹¹ Tjkoáá mejèn-na skoexkon-nò mé-ne nga tsja chiba-nò kjohitsjeèn ts'e injima-ná mé-ne nga isa kixi kitsajna-nò.

¹² Jè xi tixan-nò nga ngásòn k'oi-lá nga'ño xinguiáá it'aà ts'e kjoa xi mokjeiin-ná.

¹³ 'Ndsé, tíchja, mejèn-na nga kátasijjiln-nò nga kjòtseé tjin-ne nga kjíkon-nò tanga skanda j'ndeí mì tà jngoo kjoa bíchjoa ikòn-na. Xi kjohitsjeèn ts'an, jè xi mejèn-na nga síxákò-nò jñò, koni s'in kixixá nándá nga xin naxandá mé-ne nga tjkoá skoeé-na kjondaà-la xá-na xi 'an s'iaàn it'aà tsajòn.

¹⁴ Tjinè-na nga kokoòya-la ngats'ii xita xi 'én griego chja kò xi mikii chja, xita xi tjin-la kjoachjine kò xi tsjin-la.

¹⁵ K'oaá ma-ne nga 'ño mejèn-na nga tjkoá kichjáyajjiln-nò jè 'én ndaa-la Nainá xi kjoa ts'e Cristo, jñò xi títsajnaà naxandá Roma.

Mé nga'ño xi tjin-la 'én ndaa-la Nainá xi kjoa ts'e Cristo

¹⁶ Mikii masobà-na it'aà ts'e 'én ndaa-la Nainá xi kjoa ts'e Cristo, nga nga'ño-la Nainá-né. Jè 'én xi ma-la síkítasjnandeí xita kjoa ts'e jé, ngats'ii xita xi mokjeiin-la it'aà ts'e, mats'iaqò-ne jñà xi xita judío kò tjkoá xi mitsá xita judío.

¹⁷ Jñà 'én ndaa-la Nainá xi kjoa ts'e Cristo okó-ná kós'in s'in Nainá nga síkixi xita. Tà jè-né nga mokjeiin-la it'aà ts'e Cristo mé-ne nga isa ndaa kokjeiin-la. K'oaá s'in tíchja Xojon-la Nainá nga tsò: "Jè xi xita kixi, it'aà ts'e kjoa xi mokjeiin-la kijnakon-ne."

Jé xi tjin-la xita isò'nde

¹⁸ Nga jè Nainá skanda ján ngajmì tíhokò kjoajti-la it'aà ts'e xita xi mikii beèxkón kò xi ch'o s'in. Jè kjohitsjeèn ch'o xi tjin-la mì kì tsjá'nde-la nga kjoétjò xi kjoakixi.

¹⁹ Jè kjoa xi 'ya-la it'aà ts'e Nainá, ndaa tíjiln-la jñà xita koi, nga tje-ne Nainá tíhokó-ne.

²⁰ Nga jñà kjoa ts'e Nainá xi mikii tsejèn, ndaa tíyaxkon-la kóni nga tjsa kisindaà isò'nde. Yaxkoón-la nga tjin-la nga'ño Nainá nita mé nachrjein-ne nga tà jè tajngoo xi Nainá 'mì. Kjoa koi tí'yaá-la it'aà ts'e tsojmi xi tsibindaà Nainá. K'oaá ma-ne nga jñà xita mì kì koma kunchako yijo-la nga kútsò: "Mikii tíjiln-na tsá tjna Nainá."

²¹ Jñà xita nas'in tíjiln-la nga tjin Nainá xi tsibindaà isò'nde, tanga mikii jeya kisikijna, nj mikii kitsjaà-la kjondaà. Tà saá tà koi'ño ndaa kisis'in-la kjohitsjeèn xi njímé chji-la. Kjoahitsjeèn tájaà-la kisijñò-la.

²² Xi kjohitsjeèn ts'e, xita chjineé kitsò-la yijo-la; tanga mitsá kixi kjoa, xita nchikón-né.

²³ Kisikjnat'aàxin Nainá xi jeya tǵna xi mikil fehet'aà nachrjein-la; ta saá koi kijtseèkkón isén ts'e xǵta xi fehet'aà nachrjein-la; skanda jǵnà isén-la cho xi tǵmajǵin isén kijtseèkkón, ko isén-la cho xi ñijòn ma ndsoko ko isén-la ye.

²⁴ Koi kjoa-la nga kitsjeiin takòn Nainá nga taxkǵ kátas'in nga kátas'in nǵta mé kjoa chinga xi bitokajǵin inǵma-la. K'oaá ma-ne nga tsohótsji-la kjoa sobà yijo-la koni s'in kisikǵ xǵkǵin.

²⁵ Kisikjatǵyaá-la kjoa kixi-la Nainá; 'én ndiso kiskoé. Jǵnà kijtseèkkón koa jǵnà kisitsjako tsojmi xi jé Nainá tsibindaá. Mitsá jé kijtseèkkón koa kisitsjako Nainá xi tsibindaá tsojmi. Nainá kátayakkòn nǵta mé nachrjein-ne, k'oas'in kátama.

²⁶ Koi kjoa-la nga kitsjeiin takòn Nainá nga ko s'in kátas'in-ko yijo-la kjoa sobà xi ch'o tǵin. Jǵnà íchjǵn kisikjatǵyaá-la koni s'in mochjeén x'in; tǵin íchjǵn xi tǵjǵn xǵkǵin kiskoé-ne.

²⁷ K'oaá tǵs'in kis'in íchjǵ, kitsjeiin takòn-né koni s'in mochjeén íchjǵn. Tǵin íchjǵ xi 'ño kisaseèn-la nga tǵ x'in xǵkǵin tsoyijòko-ne. Tsohótsji-la kjoa sobà yijo-la. K'oaá ma-ne nga kjo'in kis'e-la xi tǵ yijo ts'e-ne koni s'in ok'in-la kjoa ch'o xi kis'in.

²⁸ Xǵta koi, mikil kisikǵtsjeén tsá mochjeén-né nga skoexkon Nainá; k'oaá ma-ne nga kitsjeiin takòn Nainá nga kátasikjeén kǵohútsjeèn-la xi nǵ méé chǵi-la mé-ne nga k'oas'in kátas'in-ne kjoa xi mikil ok'in-la.

²⁹ Xǵta koi, yaá tǵjǵin yije inǵma-la ngats'ii kjoa xi ch'o tǵin koni: kjoa chingui, kjoa ts'en, kjoa tse mejèn, kjoa toòn, kjoaxitakòn, kjoa nga ma-la sik'en xǵta, kjoa xi kjaán-kjoa, kjoa konachǵn, kjoa xi ch'o s'in, kjoa 'én ndiso;

³⁰ nga tǵajǵno-la xǵkǵin; nga sǵjtikeé Nainá; ochrjengui xǵkǵin; 'nga ikon; ndaá síkǵina yijo-la; síkǵtsjeén nga mejèn-la isa ch'o tǵin kjoa xi s'in; mikil 'nchréñijon-la xǵta jǵhinga-la;

³¹ mikil machǵya-la; mikil síkitasòn 'én xi chǵa; mikil beetjò xǵta xǵkǵin; tsǵin-la kjoa nijcháat'aá; koa tsǵin-la kjoahǵmatakòn.

³² Jǵnà xǵta koi, ndaá tǵjǵin-la nga k'oaá s'in tsǵá okixǵ Nainá: ngats'ii xi k'oa tǵin kjoa xi s'in, ok'in-la nga kǵyá. Tǵnga mikil majngoó ikon nga tà jǵnà xi k'oas'in, skanda tǵkooá matsja-la k'e nga k'oa tǵs'in xǵta xi k'ejǵi.

2

Nainá, mé xi tsǵá-la xǵta xi ndaá s'in ko xi ch'o s'in

¹ K'oaá ma-ne, ngajǵ, nǵta yá xǵta-ne jǵ, nga jé onè-la xingui, mikil koma kosikoi yijo-lè nga nguixkon Nainá. K'e nga jé tǵbinè-la xǵta xingui, tǵkooá ngajǵ, tǵjǵ tǵbinè-la jé yijo-lè nga k'oa tǵs'in 'nǵ.

² Tǵnga 'ya-ná nga kixǵ s'in Nainá k'e nga tsǵá-la kjo'in jǵnà xǵta xi koa tǵin jé xi ótsji.

³ Ngajǵ xi kjo'in binè-la xǵta xi k'ejǵi, zmé-ne koa s'in níkǵtsjeèn-ne nga jchǵt'aà-lè kjo'in xi tsǵá Nainá? Nga jǵ k'oaá tǵs'in 'nǵ.

⁴ ¿A mì tǵjǵin-lè nga nachrjekǵngui jé kǵjondaà-la Nainá nga tǵin-la kjojetakòn koa tǵin-la kjoatsejta? ¿A mì tǵjǵin-lè nga jé kǵjondaà-la Nainá tǵkooá-né nga síkǵajnoi jé-lè nga mì tǵ jé kǵnchátsji-ne?

⁵ Nga tǵajaǵjǵin tǵin inǵma-lè nga mikil níkǵajnoi jé-lè, isaá tse kjo'in tǵbinè-la yijo-lè xi tsǵá-lè Nainá jé nachrjein k'e nga kjoǵiko kjoajti-la nga jchǵ-la kós'in kixǵ koǵindaǵjǵin Nainá nga tsǵá-la kjo'in jǵnà xǵta.

⁶ Nainá tsǵá-la chǵi-la mé kjoa xi kis'in nga jngoó ñjngoó xǵta.

⁷ Tsǵá-la kjoabinachon nǵta mé nachrjein-ne jǵnà xǵta xi nchihótsji kjoajeya, ko nchihótsji nga jchǵkkón, ko nchihótsji nga kǵtsajnakon nǵta mé nachrjein-ne jǵn ngajmi. Koi kjoa-la nga ndaá tǵin kjoa xi nchis'in nga kǵjǵt'aà nachrjein.

⁸ Tǵnga Nainá nga ko kjoajti-la tsǵá-la kjo'in jǵnà xǵta xi kondra fi-la nga mikil 'nchréñijon xi kjoa kixǵ. Tà kjoa nchǵkòn fitǵingui-la.

⁹ Tseé kjoa s'e-la ko tseé kjo'in s'e-la ngats'ii xǵta xi ch'o s'in, mats'iaiko ñtǵon-ne jǵnà xǵta judío, tǵkooá ko xi taxkǵ xǵta xi mitsá xǵta judío.

¹⁰ Tǵnga jǵnà xǵta xi ndaá s'in, tǵjoe-la kjoajeya, ndaá jchǵkkón, tǵkooá s'eé-la kjoa'nchǵn inǵma-la, mats'iaiko ñtǵon-ne jǵnà xǵta judío, tǵkooá ko xi taxkǵ xǵta xi mitsá xǵta judío.

¹¹ Nainá mikil faǵjǵin nǵta yá xǵta-ne, tà ngásòn fiko yije.

¹² Ngats'ii jǵnà xǵta xi mikil tǵjǵin-la kó tsò kǵotǵxoma xi kiskǵi Moisés, k'e nga jé ótsji, chǵja-né nas'in mikil kijtseé kǵotǵxoma-la Moisés. Koa jǵnà xǵta xi ndaá tǵjǵin-la kǵotǵxoma-la Moisés, k'e nga jé ótsji, k'oaá s'in kojtso koni s'in tǵchǵa xi tǵjè-ne kǵotǵxoma.

¹³ Jǵnà xǵta xi tà 'nchré-la kǵotǵxoma xi kiskǵi Moisés, mitsá jǵnà xi xǵta kixǵ nga nguixkon Nainá. Jǵnà-né xi xǵta kixǵ xi sikitasòn.

¹⁴ K'e nga jǵnà xi taxkǵ xǵta xi mikil tǵjǵin-la kós'in tǵchǵa kǵotǵxoma-la Moisés, sà k'oaá tà yaá nchróbǵjǵin inǵma-la nga k'oas'in s'in koni tsò kǵotǵxoma-la Moisés, yaá 'ya-la nga tǵkooa tǵjǵin inǵma-la kǵotǵxoma xi ts'e nas'in tsǵin-la ts'e Moisés.

¹⁵ K'e nga ndaa s'in yaá 'ya-la nga tjiin inima-la kjoa xi sijé kjotixoma-la Moisés; jè inima-la okó kjoa xi ndaa tjin ko xi mikii ndaa tjin; tije-ne kjohitsjeen-la sà k'oaá óngui ko sà k'oaá osiko.

¹⁶ K'oaá s'in koma jè nachrjein k'e nga Nainá koindaajin ngats'iì jé xi tji'ma-la xita jjiin inima-la; it'aà ts'e Jesucristo sindaajin, koni tsò 'én ndaa-la Nainá xi kjoa ts'e Cristo xi 'an chjaya.

¹⁷ Ngaji xi xita judío 'mì-lè; jè ma'nót'aà takoin kjotixoma xi kiskii Moisés; ngaá ma takoin it'aà ts'e Nainá nga si tsiji-né;

¹⁸ 'ya-né mé xi mejèn-la Nainá nga sikitasoin; ma-lè chjaajin mé kjoa xi ngui ndaa tjin koni s'in okóya-lè Kjotixoma;

¹⁹ K'oaá s'in nikitsjin nga tijingò takoin nga ji okoò-la ndiyá kixi xita xi mikii machiya-la nga tichjoa xkon ko k'oaá ma-lè nga ji nihiseèn-la xi tjiñò kjohitsjeen-la.

²⁰ Ji, k'oaá s'in nikitsjin nga ma-lè okoòya-la xi taxki xita xi tsjin-la kjohitsjeen; nga maestro 'mì-lè ts'e xita xi chiba ma-la it'aà ts'e Nainá; nga tjin-lè kjoa chjine ko kjoa kixi xi okò-lè it'aà ts'e Kjotixoma.

²¹ Ji xi ma-lè okoòya-la xita xi k'ejí, ¿mé-ne mikii okoòya-la xi tji yijo tsiji-ne? Ji k'oaá s'in nokjoayi nga mikii ma sichijé; ji, ¿mé-ne nichijé-ne?

²² Ji, k'oaá si nga mikii ndaa tjin nga kjoa chjinguí s'jin xita; ji, ¿mé-ne nga k'oaá tís'in 'nè-ne? Ji, k'oaá si nga jtichii xkósòn; ¿mé-ne nga ingo bitjaas'en-ne nga nichijí tsojmi-la xkósòn?

²³ Ji, ngaá takoin nga ndaa tjiin-lè kjoa ts'e kjotixoma tanga, ¿a mìtsà tinachrekàngui Nainá nga mikii nikitasòn-la koni s'in tichja kjotixoma?

²⁴ K'oaá s'in tichja Xojon-la Nainá nga tsò: "Kjoa tsajòn-nò xi xita judío 'mì-nò nga chjajno-la Nainá jña xi taxki xita."

²⁵ Tsà ndaa sikitasoin kjotixoma xi kiskii Moisés, jè kjoa ts'e circuncisión nga tjit'aà chiba-lè, chji-la-né; tanga tsà mikii sikitasoin, k'oaá ngaya-la koni tsà mikii tjit'aà chiba-lè.

²⁶ Jña xi mìtsà xita judío, nas'in mikii tjit'aà chiba-la koni xita judío, tanga tsà kixi sikitasòn kjotixoma ts'e Moisés, Nainá skoetjò-né koni tsà tjit'aà chiba-la.

²⁷ Jña xita xi sikitasòn kjotixoma ts'e Moisés, nas'in mikii tjit'aà chiba-la yijo-la, jña koindaajin-nò nga mikii nikitasòn nas'in tjit'aà chiba-nò, nas'in tjin-nò xojon ts'e kjotixoma-la Nainá.

²⁸ Ngòò xi xita judío, mìtsà tà jè nga ndaa 'ya-la kjoa xi s'in; koa ngòò xita xi tjit'aà chiba-la kjoa ts'e circuncisión, mìtsà tà jè xi mochjeèn nga tjit'aà chiba-la isò'nga yijo-la.

²⁹ Jè xi ngui xita judío, jè xi chji-la koni s'in tjin jjiin inima-la. Ko jè xi ngui tjit'aà chiba-la, jè xi chji-la koni s'in tjit'aà chiba-la ya jjiin inima-la. Kjoa koi, mìtsà ts'e kjotixoma xi xojon tjit'aà; ts'è Injima Tsjeè-la Nainá. Jña xi k'oaá s'in sikitasòn, Nainá ndaa chja xi it'aà ts'e, nas'in mikii ndaa chja xita xi k'ejí.

3

Mé kjoa xi 'nò chji-la it'aà ts'e xita judío

¹ Tsà k'oaá s'in tjin, ¿mé kjondaá xi isa tse tjin-la nga xita judío 'mì? Ko ¿mé chji-la nga tjit'aà chiba-la?

² Kjin skoya chji-la. Jè xi tjna itjòn, jè-né nga jña xita judío kjòngatsja 'én-la Nainá.

³ Jña xita judío, nas'in tjin i'nga xi mikii sikitasòn 'én xi kjòngatsja, ¿a koma sikjatjia-la kjoakixi-la Nainá nga mikii kítasòn koni s'in kitsjaá tso'ba?

⁴ Majin, mikii koma. Nainá, xita kixi-né, nas'in xita ndiso ngats'iì xita xi tjin isò'nde; koni s'in tichja xojon nga tsò:

Mé-ne nga kàta'ya-la nga kixi kjoa 'én xi nokjoi sikijne-né k'e nga yá xi kohòngui-lè.

⁵ Tjin i'nga xita xi tsò: K'e nga ch'o 'nè, isaá ndaa 'ya-la kjoakixi-la Nainá. Tsà k'oaá s'in tjin, ¿kó kixoán? ¿A kixón-ná nga mì kjoa kixi tís'in Nainá nga kjo'in tsjá-ná? (Tsà kòs'in kixoán, jngòò kjohitsjeen-la xi taxki xita titsanikjeén.)

⁶ Tanga majin, mì k'oaá s'in tjin. Tsà mìtsà kixi s'in Nainá nga kjo'in tsjá-ná, ¿kòs'in koma koindaajin-la xita isò'nde?

⁷ Tikoáá tsà k'oaá kito xita koi: "Tanga tsà kjoandiso-na okó nga jè kjoa kixi-la Nainá isa jeya kijna, ¿mé-ne k'oaá s'in tisinè-na nga xita jé tiyatakòn-na?"

⁸ Tikoáa-ne ch'o s'èén mé-ne nga kàtasakó-isa-ná kjondaá-la Nainá. Tjin xita xi kotsò nga k'oaá tjin 'én xi okoòya; jè xi mejèn-la nga ch'o s'ikijna-na. Jña xita xi kotsò, ok'in-la nga tjoé-la kjo'in xi Nainá tsjá.

Mé jé xi tjin-la ngats'iì xita

⁹ ¿Kó s'in nikitsjeen? Jña xi xita judío 'mì-ná, ¿a isaá ndaa xitaá koni jña xita xi k'ejí? Majin, jyeé k'oaá kixan-nò, tà ngàsòn jé titsajnajnaá ngats'iaá xi xita judío 'mì-ná ko xi taxki xita.

¹⁰ Koni s'ín tichja Xojon-la Nainá nga tsò:

Nijngòò x̄ita t̄jín xi x̄ita kixi, n̄i tsà tà jngòò.

¹¹ Nijngòò t̄jín xi machiya-la,

nijngòò t̄jín xi ótsji Nainá.

¹² Ngats'ìi x̄ita, saá xìn ndiyá kù; ngats'ìi nímé chji-la kjoa xi s'ín;

nijngòò xi ndaà s'ín, n̄i tsà tà jngòò.

¹³ Naxájt̄a-la, k'oaá kjoàn koni ngajo-la mik'en k'e nga táx'ajto;

nijen-la ngui 'én ndisoó chja;

'én xi chja, k'oaá ngaya-la koni tsà xán-la ye.

¹⁴ Chajano-la x̄ita kò ngui koi 'én chja xi 'on ma-la inima-ná.

¹⁵ Mikù koña kjoa, n̄itoón s̄ik'en x̄ita.

¹⁶ N̄ita ñánda nga fi, sihimá kò síkjesesko x̄ita xi k'ej̄i.

¹⁷ Mikù beèxkon ndiyá ñánda t̄jín kjoa'nchán.

¹⁸ Mikù tsakjón-keè Nainá it'aa ts'e kjoa xi s'ín.

¹⁹ Jyee 'yaá nga ngats'ìi 'én xi t̄jít'aa k̄jot̄ixoma ts'e Moisés, j̄ña chja-la ngats'ìi x̄ita xi ya fit'aa-la, mé-ne nga ngats'ìi x̄ita, mikù koma kichja nga kinchako yijo-la nga nguixkon Nainá; ngats'ìi x̄ita xi t̄jín isò'nde koiñdaàj̄in-la Nainá nga jcha-la nga jé t̄jín-la.

²⁰ Nijngòò x̄ita xi kixi k̄jina nga nguixkon Nainá tà koi kjoa-la nga ndaà t̄síkitasòn K̄jot̄ixoma ts'e Moisés. Nga jé K̄jot̄ixoma, tà k'oaá s'ín mochjeén nga b̄enojm̄iya-ná nga jé t̄jín-ná.

Kó síko-ná Nainá nga kixi k̄itsajnaá nguixkon jé

²¹ Tanga j̄'ndeji, Nainá okó-ná kós'in s'ín Nainá nga x̄ita kixi beetàkòn-ná. Kò mitsà kjoa ts'e K̄jot̄ixoma nga bitasòn. J̄ña xojon jchínga ts'e k̄jot̄ixoma-la Nainá kò ts'e x̄ita xi k̄ichja ngajo-la Nainá k'oaá t̄jís'in b̄enojm̄iya-ná,

²² nga j̄ña x̄ita k'e nga mokjeiin-la it'aa ts'e Cristo, kixi bitsajna nguixkon Nainá. K'oaá s'ín síko yije kóhojt̄in xi mokjeiin-la. Nga ngats'ìi x̄ita ngásòn jé t̄jín-la,

²³ nga ngásòn ótsji jé-né; k̄j̄in t̄itsajnat'aaxin-la Nainá ñánda nga jeya t̄jina.

²⁴ Tanga Nainá, nga ndaà x̄ita, kitsjaà k̄jot̄jò-ná k̄jondaà-la mé-ne nga kixi k̄itsajnaá nguixkon jé. Jé Jesucristo tsibichjt̄i ngajo-ná jé-ná mé-ne nga k̄itsajnadej̄i-ná xi kjoa ts'e jé.

²⁵ Nainá kitsjaà ki'ndi-la koni jngòò k̄jot̄jò xi faáxin jé-ná nga nguixkon Nainá k'e nga mokjeiin-ná it'aa ts'e Jesucristo, nga jé tsibixteén j̄ni-la k'e nga k'en. Nainá k'oaá s'ín okóya-ná kós'in t̄jín kjoakixi-la. Koi kjoa-la nga ngasa k̄jot̄seé, Nainá, tikoña kjoa-né, mikù n̄iton kitsjaà-la k̄jot̄in x̄ita koni s'ín ok'in-la jé xi tsohótsji.

²⁶ Tanga j̄'ndeji t̄i'ya-la nga it'aa ts'e Jesucristo t̄isindaàj̄in-la x̄ita j̄ña kjoa-la jé xi kisichroba mé-ne nga k̄ata'ya-la Nainá nga x̄ita kixi-né kò t̄ikoaá t̄j̄jè-ne Nainá xi kixi sík̄itsajna x̄ita xi mokjeiin-la it'aa ts'e Jesús.

²⁷ ¿A 'ngaa koma takoán nga kixi t̄itsajnaá nguixkon Nainá? Maj̄in, mikù 'nga koma takoán. Nga mitsà koi kjoa-la nga k̄jot̄ixoma n̄ikitasoán. Jé-né nga mokjeiin-ná it'aa ts'e Jesús nga kixi sík̄itsajna-ná Nainá.

²⁸ K'oaá tsóya-ne ngats'ìi kjoa koi nga Nainá síkixi x̄ita k'e nga mokjeiin-la it'aa ts'e Jesús; mitsà koi nga k̄jot̄ixoma ts'e Moisés sík̄itasòn.

²⁹ ¿A tà ts'ée xi x̄ita judío Nainá? ¿A mitsà t̄ikoa ts'e xi taxk̄i x̄ita? Kjoa kixi-né, t̄ikoaá ts'e-né xi taxk̄i x̄ita xi mitsà x̄ita judío.

³⁰ Nainá, tà jngòò ma xi kixi sík̄itsajna ngats'ìi x̄ita k'e nga mokjeiin-la it'aa ts'e Jesús. Ngásòn síko j̄ña x̄ita judío xi t̄jít'aa chiba-la kò xi taxk̄i x̄ita xi mikù t̄jít'aa chiba-la.

³¹ Jé kjoa nga mokjeiin-ná it'aa ts'e Jesucristo, ¿a t̄ichahingui-né kjoa ts'e K̄jot̄ixoma? Maj̄in, mitsà t̄ichahingui; t̄a saá t̄imajngòò-ne koni jé xá xi t̄jín-la.

4

Abraham, mé-ne kixi tsibijna-ne nga nguixkon Nainá

¹ ¿Kó kixoán? ¿Mé kjoa kixi xi kisakò-la na'èn-jchá-k̄j̄in-ná Abraham nga kixi tsibijna nguixkon Nainá?

² Na'èn-jchá-ná Abraham, tsà koi-la kjoa-la nga ndaà xá xi kis'ìin nga kixi tsibijna nguixkon Nainá, ok'in-la nga jeya sík̄ijna yijo-la, tanga maj̄in nga nguixkon Nainá.

³ Nga k'oaá s'ín tichja Xojon jchínga-la Nainá nga tsò: "Abraham, jé-né nga kòk̄jeiin-la it'aa ts'e Nainá; k'oaá ma-ne nga kiskoéjt̄o Nainá nga x̄ita kixi k̄itsò-la."

⁴ Jngòò x̄ita xi síx, jé t̄on xi t̄joe-la, mitsà tà k̄jot̄jò t̄joe-la; jé chji-la nga síx.

⁵ Tanga jé x̄ita xi mitsà xá-la ma'ñót'aa takòn, tanga mokjeiin-la it'aa ts'e Nainá xi kixi sík̄itsajna x̄ita xi jé t̄jín-la, x̄ita jé, Nainá k'oaá s'ín skoéjt̄o nga x̄ita kixi tsò-la.

⁶ Jè x̄itaxá ítjòn xi ki'mì David k'oáá t̄is'ín kiichj̄a nga tsja s'e-lá x̄itá xi Nainá kjoétjò nga x̄itá kix̄i tsò-lá; Nainá mì t̄i kindá s'ín-ne n̄itá mé xi s'ín.

⁷ David kitsò:

Mé tà ndaà-lá j̄nà x̄itá xi jye kich̄aat'aà-lá kjoá ch'o-lá

kò xi jye t̄jtsa'ma jé-lá.

⁸ Mé tà ndaà-lá j̄nà x̄itá xi mì t̄i kindá s'ín-ne Nainá kjoá ts'e jé-lá.

⁹ Jè kjondaà jè, ¿a tà ts'eé x̄itá judío xi t̄jít'aà ch̄iba-la? ¿A xi t̄ikoáá ts'e-né xi tax̄ki x̄itá xi mìkiì t̄jít'aà ch̄iba-la? Jye okixan nga jè x̄itá jchínga Abraham, k'e nga kòkjeiín-lá it'aà ts'e Nainá, kiskoétjò-né nga x̄itá kix̄i kitsò-lá.

¹⁰ ¿Kós'ín komà nga kiskoétjò Nainá Abraham nga x̄itá kix̄i kitsò-la? ¿A k'e-né nga jye t̄jít'aà ch̄iba-la? ¿A xi k'e-né nga t̄ikj'eé t̄jít'aà ch̄iba-la? Majin, k'e-né nga t̄ikj'eé t̄jít'aà ch̄iba-la.

¹¹ Abraham, k'e nga jye kiskoétjò Nainá nga x̄itá kix̄i kitsò-la, iskaán kisit'aà ch̄iba-lá koni jngoò ch̄iba xi okó nga jye x̄itá kix̄i nga kòkjeiín-lá it'aà ts'e Nainá k'e nga t̄ikj'eé t̄jít'aà ch̄iba-lá. K'oáá komà-ne nga x̄itá jchínga kitsò-lá Abraham ngats'ii x̄itá xi mokjeiín-lá it'aà ts'e Nainá nas'ín mìkiì t̄jít'aà ch̄iba-lá.

¹² Abraham, t̄ikoáá x̄itá jchínga-lá-né j̄nà x̄itá judío xi t̄jít'aà ch̄iba-la, tanga mìtsà tà koií kjoa-lá nga t̄jít'aà ch̄iba-la, t̄ikoáá koi-né nga ya t̄jimat̄jngui-lá nga mokjeiín-lá it'aà ts'e Nainá, koni s'ín kòkjeiín-lá Abraham k'e nga t̄ikj'eé t̄jít'aà ch̄iba-lá.

¹³ Nainá, k'oáá s'ín kitsjaà-lá tso'ba Abraham kò ngats'ii x̄itá tje-lá, nga jè kongatsja isò'nde; mìtsà koi kjoa-lá nga K̄jotixoma kisikitasòn, jè-né nga kòkjeiín-lá koni s'ín kiichj̄a Nainá, k'oáá ma-ne nga x̄itá kix̄i kitsò-lá.

¹⁴ Tsà tà j̄nà tjoé-lá kjondaà x̄itá xi sikitasòn K̄jotixoma, tsà k'oáá s'ín t̄jín kjoa, n̄imé-lá ch̄j̄i-lá nga mokjeiín-ná it'aà ts'e Nainá; t̄ikoáá mì-lá kiì k̄itasòn koni s'ín kitsjaà tso'ba Nainá.

¹⁵ K'e nga t̄jín K̄jotixoma, k̄jò'ín sinè-ná; tanga tsà ts̄jìn k̄jotixoma, n̄imé t̄jín xi kotonè-lá k̄jotixoma.

¹⁶ J̄nà x̄itá, nga mokjeiín-lá it'aà ts'e Nainá tjoé-lá kjondaà koni s'ín kitsjaà-lá tso'ba Nainá jè Abram. Nainá tsjá k̄jotjò kjondaà koi mé-ne nga jch̄a-ná nga kix̄i kjoá nga k̄itasòn it'aà ts'e ngats'ii tje-lá Abraham. Mìtsà tà j̄nà tjoé-lá x̄itá judío xi tje-lá Abraham nga t̄jín-lá k̄jotixoma; t̄ikoáá tjoé-lá j̄nà x̄itá xi mìtsà x̄itá judío xi t̄ikoáá tje-lá Abraham ma koií kjoa-lá nga mokjeiín-lá koni s'ín kòkjeiín-lá Abraham. K'oáá ma-ne nga jè Abraham, x̄itá jchínga-ná ma ngats'iaá

¹⁷ nga nguixkòn Nainá. Koni s'ín tichj̄a Xojon-lá Nainá nga tsò: "K̄jìn nax̄andá x̄itá xi jye kisingsatsja-lè xi x̄itá jchínga tsò-lè." Abraham, kòkjeiín-lá it'aà ts'e Nainá xi ma-lá s̄ikjaáya-lá x̄itá xi jye k'en xi t̄ikoá tsjá 'én-lá koni tsà jye tsitasòn kjoá xi k'j'eé bitasòn.

¹⁸ X̄itá jchínga Abraham kòkjeiín-lá koni kitsò-lá Nainá; kiskoña kjoá-né nas'ín mìkiì t̄jijn-lá kós'ín koma nga k̄itasòn. K'oáá s'ín komà nga k̄jìn nax̄andá xi x̄itá jchínga tsò-lá, koni s'ín kitsjaà-lá tso'ba Nainá nga kitsò-lá: "K'oáá s'ín k̄jìn jchán koma tje-lè."

¹⁹ Abraham, mìkiì k̄jòhindaà koni s'ín kòkjeiín-lá it'aà ts'e Nainá, nas'ín kòs'ín beè-lá ikon nga mì t̄i mé ch̄j̄i-lá yijo-lá nga jye 'ñó x̄itá jchínga; jyeé k̄jomeé jngoò sindò nó t̄jín-lá; Sara xi ch̄jòón-lá, t̄ikoáá ch̄jòón 'ndj-né; mì t̄i kiì koma s'e-lá ixti.

²⁰ Abraham, mìtsà jò tsi'beè-lá ikon koni s'ín mokjeiín-lá 'én xi kitsjaà-lá Nainá. Tà isáá 'ñó tsi'beè-lá ikon nga ndaà kòkjeiín-lá. 'Nó jeya kisik̄jina Nainá.

²¹ Abraham, ngui ndaà t̄jngòò ikon nga Nainá t̄jín-lá nga'ñó nga komaá-lá s̄ik̄itasòn yije kòhot̄jín kjoá koni s'ín kitsjaà-lá tso'ba.

²² K'oáá ma-ne Nainá, k'e nga k̄ijtseè nga ndaà mokjeiín-lá Abraham, kiskoétjò nga x̄itá kix̄i kitsò-lá.

²³ Mìtsà tà it'aà ts'e Abraham kitjei xojon jè nga Nainá kiskoétjò nga x̄itá kix̄i tsò-lá.

²⁴ T̄ikoáá it'aà tsj̄án kitjei nga Nainá skoétjò-ná nga ngàsòn x̄itá kix̄i k̄itso-ná koi kjoa-lá nga mokjeiín-ná it'aà ts'e Nainá, jè xi kisik̄jaáya-lá Na'èn-ná Jesucristo it'aà ts'e kjoabiyaá.

²⁵ K̄jòngatsja x̄itá nga kisik'en Jesús jè ngat̄ji-lá jé-ná; t̄ikoáá jaáya-lá mé-ne nga kix̄i k̄jitsajnaá nguixkòn Nainá.

5

Mé kjondaà xi sakó-ná nga jye x̄itá kix̄i tsò-ná Nainá

¹ K'e nga jye x̄itá kix̄i 'mì-ná nga mokjeiín-ná it'aà ts'e Nainá, jyeé 'nchán titsajnaakoáá Nainá it'aà ts'e Na'èn-ná Jesucristo.

² Jè Cristo tsjá-ná nga s'e-ná kjondaà jè, nga mokjeiín-ná it'aà ts'e. Jè kjondaà jè, 'ñó ndaà t̄jijn in̄jma-ná; matsjaà-lá in̄jma-ná nga ch̄iñà kjoáá nga t̄ikoá s'e-ná kjoajeya-lá Nainá.

³ Mìtsà tà koi kjoá nga matsja-ná, t̄ikoáá matsja-ná k'e nga mé k̄jò'in xi otojñaá. K'e nga k̄jò'in otojñaá, yaá sakó-ná nga'ñó nga tseejta s'eén in̄jma-ná.

⁴ K'e nga tseejta s'een inijma-ná, yaá sakó-ná nga ndaa kítjoaá; tsà nga ndaa kítjoaá, tikoáá yaá sakó-ná nga skóna kjoa inijma-ná kjondaá xi tsjá Nainá.

⁵ Jè kjoa xi chíñá-lá nga t'jngooó takoán, mikii masobà-ná nga mikii kítasón; jè Nainá jyeé ndaa kisikijnajün inijma-ná kjotjòcha-lá it'aa ts'e Inijma Tsjeé-lá Nainá xi kítsjaá-ná.

⁶ K'e nga kichóya nachrjein, Cristo, k'en ngajo-ná jñá xi xíta jé 'mì-ná, koií kjoa-lá nga tsjin-ná nga ñó nga ma bitokajñaá jé-ná.

⁷ Mì-lá yá xíta tjin xi kiyátjì ngajo-lá jngooó xíta kixi, tanga tsà koi nachrjein-lá tsà tjin jngooó xi kó ñó ikon nga kiyátjì ngajo-lá jngooó xi 'ñó ndaa xíta.

⁸ Tanga jè Nainá okó-ná nga 'ñó tsjakeé-ná nga jè Cristo k'en ngajo-ná, k'e nga tákó xíta jé 'mì-ná.

⁹ I'ndej nga jye xíta kixi tsò-ná Nainá nga jè Cristo tsibixteèn jni-lá k'e nga k'en ngajo-ná, isaá 'ñó tikixi kjoa nga it'aa ts'e Cristo kítjokajñaá kjo'in jè nachrjein k'e nga sükasén kjoiti-lá Nainá.

¹⁰ K'e nga kondra titsajna-lá Nainá, jè Ki'ndí-lá kisikijne 'nchán kjoa k'e nga k'en. I'ndej, k'e nga jye ndaa chibà-ná, isaá 'ñó tjikixi kjoa nga kítjokajñaá kjo'in it'aa ts'e Cristo nga jè tjinakon-né.

¹¹ Mítsà tà jñá kjoa koi, tikoáá 'ñó matsja-ná it'aa ts'e Nainá koni s'in kisikó-ná it'aa ts'e Na'en-ná Jesucristo nga it'aa ts'e Cristo 'nchán titsajnaakoá Nainá nga jye kichibàndaá-aná.

¹² K'e nga jahas'en jè jsò'nde, jngooó xíta xi ki'mi Adán tsohótsji jé, ikjoàn k'en; k'oaá s'in komà nga kjòts'ia nga biyaa yije kóhotjín xíta, koií kjoa-lá nga jé ótsji yije kóhotjín.

¹³ K'e nga tjik'ée tjoé-lá Kjotixoma Moisés, xíta xi tjin jsò'nde jyeé tjin yije-lá jé. Tanga mikii ma kindá jé-lá k'e nga tsjin kjotixoma.

¹⁴ Tjen-ne nachrjein ts'e Adán skanda ts'e Moisés, tjiné-lá nga kiyá yije xíta kóhotjín nas'in mi k'oaá tjin jé xi tsohótsji koni kis'iin Adán nga kisikatoné-lá okixi xi kítsjaá-lá Nainá. Adán, jè ngaya-lá [Cristo] xi iskan j'ii.

¹⁵ Tanga jé xi tsohótsji Adán, mikii mangásón koni jè kjondaá xi Nainá tsjá; nga tà jè ngatjì-lá jé xi tsohótsji xi tà jngooó xíta, k'oaá ma-ne nga kjin xíta biyaa; tanga isaá 'ñó tse kjondaá tjin-lá Nainá nga kjin xíta machikon-t'in kjotjò xi tsjá Nainá it'aa ts'e xi tà jngooó xíta xi 'mì Jesucristo.

¹⁶ Jé xi tsohótsji xi tà jngooó xíta, mikii mangásón koni jè kjondaá xi Nainá tsjá. K'e nga kisakó jé itjòn, Nainá kítsjaá okixi nga tsibiné-lá kjo'in ngats'ii xíta. Tanga k'e nga jye kjin jé tsohótsji xíta, j'ii kjondaá-lá Nainá nga kixi kítsajna xíta nguixkon Nainá.

¹⁷ Jè ngatjì-lá jé-lá xi tà jngooó xíta, tjiné-lá nga kiyá xíta. Tanga i'ndej, isaá 'ñó tjikixi kjoa nga it'aa ts'e xi tà jngooó xíta xi 'mì Jesucristo, tj'nde-lá nga jeya kítsajnakon jñá xíta xi 'ñó tse kjondaá-lá Nainá kjoé, kó xi 'ñó tse kjotjò tjoé-lá nga kixi kítsajna nguixkon Nainá.

¹⁸ Jè kjoa-lá jé xi tsohótsji xi tà jngooó xíta kisiné-lá kjo'in ngats'ii xíta, tanga jè kjoa kixi xi kis'iin Jesucristo tikoáá kixi kisikítsajna ngats'ii xíta nga kítsajnakon nguixkon Nainá.

¹⁹ Jè kjoa-lá nga mikii kii'nchréñijon-lá Nainá xi tà jngooó xíta xi 'mì Adán, k'oaá ma-ne nga kjin xíta kisakó jé-lá. Tanga jè kjoa-lá nga kii'nchréñijon-lá Nainá xi tà jngooó xíta xi 'mì Jesucristo, kjin xíta xi kixi kítsajna nga nguixkon Nainá.

²⁰ J'ii Kjotixoma-lá Moisés mé-ne nga ndaa ki'ya-lá nga isa 'ñó isa 'ñó tís'e jé; tanga k'e nga isa tse jé tísakó, isaá 'ñó tse kjondaá-lá Nainá j'ii.

²¹ Nga sa itjòn, jè kjoa ts'e jé tsatixoma-lá xíta, mé-ne nga kisakó-lá kjoabiyaá xíta; tanga i'ndej, k'oaá tís'in kátatixoma kjondaá-lá Nainá k'e nga kixi síkítsajna xíta nga nguixkon Nainá mé-ne nga s'e-lá kjoabinachon nita mé nachrjein-ne xi it'aa ts'e Na'en-ná Jesucristo.

6

Mé-ne nga jè kjoa ts'e jé, mi tì mé nga ñó tjin-lá nga jè kotixoma-ná

¹ ¿Kó kixoán? ¿A ndaa tjin nga kinchátsji-jé-isa mé-ne nga isa tse kjondaá tsjá-ne Nainá?

² Majin, mi kii tì k'oa s'en-ná. Jyeé titsajnat'aaxin-lá kjoa ts'e jé koni tsà jye k'een xi it'aa ts'e; mi tì kii koma ya kítsajnajün-isaá kjoa ts'e jé.

³ ¿A mítsà jye tjiin-nò k'e nga komà bautizar it'aa ts'e Cristo ngats'iaá nga tikoá ya titsakjooakoá k'e nga k'en?

⁴ K'e nga ma bautizar xíta, k'oaá s'in ngaya-lá koni tsà ya sihiijün-t'aa-lá Cristo k'e nga k'en. Koni s'in jaáya-lá Cristo it'aa ts'e nga ñó-lá Nainá xi 'ñó jeya tjna, k'oaá tís'in mochjeén nga kos'in sijchá yijo-ná nga kijnakon xitse l'jngooó k'aa.

⁵ Koni s'in titsakjooakoá Cristo k'e nga k'en, jñá k'oaá tís'in kjoaáya-ná koni s'in jaáya-lá jé.

⁶ Tjiin-ná nga jè kjoa jchínga-ná koni s'in ki'né nga isa kjòtsee, yaá kisit'aa krò-lá Cristo mé-ne nga kátachija-ne nga ñó-lá yijo jé-ná nga mi tì jé kjotixoma-isa-ná.

⁷ Jngooó xíta xi jye k'en, jyeé tjinandéj kjoa ts'e jé.

⁸ Nga ya k'en-koáá Cristo, mokjeiin-ná nga tikoá ya kítsajnaakoá.

⁹ 'Ya-ná k'e nga jaáya-lá Cristo k'e nga k'en, nì tì jngòò nàchrjein kiyá ìjngòò k'a-ne. Mì tì mé nga'ño tjin-lá kjoabiyaà nga jè kòtixoma-lá.

¹⁰ K'e nga k'en Cristo, jngòò k'a k'en xi kjoa ts'e jé-ná; ì'ndeì nga ìjngòò k'a tijnakon-né koiif kjoa tijnakon-ne nga jeya síkjina Nainá.

¹¹ J'ño, k'oaá tís'in tìkìtsjeèn koni tsà jye k'eèn xi kjoa ts'e jé; tìtsajnakon-nò xi kjoa ts'e Nainá nga ya tìtsajnakòo Na'èn-ná Jesucristo.

¹² Koiif kjoa-lá, mì tì kù bìi'nde-lá yijo jé-nò nga jè kjoa ts'e jé kòtixoma-nò k'e nga kjo'ño s'in-nò nga nìkitasòn-lá kjoa xi ch'o tjin xi síjé yijo-nò.

¹³ Kì ya ñingatsja yijo-nò kjoa ts'e jé nga jé jé síkjeèn nga ch'o 'nè, tà saá jé Nainá tìngatsja yijo-nò koni jngòò xita xi jye jaáya-lá it'aà ts'e kjobiyaà. Nainá tìngatsja yijo-nò nga kàtasíkjeèn kjoa xi kixi tjin.

¹⁴ Kjoa ts'e jé, mì tì mé nga'ño tjin-lá nga jè kòtixoma-nò nga mìtsà kjoa ts'e kjoatixoma-lá Moisés tìtsajnajñoò; kjonndaà-lá Nainá tìtsajnajñoò.

¹⁵ ¿Kó bixoán? ¿A ndaa tjin nga kìnchátstjì jé isáa nga kjonndaà-lá Nainá tìtsajnajñaá nga mìtsà kjoa ts'e kjoatixoma tìtsajnajñaá? Majin, mìkii ndaa tjin.

¹⁶ Ndaa tjin-nò tsà ya sìngatsja yijo-nò ts'e xita xi bítje ch'i'nda nga jè nìkitasòn-lá, ch'i'nda-lá komaà ts'e xita jè. Kjo'ño tjin-ne nga jè síkitasòn-lá. K'oaá s'in tjin, tsà ch'i'nda-lá jé komaà nga jè síkitasòn-lá, kiyá-nò; tanga tsà ch'i'nda-lá Nainá komaà nga jè síkitasòn-lá, kixi kìtsajnaà nguixkon jè.

¹⁷ J'ño, nga isá kjòtseé, k'oaá s'in kinikitasòn-lá kjoa ts'e jé koni tsà jngòò ch'i'nda, tanga ì'ndeì, ndaa ch'i-lá Nainá nga kò inìma-nò ndaa nìkitasòn koni s'in ngui ndaa tjin 'én kixi xi k'is'engjímí-nò.

¹⁸ Ì'ndeì jyeé tìtsajnandèi-lá kjoa ts'e jé; ch'i'nda ts'e kjoakixi-nò; tjinè-nò nga síkitasòn koni s'in síjé kjoakixi.

¹⁹ Koi 'én tìchjàkò-nò xi mìtsà 'in chja koiif kjoa-lá nga indaa tjin takòn; mìkii ndaa machiya-nò kjoa ts'e Nainá. Koni s'in k'è nè nga isá kjòtseé nga ya kìnìngatsja yijo-nò it'aà ts'e ngats'i kjoach'o xi tjin nga jè tsatixoma-nò koni xita ch'i'nda; ì'ndeì k'oaá tís'in tìngatsja yijo-nò it'aà ts'e kjoa kixi mé-ne jè kjoa kixi kàtatixoma-nò koni ch'i'nda xi tsjéé tìtsajna nga nguixkon Nainá.

²⁰ K'e nga kjoa ts'e ch'i'nda-lá jè tìtsajnajñoò, mìkii tìtsanìkitasòn-lá kjoakixi-lá Nainá.

²¹ Tanga, ¿mé xi kisakò-nò kjoa ts'e jé? Ì'ndeì tà masobà-nò kjoa koi; tà yaá fikò-ná ñánda tjin kjoabiyaà.

²² Ì'ndeì nga jye tìtsajnandèi-lá xi kjoa ts'e jé, ch'i'nda-lá Nainá ma; kjonndaà xi sakó-nò jè-né nga tsjéé tìtsajnaà nga nguixkon Nainá. Xi fehèt'aà-ne, s'e-nò kjoabinachon nita mé nàchrjein-ne.

²³ Chji xi tjin-lá kjoa ts'e jé, kjoabiyaà-né. Tanga kjòtjò xi tsjá Nainá, kjoabinachon-né nita mé nàchrjein-ne nga ya tìtsajnaoáá Cristo Jesús xi Na'èn-ná ma.

7

Kó s'in ma fehèt'aà nga'ño-lá jè kjoatixoma

¹ J'ño, xi 'ndseé chibà, tìchjàkò-nò xi jyeé tjin-nò kós'in tìchja kjoatixoma; 'ya-nò nga tjin-lá nga'ño jè kjoatixoma kós'in otixoma-lá xita k'e nga tìtsajnakon-isa skanda k'e nga kiyá.

² K'oaá ngaya-lá jngòò chjoón xi tjin-lá x'in, k'oaá tsò kjoatixoma nga mìkii koma tsjin xíkjin k'e nga tákò tìtsajnakon ingajò. Tanga tsà jè x'in kiyá, jè chjoón, jye tjinandèi it'aà ts'e kjoatixoma xi ts'e kjoabixan.

³ Jè chjoón, k'e nga tsà tákò tijnakon x'in-lá, tsà k'ejé x'in kixan-kò, kjoa chijnguí tís'in; tanga tsà jye k'en x'in-lá, jè chjoón, jyeé tjinandèi xi kjoa ts'e kjoatixoma jé; komaá kixan-kò ìjngòò k'a-ne xi k'ejé x'in. Mì tì kjoa chijnguí tís'in-ne.

⁴ J'ño ndí 'ndsè, k'e nga k'en-kjòòkòò Cristo, yaá k'en it'aà ts'e nga'ño-lá kjoatixoma, mé-ne nga ya kìnókjoa-nò it'aà ts'e Cristo xi jye jaáya-lá ts'e kjoabiyaà nga k'oaas'in kàta'ya-lá it'aà tsajan jè kjonndaà xi sasén-lá Nainá.

⁵ K'e nga tjsa ya tjaajñaá kjoa xi tjin isò'nde, jè kjoatixoma tsibít'in-ná mé-ne nga jña kjoa ch'o xi síjé yijo-ná, isa'ño ch'o kisixájin yijo-ná; k'oaá komà-ne nga kisakò-ná kjoabiyaà.

⁶ Tanga ì'ndeì jyeé tìtsajnandèi-lá kjoa ts'e kjoatixoma. Jyeé k'eèn it'aà ts'e kjoa xi bít'aà'ño-ná, mé-ne nga koma sixá-lá Nainá xi kjoa xitse koni s'in okóya-ná Inìma Tsjeé-lá Nainá. Mìtsà k'oaas'in sixá-lá koni s'in tjin kjoa jchínga xi tjit'aà xojon.

⁷ ¿Kó kixoán xi kjoa ts'e kjoatixoma? ¿A ch'o tjin? ¿A kjoa ts'e jé-né? Majin, ndaa tjin. Tanga 'an, tsà mìkii kìtseèkòan kjoa ts'e kjoatixoma, tìkoáá mì-lá kii kìtseé kjoa ts'e jé. Mì-lá kii kisijin-na nga mìkii ndaa tjin nga 'an fahajin-na tsojmi xi mìtsà ts'an, tsà jè kjoatixoma mì k'oaá s'in béngjímí nga tsò: "Kì jì nìkjaajin tsojmi xi mìtsà tsjii."

⁸ Kjoa ts'e jé, yaá kisakò-là nga'ño it'aà ts'e kjo'tixoma; k'oaá komà-ne nga isa'ño jahajjìn-na tsojimi xi mitsà ts'an. Tanga tsà tsjìn kjo'tixoma, tsjìn-là nga'ño kjoa ts'e jé.

⁹ K'e nga sa kjotseé, k'j'ée kii bexkoan kjo'tixoma. Tanga k'e nga kijtseéxkoan kjo'tixoma, kjoa ts'e jé, isaá ndaa' kis'e-là nga'ño; kjoabiyaá kisakò-na.

¹⁰ Kjoa ts'e kjo'tixoma, tjìnè-là nga kjoabinachon tsj'à-na, tanga tà saá kjoa biyaá kitsjaà-na.

¹¹ Kjoa ts'e jé, yaá kisakò-là nga'ño it'aà ts'e kjo'tixoma nga kiskoónachan-na, k'oa kisik'en-na.

¹² K'oaá s'in tjìn nga jé Kjo'tixoma, tsjeè-né; koni s'in otixoma jña 'én xi tjít'aà, tsjeè-né, kixi-né, koa ndaa-né.

¹³ ¿Kó bixón? ¿A jé kjoa ts'e kjo'tixoma xi ndaa' tjìn xi kisik'en-na? Majìn, mitsà koi kjoa-là. Kjoa ts'e jé-né. K'oaá s'in ki'ya-là nga kixi kjoa nga jé-né. It'aà ts'e kjo'tixoma xi ndaa' tjìn, jé kjoa ts'e jé kisakò-là nga'ño nga kisik'en-na, mé-ne nga ki'ya-là it'aà ts'e kjo'tixoma nga 'ño ch'o tjìn xi kjoa ts'e jé.

Kó tsò xita xi otixoma-là kjoa ts'e jé

¹⁴ Kjoa ts'e kjo'tixoma, 'ya-ná nga kjohitsjeèn ts'e Injima Tsjeè-là Nainá; tanga 'an, yijo jé tsohoya; yijo-na yaá kjongatsja kjoa ts'e jé nga jé otixoma-na.

¹⁵ Mikii fiya-na mé kjoa xi s'iaàn. Kjoa xi ndaa' tjìn xi mejèn-na nga s'iaàn mikii koa s'iaàn. Tà saá jña kjoa xi mikii sasén-na sikitasoàn.

¹⁶ K'e nga k'oa s'iaàn jña kjoa xi mikii mejèn-na, k'oaá xan nga tjikixi kjoa nga ndaa' tjìn koni s'in tichja kjo'tixoma.

¹⁷ K'e nga k'oa s'iaàn nga otsjia jé, mitsà 'an xi k'oa s'iaàn, jé kjoa ts'e jé xi tjijìn-na bít'in-na.

¹⁸ An xi xita isò'nde 'mì-na, be-ná nga mikii ndaa' tjìn kjoa xi tjijìn yijo-na. Mejèn-na nga ndaa' s'iaàn, tanga mikii sakò-na kó s'in s'iaàn kjoa xi ndaa' tjìn.

¹⁹ K'e nga mejèn-na ndaa' s'iaàn, mikii sikitasoàn; tà saá koi sikitasoàn kjoa xi ch'o tjìn xi majìn-na nga koa s'iaàn.

²⁰ K'e nga k'oas'in sikitasoàn kjoa xi ch'o tjìn xi majìn-na nga koa s'iaàn, mitsà 'an xi k'oa s'iaàn, jé kjoa ts'e jé xi tjijnajìn-na xi k'oas'in.

²¹ Jngoò kjoa matsji-na nas'in mejèn-na nga ndaa' s'iaàn, tà saá tà koi sakò-na kjoa xi ch'o tjìn.

²² Xi jjiin injima-na matsja-na it'aà ts'e Kjo'tixoma-là Nainá.

²³ Tanga tjìn jngoò kjoa xi tísxájjìn yijo-na xi mikii tsj'à'nde-na nga ndaa' s'iaàn; jé kjoa ts'e jé kjaàn-kjoò kjohitsjeèn-na xi mejèn-là nga ndaa' s'iaàn. Kjoa ts'e jé xi tísxájjìn yijo-na síkijne-na nga ch'o s'iaàn.

²⁴ Ima xó-na 'an; zya xi sjikjñnandejì-na it'aà ts'e yijo jé-na xi kjoabiyaá tjìn-là?

²⁵ Ndaa' chjì-là Nainá nga it'aà ts'e Na'èn-ná Jesucristo síkijnandejì-ná kjoa ts'e jé.

Nga jña 'én xi kotixan-nò nga 'an, ya jjiin kjohitsjeèn-na mejèn-na sikitasoàn kjo'tixoma-là Nainá, tanga ya jjiin yijo jé-na, tà saá kjoa ts'e jé sikitasoàn.

8

Mé kjondaà xi sakò-ná k'e nga k'oas'in títsanjichá yijo-ná koni s'in mejèn-là Injima Tsjeè-là Nainá

¹ Tanga j'ndeí, jña xita xi ya títsajnakjooòkò Cristo, mì tì mé kjo'in sinè-là, jña xita xi mì k'oaá s'in nchisjichá yijo-là koni tjìn jé xi sjé yijo-là; tà saá k'oaá s'in nchisjichá yijo-là koni s'in mejèn-là Injima Tsjeè-là Nainá.

² Jé nga'ño-là Injima Tsjeè-là Nainá xi síkítsajnakon-ná nga ya títsajnakjooòkò Cristo; kò tjìjè-ne nga'ño xi kisikítsajnandejì-ná it'aà ts'e nga'ño-là kjoa ts'e jé kò it'aà ts'e kjoabiyaá.

³ Kjo'tixoma ts'e Moisés mikii kichikjoa-là nga síkítsajnandejì-ná it'aà ts'e jé, nga tsjìn-là nga'ño, koi kjoa-là nga jé yijo-ná sjé jé xi tjìn isò'nde. Tanga Nainá kichikjoaá-là nga kisikasén Ki'ndí-là koni jngoò xi xita isò'nde xi yijo kis'e-là koni jña xi xita jé 'mì-ná. Ki'ndí-là kitsjaá kjotjò yijo-là nga k'en xi kjoa ts'e jé-ná. Nainá k'oaá s'in kis'iin nga jngoò k'a kisikjehet'aà kjoa ts'e jé xi tjìn-là yijo-ná.

⁴ Nainá k'oaá s'in kis'iin mé-ne nga it'aà tsaján kàtitasòn-ne jé kjoa kixi xi ts'e kjo'tixoma, jña xi mì k'oaá s'in títsanjichá yijo-ná koni tjìn jé xi sjé yijo-ná, nga k'oas'in títsanjichá yijo-ná koni s'in mejèn-là Injima Tsjeè-là Nainá.

⁵ Jña xita xi k'oa s'in koni tjìn xi sjé yijo-là, k'oaá tjìn kjoa xi nchisikitsjeèn; tanga jña xi k'oa s'in koni s'in tjìn xi sjé Injima Tsjeè-là Nainá, k'oaá tjìn kjoa xi nchisikitsjeèn.

⁶ Jña xita xi k'oas'in nchisikitsjeèn koni tjìn xi mejèn-là yijo-là, kjoabiyaá tjìn-là. Tanga jña xita xi k'oas'in nchisikitsjeèn koni s'in mejèn-là Injima Tsjeè-là Nainá, tjìn-là kjoabinachon kò kjoa'nchán.

⁷ Xita xi tà koi kjoa nchisikitsjeèn koni tjìn kjoa ch'o xi sjé yijo-là, kondra ts'e Nainá-né koi kjoa-là nga mikii sikitasòn kò mikii chikjoa-là nga síkitasòn kjo'tixoma-là Nainá.

⁸ Jñà x̄t̄a xi k'o'as'ín s'ín koni t̄jín xi s̄jé yijo-là, mìkìl ma-là s'ín koni s'ín sasén-là Nainá.

⁹ Tanga jñò, mì t̄i k'o'áá 'nè-nò koni t̄jín xi s̄jé yijo-nò; k'o'áá s'ín t̄itsa'nè koni t̄jín xi s̄jé Injima Tsjeè-là Nainá, nga jè t̄jñajìl inìma tsajòn Injima Tsjeè-là Nainá. Jñà x̄t̄a xi tsjìn-là Injima Tsjeè-là Nainá xi k̄itsjaà Cristo, mìtsà x̄t̄a ts'e Cristo.

¹⁰ Tanga tsà yáá t̄jñajìl inìma tsajòn Cristo, inìma tsajòn t̄jñakon-né nga x̄t̄a kix̄i 'mì-nò nga nguixkon Nainá, nas'ín k'o'as'ín t̄jínè-là nga kiyá yijo-nò xi kjoa ts'e jé.

¹¹ Jè Nainá xi kisikjaaya-là Jesucristo it'aa ts'e kjoabiyaá, tsà yá t̄jñajìl inìma-nò jè Injima Tsjeè-là, k'o'áá t̄is'ín s̄jìk̄itsajnakon l̄jngòò k'a yijo-nò xi kjoa ts'e kjoabiyaá it'aa ts'e nga'ñò-là Injima Tsjeè-là Nainá xi t̄jñajìl inìma tsajòn.

¹² K'o'áá ma-ne, jñà xi 'ndseé chibá, t̄jina jngòò xi t̄jínè-ná nga s̄jìk̄itasòn-là, tanga mìtsà jè yijo-ná s̄jìk̄itasòn-là; mì t̄i k̄il k'o'as'ín s'én-ná koni t̄jín kjoa ch'o xi s̄jé yijo-ná.

¹³ Tsà tákò k'o'áá s'ín s'een nga yá onguít'aa-là kjoa xi ch'o mejèn-là yijo-nò, kiyá-nò. Tanga tsà koi'nde-là Injima Tsjeè-là Nainá nga jngòò k'a s̄jìk̄ijne-là kjoa xi ch'o mejèn-là yijo-nò, k̄itsajnakon-nò.

¹⁴ Jñà x̄t̄a xi jè Injima Tsjeè-là Nainá okò-là ndiyá, jñà-né xi ixti-là Nainá 'mì.

¹⁵ Jè Injima Tsjeè xi k̄itsjaà-nò Nainá mìtsà t̄axk̄i inìma jma xi kjo'ño s'ín-nò koni jngòò ch̄i'nda xi ts'e jé nga ma-là bíxkón-nò; t̄a saá jè Injima xi k̄itsjaà-ná Nainá skoétjò-ná nga ixti-là komaá, t̄jè-ne Injima Tsjeè-là Nainá benojm̄iya-ná nga ma nokjoà-là Nainá nga Ndi Apa 'mì-lá.

¹⁶ Jè Injima Tsjeè-là Nainá tsjá kixi-là 'én inìma tsaján nga ixti-là Nainá 'mì-ná.

¹⁷ K'e nga jye ixti-là maá, t̄iko'áá tsaján-ná k̄jotjò-là Nainá xi jye k'o'as'ín k̄itsjaà tso'ba nga tsjá-ná; tañaá t̄jòekjoo-ná k̄o Cristo nga t̄iko'á k̄o jè t̄itsan̄k̄ijaán k̄jò'in mé-ne nga jeya k̄itsajnakò-ná Cristo.

¹⁸ 'An, k'o'áá xan nga kixi kjoa, koni t̄jín k̄jò'in xi t̄itsan̄k̄ijaán j̄'nde j̄ mìk̄il mangásòn koni t̄jín kjoajeya-là Nainá xi s'e-ná k'e nga koma iskan.

¹⁹ Jñà tsojmi xi Nainá tsibindaá, 'ñó nchikoña kjoa nga mejèn-là skoé nachrjein k'e nga Nainá jngòò k'a ndaa kòkò kò kjoàn xi ixti-là ma.

²⁰ Jñà tsojmi xi tsibindaá Nainá, jngòò k'a its'oòn-jìl koni s'ín t̄jínè-là nga kochjeén nga sa it̄jòn; mìtsà k̄jotsja ts'e isò'nde nga k'o'as'ín komàt'in; koi-né nga jè Nainá k'o'áá s'ín kiskoòsòn-là; tanga j̄'nde j̄ jñà xi tsibindaá Nainá nchikoña-là.

²¹ nga k̄joi' nachrjein k'e nga t̄iko'á k̄itsajnande j̄ xi tsibindaá Nainá nga mì t̄i k̄il k̄its'ón-jìl-ne; Nainá jeya s̄jìk̄itsajnande j̄ jngòò k'a-ne koni s'ín s̄jìk̄o ixti-là.

²² 'Ya-ná ngats'i xi Nainá tsibindaá, skanda j̄'nde j̄, nchitsiné-né, k̄jò'in nchis̄k̄jein koni jngòò chjòòn xi k'ndí t'beé.

²³ Mìtsà tà koi xi t̄jín isò'nde xi tsiné; t̄iko'áá jñá xi jye t̄jín-ná Injima Tsjeè-là Nainá koni jngòò k̄jondaá xi t̄jén k̄tjòé it̄jòn-ná, t̄iko'áá tsiné-ná nga k̄jò'in t̄itsan̄k̄ijaán nga t̄itsachiñá-là nga 'ñó mejèn-ná nga skoétjò-ná Nainá nga jngòò k'a yá k̄itsajnakoaá koni ixti-là maá; yijo-ná k̄jñande j̄-ne it'aa ts'e kjoa xi s̄ik̄its'ón-ná.

²⁴ Nga jye t̄itsajñandiáá, j̄'nde j̄ t̄itsachiñá-là nga jngòò k'a k̄àtitasòn. Tanga tsà tsejèn t̄jina xi chiñá-là mìk̄il ma chiñá-là. ¿Yá xi koña-là xi tsejèn t̄jina?

²⁵ Tanga tsà jè chiñá-là xi mìk̄il tsejèn t̄jina, t̄afi t̄afi chiñakjoa-là.

²⁶ K'o'áá t̄is'ín s'ín jè Injima Tsjeè-là Nainá k'e nga indaajìl t̄jín inìma-ná s̄ichját'aa-ná. K'e nga mìk̄il ma-ná kò s'ín s̄jjet'aa-là Nainá k'e nga bitsi'ba-là, t̄jè-ne Injima Tsjeè-là Nainá bitsi'batjì-là, n̄imé 'én xi tsejèn chja, n̄i it̄sé fiya-ná kò tsòya-ne.

²⁷ Jè Nainá xi ma-là bíxke j̄l inìma-ná, t̄jìl-là mé xi t̄ibitsjeen-là jè Injima Tsjeè-là. K'e nga bitsi'batjì x̄t̄a tsjeè-là Nainá k'o'áá s'ín s̄jjet'aa-là koni s'ín mejèn-là Nainá.

Nimé xi koma kochrjet'aaxin-ná kjoatjòcha-là Nainá xi jye t̄jín-ná it'aa ts'e Cristo Jesús

²⁸ T̄jìl-ná nga it'aa ts'e jñà x̄t̄a xi t̄jòkèè beè Nainá, ngats'i kjoa xi mat'in, Nainá k'o'áá s'ín s̄ik̄jeén xi k̄jondaá ts'e x̄t̄a. K'o'áá s'ín s̄iko jñà x̄t̄a xi xó jè k̄iichja-là koni s'ín mejèn-là,

²⁹ jñà x̄t̄a xi jye t̄jìl-là nga tsjá t̄ats'en-là kjoa nga ixti-là koma; t̄iko'áá k'o'áá s'ín kiskoòsòn-là nga ngásòn kjoàn koma koni k̄i K'ndí-là mé-ne nga jè Cristo K'ndit̄jòn koma k̄o k̄jìn koma x̄t̄a x̄ik̄jín xi 'ndse.

³⁰ Nainá nga k'o'as'ín kiskoòsòn-là it'aa ts'e x̄t̄a koi, t̄iko'áá xó k̄iichja-là, jñà xi xó k̄iichja-là t̄iko'áá kix̄i kisik̄itsajna, jñà xi kix̄i kisik̄itsajna t̄iko'áá jeya kisik̄itsajna.

³¹ ¿Mé xi kixòán it'aa ts'e kjoa koi? Nga Nainá t̄jnakò-ná, n̄jngòò x̄t̄a kondra-ná s̄ik̄ijne-ná.

³² Nainá mìk̄il 'on komà-là, nga k̄itsjaà k̄jotjò K'ndí-là it'aa tsaján ngats'iaá skanda kjoabiyaá. ¿A mìtsà t̄iko'á tsjá k̄jotjò-ná ngayije nga k̄o Cristo?

³³ ¿Yá xi koma k̄ohòngui-ná jñà xi Nainá xó jaajìl-ná? Mì yá xi koma k̄ohòngui-ná nga jè Nainá jye kix̄i kisik̄itsajna-ná.

³⁴ ¿Yá xi koií'nè-ná kjo'in? Nga jé Cristo Jesús k'en ngajo-ná, tikoá jaáya-lá kjoa ts'e kjoabiyaa. Yáá tjna it'aà kixi-lá Nainá nga tíbítsi'batji-ná.

³⁵ ¿Yá xi kochrjet'aaxin-ná kjoatjocha-lá Cristo? ¿A kjo'in-né? ¿O xi kjoaba-ne? ¿O xi jè-né nga ongatjngui-ná xita? ¿O xi kjoa ts'e kjinchrá-ne? ¿O xi koií-né nga tsjin-ná níkjé xi chíkjá? ¿O xi jè kjoa xi xkón tjin? ¿O xi jè kjoa biyaa nga xita sik'en-ná? Majin, nímé kjoa-ne.

³⁶ K'oaá s'in tichja Xojon-lá Nainá nga tsò:

Xi kjoa tsiji kjit'aà nachrjein tjin kjoaxkón nga kiyá-jen,

k'oaá s'in tiyatakón-najen koni orré xi tijnandaà nga kiyá.

³⁷ Tanga it'aà ts'e ngats'ii kjoa koi, jye tsato titsanikijne-lá xi it'aà ts'e Cristo xi kjòtsjakeè-ná.

³⁸ K'oaá s'in tjngò takoán nga njngò kjoa xi koma kochrjet'aaxin-ná xi kjoatjocha-lá Nainá, nì jè kjoa biyaa, nì kjoabinachon, nì àkjale, nì jná nga'no xi tjin isò'nde nì jná xi tjin jjiin isén, nì jná kjoa xi tjin nachrjein j'ndeí, nì jná kjoa xi koma nachrjein xi sa nchrobá,

³⁹ nì jè xi isa' nga, nì jè xi isa nanga, nita mé tsojmi xi Nainá tsibindaà, nímé xi koma kochrjet'aaxin-ná kjoatjocha-lá Nainá xi jye tjin-ná it'aà ts'e Cristo Jesús xi Na'én-ná.

9

Mé-ne mikii tjchòtjngui-lá kjoa kixi-lá Nainá jná xita Israel xi xó jaajjin-ne

¹ Okixij xi xan it'aà ts'e Cristo; mi 'én ndiso chjá; jè Injima Tsjeè-lá Nainá síkichiya-lá kjohtsjeèn-ná nga tsjá 'én it'aà ts'an,

² nga kjit'aà nachrjein ba tjin-ná koa 'on ma-lá injima-na,

³ it'aà ts'e jná xita 'ndsè xi xinguiáa ma koi-né nga 'no matsjake. 'No mejèn-na nga kátasakò-lá kjondaà. Skanda komaá-lá kósit'aaxin-lá Cristo tsá k'oas'in sakò-lá kjondaà jná xita xinguiáa xi ts'e naxandá Israel, tanga mikii tji'nde-na nga kos'in siaàn.

⁴ Nga jná xita Israel, jè Nainá kiskoétjò nga ixti-lá ma, ko yaá ki'ya-lá kjoajeya-lá Nainá, ko kitjoe-lá jná kjoa xi tsibindaajjin-ko, tikoá kitjoe-lá kjoatjochá Moisés, ko kitjoe-lá okixi kós'in skoexkón Nainá, ko kitjoe-lá 'én koni s'in kitsjaá-lá tso'ba Nainá.

⁵ Jná xita Israel yaá inchrobát'aà-ne ts'e xi 'no xita jchínga kjiin xi Nainá xó jaajjin-ne. Jè Cristo [xi xó kisikasén-ne Nainá] nga xita isò'nde komá, yaá inchrobát'aà-ne it'aà ts'e xita jchínga koi. Jè Cristo xi Nainá; jè otixoma yije-lá kjoa; jeya kátijna nita kjé-ne. K'oas'in kátama.

⁶ [Nga mitsá mokjeiin-lá ngats'ii xita Israel], mitsá koi kjoa-lá nga jè 'én-lá Nainá mikii bitasón. Koi-né nga it'aà ts'e Nainá, mitsá ngats'ii xita xi ya nchrobát'aà-ne tje-lá Israel nga ngui kixi kjoa nga ya chja-ne.

⁷ Nas'in ya tjen-lá it'aà ts'e Abraham, mitsá ngats'ii nga kitjoe-lá kjondaà nga ixti-lá ma. Nga k'oaá tsò Xojon-lá Nainá: "Jná xita tje-lè, yaá kjinchrobà-ne it'aà ts'e Isaac."

⁸ Kjoa koi, k'oaá tsòya-ne, nga jná ixti-lá Nainá, mitsá jè xi chíj-lá ya ts'e tje xi nchrobát'aà-ne. Ta jná-né xi ixti-lá Nainá ma jná xi jye k'oas'in kitsjaá tso'ba Nainá nga ixti-lá koma. Tá jná-né xi k'oas'in oxkjt'aà nga kixi kjoa nga ngui tje-lá Abraham ma.

⁹ Nga jè 'én xi Nainá kitsjaá-lá tso'ba Abraham, k'oaá tsò: "Jè nó xi sa nchrobá kjoíi jngò k'a-na; jè Sara, ki'ndí s'e jngò-lá."

¹⁰ Mitsá ta jná kjoa koi xi komá. Tjkoáá jè Rebeca kis'e-lá ixti'no xi ts'e Isaac, jè xi xita jchínga-ná ma.

¹¹ Nainá k'oaá s'in kitsjaá tso'ba k'e nga tikj'eè ts'iiin jná ixti'no nga tikj'eè kii 'ya-lá mé kjoa xi s'jin, a jè xi ndaa tjin, o jè xi mikii ndaa tjin. K'oaá s'in kjòkixi nga Nainá tji'nde-lá nga kjoajjin xita koni s'in jye tjinndaà-lá nga kichja-lá jná xita xi jè mejèn-lá. Mitsá kindá s'in mé xi jye kis'iiin xita.

¹² Nainá k'oaá kitsò-lá Rebeca: "Jè ti-lè xi jts'in ítjòn, chí'nda-lá koma jè xi iskan jts'in."

¹³ K'oaá s'in tichja Xojon-lá Nainá nga tsò: "Jè Jacob kjòtsjakeè-ná, ko jè Esau kjòtikeè-ná."

¹⁴ ¿Mé xi kixoán? Nainá, ¿a mitsá kjoa kixi xi s'in? Majin, mi k'oaá s'in tjin.

¹⁵ Nainá k'oaá kitsò-lá Moisés: "Kohimakeè-ná xi 'an tjein-ná nga kohimakeè, skoehima-ná jè xi mejèn-ná nga skoehima."

¹⁶ K'oaá s'in tjin kjoa koi, mitsá koi nga jná mejèn-ná nga s'e-ná, nì mitsá koi nga 'no binchaatsjiaá; jè Nainá tsjá-lá kjondaà-lá jná xita xi jè mejèn-lá mahimakeè.

¹⁷ K'oaá s'in tichja Xojon-lá Nainá nga kitsò-lá Faraón: "Koi k'oas'in kisikijna-lè nga xitaxá tjini ya naxandá Egipto mé-ne nga it'aà tsiji kokoáa nga'no-ná tikoá skoexkon-na xita nga tjtsa isò'nde."

¹⁸ K'oaá s'in s'in Nainá, tjin-lá kjoehimatakón it'aà ts'e xita xi jè mejèn-lá; tikoáá ma-lá sitájaajjin injima-lá xita xi jè mejèn-lá nga kátasitájaajjin injima-lá.

¹⁹ Tanga tsá jì k'oa k'oin-ná: "Tsá k'oas'in s'in Nainá, ¿mé-ne jè binè-lá jná xita?, nga nì ya xita xi koma kondra kjoí-lá koni s'in mejèn-lá jè."

²⁰ Tanga jì, xi taxki xita-né, ¿yá-né jì, nga Nainá otikjokoi? Jngò tji xi xó kisindaà-ne, ¿a komaá kitsò-lá jè xi tsibindaà: "Mé-ne k'oas'in tsibindaà-ná?"

²¹ ǀA mi tji'nde-la jè xi ma-la bındaà tji ni'nde nga tije-ne ndási koįındaà jngoò-ne tji xi tà k'e mocheén k'e nga tjin s'eí koa koįındaà jngoò xi nachrjein nchijón mocheén?

²² Tsà Nainá mejèn-la tsakó kjoajti-la ko nga'ńó-la, ǀa ch'o tjin nga kiskoòńa kjoa it'aa ts'e xita xi tjoé-la kjo'in ko xi tjinè-la nga kjoehesòn?

²³ Mitsà ch'o tjin; nga koií k'oas'in kis'iin-ne mé-ne nga ma tsakó kjoajeya-la xi it'aa tsajan nga kjòhimakeè-ná. Nga jè tsibítsajnandaà-ná skanda tisa kjòtsee, mé-ne tikoá s'e-ná kjoajeya-la.

²⁴ Nainá k'oá s'in xó kũlchja-ná. Tjin xita xi ya itjokajin ts'e xita judío; tikoá tjin xita xi ya itjokajin ts'e xi taxki xita xi mitsà xita judío.

²⁵ K'oá s'in tichja xojon-la Oseas xita xi kũlchja ngajo-la Nainá nga tsò:

Jè xi mitsà naxandá-ná ma nga sa itjòn, naxandá ts'án koma;

jè xi mi tjòkéè kijtsee nga sa itjòn, tjòkéè skoeè.

²⁶ Ti ya-ne i'nde ńanda oki'mi-nò:

“Mitsà naxandá ts'an xan-nò”,

“ixti-la Nainá xi tijnakon” k'Oin-nò.

²⁷ Isaías, xita xi kũlchjaya ngajo-la Nainá, k'oá tji tsò it'aa ts'e naxandá Israel: “Nas'in kjin jchán ma-ne ixti-la koni tsomí ts'e ndáchikon, tà chiba ma-ne xi kijtjokajin kjo'in.

²⁸ Nga jè Na'èn-ná nitoón sũikitasòn jè kjoakixi-la xi jye jè kitsjaá koni s'in tjinè-la jńa xita nga tjtisa jso'nde.”

²⁹ Koni s'in kitsò Isaías nga tisa itjòn:

Jè Na'èn-ná, xi tse nga'ńó tjin-la,

tsà mikũ kisikiningui chiba-ne tje-ná,

jyeé-la kisikjehesòn yije-ná

koni kisikò naxandá Sodoma ko naxandá Gomorra.

³⁰ ǀMé xi kixoán? Jńa xi mitsà xita judío, xi mikũ fitjingui-la kjoa kixi, i'ndeí, jyeé xita kixi-né nga nguixkon Nainá tà koií kjoa-la nga mokjeiin-la it'aa ts'e Nainá.

³¹ Tanga jńa xita Israel xi fitjingui-la Kjotixoma-la Moisés nga nchihótsji nga kixi kítsajna nguixkon Nainá mikũ ijchòtjingui-la.

³² ǀMé-ne nga k'oas'in komà-ne? Koií kjoa-la nga mikũ mokjeiin-la it'aa ts'e Nainá. Tà k'oá s'in 'ńó tsohót'aahikon nga ndaa tjin kjoa xi kis'iin it'aa ts'e Kjotixoma. K'oá ma-ne [k'e nga j'ii Cristo] yaá ksatíngui koni jngoò Ndajo xi kijnahikòn.

³³ Xojon-la Nainá k'oá s'in tichja [it'aa ts'e Cristo] nga tsò:

Ya nindoò Sión kijnaá jngoá ndajo xi kijnahikòn,

jngoò Ndajo xi satíngui xita,

tanga jè xi kokjeiin-la it'aa ts'e Ndajo jè mikũ kosobá-la.

10

Mé xi s'eén nga kítsajnandei-ná xi kjoa ts'e jé-ná nga kixi kítsajnaá nguixkon Nainá

¹ Jńo ndí 'ndsè, xi ngui okixi, koií xi 'ńó mejèn-la inima-na ko xi 'ńó sijét'aa-la Nainá it'aa ts'e naxandá Israel, nga kátítsajnandei kjoa ts'e jé-la.

² 'An be kixi-ná nga 'ńó mejèn-la nga ndaa skoexkòn Nainá jńa xita Israel, tanga mikũ mangàsòn kjòhítsjeèn-la koni s'in tjin jè kjòhítsjeèn xi ngui kixi tjin.

³ Nga mikũ fahas'en-jiin-la nga tà jngoò jè Nainá xi ma-la kixi síkítsajna xita. Tà jè xi mejèn-la nga tà jńa kixi síkítsajna yijo-la. Majin-la kjoé xi okixi-la Nainá xi ma-la kixi síkijna-ná.

⁴ Nga jè Cristo kisikjehet'aa kjoa ts'e kjotixoma mé-ne nga s'e-la kjoa kixi ngats'ii xita xi mokjeiin-la it'aa ts'e Nainá.

⁵ Jè Moisés, k'oá s'in kiskii it'aa ts'e xita xi mejèn-la kixi kítsajna it'aa ts'e kjotixoma nga tsò: “Jè xita xi sũikitasòn kjotixoma, it'aa ts'eé kjotixoma kijnakon-ne.”

⁶ Tanga it'aa ts'e xita xi kixi kítsajna k'e nga mokjeiin-la, k'oá tsò: “Kì k'oá tsò inima-lè: ǀYá xi kjimijin ngajmii?” (’Én koi tsòyaá-ne nga mejèn-la kijnchrobàjen-ko Cristo.)

⁷ Ko, kì k'oá tsò inima-lè: “ǀYá kì ma koįs'en-jiin 'nde ńanda nchisikjeiin kjo'in jńa mik'en?” (’Én koi tsòyaá-ne nga mejèn-la skímii'nga ijngoò k'a-ne Cristo ya jjiin-la mik'en.)

⁸ Tanga, ǀkò tsò-isa 'én-la Moisés? Tsò-ne: “Chrańat'aa tjina-lè jè 'én, yaá tjina'a ndsoboi, yaá tijnajin inima-lè.” K'oá tsò 'én xi 'an chjaya xi mocheén nga kokjeiin-ná.

⁹ Tsà ndsoboi kénjomí-ne nga Jesucristo, jè xi Na'èn-ná, koa tsà ko inima-lè kokjeiin-lè nga Nainá kisikjaáya-la it'aa ts'e kjoabiyaá, kijnandei-né xi kjoa ts'e jé-lè.

¹⁰ Nga koó inima-ná mokjeiin-ná mé-ne nga kixi kítsajnaá nguixkon Nainá tikoá koó ndsobaá bénomíá nga Jesucristo, jè xi Na'èn-ná, mé-ne nga koma kítsajnandei-ná xi kjoa ts'e jé-ná.

¹¹ K'oas'ín tichja Xojon-la Nainá nga tsò: "Ngats'ii xi kòkjeiin-la it'aà ts'e Cristo mikii kosobà-la."

¹² Jñà xita judío kò xi mìtsà xita judío, tà ngàsòn-né xi it'aà ts'e Nainá; nga tije-ne Cristo xi Na'èn tsò-la ngats'ii xita. Jè kjondaà xi 'ñó tse tjin-la Cristo, jè tsjá-la ngats'ii xita xi chjat'aà-la.

¹³ Nga k'oaa tí tsò Xojon-la Nainá: "Ngats'ii xita xi kichjat'aà-la Na'èn-ná, kítsajnandejí-né xi kjoa ts'e jé-la."

¹⁴ Tanga mikii koma kichjat'aà-la Cristo jè xita xi k'èe ki mokjeiin-la. Kò mikii kòkjeiin-la xita xi k'èe mé 'én nchré it'aà ts'e Cristo. Koa mikii koma kji'nchré xita tsà mì yá xita tjin xi keènojmi-la it'aà ts'e Cristo.

¹⁵ Koa jè xita xi keènojmi 'én, mikii koma sjiixá tsà mì yá xi sjiikasén. K'oas'ín tjit'aà xojon: "Mé tà ndaà-ne nga k'oas'ín binchimasòn jñà xita xi chjaya 'én ndaà-la Nainá xi kjoa ts'e Cristo xi ts'e kjoa'nchán."

¹⁶ Tanga mìtsà tà ngats'ii xita Israel kisikitasòn jè 'én ndaà-la Nainá xi kiì'nchré. Nga jè Isaías xita xi kiichja ngajo-la Nainá, k'oaa kitsò: "Na'èn, zyá xi kòkjeiin-la 'én xi jin kinokjoaya-jen?"

¹⁷ K'oaa ma-ne, k'e nga mokjeiin-ná, yaá nchrobát'aà-ne k'e nga na'yá-lá 'én. K'oa jñà 'én xi na'yá, 'én ndaà-la Nainá xi kjoa ts'e Cristo-né.

¹⁸ Tanga, k'oaa xan: ¿A mìtsà kiì'nchré xita Israel jè 'én ndaà-la Nainá? Jon, kiì'nchré-né. Nga k'oaa tsò jè Xojon-la Nainá:

Kijnda isò'nde jyeé tsabísòn 'én-la.

Jyeé ijchò skanda ñánda fehet'aà-ne nangui.

¹⁹ Tikoaa xan-ná: jñà xita Israel, ¿a mì kisijiin-la kjoa koi? Kisijiin-la. Jè xi tjna íjtòn, k'oaa kitsò Moisés:

'An, k'oaa s'ín s'iaàn nga kàtachinicha jñò jngòò naxandá xi mìtsà naxandá ts'an xan-la.

Kàtamajticha it'aà ts'e naxandá xi chiba kjohitsjeèn tjin-la.

²⁰ Tikoaa Isaías 'ñó tsi'beé-la ikon nga kiichja 'én-la Nainá nga kitsò:

Kisakò-la jñà xita xi mikii 'an tsohótsji-na.

Tsakó-la kjondaà-na jñà xita xi mikii 'an kiskònanguiya-na.

²¹ Tanga jè Isaías k'oaa s'ín kiskii it'aà ts'e xita Israel koni s'ín kitsò Nainá: "Nachrjein nchijòn tsijmeé-la ndsaa nga kichjà'nchré-la jngòò naxandá xi kondra kiì-la 'én-na nga mì ki kisikitasòn."

11

Kjohimatakòn xi tjin-la Nainá it'aà ts'e naxandá Israel

¹ Aàn kjònanguia, jè Nainá, ¿a kitsjeiin takòn naxandá-la Israel? Majin, mì k'oaa s'ín tjin. 'An, tikoaa xita Israel-ná, tje-laá ma Abraham, xita xinguiáa ma xi ya nchrobát'aà-ne ts'e Benjamín.

² Nainá mìtsà tsachrjekàngui naxandá-la nga jye tjiin-la nga tisa tàts'en-la kjoa nga ixti-la koma. ¿A mì tjiin-nò koni tsò Xojon-la Nainá it'aà ts'e Elías nga k'oas'ín chjat'aà-la Nainá xi kondra ts'e Israel? Tsò:

³ "Na'èn, jñà xita-lè xi kiichja ngajo-lè, jyeé kisik'en xita, koa jñà i'nde tsjeè-lè jyeé kisikits'óna; tà 'an tajngòò tjnaa isa, tikoaa mejèn-la sjiik'en-na."

⁴ Tanga k'oaa tsò 'én xi tsjá Nainá: "Majin, mìtsà tà ji tajngòò tjini. Itoò jmiì ma-ne xita xi 'an títsajnatjò-na xi k'èe tsà ya bincha-xkó'nchit'aà-la xkòsòn-la Baal."

⁵ Nachrjein i'ndeí tákò k'oaa s'ín ma, tjin isa xita Israel xi títsajnatjò-la Nainá xi xó jaajjin-ne xi kjondaà ts'e.

⁶ Tsà tà kjondaà ts'èe Nainá nga k'oas'ín jaajjin xita, tsòyaá-ne mìtsà koi kjoa-la kjondaà xi kis'iin. Tanga tsà koi kjoa-la kjondaà xi kis'iin, mì-la tsà tì kjondaà-la Nainá kjòchjeèn-ne nga kitjaajjin xita.

⁷ ¿Kó s'ín tjin kjoa? Tsòyaá-ne nga kjin xita Israel mikii ijchòtjngui-la jè kjoa xi tsohótsji. Tanga kis'e i'nga xita xi xó jaajjin-ne Nainá xi jye ijchòtjngui-la. Jñà xita xi i'nga, 'ñó kjòtájaajjin inima-la.

⁸ K'oaa s'ín tjit'aà Xojon-la Nainá nga tsò: "Nainá, kitsjaà-la nga kisijñòjijn inima-la; jñà xkon mikii tsejèn-la, kò líká-la, mikii 'nchré skanda nachrjein i'ndeí."

⁹ Jè xitaxá íjtòn David k'oaa ti kitsò:

Jè s'eí xi ochrje, tije kàtama-ne ch'an nga kàtakaàngui, kàtasiya'ñó na'ya,

kò tijnà kàtasatngui-ne mé-ne nga kàtas'e-la kjo'in.

¹⁰ Kàtasichjoa xkon mé-ne nga mikii kòtsejèn-la

nga kjit'aà nachrjein kàtamatsit'in its'in.

¹¹ 'An kjònangui-ná, ¿a jngòò k'a chixòt'aà nangui jñà xita Israel k'e nga kiasatèngui? Majin. Mì k'oaa s'ín tjin kjoa. Jè kjoa-la nga mikii kisikitasòn jñà xita Israel, jñà kitjoe-la xi mìtsà

xita judío nga tsibitsajnandejí xi kjoa ts'e jé-la. K'oaá s'in komà mé-ne nga jña xita judío kàtachini-ne it'aà ts'e kjondaà-la Nainá.

¹² Tsà jña xita isò'nde kisakò-la kjoanchinà-la Nainá k'e nga jña xita judío mikii kisikitasòn-la Nainá kò kisichijà kjondaà-la, isaá ta 'ño ndaa s'e-la kjoa machikon-t'in jè isò'nde k'e nga jña xita judío jngoo k'a skoé i'nde-la ya nguixkon Nainá.

¹³ Jño chjako-nò xi mitsà xita judío mi-nò. 'An kisixáya-na nga 'an kichjàjìn-la jña xi mitsà xita judío. 'An beèxkón-ná xá xi kits'i-na.

¹⁴ Tsà koií nachrjein-la kochinií i'nga xita xinguiáa mé-ne nga tikoá koma kitsajnandejí-ne xi kjoa ts'e jé-la.

¹⁵ Tsà jña xita isò'nde kisakò-la kjoa'nchán it'aà ts'e Nainá k'e nga jña xita judío itjokàngui, isaá tse kjondaà sakò-la jña xita judío k'e nga skoétjò jngoo k'a-ne Nainá. Skanda k'oaá s'in komat'in koni jngoo xita xi jye k'en kò kjoaáya-la it'aà ts'e kjoabiyáa.

¹⁶ Tsà tsjeé niño xi sindaa ítjòn nga kongatsja Nainá, tikoá tsjeé-né na'yo xi kochjeén nga sindaa niño k'e nga koma iskan. Tsà tsjeé it'aà ts'e Nainá i'ma-la yá, jña chrja-la tikoá tsjeé-né.

¹⁷ Jña xita Israel, k'oaá s'in ngaya-la koni jngoo yá olivo ndaa xi kitit'aa chrja-la, koa ngaji k'oaá s'in ngaya-la koni chrja-la yá olivo jjiin ijña nga ya kisikjoo koií ya ngajo-la chrja-la yá olivo ndaa; k'oaá ma-ne nga ya tichjoi jè nga 'ño-la i'ma-la yá olivo ndaa.

¹⁸ Ki nga nikijni yijo-lè nga ya titsakjoo koií chrja-la yá olivo ndaa. Tikitsjiin nga tà kisikjoo k-nè; mitsà ji 'bi-la nga'ño jña i'ma-la yá olivo ndaa, tà saà ji tsjá-lè nga'ño jña i'ma-la yá olivo ndaa.

¹⁹ Ji, ki k'oaá si: "Kitit'aa chrja-la yá olivo ndaa, nga 'an kisikjoo koga."

²⁰ Tikitsjiin koií kjoa-la nga mikii mokjeiin-la nga kitit'aa-ne. Tanga ji koií kjoa-la nga mokjeiin-lè nga ya tijnat'eii. Ki 'ngaá beè-la takoin, tiskón-la Nainá.

²¹ Nainá, tsà mikii kitsjaa'nde-la jña chrja-la jè yá olivo ndaa nga ya kijnakjoo kò tikoá ngaji tsà mi tì kii mokjeiin-lè mi tì kii tsjá'nde-lè nga ya kijnakjoo koií.

²² Chitjeén-la Nainá, 'ño ndaa xita tanga tikoá jè xi mejèn-la nga ndaa kítasòn 'én xi chja. Mikii beè ima jña xita xi chinchat'aaxin-la Nainá. Tanga it'aà tsjii títjá-lè kjondaà. Tà jè xi mochjeén nga k'oas'in kijni koni s'in tjin kjondaà xi kitsjaa-lè. Tsà majin tikoá kotet'aa-lè koni jngoo chrja-la yá.

²³ Jña xita judío xi chrja-la yá xi kitit'aa, tsà kokjeiin jngoo k'a-la, komaá sincháya-ne i'nde-la, nga Nainá tjin-la nga'ño, komaá kikjoo jngoo k'a-ne.

²⁴ Ji, nga ya kitit'aa-ne jña yá olivo jjiin ijña koa kisikjoo koií yá olivo ndaa nas'in mikii ya ok'in-lè. isaá tà ndaa ok'in-la nga jña chrja-la yá olivo xi xó kitjaajjin-ne nga sincháya jngoo k'a-ne i'nde-la xi tije-ne yijo-la yá!

²⁵ 'Ndsé, mejèn-na nga ndaa kátasijjin-nò kjoa'ma koi koni s'in tjindaà-la Nainá mé-ne nga mi 'ño chjine kinachrje yijo-nò. Jè kjoa nga tjin i'nga xita Israel xi kjótajaajjin inima-la nga mikii mokjeiin-la, tanga skanda k'ée kokjeiin-la k'e nga jye kokjeiin yije-la xi mitsà xita judío.

²⁶ K'e nga jye k'oas'in koma, ngats'ii xita Israel kitsajnandejí-né xi kjoa ts'e jé-la, koni s'in tichja xojon nga tsò:

Yaá nindoò Sión kjinchrobà-ne xi ma-la sikkitsajnandejí xita Israel xi kjoa ts'e jé-la,

jè xi kjoaáxin-la jé-la jña xita tje-la Jacob.

²⁷ Jè kjoa xi bindaajjin-koaa

k'e nga kjoaáxin-la jña jè xi tjin-la.

²⁸ Kjoa ts'e 'én ndaa-la Nainá xi kjoa ts'e Cristo, jña xita judío, kondra-laá ma Nainá mé-ne jño sakò-nò kjondaà. Tanga jè kjoa nga xó kitjaajjin-ne xita koi, tákó matsjakeé Nainá nga jye kos'in kitsjaa-la tso'ba jña xita jchinga kjiin-la.

²⁹ Nainá mikii faáxin kjotjò xi tsjá, tikoá mikii faáxin 'én xi chja-ná.

³⁰ Jño, k'oaá tís'in ki'nè nga sa kjótsee; mikii kinikitasòn-la Nainá, tanga i'ndeí jyeé kisakò-nò kjohimatakòn, koií ngatjì-la nga mikii kisikitasòn jña xita judío.

³¹ Nachrjein i'ndeí jña xita judío mikii sikitasòn-la Nainá. Tanga tà koi-né nga jè Nainá tjin-la kjohimatakòn xi it'aà tsajòn mé-ne jña xita kò tikoá s'e-la kjohimatakòn ts'e Nainá.

³² Nainá, k'oaá tsò nga ngats'ii xita judío, kò xi mitsà xita judío, mikii sikitasòn-la nga jè xi mejèn-la Nainá nga ngàsòn ngáya kohimakeé ngats'ii xita.

³³ ¡Mé tà 'ño tse ma kjoanchinà xi tjin-la Nainá, kò 'ño tse kjoachjine tjin-la kò kjohitsjeén-la! Nijngoo xita xi machiya-la kós'in kosòn-la k'e nga bindaajjin kò kós'in tjin ndiyá-la.

³⁴ ¿Yá xi beè kós'in tjin kjohitsjeén-la Nainá? Mi yá xi koma-la sikkichiya-la Na'én-ná.

³⁵ ¿Yá xita xi jè kisikina ítjòn-la xi mochjeén-la Nainá mé-ne nga jè sikkatji ngajo-la?

³⁶ It'aà ts'eé Nainá nchrobát'aa-ne ngats'ii tsojmì xi tjin, tikoá it'aà ts'e-né nga titsakon, kò k'oaá s'in mochjeén nga jeya kjna.

Nainá, kátas'e-la kjoajeya niṭa mé nachrjein-ne. K'oas'in kátama.

12

Mé xi s'eén nga tsjeé sijchá yijo-ná koni s'in sasén-la Nainá

¹ K'oaá ma-ne 'ndse, nga tse kjoḥimatakòn tjin-la Nainá xi it'aà tsaján, 'an bitsi'ba-nò nga k'oas'in t̄ngatsja yijo-nò it'aà ts'e Nainá koni jngoò k̄jot̄jò xi t̄jnakon, xi tsjeé t̄jín, xi ndaa sasén-la Nainá; nga ngui ko inima-nò ko k̄johitsjeèn-nò jeya s̄ikjina Nainá.

² Ki k'oas'in onguiko yijo-nò koni s'in t̄jín k̄jot̄ixoma-la isò'nde. Tixitseyá k̄johitsjeèn-nò nga k̄atatiya-nò koni s'in t̄itsanijchá yijo-nò mé-ne nga jcha-nò mé xi mejèn-la Nainá it'aà tsajón, j̄nà kjoa xi ndaa t̄jín, xi ngui t̄jikixi, xi jè ndaa sasén-la.

³ It'aà ts'e xá xi 'an kitjoé k̄jot̄jò-na, k'oaá xan-nò nga jngoò ījngoò, ki 'nga onguiko k̄johitsjeèn-nò koni s'in t̄jín-la nga s̄ikitsjeèn; tà saà ndaa t̄ikitsjeèn koni s'in ok'in-la k̄jondaà xi kitsjaà-nò Nainá k'e nga kòkjeiin-nò it'aà ts'e Cristo.

⁴ Koni s'in t̄jín yijo-ná nga k̄jín skoya t̄jín-la t̄anga kakj'eji kakj'eji xá t̄jín-la nga ījngoò ījngoò skoya.

⁵ K'oaá s'in ma it'aà tsaján nga k̄jín ma-ná, t̄anga xi it'aà ts'e Cristo tà jngoò ma-ná nga ījngoò ījngoá; k'oaá s'in k̄indoba ñoa xinguiáá koni s'in kitsobá'ño xikjín yijo-ná.

⁶ Koni s'in k̄jomejèn-la Nainá jye kitsjaà-ná xá xi s'eén nga jngoò ījngoá. Jngoò x̄ita, tsà jè xá kitjoé-la nga x̄ita kichjayajin-la, k'oaá s'in k̄atasikjeén koni s'in mokjeiin-la.

⁷ Tsà jè xá kitjoé-la nga x̄ita kosiko, k'oaá s'in k̄atasikjeén nga ndaa k̄atasiko x̄ita. O xi jè xá kitjoé-la nga kokóya, k'oas'in k̄atasikjeén nga ndaa k̄atakóya.

⁸ Jè xi kitjoé-la xá nga s̄ijehikon x̄ita, k'oas'in k̄atas'in. Jè xi ma-la sika'bí tsojmi, ngui koó inima-la k̄atasika'bi; jè xi xá it̄jón k̄jóngatsja, ndaa k̄atasikitasòn; jè xi síchját'aà-la j̄nà x̄ita ima, koó k̄jotsja-la k̄atasichját'aà-la.

⁹ Ngui koó inima-nò t̄itsjacha xinguió. T̄ijticha kjoa xi ch'o t̄jín. Koií t̄angut̄j̄ngui-la kjoa xi ndaa t̄jín.

¹⁰ Koó k̄jotsja-nò t̄itsjacha xinguió nga 'ndse chiba. Is̄a ndaa jchaxkón x̄ita xinguió xi i'nga; j̄nà t̄ikitsajna it̄jón nga jngoò ījngoò.

¹¹ Ki ts'eé 'nè xi xá ts'e Nainá. Ngui koó inima-nò t̄ixá-la Na'èn-ná.

¹² Tsja te-lá takòn jè kjoa xi chíñá-là. Ko inima-nò k̄atachikjoako-nò kjo'in xi t̄itsanikjioón. Nachrjein nchijón t̄itsi'ba-la Nainá.

¹³ T̄jiil-la mé xi mochjeén-la j̄nà x̄ita tsjeé-la Cristo. Choét̄jò x̄ita xi bijchó ya ni'ya-nò.

¹⁴ T̄jjet'aà-la Nainá nga k̄atasichikon-t'in j̄nà x̄ita xi ch'o siko-nò; ki k'oaá s'in nijét'aà-la nga kjo'in tsjá-la.

¹⁵ T̄itsjakoo j̄nà x̄ita xi tsja t̄jín-la. Ch̄ihindáyakoo j̄nà xi nchikjindáya.

¹⁶ Tà jngoò t'een k̄johitsjeèn-nò. Ki 'nga ikon 'nè yijo-nò, ya tsjahitakoo j̄nà x̄ita ima. Ki 'ño ch̄jine nachrjenguió yijo-nò.

¹⁷ J̄nà x̄ita xi ch'o siko-nò, ki ch'o nikoo ngajo-nò. Kjit'aà nachrjein ndaa t'een nga nguixkon ngats'ii x̄ita.

¹⁸ Skanda ñánda sakó'nde-nò, j̄nò t̄jínè-nò nga 'nchán t̄itsajnakoo ngats'ii x̄ita.

¹⁹ Ndí 'ndse xi matsjake-nò, k'e nga mé xi mat'ioòn, ki j̄nò 'nè ngajo-nò. Tsja Nainá t̄ikjinyaya kjoa-nò mé-ne nga jè tsjá-ne kjo'in. K'oaá s'in t̄ichja Xojon-la Nainá nga tsò: "Tsò Na'èn-ná: 'Aán oko-na nga k̄indaajin-la x̄ita, 'aán tsja-la chí-la."

²⁰ K'oaá ma-ne, tsà jè kondra-lè, tsà tsjin tsojmi xi kine, j̄jii t̄jiil-la; tsà x̄indá-la, t̄jiil-la nandá nga kát'ii. K'e nga koa s̄ikojii, k̄osobá ti'bil-la kondra-lè, chíba-la k̄ohini isén-la koni xá'í.

²¹ Jè kjoa xi ch'o t̄jín, ki jè s̄ikijne-nò; t̄ikoaá-ne jè k̄atitasòn xi k̄jondaà, mé-ne nga s̄ikijne-la kjoa xi ch'o t̄jín.

13

Mé kjoa-ne nga nikitason-lá xi x̄itaxá t̄itsajna

¹ Ngats'ii x̄ita k̄atasikitasòn-la xi x̄itaxá t̄itsajna, nga Nainá kitsjaà-la k̄jot̄ixoma. J̄nà xi x̄itaxá t̄itsajna, Nainá kitsjaà-la xá.

² J̄nà x̄ita xi bitsajna tájaà-la k̄jot̄ixoma-la x̄itaxá, kondraá bitsajna-la j̄nà x̄ita xi Nainá kitsjaà-la xá. J̄nà x̄ita koi, t̄i yijo-laá t̄ibinè-la kjo'in.

³ J̄nà x̄itaxá m̄itsá koi xá t̄itsajna-ne nga j̄nà k̄inchaxkón-la x̄ita xi ndaa s'in, j̄nà-né x̄ita xi ch'o t̄jín kjoa xi s'in. Tsà mejèn-lè nga mik̄i k̄iskón-la x̄itaxá, ndaa t̄j̄iin, ko j̄nà x̄itaxá ndaa s̄ikjina-lè.

⁴ J̄nà xi x̄itaxá t̄jín-la, xá ts'e Nainá nchisikitasòn, mé-ne nga ndaa k̄ijna-ne. T̄anga tsà ch'o t̄jín kjoa xi t̄i'ni, t̄iskón-la xi x̄itaxá t̄jín-la, nga t̄j'nde-la nga tsjaà-lè kjo'in. Nga xá-la Nainá nchis'in k'e nga b̄indaajin kjoa ko nga tsjá-la kjo'in j̄nà x̄ita xi ch'o s'in.

⁵ K'oaá ma-ne nga mochjeén-né nga ndaa síkitasòn-lá jñá xi xítaxá títsajna, mìtsà tà koi-ne nga kjo'in tsjá-ná; koi-né nga xó k'oas'in beè-la takoán nga tjiné-ná nga síkitasoán.

⁶ Koií kjoa-lá nga tíkkoa machjí ton sá, nga jñá xítaxá k'oaá s'in nchisíkitasòn-lá Nainá ko kjit'aà nachrjein koatjin xá xi nchis'in.

⁷ Tichjió yije mé xi kitjen-nò. Jè xi kitjen-lá ton sá, kátichjí. Jè xi kitjen-lá tsojmi xi machjítjì, kátichjí. Jè xítá xi mochjeén-lá nga jchaxkón, kátayaxkón. Jè xítá xi mochjeén-lá nga ndaa kíjna, ndaa tíkíjna.

⁸ Kì mé xi jmeè'tioón yijo-nò. Tanga kitjeén-nò ts'e kjoatjòcha it'aà ts'e xítá xinguióo. Nga jè xi matsjakeè xíkjin, jyeé kisíkitasòn yije Kjotixoma.

⁹ Jñá kjotixoma tsò-ne: "Kì kjoa chijngui 'nì, kì xítá nìk'in, kì chijé 'nì, kì 'én ndiso nokjoi, kì maxítakòn-chiì xinguii." Ngats'ì kjotixoma koi, ko xi k'ejí, yaá mangásòn yije jè kjotixoma xi tsò: "Títsjachi xítá xinguii koni tsà ti yijo tsjji-ne."

¹⁰ Jè xi matsjakeè xíkjin, mìtsà ch'o síko xítá xíkjin. Jè xi matsjakeè xíkjin, jyeé ndaa tískitasòn Kjotixoma.

¹¹ K'e nga k'oas'in s'eén yijeé kjoa koi, jcha-ná nachrjein i'ndeí mé kjoa xi tíma nga jye ijchò chiba-lá nga síkja-lá yijo-ná nga títsafé. Koni k'e nga sá kòkjeín-ná, jye 'ñó kjòchrañat'aà nachrjein nga kítajna ndiaá kjoa ts'e jé-ná.

¹² Nítjen, jyeé tífahato, jyeé tímachrañá nachrjein nga s'e isén nga kitjojen íjngoo k'a Na'én-ná. Kínachrjenguaá ngats'ì kjoa xi ma ñánda nga jñó choón ko chjoé nga 'ñó-lá Nainá koni s'in mochjeén ñánda iseén choón koni tsá kichá ts'e soldado.

¹³ K'oaá s'in iseén kitjá koni nachrjein nga ndaa sjíchá yijo-ná. Mì kì mochjeén nga taxkí chijneé tsojmi ko nga mach'iaá. Mikii mochjeén nga íchjin kjóhijtaoá, ko mì kì ma taxkí síkkoa yijo-ná. Mikii mochjeén nga xítá kixkàn-koaá ko mikii mochjeén nga kjoaxítakòn kichjá-lá xinguiá.

¹⁴ K'oaá s'in tíjchá yijo-nò koni s'in kis'iin jè Na'én-ná Jesucristo, kì kii níkitasòn-lá yijo-nò kjoa ch'o xi síjé.

14

K'e nga mikii mangásòn kjohítsjeén-ná it'aà ts'e kjoa xi mì xó kii tíj'nde-ná nga s'eén

¹ Chjoéjtó xítá xinguióo xi mikii tíjngoo ikon mé kjoa xi tji'nde-lá nga s'jin; kì chibàya-nò jñá kjoa xi mikii mangásòn kjohítsjeén-nò.

² Tjin xítá xi k'oas'in mokjeín-lá nga ma chine yije tsojmi xi tjin, tíkkoa tjin xítá xi mikii mokjeín-lá tsá ma chine yije tsojmi xi tjin. Tà jñá tsojmi xi nangui síjchá kine.

³ Jè xi kine yije tsojmi xi ma chine mikii koma kochrjekàngui jè xi mikii ma-lá kine yije tsojmi; ko jè xi mikii ma-lá kine yije tsojmi, mikii koma kichajano-lá jè xi ma-lá kine yije tsojmi xi tjin, nga Nainá jyeé kiskoéjtó nga kí'ndí-lá ma.

⁴ ¿Yá-né jí nga níkindí ch'i'nda xi mìtsà tsjji? Nga ch'i'nda ts'e Nainá-né. Jè ch'i'nda jè, kindá ts'eé nei-lá tsá kixí tjna ko tsá mì kixí tjna. Tanga kixí kíjna, nga jè Na'én-ná tjin-lá nga 'ñó nga kixí síkíjna.

⁵ Tjin xítá xi tsò: tjin nachrjein xi isá xkón. Tíkkoa tjin xi tsò: Nachrjein, tà ngásòn ngaya-né nga nachrjein nchijòn. Nga jngoo íjngoo xítá, k'oaá s'in ndaa katíjngoo-lá ikon koni s'in síkítsjeén.

⁶ Jñá xítá xi faájijn jngoo nachrjein nga beèxkón, k'oaá s'in nga jeya síkíjna Na'én-ná; koa jñá xítá xi tsò nga ta ngásòn ngáya nachrjein, tíkkoa k'oaá s'in s'in nga tíkkoa jeya síkíjna Na'én-ná. Jñá xítá xi kine yije tsojmi, it'aà ts'e Na'én-ná kine, nga tsjá-lá kjondaá Na'én-ná k'e nga kine; k'oaá jñá xítá xi tsò nga tjin tsojmi xi mikii ma chine, tíkkoa it'aà ts'eé Na'én-ná nga mikii kine tsojmi, ko tíkkoa tsjá-lá kjondaá Na'én-ná.

⁷ Jñá, k'e nga títsajna kooán, koií xá títsajnakon-ná xi ta kjondaá tsaján. Ko k'e nga kíyá, mìtsà ta kjondaá tsaján kírchátsjiaá nga kíyá.

⁸ Tanga k'e nga títsajna kooán, koií xá títsajna kooán xi kjondaá ts'e Na'én-ná. Ko nga kíyá, tíkkoa koií xá kíyá-aná xi kjondaá ts'e Na'én-ná. K'oaá ma-ne tsá títsajna kooán ko tsá kíyá kjondaá ts'e Na'én-ná nga ts'e tsò-ná.

⁹ Koií kjoa-lá nga k'en Cristo koa jaáya-lá nga tsibíjnakon-né, mé-ne nga jè koma-ne Nei-lá jñá xítá xi biyáa ko xi títsajnakon.

¹⁰ Tanga jí xi nokjoájno-lá 'ndsi, ¿mé-ne koa'nè-ne? Tíkkoa jí xi nachrjekàngui 'ndsi, ¿mé-ne nachrjekàngui-ne? Nga ngats'ì-ná kíjchò kírchanguiáá ndsóko Cristo ñánda nga jè tíhotixoma.

¹¹ K'oaá s'in tíchja Xojon-lá Nainá nga tsò:

Tsò Na'én-ná: 'An tíjnakon-ná,
ngats'ì xítá kíntcha-xkó'nchit'aà-na
ko ngats'ì xítá skoèxkón Nainá.

¹² Ngats'iaa k'oj-lá kindá Nainá mé kjoa xi ki'né nga tsitsajnaá isò'nde.

¹³ K'oaá ma-ne nga mì tì xinguiáá kíno'kjoajno-lá; jñò, ta saá ndaa tíkítseèen nga nímé xi s'een xi síkít's'ón-jìin koni s'ín mokjeiín-lá xinguióo mé-ne nga mì jé skajìin ìjngoo k'a-ne.

¹⁴ An ndaa tíjngoo takoán it'aa ts'e Na'èn-ná Jesús nga kixi kjoa nga tsjin tsojmi xi xkón tjin nga mikii ma chine; tanga jé xita xi k'oas'ín síkítseèen nga tjin tsojmi xi xkón tjin nga mikii ma chine, xkón tjin-lá it'aa ts'e tsá skine.

¹⁵ Tanga tsá ta koií kjoa-lá ts'e tsojmi xi chinii, jé 'ndsi ch'o ma-lá, jé kjoa xi t'ni mitsá tì kjoatjocha-ne; kì kii bi'i'ndi nga jé 'ndsi xi Cristo k'en ngajo-lá kít's'ón-jìin-lá xi ta kjoa ts'e tsojmi xi chinii.

¹⁶ Kì k'oaá s'ín 'nè mé-ne nga mì xita kíchjajno-nò it'aa ts'e kjoa xi tita'nè nga k'oas'ín mokjeiín-nò nga ndaa tjin.

¹⁷ K'e nga jé Nainá tíhotixoma-ná mitsá jé xi isa 'ño chí-lá mé xi s'ioaá kó mé xi chineé. Jé xi 'ño mochjeén nga kixi kít'sajnaá, 'nchán sijchá yijo-ná, kó tsja k'oé-lá iníma-ná; koi kjoa xi tsjá Iníma Tsjeé-lá Nainá.

¹⁸ Jé xi k'oas'ín síkítasòn kjoa koi k'e nga síxá-lá Cristo, ndaa sasén-lá nguixkòn Nainá, tìkooá ndaa bíja nga nguixkòn xita.

¹⁹ K'oaá s'ín kjitjngui-lá kjoa xi 'nchán síkíjna-ná kó kjoa xi 'bì-lá nga'ño xinguiáá nga jngoo jngooá koni s'ín mokjeiín-ná.

²⁰ Kì xá-lá Nainá níkít's'ón-jìin-lá xi ta kjoa ts'e tsojmi xi ma chine. Kixí kjoa, ngats'ìi tsojmi xi tjin, tsjeé-né. Tanga jé xi ch'o tjin k'e nga ta koi kjoa-lá tsojmi xi chineé bit's'ón-jìin-lá kjoa xi mokjeiín-lá it'aa ts'e Nainá jña xita xi k'ejí.

²¹ Isáá ndaa-ne nga mì yijo chíjnéé, nga mì xán s'ioaá, nga nímé kjoa xi s'een jé xi síkít's'ón-jìin-lá jé 'ndsi nga sakó-lá jé.

²² Koni s'ín mokjeiín-lè it'aa ts'e kjoa koi, tà jí tjiin takoin kó Nainá. ¡Mé ta ndaa-lá jé xi mì kjo'in binè-lá yijo-lá k'e nga tíjngoo ikon nga ndaa tjin kjoa xi s'ín!

²³ Jé xi jò tjin-lá k'e nga mé tsojmi xi kine, jé tíhónè-lá yijo-lá nga mikii tíjngoo ikon tsojmi xi kine. Tsá mikii tíjngoo takoán k'e nga mé kjoa xi s'een, jé títshonè-lá yijo-ná.

15

¹ Jña xi jye kixi mokjeiín-ná it'aa ts'e kjoa xi tí'nde-ná mé xi s'een, mochjeén-né nga tìkooa kíchikjoako-ná jña xita xi k'oas'ín mokjeiín-lá nga mikii tí'nde-lá mé kjoa xi s'íin. Mitsá tà jña kjoa xi ndaa sasén-ná kínehátsjiaá.

² Nga jngoo ìjngooá, mochjeén-né nga k'oas'ín s'een jé kjoa xi sasén-lá jña xita xinguiáá xi kjondaá ts'e, mé-ne nga kíjin-isa kjohtsjeèen-lá jé kjoa xi mokjeiín-lá.

³ Nga tìkooa jé Cristo mitsá jé tshótsji kjoa xi sasén-lá yijo-lá, tà saá it'aa ts'eé tsitasòn koni s'ín tít'aa xojon ts'e Salmo, nga tsò: "Én ch'o xi jí kíchjajno-lè, 'aán kiskaàt'aa-na."

⁴ Jña 'en xi kíteji nga sa kjòtseé, koií xá kíteji-ne nga kókòya-ná mé-ne nga it'aa ts'e Xojon-lá Nainá, tseé s'een takoán tìkooa s'e-lá kjoa 'nchán iníma-ná, mé-ne nga koma chífakjoa-lá it'aa ts'e Nainá.

⁵ Nainá xi ma-lá tsjá-ná kjoatsetakòn kó xi ma-lá sí'nchán-jìin iníma-ná, k'oas'ín jngoo kjohtsjeèen kátatsjá-nò nga jngoo ìjngoo koni tsò Cristo Jesús,

⁶ mé-ne ngats'ioò ngásòn jngoo jta jeya tìkíjna Nainá, Na'èn-lá Jesucristo xi otixoma-ná.

⁷ Koií kjoa-lá k'oas'ín choétsjé xinguióo nga jngoo ìjngoo koni s'ín kiskoétsjé-nò Cristo mé-ne nga jeya kíjna-ne Nainá.

⁸ K'oaá xán-nò, jé Cristo Jesús, koií xá j'ii-ne nga j'ii síxá-jìin-lá xita judío xi tít'aa chíja-lá kjoa ts'e circuncisión mé-ne nga tsakó-ne kjoakixi-lá Nainá tìkooa síkítasòn koni s'ín jye kítsjaá-lá tsò'ba Nainá jña xita chíjna kjìin-lá.

⁹ Tìkooá koií xá j'ii-ne mé-ne nga jña xi mitsá xita judío jeya síkíjna Nainá it'aa ts'e kjohtimatakòn xi tjin-lá Nainá koni s'ín tíchja Xojon-lá Nainá, nga tsò:

Koií kjoa-lá nga jeya síkíjna-lè jìin-lá xita naxandá xi mitsá xita judío.

It'aa tsjji sé-lè sò xi ndaa tsò.

¹⁰ Ìjngoo k'a tít'aa xojon ñánda nga tsò:

Jñò xi mitsá xita judío 'mì-nò,
tsjaá t'è-lá takòn kó xita naxandá-lá Nainá.

¹¹ Ìjngoo k'a tít'aa xojon ñánda tsò:

Jñò ngats'ioò xi mitsá xita judío 'mì-nò,
jeya tìkíjna Na'èn-ná,
ngats'ioò xi naxandá 'mì-nò jeya tìnachreè Nainá.

¹² Ìjngoo k'a tít'aa xojon ts'e Isaiás ñánda tsò:

Jé tje-lá Isai kíjt'aa jngoo-ne jts'én-lá xi kotixoma-lá jña xi mitsá xita judío,
kó jé jts'én jé kòt'aa ikon nga skóña-kjoa-lá.

¹³ Nainá xi tsjá nga chiñákjoaá, kàtatsjá yije-nò kjotsja kò kjoa' nchán nga mokjeín-nò it'aa ts'e, mé-ne nga isá ndaa chiñákjoa isaa xi kò nga ñó-la Iníma Tsjeé-la Nainá.

Pablo chi'nda-la Jesucristo

¹⁴ Tanga ndí 'ndse, 'an tǵngòò takoàn xi it'aa tsajòn xi tǵjñò-nò tǵjín-nò kjondaà tǵkoá machǵya-nò nga kòma tǵjñò sikixiya-là xǵta xinguiqò nga lǵngòò jngòò.

¹⁵ Ndí 'ndse, 'ñó tǵbeé-la takoàn nga tǵkjùl-nò xoǵon jè; tǵchǵá kixǵ-nò, mé-ne nga mìkii jchǵaajiin-nò koni tsò xoǵon jè. Koií k'oas'ín tsíkítsjeèn-nò nga 'an kitjóé-na kǵotǵò-la Nainá k'e nga kitsjaà-na xá,

¹⁶ mé-ne nga 'an kòma-na chi'nda-la Jesucristo it'aa ts'e xi mìtsà xǵta judío. Sixákoaa 'én ndaa-la Nainá, mé-ne jǵña xi mìtsà xǵta judío ndaa sasén takòn-ne Nainá koni jngòò kǵotǵò xi 'ñó sasén-la Nainá nga it'aa ts'e Iníma Tsjeé-la Nainá jyeé kǵòtsjeé.

¹⁷ 'An tǵjín-na mé kjoa-ne nga matsja-na it'aa ts'e Cristo ts'e xá xi ts'iaàn.

¹⁸ Ní mé kjoa tǵjín xi ma'ñót'aa takoàn nga ma chǵá, ta jè kjoa ts'e Cristo nga 'an síkjeén-na nga sixákoaa jǵña xi mìtsà xǵta judío mé-ne nga kòma síkitasòn-la Nainá. K'oaa s'ín kis'iaàn it'aa ts'e 'én xi kichǵá kò it'aa ts'e xá xi kis'iaàn,

¹⁹ kò it'aa ts'e kǵoǵkón xi okò kjoajeya-la Nainá kò it'aa ts'e nga ñó-la Iníma Tsjeé-la Nainá. Jyeé ndaa kisingásoàn 'én ndaa-la Nainá xi kjoa ts'e Cristo, tsibits'iaǵo-na ján Jerusalén kòhokji nga jngòò itjandii-la skanda ján Ilírico.

²⁰ K'oaa s'ín tsibinè-la yijo-na nga kichǵáya 'én ndaa-la Nainá xi kjoa ts'e Cristo ya j'nde ñánda k'jeé yá bénojmiya it'aa ts'e Cristo, mé-ne nga mì 'an kokoóya ndaa-la xǵta xi k'jeí xi jye tsakóya itǵòn-la it'aa ts'e Cristo.

²¹ Koni s'ín tǵjít'aa Xoǵon-la Nainá nga tsò:

Skoe-né jǵña xǵta xi mì yá tsibénojmi-la it'aa ts'e;
kòchǵyaa-la jǵña xǵta xi k'jeé mé 'én 'nchré xi it'aa ts'e.

Kós'ín tsíkítsjeèn Pablo nga mejèn-la kjoí Roma

²² Kò kǵjín k'a mejèn-na fikon-nò tanga jǵña xá xi 'an ts'iaàn j'nde jé mìkii tǵò'nde-na nga ma fia.

²³ Tanga j'ndeí nga jye jyehe't'aa xá-na ijndé, kò tǵkoá kò kǵjín nó tǵjín-la nga mejèn fikon-nò,

²⁴ k'oaa s'ín tsíkítsjeèn, k'e nga kǵjián ján España, k'ée kichǵajto-nò mé-ne nga skoeǵkon-nò. K'e nga jye chibá jngòò tǵjoá kòma kǵinchako-ná nga kòma kǵjián ñánda nga tǵfia.

²⁵ Tanga j'ndeí ján Jerusalén tǵfia, nga tǵfiko jngòò-la nga ñó jǵña xǵta-la Cristo xi ya tǵtsajna.

²⁶ Nga jǵña xǵta naxandá-la Nainá xi tǵtsajna Macedonia kò Acaya kǵòtsja ts'e-né nga tsibíxkò chiba tǵon koni jngòò nga ñó xi kǵotǵò ts'e xǵta ima naxandá-la Cristo xi tǵtsajna ján Jerusalén.

²⁷ Ngui kǵòtsja ts'e-né koni s'ín kis'iin jǵña xǵta koi. Nga tǵjen-t'in-la kǵjondaà. Tsà jǵña xǵta xi mìtsà xǵta judío k'oaa s'ín kisakò-la kǵjondaà ya jǵjiin iníma-la it'aa ts'e xi ngui xǵta judío, tǵkoaa tǵjínè-la jǵña xi mìtsà xǵta judío nga kǵinchako nga tsǵá-la tǵsojmi xi mochjeén-la.

²⁸ K'e nga jye kǵoheh't'aa kjoa koi nga jye síngatsja jè tǵon xi kǵòxkò, iǵjoàn skotsejèn jngòò tǵjò-nò, k'ée kǵjián ján España.

²⁹ Be-ná nga 'ñó ndaa síchikon-t'in-ná Cristo k'e nga kǵjchokon-nò.

³⁰ Tanga jǵñò ndí 'ndse, bits'ibà-nò it'aa ts'e Na'èn-ná Jesucristo kò it'aa ts'e kǵoatǵòcha xi tsǵá-ná Iníma Tsjeé-la Nainá, tǵnókjoat'aa-là Nainá xi it'aa ts'an,

³¹ mé-ne nga kǵosǵko-na Nainá it'aa ts'e xǵta xi mìkii mokjeín-la xi tǵtsajna ján Judea, kò mé-ne nga jè tǵon xi tǵfiko-la xǵta-la Cristo xi tǵtsajna ján Jerusalén ndaa kátasasén-la,

³² mé-ne nga, tsà k'oas'ín mejèn-la Nainá, nga kò kǵòtsja-na kǵjchokon-nò, tǵkoá kòma ndaa sílkǵáya chiba nachrjein-kò-nò.

³³ Jè Nainá xi tsǵá-ná kjoa' nchán kàtǵjnako-nò ngats'ioò. K'oas'ín kàtama.

16

Kós'ín kisihixat'aa Pablo ngats'ii xǵta naxandá-la Nainá xi tǵtsajna Roma

¹ It'aa tsajòn síngatsja-nò jè tǵchǵáa Febe, jè xi síchǵát'aa naxandá-la Cristo xi ya tǵjna Cencrea;

² ndaa chǵoetǵò xǵta jè nga xinguiáá ma nga tǵkoaa mokjeín-la it'aa ts'e Na'èn-ná nga k'oaa s'ín ok'in-la xi xǵta-la Cristo. Tǵchǵát'aa-là nǵta mé xi kǵchjeén-la nga 'ñó kǵjín xǵta tsasiko, tǵkoá 'an kisichǵát'aa-na.

³ Tǵixat'ei jè Priscila kò Aquila, jǵña xǵta xi taña níxákjoò-jen it'aa ts'e Cristo Jesús.

⁴ Jǵña xǵta koi kǵomeé kinik'en xi kjoa ts'an. Mìtsà tà 'an xi tsjaà-la kǵjondaà tǵkoá tsǵá-la kǵjondaà ngats'ii xǵta naxandá-la Cristo xi mìtsà xǵta judío.

⁵ Tǵkoá tǵixat'ei jǵña xǵta naxandá-la Cristo xi maxkóya ya ní'ya-la Priscila kò Aquila. Tǵixat'ei jè Epeneto xi 'ñó matsjake nga jè kòkjeín itǵòn-la it'aa ts'e Cristo ya j'nde Acaya.

⁶ Tǵixat'ei jè María, chǵoón xi 'ñó ndaa kisixá it'aa tsajòn.

⁷ Tjixat'ei jè Andrónico kọ Junias, xi xinguiáá ma nga taña tsitsajna'ya-jen ndayá. Jñà xita xi tsibixáya-là Cristo 'ñó matsjakeè xita koi. Kọ isa itjòn kijtseèxkon 'én-là Cristo koni 'an.

⁸ Tjixat'ei jè Amplias, jè xita xi 'an 'ñó matsjake it'aà ts'e Na'è-ná.

⁹ Tjixat'ei jè Urbano xi taña síxáko-nà it'aà ts'e Cristo Jesús kọ jè Estaquis xi 'an 'ñó matsjake.

¹⁰ Tjixat'ei jè Apeles xi ndaa kixi mokjeiín-là it'aà ts'e Cristo. Tjixat'ei jñà xita xíkjin xi ya títajna ni'ya-là jè Aristóbulo.

¹¹ Tjixat'ei jè Herodión xi xinguiáá ma. Tjixat'ei jñà xita xíkjin xi ya títajna ni'ya-là Narciso xi Na'è-ná títajnakọ.

¹² Tjixat'ei jè Trifena kọ Trifosa jñà íchjin xi 'ñó síxá-là Na'è-ná, kọ tichjaá Pérsida xi 'ñó matsjachaá nga tikoá ndaa síxá-là Nainá.

¹³ Tjixat'ei jè Rufo xi xó jaájijn-ne Nainá. Kọ nea-là xi 'an K'oa tís'in beètakoàn koni tsà nea-nà.

¹⁴ Tjixat'ei jè Asíncrito, jè Flegonte, jè Hermas, jè Patrobas, jè Hermes kọ xita 'ndseé xi ya títajnakọ.

¹⁵ Tjixat'ei jè Filólogo, jè Julia, jè Nereo kọ ndichja, kọ Olimpás, ngats'ì xita xi mokjeiín-là it'aà ts'e Cristo xi ya títajnakọ.

¹⁶ Jñò nga jngoo ìjngoo, k'e nga síxat'aà xinguiqo, nguì kọó injima-nò tjixat'aà xinguiqo nga kọ okixi-nò. Ngats'ì xita naxandá-là Cristo xi j títajna síhixat'aà-nò.

¹⁷ Ndí 'ndseé k'oaá s'in bitsi'bà-nò nga chitsejèn-là jñà xita xi síjòya kọ xi síkíts'ón-jijn koni s'in mokjeiín-nò, jñà xi kondra f'ii-là kjohítsjeèn koni s'in kichita'ya jñò. Tjinchat'aàxin-là jñà xita koi.

¹⁸ Jñà xita koi, mìtsà Na'è-ná Jesucristo síxá-là, tà yijo-laá síxátji. 'Én sin 'én ndaa chja nga konaçhan-là xita xi mikii ndaa machiya-là.

¹⁹ 'An, matsjaá-na it'aà tsajòn nga jye ndaa na'ya-nò nga ndaa nìkitasòn. Tanga 'an mejèn-na nga xita chjinee kátama it'aà ts'e kjoa xi ndaa tjín. Kọ jñà kjoa xi ch'o tjín, kj'eè kii na'ya-nò.

²⁰ Jè Nainá xi tsjá-ná kjoa'nchán, tà chibaá chija-là nga ya síikjnjangui ndsokoo jè xita neij mé-ne nga koma kinchanè. Kjondaà-là Na'è-ná Jesucristo kàtijnakọ-nò.

²¹ Tísihixat'aà-nò jè Timoteo xi taña nixákjoò-jen, kọ Lucio, kọ Jasón kọ Sosípater jñà xi xita xinguiáa ma.

²² 'An xi Tercio mì-nà, xi tkjil-nò xojon jè, it'aà ts'e Na'è-ná, síhixat'aà-nò.

²³ Tikoá tísihixat'aà-nò Gayo; 'an jí tijnà j ni'ya-là nga tikoá jí bixoña ngats'ì xita naxandá-là Cristo. Tísihixat'aà-nò Erasto xita xi bitjò tòn ts'e ni'ya osen; tikoáá síhixat'aà-nò jè 'ndseé xi 'mì Cuarto.

²⁴ Ngats'ioò, jè kàtijnakọ-nò kjondaà-là Jesucristo xi otixoma-ná.

Én xi fehet'aà-ne

²⁵ Jeya kàtijnà jè Nainá xi tijnakọ-nò. Jè xi komà tsjá-nò nga'ño tikoá komà kixi síkítsajna-nò koni tsò 'én ndaa-là Nainá xi 'an okoòya-nò kọ jñà 'én xi nokjoàyajijn-nò it'aà ts'e Na'è-ná Jesucristo. Nga jyeé tí'ya-là kjoa xi tji'ma-là Nainá skanda sa kjòtseé;

²⁶ tanga j'ndeé jye ki'ya-là koni s'in tichja Xojon-là Nainá xi kiskii jñà xita xi kíichja ngajo-là Nainá kjòtseé. K'oaá s'in tichja kjotixoma-là Nainá xi tijnà njita mé nàchrejin-nè. Jè kjoa'ma-là Nainá, jye kis'enojmi yije-là ngats'ì xita naxandá xi tjín nga tjtsa isò'nde mé-ne nga kátasikitasòn-ne koni s'in mokjeiín-là.

²⁷ Jè Nainá xi tajngoo ma-ne, xi tjín-là kjoachjine, kátas'e-là kjoa jeya it'aà ts'e Jesucristo njita mé nàchrejin-ne. K'oa's'ín kátama.

Xojon carta-la San Pablo xi kiskii itjòn-la xita naxandá-la Cristo xi títsajna Corinto

Kó tsò Pablo nga shixat'aa jña xita naxandá-la Cristo xi títsajna Corinto

¹ An xi 'mì-na Pablo, xi xó k'oas'in kinokjoa-na nga 'an tsibixáya-na Cristo Jesús, nga k'oas'in kjòmejèn-la Nainá. Títsanihixat'aa-nòjen kò Sóstenes xi 'ndseé chibá it'aa ts'e Cristo.

² Tikjii-nò xojon carta jè, jñò xi naxandá-la Cristo maà xi títsajnaà ján Corinto, xi jye kisitsjeè-nò Nainá nga ya títsakjoòkoo Cristo Jesús nga xó k'oas'in jaàjii-nò Nainá mé-ne nga xita tsjeè-la komaà kò ngats'iì xita xi xkí xi ján chjat'aa-la nga jeya síkijna jè Na'èn-ná Jesucristo xi otixoma-ná, tìkoo jè otixoma-la xita koi. Xi Na'èn-ná 'mì-lá, tìkoo Na'èn-ná tsò-la jña xita koi.

³ Nainá xi Na'èn-ná, kò jè Jesucristo xi otixoma-ná kàtatsjá-nò kjondaà kò kjoa'nchán ya jjiin inima-nò.

Én xi kiichja Pablo nga tsjá-la kjondaà Nainá

⁴ Kji'taa nachrjein tsjaà-la kjondaà Nainá xi it'aa tsajòn koi kjoa-la jña kjondaà xi kitsjaà-nò Nainá nga ndaa kisichikon-t'in-nò it'aa ts'e Cristo Jesús.

⁵ Nga yaà it'aa ts'e Cristo, Nainá kisichikon-t'in yije kjòhítsjeèn-la inima-nò, kós'in nokjoa, kò kós'in machiya-nò 'èn-la Nainá.

⁶ Nga k'oaa s'in 'ya-la, nga jè 'én ndaa-la Nainá xi kjoa ts'e Cristo kjòkixiyaá jjiin inima-nò.

⁷ Nímé kjotjò-la Nainá chjat'aa-nò k'e nga tákó títsachiñá-là nga kjoii lingoò k'a Jesucristo xi otixoma-ná.

⁸ Nainá tsjá-nò nga'ño skanda k'e nga kjoehet'aa nachrjein, mé-ne nga nímé jè sakòt'aa-nò k'e nga kitjojen lingoò k'a Jesucristo xi otixoma-ná.

⁹ Nainá xita kixi-né, sikitasòn-né kóni s'in tsjá 'èn-la. Xó k'oaa s'in kiichja-nò nga ya chraña kitsajnakjoòkoo Jesucristo xi ki'ndí-la tsò-la nga jè otixoma-ná.

Mé-ne kjòjòya-ne naxandá-la Cristo ján Corinto

¹⁰ Ndi 'ndsè kò tichjaà, it'aa ts'e okixi xi kitsjaà-na Jesucristo xi otixoma-ná, tìbitsi'bà-nò ngats'ioò, ngàsòn ngáya títsajnakoo xinguioo, mé-ne nga mì kojòya-ne kjòhítsjeèn-nò. Tajngoò kjòhítsjeèn tìkjeén, ngàsòn jchòsòn-là nita mé kjoa-ne.

¹¹ Koi koxan-nò ndí 'ndsè, nga jña xita ni'ya-la Cloé, tsibénojmi-na nga kjoasii tjin-nò.

¹² Koi k'oas'in tixan-nò, tjin i'nga xita xinguiaá xi tsò: "An, jè Pablo fit'aa-la." Tjin xi tsò: "An, jè Apolos fit'aa-la." Tjin xi tsò: "An, jè Cefas [xi tìkoo Pedro 'mì] fit'aa-la." Tjin xi tsò: "An, jè Cristo fit'aa-la." ¿Mé-ne obixón-nò?

¹³ ¿A kjin ya ma-ne Cristo? ¡Majin! ¿A jè Pablo xi kisit'aa krò it'aa tsajòn? ¡Majin! ¿A it'aa ts'eé Pablo komà bautizar? ¡Majin!

¹⁴ Ndaà chji-la Nainá, 'an, mìtsà yá xita kis'iaàn bautizar ya naxandá tsajòn, ta jè Crispo kò Gayo,

¹⁵ mé-ne nga mì yá xita kitsq-ne: "It'aa ts'eé Pablo komà bautizar."

¹⁶ Saá tìbitsjeèn-na nga tìkoo kis'iaàn bautizar Estéfanos kò xita xikjín, tanga mikii bítsjeèn-ná tsà kis'iaàn bautizar xi kjejí xita.

¹⁷ Jè Cristo mìtsà koi xá kisikasén-na nga xita s'iaàn bautizar; koi xá kisikasén-na nga 'an kichjaya 'én ndaa-la Nainá. K'e nga chjaya, mìtsà 'èn-la xita chjine sikjeén; majin-na nga chjia nga'ño-la krò-la Cristo.

Jè Cristo, nga'ño-la Nainá-né kò kjoachjine-la Nainá-né

¹⁸ Jña 'én xi tìnokjoáya it'aa ts'e Cristo nga k'en-t'aa krò, ta kjoa ská ma-la jña xita xi ya tjímaya ndiyá-la i'nde kjo'in. Tanga jña xi jye títsabitjokájnaà kjo'in, k'oaa s'in mokjeiin-ná nga jè 'èn-la Cristo nga'ño-la Nainá-né.

¹⁹ K'oaa s'in tichja Xojon-la Nainá nga tsò:

Jña xita xi 'ño tjin-la kjoa chjine,
'aàn kokoò-la nga nímé chji-la kjoachjine-la.
'Aán kochrjeènguia kjòhítsjeèn-la
jña xita xi 'ño machiya-la.

²⁰ Jña xita xi 'ño tjin-la kjoachjine, kò xi 'ño chjine xojon kò xi joóya-ne kjoa xi tjin isò'nde, i'ndeí, çñánda títsajnakoo kjoachjine-la? Jè Nainá, kisiskáya-la kjoachjine xi tjin-la xita isò'nde.

²¹ Nainá 'ño xita chjine, mikii kitsjaà'nde-la xita nga it'aa ts'e kjoachjine-la isò'nde kijtseèxkon. Nainá k'oaa s'in sasén-la nga ochrjekajiiin kjo'in jña xi mokjeiin-la it'aa ts'e 'én ndaa-la Nainá xi kjoa ts'e Cristo, 'én xi tsò-la xita koi, kjoa ská-né.

²² Jñà x̄t̄a judío [mikii mokjeiín-là] nga jé xi mejèn-là nga skoe kjoaxkón xi 'ñó jeya t̄jín, ko jñà xi mìtsà x̄t̄a judío [t̄ikoáá mikii mokjeiín-là] nga koií ótsji xi 'ñó kjoa ch̄jine.

²³ Tanga ngajen k'oaá s'ín nokjoàya-jen nga krò k'en-t'aa Cristo [x̄t̄a xi xó kisikasén-ne Nainá]. Jñà x̄t̄a judío mikii mokjeiín-là kjoa xi komàt'in Cristo, ko jñà xi mì x̄t̄a judío, kjoa ská ma-là.

²⁴ Tanga jñà x̄t̄a xi xó jaàjìn-ne Nainá, xi x̄t̄a judío ko xi mìtsà x̄t̄a judío, k'oaá s'ín mokjeiín-là nga jè Cristo nga'ñó-là Nainá-né ko kjoa ch̄jine-là Nainá-né.

²⁵ Kjoa-là Nainá xi ta kjoa ská tsò-là x̄t̄a isò'nde, kjoa ch̄jine-là Nainá-né. Ìsáá tse kjoach̄jine t̄jín-là mì k'oaá-ne koni kjoach̄jine xi t̄jín-là x̄t̄a isò'nde. Ko jè kjoa-là Nainá xi ta kjoa indaa tsò-là x̄t̄a isò'nde, nga'ñó-là Nainá-né. Ìsáá tse nga'ñó t̄jín-là mì k'oa-ne koni nga'ñó xi t̄jín-là x̄t̄a isò'nde.

²⁶ Jñò ndí 'ndsé ko tichjaá, t̄ikítsjeèn k'e nga sa jaàjìn-nò Nainá, chibaá ma-nò xi x̄t̄a ch̄jine tsò-nò x̄t̄a isò'nde, ko chibaá ma-nò xi x̄t̄a ítjòn t̄itsajnaá, t̄ikoá chibaá ma-nò xi ya ni'ya-là x̄t̄a skò-là kits'ion.

²⁷ Tanga Nainá jaàjìn jñà x̄t̄a xi tsò-là x̄t̄a isò'nde nga chiba kjoátsjeèn t̄jín-là mé-ne kosobà-là jñà x̄t̄a ch̄jine. T̄ikoá jaàjìn Nainá xi tsò-là x̄t̄a isò'nde nga ñimé chí-là mé-ne kosobà-là jñà x̄t̄a xi x̄t̄a ítjòn t̄itsajna.

²⁸ Nainá jaàjìn x̄t̄a ìmá ko x̄t̄a xi bitjongui xi tsò-là x̄t̄a isò'nde nga ñimé chí-là, mé-ne k̄itjongui-ne jñà x̄t̄a xi tsò nga jñà t̄itsajna ítjòn,

²⁹ mé-ne ñjngoo x̄t̄a xi 'nga s̄ik̄jina-ne yijo-là nga nguixkon Nainá.

³⁰ Tanga t̄jè-ne Nainá kisik̄tsajna-ko-ná Cristo Jesús. K'oaá t̄is'ín kis'ìn nga it'aa ts'e Cristo sakó-ná jè kjoach̄jine, nga jè Cristo, x̄t̄a kixi s'ín-ná, x̄t̄a tsjeé s'ín-ná ko sik̄tsajna-dej-í-ná kjoa ts'e jé-ná.

³¹ Koni s'ín tichja Xojon-là Nainá nga tsò: "Jè xi jeya s̄ik̄jina yijo-là, ta saá Nainá jeya k̄atasik̄jina."

2

¹ Ndí 'ndsé ko tichjaá, k'e nga k̄ik̄on-nò nga tsibenojmí-nò 'én-là Nainá, mìtsà koi 'én kichjà-nò xi maxkón-là x̄t̄a k'e nga 'nchré ko xi tsò-là nga 'én-là x̄t̄a ch̄jine.

² K'e nga tsohot̄jina-ko-nò, k'oaá s'ín kiskoòsòn-là; mìtsà mé kjoa xi k'ej̄i kisik̄tsjeèn; ngui tà 'én-là Jesucristo tsibenojmí-nò, nga jè-né xi krò k'en-t'aa.

³ K'e nga ijchò k̄enojmí-nò 'én-là Nainá, indaakjoáá ijchoa. T̄itsakjoòn-ná skanda t̄ihotsé-ná.

⁴ K'e nga kichjajajìn-nò mìtsà 'én-là x̄t̄a ch̄jine kisik̄jeén mé-ne nga k̄okjeiín-nò. Ta saá jè Inìma Tsjeé-là Nainá tsakó nga'ñó-là nga k̄okjeiín-nò.

⁵ Mé-ne jè kjoa xi mokjeiín-nò it'aa ts'e Cristo, mìtsà ya nchrobá-ne kjoa ch̄jine-là x̄t̄a, yaá nchrobá-ne nga'ñó-là Nainá.

Xi ngui kjoa ch̄jine, it'aa ts'eé Nainá nchrobá-ne

⁶ Kixi kjoa 'én ch̄jineé nokjoàya-lajen jñà x̄t̄a xi jye t̄imajchinga nga mokjeiín-là it'aa ts'e Cristo. Tanga mìtsà kjoa ch̄jine ts'e isò'nde nokjoàya-jen, ñi mìtsà ts'e x̄t̄a ítjòn xi t̄jín isò'nde xi jye tichja nga'ñó-là.

⁷ 'En xi nokjoàya-jen, kjoa ch̄jine ts'e Nainá-né, jè kjoach̄jine xi t̄j'ma-là xi k'oaas'ín kiskoòsòn-là skanda t̄isá k̄jotsee nga jñà jeya k̄itsajnaá.

⁸ Nijngoo x̄t̄a ítjòn xi t̄jín isò'nde k̄jochiya-là it'aa ts'e kjoa ch̄jine koi. Tsá k̄jochiya-là, mì-là kii k'oaas'ín krò kisik̄'en-t'aa Na'èn-ná Jesucristo xi t̄jín-là kjoa jeya.

⁹ Xojon-là Nainá, k'oaá s'ín tichja nga tsò:

Jñà x̄t̄a xi matsjakeè Nainá,

jè t̄jindaà-là kjoa xi ñi saá jngoo x̄t̄a xi xkon beè-ne,

xi líká-là 'nchré-ne

xi ko inìma-là machiya-là.

¹⁰ Nainá, it'aa ts'e Inìma Tsjeé-là tsakó-najen kjoa koi. Nga jè Inìma Tsjeé-là Nainá ótsjiya yije-né skanda jñà kjoa xi mikii ndaa fiya-ná it'aa ts'e Nainá.

¹¹ ¿Yá x̄t̄a-ne xi machiya-là kó tsò k̄joh̄tsjeèn xi t̄jii inìma-là x̄t̄a xi k'ej̄i? Tà jè t̄jii inìma-là kó tsò k̄joh̄tsjeèn-là. K'oaá t̄is'ín t̄jín kjoa ts'e Nainá, ñjngoo x̄t̄a t̄jii inìma-là kó tsò k̄joh̄tsjeèn-là Nainá; ta jè Inìma Tsjeé-là t̄jii inìma-là.

¹² Ngajen, mìtsà jè inìma-là x̄t̄a isò'nde k̄itjoe-najen. Jè Inìma Tsjeé-là Nainá k̄itjoe-najen, mé-ne nga jchà-najen kjoa xi Nainá kitsjaá k̄jotjò-ná.

¹³ 'En koi, k'oaá s'ín nokjoà-jen koni s'ín okóya-najen Inìma Tsjeé-là Nainá. Mìtsà k̄joh̄tsjeèn ts'e x̄t̄a isò'nde. 'En Tsjeé-là Nainá b̄enojmí-jen xi kjoa ts'e Inìma Tsjeé-là.

¹⁴ Jè xi mìtsà xità-là Cristo, mìkiì machiya-là 'én xi ts'e Inijma Tsjeè-là Nainá. Tà kjoa ská ma-là. Mìkiì fahas'en-jìin-là, nga mochtején-né nga it'aa ts'e Inijma Tsjeè-là Nainá kinchátsjiyaá.

¹⁵ Tanga jè xità xi Inijma Tsjeè-là Nainá tijnajìin inijma-là, maá-là ótsjiya yije nità mé kjoa-ne. Tanga it'aa ts'e xità jè, mì yá xità xi koma-là kohótsjiya kjohótsjeèn-là.

¹⁶ K'oaá s'in tichja Xojon-là Nainá nga tsò: "¿Yá-né xi beé kjohótsjeèn-là Nainá? ¿Yá-né xi koma kòkòya-là?" Tanga jñá tjin-ná kjohótsjeèn xi ts'e Cristo.

3

Jñá xità xi síxá it'aa ts'e Nainá ján Corinto

¹ Jñò ndí 'ndse kò tichjaá, mìkiì komá kòs'in kichjàkò-nò koni xità xi ndaà tjiin inijma-là Inijma Tsjeè-là Nainá. Ta k'oaá s'in kichjàkò-nò koni tsá taxkì xità isò'nde xi tà kjoa ts'e yijo-là ótsji, koni tsá tákò ndí ixti xó xi it'aa ts'e Cristo.

² Mítsá 'in tjin 'én xi tsakoóya-nò; k'oaá s'in ngaya-là koni ndí ixti xó xi sà nchihoki, tà tsjin 'bii, mìtsà tsojmì tájaá kine. Jñò, k'j'èè kii ndaà fahas'en-jìin-nò 'én-là Nainá, k'oaá ngaya-là koni tsojmì tájaá xi k'j'èè kii ma chine skanda nachrjein j'ndeji.

³ Tákò k'oaá s'in 'nè koni s'in xità xi kjoa ts'e yijo-là ótsji. Machinicha-nò xinguioo, chitiya-nò nità mé kjoa-ne. Kjoa koi, kjoa ts'e xità isò'nde-né.

⁴ K'e nga bixón: "An, xità ts'e Pablo-ná", kò jè xi lingoò tsò: "An, xità ts'e Apolos-ná", jñò, k'oaá s'in nokjoà koni chja xi taxkì xità isò'nde.

⁵ An xi Pablo 'mì-na, kò Apolos, tà xità ch'nda-nájen xi nixá-lajen Nainá. It'aa tsajeén kòkjein-nò 'én-là Nainá, nga jingoò jingoò-jen k'i-nè-jen xá xi Na'èn-ná kisingatsja-najen.

⁶ Aán tsakoóya-nò 'én-là Nainá, k'oaá ngaya-là koni jngoò xità xi bítje xojmá, jè Apolos kiskinindá-là, tanga jè Nainá tísjchá.

⁷ Mítsá jè xità xi bítje tsojmì, nì mìtsá jè xi kinindá-là xi chjí-là, tã jngoò jè Nainá xi síjchá tsojmì xi sitje xi 'ñò chjí-là.

⁸ Jè xi bítje kò xi kinindá-là, ta jngoò xá tjin-ne xi s'in. Tanga jè Nainá tsjá-là chjí-là koni tjin xá xi k'is'iin nga jngoò jingoò.

⁹ Ngajen, yaá taña nixákjoò-jen xá-là Nainá. Koá jñò-nò j'nde ñánda sitje 'én-là Nainá. Tjkoá jñò-nò ni'ya-là Nainá xi ngajen bíndaà-jen.

¹⁰ Koni s'in tjin kjondaà-là Nainá xi kitjóe-na, 'an-ná xi chjine chrjó ítjòn, xi tsibijná tàts'en chrjó-là ni'ya. K'jeji xitáá bíndaàsón ni'ya. Tanga jñá xi bíndaàsón, ndaà kátasikinda nga jngoò jingoò kós'in kjiindaá.

¹¹ Mì tì yá xi koma-là kjiina jingoò-isa tàts'en chrjó ni'ya koni jè xi jye tjna, nga jè Jesucristo tjna koni tàts'en chrjó ni'ya.

¹² Tàts'en chrjó ni'ya, komaá síndaàsón-ne kichá oro, plata, ndajo chí xi 'ñò ndaà kjoàn, nas'in yá, nas'in xká paja, o xká ndiji.

¹³ Tanga jñá xá xi s'in nga jngoò jingoò xità, k'èé jcha-là jè nachrjein k'e nga síndaàjìin-là xità. Nachrjein jè, ni'in kjojiiko, koá jè ni'in skót'aa nga jngoò jingoò skaya xá xi komá.

¹⁴ Tsá jngoò xá kichikjoako-là ni'in xi skót'aa, tjoé-là chjí-là jè xità xi kjiindaàsón.

¹⁵ Tanga tsá jè xá xi kisindaàsón, tsá kiti, chjáá chjí-là. Tanga jè xità kitiokajijn kjo'in koni jngoò xità xi bitjokajijn ni'in.

¹⁶ Jñò, ¿a mìtsá tjiin-nò nga ni'ya jngo tsjeè-là Nainá 'mì-nò? Nga jè Inijma Tsjeè-là Nainá tijnajìin-nò.

¹⁷ Tsá yá xità xi mejèn-là sükits'on-jìin-là ni'ya tsjeè-là Nainá, Nainá tjkoáá sükits'on-jìin-là jè xità xi k'oaá s'in s'iin. Nga jè ni'ya-là Nainá, tsjeè-né. Koá jñò-nò xi ni'ya tsjeè-là Nainá 'mì-nò.

¹⁸ Ki yijo-nò chonachan-là, tsá yá xi k'oaá s'in síkítsjeèn nga 'ñò tjin-là kjohótsjeèn xi ts'e kjoa chjine-là isò'nde, ta saá kòs'in kátas'in koni tsá tsjin-là kjohótsjeèn, mé-ne nga ngui xità chjine koma-ne.

¹⁹ Jè kjoa chjine-là xità isò'nde, it'aa ts'e Nainá, kjoa ská tsò-là. Xojon-là Nainá, k'oaá s'in tichja nga tsò: "Nainá, k'oaá s'in s'in nga jñá xità chjine, tijná-ne kjoa maña-là kixojijn-ne."

²⁰ Jè Xojon-là Nainá, jingoò k'a tjt'aa ñánda tsò: "Nainá, beè-né nga nímé chjí-là kjohótsjeèn-là xità xi chjine tsò-là yijo-la."

²¹ K'oaá ma-ne, jñò, ki nijngoò xità xi 'nga níkjina. Nga ngats'iì xi tjin, kjondaà tsajòn yije-nò.

²² Tsá jè Pablo, tsá jè Apolos, tsá jè Cefas [xi tjkoá Pedro 'mì], tsá jè isò'nde, tsá jè kjoabinachon, tsá jè kjoa biyaá, tsá jè nachrjein j'ndeji, tsá jè nachrjein xi sà nchrobá, kjondaà tsajòn yije-nò.

²³ Jñò, ts'e Cristo-nò, koá jè Cristo ts'eé Nainá.

4

Xá-la xita xi tsibíxaya-la Jesús

¹ K'oaá s'in jchatakòn-nájen koni xita chi'nda xi sixá-la Cristo, nga ngajen kjòngatsja-jen nga kokóya-jen kjoa tji'ma-la Nainá.

² Jngoo xita xi xa mangatsja, mochjeén-né nga kàta'ya-la nga kixi sikitasòn xá-la.

³ 'An, mikil sikájnoa xi it'aà tsajòn kó tsò kjohitsjeèn-nò, a ndaá tsikitasoàn, a xi ch'oó tsikitasoàn xá xi 'an kjòngatsja, kò kó s'in sikitsjeèn jña xitaxá xi bínndaàjijn-la xita isò'nde. Skanda 'an, mi tji kii xan-na tsà ndaá tjin kò tsà ch'oó tjin xá xi tis'iaàn.

⁴ 'An, nas'in k'oas'in sikitsjeèn nga tsjin-na jé, tanga mitsà tsò-ne kjoa nga ngui xita kixi-ná. Nga jé Na'èn-ná xi bínndaàjijn-na.

⁵ K'oaá ma-ne ki tà chjà jé binè-là xinguioo nga ti k'èè bijchó nachrjein. Chína-kjoa k'e nga kjoii Na'èn-ná xi silihiseèn nga jcha-la kjoa xi tji'ma nánda nga jño choòn. Koá sijkatsejèn kó tsò kjohitsjeèn xi tjiijn injima-la xita. Ikjoàn Nainá jeya sijkjna koni s'in nga ok'in-la nga jngoo jngoo xita.

⁶ Ndi 'ndsè kò tichjaá, koi 'én tichjako-nò kjoa xi mangàsòn it'aà ts'an kò it'aà ts'e Apolos xi kjondaá tsajòn mé-ne nga mikil sikanonè-là koni tsò 'én-la Nainá. Kì k'oaá s'in nikitsjeèn nga jngoo chi'nda-la Nainá isa ndaá nachrjenguioò koni chi'nda xi i'nga.

⁷ Jño, ¿mé-ne koá bixón-nò nga isa 'ño chíj-nò koni xita xi i'nga? ¿Mé kjondaá xi tjin-nò xi mitsà Nainá kitsjaá-nò? Tsà jye kitjoé-nò ngats'ii kjondaá, ¿mé-ne nga 'nga ma-ne takòn koni tsà ta nga'ño tsajòn kisakò-nò?

⁸ Jño, k'oaá s'in machiya-nò koni tsà jyeé ma yije-nò, koni tsà 'ño xita nchiná it'aà ts'e Nainá. K'oaá s'in nikitsjeèn koni tsà xitaxá itjòn titsajnaá kò ngajen mitsà xitaxá titsajna-jen. Ndaá-la tjin tsà kixi kjoa nga otixoma, mé-ne ngajen koma kotixomako-nòjen.

⁹ 'An, k'oaá s'in sikitsjeèn, ngajen xi it'aà ts'e Cristo kisixáya-najen, Nainá k'oaá s'in kiskoòson-la nga ngajen-nájen xi fehet'aà-ne, xi tjinè-najen nga kiyá-jen nga nguixkòn isò'nde, nga nguixkòn xita kò àkjale. Jña xita, tà nchikotsejèn-najen nga tsja ma-la mé kjo'in xi timat'in-jen.

¹⁰ Ngajen, xi kjoa ts'e Cristo, xita ská 'yatakòn-najen; tanga jño, it'aà ts'e Cristo, k'oaá s'in 'ya-nò nga 'ño tjin-nò kjoachijne. Ngajen, k'oaá s'in 'yatakòn-najen nga xita indaakjoa-nájen; tanga jño, xita tájaá-nò. Ngajen, mi yá xita beèxkòn-najen; jño, beèxkòn-nò xita.

¹¹ Skanda jé hora jé, kjinchrá-najen, xindá-najen, tsjin-najen nikje xi chíkjá-jen, 'ño beètoòn-najen xita, tà tjaàsòn-najen, tsjin-najen ni'ya.

¹² Skanda bijtaá-najen nga 'ño nixá-jen. K'e nga chja'on-kò-nájen xita, ngajen, nijét'aà-lajen Nainá nga katasíchikon-t'in. K'e nga kondra fi-najen xita, chíkjoakoó-najen.

¹³ 'On chjako-najen xita, ngajen ndaá nòkjoá-lajen. K'oas'in beè takòn-najen koni tsà tjé-la isò'nde. Skanda nachrjein i'ndeji, jña xita k'oaá s'in beètakòn-najen koni tsojmi xi ningui-ne nga bixteen.

¹⁴ Koni s'in tikjil-nò, mitsà tis'iin sobá-nò. Kjohitsjeèn titsja jngoo-nò koni tsà jxti ts'an xi matsjake.

¹⁵ Nas'in te jmii ma-ne xi okóya-nò it'aà ts'e Cristo, ta jngoo ma-ne xi na'èn-nò. 'An-ná xi komà na'èn-nò nga mokjeiin-nò it'aà ts'e Cristo Jesús nga 'aàn tsibenojmí itjòn-nò 'én ndaá-la Nainá xi kjoa ts'e Cristo.

¹⁶ K'oaá ma-ne bitsi'bà-nò nga k'oas'in tji'chà yijo-nò koni 'an.

¹⁷ Koi kjoa-la tsiskasén-nò Timoteo, xi ki'ndi-na xan-la nga 'ño matsjake kò kixi sixá-la Na'èn-ná. Jé sijkitsjeèn-nò kós'in tijnakoá Cristo Jesús nga mokjeiin-na it'aà ts'e, koá kós'in okoóya-la xita naxandá-la Cristo nga kijndá naxandá nánda bijchoa.

¹⁸ Tjin i'nga xita xinguioo xi 'ño 'nga chja, k'oaá-là s'in sikitsjeèn tsà mikil kjikon-nò.

¹⁹ Tanga tsà Nainá mejèn-la, kjikon nitoòn-nò. K'e nga kijchoa, skoeè jña xita xi 'nga chja, a nga'ño-la Nainá xi tjin-la a xi tà jé 'én-la xi 'nga chja.

²⁰ K'e nga jé Nainá tihotixoma jngoo-la xita, mitsà ta kjoa ts'e 'én mochjeèn, koo nga'ño-la Nainá mochjeèn.

²¹ Jño, ¿kós'in mejèn-nò nga kjián? ¿A mejèn-nò nga kjo'in tsjaá-nò k'e nga kijchokon-nò, a xi mejèn-nò nga kò kjondaá-na kò kjotsja-na kijchokon-nò?

5

Jé xi kisakò ya jjiin naxandá-la Cristo ján Corinto

¹ Jye na'yà-la nga kjoachijngui tíma jjiin tsajòn. Kjoa xi tíma, skanda jña xita xi mikil beèxkòn Nainá, mi k'oaá s'in. Nga yaá tijnajijn jngoo-nò xita xinguioo xi neajòn-la tsóhoko.

² Jño, ¿mé-ne 'nga nikitsajna-nò yijo-nò? Mochjeén-né nga kjoaba kitsajnajñoò, kò jé xita xi kotjin jé tihótsji, tijnachrjekajjoò.

³ 'An, kixíj kjoa, kjiin tijná-nò, tanga kjohítsjeèn-là iníma-na yaá tijnajiln osen-nò. 'An, k'oaá ngaya-la koni tsá ya tijnajiln-nò, jyeé kiskoósòn-là mé kjo'in xi sinè-là jè xíta xi k'oa tijn jé tihótsji.

⁴ Jñò, k'e nga koxkóya nga jeya sikíjna Jesucristo xi otíxoma-ná, jè kjohítsjeèn-là iníma-na yaá kíjnajiln-nò, tíkoa yaá kíjnajiln-nò jè nga'nó-là Na'èn-ná Jesucristo. Kò jí't'aa ts'e Na'èn-ná Jesucristo,

⁵ xíta jè, xíta neij kátangatsja yijo-là nga kátas'e-là kjo'in, kò kátasíkájno jé-là nga mì tì jé kohótsji-ne mé-ne nga kíjokájiin-ne kjo'in iníma-là, k'e nga kjoíj íjngoo k'a Jesucristo xi otíxoma-ná.

⁶ Mikii ndaà tijn nga 'nga níkítsajna yijo-nò. ¿A mì tíjiin-nò nga nas'in ta chiba na'yo san sísan yije xikjín na'yo?

⁷ Tijnachrekájiioón jè xíta xi ótsji jé k'oaá ngaya-là koni tsá na'yo san xi mì tì ndaà-ne nga síkíts'ón-nò, mé-ne jñò k'oas'in kjoàn koma-nò koni na'yo xitse ts'e inchrajín xi tsjin-là na'yo san. Nga jñò, jyeé kíjtaáxin-nò kjoa ts'e jé koni na'yo san jchínga nga jè Cristo k'en ngajo-ná koni jñà orré xi kisik'en xíta Israel k'e nga Paxko.

⁸ Koií kjoa-là jñá, k'oaá s'in kínáchrjeé s'eí nga jyeé kisikítsajnandeji-ná Nainá kjoa ts'e jé, koni s'in xíta Israel k'e nga Paxko nga sítsjeé ní'ya-là nga faáxin yije na'yo san. Jñá, k'oaá tís'in chjaáxin kjoa ts'e jé kò kjoa ch'o kò ngui kjoatsjeé kò kjoakixi síkjeeén k'oaá ngaya-là koni inchrajín xi tsjin-là na'yo san.

⁹ Jè xojon xi kisikasén itjòn-nò, k'oaá kixan-nò nga mì ya koahijtakoo jñá xíta xi kjoa chijngui s'in.

¹⁰ K'e nga k'oa kixan-nò, mìtsà jñá kisikaxkia jñá xíta isò'nde xi kjoa chijngui s'in, kò jñá xi tse mejèn-là, kò jñá xíta chijé, kò jñá xi xkósòn beèkkón. Xíta koi, xkí xi ján satikjoo. Ta jè xi koma kíjchat'aáxin-là tsá xìn isò'nde onguió.

¹¹ Jñá 'én xi kixan-nò, jè-né nga mì ya tsjahijtakoo jñá xi tsò nga xíta-là Cristo xi 'ndse chibá tsá tákó kjoa chijngui nchis'in, xíta xi tse mejèn-là, xi xkósòn beèkkón, xi ch'o chjajno-ná, xi xán 'bií, xi chijé s'in. Jñá xíta xi k'oas'in s'in, skanda mikii mochjeén nga kíjchikoo.

¹²⁻¹³ Mìtsà jñá oko-ná nga bindaàjiin-là jñá xíta isò'nde. Jè Nainá kíindaàjiin-là jñá xíta koi. Tanga jñò oko-nò nga kíndaàjiin-là xíta naxandá-là Nainá xi tsajòn. K'oaá ma-ne nga xan-nò, chjaáxin jè xíta xi ch'o tís'in xi ya tijnajiln-nò.

6

Kòs'in s'jin jñá xíta-là Cristo nga tíjñá xíkjin kíindaàjiin-là

¹ Jñò, k'e nga tsá kjoasii tijn-nò kò xíta xinguió, ¿mé-ne jñá mejèn-nò kíindaàjiin-nò jñá xítaxá xi mìtsà xíta-là Cristo? ¿A mìtsà tà jñá kátindaàjiin-nò xi xíta naxandá-là Cristo?

² ¿A mìtsà tíjiin-nò nga jñá xi xíta naxandá-là Cristo 'mì-ná, jñá kíindaàjiin-là xíta isò'nde? Tsá jñò kíindaàjiin-là xíta isò'nde, ¿a mì chíkjoa-nò nga ta jñò kíindaàjiin-là xíta xinguió kjoa xi chiba tijn?

³ ¿A mìtsà tíjiin-nò nga tíkoa jí't'aa tsaján kíndaàjiin-là àkjalé? Tsá jñá kíndaàjiin-là àkjalé, ¿a mì koma-ná kíndaàjiin-là xíta xinguiá kjoa xi tijn j isò'nde?

⁴ K'oaá ma-ne tsá ta kjoa ts'e isò'nde-né xi tijn-nò, tíjókjoa íjngoo-là xíta 'ndse xi jñò nachjenguiod nga 'mì-là níjmé chji-là, jè kátindaàjiin-nò.

⁵ Koií kjoa xan-nò mé-ne nga kátasobà-nò. ¿A mìtsà tíjna íjngoo xíta xinguió xi tijn-là kjohítsjeén nga koma-là kíindaàjiin-là xíta xi 'ndse chibá?

⁶ Mìtsà ta koií kjoa-là nga bíxkàn-koo xinguió, skanda yaá onguió xinguió nguixkon xítaxá xi mikii beèkxon Nainá nga bindaàjiin-nò.

⁷ Kixíj kjoa, ch'oo tijn kjoa k'e nga tíjñò bíxkàn-kò-nò xinguió. ¿Mé-ne mìtsà ta saá níkjeiin-là xinguió k'e nga ch'o síkò-nò? Ta saá tíkjeiin-là nga kátasíchijé-nò.

⁸ Tanga jñò, k'oaá tís'in ch'o níkoo xinguió, tíjñò níchijé-là.

⁹ ¿A mìtsà tíjiin-nò nga jñá xi mìtsà xíta kixi, mikii kjoahas'en-jiln j'nde ñánda tíhotíxoma Nainá? Jñá xíta xi kjoa chijngui s'in, jñá xi xkósòn beèkkón, jñá xíta xi jye chixàn xi kjoa chijngui s'in, jñá xíta xí'ndé xi tì x'in xíkjin oyijòkò-ne,

¹⁰ jñá xíta chijé, jñá xíta tse mejèn, jñá xíta xi xán 'bií, jñá xi xíta chjajno-là, jñá xíta xi konachan-là xíkjin nga síchijé-là, kí yijo-nò chonachan-là nga jñá xíta xi koatjín kjoach'o xi s'in mikii kjoahas'en-jiln ñánda tíhotíxoma Nainá.

¹¹ Jñò, k'e nga sa kjótséé k'oa tís'in kí'nè i'nga; tanga j'nde, jye kisanjino kjoa ts'e jé-nò, jye xíta tsjeé-là Nainá komá, kò jye xíta kixi komá jí't'aa ts'e nga'nó-là Jesucristo xi otíxoma-ná kò jí't'aa ts'e Iníma Tsjeé-là Nainá.

Kò s'in síchjeén yijo-ná mé-ne nga jeya kíjna Nainá

¹² Tjín i'nga x̄ita xinguiḡo xi tsò: “An t̄jì'ndeé-na n̄ita mé kjoa xi s'iaàn.” Kix̄ij̄i kjoa t̄jì'nde-né, t̄anga mik̄il ok'ín-la tsà k'oas'én yijeé ngats'i kjoa; k'oaa ma-ne, 'an, mik̄il tsjaà'nde-la yijo-na nga s̄iik̄ijne-na jngoo kjoa.

¹³ Tjikoaa t̄jín i'nga xi tsò: “J̄n̄a tsojm̄i xi ma chine, ts'eé indso'ba, koa jè indso'ba mochjeén-la tsojm̄i xi ma chine.” Kix̄ij̄i kjoa, t̄anga ingajò kjoa koi, Nainá s̄iik̄jehet'aà. Tanga jè yijo-ná, mìtsà kòs'ín kochjeén nga kjoa chijngui s'eén; j̄t'aà ts'e Nainá kochjeén; yijo-ná, ts'eé Nainá.

¹⁴ Koni s'ín kis'ín Nainá nga kisik̄jaaya-la Na'èn-ná Jesús, j̄n̄a k'oaa t̄s'ín kjoaaya-ná j̄t'aà ts'e kjoa biyaà nga t̄jín-la nga'ño Nainá.

¹⁵ ¿A mìtsà t̄jijn̄-nò nga jè yijo-ná, yaà t̄kjoòko ts'e Cristo? ¿A komaá s̄ikjeén yijo-la Cristo nga s̄jngoo't'aà-lá ts'e chjoón ská? Maj̄in, mik̄il koma.

¹⁶ ¿A mìtsà 'yaà, k'e nga jngoo x̄ita x'ín, tsà chjoón ská k̄ijnako, jngoo yijoó koma? Nga k'oaa s'ín t̄ichja Xojon-la Nainá nga tsò: Ingajò x̄ita koi, jngoo yijoó koma.

¹⁷ Tanga jè xi Na'èn-ná t̄ijnako, yaà majngoo'ko in̄ima-la ko ts'e Na'èn-ná.

¹⁸ T̄inchat'aaxin-là kjoa chijngui. Jngoo x̄ita, n̄ita mé jè xi ótsji jé, mìtsà yijo-la t̄ibeetòon. Tanga jè x̄ita xi kjoa chijngui s'ín, yijo-laà beetòon.

¹⁹ ¿A mìtsà t̄jijn̄-nò nga jè yijo-nò ni'ya-la In̄ima Tsjeè-la Nainá-né xi j̄n̄o kitsjaà-nò Nainá nga t̄ijnaj̄in in̄ima-nò? Yijo-nò, mìtsà t̄i tsajòn-nò.

²⁰ Nainá jye tsakatse-nò, tsee tsibich̄it̄jì-nò. Koi kjoa-la jchaxkón Nainá, ndaa t̄ikjeén yijo-nò nga ts'eé Nainá.

7

Kjoa ts'e x̄ita xi bixan

¹ J̄t'aà ts'e 'én xi kichj̄nangui-ná nga kinikasén-ná xojon nga bixón: “Ndaa-la t̄jín, jngoo x̄ita x'ín ko jè chjoón tsà mik̄il k̄ixan.”

² Tanga koi kjoa-la nga 'ño t̄jín kjoa chijngui, nga jngoo jngoo x̄ita x'ín katas'e-la chjoón, ko nga jngoo jngoo chjoón katas'e-la x'ín.

³ Koni s'ín t̄jín k̄jotixoma ts'e kjoa bixan, jè x'ín, ndaa k̄atasís'in-la chjoón-la k'e nga kójnako, t̄jikoja jè chjoón, ndaa k̄atasís'in-la x'ín-la.

⁴ Jè chjoón, mìtsà t̄jje otixoma-la yijo-la, jè x'ín-la otixoma-la. Tjikoja jè x'ín mìtsà t̄jje otixoma-la yijo-la, jè chjoón-la otixoma-la.

⁵ K'e nga ts̄ajyijòko xinguiḡo, ki yijo-nò nixkon-là xinguiḡo. Tà k'e-né tsà ngàsòn chibàya-nò kótj̄in nachrjein mik̄il ts̄ajyijòko xinguiḡo tsà Nainá k̄inókjoa't'aà-là. Xi koma iskan mochjeén-né nga sis'in-là xinguiḡo nga mi jè x̄ita neji skónachan-nò k'e nga tsà mi t̄i k̄il ch̄ikjoa-nò nga xin ts̄ajyijò-là xinguiḡo.

⁶ 'En xi tixan-nò tà 'an-ná xi t̄itsjaà'nde-nò; mìtsà k̄jotixoma t̄ibìnè-nò.

⁷ Xi it'aà ts'an, mejèn-na tsà ngats'ì x̄ita k'oas'ín k̄at̄itsajna tajngoo, koni 'an, tajngoo t̄ijn̄aa. Tanga jngoo jngoo x̄ita kits'ii-la k̄jotjò xi Nainá kitsjaà-la, kòs'ín k̄itsajna. K̄akj'eji k̄akj'eji s'ín t̄itsajna nga jngoo jngoo x̄ita.

⁸ J̄n̄a x̄ita xi t̄itsajna tajngoo ko j̄n̄a ích̄jín xi jye k'en x'ín-la, ndaa-la t̄jín tsà tà k'oas'ín k̄itsajna tajngoo koni 'an.

⁹ Tanga tsà mik̄il ch̄ikjoa-la nga bitsajna j̄jngó, isaa ndaa-ne tsà k̄atixan, mi k'oja-ne tsà tsjè s̄iik'en.

¹⁰ 'An, k'oaa s'ín bìnè-la j̄n̄a x̄ita xi jye chixàn, nga mik̄il koma tsjein x̄ikj̄in. Jè chjoón, mik̄il koma s̄iik̄ijna x'ín-la. Mìtsà k̄jotixoma ts'an xi tsjaà-nò; ts'eé Nainá.

¹¹ Jè chjoón xi tsjein x'ín-la, mik̄il t̄jì'nde-la nga k̄jèj̄i x'ín kixan-ko jngoo k'a. Tjikoaa-ne k̄atajoondaà-ne. Tjikoja jè x'ín, mik̄il t̄jì'nde-la nga tsjein chjoón-la.

¹² J̄n̄a x̄ita xi i'nga, k'oaa xan-la, xi tà k̄joh̄itsjeèn ts'an, mìtsà jè Na'èn-ná tsibijna k̄jotixoma jè. Tsà jngoo x̄ita x'ín xi mokjeiin-la 'én-la Nainá, tsà jè chjoón-la xi t̄ijnako, tsà mik̄il mokjeiin-la, tsà tsò ikon jè chjoón nga bijnako, k̄atijnako, ki tsjeiin takòn jè chjoón-la.

¹³ Tsà jngoo chjoón xi mokjeiin-la 'én-la Nainá, jè x'ín xi t̄ijnako, tsà mik̄il mokjeiin-la, tsà tsò ikon jè x'ín nga bijnako, k̄atijnako, ki tsjeiin takòn jè x'ín-la.

¹⁴ Jè x'ín xi mik̄il mokjeiin-la 'én-la Nainá, it'aà ts'e chjoón-laá matsjeè-né; tjikoaa jè chjoón xi mik̄il mokjeiin-la, it'aà ts'e x'ín-laá matsjeè-né. Tsà maj̄in, j̄n̄a j̄xti-la mìtsà x̄ita kixi nga nguixkon Nainá, tanga i'ndeji x̄iti-la, yaà chja-ne naxandá-la Cristo.

¹⁵ Tanga tsà jè chjoón xi mik̄il mokjeiin-la 'én-la Nainá tsà mejèn-la tsjein x'ín-la xi mokjeiin-la, k̄atatsjein. Ko tsà jè x̄ita x'ín xi mik̄il mokjeiin-la 'én-la Nainá, tsà mejèn-la nga tsjein chjoón-la xi mokjeiin-la, k̄atatsjein. J̄n̄a x̄ita koi mik̄il t̄jìnè-la nga kjo'ño k̄itsajnako x̄ikj̄in. Nainá, jè xi mejèn-la nga 'nchán k̄itsajna.

¹⁶ Ji chjoón xi mokjeiin-lè it'aà ts'e Cristo, mikii tjiin-lè tsà koi nàchrjein it'aà tsiji koma kitjokajiin kjo'in x'in-lè. Ko ji xi x'in 'mi-lè nga mokjeiin-lè it'aà ts'e Cristo, mikii tjiin-lè tsà koi nàchrjein it'aà tsiji koma kitjokajiin kjo'in chjoón-lè.

¹⁷ Jngoò kjoa mejèn-na nga ndaa sikjina-la ngats'ii xita naxandá-la Cristo, nga jngoò jngoò xita x'in ko chjoón, mochjeén-né nga kos'in katasíjchá yijo-la koni s'in kitsjaà-la Nainá koni s'in títsajna k'e nga Nainá kiichja-la nga xita-la komá.

¹⁸ Tsà tjin 'nga xita xi jye tjit'aà chiba yijo-la kjoa ts'e circuncisión k'e nga xita-la Cristo komá, tà k'oaá s'in kátijna. Tsà tjin 'nga xi kje'e kii tjit'aà chiba yijo-la, ki bit'aà chiba-la yijo-la.

¹⁹ Xi kjoa ts'e circuncisión, tsà tjit'aà chiba-nò ko tsà majin, mitsá mé-ne. Jè xi chjì-la nga ndaa sikitasòn jè kjoatixoma-la Nainá.

²⁰ Nga jngoò jngoò, k'oaá s'in títsajna koni s'in títsajnaa k'e nga kiichja-nò Nainá.

²¹ K'e nga kiichja-lè Nainá, tsà chj'nda tijnì, ki makájno-lè. Tanga j'ndej tsà koma kijnandejì-ne, ndaa s'e, tijnandejì-ne.

²² Jè xi chj'nda tís'in k'e nga kiichja-la Nainá nga kòkjeiin-la 'én-la, j'ndej tijnandejì-né it'aà ts'e Cristo. K'oaá tís'in tjin, jè xi tijnandejì k'e nga kiichja-la Nainá, j'ndej chj'nda-la Cristo-né.

²³ Jñò, Nainá jye tsatse-nò, ki kii biì'nde nga xita xi kje'ejì chj'nda 'nè-là.

²⁴ Jñò ndí 'ndsè ko tichjaá, koni s'in títsajnaa nga jngoò jngoò k'e nga kiichja-nò Nainá, k'oaá s'in títsajna ya nguixkon Nainá.

²⁵ It'aà ts'e xita xi títsajna tajngoò, tsjin jngoò-na kjoatixoma xi ts'e Na'èn-ná. 'An, k'oaá s'in kosòn-la koni tsò kjohitsjeèn-na nga Nainá kis'e-la kjohimatakòn mé-ne nga it'aà ts'an kjoaat'aà takòn-na jñà xita.

²⁶ Koiì kjoa-la nga 'nò 'in choòn nàchrjein j'ndej, 'an, k'oaá s'in sikitsjeèn, isaá-la ndaa tjin, tà k'oaá s'in kátitsajna xita koni s'in títsajna skanda nàchrjein j'ndej.

²⁷ Tsà tjin-lè chjoón, ki nikjina-jèn chjoón-lè. Tsà tsjin-lè, ki chjoón binchaatsji.

²⁸ Tsà kixein, mitsá jè tibinchaatsji. Ko tsà jngoò chjoón xongó xi kixan, tikoáá mitsá jè tihótsji. Ta jè-né, k'e nga jye kixan, kjoaá s'e-nò. 'An, mejèn-na nga mi kjoa kátas'e-nò.

²⁹ Ndí 'ndsè, mejèn-na nga kátasijjin-nò, nga chiba jchán nàchrjein chija nga ma sixá-la Nainá. Koiì kjoa-la jngoò xita x'in xi tjin-la chjoón, k'oaá s'in kátas'in koni tsà tsjin-la chjoón.

³⁰ Ko jñà xita xi kjoaba títsajnajiin, k'oaá s'in kátitsajna koni tsà mi ba títsajna. Koa jñà xi s'eí tjin-la, k'oaá s'in kátitsajna koni tsà mi s'eí tjin-la. Koa jñà xi tsojmi otse, k'oaá s'in kátas'in koni tsà nimé tjin-la.

³¹ Ko jñà xi fitjingui-la kjoa xi tjin isò'nde, k'oaá s'in kátas'in koni tsà mi ya fitjingui-la; nga jè isò'nde xi títsajnasoán jindé, kjoehet'aà-né.

³² 'An, k'oaá s'in mejèn-na nga nimé kjoa ts'e isò'nde sikitsjeèn. Jè xita x'in xi tjna tajngoò, koiì sikitsjeèn kjoa ts'e Nainá, mé xi s'jin nga kotsja-la Nainá.

³³ Tanga jè xi jye chjoón tjin-la, koiì sikitsjeèn kjoa xi tjin isò'nde mé xi s'jin nga kotsja-la chjoón-la,

³⁴ k'oaá ma-ne nga jò kjoa sikitsjeèn. Tikoáá jè chjoón ka'an xi jye k'en x'in-la ko jè chjoón xi tjna tajngoò xi kje'e x'in tjin-la, koiì sikitsjeèn kjoa ts'e Nainá mé-ne nga tsjeé sikitsajna-ne yijo-la ko inima-la. Tanga jè chjoón xi x'in tjin-la, koiì sikitsjeèn kjoa ts'e isò'nde mé xi s'jin nga kotsja-la x'in-la.

³⁵ Kjoa xi benojmí-nò kjondaá tsajòn-nò, mitsá xan-nò nga 'an ósijna ikon-nò, jè-né nga ngui ndaa sijchá yijo-nò nga nimé kjoa kiichjoá ikon-nò nga sixá-la Nainá.

³⁶ Tsà jngoò x'in xi kos'in tsikitsjeèn nga mi ndaa tsíkò chjoón nga mi xátí tibixan-ko nga jye tihóto nó-la chjoón, k'oaá s'in kátas'in koni s'in sikitsjeèn, kátixan; jè kjoa bixan, mitsá jè nchiótsji.

³⁷ Tanga tsà jngoò xi k'oaá s'in biné-la yijo-la ko inima-la nga majin-la kixan, nga kjohitsjeèn ts'e-né, ko tsà chikjoa-la yijo-la nga mikii kixan, ko tsà jye kos'in kiskoosòn-la, ndaa tjin.

³⁸ Jñà xita xi bixan, ndaa s'in, tanga jñà xi mikii bixan, isaá ndaa s'in.

³⁹ Jngoò chjoón xi x'in tjin-la, mitsá tijnandejì. K'eé-né tsà jye k'en x'in-la nga jye tijnandejì. Koma kixan-ko nita yá x'in-ne xi matsjakeè tsà tanga mokjeiin-la 'én-la Nainá.

⁴⁰ 'An, k'oaá s'in sikitsjeèn, ndaa-la tjin tsà mi tì kii kixan-ne jñà íchjin ka'an. Tikoáá 'an, k'oaá s'in machiya-na nga jè Inima Tsjeé-la Nainá tísichiya-na.

8

Tsojmi xi sinchásòn ya nguixkon xkósòn

¹ Jè kjoa xi ts'e yijo-la cho xi sik'en-la xkósòn-la xita isò'nde nga tsjá-la kjoatjò, jñò bixón-nò nga ngats'iaá jyeé tjin-ná kjoachjine it'aà ts'e kjoa koi. Kixii kjoa, tanga k'e nga tjin-ná kjoachjine, ma'ngaá takoán. Tanga k'e nga tjin-ná jè kjotsjacha, isaá ndaa 'biì-lá nga'nó xinguiáá.

² Tsà tjin i'nga xita xi tsò nga ndaà machiya-la, chijaá isa-la; kj'eè kii beè yije koni s'in tjinè-la nga skoe.

³ Jngoò xita xi matsjakeè Nainá, jè Nainá ndaà beèxkon.

⁴ K'oaá xan-nò kó s'in tjin, tsà ma chine yijo-la cho xi ya biyaat'aà-la jña xkòsòn. Tjiin-ná nga jña xkòsòn xi tjin i'isò'nde, nime nga'ño tjin-la. Nga ta jngoò ma-ne xi Nainá.

⁵ Jña xita, k'oaá s'in sikitsjeèn nga kjin ma nainá xi tjin jan ngajmii ko it'aà nangui. (Kixij kjoa it'aà ts'e xita koi, kjin ma xi nainá ko na'èn-ná tsò-la.)

⁶ Tanga jña, 'ya-ná nga ta jngoò ma-ne Nainá xi Na'èn-ná nga it'aà ts'eé inchrobà-ne nita mé xi tjin. Jña, koií xá tjin-ná nga sikitasoán xá-la. Tjkoáá ta jngoò ma-ne xi otixoma-ná, jè Jesucristo; nga it'aà ts'eé nga'ño-la kisindaà yije nita mé xi tjin ko tjkoáá jña, it'aà ts'eé titsajnaoán.

⁷ Tanga mitsà ngats'ii xita tjiin-la kjoa koi. Tjin i'nga xita 'ndsee xi jye k'oas'in kjò'nga-la kjoa ts'e xkòsòn k'e nga tikj'eè mokjeiin-la. Tanga i'ndeí, k'e nga kine yijo-la cho xi ya biyaat'aà-la jña xkòsòn, k'oaá s'in sikitsjeèn nga jña nchibeèxkòn xkòsòn xi nainá tsò-la xita isò'nde. Nga jò tjin kjohitsjeèn-la, k'oaá s'in fiya-la nga jè ótsji nguixkon Nainá.

⁸ Jño bixón-nó nga jña tsojmi xi ma chine, mitsà koi kjoa-la nga isa ndaà skoétjò-ná Nainá. Tsà kichiaá mitsà isa ndaà kitsajnaa ko tsà mikii kichiaá mitsà isa ch'o kitsajnaa nga nguixkon Nainá.

⁹ Kixij kjoa, tji'nde-ná nita mé xi chjineé. Tanga jña jchòsòn-lá yijo-ná nga mi k'oaá tjin xi chjineé mé-ne jña xita 'ndsee xi indaajin tjin kjohitsjeèn-la mi jè sakò-la.

¹⁰ Tsà tjin jngoò xita xinguioo xi tsò nga tjin-la kjohitsjeèn nga ma chine nita mé yijo-ne, ko yaá fi kakjen ya i'nde ñanda yaxkòn xkòsòn; tsà koi nachrjein-la ya skoe jngoò 'ndseé xi indaajin tjin kjohitsjeèn-la nga ya tikjen. Jè xita 'ndseé, k'oaá tjs'in s'jin.

¹¹ Kjohitsjeèn-la xita jè nga tsò nga maá chine yije nita mé-ne, koií kjoa-la nga kjo'in sikjein jè 'ndseé xi indaajin tjin kjohitsjeèn-la xi Cristo k'en ngajo-la.

¹² K'e nga jè binchaatsjioo xi kondra ts'e xita 'ndsee nga nikits'ón-jño kjohitsjeèn-la xi indaajin tjin, jè binchaatsjioo xi kondra ts'e Cristo.

¹³ An, tsà ta koií kjoa-la ts'e tsojmi xi kineé nga jè sakò-la jè 'ndseé, tjkoáá-ne, jngoò k'a mi ti kii skine-na yijo, mé-ne nga mi jè sakò-la 'ndseé.

9

Kjoa xi tji'nde-la xita xi tsibixaya-la Cristo

¹ A'an tsibixaya-na Cristo. Tijnandeí-ná. Xkoaàn kijtsee-na jè Jesús xi otixoma-ná. Nga xá-la Na'èn-ná tis'iaàn, i'ndeí jño-nò xi xita-la Cristo maá.

² K'oaá xó tsò i'nga xita xi kjeíí nga mi xó tsà 'an tsibixaya-na Cristo, tanga jño, ndaà tjiin-nò nga 'aán kisixaya-na, nga it'aà ts'an-ná nga mokjeiin-nò 'èn-la Nainá. K'oaá s'in bitjo kixi kjoa.

³ K'e nga jngoò xita kjonangui-na xi kondra ts'an, 'an, kii xan-la nga ósikoaa yijo-na:

⁴ ¿A mitsà tji'nde-najen nga k'oi-najen tsojmi xi chine-jen ko xi s'io-jen nga xá-la Nainá titsa'nè-jen?

⁵ ¿A mitsà tji'nde-najen nga kitjako jngoò-jen xi chjoón-najen ma xi 'èn-la Nainá mokjeiin-la, koni s'in xita xi i'nga xi tsibixaya-la Cristo koni jña 'ndseé Na'èn-ná ko Cefas [xi tjkoá Pedro 'mi]?

⁶ ¿A ta 'an-ná ko Bernabé xi tjinè-najen nga kjeíí xá s'en-jen mé-ne nga sakò-najen tsojmi xi chine-jen?

⁷ ¿A tjin xita xi soldado sikitasón xi tijeé bíchí-la yijo-la? ¿A tjin xita xi bitje tsojmi tje, koa mikii kine toó xi oja-la? ¿A tjin xita xi cho síchá, koa mikii 'bií tsjin xi ochrje?

⁸ Kì k'oaá s'in nikitsjeèn nga tà kjohitsjeèn ts'an koni s'in tixan. Tjkoáá tíchjaá kjotixoma ts'e Moisés.

⁹ Kjotixoma-la Nainá xi kiskii Moisés, k'oaá s'in tíchja nga tsò: "Jña nchraja xi bínchi, kii na'ya bi'a tso'ba." 'Én koi mitsà tsò-ne kjoa nga Nainá 'ño sikinda nchraja,

¹⁰ jña-ná xi síkinda-ná Nainá; nga it'aà tsaján tíchja kjotixoma. Jè xi síkínchi nchraja ko xi sítsjeé tsojmi xi majchá-la, nchikoñaá-la nga tjoé chiba-la tsojmi xi majchá-la.

¹¹ 'Én ndaà-la Nainá xi kjoa ts'e Cristo xi jin tsakoóya-nòjen jè ngaya-la koni tachó xi kisitje jjiin inima-nò. ¿A mi ndaà s'e tsà tjoé chiba-najen tsojmi xi majchá-nò?

¹² Tsà jña xi kjeíí xita tjoé chiba-la tsojmi xi tsajón, ngajen, ¿a mitsà isa ndaà tji'nde-najen nga tjkoá tjoé-najen?

Tanga mi k'oaá s'in titsa'nè-jen koni s'in tji'nde-najen mé-ne nga mikii koma sichjoá ikon-la 'èn ndaà-la Nainá xi kjoa ts'e Cristo.

¹³ Jñò, ndaa 'yaà, jñà xità xi ya síxá ya Ingo Ítjòn-la Nainá, koií tsojmi kine xi tjín ya i'nde jè; kò jñà xi ya síxá i'nde tsjeè-la Nainá ya ñánda binchásòn kjetjò xi tsjá-la Nainá jñà xità, okoó chiba-la yijo-la cho xi ya binchásòn.

¹⁴ Nainá k'oaá s'in kitsjaá okixi: jñà xi chjaya 'én ndaa-la Nainá xi kjoa ts'e Cristo yaá sakò-la tsojmi xi skine.

¹⁵ 'An, mi k'oaá s'in tisikjeén jñà kjoa xi tji'nde-na. Tjkoáá mitsá koi xá tikjiì-nò nga kos'in síko-ná. Ísaa-la ndaa tjín tsà kátiyaa mi k'oaá-ne tsà tjín xità xi kjoaáxin-na kjotsja xi tjín-na nga ta kjetjò 'an chjaya 'én ndaa-la Nainá xi kjoa ts'e Cristo.

¹⁶ Nga 'én ndaa-la Nainá xi kjoa ts'e Cristo chjaya, mikii tsà jeya síkjna yijo-na. 'An, xó k'oaá s'in tjínè-na nga 'an kichjaya; ima xó-na tsà mikii kichjaya jè 'én ndaa-la Nainá xi kjoa ts'e Cristo.

¹⁷ Tsà tà kjohitsjeén ts'aan-là nga kos'in tis'iaàn, tjínè-la nga kochjí-na, tanga mitsá tà kjohitsjeén ts'an, jè tsikitasoàn xá xi kisingsatsja-na Nainá.

¹⁸ Jè chji xi tsakó-na, jè-né nga tsja tjín-na nga chjaya 'én ndaa-la Nainá xi kjoa ts'e Cristo nga mitsá chjí-na síjé, nàs'in tji'nde-na nga jè 'én ndaa-la Nainá xi kjoa ts'e Cristo kótijnakon-na.

¹⁹ 'An tjnandeji-ná, tanga i'ndeji, k'oaá s'iaàn koni tsà chi'nda-la ma ngats'ii xità, mé-ne nga isa kjin xità koma kichjà-la 'én-la Cristo nga kokjeiin-la.

²⁰ K'e nga ya tjnajiin-la jñà xità xinguiáa judío, k'oaá s'in s'iaàn koni s'in xità judío mé-ne nga koma kichjà-la 'én-la Cristo nga kokjeiin-la. Kixii kjoa nga 'an, mikii kjo'ño tjínè-na nga kos'in sikitasoàn koni tsò kjetixoma xi kiskii Moisés, tanga k'e nga ya tjnajiin-la jñà xità judío xi kjetixoma-la Moisés titsajnajiiin, 'an k'oaá ti s'iaàn, ta jè xi mejèn-na nga koma kichjà-la 'én ndaa-la Nainá xi kjoa ts'e Cristo nga kokjeiin-la.

²¹ K'e nga ya tjnajiin-la jñà xità xi mitsá ya titsajnajiiin kjetixoma-la Moisés, 'an, k'oaá ti s'iaàn koni tsà mi ya tjnajiina kjetixoma mé-ne nga koma kichjà-la 'én-la Cristo nga kokjeiin-la xità xi mi ya titsajnajiiin kjetixoma. Mitsá tsò-ne kjoa nga tjnat'aà xin-la kjetixoma-la Nainá. Yaá tjnajiina kjetixoma-la Cristo.

²² K'e nga ya tjnajiin-la jñà xità xi indaajiin tjín kjohitsjeén-la, 'an, k'oaá s'iaàn koni tsà tjkoáá indaajiin tjín kjohitsjeén-na mé-ne nga koma kichjà-la 'én-la Cristo xità koi. Yaá singásòn yijekoáa mé kjoa xi titsajnajiiin ngats'ii xità mé-ne nga koma kochrjekajiin i'nga-na kjo'in kjoa ts'e jé-la.

²³ K'oaá s'iaàn xi kjondaà ts'e 'én ndaa-la Nainá xi kjoa ts'e Cristo mé-ne nga s'e-na kjoa machikon-t'in it'aà ts'e 'én.

²⁴ Jñò, jyeé tjiiin-nò k'e nga síská xità xi ongachikon, ngats'ii-né nga ongachikon, tanga ta jngoó-né xi tjoé-la kjetjò, ta jè xi síkijne. Jñò, k'oaá s'in tjíchá yijo-nò nga xità-la Cristo 'mi-nò koni jngoó xità xi ongachikon mé-ne nga tjoé-nò kjetjò xi Nainá tsjá-nò.

²⁵ Jñà xità xi sískájoo nga mejèn-la sjikijne, itjòn bitsajnandaá nga mi tjñà sjikjeén-ne tsojmi xi ch'o síko; koi k'oas'in-ne nga mejèn-la tjoé jngoó-la kjetjò. K'e nga jye ma iskan, jè kjetjò xi tjoé-la, ta bits'on-né. Tanga jñà bitsajnandaá nga tjoé jngoó-ná kjetjò xi mikii bits'on nita kjé-ne.

²⁶ 'An, mitsá k'oas'in ongachikoan [kjoa ts'e xá-la Nainá] koni jngoó xità xi mikii beé ñánda kjichò. Tjkoáá mitsá k'oas'in [síxá it'aà ts'e Nainá] koni s'in xità xi ta 'beéjiin isén k'e nga kjaan-ko xikjin.

²⁷ 'An, k'oaá s'in binè-la yijo-na nga kátas'e-na kjo'in mé-ne k'e nga kjoehet'aà nachrjein nga okoóya-la xità 'én ndaa-la Nainá xi kjoa ts'e Cristo, Nainá mi kjtsò-na: "Ni mé chji-la xá-lè."

10

Kjoa ts'e xkòsòn xi mitsá kixi kjoa nga Nainá

¹ Jñò ndí 'ndse kò tichjaá, ki nujchajiin-jèn nga jñà xità jchínga kjiiin-ná, [k'e nga itjojiin naxandá Egipto], yaá tsibitsajnangui yije jjiin ifi [nga tsakó-la ndiyá], tjkoáá ngats'ii tsatojiin ndáchikon.

² K'oaá ngaya-la koni tsà komà bautizar ya jjiin ifi kò jjiin ndáchikon mé-ne nga xità-la Moisés koma-ne.

³ K'oaá tís'in jngoó skaya tsojmi kiskine xi kjoxkón ndaa ts'e Nainá.

⁴ Tjkoáá ta jngoó skaya nandá kits'ii xi kjoxkón ndaa ts'e Nainá, jè nandá xi ya naxi itjo-ne nga jè Nainá kitsjaá-la. Jè naxi, jè ngaya-la Cristo nga jè tsajmeeyako ndiyá ñánda chinchimaya.

⁵ Tanga jñà xità jchínga koi, kjin jchán k'en ya ñánda nangui kixi choòn nga Nainá mikii kisaseèn-takòn koni s'in kis'iiin ngats'ii xità jchínga koi, ta chibaá tsiningui-ne.

⁶ Jñà kjoa xi k'oas'in komà, jñà okóya-ná nga mì jñà sijkjaajñaá kjoa xi ch'o tjin koni kis'iin jñà xita jhínga-ná.

⁷ Kì k'oá s'in sando xkósòn yaxkón koni kis'iin i'nga xita jhínga koi, nga k'oáá s'in tíchja Xojon-là Nainá nga tsò: "Jñà xita naxandá tsibitsajna nga tsakjèn koa kits'i, i'kjoàn tsasítjen nga kitè [nga jè kisitsjako xkósòn]."

⁸ Tjikoáá mikii kjoa chjingui s'eéen koni s'in kis'iin i'nga xita jhínga koi, nga ta jngoò nachrjein kaàn jàn jmii xita k'en.

⁹ Mì kì taxkì chít'áá Nà'èn-ná koni s'in kis'iin i'nga xita jhínga koi; k'oáá komà-ne nga k'en nga kiskine-là ye.

¹⁰ Tjikoáá kì i'ño-isa tsajét'aa-là Nainá koni s'in kis'iin i'nga xita jhínga koi. K'oáá komà-ne nga jè àkjale-là kjoabiyaá kisik'en xita koi.

¹¹ Ngats'ii kjoa koi, k'oáá s'in komàt'in jñà xita jhínga-ná ko k'oáá s'in kisijna chiba mé-ne sijiin-ná. Kisit'aa Xojon-là Nainá nga jchaá jñà mé kjo'in xi sinè-ná tsà k'oáá tìs'in s'eéen jñà xi tìtsajnakoaán nachrjein xi jye tífehet'aa.

¹² K'oáá ma-ne jè xi kos'in sikítsjeèn nga kixi tìjna, kàtasíkinda yijo-là nga mì jè sakó-là.

¹³ Jñò, k'j'èé mé kjoa xi mat'ioòn nga tíchit'aa-nò xi isa 'ño 'in tìjn koni mat'in xita xi k'ejí. Nainá, xita kixi-né, jè kàta'ñót'aa tàkòn nga mikii tsjá'nde nga isa tsato chít'aa-nò koni kji chíkjoko-nò. Tjì-ne Nainá kòkò ndiyá kós'in kichikjoa-nò koni s'in tíchit'aa-nò skanda k'e nga kjoehet'aa kjoa.

¹⁴ Jñò ndí 'ndsé, nì jtsé kjoa ts'e xkósòn níkítsjeèn nga mejèn-nò jchaxkòn.

¹⁵ 'An, k'oáá s'in tíchja-nò koni xita xi tjin-là kjohtsjeèn. Jchósòn-là 'én xi xán-nò, a kixí kjoa.

¹⁶ K'e nga 'yoaá vino xi tjíya chítin nga nijét'aa-là Nainá nga kàtasíchikon-t'in, ¿a mìtsà ya ningásòn-koáá ko jní-là Cristo? Kò k'e nga nixkoayáá inchrájin, ¿a mìtsà ya ningásòn-koáá ko yijo-là Cristo?

¹⁷ Jñà, nas'in 'ño kjin ma-ná, jè inchrájin xi bichiaá, ta jngoò ma-ne; k'oáá ma-ne nga ngats'iaa, ta jngoò yijo ma-ná.

¹⁸ Chítsejen-là xita naxandá Israel, jñà xi kine yijo-là cho xi biyaá ya j'nde tsjeé nga tsjá-là kjojtò Nainá. Xita koi, yaá singásòn-ko kjojtò xi tsjá-là Nainá ya j'nde tsjeé.

¹⁹ K'e nga k'oá xan-nò, mìtsà xan-nò nga tjin-là okixi jñà xkósòn ko tsojmi xi sinchát'aa-là.

²⁰ Jñà 'én xi xan-nò, jñà kjojtò xi fiko jñà xita xi mikii beèxkon Nainá, jñà fiko-là inima ch'o-là nejí, mìtsà jè sobà Nainá. 'An, majin-nà nga ya singásòn-ko inima ch'o-là nejí.

²¹ Mikii ndaa tjin, k'e nga jye 'yò vino xi ts'e Jesús, xi otixoma-ná, i'kjoàn s'ioo xi ts'e inima ch'o-là nejí. Tjikoáá mikii ndaa tjin, k'e nga jye bichioò inchrájin xi ts'e Jesús, i'kjoàn bichioò xi ts'e inima ch'o-là nejí.

²² ¿A xi mejèn-nò sijkjàn-là Nà'èn-ná nga kàtachini? ¿A isaá tjin-nò nga 'ño mì k'oá-ne Nainá?

Jè kinchátsjiaá itjoàn kjondaá ts'e xita xi k'ejí

²³ Tsò jñà xita: "Tjì'nde-né nita mé xi s'eéen." Kixí kjoa tjì'nde-né, tanga mìtsà ngats'ii kjoa nga ndaa tjin. Tjì'nde-né nita mé kjoa xi s'eéen, tanga mìtsà ngats'ii kjoa tsjá-ná nga 'ño.

²⁴ Mìtsà tà kjondaá tsajòn binchaàtsjioò itjòn, jè tinchátsjioò itjòn kjondaá ts'e xita xi k'ejí.

²⁵ Maá chineé nita mé yijo xi satjina ya ñanda biyaá cho. Kì kii chjinguio ñanda j'ii-ne mé-ne nga mì ch'o koma-là kjohtsjeèn-nò.

²⁶ Nga ts'eé Nà'èn-ná jè nangui ko ngats'ii tsojmi xi tjin-là.

²⁷ Tsà jngoò xita xi mikii mokjeiin-là 'én-là Nainá, kichja-nò nga kichikoo, tsà mejèn-nò nga onguó, chjineé yije-nò xi tsjá-nò. Kì mé xi chjinguio nga mì ch'o koma-là kjohtsjeèn-nò.

²⁸ Tsà jngoò xita xi kitsò-nò: "Jñà tsojmi koi, yaá kisinchaat'aa-là xkósòn." Jè kjoa-là xita xi okitsò-nò, kì kii chine, mé-ne nga mì ch'o koma-là kjohtsjeèn-là.

²⁹ Mìtsà kjohtsjeèn tsajòn xi tixan-nò, ts'eé xita xi okitsò.

Tanga tsà tjin i'nga xita xi skonangui nga kitsò: "¿Mé-ne mì tjì'nde-na nga s'iaàn nita mé kjoa xi mejèn-na nga ta koi kjoa-là nga mì ch'o koma-là kjohtsjeèn-là xita xi k'ejí?"

³⁰ 'An, tsà tsjaá-là kjondaá Nainá j't'aa ts'e tsojmi xi kinee, mikii ndaa tjin tsà ch'o kitsò-là xita jñà tsojmi xi jye kàtsjaá-là kjondaá Nainá."

³¹ Tanga jñò, k'e nga bichioò ko tsà 'yò, nita mé kjoa xi 'nè, k'oáá s'in t'een nga jeya kàtjina Nainá.

³² Kì jè binchaàtsji-là jñà xita judío, ko xi mìtsà xita judío, ko jñà xita naxandá-là Nainá.

³³ 'An, k'oáá s'in s'iaàn yije koni s'in sasèn-là xita xi k'ejí. Mìtsà jè otsjia itjoàn xi kjondaá ts'an, jè otsjia itjoàn kjondaá ts'e xita xi k'ejí mé-ne nga kitjokajjin-ne kjo'in.

11

¹ Koni s'in s'iaàn 'an nga kjingui-là Cristo, k'oá tìs'in chjinguí-ná.

Kó s'in skoexkón x'in-la jñà íchjín k'e nga chjat'aà-la Nainá

² Ndí 'ndsè ko tichjaá, ndaa 'nè-nò nga níkítsjeèn it'aa ts'an ngats'ii kjoa xi s'iaàn; tìkóa níkitasòn kjotixoma xi 'an kisikatoya-nò.

³ Tanga mejèn-na nga kátasjiin-nò nga jngoò ìjngoò xita x'in, jè Cristo xi sko-la ma, ko jè chjoón, jè xita x'in xi sko-la ma, koni jè Cristo, jè Nainá xi sko-la ma.

⁴ Tsà jngoò xita x'in xi títtsa sko k'e nga chjat'aà-la Nainá, o k'e nga chjaya 'én-la Nainá, mìkii beèkkón Cristo nga jè tíjna sko-la.

⁵ Tanga tsà jngoò chjoón, tsà mìkii bíjtsa sko k'e nga chjat'aà-la Nainá, o k'e nga chjaya 'én-la Nainá, mìkii beèkkón x'in-la nga jè tíjna sko-la. K'oaá ngaya-la koni tsà kisijno-la.

⁶ Tsà jngoò chjoón xi majin-la bíjtsa sko, tìkóaá-ne kátasijno-la tsja sko. Ko tsà masobà-la nga sijno-la, kátíttsa sko.

⁷ Jè xita x'in, mìkii tíj'nde nga kíjtsa sko, nga k'oaá s'in 'ya-la koni Nainá, ko it'aa ts'e xita x'in, 'yaá-la kjoajeya-la Nainá; tanga it'aa ts'e chjoón 'yaá-la kjoajeya-la x'in-la.

⁸ Jè x'in, mìtsá ya itjokàt'aà-ne ts'e chjoón; jè chjoón xi it'aa ts'e xita x'in itjokàt'aà-ne.

⁹ Jè xita x'in, mìtsá kjoa ts'e chjoón kisindaà-ne; tanga jè chjoón, kjoa ts'e x'in kíjtsa kisindaà-ne.

¹⁰ Koií kjoa-la jè chjoón tíjné-la nga kíjtsa sko, seña-né nga beèkkón x'in-la, mé-ne nga tìkóa sko-e-ne jñà àkjale.

¹¹ Tanga koni s'in tíjndaà-la Na'èn-ná, tsà tsjin chjoón, mìkii tíjna x'in; ko tsà tsjin x'in, mìkii tíjna chjoón.

¹² Koni s'in komà nga jè chjoón, it'aa ts'e x'in kisindaà-ne; tìkóaá jè x'in, it'aa ts'e chjoón ts'ii'n. Tanga it'aa ts'e Nainá nchrobá yije-ne.

¹³ Jñò, ndaa tìkítsjeèn: ¿A ndaa tíjn tsà mìkii tíjtsa sko jñà íchjín k'e nga chjat'aà-la Nainá?

¹⁴ Tíjé-ne ìsò'nde, bénojmiya-ná nga kjoasobà-né k'e nga jè xita x'in síndojo tsja sko.

¹⁵ Tanga ndaa tsejèn k'e nga jngoò chjoón xi ndojò kjoàn tsja sko. Kjoajeya ts'e-né. Koií xá kits'ii-la tsja-la nga ndojò kjoàn, mé-ne nga kíjtsa-ne sko koni tsà payo.

¹⁶ Tsà tíjn xita xi mìkii t'ojooò ikon koni bíxón-jen, k'oaá s'in kátasijin-la, ngajen ko naxandá-la Cristo, ngui k'oaá s'in 'nè-jen, tsjin xi k'ei s'in.

Kjoa xi mìkii ndaa tíjn k'e nga bichiaá koni s'in tsakóya Cristo

¹⁷ Nga tìkjií ìsa-nò, mìkii ndaa síkítsajna-nò, koií kjoa-la nga mìkii ndaa tìtsa'nè k'e nga maxkóya; ch'o tìtsa'nè.

¹⁸ Jè kjoa xi tíjna itjòn it'aa tsajòn, k'oaá s'in ki'nchrè, jñò xi naxandá-la Cristo 'mì-nò, k'e nga maxkóya, jò xó ya maà. Mejèn tsà mokjeiin-na tsà koií nachrjein-la tsà k'oaá s'in tìtsa'nè.

¹⁹ Ta xó k'oaá-la komat'in-nò nga s'e'é xita xinguiò xi sijnòya-nò, mé-ne nga jcha-la yá-ne xi tíjn-la okixi.

²⁰ K'e nga maxkóya nga bichioò, koni s'in tsakóya Cristo, mìtsá kixi kjoa nga jè níkítsjeèn-yaà koni s'in komat'in Na'èn-ná k'e nga k'en.

²¹ K'e nga bichioò, tíjn i'nga xita xi itjòn kjèn tsojmi xi bijchókò; mìkii koña-la xikjín nga tsjá itsé-la; skanda tíjn xi mach'i. Tanga jñà xita xi i'nga, imáá ijò-la nga mìkii tsjá itsé-la.

²² Jñò, ¿a tsjin-nò ni'ya ñánda nga bichioò ko nga 'yò? ¿Mé-ne nachrjekàngui-nò xita naxandá-la Cristo koa nisobà-la xita imá xi tsjin-la tsojmi xi kine? K'e nga k'oa's'in 'nè, ¿kó s'in xán-nò? ¿A ndaa síkítsajna-nò? Majin, mìkii ndaa síkítsajna-nò.

K'e nga jè Na'èn-ná tsakjèn-ko xita-la k'e nga kòjñò

(Mateo 26:26-29; Marcos 14:22-25; Lucas 22:14-20)

²³ Koni s'in tsakóya-na Na'èn-ná, ti koií-ne xi 'an tsakoóya-nò. Jè nìtjen k'e nga Na'èn-ná Jesús kitsobà'ñò xita, kiskoé inchrájin,

²⁴ Kìtsjaà-la kjondaà Nainá, ìkjoàn kisixkoaya, kitsò: "Chjoé, jè-né xi yijo-na nga tìtsjaà kjotjò nga kiyá xi kjondaà tsajòn. K'oa tì s'in t'een nga tìxkoaya inchrájin, mé-ne nga síkítsjeèn-nò it'aa ts'an."

²⁵ K'oaá tìs'in kis'ii'n k'e nga jye tsakjèn, kiskoé chitsín, kitsò: "Vino xi tíjya chitsín jè, jè jní-na xi síkixiya kjoa xitse xi bindaàjin-ko-nò. Jñò, k'e nga jngoò jngoò k'a s'ioo, k'oaá s'in t'een mé-ne nga síkítsjeèn-nò it'aa ts'an."

²⁶ K'e nga jngoò jngoò k'a kichioò inchrájin jè, koa s'ioya vino chitsín jè, it'aa ts'eé kjoabiyaà-la Na'èn-ná kijnòkjoaya, skanda k'e nga kjoíí jngoò k'a Cristo.

Mìkii ma taxkì bichikoáá Na'èn-ná

²⁷ Njta yá xita-ne xi kòkjen inchrájin jè, o xi skoíya chitsín ts'e Na'èn-ná, tsà mìkii skoexkón k'e nga kòkjen, jè tíhòtsji it'aa ts'e Na'èn-ná nga tíhochrjengui yijo-la ko jní-la.

²⁸ Koií kjoa-la, itjòn ndaa tìkítsjeèn jjiin inima-nò kós'in tìtsajnakoo Nainá ko xita xinguiò. Iskan tìchioò inchrájin koa t'ioya chitsín ts'e Na'èn-ná.

²⁹ Tsà yá xita xi kòkjen inchrájin koa skoí vino xi tíjya chitsín, tsà mìkii síkítsjeèn nga jè yijo-la Na'èn-ná, xita jè, kjo'ii'n tìbiné-la yijo-la.

³⁰ K'oaá ma-ne kjin xita xinguiɔo xi ch'in bit'aà-la koa tjin xi indaakjoa titsajna, skanda yje kjo kjin biyaá.

³¹ Tsà ndaa sikitsjeén kós'in titsajna kooá Nainá ko xita xinguiáá, Na'en-ná mikii kjo'in tsjá-ná.

³² Tanga tsà jè Na'en-ná tsjá-ná kjo'in, koi-né nga mejèn-la síkixiya-ná mé-ne mikii kokot'aá-ná kjo'in xi mikii fehet'aá nita kjé-ne xi tjoé-la jña xita isò'nde xi mikii beéxkón Nainá.

³³ K'oaá ma-ne jño ndi 'ndsé k'e nga maxkóya nga bichioð, chíñakjoa-la xinguiɔo.

³⁴ Tsà tjin i'nga xi 'ño ijò-la, tichioð ni'ya-nò, mé-ne k'e nga koxxkóya mi kjo'in tsjá-nò Na'en-ná. Jña kjoa xi i'nga xi tjin isa-nò, k'e kijchokon-nò kındaajñaá.

12

Kò s'in tjin kjoa chjine xi tsjá Inima Tsjeè-la Nainá xi kjondaá ts'e naxandá-la

¹ Ndi 'ndsé ko tichjaá, 'an mejèn-na kátasjiin-nò jña kjoa chjine xi tsjá Inima Tsjeè-la Nainá.

² Jño, ndaa tjiin-nò k'e nga tikj'eè mokjeiin-nò 'én-la Nainá, yaá tsanguit'aà-la xkòson xi mikii ma chja nga xìn ndiyá kiiko-nò nga mitsá kixi kjoa nga Nainá.

³ K'oaá xan-nò, niyá xita xi koma kitso-la Jesús: "¡Ch'o kátamat'in!", tsà it'aà ts'e Inima Tsjeè-la Nainá tíchja. Tíkoáá tsà mitsá nga'ño ts'e Inima Tsjeè-la Nainá tíchja, mikii koma kitso-la: "¡Ji-né Jesús xi otixomail!"

⁴ Ya jjiin naxandá-la Nainá, kjin skaya kjoa chjine tjin kjoa ts'e xá xi síkitasòn xita, tanga jè xi tsjá kjoa chjine, tije-ne Inima Tsjeè-la Nainá.

⁵ Jña xita, kjin skaya xá tjin-la nga síxá-la Na'en-ná, tanga tije-ne Na'en-ná xi maxá-la.

⁶ Kjin skaya nga'ño tjin kós'in maxá, tanga tije-ne nga'ño-la Nainá xi síxájiin-la ngats'ii xita.

⁷ Nga jngoð ljngoð xita, tjoé-la jngoð kjoa chjine xi okó nga yaá tijnajiin inima-la Inima Tsjeè-la Nainá mé-ne nga ngats'ii xita naxandá-la Nainá kochjeén-la kjondaá xi tjoé-la.

⁸ Xi it'aà ts'e Inima Tsjeè-la Nainá tjin xita xi 'bi-la 'én xi tjin-la kjohitsjeèn; koa tjin i'nga xi 'bi-la 'én xi tjin-la kjoa chjine, nga tije-ne Inima Tsjeè-la Nainá tsjá.

⁹ Tjin xi tjoé-la kjoachjine nga ndaa mokjeiin-la nga tije-ne Inima Tsjeè-la Nainá tsjá-la, tíkoáá tjin xi tjoé-la kjoachjine nga síndaá-ne xita xi xk'én, nga tije-ne Inima Tsjeè-la Nainá tsjá-la.

¹⁰ Tjin xi tjoé-la kjoachjine nga ma-la s'in kjoxxkón xi ndaa tjin, ko xi ma-la chja ngajo-la Nainá, ko xi machiya-la mé inima xi síxájiin inima-la xita xi chja. Ko tjin xi tjoé-la nga ma-la chja 'én xi kj'eji tsò xi mi ya xita fiya-la, tíkoáá tjin xi ma-la síkatoya 'én xi kj'eji tsò xi mi ya xita fiya-la.

¹¹ Tije ta jngoð-ne Inima Tsjeè-la Nainá xi síxá it'aà ts'e ngats'ii kjoa koi nga síka'bi-la nga jngoð ljngoð xita kjoachjine xi jè mejèn-la nga tsjá-la.

¹² Yijo tsajan, kjin jchán skaya tjin-la; tanga koni s'in tíkjoð, ta jngoð ma-ne yijo. Naxandá-la Cristo, k'oaá tjs'in tjin, ta jngoð ma-ne.

¹³ Jña xi xita judio ko xi mitsá xita judio, xi xita chi'nda titsajna ko xita xi titsajnadeji ta jngoð ma-ne. Ngats'iaá jña, tà ngáson komaá bautizar it'aà ts'e xi tije-ne Inima Tsjeè-la Nainá nga jngoð naxandá-la Nainá komaá koni tsá jngoð yijo. Nga jngoð ljngoáá, Nainá kitsjaá-ná xi tije-ne Inima Tsjeè-la.

¹⁴ Jè yijo-ná, mitsá tà jngoð skaya tjin-ne; kjin jchán skaya tíkjoðya.

¹⁵ Tsá jè ndsokoaá kitso: "An, mitsá tsja xita ma, mitsá ya chja-na jè yijo." Mitsá koi kjoa-la nga okitso nga mi ya chja-ne yijo.

¹⁶ Tsá jña líká kitso: "An, mitsá xkon xita ma, mitsá ya chja-na jè yijo." Mitsá koi kjoa-la nga okitso nga mi ya chja-ne yijo.

¹⁷ Tsá kóhokji yijo-ná, tsá ngui xkoaán koma, ¿kós'in kina'ya-ná? Tsá jè yijo-ná, tsá ngui líká koma, ¿kós'in kijné-ná?

¹⁸ Tanga Nainá nga jngoð ljngoð skaya yijo-ná, yaá kisikitsajna j'nde-la yijo-ná ñanda nga jè kjomejèn-la.

¹⁹ Yijo-ná tsá tà jngoð skoya koma, mi-la tsá yijo xi ngui tjngoð.

²⁰ Kixi kjoa nas'in kjin skaya tíkjoðya yijo-ná, tanga tajngoð ma-ne.

²¹ Jña xkoaán mikii koma kitso-la jña ndsaá: "Mikii mochjeén-na." Jè skoáá tíkoáá mikii koma kitso-la jña ndsokoaá: "Mikii mochjeén-na."

²² Tanga it'aà ts'e yijo-ná, tjin-né xi 'mi-lá nga chiba nga'ño tjin-la tanga isaá ndaa mochjeén.

²³ It'aà ts'e yijo-ná xi 'mi-lá nga mikii ndaa tsejèn, jña-né xi nikakjá nikje mé-ne nga isa ndaa kotsejèn-ne. Bíttsa'ma-né jè yijo-ná, jña xi mikii tí'nde-la nga jcha-la.

²⁴ Mikii mochjeén nga sijtsa' ma yijo-ná xi tsején. Nainá jye k'oas'ín tsi'bíndaà nga isá ndaa jchaxkón jè xi 'mì-lá nga isá chiba chjí-lá,

²⁵ mé-ne nga mì kojòya-ne. Tà saá nga jngoò òjngoò skaya kàtasíkindá xíkjín.

²⁶ Tsá tjin jngoò skaya yijo-ná ñánda ijò ma, ok'ín yije-lá xíkjín kóhokji nga ma ijò. Koá tsá tjin ñánda ndaa t'iyaxkón, ndaa s'e yije-lá kóhokji yijo.

²⁷ Jñò, k'oaa ngaya-lá koni yijo-lá Cristo. Katjín, katjín xá xi kitjoé-nò ya jjiin naxandá-lá Nainá.

²⁸ Nainá k'oaa s'ín kiskoòsòn-lá mé xá xi s'jin xita: jñá títajna ítjòn xita xi bixáya-lá Nainá; xi ma-ne jò, xita xi chja ngajo-lá Nainá; xi ma-ne jàn, xita xi okóya 'én-lá Nainá. Tjkoa tjin xi ma-lá s'ín kjoxxkón xi ndaa tjin. Ko tjin xi ma-lá síndaà-ne xita xi xk'én; tjin xi ma-lá síchjät'aà; tjin xi otixoma mé kjoa xi koma; ko tjin xi chja 'én xi k'ejí tsò xi mì yá xita fiya-lá.

²⁹ Mitsá ngats'ii nga ma bixáya-lá Nainá. Mitsá ngats'ii nga Nainá chja ngajo-lá. Mitsá ngats'ii nga ma-lá okóya 'én-lá Nainá. Mitsá ngats'ii nga ma-lá s'ín kjoxxkón xi ndaa tjin.

³⁰ Ko mitsá ngats'ii nga ma-lá síndaà-ne xita xk'én. Mitsá ngats'ii nga ma-lá chja 'én xi k'ejí tsò xi mì yá xita fiya-lá. Mitsá ngats'ii nga ma-lá síkatoya 'én xi k'ejí tsò xi mì yá xita fiya-lá.

³¹ Tanga jñò, mochjeén-né nga t'inchátsjioò jñá kjoachjine xi isá ndaa tjin.

Tanga j'ndeí 'aán kokoò-nò jngoò ndiyá xi isá ndaa tjin kó s'ín síchjá yijo-nò.

13

It'aà ts'e kjoatjòcha

¹ 'An, tsá ma-na chja jñá 'én xi k'ejí tsò xi chja xita nas'ín jñá 'én xi chja àkjale, tanga tsá tsjin-na kjoatjòcha, nímé chjí-lá; k'oaa ngaya-na koni jngoò k'icha xi 'nó one, o koni jñá k'icha tsjin xi ch'o one k'e nga kaàkjòb.

² Tsá tsjin-na kjoatjòcha, nímé chjí-na nas'ín ma-na chja ngajo-lá Nainá, nas'ín machiya yije-na kjoa xi tji'ma-lá Nainá; nas'ín ma yije-na kjoa chjine, nas'ín ndaa mokjeiin yije-na it'aà ts'e Nainá, skanda ma-na síkjaníyá-lá nindoò.

³ Tsá sika'biá yije tsojmi xi tjin-na nga kokjen xita jma, koá tsjaà k'otjòa yijo-na nga kiti xi kjondaà ts'e xita xi k'ejí, tanga tsá tsjin-na kjoatjòcha, nímé síkijne.

⁴ Jè xita xi tjin-lá kjoatjòcha, tjin-lá kjoatsetakón nita mé kjoa-ne; tjin-lá kjondaà; mikii maxitakón; mitsá 'én 'nga chja; ko mitsá tije ndaa síkijna-ne yijo-lá;

⁵ mitsá taxkí s'ín; mitsá tà kjondaà ts'e ótsji; mikii taxkí majti-lá; nímé kjoa bíngui takón;

⁶ mitsá matsja-lá it'aà ts'e kjoa xi ch'o tjin, ts'eé kjoa kixi xi matsja-lá.

⁷ Jè xi tjin-lá kjoatjòcha, síkjeiin yije-lá nita mé kjoa-ne, mokjeiin yije-lá, koña yije-lá, chikjoakò yije-lá ngats'ii kjoa.

⁸ Jè kjoatjòcha mikii kjoehet'aà. Tanga kijchò nachrjein nga mì tì yá xi kichja ngajo-lá Nainá, nga mì tì yá xi kichja-ne 'én xi k'ejí tsò xi mì yá xita fiya-lá ko nga mì tì yá xi tjoé-lá kjohtsjeèn xi tji'ma-lá Nainá.

⁹ Nga k'ejí tsá ngui ndaa tjiin yije-ná kjohtsjeèn xi tji'ma-lá Nainá, ko k'ejí tsá ngui ndaa nokjoà ngajo-lá Nainá.

¹⁰ Tanga k'e nga kijchò nachrjein nga kjoíi xi nímé chijät'aà-lá, yaá kjoehet'aà jñá kjoa xi ta chiba machiya-ná.

¹¹ K'e nga sa chítia, k'oaa s'ín kichja koni chja ixti, k'oas'ín kiskitsjeèn koni s'ín síkitsjeèn ixti, k'oas'ín kiskoòsòn-lá koni ixti. Tanga k'e nga jye kójchínga, kiskijna-ná kjoa ts'e ixti.

¹² I'ndeí, ta k'oaa s'ín 'yaá Nainá koni tsá chitsin jma chitsején-yaá nga mikii ndaa tsején-ná. Tanga kijchò nachrjein k'e nga ndaa kotsején-ná nga chú'aán Nainá. I'ndeí tã chibaà machiya-na, tanga kijchò nachrjein nga ndaa kochiya-na koni s'ín beèxkon-na Nainá.

¹³ Ján kjoa tjin xi mikii kjoehet'aà, jngoò kjoa nga mokjeiin-ná it'aà ts'e Nainá, jngoò nga chña-lá xi tjoé-ná, jngoò nga s'e-ná kjoatjòcha. Jñá ingaján kjoa koi, jè kjoatjòcha xi isá 'nó chjí-lá.

14

Jè xi ma-lá chja 'én xi k'ejí tsò

¹ Jè kjoatjòcha tanguitjngui-lá; tjkoa mochjeén-né nga t'inchátsjioò jñá kjoachjine xi tsjá Injima Tsjeé-lá Nainá. Ko jè xi isá 'nó mochjeén nga k'ínkjoa ngajo-lá Nainá.

² Jngoò xita xi k'ejí tsò 'én xi chja, mitsá taxkí xita tichja-lá; Nainá tichjät'aà-lá. Nga mì yá xita fiya-lá kó tsò 'én xi tichja. Jñá 'én xi chja, ts'eé Injima Tsjeé-lá Nainá nga tichja'ma-né.

³ Tanga jè xita xi chja ngajo-lá Nainá, jñá xita naxandá-lá Nainá chjajjin-lá, mé-ne nga isá ndaa koma-lá, isá ndaa k'ò'ñojjin-ne kjohtsjeèn-lá koá isá ndaa síje takón-ne xita naxandá-lá Nainá.

⁴ Jè x̄ita xi ch̄ja 'én xi k'j'eíí tsò xi mì yá x̄ita fiya-la, t̄i yijo-laá tsjá nga'ñó-la. Tanga jè xi ch̄ja ngajo-la Nainá, j̄nã x̄ita naxandá-la Cristo tsjá-la nga'ñó.

⁵ 'An, k'oaá s'in mejèn-na tsà ngats'ioò koma-nò k̄inókjoa 'én xi k'j'eíí tsò xi mì yá x̄ita fiya-la. Tanga isaá-la ndaà t̄jín tsà koma-nò k̄inókjoa ngajo-la Nainá. Jè xi Nainá ch̄ja ngajo-la isaá 'ñó ch̄ji-là mì k'oa-ne koni jè xi ch̄ja 'én xi k'j'eíí tsò. Ta jngoó-la tsà t̄jín x̄ita xi koma-la s̄iikatoya 'én xi k'j'eíí tsò mé-ne isa ndaà s'e-la nga'ñó x̄ita naxandá-la Cristo.

⁶ Ndí 'ndsè kò tichjaá k'oaá ngaya-la tsà 'an mejèn-na k̄jikon-nò, tsà k'j'eíí tsò 'én xi kichjàkò-nò xi mìkii na'yà-là, kós'in kochjeén-nò. Ta jé-la tsà 'én-la Nainá sikichiya-nò, tsà k̄enõjmí chiba-nò k̄joh̄tsjeén xi ndaà tsò, tsà kichjàj̄in-nò 'én kix̄i, kò kokoòya-nò 'én xi ndaà tsò.

⁷ J̄nã chrjo-la música kò ní'ñó xi t̄ihone tsà ngàsòn k̄jone, çkós'in jcha-la ñã-laá xi t̄ihone nga tà ngàsòn tsò?

⁸ Tsà jè chrjo trompeta-la x̄ita k̄jojchán, tsà mìkii ndaà sk̄indàya, çyá x̄ita xi k̄itsaj̄nandaà nga k̄joi k̄jojchán?

⁹ J̄nò, k'oaá t̄is'in mat'ioòn tsà mìtsà 'én tsajòn k̄inókjoa nga k̄jija-la x̄ita, çkó s'in k̄iná'ya-la mé 'én xi t̄itsanokjoá? Tà j̄j̄in is̄én-la t̄itsanokjoá.

¹⁰ K̄j̄in jchán skoya 'én t̄jín nga t̄jtsa jsò'nde, tanga ngats'ii 'én t̄jín-la k̄joh̄tsjeén kó tsòya-ne nga jngoó j̄jngòò skoya.

¹¹ 'An, tsà mìkii fiya-na kó tsò 'én xi tichja jngoó x̄ita, x̄ita x̄in nanguii koma-na. Kò jè x̄ita xi tichja, k'oaá t̄i koma-la j̄t'aà ts'an koni x̄in nanguii j̄'nde-na.

¹² J̄nò, nga mejèn-nò j̄nã k̄joach̄jine xi tsjá Inj̄ma Tsjeè-la Nainá, mochjeén-né nga isa ndaà t̄inchats̄jioò j̄nã k̄joach̄jine xi koma ndaà s̄ichjât'aà-la naxandá-la Cristo mé-ne nga isa tse nga'ñó s'e-la.

¹³ K'oaá ma-ne jè x̄ita xi k'j'eíí tsò 'én xi ch̄ja xi mì yá x̄ita fiya-la, k̄atasjét'aà-la Nainá nga k̄atatsjã-la k̄joach̄jine mé-ne koma s̄iikatoya-ne 'én xi ch̄ja.

¹⁴ 'An, k'e nga chjât'aà-la Nainá nga k'j'eíí tsò 'én xi tichja xi mìkii fiya-na, tà jè tichja Inj̄ma Tsjeè-la Nainá xi t̄ijnaj̄in inj̄ma-na. Tanga jè k̄joh̄tsjeén-na, n̄imé k̄jondaà sakó-la nga mìkii fiya-na kó s'in tichja.

¹⁵ 'An, çmé xi s'iaàn? Mochjeén-né nga kichjàt'aà-la Nainá 'én xi b̄ij̄in inj̄ma-na Inj̄ma Tsjeè-la Nainá. T̄ikoaá mochjeén-né nga kichjàkòja Nainá 'én xi ndaà fiya-na. K'e nga seè, t̄ikoaá mochjeén-né nga seè sò xi b̄ij̄in inj̄ma-na Inj̄ma Tsjeè-la Nainá. Tanga t̄ikoaá mochjeén nga seè sò xi ndaà fiya-na.

¹⁶ K'e nga jeya n̄ik̄j̄ni Nainá, tsà tà j̄nã 'én nokjoi xi b̄ij̄in inj̄ma-lè Inj̄ma Tsjeè-la Nainá, tsà k̄j̄i'nchré-la 'én-lè j̄nã x̄ita xi mìkii fiya-la, mìkii koma k̄itsò: "K'oaá s'in k̄atama", nga mìkii fiya-la kó tsò 'én xi nokjoi.

¹⁷ Okix̄i-né, k̄jondaà xi t̄i'bi-là Nainá, ndaà t̄jín, tanga j̄nã x̄ita xi i'nga, n̄i mé nga'ñó t̄isakó-la nga mìkii fiya-la.

¹⁸ 'An, tsjaà-la k̄jondaà Nainá nga isaá ndaà ma-na ch̄ja 'én xi mì yá x̄ita fiya-la mì k'oa-ne koni j̄nò.

¹⁹ Tanga k'e nga ya t̄ijnaj̄in-la x̄ita naxandá-la Cristo, isaá ndaà t̄jín tsà tà 'òn 'én kichjà xi t̄jín-la k̄joh̄tsjeén nga kokoòya-la x̄ita, mì k'oa-ne tsà te j̄m̄i 'én kichjà xi k'j'eíí tsò xi mìkii 'nchréya-la x̄ita.

²⁰ Ndí 'ndsè kò tichjaá, k' k'oaá s'in n̄ik̄tsjeén koni j̄xti. Tanga ts'e kjoa xi ch'o t̄jín, k'oaá s'in t'een koni j̄xti xi k'j'eè ndaà mach̄jya-la. Tanga j̄t'aà ts'e k̄joh̄tsjeén-nò, k'oaá s'in t'een koni x̄ita xi jye ndaà mach̄jya-la.

²¹ Xojon-la Nainá k'oaá s'in tichja nga tsò: "Nga kichjà-la naxandá-na, x̄ita x̄in nanguii sikjeén xi k'j'eíí 'én ch̄ja nga koma kichja-la. Tanga nas'in k'oas'in s'iaàn mìkii k̄j̄i'nchréñ̄ijon-na, tsò Nã'én-nã."

²² K'e nga nokjoá 'én xi k'j'eíí tsò xi mì yá x̄ita fiya-la, k̄joxkón okó-la Nainá j̄nã x̄ita xi mìkii mokjeiín-la, mìtsà ts'e x̄ita xi mokjeiín-la. Tanga k'e nga nokjoá ngajo-lá Nainá, ts'eé x̄ita xi mokjeiín-la, mìtsà ts'e x̄ita xi mìkii mokjeiín-la.

²³ J̄nã x̄ita naxandá-la Cristo k'e nga maxkóya, tsà ngats'ii nga k'j'eíí 'én kichja xi mì yá x̄ita fiya-la, tsà kjoahas'en jngoó x̄ita xi taxk̄i x̄ita xi mìkii mokjeiín-la 'én-la Nainá, k̄itsò-né: "J̄nã x̄ita koi, x̄ita ská-né."

²⁴ Tanga tsà ngats'ioò nga 'én-la Nainá t̄itsanokjoáya ngajo-lá, tsà kjoahas'en jngoó xi taxk̄i x̄ita xi mìkii mokjeiín-la 'én-la Nainá, k'e nga k̄j̄i'nchré-nò, k̄okjeiín-la kò koch̄yaa-la nga x̄ita jé-né.

²⁵ Jè kjoa xi t̄jna'ma j̄j̄in inj̄ma-la, jchaa-la; kò jè x̄ita, k̄osj̄ina-xkó'nchi-la Nainá nga skoexkón; k̄okjeiín-la nga kix̄i kjoa nga ya t̄ijnaj̄in-nò Nainá.

Okix̄i xi kitsjaà Pablo kó s'jin x̄ita k'e nga maxkóya nga jeya sik̄jna Nainá

²⁶ Jñò ndí 'ndsè kò tichjaá, ¿kó s'ín fiya-nò jñà 'én koi? Tsòyáá-ne, k'e nga maxkóya nga jeya níkjina Nainá, tjin i'nga xita xinguiqo xi seè-la Nainá; tjin i'nga xi ma-la okóya 'én-la Nainá; tjin xi ma-la benojmí 'én xi jye tsakó-la Nainá; tjin xi chja 'én xi k'ejí tsò xi mí yá xita fiya-la; tikoáá tjin xi ma-la sikatoya 'én xi k'ejí tsò. Ngats'ii xá koi, k'oáá s'ín kàtabitasòn mé-ne nga isa ndaa s'e-la nga ñò inima-la jñà xita naxandá-la Nainá.

²⁷ Tsà tjin xita xi ma-la chja 'én xi k'ejí tsò xi mí yá xita fiya-la, tà jò kò tsà jàn kichja; tanga tà jngoo ò jngoo kichja; kò jngoo xi sjikatoya 'én koi.

²⁸ Tsà tsjin xita xi ma-la sikatoya, tà jyò kàtitsajna nga nguixkòn naxandá-la Cristo, tikoáá-ne tà jjin inima-la kàtichjako Nainá.

²⁹ K'oáá ts'ín tjin ts'e xita xi chja ngajo-la Nainá, tà jò-ne kò tsà jàn xi kichja. Jñà xita xi i'nga, tà kji'nchré-né; tà sngàsòn-kjoò-né a ndaa tjin, o xi majin-né.

³⁰ Jñà xita xi titsajna, tsà kítjokajin jngoo xita xi Nainá siikichiya-la 'én xi mejèn-la nga kichja, jè xita xi tichjaya tikoáá-ne tà jyò kàtina, kàtatsj'nde-la nga jè kàtichja.

³¹ K'oáá ma-ne, ngats'ioo xi ma-nò nokjoà ngajo-la Nainá komaá kìnókjoa nga jngoo ò jngoo-nò mé-ne nga isa ndaa koma-nò kò isa ndaa kotsja-nò ngats'ioo.

³² Jñà xita xi ma-la chja ngajo-la Nainá, mochjeén-né nga tjin skòsòn-la kós'ín kichja.

³³⁻³⁴ Nga Nainá, jè xi mejèn-la nga s'e kjoa'nchán, majin-la nga kjoasi s'e.

Jñà íchjin, jyò kàtitsajna, koni ma ngats'ii naxandá-la Cristo ñanda maxkóya xita-la; mikii tji'nde nga kichja; ndaa kàta'nchréñijon koni s'ín tichja kjotixoma.

³⁵ Tsà mé kjoa xi mejèn-la nga skoe, yá ní'ya-la kàtaktiongui-la x'in-la. Mikii ndaa tjin tsà jngoo chjoo kichjajin ñanda maxkóya xita naxandá-la Nainá.

³⁶ ¿A k'oáá s'ín níksijeèn nga ta j'aa tsajon kisindaà 'én-la Nainá? ¿A k'oáá ma-nò tsà ta jñò-nó xi kitjoé-nò?

³⁷ Tsà tjin i'nga xita xinguiqo xi k'oas'ín síktsijeèn nga ma-la chja ngajo-la Nainá, o xi ndaa machiya-la kjohitsjeèn-la Inima Tsjee-la Nainá, k'oas'ín kàtakixiya-la nga jñà 'én xi tikjil-nò, kjotixoma ts'ée Na'én-ná.

³⁸ Tsà tjin xita xi mikii sasén-la koni s'ín okoòya-nò, tikoáá Nainá mikii sasén takòn xita jè.

³⁹ Ndí 'ndsè kò tichjaá, k'oáá s'ín 'ño tinchátsjioo nga tìnókjoa ngajo-la Nainá; tanga kì bitsajna ikòn-la jñà xi ma-la chja 'én xi k'ejí tsò xi mí yá xita fiya-la.

⁴⁰ Tanga ngats'ii kjoa koi, ngui ndaa t'een, kixi tanguikoo.

15

K'e nga jaáya-la Cristo

¹ I'ndeí ndí 'ndsè kò tichjaá, 'an mejèn-na nga síktsijeèn-nò jè 'én ndaa-la Nainá xi kjoa ts'e Cristo xi 'an kichjajajin-nò xi kichjoétjò kò nga kixi titsajnakoo.

² Jè 'én ndaa-la Nainá xi kjoa ts'e Cristo xi koma kochrjejin-nò kjo'in tsà kixi titsajnakoo skanda i'ndeí koni s'ín nga kichjajajin-nò nga tisa íjjon; tsà majin, nímé chji-la nga kòkjein-nò.

³ Jè kjoa xi isa 'ño tjin, jè-né nga kos'ín tsakoòya-nò koni tjin xi 'an kitjoé-na, nga jè Cristo k'en ngajo-ná xi kjoa ts'e jé-ná nga k'oáá s'ín tichja Xojon-la Nainá;

⁴ nga kishijin, koo nga ijchò jàn nachrjein jaáya-la, koni s'ín tichja Xojon-la Nainá.

⁵ K'e nga jaáya-la, tsakó-la yijo-la jè Cefas [tjé-ne Pedro], ikjoàn tsakó-la yijo-la jñà xita-la xi i'nga, ya tejò ma-ne kò Pedro.

⁶ Xi komà iskan, tsato 'òn sindo ma-ne xita 'ndsè xi titsajnajtin nga tsakó-la yijo-la. Jñà xita koi, tjin i'nga xi jye k'en, tanga kjin ma xi tákò titsajnakon skanda i'ndeí.

⁷ Ikjoàn tsakó-la yijo-la jè Jacobo. Xi komà iskan tsakò yije-la yijo-la jñà xita-la xi tsibixáya-la.

⁸ Xi jyehet'aà-ne, ikjoàn 'aán tsakó-na yijo-la. 'An, k'oáá s'ín ngaya-la koni tsà jngoo k'i'ndí xi mí jè nachrjein kits'in koni s'ín chíya nachrjein-la.

⁹ 'An-ná xi isa 'ño nangui tijn-la kòhótjin jñà xita xi tsibixáya-la Jesús. Skanda mikii ok'in-na nga k'oas'ín k'oin-na; nga 'aán kütjngui kondra-la jñà xita naxandá-la Cristo.

¹⁰ Tanga jè kjondaà-la Nainá ndaa tsasiko-na; k'oáá komà-ne nga 'an tsibixáya-na. Jè kjondaà-la, mìtsà tà kjotjò kitsjaà-na. Tanga 'an, isáá 'ño kisixá mì k'oá-ne koni ngats'ii xita-la xi i'nga. Kixi kjoa, mìtsà nga 'ño ts'an, kjondaà ts'ée Nainá.

¹¹ Tsà 'an-ná, kò tsà jñà xita-la xi i'nga xi ndaa sixá, tanga jè xi chji-la nga k'oá s'ín nokjoáya-jen, koo jñò, k'oáá s'ín mokjein-nò.

K'e nga kjoáya-la jñà xita xi jye k'en

¹² K'oáá s'ín tìnokjóya nga jè Cristo jaáyajin-la xita xi jye k'en, tanga, ¿mé-ne tjin i'nga-ne xita xinguiqo xi tsò: "Jñà xita xi jye k'en mì tì kii kjoáya-la."?

¹³ Tsà mikii kjoáya-la xita xi jye k'en, tikoáá jè Cristo, mì-la tsà kixi kjoa nga jaáya-la.

¹⁴ Tsà mìkii jaáya-là Cristo, jñà 'én xi nokjoáya-jen nímé-la chjí-là, tìkoáá nímé-la chjí-là koni s'ín mokjeín-nò.

¹⁵ Tìkoáá ngajen, xíta ndisoó kítjokàngui-jen it'aà ts'e Nainá, nga k'oaá s'ín nokjoáya-jen 'én-là Nainá nga bixón-jen: "Jè Nainá kisikjaáya-là Cristo." Nga tsà jñà mìk'en mìkii kjoaáya-là, mì-la tsà kixí kjoa nga kisikjaáya-là Cristo.

¹⁶ Tsà jñà xíta xi jye k'en mìkii kjoaáya-là, tìkoáá jè Cristo mì-la tsà kixí kjoa nga jaáya-là.

¹⁷ Jè Cristo, tsà mìkii jaáya-là, nímé-la chjí-là koni s'ín mokjeín-nò it'aà ts'e, tákó yaá-là tìtsajnajñòò jé-nò.

¹⁸ Tìkoáá jñà xíta xi jye k'en nga kòkjeín-là it'aà ts'e Cristo, jngòò k'aá-la kichijà, tsà mì jaáya-là Cristo.

¹⁹ Jè kjoa xi chiñà-lá it'aà ts'e Cristo, tsà tà jí isò'nde kjoehet'aà, jñà-la xi ngui xíta ima 'mì-ná kó ngats'ii xíta xi tjin isò'nde.

²⁰ Tanga ngui kixí kjoa nga jè Cristo jaáya-là it'aà ts'e kjoa biyaà. K'oaá गया-là koni tsojmi xi majchá itjòn, nga jè Cristo jaáya itjòn-là ngats'ii xíta xi iskan kjoaáya-là [nga mì tì kii kiyá-ne].

²¹ Koni s'ín komà nga it'aà ts'e jngòò xíta kjòts'ia nga biyaà xíta, k'oaá tjs'ín komà nga it'aà ts'e jngòò xíta j'ii nga kjoaáya-là xíta xi jye k'en.

²² Koni s'ín ma nga biyaà ngats'ii xíta xi it'aà ts'e tje-là Adán kits'iin, k'oaá tjs'ín ma nga kjoaáya-là ngats'ii xíta xi it'aà ts'e Cristo ts'iin xitse-ne.

²³ Tanga jngòò jngòò 'ncha ndiyá-né nga kjoaáya-là koni s'ín oko-là. Jè Cristo, tjna itjòn nga jaáya-là; k'e nga kjoii jngòò k'a Cristo, k'eé kjoaáya-là xi xíta ts'e.

²⁴ Cristo, itjòn sijkjehesòn ngats'ii xi kondra fi-la, ngats'ii xi tìtsajna itjòn, xi tjin-là nga'ñoò kò xi otixoma. Ikjoàn jè Cristo sijnngatsja kjotixoma-là Nainá xi Na'èn-ná ma; k'eé kjoehet'aà isò'nde.

²⁵ Mochjeén-né nga jè Cristo kàtatixoma skanda k'e nga jye sijkitsajngui yije ndsoko jñà xi kondra-là.

²⁶ Kò jè kondra-là xi fehet'aà-ne nga chjja, jé kjoa biyaà.

²⁷ Njita mé xi tjin, Nainá, yaá kisikitsajngui yije ndsoko Cristo. Jè tìhotixoma yije-là. Tanga mìtsà tsò-ne kjoa nga jè Nainá, yaá tijnngui ndsoko Cristo. Nga jè sobà Nainá xi kisikitsajngui ndsoko njita mé xi tjin.

²⁸ K'e nga jye ya tìtsajngui yije ndsoko Cristo njita mé xi tjin, jè Cristo, nga Ki'ndí-là Nainá ma, tìkoáá ngui sijkjna yijo-là nga nguixkon Nainá nga jè sobà Nainá tsibitsajngui ndsoko Cristo njita mé xi tjin, mé-ne nga jè Nainá jngòò k'aà jè kjna itjòn-là njita mé kjoa-ne.

²⁹ Tanga tsà jñà xíta xi jye k'en mì tì kii kjoaáya-là, jñà xíta xi it'aà ts'e mìk'en ma-ne bautizar, ¿kó s'ín siksijeèn? ¿Mé-ne it'aà ts'e mìk'en ma-ne bautizar, tsà kixí kjoa nga mì tì kii kjoaáya-là xíta?

³⁰ Kò ngajen, ¿mé kjoa-ne nga nachrjein nchijòn binchaxkòò-lajen yijo-najen, tsà mì tì kii kjoaáya-là xíta?

³¹ Ndí 'ndsé kò tichjaá, k'oaá xan-nò nga ngui kixí kjoa nga nachrjein nchijòn tjin-na kjoxkón tsà ya kiyá, koni s'ín nga ngui kixí kjoa nga matsja-na it'aà tsajòn nga ngàsòn mokjeín-ná it'aà ts'e Na'èn-ná Jesucristo.

³² Tsà tà jñà kjoa ts'e isò'nde-né nga kiskaàn-koaa xíta koni tsà xa ján Éfeso, ¿mé xi kisikijne? Tsà jñà xíta xi jye k'en mì tì kii kjoaáya-là, tìkoáá-ne: "Kìchiaá, s'ioaá nga nchijòn-lè kiyá-ná."

³³ Kì yá xíta xi konachan-nò it'aà ts'e kjoa koi. Nga tjin jngòò 'én xi tsò: "Jñà xíta xi tsajahitakoáá xi mìkii ndaa s'ín, jñà sikits'òn-jìin kjoa xi ndaa tjin koni s'ín tìtsanjichá yijo-ná."

³⁴ Ndaa tìkìtsjeèn it'aà ts'e kjoa koi; kì tà tsjaà jé binchaàtsjioò. Nga tjin i'nga xíta xinguiòò xi mìkii beèxkon Nainá. K'oaá xan-nò mé-ne nga kàtasobà-nò.

Kó kjoàn koma mìk'en k'e nga kjoaáya-là

³⁵ Tsà koi nachrjein-là tjin i'nga xíta xi tsò: "¿Kós'ín koma nga kjoaáya-là xíta xi jye k'en? ¿Kó kjoàn yijo xi kítjokàjìin-kò?"

³⁶ ¿Mé tà tònò-nò! K'e nga 'bè tje, jñà nojmé nga sihiìin, biyaà-né, mé-ne nga kjsò xitse-ne jno, nga jngòò k'a kìtsajnakon.

³⁷ K'e nga 'bè tje, mìtsà tjin xi jye jno bitjee; tà jñà nojmé bitjee, o xi trigo-né.

³⁸ Tanga jè Nainá, k'oaá kjoàn s'ín koni s'ín mejèn-là; k'oaá kjoàn s'ín nga jngòò jngòò skaya xojmá koni kjoàn tje-là.

³⁹ Jñà yijo, mìtsà ngàsòn kjoàn. Yijo-là xíta, kj'eíi kjoàn; yijo-là cho, kj'eíi kjoàn; yijo-là tìn, kj'eíi kjoàn; yijo-là nise, kj'eíi kjoàn.

⁴⁰ Koni choòn j isò'nde nga tjin yijo xi kj'eíi s'ín tsejèn, k'oaá ti choòn ngajmii nga tjin xi kj'eíi s'ín tsejèn. Mìtsà ta ngàsòn tsejèn xi tjin ngajmii kò xi tjin isò'nde.

⁴¹ Jè ts'oi kj'eíi s'ín tsejèn, jè sá kj'eíi s'ín tsejèn, jñà n'ño kj'eíi s'ín tsejèn. K'a kj'eíi, k'a kj'eíi s'ín tsejèn nga jngòò jngòò skoya.

⁴² K'oaá tjs'ín ma nga kjoaáya-lá xíta xi jye k'en. Jè yijo xi sihiijùn, bits'on-né, tanga jè yijo xi kjoaáya-lá, mì tì kii kíts'ón-ne.

⁴³ Sihijùn-né xi nimé chjí-lá; jè xi kjoaáya-lá jeya-né. Xi sihiijùn, yijo indaà-né; xi kjoaáya-lá tjín-lá nga'nò.

⁴⁴ Jè yijo xi sihiijùn, taxkí yijo-né, ts'e isò'nde-né. Yijo xi kjoaáya-lá, yijo xítse-né, ts'eé Iníma Tsjeé-lá Nainá. Tjín xi taxkí yijo, tikoá tjín xi tsjá Iníma Tsjeé-lá Nainá.

⁴⁵ K'oaá s'ín tichja Xojon-lá Nainá nga tsò: "Jè xíta x'ín tjòn xi ki'mì Adán, jngoò xi xíta komà xi tsibijnakon." Tanga [jè Cristo], jngoò iníma xi síkítsajnakon xíta, nga jè j'ii ngajo-lá Adán nga jyehet'aà-ne kjoa.

⁴⁶ Tanga jè xi iníma, mìtsà jè j'ii itjòn; jè j'ii itjòn xi taxkí yijo ts'e isò'nde, iskaán j'ii xi iníma.

⁴⁷ Jè xíta x'ín xi tjòn, ijt'aà nangui ts'e; ni'ndeé kisindaà-ne. Jè xíta x'ín xi ma-ne jò, ngajmii ts'e, yaá inchrobà-ne, [nga jè xi Na'èn-ná].

⁴⁸ Ngats'ii xíta xi i isò'nde ts'e, k'oaá kjoàn yijo-lá koni kji ts'e Adán nga ni'ndeé kisindaà-ne. Ngats'ii xi ngajmii kítsajna, k'oaá kjoàn koma yijo-lá koni kji ts'e Cristo xi ngajmii inchrobà-ne.

⁴⁹ J'ndeí, jná, k'oaá kjoàn tsejèn yijo-ná koni kji xi ni'ndeé kisindaà-ne; nga komà iskan, k'oaá kjoàn kotsejèn yijo-ná koni kji xi ngajmii j'ii-ne.

⁵⁰ Ndí 'ndsè, k'oaá xan-nò jè yijo-ná nga jní tjín-lá mìkii ma kjoahas'en-jiin nánnda tihotixoma Nainá. Tikoáá jè yijo-ná xi bi'ndoya mìkii ok'in-lá nga ya kjoahas'en-jiin nánnda tjín xi mìkii bi'ndoya.

⁵¹ Kènojmi jngoò-nò kjoa'ma ts'e Nainá: Jná xi xíta-lá Cristo 'mì-ná, mìtsà ngats'iaá nga kiyá, tanga ngats'ii-ná ta jngoò tjò kjoatjìya-ná,

⁵² k'oaá ngaya-lá koni k'e nga tsix'aa koá bíchjoá xkoaán, tik'eé-ne nga skindàya chrjo trompeta xi fehet'aà-ne. K'e nga kjoane chrjo trompeta, jná mik'en kjoaáya-lá, mì tì kii k'i'ndo-ne nita kjé-ne. Koá jná kjoatjìya-ná.

⁵³ Jè yijo-ná nga biyaá ko nga bi'ndo, mochjeén-né nga tjoé jngoò-lá yijo xi mì tì kii kiyá-ne ko mì tì kii k'i'ndo-ne nita kjé-ne.

⁵⁴ K'e nga k'oas'ín koma nga jè yijo-ná tjoé jngoò-lá yijo xi mì tì kii kiyá-ne ko mì tì kii k'i'ndo-ne nita kjé-ne, k'eé kítasòn koni s'ín tichja Xojon-lá Nainá nga tsò: "Jè kjoa xi síkijne jngoò k'aa síchija kjoabiyaá.

⁵⁵ Ji xi kjoa biyaá 'mì-lè, ¿nánnda-ne nga kinikijni? ¿Nánnda tjína na'ya-lè xi ma-lá sík'en xíta?"

⁵⁶ Jè na'ya xi tjín-lá kjoa biyaá, jè kjoa ts'e jé. Kò jè nga'nò xi tjín-lá jè kjoa ts'e jé, jé kjoatixoma.

⁵⁷ Ndaá chjí-lá Nainá nga jè tsjá-ná nga'nò xi it'aà ts'e Jesucristo xi otixoma-ná nga nikijne-lá kjoa biyaá ko kjoa ts'e jé.

⁵⁸ Jnò ndí 'ndsè xi matsjake-nò, kixi títsajna. Niyá xi síkijatjìya-lá kjohítsjeèn-nò. Kjit'aà nachrjein isa'nò tixá-lá Na'èn-ná. Nga tjíin-nò nga jè xá xi 'nè xi ts'e Na'èn-ná, mìtsà tà kjoatjò.

16

Ton xi maxkót'aà-lá jná xíta naxandá-lá Cristo

¹ Jè ton xi maxkót'aà-lá xíta naxandá-lá Cristo, k'oas'ín t'een koni s'ín kixan-lá xíta naxandá-lá Nainá ján nangui Galacia.

² Jnò, nga jngoò jngoò, nga jiin jiin nachrjein k'e nga tahàngo, titjò chiba ton-nò koni s'ín machikon-t'ioòn, mé-ne nga mì k'e kixkò-nò k'e nga 'an xi kichoa.

³ K'e nga kichokon-nò ya Corinto, sikasén ján Jerusalén xíta xi jnò chjaájñò. Tsjaá-lá xojon carta nga kji kò jè ton xi maxkót'aà-nò.

⁴ Tsà mochjeén nga tikoá 'an kjián, komaá kji kò-na jná xíta koi.

K'e nga sikítsjeèn Pablo nga kjoí ján Corinto

⁵ Mejèn kjikon-nò k'e nga jye kjoáhatoaa ján nangui Macedonia, nga k'oaá s'ín tjindaà-na nga ya kjoáhatoaa mé-ne nga ikjoàn kichcho-na Corinto.

⁶ Tsà koma ya kótijnako chiba nachrjein-nò, kò tsà koi nachrjein-lá nga ya kótijnako-nò skanda k'e nga kjoehet'aà nachrjein-lá chon 'nchán, mé-ne jnò koma síchjít'aà-ná k'e nga tsà nánnda kjián nga koma iskan.

⁷ Majín-na nga tà jngoò tjò skotsejèn-nò; jè xi mejèn-ná nga kjin nachrjein kótijnako-nò, tsà Nainá mejèn-lá nga tsjá'nde-na.

⁸ Ii kótijna naxandá Éfeso skanda nachrjein ts'e s'eí Pentecostés, [jè s'eí xi bitjo k'e nga jye bijchó icháte nachrjein nga bitjo s'eí Paxkò].

⁹ Ndaá titjò'nde-na nga tís'iaàn xá-lá Nainá xi 'nò ndaá túbitasòn, nas'ín 'nò kjin ma-ne xíta xi kondra títsajna-na.

¹⁰ Tsà kǐjchòkon-nò jè Timoteo, chítsejèn-là nga tsja kàtas'e-la nga kǐjnakò-nò nga mì yijo-la kǐnchaxkón-la, nga tǐkoá xá-la Nainá tís'in koni 'an.

¹¹ K'oaá ma-ne, kǐ nachrjenguiodò jǐnò, tǎ saá tǐchját'aa-là nga 'nchán kàtjanchrobákon-na; 'an, tǐkoáa-la kò xǐtǎ 'ndseeé xi i'nga.

¹² 'An 'nó tsibitsi'ba-la jè 'ndsè Apolos, nga katahijtakò jǐnà xǐtǎ 'ndseeé xi tǐjìnè nga kǐjikon-nò, tǎnga majin-la nga fi; k'ée-la kjoǐ k'e nga kò'a-la.

¹³ Ndaà titsajnakon. 'Nó kixǐ titsajnakoo jè 'én xi mokjeiún-nò. Kì yá xi tsakjoòn-là, kàtas'e-nò nga'nó.

¹⁴ Ngats'iì kjoa xi 'nè, koo kjoatjòcha-nò k'oa t'een.

¹⁵ Jǐnò ndí 'ndseeé kò tichjaá, jyeé tǐjiin-nò nga jǐnà xǐtǎ ni'ya-la Estéfanos, jǐnà kòkjeiún ítjòn-la 'én-la Cristo ya nangui Acaya. Jǐnà xǐtǎ koi, k'oaá s'in binè-la yijo-la nga jǐnà xǐtǎ naxandá-la Cristo siichját'aa-la.

¹⁶ Ndí 'ndsè, bǐtsi'ba-nò nga tǐná'yañijon-là xǐtǎ xi k'oa's'in síxá koni jǐnà xǐtǎ koi, kò ngats'iì xǐtǎ xi mìkǐ biǐta-la nga síxá-la Nainá.

¹⁷ Matsja-na nga j'ìikon-na Estéfanos, Fortunato kò Acaico [nga jǐnò kinikasén], nga jǐnà j'ìi síkitasòn xi jǐnò mìkǐ komà kinitasòn nga inchrobàchon-ná.

¹⁸ Jǐnà j'ìi síje ikon-na kò tsajòn. K'oaá ma-ne jchaxkón jǐnà xǐtǎ xi k'oa's'in s'in koni jǐnà xǐtǎ koi.

Pablo síhixat'aa naxandá-la Cristo

¹⁹ Jǐnà naxandá-la Cristo xi titsajna nangui Asia síhixat'aa-nò. Jè Aquila kò Priscila kò xǐtǎ naxandá-la Cristo xi bixoña ya ni'ya-la, it'aa ts'e Na'èn-ná ndaà síhixat'aa-nò.

²⁰ Ngats'iì xǐtǎ 'ndseeé, síhixat'aa-nò. Jǐnò tǐixat'aa nga jngoo òjngoo xǐtǎ xinguioo nga kò inǐma-nò.

²¹ 'An, xi Pablo 'mì-na, tǐsǐhixat'aa-nò nga kò ndsaa tǐkǐil-nò xojon jè.

²² Tsà tǐjín xǐtǎ xi mìkǐ matsjakeè Jesucristo xi otíxoma-ná, jè xǐtǎ neǐǐ kàtǐjiko. Na'èn, jǐ nǐton nchroboi.

²³ Jè kàtǐjnakò-nò kǐjondaà-la Jesucristo xi otíxoma-ná.

²⁴ Kǐjít'aa nachrjein kàtas'e-nò kjoatjòcha-na nga jè Cristo Jesús titsajnakoáa. K'oaá s'in kàtama.

Xojoñ carta-la San Pablo xi ma-ne jò xi kiskii-la xita naxandá-la Cristo xi títsajna Corinto

Kó tsò Pablo nga síhixat'aà jñà xita naxandá-la Cristo xi títsajna Corinto

¹ 'An, Pablo, tisikasén-nò xojoñ jè, nga k'oaá s'in kjòmejèn-la Nainá nga 'an tsibixáya-na Cristo Jesús. 'An, kò 'ndse Timoteo titsanikasén-nòjen xojoñ jè. Titsanìhixot'aà-nòjen jñò xi xita naxandá-la Nainá 'mi-nò xi títsajnaà ya naxandá Corinto, kò ngats'ìi xita tsjeè-la Cristo xi títsajna kóhokji nangui Acaya.

² Nainá xi Na'èn-ná, kò jè Jesucristo xi otíxoma-ná kátatsjá-nò kjòndaà kò kjoa'nchán ya jjiin inima-nò.

Kó tsò Pablo nga tsjá-la kjòndaà Nainá

³ Ndaà kátayaxkón Nainá xi Na'èn-la ma Jesucristo xi otíxoma-ná. Jè Nainá xi Na'èn-ná ma, tse kjòhimatakòñ tjin-la it'aà tsaján. Kò jè, kjit'aà nachrjein síje takoán.

⁴ K'e nga mé kjo'in títsajnajñaá, jè Na'èn-ná síjetakón-ná mé-ne jñá, k'oaá tís'in síjetakoán xinguiáá xi tíkoá kjo'in títsajnajjin koni s'in kisisetakón-ná Nainá.

⁵ Koni tjin kjo'in xi tse níkjaán xi kjoa ts'e Cristo, k'oaá tís'in tse kjojetakón sakó-ná it'aà ts'e Cristo.

⁶ Ngajen, tsà kjo'in títsanikjeiin-jen, kjòndaà tsajòn-nò nga s'e-nò kjojetakón, kòá kjitjokajñoò kjo'in. Tsà Nainá síjetakón-najen, jè-né nga tíkoá jñò s'e-nò kjojetakón, kòá kichikjoa kò-nò kjo'in xi jin títsanikjeiin-jen.

⁷ Tjin kixíi kjoa xi chíñà-lajen it'aà tsajòn. Tjijn-najen, koni s'in tíhokot'aà-nò kjo'in xi títsanikjeiin-jen, k'oa tís'in okot'aà-nò kjojetakón xi tjin-najen.

⁸ Jñò 'ndse kò tichjaá, mejèn-najen nga kátasijin-nò kjo'in xi kis'e-najen ján nangui Asia. Tse jchán kjo'in kinikjeiin-jen. Jyee mí tì kii kichikjoako-nájen skanda mí tì kii bixón-najen tsà kítsajnakon ísa-jen.

⁹ K'oaá s'in komà-najen nga jyee-la tjinè-la nga kiyá-jen. K'oaá s'in komàt'in-jen mé-ne nga ísa ndaa kjót'aà takón-najen Nainá xi ma-la síkjaáya-la mik'en, nga mí tà yijo-najen kjót'aà takón-jen.

¹⁰ Nga jyee kjomeè k'en-jen, tanga Nainá tsasiko-najen nga kisiskatòjin-najen kjo'in kò tákó síkkatòjin-isa-najen kjo'in. Kò k'oaá s'in kjit'aà takón-jen nga jè síkkatòjin ísa-najen nita mé kjoa-ne.

¹¹ Jñò, mochjeén-né nga síchját'aà-nájen nga kìnókjoat'aà-là Nainá it'aà tsajen mé-ne nga ísa kjin koma-ne xita xi kichjat'aà-la Nainá, tíkoáá kjin koma xita xi tsjá-la kjòndaà Nainá koni s'in machikon-t'in-jen.

Mé-ne mikii kii-ne Pablo ján Corinto

¹² Tjin jngoò kjoa nga ndaa nítkítsajna-jen yijo-najen. K'oaá s'in beè-lajen takón-jen nga it'aà ts'e Nainá nchrobá-ne nga tsjeè kò kixi tíhongiúko-jen yijo-najen jì ísò'nde, kò jè tjina itjòn it'aà tsajòn. Mítsá kjoachjine-la xi taxkí xita nga kò'nè-jen, kjondaà-la Nainá-né.

¹³ Mítsá k'jeíi kjoa nga títsachjii-nòjen, ta jè-né nga kíxkejñoò kò kjoas'en-jiin-nò koni tsò 'én xi tjit'aà xojoñ jè. K'oaá s'in majngoò takoán nga ngui ndaa kjija-nò

¹⁴ koni s'in jye kjòchiya chiba-nò nga tsja kátama-nò it'aà tsajen kò nga tíkoá tsjaá koma-najen it'aà tsajòn k'e nga kjoíi jngoò k'a Jesucristo xi otíxoma-ná.

¹⁵ 'An, jyee ndaa tíjngoò takoán it'aà ts'e kjoa koi, k'oaá ma-ne nga k'oas'in kiskoòsòn-la nga jò k'a kjikon-nò mé-ne jñò, jò kjòndaà sakó-nò. [Tanga mí k'oaá s'in tsitasòn.]

¹⁶ K'oaá s'in kisiskítsjeèn, k'e nga kíaá nangui Macedonia nga ya jahato itjòn-nò. Tjin-né nga kjoahato jngoò k'a-nò k'e nga kjinchrobá-na mé-ne jñò koma síchját'aà-ná nga kjíán nangui Judea.

¹⁷ K'e nga k'oas'in kiskoòsòn-la, ¿a k'oaá s'in kinikítsjeèn nga 'an, tísiskákò-nò? Majin, nga mí k'oaá s'in ísaàn koni s'in xi taxkí xita ísò'nde. Mítsá itjòn xan-nò: "Koma-né", kò tjik'e-ne jngoò k'a xan-nò: "Mikii koma."

¹⁸ Tibeè Nainá; 'én kixíi xi kixan-nò, ngajen, mí k'oaá s'in nokjoà-jen nga bixón-jen: "Jon, koma-né", kò "Mikii koma."

¹⁹ Timoteo, Silvano kò 'an, k'oaá s'in nokjoàyiin-nòjen it'aà ts'e 'én-la Jesucristo xi kí'ndí-la Nainá. Tsjin-la 'én xi tsò jon kò majin. Nainá jngoò k'a síkitasòn it'aà ts'e Cristo nga tsò: "Jon, koma-né."

²⁰ Ngats'ìi 'én xi chja Nainá koni s'in tsjá tso'ba, it'aà ts'e Cristo bitasòn yije-né. Nga jè Cristo xi tsò "koma-né". Kò it'aà ts'e Cristo, jñá bixón-ná: "K'oas'in kátama", mé-ne jeya kjjna-ne Nainá.

²¹ Jè Nainá, xi síkixiyandaà-ná nga jè titsajnaakoá Cristo [xi xó jaàjiin-ne Nainá], tikoáá jñá xó jaàjiin-ná Nainá.

²² Kò tije-ne Nainá xi tsibít'aà chiba-ná koni jngoò sello; kisikíjnjaiin iníma-ná jè Iníma Tsjeé-la xi tjoé ítjòn-ná nga kixi kjoá nga tikoá tjoé yije-ná kjondaá xi tjindaá-la nga tsjá-ná.

²³ Tikotsejèn Nainá, jè tibeè iníma-na, mé-ne k'è kù fi-na Corinto koni s'in tjiin-na; koií kjoa-la, majin-na nga 'on koma-la iníma-nò nga 'én ts'en kichjako-nò.

²⁴ Ngajen, majin-nòjen nga ngajen, kjo'ńó kotixoma-nòjen it'aà ts'e 'én xi mokjeiín-nò. Ta sáá nichját'aà-nòjen mé-ne nga s'e-nò kjotsja nga kixi titsajnaá koni s'in mokjeiín-nò.

2

¹ K'oaá ma-ne nga k'oas'in kiskoòsòn-la nga mì tì kii kiikon-nò. Majin-na nga ba kítsajnaà.

² Tanga tsà 'an, ba síkítsajna-nò, nga koma iskan, mì tì yá tjin-ne xi siítsjako-na, nga jñò, jyeé ba titsajnaà.

³ Koií xá jye kiskii jngoò-nò xojon, mé-ne k'e nga kijchokon ijngoò k'a-nò nga mì ba síkíjna-ná nga mochjeén-né nga jñò siítsjako-ná. Nga k'oaá s'in tjinngoò takoàn, 'an, matsja-na tikoá jñò, matsjaá-nò.

⁴ K'e nga k'oas'in kiskii-nò, ndaà jchán kokájno-la iníma-na, baá kis'e-na skanda ndáxkoaàn tsibíkteèn. Tanga 'an mitsá koi xá kiskii-nò nga kátaba-nò. Jè-né nga jchaa nga 'ńó matsjake-nò.

Kò kitsò 'én xi kùchja Pablo it'aà ts'e xita xi tsohótsji jé

⁵ Jè xita xi tsohótsji jé, mitsá ta 'an xi ba kisikíjna-na, mejèn tsà ba kisikítsajna ngats'ii xita naxandá-la Cristo. Tà k'oaá xan-nò nga mì koto chiba-la koni s'in tixan-nò.

⁶ Nga kjin ma-nò xi tsibinè-la kjo'in jè xita jè; jyeé ndaà tjin, ta koma-ne.

⁷ I'ndeí, jè xi s'een nga siichàat'aà-là jé-la; sijetakòn xita jè, mé-ne nga mì kjoba kijájiin-ne.

⁸ K'oaá ma-ne nga bitsi'bà-nò nga ndaà jchibàya-nò nga ijngoò k'a títsjacha xita jè.

⁹ Tikoá koií xá kiskii-nò it'aà ts'e kjoá koi, mejèn-na skot'aà-nò, a kixii kjoá nga ma-nò níkitasòn yije.

¹⁰ Jè xita xi jñò nijchàat'aà-la jé-la, tikoáá 'an siichàat'aà-la. Tsà mochjeén-né nga 'an siichàat'aà-la xita jè, 'an jyeé kisijchàat'aà-la xi kjondaá tsajon kò tibeè Cristo.

¹¹ Mé-ne jè xita neii mikii koma jè siikijne-ná, nga jyeé ndaà 'yaá kjoamaña-la kós'in sixá.

Kò komà-la Pablo nga mikii kisatilikjoò Tito ján Troas

¹² K'e nga ijchoa ján naxandá Troas, nga kichjàya 'én ndaà-la Nainá xi kjoa ts'e Cristo, it'aà ts'e Na'èn-ná kitáx'a'nde-na nga kisixákoá 'én ndaà-la Nainá.

¹³ Tanga mikii ndaà kis'e-la iníma-na nga mikii kiskaàjñaá jè 'ndse Tito. K'oaá komà-ne kisikítsajna jñá xita xi ya i'nde-la, ikjoàn kiaá ján nangui Macedonia.

Mé kjoa-ne nga jè Pablo tsjá-la kjondaá Nainá

¹⁴ Ndaà chji-la Nainá nga it'aà ts'e Cristo fikò-najen k'e nga okò-lajen jñá xita isò'nde nga jye kiskijne. It'aà tsajen k'oaá s'in obisòn kjohítsjeèn-la Nainá xi kos'in गया-la koni jngoò jta-la tsojmi xi 'ńó ndaa jne, mé-ne nga skoe-ne jñá xita nita nanda-ne nga titsajna.

¹⁵ It'aà tsajen k'oaá s'in गया-la koni ni'ndi-la chrjóngó-la Nainá, k'e nga jè Cristo tsját'aà-la Nainá. K'oaá s'in bijchókajiiin-la jñá xita xi bitjokajiiin kjo'in kò xita xi chija.

¹⁶ It'aà ts'e jñá xita xi chija, [k'e nga beè-najen nga bənojmíya-jen 'én-la Nainá], k'oaá s'in ch'o jne-la koni jngoò jta xi sik'en-ná. Tanga jñá xita xi bitjokajiiin kjo'in, k'oaá s'in ndaa jne-la koni jngoò jta xi síkíjnakon-ná. It'aà ts'e xá koi, nijngoò xita chikjoo-la nga síkitasòn xi ta kjohítsjeèn ts'e.

¹⁷ Ngajen, mikii k'oas'in 'nè-jen koni s'in xita xi k'ejí xi chjaya 'én-la Nainá nga ton síkijne. Ngajen, 'én kixii nokjoa-jen. Nainá tibeè-ne nga jè kisikasén-najen kò nga'ńó ts'e Cristo-né nga nokjoaya-jen, nga jè Cristo titsajnao-jen.

3

Xá-la Nainá xi kjoa xitse

¹ K'e nga k'oa'mi-nòjen kjoa koi, za bits'ia ijngoò k'a-jen nga ndaà níkítsajna-jen yijo-najen? Jñò, za k'oaá s'in níkítsjeèn nga mikii tji'nde-na nga ma sixá tsà tsjin-na xojon xi jñò k'oi-ná, o xi k'ejí xita tsjá-na koni s'in síjé xita xi k'ejí?

² Majin, jñò sobà-nò xi xojon-najen ma xi tjiin jjiin iníma-najen. Ngats'ii xita beè-né koo bíxkejiin-né.

³ K'oaá s'in ndaà 'ya-jen nga jñò-nò xi koni xojon-la Cristo xi it'aà tsajen kitjei. Jngoò xojon carta xi mitsá tinta kitjei-ne; kóó Iníma Tsjeé-la Nainá xi tjinakon kitjei-ne; mitsá ndajo kitjeit'aà; yaá kitjeit'aà yijo iníma-la xita.

⁴ Kjoa koi, k'oaá s'in makixiya nga it'aà ts'e Cristo mokjeiín-najen it'aà ts'e Nainá.

⁵ Xi ta nga'ño tsajen tsjin-najen kjohitsjeen mé xi s'en-jen. Tanga jè Nainá tsjá-najen kjohitsjeen k'e nga mé xi 'nè-jen.

⁶ Jè Nainá tsjá-najen kjohitsjeen nga chi'nda-la ma-jen mé-ne nga koma kinókjooja-najen it'aà ts'e kjondaà xitse xi Nainá tsibindaajin-ko jña xita. Mitsá kjoa ts'e kjotixoma xi xojon tjit'aà, ts'eé Injima Tsjeè-la Nainá. Jè kjoa xi ts'e kjotixoma sík'en-ná nga nguixkon Nainá, tanga jè Injima Tsjeè-la Nainá síkjinakon-ná.

⁷ Jè kjotixoma xi kitjoé-la Moisés xi ndajo kitjeit'aà, kjoa biyaà j'ũko. Tanga k'e nga sa kitjoé itjon-la kjotixoma jè, k'oaá s'in ki'ya-la kjoa jeya-la Nainá. Jè Moisés, k'e nga j'ii-ne nga kii mijin-jno nindodò, jña xita Israel mikii komá kiskoò'an Moisés nga 'ño ote ni'in kji isén-la; tanga xi komá iskan, chaán kichijá xi ote kji isén-la. Tsá k'oaá s'in kis'e-la kjoajeya, jè kjoa xi tjinè-la nga chija,

⁸ isa jeya tjin kjondaà xitse xi tsjá-ná Nainá k'e nga tsjá-ná Injima Tsjeè-la.

⁹ Nga jeya j'ii jè kjotixoma xi kjoa biyaà tsibinè-ná, isaá 'ño jeya kitason'èn xi nokjoaya-jen nga xita kixi síkitsajna-ná Nainá.

¹⁰ Nas'in 'ño kis'e-la kjoa jeya jè kjotixoma xi jye tsato, tanga mikii mangáson-ko jè kjoajeya xi tjin-la kjondaà xitse; isaá 'ño jeya tjina.

¹¹ Tsá jè kjoa xi tichijangui kis'e-la kjoa jeya, isaá jeya tjin kjoa xitse xi mi ti kii chija-ne nita kjé-ne.

¹² Nga tjangoo takon-jen nga titsachiñá-lajen kjoa koi, k'oaá ma-ne nga mikii masobá-najen nga nokjoá-jen.

¹³ Mitsá k'oaá s'in 'nè-jen koni kis'in Moisés nga nikje tsbijtsa isén-la, mé-ne nga jña xita Israel mikii komá kiskoò'an-ne nga jye tichijangui xi ote kji isén-la.

¹⁴ Tanga jña xita Israel kjotáajjin kjohitsjeen-la. Skanda nachrjein i'ndeí, k'e nga bíxkejin Xojon-la Nainá xi tjit'aà kjoa jchínga xi tsibindaajin-ko xita, táko k'oaá s'in ma-la koni tsá nikje xoba kijtsa kjohitsjeen-la. Ta jngoo it'aà ts'e Cristo koma tjáxin nikje jè.

¹⁵ Skanda nachrjein i'ndeí, jña xita Israel, k'e nga bíxkejin xojon xi kiskii Moisés, táko k'oaá s'in ma-la koni tsá nikje xoba tjtsa'ma kjohitsjeen-la.

¹⁶ Tanga k'e nga jngoo xita síkhatjija-la kjohitsjeen-la nga fit'aà-la Na'èn-ná xi otixoma-ná, tjáxin-la nikje xoba xi tjtsa'ma kjohitsjeen-la.

¹⁷ Nga jè Na'èn-ná, jè sobá-né xi Injima Tsjeè-la Nainá. Ya ñánda tjina Injima-la Na'èn-ná, jña xita titsajnandejí-né kjoa ts'e kjotixoma.

¹⁸ Ngats'iaá jña mi ti nikje xoba tjtsa'ma-ne kjohitsjeen-ná. It'aà tsajan k'oaá s'in गया-la koni jngoo chitsin xi ma chitsejen-yá xi okó kjoa jeya-la Na'èn-ná. Kjit'aà nachrjein isa jeya tihotsejen koni kji Na'èn-ná nga jè Injima Tsjeè-la tsískjatjija-ná.

4

Kó s'in síhiseèn-ná jè 'én ndaà-la Nainá xi kjoa ts'e Cristo

¹ Koií kjoa-la ngajen, mikii mahindaà injima-najen nga jè Na'èn-ná kjohimakeè-najen nga xá ts'e kisíngatsja-najen.

² Jyeé kichjaáxin-jen jña kjoa ch'o xi tji'ma, xi sísobá-najen; mikii chonachan-jen, ni mikii níkatjija-lajen 'én-la Nainá. Ngui 'én kixi benojmí-jen, mejen-najen nga nguixkon Nainá ngats'ii xita kateèkon kjohitsjeen-najen kós'in 'nè-jen.

³ Jè 'én ndaà-la Nainá xi kjoa ts'e Cristo xi nokjoaya-jen, jña xita xi ya tichijajin kjoa ts'e jé-la, ta jña-né xi tjtsa'ma kjohitsjeen-la nga mikii fya-la.

⁴ Jè xita nejí xi tihotixoma-la isò nde nachrjein i'ndeí, xi kós'in tjina koni tsá nainá, jè bíchjoa xkon jña xita xi mikii mokjein-la it'aà ts'e Cristo; nga jè bíjñò kjohitsjeen-la, mé-ne nga mikii skoe-ne kjoahiseèn-la 'én ndaà-la Nainá xi kjoa ts'e Cristo xi 'ño jeya tjina, nga jè Cristo xi okó kó kji xi ngui jè sobá Nainá.

⁵ Ngajen, mitsá tà it'aà tsajen nokjoá-jen k'e nga benojmíya-jen 'én-la Nainá; it'aà ts'eé Jesucristo nokjoá-jen nga jè xi otixoma-ná. Ngajen, tà chi'ndaá ma-jen nga ngajen níxá-nójen, koií-né nga matsjacha-jen Jesús.

⁶ Nainá, jè xi kitsò nga jè ni'in kátasíhiseèn i'nde ñánda jñò choon, tije-né xi kishiseèn ijjin injima-najen, mé-ne jña xita xi kje'ei kohiseèn-la nga skoèkon kjoa jeya-la Nainá koni s'in 'ya-la ts'e Cristo.

Mé-ne tjangoo-ne takoán nas'in kjo'in titsanjiaán

⁷ Kjondaá jè xi 'ño tse chji-la, yaá tjjin yijo-najen. Tanga yijo-najen k'oaá s'in गया-la koni tji ni'nde. Jè Nainá k'oaá s'in kis'in mé-ne nga 'ya-la nga jè nga'ño xi 'ño ndaá tsíxajin yijo-najen, it'aà ts'e Nainá nchrobá-ne; mitsá it'aà tsajen nchrobá-ne.

⁸ 'Nó kjin ma-ne kjoa xi tjin-najen, tanga maá kitjokajin-jen. Tjin kjoa xi makájno-najen, tanga mikii mahindaá-jen.

⁹ Fitjngui kondraá-najen x̄ita, t̄anga Nainá mikii tsjeiin takòn-najen; j̄nã x̄ita beëtoòn-najen, t̄anga mikii chikjoa-là nga sikjehesòn-najen.

¹⁰ N̄ita ñánda-ne nga onguí-jen, k̄jit'aa n̄achrjein mejèn-là s̄iik'en-najen x̄ita koni s'ín komát'in Jesús; t̄anga jè Nainá, jè xi mejèn-là nga it'aa tsajen k̄ata'ya-là nga jè Jesús xi t̄síkijnakon-najen.

¹¹ Ngajen xi t̄itsajnakon-jen, k̄jit'aa n̄achrjein t̄ijnat'aa chrañã-najen k̄joabiyaà xi jè ngat̄ji-là Jesús, mé-ne jè yijo-najen xi ma biyaà j̄chã-là k̄joabinachon ts'e Jesús.

¹² Ngajen, k̄jo'ín t̄itsanikjeiín-jen skanda mejèn-là x̄ita s̄iik'en-najen, t̄anga j̄nõ k̄joabinachon t̄sakó-nò.

¹³ K'oáá s'ín t̄ichja Xojon-là Nainá nga tsò: "Mokjeiín-na k'oáá ma-ne nga kichjã." Ngajen, k'oáá t̄is'ín t̄ijn in̄ima-najen it'aa ts'e 'en xi mokjeiín-najen, k'oáá ma-ne nga nokjoá-jen.

¹⁴ Jè Nainá xi kisikjaáya-là Na'èn-ná Jesús it'aa ts'e k̄joabiyaà, 'ya-nájen nga t̄ikoaá k̄ijchò n̄achrjein nga s̄iikjaáya-najen koni s'ín jaáya-là Jesús. Ik̄joàn ngats'iaá k̄jikò-ná ya nguixk̄on Nainá.

¹⁵ Ngats'iì k̄joa koi, k̄jondaà tsajòn-nò, mé-ne is̄a k̄jìn k̄oma-ne x̄ita xi t̄joé-là k̄jondaà-là Nainá, nga t̄ikoa is̄a jeya k̄ijna Nainá nga k̄jìn ma x̄ita xi tsjã-là k̄jondaà.

¹⁶ K'oáá ma-ne mikii mahindaà in̄ima-najen; kix̄i k̄joa yijo-najen t̄fēhengui-né; t̄anga Nainá, n̄achrjein n̄chijòn t̄s̄ix̄it̄seya in̄ima-najen.

¹⁷ Jè k̄jo'ín xi nikjeiín-jen j̄ isò'nde, t̄a chibaá t̄jín. T̄a jngoo t̄jò oto. T̄anga yaá sakó-najen k̄jondaà xi is̄a jeya t̄jín xi mikii fehet'aa n̄ita kjé-ne.

¹⁸ Nga mitsã j̄nã chitsejèn-lajen k̄joa xi t̄jín isò'nde xi tsejèn, j̄nã chitsejèn-lajen xi mikii tsejèn xi ts'e Nainá. K̄joa xi t̄ima j̄ isò'nde, k̄joehet'aa-né, t̄anga j̄nã k̄joa xi mikii tsejèn, mikii k̄joehet'aa n̄ita kjé-ne.

5

Ni'ya xi t̄jindaà-là Nainá ján ngajmii

¹ Yijo-ná k'oáá s'ín ngaya-là koni ni'ya xi t̄jín j̄ it'aa nangui xi chiba n̄achrjein ma-là nga bixòña. Tsã k̄ixòña ni'ya jè, Nainá t̄jindaà jngoo-là ni'ya ján ngajmii, xi t̄ijna n̄ita kjé-ne, nga mitsã tsja x̄ita kisindaà-ne.

² K'oáá ma-ne nga imaá fahatse-là in̄ima-ná j̄ isò'nde nga jè xi mejèn-ná nga n̄it̄on k̄itsajnayaá ni'ya-ná ján ngajmii.

³ Nas'ín s̄ijna yijo-ná xi tsjach'á j̄ ndēj, Nainá tsjã j̄ngoo-ná xi yijo x̄it̄se. Jè in̄ima-ná mitsã ch̄ija, yijo x̄it̄seé k̄oma.

⁴ K'e nga t̄ákó t̄jnakon yijo-ná koni jngoo ni'ya xi ma bixòña, imaá fahatse-ná, maba-ná, mikii tsò takoán nga nikijna ni'ya-ná. Majìn-ná nga t̄jãxìn-ná ni'ya jè, jè xi mejèn-ná nga k̄atax̄it̄seya yijo-ná mé-ne nga yijo-ná xi ma biyaà jngoo k'aa j̄ch̄ija nga jè k̄joabinachon s̄iikijne-la.

⁵ Jè Nainá xi xó k'oas'ín tsibindaà-ná k̄o kitsjaà-ná In̄ima Tsjeè-là mé-ne t̄jikixi-ne k̄joa nga iskan tsjã yije-ná koni s'ín kitsjaà tso'ba.

⁶ K̄jit'aa n̄achrjein k'oas'ín t̄jngoo takoán it'aa ts'e Nainá k̄o k'oáá s'ín t̄jijìn-ná, k'e nga t̄ákó t̄jnakon yijo-ná j̄ it'aa nangui koni jngoo ni'ya ñánda t̄itsajnaá, k̄jijn t̄itsajna-lá ni'ya-là Na'èn-ná ján ngajmii.

⁷ K'oáá s'ín t̄itsanijchã yijo-ná koni s'ín mokjeiín-ná it'aa ts'e Nainá, m̄i k'oáá s'ín mochjeén nga k̄os'ín s̄ijchã yijo-ná koni s'ín beë xkooán.

⁸ T̄jngoo takoán it'aa ts'e Nainá, is̄a-la ndaà t̄jín tsã s̄iikjinaá yijo-ná, mé-ne nga ján k̄itsajnaakoaá Na'èn-ná ngajmii.

⁹ Koi k̄joa-là nga ndaà s̄ikitasoán koni s'ín sasén-là Na'èn-ná, a j̄ t̄itsajnaá it'aa nangui a xi ján t̄itsajnaá ján ngajmii.

¹⁰ Mochjeén-né nga ngats'iaá k̄ijchoaá nguixk̄on ñánda t̄ihotixoma Cristo nga k'oj-lá kindã nga jngoo jngoaá; t̄joé-ná ch̄jì-ná mé k̄joa xi ki'né nga t̄itsajnaá isò'nde, a ndaà ki'né, o xi ch'o ki'né.

Én xi tsjã k̄joa'nchán it'aa ts'e Nainá

¹¹ Nga yaxkón-jen Nainá koni s'ín ok'ín-là, k'oáá ma-ne b̄enõjm̄i-lajen x̄ita xi k̄j'eij, mé-ne kokjeiín-là it'aa ts'e Cristo. Nga nguixk̄on Nainá ndaà beëxkon-najen nga ndaà 'nè-jen, 'an k'oáá t̄is'ín mejèn-nã nga t̄ikoa j̄nõ jyeé ndaà yaxkon-nájen.

¹² Mitsã 'mi-nõjen nga t̄jijn ndaà nikitsajna-nájen yijo-najen t̄anga jè xi mejèn-najen nga tsja k̄atama-nò it'aa tsajen, mé-ne k̄oma k̄inókjoa-là j̄nã x̄ita xi t̄jijnã ndaà s̄ikitsajna-ne yijo-là koni s'ín tsejèn-là, t̄anga jè in̄ima-là mikii ndaà s̄ikinda.

¹³ Tsã ská-najen, koi-né nga Nainá nixá-lajen, tsã ndaà t̄jín k̄johitsjeèn-najen, k̄jondaà tsajòn-nò nga j̄nõ nixá-nõjen.

¹⁴ Jè kjoatjòcha-là Cristo jè kitsobà'nò-najen nga ma fikò-najen koni s'in mejèn-là, k'oaá tjin kjohitsjeèn xi kjòchija-najen nga jngoo xita k'en ngajo-là ngats'ii xita xi tjin isò'nde, k'oaá komà-ne nga ngats'ii xita k'en.

¹⁵ Jè Cristo k'en ngajo-là ngats'ii xita xi tjin isò'nde, mé-ne jña xita xi títajnakon mi t'k'oaá s'in sijnchá-ne yijo-là koni s'in mejèn-là yijo-là. K'oaá s'in sijnchá yijo-là koni s'in mejèn-là Cristo nga jè k'en ngajo-là koa jaáya-là it'aa ts'e kjoabíyaa.

¹⁶ I'nde mi t'k'oaá s'in nikitsjeèn-najen it'aa ts'e xita xi k'ejí kós'in tsejen, kó kjoàn, koni s'in s'in jña xita isò'nde. K'e nga sa itjòn k'oaá s'in kinikitsjeèn-jen, jè Cristo, tsà taxkí xita isò'nde-nè. Tanga i'nde mi t'k'oaá s'in nikitsjeèn-najen.

¹⁷ Jngoo xita, k'e nga Cristo tijnako, xita xitse-né it'aa ts'e Nainá. Jè kjoa jchínga jyeé tsato, jyeé kjoaxitseya yije.

¹⁸ Ngats'ii kjoa ko it'aa ts'e Nainá nchrobá-ne, nga it'aa ts'e Cristo kichibandaà-ná ko Nainá. Ko jè Nainá kitsjaá-najen xá nga koma kénajmí-jen kós'in kjoóndaà-ne xita ko Nainá.

¹⁹ It'aa ts'e Cristo kisixá Nainá nga kisikjoóndaà-ne xita isò'nde. Mi t'k'oaá kis'ii-nè jè-là jña xita. Ko kitsjaá-najen xá nga bénomí-jen kós'in ma nga chibandaà-ná ko Nainá.

²⁰ K'oaá ma-ne ngajen síkasén-najen Cristo nga nokjoa ngajo-lajen. K'oaá ngaya-là koni tsà jè Nainá tíbítsi'ba-nò. It'aa ts'e Cristo bitsi'ba-nòjen: jchibandaàko-nò Nainá.

²¹ Cristo, mitsà jè tsohótsji; tanga xi kjondaà tsaján, Nainá, jè tsohónè yije-là ngats'ii jè xi tjin isò'nde, mé-ne it'aa ts'e Cristo, xita kixi komaá nga jè Nainá sijkixiya-ná.

6

¹ Ngajen, xi Nainá nixát'aa-lajen, bítsi'ba-nòjen, kjondaà xi tsjá-nò Nainá, ndaa tijkjeén.

² Nga jè Nainá, k'oaá tsò:

Ki'nchrè-lè k'e nga ndaa chiba-là kjòchjeèn-lè kjondaà-na,

tsohósjkò-lè, jè nachrjein k'e nga tíchiá-la nga kítjójijn kjo'in.

I'nde, jñò, ndaa tjiná'ya. Jyeé ijchò nachrjein ts'e kjondaà-la Nainá nga kítjokájñò kjo'in.

³ Nímé kjoa xi ch'o 'nè-jen xi síkíts'ón-jijn-là xita xi k'ejí, mé-ne jè xá-là Nainá xi jin títsa'nè-jen mi yá xi ch'o kichajano-là.

⁴ Nita mé kjoa xi 'nè-jen, ndaa onguíko-jen yijo-najen mé-ne jña xita skoe-ne nga chj'nda-là Nainá 'mí-najen, nga 'nò tjin-najen kjoatsetakòn, 'nò ndaa chíkoako-najen kjoa ts'e kjo'in, ko tíchijat'aa-najen mé tsojmi xi kochjeén-najen, koa chjá tíma-najen kjoa xi tíhotojijn-jen,

⁵ nga tsat'é-najen, nga ndayá tínkjas'en-najen, nga ngajen binchaàtsji-lajen kjoasii naxandá, nga 'nò nixá-jen, ko mikii tsafé-jen, skanda bitsajna kjinchrá-nájen.

⁶ Tanga ngui tsjeé títanjchá-jen yijo-najen; ndaa machija-najen nita mé kjoa-ne; tjin-najen kjoatsetakòn ko kjondaà it'aa ts'e xita; ko jè Iníma Tsjeé-là Nainá tísixájin iníma-najen; ko ngui koó iníma-najen nga tjin-najen kjoatjòcha.

⁷ Bénomí-jen 'én xi kixi tjin. Tjin-najen nga'nò-là Nainá. Jña kjoa kixi xi 'nè-jen, k'oaá ngaya-là koni jña kicha xi ko ngaskón ko kixi mochjeén.

⁸ Tjin xita xi beèxkón-najen, tíko tjin xi mikii beèxkón-najen. Sakoá ndaa chjá it'aa tsajen, sakoá majin. Tjin i'nga xi xita ndiso tsò-najen tanga ngajen 'én kixi nokjoá-jen.

⁹ Tjin i'nga xi k'oaá s'in síko-najen koni tsà mikii beèxkon-najen, tanga tjin xi beèxkon-najen. K'oaá s'in beèhikon-najen koni tsà jyeé k'en-jen, tanga títajnakon-nájen. Tsjá-najen kjo'in jña xita tanga mikii biyaa-jen.

¹⁰ K'oaá s'in ko'an-najen koni tsà ba tjin-najen, tanga ngajen tsja tjin-najen. Tsò-najen nga xita íma-né, tanga it'aa tsajen, kjin jchán xita tísakó-là kjondaà ts'e iníma-là. Nímé xi tjin-najen, tanga nguixkon Nainá, tjin yijeé-najen nita mé-ne.

¹¹ Jñò 'ndsee xi Corinto tsajòn, jyeé kinokjoa kixi-nòjen; ngui koó iníma-najen matsjacha-nòjen.

¹² Ngajen, mitsà bíxkon-nòjen kó tsò kjohitsjeèn-là iníma-najen, jñò-nó xi bíxkoòn kó tsò kjohitsjeèn-là iníma-nò.

¹³ K'oaá s'in chjá-nò koni tsà ixti-na xan-nò, jñò, k'oaá tís'in t'een koni s'in 'nè-jen, nga ko iníma-nò títsjacha-nájen.

Tinchat'aaxin-là kjoa ts'e jé

¹⁴ Jñò, xi mokjeiin-nò it'aa ts'e Cristo, k'í jña xita xi mikii mokjeiin-là nìngásòn-ko kjohitsjeèn-nò. ¿A komaá kongásòn-ko jngoo xita xi tjin-là okixi ko jngoo xi tsjin-là okixi-là Nainá? ¿A komaá ya kítajnajnaá nanda jñò choòn nga tjin kjoa iseèn?

¹⁵ ¿A komaá ndaa kjikò xikjín, jè Cristo ko xita nejí? Tíkoá mikii koma ndaa kjikò xikjín jngoo xita xi mokjeiin-là it'aa ts'e Cristo ko jngoo xi mikii mokjeiin-là.

¹⁶ Mikii koma ya sijmaya ni'ya ingo-la Nainá jñà xkòsòn xi nainá tsò-la xita. Nga jñá-ná xi 'mì-ná ni'ya ingo-la Nainá xi tijnakon. Koni s'ín kitsò Nainá it'aa ts'e xita xi mokjeiin-la, tsò-né:

'An, yaá kótijnakoa naxandá-na, tikoáá yaá kojmejiin-la.

'An-ná xi Nainá kitsò-na koa jñà koma xita naxandá-na.

¹⁷ Nainá k'oaá kitsò nga kiichjajiin-la xita naxandá-la:

Titjokajjin-la jñà xita xi mikii mokjeiin-la it'aa ts'an,

koa tijnchat'aaxin-là.

Nimé kjoa chingajnoò xi tjé tjin nga nguixkoaàn,

mé-ne nga 'an koma skoétjò-nò.

¹⁸ 'An-ná xi skoétjò-nò koni ingoo Na'èn,

jñò koma ndi ixti x'in-na ko ndi ixti ichjin-na,

k'oaá tsò Na'èn-ná xi ta jè tajngoò xi 'ño tse nga'ño tjin-la.

7

¹ Jñò ndi 'ndse xi matsjake-nò, k'oaá tjin kjondaà xi tsjá-ná Nainá koni s'ín kitsjaà tso'ba. K'oaá ma-ne kijnchat'aaxin-là ngats'ii kjoa xi tjé tjin xi sikits'ón yijo-ná ko inima-ná, mé-ne tsjeé kitsajnaa nga nguixkon Nainá. Ndaa jchaxkoán Nainá mé-ne nga kjiit'aa nachrjein isa tsjeé sijchá yijo-ná.

Mé-ne tsja ma-la Pablo kjoa xi s'ín xita Corinto

² Choétjò-nájen nga ko inima-nò. Ngajen, niya xita xi ch'o niko-jen; ni saá yá xita níki'on-jen, ni saá jngoò xita chonachan-lajen.

³ K'e nga k'oas'ín tixan-nò, mitsà mé kjoa xi ch'o tjin tihonè-nò; jyeé k'oa kixan-nò nga sa itjòn, kjiit'aa nachrjein nga matsjacha-nòjen, nas'ín kiyá ko tsà titsajnakoaàn, koò inima-najen nga matsjacha-nòjen.

⁴ Nguí 'én kixí xi tichjako-nò; 'ño matsja-la inima-na it'aa tsajòn. 'Ñó tjin-na kjojetakòn ko taxki tsjaà ma-la inima-na, nas'ín tse kjo'in tjin-najen.

⁵ K'e nga j'ii-jen i nangui Macedonia, nimé xi komà kinikája-jen. 'Ñó kinikájno-jen; xki xi ján kis'e-najen kjoasi, koa ya jjiin inima-najen 'ño kisinchaaxkòn.

⁶ Tanga Nainá sijehikon-né xita xi indaa tjin ikon; kisijehikòn-najen k'e nga j'ii Tito.

⁷ Mitsà tà koi kjoa-la nga j'ii Tito, jè-né nga jè, tikoáá tsja tjin-la xi it'aa tsajòn. Tsibènjomí-najen nga jñò, 'ño mejèn-nò nga jchaxkon-nájen. K'oaá ti kitsò-najen nga ba titsajnaa koa makájno-nò it'aa ts'an. K'e nga ki'nchrè 'én koi, 'an, isaá ndaa kjòtsja-na.

⁸ Jñò, nas'ín tà kjoaba tsohotsji-nò k'e nga kisikasén itjòn-nò xojon, j'ndeji, mi ti kii tsikájno-na. Nga sa itjòn kisikájnoa nga kisikasén jngoò-nò xojon, koi kjoa-la nga kisibaá chiba nachrjein-nò.

⁹ Tanga j'ndeji, matsja-la inima-na, mitsà koi nga kjoaba kis'e-nò kjoa ts'e xojon, koi-né nga it'aa ts'e Nainá kinikájno jé-nò nga mi ti jè chinhaatsji-nò. Jñò, k'oaá s'ín kjòba-nò koni s'ín mejèn-la Nainá. K'oaá ma-ne nga nimé kjoa ch'o kisakò-nò it'aa tsajen.

¹⁰ Jè kjoaba xi s'e-ná koni s'ín mejèn-la Nainá, jè sixajiin inima-ná nga nikájnoaá jé-ná nga mi ti jè binchaatsji-ná mé-ne nga korta kiitjokajñaá kjo'in; koò mitsà mé xi jskan sikájnoaá. Tanga jè kjoaba xi tsjá-ná isò'nde nga mikii mokjeiin-ná it'aa ts'e Nainá, jè sixajiin inima-ná nga kjoa biyaá fiko-ná.

¹¹ Tanga tikitsjeèn ngats'ii kjondaà xi ki'nè ta koi kjoa-la nga kjoaba kisakò-nò it'aa ts'e Nainá. I'ndeji titsajnaanda-nò nga s'een kjoa xi tjinè-nò nga sikitasòn; k'oaá s'ín titsahokoò yijo-nò nga nimé jé tjin-nò; majticha-nò kjoa ts'e jé; j'ndeji tsakjoòn-chaá Nainá; mejèn-nò nga jchaxkon-ná; makájnoò-nò it'aa ts'an; k'oaá komà-ne nga kits'ii-là kjo'in jè xita xi tsohotsji jé. Ngats'ii kjoa koi koni s'ín ki'nè, k'oaá s'ín 'ya-la nga mitsà ngats'ioò tjin-nò jé.

¹² 'An, koni s'ín kiskii-nò xojon korta xi kisikasén-nò, mitsà jè tsikitsjeèn it'aa ts'e xita xi tsohotsji jé; ni mitsà it'aa ts'e xita xi kitsi'on kisikasén-nò xojon. Jè-né nga tijnò ki'ya-nò nga nguixkon Nainá nga kixí kjoa nga tjòcha 'ya-nájen.

¹³ Maje takòn-nájen ngats'ii kjoa xi ki'nè.

Mitsà ta koi kjoa-la nga maje takòn-jen it'aa ts'e kjoa koi; isa 'ño matsja-najen nga ki'ya-jen Tito nga 'ño tsja tjin-la, koi kjoa-la nga ngats'ioò kinitsjakoo.

¹⁴ 'An, jyeé kos'ín ndaa kisikitsajna-nò nga nguixkon Tito koni kixan-la. Jñò, nimé kjoa tjin xi ch'o kinikájna-ná. Koni s'ín nga ngats'ii 'én xi ki'mi-nòjen, ngui 'én kixí-né, k'oaá tis'ín kixí itjo koni tsò 'én xi kixan-la Tito nga ndaa kisikitsajna-nò.

¹⁵ Tito, isaá 'ño ndaa matsjakeè-nò k'e nga bitsjeèn-la nga ngats'ioò ndaa kinikitasòn-là ko ndaa kichjoétjò k'e nga ijchokon-nò, koa 'ño ndaa kiyaxkòn.

¹⁶ I'ndeji, it'aa tsajon ma'ñót'aa takoàn nitá mé kjoa-ne, k'oaá ma-ne nga matsja-la inima-na.

8

Mé kjoa-ne nga ton maxkó-ne

¹ Ndí 'ndse kò tichjaá, mejèn-na nga kàtasijìn-nò kjondaà-là Nainá xi okó jjiin naxandá-là Cristo xi titsajna ya nangui Macedonia.

² Nas'ín 'ño tse kjo'in nchihotojìn tìkoá tí'ya-là nga 'ño matsja-là. Nas'ín 'ño xita ima, jñà tsojmi xi tsjá kjojtò-là Nainá, koó inima-là tsjá koni tsà 'ño xita nchíná.

³ An, tibe-ná nga koó kjotsja-là tsjá ton xi kjojtò ts'è Nainá koni kji bijchó nga'ño-là, saà k'oaá skanda tsjásòn-né koni kji bijchó nga'ño-là.

⁴ Jñà xita koi, 'ño tsibítsi'ba-najen nga mejèn-là nga tìkoá silkasén-là ton kjojtò jñà xita naxandá-là Cristo jè ì'nde ñánda kochjeén-là.

⁵ Jñà xita koi, isaá tsato kitsjaá koni s'ín titsachiñá-lajen. Ítjòn nangui kisikítsajna-là Nainá inima-là, ìkjoàn, k'oaá ti s'ín kis'ìin ìt'aà tsajen koni s'ín mejèn-là Nainá.

⁶ K'oaá ma-ne bítis'ba-lajen Tito koni s'ín tsibíts'iaqo xá xi kitjoé-là k'è nga sa ìtjòn, k'oaá tís'ín kàtasíkjhèt'aà-ne nga kàtíxkó ton kjojtò xi jñò 'bioò.

⁷ Tanga jñò, 'ño ndaà 'nè-nò ngats'ìi kjoa xi 'nè nga ndaà mokjeiín-nò, nga ndaà nokjoà, nga ndaà tjin-nò kjoa chjine, nga titsajnandaà nga mejèn-nò sichját'aà nita mé kjoa-ne, nga tjin-nò kjoatjòcha nga ìt'aà tsajen komà-nò. Koni s'ín 'nè yije kjoa koi, k'oaá tís'ín tìkatonè-là jè kjojtò xi 'bioò.

⁸ Mitsà k'oa's'ín tixan-nò koni tsà jngoò kjojtòxoma titsja-nò. Jè xi mejèn-na nga skoeè a ngui kixí kjoa nga tjin-nò kjoatjòcha koni s'ín tjin-là xita xi k'ejí nga titsajnandaà nga tsjá kjojtò-là.

⁹ Jñò, jyeé 'yaà kjondaà-là Jesucristo xi otixoma-ná. Xita imaá kis'ìin yijo-là xi kjondaà tsajòn, nas'ín ts'è yije-né ngats'ìi tsojmi xi tjin, mé-ne jñò tjoé-nò kjoa nchíná xi tjin-là.

¹⁰ Tsjaá jngoò-nò kjohtsjeen ìt'aà ts'è kjoa jè. Kochjeén-nò nga ndaà sikitason koni s'ín tsibíts'iaqoo jè nó xi tsato nga kits'ioò ton xi kjojtò ts'è Nainá. K'oa's'ín ki'nè nga kò kjotsja-nò kits'ioò.

¹¹ I'nde, tákó k'oaá s'ín t'een koni s'ín tsibíts'iaqoo. K'oaá s'ín tìkjhèt'aà koni s'ín kjòmejèn-nò nga sa ìtjòn. K'oaá kji tjoò koni kji bijchó nga'ño-nò.

¹² K'è nga jngoò xita xi tjinandaà nga kò inima-là mejèn-là tsjá, k'oaá kji kàtatsjá koni kji ma xi s'ín, mitsà tsato tìnjé-là. Nainá mitsà tsato sjé koni kji ma xi 'nè.

¹³ Mitsà koi kjoa-là nga kjo'in s'è-nò nga sichját'aà-lá xita xi k'ejí, jè-né nga ngásòn ngáya s'è-ná mé xi mochjeén-ná.

¹⁴ I'nde, jñà xita koi, tsjin-là mé xi mochjeén-là, tanga jñò, tjin-nò. K'è nga k'ejí naxhrjein, jñà xita koi, s'èé-là mé xi mochjeén-là, kò jñà kosíko-nò k'è nga jñò tsjin-nò. K'oaá s'ín ngásòn ngáya s'è-ná mé xi kochjeén-ná.

¹⁵ K'oaá s'ín tichja Xojon-là Nainá nga tsò: "Jè xi kjìn tsibíxkó, nímé tsiningui-là, koa jè xi chiba tsibíxkó, nímé kisichjaát'aà-là."

Kós'ín komà nga kinikasén Tito ján Corinto

¹⁶ Ndaà chjí-là Nainá nga k'oa's'ín tsibíjìn inima-là jè Tito nga tìkoá kisikájno ìt'aà tsajòn koni s'ín 'an kisikájnoa.

¹⁷ Kixí kjoa jè Tito kòkjeiín-là koni s'ín tsibit'ín-là; tìkoá jè, 'ño mejèn-là nga kikon-nò; ikoón xi kitsò nga kjikon-nò.

¹⁸ Jè Tito tífiko jngoò 'ndseé xi ndaà síkjna ngats'ìi xita naxandá-là Cristo xi tjin nita ñánda-ne; nga jè 'ndseé ndaà chjaya 'én ndaà-là Nainá xi kjoa ts'è Cristo.

¹⁹ Mitsà tà koi kjoa koi, tìkoá jñà naxandá-là Cristo jaajjìn jè 'ndseé nga koahjítako-najen nga onguíko-jen ton kjojtò-là Nainá xi ngajen titsabíxkó-jen mé-ne jè Na'èn-ná jeya kíjna, tìkoá skoeé jñà xita nga koó inima-najen sichját'aà-lajen xita.

²⁰ K'oaá ma-ne nga mi yá xita kichhajno-najen kós'ín kochjeén ton xi tse tímáxkó.

²¹ K'oaá s'ín binè-lajen yijo-najen kjoa xi ndaà tjin nga nguixkòn Nainá kò tìkoá nguixkòn xita.

²² Tito, tìkoáá báhítako ìjngoò 'ndseé xi xkí xi ján ki'ya-jen nga 'ño binè-là yijo-là nga kjìn xá ma-là. Tjin kixí-né ì'nde, isaá ndaà binè-là yijo-là nga sichját'aà-nò nga isa ndaà beé takòn-nò.

²³ Jè Tito, amigo ts'an-ná nga 'aán síxáko-na xi kjondaà tsajòn. Jñà xita 'ndseé xi i'nga, jñà naxandá-là Cristo xi tjin nangui Macedonia jñà kisikasén; nga ìt'aà ts'è xita 'ndseé koi, jè Cristo jeya bíjna.

²⁴ Takó-là xita koi kjoatjòcha xi tjin-nò, takó-là kjondaà xi tjin-nò koni s'ín jye okixan-là jñà xita 'ndseé koi, mé-ne nga skoe-ne jñà naxandá-là Cristo xi i'nga nga kixí kjoa.

9

Mochjeén-né nga sɨchját'aà-là xɨta-lə Cristo xi k'ejí

¹ Jè kjoa ts'e nga 'nó xi maxxót'aà-là jñà xɨta tsjeè-lə Nainá xi kochjeén-lə jè nga 'nó, mì tì kii mochjeén-ne nga 'an skil-isa-nò.

² Be-ná nga titsajnaandà nga mejèn-nò sɨkitasòn. K'oaá xan-lə jñà xɨta xi nangui Macedonia ts'e nga jñò xi Acaya tsajòn, titsajnaandà-nò skanda jè nó xi tsato nga mejèn-nò sɨkasén nga 'nó. K'e nga kii'nchré jñà xɨta Macedonia koni s'in titsa'nè, kjin ma-ne xi matsja-lə it'aà tsajòn tikoáá kjòtsja-lə nga mejèn-lə sɨichját'aà.

³ Koií xá tsɨkasén-nò jñà 'ndseé koi, mé-ne 'an mì ch'o kótijna-nə tsà koi nachrjein-lə tsà ta 'én ndiso koma-ne koni s'in ndaa sɨkɨtsajna-nò it'aà ts'e kjoa koi, mé-ne jñò titsajnaandà koni s'in kixan.

⁴ Kós'in koma-ne tsà koi nachrjein-lə kjiko i'nga-nə xɨta Macedonia. K'e nga kijchò skoe-nò nga k'ejé kii titsajnaandà nga 'nó xi sɨkasén. Tsà k'oas'in koma kjoa koi, ngajen kosobá-najen, kò jñò, isaá 'nó kosobá-anò. Nga ngajen, it'aà tsajòn 'nó ndaa nikɨtsajna-nòjen.

⁵ Koií kjoa-lə k'oaá s'in tsɨkɨtsjeèn nga tsibitsi'ba-lə jñà 'ndseé nga kisɨkasén itjoan, mé-ne nga kátikon-nò koá kátasɨchját'aà-nò nga kátixkòko-nò ton kjotjò xi jye k'oas'in kɨts'ioò ndsobaa, mé-ne k'e nga jye tijnandaà kjotjò-nò jchə-lə nga jjin inima-nò inchrobəjün-ne; mitsà kjo'ñò komà-nò.

⁶ Tikɨtsjeèn jè 'én xi tsò: Jè xi chiba tsojmi bitje, chibaá tsojmi majchá-lə; jè xi tse tsojmi bitje, kjin tsojmi majchá-lə.

⁷ Nga jngoò ijngoò, k'oaá kji kátatsjá koni kji kosòn-lə inima-lə. Mitsà kò kjoba-lə nga tsjá, nj mitsà kjo'ñò koma-lə, nga Nainá tsjakeè-né xi kò kjòtsja-lə tsjá.

⁸ Nainá koma-lə tsjá yije-nò kjondaà xi tjin-lə, mé-ne nga kjit'aà nachrjein s'e yije-nò xi mochjeén-nò, skanda kininguii-nò mé-ne koma sɨchját'aà ts'e xá xi ndaa tjin.

⁹ K'oaá s'in tichja Xojon-lə Nainá nga tsò:

Kisika'bi-lə xɨta ima nga kitsjaà-lə mé xi mochjeén-lə.

Kjoakixi-lə, mikii kjoehet'aà njta kjé-ne.

¹⁰ Nainá tsjá tje-lə tsojmi xi sitje, tikoá tsjá tsojmi xi chineé. Tsjá yije-nò xi mochjeén-nò nga kitjee; tikoáá sɨchá tsojmi xi bitjee. Kjin skoya kjondaà sakò-nò k'e nga kò kjoakixi-nò 'bioò kjotjò-nò.

¹¹ Jñò, s'e yije-nò ngats'ii kjoa nchiná xi tjin, mé-ne nga kò kjondaà-nò ma sɨchját'aà-lə xɨta xi k'ejí, nga sɨkasén-lə kjotjò xi ngajen onguiko-jen. K'e nga tjoé-lə jñà xɨta 'ndseé, tsjá-lə kjondaà Nainá.

¹² Jñà tsojmi kjotjò xi titsanikasén-lə jñà xɨta 'ndseé, mitsà ta koi kjoa-lə nga kochját'aà-lə mé xi chija-lə, tikoá koií-né nga isa kjin koma xɨta xi tsjá-lə kjondaà Nainá.

¹³ Jñà xɨta koi, k'e nga tjoé-lə tsojmi kjotjò, jeya sɨikjina Nainá. K'oaá s'in skoe-ne nga kixí kjoa nga jñò nikɨtasòn-nò 'én ndaa-lə Nainá xi kjoa ts'e Cristo koni s'in mokjeiin-nò. Jñà xɨta koi skoeixkón Nainá it'aà ts'e tsojmi kjotjò xi 'bi-lə kò xi 'bi-lə jñà xɨta xi k'ejí.

¹⁴ Koó inima-lə kichjət'aà-lə Nainá it'aà tsajòn, nga 'nó tse kjondaà tsakò-nò xi tsjá-nò Nainá.

¹⁵ jNdaa chji-lə Nainá nga 'nó tse kjondaà tsjá-ná, skanda tsjin-ná 'én kós'in k'oj-lá kjondaà!

10

Kò tsò Pablo nga chjatji xá-lə nga chɨnda-lə ma Cristo

¹ An xi Pablo 'mì-na, bitsi'ba-nò it'aà ts'e Cristo xi tjin-lə kjondaà, kò xi indaa tjna inima-lə. Tjin xɨta xi tsò-na nga ima kjoa xó s'iaàn k'e nga ya tijnajün-nò, kò 'nó xó ts'en s'iaàn k'e nga kjün tjnaa.

² Tikoá bitsi'ba-nò k'e nga kjikon-nò, jñò, itjòn jchibàya-nò kjoa xi tjin-nò, mé-ne k'e nga kijchoa, ki kii binè-nájén nga 'nó kichjakoaga jñà xɨta xi k'oas'in nchitsò nga k'oaá s'in titsa'nè-jen koni s'in xi taxkí xɨta isò'nde. Tanga 'an, tjna ndaa-ná nga kojtkoaga jñà xɨta xi chjajno-najen.

³ Kixí kjoa nga xɨta isò'nde 'mì-najen, tanga mì k'oas'in bixkán-jen koni s'in kjaán jñà xi taxkí xɨta isò'nde.

⁴ Kichə xi nikjeén-jen, mitsà kichə ts'e isò'nde. Nga 'nó ts'e Nainá-né xi ma-lə sɨkixòña nga 'nó-lə xɨta nejí xi bíchjoà ikòn-lə 'én-lə Nainá.

⁵ Nikixòña-nájén ngats'ii kjohitsjeèn xi ch'o tjin kò kjoa 'nga takòn xi kondra ts'e kjoachjine-lə Nainá. Ndobà'nó-nájén ngats'ii kjohitsjeèn mé-ne koma kɨtasòn-lə Cristo koni s'in mejèn-lə.

⁶ Titsajnaandà-nájén nga k'oj-lajen kjo'in xɨta njta mé kjoa-ne xi mikii ndaa bitasòn-lə, k'e nga jye jchə-lə nga jñò kixí nikɨtasòn.

⁷ Jñò, tà k'oaá s'in chítsejèn-là koni s'in 'ya-là jñà xita. Tsà tjin i'nga xita xi tsò-là yijo-là nga jè Cristo kisikasén, ndaà kàtasíkitsjeèn, tikoá ngajen jè sobà Cristo kisikasén-najen.

⁸ Mikii masobà-na nga ndaà síkijna yijo-na it'aà ts'e kjoúxoma xi kisingatsja-najen Cristo mé-ne koma sichját'aà-nò nga isa ñó kítsajnaà; kò mitsà koi-ne nga 'an síkíts'ón-jìin-nò.

⁹ Majin-na nga k'oas'in síkítsjeèn nga 'an mejèn-na binchaxkón-nò k'e nga xojon titskasén-nò.

¹⁰ Tjin i'nga xita xi tsò: "Xojon-la, 'ño jchán tjin, 'ño tichja, tanga k'e nga i tijnajìin-ná mitsà 'ño xkón kji. 'Èn xi chja, mì yá xi ndaà beèxkón."

¹¹ Jñà xita xi k'oa tsò, ndaà kàtasíkitsjeèn koni tsò xojon xi nikasén-jen k'e nga kjiin titsajna-jen. K'oaá tjs'in s'en-jen k'e nga ya titsajnajìin-nòjen.

¹² Kixij kjoa, ngajen, majin-najen nga siingásòn-kjoòkò-jen jñà xita xi tì yijo-là ndaà síkítsajna-ne. Jñà xita xi k'oas'in s'in, xita tònò-né. Tsjin-la kjoútsjeèn nga tì chiba ts'ée sichiba-ne yijo-la. Tikoá tì xikjin sichibakjòò-ne.

¹³ Ngajen, mikii sikatonè-lajen chiba-la nga ndaà síkítsajna-jen yijo-najen. K'oaá kji koni kji tsjá chiba Nainá it'aà ts'e xá-najen. Jè Nainá kitsjaà-najen xá xi ijchòkò-nòjen skanda ján Corinto.

¹⁴ Kò tsà mì-là ngajen ijchò itjòn-jen, kixij kjoa kinikatonè-lajen chiba-la j'nde koni kji kitjò'nde-najen. Tanga ngajen-najen xi ijchòkò itjòn-nòjen 'én ndaà-là Nainá xi kjoa ts'e Cristo.

¹⁵ Mitsà jìn ndaà níkítsajna-jen yijo-najen it'aà ts'e xá xi nchis'in xita xi k'ejí. Mitsà titsanikatonè-lajen chiba-la koni kji xá xi oko-najen. Chiñàkjoa-najen, koni s'in isa ñó ndaà kòkjeín-nò, kò isaá kòtseya xá xi títsa'ne-jen. Tanga ta k'oaá kji síxá-jen koni s'in tjen chiba-la.

¹⁶ K'oaá s'in kénójmíya-jen 'én ndaà-là Nainá jñà naxandá xi fi-isa ñanda kijna naxandá tsajòn. Tanga mì ya kítjás'en-jìin-jen j'nde ñanda jye nchisíxá xita xi k'ejí nga mì jìn ndaà síkítsajna-jen yijo-najen xá xi nchis'in xita xi k'ejí.

¹⁷ Jè xi jeya síkijna yijo-la, ta saá Nainá jeya kàtasíkijna.

¹⁸ Mitsà jè xi ndaà bitjongui xi tì yijo-la ndaà síkijna-ne it'aà ts'e mé kjoa xi s'in. Jè Nainá xi k'oa kítso tsà kixij kjoa nga ndaà xita.

11

Pablo, jè xi ngui xita-la Cristo nga jè tsibíxáya-la

¹ T'een kjondaà, tiná 'ya jngòò tjò-ná; k'oaá s'in tichjàkò-nò koni jngòò xita xi mì ndaà tjna kjoútsjeèn-la. Kàtas'e-nò kjoatsejta.

² Koni s'in makájno-là Nainá, 'an, k'oaá tjs'in makájno-na it'aà tsajòn nga mì k'ejí xita konguít'aà-là. Ta jngòò x'in tsibindaàjìin-kò-nò nga siingatsja-nò, jè Cristo. 'An mejèn-na nga tsjeè siingatsja-nò Cristo koni jngòò tsòti xongó.

³ Tanga tsakjoòn-ná tsà k'oas'in komat'ioòn koni komat'in Eva nga kiskoònachan-la jè ye, tsà ya kíts'ón-jìin kjoútsjeèn-nò nga kinchat'aàxin-là jè kjoatjòcha kixij xi tjin-nò kò Cristo nga mì tì tijnòò-ne takòn nga onguít'aà-là.

⁴ Nga bìi'nde-là nga k'ejí xita bijchòkon-nò xi k'ejí tsò 'én xi okóya-nò it'aà ts'e Jesús koni tsò 'én kixij xi jìn bènójmí-nòjen, kò mokjeín-nò nga chjoétjò jngòò iníma xi k'ejí xi mitsà jè Iníma Tsjeè-la Nainá xi jye kichjoétjò. Tikoá, mokjeín-nò nga k'ejí tsò 'én ndaà-là Nainá xi kjoa ts'e Cristo xi bènójmí-nò koni tsò xi kòkjeín-nò nga sa itjòn. Nga ndaà sasén-nò nga jñà na'ya-là xita koi.

⁵ 'An, mitsà isa nangui tjna-la jñà xita xi 'mì-là jñò nga isaá 'nga títsajna-la jñà xita xi tsibíxáya-la Cristo.

⁶ 'An, nas'in mikii ndaà ma-na chjà, nímé kjoútsjeèn chijat'aà-na xi it'aà ts'e 'én-la Nainá. Jñò, jyeé ndaà 'yaá, 'an, nità ñanda nga tjnaa, k'oaá s'in tsakoò-nò.

⁷ ¿A ch'oo kis'iaàn nga tsakoòya-nò 'én ndaà-là Nainá nga nímé kisikíchjì-nò? Nangui tsohótijnako-nò skanda kishíma-ná yijo-na mé-ne jñò isa 'nga kisikítsajna-nò.

⁸ Jñà xita naxandá-la Cristo xi xin j'nde-la kisichját'aà-na nga tsachrekájno-la tòn mé-ne komà kisixáko-nò nga tsibenójmí-nò 'én ndaà-là Nainá xi kjoa ts'e Cristo.

⁹ K'e nga tsohótijnako-nò, niyá xi kisijti-la mé xi kichját'aà-na. K'e nga mé tsojmi xi kjòchjeén-na, jñà xita 'ndsee xi j'ii-ne nangui Macedonia kitsjaà-na. Nga majin-na nga chjá koma-nò. Nachrjein xi fi-isa, tákò k'oaá s'iaàn.

¹⁰ Ngui koó kjoakixij-la Cristo koni tixan-nò nga mì yá xi kotichjoà-na kòhokji nangui Acaya nga ndaà síkijna yijo-na kjoa xi tis'iaàn nga mì tòn kisijé-nò.

¹¹ ¿Mé-ne k'oa xan-na nga chjá? ¿A koi-né nga mikii matsjake-nò? Tíbeè Nainá, 'an 'ño matsjake-nò.

¹² Tanga tákó k'oaá s'iaàn koni kisikò-nò nga sà itjòn nga nìmé kisijé-nò mé-ne nga mikii tsjaà'nde-la nga kitso jñà xità xi mejèn-la nga jeya sikítsajna yijo-la nga k'oaá tís'in nchis'in koni ngajen.

¹³ Xità koi, xità ndiso-né. Mitsà kixi kjoa nga xità xi jè Cristo tsibíxáya-la. Ta konachan-né nga síkijatjya-la yijo-la koni tsà jè Cristo tsibíxáya-la.

¹⁴ Kjoa koi, mitsà kjoa xitse; tije-ne xità neji síkijatjya-la yijo-la koni jngoó àkjalé-la Nainá xi ote kji.

¹⁵ Mitsà xkón tjin, xó k'oaá koma-ne nga jñà xità xi síxá-la jè xità neji, k'oaá s'in síkijatjya-la yijo-la koni tsà xità xi bénojmi 'én kixi-la Nainá. Xità koi k'e nga kjoehet'aà nacherjein-la, k'oaá s'in komat'in koni s'in tjin kjoa ch'o xi nchis'in.

Mé kjoa-ne nga jeya síkijna yijo-la Pablo

¹⁶ Jngoó k'a k'oaá tixan-nò, ki k'oaá s'in níkítseèn nga mikii ndaà tjin kjohtsjeèn-na. Tsà k'oaá s'in síkítseèn, tjin'nde-ná nga 'an, k'oaá tís'in ndaà síkijna itse yijo-na koni s'in xità xi i'nga xi mì ndaà tjin kjohtsjeèn-la.

¹⁷ K'e nga kos'in tichjà, mitsà k'oaá s'in chjà koni s'in sasén-la Na'èn-ná, k'oaá s'in tichjà koni jngoó xità xi mì ndaà tjin kjohtsjeèn-la nga tjan ndaà síkijna-na yijo-na.

¹⁸ Koni s'in kjin ma xità xi tijnà ndaà síkítsajna-ne yijo-la it'aà ts'e kjoa xi s'in, 'an k'oaá tís'in mejèn-na nga tjan ndaà síkijna-na yijo-na.

¹⁹ Jñò, bixón-nó nga xità chjine-nò, tanga, ÷mé-ne biì'nde-là jñà xità xi mì ndaà tsò kjohtsjeèn-la?

²⁰ Jñò, níkjein-là xità xi kjo'ño s'in-nò nga ch'nda 'nè-là, xità xi ma-la síkjehejno-nò tsojmi xi tjin-nò, xità xi jñò beètoòn-nò, xità xi ochrjekàngui-nò, koa níkjein-là xità xi síjts'iin-a isén-nò.

²¹ Jñò, ÷kó s'in níkítseèn? ¿A masobà-na nga indaàkjoa kinikò-nòjen nga mì k'oaá s'in kinikò-nòjen koni kisikò-nò jñà xità xi i'nga?

Tsà tjin i'nga xi 'ño ts'en s'in nga chjà, 'an tikoá ts'eén tís'iaàn koni s'in 'ño tichjàkò-nò. Tanga ta k'oaá s'in tichjà koni tsà mikii ndaà tjin kjohtsjeèn-na.

²² Jñà xità koi, tsà kixi kjoa nga xità hebreo-né, 'an, tikoá xità hebreo-ná. Tsà xità Israel-né, 'an, tikoá xità Israel-ná. Tsà tje-la Abraham-né, 'an, tikoá tje-la Abraham-ná.

²³ ¿A ch'nda-la Cristo-né? 'An, isaá ndaà síxá-la Cristo. (K'e nga kos'in chjà, k'oaá ngaya-la koni jngoó xità xi mikii ndaà tjin kjohtsjeèn-la.) 'An isaá 'ño síxá-la. Isaá kò kjin k'a ótijnaya ndayá, isa kò kjin k'a síki'on-na xità, tikoá kò kjin k'a nga jye kjoemé sík'en-na xità.

²⁴ Jñà xità judío, 'on k'a kitsjaà-na kjo'in nga tsakajá-na xox'in xi s'e-la kohoyo xi kaàn chrj'oòn ñijòn tjin-ne nga jngoó jngoo k'a.

²⁵ Jàn k'a kits'iin-na kjo'in nga tsajá-na xkajinchra jñà xità; jngoó k'a tsibinè-na ndajo xità nga mejèn-la sík'en-na; jàn k'a kiskaajin-ndáko-na chitso ya jjin ndáchikon; jngoó nacherjein kò jngoó nitjen tsohotijnajñaà jjin ndáchikon.

²⁶ Nita ñánda nga ojmeé, ta kjoxkón tjin kjit'aà-la. Tjin kjoxkón ya xajngá nandá ñánda nga otoa. Tjin kjoxkón ts'e xità chijé. Tjin kjoxkón it'aà ts'e xità xinguiá judío koa tjin it'aà ts'e xità xi mitsà xità judío. Tjin kjoxkón ya jjin naxandá, koa ya i'nde it'aà xin ñánda tsjin xità. Tjin kjoxkón ya jjin ndáchikon, koa ya jjin-la xità xi tsò nga xità-la Cristo ma tanga mitsà kixi kjoa.

²⁷ Kjin jchán xá kisinè-na xi 'ño tjin, sà k'oaá skanda mikii ónjafé. Kisikjiaán kjinchrá. Sà k'oaá tsjin-na nandá xi ma 'yò, sà k'oaá skanda mikii tsoókjeen, kisikjiaán 'nchán nga tsjin-na níkji xi ónjakjá.

²⁸ Mitsà tà jñà kjoa koi xi komat'ian. Tjin isa xi kje'jí xi isa 'ño tjin. Nacherjein nchijòn makájno-na kjoa xi timat'in kóhotjin naxandá-la Cristo xi 'an sikinda.

²⁹ Tsà yá 'ndsee xi ma indaajin, tikoá 'an, ma indaajin-ná. Tsà yá xi mejèn-la ótsji jé-la jngoó xità xi kje'jí, 'an ma jitke-ná.

³⁰ Tsà mochjeén nga tje yijo-na ndaà síkijna-na, jè ndaà síkijna yijo-na it'aà ts'e kjoa xi mahindaajñaà.

³¹ Jè Nainá xi Na'èn-la Jesucristo xi otixoma-ná, jeya kàtjna nita kjé-ne, tibeè-ne nga 'én kixi xi tichjà.

³² K'e nga tsohotijna ján naxandá Damasco, jè xità xi gobernador tjna nga jè kitsjaà-la xá jè xitaxá itjòn xi 'mí Aretas, kitsjaà-la okixi nga kisikinda xotjoa-la naxandá nga mejèn-la tsobá'ño-na.

³³ Tanga jñà xità kisichját'aà-na nga kisikijnaya-na njsiyá, ikjoàn ya tsachrje-na ñánda tix'á chrjò ndajo xi tjinu-la naxandá nga kiskinjen-t'aà-na skanda it'aà nangui. K'oaá s'in komà-ne nga mikii komà kitsobá'ño-na.

12

Pablo, kits'ii jngooò-là nijnáa xi kixi kjoa

¹ Nijé xi sikijne nga ndaa síkijna yijo-na. Tanga mochjeén-né nga k'oá xán-nò kjoa xi tsakó-na Nainá k'e nga tsohóko-na, jè kjoa xi Nainá kisikichiya-na.

² Beèxkon-na jngooò xita xi fit'aà-là Cristo. Tjin-là te ñijòn nó nga kiiko Cristo skanda jè ngajmii xi ma-ne jàn [ñánda tjna Nainá]. Mikii be tsà k'oá s'in kiiko nga yijo, a xi tà inimaá kiiko. Jè Nainá tjiin-là.

³ Tanga be-ná nga jè xita jè, kiì. A yijo-né, o a tà inimaá kiì, tà jngooò Nainá tibeè.

⁴ Kiì skanda jàn i'nde ñánda ndaa jchán choòn jàn ngajmii ñánda tjna Nainá. Kiì'nchré 'én xi 'ño xkón tjin, xi nijngooò xita koma s'enojmi-là.

⁵ Koni komàt'in xita jè, jè-né xi ok'in-là nga ndaa kijná. Tanga it'aà ts'an mikii ok'in-na nga 'an ndaa síkijna yijo-na. Tajngooò tsà jña kjoa xi mahindaajñaà ndaa síkijna.

⁶ Tsà ndaa síkijna yijo-na [koni tjin kjoa xi 'an kijtsee ngajmii], mitsà 'én ská benojmiá, 'én kixij chjà. Tanga majin-na nga ndaa síkijna yijo-na it'aà ts'e kjoa xi kijtsee mé-ne nga nijngooò xita isa' nga síkijna-na ta ngatji-là kjoa koi. Kqs'in kátasikinda-na kó s'iaàn, kó s'in chjà, kó kó s'in tsijchá yijo-na.

⁷ Mé-ne nga mi 'an ndaa kótijna-na it'aà ts'e kjoa xi 'an tsakó-na Nainá xi jeya jchán tjin, kiskaat'aà jngooò-na ch'in, k'oáa ngayá-là koni tsà na'yá nchajin yijo-na. Jè xita neji kijtseeoòn-na nga kisikasén-na kjo'in.

⁸ Kó jàn k'a bítsi'ba-là Nà'én-ná nga kàtjaaxin-na kjo'in jè.

⁹ Tanga jè Nainá tja k'oáa tsò-na: “Jè kjondaà-na yaá tijnako-lè. Yaá okoaà yije nga'ño-na k'e nga tsjin-lè nga'ño.” K'oáa ma-ne jè kjoa xi mahindaajñaà, jè xi ndaa síkijna-na yijo-na, mé-ne nga jè nga'ño-là Cristo kijnako-na.

¹⁰ Koi kjoa-là matsja-na k'e nga ma indaajñaà. Tjkoáa matsja-na k'e nga chja'on-ko-na xita, k'e nga mé tsojmi xi chija-na, k'e nga fitjngui kondra-na xita, k'e nga mé kjoa xi 'iin ma-na síkijaán it'aà ts'e Cristo. K'e nga ma indaajñaà, k'eé isa ndaa s'e-là nga'ño inima-na [nga jè Cristo tsjá-na].

¹¹ 'An, k'oáa s'in kichjà, koni s'in chja xita 'én xi nijé chji-là. Tanga jño ki'nè-ná kjo'ño. Jño xi tjinè-nò nga ndaa síkijna-ná. Nga 'an mitsà isa nangui tjna-là jña xita xi 'mì-là jño nga isa' nga titsajna-là jña xita xi tsibixáya-là Cristo; nas'in 'an nijé chji-na.

¹² K'e nga tsohótijnako-nò kis'e-na kjoatsejta nga tsakoò-nò kjoaxkón xi okó chibá ko xi okó kjoa jeya-là Nainá ko nga'ño-là. Kjoa koi okó nga kixi kjoa nga 'an-ná xi tsibixáya-na Cristo.

¹³ ¿Jño, mé xi isa nangui kisikitsajna-nò koni jña naaxandá-là Cristo xi kjeji? ¿A koi majti-nò nga mi jño kisijti-nò k'e nga mé tsojmi xi kichjà'taà-na? Tjjchàat'aà-ná nga nijé kisijé-nò.

Kó kitsò Pablo nga jngooò k'a tífikon jña xita Corinto

¹⁴ Jyeé tijnandaà xi ma-ne jàn k'a nga kjikon-nò. Táko k'oas'in s'iaàn, mitsà mé xi sijé-nò. Mitsà koi otsjià mé tsojmi xi tjin-nò; kjondaà tsajòn xi otsjià. Nga jña xita jchínga tjinè-là nga koiitjò tòn xi kochjeén-là ixti, mitsà jña ixti tjinè-là nga koiitjò tòn xi kochjeén-là xita jchínga.

¹⁵ Matsjaá-na nga sikjèya yije mé xi tjin-na, skanda tsikjè yijo-na kjoa ts'e inima-nò. Nga isa ndaa matsjake-nò, jño, ¿a isaá chiba matsjacha-ná?

¹⁶ Kixij kjoa, 'an, nijé tsojmi xi kisijé-nò. Tanga tjin i'nga xita xi tsò: “'Nó maña nga konachan-là xita.”

¹⁷ Tanga, ¿mé xi kiskoònachan-nò k'e nga kisikasén i'nga-nò xita?

¹⁸ Tsibítsi'ba-là Tito nga kiikon-nò ko jè 'ndse xi jngooò. Jè Tito, ¿a kiskoònachaán-nò? ¿A mitsà ngásón tikoi-ne kjohitsjeén tjaajin-jen, tikoa tikoi-ne ndiyá kixi tjaaya-jen?

¹⁹ ¿A k'oáa s'in nikitsjeén nga yijo-najen titsanokjoatji-jen? Majin, tibeè Nainá koi 'én xi titsanokjoa-jen nga Cristo titsajna-ko-jen. Jño ndí 'ndse xi 'ño matsjake-nò, ngats'ii kjoa koi, kjondaà tsajòn-nò nga isa tse nga'ño kátas'e-nò.

²⁰ Makájno-na tsà k'e nga kijchokon-nò tsà mi k'oáa s'in titsa'nè koni s'in mejèn-na. Koa 'an tsà mi k'oá s'in tis'iaàn koni s'in mejèn-nò jño. Koi makájno-na tsà koi nachrjein-là titsabixkàn-kjoa, tsà kjoaxitakòn tjin-nò, tsà kjoajti tjiin inima-nò, tsà jò tsà jàn ya titsajna-là xinguioo, tsà 'én ndiso titsabinè-là xinguioo, tsà xinguioo titsanokjoajno-lá, tsà 'nga takòn titsa'nè ko tsà mikii ndaa titsajna-ko xinguioo nga jngooò jngooò.

²¹ Tjkoáa makájnoo-na k'e nga kijchokon jngooò k'a-nò tsà Nainá sjisobá-na nga nguixkoòn jño. Tsà Nainá sjikindáya-na xi kjoa tsajòn nga kjin ma-nò xi jye kjótsee binchaatsjioo jè nga mikii nikájno jé-nò kjoa tjé xi 'nè ko kjoa chingui xi 'nè ko ngats'ii kjoa ch'o xi 'nè.

13

'Én-là Pablo xi fehet'aa-ne.

¹ Jè xi ma-ne jàn k'a nga kjikon-nò. K'oaá s'ín tichja Xojon-là Nainá nga tsò: "K'e nga tsà jngoò xitá mejèn-là kùndaàjìn jngoò kjoa, jò kò tsà jàn xitá kochjeèn xi koma tsjá 'én nga xkòn kijtseè-ne kjoa xi komà mé-ne nga jcha-là, a kixí kjoa, o xi majìn-né."

² K'oaá s'ín jye kixan kixi-nò k'e nga ijchòkon-nò xi ma-ne jò k'a, kò i'ndeí nas'ín kjìin tijnáa, k'oaá tí xan ijngoò k'a-nò nga jñà xi jé tshòtsji nga sa ítjòn kò xi nchihòtsji jé skanda i'ndeí, mikì kòjno-là nga tsjaà-là kjo'ín nga jngoò ijngoò.

³ 'An, k'oaá s'iaàn mé-nè nga jcha-nò, a kixí kjoa nga 'an síkjeèn-na Cristo nga chjàjìn-nò 'én-là. Mitsà indaàkjoa Cristo; tjín-là nga'ño k'e nga sixájin iníma-nò.

⁴ Kixí kjoa jé Cristo, k'oaá s'ín k'en-t'aa krò koni jngoò xitá xi tsjin-là nga'ño. Tanga i'ndeí, nga'ño ts'e Nainá tijnakon-ne. Ngajen, k'oaá tjs'ín indaàkjoa titsajna-jen koni s'ín komàt'in Cristo, tanga nga'ño ts'e Nainá kitsajnakon-najen koni Cristo mé-ne nga koma sixá-nòjen.

⁵ Jñò, chít'aa iníma-nò, tsà kixí kjoa nga ndaà mokjeín-nò it'aa ts'e Nainá. Ndaà chít'aa iníma-nò xi tijnò-nò. ¿A mitsà tjin-nò nga Cristo tijnajìn iníma-nò? Tà jngoò-la tsà mikì tsatojóon koni s'ín kichít'aa-nò.

⁶ Tanga 'an, majngoò takoàn nga jchaá it'aa tsajen, ngajen tsatojìn yije-nájen koni s'ín kichít'aa-najen.

⁷ Koií kjoa-là bitsi'ba-lajen Nainá nga nímé jé kinchátsjóò. Tanga mitsà koi-ne nga jcha-najen nga ndaà bitjo-jen k'e nga chít'aa-najen. Jè-né nga síkitasòn jñò kjoa xi ndaà tjín, nas'ín k'oaá'ín kàta'ya-là it'aa tsajen koni tsà mikì chikjoa-najen kjoa xi otojìn-jen.

⁸ Mikì koma kondrà kitsajna-lajen xitá xi síkitasòn kjoakixi-là Nainá. Tà saá k'oj-lajen nga'ño.

⁹ Matsja-najen k'e nga jñò tjín-nò nga'ño, nas'ín ngajen ma indaàjìn-jen. K'oaá ma-ne nga bitsi'ba-lajen Nainá, mé-ne jñò nímé kjohítsjeèn chijat'aa-nò.

¹⁰ Tikjì-nò xojon jé k'e nga tákó kjìin tijnáa-isa, mé-ne k'e nga kijchokon-nò mì tí k'oaá s'ín 'ño kichjàkò-nò koni s'ín tjín kjótixoma xi kitsjaà-na Nainá. Nga Nainá mitsà koi xá kitsjaà-na kjótixoma nga 'an síkits'ón-jìn-nò, jè-né nga isa kixi kitsajnakoo 'én xi mokjeín-nò.

Kó kitsò Pablo nga síhixat'aa xitá Corinto

¹¹ Ndi 'ndsè kò tichjaá, jè xi fehet'aa-ne, tsja t'è-là iníma-nò; kixi titsajna; tjetakòn xinguiò; tà jngoò kjohítsjeèn kàtas'e-nò, 'nchán titsajnakoo xinguiò. Nainá xi tjín-là kjoa 'nchán kò xi tjín-là kjoatjòcha kàtijnakò-nò.

¹² Nga ngui koo iníma-nò tíixat'aa xinguiò nga jngoò ijngoò.

¹³ Ngats'ì xitá-là Nainá xi jé titsajnakò-na síhixat'aa-nò.

¹⁴ Jé kjondaà-là Jesucristo xi otixoma-ná, kò kjoatjòcha-là Nainá, kò Iníma Tsjeè-là Nainá kàtijnakò-nò ngats'ioò. K'oaá s'ín kàtama.

Xojon carta-la San Pablo xi kiskii-la xita naxandá-la Cristo xi títsajna nangui Galacia

Kó tsò Pablo nga síhixat'aà xita naxandá-la Cristo xi títsajna nangui Galacia

¹⁻² Jñò xi naxandá-la Cristo maà xi títsajnaà ján nangui Galacia, títsanihixot'aà-nòjen 'an xi 'mì-na Pablo, kò ngats'iì xita-la Cristo xi i títsajna-kò-na. Jè xá ítjòn xi 'an tjin-na, mìtsà ít'aà ts'e xita isò'nde kitjòe-na kò mìtsà taxkì xita tsibit'aà-na. Jè sobà Jesucristo kò Nainá tsibixáya-na, jè xi Na'èn 'mì-lá xi jè kisikjaáya-la Jesús ít'aà ts'e kjoabiyaà.

³ Jè Na'èn-ná xi Nainá kò Na'èn Jesucristo xi otixoma-ná kàtatsjá-nò kjondaà kò kjoa'nchán ya jjiin inima-nò.

⁴ Jñò, jyeé tjiin-nò nga jè Jesucristo kitsjaà kjotjò yijo-la nga k'en xi kjoa ts'e jé-ná, mé-ne nga kochrjekajiin-ná jñà kjoach'o xi tjin i isò'nde. Jesucristo, k'oà s'in kisikitasòn koni s'in mejèn-la Na'èn-ná xi Nainá.

⁵ Jeya kàtjina Nainá nita mé nachrjein-ne, nita mé nó-ne. K'oas'in kàtama.

Tsjin jngòò-isa 'én ndaa-la Nainá xi kjoa ts'e Cristo xi k'ejí tsò

⁶ 'An, tà maxxón-na nga jñò, tà nitòón chinchat'aàxin-là Nainá nga k'ejí 'én tsanguit'aà-là kò kijnei takòn Nainá xi xó kiichja-nò mé-ne nga ít'aà ts'e kjondaà-la Cristo sijchá yijo-nò.

⁷ Tanga tsjin jngòò-isa 'én ndaa-la Nainá xi kjoa ts'e Cristo xi k'ejí tsò. Tanga tjin i'nga xita xi binchá ská-nò xi mejèn-la sijkatjìya-la 'én ndaa-la Nainá xi kjoa ts'e Cristo.

⁸ Tanga tsà tjin xita xi k'ejí tsò 'én xi okóya xi mì k'oà tsò koni tsò 'én ndaa-la Nainá xi kjoa ts'e Cristo xi jin bènojmi-jen, kàtatsjá-la kjo'in Nainá, nas'in ti 'an-na, o nas'in jngòò àkjale xi ngajmii nchrobá-ne kàtatsjá-najen kjo'in.

⁹ Koni s'in ki'mì-nòjen nga sa ítjòn, tákó k'oà s'in tixan xitjòò k'a-nò: Tsà yá xi k'ejí tsò 'én xi bènojmi-nò koni tsò 'én ndaa-la Nainá xi jye kichjoéjò, Nainá kàtatsjá-la kjo'in.

Mé kjoa xi komà'in Pablo nga ít'aà ts'e Cristo kisixáya-la

¹⁰ 'An, mìtsà kjondaà-la xita otsjia, kjondaà-la Nainá otsjia. Mìtsà koií otsjia nga ndaa kótijna nga nguixkòn xita. Tsà kos'in s'iaàn, mì-là tsà kixi kjoa nga chù'nda-la Cristo ma.

¹¹ Jñò 'ndsee kò tichjaà, k'oà s'in kàtasjiiin-nò; jè 'én ndaa-la Nainá xi kjoa ts'e Cristo xi 'an benojmiá, mìtsà kjohitsjeèn-la xi taxkì xita.

¹² Mìtsà ít'aà ts'e xi taxkì xita komà-na kò nga kjòchiya-na 'én koi; jè sobà Jesucristo kishiseèn-na nga tsakóya-na.

¹³ Jñò, jyeé kina'yà kó kis'iaàn nga tisa ítjòn, k'e nga ya kiit'aà-la kjotixoma-la xita judío. 'An, tsangatjngui-la jñà xita naxandá-la Cristo nga kòjtikee; mejèn-na nga kàtachija.

¹⁴ Koni s'in tjin kjotixoma-la jñà xita judío, kjin jchán xita naxandá-na xi taña jchínga-jen, kisikítsajna tjingua nga 'an, isa 'ñó ndaa kisikitasoàn koni s'in tjin xkòsòn xi tjin-la xita jchínga-na.

¹⁵ Tanga Nainá k'oà s'in kisaseèn-la nga 'an jaàjiin-na k'e nga tákó ya tijnaya'ma indso'ba nea-na, nga ngui tà kòò kjondaà-la nga 'an kiichja-na;

¹⁶ kò kisikatsejèn-na Ki'ndí-la mé-ne koma kichjajajiiin-la 'én ndaa-la jñà xi mìtsà xita judío. Mìtsà yá xi kiskónangui-la xi taxkì xita;

¹⁷ kò mìtsà ya kìaà ján naxandá Jerusalén nànda títsajna jñà xita xi isa kjòtsee tsibixáya-la Cristo koni 'an. Tà saà ya kìaà i'nde Arabia; xi komà iskan-ne inchrobá jngòò k'a-na ya naxandá Damasco.

¹⁸ K'e nga jye tsato ján nó, skanda k'ée kìaà ján Jerusalén nga mejèn-na skoexkoan Cefas [xi tikoá Pedro 'mì]; chrj'oòn nachrjein tshótijna ya ni'ya-la.

¹⁹ Xita xi kisixáya-la, mìtsà yá xi kijtseeexoan xi k'ejí, ta jè tajngòò Jacobo xi 'ndse ma Na'èn-ná.

²⁰ Jñà 'én koi xi 'an tisikasén-nò, ngui 'én kixi-né, tibeè Nainá, mìtsà 'én ndiso.

²¹ K'e nga jye komà iskan, kìaà ján nangui Siria kò ya nangui Cilicia.

²² Tanga jñà nachrjein koi, k'j'ee ki beèxkon-na jñà xita naxandá-la Cristo xi títsajna ya nangui Judea.

²³ Tà k'oà tsò 'én xi kiit'nchré: "Jè xi kiitjngui kondra-ná nga sa kjòtsee, i'nde, 'én ndaa-la Nainá xi kjoa ts'e Cristo chjaya, jè 'én xi mejèn-la kisichja nga sa ítjòn."

²⁴ Jñà xita koi, jeya kisikjina Nainá nga jye jahatjija-na.

2

¹ K'e nga jye komà iskan nga jye ijchò te ñijòn nó, kìaà jngòò k'a ján Jerusalén kò Bernabé; tikoá kiikoaga jè Tito.

² Koii kii-*na* nga Nainá k'oas'ín kisikichiya-*na* nga tjiné-*na* nga kjián. Jñá *xita* xi xá 'nga tjin-*la* ya *naxandá-la* Cristo it'aà xin tsibenojmí-*la* kó tsò 'én ndaà-*la* Nainá xi kjoa ts'e Cristo xi 'an chjaya-*la* jñá xi mitsà *xita* judío. Majin-*na* nga jñá *xita* koi k'itso-*na* nga nímé chji-*la* xá xi 'an ts'iaàn kó xi jye kis'iaàn.

³ Jè Tito nas'ín *xita* griego nga ya tjiqo-*na*, mitsà yá xi kjo'ño kis'iin-*la* nga kisit'aà chiba-*la* yijo-*la* kjoa ts'e circunción.

⁴ Tanga tjin i'nga *xita* ndiso xi jahas'en-jin chijé nga tsò nga tikoja jè Cristo fit'aà-*la*; ta jè xi mejèn-*la* nga kotsejèn chijé kós'ín titsa'né jñá xi mokjeiin-ná it'aà ts'e Cristo Jesús nga jye titsajndiaa kjoa ts'e k'jotixoma xi kitjoé-*la* Moisés, kó mejèn-*la* nga kjo'ño s'iin-ná nga s'ikitasoán k'jotixoma.

⁵ Tanga ngajen ni'itsé kinis'in-lajen mé-ne nga jè kjoa kixi xi ts'e 'én ndaà-*la* Nainá xi kjoa ts'e Cristo, yaá kátijnajin-nò nga kjit'aà n'achrjein.

⁶ Jñá *xita* xi xá 'nga tjin-*la* nímé kjoa *xitse* kitsjaà-*isa*-*na* koni tsò 'én xi 'an okoóya. Tanga mitsà 'an tjin-*na* kindá tsá *xita* ítjòn-né kó tsá majin. Nga Nainá mitsà faájin *xita* yá-ne xi títsajna ítjòn kó yá-ne xi títsajna t'ingui.

⁷ Ta saá kòkjeiin-*la* nga jè sobá Nainá kitsjaà-*na* xá nga 'an kichjajajiin-*la* 'én ndaà-*la* Nainá xi kjoa ts'e Cristo jñá xi mitsà *xita* judío xi mikii tjit'aà chiba yijo-*la* kjoa ts'e circuncisión. Kó jè Pedro kitjoé-*la* xá nga jè kiichjayajiin-*la* jñá xi ngui *xita* judío xi tjit'aà chiba yijo-*la* kjoa ts'e circuncisión.

⁸ Nainá, koni kisiko Pedro nga jè tsibixáya-*la* nga kiichjayajiin-*la* 'én ndaà-*la* Nainá xi kjoa ts'e Cristo jñá xi ngui *xita* judío, 'an, k'oaaá ti kisiko-*na* nga 'aán tsibixáya-*na* nga kichjajajiin-*la* 'én ndaà-*la* Nainá xi kjoa ts'e Cristo jñá xi mitsà *xita* judío.

⁹ Jacobo, Cefas [xi tikoja Pedro 'mì] kó Juan, xi kós'ín beèxkón *xita* nga jñá títsajna ítjòn ya *naxandá-la* Cristo, kijtsee nga Nainá kitsjaà-*na* kjondaá koi. Kjójngoo ikon, ikjóàn kitsjaà-najen tsja, 'an kó Bernabé, mé-ne nga ki'ya-*la* nga ta jngoo xá títsa'nè-jen. Ndaá kisaseèn-*la* nga tsanguì nixá-lajen jñá xi mitsà *xita* judío, koo jñá, kisixáko jñá xi ngui *xita* judío.

¹⁰ Tà koii kjoa xi kisijé-najen nga kochjít'aà-*la* *xita* ima. Jñá kjoa koi, tikoaaá 'an, jyeé kós'ín tibinè-*la* yijo-*na* nga k'oaaá ts'iaàn.

Mé-ne tsohótiko-ne Pedro jè Pablo ján naxandá Antioquia

¹¹ Jngoo k'a k'e nga jè Cefas [xi tikoja Pedro 'mì] j'i i' *naxandá* Antioquia, tsakatikoja nga nguixkon *xita* k'e nga kijtsee nga mikii ndaá tjin kjoa xi ts'ín.

¹² K'e nga sa ítjòn, yaá tsakjèn-kó jñá *xita-la* Cristo xi mitsà *xita* judío. Nga komá iskan, k'e nga j'i *xita* judío xi tikoja mokjeiin-*la* it'aà ts'e Cristo, *xita* xi ts'e Jacobo, k'eé mì t'í kii ya tsakjèn-kó-ne; tsasit'aàxin-né nga majin-*la* nga ch'o kijnako jñá *xita* koi nga kjo'ño mejèn-*la* nga sit'aà chiba-*la* jñá xi mitsà *xita* judío.

¹³ Tikoaaá jñá *xita* judío xi i'nga xi mokjeiin-*la* 'én-*la* Nainá, k'oaaá ti kis'iin koni jè Pedro nga kis'ín-*la* kjoa xi jò isén tjin-*la*, skanda jè Bernabé k'oaaá ti kis'iin.

¹⁴ 'An, k'e nga kijtsee nga mì k'oaaá s'ín nchisikitasòn koni s'ín tjin kjoa kixi-*la* 'én ndaà-*la* Nainá xi kjoa ts'e Cristo, k'oaaá kixan-*la* jè Cefas [xi tikoja Pedro 'mì] nga nguixkon ngats'i *xita*: "Ngaji nga *xita* judío 'mì-lè, k'oaaá s'ín t'injchi yijo-lè koni tsá mitsà *xita* judío. ¿Mé-ne kjo'ño 'nè-*la* jñá xi mitsà *xita* judío nga k'oas'ín katasijchá yijo-*la* koni tsá ngui *xita* judío?"

¹⁵ 'Nas'ín kixi kjoa nga tje-*la* *xita* judío 'mì-ná nga mì yaá kits'iin-jin-*la* jñá xi mitsà *xita* judío xi *xita* jé 'mì-*la*,

¹⁶ tanga 'ya-ná nga jñá *xita*, mitsà kixi kitsajna nga nguixkon Nainá nga ta koi kjoa-*la* nga sikitasòn k'jotixoma xi kitjoé-*la* Moisés; ta jè-né nga mokjeiin-*la* it'aà ts'e Cristo. Jñá, jyeé kòkjeiin-ná it'aà ts'e Jesucristo, kó jè Nainá kixi sikijna-ná koi kjoa-*la* nga jye ya kòkjeiin-ná it'aà ts'e Cristo, mitsà koii kjoa-*la* nga nikitasoán k'jotixoma. Ni'jngoo *xita* xi kixi kijná nga nguixkon Nainá nga ta koi kjoa-*la* nga sikitasòn k'jotixoma.

¹⁷ 'I'nde j k'oaaá s'ín chiná-lá nga kixi kitsajnaá ya nguixkon Nainá ta koii kjoa-*la* nga mokjeiin-ná it'aà ts'e Cristo, [mitsà koi-ne nga k'jotixoma t'itsanikitasoán]. K'oaaá ma-ne nga *xita* jé t'i-mì-ná [koni jñá xi mitsà *xita* judío]. Tanga, ¿a tsò-ne kjoa nga jè Cristo bit'in-ná nga binchaátsjiaá jé? Majin, mì k'oaaá s'ín tjin.

¹⁸ Tsá jè k'jotixoma xi 'an tsachrjekànguia nga sa ítjòn, kó tsá j'ngoo k'a sikitasoán, jé tihotsjia.

¹⁹ Jè k'jotixoma xi kitjoé-*la* Moisés, jè kisik'en-*na*. 'I'nde j tijnandei-ná kjoa ts'e k'jotixoma mé-ne ma kótijnakon-*na* nga sikitasòn-*la* Nainá.

²⁰ K'e nga k'en-t'aà krò Cristo, 'an, tikoaaá ya k'en-t'aakoa. Kó mitsà t'i'an-*na* xi tijnakoan, jè Cristo xi tijnajin inima-*na*. 'I'nde j, koii tijnakon-*na* nga jè Ki'ndí-*la* Nainá ma'ñót'aà takoàn nga 'ño k'jotsjakeè-*na* skanda jè kitsjaá k'jotjò yijo-*la* nga k'en ngajo-*na*.

²¹ Majin-*na* nga ochrjekànguia kjondaá-*la* Nainá. Tsá it'aà ts'e k'jotixoma xi kitjoé-*la* Moisés, kixi kitsajnaá nga nguixkon Nainá, mì-*la* mé chji-*la* nga k'en Cristo.

3

Mé xi chí-lá, a jè kjoṭixoma xi kitjoé-lá Moisés, o xi jè-né nga mokjeiin-ná it'aà Cristo

¹ Jñò xi nangui Galacia tsajòn, mé ta tònḍo-nò! ¿Yá xi kiskoònaḅan-nò? ¿A mì bítsjeèn-nò koni s'in nga ngui ndaà tsibènojmiya-nòjen nga jè Jesucristo yaà k'en-t'aà krò xi kjonḍaa tsajòn?

² Tà koií kjoa kjonangui-nò: ¿A koií kjoa-lá nga kinikitasòn kjoṭixoma nga kitjoé-nò Iníma Tsjeè-lá Nainá, o xi koií-né nga mokjeiin-nò 'én-lá Nainá koni s'in kina'ya?

³ Jñò, nga sa íjòn, tsibits'iaḅo-nò kjoḥítsjeèn-lá Iníma Tsjeè-lá Nainá; kò j'indej, mejèn-nò nga tà kjoḥítsjeèn-lá xíta síkjehet'aà-nò. ¡Mé ta tònḍo-nò!

⁴ Jñò, tsee kjo'in tsatojioòn nga kòkjeiin-nò 'én ndaà-lá Nainá. ¿A tà kjoṭjò-ne nga tse kjo'in tsatojioòn? Majín, mì-lá kii ndaà tjin.

⁵ K'e nga Nainá kitsjaà-nò Iníma Tsjeè-lá kò kis'iin kjoḅkón xi ndaà tjin ijùin naxandá tsajòn, ¿mé-ne k'oas'in kis'iin-ne? ¿A koi-né nga ndaà kinikitasòn kjoṭixoma? Majín, koií-né nga kòkjeiin-nò 'én ndaà-lá Nainá.

Nainá, mé-ne xíta kixi kijtsee takòn-ne Abraham

⁶ Koni jè xíta jchínga-ná xi ki'mi Abraham kòkjeiin-lá it'aà ts'e Nainá; k'oaa komà-ne nga xíta kixi kitsò-lá Nainá.

⁷ Jñò, k'oaa s'in ndaà kàtasijùin-nò: Jñà xi mokjeiin-lá, jñà-né xi tje-lá Abraham.

⁸ Nga tisa kjoṭsee, jyeé k'oas'in kitsjaà 'én Nainá koni s'in tichja Xojon-lá nga sikixi-né jñà xi mìtsà xíta judío k'e nga mokjeiin-lá it'aà ts'e. Yaà tichja ñánda jè Nainá tjen kitsjaà íjòn-lá Abraham jñà 'én ndaà-lá xi tsò: "Ngats'i naxandá xi tjin isò'nde, it'aà tsjii kochikon-t'in."

⁹ K'oaa ma-ne nga ngats'i xíta xi mokjeiin-lá it'aà ts'e Nainá ngàsòn kochikon-t'in kò Abraham nga jè Abraham kòkjeiin-lá it'aà ts'e Nainá.

¹⁰ Ngats'i xíta xi jè ma'ñót'aà takòn koni s'in nchisíkitasòn kjoṭixoma, kjo'iin tjiné-lá, nga mìtsà kixi kjoa nga ndaà síkitasòn ngats'i kjoa xi ya jít'aà. Nga k'oaa s'in tichja Xojon-lá Nainá nga tsò: "Kàtasinè-lá kjo'in jè xi mì kixi síkitasòn ngats'i kjoa xi jít'aà jè xojon ts'e kjoṭixoma."

¹¹ Okixi-né nga nijngòò xíta xi kixi kijná nga nguixkòn Nainá nga kjoṭixoma síkitasòn. Nga jè 'én-lá Nainá tsò-né: "Jè xi xíta kixi, jè kjoa xi mokjeiin-lá kijnakon-ne."

¹² Jñà xíta xi kjoṭixoma síkitasòn mìtsà Nainá ma'ñót'aà ikon. Nga k'oaa s'in tichja Xojon-lá Nainá, nga tsò: "Xíta xi kjoṭixoma síkitasòn, k'oaa s'in tjiné-lá nga k'oas'in síjichá yijo-lá koni tsò kjoṭixoma."

¹³ Jè Cristo tsibíhíjtji-ná kjo'in xi ya títsajnajñaá nga kjoṭixoma títsanikitasoán nga jè kisikjeiin kjo'in xi jè tsaján; nga k'oaa s'in tichja xojon nga tsò: "Kjo'iin sìnè-lá ngats'i xi krò sit'aà."

¹⁴ Jè Cristo, koií okis'iin-ne mé-ne nga jñà kjoa machikon-t'in xi kitjoé-lá Abraham tikoá tjoé yije-lá ngats'i naxandá xi tjin isò'nde nga jñà kjoa machikon-t'in, yaà nchrobá-ne it'aà ts'e Cristo mé-ne nga it'aà ts'e kjoa xi mokjeiin-ná, tjoé-ná Iníma Tsjeè-lá Nainá xi jye k'oas'in kitsjaà tso'ba Nainá nga tsjá-ná.

Nga'ño xi tjin-lá 'én-lá Nainá koni s'in kitsjaà-lá tso'ba Abraham

¹⁵ Jñò 'ndsè kò tichjaá, kènøjmi jngòò-nò kjoṭixoma xi ts'e isò'nde. K'e nga sindaàjùin jngòò kjoa nga xojon tjami'nga, nga jye ma firma kò sasèn-lá sello, mì tì kii koma kíts'on-ya-ne koni s'in sindaàjùin, tikoáà mì tì kii koma sjit'aasòn-isa-lá 'én xi k'eji tsò koni s'in jye kasindaàjùin.

¹⁶ K'oaa s'in kitsjaà-lá tso'ba Nainá jè Abraham kò jè xíta tje-lá. Jè Xojon-lá Nainá mìtsà tsò "jñà xíta tje-lá", ta tsò-né: "jè tje-lé." Nga mìtsà kjin ma tje-lá Abraham xi kitjoé-lá koni tsò 'én xi kitsjaà-lá Nainá, ta jngòò ma-ne. Nga jè tìhokxit'aà Cristo.

¹⁷ Jè kjoa xi tsibenjmiá, kiis'in tjin: Nainá kò Abraham tsibindaàjùin jngòò kjoa, ¡kjoàn kisikixiya [koni ma k'e nga jye ma firma]. K'e nga jye tsato ñijòn sindò kò katé nó, j'ii kjoṭixoma ts'e Moisés; tanga jè kjoṭixoma mìkii ma sikits'óna jè kjoa xi jye kisindaàjùin kò mìkii ma kítjòngui xi Nainá jye k'oas'in kitsjaà tso'ba.

¹⁸ Jè Nainá k'e nga tsjá-ná kjonḍaa-lá, mìtsà koi kjoa-lá nga nìkitasoán kjoṭixoma, koi-né nga jye k'oas'in kitsjaà tso'ba. Nga Nainá, tà kjoṭjò kitsjaà-lá kjonḍaa Abraham nga jyeé k'oas'in kitsjaà-lá tso'ba.

Mé xá xi tjin-lá kjoṭixoma

¹⁹ Tanga jè kjoṭixoma, ¿mé xá kitjei-ne? Koií k'oas'in kitjei-ne koií kjoa-lá nga ch'o nchis'in xíta. K'oaa s'in kisijna skanda k'e nga j'ii tje-lá Abraham xi Nainá xó k'oas'in kitsjaà-lá tso'ba. Jè kjoṭixoma, jñà àkjalé j'iiḅo kò jè Moisés tsasijnajùin osen nga kisikatoya 'én kò kiichjatji xíta nguixkòn Nainá.

²⁰ K'e nga jngòò xíta osijnajùin osen, mìtsà ta jngòò xíta fit'aà-lá, fit'aà-lá ngajò. Tanga jè Nainá ta jè tajngòò kitsjaà-lá 'én Abraham.

²¹ Nainá, k'e nga kitsjaà kjotíxoma, mìtsà kondra kii-là koni s'in jye kitsjaà-là tso'ba Abraham. Tsà jè-la-ne kjotíxoma ma-la síkítsajnakon xíta, maá-la kixi kitsajna xíta nga kjotíxoma síkítasòn.

²² Tanga jè Xojon-là Nainá, k'oaá tsò nga ngats'ii xíta saá jé títsajnajiiin. K'oaá ma-ne nga jñà xíta xi mokjeiin-là it'aà ts'e Jesucristo, tjoé-la kjoabinachon xi Nainá jye k'oas'in kitsjaà tso'ba nga tsjá-là jñà xíta nga mokjeiin-là.

²³ K'e nga tìkj'eè f'ii jè kjoa xi mokjeiin-ná, jè kjotíxoma kitsobà'ñó-ná koni tsà ndayá tsibítsajna'ya-ná skanda jè nachrjein k'e nga ki'ya-là jè kjoa xi mokjeiin-ná.

²⁴ Kò jè kjotíxoma kisikinda-ná koni s'in makinda jñà ixti, skanda k'e nga j'ii Cristo, mé-ne k'e nga mokjeiin-ná it'aà ts'e Cristo, kixi kitsajnaá nga nguixkon Nainá.

²⁵ I'nde j'ii kjoa xi mokjeiin-ná, mi tì yáá títsajna'ñó-ná it'aà ts'e kjotíxoma.

²⁶ Jñò, ngats'ioò, saá ixti-là Nainá maá koi kjoa-là nga mokjeiin-nò it'aà ts'e Cristo Jesús.

²⁷ K'e nga ya títsajnakjoòkoo Cristo nga komà bautizar, k'eé jahatj'ya-nò koni jngòò xíta xi síkatj'ya nikje-la. Jè sobá Cristo xi komà nikje xitse-nò.

²⁸ Mi tì kii mochjeén-ne nga tjájiin xíta yá-né xi xíta judío kò yá-né xi mìtsà xíta judío, yá xi ch'í'nda'ñó títsajna kò yá xi títsajnandeji, yá-né xi x'in kò yá-né xi chjoón. Ngats'ioò tã jngòò yijo ma-nò nga ya títsajnakjoòkoo Cristo Jesús.

²⁹ Jñò, nga xíta-là Cristo ma, kixi kjoa nga tje-là Abraham ma, tìkoo tjoé-nò kjotjò koni s'in kitsjaà-là tso'ba Nainá jè Abraham.

4

¹ Tìkooá kènojmi jngòò-nò kjotíxoma: Jngòò tì, k'e nga tákò itsé kji, k'oaá ngayá-là koni tsà ch'í'nda tìjna nga k'j'eè tsà jè be mé tsojmi xi tjin-là na'èn-là nas'in k'e nga koma iskan jè tjoé-là tsojmi xi tjin.

² Nga xítaá síkindá skanda k'e nga majchínga, kò tjin xíta xi síkindá jñà tsojmi-là skanda k'e nga kichóya nachrjein-là koni s'in tsibíjna chiba na'èn-là.

³ Jñà xi xíta 'mì-ná, k'oaá tìs'in komà't'iaán koni mat'in jñà ixti k'e nga tìkj'eè mokjeiin-ná it'aà ts'e Cristo nga jñà kjotíxoma xi tjin isò'nde 'ñó tsatíxoma-ná koni s'in mat'in jñà xi ch'í'nda títsajna'ñó nga mìkii tji'nde-là nga kitsajnandeji.

⁴ Tanga k'e nga kichóya nachrjein koni s'in tjindaà-là Nainá, jè Nainá kisikasén ki'ndí-là i it'aà nangui; kò it'aà ts'e chjoón kits'iin koni s'in ts'iin xi taxkí xíta isò'nde. Kò yaá kjòchájiiin kjotíxoma ts'e xíta judío.

⁵ K'oaá kis'iin Nainá, mé-ne nga jè Jesucristo síkítsajnandeji jñà xíta xi ya títsajnajiiin-'ñó kjotíxoma kò mé-ne nga ngásòn skoétjò-ná Nainá nga ixti-là komaá.

⁶ Koi kjoa-là nga jye ixti-là maá, Nainá kisikasén Iníma Tsjeè-la xi ts'e Ki'ndí-là ya jiiin iníma-ná. K'e nga nojjoat'aá-là Nainá, k'oaá tsò Iníma Tsjeè-la: "Ndí apa", tsò-né.

⁷ K'oaá ma-ne nga i'nde j'ii mìtsà tì xíta ch'í'nda títsajnaá; jyeé ixti-là Nainá 'mì-ná; kò tìkooá tsjá-ná Nainá ngats'ii kjotjò xi jñà tjoé-ná nga ixti-là 'mì-ná.

Mé-ne síkájno-ne Pablo it'aà ts'e xíta Galacia xi mokjeiin-la 'én-la Nainá

⁸ Jñò k'e nga sa kjòtseé, k'e nga tìkj'eè yaxkon xi ngui jè sobá Nainá, ch'í'nda'ñó tsitsajnaá nga kjo'ñó-né nga jñà tsanguit'aà-là xi mìtsà kixi kjoa nga Nainá.

⁹ Tanga i'nde j'ii nga jye yaxkoón xi ngui jè sobá Nainá, (tanga xi ngui kixi kjoa, jè Nainá xi jye ndaa beèkxon-nò), ¿mé-ne k'oas'in níkítsjeén-nò nga jñà onguít'aà jngòò k'a-là jñà kjotíxoma ima xi tjin-nò, jè xi tsjin-là nga'ñó, kò xi nímé chí-là? ¿A mejèn-nò nga ya síkítsajna'ñó jngòò k'a-nò?

¹⁰ Jñò, takó 'ñó yaxkón nachrjein ts'e s'eí, ts'e sá, kò ts'e nó.

¹¹ An, makájno-nà jè xá xi kis'iaàn nga kisixájiin-nò tsà tà kjotjò-ne.

¹² An nga jye tsohósijnat'aaxin-là jè kjotíxoma, tìkooá yaá kisingásòn-kò-nò, nga jñò, mìkii tjiin-nò it'aà ts'e kjotíxoma. I'nde j'ii k'oaá s'in tsijé-nò nga tìnchat'aaxin-là kjotíxoma koni an jyeé tsohósijnat'aaxin-là. Nga sa ítjòn nímé kjoa tjin xi ch'o kinikò-ná.

¹³ Jyeé tjiin-nò k'e nga sa kìaá ítjoàn nga kichjáyajiin-nò 'én ndaa-là Nainá xi kjoa ts'e Cristo, koi kjoa-là nga ch'in tjin-là yijo-na.

¹⁴ Jñò, mìkii kinachrjengui-ná nì mìtsà xin kinikjina-ná, nas'in kjoa tsohósji-nò nga ch'in tjin-là yijo-na. Tà saá kichjoétjò-ná koni jngòò àkjalé-là Nainá, koni tsà jè sobá Cristo Jesús.

¹⁵ Jnga sa ítjòn, 'ñó tsja tjin-nò! I'nde j'ii, ¿mé xi komà-nò? K'oaá xan-nò, skanda jñà xkoón mejèn kinachrje nga 'an kits'i-ná.

¹⁶ I'nde j'ii, ¿a kondraá kótijnako-nò, tà koi kjoa-là nga 'én kixi benojmi-nò?

¹⁷ Jñà xíta [xi mejèn-là nga kjotíxoma síkítasòn], 'ñó bíné-là yijo-la it'aà tsajòn, tanga mìkii ndaa tjin kjòhítsjeén-là. Tà jè xi mejèn-là nga kochrjet'aaxin-nò it'aà tsajen mé-ne nga jñà konguit'aà-là.

¹⁸ Jñò, ndaa tjin k'e nga 'ñó bínè-là yijo-nò it'aà ts'e kjoa xi mejèn-nò tsà ndaa tjin kjohtsjeèn-nò kò tsà kjiit'aà nàchrjein k'oas'in s'een, mitsà tà k'e nga 'an tijnako-nò.

¹⁹ Jñò xi koni tsà ndí ixti-na xan-nò, 'an, k'oaa s'in tímát'ian koni jngoò chjoón xi ki'ndí t'i'beé; tseé kjo'in tsikjiaán xi kjoa tsajòn. Jè kjo'in xi tsikjiaán skanda k'ée-là kjoehet'aà k'e nga k'oas'in sjichá yijo-nò koni Cristo.

²⁰ Mejèn-na nga ya kótijnako-nò jè hora jè, mé-ne nga k'ejí tsò 'én xi kichjàkò-nò. Jyeé mì tì kii be-na kós'in sikitsjeèn it'aà tsajòn.

Kó tsòya-ne it'aà ts'e chjoón Agar kò Sara

²¹ Jñò xi mejèn-nò nga kjohtsoma sikitasòn, za k'j'eè na'ya-là kò tsò 'én xi tjiit'aà kjohtsoma-là Moisés?

²² K'oaa tsò nga jè Abraham, jò komà ixti-là, jngoò ts'e chjoón ch'i'nda-là; jè xi lingoò, ts'ée xi ngui chjoón-là xi mitsà ch'i'nda tjna.

²³ Jè ki'ndí-là xi chjoón ch'i'nda k'oaa s'in kits'iin koni s'in ts'iin ngats'ii ndí ixti. Tanga jè ts'e xi ngui chjoón-là xi mitsà ch'i'nda tjna, k'oaa s'in kits'iin nga tsitasòn koni s'in kitsjaà-là tso'ba Nainá Abraham.

²⁴ Kjoa ts'e íchjín koi, k'oaa ngaya-là koni jña kjoa xi jò tsibíndaajin Nainá. Jè chjoón Agar, jè ngaya-là kjoa xi kisindaajin ya nindoò Sinaí k'e nga kitjóé-là kjohtsoma Moisés. Ngats'ii xita tje-là ch'i'nda tsibitsajna.

²⁵ Jè chjoón Agar, jè ngaya-là nindoò Sinaí xi sijná ján Arabia, kò nàchrjein i'nde jè mangásòn-kò naxandá Jerusalén, nga jña xita-là ch'i'nda'ño títsajna nga tákó kjohtsoma sís'in-là.

²⁶ Tanga jè Jerusalén xi kijna ngajmii, tijnandej-i-né kò yaá nokjoá-ná ya naxandá jè; k'oaa ngaya-là koni tsà nea-ná ma.

²⁷ K'oaa tsò Xojon-là Nainá nga tsò:

Kàtatsja-lè ngaji xi chjoón 'ndí 'mì-lè nga tsjin-lè ixti.

'Ñó chihindáyi nga kò kjotsja-lè nga mìkii 'yi kós'in ma nga ts'iin ixti.

Nga jè chjoón xi kijnei takòn,

isaá kjin koma ixti-là mì k'oa-ne jè xi tjin-là x'in.

²⁸ Isaac k'oaa s'in kits'iin koni s'in kitsjaà tso'ba Nainá. Jñò tikoaa ixti-là maá xita jchínga-là Isaac koni s'in kitsjaà-là tso'ba Nainá.

²⁹ Jè ki'ndí xi tà k'oas'in kits'iin koni ts'iin yije xita isò'nde, kiitjingui kondra-là jè xi it'aà ts'e Injima Tsjeè-là Nainá kits'iin-ne. Koni s'in komà jña nàchrjein koi, tákó k'oaa s'in ma skanda nàchrjein i'nde jè.

³⁰ Tanga, kó tsò Xojon-là Nainá? K'oaa tsò: "Tiyótjingui-là jè chjoón ch'i'nda kò ki'ndí-là; nga jè ki'ndí-là nimé kjohtjò tjoé-là, tà jè tjoé-là kjohtjò jè ki'ndí-là xi mitsà chjoón ch'i'nda."

³¹ Jñò ndí 'ndsé kò ndí tichjáa, k'oaa s'in tjin, jña mitsà ixti-là chjoón ch'i'nda maá, jña-ná xi ixti-là chjoón xi mitsà ch'i'nda tjna.

5

Kós'in sjichá yijo-ná nga jye titsajnaandíá it'aà ts'e kjohtsoma xi kitjóé-là Moisés

¹ Jè Cristo, jngoò k'aa kisikitsajnaandéj-i-ná it'aà ts'e kjohtsoma xi kitjóé-là Moisés; k'oaa ma-ne jñò 'ño kixi títsajna koni s'in kisikitsajnaandéj-i-nò Jesucristo. Kì tì ya onguít'aà-là kjoa ts'e kjohtsoma xi kitsobá'ño-nò skanda kjohtsèé.

² An sobá-ná xi 'mì-ná Pablo, tjiná'ya-ná koni xan-nò: tsà sít'aà chiba-nò kjoa ts'e circuncisión, mì tì mé kjondaa sakò-nò it'aà ts'e Cristo.

³ Jingoò k'a koxan-nò, nita yá xita-ne xi sít'aà chiba-là kjoa ts'e circuncisión, kjo'ño tjiné-là nga sikitasòn yije koni tsò 'én xi tjiit'aà xojon ts'e kjohtsoma.

⁴ Jñò xi k'oas'in mejèn-nò nga it'aà ts'e kjohtsoma kixi kitsajnaa nga nguixkon Nainá, jyeé chinchat'aaxin-là Cristo, jyeé chinchat'aaxin-là kjondaa xi tsjá kjohtjò-ná Nainá.

⁵ Tanga ngajen, it'aà ts'ée Injima Tsjeè-là Nainá titsachíñá-lajen nga kixi kitsajna-jen nga nguixkon Nainá nga ta koi kjoa-là nga mokjeiin-najen it'aà ts'e Cristo.

⁶ Nga it'aà ts'e Cristo Jesús, mì tì mé chji-là ya-ne xi tjiit'aà chiba-là kò ya-ne xi tsjin-là chiba kjoa ts'e circuncisión. Jè xi chji-là nga 'ya-là koni s'in mokjeiin-ná it'aà ts'e Cristo, nga tjin-ná kjohtsajcha.

⁷ Jñò, k'e nga sa itjòn, ndaa titsahonguikoo kjohtsjeèn-nò. ZYá xi tsatekjáya-nò nga mì tì kii nikitasòn-nò xi kjoa kixi?

⁸ Jè kjohtsjeèn jè, mitsà ya nchrobá-ne ts'e Nainá xi xó küchja-nò.

⁹ Tjkindaa yijo-nò; nga k'oaa tsò jngoò 'én: "Nas'in itse-ne na'yo san xi sijjin na'yo inchrájin, sisan yije-né nas'in tse ma-ne na'yo."

¹⁰ Jè Nainá ot'aà takoan it'aà tsajòn nga mitsà k'ejí s'in sikitsjeèn. Jè Nainá tsjá-là kjo'in nita yá xita-ne xi mejèn-là sikits'ón-jin-nò.

¹¹ Jñò ndí 'ndsè kò ndí tichjaá, nga mì k'oaá s'ín tìhokòyá nga sít'aà chibà-là xítà kjoa ts'e circuncisión, koií kjoa-là nga fitjngui kondra-na jñà xítà. Tanga tsà mì k'oas'ín okoóyá, mì-la kù kjitjngui kondra-na, mì-la tì kù kojtikeyè-ne 'én xi chjàya it'aà ts'e krò-là Cristo.

¹² Jñà xítà xi mejèn-là siktis'ón-jùin-nò, kì tà bí't'aà chibà-là yijo-là, tà saà jngoò k'a kàtatet'aà yijo-là.

¹³ Jñò 'ndsee kò tichjaá, k'oaá s'ín kùichja-nò Nainá nga kítajnandeji-nó it'aà ts'e kjetíxoma. Tanga j'ndeí nga titsajnandeji-nó, kì ch'o 'nè koni s'ín mejèn-là yijo-nò. Mochjeén-né nga tìsikòò xinguiòò, kàtas'e-nò kjetjòcha nga jngoò jngoò-nò.

¹⁴ Nga ngats'ìi kjetíxoma, yáá majngoò yije jè xi tsò: "Tìtsjachi xítà xinguiì koni tsà tì yijo tsjji-ne."

¹⁵ Tsà tjjñò tìtsabixkàn-kò-nò xinguiòò koni s'ín nañá, t'een kindà yijo-nò nga mì tjjñò sikkjehesòn-nò xítà xinguiòò.

Kjoach'o xi s'íjé yijo-ná

¹⁶ K'oaá xan-nò: Tjii'nde-là yijo-nò nga jè Inìma Tsjeè-là Nainá kàtakò-nò ndiyá mé-ne nga mì koi kjoa siktasòn kjoach'o xi s'íjé yijo-nò.

¹⁷ Jñà kjoach'o xi s'íjé yijo-ná kondraá fi-là jè Inìma Tsjeè-là Nainá, kò jè kjoa xi mejèn-là Inìma Tsjeè-là Nainá kondraá fi-là jè xi mejèn-là yijo-ná. Jñà kjoa koi kondraá tìtsajna-là xikjín. K'oaá ma-ne nga jñò, mìkù k'oas'ín s'een koni s'ín mejèn-nò.

¹⁸ Tanga tsà jè Inìma Tsjeè-là Nainá tìhokò-nò ndiyá, mì tjjé kjetíxoma otíxoma-nò.

¹⁹ Jyee 'yaá mé kjoach'o xi s'íjé yijo-ná koni jè kjoachijngui, kjoaxòpa, kjoachinga,

²⁰ kjoa nga xkòsòn yaxkoán, kjoat'je, kjoa nga majtichaá xinguiáá, nga bixkán-koáá xinguiáá, nga machinichaá xinguiáá, nga jti takoán, nga nachrjenguiáá xinguiáá, nga xítà nijòyáá kò nga binchat'aaxin-là xinguiáá,

²¹ kjoaxitakòn, kjoach'j, kò ngats'ìi kjoachrjá'a xi ma ñánda bitjo s'eí. Tjín isà kjoa xi k'ejí, xi mangásòn-kò kjoa koi. Koni s'ín kixan-nò nga sa itjòn, tákò k'oaá xan-nò skanda j'ndeí, jñà xítà xi k'oaá tjjín kjoa xi s'ín, nímé kjondaà sakò-là yá ñánda nga tìhotíxoma Nainá.

Kjondaà xi tsjá Inìma Tsjeè-là Nainá

²² Tanga jñà kjondaà xi tsjá Inìma Tsjeè-là Nainá, jñà-né nga tjòcha s'een xinguiáá, nga tsja s'en kjit'aá, nga 'nchán sijchá yijo-ná, nga s'e-ná kjoatsejta, nga tsjakjòá s'een, nga s'en-ná kjondaà xi ndaa tjjín, nga kixi tjjín kjohítsejèn-ná,

²³ nga indaàkjoa s'een kò nga kixi kjetíxoma-lá yijo-ná. Jñà kjoa koi, tsjìn kjetíxoma xi kondra tjjina-là.

²⁴ Jñà xi jye xítà-là Cristo maá, ngats'ìi kjohítsejèn-ná xi ch'o tsò kò xi ch'o s'íjé yijo-ná, yáá kinik'en-t'aà krò-là Cristo.

²⁵ J'ndeí nga jè Inìma Tsjeè-là Nainá tìsíkijnakon-ná, mochjeén-né nga kòs'ín kjiaán koni s'ín okò-ná ndiyá.

²⁶ Mìkù ndaa tjjín nga 'nga koma takoán, nga tjjñá sjiti-lá xinguiáá, kò nga koxitakòn-chaá xinguiáá.

6

Mé xi mochjeén nga ndaa s'ikjoá ngats'ìi xítà

¹ Jñò ndí 'ndsè kò ndí tichjaá, tsà tjjín i'nga xítà xi jé ótsji, jñò xi ndaa onguít'aà-là jè Inìma Tsjeè-là Nainá, jñò tìsikòò nga kàtakixiya jngoò k'a-ne nga indaàkjoa tìnójoa-là. Tanga jñò, t'een kindà yijo-nò, mé-ne nga mì jé skajùin-nò.

² Tìsikòò xinguiòò k'e nga tsà mé kjoa xi 'in tjjín tìtsajnajjìn; k'oaá s'ín koma-ne nga siktasòn jè kjetíxoma xi kitsjaá Cristo.

³ Tsà tjjín i'nga xítà xi ndaa ochrjengui yijo-là, koa tsà mìtsà kixi-ne kjoa, jñà xítà koi, tà yijo-laá nchikonachan-là.

⁴ Isáá ndaa-ne nga chí't'aà yijo-nò nga jngoò jngoò-nò, a ndaa tìtsa'nè; tsà ndaa tìtsa'nè, ta yá tjjín takòn, kì k'oaá s'ín nìkítsejèn nga jñò, isáá ndaa tìtsa'nè mì k'oa-ne koni jñà xítà xi k'ejí.

⁵ Nga jngoò jngoò, yáá kjinè-là kòs'ín tìs'jchá yijo-là.

⁶ Jñà xítà xi nchikotà'yá 'én ndaa-là Nainá, mochjeén-né nga kàtatsjá-là mé xi kochjeén-là maestro-là nga 'én okóyá.

⁷ Kì yijo-nò chonachan-là; nga Nainá mìkù koma s'iskákoáá. Nga jngoò jngoò xítà, koni tjjín kjoa xi s'ín, k'oaá tì tjjín kjoa xi sakò-là.

⁸ Nga jè xi k'oas'ín s'ín koni s'ín mejèn-là yijo-là, kjoabiyaá tjoé-là it'aà ts'e kjoa ch'o xi s'íjé yijo-là, tanga jè xi k'oas'ín s'ín koni s'ín mejèn-là Inìma Tsjeè-là Nainá, it'aà ts'e Inìma Tsjeè-là Nainá tjoé-là kjoabinachon xi mìkù fehet'aà njta kjé-né.

⁹ Mikiì ndaà t́ín tsà kòsìi-ná nga ndaà s'eén; nga kijchò nàchrjein nga sàkò-ná k̀jòndaà tsà mì k̀ì s̀hindaà-lá takoán.

¹⁰ Koií kjoa-là, k'e ma xi 'né itsé, ndaà sikoáá ngats'ìi x̀ìtá, j̀nà t̀tsajna ítjòn j̀nà x̀ìtá xinguiáá xi ngàsòn mokjeiín-ná 'én-là Nainá.

Mé kjoa xi síkijna ítjòn Pablo

¹¹ Chítsejèn-lá tsí k̀itsian-ne letra xi ndsaa t̀kjiì-nò.

¹² J̀nà x̀ìtá xi mejèn-là nga kjo'ñò s'in-nò nga sit'aà ch̀ìbà-nò kjoa ts'e circuncisión, tà koií xi mejèn-là nga ndaà síkítsajna yijo-là nga nguixxon x̀ìtá; kò majìn-là nga x̀ìtá k̀jítjngui kondra-là tsà kòs'ín keènjmíya nga ya k'en-t'aà krò Cristo.

¹³ J̀nà x̀ìtá xi t̀jít'aà ch̀ìbà-là kjoa ts'e circuncisión, t̀kjoaá mìkì síkítasòn k̀jotíxoma, tanga mejèn-là nga sit'aà ch̀ìbà-nò mé-ne nga ít'aà tsajòn ndaà síkítsajna-ne yijo-là k'e nga skoe nga j̀nò jye t̀jít'aà ch̀ìbà-nò.

¹⁴ Tanga 'an, nímé kjoa xi mejèn-na nga ndaà síkijna yijo-nà; ta jè tajngoó krò-là Na'èn-ná Jesucristo nga ndaà síkijna yijo-nà. K'oaá ma-ne nga j̀nà kjoa ch'o xi t́ín isò'nde, ít'aà ts'an, t̀tsajnak'en-né kò 'an t̀jnak'eén-là jè isò'nde. Mì t̀ì k'oaá t́ín kjoa xi sis'in-na.

¹⁵ Xi ít'aà ts'e Cristo, mìtsà jè xi ch̀jì-là tsà t̀jít'aà ch̀ìbà-ná kò tsà tsjìn-ná ch̀ìbà kjoa ts'e circuncisión; jè xi ch̀jì-là nga jè Nainá jyeé k̀sikjatiya-ná kò jyeé x̀ìtá x̀ìtse kjoán.

¹⁶ Kàtas'e-là kjoa'nchán kò kjoa imà takòn ya j̀jiìn inimà-là ngats'ìi x̀ìtá xi k'oas'ín nchisikítasòn koni tsò 'én jè; j̀nà-né xi x̀ìtá-là Nainá ts'e naxandá Israel.

¹⁷ K'oaá ma-ne j̀nde, k̀ì t̀ì yá xi kjoa ótsji-ìsa-na nga jyeé t̀jít'aà ch̀ìbà-là yijo-nà k̀jò'in xi k̀itsjaà-nà x̀ìtá xi kjoa ts'e Na'èn-ná Jesús.

¹⁸ J̀nò ndí' ndsè kò ndí tichjaá, jè kàtasijìin inimà-nò k̀jòndaà-là Jesucristo xi otíxoma-ná. K'oaas'ín kàtama.

Xojon carta-la San Pabło xi kiskü-la xita naxandá-la Cristo xi títsajna Éfeso

Kó tsò Pabło nga síhixat'aà jñà xita naxandá-la Cristo xi títsajna Éfeso

¹ Jñò xi xita-la Nainá 'mì-nò xi títsajnaà naxandá Éfeso, jñò, xi kixi onguít'aà-la Cristo Jesús, 'an xi 'mì-na Pabło tsihixat'aà-nò nga 'an tsibíxáya-na Jesucristo nga k'oas'in kjòmejèn-la Nainá.

² Nainá xi Na'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya jjiin iníma-nò.

Kós'in síchikon-t'in-ná Nainá k'e nga Cristo títsajnaakoá

³ Jeya kàtjna Nainá, Na'èn-la Jesucristo xi otíxoma-ná nga kisichikon-t'in-ná, kitsjaà-ná ngats'ii kjondaà xi ts'e iníma-ná xi ngajmii nchrobá-ne koi kjoa-la nga Cristo títsajnaakoá.

⁴ Nainá xó k'oaa s'in jaajiiin-ná k'e nga tijk'e'e sindaa isò'nde nga Cristo títsajnaakoá mé-ne nga nímé jé s'e-ná kò tsjeé kitsajnaa nguixkon jè.

⁵ Koi-né nga matsjakee-ná nga k'oas'in kiskoosón-la nga tjsa-ne nga kiskoetjò-ná koni ixti jchan-la maá xi it'aà ts'e Jesucristo. Nainá k'oaa s'in kis'iin koni s'in kisaseèn-la ta koi kjoa-la nga k'oas'in kjòmejèn-la.

⁶ Koií kjoa-la nga jeya bíjna Nainá nga tse kjondaà kitsjaà-ná nga kisichikon-t'in-ná nga ya títsajnaakoá ki'ndí-la xi 'ño matsjakee.

⁷⁻⁸ Jè jni-la Jesucristo tsibíhijiti-ná kò kisíjchàat'aà-ná jé-ná nga Cristo títsajnaakoá, nga 'ño tse kjondaà tjin-la Nainá nga tsjá-ná kjohítsjeèn kò kjoachjine xi tjin-la.

⁹ K'oaa ma-ne nga tiko tsakó-ná jè kjoatji'ma-la koni s'in kjòmejèn-la jè, tikoí-ne kjohítsjeèn-la xi tije-ne kiskoosón-la nga kitsasón.

¹⁰ Koni s'in tíndaà-la kjohítsjeèn jè, kijchò nachrjein nga kitsasón tsjeè. Nainá, jé síjngoo yije nita mé xi tjin ngajmii kò it'aà nangui nga jè Cristo kotixoma.

¹¹ Nainá jyeé kjotsee jaajiiin-najen nga Cristo títsajna-kò-jen. Kitjoé-najen kjotjò xi tsjá Nainá koni s'in tíndaà-la nga k'oas'in bitasón 'én-la koni s'in ndaa sasén-la.

¹² K'oaa s'in kis'iin nga ngajen kiníkítsajna ítjòn-jen nga jeya tíjna Nainá, ngajen xi xita judío 'mi-najen, ngajeén kòkjeiin ítjòn-najen it'aà ts'e Cristo.

¹³ Tjikoaa jñò nga ya títsajnaako Cristo, k'e nga kina'ya 'én ndaa-la Nainá xi kjoa kixi, jè xi tsachrjekajiiin-nò kjo'in nga kòkjeiin-nò it'aà ts'e Cristo, Nainá kitsjaà-nò Iníma Tsjeè-la; yaá tsibit'aà chiba-la jjiin iníma-nò, koni s'in jye kitsjaà tso'ba nga tsjá-nò.

¹⁴ Jè Iníma Tsjeè-la Nainá, jé-né xi tjoé ítjòn-ná nga kixi kjoa nga tjoé yije-ná kjotjò xi Nainá tsjá-ná jè nachrjein k'e nga kongásón nga síkítsajnandeji-ná xi naxandá-la maá mé-ne nga jeya kijn-ne Nainá.

Kós'in bítsi'ba Pabło it'aà ts'e jñà xita xi jye mokjeiin-la

¹⁵ Koií kjoa-la k'e nga ki'nchrè nga mokjeiin-nò it'aà ts'e Jesucristo xi otíxoma-ná, kò nga matsjacha ngats'ii xita-la Nainá;

¹⁶ mikii síjchàajña nga nachrjein inchijòn tsjaà-la kjondaà Nainá xi it'aà tsajòn; k'e nga bítsi'ba-la, síjét'aà-la xi kjondaà tsajòn

¹⁷ mé-né nga jè Na'èn-ná xi jeya tíjna, jè xi Nainá tsò-la Jesucristo xi otíxoma-ná, jè kàtasíklhichiya-nò kò kàtatsjá-nò kjoachjine xi ts'e iníma-nò mé-ne nga isa ndaa jchaxkon-nò Nainá.

¹⁸ K'oaa s'in síjét'aà-la Nainá nga sílhiseèn-la kjohítsjeèn-nò mé-né nga jcha-nò mé xi chiña-la nga xó kinokjoaa-nò. Tjikoaa jchaa nga 'ño ndaa tjin kò 'ño jeya tjin kjotjò xi Nainá tsjá-la jñà xita naxandá-la.

¹⁹ Tjikoaa síjét'aà-la nga jchaxkon kó kji 'ño tse nga'ño tjin-la Nainá nga koma kosiko-ná jñà xi mokjeiin-ná it'aà ts'e. Tjikoii-ne nga'ño xi 'ño tse tjin-la Nainá

²⁰ xi kisikjeèn nga kisikjaáya-la Cristo k'e nga k'en, ikjoan jeya kisikjnat'aà chrja kixi-la ján ngajmii

²¹ nãnda nga isa ta 'ño 'nga kisikjina ítjòn mì k'oaa-ne tsà jngoo xita ítjòn, xitaxá ítjòn, ngats'ii nga'ño xi tjin i it'aà nangui kò xi tjin jjiin isén, ngats'ii xi tjin-la kjotixoma ngajmii; tíjna ítjòn-la ngats'ii xi tjin isò'nde jè, kò jè isò'nde xi sa nchrobá.

²² Nainá, jè kisingatsja yije Cristo, ngats'ii kjotixoma xi tjin; tjikoaa jè kitsjaà yije-la Cristo nga jè koma xi sko-la naxandá-la.

²³ Naxandá-la tije-ne yijo-la Cristo; kò jè tsjá yije-la nita mé xi chija-la. Tije-ne Cristo xi síjngoo yije, nita mé xi tjin isò'nde.

2

Kós'in síjchàat'aà-ná jé-ná Nainá

¹ Jñò, nga sà kjòtseeé, k'oaá ngaya-la koni tsà titsajna k'en-nò it'aà ts'e Nainá nga jè kjoa-la jé-nò nga ch'o ki'nè.

² K'oaá s'in tse tsitjaayaà ndiyá jé-la xítà isò'nde; jè kinikitasòn-la xítà neijí xi skò-la tjo jiiin isén nga jè sixájiin iníma-la jñà xítà xi mikil' nchréñijon-la Nainá.

³ Tíkoáá ngats'iaá jñà, k'e nga isa kjòtseeé, k'oaá tís'in chinchaatsjiaá jé koni s'in kjòmejèn-la yijo-ná kò kjohítsjeèn-ná. Tjín-ne nga ngásòn tse kjo'in k'oi-ná tsà ndaà, koni jñà xítà xi k'ejí nga koi kjoa-la jé-ná.

⁴ Tanga Nainá, tseeé kjohimatakòn tjín-la nga 'ñó matsjakeè-ná.

⁵ Nainá kisikítsajnakon lñngòò k'a-ná kò Cristo, nas'in jye titsajnak'eén xi kjoa ts'e jé-ná. (Kò jñò, tà kjondaà-la Nainá-né nga bitjokàjñòò kjo'in.)

⁶ Nainá, kisikjaáyakjoò-ná kò Cristo, nga ya titsajnakoáá, kò tañaá kisikítsajnakjoò-ná ján ngajmii.

⁷ K'oaá s'in kis'iin mé-nè nga kokò-ne jñà nchrjein xi sà nchrobá nga tse kjoatjòcha tjín-la kò tse kjondaà tjín-la it'aà tsajan nga Cristo Jesús titsajnakoáá.

⁸ Tà kjondaà-la Nainá-né nga itjokàjñòò kjo'in nga kòkjein-nò it'aà ts'e Cristo. Mítsà kjondaà tsajòn nchrobá-ne kjoa koi; ta kitsjaà kjotjò-nò Nainá.

⁹ Mítsà koi kjoa-la nga xá ki'nè, mé-nè nga nijngòò xítà ndaà síikjina-ne yijo-la.

¹⁰ Nainá tsibindaáya xítse jngòò k'a-ná, nga ya titsajnakoáá Cristo, mé-nè nga s'eén ngats'i kjoa xi ndaà tjín, jñà kjoa xi Nainá jyeé k'oaá s'in kiskoòsòn-la nga tisa kjòtseeé nga kòs'in síkitasoán.

Kjoa'nchán xi tjín-ná nga Cristo titsajnakoáá

¹¹ Jñò xi mí ya tjeñ-nò tje-la xítà judío, k'oaá tsò-nò jñà xítà judío xi tji't'aà chíba yijo-la nga mítsà xítà-la Nainá 'mì-nò, koi kjoa-la nga mí tji't'aà chíba-nò kjoa ts'e circuncisión. Tanga jè kjoa jè, tà tsja xítàá bíndaáya-ne yijo-la.

¹² Tíkítsjeèn k'e nga sà kjòtseeé jñò titsat'aaxìn-la Cristo; tíkoáá titsajnat'aaxìn-la naxandá Israel, mikil' ya nokjoà-nò koni s'in tsibindaájiin-kò Nainá jñà xítà judío koni s'in kitsjaà-la tso'ba Nainá. Isò'nde jè, nímé xi chíña-là kò mikil' yaxkon Nainá.

¹³ Tanga j'ndeí, nga ya titsajnakoo Cristo, Nainá jyeé kisichrañat'aà-nò jè kjoa-la jní xi tsibixteèn Cristo, nas'in kjiin tjat'aaxìn-là Nainá nga sà kjòtseeé.

¹⁴ J'ndeí, jè Cristo xi tsjá-ná kjoa'nchán. Kisikjoóndaà-ná nga jngòò naxandá komà-ne jñà xítà judío kò xi mítsà xítà judío. Jè kishixañà jè kjoa kondra xi jòya tjín nga sà itjòn k'e nga kitsjaà kjotjò yijo-la nga k'en-t'aà krò.

¹⁵ Yaá kisikjehet'aà jè kjotixoma-la Moisés xi tjín-la jñà xítà judío; kjòjngòò-ne ingajò naxandá; jngòò naxandá xítse komà-ne nga jè titsajnakoáá Cristo; k'oaá komà-ne nga tsijne 'nchán kjoa.

¹⁶ Cristo, k'e nga k'en-t'aà krò, yaá kisikjehet'aà kjoa kondra xi jòya tjín. Kisikjoóndaà-ne ingajò naxandá; jngòò naxandá komà-ne kò kitsjaà-la kjoa'nchán it'aà ts'e Nainá.

¹⁷ Jñò xi kjiin titsajna-là Nainá nga sà itjòn, tíkoáá ngajen xi titsajnat'aà chraña-lajen, j'ii Cristo nga j'ii kénojmi-ná 'én ndaà xi tsjá-ná kjoa'nchán.

¹⁸ Ndaà chíj-la Cristo nga ingajò naxandá-ná jyeé tji'nde-ná nga koma chíkoáá Nainá nga tije-ne Iníma Tsjeè-la tsjá-ná nga'ñó nga ingajoá.

¹⁹ K'oaá ma-ne jñò xi mítsà xítà judío 'mì-nò, mítsà tì xítà xìn nangui-nò. Jñò, j'ndeí, ngásòn ya tajngòò nokjoà-nò naxandá-la Nainá; xítà xinguioo-nò ngats'ii xítà naxandá-la Nainá.

²⁰ K'oaá ngaya-la koni tsà jngòò ni'ya tísindaà. Jñò, jè ngaya-la ndajo xi mochjeèn-la chrjó ni'ya. Jñà xítà xi tsibixáya-la Cristo kò jñà xi kiichja ngajo-la Nainá, jñà-né tàts'en chrjó-la ni'ya. Kò jè Cristo jè ndajo chrjangui-la chrjó ni'ya.

²¹ Nga kò Cristo ngats'ii ndajo-la chrjó ni'ya, ndaà tísikjoò kò tímajeya ni'ya mé-nè nga ni'ya tsjeè-la Nainá koma-ne.

²² Tíkoáá jñò, nga Cristo titsajnakjoòkoo, Nainá tísikítsajnakjoò-nò kò xítà xinguioo xi k'ejí, mé-ne nga jñò koma-nò ni'ya ñanda tjina Nainá nga Iníma Tsjeè.

3

Xá-la Pablo it'aà ts'e xítà xi mítsà xítà judío

¹ K'oaá ma-ne bitsi'bà-la Nainá, 'an xi 'mì-na Pablo nga ndayá tjina, koi ngatji-la nga 'an benojmí-nò 'én ndaà-la Jesucristo, jñò xi mítsà xítà judío 'mì-nò.

² Nga jyeé-la tjiiin-nò nga kjondaà ts'e Nainá-né nga 'an kitsjaà-na xá xi kjondaà tsajòn,

³ koni s'in kishiseèn-na Nainá nga tsakò-na jè kjoa xi tji'ma-la skanda kjòtseeé. Jyeé isa kiskii chiba-nò jñà 'én koi.

⁴ K'e nga tsà ndaà kíxkejñoò xojon jè koni s'ín kiskii íjtòn-nò, yaá jchaa nga 'an ndaà tjiin-na jè kjoa tji'ma it'aà ts'e Cristo.

⁵ Nga isa kjòtseé, nijngoo xita tjiin-la jè kjoa tji'ma; tanga i'ndeij jè Inima Tsjeè-la Nainá kishiseèn-la jña xita xi xó jaájiiin-ne Nainá, jña xita xi tsibíxáya-la Cristo ko xi kiichja ngajo-la.

⁶ Jè kjoa tji'ma, jè-né nga jña xi mìtsà xita judío, k'e nga mokjeiin-la 'én ndaà-la Nainá xi kjoa ts'e Cristo, ngásòn tjoé-la kjotjò-la Nainá nga ngásòn ixti-la ma koni jña xita judío; jngoo naxandá koma yije kóhótjin; ko jña xi mìtsà xita judío ngásòn tjoé-la kjondaà koni s'ín kitsjaà-la tso'ba Nainá jña xita judío.

⁷ Ta kjondaà-la Nainá-né nga 'an kitjoé-na xá jè. Jè kitsjaà kjotjò-na nga ch'i'nda-la ma k'e nga kitsjaà-na nga'ño-la mé-ne nga 'an kènojmiá 'én ndaà-la Cristo.

⁸ 'An, nas'ín isa 'ño nangui tjiina-la ngats'ii xita-la Nainá, tanga Nainá kitsjaà-na kjondaà jè, nga 'an chjáyajiiin-la 'én ndaà-la Nainá xi kjoa ts'e Cristo jña xi mìtsà xita judío, mé-nè nga skoe-ne kó kji 'ño tse kjondaà tsjá Cristo skanda mikii bijchótjinguila kjohítsjeèn-ná.

⁹ Jè xá xi 'an kjóngsa nga 'an shiseèn-la jña xita mé-ne nga skoe-ne kó s'ín tjin kjoa xi tji'ma. Nainá xi tsibindaà isò'nde, jè tjiina'ma-la kjoa jè skanda tisa tàts'en-la kjoa.

¹⁰ Koií k'oas'ín komá-ne mé-ne skoe-ne i'ndeij ngats'ii inima ch'o ko inima xi ndaà xi tjin-la nga'ño jiiin isén nga kjiin skoya kjoachjiine tjin-la Nainá. Yaá skoe kjoa koi it'aà ts'e naxandá-la Cristo.

¹¹ Nga tisa tàts'en-la kjoa, Nainá k'oaá s'ín tjindaà-la nga it'aà ts'e Cristo kitasòn yije kjoa koi.

¹² I'ndeij, nga Cristo titsajna kooá, jyeé 'ño takoán. Komaá chikooá Nainá ñánda tjiina nga mìt kii xkón-oná nga jyeé mokjeiin-ná it'aà ts'e Cristo.

¹³ K'oaá s'ín siijé-nò nga ki nikjajen-là takòn jè kjo'in xi tsikjiaán nga 'an benojmí-nò 'én ndaà-la Nainá xi kjoa ts'e Cristo. Isáá ndaà kátatsja-la inima-nò nga kjondaà tsajòn-nò.

Kó tsò Pablo nga bitsi'batji naxandá-la Cristo xi titsajna Éfeso

¹⁴ Koií kjoa-la nga ósijna xkó'nchit'aà-la nga bitsi'bà-la Nainá xi Na'èn-ná.

¹⁵ Nga it'aà ts'eé Nainá nchrobá-ne nga tjin na'èn ko tjin ixti nga jngoo ñngoo ni'ya xita xi tjin ngajmii ko xi tjin isò'nde.

¹⁶ Nainá, nga tse nga'ño tjin-la, k'oaá s'ín bitsi'bà-la nga kátatsjá-nò nga'ño-la xi ts'e inima-nò nga jè Inima Tsjeè-la Nainá kátasíxájiin inima-nò.

¹⁷ Jè Cristo, ndaà kátijnajiiin inima-nò, nga mokjeiin-nò it'aà ts'e; 'ño ndaà kátas'e-nò kjoatjòcha-la Nainá koni jngoo yá xi nanga fi ima-la, ko koni jngoo ni'ya xi nanga tjihjiin chrjó-la.

¹⁸ K'oaá s'ín koma-ne nga jño ko ngats'ii xita-la Nainá, jchaxkoon koa kochiya-nò nga 'ño tse kjoatjòcha xi tjin-la Cristo, 'ño tiyá, 'ño ndojò, 'ño nanga ko 'ño nga.

¹⁹ Ngui ndaà jchaa jè kjoatjòcha xi tjin-la Cristo xi isa 'ño otonè-la ngats'ii kjohítsjeèn-ná skanda mikii machiya-ná, mé-ne nga nimé chijjat'aà-nò koni jè Nainá, nimé chijjat'aà-la.

²⁰ Nainá, 'ño tse nga'ño tjin-la, tsà k'e nga mé xi nijé-laá, skanda isaá 'ño sikonè-la koni s'ín nijé-laá ko nga koni s'ín nikítsjeèn. K'oaá s'ín tsjá yije-ná nga ko nga'ño-la xi síxájiin inima-ná.

²¹ Jeya kátijna Nainá ya jiiin naxandá-la ko it'aà ts'e Cristo niya mé naxhrjein-ne, niya mé nó-ne. K'oas'ín kátama.

4

Titsajtiòn nga ko Inima Tsjeè-la Nainá

¹ Koií kjoa-la nga k'oas'ín bitsi'bà-nò nga ndaà tjiichá yijo-nò koni s'ín ok'in-la kjoa xi xó kinokjoa-nò. 'An, ndayá tjiina'ya jè ngatji-la nga Nainá tsixá-la.

² Jño, ki 'nga ikon 'nè; indaákjoa t'een, kátas'e-nò kjoatsejta; ngásòn kátachikjoa-nò mé kjoa xi tjin-nò nga matsjacha xinguioo.

³ Tinè-la yijo-nò nga titsajnajtiòn-koo xinguioo koni s'ín jye tsibítsajnajtín-nò jè Inima Tsjeè-la Nainá, mé-ne nga 'nchán kitsajna-nò.

⁴ Nga tà jngoo ma naxandá-la Nainá; ko tà jngoo ma Inima Tsjeè-la Nainá; tikoá tà jngoo kjoa chiñá-lá nga Nainá xó kiichja-ná;

⁵ ko tà jngoo ma Na'èn-ná Jesucristo xi otixoma-ná; tà jngoo kjoa tjin koni s'ín mokjeiin-ná it'aà ts'e Cristo; tikoá tà jngoo kjoa tjin nga ma bautizar xita.

⁶ Ta jngoo ma Nainá nga ngats'iaá Na'èn-ná ma, jè xi otixoma-ná nga ngats'iaá, jè xi síxájiin inima-ná nga ngats'iaá, ko jè xi tijnako-ná nga ngats'iaá.

⁷ Tanga kitjoé-ná kjotjò koni s'ín sasén-la Cristo mé xá-la Nainá xi s'eén nga jngoo jngoaa.

⁸ Koií kos'ín tíchja-ne Xojon-la Nainá nga tsò:

K'e nga jye kisikijne nga tífimijin-ne ngajmii,

kiiko preso jña xita xi kitsobá'ño,

ko kitsjaà-la kjojtò jñà xita.

⁹ ¿Kó tsóya-ne jè xi tsò: “Tífimijìn-ne ngajmìi”? Tsóyaá-ne nga [jè Cristo] ítjòn itjojen skanda ñánda 'ño nanga ijìln nangui.

¹⁰ Jè xi itjojen-t'aà skanda ít'aà nangui, tjè-ne xi tsijin jngooò k'a-ne ñánda nga isa 'ño 'nga tsibijna koni ngats'ì xi 'nga títajna mé-ne nga jè sjìjngooò yije-ne nita mé xi tjín isò'nde.

¹¹ Tíkoá tjè-ne xi kitsjaà-la xá xita-la mé xá xi s'ijn nga jngooò jngooò. Tjín xi tsibíxáya-la Jesucristo nga sjíka'bisòn 'én ndaa-la; tjín xi jñà kichja ngajo-la; tjín xi 'én ndaa-la Nainá xi kjoa ts'e Cristo bénojmiya; tjín xi síkinda naxandá-la Nainá; tíkoá tjín xi okóya 'én-la Nainá.

¹² K'oaá s'ín kitsjaà-la xá xita-la nga jngooò jngooò mé-nè nga kátatsjá-la kjohitsjeèn xita naxandá-la nga koma sjíxá-la Nainá, nga isa tse nga'ño s'e-la naxandá-la Cristo.

¹³ K'oaá s'ín koma-ne nga jngooò kjohitsjeèn s'e-ná ngats'iaá koni s'ín mokjeiín-ná ít'aà ts'e Nainá ko koni s'ín yaxkoaán Kí'ndí-la mé-ne nga ngui xita kixi komaá. Ngui k'oaá s'ín kongásòn-kjoaá kóhótjían koni jè Cristo nga nímé chijat'aà-la.

¹⁴ Mì tì k'oas'ín s'én-ná koni s'ín ndí ixti nga nítòn mokjeiín-la yá xita xi konachan-la; nga fijen fikjáko koni tsá tjo tsísákáko; nga fitjngui-la kjohitsjeèn-la xita maña xi 'én ndiso okóya nga k'ejí ndiyá tjimaya.

¹⁵ Tà saá 'én kixi-la Nainá kìnókjoaá nga matsjachaá xinguiá mé-nè nga kos'ín isa ndaa skàsòn kjohitsjeèn-ná koni s'ín tjín kjohitsjeèn-la Cristo nga jè tjina xi sko-la naxandá-la Nainá.

¹⁶ Nga jè naxandá-la Nainá, k'oaá kji koni jngooò yijo-la xita. Jè Cristo tjina xi sko-la; ko jè tsjá-la nga jngooò jngooò xá xi oko-la; íkjoàn sjngooò koni s'ín tjín yijo-ná nga titéya naxá-la nindaá-ná; nga jngooò jngooò skaya, katjín katjín xá-la. K'e nga ndaa síxá yije yijo-ná maje-né koa ma'nga-né. K'oaá tús'ín tjín jè naxandá-la Cristo nga k'oje-né koa ko'ne k'e nga jngooò jngooò xita-la ndaa sjíxá nga matsjakeé xikjín.

Kós'ín sijchá yijo-ná k'e nga jè Nainá síxítseya iníma-ná ko kjohitsjeèn-ná

¹⁷ Ít'aà ts'e kjoitoxoma xi tsjá-na Cristo, k'oaá xan-nò ko bit'in-nò nga mì tì k'oas'ín s'én-nò koni s'ín xita xi k'ejí xi mikì beèxkon Nainá, nga táko tjímako kjohitsjeèn-la xi níméé chjì-la.

¹⁸ Tà tjíñò kjohitsjeèn-la. Tsjìn-la kjoabinachon xi ít'aà ts'e Nainá nchrobá-ne; mikì beé kó s'ín sjíchá yijo-la nga jè iníma-la tájaájìn tjín; mikì tsjá'nde nga fahas'en-jìn kjohitsjeèn xi ndaa tsò.

¹⁹ Mì tì kù beè-ne xi kjosobá 'mì, jyeé kòxox'ín. Tà kjoa chjngui 'ño sís'in-la; kjit'aà nachrjein ótsji ngats'ì kjoa ch'o xi tjín isò'nde.

²⁰ Tanga jñò, mì k'oaá tjín kjoa xi kis'enojmi-nò ít'aà ts'e Cristo.

²¹ Nga jye ndaa kina'yá-là 'én-la ko ndaa kichita'yá kó s'ín tjín xi ngui kjoa kixi ít'aà ts'e Jesús.

²² K'oaá s'ín kis'enojmi-nò nga chaàxìòn kjoa jchínga xi tjín-nò nga sa kjòtseé koni s'ín kìnìchá yijo-nò; j'ndeí jyeé mì tì mé chjì-la kjoa koi koi kjoa-la nga jñà kjoa ch'o xi kisaseèn-la yijo-nò kiskoònachan-nò.

²³ Tjì'nde-la Nainá nga jè kátasíxítseya iníma-nò ko kjohitsjeèn-nò.

²⁴ Chjóé jngooò k'a xi kjoa xítse xi k'oas'ín kisingdaá koni kji jsén-la Nainá mé-ne nga kixi ko tsjeé sjíchá yijo-nò koni s'ín tjín xi ngui kjoakixi.

²⁵ K'oaá ma-ne j'ndeí, kì tì 'én ndiso nokjoà-nò. 'Én kixi tìnókjoakoo xinguioo nga jngooò jngooò nga tà ngàsòn xita xinguiá ma kóhótjían.

²⁶ Tsà k'e nga majti-nò, kì jè binchaàtsjioò; kì nìjti-la yijo-nò kóni nga 'ba nachrjein skanda k'e nga okatjì ts'of.

²⁷ Kì kù bìi'nde-la xita neíj nga jè konachan-nò.

²⁸ Jè xi chijé s'ín nga sa ítjòn, kì tì chijé s'ín-ne j'ndeí; tíkoá-ne k'oas'ín kátasíjkeén tsja nga kixi kátasíxá mé-nè nga sakò-la ton xi tsjá ítse-la xita ima xi nímé tjín-la.

²⁹ Nijngooò 'én xi ch'o tsò nokjoá; jñà 'én tìnókjoakoo xinguioo xi ndaa tsò xi kochjeén-la xinguioo nga isa kixi kitsajna mé-nè nga kochikon-t'ín-ne jñà xita xi kji'nchré-nò.

³⁰ Kì nìba-là jè Iníma Tsjeé-la Nainá, jè xi tsibít'aà chjìba-ná mé-ne nga kàta'ya-ná nga xita-la Nainá 'mì-ná skanda jè nachrjein k'e nga sjíkítsajnaandéjì-ná Nainá xi kjoa ts'e jé.

³¹ Chjaàxìòn yije jjiin iníma-nò jñà kjoa xi ch'o tjín xi kondra ts'e xita xi k'ejí koni kjoa binguitakòn, kjoajti, kjoa xi makjan-nò, kjoa nga chítikoo xinguioo, ko nga nokjoájno-là xinguioo, ko ngats'ì kjoats'en.

³² Ndaá chibákoo xinguioo; kátas'e-nò kjohimatakòn; tjíchàat'aà-là jé-la xinguioo koni s'ín kisikò-nò Nainá ít'aà ts'e Cristo nga kisichàat'aà-nò jé-nò.

5

Kó s'ín sijchá yijo-ná nga ixti-la Nainá 'mì-ná

¹ K'oaá ma-ne nga k'oas'in t'ijchá yijo-nò koni s'in Nainá nga koi kjoa-la nga ixti-la Nainá 'mì-ná nga 'ño matsjakeè-ná.

² K'oaá t'is'in t'jòcha chaá xinguiqo koni Cristo t'jòkeè kijtsee-ná nga jè kitsjaà ngajo-ná yijo-la nga k'en, jngoò k'jotjò xi ndaa k'jòtsjakeè Nainá.

³ Jè xi kjoa chingui, ngats'iì kjoa ch'o xi 'ño t'jé t'jín ko kjoa nga maxitakòn-chaá xinguiqo mì t'j k'oaá t'jín kjoa xi koxk'j-ne j't'aa tsajòn. Nga j'ño, x'itá tsjeè-la Nainá 'mì-nò.

⁴ K'i 'én tsa'a nokjoà, ko 'én n'chikón, ko 'én xi ch'o tsò nga bijnòkeè x'itá. J'ña kjoa koi, t'ikoaá mikii ok'in-la nga kos'in kinókjoa. Tà saà k'jondaà t'jii-la Nainá.

⁵ Jye t'jiiin-nò nga mikii koma kjoahas'en n'ánda t'ihotixoma Cristo ko Nainá, ngats'iì x'itá xi kjoa chingui s'in, xi kjoa xi 'ño t'jé s'in ko nga maxitakòn-keè x'ikjín. J'ña x'itá xi k'oas'in s'in, ta j'ña kjoa koi beèxkón nga nei-la ma.

⁶ K'i yá x'itá xi konachan-nò xi taxk'j 'én bénojmi-nò xi nimé ch'ji-la j't'aa ts'e jé koi. Ta jè ngat'ji-la nga kjo'in tsjá-la Nainá j'ña x'itá xi mikii 'nchréñijon-la.

⁷ K'i yá tsjahijtakoò x'itá koi.

⁸ J'ño, nga sa k'jòtsee, jè k'johitsjeèn-nò t'j'j'ño-la, t'anga j'ndeji, jyeé iseèn titsajnaà nga Na'èn-ná Jesucristo titsajnakoo. K'oaá s'in t'ijchá yijo-nò koni s'in ok'in-la j'ña x'itá xi ya titsajna n'ánda iseèn choòn.

⁹ K'e nga kjoa iseèn t'jiiin inima-ná ndaa s'e'en, ya k'itjáyaá ndiyá kixi, koa ngui 'én kixi kinókjoa.

¹⁰ T'inchátsjioò mé k'jondaà xi sasèn-la Na'èn-ná.

¹¹ K'i ya chingaj'ñoò kjoa xi nimé ch'ji-la koni s'in x'itá xi t'j'j'ño k'johitsjeèn-la. J'ño, ta saà takó nga k'ata'ya-la nga mikii ndaa t'jín kjoa xi s'in.

¹² Skanda masobá-ná nga nokjoá j'ña kjoa ma xi ch'o t'jín xi s'in j'ña x'itá.

¹³ N'itá mé kjoa-ne xi sijna n'ánda iseèn choòn, n'itoón beè x'itá mé kjoa-ne, a ndaa t'jín, a xi mikii ndaa t'jín. Nga jè kjoa iseèn okó yije xi ndaa t'jín ko xi mikii ndaa t'jín.

¹⁴ Koi k'otsò-ne 'én xi tsò:

Ngaji xi titsajnafi, t'ikjaá-la yijo-lè.

T'isitjen-jiiin-la mik'en;

Jè Cristo s'iihiseèn-lè.

¹⁵ Ndaa t'ikinda koni s'in titsanjchá yijo-nò; k'oaá s'in titsajna koni x'itá xi t'jín-la kjoachjine; k'i k'oaá 'nè koni s'in xi tsjin-la k'johitsjeèn.

¹⁶ Ndaa t'ikjeèn nachrjein mé xi s'e'en; nga nachrjein j'ndeji, 'ño t'jín kjoa ch'o.

¹⁷ K'i ch'o onguikoo k'johitsjeèn-nò; ndaa k'atatchiya-nò mé xi mejèn-la Nainá.

¹⁸ K'i xán 'yò, jè xán sikits'on-ná, tà saá jè Inima Tsjeè-la Nainá ndaa k'atas'en-jiiin inima-nò nga k'atakò-nò ndiyá kixi.

¹⁹ Ch'ikoo xinguiqo 'én-la Nainá. T'jindá-là sò xi 'mì salmo, himno koa t'jindá j'jiiin inima-nò jè xi okóya-nò Inima Tsjeè-la Nainá. Jeya t'ikijna Nainá nga ko inima-nò.

²⁰ J't'aa ts'e 'in-la Na'èn-ná Jesucristo, nachrjein n'chijòn t'jii-la k'jondaà Nainá xi Na'èn-ná ngats'iì xi tsjá-nò.

Kjoa xi t'jinè-la nga s'ikitasòn j'ña x'itá x'in ko j'ña íchjín

²¹ Nangui titsajna-la xinguiqo koni s'in yaxkón Cristo.

²² J'ño, íchjín xi x'in t'jín-nò, nangui titsajna-la x'in-nò koni s'in nangui bitsajna-la Cristo.

²³ Nga jè x'in, jè xi skó t'jna-la chjoón, koni Cristo, jè xi skó-la naxandá-la. Ko jè Cristo xi ochrjekajiiin kjo'in naxandá-la nga t'jè-ne yijo-la.

²⁴ Koni jè naxandá-la Cristo nangui t'jna-la, k'oaá t'is'in j'ña íchjín, nangui k'atijna-la x'in-la n'itá mé kjoa-ne.

²⁵ J'ño xi x'in mì-nò, t'jsjacha íchjín-nò, koni jè Cristo matsjakeè naxandá-la nga jè kitsjaat'ji yijo-la nga k'en.

²⁶ Koi kos'in kis'iin-ne nga tsjeè s'ikijna naxandá-la nga nguixkon Nainá. Jè jaàxin jé-la nga ko 'én ndaa-la koni s'in x'itá nga onijno yijo-la,

²⁷ mé-nè nga t'jè kòkò-ne nga tsjeè k'ji ko t'jè skoétjò-ne nga ts'e koma, jngoò naxandá xi jeya t'jna, xi mì ch'oò k'ji, mì t'j'iyó k'ji, mì t'jé k'ji, jngoò k'a tsjeè k'ji, ko nimé jé t'jín-la.

²⁸ T'ikoaá jè x'in k'atamatsjakeè chjoón-la koni s'in matsjakeè xi ti yijo ts'e-ne; nga jè xi matsjakeè chjoón-la, t'jè-ne yijo-la t'umatsjakeè.

²⁹ N'jngoò x'itá xi t'jè beètoón-ne yijo-la; ta saá tsjá-la nga 'ño nga síkinda yijo-la koni s'in jè Cristo nga síkinda naxandá-la.

³⁰ Nga jè naxandá-la t'jè-ne yijo-la; ko j'ña, t'ikoaá yaá nokjoat'aà-ná yijo-la.

³¹ Koi kjoa-la nga k'oas'in t'ijchá Xojon-la Nainá nga tsò: "Jé x'in xi bixan s'ikijna na'èn-la ko nea-la nga k'ijnako chjoón-la. Ingajò, tà jngoò x'itá koma."

³² J'ña 'én koi, jngoò kjoa xi 'ño 'in t'jín skanda mikii fiya-ná. T'anga 'an, jè t'isikaxkia Cristo ko naxandá-la.

³³ K'oaá xan-nò ngats'ioò nga jngoò ìjngoò, tìtsjacha íchjín-nò koni s'ín matsjacha yijo-nò; kò jè chjoón kàteèxkón x'ín-là.

6

Kjoa xi tjinè-là nga siikitasòn jñà ixti kò xita jchínga

¹ Jñò xi ixti 'mì-nò, tjiná'yañijon-là xita jchínga-nò nga Cristo titsajnakoo. Koi kjoa xi kixi tjin.

²⁻³ Nga tsò jè Xojon-là Nainá: "Jchaxkoin na'èn-lè kò nea-lè, mé-nè nga ndaa kijna-ne koa tseé koma-lè ì jso'nde." Ngats'ii kjotixoma xi kitsjaà Nainá, jè jèe xi tsjá itjòn jngoò-là kjondaà jñà xita xi sikitasòn.

⁴ Jñò xi na'èn 'mì-nò, kì ixti-nò nijti-là; k'oaá s'ín tìjchá nga ndaa tìkixioo koa ndaa takóya-là koni s'ín mejèn-là Na'èn-ná.

Kjoa xi tjinè-là nga siikitasòn xi ch'nda 'mi

⁵ Jñò xi ch'nda maà, ndaa tìkitasòn-là xi nei-nò ma ì j't'aa nangui; ndaa jchaxkón nga tìjngoò takòn koni tsà xá ts'e Cristo titsa'nè.

⁶ Ndaa tìxá-là nei-nò; mì tà k'e ndaa nìxá k'e nga tímakinda nga tà jè nei-nò ndaa kìtsajnakoo; k'oaá s'ín t'een koni tsà ch'nda-là Cristo maà nga ngui koo inima-nò tìxá koni s'ín mejèn-là Nainá.

⁷ K'oaá s'ín tìxá nga ngui kò kjotsja-nò koni tsà xá-là Na'èn-ná titsa'nè kò mìtsà ts'e xi taxkì xita.

⁸ Ndaa 'yaà nga jngoò ìjngoò xita, Nainá, k'oaá s'ín tsjá-là chji-là koni tjin xá xi s'ín, nas'ín xita ch'nda kò xi mìtsà xita ch'nda.

⁹ Jñò xi nei-là xá 'mì-nò, k'oaá tjs'ín tjò t'een ch'nda-nò. Kì taxkì chítikoo ch'nda-nò nga mejèn-nò kjo'in binè-là. Ndaa tjin-nò nga jè Nei-là xita ch'nda-nò kò jè Nei-nò, tìjè-ne xi tìjna ján ngajmii. Nga jè, mikii faájiln xita; tà ngásòn fikò.

Kjoa xi tsjá-là nga'ño inima-ná

¹⁰ Jñò 'ndsee, jñà kjoa koi xi fehet'aà-ne; k'oaá xán-nò: Tìnchátsjioò nga'ño ts'e inima-nò it'aa ts'e Na'èn-ná Jesucristo; 'ño tìtsajnakoo ngats'ii nga'ño xi 'ño tse tjin-là Cristo.

¹¹ Tìsikoo yijo-nò, chjoé yije nga'ño xi tsjá-nò Nainá mé-nè nga tájaà titsajna-nò nga mì jè xita neji skónachan-nò. K'oaá ngaya-là koni jñà soldado nga 'ya yije kichá-là k'e nga fi kjojchán.

¹² Nga mìtsà jñà xita isò'nde titsabixkán-koaá. Jñà kondra-ná xi xitaxá itjòn tjin-là jjiin iseèn, jñà xi mikii tsejen, ngats'ii xi tjin-là kjotixoma ts'e xita neji, koa xi skò-là titsajna nga jñà otixoma isò'nde jñò, ngats'ii nga'ño-là xita neji xi tjin jjiin isèn nga tìtsa isò'nde.

¹³ Koi koxan-nò, chjoé yije nga'ño xi tsjá-nò Nainá mé-nè nga 'ño kìtsajna-nò jè nachrjein k'e nga mejèn-là skónachan-nò xita neji. K'e nga jye sijkijneè, tákò k'oaá s'ín kixi kìncha-là nita mé kjoa-ne.

¹⁴ K'oaá s'ín 'ño kixi tìtsajnaandaà; ngui 'én kixi tìnokjoa mé-ne nga kìtsajnaandaà kjoa ts'e xita neji koni s'ín jñà soldado nga 'ño bikjá xincho-là [mé-ne nga mì sijti-là nikje-là k'e fi kjojchán]. Kò ngui kixi titsajnaà nga nguixkòn Nainá mé-ne nga ndaa kòjtsa inima-nò koni jngoò soldado xi ndaa kìjtsa inima-là jè chrjoa xi 'mì coraza.

¹⁵ Kjit'aà nachrjein titsajnaandaà nga sika'biò 'én ndaa-là Nainá mé-ne nga kàtas'e-là kjoa'nchán jñà xita. K'e nga kos'ín s'een, 'ño kìtsajnaà koni jngoò soldado nga tjin-là nga'ño xoxté-là nga ma fi.

¹⁶ K'e nga ndaa mokjein-nò it'aa ts'e Nainá, jè kosiko-nò xi kjoa ts'e xita neji k'e nga jè bit'in-nò nga binchaàtsjioò jè; k'oaá ngaya-là koni s'ín jngoò soldado nga kjoé escudo-là, jè xi siks'ò ni'ín flecha xi títì-là xita neji.

¹⁷ Jè kjoa nga bitjokájñòò kjo'in, jè ngaya-là jè ts'inguién kichá xi osiko skò soldado. Koa jñà 'én ndaa-là Nainá jè ngaya-là kichá ndojò xi tsjá Inima Tsjeè-là Nainá.

¹⁸ Kì bikjoàn-là nga bitsi'bà-là Nainá; tìjèt'aà kjit'aà-là koni s'ín bénojmíya-nò Inima Tsjeè-là Nainá. Kjit'aà nachrjein titsajnaandaà; kì nihindaà-jèn nga bitsi'batjiò ngats'ii xita naxandá-là Nainá.

¹⁹ Tìkoo titsi'batji-ná it'aa ts'an mé-nè nga Nainá tsjá-na 'én xi kichjá, koa mé-ne nga mikii tsakjoòn-na k'e nga kènojmí-là xita jè 'én ndaa-là Nainá xi kjoa ts'e Cristo xi ochrjekájiln-ná kjo'in mé-ne nga koma skoe-ne jè kjoa'ma xi tìjna-là Nainá skanda kjòtseé.

²⁰ Nainá kiskasén-na nga 'an kichjá ngajo-là it'aa ts'e 'én ndaa-là; koi kjoa-là nga ndayá tìjnaa'ya; sijèt'aà-nò nga titsi'batji-ná mé-ne nga mì tsakjoòn-na nga kènojmíá 'én ndaa-là.

'Én xi fehet'aà-ne

²¹ Tìsikásén-nò jè 'ndsé Tíquico jè xi matsjachaá, tìkoo ndaa síxá-là Nainá. Jè kòjtsò yije-nò xi it'aa ts'an, kò s'ín tìjnaa, kò mé xi ts'iaàn.

²² Koií xá tìsikasén-nò nga keènojímí-nò xi it'aà tsajen kós'ín titsajna-jen kọ mé-ne nga kàtatsjá-nò nga fió ts'e iníma-nò.

²³ Jè Nainá xi Nà'èn-ná kọ jè Jesucristo xi otíxoma-ná kàtasíkíjna 'nchán jjiin iníma-nò ngats'ioò xi xinguiáá chibá; kàtatsjá-nò kjondaà nga tjòcha t'een xinguióo, nga mokjeiín-nò it'aà ts'e Nainá.

²⁴ Jè kjondaà-la Jesucristo xi otíxoma-ná kàtìjnako ngats'ì xìta xi mìkìlì síkjahtjìya-la kjòhìtsjeèn-la nga kjit'aà nàchrjein ndaà matsjakeè Nà'èn-ná Jesucristo. K'oq's'ín kàtama.

Xojon carta-la San Pablo xi kiskii-la xita naxandá-la Cristo xi títsajna Filipos

Kó tsò Pablo nga shixat'aà jñà xita naxandá-la Cristo xi títsajna Filipos

¹ Ngats'ioò xi títsajnaà ján naxandá Filipos xi xita-la Nainá maà nga Cristo Jesús títsajnakoo, tíkoo jñò xi níkitasòn xá nga níkindaa naxandá-la Nainá ko jñò xi nichját'aà, 'an xi 'mì-na Pablo ko Timoteo títsanihixot'aà-nòjen nga chí'nda-la Jesucristo 'mì-najen.

² Nainá xi Na'èn-ná, ko jè Jesucristo xi otíxoma-ná kátatsjá-nò kjondaà ko kjoa'nchán ya jjiin inima-nò.

Kó tsò Pablo nga chjat'aà-la Nainá it'aà ts'e xita Filipos

³ Jè Nainá xi 'an bexkoán, tsjaà-la kjondaà nga indiaà indiaà bítsjeèn-na it'aà tsajòn.

⁴ K'e nga indiaà indiaà chját'aà-la Nainá, 'ño ndaa matsja-na nga ngats'ioò chjátji-nò,

⁵ koií kjoa-la nga jñò títsanichját'aà-ná nga ma chjaya 'én ndaa-la Nainá xi kjoa ts'e Cristo tjen-ne jè nachrjein k'e nga kòkjeiin-nò skanda nachrjein i'ndeí.

⁶ 'An, k'oá s'in makixi-na nga jè Nainá, koni s'in tsibíts'íako-nò nga tískjatjya-la inima-nò ko kjòhítsjeèn-nò, skanda k'ée síjngoo-ne kjoa koi jè nachrjein k'e nga kjoíí ljngoo k'a Na'èn-ná Jesucristo.

⁷ Ndaà tjín nga k'oas'in síkítsjeèn-nò ngats'ioò jñò xi 'nó matsjake-nò nga ngàsòn kitjoé-nò kjondaà-la Nainá koni 'an; nga jñò títsanichját'aà-ná nga ma benojmí-la jñà xita jè 'én ndaa-la Nainá xi kjoa ts'e Cristo nas'in ndayá tjinaa iya, ko nas'in xin tjinaa nga ósikooa jè 'én ko okoò-la xita nga 'én kixi-né.

⁸ Tibeè Nainá nga kixi kjoa nga ngats'ioò, 'nó matsjake-nò koni s'in tjín jè kjoatjòcha xi 'nó tse tjín-la Jesucristo.

⁹ K'e nga bitsi'batji-nò, k'oá s'in síjé'taà-la Nainá nga jè kjoatjòcha xi tjín-nò, isa ndaa títsjacha xinguioo, isa ndaa kjòhítsjeèn kátas'e-nò ko isa ndaa kátamachiya-nò ngats'ii kjoa xi kixi tjín,

¹⁰ mé-ne koma chaajjiin-nò kjoa xi ngui ndaa tjín. K'oá s'in koma-ne nga tsjeè síjchá yijo-nò ko nímé jé sakòt'aà-nò jè nachrjein k'e nga kjoíí ljngoo k'a Cristo.

¹¹ Nga kàta'ya-la nga jñò, ngui kixií tjín kjoa xi 'nè nga ko nga 'nó xi tjín-la Jesucristo mé-ne jè Nainá jeya kájna-ne ko 'nga kájna.

Kó komà nga isa kjin xita kòkjeiin-la 'én ndaa-la Nainá xi kjoa ts'e Cristo

¹² Ndi 'ndse, mejèn-na nga ndaa kátasijiin-nò nga k'oá s'in tímochjeèn ngats'ii kjoa xi tímat'ian nga isa kjin xita mokjeiin-la 'én ndaa-la Nainá xi kjoa ts'e Cristo.

¹³ Nga ngats'ii soldado xi síkindá ni'ya osen ko ngats'ii xita xi i'nga, tjíjiin-la nga koií kjoa-la 'én-la Cristo nga ndayá tjinaa.

¹⁴ Jñà xita xinguiaá xi 'ndse chibá, nga nchibeè nga ndayá tjinaa'ya, kjin ma-ne xi ma'ño ikon, mi tí kii tsakjón-ne it'aà ts'e 'én ndaa-la Nainá xi kjoa ts'e Cristo nga chjayajjiin-la xita.

¹⁵ Kixií kjoa, tjín i'nga xita xi 'én-la Cristo chjaya ta koií kjoa-la nga machinikee-na nga jè xi mejèn-la nga isa kjin xita kjit'aà-la. Tanga tíkooá tjín i'nga xi ndaa tjín inima-la nga benojmí kixi jè 'én-la Cristo.

¹⁶ Jñà xita xi ndaa tjín inima-la, k'oá s'in benojmí nga matsjakee-na, nga jyeé ndaa tíjiin-la nga Nainá jí kiskíjina-na ndayá mé-ne nga 'an kichjátjia 'én ndaa-la Nainá xi kjoa ts'e Cristo.

¹⁷ Tanga jñà xita xi i'nga, nga chjaya it'aà ts'e Cristo, mitsà ko inima-la benojmí. Ta jè xi mejèn-la nga kjin xita kjit'aà-la. K'oá s'in mejèn-la nga isa tse kjo'in síkjiaán nga jye ndayá tjinaa'ya.

¹⁸ Mitsà mé-ne, tsà ndaa tjín inima-la nga okóya 'én ndaa-la Nainá, ko tsà majin; mì 'aán oko-na. Ta jè xi mejèn-na nga kátachjaya 'én ndaa-la Nainá xi kjoa ts'e Cristo. K'oá ma-ne nga tsja ma-na.

Mé xi 'ño mejèn-la Pablo

Nga tífi nachrjein kotsjaá-isa-na,

¹⁹ koií kjoa-la nga ngats'ii kjoa xi tíma, jyeé tíjiin-na nga kjjchò nachrjein nga kítkokàjñaa kjo'in koi-né nga jñò bitsi'batji-ná ko nga tsjá-ná nga 'ño Inima Tsjeè-la Cristo.

²⁰ Ta jè xi 'ño mejèn-na ko tíkooña kjoa nga mì kosobà-na nga ch'o síkijna Cristo. Jè xi mejèn-na nga mì ki tsakjoóm-la xita nga ma kichjá-la mé-ne 'an, tsà tjinaakoan, ko nas'in kiyá, jè Cristo jeya kájna it'aà ts'an.

²¹ 'An, nga tjinaakoan, jè-né nga jeya kájna Cristo. Ko tsà 'an kiyá, isaá-la ndaa s'e.

²² Tanga tsà takó kótijnakoan i'isò'nde, tsà koií nachrjein-la s'jiin-isa xá-la Nainá. K'oá ma-ne, mikii be mé xi isa ndaa tjín.

²³ Ingajò kjoa koi 'nò 'in ma-na; jòya tjin kjohitsjeèn-na; mejèn-na nga kàtiyaà mé-ne nga ya kótijnakoaa Cristo; nga isaà-la 'nò ndaa s'e.

²⁴ Tanga xi kjondaà tsajòn, isa 'nò mochjeén nga kótijnakon isa.

²⁵ K'oaà s'in beè-là takoàn nga kótijnakon isa, nga k'oaà s'in tjngoò takoàn nga mochjeén-nò it'aa ts'an. Kótijnajin-nò mé-ne koma siichjât'aà-nò nga isa tsja koma-nò koni s'in mokjeiin-nò ko nga isa ndaa kòkjeiin-isa-nò.

²⁶ Mé-ne k'e nga kijchokon ijngoò k'a-nò, isaà tsja koma-nò nga isa 'nga sijkjna Cristo Jesús koni s'in osiko-na.

²⁷ Ta jè xi 'nò mochjeén nga k'oas'in tijchá yijo-nò koni tsò 'én ndaa-là Nainá xi kjoa ts'e Cristo; mé-ne tsà koma kjikon-nò ko tsà mikii koma kjián, tákó kji'nchrè-ná nga kixi titsajnakgo 'én, nga jngoò tjin kjohitsjeèn-nò nga ngàsòn titsabixkàn-tjiò koni s'in mokjeiin-nò 'én ndaa-là Nainá xi kjoa ts'e Cristo,

²⁸ nga mì tsakjoòn-là jñà xita kondra-nò. Koni s'in titsa'nè ngats'ii kjoa koi, k'oaà s'in sijna koni jngoò chibà xi okò nga jñà xita kondra, kjoehesòn-né, tanga jñò, kijtjokajiin-nò kjo'in. Kjoa koi, it'aa ts'e Nainá nchrobà-ne.

²⁹ Nga Nainá tikoaa tsj-à kjondaa nga kjo'in titsanjikioón xi kjoa ts'e Cristo koni s'in kitsjaà-nò kjondaa nga kòkjeiin-nò 'én ndaa-là.

³⁰ Nga jñà kjoa xi tjin-nò i'nde, tijnà-ne xi 'an kis'e-na koni s'in ki'yaà jñò, ko tákó koi kjoa tjin-na skanda nachrjein i'nde koni s'in titsana'ya.

2

Kjohitsjeèn xi kis'e-la Cristo nga nangui kisikjna yijo-la i isò'nde

¹ Jñò, nga Cristo tsj-à-la nga'nò inima-nò, ko nga jè kjoatjòcha sije takòn-nò, ko nga jè Inima Tsjeè-la Nainá ndaa siksajnajtin-nò nga nixákjoò, ko nga ngui kòò inima-nò tjin-nò kjohimatakòn,

² k'oaà ma-ne nga sijé-nò nga ta jngoò kjohitsjeèn kàtas'e-nò, jngoò kjoatjòcha, ngàsòn t'è-là takòn, ko ngàsòn chibà-nò mé xi nikitsjeèn mé-ne nga isa ndaa kotsja-na.

³ Kì kjoa 'nga takòn onguichjaà, ko k'ì 'nga nikitsajna yijo-nò. Ta saà nangui tikitsajna yijo-nò, k'oaà s'in jchaxkòn xita xi kje'ii koni tsà jñà titsajna itjòn.

⁴ Kì ta koi nikajno xi kjondaa tsajòn. Tikoaa tikajno-nò mé xi mochjeén-la xita xi kje'ii.

⁵ K'oaà tjin kjohitsjeèn xi kàtas'e-nò koni tjin kjohitsjeèn xi tjin-la Cristo Jesús.

⁶ Nas'in tije sobà-ne Nainá, mìtsà kòs'in kisikitsjeèn nga kjo'nò mejèn-la nga kòs'in kijna koni s'in tijn Nainá.

⁷ Ta saà 'nò nangui kisikjna yijo-la nga kòs'in tsibijna koni jngoò xita chi'nda, koni xi taxki xita isò'nde.

⁸ K'e nga jye taxki xita komà, kisikajeén-la inima-la nga ndaa kisikitasòn yije-la Nainá skanda kó nga k'en nga ya kinik'en-t'aa krò.

⁹ K'oaà ma-ne, Nainá, k'e nga jye kisikjaaya-la, taxki 'nò 'nga kisikjna. Kitsjaà jngoò-la 'in xi isa 'nò 'nga tijn mé-ne jè kotixoma yije-la xita.

¹⁰ Mé-ne nga it'aa ts'e Jesús kijncha-xkò'nchi-la ngats'ii xi titsajna ngajmì, xi titsajna ij'it'aa nangui, ko xi titsajna jjiin nangui.

¹¹ K'oaà s'in kjtso ngats'ii xita nga Jesucristo, jè xi otixoma; k'oaà ma-ne nga jeya kijna Nainá xi Na'èn-ná.

Mé xi s'eén nga ixti tsjeè-la Nainá 'mì-ná

¹² K'oaà ma-ne, jñò ndi 'ndsè xi 'nò matsjake-nò, k'e nga tsohótijnako-nò, kjit'aa nachrjein ndaa kinikitasòn. I'nde nga kjiin tijnna, tákó k'oas'in ndaa tikitasòn. K'oas'in t'een nga kàta'ya-nò nga jyeé itjokajnoò kjo'in kjoa ts'e jé-nò koi kjoa-la nga 'nò tsakjoòn-chaà yijo-nò.

¹³ Nga jè Nainá xi ndaa tísaxjiin inima-nò. Jè siksitsjeèn-nò nga k'oaà s'in mejèn-nò koni s'in ndaa sasèn-la Nainá ko tije-ne xi tsj-à-nò nga'nò nga ma k'oas'in 'nè.

¹⁴ Ndaa t'een yije nita mé kjoa-ne; k'ì taxki tsajét'aà-là Nainá ko k'ì chitiya-nò nita mé kjoa-ne.

¹⁵ K'oaà s'in koma-ne nga ixti tsjeè-la Nainá k'oin-nò; nime jé s'e-nò nga titsajnajiin-là xita ts'en ko xi ch'o s'in; jñò, k'oaà s'in kàta'ya-nò koni ni'in-la ni'ño xi sihiseèn nànda jñò choòn.

¹⁶ Tika'bisòn 'én ndaa xi síkijnakon inima-ná, mé-ne jè nachrjein k'e nga kjoij jngoò k'a Cristo, ndaa kotsja-na nga mìtsà ta kjo'tjò koni s'in kis'iaàn nga 'nò kisixajiin-nò nga tsakoòya-nò 'én ndaa-là Nainá xi kjoa ts'e Cristo.

¹⁷ 'An, matsjaà-na ko sjngoaa kjotsja xi tjin-nò nas'in kjo'in tiskijaán koni jñò nga kjo'in titsanjikioón nga koi kjoa-la nga mokjeiin-nò it'aa ts'e Cristo. Kjo'in xi tjin-nò k'oaà ngaya-la koni jngoò kjo'tjò xi jñò 'biu-là Nainá, ko jè kjo'in xi 'an tjin-na tikoaa 'an tsjaà-la Nainá koni kjo'tjò tsajòn.

¹⁸ Jñò, k'oaà tjs'in kàtatsja-nò mé-ne kojngoò-ne kjotsja xi tjin-ná.

It'aà ts'e Timoteo

¹⁹ K'oaá s'in tísíkítsjeèn, tsà Na'èn-ná Jesús mejèn-la nga sikasén nìton-nò Timoteo, mé-ne 'an kòtsja-na k'e nga kjoíikò-na okixi it'aà tsajòn kós'in títsajnaá.

²⁰ Mì tì yá xitá tjin isá-na xi k'oas'in ngàsòn síkájno it'aà tsajòn koni jè Timoteo.

²¹ Ngats'ii xitá xi k'jeí, saà kjondaà ts'eé ótsji, mìkii ótsji xi kjondaà ts'e Cristo.

²² Jñò, jyeé ndaa tjiin-nò, jè Timoteo xitá kixi-né. Ndaà síchját'aà-na it'aà ts'e 'én ndaa-la Nainá xi kjoa ts'e Cristo, k'oaá ngaya-la koni tsà ki'ndí ts'an-ná.

²³ Tikoña kjoa-ná nga sikasén-nò Timoteo k'e nga skoeé kós'in sindaàjìn kjoa-na.

²⁴ Tanga jè Na'èn-ná ma'ñót'aà takoàn, nga tsjá'nde-na nga tikoá 'an koma kjikon nìton-nò.

It'aà ts'e Epafrodito

²⁵ Tanga k'oaá s'in kisíkítsjeèn nga ítjòn siikasén lingoó k'a-nò jè 'ndse Epafrodito. Ndaà kisixáko-na. K'oaá s'in tsajmeiikò-na koni jngoó soldado nga bixkàn-tji-jen 'én-la Nainá. Nainá kátichjí-nò nga kinikasén-ná k'e nga 'ñó tímochjeén-na. Ndaà kisichját'aà-na.

²⁶ I'ndeí, mejèn-la nga skoexkon-nò ngats'ioó, 'ñó tísikájno nga jñò jyeé kina'yà nga kjòxk'én-né.

²⁷ Kixíi kjoa nga kjòxk'én-né, kjóméé k'en. Tanga Nainá kjòhmakeé; mìtsà ta jè xi kjòhmakeé, kóó 'an, mé-ne nga mì isá tse kjoaba s'e-na.

²⁸ K'oaá ma-ne nga tísikasén nìton-nò, mé-ne k'e nga jchaxkoòn lingoó k'a, kòtsja-nò it'aà ts'e, koa 'an, tjàxin chiba-na kjoaba.

²⁹ Chjoétjò nga kò kjòtsja-nò nga 'ndseé chibá it'aà ts'e Na'èn-ná. Chaxkón yije xi ngàsòn ok'in-la koni jè.

³⁰ Koi kjoa-la it'aà ts'e xá-la Cristo nga kjóméé k'en. Jè kjoa xi jñò mìkii komà kinichját'aà-ná, jè Epafrodito, 'ñó tsibiné-la yijo-la nga ndaa kisichját'aà-na nas'in kjóméé k'en.

3*Mé kjoa xi isá 'ñó chjí-la nga kixi kítsajnaá nguixkon Nainá*

¹ Ndí 'ndse, k'oaá xan-nò, tsja t'è-la iníma-nò nga Na'èn-ná Jesús títsajnakoo. 'An, mìkii masìl-ná nga tikjil lingoó k'a-nò jña kjoa xi jye kòkjìn k'a kjii-nò nga kjondaà tsajòn-nò.

² Tikindaá yijo-nò it'aà ts'e jña xitá xi kjo'ñó mejèn-la nga ote't'aà yijo-la xitá nga bit'aà chiba-la kjoa ts'e circuncisión. Tikindaá xitá koi nga nímé chjí-la. Tikindaá nga 'ñó ch'ò s'in.

³ Jñá-ná xi ngui kixi kjoa nga tjit'aà chiba-ná nga 'ya-la nga xitá-la Nainá 'mì-ná. Jñá-ná xi ndaa yaxkoán Nainá nga jè Iníma Tsjeé-la síchját'aà-ná. 'Nó ndaa matsja-ná nga jè ma'ñót'aà takoán Cristo Jesús nga mìtsà jè kjoa ts'e yijo-ná ma'ñót'aà takoán.

⁴ 'An, mìtsà kjoa ts'e yijo-ná ma'ñót'aà takoán nas'in kjin skoya kjondaà kisikitasoàn. Tsà tjin i'nga xitá xi koi ma'ñót'aà takòn kjondaà xi tjin-la, tanga 'an mì k'oaá s'in tís'iaàn nas'in tsato kjin skoya kjondaà kisikitasoàn.

⁵ K'e nga tjin-la jìn nachrjein nga kits'ian, kisi't'aà chiba-na kjoa ts'e circuncisión. 'An, xitá Israél-ná, tje-la Benjamín-ná. Xitá Hebreo-ná, kò jña xitá jchínga-na ngui xitá Hebreo-né. 'An, ngui xitá fariseo-ná nga jña kjotixoma-la xitá judío ngui ndaa kisikitasoàn.

⁶ Nga 'ñó fit'aà-la koni s'in tjin kjotixoma-la xitá judío, 'an skanda kùitjngui kondraá-la xitá naxandá-la Cristo. 'An, ngui kixíi kisikitasoàn kjotixoma-la xitá judío, nijngoó xi mìkii ndaa kisikitasoàn.

⁷ Nga sa ítjòn, 'an, k'oaá s'in kisíkítsjeèn nga 'ñó tse chjí-la ngats'ii kjoa koi; tanga i'ndeí nga Cristo fit'aà-la nímé chjí-la kjoa koi.

⁸ Xi ngui okixi, ngats'ii kjoa xi 'an ma'ñót'aà takoàn nga sa kjòtseé, i'ndeí, k'oaá s'in beé takoán nga nímé chjí-la mì k'oaá-ne koni s'in bexkoan Cristo Jesús xi otixoma-na nga isá 'ñó tsato chjí-la. Ngats'ii kjoa koi, jyeé tsachrjengua yije xi kjoa-la Cristo. Ta tje beé takoàn mé-ne nga ya ma fit'aà-la Cristo.

⁹ Kò mé-ne nga ya kótijnakjoókoa. Nga kixi ótjina nga nguixkon Nainá, mìtsà koi kjoa-la nga 'an ndaa sikitasoàn kjotixoma-la xitá judío, koi-né nga mokjeiín-na it'aà ts'e Cristo. Jè Nainá xi kixi síkijna-na koi kjoa-la nga mokjeiín-na.

¹⁰ Mejèn-na nga isá ndaa skoexkoan Cristo; skoeé nga 'ñó xi tjin-la nga jaáya-la it'aà ts'e kjoabiyaá; kátamajngò kjòhítsjeèn-na kò ts'e Cristo koni s'in komàt'in nga kisikjeiín kjo'in skanda k'e nga k'en,

¹¹ mé-ne k'oaá tís'in kjoaáya-na it'aà ts'e kjoabiyaá koni s'in jaáya-la Cristo.

Mé xi s'in Pablo nga ma kijchò tjingui-la kjotjò xi tsjá Nainá

¹² Mìtsà tsò-ne kjoa nga jye kjòngàsòn yije-na kjoa koi. Kje'e tsà ngui xitá kixi 'mì-ná. Tanga tífi tjingui-la nga mejèn-na nga isá ndaa skoexkoan skanda kó nga kijchò tjingui-la mé kjoa-ne nga ijchò tjingui-na Cristo Jesús.

¹³ Ndí 'ndse, k'oaá s'ín machiya-na, k'j'eè kii bijchó tjingui yije-la kjondaa xi tjin-la Cristo. Tanga jngoò kjoa tis'iaàn, tisijchàajñaà yije kjoa xi jye tsato, tibínè-la yijo-na nga kijchò tjingui-la kjoa xi sa nchroba.

¹⁴ Tífi tjingui-la skanda ñanda fehet'aà-ne, mé-ne nga tjoé-na kjojtò xi Nainá tsjá-na nga xo kiichja-na Nainá ján ngajmii nga Cristo Jesús tijnakoaa.

¹⁵ Ngats'iaá xi jye ndaa mokjeiin-ná it'aà ts'e Cristo, ngásòn ngáya k'oa's'ín s'ikitsjeèn. Jñò, tsà mikii k'oa's'ín nikitsjeèn, Nainá s'jikichiyandaà-nò.

¹⁶ Tanga mochjeén-né nga k'oa's'ín s'ikitasoán koni kji jye machiya-ná skanda nachrjein j'ndeji.

¹⁷ Ndí 'ndse, k'oaá s'ín t'ijchá yijo-nò koni s'ín t'isijchá yijo-na. Chjinguil-la jña xita xi k'oa's'ín ndaa nchisijchá yijo-la koni s'ín t'itsa'nè-jen.

¹⁸ Nga kjin ma xita xi tjíma xi kondra fi tjingui-la jè 'én xi t'is'enojmiya nga krò k'en-t'aà Cristo. Kòkjin k'a k'oa xan-nò; j'ndeji skanda kqò ndáxkoaàn tibixteèn nga l'jngoò k'a k'oa tixan-nò.

¹⁹ Xita koi, k'e nga kjoehet'aà nachrjein-la, kjo'íin s'jikjeiin nita kjé-ne. Ta koi ótsji kjoa xi sjé yijo-la kqò mitsà Nainá ótsji. 'Nga s'ikitsajna yijo-la kjoa xi t'jinè-la nga kqosobà-la. Tà koi s'ikitsjeèn kjoa ts'e isò'nde.

²⁰ Tanga jña, ján j'nde-ná ngajmii. 'Nó ndaa t'itsachiña-lá nga ya kjinchroba-ne jngoò xi kochrjekajin-ná kjo'in, jè-né Jesucristo xi otíxoma-ná.

²¹ Jè s'jikjatjiva-la yijo ni'nde-ná; k'oaá kji koma koni kji ts'e jè, nga jeya kji. Jè s'jikjeèn nga ñó xi tjin-la nga jè otíxoma yije-la nita mé xi tjin.

4

Mé xi s'een nga jye kixi t'itsajnaakoá Cristo

¹ K'oaá ma-ne jñò ndí 'ndse xi 'ñó matsjake-nò, kqò nga 'ñó makájno-na nga mejèn-na skoexkon-nò, kqò nga nitsja-la inima-na, kqò jñò xi kjojtò-na ma it'aà ts'e xá-na, k'oaá xan-nò nga kixi t'itsajnaako Na'èn-ná, jñò xi 'ñó matsjake-nò.

² Tibitsi'bà-la jè Evodia kqò Sintique, nga ngásòn ndaa kàtjikò xikjín nga ndichja joó xi it'aà ts'e Na'èn-ná.

³ Tikoaa ngaji ndí 'ndse xi ngásòn taña nixá, t'isjé't'aà-lè, t'ichját'aà-la íchjín koi; nga ndaa kisixáko-na it'aà ts'e 'én ndaa-la Nainá xi kjoa ts'e Cristo. Kqò jè Clemente kqò xita xi i'nga tikoaa ndaa kisixáko-na. Xita koi, jye tjit'aà 'ín-la xojon ts'e kjoabinachon ján ngajmii.

⁴ Tsja t'è-la inima-nò nga Na'èn-ná t'itsajnaako. l'jngoò k'a k'oa xan-nò; jtsja t'è-là takòn!

⁵ Jñò, kàtabeè yije-nò xita nga xita ndaa 'mì-nò. Jyee timachraña nga kjoíi l'jngoò k'a Na'èn-ná.

⁶ Kì mé kjoa níkájno. Ta isáa t'ijét'aà-la Nainá k'e nga mé xi mochjeén-nò. Tikoaa tjiil-la kjondaa.

⁷ K'oaá s'ín koma-ne nga tsjá-nò kjoa'nchán Nainá. Jè kjoa'nchán xi tsjá-nò fahatonè-la koni s'ín bitsjeèn-la xita. Kjoa'nchán jè, jè xi s'jikinda inima-nò kqò kjohtsjeèn-nò nga Cristo Jesús t'itsajnaako.

⁸ Ndí 'ndse k'oaá xan-nò xi fehet'aà-ne. T'ikitsjeèn xi kjoa kixi, kjoa xi ndaa yaxkón, kjoa xi ndaa tjin nga nguixkon Nainá, kjoa xi tsjéè tjin, kjoa xi ndaa sasén-ná, kqò ngats'ìl kjoa xi ndaa na'ya-la. Kqò tsà tjin-isa kjoa xi k'ejí xi 'ñó ndaa tjin, xi ok'in-la nga 'nga k'itsajna, koi kjoa t'ikitsjeèn.

⁹ K'oa's'ín t'een koni s'ín tsakoöya-nò okixi xi 'an kitsjaà-nò, 'én xi kina'yá-ná, koni s'ín k'ya-ná nga kis'iaàn; tákò k'oa's'ín t'een. Nainá xi tsjaà-la kjoa 'nchán inima-ná, jè kijnako-nò.

Kjondaa-la ts'e xita Filipos it'aà ts'e Pablo

¹⁰ 'Nó matsja-na koni s'iko-na Na'èn-ná nga ijchò nachrjein, l'jngoò k'a kinikitsjeèn-ná. 'An k'oaá s'ín s'ikitsjeèn nga mitsà kinijchàajñoò xi it'aà ts'án, tà jè-né nga mikii xátí kitjò'nde-nò nga kinichját'aà-ná.

¹¹ Mitsà koi kjoa-la nga k'oatixan-nò tsà mé tsojmi xi chijat'aà-na. Jyee kjò'nga-na nga majngoò takoàn mé xi tjin-na.

¹² Be-ná kó ma nga ima t'isijchá yijo-na. Tikoaa be-ná kó ma k'e nga tjin-na tsojmi. Jye tibe nita mé kjoa xi t'imat'ian. Tije-na tsà skii tjna jndso'bà, kqò tsà kjinchrá tibiyàa, tsà ningui-na tsojmi kqò tsà nímé tsojmi tjin-na.

¹³ Koma yijéè-na nita mé kjoa-ne nga jè Cristo tsjá-na nga ñó.

¹⁴ Tanga jñò, tákò ndaa ki'nè-nò nga kinichját'aà-ná k'e nga kjoa tijnajñaà.

¹⁵ Jñò xi naxandá Filipino tsajon, t'ijin-nò nga ta jñò-nò xi kinichját'aà-ná mé xi kjòchjeèn-na, jè nachrjein k'e nga kiaa nangui Macedonia k'e nga sa tsibits'iaa nga kichjako-nò 'én ndaa-la Nainá xi kjoa ts'e Cristo. Njingoò naxandá-la Cristo xi k'ejí xi ma-la kisichját'aà-na.

¹⁶ Tikoáá k'è nga tsohótijna naxandá Tesalónica, jngoò jò k'a kinikasén-ná kjotjò xi kjòchjeén-na.

¹⁷ Mìtsà mé kjotjò tsajòn xi mejèn-ìsa-na, ta jè xi mejèn-na nga ìsà ndaà kàtasíchikon-t'in-nò Nainá.

¹⁸ Jyee kiskaat'aà yije-na ngats'ìì xi kinikasén-ná. Jyee tjin yije-na xi mochjeén-na skanda ninguii-na nga jyee j'ìikò-na nga ñó xi kinikasén-ná kò Epafrodito. Kjotjò xi kinikasén-ná k'oaá s'ín ngaya-là koni chrjongó-là Nainá xi 'ñó ndaà jne, jñà kjotjò xi 'ñó ndaà sasén-là Nainá.

¹⁹ K'oaá ma-ne, jè Nainá xi 'an kjit'aàtakoàn, tsjá yije-nò nità mé xi chijat'aà-nò koni s'ín jeya tjin kjoa nchiná xi tjin-nò nga Cristo Jesús títsajnakoo.

²⁰ Jè Nainá xi Nà'èn-ná, jeya kàtjna nità mé nàchrjein-ne, nità mé nó-ne. K'oas'ín kàtama.

Xi fehet'aà-ne, Pablo síhixat'aà xita Filipos

²¹ It'aà ts'an, tixat'aà yije jñà xita naxandá-là Cristo xi ya títsajna. Jñà xita 'ndsee xi j títsajnakoo-na, tikoáá nchisíhixat'aà-nò.

²² Ngats'ìì xita-là Cristo síhixat'aà-nò. Jñà nchisíhixat'aà ítjòn-nò xi títsajna ni'ya-là César xi xitaxá ítjòn ts'è Roma.

²³ Ngats'ioò, jè kàtijnakoo-nò kjondaà-là Jesucristo xi otixoma-ná. K'oas'ín kàtama.

Xojon carta-la San Pablo xi kiskii-la xita naxandá-la Cristo xi títsajna Colosas

Kó tsò Pablo nga síhixat'aà jñà xita naxandá-la Cristo xi títsajna Colosas

¹⁻² Jñò xi xita naxandá-la Cristo 'mì-nò xi ján títsajnaà naxandá Colosas nga kixi onguít'aà-là Cristo, 'an xi Pablo 'mì-na kò 'ndsè Timoteo títsanihixot'aà-nòjen nga 'an tsibíxaya-na Jesucristo nga k'oas'in kjòmejen-la Nainá. Nainá xi Na'èn-ná, kò jè Jesucristo xi otixoma-ná kàtatsjá-nò kjondaà kò kjoa'nchán ya jjiin inima-nò.

Kó tsò Pablo nga tsjá-la kjondaà Nainá

³ Kjit'aà nachrjein k'e nga nokjoat'aà-lajen Nainá xi it'aà tsajòn, 'biil-lajen kjondaà Nainá xi Na'èn-la Jesucristo jè xi otixoma-ná.

⁴ Koií kjoa-la ngajen jyeé k'oas'in kina'yà-jen nga ndaà mokjeiin-nò it'aà ts'e Cristo Jesús. Tjkoá matsjacha ngats'ii xita-la Nainá.

⁵ Koií k'oas'in 'nè-nò nga títsachiñá-là nga tjoé-nò kjondaà xi tíjnatjò-la Nainá ján ngajmii; koni s'in kjòchiya-nò k'e nga kina'yà 'én ndaà-la Nainá xi kjoa ts'e Cristo xi ngui kjoakixi.

⁶ Tijè-ne jè 'én ndaà-la Nainá xi kjoa ts'e Cristo xi jye k'oas'in kina'yà, 'ño tínokjoáya nga tíjtsa isò'nde kò 'ño kjin xita nchifatiya-la kjohitsjeèn-la koni s'in komat'ioðn jñò k'e nga jahatjya-la kjohitsjeèn-nò nga jahas'en-jiin-nò kjondaà-la Nainá xi ngui kjoakixi.

⁷ K'oáá s'in tsakóya-nò Epafras jè xita xi matsjacha-jen nga taña nixákjoò-jen it'aà ts'e Nainá; nga jè Epafras, jngoò chi'nda-la Cristo xi kixi sixá xi it'aà tsajòn.

⁸ Jyeé tsibénojmi-najen nga jè Injma Tsjeè-la Nainá síkítsjeèn-nò nga ndaà matsjacha xita.

⁹ K'e nga kina'yà-jen, mikii nijchájiin-jen nga bitsi'batji-nòjen. K'oáá s'in nijét'aà-lajen Nainá nga ngui ndaà kàtatsíchiya-nò koni s'in mejèn-la jè; jè Injma Tsjeè-la kàtatsjá-nò kjohitsjeèn kò kjoachjine.

¹⁰ Tjkoáá nijét'aà-lajen nga k'oas'in tjchá yijo-nò koni s'in ok'in-la nga sijchá yijo-la xi xita-la Nainá, nga kjit'aà nachrjein k'oas'in t'een koni s'in mejèn-la, nga k'oas'in t'een ngats'ii kjoa xi ndaà tjín kò nga isa ndaà jchaxkon yá-né xi Nainá.

¹¹ K'oáá tis'in nijét'aà-lajen Nainá nga tse nga'ño kàtatsjá-nò koni s'in tjín nga'ño-la xi mikii fehet'aà, mé-ne nga kixi kítsajna-nò njita mé kjoa xi sakò-nò, tjkoá s'e-nò kjoatsetja kò kjotsja.

¹² Tjiil-là kjondaà Na'èn-ná nga jè kisikítsajnandaà-nò nga tjkoá tjoé-nò kjotjò xi jè jye tjindaà-la ján ngajmii ñánda iseèn choòn nga tsjá-la ngats'ii xita-la xi ya chja-ne naxandá-la Nainá.

¹³ Nainá kisikítsajnandeji-ná it'aà ts'e nga'ño-la xita neji jè xi otixoma ñánda jñò choòn; yaá kisikítsajna-ná ñánda tíhotixoma Ki'ndí-la xi 'ño matsjakeé,

¹⁴ jè xi kò jni-la tsibíchi'tji-ná nga kisikítsajnandeji-ná tjkoá kisijchàat'aà-ná jé-ná.

Jè Cristo tjina itjòn-la ngats'ii xi tsejen kò xi mikii tsejen

¹⁵ Ni saá jngoò xita beèkxon Nainá tanga jè Ki'ndí-la tsakò-la xita yá-ne xi Nainá. Nga jè Ki'ndí-la xi tjina itjòn-la ngats'ii xi kisindaà isò'nde.

¹⁶ Nga kò Cristo, Nainá tsibíndaà yije xi tjín ngajmii kò xi tjín j it'aà nangui, xi tsejen kò xi mikii tsejen, ngats'ii nga'ño xi tjín jjiin isén, xi títsajna itjòn, xi otixoma, xi xá itjòn tjín-la, kò jñà nga'ño xi mikii tsejen-ná; it'aà ts'eé Cristo kisindaà yije-ne kò ts'e-né.

¹⁷ Cristo, isaá kjòtsee tjina mi k'oá-ne ngats'ii tsojmi xi tjín, kò jè tsjá-la nga'ño ngats'ii tsojmi mé-ne nga ndaà kítsajna-ne.

¹⁸ Jè Cristo tjina sko-la naxandá-la nga tjè-ne yijo-la kò it'aà ts'eé kjòts'ia-ne. K'e nga jaáya-la Cristo it'aà ts'e kjoabiyaá, jè tsibijna itjòn-la it'aà ts'e xita xi faáya-la mé-ne nga jè kijná itjòn-la njita mé xi tjín.

¹⁹ Nainá k'oáá s'in kisaseèn-la nga jngoò k'aá ya tsibijnajiin yijo-la Cristo,

²⁰ nga it'aà ts'eé Cristo, Nainá tsajoondaako yije-ne ngats'ii xi tjín isò'nde kò xi tjín ngajmii; it'aà ts'e jni-la Jesucristo xi kixixteen ján it'aà krò, Nainá kisikijne 'nchán kjoa.

²¹ Jñò, nga sa itjòn, tjkoáá títsajnat'aaxin-la Nainá; kondraá tsanguil-là ya jjiin inima-nò, koií kjoa-la nga ch'o tjín kjoa xi ki'nè.

²² Tanga j'ndeji jyeé ndaà tsajoókò-nò Nainá koií kjoa-la jè kjo'in xi kisikjeiin Cristo j it'aà nangui k'e nga k'en. Koií k'oas'in kis'iin-ne mé-ne nga tsjeé kítsajnaà-nò, kò nímé jé xi s'e-nò kò nímé xi ch'o kíjnguo nga nguixkon Nainá.

²³ Kjoa koi mochjeèn-né nga kixi títsajnakoo koni s'in mokjeiin-nò. Kò kì binchat'aaxin-là kjoa xi títsachiñá-là it'aà ts'e 'én ndaà-la Nainá xi kjoa ts'e Cristo, 'én xi jye kina'yà-là. Jè 'én

jè, xkì xi ján tínokjoàyajìin-là xitá kóhokji isò'nde; kò 'an xi 'mì-na Pablo, 'aán kjòngatsja nga okoòya 'én.

Xá-là Pablo

²⁴ I'ndeì matsjaá-na nga kjo'in tìsikjiaán xi kjoa tsajòn nga k'oaá s'in tìsìjngoáa jìiìn yijo-na koni s'in chijat'aà-na kjo'in xi kitsjaá-na Cristo xi kjòndaà ts'e naxandá-là nga tije-ne yijo-là.

²⁵ 'Aán tìsikjeén-na Nainá nga 'an tìsìxákoáa naxandá-là, xá xi kisingatsja-na xi kjòndaà tsajòn nga ngui ndaà kèngjmiá 'én ndaà-là,

²⁶ jè 'én xi tìjna'ma-là Nainá nga tìsà tàts'en-là kjoa, tanga nàchrjein i'ndeì, Nainá jyeé tsakó-là xitá-là.

²⁷ Jè Nainá k'oaá s'in kjòmejèn-là nga tsakó-là jñà xitá-là kó s'in tìjn kjoa'ma-là xi 'nó jeya tìjna xi kjòndaà ts'e xi mìtsà xitá judío. Jè kjoa'ma, jè-né nga jè Cristo tìjnajìin inìma-nò jñò xi mìtsà xitá judío 'mì-nò, k'oaá ma-ne nga tìtsachiñà-là jñò kjoajeya-là Nainá xi tsjá-nò ján ngajmii.

²⁸ K'oaá s'in nokjoàyajìin-lajen ngats'ii xitá it'aà ts'e Cristo; 'nó nokjoàko-jen nga ngui kò kjoachjine okoòya-lajen mé-ne nga ngats'ii xitá xi fit'aà-là Cristo nìmé chijat'aà-là jè nàchrjein k'e nga ngajen sìngatsja-jen nga nguixkon Nainá.

²⁹ K'oaá ma-ne nga 'nó tìbínè-là yijo-nà nga tìsìxá, tìsikjeén jè nga'nó xi tsjá-na Cristo.

2

¹ Mejèn-na nga ndaà kàtasjìin-nò, nga 'nó tìkjaàn-tji-nò it'aà tsajòn kò jñà xitá-là Cristo xi tìtsajna ján naxandá Laodicea, kò it'aà ts'e ngats'ii xitá xi k'j'eè kii beèxkon-na.

² Koiì k'oas'in tìkjaàn-tji-nò mé-ne nga kàtas'e-là nga'nó inìma-nò kò mé-ne nga jè kjotsjacha xi tìjn-nò sìkìtsajnajtìin-nò. Jè xi mejèn-na nga isa ndaà kòkixi kjòhìtsjeèn-nò nga ngui ndaà kochiya-nò jè kjoa xi tji'ma-là Nainá xi Na'èn-ná. Jè kjoa'ma jè, jè-né Cristo.

³ Nga ta jè Cristo tìjn-là ngats'ii kjòhìtsjeèn kò kjoachjine xi 'nó chji-là.

⁴ Koiì k'oas'in tìxan-nò nga mì yá xi skónachan-nò nga sìkìjeén 'én xi ndaà tsò tanga mìtsà 'én kixi.

⁵ Nas'in mìtsà ya tìjnako-nò, tanga inìma-nà tìsikìtsjeèn kjit'aà-nò. Matsjaá-na nga tì'be nga kixi tìtsajtìón koni s'in onguìkoo yijo-nò tìkoo kixi tìtsajnaà nga mokjeiìn-nò it'aà ts'e Cristo.

Kjòndaà xi tìjn-ná nga Cristo tìtsajnaakoá

⁶ Koni s'in kòkjeiìn-nò it'aà ts'e Jesucristo xi otìxoma-nò, k'oaá tìs'in kixi tìtjít'aà kjit'aà-là

⁷ koni jngoo yá xi nanga fi ìma-là kò koni jngoo ni'ya xi tìsindaàson-isa nga kàtakixiya jè kjoa xi mokjeiìn-nò koni s'in kichìta'yà; kò tjiì kjit'aà-là kjòndaà Nainá.

⁸ Tìkindaa yijo-nò nga mì jñà skónachan-nò xitá xi 'én ndiso chja xi nì mé chji-là. Jñà kjòhìtsjeèn koi, tà yaá nchrobá-ne it'aà ts'e xi taxkì xitá koni tsò kjotìxoma xi tìjn isò'nde, mìtsà kjotìxoma ts'e Cristo.

⁹ Yaá tìjnajìin yijo-là Cristo yá-ne xi ngui jè soba Nainá nga nìmé chijat'aà-là.

¹⁰ Nga Cristo tìtsajnaako, tìjn yije-nò nìta mé xi mochjeén-nò. Jè Cristo otìxoma-là ngats'ii nga'nó kò kjotìxoma xi mìkii tsejen.

¹¹ Tìkooá it'aà ts'e Cristo kisit'aà chiba-nò kjoa ts'e circuncisiòn, tanga mìtsà jè xi tsja xitá bit'aà chiba-là yijo-ná, jè-né nga jè Cristo tsibít'aà chiba-là inìma-nò k'e nga jaàxin jè xi tìjn-là yijo jé-nò.

¹² Tìkoo k'e nga komà bautizar, k'oaá गया-là koni tsà ya kishihjìin-t'aà-là Cristo xi kjoa ts'e jé-nò. K'oaá tìs'in jaáya-nò koni s'in jaáya-là Cristo koiì kjoa-là nga mokjeiìn-nò nga'nó xi tìjn-là Nainá nga komà kiskìmitjen Cristo it'aà ts'e kjoa biyaa.

¹³ Jñò, nga sa itjòn, tìtsajnaà k'en-nò it'aà ts'e Nainá koi kjoa-là jé-nò nga jè Cristo k'j'eè kii bit'aà chiba-là inìma-nò nga faàxin jè xi tìjn-là yijo jé-nò. Tanga i'ndeì, Nainá jyeé kiskìtsajnakon-nò kò Cristo nga kisiichàat'aà-nò ngats'ii jé-nò.

¹⁴ K'oaá गया-là koni tsà jye kiskìjehya-ne xojon xi kitjámìl'nga xi kondra tsajan. Jaàxin-ne, yaá tsohójnat'aà krò ñánda k'en-t'aà Cristo.

¹⁵ Jñà nga'nó xi tìjn jìiin isén kò ngats'ii xi otìxoma, Nainá jaàxin yije-là nga'nó-là. Yaá kiskìjine-là k'e nga jè Cristo k'en-t'aà krò. Kò ngats'ii xitá, yaá kijtseè nga kisiicha.

Kjotìxoma-là xitá xi mì kii fit'aà-là Cristo

¹⁶ K'oaá ma-ne jñò, kii kii nis'in-là xitá xi chjajno-nò nga tsò-nò nga mìkii nìkìtasòn kjoa ts'e tsojmì xi chine, xi 'yò, kjoa ts'e s'eí xi bitjo, kjoa ts'e nga otsejen xitse l'jngoo k'a sá, kò ts'e nàchrjein nìkjáya.

¹⁷ Ngats'ii kjoa koi, k'oaá गया-là koni tà 'nguién-laá kjoa xi iskan j'ii; tanga jè xi ngui kjoa kixi, jè Cristo.

¹⁸ Kii kii bìi'nde nga faàxin-nò jè kjòndaà xi jye tìtsajnajnoò jñà xitá xi beèxkón àkjale; k'oaá tsò-là yijo-là nga mìtsà xitá 'nga ikon. Jè xi mejèn-là nga jñò k'oa tìs'in s'een. Jñà xitá koi

tsò-né nga inga nijñá kis'enojmí-lá kjoa jè, kò 'ñó 'nga síkítsajna yijo-lá xi ta kjohítsjeèn ts'e, tanga nímé chjí-lá.

¹⁹ Xíta koi mítsà ya ndaà fit'aà-lá Cristo. Nga jè Cristo títina skò-lá naxandá-lá kò jè tsjá-lá kjohítsjeèn kò nga 'ñó kò jè síkítsajnajtún xíta-lá koni s'in ma yijo-ná nga jñá naxá-ná bitéya nindaá-ná, mé-ne nga ndaà síxá-ne naxandá-lá Cristo koni s'in mejèn-lá Nainá.

²⁰ Jñò, tañaá k'en-koò Cristo, k'oaá ma-ne nga mikii tí tji'nde-nò nga jñá síkitasòn kjotíxoma xi tjin isò'nde. ¿Mé-ne tákó k'oas'in 'nè-nò koni tsá kjoa ts'e isò'nde otíxoma-nò nga níkitasòn-nò kjotíxoma

²¹ xi tsò: "Kì kii níkoji tsojmi koi, kii kii chinii, kii ndseji níko-ne."?

²² Jñá kjotíxoma koi, tà ts'eé tsojmi xi chiya k'e nga tímochjeén. Tà kjotíxoma ts'e xíta-né koni s'in okóya.

²³ Jñá kjotíxoma koi, k'oaá s'in 'ya-lá koni tsá tjin-lá kjoachjine tanga mítsà kixi kjoa. Nga síjé-ná nga ndaà síkitasoán kjoa xi 'in tjin mé-ne nga ndaà jchaxkoán kjotíxoma xi tjin-lá ingo; tikoáá tsò-né nga mochjeén nga mi xíta 'nga ikon komaá, kò nga kiné-lá kjo' in yijo-ná. Tanga jñá kjoa koi nímé chjí-lá, nga mikii ma osikò-ná nga níkitsajnaá jñá kjoa ch'o xi síjé yijo-ná.

3

¹ Jñá kjoa tinchátsjioò kjondaà xi tjin ngajmii ya ñánda títina Cristo nga ya tijnat'aà chria kixi-lá Nainá, koi kjoa-lá nga ya jaáyakjoò-nò kò Cristo,

² Koi tiktíseèn kjit'aà mé kjoa xi tjin ngajmii, kii koi níkitsjeèn kjoa xi tjin isò'nde.

³ Nga jñò, jyeé k'en kjoa ts'e isò'nde, kò jè kjoabinachon xitse xi tjin-nò nga ya titsajnakoo Cristo, yaá tijnatjò nga nguixkon Nainá.

⁴ Jè Cristo, jè-né xi kjoabinachon-nò; k'e nga jè xi kotsejèn òngòò k'a, jñò, tikoáá yaá kotsejèn-koò nga jeya kítsajnaá.

Xi kjoa jchínga kò xi kjoa xitse

⁵ Tiktítsajna kjoa ch'o xi síjé yijo jé-nò xi kjoa ts'e isò'nde: koni jñá kjoa chijngui, kò kjoa tjé kò kjoa ch'o xi sasén-lá yijo-nò kò ngats'ii kjoa ch'o xi fahajjín-nò, kò nga kjín tsojmi mejèn-nò. Kjoa jè tije-ne koni tsá xkósòn yaxkón.

⁶ Koi kjoa-lá nga kjo'in tsjá-lá Nainá jñá xíta xi mikii 'nchréñijon-lá.

⁷ Jñò, tikoáá k'oaá tjin kjoa xi ki'nè kjótseé k'e nga ya titsajnajñòò kjoa xi ch'o tjin.

⁸ Tanga j'ndeí tiktítsajna yije kjoa koi: jñá xi kjoa jti, kò jñá xi kjoa ts'en, kò jñá kjoa xi ch'o tjin, kò jñá kjoa xi nokjoàjno-lá xíta, kò jñá 'én xi ch'o tsò nga nokjoa.

⁹ Kì 'én ndiso nokjoàkoo xinguiòò nga jyeé kichjaàxín-lá yijo-nò kjoa jchínga-nò kò ngats'ii kjoa xi ki'nè nga sa kjótseé.

¹⁰ Jyeé kichjóé xi kjoa xitse. Jyeé jahatjija-lá kjohítsjeèn-nò. K'oaá s'in tímaxitseyá koni kji isén-lá Nainá xi tsibíndaà-nò skanda kóni nga isa ndaà jchaxkoòn yá-ne xi Nainá.

¹¹ I'ndeí, mì tì kii 'ñó mochjeén-ne yá-né xi xíta griego, o yá-né xi xíta judío, yá-né xi tjit'aà chjiba-lá, o yá-né xi kjoa ts'e circuncisión, yá-né xi xíta xín nangui-lá kò yá xíta-ne xi ima tímajchá, yá-né xi ch'i'nda tijná'ñó, o yá-né xi tijnandeí. Jè Cristo xi isa 'ñó chjí-lá; kò jè xi tijnajjín iníma-lá ngats'ii xíta-lá.

¹² Jñò xi xó k'oas'in jaájjín-nò Nainá kò xi ngui xíta tsjeé-lá maà nga ndaà matsjakeè-nò, k'oaá s'in chjóé xi kjoa xitse nga kàtahimácha xíta; kátas'e-nò kjondaà; kii 'nga matakòn; indaákjoa t'een; kò kátas'e-lá kjoatsejta iníma-nò.

¹³ Nita mé kjoa xi tjin-nò tijkjeín-lá xinguiòò, tjjcháat'aà-lá xinguiòò tsá mé kjoa xi ch'o síko-nò. Jñò, k'oaá tjs'in t'een, koni s'in kisikò-nò Cristo nga kjsjcháat'aà-nò.

¹⁴ Jè xi títina ítjòn ts'e kjoa koi, jè-né nga tjtjacha xinguiòò, nga jè kjoatjòcha xi ndaà síkítsajnajtún-ná.

¹⁵ Kjoa'nchán-lá Cristo ndaà kátatíxoma jjiín iníma-nò; nga Nainá xó k'oaá s'in kíichja-nò nga 'nchán kítsajnakoo xinguiòò mé-ne nga ta jngoo yijo koma-nò. Kò mochjeén-né nga kjit'aà naxchrjein tjii-lá kjondaà Nainá.

¹⁶ Jè 'én-lá Cristo 'ñó ndaà kátasjjiín kjit'aà ya jjiín iníma-nò. Takóya-lá xinguiòò kò tikiixiyaá nga tjkjeén kjohítsjeèn xi tjin-lá kjoachjine. Tjindá-lá Nainá nga tjii-lá kjondaà xi tjiín iníma-nò; tjindá-lá sò ts'e salmo, kò sò xi jeya síkjina Nainá, kò sò xi ya nchrobá-ne ya jjiín iníma-nò.

¹⁷ Ngats'ii 'én xi nokjoà kò ngats'ii xá xi 'nè, it'aà ts'e Jesucristo xi otíxoma-ná koat'een. Kò it'aà ts'e Jesucristo tjii-lá kjondaà Nainá xi Na'én-ná.

Kjoa xi mochjeén nga síkitasòn xíta-lá Cristo

¹⁸ Jñò íchjín xi x'in tjin-nò, nangui titsajna-lá x'in-nò koni s'in ok'in-lá jñá xíta-lá Cristo.

¹⁹ Jñò xi íchjín tjin-nò, tjòcha jchaá íchjín-nò, kii toòn 'yaá.

²⁰ Jñò xi jxti 'mì-nò, ndaà tìná'yañijon-là xità jchínga-nò, nga jè Nainá ndaà sasén-là kjoa koi.

²¹ Jñò xi Nà'èn 'mì-nò, kì taxkì sii nokjoàkoo ixti-nò mé-ne nga mì sikàjeèn-là ikon.

²² Jñò xi chí'nda maà, ndaà tìkitasòn yije-là nei-nò j it'aà nangui; kì tà k'eé nixá k'e nga tìkotsèjèn-nò nga ta jè xi mejèn-nò nga ndaà kìtsajnakoo. Ngui koò inìma-nò nga tìkitasòn-là koi kjoa-là nga yaxkòn Nainá.

²³ Nìta mé kjoa xi s'een, ngui koò inìma-nò nga t'een koni tsà it'aà ts'e Nà'èn-ná tìtsanikitasòn ko mìtsà it'aà ts'e xi taxkì xita.

²⁴ Jyee 'yaà nga jè Nà'èn-ná Jesucristo tsjá-nò chíjì-nò nga tjoé-nò jè kjotjò xi tsjá-nò Nainá nga ixti-là maà koi kjoa-là nga jè tìtsanixát'aà-là Jesucristo xi otìxoma-nò.

²⁵ Tanga jè xi ch'o tjin kjoa xi s'in, k'oaá s'in kochjí-là koni tjin kjoa ch'o xi s'in. Nainá mìtsà faájìn xita, ngàsòn ngáya fiko ngats'iì.

4

¹ Jñò xi nei-là xá ma, ndaà tìkoo jñà xità chí'nda-nò koni s'in tjin xi kjoa kixi, nga jñò 'yaà-nò nga tìkoo tjin jngoo-nò xi Nei-nò ma ján ngajmì.

² Kì bikjoàn-là nga nokjoat'aà-là Nainá; kjit'aà nàchrjein tìtsajnandaà nga tìnókjoat'aà-là ko tjiì-là kjondaà Nainá.

³ K'oaá tìs'in tìtsi'batji-nájen, mé-ne jè Nà'èn-ná kàtatsjá'nde nga koma kénojmi-jen 'én-là Cristo xi tji'ma-là Nainá nga sa itjòn; nga koi kjoa-là nga ndayá tijná'ya.

⁴ Tìtsi'batji-ná mé-ne nga s'e-na nga'ño nga ndaà kixi kichjàjìn-là xità koni s'in tjinè-là nga kichjà.

⁵ Jñò, ndaà tìkjeèn kjohìtsjeèn-nò mé-ne nga ndaà kìtsajnakoo jñà xità xi mìkii beèxkon 'én ndaà-là Nainá xi kjoa ts'e Cristo. Ndaà tìkjeèn nàchrjein xi ti'biì-nò nga kos'in tìkitasòn.

⁶ K'e nga chikoo xita, jñà 'én tìnókjoa xi ndaà tsò ko xi ndaà sasén-là mé-ne nga koma siktáji-là 'én xi skongangui-nò.

Kó tsò Pablo nga sñixat'aà xita

⁷ Ngats'iì kjoa xi tìmat'ian, jè keènojmi yije-nò jè 'ndsee Tíquico xi 'an 'ño ndaà matsjake nga jè ndaà síhját'aà-na koa ndaà nixákjoò-lajen Nainá.

⁸ Koi xá tìsikasén-nò nga keènojmi-nò xi it'aà tsajen kós'in tìtsajna-jen ko mé-ne nga kàtatsjá-nò nga'ño ts'e inìma-nò.

⁹ Tìkooá ya tìbáhijakoo Onésimo xi xita tsajòn, xi 'ndse ma it'aà ts'e Cristo. Nga xita kixi-né ko 'ño matsjacha-jen. Jñà keènojmi-nò mé kjoa xi tìma jindé.

¹⁰ Jè Aristarco xi taña tìtsajnaya-jen ndayá, tìsñixat'aà-nò. Ko jè Marcos xi ti xíjìn ma Bernabé tìkooá tìsñixat'aà-nò. Jyee kis'enojmi-nò it'aà ts'e Marcos; tsà ya kjichòkon-nò, t'een kjondaà ndaà chjoétjò.

¹¹ Tìkooá tìsñixat'aà-nò Jesús xi tìkoo Justo 'mì. Tà jñà-né xi xita judío xi mokjeiìn-là xi k'oas'in 'ño ndaà nchisíxako-na it'aà ts'e kjotìxoma-là Nainá ko 'ño ndaà sñehikon-na.

¹² Epafras, xi chí'nda-là Cristo, tìkooá tìsñixat'aà-nò nga xita tsajòn-nò. Kjit'aà nàchrjein bìtsi'batji-nò mé-ne nga ngui kixi kìtsajnaà koa ndaà kìtsajnandaà nga siktasòn mé xi mejèn-là Nainá.

¹³ 'An, ndaà tìbe nga jè Epafras 'ño síkájno xi it'aà tsajòn ko it'aà ts'e xita xi tìtsajna ján naxandá Laodicea ko xi tìtsajna ján naxandá Hierápolis.

¹⁴ Tìsñixat'aà-nò Lucas jè xi chíjìnxkii xi 'ño matsjacha-jen, tìkoo tìsñixat'aà-nò jè Demas.

¹⁵ Xi it'aà ts'an tìxat'aà-ná jñà 'ndsee xi tìtsajna ján naxandá Laodicea, ko jè chjoón tichjaá Ninfa, ko ngats'iì xita naxandá-là Cristo xi ya bixoña ni'ya-là.

¹⁶ K'e nga jye kixkejiìn-là xinguiqoo xojon jè, tìkooá kàtaxkejiìn-là naxandá-là Cristo xi tìtsajna ján Laodicea; koa jè xojon xi ts'e Laodicea tìkooá tìxkejiñò.

¹⁷ Koatìn-là jè Arquipo: kàtasíkitasòn xá xi kìtsjaà-là Cristo.

¹⁸ Nga jye tìfehèt'aà xojon jè, koò ndsaa tikjiì-nò 'an xi 'mì-na Pablo, nga tìsñixat'aà-nò. Tìkìtsjeèn nga ndayá tijná'ya. Jè kàtijnako-nò kjondaà-là Nainá. K'oa s'in kàtama.

Xojon carta-la San Pablo xi kiskiù ítjòn-la xita naxandá-la Cristo xi títsajna Tesalónica

Kó tsò Pablo nga síhixat'aà jñà xita naxandá-la Cristo xi títsajna Tesalónica

¹ Jñò xi xita naxandá-la Nainá maà xi títsajnaà ya naxandá Tesalónica nga ya títsajnakjòokoo Nainá xi Na'èn-ná ko jè Jesucristo xi otíxoma-ná, 'an xi 'mì-na Pablo títsanìhixot'aà-nòjen ko Silvano [tíjé-ne xi 'mì Silas] ko Timoteo. Nainá kátatsjá-nò kjondaà ko kjoa'nchán ya ijìin inìma-nò.

Kó tsò Pablo nga tsjá-la kjondaà Nainá

² K'e nga nokjoàt'aà-lajen Nainá, kjit'aà naxhrjein 'bii-lajen kjondaà it'aà tsajòn.
³ Bítseèn-najen nga nguixkon Nainá xi Na'èn-ná koni s'in nga títsanìxá, koiì kjoa-la nga mokjeiín-nò it'aà ts'e Cristo, tíkoo ndaa nìxá-là xita xi k'ejíi nga matsjacha, nga tíkoo kixi títsajnaà nga títsachiñà-là Jesucristo xi otíxoma-ná.

⁴ Ndí 'ndsé, Nainá matsjakeè-nò. Ya-nájen nga xó k'oas'in jaajìin-nò nga xita naxandá-la komaà.

⁵ Nga jè 'én ndaa-la Nainá xi kjoa ts'e Cristo xi tsibènjmí-nòjen, mìtsà ta 'én tsajen xi kinokjoàko-nòjen. Jè Inìma Tsjeè-la Nainá kitsjaà-najen nga'nò, ko tíkoo 'nò ndaa kjòchiya-najen nga ngui kixi kjoa. Jñò, ndaa ki'yaà k'e nga ya tsakítsajna-jen, ndaa kinìchját'aà-nòjen xi kjondaà tsajòn.

⁶ Jñò, k'oagá s'in ki'nè koni s'in ki'nè-jen ko koni s'in s'in Cristo. Jè Inìma Tsjeè-la Nainá kitsjaà-nò kjotsja nga komà kichjoétjò 'én-la Nainá nas'in 'nò tse kjo'in tsatjioòn.

⁷ K'oagá ma-ne jñò tsakoò jngoò-là kjoa xi ndaa tjin nga kiskingui ngats'ii xita xi jye kòkjeiín-la 'én-la Nainá ya nangui Macedonia ko Acaya.

⁸ Nga yaá kjòts'ia-ne it'aà tsajòn nga tsabìsòn jè 'én ndaa-la Na'èn-ná; mìtsà tà ya nangui Macedonia ko Acaya; xki xi ján kina'ya-la nga jñò, ndaa mokjeiín-nò it'aà ts'e Nainá. K'oagá ma-ne nga mì tì kii mochjeèn-ne nga ngajen kènojmi-lajen xita it'aà tsajòn, nga jyeé beè-nò xita.

⁹ Nga tijnà bénojmi-ne nga ndaa kichjoétjò-nájen k'e nga ijchochoòn-nòjen. Tíkooá tsò-né nga jñò jyeé kinikìjna kjoa ts'e xkòsòn. I'ndej jyeé ya tjaat'aà-là xi ngui jè sobà Nainá xi kixi kjoa nga tijnakon.

¹⁰ Tíkooá bénojmi-né nga títsachiñà-là Ki'ndí-la Nainá nga kitjojen ijngoò k'a-ne ngajmii, jè xi tíjé-ne Jesús xi Nainá kisikjaáya-la k'e nga k'en, nga jè-né xi kochrjekajìin-ná kjo'in ts'e kjoajti-la Nainá xi sa nchrobá.

2

Xá xi kis'iin Pablo ya naxandá Tesalónica

¹ Jñò ndí 'ndsé ko ndí tichjaá, 'ya-nò k'e nga ijchochón-nòjen mìtsà ta kjotjò.

² Nga jyeé ndaa tíjìin-nò koni s'in komat'in-jen ján naxandá Filipos, nga 'nò tse kjo'in kinìkjeiín-jen; 'nò kijtseetòon-najen xita; tanga Nainá kisichját'aà-najen nga kitsjaà-najen nga 'nò nga komà tsanguì-jen ya naxandá-nò nga komà tsibènojmi-nòjen 'én ndaa-la Nainá nas'in 'nò kjin ma kondra-najen.

³ Nga 'én kixi kinokjoàya-jen, mìtsà jò tjin inìma-najen nga tsibènojmi-nòjen, tíkoo mìtsà xita kichonachan-lajen.

⁴ Nga Nainá jyeé kiskoòt'aà-najen ko k'oagá kitsò nga ok'in-najen nga ngajen kjòngatsja-jen 'én ndaa-la Nainá xi kjoa ts'e Cristo mé-ne nga koma kinòkjoaya-jen. Mìtsà jè xi mejèn-najen nga ndaa kítsajna-jen nguixkon xita; jè-né nga ndaa kítsajna-jen nguixkon Nainá nga jè xi tibeè inìma-ná.

⁵ Jyeé ndaa tíjìin-nò nga mìtsà 'én tsjén nokjoà-jen koni tsà mé xi mejèn-najen nga k'oj-nájen, tíkooá mìtsà tòn binchaàtsji'ma-jen. Kjoa koi, Nainá tibeè-né.

⁶ Mìtsà jè binchaàtsji-jen nga jñò, ko xita xi k'ejíi, nga 'nga sjikítsajna-nájen. Tsà jin xi mejèn-najen nga tsibìnè-nòjen kjotixoma xi tjin-najen nga it'aà ts'e Cristo kisixáya-najen, komaà-la okinìko-nòjen.

⁷ Tanga mìtsà kòs'in kinìko-nòjen. Ta saá k'oas'in kinìko-nòjen koni ndíixti. K'oagá ngaya-la koni jngoò ne xi síkaki ixti-la nga ndaa síjchá ixti-la.

⁸ 'Nò tjòcha ki'ya-nòjen. K'oagá ma-ne nga ko kjotsja-najen tsibènojmi-nòjen 'én ndaa-la Nainá xi kjoa ts'e Cristo. Tíkooá matsjaà-najen nga ndaa kinìko-nòjen nita mé kjoa xi komat'ioòn ta koiì kjoa-la nga 'nò matsjacha-nòjen.

⁹ Ndi 'ndsè kò ndí tichjaá, bítsjeèn-nò kós'ín kinixá-jen nga binchaàtsji'a-jen yijo-najen. Kò nachrjein kò nítjen nixá-jen, mé-ne nga mì jñò sjiti-nòjen jñà nachrjein k'è nga kinokjoàyajiiin-nòjen 'én ndaa-la Nainá.

¹⁰ Jñò, ndaa ki'yaá, tìkooá Nainá kítseè-né, nga ngajen ndaa kinikò-nòjen. K'oaá s'ín kinikò-nòjen koni s'ín sasèn-la Nainá koni s'ín tjin xi kjoa kixi. Kò nyá xi jé kòònè-najen koni s'ín kinikò-nòjen jñò xi mokjeiin-nò 'én ndaa-la Nainá.

¹¹ Tìkooá jyeé ndaa tjiin-nò nga jen, ndaa kinikò-nòjen nga jngoo òjngoo koni s'ín síkò jxti-la jngoo xita xi na'èn ma.

¹² Kinije ikon-nòjen kooa kini'ñòjiiin-jen takòn kò k'oas'ín tsibinè-nòjen nga k'oas'ín s'een koni s'ín ok'in-la xi xita-la Nainá ma; nga jè-né xi sík'i'nchré-nò nga ya tìtsajnajiiin-la xita xi jye jé tìhotixoma-la kò tìkooa ya tìtsajnajiiinò kjoajeya-la.

¹³ Kjit'aà nachrjein 'bii-lajen kjonda Nainá koni s'ín ndaa kichjoétjò 'én-la nga mìtsà k'oas'ín kichjoétjò koni 'én-la xi taxki xita. K'oaá s'ín kichjoétjò koni tjin xi ngui kjoa kixi nga 'én-la Nainá-né. Jñà 'én koi, tí'yaá-la nga nchisixájiin inima-nò jñò xi mokjeiin-nò.

¹⁴ Jñò ndi 'ndsè kò ndí tichjaá, k'oaá s'ín komat'ioòn koni s'ín komat'in jñà xita naxandá-la Nainá xi mokjeiin-la it'aà ts'è Cristo Jesús xi tìtsajna ján nangui Judea. Tijnà-ne xita naxandá judío xikjin kùtjingui kondra-la. Jñò tijnà-ne xita naxandá tsajòn kùtjingui kondra-nò.

¹⁵ Jñà xita judío kisik'en Na'èn-ná Jesús kò tijnà-ne xita jchinga-la kisik'en jñà xita xi kiichjaya ngajo-la Nainá kjòtseé. I'nde, tákò k'oaá síkò-najen nga fitjingui kondra-najen. Nainá mìkii sasèn-la kjoa xi s'ín xita koi, ngui kondraá fi-la ngats'ii kjoa,

¹⁶ nga mìkii tsjá'nde nga nokjoa-lajen jñà xi mìtsà xita judío mé-ne nga tìkooa kùtjokajiiin-ne kjo'in. K'oaá ma-ne xita koi, skanda nchisikatonè-la nga ótsji jé-la yijo-la. Jyeé kjomeé f'iiikanè-la kjo'in xi tìkò kjojtì-la Nainá.

Kò kitsò Pablo nga mejèn-la kjikon jñà xita-la Cristo xi tìtsajna ya naxandá Tesalónica

¹⁷ 'Ndsé kò tichjaá, k'è nga chinchat'aàxin chiba nachrjein-nòjen, nas'ín mì tì kii kiyaxkon-ná xinguiáá, ngajen 'ñò níksitjeèn-nòjen. 'Ñó mejèn-najen nga onguichoòn-nòjen.

¹⁸ Mejèn tsangui-jen. 'An xi 'mì-nà Pablo, kjin k'a mejèn kiaá, tanga jé xita neii mìkii kitsjaá'nde-najen.

¹⁹ Kjoa tsajòn-nò nga tìtsachiñá-lajen nga 'ñó kòtsja-najen kò nga ndaa kùtjò-jen k'è nga kjoii òjngoo k'a Na'èn-ná Jesucristo.

²⁰ Kixii kjoa it'aà tsajòn-nò nga ndaa kùtjongui-jen kò nga s'è-najen kjoa tsja.

3

Mé-ne ya kinikasén-ne Timoteo ján naxandá Tesalónica

¹ K'è nga mì tì kii komá kichikjoa isa-najen nga mejèn-najen sjiin-najen kó s'ín tìtsajnaá ján Tesalónica, k'oaá komá-ne nga kichibaya-najen nga kinikasén-jen jé 'ndsé Timoteo, kò ngajen yaá tsitsajna-jen Atenas.

² Kinikasén-jen jé 'ndsé Timoteo, chi'nda-la Nainá-né nga tìkooá chjaya 'én ndaa-la Nainá xi kjoa ts'è Cristo koni ngajen. Koií xá kiiikon-nò mé-ne nga kàtatsjá-isa-nò nga'ñò nga isa 'ñò ndaa kixi kùtsajnaá koni s'ín mokjeiin-nò,

³ mé-ne nga njngoo xi sihindaá-ne kjoa ts'è kjo'in xi tìtsanikjioón. Jñò, jyeé ndaa tjiin-nò nga k'oaá s'ín tjinè-la nga kòs'ín komat'iaán.

⁴ K'è nga tisa ya tìtsajnakò-nòjen, k'oaá k'i-mì-nòjen nga kjo'iin s'è-ná. I'nde, jyeé tisa'yaá nga k'oaá s'ín timat'ioòn.

⁵ Koií kjoa-la nga mì tì kii kiskoòñà kjoa-na; kisikasén Timoteo nga mejèn-na skoeé kós'ín tìtsajnakoo jé 'én xi mokjeiin-nò. Timakájno-na tsá jye kiskoònachan-nò jé xita neii. Tsá koií nachrjein-la, xá xi k'i-nè-jen, tsá ta kichijá-né.

⁶ I'nde, jé Timoteo jyeé j'ii-ne nga kii Tesalónica; ndaa tsò okixi xi 'ya-najen it'aà tsajòn koni s'ín mokjeiin-nò kò nga tjin-nò kjòtsjacha. K'oaá s'ín tsibénomí-najen nga kjit'aà nachrjein tsjaá ma-nò nga níksitjeèn-nájén. Tìkooá mejèn-nò nga jchaxkoòn-nájén koni ngajen tìkooá mejèn-najen jchaxkoòn-nòjen.

⁷ K'oaá ma-ne ndi 'ndsé kò ndí tichjaá, nas'ín kjo'in kò kjoa kondra tìtsajnajiiin-jen, k'è nga kina'ya-jen it'aà tsajòn nga 'ñó ndaa mokjeiin-nò it'aà ts'è Cristo, tìkooá ngajen, 'ñó ndaa kjòtsja-najen.

⁸ K'è nga kina'ya-jen nga kixi onguít'aà-la Na'èn-ná, ngajen jyeé mì tì mé makájno-najen. ⁹ Ngajen, 'ñó tse kjòtsja tjin-najen nga nguixkon Nainá xi kjoa tsajòn skanda mì-la kii kjoehet'aà nachrjein nga k'oi-lajen kjonda Nainá.

¹⁰ Kò nachrjein kò nítjen nokjoat'aà-lajen Nainá mé-ne nga tsjá'nde-ne nga koma konguichoòn-nòjen. Tìkooa koma kòkòya-isa-nòjen mé-ne nga kojngoo-ne 'én xi chijat'aà-nò koni s'ín mokjeiin-nò.

Kjoa bítsi'ba-la Pablo

¹¹ Mejèn-najen nga tjiè-ne Na'èn-ná xi Nainá ko jè Jesucristo xi otíxoma-ná, kátatsjá'nde-najen nga koma konguichoòn-nòjen.

¹² Jè kjotsjacha-la Na'èn-ná isa ndaà kátasijiln iníma-nò, mé-ne nga isa ndaà kotsjacha-nò xinguiòo ko ngats'ii xita xi kj'eji, koni ngajen, ndaà matsjacha-nòjen.

¹³ Jè Na'èn-ná kátatsjá-la nga'ño iníma-nò mé-ne nga nímé jé sakòt'aà-nò ko tsjeè kítsajnaà nga nguixkon Nainá xi Na'èn-ná k'e nga kjoii jngoo k'a-ne Jesucristo xi otíxoma-ná nga tjiko ngats'ii xi ya chja-ne.

4*Kjoa xi sasén-la Nainá*

¹ Ndi 'ndsé ko ndí tichjaá, k'oaá s'in tsakoóya-nòjen nga k'oas'in sijchá yijo-nò koni s'in sasén-la Nainá. Ko kixi kjoa, jyeé kos'in títsa'né. Tanga l'ndej bítsi'ba-nòjen tikoá binè-nòjen it'aà ts'e Jesús xi otíxoma-ná nga isa'ño ndaà tji-là nga'ño yijo-nò nga kos'in tiktasón.

² Jyeé tjiin-nò kó s'in tjin kjotíxoma xi kits'ii-nòjen koni s'in kitsjaá-najen Jesucristo xi otíxoma-ná.

³ Jè xi mejèn-la Nainá nga ngui tsjeè sijchá yijo-nò, mi tì kjoa chijngui sis'in-là.

⁴ Nga jngoo jngoo-nò tìkindaa yijo-nò; k'oas'in tìkjeén nga ngui tsjeè títsajna koni s'in sasén-la Nainá.

⁵ Kì biì'nde-là nga síkijne-nò jña kjoa ch'o xi sjé yijo-nò koni s'in jña xita xi mikii beèxkon Nainá.

⁶ Jño xi 'ndsé chibá it'aà ts'e Cristo, k'oaá tjin kjoa xi kaajñoò mé-ne nga mi xinguiòo chónachan-là nga mi xinguiòo jchatoòn. Tsá k'oas'in s'een, kjo'iin tsjá-nò Nainá. Jyeé k'oas'in tsibènjmí-nòjen.

⁷ Nainá mìtsá koi xá kichja-ná nga ch'o s'eéen, jè xi mejèn-la nga tsjeè kítsajnaà.

⁸ Jè xi ochrjekàngui kjoa koi, mìtsá kjohítsjeen ts'e xita ochrjekàngui, kjohítsjeen ts'e Nainá ochrjekàngui; nga jè xi tsjá-nò Iníma Tsjeè-la.

⁹ Mikii mochjeén nga xojon skiit'aà-isa-nò xi ts'e kjoatjòcha. Nainá jye tsakóya-nò kós'in sjtjòchaà xinguiòo nga jngoo jngoo.

¹⁰ Jyeé kos'in títsa'né nga matsjacha ngats'ii xita xinguiòo xi títsajna kóhokji ya nangui Macedonia. Tanga k'oaá s'in bitsi'ba-nòjen nga isa ndaà títsajcha xinguiòo.

¹¹ Timè-là yijo-nò nga 'nchán títsajna, k'oaá-la xinguiòo chingajñoò, t'een xá-nò koni tjin xá xi ma-nò, koni s'in jye k'imi-nòjen ngats'ii kjoa koi.

¹² Mé-ne nga skoèxkón-nò jña xita xi mikii mokjeiin-la 'én-la Nainá. Koá jño, nímé chijat'aà-nò.

K'e nga kjoii jngoo k'a-ne Na'èn-ná Jesucristo

¹³ Ndi 'ndsé ko ndí tichjaá, mejèn-najen nga kátasijiln-nò mé kjoa xi mat'in jngoo xita xi biyaà, mé-ne nga mi kobaá-nò koni jña xita xi nímé nchikoña-la.

¹⁴ Koni s'in mokjeiin-ná nga Jesús k'en, ikjoàn jaáya-la, k'oaá tís'in mokjeiin-ná nga Nainá sjikjaáya-la xita xi jye k'en, jña xi mokjeiin-la it'aà ts'e Jesús.

¹⁵ Nga koií 'én bènjmíya-jen koni tsò 'én xi tsibjina Jesús nga jña xi títsajnakoaañ skanda k'e nga kjoii jngoo k'a Na'èn-ná Jesucristo, mìtsá jña kjiin ítjòn-lá jña xi jye k'en.

¹⁶ Nga jè sobá Na'èn-ná kitjojen jngoo k'a-ne ngajmii; 'ño kichja nga tsjá okixi, kina'ya jngoo-la jta ts'e àkjale ítjòn, ko kina'ya-la chrjo-la Nainá; ikjoàn jña xita xi jye k'en nga mokjeiin-la it'aà ts'e Cristo, kjoaáya ítjòn-la.

¹⁷ Ikjoàn jña xi tákò títsajnakoaañ jè nachrjein jè, yaá tjámijin-tjen-koá jjiin ifi nga kixokjoá Nainá ya jjiin isén. K'oaá s'in koma nga ya kítsajnakoá Nainá nita mé nachrjein-ne.

¹⁸ K'oaá ma-ne nga tije takón xinguiòo nga tènójmíya-là koni tsò jña 'én koi.

5

¹ Ndi 'ndsé ko ndí tichjaá, mikii mochjeén nga xojon sjt'aà-nò mé nachrjein-ne nga okoma.

² Jño, nga jyeé ndaà tjiin-nò, jè nachrjein k'e nga kjoii jngoo k'a Na'èn-ná Jesucristo, k'oaá s'in kjoii koni jngoo xita chijé xi f'ii nga nütjen k'e nga nyá xi nchikoña-la.

³ K'e nga kitsjo jña xita: "Nchán títsajnaà, nímé kjoa tjin." K'eé tà nitoón kitjojenè-la kjoxkón koni s'in mat'in jngoo chjoón xi bijchó nachrjein-la nga ki'ndi'beé, mikii kojno-la.

⁴ Tanga jño ndí 'ndsé ko ndí tichjaá, mìtsá jjiin jño títsajnaà jño. Ko k'oaá ma-ne nga mi k'oaá s'in komat'ioón jè nachrjein jè, koni ma k'e nga ta nitoón fi jngoo xita chijé.

⁵ Tanga jño, ngats'ioò, iseèn choòn nándá títsajnaà, ko nachrjein-né. Nga jña, mìtsá jjiin jño títsajnaà ko mìtsá nütjen títsajnaà.

⁶ K'oaá ma-ne nga mìkìl k'oa s'eén koni s'in xita xi k'ejí nga mì titsajnándaà-jèn mé kjoa xi tjín k'oaá ngaya-la koni tsà kjiyijòfè. Mochjeén-né nga kitsajnándaá koni jngoò xita xi tijnakon, xi ngui ndaà tjín ikon.

⁷ Nga jña xita xi oyijòfè, k'eé oyijòfè k'e nga jño. Kò jña xi mach'i, k'eé mach'i k'e nga jño.

⁸ Tanga jña, yaá titsajnaá ñánda iseèn choón. K'oaá ma-ne nga ndaà sjíchá yijo-ná. Jè 'én xi mokjeiín-ná kò jè kjoatjòcha, jña kosìkò inima-ná koni jngoò soldado xi ndaà kijtsa inima-la jè chrjoa xi 'mì coraza. Kò k'e nga ngui tijnogoò takoán nga chiñá-lá jè nachrjein k'e nga kitjokajñaá kjo'in, jè ngaya-la tsí'nguién kicha xi osìkò skò soldado.

⁹ Nainá mìtsà koi xá jaajiín-ná nga kjo'in tsjá-ná, jé-né nga kitjokajñaá kjo'in it'aà ts'e Jesucristo xi otixoma-ná.

¹⁰ Nga jè k'en ngajo-ná mé-ne k'e nga kjoíí ijngoò k'a-ne, tsà titsajnákoaán, kò tsà jye k'eén, yaá kitsajnákoaá.

¹¹ K'oaá ma-ne nga tjetakòn kò tjii-la nga'ño xinguiòo koni s'in jye titsa'nè.

Kjotixoma xi kitsjaá Pablo

¹² Ndi 'ndsè kò ndí tichjaá, ñjé-nòjen kjondaá, jchaxkón xita xi síxako-nò nga jña titsajna itjòn ya jjiín naxandá-la Nainá kò nga okóya-nò.

¹³ Ndaà jchaxkón tikoá ndaà titsjacha xita koi, jè kjoa-la xá xi s'in. 'Nchán titsajnakoo xinguiòo.

¹⁴ K'oaá tís'in bìtsi'ba-nòjen ndí 'ndsè kò ndí tichjaá, kòt'in-là nga kàtasíxá jña xita xi ta jyò tjíma nga majín-la síxá; tí'ño ikon jña xi indaà tjín ikon; tichját'aa-là jña xi tsjín-la nga'ño ya jjiín inima-la; kò kàtas'e-nò kjoatsejta it'aà ts'e ngats'ìi xita-la Nainá.

¹⁵ Tsà k'e nga mé kjoa xi ch'o síkò-nò xita xi k'ejí, tìkindaa xinguiòo nga mì sijnnda ngajo-ne. Tà saá tinè-là yijo-nò nga kjit'aà nachrjein ndaà tìkoo xinguiòo kò ngats'ìi xita xi k'ejí.

¹⁶ Kjit'aà nachrjein tsja t'è-là inima-nò.

¹⁷ Tìtsi'ba kjit'aà-là Nainá.

¹⁸ Njta mé kjoa-ne, tjii kjit'aà-là kjondaá Nainá. K'oaá s'in mejèn-la Nainá nga k'oas'in s'eén ngats'ioò xi mokjeiín-nò it'aà ts'e Cristo Jesús.

¹⁹ Kì bichjoá ikòn-là xá xi s'in Inima Tsjeè-la Nainá.

²⁰ Kì nachrjekànguiòò 'én-la xita xi chja ngajo-la Nainá.

²¹ Ndaà ndaà chí't'aà yije ngats'ìi 'én. Jña tìkìtsajnatjò xi ndaà tsò.

²² Ngats'ìi xi ch'o tsò, kì kii nikitasòn.

²³ Jè Nainá xi tsjá kjoa'nchán, jngoò k'a tsjeè kàtasíkìtsajna-nò. Ndaà kàtasíkìnda inima-nò, yijo-nò kò kjòhìtsjeèn-nò mé-ne nga ñimé jé s'e-nò jè nachrjein k'e nga kjoíí ijngoò k'a jè Jesucristo xi otixoma-ná.

²⁴ Nga xita kixi-né jè Nainá xi xó kùichja-nò, sijkitasòn yijeé kjoa koi.

Kó kitsò Pablo nga síhixat'aà xita

²⁵ 'Ndseé kò tichjaá, tìtsi'batjì-nájen.

²⁶ Tjixot'aà ngats'ìi xita 'ndseé nga ngui kò inima-nò.

²⁷ 'An, tsja-nò okixi nga nguixkòn Na'èn-ná nga kàtaxkejìin-la xojon jè ngats'ìi xita naxandá-la Nainá.

²⁸ Jè kàtijnako-nò kjondaá-la Jesucristo xi otixoma-ná.

Xojon carta-la San Pablo xi ma-ne jò xi kiski-la xita naxandá-la Cristo xi títsajna Tesalónica

Kó tsò Pablo nga síhixat'aà jñà xita naxandá-la Cristo xi títsajna Tesalónica

¹ Jñò xi xita naxandá-la Nainá maà xi títsajnaa ya naxandá Tesalónica nga ya títsajnakjòokoo Nainá xi Na'èn-ná ko jè Jesucristo xi otíxoma-ná, 'an xi 'mì-na Pablo títsanìhixot'aà-nòjen ko Silvano [tíjé-ne xi 'mì Silas] ko Timoteo.

² Nainá xi Na'èn-ná, ko jè Jesucristo xi otíxoma-ná kátatsjá-nò kjondaà ko kjoa'nchán ya jjiin inima-nò.

Kó tsò Pablo nga tsjá-la kjondaà Nainá

³ Ndí 'ndseé ko tichjaá mochjeén-nè nga kjit'aà nachrjein k'oií-lajen kjondaà Nainá xi it'aà tsajòn. Ndaà tjín nga k'oas'in s'en-jen, koií kjoa-la nga nachrjein inchijòn isa ndaa mokjeiin-nò ko isa ndaa matsjacha xinguióo nga jngoo l'ngoo.

⁴ K'oaá ma-ne nga ndaa matsja-najen it'aà tsajòn; k'oaá s'in bènojmi-lajen jñà xita naxandá-la Cristo xi xìn nangui títsajna nga jñò, ndaa mokjeiin-nò ko ndaa chúkjoako-nò nas'in 'ño fi tjingui kondra-nò xita ko nas'in kjo'in títsanìkjoóon.

⁵ Ngats'ii kjoa koi, Nainá k'oaá s'in okó nga kixi koiindaajiin; ko k'oaá ma-ne nga jñò, ok'in-nò nga ya kítsajnajiiin-là xita xi jè tíhotíxoma-la, nga tíkoi-ne kjoa-la Nainá nga kjo'in títsanìkjoóon.

⁶ Nainá, xita kixi-né nga tsjá-la kjo'in jñà xita xi kjo'in tsjá-nò.

⁷ Ko jñò xi kjo'in títsanìkjoóon, tsjá-nò kjoa'nchán ko ngajen, k'e nga kjinchrobàjen ngajmii Jesucristo xi otíxoma, tíkjo akjale-la xi 'ño tse nga'ño tjín-la nga kjinchrobàjen jiiin ní'in.

⁸ Nainá tsjá-la kjo'in jñà xita xi mikii beèxkón nì mikii síkitasòn 'en ndaa-la Nainá xi kjoa ts'e Jesucristo xi otíxoma-ná.

⁹ Xita koi, 'ño tse kjo'in síkjeiin nita kjé-ne; mì yaá kítsajna nguixkòn Na'èn-ná, ko mikii skoe kjoajeya-la xi 'ño tse nga'ño tjín-la.

¹⁰ Kjoa koi, k'oaá s'in koma jè nachrjein k'e nga kítjojen l'ngoo k'a Na'èn-ná mé-ne nga it'aà ts'e xita-la jeya k'jna-ne ko ngats'ii xita xi mokjeiin-la it'aà ts'e, ta koxkón-la. Tíkooá jñò yaá kítsajnaa, koi kjoa-la nga kòkjeiin-nò koni s'in tsibènojmi-nòjen.

¹¹ K'oaá ma-ne nga kjit'aà nachrjein bítsi'ba-lajen Nainá it'aà tsajòn, mé-ne nga Nainá kítsò nga ok'in-nò nga ya kíno'kjoa-nò naxandá-la nga xó k'oaá s'in kíchja-nò. Nga ko nga'ño-la kátasíkitasòn ngats'ii kjondaà xi jñò sasén-nò ko xá xi 'nè nga Na'èn-ná ma'ñót'aà takòn.

¹² K'oaá s'in koma nga it'aà tsajòn jeya k'jna Jesucristo xi otíxoma-ná. Tíkooá jè ndaa síkítsajna-nò koni s'in tjín-la kjondaà jè Nainá ko jè Jesucristo xi otíxoma-ná.

2

K'e nga kjoíi l'ngoo k'a-ne Jesucristo

¹ Ndí 'ndseé ko tichjaá, i'ndeí jè kènojmi-nòjen kó s'in koma k'e nga kjoíi l'ngoo k'a Jesucristo xi otíxoma-ná ko k'e nga ya koxkóyat'aà-lá. K'oaá ma-ne bítsi'ba-nòjen

² tsá ya xita xi kítsò-nò nga jyeé j'ii l'ngoo k'a Jesucristo, ki tà nítòn mokjeiin-nò; ki tsakjoon-là tsá ya xita xi kítsò-nò: k'oaá tsò 'en-la Nainá xi kjòngatsja Pablo; k'oaá s'in chjaya, ko k'oaá s'in kisikasén jngoo xojon.

³ Ki ya xita xi konachan-nò. Nga jè nachrjein k'e nga okoma, itjòn s'e nachrjein nga jñà xita, 'ño kondra kítsajna-la Nainá. Ikjoàn ta nítòon kotsejèn jè xita xi 'ño ch'o s'iiin, jè xi tjínè-la nga kjo'in síkjeiin nita kjé-ne.

⁴ Xita jè, jè xi kondra k'jna-la ngats'ii xi Nainá tsò-la xita ko nita mé-isa-ne xi beèxkón nga jè mejèn-la k'jna itjòn. Skanda yaá k'jnaya jngoo itjòn-la Nainá koni tsá jè sobà Nainá, k'oaá kítsò-la yijo-la nga Nainá jè.

⁵ ¿A mì bítsjeèn-nò k'e nga sa ya tshóhótijnako-nò, k'oaá kixan-nò nga k'oaá s'in koma?

⁶ I'ndeí jye tíjiiin-nò mé kjoa xi bíchjoá ikòn-la xita jè nga mì xátí f'ii; skanda k'eé kjoíi k'e nga kíchóya nachrjein-la.

⁷ Jè nga'ño-la kjoach'o, jyeé tísíxá'ma i isò'nde, tanga tíjna jngoo xi tíjna ikòn nga mikii tsjá'nde ko ta jè chíja nga tjáxin.

⁸ Ko ikjoàn k'eé kotsejèn jè xita xi ch'o s'in. Tanga Jesucristo xi otíxoma, ta jngoo 'en kíchja nga tsjá-la kjo'in nita kjé-ne. Tà ma tà jè nga ote kji nga kjoíi, jngoo k'a kjoaáxin nga'ño-la.

⁹ K'e nga kjoíi jè xita xi ch'o s'in, jè xita neíi tsjá-la nga'ño nga kjin skaya kjoaxkón kòkò xi mítsá kixi kjoa.

¹⁰ Sijikeén yije kjoa xi ch'o tjin nga skónachan-lá xita xi kjo'in sijikeiín nita kjé-ne, koií kjoa-lá nga jñà xita koi mikii matsjakeè xi kjoa kixi xi ma kitjokajiiin-ne kjo'in kjoa ts'e jé-la.

¹¹ K'oaa ma-ne Nainá tsjá'nde-né nga tjna jngoò xi skónachan-lá xita koi, mé-ne kátakjeiín-lá kjoa ndiso,

¹² nga kátas'e-lá kjo'in ngats'ií xi mikii mokjeiín-lá kjoa kixi. Nguì ta kjoa ch'oo sasén-lá.

Mé kjoa-ne nga jaajiiin-ná Nainá

¹³ Ndi 'ndsé ko ndí tichjaá, mochjeén-né nga kjit'aà nachrjein 'biilajen kjondaà Nainá xi it'aà tsajón xi 'ño matsjakeè-nò Na'èn-ná, nga xó k'oaa s'in jaajiiin-nò Nainá kóni nga tisa tàts'en-lá kjoa, mé-ne nga kitjokajiiinò-nò kjo'in, nga jé Inima Tsjeé-lá Nainá sítseeya-nò ko nga ndaa mokjeiín-nò xi kjoa kixi.

¹⁴ Xó k'oaa s'in kiichja-nò Nainá it'aà ts'e 'én ndaa-lá Nainá xi kjoa ts'e Cristo xi ngajen nokjoaya-jen, mé-ne nga jñò, tikoá s'e-nò kjoajeya-lá Jesucristo, jé xi otixoma-ná.

¹⁵ Ndi 'ndsé ko tichjaá, k'oaa s'in kixi títajna. Ki nijchajiiin-jèn jñà 'én kixi-lá Cristo xi ngajen kinikatoya-nòjen, jñà xi ta 'én kinokjoa-nòjen ko xi xojon carta tsakòoya-nòjen.

¹⁶ 'Aán síjét'aà-lá Jesucristo, jé xi otixoma-ná ko jé Nainá xi Na'èn-ná, jé xi 'ño matsjakeè-ná nga tsjá-ná kjoajetakòn-lá xi mikii kjoehet'aà, ko tsjá kjetjò-ná kjondaà-lá nga tijnò takoán nga títachiií-lá.

¹⁷ K'oaa s'in síjét'aà-lá nga isa tse nga'ño kátatsjá-lá inima-nò mé-ne nga isa kixi kítajnaà kóni s'in 'né kjoa xi ndaa tjin ko kóni s'in nokjoa 'én xi ndaa tsò.

3

K'oaa tsò Pablo nga mejèn-lá sítis'batji

¹ Xi fehet'aà-ne ndí 'ndsé ko ndí tichjaá, títis'batji-nájen mé-ne jé 'én-lá Nainá niton xki xi ján katijchó, tikoá ndaa káteèxkón jñà xita xi skoétjò 'én kóni s'in ki'nè jñò nga ndaa kiyaxkón.

² Tikoá títis'batji-nájen mé-ne nga jé Na'èn-ná ki kii tsjá'nde nga ch'o sijkò-najen xita ts'en ko xi ch'o s'in, nga mi ta ngats'ií xita mokjeiín-lá.

³ Na'èn-ná xita kixi-né, síkitasón 'én-lá, kixi sijkítajna-nò tikoá sijkinda-nò mé-ne nga mi ch'o sijkò-nò jé xita nejí.

⁴ Nga it'aà ts'e Na'èn-ná mokjeiín-najen nga títanikitasón-nò kóni s'in títahotixoma-nòjen ko tákò k'oaa s'in s'een-isa.

⁵ 'É Na'èn-ná kátasichját'aà-nò nga kòs'in tjòcha jchaa xinguiqo kóni s'in tjòkeè kijtseè-nò Nainá; ko nga kátachikjoako-nò kjo'in kóni s'in kichikjoako-lá Cristo.

Mochjeén-né nga kátasíxá jñà xita

⁶ Ndi 'ndsé ko ndí tichjaá, k'oaa s'in binè-nòjen, it'aà ts'e Na'èn-ná Jesucristo, ki ti ya tsjahitako-nò jñà xita 'ndseé ko tichjaá xi majin-lá síxá, jñà xi mikii k'oas'in síkitasón kóni s'in tjin kjoa kixi xi ngajen kinikatoya-nòjen.

⁷ Jñò, jyeé tjiin-nò nga mochjeén-né nga chjinguí-nájen kóni s'in ki'nè-jen k'e nga ya tsitsajna-nòjen; mi jyò tsitsajna-jen, kinixá-nájen.

⁸ Mítsà ta kjetjò chichi-jen. Ta saá 'ño kinixá-jen ko nachrjein ko nitjen kinikijta-jen yijo-najen, mé-ne nga mi jñò sijti-nòjen.

⁹ Kinixá-nájen nas'in tji'nde-najen nga sjje-nòjen mé tsojmi xi mochjeén-najen. Jé xi mejèn-najen nga chjinguí-nájen mé-ne k'oaa tís'in s'een kóni 'né-jen.

¹⁰ K'e nga tsitsajna-nòjen k'oaa s'in ki'mi-nòjen: Tsà jngoò xita xi majin-lá síxá, tikoá mikii tji'nde-lá nga kokjen.

¹¹ Jyeé kina'yá-jen nga tjiimajiiin i'nga xita xi majin-lá síxá nga ta jyò binchima, nga ta jñà chjajiiin chja'a ñánda mi jñà oko-lá.

¹² Jñà xita koi, it'aà ts'e Jesucristo xi otixoma-ná, k'oaa s'in bitsi'ba-lajen, tikoá binè-lajen nga kátasíxá, mé-ne nga kátátsji'a-ne yijo-lá.

¹³ Jñò ndí 'ndsé ko ndí tichjaá, ki biyta-nò nga ndaa 'né.

¹⁴ Tsà tjin i'nga xi mikii síkitasón kóni tsò xojon jé, chítsejen-lá yá-né, ki yaá báhihtakoo, mé-ne nga kòsobà-lá.

¹⁵ Tanga ki k'oaa s'in nikoo kóni jngoò xita kondra, k'oaa s'in tènójmíya-lá nga 'én ndaa chikoo nga 'ndseé chibá.

'Én xi fehet'aà-ne

¹⁶ Tije-ne Na'èn-ná xi tsjá kjoa'nchán, kjit'aà nachrjein kátatsjá-nò kjoa'nchán nita mé kjoa-ne. Na'èn-ná kátijnako-nò ngats'ioò.

¹⁷ Nga jye tifehet'aà xojon jé, koo ndsa tikjil-nò 'an xi 'mi-na Pablo, nga tisihiat'aà-nò. Nga k'oas'in s'laan firma-na, ko k'oaa s'in kjlaa.

¹⁸ Ngats'ioò, jé kátijnako-nò kjondaà-lá Jesucristo xi otixoma-ná.

Xojon carta-la San Pablo xi kiskii ítòn-la jè Timoteo

Kó tsò Pablo nga síhixat'aà Timoteo

¹ 'An, Pablo, tikjil-lè xojon jè, nga 'an tsibixáya-na Jesucristo, nga k'oas'ín kitsjaà okixi Nainá xi ochrjekàjiln-ná kjo'in ko Na'èn-ná Jesucristo nga titsachiñá-lá kjondaà-la.

² Ngaji Timoteo, koni tsá ki'ndí ts'an xan-lè nga 'an tsakooyandaà-lè koni s'ín mokjeiin-ná ít'aà ts'e Cristo. Nainá xi Na'èn-ná ko Na'èn-ná Jesucristo kátatsjá-lè kjondaà, kàtahimakeè-lè, kàtas'e-la kjoa' nchán jjiin inima-lè.

Pablo tsibinè-la Timoteo nga síkixiya xita xi k'ejí kjohitsjeèn okóya

³ Koni s'ín tsibitsi'ba-lè k'e nga kìaá nangui Macedonia, yaá tujni naxandá Efeso mé-ne nga kichakjaya-la xita xi mitsá 'én kixi nchihokóya jjiin naxandá-la Nainá.

⁴ Ngaji Timoteo, k'oaá s'ín tjinè-la jña xita koi, ki kii sí's'in-la cuento jchínga xi mitsá kixi kjoa tikoá ki kii sí's'in-la kjoa xi mikii fehet'aà ts'e xita jchínga kjòtseé. Kjoa koi nimé chjí-la. Tà síkjaán-kjóò-ná. Mí ki osikò-ná nga mokjeiin-ná ít'aà ts'e Cristo mé-ne nga koma síkitasoán koni s'ín mejèn-la Nainá.

⁵ Xá xi tibinè-lè, jè-né nga tsjeé tujna inima-ná, nga tsjeé tujn kjohitsjeèn-ná koa nga ngui ndaà mokjeiin-ná; yaá nchrobát'aà-ne nga sítjòchaá xinguiáá.

⁶ Tanga tujn i'nga xita xi xin ndiyá tujmaya; tà koi joóya-ne 'én xi nimé chjí-la.

⁷ Mejèn-la maestro ts'e kjotixoma-la Nainá kitsajna. Tanga tujña-ne, skanda mikii machiya-la 'én xi chja nga 'ño chja nga tsò nga kixi kjoa.

⁸ Tujiln-ná nga jè kjotixoma xi kitsjaà Nainá, ndaà tujn tsá k'oas'ín kochjeén koni s'ín mejèn-la Nainá.

⁹ 'Ya-ná, kjotixoma-la Nainá, mitsá ts'e jña xita xi ndaà s'ín. Ts'e-né jña xita xi mikii 'nchréñijon koa mikii síkitasòn; ts'e-né xita xi mikii beèxkón Nainá koa ótsji jé; ts'e-né xita xi mí tsjeé tujn kjohitsjeèn-la xi tjé beèhikon jè kjoatsjeé-la Nainá; ts'e-né xita xi sík'en na'èn-la ko nea-la, ko ngats'ii xita xi xita sík'en.

¹⁰ Tikoá ts'e-né jña xita xi kjoa chingui s'ín, jña xi xita xa'nda, xita xi xikjín fikò chijé nga otujna. Tikoá ts'e-né jña xita ndiso ko xita xi mitsá 'én kixi chja, jña xita xi ch'o tujn kjoa xi s'ín xi kondra ts'e kjohitsjeèn xi kixi tujn.

¹¹ Jè kjohitsjeèn kixi, k'oaá tujn xi okóya jña 'én jeya-la Nainá xi kjoa ts'e Cristo. Nainá xi 'ño jeya tujna, jè kisingatsja-na nga 'an kichjaya 'én koi.

Mé kjoa-ne nga kitsjaà-la kjondaà Nainá jè Pablo

¹² Tsjaà-la kjondaà Na'èn-ná Jesucristo. Ndaà chjí-la nga kitsjaà-na nga'ño tikoá ndaà kijtseé ikon-na nga 'an kisingatsja-na xá-la,

¹³ nas'ín k'e nga sa ítjòn, 'ño ch'o kis'iaán; kichjajno-la Nainá; kondra kùtjingui-la; toòn kijtseé xita-la. Tanga kjòhimakeè-na Nainá, nga k'ejé kii be, koa k'ejé kii mokjeiin-na ít'aà ts'e Cristo.

¹⁴ Tanga jè kjotjò-la Na'èn-ná isaá 'ño tse kitsjaà-na tikoá kisihiseèn-na nga mokjeiin-na ko kitsjaà-na kjoatjòcha-la nga jè Cristo tujnakoaa.

¹⁵ Jña 'én koi, ngui 'én kixi-né. Mochjeén-né nga kòkjeiin yije-la xita nga jè Jesucristo j'ii j isò'nde nga kochrjekàjiln kjo'in ngats'ii xita xi jè tujn-la. Ngats'ii xita xi ch'o s'ín, 'aán tujna ítjoàn nga tsohotsjia jé.

¹⁶ Nas'ín 'ño ch'o kis'iaán, Nainá kis'e-la kjohimatakòn ít'aà ts'an. Jña xita, k'e nga skoe kó s'ín kisikò-na Na'èn-ná Jesucristo, nga 'ño tujn-la kjoatsetakòn, tikoá kòkjeiin-la ít'aà ts'e Cristo nga s'e-la kjoabinachon nita mé nàchrjein-ne.

¹⁷ Nainá, 'nga kàtjina, kàtas'e-la kjoajeya nita mé nó, nita mé nàchrjein-ne nga jè otixoma nita mé nàchrjein-ne koa mikii kjoehet'aà nàchrjein-la nita kjé-ne, tikoá mikii tsejèn ñanda tujna koa ngui jè tajngoó xi Nainá. K'oas'ín kàtama.

¹⁸ Ngaji Timoteo koni tsá ki'ndí-ná xan-lè, singatsja-lè 'én koi, koni s'ín kitsò xita xi kisikjeén Nainá nga kùchja ít'aà tsjii, mé-ne nga ít'aà ts'e 'én koi, tsjá-lè nga'ño nga ndaà síxá-la Nainá koni s'ín síxá soldado.

¹⁹ Ndaà kàtajeiin-lè ít'aà ts'e Cristo, tikoá ndaà kàtjina kjohitsjeèn-lè. Tujn i'nga xita xi mikii kisis'in kjohitsjeèn xi ndaà tujn. K'oaá komà-ne nga kisikje-la ikon nga mí tii kòkjeiin-la.

²⁰ K'oaá s'ín komàt'in jè Himeneo ko Alejandro xi 'an kisikitsajnakoaa xita neji mé-ne nga kàtakixiya-ne nga mì taxkí kichjajno-la Nainá.

2

Mochjeén-né nga kítisi'batjia xinguiáá

¹ Jè kjoa xi ìsà 'ñò mochjeén, k'oagá s'in tìbìnè-nò nga tìtsi'batjiò ngats'iì xita, tìnókjoat'aà-là Nainá, tìtsi'ba-là Nainá, tji-là kjonndaà it'aà ts'e ngats'iì xita xi tjin nga tjtisa isò'nde.

² Mochjeén-né nga kítisi'batjiá xi xitaxá ítjòn títtsajna ko ngats'iì xi kjoatixoma tjiya tsja mé-ne nga 'nchán kíttsajna-ná tikoá tafi tafi sijchá yijo-ná tikoá jchaxkoán Nainá ko jchaxkoán kjoa xi ndaa tjin.

³ K'e nga k'oas'in s'eén ndaa tjin koa ndaa sasén-la Nainá xi ochrjekátji-ná kjo'in.

⁴ Nainá, jè xi mejèn-la nga ngats'iì xita kítjokàjìn kjo'in tikoá sjiin-la kós'in tjin xi kjoakixi.

⁵ Tà jngoò ma Nainá; tikoáà tà jngoò ma xita xi chjatji-ná it'aà ts'e Nainá, jè xita xi Jesucristo 'mì.

⁶ K'e nga kichiya naxhrjein-la Nainá, Jesucristo kíttsjaà kjoatjò yijo-la nga k'en mé-ne nga kochjiti-ne ngats'iì xita nga ma kítjokàjìn kjo'in. K'oagá s'in kíttsi'in nga kíttsi'in yije-la xita.

⁷ 'Aán kjòngatsja xá jè nga 'an tsibixáya-na Cristo nga kichjáya 'én ndaa-la tikoá kokoóya-la jña xi mìtsà xita judío nga kòkjeiin-la it'aà ts'e Cristo tikoá skoé xi kjoakixi. 'Én kixi xi tixan-lè, mìtsà 'én ndiso.

⁸ It'aà ts'e xita x'in, mejèn-na k'e nga chjat'aà-la Nainá nità ñanda j'nde títtsajna, tsjeé kátasikíttsajna inima-la k'e nga skímiltjen-la tsja Nainá. Kì kjoajti tjin inima-la, koa kì nchikjaán-kjoò-jèn.

⁹ Tikoá jña íchjín, jè nikje xi ndaa ok'in-la kàtakjá. Kì nikje chjì ókjá. Kì taxkì sí'ñojno sko ko yijo-la tsojmi xi 'ño chjì koni kichá oro ko perla. Chiba chiba kátindaà yijo-la mé-ne nga mì xita skòtsejèn-jno-ne.

¹⁰ Tà saá xá xi ndaa tjin kátas'in koni s'in ok'in-la jña íchjín xi beèkón Nainá.

¹¹ Jña íchjín jyò káttsajna k'e nga skóta'ya 'én-la Nainá; kàta'nchrèñijon-la jè xi okóya.

¹² 'An, mìkii tsjaà'nde nga jña íchjín kòtixoma-la xi xita x'in koa kòkòya-la. Íchjín, jyò káttsajna.

¹³ Koiì kjoa-la jè Nainá ítjòn tsibíndaà Adán, iskan tsibíndaà Eva.

¹⁴ Mìtsà jè Adán xi kichonaxhan-la; jè Eva xi chjoón-la. K'oagá s'in komà-ne nga kisakò jé-la.

¹⁵ Tanga, jña íchjín, tsà silitasòn koni s'in mejèn-la Nainá nga s'e-la ixti, kítjokàjìn kjo'in. Mochjeén-né nga ndaa kòkjeiin-la it'aà ts'e Cristo, nga s'e-la kjoatjòcha, nga tsjeé kíttsajna ko Nainá koa ndaa sijchá yijo-la.

3

Kjoa xi mochjeén ts'e xita xi sikinda naxandá-la Nainá

¹ 'Én jè, ngui 'én kixi-né: Tsà tjin jngoò xita xi mejèn-la xá nga naxandá-la Nainá silitinda, 'ño ndaa tjin xá xi mejèn-la.

² Jè xita xi silitinda naxandá-la Nainá mochjeén-né nga ndaa s'in mé-ne nga mì yá xi ch'ò kítso-la. Jngoò chjoón s'e-la; jngoò xita xi indaa tjin ikon; xita xi ndaa kosòn-la yijo-la; xita xi yaxkón nga ndaa tísijchá yijo-la; xi ndaa sis'in-la xita xi bijchókon; xita xi ndaa ma-la okóya;

³ xi mìtsà xita ch'j; xi mìtsà xita kjaán-ko; xi mìtsà tòn chijé kjòtsjakeé. Jè xita xi mochjeén xi ndaa xita, xi mìtsà kjoasiì sis'in-la, xi mìtsà tòn kájno.

⁴ Mochjeén-né nga ndaa kjoatixoma-la xita ni'ya-la; ndaa silitixi ixti-la mé-ne nga s'e-la kjoaxkón ixti tikoá silitasòn koni s'in tsò xita jchínga-la.

⁵ Tsà mìkii ma-la otixoma-la xita ni'ya-la, z'kó s'in koma silitinda xita naxandá-la Cristo?

⁶ Jè xi sikinda xita naxandá-la Nainá jè xi mochjeén xi kjòtseé kòkjeiin-la, mé-ne nga mì 'nga ikon koma-ne nga mì kjo'in s'e-la koni komà'in xita nejí.

⁷ Mochjeén-né nga ndaa sijchá yijo-la mé-ne nga skoexkón-ne jña xita xi mìkii mokjeiin-la it'aà ts'e Cristo nga mì ch'ò kijná, nga mì jè xita nejí silitijne-la.

Kjoa xi mochjeén ts'e xita xi slichját'aà-la naxandá-la Nainá

⁸ K'oagá tjs'in tjin ts'e xita xi silitasòn xá nga slichját'aà-la xita naxandá-la Nainá, jña mochjeén xita xi yaxkón nga ndaa nchisijchá yijo-la. Mìkii koma silitatjiya-la 'én xi chja. Mìkii koma xán koahitako. Mìkii koma tòn chijé kòtsjakeé.

⁹ Mochjeén-né nga ndaa kàfatit'aà-la kjoatji'ma xi jye tsakó Nainá koni s'in mokjeiin-ná it'aà ts'e Cristo. Tikoá mochjeén-né nga tsjeé kátasikíttsajna kjòhíttsjeén-la.

¹⁰ Jña xita xi silitasòn xá nga slichját'aà-la xita naxandá-la Nainá, ítjòn kàtachit'aà tsà nímé kjoa tjin-la, ikjoàn, k'eé kátasikíttsasòn.

¹¹ K'oagá tjs'in tjin ts'e íchjín; mochjeén-né nga yaxkón nga ndaa nchisijchá yijo-la. Mì 'én ndiso kichjá. Indaa k'oèé ikon. Ndaa silitasòn yije nità mé kjoa-ne.

¹² Jè xita xi silitasòn xá nga síchját'aà-la xita naxandá-la Nainá, mochjeén-né nga tà jngoò chjoón s'e-la. Ndaa kàtatixoma-la ixti-la ko xita ni'ya-la.

¹³ Jñà xità xi ndaa sjikitasòn xá koi, isa ndaa jchaxkón koa isa 'ño ndaa s'e ikon koni s'in mokjeiin-là it'aà ts'e Cristo Jesús.

Kjoa'ma-la Nainá

¹⁴ Mejèn-na nga kjikon nìton-lè, tanga tsà koií nàchrjein-là kochrjein-ya-na, k'oaá ma-ne tikjiil-lè xojon jè

¹⁵ mé-ne nga jcha-ne kós'in kítsajnakoaá xita xinguiáa ya jjiin naxandá-là Cristo xi tijnakon. Jè naxandá-là Cristo tjíya tsja 'én kixi-là Nainá.

¹⁶ Ngui 'én kixi-né nga 'ño jeya jè kjoa'ma-la Nainá xi jye tsakó koni s'in yaxkoán Nainá: Nainá, xitaá komà nga j'ii j'isò'nde; it'aà ts'e Inima Tsjeè-là ki'ya-là nga tjin-là kjoakixi; jñà àkjalè kijtseè-né; 'én-là kinokjoàyajiiin-là ngats'ii xi mìtsà xita judío; nga tjtisa isò'nde kòkjeiin-là xita it'aà ts'e Cristo; jeya kitjoétjò-ne ján ngajmii.

4

Xita xi mìtsà 'én kixi kòkòya

¹ Tanga jè Inima Tsjeè-là Nainá ndaa bénojmiya-ná nga tsò: k'e nga chiba nàchrjein chija-isa-là nga kjoíi jngoo k'a Cristo, s'eé xita xi mì tì kii kòkjeiin-là it'aà ts'e Cristo. Yaa kjit'aà-là inima ch'o-là neii xi konàchan koa kjohitsjeèn-là neii sjikitasòn.

² Jñà kji'nchré-là xita ndiso xi jò isén tjin-là. Xita koi, nga jye kjótàjaajiiin kjohitsjeèn-là, mì tì kindà fiko-ne kjoach'o xi nchis'in.

³ Jñà xita koi mìkii tsjá'nde nga kixan xita. Tjkoáa tjin tsojmi xi ma chine, mìkii tsjá'nde nga koma chjine. Tanga tsojmi koi, Nainá tsibindaà nga tji'nde-là nga koma skine xita xi mokjeiin-là kò xi ndaa tjiin-là kjoakixi. K'e nga skine tsjálà kjondaà Nainá.

⁴ Ngats'ii tsojmi xi Nainá tsibindaà, ndaa-né, mìkii koma kìnáchrjenguiáa. Koma sijkjeén yije tsà k'oi-là kjondaà Nainá k'e nga sijkjeén.

⁵ Jè 'én-là Nainá sjiitsjeè tsojmi k'e nga kìnókjoat'aà-lá.

Jngoo chi'nda-là Cristo xi ndaa síxá

⁶ Ji, tsà k'oas'in kòkòya-là jñà xita xinguiáa kjoa koi, 'ño ndaa síxát'aà-là Cristo Jesús. Skasòn-isa kjohitsjeèn-lè it'aà ts'e 'én xi mokjeiin-ná kò kjohitsjeèn xi ndaa tjin xi ndaa t'imitjingui-là.

⁷ Tanga kì taxki nis'in-là 'én jhínga ts'e isò'nde xi nimé chjì-là xi tà kjohitsjeèn-là xita. Tinè-là yijo-lè nga chaxkoin Nainá.

⁸ Tsà kinè-là yijo-ná nga k'oi-là nga'ño, sakó chiba-là kjondaà, tanga tsà kinè-là inima-ná nga ndaa jchaxkoán Nainá, isaá sakó-ná kjondaà xi mochjeén-ná nga kjit'aà nàchrjein. Sakó-ná kjondaà j'it'aà nangui kò nga koma jskan tjkoáa sakó-ná ján ngajmii.

⁹ 'Én koi, 'én kixi-né. Mochjeén-né nga kàtakjeiin yije-là xita.

¹⁰ Koi k'oas'in binè-là xá yijo-ná, tjkoá nikjiaán kjo'in nga jè titsachiá-lá Nainá xi tijnakon xi ma-là ochrjekajiiin kjo'in ngats'ii xita. Jñà-né xi kitjokajiiin kjo'in xi mokjeiin-là it'aà ts'e Cristo.

¹¹ K'oaá s'in tatixoma-là jñà xita, k'oa tì s'in takóya-là 'én koi.

¹² Ki yá xi ochrjekàngui-lè nas'in ngui sa ixti-lsi. Ya jjiin-là xita xi mokjeiin-là it'aà ts'e Cristo, ji, ndaa t'in itjoin mé-ne skingui-ne kós'in nokjoi, kós'in 'ni, kós'in tjòcha 'yi Nainá kò xita, [kós'in ndaa tjina inima-lè], kós'in mokjeiin-lè it'aà ts'e Nainá, kós'in tsjeè tniichí yijo-lè nga nguixkon Nainá.

¹³ Skanda k'e nga kijchokon-lè, k'oaá s'in t'jin: tixkejiin-là xita 'én-là Nainá; tinè-là nga 'ño kàt'eé-là ikon; tjkoá takóya-là.

¹⁴ Ki nijchajiiin-jèn nga síxát'aà-là Nainá it'aà ts'e kjotjò xi kitjoé-lè k'e nga jñà xita jhínga-là naxandá-là Nainá tsohósòn-lè tsja nga jñà kiichja ngajo-là Nainá it'aà tsjji.

¹⁵ It'aà ts'e kjoa koi, kjit'aà nàchrjein tjakoi, tjkoá tjaxakoi mé-ne nga skoe yije-ne xita nga ndaa tímajhíngakoi.

¹⁶ Ndaà tikindji yijo-lè mé xi 'ni. Tjkoá t'jin kindà jè 'én xi okoòya-là xita. Kixi tjini. Tsà k'oas'in sikitasoin, ngaji, kitjokajiiin kjo'in; tjkoáa kitjokajiiin kjo'in jñà xita xi 'nchré-lè.

5

Kjondaà xi mochjeén it'aà ts'e xita xi kj'ei

¹ Jñà xita xi jye 'ño jhínga, kì taxkì nikaká-là; k'oaá s'in ténjomiya-là koni tsà na'èn-lè ma; tjkoá jñà xi isa ixti-isa, k'oaá s'in ténjomiya-là koni tsà 'ndsi ma.

² Jñà íchjín xi jye 'ñò jchínga, k'oaá s'ín tènójmíya-là koni tsà nea-lè ma. Jñà xi íchjín ixti k'oaá s'ín tènójmíya-là koni tsà tichji ma nga ngui tsjeè tjína kjohítsjeèn-lè.

³ Tjísikòè jñà íchjín xi jye k'en x'in-là tsà kixj kjoa nga tsjin xi osiko.

⁴ Tsà tjín íchjín ka'an xi tjín-là ixti, kò tsà tjín-là ixti 'ndejií, ixti koi, ítjòn kàtasíkitasòn ya ni'ya-là kós'in beèxkòn Nainá. Kàtasikò xjta xikjín, mé-ne nga tsjá ngajo-là kjoatjòcha ts'e xjta jchínga-là. Kjoa koi, ndaà tjín. K'oaá s'ín sasén-là Nainá.

⁵ Jè chjoón ka'an xi kixj kjoa nga tjína tajngoò, Nainá 'ñót'aà-takòn kò nàchrjein kò njtjen bitsi'ba nga chjat'aà-là Nainá.

⁶ Tanga jè chjoón ka'an xi kjotsja ts'e isò'nde xi ch'o tjín tsjá-là yijo-là, ít'aà ts'e Nainá tjínak'en-né nas'in tjínakon.

⁷ K'oaá s'ín tatixoma-là kjoa koi mé-ne nga ndaà sijnchá-ne yijo-là nga mì yá xi ch'o kítsò-là.

⁸ Tsà yá xi mikì silkinda xjta xikjín nga siichját'aà-là, mats'iaqò ítjòn-ne xi ya títsajnakò ni'ya-là, tsà mì k'oaá s'ín kosikò xikjín, mikì nchisíkitasòn 'én xi mokjeiin-là ít'aà ts'e Cristo. Ísaá ch'o nchisíkítsajna yijo-là mì k'oaá-ne koni jñà xjta xi mikì mokjeiin-là 'én-là Nainá.

⁹ Íchjín ka'an xi sít'aà xojon nga kochját'aà-là, tà jñà-né xi tsato jàn kaàn nó tjín-là xi kixj tsibítsajnakò x'in-là,

¹⁰ jñà xi 'ya-là nga ndaà kisijchá yijo-là ts'e xá xi ndaà tjín: tsà ndaà kisijchá ixti-là, tsà ndaà kisís'in-là xjta xi ítjòkon ni'ya-là, tsà tsanjino ndsokò xjta-là Cristo nga ndaà kisís'in-là, tsà kisichját'aà-là xjta xi kjoa títsajjín. Tsà k'oaá s'ín kisíkitasòn yije xá xi ndaà tjín, koma sít'aà xojon.

¹¹ Tanga jñà íchjín ka'an xi sa ixti ísa mikì koma xojon sít'aà. K'e nga x'in kjoaajjín-là, mìtsà 'iín koma-là nga kìnchat'aaxin-là Cristo nga kixan ljngoò k'a-ne.

¹² Tsà k'oaá s'ín s'jín, kjo'íin s'e-là nga mikì nchisíkitasòn koni s'ín kitsjaà tso'ba nga sa ítjòn.

¹³ Íchjín koi, tjikoaá mangaá-là nga xkj xi ján ni'ya binchimajto. Ma ts'eè-né. Mìtsà tà ma ts'eè. Tjikoáá 'én ndiso bíxkò. Chjajjín chja'a ñánda mì jñà okò-là.

¹⁴ 'An, k'oaá s'ín mejèn-na nga kàtixan ljngoò k'a-ne jñà íchjín ka'an xi sa ixti ísa. Kàtas'e-là ixti. Ndaà kàtatixoma ni'ya-là mé-ne nga mì ch'o kichhajno-ná xi kondra.

¹⁵ Tjín i'nga íchjín ka'an xi jye tsohófaya-ne, jè kiit'aà ljngoò k'a-là xjta nejí.

¹⁶ Tsà jngoò xjta xi mokjeiin-là 'én-là Nainá tsà tjín xikjín xi chjoón ka'an, mochjeén-né nga kàtasichját'aà-là xikjín mé-ne nga mì jè naxandá-là Cristo 'ñò skañè-ne xá. Jè naxandá-là Cristo komaá kosikò xi kixj kjoa nga ngui ndí chjoón ka'an íma.

¹⁷ Jñà xjta jchínga xi ndaà otixoma ya naxandá-là Nainá, ok'ín-là nga ísa ndaà jchaxkòn koa kochját'aà-là xi mochjeén-là, mats'iaqò-ne jñà xi chjaya koa okóya 'én-là Nainá.

¹⁸ Xojon-là Nainá, k'oaá s'ín tichja nga tsò: "Jè nchraja xi sixá, kì na'ya bi'a tso'ba." Tjikoáá jtít'aà xi tsò: "Jè xjta xi sixá, mochjeén-né nga kàtachjí-là."

¹⁹ Kì kii nis'in-là tsà yá xi óngui xjta jchínga xi otixoma ts'e naxandá-là Nainá tsà mì jò jàn ma-ne xjta xi kijtseè-ne xkòn kjoa xi koma.

²⁰ Tanga jñà xjta jchínga xi ótsji jé-isa, tikaká-là nga nguixkòn ngats'iì xjta naxandá-là Nainá, mé-ne jñà xjta xi i'nga k'oaá s'ín sincháxkòn-ne.

²¹ Tibinè-lè nga nguixkòn Nainá kò Na'èn-ná Jesucristo kò àkjale-là xi xó jè jaàjijn-ne, ndaà tikitatsòin kjoa koi. Nímè kjoa xi bindaàjijn k'e nga kje'è kii 'ya-là tsà kixj kjoa. Kì chjaajjijn xjta xi nis'in-là; ngàsòn tís'in yije-là.

²² Kì yá xjta xi taxkj chjaajjijn nga kjósòn-là ndseji k'e nga k'oj-là xá jjijn naxandá-là Nainá. Ítjòn ndaà tkítsjijn mé-ne nga mì jì kokot'aà-lè jé-là xjta xi kje'ejí. Tsjeè tjíni.

²³ Nga ch'in tjín kjit'aà-là indso'boi, kì tà nandá 'yoi, tjikoaá t'i chibi nandá vino.

²⁴ Tjín i'nga xjta xi tik'e 'ya-là jé-là k'e nga tikj'eè sindaajjijn. Tanga tjikoaá tjín i'nga xi iskan 'ya-là.

²⁵ K'oaá tís'in tjín xá xi ndaà tjín, tjín xi njtòn beè xjta. Tjikoáá tjín xá ndaà xi mì njtòn 'ya-là tanga mikì koma jngoò k'a sijnna'ma. Iskan jcha-là.

6

¹ Ngats'iì xjta naxandá-là Nainá xi chj'nda títsajna'ñó, ndaà kàteèxkòn nei-là mé-ne nga mì yá xi ch'o kichhajno-là Nainá kò 'én xi okoóyaá ít'aà ts'e Cristo.

² Jñà xjta chj'nda xi mokjeiin-là nei-là ít'aà ts'e Cristo, mochjeén-né nga ngàsòn ndaà kàteèxkòn nei-là nga 'ndseé joó ít'aà ts'e Cristo. Ísaá ndaà kàtasíxá-là nga ngàsòn mokjeiin-là 'én-là Nainá tjikoaá tsjakeè xikjín.

Jñà 'én koi, takóyi tjikoaá tìnòkjoayi.

Kjoa xi sakó-ná k'e nga tòn matsjachaá

³ Tsà tjín xjta xi kje'ejí tsò 'én xi okóya nga mì tjngoò ikon koni tsò 'én ndaà-là Na'èn-ná Jesucristo tjikoaá mikì tjngoò ikon ít'aà ts'e kjotixoma koni s'ín yaxkoán Nainá.

⁴ Xità koi, xità 'nga takòn-né, nímé machiya-là. 'Nó tsjakeè nga ótiya-ne 'én xi nímé chjí-là. Yáá nchrobát'aà-ne nga maxitakòn-chaá xinguiáá, nga bixkán-kjoaá, nga nokjoàjno-lá xinguiáá 'én xi ch'o tsò, tìkoá ch'o níkijsjeèn it'aa ts'e xità xi k'jeíí.

⁵ Tìkoá yáá nchrobát'aà-ne nga kjit'aà nachrjein nchikjaán-kjoò jñà xità xi mì kixi síkjeén kjohtsjeèn-là kò mì kjoakixi fit'aa-là. K'oaá s'in síktsjeèn, tsò-né: tsà ndaa' jchaxkoán Nainá, yáá sakó-ná tòn. Ngaji, kì k'oaá tjin kjoa xi níkijsjìin.

⁶ Kixi kjoa, tseé kjondaà sakó-là xità k'e nga beèxkón Nainá tsà tìkoá tsja tjin-là inima-là mé xi tjin-là.

⁷ Nga nímé xi kich'á k'e nga kits'iaán j isò'nde. Tìkoáá nímé xi kjikoáá k'e nga kiyá.

⁸ Tsà tjin-ná tsojmi xi chineé koá tjin-ná níkje xi chíkjá, mochjeén-né nga tsjaá kjingòò-lá takoán.

⁹ Tanga jñà xità xi mejèn-là kjoanchiná, nga mìkì chíkjoako-là kjohtsjeèn xi ch'o tjin nga kjin tsojmi mejèn-là, yáá kixongui ch'an koá yáá singui'nó. 'Nó mejèn-là kjoa xi nímé chjí-là koa xi ch'o síko-ná, kjoa xi síkts'ón xità koá yáá chíjajjìin.

¹⁰ K'e nga tòn matsjachaá, yáá mats'ia-ne kjoa ts'e jé kò ngats'ii kjoa xi ch'o tjin. Tjin i'nga xità xi jye chinchat'aaxin-là kjoa xi mokjeiin-ná it'aa ts'e Cristo jè ngatji-là nga tse tòn mejèn-là. K'oaá s'in ma-ne nga tjinà-ne tse kjo'in tsjá-là yijo-là.

Tinè-là yijo-lè kjoa xi mokjeiin-lè

¹¹ Tanga ngaji xi xità-là Nainá 'mì-lè, tìsit'aaxin-là ngats'ii kjoa koi. Jè t'in tjingui-là xi kjoakixi. Jchaxkón Nainá. Ndaa kàtakjeiin-lè it'aa ts'e Cristo. Kàtas'e-lè kjoatjocha. Kàtas'e-lè kjoatsetakòn. Indaa kjoa tìkijni inima-lè.

¹² Ndaa tìxkàtji kjoa xi mokjeiin-ná it'aa ts'e Cristo. Kì níkjina-jèn ndiyá kixi ts'e kjoabinachon xi mìkì fehet'aà nita kjé-ne. Nga koi xá kùichja-lè Nainá. Ngaji jyeé k'oa's'in ndaa kits'ii ndsoboì nga kinikixiyi 'én xi mokjeiin-lè it'aa ts'e Cristo nga nguixkòn xità xi kjin ma-ne nga kii'nchré.

¹³ J'ndeì jngòò xá tìbnè-lè nga nguixkòn Nainá xi síktsajnakon yije nita mé xi tjin, tìkoá nguixkòn Jesucristo xi ndaa kitsjaá tso'ba nga kisikixiya 'én ndaa-là k'e nga kùichja nga nguixkòn Poncio Pilato.

¹⁴ K'oaá s'in tìhotixoma-lè, ndaa tìkitasòin kjotixoma koi; kì níkjatjija-là mé-ne nga mì yá xi kochrjengui-lè skanda k'e nga kjoí jngòò k'a Na'èn-ná Jesucristo.

¹⁵ K'e nga kjjchòya nachrjein, Nainá, k'oaá s'in síkkitasòn yije kjoa koi. Mé tà ndaa-la Nainá nga jè tajngòò tìhotixoma. Jè tìjna ítjòn-là jñà xi xitàxá ítjòn tìtsajna tìkoá tìjna ítjòn-là jñà xi xità skò-là tìtsajna.

¹⁶ Tajngòò Nainá xi xó k'oa's'in tìjna-ne nga mìkìl biyáá. Yáá tìjnajjìin kjoahiseèn fñanda mì yá xi koma kjjchò kinchat'aà-là. Nì saá jngòò xità beèxkòn nì mìkì tji'nde-là nga skoexkon. Nainá, kjit'aà nachrjein jeya kàtìjna. Kàtayaxkón kjotixoma-là nita kjé-ne. K'oa's'in kàtama.

¹⁷ Jñà xità nchiná xi tjin j isò'nde, k'oaá s'in tinè-là: "Kì bí'nga-là ikon." Kì koi ma'nót'aà ikon kjoanchiná xi tjin-là nga tà nìton fehet'aà. Jè kàtama'nót'aà ikon Nainá xi tijnakon nga jè tsjá yije-ná xi mochjeén-ná skanda síkatonè-là mé-ne nga kò kjotsja síkjeén tsojmi xi tsjá-ná.

¹⁸ Koatìn-là, kjondaà kàtas'in. Kàtas'e-là kjoanchiná nguixkòn Nainá it'aa ts'e kjondaà xi s'in. Kì kjoaxkon fikjaá, kò inima-là kàtatsjá itsé-là xikjín mé xi tjin-là.

¹⁹ Tsà k'oa's'in síkkitasòn nachrjein j'ndeì, s'eé-là kjoanchiná xi mìkìl kjoehet'aà k'e nga jye tìtsajna nguixkòn Nainá. Tìkoáá tjoé-là kjondaà xi ngui ts'e kjoabinachon.

'Én xi fehet'aà-ne

²⁰ Ngaji Timoteo, ndaa tìkitasòin 'én ndaa-là Nainá xi jì kjòngatsjei. Kì kii na'yà-là 'én ndiso xi nímé chjí-là. Kì kii nìs'in-là kjoa xi chitiya-ná ts'e kjoachjine ndiso.

²¹ Tjin i'nga xità xi k'oa tjin kjohtsjeèn fìtjingui-là. K'oaá ma-ne nga chinchat'aaxin-là kjoa xi mokjeiin-ná it'aa ts'e Cristo.

Jè kàtijnako-lè kjondaà-là Nainá.

Xojon carta-la San Pablo xi ma-ne jò xi kiski-la Timoteo

Kó tsò Pablo nga shixat'aa Timoteo

¹ 'An, Pablo, tikji-lè xojon jè. Nga 'an tsibixáya-na Jesucristo nga k'oaá s'in kjòmejèn-la Nainá. K'oaá s'in kitsjaá tso'ba Nainá nga kijnakon inima-ná it'aa ts'e Cristo Jesús.

² Ngaji Timoteo xi 'ño matsjake-lè koni tsá ki'ndí ts'an xan-lè, Nainá xi Na'èn-ná ko Na'èn-ná Jesucristo kátatsjá-lè kjondaá, kàtahimakeè-lè, kátas'e-la kjoa'nchán jjiin inima-lè.

'En xi tsjá Pablo it'aa ts'e Cristo

³ Mikii jchàajin-na ko nachrjein ko nitjen bitsi'batji-lè tikoá tsjaá-la kjondaá Nainá, jè xi 'an bexkoán koni s'in kijtseèxkón jña xitá jchínga-na nga ngui tsjeè tjin kjohitsjeèn-na.

⁴ K'e nga bitsjeèn-na kjoá ts'e ndáxkoiin mejèn-na nga skoeè jngoó k'a-lè mé-ne nga kotsja-la inima-na.

⁵ Bitsjeèn-na nga ngui ndaa mokjeiin-lè it'aa ts'e Cristo koni s'in kòkjeiin ítjon-la neagjá-lè Loida ko nea-lè Eunice. 'An k'oaá s'in makixi-na nga ngaji tikoáá ndaa mokjeiin-lè.

⁶ Koií k'oas'in tsikitsjeèn-lè nga isa ndaa tikjiin kjotjò xi kitsjaá-lè Nainá nga ndaa tixá-la, jè kjotjò xi kitjoé-lè k'e nga 'an tsakàsòn-lè ndsaa.

⁷ Nainá, mìtsà inima tsakjón kitsjaá-ná. Jè kitsjaá-ná Inima Tsjeè-la nga tsjá-ná nga'ño, nga tsjá-ná kjoatjòcha, nga tsjá-ná kjohitsjeèn kós'in s'een nga kixi sijchá yijo-ná.

⁸ Koií kjoa-la ki masobà-lè nga nokjoàkoi xitá it'aa ts'e Na'èn-ná Jesucristo. Tikoá kì masobà-lè xi it'aa ts'an nga ndayá tjna'ya koií kjoa-la nga ya sixát'aa-la Na'èn-ná. Tikjein-ko-ná kjo'in xi it'aa ts'e 'én ndaa-la Nainá xi kjoá ts'e Cristo. Jè Nainá tsjá-lè nga'ño xi kochjeèn-lè.

⁹ Nainá, jyeé tsachrjekàjiiin-ná kjo'in. K'oaá s'in kiichja-ná nga tsjeè sijchá yijo-ná. Mìtsà koi kjoa-la nga ndaa ki'né. Koi-né nga k'oas'in kjòmejèn-la Nainá tikoá kitsjaá-ná kjondaá-la xi it'aa ts'e Cristo skanda tjsá tats'en-la kjoa k'e nga tikj'ee sindaa isò'nde.

¹⁰ I'ndeí Nainá jyeé tsakó kjondaá-la nga jyeé j'ii Jesucristo xi ochrjekàjiiin-ná kjo'in. Jaàxin-ná nga'ño-la kjoabiyaá. Xi it'aa ts'e 'én ndaa-la Nainá xi kjoá ts'e Cristo, tsakó-ná kjoabinachon tikoá tsakó-ná nga mìtsà jngoó k'a kiyá nitá kjé-ne.

¹¹ Nainá, 'aán kisingatsja-na xá jè nga 'an kichjaya 'én ndaa-la Nainá xi kjoá ts'e Cristo. Tsibixáya-na it'aa ts'e xá-la nga 'an kokoöya-la jña xi mìtsà xitá judío.

¹² Tseé kjo'in tsikjiaán tà jè ngatji-la 'én xi 'an chjaya. Tanga mikii masobà-na. Jyeé tjiin-na nga it'aa ts'e Cristo mokjeiin-na. Tikoáá ndaa tjiin-na nga ta jngoó jè Nainá xi tjin-la nga'ño. Ndaá sijkinda jè xá xi 'an kisingatsja-na skanda jè nachrjein k'e nga kjoii jngoó k'a-ne Jesucristo.

¹³ Ndaá tjiin takòin 'én ndaa xi 'an tsakoöya-lè koni s'in tjin 'én xi mokjeiin-ná ko kjoatjòcha xi tjin-ná nga Cristo titsajnaakoá.

¹⁴ Ndaá tikitasòin xá ndaa xi ji kjóngatsjei. Jè sijchját'aa-lè Inima Tsjeè-la Nainá xi tijnajiiin inima-ná.

¹⁵ Jyeé tjiin-lè ngats'ii xi titsajna nangui Asia, jyeé kitsjeiin takòn-na, koni jè Figelo ko Hermógenes.

¹⁶ Nainá kàtahimakeè xitá ni'ya-la Onesíforo. Kjin k'a j'ii sjehikon-na. Mikii kjòsobà-la nas'in ndayá tjna'ya.

¹⁷ Tà saá, k'e nga j'ii i Roma skanda mikii kisikjaya nga 'ño tsohótsji-na skanda kó nga kisakò-la ñánda tijnáa.

¹⁸ Na'èn-ná kàtahimakeè jè Onesíforo k'e nga kijchò nachrjein-la Nainá. Ngaji jyeé ndaa tjiin-lè, ndaa kisichját'aa-ná ján Efeso.

2

Timoteo, jngoó soldado-la Cristo xi ndaa sixá-la

¹ Ngaji Timoteo koni tsá ki'ndí ts'an xan-lè, tjiin-la nga'ño yijo-lè it'aa ts'e kjondaá xi tsjá Jesucristo nga jè titsajnaakoá.

² Jè 'én xi kina'yà-ná nga kichjaya nguixkon nga kjin ma xitá xi kii'nchré, k'oaá s'in takóya-la xi xitá kixi xi ndaa ma-la okóya mé-ne k'oa tjs'in kókóya ngajo-la xitá xi kj'eii.

³ Ngaji Timoteo, tikjeiin-ko-ná kjo'in nga ndaa mìt'aa-la Jesucristo koni jngoó soldado xi sikjeiin kjo'in.

⁴ Jngoó xitá xi soldado sikitason mikii tji'nde-la nga kj'eii xá skóngajiiin xi tjin isò'nde, tjinè-la nga ya sikitason-la jè xi kitsjaá-la xá mé-ne nga ndaa kijnako.

⁵ K'oaá tjs'ín tjín jè ts'e x̄ita xi síská. Tsà mì kix̄í s̄iská koni s'ín tjín kjot̄ixoma-là mìkii tjoé-là chjì-là.

⁶ X̄ita xi bínè-là yijo-là nga ndaà síxá nga bítje tsojmì tjè, k'e nga jye kojchá tsojmì, jè tjoé ítjòn chiba-là tsojmi xi majchá koni tsà chjì-là.

⁷ Tjìk̄itsjìin koni s'ín tixan-lè. Jè Nainá is̄a ndaà tsjája yije-lè kjoh̄itsjeèn.

⁸ Tjìk̄itsjìin it'aa ts'e Jesucristo, jè xi jaáyajìin-là mìk'en xi tje-là x̄itaxá ítjòn xi David ki'mì. K'oaá tsò 'én ndaà-là Nainá xi kjoa ts'e Cristo xi 'an chjája.

⁹ Koiì kjoa-là 'én ndaà-là Nainá xi kjoa ts'e Cristo xi 'an chjája, tsìk̄ijaán kjo'in skanda na'ño kich̄a tjit'aa'ñoa nga tjìna'ya ndayá koni jngoò x̄ita xi 'ño ts'en. Tanga jè 'én-là Nainá mìtsà tjit'aa'ño jya ndayá.

¹⁰ Koiì kjoa-là tsìk̄ijaán yije kjo'in xi kjondaà ts'e x̄ita xi xó jaájìin-ne Nainá mé-ne nga tikoá k̄itjokàjìin-ne kjo'in xi it'aa ts'e Cristo Jesús; s'eé-là kjoajeya xi mìkii fehet'aa n̄ta kjé-ne.

¹¹ 'Én koi, 'én kix̄i-ne nga tsò:

Nga ya k'en-koaá Cristo, tikoáá yaá k̄itsajnakon-koaá.

¹² Tsà ch̄ikjoa-ná kjo'in t̄ikoáá yaá k̄ot̄ixomakoáá Cristo.

Tsà kixoaán mìkii beškoan, jè k'oaá t̄i k̄itso-ná mìkii beškoan.

¹³ Tsà mìkii s̄ikitasoán 'én xi nokjoá, tanga Nainá s̄ikitasòn 'én xi chja.

Mìkii koma s̄ik̄ijatj̄iya 'én-là.

Jngoò x̄ita xi ndaà síxá-là Cristo

¹⁴ Tjìk̄itsjeèn-là kjoa koi. T̄inókoakoi nga nguixkon Nainá mé-ne nga mì kohótiya-ne kjoa ts'e 'én. Jè kjoa xi chitiya-ne n̄imé chjì-là. T̄a s̄á sík̄its'ón x̄ita xi 'nchré.

¹⁵ 'Nó ndaà t̄jìné-là yijo-lè mé-ne nga ndaà k̄ijna-ne nga nguixkon Nainá. N̄imé xi k̄osobá-lè nga ndaà t̄jín xá-lè koa ndaà okoòyi 'én kix̄i-là Cristo.

¹⁶ Kì tax̄k̄i nokjoá-jèn 'én xi mìkii sasén-là Nainá xi n̄imé chjì-là. J̄n̄a x̄ita xi k'oas'ín chja, is̄aá 'ño binchat'aaxin-isa-là Nainá.

¹⁷ J̄n̄a 'én xi ch'o tsò k'oaá gaya-là koni ch'in nchikòn xi bi'ndo-ne yijo-ná. K'oaá s'ín chja Himeneo k̄o Fileto

¹⁸ nga jyeé chinchat'aaxin-là xi kjoakix̄i nga tsò: "Jè kjoa xi faáya-là mìk'en jyeé tsato-né." K'oaá ma-ne sískaya i'nga-là x̄ita kjoa xi mokjeiin-là.

¹⁹ Tanga Nainá jyeé tsib̄ijna'ño t̄ats'en jngoò kjoakix̄i n̄anda tjit'aa 'én xi tsò: "Nainá beèxkon-né xi x̄ita ts'e"; ngats'ii xi tsò: "An, x̄ita-là Cristo-ná, k̄atinchat'aaxin-là kjoa xi ch'o t̄jín."

²⁰ Jngoò n̄'ya xi jè kji, t̄jín tsojmì xi oro k̄o plata. T̄ikoáá t̄jín tsojmì xi yá k̄o xi n̄'nde. T̄jín tsojmì xi nachrjein nchijòn mochjeén koa t̄jín xi tà k'e mochjeén k'e nga ndaà t̄ima.

²¹ Tsà s̄itsjeé kjoh̄itsjeèn-ná nga k̄inchat'aaxin-lá kjoa xi ch'o t̄jín, k'oaá s'ín s̄ikjeén-ná Nainá koni tsojmì tsjeé xi tà k'e mochjeén k'e nga ndaà t̄ima. T̄itsajnaandaà nga s̄ikitasoán n̄ta mé xá-là Nainá xi ndaà t̄jín.

²² Ngaji Timoteo, t̄is̄it'aaxin-là kjoh̄itsjeèn-là ixti xi ch'o t̄jín. Koiì t'in t̄jinguì-là xi kjoakix̄i, k̄o kjoa xi mokjeiin-ná it'aa ts'e Cristo, k̄o kjoat̄jòcha, k̄o kjoa'nchán takòn. K'oas'ín t'in t̄jinguì-là kjoa koi k̄o x̄ita xi tsjeé t̄jín in̄ima-là nga chjat'aa-là Nainá.

²³ Kì kjoa nchikón n̄is'in-là xi n̄imé chjì-là. Jyeé ndaà t̄jìin-lè nga kjoasii ótsji.

²⁴ Jngoò ch̄i'nda-là Nainá mìkii mochjeén nga kjoasii skóngajìin. Ndaà k̄atasik̄o yije x̄ita. K̄atijnandaà nga k̄ok̄oya 'én-là Nainá. K̄atas'e-là kjoatsetakòn mé kjoa xi mat'in.

²⁵ Koó kjondaà-là k̄atasik̄ixiya j̄n̄a xi x̄ita kondra, tsà koi nachrjein Nainá tsj̄a is̄a-là nachrjein nga s̄ik̄ajino jé-là nga mì t̄jé kohótsji-ne mé-ne nga k̄okjeiin-là xi kjoakix̄i.

²⁶ K'e nga tax̄'anguì xkon, komaá k̄itjokàjìin kjoanach̄an-là neij̄i nga ya tjit'aa'ño-là nga k'oas'ín sík̄itasòn-là koni s'ín mejèn-là neij̄i.

3

Mé kjoa ch'o xi s'jin x̄ita k'e nga t̄imachrañà nga kjoehet'aa nachrjein

¹ Ngaji Timoteo, k̄atasjìin-lè k'e nga t̄imachrañat'aa nachrjein nga kjoij̄i jngoò k'a-ne Cristo, k̄jìn skoya kjoa s'e xi mìkii ndaà t̄jín.

² J̄n̄a x̄ita xi s'e, tà yijo-laá 'ño s̄is'in-là; toón 'ño kotsjakeé; yijo-laá 'ño ndaà s̄ik̄itsajna; x̄ita 'nga ikoón koma; kich̄ajino-là Nainá k̄o x̄ita; mìkii kii'nchréñjion-là x̄ita jch̄inga-là; mìkii tsj̄a ngajo-ne kjondaà, mìkii skoexkón Nainá,

³ mìkii s̄ijtjòkeé xik̄jín, jngoò k'a mìkii s̄ijje-là ikon, 'én ndiso tsj̄at'in xik̄jín, mìkii s̄ikinda yijo-là mé kjoa xi s'jin, x̄ita ch'o koma, kondraá kjoì-là kjoa xi ndaà t̄jín,

⁴ kondraá kjoì-là amigo-là, mìtsà ítjòn s̄ik̄itsjeèn mé kjoa xi s'jin, 'ño 'nga ikon koma, jè s̄itsjakeé kjoa ts'e is̄o'nde xi sasén-là yijo-là, mìkii s̄itsjakeé Nainá.

⁵ K'oaá s'in s'jin koni tsá beèxkón Nainá, tanga mìkìl tsjá'nde nga jè nga'ño-lá Nainá s'ixájiin injima-lá.

Xita koi kì kii nìs'in-lá.

⁶ Jñà xita koi, ótsji'nde-lá nga fahas'en ni'ya-lá íchjín xi mìkìl beèxkón yijo-lá kò xi tse jé tjín-lá nga ma konachan-lá. Íchjín koi, yaá fitjingui-lá kjoa xi isa'ño ch'o tjín koni s'in mejèn-lá yijo-lá.

⁷ Kjit'aà nachrjein nchikota'ya 'én xitse tanga nijngoò nachrjein fahas'en-jiin-lá xi ngui kjoakixi.

⁸ Jñà xita koi, k'oaá tis'in binchahikon-lá xi kjoakixi, koni kis'iin xita chjine xi ma-lá bíndaá xi kí'mì Janes kò Jambres nga chinchahikon-lá Moisés. Xita koi, jngoò k'aá ch'o tjín kjohitsjeèn-lá. Bitjongui-né nga nguixkon Nainá nga mìkìl mokjeiin-lá xi kjoakixi.

⁹ Tanga mìkìl s'ikijne. Kijchò nachrjein nga skoe yije xita kjoa tondo-lá. K'oaá s'in jchat'in-lá koni jé Janes kò Jambres.

Kó tsò Pablo nga bú'in-lá Timoteo nga 'én kixi kòkòya

¹⁰ Tanga jì Timoteo k'oaá s'in tì'mitjingui-lá koni s'in tsakoóya-lè, koni s'in tísjchá yijo-na, koni s'in tjín kjohitsjeèn-na mé kjoa xi títitjingui-lá. K'oaá tis'in mokjeiin-lè koni s'in mokjeiin-na 'an it'aà ts'e Cristo. K'oaá s'in tjín kjoatsetakòn-lè kò kjoatjòcha-lè koni s'in tjín ts'an. K'oaá tis'in chíkjoa yije-lè njta mé kjoa-ne koni 'an.

¹¹ Tijjìn-lè koni s'in tìskijaán kjo'in it'aà ts'e Cristo tikoá ongatjingui-na xita kondra koni s'in komat'ian ján naxandá Antioquia, Iconio kò Lистра. Tàxki toòn kijtsèè-na xita nga tsangatjingui-na tanga jé Na'èn-ná tsachrjekàjiin yije-na kjoa koi!

¹² Kixji kjoa, ngats'ii xi mejèn-lá skoèxkón Na'èn-ná Jesucristo, k'oaá tis'in s'e-lá kondra nga kjitjinguikeè xita.

¹³ Tanga jñà xita xi ch'o s'in, xi konachan, kjit'aà nachrjein, saá'ño, saá'ño ch'o s'jin nga skónachan-lá xita, tanga k'oaá tis'in komat'in ngajo-ne nga skónachan-lá xita xi kje'ei.

¹⁴ Tanga ngaji, ndaa kixi tikoji jñà kjoa xi kichita'yi xi jye k'oas'in ndaa kòkjeiin-lè. Jyeé tijjìn-lè ya xita xi tsakóya-lè.

¹⁵ Skanda tik'e-né nga tisa ndí ti titsjoi, kiyaxkoin Xojon Tsjeè-lá Nainá jé xi koma-lá s'ichjine-lè kó s'in kitjokàjiin kjo'in nga mokjeiin-lè it'aà ts'e Cristo Jesús.

¹⁶ Ngats'ii 'én xi jtít'aà Xojon-lá Nainá, kjohitsjeèn ts'eé Nainá nga kitjei. K'oaá s'in mochjeèn nga okóya-ná, nga okó-ná k'e nga ch'o 'né, nga síkixiyandaá-ná, nga okó-ná ndiyá kixi.

¹⁷ mé-ne jñà xi xita-lá Nainá 'mì-ná jngoò k'a ndaa k'itsajnaandaá nga s'ikitasoán yije kjoa xi ndaa tjín.

4

Kó tsò Pablo nga tbinè-lá Timoteo nga 'Én-lá Nainá kichja

¹ 'Nó tbinè-lè nga nguixkon Nainá kò Na'èn-ná Jesucristo jé xi jeya kjoji jngoò k'a-ne koni xitaxá ítjòn nga koiindaàjiin-lá xita xi tìtsajnakon kò xi jye k'en.

² Tinókjoayi 'én ndaa-lá Nainá xi kjoa ts'e Cristo. Tijnandeii nga kjit'aà nachrjein njta mé kjoa xi tjín. Chikoi xita k'e nga ch'o s'in; tikixiyi; tit'in-lá nga'ño kàt'eé-lá ikon. K'e nga k'oas'in s'jin, tseé t'jin takoin, kò kjondaà-lè takóya-lá.

³ Kijchò nachrjein k'e nga jñà xita mì tì kii kòkjeiin-lá nga kji'nchré 'én ndaa xi kixi tjín xi jñà okóyaá it'aà ts'e Cristo. Kjin maestro kohótsji xi kòkóya-lá kjoa xi jñà komejèn-lá nga kji'nchré-lá.

⁴ Kinchat'aaxin-lá xi kjoakixi, koi kjit'aà-lá xi taxki cuento jchínga xi mìtsà kixi kjoa.

⁵ Tanga ngaji Timoteo, indaa t'è-lá takoin njta mé kjoa-ne, tikjeiin kjoa ts'e kjo'in, koi xá t'jin nga tika'bisoin 'én ndaa-lá Nainá xi kjoa ts'e Cristo, ndaa t'ikitasoin xá xi jì kjòngatsjei.

⁶ 'An, jye tìtsjaá kjotjò-lá yijo-na Nainá. Jyeé ijchò nachrjein nga kiyá.

⁷ Jyeé ndaa kiskaàn-tjia xá-lá Cristo; jyeé ndaa k'ikitasoán xá xi 'an kjòngatsja; jyeé ndaa tsohótijnakoaa jé 'én xi mokjeiin-na it'aà ts'e Cristo.

⁸ I'ndeji, Cristo, xi xitaxá kixi tjina, tjinatjò jngoò-lá corona ján ngajmii xi 'an tsjá-na nga kixi tsohótijnakoaa. K'e nga kjoji jngoò k'a-ne, mìtsà tà 'an xi tjoé-na. Tikoaa tjoé-lá ngats'ii xita xi tjingoò ikon nga nchikoña-lá Cristo.

Kó kitsò Pablo nga kisixátiya-lá Timoteo nga kjoikon niton

⁹ Tixátiyi nga niton nchrobáchon-ná.

¹⁰ Nga jé Demas, jyeé kitsjeiin takòn-na. Jé 'ño matsjakeè kjoa xi tjín j isò'nde. Ján kii naxandá Tesalónica. Crescente, ján kii nangui Galacia, koa jé Tito ján kii nangui Dalmacia.

¹¹ Tà jé Lucas tjnako-na. K'e nga kjinchroboi, tjajchatoi Marcos, nchrobákoi. Kòchjeèn-na kjoa ts'e xá xi tjín-na.

¹² Jè Tíquico, ján kisikasén Éfeso.

¹³ K'è nga kjinchroboi, jcha-ná inchrokisòn-na xi tsakajná ya naxandá Troas ya ni'ya-la Carpo. Jch'i xi xojon-na; jñà xi ìsà 'ñó mochjeén-na xi chrjoa kjoàn.

¹⁴ Alejandro, jè xi chjine kicha, 'ñó ch'o tjín kjoa xi tísiko-na. Nainá, jè kàtatsjá-la kjo'in kjoa xi tís'in.

¹⁵ Ngaji Timoteo, tikindji yijo-lè it'aà ts'e xita jè. 'Nó kondra fitjingui-la 'én xi okooyaá.

¹⁶ K'è nga kisindaajün itjòn-na nga nguixkon xitaxá, niyá xi tsasiko-na. Ngats'ii xita kitsjein takòn-na. Ki kindaá s'in Nainá kjoa koi.

¹⁷ Tanga Na'èn-ná tsasiko-na. Kitsjaá-na nga'ño mé-ne nga komà kichjàjün-la jñà xita 'én ndaà-la Nainá xi kjoa ts'e Cristo. K'oaá s'in komà-ne nga kii'nchré yije xi mìtsà xita judío. Nainá tsasiko-na nga mikii kisik'en-na xita xi tsibindaajün-na.

¹⁸ Na'èn-ná kosiko-na it'aà ts'e ngats'ii kjoa xi ch'o tjín. Kjikò-na ñánda tíhotíxoma ján ngajmii. Nainá, kàtas'e-la kjoajeya nita mé nó-ne nita mé nachrjein-ne. K'oa's'in kàtama.

Xi fehetaà-ne, Pablo síhixat'aà xita xikjín

¹⁹ Tixat'ei jè Priscila ko Aquila ko xita ni'ya-la Onesíforo.

²⁰ Erasto, ján tsibijna naxandá Corinto. Jè Trófimo, ján kisikjina naxandá Mileto. Xk'én-né.

²¹ Tixatíyi nga niton nchrobáchón-ná k'è nga tik'jeè f'ii nachrjein choòn 'nchán. Tíshixat'aà-lè Eubulo, Pudente, Lino ko Claudia, ko ngats'ii xita xi 'ndse chibá.

²² Jè kàtijnako-lè Jesucristo xi otíxoma-ná. Ngats'ioò, jè kàtijnako-nò kjondaà-la. K'oa's'in kàtama.

Xojon carta-la San Pablo xi kiskii-la Tito

Kó tsò Pablo nga sñhixat'aà Tito

¹ 'An, Pablo, xi chù'nda-la Nainá ma. Tjkoa 'an tsibíxáya-na Na'èn-ná Jesucristo mé-ne nga kòkjeiin-la it'aà ts'e Cristo jñà xita xi xó jè Nainá jaàjiin-ne, tjkoa skoé xi kjoakixi nga koma-la skoexkón Nainá.

² Xita koi k'oaá s'in komat'in nga tjngoó ikon nga nchikoña-la nga kitsajnakon inima-la nita kjé-ne koni s'in kitsjaá tso'ba Nainá skanda k'e nga tj'kj'eé sindaà isò'nde. Nainá mikii konachan.

³ K'e nga jye ijchò nachrjein, Nainá kiskatsejèn 'én-la it'aà ts'e 'én ndaà-la Nainá xi kjoa ts'e Cristo xi 'an chjàya. Na'èn-ná kisingatsja-na xá jè nga k'oaá s'in tsatixoma Nainá xi ochrjekajjiin-ná kjo'in.

⁴ Ngaji, Tito, koni tsà ki'ndí ts'an xan-lè nga ngásòn mokjeiin-ná it'aà ts'e Cristo, tsiskasén-lè xojon jè. Nainá xi Na'èn-ná kò Na'èn-ná Jesucristo xi ochrjekajjiin-ná kjo'in kátatsjá-lè kjondaà-la, kàtahmàkeè-lè, tjkoa 'nchán kàtasikjina inima-lè.

Kjoa xi mochjeén ts'e xita xi sikitasòn xá ya jjiin naxandá-la Nainá

⁵ Koií xá kiskikjina-lè ján nangui Creta nga sikixiyi xá xi chijat'aà-isa. K'oaá tis'in tsatixoma-lè nga kinchandeií xita jchínga xi sùikinda naxandá-la Nainá nga jngoó òngò òngò naxandá.

⁶ Xita jchínga xi sùikitasòn xá, jñà-né xi ndaà nchisíjchá yijo-la nga mì yá xi ch'o kitso-la; xi jngoó ma chjón-la. Kò jñà ixti-la mochjeén-né nga ndaà mokjeiin-la it'aà ts'e Cristo nga mìtsà yá xita ónè-la kjoa nga kjoaská tjímajjiin kò nga mikii 'nchréñijon.

⁷ Jè xita xi sikinda naxandá-la Nainá xi xá-la Nainá sikitasòn, mochjeén-né nga ndaà s'iin mé-ne nga niyá xi ch'o kitso-la. Mikii mochjeén nga 'ikon ikon koma; mì taxkí kojti-la; mì xán kohijtakò; mì xita skaàn-kò; kò mì tòn chijé kotsjakeè.

⁸ Tà saá ndaà kàtasís'in-la xita xi bijchókón. Kàtamatsjakeè kjoa xi ndaà tjín. Indaà kàtjina ikon. Kixi kàtjina kò xita. Tsjeè kàtasíjchá yijo-la nga nguixkón Nainá, ndaà kàtasikinda yijo-la nga mì taxkí s'iin.

⁹ Ndaà kàtjjiin ikon 'én kixi koni s'in kis'enojmí-la mé-ne nga it'aà ts'e 'én ndaà xi kòkòya koma kùitin-la xita nga 'ñò kàt'eé-la ikon tjkoa koma sùikixiya xi kondra fitjngui-la xi kjoakixi.

¹⁰ Koií kjoa-la tjín jchán xita xi tájaajjiin nga okóya 'én xi nímé chjí-la tjkoa konachan-la xita xi k'ejí; kò tjñà-ne xi 'ñò binè-la xita xi k'ejí nga kjo'ñò sít'aà chjiba-la yijo-la kjoa ts'e circuncisión.

¹¹ Jñà xita koi mochjeén-né nga kichjoà'a nga sískáya-la ngats'ií xita xi túsajna nga jngoó òngò n'ya. Tà jè xi mejèn-la nga tòn síchjé't'aà-la xita nga k'oaá tjín 'én xi okóya xi nímé chjí-la.

¹² Jngoó xita chjine xi tjya-ne j'nde-la Creta k'oaá kitsò-la xita xikjín: "Jñà xita Creta, xita ndiso-né, xita ts'én-né koni tsà cho ijñá, xita chjrá'a-né, xita ts'eé-né."

¹³ 'Én kixi xi kichja xita jè; ngaji, Tito, koií kjoa-la 'ñò tjnókjoakoji mé-ne nga ndaà kitsajnakò-ne koni s'in mokjeiin-la it'aà ts'e Cristo,

¹⁴ kjoa mé-ne nga mì jñà sùis'in-la cuento xi nímé chjí-la xi fitjngui i'nga-la xita judío tjkoa mì jñà sùis'in-la kjótixoma ts'e xita xi binchat'aàxin-la kjoakixi.

¹⁵ Jñà xita xi tsjeé tjín kjohitsjeèn-la tsjeé yije ma-la nita mé-ne. Tanga jñà xita xi mì tsjeé tjín kjohitsjeèn-la kjoa mikii mokjeiin-la it'aà ts'e Cristo, saá tjé yije ma-la nita mé-ne; skanda jè inima-la kò kjohitsjeèn-la tjé tjín.

¹⁶ K'oaá tsò nga beèxkon Nainá tanga jñà kjoa xi s'in 'yaá-la nga mìtsà kixi kjoa. Xita koi, 'ñò ch'o s'in, mikii 'nchréñijon, tjkoa nímé chjí-la nga njngoó ma-la sikitasòn xá xi ndaà tjín.

2

Kjohitsjeèn xi ndaà tjín takóyi

¹ Ngaji, Tito, k'oaá s'in tjnókjoji koni s'in ok'in-la 'én ndaà xi jñà okoóyá

² nga jñà xita jchínga ts'e naxandá-la Nainá, indaakjoa kàtas'in; ndaà kàtayaxkón; ndaà kjohitsjeèn kàtas'e-la; ndaà kàtitsajnakò kjoa xi mokjeiin-la, kò kjoatjòcha-la kò kjoatsejta-la mé-ne nga kichikjoako-la kjo'in.

³ Jñà ichjín jchínga, k'oaá s'in kàtasíjchá yijo-la koni xita-la Nainá. Kì xita chjajno-la. Kì xán báhijtakò. Koií kàtakóya kjoa xi ndaà tjín.

⁴ K'oaá s'in kàtakóya-la ichjín ixti nga tjòkeè kàtas'in íchjá-la, tjkoa tjòkeè kàtas'in ixti-la.

⁵ K'oaá s'in ndaa kàtakóya nga ndaa kàtasíjchá yijo-lá; tsjeè kàtitsajnakò yijo-lá; ndaa kàtasikinda ni'ya-lá; ndaa xita kàtama; kàta'nchréñijon-lá íchjá-lá, mé-ne nga mi yá xi kichhajno-lá 'én-lá Nainá.

⁶ K'oa tís'in tinè-lá jñà íchjá xi ixti-isa nga ndaa kàtasíjchá yijo-lá.

⁷ Nita mé kjoa xi tjin, ji tijná ítjoin nga ndaa t'jin. K'e nga kòkóya-lá xita, kixi tikijni kjohítsjeèn-lè; 'én kixi tinókjoii;

⁸ ndaa tsò 'én xi tinókjoii xi mi yá kochrjekàngui mé-ne k'e nga kji'nchré-lá jñà xi xita kondra, kosobà-lá; nímé sakòt'aà-lá xi ch'o kitsò-ná.

⁹ Koatìn-lá jñà xita xi chi'nda títajna'ño, ndaa kàtasíkitasòn yije-lá nei-lá, ndaa kàtasís'in-lá mé-ne nga tsja s'e-lá, ki kjingui'a-jèn;

¹⁰ ki síchijét'aà-lá nei-lá. Tà saá ndaa kàtas'in nga kàta'ya-lá nga xita kixi. K'oaá s'in skoè-ne xita xi k'eji nga ndaa tjin kjotixoma-lá Nainá xi ochrjekàjìin-ná kjo'in.

¹¹ Nainá jyeé tsakó kjondaà-lá nga ngats'iì xita xi tjin nga tjtja isò'nde koma kitjokàjìin kjo'in.

¹² Jè kjondaà-lá Nainá k'oaá s'in okóya-ná nga mì tì kù k'oa s'en-ná nga mì ndaa yaxkoán Nainá tikoa mì tì kù k'oa s'en-ná kjoach'o xi síjé yijo-ná xi ts'e isò'nde. K'e nga jye sikítsajnaá kjoa koi, indaàkjoa sikítinaá kjohítsjeèn-ná, xita kixi komaá, tikoa ndaa jchaxkoán Nainá nachrjein xi titsajnaá j'ndej.

¹³ K'oaá s'in s'éeen kjoa koi nga titsachiñá-lá kjondaà xi 'ño ndaa tjin nga jchaá kjoajeya-lá Jesucristo k'e nga kjoii jngoo k'a. Jesucristo xi Nainá nga 'ño nga tjna nga jè xi ochrjekàjìin-ná kjo'in.

¹⁴ Jè Na'èn-ná Jesucristo kitsjaá yijo-lá nga k'en ngajo-ná. Jè tsibíchijiti-ná mé-ne koma kitjokàjìnaá ngats'iì kjoa ts'e jè tikoa jngoo k'a sjitsjeè-ná nga ngui xita naxandá ts'e komaá. Kò ngui tjngoo takoán nga sikitasoán nita mé kjoa xi ndaa tjin.

¹⁵ K'oaá s'in takóyi tikoa tit'in-lá xita. 'Nó tinókjoakoi koni s'in tji'nde-lè nga kotixomai. Ki yá xi ochrjekàngui-lè.

3

Ndaa tikitasòn jñà 'én xi mokjeiín-ná

¹ Tikítsjeèn-lá nga kàteèxkòn xi xitaxá títajna kò ngats'iì xi kjotixoma tjiya tsja. Kàta'nchréñijon-lá. Kàtasíkitasòn ngats'iì xá xi ndaa tjin.

² Koatìn-lá ki xitaá chhajno-lá; ki xitaá kjaán-kò; tà saá kjondaà kàtas'e-lá; ngui indaàkjoa kàtitsajnakò ngats'iì xita.

³ Nga sa kjòtseé, jñà, tikoaá xita tondoo komá. Mikii na'yañioaán. Xìn ndiyá tsitjaayaá. K'oaá s'in k'i né ngats'iì kjoa xi ch'o tjin xi síjé yijo-ná kò kjoa xi sasén-lá. Yaá tsitsajnajnaá xi kjoach'o kò kjoaxitakòn. Tsak'in-ná nga kisijtikeyé-ná xita. Tikoa jñà kinijticha ngajo-ná xinguiá.

⁴ Tanga Nainá xi ochrjekàjìin-ná kjo'in, k'e nga tsakó kjondaà-lá kò kjoatjòcha-lá it'aà ts'e xita,

⁵ tsachrjekàjìin-ná kjo'in. Mitsà koi kjoa-lá nga ndaa tjin kjoakixi xi k'i né. Tà koi-né nga kjòhimakeé-ná. K'e nga kjòtsjeè inima-ná, kits'iin xitse jngoo k'a-ná kò jè Inima Tsjeè-lá Nainá kisixitseyá jngoo k'a-ná.

⁶ It'aà ts'e Na'èn-ná Jesucristo xi ochrjekàjìin-ná kjo'in, Nainá, 'ño ndaa kisikijnajìin inima-ná Inima Tsjeè-lá.

⁷ K'e nga jè kjondaà-lá Nainá jye kisikixiya-ná, k'oaá s'in kítajnaá nga tjngoo takoán nga titsachiñá-lá kjoabinachon xi mikii fehet'aà nita kjé-ne, jè kjotjò xi tsjá-ná Nainá nga ixti-lá tsò-ná.

⁸ 'Én koi, 'én kixi-né. K'oaá s'in mejèn-na nga 'ño tinè-lá xita mé-ne jñà xita xi mokjeiín-lá it'aà ts'e Nainá ndaa kàtasís'in-lá kjoa xi ndaa tjin. Kjoa koi, ndaa tjin; mochjeén-lá ngats'iì xita.

⁹ Tanga kù kù nìs'in-lá xi kjoa tondoo kò kjoa ts'e xita jchínga kjòtseé xi mitsà kixi kjoa. Ki kjoasiì nìs'in-lá kò kjoa xi chitiya-ná it'aà ts'e kjotixoma-lá Moisés. Kjoa koi, mikii mochjeén, nímé chji-lá.

¹⁰ Jè xita xi naxandá-lá Cristo mejèn-lá sijjòya, jò, jàn k'a tinókjoa 'nchré-lá. Tsà mikii 'nchréñijon-lè, nachrjekàjìin.

¹¹ Ji, jyeé 'yi nga xita jè, jyeé its'oòn kjohítsjeèn-lá. Ch'o tís'in. Jè tíhónè-lá yijo-lá.

'Én xi títaj-lá Tito jè Pablo

¹² K'e nga sikasén-lè Artemas, o xi jè Tiquico, tixátíyi nchrobáchón-ná Nicópolis. K'oaá s'in kiskoòsòn-lá, yaá kótijna nachrjein cho 'nchán.

¹³ Tichját'aà-lá Zenas, maestro ts'e kjotixoma, kò Apolos; jii-lá mé xi mochjeén-lá mé-ne nga koma kjoí-ne ñanda nchifi nga nímé sichijat'aà-lá.

¹⁴ Jñà xi x̄it̄a tsaján, k'oaá t̄is'ín kàtama-l̄a k̄jondaà xi ndaà t̄jín nga kàtasíchjât'aà-l̄a x̄it̄a xi chijat'aà-l̄a tsojmì mé-ne nga ndaà s̄iikjeén-ne načhrjein-l̄a nga t̄ítsajnakon, komaá s̄iikjina jngòò kjoa xi ndaà mochjeén.

'Én xi fehet'aà-ne

¹⁵ Ngats'ii x̄it̄a xi i t̄ítsajnakō-na t̄íshixat'aà-lè. T̄iikoā t̄iixat'ei yije jñà xi matsjakeè-ná nga ngàsòn mokjeín-ná i't'aà ts'è Cristo. K̄jondaà-l̄a Nainá k̄atijnakō-nò ngats'ioò. K'oa's'ín kàtama.

Xojon carta-la San Pablo xi kiskii-la Filemón

Kó tsò Pablo nga síhixat'aa Filemón

¹ Ji Filemón xi ndaa matsjake-lè xi ngàsòn xá-la Na'è-ná títsa'né, 'an Pablo nga ndayá tijnáa'ya k'oi'i kjoa-la nga xá-la Cristo tís'iaàn, tísihixat'aa-lè kò 'ndsè Timoteo.

² Tíkooá tísihixat'aa xítá naxandá-la Cristo xi ya bixoña ni'ya-lè kò tichjaá Apia kò 'ndseé Arquipo xi tíkooá xá-la Nainá nchikjaán-tji koni 'an.

³ Nainá xi Na'è-ná, kò jè Jesucristo xi otíxoma-ná kátatsjá-nò kjondaà kò kjoa'nchán ya jjiin iníma-nò.

Kjoatjòcha xi tjin-la Filemón

⁴ K'e nga chjàt'aa-la Nainá, kjit'aa nàchrjein sikítsjeèn it'aa tsjji, k'oaá ma-ne nga tsjaà-la kjondaà Na'è-ná,

⁵ Koi'i kjoa-la nga jyeé k'inchrè nga ndaa mokjeiin-lè it'aa ts'e Na'è-ná Jesucristo tíkooá ndaa matsjachi ngats'ii xítá-la Nainá.

⁶ K'oaá s'in síjèt'aa-la Nainá nga ndaa kítasòn koni s'in nokjoakoi'i xítá xi i'nga it'aa ts'e kjoa xi mokjeiin-lè mé-ne nga isa ndaa jchaxkoin ngats'ii kjondaà xi koma síkitasoán it'aa ts'e Cristo.

⁷ Ji ndí 'ndsè, 'nó tsja ma-na kò ma'nó takoàn it'aa ts'e kjoatjòcha xi tjin-lè, nga it'aa tsjji-né, nga jye ndaa tinijetakoín iníma-la jña xítá-la Nainá.

Kó tsò Pablo nga chjatji Onésimo

⁸ K'oaá ma-ne nas'in it'aa ts'e Cristo tji'nde-na nga kinè-lè mé kjoa xi s'jin, tanga mìtsà kos'in tìbit'in-lè.

⁹ Ta jngoò kjondaà tísijé-lè, nga tjiin-ná nga tjòcha 'yaá xinguiáá. Kò jyeé tjiin-lè, 'an Pablo, jyeé xítá jchínga-ná, tíkooá ndayá tijnáa'ya xi jè ngatji-la Cristo Jesús.

¹⁰ K'oaá ma-ne nga tísijé jngoò-lè kjondaà nga ndaa chjoétjoi jè Onésimo xi koni k'ndí-na komá nga kòkjeiin-la 'én ndaa-la Nainá xi 'an tsibenojmí-la nga i tijnáa'ya ndayá.

¹¹ Nga sa kjòtsee, jè Onésimo, jngoò xítá chí'nda xi mikii ndaa kjòchjeèn-lè, tanga i'ndeí jyeé ndaa kochjeén-ná ingajoá.

¹² Tísikasén jngoò k'a-lè, 'an nga 'nó matsjake.

¹³ Ndaá-la s'e tsá i kijnako-na mé-ne nga síchjít'aa-na koni tsá ji tìnichjít'aa-ná, k'e nga takó ndayá tijnáa'ya nga jè ngatji-la 'én ndaa-la Nainá xi kjoa ts'e Cristo.

¹⁴ Tanga majin-na nga kjo'ño síkijna tsá ngaji mikii tijnngoò takoín, mé-ne jè kjondaà xi tísijé-lè mi kjo'ño koma-lè; iníma-lè kjinchrobajin.

¹⁵ Tsá koi nàchrjein, jè Onésimo, koi'i kjoa-la tsasit'aa xin chiba nàchrjein-lè mé-ne i'ndeí koma chjoétjoi jngoò k'a-ne nga ya kijnako kjit'aa-lè.

¹⁶ Tanga k'oaá s'in 'ya takoín koni tsá jngoò xi taxki chí'nda; isaá 'nó ndaa jchatakoin koni tsá jngoò 'ndsi xi 'nó ndaa matsjachi. 'An, 'nó matsjake; tanga ngaji isaá 'nó títsjachi mìtsà ta koi kjoa-la nga chí'nda tsjji koma, koi-né nga jyeé 'ndsè chibá it'aa ts'e Cristo.

¹⁷ Tsá kixíi kjoa nga k'oas'in 'yatakò-ná nga 'ndseé chibá it'aa ts'e Cristo, chjoétjoi Onésimo koni tsá 'an xi tichjoétjò-ná.

¹⁸ Tsá tjin mé kjoa xi ch'o kisiiko-lè, kò tsá mé xi kitjen-t'in-lè, 'aán tìkíchj-í-ná.

¹⁹ 'An, Pablo, 'an sobá tìkjiil-lè xojon jè. 'An kichjiá yije xi tjen-la. Mikii mochjeén nga 'an koxán-lè, jyeé tjiin-lè nga 'aán kitjen-t'in-ná kjoabinachon-lè.

²⁰ Ndí 'ndsè, k'oaá s'in tísijé-lè nga kátasakó jngoò-na kjondaà it'aa tsjji, koni s'in ok'in-la nga 'ndseé chibá it'aa ts'e Na'è-ná; tije takoín iníma-na it'aa ts'e Cristo.

²¹ Be-ná nga síkitasòn-né; k'oaá ma-ne nga tísikasén-lè xojon jè; skanda 'beé-la takoàn, nga isaá tsatoó s'jin koni s'in tixan-lè.

²² K'oaá tís'in tixan-lè nga tìkijnandaà jngoò-ná i'nde nãnda ma síkjáya. K'oaá s'in tikoña nga jè Nainá kji'nchré-né koni s'in títanokjoat'aa-là, nga tsjá'nde-na nga koma kjikon-nò.

Èn-la Pablo xi fehet'aa-ne

²³ Tísihixat'aa-lè Epafra, xinguiáá xi ngàsòn ndayá títsajna-jen nga jè ngatji-la Cristo Jesús.

²⁴ Tíkooá tísihixat'aa-lè Marcos, Aristarco, Demas kò Lucas, xi síchjít'aa-na kjoa ts'e xá xi tís'iaàn.

²⁵ Jè kàtijnajin iníma-nò kjondaà-la Jesucristo xi otíxoma-ná.

Xojon carta xi kitjei-la xita Hebreo

Kós'in chjako-ná Nainá it'aà ts'e Ki'ndí-la

¹ Nga t̄s̄a kjotseé, jè Nainá kjìn k'a kiichja-la xita jchínga-ná nga jñà kisikjeén xita xi kiichja ngajo-la, nga kjìn skaya tjín-ne kós'in kiichja-la.

² Tanga j'nde, nga tifehet'aà nachrjein, Nainá, jè ki'ndí-la tísikjeén nga tíchjako-ná ko t̄j̄e-ne ki'ndí-la kisikjeén nga tsibindaà isò'nde ko jè kjòngatsja ngats'ii nga yije tsojmi xi tjín isò'nde.

³ Ko jè Ki'ndí xi okó jè kjoa isén ko kjoa jeya-la Nainá; ko it'aà ts'eé 'ya-ná kó kji kjoàn-ne Nainá. It'aà ts'e nga 'ño xi tjín-la 'én-la Cristo sijnangui'ño-la isò'nde. K'e nga jye kitsjaà kjotjò yijo-la nga kisitsjeé-ná jé-ná, i kjoàn tsijin ngajmii nga tsibijnat'aà chrja kixi-la Nainá.

⁴ Nga jè Ki'ndí-la Nainá tjina itjòn; isaá 'ño 'nga tjina mi k'oa-ne koni jñà àkjale, koií kjoa-la nga isaá 'ño 'nga tjina jè 'in xi kitjoé-la.

⁵ Nga jè Nainá, nijngoo k'a k'oas'in kitsò jngoo-la àkjale:

Ji-né xi ki'ndí-na xan-lè,

'an-ná Na'èn-lè.

Tjikoáá nijngoo àkjale xi kitsò-la:

'Aán koma Na'èn-la,

jè koma ki'ndí-na.

⁶ K'e nga kisikasén ki'nditjòn-la j̄ isò'nde tjikoáá k'oaá s'in kitsò:

Ngats'ii àkjale-na kàteèxkón.

⁷ It'aà ts'e àkjale, k'oaá tsò:

Nainá, maá-la t̄j̄o s'in àkjale-la;

jñà chi'nda-la maá-la ni'in s'in.

⁸ Tanga it'aà ts'e ki'ndí-la tsò-né:

Ji-né xi Nainá,

kixjì kotixomai njta kjé-né.

⁹ Matsjacha-né kjoa xi ndaà tjín

ko majticha-né kjoa xi ch'o tjín;

koií kjoa-la, 'an xi Nainá 'mì-na xó jaàjiln-lè

nga sa ndaà jchaxkón-lè

mé-ne nga isa tse kjotsja s'e-lè

koni jñà xita xingui xi báhjatakó-lè.

¹⁰ Tjikoáá tsò-né:

Ji Na'èn xi Nainá 'mì-lè nga j̄i otixomai,

nga sa tàts'en-la kjoa, j̄i tsibindii isò'nde,

t̄j̄ií-ne xi tsibindii ngajmii.

¹¹ Ngaji kjjna-né njta mé nachrjein-ne.

Tanga jè isò'nde ko ngajmii kjoehet'aà-né;

k'oaá s'in kojchá koni ma nikje nga ma jchínga.

¹² K'oaá s'in kixkóyi koni jngoo x'ió,

k'oaá s'in sjkjatjyi koni s'in fatjya nikje.

Tanga ngaji mi ki kjoatjya-lè njta kjé-ne

ko jñà nachrjein-lè mikii kjoehet'aà.

¹³ Nainá nj̄ saà jngoo k'a kitsò-la jngoo àkjale-la:

Tijnat'eii chrja kixi-na

skanda k'e nga síkjanguia kondra-lè

ya ñánda nga nchasòn ndsokoi.

¹⁴ Ngats'ii àkjale, inijma-né nga síxá-la Nainá; jñà níkasén nga síchjât'aà-la jñà xita xi tjoé-la kjondaà nga bitjokàjiln kjo'in kjoa ts'e jé-la.

2

Mé-ne 'ño chí-la 'én xi jye kina'yá it'aà ts'e Cristo

¹ Koií kjoa-la, mochjeén-né nga ngui sa ndaà sis'in-lá 'én xi jye kina'yá, mé-ne nga mì xìn ndiyá kjaán koni s'in tjín ndiyá-la Nainá.

² Jñà kjotixoma xi Nainá kitsjaà nga kisikjeén àkjale nachrjein xi jye tsato, tjín-la okixi, ko jñà xita xi tsóhótsji jé nga mikii kisikitasòn kjotixoma xi kits'ii-la, kjo'íin kitjoé-la koni s'in ok'in-la.

³ Kò jñà xi titsajnaá nàchrjein ì'ndeì, isáá 'ñó s'e-ná kjo'in tsà mì kì s'is'iaán 'én-là Cristo nga jè kòchrjekàjìin-ná kjo'in. Nga jè sobá Na'èn-ná kitsjaà ìtjòn-ná 'én koi. Kò jñà xi ìskan kii'nchré 'én koi, tìkooá tsibénojímí-ná nga kixì kjoa.

⁴ Nainá, tìkooá kisikixiya 'én koi nga kjiin skoya kjo'xkón kis'iin xi okó kjoa jeya-là Nainá, tìkooá kisika'bisón kjo'tjò ts'e Inìma Tsjeè-là; k'oaá s'ín kitsjaà koni s'ín mejèn-là jè.

Yà xi ochrjekàjìin-ná kjo'in kjoa ts'e jé-ná

⁵ Nga Nainá mìtsà jñà àkjale-là kitsjaà-là nga jñà kòtixoma-là jè isò'nde xi ìskan kjoí, jè xi titsachibàya-ná.

⁶ Ta sáá tìchjaá jngoò k'a Xojon-là Nainá ñánda nga tsò:

Jì Na'èn, òyá-né xi xìta?

¿A ok'ìn-là nga jì nìkìtsjeèn-ne kò makájno-lè ìt'aà ts'e?

⁷ Isáá nangui kinikíjní koni jñà àkjale, kits'ì-là kjoa jeya kò 'nga kinikíjní nga tsatíxoma,

⁸ jì kits'ì-là nga ñó nga ma kòtixoma-là ngats'ì tsojmì xi tjin.

Tsà Nainá kitsjaà-là nga ñó nga jè kòtixoma-là ngats'ì tsojmì xi tjin tsòyáá-ne nga nìmé tsojmì tjin xi mì jè otixoma-là. Kixì kjoa, nàchrjein ì'ndeì, k'j'èè kii ndaà 'ya-là tsà jè tìhotixoma-là ngats'ì tsojmì xi tjin.

⁹ Tanga 'ya-ná nga jè Jesús, nas'ín nangui kinikíjní chiba nàchrjein koni jñà àkjale, tanga ì'ndeì, jeyaá tjna nga 'ngaá tjna nga tìhotixoma, koi kjoa-là nga kjo'in kisikjeín k'e nga k'en. Nainá, ñó matsjakeè-ná nga kisikasén Jesús nga jè kisikjeín kjo'in ts'e kjoabiyaá xi kjo'ndaà ts'e ngats'ì xìta.

¹⁰ Jè Nainá, xi tsibíndaà yije nìta mé xi tjin, ndaà ok'ìn-là koni s'ín kis'iin k'e nga kisikatojìin kjo'in Ki'ndí-là mé-ne nga ìt'aà ts'e kjo'in xi tsatojìin-ne, nìmé kjoa xi kichjìt'aa-là nga koma kòchrjekàjìin-ná kjo'in kjoa ts'e jé-ná ngats'ì xi ìxti-là Nainá maá xi jè mejèn-là nga ya kìtsajna'kooá ñánda nga jeya tjna jè.

¹¹ Jè xi tsítsjeè xìta xi tjin-là jè, kò jñà xìta xi tjmatsjeè, tajngoó Na'én ma. Koi kjoa-là jè Ki'ndí-là Nainá mìkii masobà-là nga 'ndsè tsò-là xìta xi s'itsjeè.

¹² Jè Xojon-là Nainá k'oaá s'ín tjit'aa nga tsò:

Kènojímí-là jñà xìta 'ndsè xi ìt'aà tsiji,

seè-lè ya jjiin-là xìta naxandá-lè.

¹³ Tìkooá tjit'aa ñánda tsò:

Jé Nainá ma'ñót'aa takoàn.

Ìjngoò k'a tjit'aa ñánda tsò:

Í tijnakooa ìxti xi Nainá kitsjaà-na.

¹⁴ K'oaá s'ín tjin koni ìxti-là xìta, tajngoó jní-né kò tajngoó yijo-né. Jesús, k'oaá tjs'ín jní kò yijo kis'e-là mé-ne nga ìt'aà ts'e kjoa biyaá ma kisikijne-là xìta neji xi tjin-là nga ñó nga ma-là sik'en xìta.

¹⁵ Jesús, k'oaá s'ín komàt'in mé-ne nga komà kisikìtsajnandeji ngats'ì xìta xi kitsakjòn-là kjoa biyaá nga k'oaá s'ín titsajna koni tsà tjit'aa'ñó-là kó tjin nàchrjein bitsajnakon xìta.

¹⁶ Jesús, mìtsà koi xá j'ii-ne nga jñà àkjale s'ìchjìt'aa-là, jñà xìta tje-là Abraham s'ìchjìt'aa-là.

¹⁷ K'oaá s'ín komà-ne, jè Jesús tjinè-là nga ngàsón k'oas'ín xìta komà koni 'ndsè, mé-ne nga nò'mii ìtjòn koma-ne xi tjin-là kjo'hjmatàkón xi ndaà s'ikitasón xá-là Nainá nga koma k'ìchjìtjì-ne jé-là xìta ìt'aà ts'e kjoa biyaá-là.

¹⁸ Koni s'ín kichìt'aa nga kits'ì-là kjo'in, jè, k'oaá tjs'ín ma-là osiko jè xìta xi kò kjo'in tìchìt'aa-ne.

3

Mé-ne isá jeya tjna-ne Jesús mì k'oa-ne Moisés

¹ Jñò ndí 'ndsè, xi xìta naxandá tsjeè-là Nainá 'mì-nò, xi xó k'oaá s'ín jaajìin-nò Nainá nga xìta ts'e tsò-nò, k'oaá s'ín ndaà tìkìtsjeèn nga jè Cristo Jesús xi xó tsibíxáya-là Nainá kò jè tjna nga nga nò'mii ìtjòn ìt'aà ts'e kjoa xi mokjeín-ná.

² Jesús ndaà s'ikitasón xá-là Nainá, nga xó k'oaá s'ín kits'ì-là koni jè Moisés, ndaà kisikitasón ìt'aà ts'e naxandá-là Nainá.

³ Jesús isáá jeya tjna koni jè Moisés. K'oaá ngaya-là koni jngoò xìta xi bíndaà ni'ya, isáá jeya bíjna nei-là mì k'oaá-ne koni tje-ne ni'ya.

⁴ Ngats'ì ni'ya, tsejèn tjin xìta xi tsibíndaà; tanga jè Nainá xi tsibíndaà yije tsojmì xi tjin isò'nde.

⁵ Xi ngui okixì, jè Moisés, nga xìta chì'nda-là Nainá ma, ndaà kisikitasón xá-là ìt'aà ts'e xìta naxandá-là Nainá. Jè xá xi kis'iin, jè-né nga kitsjaà 'én kó s'ín kichjì Nainá k'e nga koma ìskan.

⁶ Tanga jè Cristo, nga Ki'ndí-là Nainá ma, jè otíxoma it'aà ts'e naxandá-là, jè naxandá-là xi tijná-ná, tsà kixi títsajnaá skanda k'e nga kjoehet'aà nachrjein koni s'ín nga mokjeiin-ná it'aà ts'e Nainá nga kò kjòtsja-ná títsachíná xi kjondaà-là Nainá.

Mé xi mochjeén nga kítjás'eén ñánda ma níkjáyaá it'aà ts'e Nainá

⁷ K'oaá tsò jè Iníma Tsjeè-là Nainá jè xojoñ xi tít'áà 'én-là Nainá, nga tsò: I'ndeí, tsà títsana'yá jñò 'én-là Nainá,

⁸ kì tájaájìin bitsajnakoo iníma-nò koni s'ín kis'iin jñà xítà xi kondrà kii-là Nainá nga kiskoòt'aà yá i'nde it'aà xìn ñánda nangui kixi choòn.

⁹ Jñà xítà jchínga-nò kiskoòt'aà-na nas'ín jye kijtsee ichán nó kjoa xi kis'iaàn.

¹⁰ Koií kjoa-là nga tsohótijna jchán-là jñà xítà koi, k'oaá kixan-là: "Jñò, kjit'aà nachrjein xìn ndiyá tjaakoo kjohítsjeen-là iníma-nò kò mìkii yaxkon ndiyá-na."

¹¹ Xi kjoa jti-nà, k'oaá s'ín kitsjaà ndsoba nga mìkii kjoahas'en-jìin i'nde ts'an ñánda ma níkjáya.

¹² Ndí 'ndsè, t'een kindá yijo-nò, nijngoò xi ch'o síkijna iníma-là nga mìkii mokjeiin-là mé-ne nga mì kìnchat'aàxìn-lá Nainá xi tijnakon.

¹³ Ta saá, nachrjein nchijòn tjií nga'ño-làà xinguioo, k'e nga tijná-isa nachrjein, mé-ne nga mìkii kotájaájìin-ne iníma-nò nga mìkii ma skónachan-nò kjoa ts'e jé.

¹⁴ Jñá yaá nokjoá-aná it'aà ts'e Cristo, tsà k'oa's'ín ndaà kòkjeiin-ná skanda k'e nga kjoehet'aà nachrjein koni s'ín kòkjeiin-ná nga tisa tàts'en-là kjoa.

¹⁵ Xojoñ-là Nainá k'oaá s'ín tíchja nga tsò: I'ndeí, tsà títsana'yá jñò 'én-là Nainá,

kì tájaájìin bitsajnakoo iníma-nò koni s'ín kis'iin jñà xítà xi kondrà kii-là Nainá.

¹⁶ ¿Yá xítà-ne xi kii'nchré 'én-là Nainá, ikjoàn kondrà kii-là? Tijná-ne ngats'ìi xítà xi jè Moisés tsachrjekàjìin i'nde Egipto.

¹⁷ ¿Kò yá xítà-ne xi ichán nó tsibíjnachán kò Nainá? Jñá-né xítà xi tsohòtsji jé, xi yá k'en ya jya ndiyá yá i'nde it'aà xìn ñánda nangui kixi choòn.

¹⁸ ¿Kò yá xítà-ne xi Nainá kitsò-là nga mìkii kjoahas'en-jìin i'nde ñánda tjin kjoa níkjáya? Jñá-né xítà xi mìkii kii'nchréñijon-là.

¹⁹ Kò k'oaá s'ín tísijìn-ná nga mìkii jahas'en-jìin i'nde ñánda ma níkjáya, koií kjoa-là nga mìkii kòkjeiin-là.

4

¹ Nainá k'oaá s'ín kitsjaà-ná 'én nga kítjás'eén ya i'nde-là ñánda ma níkjáyaá. K'e nga tákó tijná-isa 'én xi kitsjaà Nainá, ngats'iaá mochjeén-né nga ndaà síkindaá yijo-ná mì k'oa-ne tsà mì kì kítjás'eén.

² Nga jñá, k'oaá tís'ín jye kis'enojmíya-ná 'én ndaà-là Nainá, koni s'ín kis'enojmíya-là jñà xítà jchínga-ná. Tanga jñà xítà jchínga-ná nímé kjondaà kisakò-là nga mìkii ngàsòn kòkjeiin-là koni jñà xítà xi i'nga xi kisitasòn jñà 'én koi.

³ Tanga jñá xi jye mokjeiin-ná, kítjás'en-ná ya i'nde ñánda ma níkjáyaá, ñánda kitsò Nainá: Xi kjoa jti-nà, k'oaá s'ín kitsjaà 'én-nà xi ndsoba kichjà-na nga mìkii kjoahas'en-jìin i'nde ts'an ñánda ma níkjáyaá.

Tanga Nainá jye kjòtsee jyehet'aà xá xi kis'iin kóni skanda k'e nga tsibíndaá isò'nde.

⁴ Xojoñ-là Nainá, k'oaá s'ín tíchja ts'e xi ma-ne itoò nachrjein: Xi ma itoò nachrjein kisìkjáya Nainá nga komà jyehet'aà yije xá-là.

⁵ Tjje-ne Xojoñ-là Nainá, iñgoò k'a tíchja ñánda tsò: Mìkii kjoahas'en-jìin ya i'nde-nà ñánda ma níkjáya.

⁶ Jñà xítà xi kii'nchré ítjòn 'én xi ndaà tsò, mìkii jahas'en i'nde ñánda ma níkjáya nga mìkii kisitasòn; tanga nachrjein i'ndeí tjin-isa xítà xi chjja nga koma kjoahas'en-jìin i'nde ñánda ma níkjáya.

⁷ Koií kjoa-là Nainá tsibíjna iñgoò-isa nachrjein xítse, jè nachrjein i'ndeí. Nga isa 'ño komà jskan jè xítaxá ítjòn xi kí'mi David, k'oaá s'ín tsibít'aà Xojoñ-là Nainá jñà 'én xi tsò: Jñò, nachrjein i'ndeí tsà títsana'yá 'én-là Nainá

kì tájaájìin níkitsajnaá iníma-nò.

⁸ Jè Josué, nga mìkii komà kitsjaà-là kjoa níkjáya jñà xítà Israel, koií kjoa-là Nainá kitsjaà iñgoò-isa nachrjein xítse.

⁹ K'oaá ma-ne jè naxandá-là Nainá tijná iñgoò-là nachrjein tsjeè ts'e kjoa níkjáya;

¹⁰ nga jè xita xi fahas'en-jìin kjoa ñikjaya xi ts'e Nainá, tikoáá síkjaya-ne kjoa ts'e xá-lá, koni s'in kisikjaya Nainá it'aà ts'e xá xi kis'in.

¹¹ Mochjeén-né nga k'oi-lá nga'ño yijo-ná nga kitjás'en-jñaá kjoa ñikjaya-lá Nainá; mikii k'oas'in s'een koni kis'in jña xita xi mikii kòkjein-lá nga kisikitason.

¹² 'En-lá Nainá tijnakon-né ko tjin-lá nga'ño. Isáa ndaà ote mi k'oa-ne jngoò kichja ndojò xi yijò nga ingajò ngobà-lá; fahas'en-jìin-né skanda ya jìiin inima-ná ko ya jìiin kjohitsjeen-ná. Tikoáá fahas'en-jìin-né skanda ñanda tikjoò nindaà-ná ko jya nindaà-ná; ótsjiya-né kjohitsjeen-lá inima-ná mé xi mejèn-lá nga s'in.

¹³ Ngats'ii xi Nainá tsibindaà, ni mé tjin xi tjna'ma, nga ngats'ii kjoa tjna tsejèn-né; tibeè-ne xkon jè xi tjinè-lá nga k'oi-lá kinda.

Jè xi ngui no'mii itjon tjna

¹⁴ Jesús xi ki'ndi-lá Nainá, jè-né xi ngui sobà no'mii itjon tjna it'aà tsajan, jè-né xi jahas'en ngajmii nga nguixkon Nainá. K'oaá ma-ne nga mochjeén-né nga kixi kitsajnaoáá jña 'én xi mokjein-ná.

¹⁵ Jè xi no'mii itjon tjna it'aà tsajan, komaá kohimakeè-ná k'e nga mahindaà; nga jè, k'oaá tis'in kichit'aà koni jña, tanga mitsà jè tsohótsji.

¹⁶ Kijngoò-lá takoán nga kinchat'aá chraña-lá íxile kjotixoma-lá Nainá xi tse kjondaà tjin-lá, mé-ne nga skoe ima-ná kjondaà xi tjin-lá koa kosiko-ná k'e nga mé xi kojcheén-ná.

5

¹ Ngats'ii jña no'mii itjon, yaá tjaajìin it'aà ts'e xita naxandá. Jè xá tjinè-lá nga chjatji xita nga nguixkon Nainá tikoá tsját'aà-lá kjotjò Nainá ko sík'en cho xi kjoa ts'e jé-lá xita.

² Jña no'mii, tikoáá mahindaajìin inima-lá; k'oaá s'in ma-ne nga ma beehjma jña xita xi mikii machjya-lá ko xi xin ndajá tjimaya.

³ Koií kjoa-lá nga ma indaajìin inima-lá no'mii, tjinè-lá nga síik'en-lá cho kjotjò xi tsjá-lá Nainá xi kjoa ts'e jé-lá ko tikoá síik'en cho kjoa ts'e jé-lá naxandá.

⁴ Jña no'mii, mitsà tà jña tajngoò bit'aá xá 'nga yijo-lá; jè Nainá xó chja-lá koni s'in kiichja-lá jè Aarón.

⁵ K'oaá tis'in tjin it'aà ts'e Cristo, mitsà tà jè tajngoò kiskoé xá xi ts'e no'mii itjon, Nainá kitsjaà-lá xá 'nga k'e nga kitsò-lá:

Ji-né xi Ki'ndi-na xan-lè;

'aán-ná xi Na'èn-lè.

⁶ Tije-ne Xojon-lá Nainá, jngoò k'a tichja ñanda tsò:

Ji-né xi no'mii tjini njta mé naxrjein-ne,

xá-lè, k'oaá s'in tjin koni xá xi kisikitason Melquisedec.

⁷ Jè Cristo k'e nga sa tsibjna j'isò'nde, 'ño kiichjat'aà-lá Nainá, ngui koó ndáxkon tsibítsi'ba-lá koa kisijét'aà-lá jè xi tjin-lá nga'ño nga ma-lá kojchrjekátji it'aà ts'e kjoa biyaa; Nainá kii'nchré-lá nga ndaà kijtseéxkón.

⁸ Jè Cristo, nas'in ki'ndi-lá Nainá ma, yaá komà-lá kisikitason, k'e nga kisikjein kjo'in.

⁹ K'e nga jye mi ti mé xi kichjat'aà-lá, k'oaá s'in tsibjna nga jè kojchrjekátji kjo'in xita njta mé naxrjein-ne, ngats'ii xi 'nchréñijon-lá,

¹⁰ Nainá kisikjna Jesús nga no'mii itjon tsibjna, kitsjaà-lá xá koni ts'e Melquisedec.

Jña xita xi mikii machjya-lá mé kjoa xi kixi tjin

¹¹ It'aà ts'e kjoa koi, 'ño tjin-isa kjoa xi s'enojmíya-nò, tanga 'ño chjá tjin nga s'enojmí-nò, koi kjoa-lá nga jño, mikii machjya-nò.

¹² Jño, skanda kjòtsee maestroó-lá titsajnaa tsà ndaà; tanga jño, tákó mochjeén-nò nga chíta'ya xitse jngoò k'a 'én-lá Nainá xi mi 'in chja koni s'in komà-nò nga sa itjon. K'oaá s'in tímat'ioòn koni ndí ixti xi tákó tsjín 'biì, mikii mochjeén-lá nga tsojmì tájaà skine.

¹³ Ngats'ii xi tákó tsjín 'biì, ixti-né, mikii machjya-lá mé kjoa xi kixi tjin.

¹⁴ Tanga jña tsojmì xi ma chine xi tájaà kjoàn, ts'eé xita xi jye kòjchínga, jña xi jye machjya-lá mé kjoa xi ndaà tjin ko mé kjoa xi mikii ndaà tjin nga k'oaá s'in nchisjchá yijo-lá.

6

¹ Koií kòs'in mochjeén-ne nga chíta'ya 'én-lá Cristo xi isa ndaà kojchíngakoáá kjoa ts'e Nainá mé-ne nga njmé chjat'aà-ná nga xita-lá Cristo maá. Mi tjña tjña 'én chíta'ya-aná xi kichíta'ya nga sa itjon it'aà ts'e Cristo. Mi tjña tjña 'én síkítsjeen-ya-ná kó s'in ma nga níkájnoaá jè xi tjin-ná xi kjoabiyaá fiko-ná. Ko tikoáá mi tjña tjña 'én síkítsjeen-ya jngoò k'a-ná kó s'in kòkjein-ná it'aà ts'e Nainá

² ko kòs'in ma bautizar xita, ko kòs'in oyijòsòn-lá ndsaá jña xita xi mokjein-lá it'aà ts'e Cristo. Ko tikoáá mi tjña tjña 'én síkítsjeen-ya jngoò k'a-ná kó s'in kjoa'aya-lá jña xita xi jye k'en, ko kòs'in s'jin Nainá nga kjiindaajìin-lá xita mé xi ok'in-lá nga tsjá-lá njta kjé-ne.

³ Mochjeén-né nga chíta'yá 'én xi isa ndaa kojchíngakoá kjoa ts'e Nainá; tsá Nainá tsjá'nde nga kos'ín koma, k'oas'ín s'eén.

⁴ Nga jñá xíta xi jye kjöhiseén-la kjöhitsjeén-la, xi jye kisaseén-takòn kjondaá xi tsjá Nainá, xi tíkoá jye ngásòn kitjóé-la Iníma Tsjeé-la Nainá,

⁵ xi jye kisaseén-takòn 'én ndaa-la Nainá ko nga ñó-la isò'nde xi sa kjoíí,

⁶ tsá jngoo k'a xin ndiyá kjoí, tsá tsjín takòn 'én-la Nainá, mi tí kíl koma kondaáya-ne kjöhitsjeén-la nga kófat'aá jngoo k'a-la Nainá; nga jñá xíta koi, kjoa xi nchis'ín, k'oáá ngaya-la koni tsá krò nchihót'aá jngoo k'a jè Kí'ndí-la Nainá nga tsjá-la kjosobà nga nguixkon ngats'ii xíta.

⁷ K'oáá s'ín ngaya-la koni jè nangui, k'e nga 'ba jtsí, ma'nchí'nde-né. Tsá ndaa xka xi bisò xi mochjeén-la xíta xi síxáko nangui, jè Nainá síchikon-t'in nangui.

⁸ Tanga tsá na'yá chíni ko na'yá xanchroò bisò, nímé chí-la, mìtsá nangui ndaa nga nguixkon Nainá; kijchò nachrjein nga tà kítj-né.

⁹ Jñò ndí 'ndsé, xi matsjacha-nòjen, nas'ín k'oas'ín nokjoà-jen, k'oáá s'ín tíjngoo takòn-jen nga tjoe-nò kjoa xi 'ño ndaa tjín, ngats'ii kjondaá xi tjín-la xíta xi jye itjokajjín kjo'ín.

¹⁰ Nga Nainá, xíta kixi-né, mìkíl síjchàajjín xá-nò xi jye k'í-nè ko kjoatjòcha xi tjín-nò nga níchát'aà-là xíta naxandá-la Cristo, koni s'ín títsa'né skanda nachrjein j'ndeí.

¹¹ Tanga ngajen, k'oáá s'ín mejèn-najen nga kjit'aà nachrjein ngui koó kjotsja nga kos'ín tíxá nga jngoo jngoo skanda k'e nga kjoehet'aà nachrjein-nò mé-ne nga kítasòn-ne kjoa xi títsachiñá-laá.

¹² Majín-najen nga ts'eè s'een. Chjínkul-là jñá xíta xi jye nchitjóé-la kjo'tjò koni s'ín kitsjaá tso'ba Nainá koi kjoa-la nga ndaa mokjeín-la ko tjín-la kjoatsejta.

Kò tsò 'én xi kíichja Nainá koni s'ín kitsjaá-la tso'ba Abraham

¹³ Nainá k'e nga kitsjaá-la tso'ba Abraham, k'oáá s'ín kitsjaá kixi 'én-la nga tíjè tsasèn-ne nga mì tí yá tjín-ne xi isa 'nga tíjna koni jè; k'oáá s'ín kíichja,

¹⁴ nga kitsò: "An, 'ño ndaa síchikon-t'in-lè, tíkoá 'ño kòkjín-ya jñá íxti-lè."

¹⁵ K'oáá s'ín komá-ne Abraham kiskoòñàkjoa, ikjoàn kitjóé-la koni s'ín kitsò Nainá.

¹⁶ Jñá xi taxkí xíta, k'e nga tsjá 'én-la, síkjeén jngoo 'ín-la jngoo xi isa 'nga tíjna mé-ne nga síkixiya-ne 'én xi tsjá. Kò tà yaá fehet'aá kjoa.

¹⁷ K'oáá s'ín ma-ne k'e nga jè Nainá k'oáá s'ín kjòmèjen-la nga kitsjaá kixi-la 'én jñá xíta xi tjoe-la kjo'tjò nga síkkitasòn koni s'ín kitsjaá tso'ba, kitsjaá jngoo 'én xi 'ño xkòn tjín nga nímé xi ma kjoatjya.

¹⁸ Jñá 'én koi xi jò ma-ne xi mìkíl ma fatjya, nga mìkíl koma skónachan-ná Nainá, yaá 'ño sakò-la nga 'ño iníma-ná, jñá xi mejèn-ná nga Nainá kosíko-ná nga ngui jè kjit'aà takoán nga títsachiñá-lá jè kjoa kixi-la xi jè jye kitsjaá-ná.

¹⁹ Jè kjoa kixi xi títsachiñá-lá, k'oáá s'ín síkijna kixi iníma-ná koni jngoo kicha xi sit'aá'ño-ne chitso, ko jè kjoa kixi xi okji skanda maá jahas'en ya j'nde tsjeé ñánda tjobátoò níkje cortina,

²⁰ ya ñánda jahas'en Jesús nga tsohójnandaá-ná ndiyá, nga no'mií ítjòn tíjna nítá mé nachrjein-ne koni jè Melquisedec.

7

Jesús, k'oáá s'ín ngaya-la koni jè no'mií ítjòn xi k'i'mi Melquisedec

¹ Melquisedec xi xíta xá ítjòn tsibijna ts'e naxandá Salem, tíkoá no'mií ítjòn tsibijna ts'e Nainá xi tíjna ngajmii, kíl kaña-la Abraham k'e nga tínchrobá-ne nga jye kíkikijne yije-la xítaxá ítjòn xi kiskaán-ko. Melquisedec kíkíchikon-t'in Abraham.

² Jè Abraham, teya k'íin tsojmi xi kiskò-la ts'e kjoajchán, ko jngooá kitsjaá-la Melquisedec. 'In xi 'mí Melquisedec, tsòyaá-ne: xítaxá ítjòn xi tjín-la okixi. Tíkoá jè 'ín xi 'mí xítaxá ítjòn ts'e Salem, tsòyaá-ne: xi tjín-la kjoa'nchán.

³ Jè Melquisedec mìkíl 'ya-la tje-la, yá na'én-la, yá nea-la, ñánda kits'iin, ñánda k'en; k'oáá s'ín mangásòn-ko koni Cristo xi Kí'ndí-la Nainá nga jè Melquisedec tíkoá no'mií ítjòn tíjna nítá mé nachrjein-ne.

⁴ Jñò tíkitsjeén nga 'ño 'nga tsibijna Melquisedec, skanda jè xíta jchínga-ná Abraham teya k'íin tsojmi xi kiskò-la ts'e kjoajchán, ko jngooá kitsjaá-la Melquisedec.

⁵ Kixií kjoa, k'oáá s'ín tíchja kjo'tjòxoma-la Moisés xi Nainá kitsjaá-la nga jñá xíta naxandá tíjné-la nga teya síjjoá tsojmi xi tjín-la, jngooá tsjá-la jñá no'mií xi tje-la Leví, nas'ín tí xíta xikjín-ne xi ya nchrobát'aà-ne tje-la Abraham.

⁶ Tanga jè Melquisedec, mìtsá tje-la Leví, tanga kitjóé-la xi jngooá oko-la tsojmi xi teya k'íin Abraham, ikjoàn k'eé kíkíchikon-t'in, nas'ín jè Abraham xi kitjóé-la 'én xi tso'ba Nainá kíichja-ne.

⁷ Nga jyeé tǵjǵn-ná, jè xi síchikon-t'in xǵta, isáá 'nga tǵjna mì k'oaá-ne koni jè xi machikon-t'in.

⁸ Jǵnà nò'mùì xi tǵe-là Leví xi tǵjoé-là xi jngòòya oko-là xi teya s'in xǵta naxandá Israel, mìtsà ta bitsajnakon kǵit'aà, bijchò nachrjein nga biyaà; tanga it'aà ts'e Melquisedec, jè Xojon-là Nainá, k'oaá s'in 'ya-la koni tsà jngòò xǵta xi tákò tǵjnakon skanda nachrjein i'ndei.

⁹ Jǵnà nò'mùì xi nchrobát'aà-ne tǵe-là Leví xi tǵjoé-là xi jngòòya oko-là xi teya s'in xǵta naxandá Israel, komaá k'oaáxiòan nga tǵkooá jè Melquisedec kitǵjoé jngòòya-là it'aà ts'e xǵta koi k'e nga kitsjaá jngòòya-là Abraham,

¹⁰ nga jǵnà nò'mùì xi tǵe-là Leví, yaá nchrobát'aà-ne tǵe-là Abraham. Nas'in kǵ'eè kùì ts'iin Leví k'e nga jè Melquisedec ijchò kaña-là Abraham, k'oaá s'in ngaya-là koni tsà jǵnà nò'mùì Israel, jyeé ya tǵtsajnakò Abraham nga nchitsjá-là kǵotǵjò xi jè tǵjoé-là Melquisedec.

¹¹ Jǵnà kǵotǵxoma xi kitǵjoé-là jǵnà xǵta Israel, yaá inchrobát'aà-ne it'aà ts'e nò'mùì xi tǵe-là Leví; tanga jǵnà nò'mùì koi, mìkùì komà-là nga jngòò k'a kisikixiya xǵta nga mì tǵ mé chijat'aà-là. K'oaá s'in komà-ne nga j'ii jngòò nò'mùì xi jè mangásòn-kò Melquisedec, kò mìtsà jè mangásòn-kò Aarón xi tǵe-là Leví.

¹² K'e nga fatǵiya nò'mùì, kós'in síxá, tǵkooá mochjeén-né nga kǵoatǵiya kǵotǵxoma.

¹³ Koni s'in tǵchja 'én-là Nainá, jè xi kitǵjoé-là xá koni ts'e Melquisedec, kǵ'eii tǵe-né; ya ñánda inchrobát'aà-ne, nǵi saá jngòò nò'mùì bitǵokajǵn.

¹⁴ K'oaá s'in 'ya-là nga jè Na'én-ná Jesucristo, yaá inchrobát'aà-ne tǵe-là naxandá Judá. Tǵe-là naxandá jè, mìkùì kisikaxkǵi Moisés k'e nga kǵichja it'aà ts'e nò'mùì.

¹⁵ Kǵoa koi, isáá ndaá makixiya-ná tsà jè nò'mùì xǵtse síkǵitasòn koni s'in kisikitasòn jè Melquisedec.

¹⁶ Nga mìtsà k'oaá s'in kitǵjoé-là xá ts'e nò'mùì koni s'in tǵchja kǵotǵxoma yá ts'e tǵe xi inchrobát'aà-ne nga nò'mùì kisikitasòn. Ta saá k'oaá s'in kitǵjoé-là xá it'aà ts'e nga'ñoó xi tǵjǵn-là nga mìtsà yá xi koma-là jngòò k'a sík'en.

¹⁷ K'oaá s'in tǵchja 'én-là Nainá xi it'aà ts'e, nga tsò:

Jǵ-né xi nò'mùì tǵjǵni nǵta mé nachrjein-ne, k'oaá s'in mangásòn-koi koni jè Melquisedec.

¹⁸ K'oaá s'in komà-ne nga kǵichjàngui kǵotǵxoma jchínga, koi kǵoa-là nga tsǵjǵn-là nga'ñoó tǵkoo mì tǵ kùì timochjeén-ne.

¹⁹ Nga jè kǵotǵxoma jchínga xi kiskùì Moisés, nǵimé xi kisikixiya xǵta; tanga nachrjein i'ndei, tǵjǵn jngòò-ná kǵoa xi isá ndaá tǵjǵn xi tǵtsachiñá-lá jè xi sikinchat'aà chraña-ná Nainá.

²⁰ Nainá k'oaá s'in kitsjaá kixǵi 'én-là xi xkón tǵjǵn k'e nga kitsjaá tso'ba nga nò'mùì ítǵjòn kǵjna Cristo. Jǵnà nò'mùì xi i'nga, ta k'oaá s'in kitǵjoé-là xá, mìtsà yá xi kitsjaá 'én-là.

²¹ Tanga xi it'aà ts'e Na'én-ná Jesús, k'oaá s'in tǵchja xojon xi tǵit'aà 'én-là Nainá nga kitsò: Na'én-ná k'oaá s'in kitsjaá kixǵi 'én-là;

mìkùì síkǵijatǵiya-là kǵohǵtsjeén-là nga tsò:

“Jǵ-né xi nò'mùì tǵjǵni nǵta mé nachrjein-ne.”

²² K'oaá s'in ma-ne nga jè Jesucristo osen-tǵjǵn-ná nga nguixkò Nainá nga jè bíndaajǵn kò-ná jngòò kǵoa xǵtse xi isá ndaá tǵjǵn.

²³ Tǵkooá jǵnà nò'mùì xi kǵisixá xi tǵe-là Leví, jyeé kǵjǵn ma xi jye kisikitasòn xá-là tanga koi kǵoa-là nga biyaà nga mìkùì ma síxá-isa.

²⁴ Tanga jè Jesús tǵjǵnakon-ne nǵta kǵjé-ne, k'oaá ma-ne nga nò'mùì tǵjǵn nǵta mé nachrjein-ne.

²⁵ K'oaá s'in ma-ne nga ma-là ochrjekajǵn kǵjé-in xǵta nǵta mé nachrjein-ne, ngats'ii xǵta xi it'aà ts'e Jesús bijchò nguixkò Nainá; jè tǵjǵnakon-né nǵta kǵjé-ne mé-ne nga bitsi'batǵi xǵta.

²⁶ It'aà tsaján, ngui jè Jesús xi mochjeén-ná nga nò'mùì ítǵjòn tǵjna: nga xǵta tsjeè-né; nǵimé jè tǵjǵn-là; mì tǵé kǵi inima-là; tǵjǵnat'aaxǵn-là xǵta jé, kò jè xi isa 'nga tǵjna ján ngajmii.

²⁷ Mìtsà k'oaá s'in koni s'in nò'mùì ítǵjòn xi i'nga, nga nachrjein nchǵjòn sík'en chò nga tsjá kǵotǵjò-là xi kǵoa ts'e jé-là, ikǵjoán tsjá ts'e jé-là xǵta naxandá. Tanga Jesús k'e nga kitsjaá kǵotǵjò yǵjo-là nga k'en, jngòò k'aá kitsjaá nǵta kǵjé-né.

²⁸ Jè kǵotǵxoma xi kitsjaá Moisés, k'oaá s'in tǵchja nga jǵnà kǵitsajna nò'mùì ítǵjòn xi taxkǵi xǵta xi chiba nga'ñoó tǵjǵn-là; tanga jè 'én xi xkón tǵjǵn xi iskan kitsjaá Nainá, k'oaá s'in tǵchja nga jè Kǵí-ndí-là Nainá, kǵjna nò'mùì ítǵjòn, jè xi k'oaá s'in kisikò Nainá nga nǵimé chijat'aà-là nǵta kǵjé-ne.

8

Jè kǵoa xǵtse xi tsibí'ñoó Jesús

¹ Ngats'ii kǵoa xi chibàya-ná, tǵjǵn jngòò xi isáá 'ñoó chǵí-là, jè-né nga tǵjna jngòò-ná nò'mùì ítǵjòn xi tsibǵjnat'aà chra kixǵi-là ixǵle kǵotǵxoma-là Nainá ján ngajmii.

² Yaá síxá ya ñánda tǵjna xi ngui Nǵi'ya Tsjeè-là Nainá, xi jè sobá Nainá tsibíndaá; mìtsà taxkǵi xǵta tsibíndaá.

³ Ngats'ii nɔ' mü itjòn, k'oaá s'ín satíxoma-là nga kjetjò tsját'aà-là Nainá kɔ ɔhɔ sík'en; k'oaá ma-ne nga jè Cristo tíkoa tjinè-là nga kis'e-là mé kjetjò xi kitsjaat'aà-là Nainá.

⁴ Jè Cristo, tsà j tǐjna it'aà nangui, skanda mì-la kii koma nga nɔ' mü kǐjna, nga j it'aà nangui, jyeé tǐjn nɔ' mü xi tsját'aà-là kjetjò Nainá koni s'ín tǐjn kjetixoma xi kiskii Moisés.

⁵ Tanga jǎn nɔ' mü xi tǐjn j it'aà nangui, yaá síxá ni'ya xi tà isén-là-né kɔ 'nguién-là-né jè Ni'ya Tsjeè-là Nainá xi tǐjna ngajmii; nga jè Moisés k'e nga jye mejèn koiits'ia nga kǐndaá ni'ya tsjeè-là Nainá xi nikje, jè Nainá kitsò-là: "Ndaá chítsejin, k'oa kó kji t'jin koni kji xi tsakoò-lè ya nindoò Sinai."

⁶ Tanga nàchrjein i'nde, isaá ndaá tǐjn xá xi kitjoé-là Jesucristo nga nɔ' mü itjòn tǐjna, nga jè osijnajin jngoò kjoa xitse xi isa ndaá tǐjn xi tsibindaajin Nainá kɔ xita, nga yaá nchrobát'aà-ne 'én xi isa ndaá tǐjn koni s'ín jye kitsjaá tso'ba Nainá.

⁷ Tsà nǐmé xi kisichiját'aà-là jè kjoa xi kisindaajin itjòn, mì-la kii mochjeén nga jngoò k'a sindaajin xi ma-ne jò k'a.

⁸ Tanga Nainá k'e nga tsohótiko, k'oaá kitsò: Kijchò nàchrjein k'e nga kǐndaajin-kɔ jngoò kjoa xitse jǎn xita Israel kɔ xita Judá, kitsò Nainá.

⁹ Jè kjoa xitse xi kǐndaajin-koaa, mìtsà k'oa'sín sindaajin koni ts'e xita jchínga-là, k'e nga 'an sobà kitsobà tsja nga tsachrjekájǎnà nangui Egipto.

Jǎn xita koi, mìkii kisikitasòn koni s'ín kisindaajin, k'oaá komà-ne nga kitsjin takoàn, tsò Nainá.

¹⁰ K'e nga jye koma iskan, jè kjoa xitse xi kǐndaajǎnaakoaa xita Israel, kiis'ín s'e, tsò Nainá: Kjetixoma-na yaá kǐjnajǎnà ya kjhítsjeèn-là, kɔ yaá skiaà jjin inima-là.

'An-ná xi Nainá kitsɔ-na, kɔ jǎn-né xi koma xita naxandá-na.

¹¹ Mì tǐ kii kochjeén-ne nga xita xíkjin keènojmiya-là nǐ mìtsà jè 'ndse keènojmi-là nga skoexkon Nainá, nga ngats'ii xita skoexkon-na mats'iaqo-ne xi isa jxti skanda jǎn xi 'ño xita jchínga.

¹² 'Aan siijchàat'aà-là ngats'ii kjoa ch'o xi kis'iin, mì tǐ kii síkítsjeèn-nà jè xi tǐjn-là.

¹³ K'e nga Nainá sikaxki jngoò kjoa xitse, tsòyaá-ne nga jè kjoa xi kisindaajin itjòn, jyeé kòjchínga. Mì tǐ kii tímochjeén-ne, jyeé tíchija.

9

Jè Ni'ya Tsjeè-là Nainá xi nikje

¹ Jè kjoa xi tsibindaajin itjòn Nainá kis'eé-là kjetixoma kós'ín ma nga jeya níkjǎnà Nainá kɔ kis'e jngoò-là ni'ya tsjeè j it'aà nangui.

² Jè Ni'ya Tsjeè-là Nainá xi nikje, k'oaá s'ín tǐjndaá nga jngoò i'nde tǐjna itjòn xi 'mì I'nde Tsjeè, ñánda tǐjna kichá xi tǐya ni'ín kɔ ñánda tǐjna imixa xi nchasòn inchrájin tsjeè-là Nainá.

³ Jè nikje cortina xi ma jò-ne xi tjobá jngoò osen ni'ya nikje, ya jǐton kjijna i'nde xi 'mì I'nde xi isa 'Nó Tsjeè.

⁴ I'nde jè, yaá kjijna jngoò kaxa xi ngui oro ñánda tǐsòn chrjóngò-là Nainá; tíkoa yaá kjijna kaxa xi ngui oro yijǎno ts'e kjoa xi tsibindaajin Nainá. Kaxa jè, tǐjnaya jngoò tǐji kichá xi ngui oro ñánda 'ncha inchrájin xi 'mì maná, tíkoa yaá kjinaya yá nise-là Aarón xi tsibíjts'én-t'aà chrja-là kɔ ya 'ncha jǎn ndajo teè ñánda tǐjt'aà kjetixoma-là Nainá xi kitjoé-là Moisés.

⁵ Ya json kaxa 'ncha isén-là àkjale xi querubin 'mì xi tǐjn-là jngaa xi okó kjoa jeya-là Nainá; jǎn jngaa-là bíjtsa'ma jè kaxa. Tanga i'nde, jǎn kjoa koi, mìkii mochjeén nga jngoò jngó skaya koxki.

⁶ K'e nga jye k'oa'sín kisinchaandaà tsojmi koi, jǎn nɔ' mü, kjit'aà nàchrjein fahas'en ya Ni'ya Tsjeè-là Nainá xi nikje, jè i'nde xi tǐjna itjòn, nga sikitasòn xá-là nga beèxkòn Nainá.

⁷ Tanga jè i'nde xi ma-ne jò, ta jè tajngoò nɔ' mü itjòn fahas'en jngoò k'a nga jngoò nó; k'e nga fahas'en, tjinè-là nga jni-là ɔhɔ 'ba xi tsját'aà-là Nainá kjoa xi tǐts'e-ne jé-là kɔ ngats'ii jé-là xita naxandá, jǎn xi mìkii tǐjin-là tsà jè ótsji.

⁸ Jè Inima Tsjeè-là Nainá k'oaá s'ín síkichiya-ná, k'e nga tákò jè tímochjeén Ni'ya Tsjeè xi nikje xi kisindaá itjòn, kj'eé kii táx'a'nde nga koma kitjás'een jè i'nde xi isa 'Nó Tsjeè.

⁹ Jñá kjoa xi komá kjótseeé, tà kjoa mangásòn-né koni s'ín tíma nàchrjein i'nde; nga jñá kjótjò kò jní-là cho xi kixixteén i'nde jè, tsjin-là nga ñó nga sjítsjeé kjòhítsjeèn-là xítà xi k'oas'ín beèxkón Nainá.

¹⁰ Kjoa koi, tà kjoa ts'eé yijo-là xítà, mé tsojmí xi ma chine ko xi ma 'yò, koa kós'ín sítsjeé yijo-là xítà; tà k'oaa s'ín tjen kochjeén skanda k'e nga jè Nainá sjikjatjya-là ngats'i kjoa koi.

Nga ñó xi tse tjín-là jè jní xi tsibixteén Cristo

¹¹ Tanga jyeé j'ii Cristo nga no'miú ítjòn tjína it'aà ts'e kjondaà-là Nainá xi jye tíma. Yaa jahas'en Ni'ya Tsjeè-là Nainá jè xi isa ñó ndaa choón ko xi isa kixi tjín, nga mitsà tsja xítà kisindaà-ne jè xi tsò-ne kjoa nga mitsà i'it'aà nangui kisindaà.

¹² Cristo, jngoó k'aà jahas'en ya I'nde Tsjeé. Mitsà tì jní-là tíndso kò jní-là nchraja jahas'en-ko-ne. Ts'e sobá jní jahas'en-ne. K'oaa s'ín kis'iin nga tsibíxjtjì jè-ná, mé-ne nga komá kisikitsajnandejí-ná njtá mé nàchrjein-ne.

¹³ Jè jní-là nchraja kò jní-là tíndso kò chijo-là nchraja kiti xi nchraja chjoón ki'ndí, maá-là sítsjeé yijo-là xítà xi xa'ya-là k'e nga xixteén-jno.

¹⁴ Tsá k'oaa s'ín bitasòn kjoa koi, jè jní xi tsibixteén Cristo, isaá tse nga ñó tjín-là. Nga it'aà ts'eé nga ñó-là Injma Tsjeé xi tjínakon njtá mé nàchrjein-ne nga kitsjaá kjótjò-là Nainá yijo-là xi mitsà mé jè tjín-là. Jè jní-là Cristo sítsjeeya kjòhítsjeèn-nò nga mì tì kii koa tís'ín s'en-nò kjoa xi fiko-ná kjoabiyaá, mé-ne nga ma sixá-là Nainá xi tjínakon.

Jè kjoa xítse xi tsibindaàjijn Nainá kò xítà

¹⁵ K'oaa ma-ne nga jè Cristo osijnajijn osen koni s'ín tsibí'ño jngoó kjoa xítse. K'e nga k'en ngajo-là xítà, jè tsibíxjtjì jè-là xi tsohótsji xítà k'e nga tisa jè tíhotixoma kjoa xi kisindaàjijn ítjòn, mé-ne ngats'i xítà xi xó jaajijn-ne tjoé-là kjótjò xi tsjá Nainá njtá kjé-ne koni s'ín kitsjaá 'én-là Nainá xi tso'ba kiichja-ne.

¹⁶ K'e nga jngoó xítà mejèn-là sika'bí tsojmí xi tjín-là, bindaa jngoó xojoñ xi bí'ño. Skanda k'eé mochjeén k'e nga biyaá jè xítà xi bindaa.

¹⁷ Tanga xojoñ jè, njmè chji-là k'e nga tkj'eé biyaá xítà xi tsibindaà; skanda k'eé chji-là k'e nga kiyá.

¹⁸ Jè kjoa xi kisindaàjijn ítjòn k'oaa tís'ín kisindaàjijn nga cho k'en mé-ne komá kixixteén-ne jní.

¹⁹ Moisés, k'e nga jye tsibixkejijn-là xítà naxandá ngats'i kjótixoma-là Nainá, ikjoàn kiskoé jní-là tíndso kò jní-là nchraja ki'ndí kò kisikájijn nandá; kò kiskoé jngoó chrja-là yá hisopo kò tsja-là orré xi ini kjoàn; jahajijn jní-là cho; ikjoàn tsibixteén-jno jè xojoñ xi tjit'aà kjótixoma-là Nainá; k'eé tsibixteén-jno ngats'i xítà naxandá.

²⁰ Moisés kitsó: "Jè jní jè xi sikixiya kjoa nga koma sjikitasòn koni s'ín tsibindaàjijn-ko-nó Nainá."

²¹ Moisés, tikoaa tsibixteén-jno jní jè Ni'ya Tsjeè-là Nainá xi nikje kò ngats'i tsojmí xi mochjeén k'e nga yaxkón Nainá.

²² Koni s'ín tichja xojoñ xi tjit'aà kjótixoma-là Nainá, mejèn tsá ngats'i kjoa, saá jní matsjeeya-ne; tsá mikii xixteén jní, mikii koma jchat'aà-là jè-là xítà.

²³ K'oaa s'ín kjòchjeén nga jní-là cho matsjeeya-ne jè Ni'ya Nikje Tsjeé kò tsojmí xi tjíya xi mochjeén k'e nga yaxkón Nainá; jñá tsojmí koi, ta okó-né koni choón ján ngajmii; tanga jñá xi tjín ngajmii, mochjeén-né nga biyaá jngoó xi isa xkón tjín mé-ne koma kotsjeeya-ne.

²⁴ Tanga Cristo, mitsà ya jahas'en Ni'ya Nikje Tsjeé xi tsja xítà kisindaà-ne, xi ta okó xi tjín ngajmii. Cristo, ngui yaa jahas'en ngajmii nga nguixkón Nainá nga tichjatjì-ná.

²⁵ Mikii k'oas'ín kjín k'a jahas'en ya ngajmii nga kitsjaat'aà kjótjò yijo-là, koni s'ín no'miú ítjòn nga xkj nó fahas'en I'nde xi 'Nó Tsjeé, nga fahas'en ko jní xi mitsà ts'e.

²⁶ Cristo tsá kjín-là k'a jahas'en ngajmii tikoá tjínè-là nga kjín k'a sjikjeín kjo'in kó-ne skanda kisindaà isò'nde. Tanga i'nde, nga jye tífhehet'aà nàchrjein, ta jngoó k'a j'ii nga kitsjaá kjótjò yijo-là nga tsibixteén jní-là, mé-ne nga kitjaaxìn-ne kjoa ts'e jè njtá mé nàchrjein-ne.

²⁷ K'oaa s'ín tjín nga ngats'i xítà, ta jngoó k'a biyaá, kò iskan kjoji jè nàchrjein nga sjindaàjijn-là.

²⁸ K'oaa tís'ín tjín it'aà ts'e Cristo, ta jngoó k'a kitsjaat'aà kjótjò yijo-là nga tsibixteén jní-là, mé-ne nga kjín xítà tjáxìn-ne jè-là. Xi ma-ne jò k'a, kitjojen jngoó k'a-ne ngajmii; mitsà tì jè kjoaaxìn-ne; koií xá kjoji-ne nga kochrjekajijn kjo'in jñá xítà xi nchikoña-là.

10

Mé-ne ñó chji-là jè kjoa biyaá-là Cristo

¹ Jè kjótixoma-là Nainá xi kitjoe-là Moisés, mitsà ngui jñá kjondaà xi iskan j'ii; ta 'nguién-là né xi tsakó. K'oaa ma-ne nga jngoó k'a mikii koma ngui tsjeé sjikitsajna xítà xi xkj nó síchrañat'aà-là Nainá nga tjñá tjñá kjótjò tsjá-ne.

² Jè k̄jot̄ixoma, tsà jngòò k'a kisitsjeèya jé-là x̄ita, mì-la t̄i k̄i s̄iikájno-ne tsà jé t̄jín-la; t̄i k̄oaà mì-la t̄i k̄i j̄nì-la cho tsjá k̄jot̄jò-ne.

³ Tanga jè j̄nì-la cho, x̄k̄i nó x̄k̄i nó s̄ik̄itsjeèn-ya jé-là x̄ita.

⁴ Nga jè j̄nì-la nchraja k̄o j̄nì-la t̄indsò mik̄i ma-la faax̄in j̄nà jé-là x̄ita.

⁵ Cristo, k'e nga j'ii i j̄sò'nde kitsò-la Nainá:

Maj̄n-lè j̄nì-la cho xi biyaà, k̄o k̄jot̄jò xi tsj̄at'aà-lè x̄ita, tanga jè yijo-na kinik̄j̄nandei.

⁶ Mik̄i sasén-lè cho xi kit̄i, k̄o n̄i j̄nà k̄jot̄jò xi tsj̄a-lè x̄ita xi k̄joa ts'e jé-la.

⁷ K'eé kichj̄a, kixan-lè: "Koni s'ín t̄ichja x̄oj̄on-lè xi i't'aà ts'an,

j̄i t̄ijn̄a nga sikitasòn koni s'ín mejèn-lè, j̄i xi Nainá 'mì-lè."

⁸ Cristo, ít̄jòn kitsò: "Maj̄n-lè k̄o mik̄i sasén-lè j̄nì-la cho xi biyaà k̄o k̄jot̄jò xi tsj̄a-lè x̄ita, cho xi kit̄i k̄o k̄jot̄jò xi tsj̄a xi k̄joa ts'e jé-la", nas'ín k'oas'ín t̄ichja k̄jot̄ixoma nga t̄jinè-la nga koat̄j̄in xi tsj̄a x̄ita.

⁹ Ik̄joàn kitsò isa: "Í t̄ijn̄a nga sikitasòn koni s'ín mejèn-lè." K'e nga os'ín k̄ichja, tsòyaá-ne nga jè Cristo jaax̄in jè k̄joa j̄ch̄inga mé-ne nga kisik̄j̄na ngajo-ne xi k̄joa x̄itse.

¹⁰ K'oaà s'ín komà nga kisitsjeèya in̄j̄ma-ná Nainá i't'aà ts'e Na'èn-ná Jesucristo k'e nga k̄os'ín kisik̄itasòn koni s'ín mejèn-la Nainá nga ta jngòò k'a kitsjaà k̄jot̄jò yijo-la n̄ita kjé-ne k'e nga k'en.

¹¹ Ngats'ii nò'm̄i, n̄achrjein n̄chjòn sikitasòn x̄a-la nga k̄j̄in k'a tsj̄at'aà-la Nainá xi t̄ijn̄a t̄ijn̄a-ne k̄jot̄jò xi mik̄i ma-la faax̄in jé-la x̄ita.

¹² Tanga Jesucristo ta jngòò k'a kitsjaat'aà k̄jot̄jò yijo-la k̄joa ts'e jé n̄ita kjé-ne, ik̄joàn tsib̄j̄nat'aà chrja kixi-la Nainá.

¹³ Yaá t̄ikoña skanda k'e nga k̄j̄chò n̄achrjein nga j̄nà x̄ita kondra-la s̄ichj̄ija nga jè Nainá s̄iik̄itsaj̄nangui ndsok̄o.

¹⁴ Ta jngòò k'a kitsjaat'aà k̄jot̄jò yijo-la mé-ne nga ngui ndaà kjòkix̄iya-ne x̄ita n̄ita kjé-ne, j̄nà x̄ita xi t̄imatsjeè.

¹⁵ Jè In̄j̄ma Tsjeè-la Nainá ndaà s̄ik̄ix̄iya-ná k̄joa koi; nga sa ít̄jòn tsò-né:

¹⁶ Jè k̄joa jè xi kindaāj̄in-koaà j̄nà x̄ita

k'e nga jye koma iskan, tsò Na'èn-ná:

J̄nà k̄jot̄ixoma-na s̄ik̄j̄naj̄n̄a in̄j̄ma-la, k̄o yaá skiaa j̄j̄in k̄joh̄itsjeèn-la.

¹⁷ Ik̄joàn tsò-isa:

'An, mì t̄i k̄i s̄iik̄itsjeèn-na jé xi t̄jín-la

k̄o ngats'ii k̄joa ch'o xi s'ín.

¹⁸ K'e nga jye jchat'aà-ná jé-ná, mì t̄i mé k̄jot̄jò k̄ochjeén-ne xi k̄joa ts'e jé.

Mé k̄joa-ne nga isa ndaà k̄inchat'aà chrañà-la Nainá

¹⁹ J̄nò ndí'ndse, k'oaà ma-ne n̄achrjein i'nde, t̄j̄i'nde-ná nga kit̄j̄as'eén jè I'nde-la Nainá xi 'Nó Tsjeè, koi k̄joa-la jè j̄nì xi tsib̄ixteèn Jesús.

²⁰ Nga jè kisk̄ix'a jngòò-ná ndiȳa x̄itse xi fik̄o-ná ñanda t̄j̄in k̄joabinachon, nga koma kotokj̄a jè nikje cortina xi t̄joh̄oya jngòò osen I'nde Tsjeè-la Nainá. Jè nikje, k'oaà ngaya-la koni yijo-la Jesús.

²¹ Nga t̄j̄in jngòò-ná nò'm̄i xi 'ñò jeya t̄j̄ina xi otixoma ya ni'ya-la Nainá.

²² K'oaà ma-ne nga mochjeén-né nga isa ndaà k̄inchat'aà chrañà-la Nainá, nga ngui kixi s̄ik̄j̄jnaá in̄j̄ma-ná k̄o ngui t̄j̄jngòò takoán xi i't'aà ts'e, nga jè Cristo jye kisitsjeè in̄j̄ma-ná k̄joa ts'e jé, k̄o jè yijo-ná, k'oaà ngaya-la koni tsà ngui nandá tsjeè tsan̄j̄no-ne.

²³ Kixi k̄itsaj̄nakoaà k̄joa xi t̄itsachiñà-lá koni s'ín mokjein-ná nga mì kijen k̄kj̄a-lá takoán; nga Nainá, x̄ita kixi-né, s̄iik̄itasòn-né koni s'ín jye kitsjaa 'én-la.

²⁴ K̄j̄nchats̄j̄i'nde-lá nga 'én ndaà k̄j̄nók̄joa-lá x̄inguiáá mé-ne nga isa ndaà s'e-ná kjotsjacha; k̄o s'eén k̄joa xi ndaà t̄j̄in.

²⁵ Mik̄i s̄jchayaá jè n̄achrjein k'e nga bixòñaá, koni s'ín i'nga x̄ita nga mì t̄i k̄i bixònat'aà-la x̄ik̄j̄in. Ta saà mochjeén-né nga k'o'j-lá nga'ño x̄inguiáá nga jngòò i'jngòò; isaá 'ñò kos'iaán k'e nga yaá nga jye t̄inchrobá machrañà n̄achrjein-la Nainá.

²⁶ Tsà k'oas'ín t̄j̄in takoán nga k̄j̄nchats̄j̄i jè isaá k'e nga jye kiyax̄koaàn k̄joa kixi-la Nainá, mì t̄i mé j̄nì koma x̄ixteèn-ne xi ma k̄joax̄in jé-ná.

²⁷ Tà jè kok̄o isa-ná k̄jo'in xi 'ñò x̄kón t̄j̄in k̄o ni'ín j̄nga xi s̄ik̄j̄hesòn yije x̄ita xi kondra fi-la Nainá.

²⁸ K'e nga tsà jngòò x̄ita xi mik̄i sikitasòn k̄jot̄ixoma-la Nainá xi kit̄joé-la Moisés, tsà t̄j̄in jò, j̄an x̄ita xi tsj̄a 'én nga kixi k̄joa, mik̄i mah̄imacha, nik'en-né.

²⁹ K̄ós'ín beè-la takòn j̄nò, a mìtsà isa tse k̄jo'in ok'in-la j̄nà x̄ita xi binchané jè Ki'ndí-la Nainá, k̄o ochrjekàngui jè j̄nì xi tsib̄ixteèn, k̄o t̄ik̄oaà ch̄jaj̄no-la In̄j̄ma Tsjeè-la Nainá xi t̄j̄in-la

kjonda? Jè jni xi ochrjekàngui, jè-né xi Nainá kisikjeén nga tsibíndaàjìin-ko xita jngoò kjoa xitse, ko jè xi kisitsjeè-ne inima-la xita koi.

³⁰ Jyeé tjiin-ná nga k'oaá tsò Nainá: "Aán oko-na nga tsjaà-la kjo'in xita, 'aán tsjaà-la chji-la." Jngoò k'a tsò: "Jè Na'èn-ná kùindaàjìin-la xita naxandá-la."

³¹ Taxkí 'ño tse kjoxkón tjin k'e nga ya kàyaá tsja Nainá xi tjinakon!

³² Tanga tikitsjeèn kós'in komà't'ioòn nachrjein xi jye tsato, k'e nga sa kina'ya ítjòn 'én kixi xi kisihiseèn-nò, nga kichikjoa-nò nga tse kjo'in kinikjioòn.

³³ Kis'eé nachrjein k'e nga jña xita kùichjajno-nò ko kiskaàn-ko-nò nga nguixkon xita naxandá. Tikoáá kis'eé nachrjein nga jño kitsjahitakoo jña xita xinguioo xi tikoá kjo'in nchisikjeiín.

³⁴ Jño, kjòhimacha xita xi kjo'in nchisikjeiín nga ndayá tìtsajna; ko tikoá mikii kòjti-nò k'e nga kjòchijé-nò tsojmì-nò, ta saá kjòtsjaá-nò nga jye tjiin-nò nga ján ngajmii tjin-nò tsojmii xi isa ndaa kjòan xi mikii fehet'aà nita mé nachrjein-ne.

³⁵ Ki nchija-jèn koni s'in kjit'aatakòn Nainá nga yaá tjoé-nò jè xi 'ño tse chji-la.

³⁶ Mochjeén-né nga s'e-nò kjoatsetakòn kjoa ts'e kjo'in, mé-ne k'e nga jye kítasòn koni s'in mejèn-la Nainá, tjoé-nò xi tsjá-nò koni s'in jye kitsjaá 'én-la xi tso'ba kùichja-ne.

³⁷ K'oaá s'in chja xojon xi tjit'aà 'én-la Nainá nga tsò:

Ta jngoò tjò chija-la nga kjoíi jè xi sa nchrobá.

Mikii kochrjein-la.

³⁸ Jè xi xita kixi kijnakon-né nga mokjeiín-la, tanga tsà kosit'aà xin, mikii sasén-la inima-na.

³⁹ Tanga jña, mi k'oaá s'eén koni s'in xita xi its'in fi-ne nga síchija inima-la. Ta saá ya kjaáan ya i'nde ñanda kitjokàjìin kjo'in inima-ná koi kjoa-la nga mokjeiín-ná.

11

Kjoa xi mokjeiín-ná

¹ Jè kjoa xi mokjeiín-ná, jè-né nga tjin kixi nga tjoé-ná jña kjoa xi chiñá-lá; jè-né nga tijnogoò takoán nga kítasòn nas'in mikii tìtsa'yaá xi kjoa niton.

² Jña xita jchinga kjòtseé, koií kjoa-la nga kòkjeiín-la nga ndaa ki'ya-la.

³ Ta koi-né nga mokjeiín-ná nga kós'in machiya-ná nga jè Nainá, tà koó 'én-la tsibíndaà isò'nde; kisikatsejèn tsojmi xi mikii tsejèn nga sa ítjòn.

⁴ Abel, koií kjoa-la nga kòkjeiín-la, kitsjaat'aà-la Nainá kjotjò xi isa 'ño ndaa kjoàn, mi k'oaá-ne koni ts'e Caín. K'oaá s'in komà-ne nga xita kixi kitsò-la Nainá Abel; kiskoé kjotjò xi ijchòko-la; skanda nachrjein i'nde, táko k'oaá s'in tichja nga mokjeiín-la, nas'in jye k'en.

⁵ Enoc, tikoáá kòkjeiín-la; k'oaá s'in komà-ne nga kiiko tikon Nainá ján ngajmii; mi ti kii kisakò-ne k'e nga jye kiiko. K'e nga sa tsibijna i isò'nde, Enoc, k'oaá s'in ki'ya-la nga ndaa kisaseén takòn Nainá.

⁶ Tsà mikii mokjeiín-ná it'aà ts'e Nainá, mikii koma s'eén kjoa xi sasén-la Nainá. Jè xita xi sichrañat'aà-la Nainá mochjeén-né nga ndaa kòkjeiín-la nga tjna Nainá, tikoá kòkjeiín-la nga ngats'ii xita xi ótsji Nainá, tsjá-la kjotjò xi ndaa tjin.

⁷ Noé koií-né nga kòkjeiín-la, k'e nga tsibénojmi-la Nainá kjoa xi iskan koma, kisikitasòn; koó kjoxkón-la nga tsibíndaà jngoò chitso xi 'ño je kji, mé-ne nga mikii kiyá-ne jña xita ni'ya-la. Noé, nga ndaa kòkjeiín-la, k'oaá s'in tsibíné-la kjo'in xita isò'nde nga jè tjin-la; ko jè Noé kitjoe-la kjotjò xi tsjá Nainá nga xita kixi kitsò-la ta koií kjoa-la nga kòkjeiín-la.

⁸ Abraham, nga kòkjeiín-la k'e nga kùichja-la Nainá, kisikitasòn. Itjokàjìin nangui-la, kii ya i'nde ñanda tà kjotjò tsjá-la Nainá, tanga skanda mikii tjiin-la ñanda tifi.

⁹ Koií kjoa-la nga kòkjeiín-la, nga kós'in kisijchá yijo-la koni tsà xita xi xin nangui-la nas'in ya tsibijna ya i'nde ñanda nga k'oa kitsò-la Nainá nga tsjá kjotjò-la. Ni'ya nikjeé tsibijnaya. Nga kii-isa nachrjein, k'oaá ti komà't'in jè Isaac ko Jacob, xi tikoá k'oa's'in kitsjaá-la 'én Nainá nga ts'e koma nangui.

¹⁰ Abraham tikoña jngoò-la naxandá xi 'ño ndaa tjin tats'en chrjò-la, nga jè Nainá kiskoòsòn-la kós'in sindaà ko tije-ne Nainá tsibíndaà.

¹¹ Koií kjoa-la nga kòkjeiín-la Abraham, nga nas'in chjoón 'ndi jè chjoón-la xi 'mi Sara, ko nas'in jye 'ño xita jchinga, kis'eé-la nga 'ño nga kisakò jngoò-la ki'ndi jè Sara, koií kjoa-la nga kòkjeiín-la nga Nainá sikitason koni s'in jye kitsjaá-la 'én-la.

¹² K'oaá ma-ne nga ta jè tajngoò xita jè, nas'in jye tifehet'aà nachrjein-la, kjin jchán ma jxti-la xi tje ts'e k'oaá ngaya-la koni jña ni'ño xi tjin ngajmii ko tsoni xi jncha indii ndáchikon nga mikii ma maxkeya.

¹³ Ngats'ii xita koi, k'oaá s'in mokjeiín-la skanda k'e nga k'en, nas'in mikii kitjoe-la tsojmi xi Nainá k'oa's'in kitsjaá 'én-la nga tsjá-la; ta k'oaá s'in kjòchija-la koni tsà ta kjiin kijtseè-ne; tsjaá kis'e-la nga kitsò nga mìtsà i i'nde-la, ta nchifahato-ne nga tìtsajna i it'aà nangui.

14 Jñà xità xi koatsò, k'oaa s'in benojmí kixi-né nga saá nchihótsji jngoò nangui xi ngui ts'e koma.

15 Tsà jè nchisikítsjeèn nangui ñánda itjokàjiin, okixi-né komá-la kii jngoò k'a-ne i'nde ñánda inchrobà-ne.

16 Tanga jngoò i'nde nchihótsji xi isa ndaa choòn, i'nde xi ts'e ngajmii. K'oaa ma-ne nga jè Nainá, mikii masobà-la nga kítsò-la xità: jè jèe xi Nainá, nga jyeé kisikijnandaà jngoò-la i'nde ñánda naxandá-la koma nga ya kítsajna.

17 Abraham, k'e nga kichit'aà, koií kjoa-la nga kòkjeiin-la nga kiskoé Isaac nga kitsjaat'aà kjetjò-la Nainá. Tsiibjndaà nga tsjá-la ki'ndí-la xi ta jè tajngoò-ne, nas'in xó k'oas'in kitsjaà-ne 'én Nainá it'aà ts'e ki'ndí-la, k'e nga kitsò:

18 "It'aà ts'e Isaac, kjin jchán koma xita tje-lè."

19 Abraham k'oaa s'in kisikítsjeèn nga Nainá tjin-la nga'ño nga ma-la sikjaáya-la xita nas'in jye k'en. Kitjoé jngoò k'a-la ki'ndí-la koni tsá jaáya-la it'aà ts'e kjoabiyaa.

20 Isaac, koií kjoa-la nga mokjeiin-la nga kisijét'aà-la Nainá nga kátasíchikon-t'in Jacob ko Esaú it'aà ts'e kjoa xi jskan koma.

21 Koií kjoa-la nga mokjeiin-la Jacob, k'e nga jye tibiyaà, kisijét'aà-la Nainá nga kátasíchikon-t'in ingajò ixti-la José; singui'ño tsja yá nise-la nga jeya kisikijna Nainá.

22 Koií kjoa-la nga mokjeiin-la José, k'e nga jye tibiyaà, tsibénojmí kós'in komat'in jñà xità Israel nga kitjokàjiin naxandá Egipto. Tjkoa kitsjaà okixi it'aà ts'e nindaà-la ñánda kjiiko.

23 Xità jchínga-la Moisés, koií kjoa-la nga kòkjeiin-la nga jàn sá kisikijna'ma ki'ndí-la k'e nga sá kits'in, nga kijtsee nga 'ño ndaa kji isén-la ki'ndí-la, ko mikii kitsakjòn-la kjetixoma-la xitaxá itjòn ts'e naxandá Egipto.

24 K'e nga jye kòjchínga Moisés, koií kjoa-la nga kòkjeiin-la nga mikii kisaseèn-la nga nea-la kitsò-la tsòti-la faraón.

25 Tà saá jè jaàjiin nga kjo'in kisikjeiin ko naxandá-la Nainá, mi k'oaa-ne nga kjotsja tsjá-la yijo-la xi kjoa ts'e jè.

26 K'oaa s'in kiskoòsòn-la nga isa 'ño chjí-la kjo'in xi sjikjeiin xi it'aà ts'e Cristo mi k'oaa-ne nga kjotsja tsjá-la yijo-la xi kjoa nchiná ts'e naxandá Egipto. Kiskoñaakjoaa-la kjondaà xi jskan tsjá-la Nainá.

27 Koi-né nga tjkoa kòkjeiin-la nga itjokàjiin naxandá Egipto; mikii kitsakjòn-la kjoajti-la jè xitaxá itjòn; kixií tsibijna koni tsá xkon tibeè-ne Nainá xi ni saá jngoò xita beèxon.

28 Moisés, nga kòkjeiin-la, tsjachrje s'eí Paxko. K'oaa kitsò-la ngats'ií xità Israel nga jni sjikaajno xotjoa ni'ya-la mé-ne jè àkjale-la Nainá mikii sjik'en jñà xi ki'ndítjòn-la ts'e xità Israel.

29 Jñà xità Israel, nga kòkjeiin-la, tsatojiin jè xi 'mì Ndáchikon Inì koni tsá nangui kixi. Jñà xità Egipto, k'e nga kijtsee, mejèn-la nga k'oaa tjs'in kis'in, tanga ta yaá k'en yije ya jjiin ndáchikon.

30 Nga kòkjeiin-la xità Israel, kisikixòjen chrjó xi tjíndi-la naxandá Jericó, k'e nga jye kjò itoò nachrjein bitjindi-la jè naxandá.

31 Koií nga kòkjeiin-la Rahab xi chjoón chijngui nga mi ya k'en-ko jñà xità xi mikii mokjeiin-la, koií kjoa-la nga ndaa kijtseeetjò jñà xità Israel xi itjòn ijchò kotsejèn 'ma-la nangui.

32 ¿Mé kjoa xi kènojmi isa? Mí-la kii chíya-na nachrjein nga kichjá it'aà ts'e Gedeón, ts'e Barac, ts'e Sansón, ts'e Jefté, ts'e David, ts'e Samuel ko ngats'ií xità xi kiichjá ngajo-la Nainá.

33 Koií nga kòkjeiin-la xità koií nga kis'e i'nga xi kisikijne-la kjoa ts'e kjojchán, xi kixi tsibindaàjiin kjoa, xi Nainá kitsjaà-la koni s'in jye kitsò-la xi tso'ba kiichjá-ne, xi tsibíchoajto tso'ba xa.

34 Kis'eé i'nga xi kisikits'o nga'ño-la ni'in jnga, xi itjomachinga-la nga kichá ndojò k'en-ne, xi kis'e jngoò k'a-la nga'ño nas'in xk'én kjoàn, xi kis'e-la nga'ño kjoa ts'e kjojchán, xi kisikijne-la xità kjojchán xi kondra ts'e.

35 Kis'eé i'nga ichjín xi kitjoé jngoò k'a-la xità xikjén xi jye k'en nga jaáya-la.

Tanga tjin i'nga xi ya k'en-jiin kjo'in; mikii kjòmejen-la nga tsibitsajnandejé, nga k'oaa s'in kjòmejen-la nga isa ndaa kitsajna k'e nga kjoaáya-la.

36 Xi i'nga, kisikjeiin kjo'in nga kinisobà-la, kiskaàn-ko xita, skanda na'ño kichá cadena kisit'aà'ño iya ndayá.

37 Tjin i'nga xi ndajo kisiné nga kinik'en; tjin i'nga xi kichá serrote kjòjòya-ne; tjin xi kichá ndojò k'en-ne. Xkí xi ján chinchimasòn, tà chrjoa-la orrè ko chrjoa-la tindsó tsakakjá nga 'ño ima chinchima, tseeé kjo'in kis'e-la ko 'ño ki'yatoòn.

38 Jñà xità koi, nga 'ño ndaa kòkjeiin-la it'aà ts'e Nainá, skanda mikii ok'in-la nga j tsibitsajna isò'nde. Xkí xi ján chinchimasòn ya i'nde it'aà xìn ñánda nangui kixi choòn, kòhokji jjiin ijñá ko ingui nguijo ko ngajo xi tix'á jjiin nangui.

³⁹ Ngats'iì xità koi, koni s'ín nga ndaà kòkjeiín-là ndaá ki'ya-là, tanga nijngoo kitjoé-là xi Nainá tjin-ne nga tsjá-là koni s'ín jye kitsjaá-là 'én-là.

⁴⁰ Nainá tsibíndaà jngoo-ná kjoa xi isa 'nó ndaá tjin, mé-ne jñà xità koi, ngásòn kongásòn-kjoaá nga nímé chijat'aá-ná nga kixi kítsajnaá.

12

Ndaà chítsejèn-là Jesús

¹ Nga 'nó kjin ma-ne xità xi títsajnandii-ná xi ndaà mokjeiín-là, k'oaá ma-ne nga tikoáá jñà, jngoo k'a síkítsajnaá ngats'iì kjoa xi s'ín-ná ko kjoa ts'e jé xi tsohá'nó-ná nga konachan-ná; mochjeén-né nga k'oa s'ín s'eén koni jngoo xità xi ongachikon nga chíkjoako-là nga kijchò skanda ñánda nga tjin-nè-là nga kijchò.

² Ndaà chítsejèn-là Jesús; jé tsibíts'ia ítjon koni s'ín mokjeiín-ná ko jé sjngoo kjoa koni s'ín mokjeiín-ná. Jesús nga jye tjiin-là nga koma iskan s'eé-là kjotsja, k'oaá ma-ne nga kichikjoa ko-là kjo'ín it'aà krò, mikii kjòsobá-là koni s'ín k'en; ikjoàn tsibíjnat'aà chrja kixi-là Nainá nga ya tíhotixoma.

³ Tíkítsjeén it'aà ts'e Jesús; kichikjoa koó-là kjo'ín xi tsibínè-là jñà xità jé, mé-ne jñò mikii kijta-nò ko mikii sikajeén-là takòn.

⁴ Koni s'ín títsabixkàn-ko kjoa ts'e jé, k'j'eè tsà yá xità xi tsò ikon nga sík'en-nò.

⁵ ¿A jye kijcháajjin-nò koni tsò-nò Nainá nga ixti-là tsò-nò? K'oaá s'ín tíchja xojon xi tít'aà 'én-là Nainá nga tsò:

Nga ki'ndí-na xan-lè, kì nachrjekàngui-jèn k'e nga síkixiya-lè Na'én-ná,
ko kì níkjajen-là takoin k'e nga síkáká-lè.

⁶ Na'én-ná síkixiya-né jé xità xi tsjakeé,
tsjá-là kjo'ín ngats'iì xi kjoétjó nga ki'ndí-là tsò-là.

⁷ Nainá k'oaá s'ín beéhikon-nò nga ki'ndí-là tsò-nò; tijkioón k'e nga kjo'ín tsjá-nò. Ngats'iì xi Na'én ma, tsjá-là kjo'ín ixti-là nga síkixiya.

⁸ Tanga tsà Nainá mikii sjikixiya-nò koni s'ín síko ngats'iì xi ixti-là ma, mìtsà kixi kjoa nga ngui ixti-là Nainá maà.

⁹ K'e nga sa ixtiaá, jñà xità jchínga-ná xi tjin i'it'aà nangui, kisikixiya-ná koa ndaà kiyaxkoán. ¿A mìtsà isa ndaà jchaxkoán Na'én-ná xi tjna ngajmii, mé-ne nga kátas'e-ná kjoabinachon?

¹⁰ Xità jchínga-ná i'it'aà nangui tsjá-ná kjo'ín nga síkixiya-ná koni s'ín mejèn-là, nas'ín ta chiba nachrjein títsajnaá. Tanga Nainá síkixiya-ná xi kjondaá tsaján mé-ne nga tsjeé kítsajnaá koni jé Nainá nga tsjeé tjna.

¹¹ Kixi kjoa, tsjin kjo'ín xi kjotsja tsjá, tà kjoaba tsjá nga 'on ma-là yijo-ná, tanga komá iskan-ne s'eé-ná kjoa kixi xi 'nchán tjin nga ndaà kítsajnakoáá Nainá ngats'iaá xi bíl'ndeé nga tímakixiyaá.

¹² K'oaá ma-ne nga tjiil-là nga'nó yijo-nò, chjímii'ngaà ndsqa xi mikii ma síkjaníyá, ko xkó ndsokoò xi tsjin-là nga'nó;

¹³ tijnchátsjioò xi ndiyá kixi nga kátandaà-ne ndsokoò xi tsá'yá kji, mé-ne nga mikii isa ndaà kotsó'nó-ne.

Kì binchat'aàxin-là kjondaà-là Nainá

¹⁴ 'Nchán títsajnakoo ngats'iì xità; tsjeé títsajna nga nguixkon Nainá. Nga nijngoo xità skoexkon Nainá tsà mì tsjeé tjna.

¹⁵ Ndaà chítsejèn nga nijngoo xità kosijnat'aàxin-là kjondaà-là Nainá, mé-ne nga mì k'oaá s'ín komat'ioón koni tsà jngoo xkà ijñà kiso xi tsja ima-là xi síkits'ón xità nga tsjá ch'in-là.

¹⁶ Jñò, nijngoo xi xità chijngui koma, kì nachrjekànguioò tsojmi xi tsjee; kì k'oaá s'ín 'nè koni kis'iin Esau nga tà jngoo chroba tsojmi xi ma chine tsatijna-ne xi jé tjin-ne nga kòko-là koni ki'ndí tjòn.

¹⁷ Jñò jyeé tjiin-nò, k'e nga jye komá iskan, Esau k'e nga kjòmejèn-là nga siichikon-t'in na'én-là, kinachrjekàngui-ne, mì tì kii komá kjòchikon-t'in-ne, nas'ín takó 'nó kiskindaya.

¹⁸ [Koni s'ín komat'in xità Israel nga kjin kjoaxkón kijtseé], jñò, mìtsà kos'ín ya ijchò kinchat'aà-là nindoò xi ma niko, jé nindoò ñánda títi ni'in jnga, ñánda skanda mì tì kii kjòtsejèn-ne nga jñò choòn ko ñánda tí'ba tjo xkón.

¹⁹ Mikii kina'yá-là jta-là chrjo, tikoá mikii kina'yá-là jta-là Nainá k'e nga kiihja. Jñà xi kii'nchré-là Nainá, tsibítsi'ba-ne nga majin-là nga kichja-isa,

²⁰ koi kjoa-là nga mikii kichikjoa-là koni s'ín tjin kjotixoma xi kisiné-là nga tsò: "Jé xità xi kosijna jngoo ndsoko ya it'aà nindoò, nas'ín jngoo cho, ndajoó kiyá-ne ko tsà majin kichaá kotosikjá yijo-là."

²¹ 'Nó xkón tjin kjoa xi ki'ya-là, skanda tije-ne Moisés kitsò: "Tsakjoón jchán-ná skanda chiba-là tíhotsé-ná."

²² Tanga jñò, yaá ijchò kinchat'aà-là nindoò Sión, jè naxandá-là Nainá xi tijnakon, xi tije-ne Jerusalén xi ts'e ngajmii, ñánda kjin jmií àkjalé títsajna xi nchisitsjako Nainá nga jeya nchisíkjina,

²³ ñánda títsajnajtín ixti-là Nainá xi tjoé-là kjetjò xi ts'e ixtitjòn xi tjit'aà 'in-là xojon ts'e ngajmii. Ijchò kinchat'aà-là Nainá xi xitaxá tijn nga jè bíndaajjin-là ngats'ií xita. Tíkoáá ijchò kinchat'aà-là iníma-là xita kixi xi Nainá jye kisitsjeé nga nímé chijat'aà-là.

²⁴ Ijchò kinchat'aà-là Jesús xi osijnajjin-ná jngoò kjoa xitse ko jè jní-là xi kixixteén [nga kisitsjeé-ná] xi isa ndaa chja-ná mi k'oaa-ne koni ts'e Abel [xi sjé nga sindaajjin].

²⁵ Jñò, t'een kindá yijo-nò. Kì nachrjekànguioò jè xi tichja-ná. Jña xita jchínga kjòtseé xi tsahrjekàngui koni s'in kinokjoà-là i it'aà nangui nga kinikaká-là, mikii tsajno-là nga kitjoé-là kjo'in. Jña, isaá 'ñó 'in tjin tsá kinachrjekànguiaá Nainá k'e nga skanda ján ngajmii chja-ná nga síkaká-ná; mikii kojno-ná nga tjoé-ná kjo'in.

²⁶ Jè nachrjein jè, jta-là Nainá, skanda jè nangui kisijtiya-là, tanga nachrjein i'ndeí, k'oaa tsò: "Jngoò k'a sijtiya-là, mitsá tà jè nangui sijtiya-là koó ngajmii."

²⁷ Jè 'én, k'e nga tsò "jngoò k'a sijtiya-là", k'oaa s'in machiya-ná nga tjáxin tsojmi xi xó kisindaá-ne, jña xi ma oniyá-là, mé-ne nga kitsajna-ne xi mikii ma oniyá-là.

²⁸ It'aà ts'e Nainá tsjá-ná okixi nga ya kotixomakoáá ya i'nde ñánda mikii ma oniyá-là. Ndaá chji-là Nainá jña kjoa koi. Jeya síkjinaá ko jchaxkoán koni s'in sasén-là jè.

²⁹ Nga "jè Nainá, k'oaa गया-là koni ni'in xi síkjesòn yije nita mé xi tjin."

13

Kjoa xi mochjeén nga s'iin jña xita-là Cristo

¹ Jñò, títsjacha xita xinguióo xi 'ndse chibá xi it'aà ts'e Cristo.

² Kì njcháajjoón jña xita xi bijchókón-nò ni'ya-nò, tís'in-là nga kátasíkjáya. K'oaa komát'in i'nga xita, kiskoétjó xita xi mikii beèxkon, tanga àkjalé-né.

³ Tíkítsjeén jña xita xi ndayá títsajna; k'oas'in t'è-là takón koni tsá ngásòn kjo'in títsajnaá. Tíkítsjeén jña xita xi týatoón koni tsá jñò xi tíkoá k'oas'in týatoón-nò.

⁴ Jñò xi jye chixán, ngásòn jchaxkón xinguióo. Kì ch'o bitsajnakoo xinguióo. Nga jña xi kjoachijngui s'in, Nainá tsjá-là kjo'in.

⁵ Kì toón 'ñó matsjacha; kátajngoò takón koni kji tjin-nò. Nainá k'oaa tsò: "Mikii tsjeiin takón-nò, ko mikii tajngoò siikjina-nò."

⁶ K'oaa ma-ne nga ma k'oas'in kixoán:

Jè Na'én-ná kosíko-ná,

mikii kiskoán mé kjoa xi síko-ná xita.

⁷ Tíkítsjeén jña xita xi chincha itjón nga tsakóya-nò 'én-là Nainá; tíkítsjeén kó s'in kisijchá yijo-là xita koi ko k'oaa s'in chjinguí-là koni s'in kòkjeín-là.

⁸ Jesucristo mikii fatjya, tije-ne ngojña, tije-ne nachrjein i'ndeí, ko tije-ne nita mé nachrjein-ne.

⁹ Kì kii nis'in-là kjohítsjeén xi kjejí tsò ko xi mikii yaxkon-là nga xin ndiyá fiko-ná. Isaá ndaa tjin nga jè iníma-ná s'e-là nga 'ñó it'aà ts'e kjondaá-là Nainá mi k'oaa-ne koni ts'e tsojmi xi ma chine; nga jña tsojmi xi ma chine, nímé nga 'ñó kitsjaá-là jña xi k'oaa tjin kjoa kisis'in-là.

¹⁰ Jña, tjin jngoò-ná i'nde tsjeé [ñánda kitsjaá kjetjò yijo-là Cristo nga k'en], tanga jña no'mii xi takó ya síxá it'aà ts'e kjoa jchínga ya Ni'ya xi níkje, mikii tji'nde-là nga tjoé-là kjondaá nga ya kokjen.

¹¹ Nga jè yijo-là cho xi sík'en jña no'mii, [mikii tji'nde-là nga tjoé-là nga skine]; ta jè jní-là cho fiko jè no'mii itjón ya i'nde tsjeé-là Nainá xi kjoa ts'e jé. Tanga jè yijo-là cho, it'aà xin i'nde fiko nga ti.

¹² K'oaa tís'in komát'in Jesús, it'aà xin-là naxandá kisikjeín kjo'in, mé-ne nga kisitsjeé-ne naxandá it'aà ts'e xi ngui jní ts'e.

¹³ K'oaa ma-ne jña, kítjokajñaá naxandá. Jè kjtjinguí-là Jesús nga síkjiaán-koáá kjo'in xi jè kisikjeín.

¹⁴ Nga i it'aà nangui tsjin-ná naxandá xi ngui jngoò k'a tjna nita kjé-ne; jè títsachiña-là naxandá xi iskan kotsején.

¹⁵ Koi kjoa-là mochjeén-né nga kjit'aà nachrjein jeya síkjinaá Nainá it'aà ts'e Jesucristo koni jngoò kjetjò xi 'bi-là Nainá, 'én xi ngui tso'baá bitjo-ne nga bənojmíá yá-né jé.

¹⁶ Kì njcháajjoón nga ndaa t'een, tjií itsé-là xinguióo mé xi tjin-nò; k'oaa tjin kjetjò xi sasén-là Nainá.

¹⁷ Tíkítasón-là jña xita xi jncha itjón-nò, tina'yañijon-là. Nga jña síkindá-nò nga mi jchija iníma-nò koi kjoa-là nga tjiné-là nga tsjá-là kindá Nainá. Tíkítasón-là koni s'in kítsó-nò mé-ne nga ngui ko kjotsja-là síxá-ne nga mi ba s'e-là; tsá ba s'e-là, nímé kjondaá s'e-nò.

¹⁸ Tijét'aà-là Nainá it'aà tsajen, nga k'oaá s'ín tǵngòò takòn-jen nga ndaà tǵín kjòhítsjeèn-najen, mejèn-najen nga ndaà s'èn-jen nǵta mé kjoa-ne.

¹⁹ İsaá ndaà sǵjé-nò nga tijét'aà-là Nainá xi it'aà ts'an, mé-ne nga kátatsjá'nde-na nga nǵton kjíkon-nò.

Én xi fehet'aà-ne

²⁰ Jè Nainá xi tsjá kjoa'nchán xi kisikjaáya-là it'aà ts'è kjoa biyaa Nǵ'èn-ná Jesucristo, xi paxtò ítjòn-là ts'è orrè, jè xi kò jnǵ-là tsibí'ńó-ne jngoò kjoa xǵtse xi mìkii kjoehet'aà nǵta kjé-ne,

²¹ kátasikixiyandaà-nò ngats'ii kjoa xi ndaà tǵín, mé-ne nga kátitasòn-ne koni s'ín mejèn-là Nainá; it'aà ts'è Jesucristo, k'oas'ín kátasiko-ná koni s'ín sasén-là Nainá. Jjeya kátijna Cristo nǵta mé nǵchrjein-ne! K'oaá s'ín kátama.

²² Bitsi'bà-nò ndí 'ndsè, ndaà choétjò 'én xi tikjiì-nò koni s'ín tibinè-nò nga ta chiba 'én tikjiì-nò.

²³ Kátasijǵn-nò jè 'ndseé Timoteo jye tǵjnandejí-ne xi kjoa ts'è kjo'in; tsà kjojí nǵton, kjíko-ná k'è nga kjíán katsejèn-nò.

²⁴ Tǵixat'aà yije jǵnà xǵta xi jncha ítjòn-nò kò ngats'ii xǵta-là Cristo. Jǵnà xi Italia ts'è nchisíhixat'aà-nò.

²⁵ Ngats'ioò, jè kátijnako-nò kjondaà-là Nainá.

Xojon carta xi kiski Santiago

Kó tsò Santiago nga s'ihixat'aà xita

¹ 'An, Santiago, xi ch'unda-la Nainá ma, kò ts'e Na'èn-ná Jesucristo, tisihiixat'aà-nò, jñò, xi ya inchròbàt'aà-nò xi tejó tje-la naxàndá Israel xi xkì xi ján nangui titsajnaà nga tjtsa isò'nde.

Nga'ño xi sakò-ná k'e nga mé kjoa xi otojñaá

² Jñò, xi 'ndsè chibá it'aà ts'e Cristo, ngui tsja t'è-là inima-nò k'e nga nita mé kjoa xi komat'ioòn.

³ 'Ya-nò k'e nga tsà mé kjoa xi komat'ioòn nga chít'aà-nò koni s'in mokjeiin-nò, jña kjoa xi kotojñoò, yaá sakò-nò nga'ño nga kichikjoako-nò nita mé kjoa xi kotojñoò.

⁴ K'oaá ma-ne jè nga'ño xi sakò-nò, ndaà kátasíxájiin inima-nò mé-ne nga ndaà kojchínga-ne kò tjngooò-ne kjohítsjeèn-la inima-nò nga nímé s'ichijat'aà-la.

⁵ Tsà tjin i'nga xita xi chijat'aà-la kjohítsjeèn, tjiét'aà-là Nainá; jè tsjá-nò. Nga jè Nainá ngui kò inima-la nga tsjá kò mitsà ch'o tsò-la xita k'e nga síjé.

⁶ Tanga ngui ndaà kàtakjeiin-nò k'e nga síjé. Kì jò 'beé-là takòn. Jè xita xi jò 'beé-la ikon, k'oaá s'in ngaya-la koni ndáchikon k'e nga 'ba tjo, fijen fikjako.

⁷ Jè xita xi jò 'beé-la ikon, k'oaá s'in síkítsjeèn nga tjin xi tjoé-la it'aà ts'e Na'èn-ná, ⁸ nga mikii tjngooò ikon. Nachrjein 'ndeí k'ejí s'in tísíkítsjeèn, nchijòn-lè tikoáá k'ejí kjohítsjeèn tjin-la. Mitsà ngui jngooò ndiyá kjoé.

⁹ Jña xita xi 'ndsè chibá it'aà ts'e Cristo xi ima titsajna, tsja kátas'e-la nga 'nga titsajna nga nguixkòn Nainá.

¹⁰ Tanga jña xita nchiná, tsja kátas'e-la nga nangui kítajna ya nguixkòn Nainá, nga jè xita nchiná, k'oaá s'in komat'in koni jngooò naxò xi mikii fichrjein-la.

¹¹ K'e nga 'ño matsjè ndobá, jña ijñá, xi-né, ikjoàn bixòjen jè naxò-la; chija jsén-la nga ndaà kjoàn. K'oaá tjs'in komat'in jña xita nchiná, k'e nga 'ño nchisíxáko xá xi tjin-la, ta nitòón kiyá.

¹² Mé ta ndaà-là jè xita xi chikjoako-la k'e nga chit'aà, mé-ne k'e nga jye s'ikijne, tjoé-la kjoabinachon koni s'in kitsjaà-la 'én Nainá, ngats'ii xita xi jè matsjakeè. Tjoé-la kjoabinachon k'oaá ngaya-la koni jngooò corona si'a sko xita xi síkijne k'e nga síská.

¹³ Jñò, k'e nga chit'aà-nò nga mejèn-nò nga ch'o s'een, k'oaá s'in níkítsjeèn nga jè Nainá tikot'aà-nò. Nga jè Nainá mì yá xi koma-la skót'aà nga ch'o kátas'in Nainá. Tikoáá jè Nainá mì k'ot'aà xita nga ch'o kátas'in.

¹⁴ Jngooò xita, k'e nga chit'aà, tijnà-ne kjoa ch'o-la xi matsjakeè binga nga tsobá'ño. ¹⁵ Kò jè kjoa ch'o xi matsjakeè, k'e nga jye bitasòn, yaá sakò jé. K'e nga jye bitasòn kjoa ts'e jé, ikjoàn f'ii kjoa biyáa.

¹⁶ Jñò ndí 'ndsè xi matsjake-nò, k'oaá yijo-nò chonachan-là. ¹⁷ Ngats'ii kjondaà kò kjotjò xi tjoé-ná, it'aà ts'e Nainá xi tjna ngajmii nchròbá-ne, jè xi tsibindaà ngats'ii tsojmi xi 'ya-la ngajmii, jña xi síhiseèn. Nainá, mì k'oaá s'in fatjija-la koni ma jña tsojmi xi síhiseèn ngajmii nga fatjija-la koni ma 'nguién.

¹⁸ Nainá, k'oaá s'in kjòmejèn-la nga kíkítsajnakon xitje jngooò k'a-ná xi kjoa ts'e 'én kixi-la, mé-ne nga jña s'ingatsjaá yijo-ná Nainá koni tsojmi xi majchá itjòn xi jè tsibindaà.

Mochjeèn-né nga s'ikitasoán k'e nga jye na'ya 'én-la Nainá

¹⁹ Jñò, ndí 'ndsè xi matsjake-nò, t'ikítsjeèn ngats'ioò, isa ndaà titsajnaandaà nga k'ina'ya-là xita xinguiáá xi k'ejí, chiba chiba tjinójoaá, kò k' taxkí majti-nò.

²⁰ Jngooò xita xi jti takòn, mikii kixi s'ikitasòn koni s'in mejèn-la Nainá. ²¹ Chjaàxin-là yijo-nò ngats'ii kjoa tjé kò kjoa ch'o xi xkì xi ján tjin, mé-ne nga indaàjiin chjoé-nò jña 'én ndaà-la Nainá xi jye kina'ya, jña 'én koi xi koma kochrjekajjin-nò kjo'in.

²² Tjkitasòn koni tsò 'én-la Nainá. Kì tà na'ya-jèn. Tsà mikii s'ikitasòn, tì yijo-nò titsachonachan-là.

²³ Nita yá xita-ne xi 'nchré 'én-la Nainá, tsà mikii s'ikitasòn, k'oaá ngaya-la koni jngooò xita xi chitsin tikotsejèn-ya.

²⁴ K'e nga jye beè jsén-la kó kji, ikjoàn fi, yaá jchàajin-la kó kji jsén-la. ²⁵ Tanga jè xi ngui ndaà kotsejèn-la kjotixoma kixi xi síkijnandejíná, nga koi 'én síkítsjeèn kjit'aà koni tsò kjotixoma, kò mikii s'ichàajin 'én xi 'nchré nga ndaà s'ikitasòn, xita jè, yaá sakò-la kjoa machikon-t'in k'e nga k'oaá s'in tís'in.

²⁶ Tsà jngooò xita xi tsò: "Beèxkón-ná Nainá", k'oaá tsà mikii bíchjoà-la nijen-la nga chja ngats'ii 'én xi ch'o tsò, yijo-laá tikonachan-la; nímé chíj-la nga tsò: "Beèxkón-ná Nainá."

²⁷ K'e nga ngui kixi kjoa nga Nainá xi Na'èn-ná yaxkoán, koni s'in mejèn-la, jé-né nga s'ichjat'aà-lá xi jxti jchan, kò ichjin ka'an xi jye k'en x'in-la, jña xi kjo'in tjin-la, tikoáá mì k'ì k'nde-lá yijo-ná nga kjoa ch'o jchijnijñaá xi tjin isò'nde.

2

Mi kii mochjeén nga chjaájñaa xita xinguiáá nga ndaa sis'in-lá

¹ Jñò, ndí 'ndsè, koni s'in mokjeiin-nò it'aa ts'e Na'èn-ná Jesucristo xi jeya tójna, kii chjaájñòò xita xinguióò.

²⁻³ Tsá jngoo xita kijchò ya i'nde ñánda bixoña, xi tangò oro tákjá najno tsja, tikoá 'ño ndaa kjoán nikje chji xi kíkjá. Jñò, tsá 'ño ndaa sis'in-lá, k'oín-la: "Tjini jndé ñánda ndaa choón." Tsá tikoá kijchò jngoo xita ima xi kixajndáño kixajndat'aa nikje-la, tsá k'oín-la: "Taxkí tisijni ya, kò tsá majin, taxkí tijnat'eii ya nangui."

⁴ Jñò, k'e nga kos'in s'een, xinguióò titsanachrjekànguiò nga chjaájñòò xita xinguióò koni s'in xitaxá xi ch'o tjin kjohitsjeen-la.

⁵ Jñò ndí 'ndsè xi 'ño matsjake-nò, tiná'ya: Nainá xó k'oaá s'in jaájjin-ne jña xi xita ima xi tjin i'isò'nde, mé-ne nga jña kítsajna itjòn-ne koni s'in mokjeiin-la tikoá tjoé kjotjò-la ngats'ii kjondaá xi Nainá tsjá-la jña xita xi jé otixoma-la nga jyeé k'oaá s'in kitsjaá 'èn-la nga tsjá-la xita xi matsjakeé.

⁶ Tanga jñò, ta saá nachrjekànguióò jña xita ima. ¿A mitsá jña xita nchiná xi jñò beetoón-nò nga fiko-nò nguixkon xitaxá nga óngui-nò?

⁷ ¿A mitsá jña xita nchiná xi chjajno-la it'aa ts'e 'in-la Cristo, xi jé otixoma-nò?

⁸ Jñò, ndaa 'nè-nò tsá kixi kjoa nga níkitasòn jé kjotixoma-la Cristo xi otixoma koni s'in tichja Xojon-la Nainá nga tsò: "Titsjachi xita xinguii xi i'nga koni tsá tji yijo tsji-ne."

⁹ Tanga tsá chjaájñòò xita xinguióò, tjin xi ndaa nìs'in-laà kò tjin xi mikii ndaa nìs'in-laà, jé binchaatsji-la yijo-nò, nga níkatonè-là kjotixoma; tije-ne kjotixoma tìbìnè-nò jé.

¹⁰ Nga tsá jngoo xita xi ndaa síkitasòn yije kjotixoma tanga tsá tà jngoo kjoa síkatonè-la, jye kisakò jé yije-la it'aa ts'e kjotixoma-la Nainá.

¹¹ Nga k'oaá tsò Nainá: "Kí kjoa chijngui 'nè." Tanga tikoáá tji'aa ñánda tsò: "Kí xita ník'eén." Jñò, tsá mi kjoa chijngui 'nè, tanga tsá xita ník'eén, jye kisakò jé-nò it'aa ts'e kjotixoma.

¹² Jñò, k'oaá s'in tinòkjoa k'oaá s'in t'een koni xita xi Nainá kìnndaájjin-la tsá k'oaá s'in tìbitasòn-la koni tsò kjotixoma xi síkítsajnandéjii xita.

¹³ Jña xita xi tsjin-la kjohimatakòn it'aa ts'e xita xi k'ejii, tikoáá mikii s'e-la kjohimatakòn k'e nga sinè-la kjo'in. Tanga jña xi tjin-la kjohimatakòn, mi kjo'in sinè-la k'e nga sìnndaájjin-la.

Kjondaá xi 'né k'e nga mokjeiin-ná

¹⁴ Ndí 'ndsè, nímé chji-la tsá jngoo xita xi tsò: "An, mokjeiin-na it'aa ts'e Nainá", tsá mikii tí'ya-la kjondaá-la. Xita jé, xi ta jé kjoa mokjeiin-la, mikii koma kitjokàjin kjo'in.

¹⁵ Tsá jngoo 'ndsè kò tsá jngoo tichjaá xi tsjin-la níkje xi ókja kò tsá tsjin-la tsojmi xi kine;

¹⁶ jñò, tsá k'oín-laà: "T'in-là ndaa-ne, ndaa chikjei níkje-lè, ndaa chinji tsojmi xi mejèn-lè." Kò tsá mikii sichját'aa-là mé xi mochjeén-la, nímé chji-la.

¹⁷ K'oaá tìs'in ma kjoa xi mokjeiin-ná, tsá mikii tí'ya-la kjondaá-ná, nímé chji-la kjoa xi mokjeiin-ná.

¹⁸ Tjin i'nga xita xi kjònangui, tsò: "¿A mokjeiin-lè it'aa ts'e Cristo?" An, xan-la: "Tí'yaá-la kjondaá-na. ¿A komaá kòkò-ná nga mokjeiin-lè it'aa ts'e Cristo tsá nímé kjondaá tì'nì? Tanga 'an tìs'iin-ná kjondaá, k'oaá ma-ne kokò-lè nga kixí kjoa nga mokjeiin-na."

¹⁹ Ngaji ndaa tjin nga mokjeiin-lè nga jngoo ma Nainá. Tanga tikoáá jña inima ch'o-la neji mokjeiin-la nga tjin Nainá, skanda otsé-né nga tsakjón-la.

²⁰ Jñò, xita xi tsjin-nò kjohitsjeen, ¿a mi fiya-nò nga nímé chji-la kjoa xi mokjeiin-nò tsá mikii tí'ya-la kjondaá-nò?

²¹ Na'èn jchán kjin-ná Abraham, ¿mé-ne xita kixi kitsò-la Nainá? Koií kjoa-la nga ndaa kisikitasòn koni s'in kitsò-la k'e nga kitsjaá kjotjò Isaac xi ki'ndi-la ma nga tjin-ne nga sijk'en.

²² ¿A mi 'ya-jèn nga jé Abraham koni s'in nga kòkjeiin-la, k'oaá tìs'in kisikitasòn? Koni s'in kisikitasòn, yaá kjòjngoo kjoa mokjeiin-la nga nímé kisichját'aa-la.

²³ K'oaá s'in tsitasòn koni s'in tichja Xojon-la Nainá nga tsò: "Abraham kòkjeiin-la it'aa ts'e Nainá; k'oaá s'in komà-ne nga Nainá kiskoétojò nga xita kixi kitsò-la." Amigo-la Nainá ki'mi Abraham.

²⁴ Yaá 'yaá, nga Nainá kjoétojò xita kjoa ts'e kjondaá xi síkitasòn, mitsá tà koi kjoa-la nga mokjeiin-la.

²⁵ K'oaá tìs'in tjin ts'e chjoón chijngui xi 'mi Rahab; Nainá kiskoétojò nga xita kixi kitsò-la koií kjoa-la kjondaá xi kis'iin nga kitsjaá'nde-la jña xita xi ijchò katsejèn-'ma, ikjoàn kisichját'aa-la nga xin ndiyá kisikasén-ne xita koi.

²⁶ K'oaá tìs'in tjin jé yijo-ná, nímé chji-la, tjna k'en-né tsá tsjin inima-ná. K'oaá tìs'in ma kjoa xi mokjeiin-ná, tsá mikii tí'ya-la kjondaá-ná, nímé chji-la.

3

Kjoa ts'e nijen-ná nga nokjoá

¹ Jñò ndí 'ndsè, it'aa tsajòn, kì jkìn ma-ne xi maestro ma. Jyeé 'ya nga ngajen xi okoóya-jen, tsà mé kjoa xi ch'o 'nè-jen, isaá tse kjo'ín sinè-najen.

² Ngats'ii-ná, kjin skaya kjoach'o xi 'né, tanga jngooò xita xi mì ch'o tsò 'én xi chja, jè-né xi ngui xita kixi, xi komà-là kotixoma yije-là yijo-la.

³ K'oaá ngaya-là koni kohòyo xi si' a freno tso'ba mé-ne nga sjikitasòn-ne koni s'ín mejèn-ná nga kjoí, k'oaá s'ín ma'nchré yije yijo-la.

⁴ K'oaá t'is'ín tjin koni s'ín síxá jñà chitso, nas'ín tákó i'í kjoàn, kò nas'ín takó 'ñó 'ba tjo xi fahitjen, jè xita xi síxáko nas'ín jtoab kji yá xi 'mì timón xi síxáko, maá fahitjen nga fikò nita kós'ín mejèn-là nga kjiko.

⁵ K'oaá t'is'ín ma xi kjoa ts'e nijen-ná. Tà yijo jtoab kji, tanga 'ñó 'nga chja nita mé kjoa-ne. K'oaá ngaya-là koni jngooò ni'ín xi itsé kji, komaá kókángui ijñá nas'ín takó tse ma.

⁶ Nijen-ná k'oaá ngaya-là koni jngooò ni'ín, yaá tji'a yije ngats'ii 'én ch'o xi tjin isò'nde xi ma-là sikits'ón yije yijo-ná. Jè ni'ín xi tjin ya i'nde ts'e kjo'ín ñánda 'mì infierno, jè bit' a'í-là nijen-ná nga chja 'én xi ch'o tsò xi koma-là kókà-ná koni tjin nachrjein kitsajna kooán.

⁷ Ngats'ii cho xi tjin i isò'nde ma ma'nchré, koni jñà cho xi tjin jjiin ijñá, kò xi tjamajin isén, kò jñà cho xi nangui bifejno yijo-là kò jñà xi tjin jjiin ndáchikon, jñà xita ma-là sí'nchré.

⁸ Tanga nijngooò xita xi ma-là sí'nchré nijen-là. Nga jè nijen-ná jngooò kjoa ch'o tjin-là xi mikii tsjá'nde nga ma'nchré. Yaá tji'a koni xán kjan-la ye xi ma-là sík'en-ná.

⁹ Tije-ne nijen-ná jeya síkijna Nainá xi Na'è-ná, kò tije-ne nokjoá'on-koáá xita xi kos'ín kisindaá koni kji Nainá.

¹⁰ Tije-ne ndsoabaá bitjo-ne 'én xi jeya síkijna Nainá kò tije bitjo-ne xi nokjoá'on-koáá xita. Ndí 'ndsè, mikii ndaaá tjin kjoa koi.

¹¹ Jngooò ngajo ñánda tbitjo nandá, mikii koma kitjo nandá jnchra koá kitjo nandá ndaa.

¹² Jñà yá toò iko, ¿a komaá kjoa-là toò xi 'mì aceituna? Jè yá uva, ¿a komaá kjoa-là toò iko? Jñò ndí 'ndsè k'oaá t'is'ín tjin kjoa ts'e nandá, jngooò ngajo mikii koma kitjo nandá jnchra kò kitjo nandá ndaa.

Kós'ín tjin kjoachjine xi nchrobá-ne ján ngajmii

¹³ Jñà xita xinguioo, tsà tjin 'nga xi tjin-là kjoa chjine kò xi ndaa fiya-là, kàtakó kjoachjine-là nga indaaá ikon tísjchá yijo-la.

¹⁴ Jñò, tsà bií 'nde-laá yijo-nò nga kjoaxitakòn sijiin inima-nò nga mejèn-nò nga jñò kitsajna itjon-là xinguioo, kì k'oaá s'ín nokjoá nga ndaa títsa'nè; kì 'én ndiso nokjoá nga kondra ongui-là kjoa kixi-là Nainá.

¹⁵ Kjoa chjine jè, mìtsá it'aa ts'e Nainá nchrobá-ne. Kjoa chjine ts'e isò'nde-né. Kjoátsjeèn ts'e xita-né, kò tì ts'eé-ne xita nejí.

¹⁶ K'e nga maxitakòn-chaá xinguiaá kò nga mejèn-ná nga jñà kitsajna itjon-laá, yaá sakó-ná kjoasií, ngats'ii kjoa ch'o xi tjin isò'nde.

¹⁷ Tanga jñà xita xi tjin-là kjoa chjine xi it'aa ts'e Nainá nchrobá-ne, tsjeé síjchá yijo-la, kjoa'nchán ótsji, tjin-là kjondaá, xita 'nchré-né, tjin-là kjohimatakòn, ndaa tjin xá xi s'ín, mì jò fi-ne, kò 'én kixií chja.

¹⁸ Jè xita xi mejèn-là nga s'e kjoa'nchán, 'nchán bijnako xita xi i'nga mé-ne nga ma iskan sakó-là kjondaá xi kixií tjin.

4

Jè xi matsjakeè kjoa ts'e isò'nde, kondra ts'eé Nainá

¹ ¿Ñánda nchrobá-ne kjoachán nga bixkàn-koo xinguioo? Yaá nchrobá-ne kjoach'o xi kji'taa nachrjein síjé inima-nò nga bixkàn-koo kjohitsjeèn ch'o-nò.

² Mejèn-nò tsojmì xi tsjin-nò tanga mikii sakó-nò, k'oaá ma-ne nga ník'eèn xita koa maxitakòn-chaá xita, tanga mikii sakó-nò tsojmì xi mejèn-nò. K'oaá ma-ne nga sakó-nò kjoachán nga bixkàn-koo xinguioo. Mikii sakó-nò tsojmì xi mejèn-nò koií kjoa-là nga mikii nijè-là Nainá.

³ K'e nga nijé-laá Nainá, mikii tsjá-nò nga mikii ndaaá nijé-laá. Nga jè xi mejèn-nò nga ya síchjeèn it'aa ts'e kjotsja xi ch'o síjé yijo-nò.

⁴ Jñò xi mìtsá xita kixi 'mì-nò, ¿a mìtsá 'ya nga jè xi matsjakeè kjoa ts'e isò'nde, kondra ts'eé Nainá? Nita yá-ne xi mejèn-là kotsjakeè kjoa ts'e isò'nde, kondra-là Nainá ma.

⁵ Koií k'oa tsò-ne Xojon-là Nainá nga tsò: "Jè Inima Tsjeé xi Nainá kitsjaá-ná, skanda machuni-né nga 'ñó matsjakeè-ná."

⁶ Tanga Nainá, nga kò kjondaá-là ndaaá síchját'aa-ná. K'oaá tsò Xojon-là nga tsò: "Nainá kondraá tjina-là jñà xita xi 'nga ikon, tanga kòó kjondaá-là ndaaá síkò jñà xi xita ima kjoa."

⁷ Tji'nde nga Nainá kàtatixoma-nò, kò 'ño tájaàjìlìn titsajna-laà xitá nejí mé-ne nga kòsit'aàxin-nò.

⁸ Tichrañat'aà-laà Nainá mé-ne jè Nainá sùlchrañat'aà-nò. Jñò xi jé binchaàtsjioò, kì tì jé binchaàtsji-nò, tìtsjeè ndsaa. Tìtsjeèya kjohìtsjeèn-là inìma-nò, jñò xi jò kjohìtsjeèn tjin-nò nga okji matsjacha Nainá kò okji matsjacha isò'nde.

⁹ Tìkájnoò jé-nò, ba tìtsajna kò chihindáyaà. Jè kjoa bijnò-nò, kjoa ts'è ndáxkòon kàtama. Kò jè kjotsja-nò, kjoaba kàtama.

¹⁰ Nangui titsajna-là Nainá mé-ne jè Nainá 'nga sùkìtsajna-nò.

¹¹ Ndí 'ndsè, kì nokjoàjno-là xinguioo. Jè xi chjajno-là 'ndsè nga tsò: “Mikì ndaa tís'in”, jè kjotixoma tìchjajno-là nga tsò nga mikì ndaa tjin kjotixoma. Kò tsà k'oaá s'in si nga mikì ndaa tjin kjotixoma, mikì tnikitasòin koni tsò kjotixoma. K'oaá ngaya-là koni tsà xitaxá tijnì nga jì tìbìndaàjìlìn.

¹² Tà jngoò ma-ne xi tsjá kjotixoma, tìjé-ne xi xitaxá tìjna nga bìnndaàjìlìn-là xitá. Kò tìjé-ne xi ma-là kochrjekàjìlìn-ná kjo'in, tìkòá tìjé-ne xi ma-là tsjá-ná kjo'in. ¿Yá-ne ngaji nga jé binè-laà xinguji?

Xitá xi chjá 'én nga ikon

¹³ Jñò, ndaa tìná'yaà koni xán-nò. Jñò bixón-nò: “Nachrjein j'ndeji, o nchijòn-lè, xin naxandá kjaáan, jngoò nó kìtsajnaà nga sixá mé-ne tse ton sùkìjneé.”

¹⁴ Tanga jñò, mikì tìjìlìn-nò mé xi komat'ioòn nchijòn-lè nga titsajnakon. Jñò, k'oaá s'in ngaya-là koni ifi. Jngoò tjo fahaya, ikjoàn nùtoón fiya-ne.

¹⁵ Jñò, kii s'in tìnókjoa: “Tsà Nainá mejèn-là nga sùkìtsajnakon-ná, komaá s'èen xá koi, o s'èen xá xi k'ejí.”

¹⁶ Tanga jñò, 'ño 'nga 'én nokjoà nas'in mikì tìjìlìn-nò mé xi koma nga tífi-isa nachrjein. Ngats'ìl 'én 'nga xi nokjoà, jé-né.

¹⁷ Jè xi tìjìlìn-là kjoa xi ndaa tjin kò mikì sùkìtasòn, jé tìhòtsji-là yijo-là.

5

Kjo'in xi sùkìjein xitá nchiná

¹ Jñò xi xitá nchiná 'mì-nò, tìná'yaà 'én xi xán-nò. Chihindáyaà ba ba j't'aa ts'è kjo'in xi sùkìjoón.

² Kjoa nchiná-nò, nìmé chji-là, tìbì'ndo-né. Nikje xi kichíkjá, jye nchisikje cho kixo.

³ Ton oro-nò kò ton plata-nò jyeé tímachi. Jè nachrjein k'è nga sùndaàjìlìn, jñà chj-là kochjeén xi kondrà tsajon. Kòó ní'in kòkà yije yijo-nò. Nga jñò, tìtsàbincháxkò ton nas'in jye tifehet'aà nachrjein.

⁴ Jñà xitá chj'nda xi kisixá nangui-nò, nchikjindáya nga ótsjiya chji-là nga jñò kichonachan-là. Nainá xi ts'è yije nga 'ño xi tjin, jyeé kii'nchré-là koni s'in nchikjindáya.

⁵ Jñò, nga jì tìtsajnaà j't'aa nangui, ndaa tìtsajnaà nga nìmé chija-nò, 'bì-la kjotsja yijo-nò. Tìtsanisiin-là inìma-nò nga 'bì-là kjotsja xi sùjé k'oaá ngaya-là koni cho xi mikì tìjìlìn-là tsà jye ijchò nachrjein-là nga kiyá.

⁶ Jñò, tsohòné-là jé kòá kinik'eèn jñà xi xitá kixi xi mì jé tjin-là. Jñà xitá koi, mì kì komá tsasikò yijo-là.

Mé kjoa xi s'èen nga tìtsqchiñá-là nga kjoji jngoò k'a Cristo

⁷ Jñò ndí 'ndsè, chíñakjoa kóni skanda k'è nga kjoji jngoò k'a Nà'èn-ná. K'oaá s'in chíña koni s'in xitá xi sixáko nangui nga koñakjoa-là jè jtsi xi 'ba ítjon kò xi jskan 'ba nga sixáko jñà tsojmi tje mé-ne nga koma kòjìxkò-ne tsojmi tje-là xi majchá nga 'ño chji-là.

⁸ Jñò, k'oaá tìs'in chíñakjoa, 'ño t'è-là takòn nga jyeé nchrobá machrañà nga kjoji jngoò k'a Nà'èn-ná.

⁹ Ndí 'ndsè, kì xki xi ján tsajét'aà-là xinguioo, mé-ne nga mì kjo'in sìnè-nò. Nga jè Nà'èn-ná jyeé tijnandaà nga kjoji mé-ne kòjìndaàjìlìn-là xitá.

¹⁰ Ndí 'ndsè, jñò, k'oaá s'in t'èen koni s'in k'is'in jñà xitá xi kùchja ngajo-là Nainá nga kichikjoako-là nga kisikjein kjo'in koi kjoa-là nga 'én-là Nainá kùchjaya.

¹¹ K'oaá s'in 'ya-là nga jñà xitá xi chíkjoako-là kjo'in, s'èé-là kjondaà. Jyeé tìjìlìn-nò nga jè Job k'oaá tìs'in kichikjoako-là kjo'in. Kò jyeé 'yaà mé xi kìtsajà-là Nà'èn-ná k'è nga jyehet'aà-ne kjoa. Nà'èn-ná 'ño ndaa xitá, tjin-là kjohimatakòn.

¹² Jñò ndí 'ndsè, k'è nga 'bioò 'èn-nò, kì yá xi nìkìtsajna ítjon. Kì jè ngajmii kò nangui, o xi k'ejí tsojmi nìkjeén. Tà k'oaá s'in tixón: “Jon”, o xi “Majin”, mé-ne nga mì kjo'in sìnè-nò tsà mikì kìtasòn.

Kjoa btsi'ba

¹³ Tsà tjin i'nga xitá xinguioo xi ba tjin-là, kàtìtsi'ba-là Nainá. Tsà tjin i'nga xi tsja tjin-là, kàtaseé-là Nainá nga jeya kàtasikìjna.

¹⁴ Tsà t́jín i'nga x̄it̄a x̄inguioo xi xk'én, kàtakinkjaá x̄it̄a jchínga xi t́jín-l̄a xá ȳa j̄iìn nax̄andá-l̄a Cristo mé-ne nga katítsi'bat̄jì-ne k̄o it'aà ts'e nga'ñó-l̄a Na'èn-ná kàtasíkájno-l̄a as̄it̄i.

¹⁵ K'e nga bitsi'bat̄jìò x̄it̄a, tsà ndaà mokjeiìn-nò, jè x̄it̄a xi xk'én k̄ondaà-ne. Jè Na'èn-ná s̄iindaà-ne nga k̄oma k̄osít̄jen-ne. Tsà jé t́jín-l̄a jchat'aà-l̄a jé-l̄a.

¹⁶ Chjahatakòn-là x̄it̄a x̄inguioo jé-nò. T̄ikoā t̄itsi'bat̄jìò x̄inguioo mé-ne nga k̄ondaà-nò. K'e nga jngoò x̄it̄a k̄ix̄i b̄ítsi'ba, t́jín-l̄a nga'ñó nga k̄itasòn.

¹⁷ Jè x̄it̄a xi k̄iich̄ja ngajo-l̄a Nainá xi k̄i'mì Elías, k'oāá t̄is'in x̄it̄a koni j̄n̄á. 'Nó k̄isj̄ét'aà-l̄a Nainá nga mì t̄i j̄tsi k'oā-ne; k̄o j̄án nó osen mì t̄i k̄i ts'a-ne j̄tsi.

¹⁸ Ijngoò k'a tsib̄ítsi'ba-l̄a Nainá nga k̄at'a j̄tsi. Ts'aá ijngoò k'a-ne j̄tsi k̄o jè nangui k̄òjch̄á tsojm̄i t̄jè.

¹⁹ Ndí 'ndsè, tsà t́jín i'nga x̄inguioo xi chinchat'aàx̄in-l̄a xi k̄joā k̄ix̄i, koā tsà jngoò x̄it̄a k̄ich̄ja-l̄a nga k̄àt̄janchrobát'aà ijngoò k'a-l̄a Nainá,

²⁰ jè x̄it̄a xi k̄ich̄ja-l̄a nga keēnoj̄m̄i-l̄a nga ch'o t́jín ndiyá xi tsó'baya, k'oā's'in k̄àtasij̄iìn-nò nga jngoò x̄it̄a t̄ihr̄jek̄aj̄iìn k̄j̄o'in xi ts'e k̄joābiyaa. 'Nó k̄j̄in jé jchat'aà-l̄a.

Xojon carta xi kiskii ítjòn San Pedro

Kó tsò Pedro nga síhixat'aa xíta

¹ An xi 'mì-nà Pedro, nga 'an tsibíxáya-na Jesucristo, síhixat'aa-nò ngats'ioò xi xó jaàjìin-nò Nainá nga mì tì nangui-nò titsajna-nò nga xkì xi ján naxandá kitsjohoya ya nangui Ponto, Galacia, Capadocia, Asia kò Bitinia;

² Jñò xi xó kitjaàjìin-nò, koni s'in jye tìndaà-la xi kjòhítsjeèn-la Nainá xi Na'èn-ná ma, nga jè Iníma Tsjeè-la k'oaá s'in kiskò-nò nga ngui xíta-la Nainá ma, mé-ne nga síkitasòn-là Jesucristo kò mé-ne ma xíxteèn-jno-nò jní-la nga matsjeèya iníma-nò kjoa ts'e jé-nò. Tsee kjondaà kò kjoa'nchán kátas'e-la iníma-nò.

Kjotjò xi chíñakjoa-lá xi tìjnatjò-la Nainá ján ngajmii

³ Jeya kàtìjna Nainá xi Na'èn-la Jesucristo xi otìxoma-ná. 'Nó tse kjoahimatakòn tjin-la: koni s'in jaáya-la Jesucristo kjoa ts'e kjoabiyaá, k'oaá kiskò-ná Nainá nga kits'in xitse ìjngoo k'aa mé-ne nga kji't'aa nachrjein chíñakjoaá

⁴ nga tsjá-ná kjotjò xi jè tìjnatjò-la ján ngajmii, kjotjò xi mìkii bits'on nítà kjé-ne, mìkii bi'ndo kò mìkii bixóña. Kjotjò jè, jñá tjoé-ná.

⁵ Ta ngatjì-la nga mokjeiín-ná it'aa ts'e Nainá, jè nga'nó-la síkìnda-ná skanda k'e nga kítjokàjñáá kjo'in koni s'in tìndaà-la Nainá k'e nga jye kjoehet'aa nachrjein.

⁶ Koií kjoa-la, jñò, 'nó tsja tjin-nò, nas'in tjin i'nga nachrjein nga makájno-nò nga kjìn skaya kjo'in níkjioón.

⁷ K'oaá ma-ne nga kjo'in níkjioón nga ma chí't'aa-nò tsà ndaa mokjeiín-nò. K'oaá ngaya-la koni jè oro, mochjeén-né nga kò ní'n kòtsjeèya-ne. Kò jè kjoa nga mokjeiín-nò isáá 'nó chíjì-la mì k'oaá-ne koni jè oro xi bits'ón-ya. Jñò, k'e nga jye chí't'aa-nò koni s'in mokjeiín-nò, jeyaá kítajnaá, 'ngaá kítajnaá kò jchaxkón-nò k'e nga kjoí' ìjngoo k'a Jesucristo.

⁸ Jñò, matsjacha-nò Jesucristo, nas'in mìkii kiyaxkoón. Mokjeiín-nò it'aa ts'e, nas'in mìkii tita'yaá. 'Nó tsja ma-nò skanda tsjin 'én xi ma s'enojmí nga 'nó tjin-nò kjotsja.

⁹ Koií kjoa-la nga matsja-nò nga jye tìsabitjokàjñò kjo'in ta ngatjì-la nga mokjeiín-nò it'aa ts'e Cristo.

¹⁰ Jè kjoa nga bitjokàjñò kjo'in, jñá xíta xi kùichjā ngajo-la Nainá kjòtseé, kiskoòta'yàkò-né tìkjoáá kiskònanguiya-né, ìkjoàn kùichjāya jè kjondaà xi tsjá-nò Nainá.

¹¹ Jñá xíta koi, jè Iníma-la Cristo kiskikichiya ítjòn-la mé kjo'in xi síkìjeiín Cristo kò kjoa jeya xi s'e-la k'e nga koma iskan. Kiskònanguiya-né mé nachrjein-ne nga k'oas'in komat'in kò kòs'in koma.

¹² Tanga jè Nainá kiskikichiya-la nga mìtsà kjondaà ts'e nga kòs'in kis'enojmí-la 'én koi; kjondaà tsajòn-nò. Kò jñá 'én koi, tìjñá-ne 'én ndaa-la Nainá xi kjoa ts'e Cristo xi tìs'enojmí-nò nachrjein i'ndeje. Nga tìjé-ne Iníma Tsjeè-la Nainá xi ngajmii nchrobá-ne tsjá-la nga'nó jñá xíta xi bénojmí-nò. Skanda jñá àkjale, mejèn-la skoe kjoa koi.

Mochjeén-né nga tsjeè síjchá yijo-ná

¹³ Koií kjoa-la jñò, tìtsajnaandaà, ndaa tìkítseèen, ngui ndaa chíñakjoa-là kjondaà xi tjoé-nò k'e nga kjoí' ìjngoo k'a Jesucristo.

¹⁴ K'oas'in ndaa tìjchá yijo-nò koni ìxti xi ndaa 'nchréñijon. Kì k'oa tìs'in 'nè-nò koni s'in kí'nè nga sà ítjòn nga ch'o tjin kjoa xi kiskìjé yijo-nò k'e nga tìk'j'èè ndaa yaxkoón Nainá.

¹⁵ Ta saá tsjeè tìjchá yijo-nò ngats'ii kjoa xi 'nè, nga jè Nainá xi xó kùichjā-nò, xíta tsjeè-né.

¹⁶ Nga jè Xojon-la Nainá, k'oaá s'in tìchja nga tsò: "Jñò, xíta tsjeè kátama, nga 'an, xíta tsjeè-ná."

¹⁷ Jñò, tsà Na'èn 'mì-là Nainá xi ta ngàsòn tífko ngats'ii xíta k'e nga bìndaàjìin-la nítà mé kjoa xi s'in, mochjeén-né nga kji't'aa nachrjein ndaa jchaxkón nga ì titsajnaá isò'nde nga mìtsà ì nangui-nò.

¹⁸ Jñò, jyeé ndaa tìjìin-nò nga mìtsà tsojmí xi ma-la bits'on kjòchjítjì-nò nga ma tìtsajnandèjì-nò ngats'ii kjoa ch'o xi nìmé chíjì-la koni s'in tsakó-nò xíta jchínga-nò. Mìtsà tòn oro kò tòn plata kjòchjítjì-nò.

¹⁹ Jè jní-la Cristo xi 'nó tse chíjì-la kjòchjítjì-nò. Cristo kítajnaá kjotjò yijo-la nga k'en-t'aa krò koni jngoo orrè xi tsjeè kji, xi nìmé ch'in tìt'aa yijo-la.

²⁰ Tìk'e-ne nga tìk'j'èè sindaa isò'nde, Cristo, k'oaá s'in kisinè-la kjoa xi síkìtasòn. Tanga jè nachrjein xi tìtsajnaá i'ndeje kí'ya-la nga j'ii Cristo nga kiskìtasòn kjoa xi kisinè-la xi kjondaà tsajòn.

²¹ Xi it'aà ts'e Cristo, jñò mokjeiin-nò it'aà ts'e Nainá; nga jè kisikjaáya-là it'aà ts'e kjoa biyaà, tìkoa kitsjaà-là kjoa jeya; k'oaà ma-ne nga mokjeiin-nò kò chifà nga sikkitasòn Nainá koni s'in kitsjaà-nò tso'ba.

²² Jè inìma-nò, jyeé kjòtseé, koiì kjoa-là nga niktasòn koni tsò 'én kixi-là Nainá mé-ne nga kixi sítjòchaà xinguiqo. K'oaà ma-ne nga mochjeén-né nga 'ñò ndaà tìtsjacha xinguiqo nga tsjéé tjin inìma-nò.

²³ Jñò, ìjngoo k'a kits'iin xitse ìjngoo k'a-nò. Tanga mìtsà tje-là xita xi biyaà kits'iin-nò, jè tje-là Nainá xi mìkii biyaà kits'iin-nò. Nga jè 'én-là Nainá xi tijnakon kò xi mìkii fehet'aà nita kjé-ne kits'iin ìjngoo k'a-nò.

²⁴ Nga k'oaà s'in tichja Xojon-là Nainá nga tsò:
Ngats'iì xita, k'oaà s'in ngaya-là koni xka ijñá;
kjoajeya-là xita, k'oaà s'in ngaya-là koni naxó-là xka ijñá;
jñá xka ijñá, xi-né; ikjoàn bixòjen naxó-là.

²⁵ Tanga jè 'én-là Nainá tìjna-né nita kjé-ne.

'En jè, jè 'én ndaà-là Nainá xi kjoa ts'e Cristo xi jye kis'enojmí-nò.

2

Naxandá xitse-là Nainá

¹ Chjaàxin-là yijo-nò xi kjoa ts'en, kjoa chonachan, kjoa ts'e xita xi jò isén tjin-là, kjoaxitakòn, ngats'iì 'én ndiso.

² Kos'in t'een koni s'in ndi ìxti xi sa kits'iin nga 'ñò sijeé tsjin nga mejèn-là koki. K'oaà tìs'in 'ñò tìnchatsjioè jè 'én-là Nainá xi ngui 'én tsjeé mé-ne nga jè kojchá-nò kò kochrekajijn-nò kjo'in Nainá.

³ nga jyeé ki'yaà jñò nga jè Na'èn-ná, 'ñò ndaà xita.

Jè ndajo xi tijnakon

⁴ Jè Jesucristo, jè ngaya-là jngoo ndajo xi tijnakon, jè xi ochrjekàngui jñá xita, tanga Nainá xó k'oaà s'in jaajijn-ne nga 'ñò tse chji-là. Jñò, k'e nga binchat'aà chraña-là Cristo,

⁵ tìkoaà k'oaà s'in ngaya-nò koni ndajo xi tìtsajnakon. Nainá tìtskjeén-nò koni ndajo nga tìbindaà ni'ya tsjeé-là mé-ne jñò, no' mii tsjeé koma nga ya sixá nga it'aà ts'e Jesucristo k'oi-là kjo'tjò Nainá xi jè ndaà sasén-là koni s'in okóya Inìma Tsjeé-là.

⁶ K'oaà s'in tichja Xojon-là Nainá nga tsò:
Chitsejèn-là, 'an sikkjna jngoaà ndajo nga'ñó-là chrjangui-là ni'ya ján naxandá Sión,
xi xó 'an jaajijn-na,
xi 'ñò ndaà kji kò 'ñò tse chji-là.

Jè xi kòkjeiin-là it'aà ts'e, mìkii kòsobà-là.

⁷ Jñò, xi mokjeiin-nò it'aà ts'e ndajo jè, bixón-nò: 'ñò tse chji-là. Tanga jñá xita xi mìkii mokjeiin-là, bitasòn-né koni s'in tichja Xojon-là Nainá nga tsò:

Jè ndajo xi tsachrjekàngui chjinechrjó,
jè xi ndajo sko-là koma ts'e chrjangui-là ni'ya.

⁸ Ìjngoo k'a tjit'aà Xojon-là Nainá ñánda tsò:
Ndajo jè, kjin xita satíngui kò kjin xita kixangui.

Jñá xita koi, k'oaà s'in mat'in nga mìkii sikkitasòn koni tsò 'én-là Nainá; koiì kòs'in mat'in-ne nga k'oaà s'in ok'in-là.

Jè naxandá-là Nainá

⁹ Tanga jñò, xita naxandá xi xó kitjaajijn-nò. Jñò, no' mii xi nixá-là Cristo, jè xi xitaxá ítjòn tìjna. Jñò, xi naxandá tsjeé-là Nainá 'mì-nò, jngoo naxandá xi ya nokjoà-nò it'aà ts'e Nainá mé-ne nga koma kìnókjoaya-nò kjondaà-là Nainá xi tsachrjekajijn-nò kjoa ts'e jè ñánda jñò choòn koà yaà kisikitsajna-nò ñánda iseèn choòn.

¹⁰ Jñò, nga sa kjòtseé skanda mìtsà xita naxandá 'mì-nò; tanga i'ndeì naxandá-là Nainá 'mì-nò. Nga sa kjòtseé Nainá mìkii mahimakeè-nò; tanga i'ndeì, jyeé mahimakeè-nò.

¹¹ Jñò ndi 'ndseé xi 'ñò matsjacha-nò, bìtsi'ba-nò koni xita xi mì tì nangui-nò tìtsajna-nò xi ta tìtsabitjaajtoè ì isò'nde, kì kii bìl'nde-la yijo-nò kjoa ts'e jè xi sijeé yijo-nò xi kjaàn-kò inìma-nò.

¹² Ndaà tanguikoo yijo-nò ya jjiin-là xita xi mìkii mokjeiin-là it'aà ts'e Cristo. Jñá xita koi, nas'in chjajno-nò i'ndeì, tanga k'e nga kjoii ìjngoo k'a Cristo tsjá-là kjondaà Nainá koiì kjoa-là nga skoexkon-nò nga ndaà tìtsa' nè.

Jchaxkoán xitaxá

¹³ Nga jeya kijn-ne Na'èn-ná, tikkitasòn-là ngats'iì xita isò'nde xi kjo'tixoma tìjya tsja, jñá xi 'ñò 'nga xá tjin-là, xi xita sko-là tìtsajna;

¹⁴ *tikoá tikitason-là jñà xi gobernador tútsajna nga jè xitaxá ítjòn síkasén nga tsjá-là kjo'in xitá xi kjoa ótsji; koa jñà xi ndaa s'in, ndaa síkítajna.*

¹⁵ *Nainá k'oaá s'in mejèn-là nga jñò, ndaa s'een, mé-ne jñà xitá xi mikii machiya-là jyo kítajna-ne, nímé 'én kichjá xi kondra tsajòn.*

¹⁶ *Jñò, k'oaá s'in tujchá yijo-nò nga títajnandejí-nò, tanga ki k'oaá s'in níkítseèn nga tji'nde-nò nga ch'o s'een. K'oaá s'in tujchá yijo-nò nga chí'nda-là Nainá maá.*

¹⁷ *Jchaxkón yije xitá. Títajacha xi 'ndse chibà. Tískón-chaá Nainá. Jchaxkón jè xi xitaxá ítjòn tíjna.*

Kjoa xi tjinè-là nga síkitason xi chí'nda 'mi

¹⁸ *Jñò xi xitá chí'nda 'mì-nò, jchaxkón koa tikitason-là nei-nò. Mitsà ta jñà nei-nò xi ndaa síko-nò ko xi beètjò-nò, tikoá tikitason-là jñà xi ch'o síko-nò.*

¹⁹ *Ndaa bitsajna nga nguixkón Nainá jñà xitá xi kjo'in síkijeín nas'in mì jè tjin-là ta jè ngatjì-là nga machiya-là kó tsò Nainá.*

²⁰ *Jñò, tsà kjo'in tsjá-nò xitá nga jé binchaàtsjioó, ¿mé xi ndaa kítajna-nò? Tanga tsà kjo'in títanjíjoón nga ndaa 'nè, ndaa síkítajna-nò Nainá.*

²¹ *Nga koií xá kíichja-nò Nainá nga jè Cristo kíkijeín kjo'in xi kjoa tsajòn. Tsibijna jngoo-nò chíbà nga k'oas'in síkitason koni s'in kíkítason jè.*

²² *Cristo, nijngoo jè tsohótsji, ko nijngoo 'én ndiso kíichja.*

²³ *K'e nga kíichjajno-là xitá, mikii tsà kíichjajno ngajo-là. K'e nga kíkijeín kjo'in, mikii tsà koa tís'in kís'iin ngajo-ne. Ta Nainá tsibíya tsja, nga jè xi bíndaàjìin kjoakixi.*

²⁴ *Jè sobà Cristo tsakajen jé-ná k'e nga kítitjoot'aá yijo-là ya krò, mé-ne jñà kítajnakon-ná nga níkitasoán xi kjoa kixi nga jyeé títajnat'aaxin-là kjoa ts'e jè koni tsà jye k'eén. Jè Cristo, koni s'in kíkijeín kjo'in nga kítis'on, jñò kjòndaá-nò.*

²⁵ *Jñò, nga sa kjòtseé, k'oaá s'in tsitjaá koni orré xi kítichàaxkon ndiyá-là, tanga i'ndeí, jyeé inchrobàt'aà-là Cristo koni jngoo paxtò xi síkinda iníma-nò.*

3

Kós'in síjchá yijo-là jè x'in ko chjoón

¹ *K'oaá tís'in tjin it'aá tsajòn xi íchjín 'mì-nò, nangui títajna-là x'in-nò, mé-ne jñà xitá x'in-nò tsà tjin i'nga xi mikii mokjeiín-là 'én-là Nainá, kokjeiín-là, nas'in mikii kínoáko kjoa ts'e Nainá. K'e nga skoexkon-nò nga ndaa títanjíchá yijo-nò tikoá síkítajnyá-là yijo-là.*

² *Skótsejèn-nò nga tsjéé títanjíchá yijo-nò nga ndaa yaxkón Nainá.*

³ *Ko ki tà isò'nga-là yijo-nò 'ñó ndaa bíndaá, nga 'ñó ndaa bí'ñó tsjá skoó, nga ndátqñ chíj níkijeén xi ngui oro, nga jñà níkje x'íó-nò 'ñó xkón kjoán.*

⁴ *Majín, jè xi nchrobájiin iníma-nò xi ndaa síkatsejèn-nò, jè-né xi mikii bits'on, jè iníma xi indaákjoa ko xi 'nchán tíjna. Jè xi 'ñó tse chíj-là nga nguixkón Nainá.*

⁵ *Nga sa kjòtseé, jñà íchjín xi ndaa kíjtseèkón Nainá nga kiskoóña-là, k'oaá s'in ndaa tsatsejèn nga nangui tsibitsajna-là x'in-là.*

⁶ *K'oaá s'in kís'iin Sara nga kíkítason-là Abraham. K'oaá ma-ne nga ndaa kíjtseèkón nga jè xi Nà'èn tíjna. Jñò, tsà ndaa 'nè ko tsà nímé kjoaxkón tjin-nò, tje-là Saraá ma.*

⁷ *Jñò xi x'in 'mì-nò, ndaa títajnakoo jñà íchjín-nò nga ndaa kátachiya-nò nga isaá indaákjoa. Ndaa jchaxkón íchjín-nò nga ngásòn tjoé-nò jè kjòndaá-là Nainá, jè kjoabinachon xi jè Nainá jye tjinndaá-là nga tsjá-nò. K'oaá s'in t'een mé-ne k'e nga nokjoat'aà-là Nainá, nímé síjiti-nò.*

Kós'in síjchá yijo-là ngats'ii xitá-là Nainá

⁸ *Nga yije kjoa koi, ngats'ioó, ta jngoo kjohítsjeèn kátas'e-nò; tjetakón xinguiqo; tjòcha t'een xinguiqo nga 'ndse chiba; chahímaá xinguiqo; imá kjoa t'een.*

⁹ *Tsá yá xi ch'o síko-nò, ki k'oaá tís'in 'nè ngajo-nò. Tsá yá xi 'on chajno-nò, ki k'oaá tís'in nokjoájno ngajo-là. Jñò, tã saá títjet'aà-là Nainá nga kátasíchikon-t'in; nga jyeé 'yaá nga koií xá kinokjoá-nò nga Nainá síjichikon-t'in-nò.*

¹⁰ *Nga:*

Jè xi mejèn-là nga tsja s'e-là nga tjinakon,

nga mejèn-là skoe nachrjein xi ndaa,

kátasíkinda nujen-là nga mì ch'o kichja;

ko kátasíkinda tso'ba, nga mì 'én ndiso kichja.

¹¹ *Tjinchat'aaxin-là kjoa xi ch'o tjin; ndaa t'een.*

'Nchán títajnakoo xinguiqo nítá mé kjoa xi tjin-nò.

¹² *Nga jè Nà'èn-ná tísik'aá xkon nga tísíkinda xi xitá kixi,*

tíbinchá líká-là nga tí'nchré-là k'e nga chjat'aà-là,

tanga jñà xitá xi ch'o s'in bí'maá-là isén-là nga kondra ts'e-né.

¹³ Jñò, tsà kjit'aà nachrjein nga ndaa titsa'nè, mì yá xita xi ch'o sijkò-nò.

¹⁴ Tanga mé ta ndaa-nò tsà kjo'in titsanjioón ta koi kjoa-là nga kixi 'nè. Tanga ni jngoo xita tsakjoón-là, kì binchaxkón-là yijo-nò.

¹⁵ Jè tikijna itjòn Cristo nga jè kátatixoma-nò ya jjiin inima-nò. Títsajnandaà nga kjit'aà nachrjein mé-ne nga koma kénojmiya-là jñà xita xi skonanguiya-nò it'aà ts'e kjoa xi titsachiñá-là it'aà ts'e Cristo.

¹⁶ K'e nga kjinókjoa, indaàkjoa t'een. Chaxkón jñà xi kénojmiya-là, tsjeè kàtjna kjohitsjeèn-nò, mé-ne jñà xita xi ch'o chjajno-nò nga ndaa 'nè nga mokjeiin-nò it'aà ts'e Cristo, kosobà-là nga jñò chjajno-nò.

¹⁷ Isáá ndaa tjín tsà kos'in mejèn-là Nainá nga kjo'in sijkjoón k'e nga ndaa 'nè, mì k'oa-ne tsà k'e nga ch'o 'nè.

¹⁸ Nga skanda jè Cristo, jngoo k'aá kisikjeiin kjo'in k'e nga k'en xi kjoa ts'e jé-ná. Cristo, mitsà jé tsohótsji; xita kixi-né; kisikjeiin kjo'in it'aà ts'e xita xi jé tjín-là mé-ne nga koma kjiko-ná nguixkón Nainá. Yijo-là, jñà xita kisik'en, tanga it'aà ts'e Injma-là jaáya l'ngoo k'a-là.

¹⁹ Kò jè Injma-là Cristo kù i'nde ñánda titsajna injma xi titsajnaya ndayá nga kiichjayajjin-là.

²⁰ Injma koi, ts'eé xita xi mikù kil'nchréñijon-là Nainá nachrjein ts'e Noé. Nainá tseé kiskoóñà kjoa k'e nga Noé tsibíndaà chitso jé. Ya iya chitso, tà jjiin ma-ne xita xi itjokajjin kjo'in nga mikù k'en k'e nga ts'a jtsi xkón.

²¹ Kò jè nandá ts'e jtsi xkón, jè ngaya-là nandá xi ma-ná bautizar nachrjein i'nde jé nga bitjokajñaá kjo'in. Tanga nga maá bautizar, mitsà yijo-ná matsjeè-ne, jé-né nga nijét'aà-lá Nainá nga tsjeè kátas'e kjohitsjeèn-ná. Kò bitjokajñaá kjo'in, koi kjoa-là nga jaáya-là Cristo,

²² kò kù mijin ján ngajmii nga ya tjinat'aà chrja kixi-là Nainá. Jé tíhotixoma-là àkjalé kò injma xi tjín-là kjotixoma kò ngats'ii xi tjín-là nga ñó.

4

¹ Cristo, koni s'in kisikjeiin kjo'in yijo-là, jñò, tikoáá mocheén-né nga kítsajnandaà nga sijkjoón kjo'in. Nga jè xi jye kisikjeiin kjo'in, yaá jyehet'aà jé-là,

² mé-ne jñà nachrjein xi kijná isa isò'nde, k'oaá s'in kàtjna koni s'in mejèn-là Nainá, mitsà k'oas'in kijná koni s'in mejèn-là yijo-là.

³ Jyeé 'ño kjin nachrjein kinikato nga ch'o ki'nè koni s'in xita xi mikù beèxkon Nainá. K'oaá s'in kinikò yijo-nò kjoa xi ch'o tjín koni kjoa chijngui, kjoa ch'o xi sije yijo-nò, kò kjoa ch'i, kjoa ts'e s'eí xi ch'o tjín, kò nga ta xán ki'yò kjit'aà, kò nga xkósón kiyaxkón nga mitsà kixi kjoa nga Nainá.

⁴ I'nde jñà xita koi, ta maxkón-là it'aà tsajòn nga mì tì kù ya tsjahitakò-nò kjoa xi ch'o tjín; bijnòkeè-nò; ch'oo chjajno-nò.

⁵ Tanga jñà xita koi, tjímè-là nga tsjá-là kindá Nainá; jè Nainá xi tjínandaà nga koiindaajjin-là xita xi titsajnakon kò xi jye k'en.

⁶ Koi kjoa-là nga k'oa ts'in kis'engjmi-là 'én ndaa-là Nainá xi kjoa ts'e Cristo jñà xita xi jye k'en, mé-ne nas'in jñà yijo-là kisikjeiin kjo'in koni s'in bindajjin xita isò'nde, tanga jñà injma-là titsajnakon-né njta kjé-ne koni s'in tjínakon kjit'aà Nainá.

⁷ Jyeé tímachrañà nga kjoget'aà isò'nde, koi kjoa-là jñò, ndaa titsajnakoo kjohitsjeèn-nò; kjit'aà nachrjein titsi'ba-là Nainá.

⁸ Jè xi tjina itjòn, jé-né nga 'ño tjòcha t'een xinguiqo. Tsà tjín-nò kjoatjòcha, komaá sijcháat'aà-là jé-là xinguiqo.

⁹ Choéjtò xita xinguiqo k'e nga bijchókon-nò tsà mejèn-là nga sijkjáya ya ni'ya-nò. Tsja t'è-là injma-nò; kì ch'o chibàya-nò.

¹⁰ Nga jngoo l'ngoo, koni s'in tjín kjondaà xi kitsjaà-nò Nainá, k'oas'in tísikòò xinguiqo nga ndaa tícheén, nga kjin skoya tjín-ne kjondaà xi kitjóé-nò.

¹¹ Jè xita xi k'oas'in kits'ii-là nga 'én-là Nainá kjichjaya, k'oaá s'in kàtichjaya koni tsò 'én-là Nainá. Kò jè xita xi k'oas'in kits'ii-là nga sijxá, k'oaá s'in kátasíxá koni tjín nga ñó xi tsjá-là Nainá. Njta mé xi s'een, k'oaá s'in t'een mé-ne nga it'aà ts'e Jesucristo jeya kijná-ne Nainá. Nga ts'eé Cristo jè kjoajeya kò ngats'ii nga ñó xi tjín skanda njta kjé-ne. K'oas'in kátama.

Sikjiaán kjo'in nga xita-la Cristo 'mi-ná

¹² Jñò ndí 'ndsè xi matsjake-nò, kì maxkón-nò nga 'ño 'in tjín kjoa xi nchrobánè-nò nga tícht'aà-nò.

¹³ Tà saá kátas'e-nò kjotsja nga tíhokò chiba-nò kjo'in ts'e Cristo, mé-ne nga tikoá s'e-nò kjotsja k'e nga jcha-là kjoajeya-là Cristo.

¹⁴ Jñò, mé ta ndaa-nò k'e nga tsà xita kotit'aà-nò xi kjoa ts'e Cristo nga jè kjoajeya-là Injma Tsjeè-là Nainá yaá tjínakò-nò.

¹⁵ Tsà kjo'in tìtsanìkjioón, chítsejèn-là yijo-nò, a koií kjoa-là nga ch'o 'nè, nga xìtá nìk'eèn, nga chijé 'nè, nga chingájìn chingá'a kjoa. Kì k'oaá tjin jé xi binchaàtsjioò.

¹⁶ Tanga tsà kjo'in tìtsanìkjioón nga xìtá-là Cristo maá, kì masobà-nò; ta saá jeya tìkíjña Nainá nga xìtá-là tsò-nò.

¹⁷ Jyee ìjchò nachrjein nga kòts'ia nga sìn daàjìlìn-là xìtá naxandá-là Nainá. Tsà jñá tímats'ia ìtjòn kò-ná, ìmé xi komat'in jñá xìtá xi mikii sikitason 'én ndaa-là Nainá?

¹⁸ Jè xi xìtá kixì, chjá koma-là nga kítjokàjìlìn kjo'in.

ǵKòs'in komat'in jñá xìtá xi mikii beèkkón Nainá kò xi jé ótsji?

¹⁹ K'oaá ma-ne, jñá xìtá xi kjo'in sikkjeiín nga kòs'in mejèn-là Nainá, kì bíkjoàn-là nga ndaa s'in. Jè Nainá kàta'nòt'aà takòn nga jè kàtasìkinda, nga jè tsibindaà jñá xìtá kò jè sikitason-né koni s'in tsjá tso'ba.

5

Jñá xìtá jchínga xi xá ìtjòn tjin-là ya naxandá-là Nainá

¹ Sijét'aà-là jñá xìtá jchínga xi xá ìtjòn tjin-là nga ya sixájìlìn-nò ya naxandá-là Nainá. Tjikoáá 'an, xìtá jchínga-ná nga xá ìtjòn tjin-na koni jñá xìtá koi; kijtseè-ná kjo'in xi kis'e-là Cristo; tjikoáá s'ée-na kjoajeya xi jskan jcha-là.

² Tjìkindaa jñá xìtá-là Nainá xi jñò kjongatsja koni tsà orrè; kì kjo'ño 'nè-là yijo-nò; kooó kjondaà-nò nga tjìkindaa koni s'in mejèn-là Nainá. Mitsà koií kjoa nga tse tòn sikkjineè. Tà kooó kjotsja-nò nga k'oa t'een.

³ Kì yatoòn-jèn jñá xìtá xi jñò mangatsja koni tsà nei-là ma. Jñò tìncha ìtjòn-là, takò-là ndiyá-là Nainá mé-ne koma skingui-nò.

⁴ Mé-ne k'è nga kjojí ìjngoo k'a jè Paxto ìtjòn, tjoé-nò kjoajeya-là Nainá koni jngoo corona xi mikii fehejno ote-là nìtá kjé-ne.

⁵ Tjikoá jñò xi ìxti xongó 'mì-nò, tjìkitasòn-là jñá xìtá jchínga xi otixoma ya jjiin naxandá-là Nainá. Ngats'ioò, indaàkjoa tanguikoo xinguiò, nga:

Jè Nainá kondraá tjña-là jñá xìtá xi 'nga ikon;

koa jñá xìtá xi indaàkjoa tjin inìma-là, tsjá-là kjondaà.

⁶ Nangui tìtsajna-là Nainá nga tse nga'ño tjin-là koni s'in sikkò-nò, mé-ne k'è nga kjjchò nachrjein jè Nainá 'nga sikkìtsajna-nò.

⁷ Tsja Nainá tjìkìtsajnaya ngats'ii kjoa xi makájno-nò nga jè tìsìkinda-nò.

⁸ Tjìkindaa yijo-nò, kjit'aà nachrjein tìtsajnandaà, nga jè xìtá nejí xi kondra-nò, k'oaá s'in tsòbandii-nò k'oaá गया-là koni jngoo xa xi tjìkjindáya nga 'ño ìjò-là, nga tìhòtsji ya xi skìne.

⁹ Nga ndaa mokjeiín-nò, 'ño tìncha-là xìtá nejí. Nga jyee tjiin-nò nga jñá xìtá xinguiò xi tìtsajna nga tjttsa ìsò'nde, tjikoáá k'oaá tjin kjo'in xi nchisikkjeiín.

¹⁰ K'è nga jye koto chiba nachrjein nga tìtsanìkjioón kjo'in, jè sobà Nainá sìn daàya-nò, sikkìjnandaà-nò, tsjá-nò nga'ño, kò kixì sikkìtsajna-nò. Tjé-ne Nainá xi kò kjoatjòcha-là kùchja-ná nga s'e-ná kjoajeya-là nìtá kjé-ne nga Jesucristo tìtsajnakoáá.

¹¹ Ts'ée Nainá ngats'ii nga'ño xi tjin skanda nìtá kjé-ne. K'oa'sin kàtama.

Xi fehet'aà-ne, Pedro s'hixat'aà xìtá

¹² Silvano, xi 'ndsè xan-là, nga kixì tjin xá-là, jè kisichját'aà-na nga kiskii-nò xojon carta jè. K'oaá s'in tìbinè-nò kò tìsikixiya-nò nga ngats'ii 'én xi tìsikasén-nò, ngui k'oaá s'in tjin kjondaà-là Nainá. Kixì tìtsajnakoo kjondaà koi.

¹³ Nchisìhixat'aà-nò jñá xìtá naxandá-là Cristo xi j tìtsajna Babilonia xi xó taña kitjaajìlìn-nò. Kò jè Marcos xi k'ndí-na xan-là ìt'aà ts'è Cristo, tjikoáá tìsìhixat'aà-nò.

¹⁴ Tjixot'aà xinguiò nga ngui kò inìma-nò.

Kàtas'e-là kjoa'nchán jjiin inìma-nò ngats'ioò xi ya nokjoà-nò ìt'aà ts'è Cristo. K'oa'sin kàtama.

Xojon carta xi ma-ne jò xi kiskiì San Pedro

Kó tsò Pedro nga s̄hixat'aa x̄ita

¹ 'An, xi Simón Pedro 'mì-na, nga 'an xi ch̄'nda-la Jesucristo ma, kò nga t̄ikoā 'an tsibíxáya-na, tsiskasén-nò xojon jè, j̄nò xi ngásòn 'nó ndaà mokjeiin-nò koni s'ín mokjeiin-najen; nga x̄ita kixi-né jè Jesucristo xi Nainá ma kò xi ochrjekàjiin-ná kjo'in.

² Koni s'ín nga isa ndaà titsayaxkon Nainá kò jè Jesucristo xi otíxoma-ná, k'oaá s'ín isa ndaà kátasakó-nò kjondaà kò kjoā'nchán ya j̄jiin in̄ima-nò.

Mé xi mochjeén nga s'een nga ndaà jchaxkoán Nainá

³ Jè nga'nó-la Nainá tsjá yije-ná xi mochjeén-ná nga titsajnakoaán kò nga ndaà yaxkoán Nainá. Koií kjoā-la nga tsjá-ná ngats'ù kjondaà koi nga yaxkoaán jè xi kò kjoajeya-la kò nga'nó tsjeè-la kiichja-ná.

⁴ It'aa ts'è kjoā koi, kitsjaa-ná kjoā xi 'nó ndaà t̄jín kò xi 'nó tse ch̄i-la koni s'ín kitsjaa tso'ba Nainá, mé-ne nga t̄ikoā kokot'aa-ná nga k'oas'ín s'een koni s'ín s'ín Nainá nga jye chinchat'aaxin-là kjoā xi ch'o s̄jé yijo-ná i j̄sò'nde xi ta s̄ikits'ón-na.

⁵ K'oaá ma-ne, 'nó tinè-là yijo-nò j̄nā kjoā koi. Koni s'ín nga mokjeiin-nò it'aa ts'è Cristo, k'oaá ts'ín mochjeén-né nga ndaà x̄ita kátama j̄nò. Nga jye ndaà x̄ita ma, t̄ikoā mochjeén-né nga kátas'e-nò xi kjoā ch̄jine.

⁶ Nga jye t̄jín-nò kjoā ch̄jine, t̄ikoā mochjeén-né nga kixi tatixoma-là yijo-nò. Kò nga jye kixi otíxoma-là yijo-nò t̄ikoā mochjeén-né nga s'è-nò kjoatsejta. Kò nga jye t̄jín-nò kjoatsejta, t̄ikoā mochjeén-né nga ngui ndaà chaxkón Nainá.

⁷ Nga jye ndaà yaxkón Nainá, t̄ikoā mochjeén-né nga ndaà t̄jtsjacha xinguiqo. Kò nga jye ndaà matsjacha xinguiqo, t̄ikoā mochjeén-né nga ngui ndaà t̄jtsjacha ngats'ù x̄ita xi k'ejí.

⁸ J̄nò, tsà t̄jín-nò kjondaà koi, kò tsà k̄jít'aa nachrjein tik'aasòn-nò, mì jyò k̄jtsajnaà; ngui ndaà kochjeén-nò nga isaá ndaà jchaxkoón Jesucristo xi otíxoma-ná.

⁹ Tanga tsà t̄jín i'nga xi tsjin-la kjondaà koi, k'oaá ngaya-la koni x̄ita xkan xi mikii ndaà tsejèn-la; jyeé kijchàajiin-la nga Nainá jye kisljchàat'aa-là jé xi kis'e-la nga sa ítjòn.

¹⁰ K'oaá ma-ne, j̄nò, ndí 'ndsè, isa 'nó t̄jii-là nga'nó yijo-nò nga t̄ikixiyaa kjoā nga Nainá xó k'oaá s'ín kiichja-nò kò jaàjiin-nò. Tsà k'oas'ín s'een k̄jít'aa, n̄imé jé skaj̄nò.

¹¹ Nga k'oaá s'ín koma nga t̄ax'a'nde-nò nga k̄jtjás'een n̄anda t̄ihotixoma n̄ita kjé-ne jè Jesucristo xi ochrjekàjiin-ná kjo'in kò xi otíxoma-ná.

¹² Koií kjoā-la k̄jít'aa nachrjein s̄ikitsjeèn yije-nò kjoā koi, nas'ín jye ma-nò kò jye kixi titsajnakò jè kjoakixi-la Nainá koni s'ín mokjeiin-nò nachrjein i'ndeí.

¹³ K'è nga tákó t̄jnakon-isa i j̄sò'nde jè, mochjeén-né nga s̄ikitsjeèn-nò nga kòs'ín t̄jchá yijo-nò.

¹⁴ Jè Jesucristo xi otíxoma-ná jyeé k'oas'ín kitsò-na nga jyeé kjochrañat'aa nga kjoehet'aa nachrjein-na.

¹⁵ T̄jikoáá 'an tibinè-la yijo-na nga t̄isikitsjeèn-nò mé-ne k'è nga 'an xi jye k̄iyá, nga nachrjein nchijòn k'oaá s'ín t̄ikitsjeèn kjoā koi.

N̄anda j'ii-ne 'én xi t̄jít'aa Xojon-la Nainá

¹⁶ Nga mitsà ta cuento xi ta x̄ita kisikitsjeèn koni s'ín tsibenojmí-nòjen kó kji nga'nó kis'e-la Na'èn-ná Jesucristo kò nga kjoíi j̄ngoò k'a. Nga xkòñ ki'ya-najen kjoajeya-la nga 'nó tse nga'nó t̄jín-la.

¹⁷ Ki'ya-najen k'è jè Nainá xi Na'èn-ná nga jeya kò 'nga kisikijna Jesucristo. Kina'yà-la ya j̄jiin isén n̄anda 'nó ote k̄jít'én xi kitsò: "Jè jèe xi ki'ndí-na xi 'nó matsjake nga xó 'an jaàjiin-na."

¹⁸ Ngajen sobà kina'yà-lajen j̄nā 'én xi ngajmii inchrobà-ne k'è nga titsajnakò-jen Jesucristo ya j̄sò'nga nindoò tsjeè-la.

¹⁹ Nga yije kjoā koi, k'oaá s'ín isa ndaà makixiya koni s'ín kiichja j̄nā x̄ita xi kiichja ngajo-la Nainá. 'Nó ndaà 'nè nga na'yà-la 'én koi. K'oaá s'ín ngaya-la koni j̄ngoò ni'ín xi s̄ihiseèn ya i'nde n̄anda j̄nò choòn skanda k'è nga s'è isén, ikjoàn s̄ihiseèn-j̄jiin in̄ima-ná koni jè ni'ño tse.

²⁰ Itjòn k'oa s'ín ndaà kátasjiin-nò, j̄nā 'én xi t̄jít'aa Xojon-la Nainá, mitsà ta j̄ngoò x̄ita kitsjaà kjohitsjeèn-la nga kitjei.

²¹ Nga j̄nā x̄ita xi kiichja ngajo-la Nainá, nijngoò 'én xi ta kjohitsjeèn ts'è nga kiichjaya. Jé In̄ima Tsjeè-la Nainá kisikichiya-la kjohitsjeèn-la x̄ita koi nga komà kiichjaya 'én-la Nainá.

2

*X̄ita ndiso xi okóya 'én xi mitsà kixi kjoā
(Judas 4-13)*

¹ Ya jjiin naxandá Israel kis'e xita ndiso xi kitsò nga 'en-la Nainá kiichjaya, tanga mitsá kixi kjoa. It'aá tsajòn, k'oaá tís'in s'e xita ndiso xi kokóya'ma kjohítsjeèn xi síkíts'ón-jjìn-la xita naxandá-la Nainá, skanda kochrjengui jè Na'è-ná xi tsibichjítì-ná. K'oaá ma-ne nga jñà xita koi, tijnà nchihótsji-la kjoabiyaà yijo-la nga ta nitoón jchija.

² 'Nó kjin xita kjitjngui-la nga k'oa's'in s'jin kjoa xi 'nó ch'o tjin. Koi kjoa-la xita ndiso koi, nga ch'o kiná'ya-la kjoa ts'e ndiyá kixi.

³ Jñà xita ndiso koi, ta toón tse mejèn-la; kochrjekájno-nò ton nga skónachan-nò nga kokóya-nò 'en ndiso. Nainá, jyeé kjótseé tjindaà-la nga tsjá-la kjo'in kò mikì kòjno-la kjo'in xi s'e-la.

⁴ Nga Nainá mikì kisijchàat'aà-la jñà àkjale xi tsohótsji jé. Ján kiskinjjiin i'nde kjo'in nñanda tìti ni'in. Na'ño kichà cadena tsibít'aà'ño. Yaá kiskítsajnyaya ngajo nñanda jñò choòn, skanda jè nachrjein k'e nga sindaàjiiin.

⁵ Nainá, tikoáá mikì kisijchàat'aà-la isò'nde xi kisijna kjótseé; kiskasén jtsí xkón xi kisikjehesòn yije xita xi kis'e nachrjein koi. Tà jè Noé kisijchàat'aà-la, koi kjoa-la nga 'en kixi kiichjayajiiin-la xita, kò itoò xita xikjin tsinjingui-ne.

⁶ Nainá tikoáá kisikjehesòn yije xita ts'e naxandá Sodoma kò Gomorra. Jngoò k'aá tsaká, ta chijo kisinchaá. K'oaá s'in tsibijna jngoò-la chibá nga k'oaá tís'in kòmat'in jñà xita xi kondra títsajna-la Nainá.

⁷ Tanga jè Lot nga xita kixi, itjokàjiiin kjo'in. 'Nó ch'o komà-la kjoa ts'e jé xi nchis'in jñà xita naxandá koi.

⁸ Xita jè nga xita kixi-né, nga ya tijnajiiin-la jñà xita koi nga ch'o nchis'in, kjo'iin tísikjeiin nga 'on ma-la inijma-la nga nachrjein nchijòn beé koa' nchré-la kjoa xi ch'o nchis'in xita koi.

⁹ Yaá tí'ya-la nga jè Na'è-ná osikò-né jñà xita xi beèxkón nga síkítsajnandéij mé kjoa xi tjin-la, tikoá síkítsajna'ño-né jñà xita xi ch'o s'in nga tsjá-la kjo'in jè nachrjein k'e nga sindaàjiiin.

¹⁰ Jñà títsajna itjòn nga s'e-la kjo'in jñà xita xi 'nó fitjngui-la kjoa ch'o xi síjé yijo-la kò jñà xi ochrjekàngui kjótixoma-la Nainá.

Jñà xita ndiso koi, xita tájaajiiin nga 'nó 'nga ikon. Mikì tsakjón nga chjajno-la jñà nga'ño xi mikì tsejèn.

¹¹ Jñà àkjale, nas'in isa tse nga'ño tjin-la koa tjin-la kjótixoma, mi k'oaá s'in chjajno-la nga'ño xi mikì tsejèn nga nguixkòn Na'è-ná.

¹² Jñà xita koi, chjajnoò-la kjoa xi mikì fíya-la. K'oaá s'in ngaya-la koni cho xi mikì síkítsjeèn nga tà xó k'oaá s'in kits'iin-ne nga kjndoba'ño ikjoàn sík'en. Xita koi, yaá kiyajiiin kjoa ts'e jé-la.

¹³ Koi kjo'in tjoé ngajo-la koni tjin kjo'in xi kitsjaà-la xita xi k'ejí. Jñà xita koi, nas'in nachrjein, tsjaá ma-la nga s'in kjoa xi 'nó ch'o tjin. K'e nga jñà xita koi, báhijtakò-nò tsá s'eí tjin-nò, síkíts'ón-jjìn-né nga sísobá-nò nga ch'o tjin kjoa xi s'in.

¹⁴ K'e nga beèxkòn jngoò chjoón, nitoón fahajiiin-la kò mikì ma síkijna kjoa ts'e jé. Konachan-la xita xi mi kixij tjin kjohítsjeèn-la. Inijma-la, kjit'aà nachrjein tjin mé xi mejèn-la. Xita koi, tjinè-la nga kjo'in tjoé-la.

¹⁵ Jyeé kisikijna ndiyá kixi. Jè fitjngui-la ndiyá xi ch'o tjin, jè ndiyá ts'e Balaam, ki'ndí-la Beor, jè xi 'nó kjótsjakeé ton nga mejèn-la s'jin kjoa xi mitsá kixi tjin.

¹⁶ Tanga tsaká-la kjoa ts'e jé-la. Jngoò búrrò chjoón xi mikì ma-la chja, kiichja-la koni tsá xita; mikì kitsjá'nde-la nga kiikò-isa kjoaská-la.

¹⁷ Jñà xita ndiso koi, k'oaá s'in ngaya-la koni ngajo nandá xi tsjin-la nandá, koni ifi xi nimé jtsí fikò, nitoón fikò tjo. K'oaá s'in tjinè-la nga ya kítsajnajiiin i'nde jñò ts'e kjo'in nita mé nachrjein-ne.

¹⁸ Ngui 'én ngaá chja xi nimé chí-la. 'Nó 'nga ikon nga síchjeén kjoach'o xi sasén-la yijo-la nga konachan-la jñà xita xi sá nchibinchat'aàxin-la jñà xita xi ch'o nchisjchá yijo-la.

¹⁹ K'oaá tsò-la jñà xita nga kítsajnandéij, tanga tijnà-ne tikoáá yaá títsajnajiiin'ño kjoach'o-la. K'e nga jngoò xita xi bínajiiin'ño jngoò kjoa, jè kjoa jè tjin-la nga'ño nga jè otixoma-la.

²⁰ Jñà xita xi jye kijtseèxkon Jesucristo xi otixoma-ná, nga jè tsachrjekàjiiin kjo'in, nga jye chinchat'aàxin-la kjoa ch'o-la isò'nde, tsá jngoò k'a k'oa's'in s'jin, tsá sjikjine jngoò k'a-la kjoa xi ch'o tjin, nga koma iskan, isaá ch'o kòmat'in mi k'oa-ne k'e nga sa itjòn.

²¹ Isáa-la ndaá tjin tsá mikì kijtseèxkon ndiyá kixi-la Cristo, mi k'oa-ne nga jye chinchat'aàxin-la kjótixoma tsjeè-la Nainá xi jye kitjoe-la.

²² Xita koi, k'oaá s'in kis'iin koni tsò 'én xi tjina-la xita xi tjin-la kjoachjine nga tsò: "Nañá, tije kine jngoò k'a-ne ndábisò-la" koa: "Jè chingá k'e nga jye ongáya, jngoò k'a ongáyajiiin-ne ndási."

3

K'e nga kjoíi ìjngòò k'a Na'èn-ná Jesucristo

¹ Ndí 'ndse xi 'ño matsjake-nò, xojon jè, jè xi ma-ne jò nga tikjiil-nò. Ingajò xojon koi, k'oaá s'in binè-nò nga sikitsjeèn kjoa xi ngui kixi tjín;

² mé-ne nga sikitsjeèn-nò jñà 'én xi kjótseé tsakóya xita tsjeè-la Nainá xi kiichja ngajo-la. Tikoá sikitsjeèn kjotixoma-la Na'èn-ná Jesucristo xi tsachrjekàjiin-ná kjo'in koni s'in tsakóya-nò jñà xita xi tsibixáya-la.

³ Jè xi 'ño mochjeén nga ndaà kátasijiin-nò, jñà nachrjein xi sa nchrobá nga jyeé tífehet'aà nachrjein, kjoíi xita xi siisobà-nò ts'e kjoa kixi; yaá kojchájiin kjoach'o xi síjé yijo-la.

⁴ Skonangui, kitsò-nò: "Nachrjein i'ndeí, z'mé-ne mì títibasòn-ne 'én xi tjina xi tsò nga kjoíi ìjngòò k'a Cristo? Jyeé kjótseé k'en xita jchínga-ná, tákò k'oaá choòn skanda kóni nga kisindaá isò'nde."

⁵ Jñà xita xi k'oaá tsò, xó k'oaá s'in-ne nga síjchàajiin nga jñà 'én xi kiichja Nainá nachrjein kjótseé, jñà kisindaá-ne ngajmii kò nangui. Tijè-ne nandá inchrobàt'aà-ne kò tijé tjijnakon-ne.

⁶ Xi komà iskan, tijè-ne 'én-la Nainá kò nandá kisikje-ne isò'nde jchínga k'e nga tsangasòn nandá.

⁷ Tjé-ne 'én xi kitsjaà Nainá k'oaá s'in tíchja nga jè ngajmii kò nangui ñanda titsajnasoán nachrjein i'ndeí, titsajnandaà-la mé-ne nga kití-ne jè nachrjein k'e nga sindaajiin-la xita tikoá kjoehesòn jñà xita xi mikii beèxkón Nainá.

⁸ Jñò ndí 'ndse xi matsjake-nò kì njchàajiin-jèn kjoa koi: xi it'aà ts'e Nainá, jngòò nachrjein k'oaá ngaya-la koni tsà jngòò jmii nó tjín-ne, koá jngòò jmii nó, Nainá, jngòò nachrjein tsò-la.

⁹ Na'èn-ná mìtsà tísikichrjein nga siikitasòn 'én-la koni tsò i'nga xita; tikoña kjoaá-nò Nainá; jè xi mejèn-la nga njngòò xita jchija, nga kátasikájno jè-la nga mì tí jè kohótsji-ne.

¹⁰ Tanga jè nachrjein-la Nainá, k'oaá s'in kjoíi koni s'in f'ii xita chijé. Ngajmii, jngòò k'aa jchija k'e nga kiná'ya-la nga ch'o jchán kjone. Jè ts'oi, sá kò ni'ño kití-ne. Jè nangui kò nita mé xi tjín i'it'aà nangui, jngòò k'aa kití.

¹¹ Koni s'in koma nga jchija ngats'ii tsojmi xi tjín, 'ño mochjeén nga tsjeé sijchá yijo-nò koni s'in síjé Nainá,

¹² kò nga chíñakjoa-là jè nachrjein k'e nga kjoíi Nainá. Tixátíya-là nachrjein jè. Kò ngats'ii tsojmi xi tjín isò'nde kò ngajmii, jngòò k'aa kongandá nga kití.

¹³ Tanga it'aà tsaján, jè titsachiñá-lá ngajmii xitse kò nangui xitse koni s'in kitsjaà tso'ba Nainá, ya ñanda s'e kjoa kixi kò kjondaá.

¹⁴ Koií kjoa-la jñò ndí 'ndse xi matsjake-nò, nga k'oaá tjín kjoa xi titsachiñá-là, tjii-là nga 'ño yijo-nò, mé-ne k'e nga kjoíi ìjngòò k'a Jesucristo, k'oaá s'in sakòt'aà-nò nga 'nchán kitsajnaá nga tsjeé titsanijchá yijo-nò kò njímé jé tjín-nò.

¹⁵ K'oaá s'in kátasijiin-nò, jè kjoatsejta-la Nainá nga tse titsachiñá, jè-né nga kitjokàjiin kjo'in jñà xita. Jè 'ndse Pablo xita xinguiáá xi 'ño matsjachaá, tikoáá jye isa kiskii-nò koni s'in tjín kjoachjine xi kitsjaà-la Nainá.

¹⁶ Nga jngòò ìjngòò xojon carta xi kiskii Pablo, k'oaá s'in tíchja kjoa koi. Tanga tjín i'nga xi 'ño 'in chja, mikii ndaá machiya-ná kó tsóya-ne. K'oaá ma-ne jñà xita xi mikii ndaá fiya-la kò xi mì kixi tjín kjohitsjeèn-la, síkijatíya-la 'én. K'oaá tjí síkò jñà Xojon-la Nainá xi kiskii xi kje'ejí xita. K'oaá ma-ne jñà xita xi koasíko 'én-la Nainá, tjíjñà nchihótsji-la kjo'in yijo-la.

'Én xi fehet'aà-ne

¹⁷ K'oaá ma-ne, jñò ndí 'ndse xi matsjake-nò, nga jye ndaá tjiiin-nò kjoa koi, tikindaa yijo-nò, mé-ne nga mì skónachan-nò jñà xita xi ch'o s'in nga xin ndiyá kùkò-nò xi mì kixi tjín kò yaá jchija nga kixi titsajnakoo Nainá.

¹⁸ Isáá ndaá kátasakó-isa-nò kjondaá-la kò kjohitsjeèn-la Jesucristo xi otixoma-ná nga jè ochrjekàjiin-ná kjo'in. Jeya kàtjna i'ndeí kò nita mé nachrjein-ne. K'oas'in kátama.

Xojon carta xi kiskii itjòn San Juan

Jesús, jè 'Én xi síkíjnakon iníma-ná

¹ Jè Jesús, jè 'Én xi síkíjnakon-ná xi tjna skanda tjsa tats'en-la kjoa. Tanga j'ndeji, jyeé kina'ya-lajen, kò xkòon ki'ya-najen, kichitsejèn-lajen kó kji, tikoaa ndsaá kinikò-najen.

² Jè 'Én jè, ki'ya tsejeèn-la. Kò ki'ya-najen. Kò ngui kjoa kixi-né xi bənojmi-jen xi it'aà ts'e. Kò tikoaa bənojmiya-nòjen jè 'Én xi síkíjnakon iníma-ná nita kjé-ne. Jè 'Én jè, k'e nga tjsa itjòn, yaá tijnat'aà-la Nainá. Tanga j'ndeji, jyeé tsatsejèn-najen.

³ Bənojmi-najen kjoa xi ki'ya-jen kò xi kina'ya-jen, mé-ne jñá, k'oa tjs'in ngásòn kitsajnaoaa, koni s'in ndaa titsajnaoaa Nainá xi Na'én-ná ma, kò Ki'ndí-la xi Jesucristo.

⁴ Koií xá titsachjii-nòjen Xojon jè mé-ne nga ngui kò kjotsja katasakó kjit'aà-la iníma-ná.

Jè Nainá kjoa iseèn-ne

⁵ K'oaá s'in tjin jñá 'én xi tsakóya-najen Jesucristo, kò koií-né xi nokjoayajii-nòjen: Jè Nainá, kjoa iseèn-né. Xi it'aà ts'e, tsjin xi kjoa jñò.

⁶ Tsá kixoán nga ndaa titsajnaoaa Nainá, tanga tsá yaá titsanjchá yijo-ná ya nñanda jñò choòn, nñanda tjin kjoach'o, 'én ndisoó titsanokjoá; mitsá kjoa kixi xi tjsa né.

⁷ Tanga tsá ya titsajnaá nñanda iseèn choòn, koni jè Nainá yaá tjna nñanda iseèn choòn, ndaa titsajnaoaa xinguiáá, kò jè jni-la Jesucristo xi Ki'ndí-la Nainá ma, sítsjeé yijeé jñá jé xi tjin-ná.

⁸ Tsá kixoán: "Tsjin-na jé", tijná titsachonachan-lá yijo-ná; mitsá kjoa kixi xi titsanokjoá.

⁹ Tanga tsá kənojmi yije-lá Nainá jñá jé xi tjin-ná, komaá jè kjót'aatakóan nga sijchàat'aà-ná jé-ná tikoaa sijtsjeèya-ná ngats'ù kjoa xi ch'o 'né. Nga jè Nainá síkitasòn 'én-la, kò ngui kjoa kixi xi s'in.

¹⁰ Tanga tsá kixoán: "Kj'eè tsá jé otsjia", jè Nainá ndisoó titsanachrekənguiáá, kò mitsá kixi kjoa nga mokjeiin-ná jè 'én-la.

2

Yá xita xi chjatji-ná ya nguixkon Nainá

¹ Jñò xi koni tsá ndí jixti-ná xan-nò, koií xá tikjii-nò Xojon jè, mé-ne nga mì tì jè kinchátsji-lá yijo-nò. Tanga tsá tjin jngoó xita xi tihótsji jé-la yijo-la, jè Nainá sijchàat'aà-la, nga tjna jngoó-ná xita xi chjatji-ná ya nguixkon Nainá, jè xi 'mì Jesucristo xi ngui xita kixi.

² Jesucristo kitsjaá kjotjò yijo-la nga k'en ngajo-ná, mé-ne koma sijchàat'aà-ná jñá jé-ná, tanga mitsá tà jñá xi sijchàat'aà-ná; tikoaa sijchàat'aà yijeé-la ngats'ù xita xi tjin nga tjsa isò'nde.

³ Tsá ndaa síkitasoán kjotixoma-la, maá kijnogoó-lá takoán nga jyeé ndaa yaxkoaán.

⁴ Tsá tjin xita xi tsò: "An, jyeé ndaa bexkoan Nainá", tanga tsá mìkii ndaa síkitasòn kjotixoma-la, xita ndiso-né; tsjin-la kjoa kixi.

⁵ Tanga tsá ndaa nikitasoán koni tsò 'én-la, jyeé 'ñó ndaa tjin-ná kjotsjacha-la Nainá kò k'oaá s'in ma-ne nga 'ya-la nga kixi kjoa nga jè Cristo titsajnaoaa.

⁶ Jè xita xi tsò nga ya tijnako Cristo, mochjeén-né nga k'oas'in katasijchá yijo-la koni s'in kis'in Jesucristo.

Kjotixoma xitse

⁷ Jñò ndí 'ndsè, jè kjotixoma xi tikjii-nò, mitsá ngui kjotixoma xitse; tije-ne kjotixoma xi kits'ii-nò k'e nga sa itjòn k'e nga tjsa kòkjeiin-nò. Jè kjotixoma jchúnga jè, tije-ne 'én xi kina'ya jñò nga tjsa itjòn.

⁸ Tanga j'ndeji k'oaá s'in tikjii-nò koni tsá jngoó kjotixoma xitse. Nga it'aà ts'e Cristo ki'ya-la nga xitse-né kò tikoaa ti'yaá-la xi it'aà tsajòn. Nga jyeé tífahato kjoa xi jñò choòn, kò jyeé ti'ya-la xi ngui kjoa iseèn-la Nainá.

⁹ Tsá jngoó xita k'oas'in tísò nga k'oaá s'in tísijchá yijo-la koni s'in tjin kjoa iseèn-la Nainá, tanga tsá majtikeé xikjin xi tikoá it'aà ts'e Cristo mokjeiin-la, mitsá kixi kjoa nga iseèn tísijchá yijo-la, takó yaá tijnajii nñanda jñò choòn.

¹⁰ Jè xita xi matsjakeé xita xikjin xi tikoá it'aà ts'e Cristo mokjeiin-la, k'oaá s'in tísijchá yijo-la koni s'in tjin kjoa iseèn-la Nainá. Jè xita jè, mitsá tì mé tjin-ne xi ma kohótsji jé-la.

¹¹ Tanga jè xita xi majtikeé xita xikjin xi tikoá it'aà ts'e Cristo mokjeiin-la, yaá tjna, kò yaá tsó'baya ya ndiyá nñanda jñò choòn. Miki beé nñanda tífi, nga jè kjoa jñò, bichjoá xkon.

¹² Jñò xi ndí jixti 'mì-nò, tikjii-nò Xojon jè, nga it'aà ts'e Cristo-né nga jye kisiichàat'aà-nò Nainá jñá jé xi tjin-nò.

¹³ Jñò xi x̄t̄a jchínga 'mì-nò, tikjil-nò Xojoñ jè, nga jyeé kiyaxkoòn jè Jesucristo xi t̄jna skanda t̄sa tàts'en-là kjoa. Jñò ixti xi s̄a t̄itsanijchá yijo-nò, tikjil-nò Xojoñ jè, nga jyeé kinikijne-là jè x̄t̄a nejí. Jñò xi ndí ixti 'mì-nò, jyeé kiskii-nò Xojoñ jè nga jye kiyaxkoòn Nainá xi Na'èn 'mì-laà.

¹⁴ Jyeé kiskii-nò xojoñ, jñò xi x̄t̄a jchínga 'mì-nò, koií kjoa-là nga jyeé kiyaxkoòn Jesucristo xi t̄jna skanda t̄sa tàts'en-là kjoa. T̄ikoaá jyeé kiskii-nò jñò ixti xi s̄a t̄itsanijchá yijo-nò, koií kjoa-là nga t̄jín-nò nga'ñò kò jyeé ya t̄jñajjiln iníma-nò jè 'én-là Nainá kò jyeé kinikijne-là jè x̄t̄a nejí.

¹⁵ Kí jñà matsjacha jñà kjoa xi t̄jín isò'nde. Tsà ya x̄t̄a xi matsjakeè jñà kjoa xi t̄jín isò'nde, mìtsà kixi kjoa nga matsjakeè Nainá xi Na'èn 'mì-laà.

¹⁶ Ngats'ì kjoa ch'o xi jè isò'nde bí't'aa-ná, mìtsà ya nchrobá-ne í't'aa ts'e Nainá xi Na'èn 'mì-laà. T̄iyaá t̄isindaà-ne ì isò'nde. Jñà kjoa ch'o koi, xi t̄jín isò'nde: jñà-né kjoa ch'o xi s̄jé yijo-ná, kjoa xi tsejèn-là xkooán nga mejèn-ná tsaján koma, kò kjoa 'nga takòn xi ts'e kjoa nchíná.

¹⁷ Ngats'ì kjoa ch'o xi t̄jín isò'nde, kò kjoa xi ya fahajjiln-ná, jyeé t̄ifehet'aa, t̄anga jè x̄t̄a xi sikitasòn koni s'ín mejèn-là Nainá, kíjnakon-né n̄t̄a kjé-ne.

Jè xi kjoa kixi kò kjoa ndiso

¹⁸ Jñò xi ndí ixti xan-nò, jyeé t̄ifehet'aa nachrjein. Jyeé t̄jijiln-nò nga kjoí jngoo x̄t̄a xi ngui kondra t̄jna-là Cristo. Kò nachrjein ì'ndeí jyeé 'ñò kjiln ma-ne xi kondra nchifi-là Cristo. K'oaá ma-ne nga k'oas'ín machiya-ná nga jyeé t̄ifehet'aa nachrjein.

¹⁹ Jñà x̄t̄a koi, t̄j ì i'tjokajjiln-ná, tanga xi kjoa kixi, mìtsà ngui x̄t̄a tsaján ma; tsà kixi kjoa nga x̄t̄a tsaján, ì-là t̄itsajnakò-ná. Tanga koií k'oas'ín itjokajjiln-ná jñà x̄t̄a koi mé-ne nga ndaa k̄ata'ya-là nga ngats'ì x̄t̄a xi k'oas'ín kondra fi-là Cristo, mìtsà ngui x̄t̄a tsaján.

²⁰ Jè Jesucristo, xi x̄t̄a tsjeé, jyeé kitsjaà-nò jè Iníma Tsjeè-là Nainá; k'oaá ma-ne nga ngats'ioò jyeé ndaa t̄jijiln-nò kós'ín t̄jín xi kjoa kixi.

²¹ K'oaá ma-ne nga k'oas'ín tikjil-nò xojoñ jè, nga jyeé ndaa t̄jijiln-nò xi kjoa kixi; mìtsà koi-ne nga kj'eé t̄jijiln-nò. Kò jyeé ndaa t̄jijiln-nò nga n̄jngoo 'én ndiso xi ya nchrobát'aa-ne í't'aa ts'e kjoa kixi.

²² ¿Yá-ne xi x̄t̄a ndiso? Jè-né xi bí'ma nga tsò: "Jè Jesús mìtsà jè xi Cristo, [mìtsà Nainá kisikasén]." Jè x̄t̄a jè xi kondra fi-là Cristo nga jngoo k'a mikii mokjeiin-là í't'aa ts'e Nainá xi Na'èn-ná ma kò í't'aa ts'e Jesucristo xi K'í'ndí-là Nainá ma.

²³ Ngats'ì x̄t̄a xi jngoo k'a mikii mokjeiin-là í't'aa ts'e K'í'ndí-là Nainá, mìtsà Nainá xi Na'èn-ná ma t̄jnakò. Tanga jè x̄t̄a xi mokjeiin-là t̄ikoa tsjá 'én-là nga jè Jesús, jè xi K'í'ndí-là Nainá, yaá t̄jnakò Nainá xi Na'èn-ná ma.

²⁴ Koií k'oas'ín xan-nò, ndaa k̄atasijjiln iníma-nò jè 'én xi í't'aa ts'e Cristo xi jye kina'ya nga t̄sa tàts'en-là kjoa. Tsà k'oas'ín ndaa s̄ijjiln iníma-nò, t̄ikoaá ndaa k̄itsajnakoo Nainá xi Na'èn-ná ma kò K'í'ndí-là.

²⁵ Jesucristo k'oaá s'ín kitsjaà 'én-là nga tsjá-ná kjoabinachon xi mikii fehet'aa n̄t̄a kjé-ne.

²⁶ Koií xá tikjil-nò xojoñ jè mé-ne nga ma jchaxkon-nò jñà xi mejèn-là konachan-nò.

²⁷ Tanga jñò, jyeé t̄jijiln iníma-nò jè Iníma Tsjeè-là Nainá xi kitsjaà-nò Jesucristo. Mì t̄j kii mochjeén-ne tsà ya xi kokòya-nò. Nga t̄jje-ne Iníma Tsjeè-là Nainá keñojmiya-nò kós'ín t̄jín ngats'ì kjoa xi ndaa t̄jín. Koni s'ín kokòya-nò, 'én kixi-né, mìtsà 'én ndiso. K'oaá s'ín ndaa t̄itsajnakoo kjit'aa Jesucristo, koni s'ín síkichiya-nò Iníma Tsjeè-là Nainá.

²⁸ Jñò xi ndí ixti xan-nò, k'oaá s'ín ndaa t̄itsajnakoo Cristo, mé-ne nga 'ñò t̄jín-ne takoán kò mikii kosobá-ná k'e nga jè xi kitjojen jngoo k'a-ne ngajmii.

²⁹ Koni s'ín jye t̄jijiln-nò nga jè Cristo, x̄t̄a kixi-né nga nguixkon Nainá, k'oaá t̄is'ín ndaa k̄atasijjiln-nò, nga ngats'ì x̄t̄a xi kjoa kixi s'ín nga nguixkon Nainá, k'í'ndí-là Nainá-né.

3

Ixti-là Nainá

¹ Ndaa k̄atasijjiln-nò, 'ñò ndaa matsjakeè-ná Nainá xi Na'èn-ná ma, k'oaá ma-ne nga ixti-là tsò-ná. Kò ngui kixi kjoa nga ixti-là Nainá 'mì-ná. K'oaá ma-ne nga jñà x̄t̄a isò'nde, mikii mokjeiin-là tsà ixti-là Nainá 'mì-ná, koií kjoa-là nga jñà x̄t̄a koi, mikii mokjeiin-là í't'aa ts'e Nainá.

² Jñò ndí 'ndse xi matsjake-nò, ì'ndeí jyeé k'í'ndí-là Nainá 'mì-ná. Tanga kj'eé tsà ndaa okó-ná Nainá kó kjoan komaá nga koma iskan. Tanga jyeé t̄jijiln-ná nga k'oa t̄j kjoan komaá koni kji jè Jesucristo k'e nga kijchò nachrjein nga jè xi kjoí jngoo k'a-ne; nga k'oaá s'ín jchaxkooán koni kji jè.

³ Ngats'ì x̄t̄a xi k'oas'ín nchikoña nga k'oaá s'ín kjoan koma koni kji jè Jesucristo, nachrjein nchijòn-né nga tsjeé nchisjchá yijo-là koni s'ín nga x̄t̄a tsjeé jè Jesucristo.

⁴ Ngats'iì x̄iṭa xi ótsji jé, kondraá fi-lá k̄jot̄ixoma-lá Nainá. K'e nga jé binchaátsjiaá, jé k̄jot̄ixoma-lá Nainá t̄ináchrenguiaá.

⁵ J̄ñò, jyeé t̄jjiin-nò nga jé Jesucristo koií xá j'iì-ne nga jé faáxìn-ná j̄ñà jé xi t̄jín-ná. Kò 'ya-nò nga jé Jesucristo, n̄imé jé t̄shótsji.

⁶ Ngats'iì x̄iṭa xi Cristo t̄ítsaj̄nako, m̄itsà jé ótsji; t̄anga j̄ñà x̄iṭa xi ótsji jé, k'j'eè k̄iì beèxkon kò t̄iṭkoá m̄ik̄iì t̄jjiin-lá yá-né xi 'm̄i Jesucristo.

⁷ J̄ñò, xi ndí ixti-ná xan-nò, k̄i k̄iì biì'nde tsà yá xi skónachan-nò. Jé x̄iṭa xi k̄joá kix̄i s'ín nga nguixkon Nainá, x̄iṭa kix̄i-né, koni x̄iṭa kix̄i jé Cristo.

⁸ Tanga jé x̄iṭa xi k̄jit'aà náchrejin t̄ihótsji jé, ts'e x̄iṭa neíí-né. Nga jé x̄iṭa neíí, k'oáá s'ín t̄ihótsji jé skanda t̄isa t̄ats'en-lá k̄joá. Kò koií xá j'iì-ne Jesucristo xi Kí'ndí-lá Nainá nga jé sikixóna j̄ñà k̄joá ch'o xi s'ín jé x̄iṭa neíí.

⁹ Ngats'iì x̄iṭa xi jye Nainá kisik̄jat̄jya-lá nga ki'ndí-lá Nainá ma, m̄itsà t̄iya t̄ítsaj̄najiin-ne jé. Nga jyeé ya t̄ijnajiin in̄ima-lá jé In̄ima Tsjeé-lá Nainá. Kò m̄i t̄i k̄iì ma k̄ohótsji-jé-isa, nga jyeé ki'ndí-lá Nainá-né.

¹⁰ K'oáá s'ín ma-ne nga yaxkon-lá yá-né xi ixti-lá Nainá kò yá-né xi ixti-lá x̄iṭa neíí; ngats'iì x̄iṭa xi m̄ik̄iì sikitasón k̄joá kix̄i-lá Nainá, t̄iṭkoá m̄ik̄iì tsjakeé beé x̄iṭa x̄ik̄jín xi t̄iṭkoá it'aà ts'e Cristo mokjeiin-lá, m̄itsà ki'ndí-lá Nainá ma.

Ngásón ngáya tsjacha s'eén xinguiáá

¹¹ Nga k'oáá s'ín t̄ichja jé 'én xi jye kina'yá k'e nga t̄isa kòk̄jeiin-nò nga sa it̄jón nga tsò: Ngásón ngáya tsjacha s'eén xinguiáá.

¹² M̄ik̄iì k'oás'ín s'eén koni kis'ín jé x̄iṭa xi k'i m̄i Caín nga jé x̄iṭa neíí k̄iit'aà-lá nga kisik'en 'ndse. ¿Mé-ne kisik'en-ne 'ndse? Tà koií k̄joá-lá nga jé 'ndse, x̄iṭa kix̄i-né nga nguixkon Nainá kò jé Caín ch'óó t̄jín k̄joá xi s'ín.

¹³ K'oáá ma-ne k'oás'ín t̄ixan-nò j̄ñò ndí 'ndsé, k̄i maxkón-nò tsà s̄ij̄itikeé-nò x̄iṭa isò'nde xi m̄ik̄iì mokjeiin-lá 'én-lá Nainá.

¹⁴ J̄ñà jyeé t̄jjiin-ná nga jyeé it̄jok̄aj̄ñaá ya ndiyá k̄joabiyaá xi ya t̄jaayaá k̄jot̄seé kò jyeé t̄jín-ná k̄joabinachon xi m̄ik̄iì fehé't'aà n̄ita k̄jé-ne. Nga jyeé k'oás'ín ndaá matsjachaá j̄ñà x̄iṭa xinguiáá xi t̄iṭkoá it'aà ts'e Cristo mokjeiin-lá. Jé x̄iṭa xi m̄ik̄iì matsjakeé x̄ik̄jín, ndiyá k̄joabiyaá tsóhoya jé in̄ima-lá.

¹⁵ Ngats'iì x̄iṭa xi maj̄itikeé x̄iṭa x̄ik̄jín, k'oáá s'ín ngaya-lá koni tsà x̄iṭa sík'en. J̄ñò, ndaá t̄jjiin-nò, jé x̄iṭa xi x̄iṭa sík'en, m̄itsà k̄joabinachon xi m̄ik̄iì fehé't'aà t̄is̄ij̄ch̄aj̄jín yijo-lá.

¹⁶ J̄ñà, k'oáá s'ín 'ya-ná mé xi 'm̄i k̄jotsjacha k'e nga jé Jesucristo kitsjaá k̄jot̄jò yijo-lá nga k'en ngajo-ná. J̄ñà k'oáá t̄j̄s'ín mochjeén nga s'eén it'aà ts'e x̄iṭa xinguiáá koni kis'ín jé Cristo.

¹⁷ Tsà t̄jín ingoó x̄iṭa xi t̄jín-lá t̄sojm̄i xi t̄imochjeén k̄jit'aà-lá, tsà skoé ingoó x̄iṭa x̄ik̄jín xi t̄iṭkoá it'aà ts'e Cristo mokjeiin-lá nga ts̄j̄in-lá t̄sojm̄i xi mochjeén-lá, tsà m̄ik̄iì ma-lá nga k̄os̄iko jé x̄iṭa x̄ik̄jín xi it'aà ts'e t̄sojm̄i xi ts̄j̄in-lá, m̄itsà kix̄i k̄joá nga k̄jotsjacha-lá Nainá t̄ijnajiin in̄ima-lá.

¹⁸ J̄ñò xi ndí ixti-ná xan-nò, t̄j̄tsjacha xinguiáá, k̄i tà 'én nokjoá; ngui ndaá k̄ata'ya-lá kós'ín matsjacha xinguiáá nga t̄j̄s̄ik̄oó mé t̄sojm̄i xi mochjeén-lá mé-ne nga k̄ata'ya-lá nga kix̄i k̄joá nga ndaá matsjacha xinguiáá.

Nó t̄jín takoán nga nguixkon Nainá

¹⁹ K'e nga k'oás'ín t̄itsa'né, k'eé j̄cha-ná nga kix̄i k̄joá nga k'oáá s'ín t̄itsan̄j̄chá yijo-ná koni s'ín t̄jín k̄joá kix̄i-lá Nainá kò 'nchán nik̄j̄ñaá in̄ima-ná nga nguixkon Nainá.

²⁰ Nas'ín jé in̄ima-ná jé t̄ibín-ná, tanga jé Nainá, isaá ndaá t̄jjiin-lá m̄i k'oá-ne koni jé in̄ima-ná. Nga jé Nainá isaá ndaá t̄sej̄en yije-lá ngats'iì k̄joá xi t̄itsa'né.

²¹ J̄ñò ndí 'ndsé xi matsjake-nò, tsà jé in̄ima-ná m̄itsà t̄i mé k̄joá ch'o t̄ibín-ná, 'ñó t̄jín takoán nga nguixkon Nainá.

²² Tsà mé xi s̄j̄é-lá Nainá, maá-lá ts̄j̄á yije-ná n̄ita mé k̄j̄ondaá-ne; nga n̄ik̄itasoán k̄jot̄ixoma-lá, kò k'oáá s'ín 'né koni s'ín sasén-lá Nainá.

²³ Jé k̄jot̄ixoma-lá Nainá, jé-né nga ndaá k̄atakjeiín-ná it'aà ts'e Jesucristo xi Kí'ndí-lá ma, t̄iṭkoá ngásón ngáya k̄otsjachaá xinguiáá koni s'ín jye tsat̄ixoma-ná Cristo.

²⁴ Jé x̄iṭa xi sikitasón k̄jot̄ixoma-lá Nainá, yaá t̄j̄nako Nainá, kò jé Nainá yaá t̄ijnajiin in̄ima-lá x̄iṭa jé. K'oáá ma-ne nga 'yaá nga Nainá ya t̄j̄nako-ná, koi k̄joá-lá nga jye kitsjaá-ná jé In̄ima Tsjeé-lá.

4

J̄ñà x̄iṭa xi kondraá fi-lá Cristo

¹ J̄ñò ndí 'ndsé xi 'ñó matsjake-nò, k̄i t̄axk̄j̄ mokjeiín-nò it'aà ts'e ngats'iì x̄iṭa xi tsò nga jé In̄ima Tsjeé-lá Nainá sik̄ich̄iya-lá 'én xi ch̄jaya. Ít̄jón ch̄it'aà, a kix̄i k̄joá nga jé In̄ima Tsjeé-lá

Nainá tísíchiya-là 'én xi chja, a xi majin-né. Nga jñà nàchrjein xi títsajnaá i'nde, tjin jchán xita ndiso xi tjímasón ya isò'nde xi tsò nga jè Nainá tsjá-là 'én xi nchibénojmiya.

² Jè xita xi bénojmi nga jè Jesucristo, i kits'in it'aà nangui, ko xitaá komà koni jñá, jè xita xi k'oas'in bénojmi, jè-né xi tjin-là Injima Tsjeè-là Nainá. K'oaa s'in 'ya-nò yá xita-ne xi jè Injima Tsjeè-là Nainá tísíchiya-là 'én xi tichjaya.

³ Tanga jè xita xi mikil k'oas'in kénojmi nga jè Jesucristo i kits'in it'aà nangui, ko xitaá komà koni jñá, jè xita xi k'oas'in tsò, tsjin-là Injima Tsjeè-là Nainá. Xita jè, jè tísíkjeén kjohitsjeèn-là xita xi tjna itjòn nga kondra fi-là Cristo. Jñò, jyeé kina'ya nga kjoii-né jè xi kondra fi-là Cristo, ko nàchrjein xi títsajnaá i'nde jyeé k'oas'in tísixá kjohitsjeèn-là.

⁴ Jñò xi ndí jxti-nà xan-nò, jyeé xita-là Nainá 'mì-nò; jñò, jyeé kinikijne-là jñá xita xi k'oas'in 'én ndiso chjaya; mi tì kii koma-ne nga jñá skónachan-nò, nga jè Injima Tsjeè-là Nainá xi tijnajin injima-nò, isá ts'e nga'ño tjin-là mi k'oaa-ne koni jè kjohitsjeèn ts'e xita neii xi sixájin injima-là xita xi mikil mokjeiin-là it'aà ts'e Cristo.

⁵ Jñá xita koi, tà jñá títsajnakon-ne kjohitsjeèn xi tjin ya isò'nde; k'oaa ma-ne nga k'oas'in chja ko jñá 'nchré-là xita xi tiko kjohitsjeèn ts'e isò'nde síkjeen.

⁶ Tanga ngajen, xita-là Nainá-nájen. K'oaa ma-ne nga jñá 'nchré-najen jñá xita xi mokjeiin-là 'én-là Nainá. Tanga jñá xi mitsá xita-là Nainá ma, mitsá ngajen sí's'in-najen. K'oaa ma-ne nga 'ya-là yá-né xi ngui jè Injima Tsjeè-là Nainá tísíkichiya-là nga ngui kjoa kixi ko yá-né xi injima ndiso-là neii tikonachan-là.

Nainá, 'ño tjin-là kjotsjacha

⁷ Jñò ndí 'ndsè xi 'ño matsjake-nò, mochjeén-né nga ngásòn ngáya tsjacha jchaá xinguiáá, nga jè xi kjotsjacha, it'aà ts'e Nainá nchrobá-ne. Ngats'ii xita xi tjin-là kjotsjacha, ki'ndí-là Nainá-né ko tikoaa beè-né yá-né xi Nainá.

⁸ Jè xita xi mikil matsjakeè xita xikjin, kj'eè ki beè yá-né xi Nainá, nga jè Nainá kjotsjacha-né.

⁹ K'oaa s'in tsakó-ná Nainá kjotsjacha xi tjin-là xi it'aà tsajan nga kisikasén ki'ndí-là i isò'nde, jè ki'ndí-là xi ta jè ta jngoò ma-ne, mé-ne nga it'aà ts'e ndaa kitsajnaakoaán.

¹⁰ K'oaa s'in tjin kjotsjacha xi tsakó Nainá xi it'aà tsajan: Mitsá koi-ne nga jñá ndaa matsjachaá Nainá. Jè Nainá xi 'ño ndaa matsjakeè-ná. K'oaa ma-ne nga kisikasén ki'ndí-là nga k'en ngajo-ná, mé-ne sijchaa't'aá-ná jé-ná.

¹¹ Jñò ndí 'ndsè xi matsjake-nó, tsà jè Nainá k'oas'in 'ño ndaa matsjakeè-ná, mochjeén-né nga k'oaa ts'in kotjsjachaá xinguiáá nga jngoò jngoá.

¹² Ni saá jngoò xita xi xkon beè-ne Nainá, tanga tsà ndaa kotjsjachaá xinguiáá nga jngoò jngoá, jè Nainá yaá tijnajin kjit'aà injima-ná ko it'aà tsajan-ná nga ndaa tibatason yije kjotsjacha-là Nainá.

¹³ Nainá jyeé kitsjaá-ná Injima Tsjeè-là. K'oaa ma-ne nga jye 'yaá nga kjit'aà nàchrjein ya títsajnaakoaá Nainá ko tikoaa ya tijnako-ná Nainá nga tijnajin injima-ná.

¹⁴ Ngajen sobá ki'ya-jen ko 'bí-nájen 'én-najen nga jè Nainá xi Na'èn 'mì-laá kisikasén Ki'ndí-là nga jè kochrekájin kjo'in xi kjoa ts'e jé-là ngats'ii xita isò'nde.

¹⁵ Ngats'ii xita xi ngui ko injima-là tsjá 'én-là nga jè Jesús xi Ki'ndí-là Nainá, kjit'aà nàchrjein ya tijnako Nainá ko jè Nainá yaá tijnajin injima-là.

¹⁶ Jyeé k'oas'in ndaa 'yaá, ko tiko mokjeiin-ná, nga jè Nainá tjin-là kjotsjacha xi it'aà tsajan. Nga jè Nainá kjotsjacha-né. Ko jè xita xi kjotsjacha tijnajin kjit'aà ya injima-là, yaá tijnako Nainá ko jè Nainá yaá tijnajin injima-là xita jè.

¹⁷ K'e nga it'aà tsajan k'oas'in ndaa tibatason yije kjotsjacha-là Nainá, 'ño tjin takoán nga mitsá tì mé tsakjoón-ná jè nàchrjein k'e nga sindaájin-là xita xi kjoa ts'e jé-là. Nga jñá, k'oaa s'in ndaa títsa'né i isò'nde koni s'in kis'in jè Jesucristo.

¹⁸ Ya nánda nga tjin xi kjotsjacha, mitsá tì mé kjoskon tjin-ne. Nga jè xi ngui kjotsjacha, faáxin-né ngats'ii xi kjoskon 'mì. Jè xita xi tsakjón, kjo'in-né xi tsakjón-là. Ko jè xita xi táko kjoskon tjin injima-là, koi-né nga kj'eè tsà ndaa tjin injima-là jè kjotsjacha-là Nainá.

¹⁹ Koi k'oas'in matsjacha-ná Nainá, koi kjoa-là nga jè kjotsjakeè itjòn-ná.

²⁰ Tsà tjin xita xi tsò: "An, matsjake-ná Nainá." Tanga tsà majtikeè xita xikjin xi tiko it'aà ts'e Cristo mokjeiin-là, jè xita jè, xita ndiso-né. Tsà mi ki matsjakeè xita xikjin xi xkon tibe-ne, zkos'in ma-ne kotjsjakeè Nainá xi kj'eè tsà xkon beè-ne?

²¹ Jè kjotixoma xi kitsjaá-ná Jesucristo, k'oaa tsò: Jè xi matsjakeè Nainá, mochjeén-né nga tiko kátamatsjakeè xita xikjin xi tiko it'aà ts'e Cristo mokjeiin-là.

5

¹ Jyeé ixti-la Nainá-né ngats'ii xita xi ngui ko inima-la mokjeiin-la nga jè Jesús, [jè-né xi Nainá kisikasén], jè-né xi Cristo. Ko ngats'ii xita xi tsjakeé xi na'èn tijn-la, tjinè-la nga tikoá kotsjakeè ngats'ii ixti-la na'èn-la.

² K'e nga matsjachaá Nainá, ko tikoá nikitasoán kjotixoma-la, 'ya-ná nga tikoá matsjachaá jña xi ixti-la Nainá ma.

³ K'oaá s'in tjin tsá kixi kjoa nga matsjachaá Nainá, jè-né nga ndaá sjikitasoán kjotixoma-la. Ko jè kjotixoma-la, mitsá 'ñó 'in bitasón.

⁴ Nga ngats'ii xita xi ixti-la Nainá ma, sikijneé-la ngats'ii kjoa ch'o xi tjin isò'nde. Koií ma nikijne-lá kjoa xi tjin isò'nde nga mokjeiin-ná it'aá ts'e Cristo.

⁵ Niyá xi ma sikijne-la jè kjoa ch'o xi tjin isò'nde, tajngoó-né jè xita xi mokjeiin-la it'aá ts'e Jesús, nga jè-né xi Ki'ndí-la Nainá ma. Jè-né xi chíkjoa-la nga sjikijne.

Jè xi tsjá kixi 'én it'aá ts'e Ki'ndí-la Nainá

⁶ Jè-né Jesucristo xi j'ii jè isò'nde. Ko k'e nga j'ii, jè nandá ko jni xi ndaá tsakó. Ko mitsá tà jè nandá xi tsakó, tikoáá jè jni. Ko jè Inima Tsjeé-la Nainá xi bénojmi kixi ya-ne xi jè. Nga jè Inima Tsjeé-la Nainá, ngui kjoa kixi-né.

⁷ Jan ma-ne xi ngui tsjá kixi 'én-la xi it'aá ts'e kjoa koi:

⁸ Jè Inima Tsjeé-la Nainá, jè nandá, ko jè jni. Ko ngaján koi, ngásón tsò.

⁹ Tsá mokjeiin-ná jña 'én xi tsjá xita isò'nde, mochjeén-né nga isa ndaá kokjeiin-ná jè 'én xi jè sobá Nainá títjsá. Nga jè 'én xi títjsá, jè túbénojmi, ya-ne xi Ki'ndí-la Nainá.

¹⁰ Jè xi ngui ko inima-la mokjeiin-la it'aá ts'e Ki'ndí-la Nainá, yaá tjiin inima-la nga kixi kjoa jè 'én xi tsjá Nainá. Tanga tà jè xi mikii mokjeiin-la it'aá ts'e Nainá, jè Nainá, ndiso tíhochrjengui, koií kjoa-la nga mikii mokjeiin-la 'én xi tsjá Nainá xi it'aá ts'e Ki'ndí-la.

¹¹ Jè 'én xi kitsjaá Nainá, jè-né nga jè Nainá tsjá-ná kjoabinachon xi mi fehet'aá nita kjé-ne. Ko jè kjoabinachon jè, yaá sakó-ná it'aá ts'e Ki'ndí-la.

¹² Jè xita xi Ki'ndí-la Nainá tijnajin inima-la, tjin-la kjoabinachon xi mikii fehet'aá nita kjé-ne; tanga jè xita xi mitsá Ki'ndí-la Nainá tijnajin inima-la, tsjin-la kjoabinachon.

Én xi fehet'aá-ne

¹³ Jñó xi mokjeiin-nó it'aá ts'e Ki'ndí-la Nainá, koií xá tikji-nò Xojon jè mé-ne nga ndaá katasjiin-nò nga jyeé tjin-nò kjoabinachon xi mikii fehet'aá nita kjé-ne.

¹⁴ K'oaá ma-ne nga 'ñó tjin takoán k'e nga nokjoát'aá-lá Nainá. K'oaá s'in ndaá kji'nchré-ná tsá k'oaá s'in sijét'aá-lá komi s'in sasén-la jè.

¹⁵ Tsá jye k'oaá s'in tjiin-ná nga Nainá 'nchré-ná k'e nga tsá mé xi nijé-laá, tikoáá jyeé 'yaá nga tik'éé-ne nga nijé-laá tsjá-ná mé xi nijé-laá.

¹⁶ Tsá ya xita xi skoe jngoó xita xikjin xi tikoá it'aá ts'e Cristo mokjeiin-la nga ya tikajiin jña jè xi mitsá kjoabiyaá fiko-ná, maá katitsi'batji, ko jè Nainá tsjá-la kjoabinachon jè xita xi tíhótsji jè. Tanga tà jña-né xi koxan-la nga ma sítisi'batji jña xita xi mitsá ngui kjoabiyaá kjit'aá-la jña jè xi nchihótsji. Nga tjin jè xi kjoabiyaá fiko-ná, ko k'oaá xan nga mitsá mochjeén nga sítisi'batji jè xita xi kotjin jè xi tíhótsji.

¹⁷ Tanga ngats'ii kjoa ch'o xi s'in xita, ngui jè-né nga nguixkon Nainá. Tanga tjin-né jña jè xi mitsá kjoabiyaá fiko-ná.

¹⁸ Jyeé tjiin-ná nga jña xi ixti-la Nainá ma, mitsá tija títjsajniin-ne jè, nga jè Jesús xi Ki'ndí-la Nainá ma, tís'in kindá, ko jè xita neji, mi ti kii mé xi ch'o siko-ne.

¹⁹ Jyeé 'ya-ná nga ixti-la Nainá 'mí-ná; tanga jña xita xi mikii mokjeiin-la it'aá ts'e Cristo xi tjin nga títjsa isò'nde, jè xita neji tíhotixoma-la.

²⁰ Tikoáá 'ya-ná nga koií xá j'ii-ne jè Ki'ndí-la Nainá j it'aá nangui nga jè ndaá kisikichiya-ná mé-ne nga ma yaxkoaán xi ngui jè sobá Nainá. Ko yaá títjsajnaoáá jè xi ngui jè sobá Nainá koií kjoa-la nga ya títjsajnaoáá Jesucristo xi Ki'ndí-la ma, xi tije sobá-ne Nainá ko xi ma-la tsjá-ná kjoabinachon xi mikii fehet'aá nita kjé-ne.

²¹ Jñó xi ndí ixti-na xan-nó, ki jña onguitjngui-la jña nainá xi beéxkón xita xi mitsá kixi kjoa nga Nainá.

Xojon carta xi ma-ne jò xi kiskii San Juan

Kjoa tsjacha ko kjoa kixi

¹ Ji ndí chjoón xi xó jaàjiln-lè Nainá, ko jñà ixti-lè, tikjiil-nò Xojon jè 'an xi xita jchínga 'mì-na ya ingo. Ngui okixi-né nga matsjake-nò; mìtsà ta 'an xi matsjake-nò, tikoáá matsjakeè-nò ngats'ii jñà xita xi jye beè kós'in tjin xi kjoakixi.

² Koi' k'oas'in matsjake-nò, nga jyeé ndaà tjiin ya inima-ná jè xi ngui kjoa kixi, ko yaá kijnajiln kji' aà skanda nita mé nachrjein-ne.

³ Nainá xi Na'èn 'mì-laà ko Na'èn-ná Jesucristo xi Ki'ndí-la Nainá ma, kàtatsjá-nò kjondaà, kàtahimakeè-nò, 'nchán kàtasíkiina jjiin inima-nò, xi ngui ko kjoakixi ko kjotsjacha-la.

⁴ Nò kjòtsja-na k'e nga kijtsee xkooàn i' nga ixti-lè, nga k'oáá s'in nchisijchá yijo-la koni s'in tjin kjoa kixi ts'e Nainá, koni s'in jye tsatixoma-ná jè Nainá xi Na'èn 'mì-laà.

⁵ K'oáá s'in tibitsi'ba-nò i'ndeji jñò ndí 'ndsè xi 'nò matsjake-nò, nga mochjeén-né nga 'nò kòtsjachaá xinguiáá nga jngó i'jngoá. Ko mìtsà kjotixoma xitse xi tikjiil-nò, tije-ne jè kjotixoma xi kitjoe-ná skanda tisa tãts'en-la kjoa.

⁶ K'oáá s'in tjin xi i' aà ts'e kjotsjacha, jé-né nga k'oas'in sikitasoán koni s'in tjin kjotixoma-la Nainá; jyeé kina'ya nga tisa 'nò kjòtsee kós'in tichja kjotixoma nga 'nò mochjeén nga kòtsjachaá xinguiáá nga jngó i'jngoá.

Xita xi konachan

⁷ Nga kjin ma-ne xita xi tjimasòn nga tjngoò isò'nde xi nchikonachan-la xita, nga tsò: "Mìtsà 'én kixi nga k'oas'in kits'iin Jesucristo nga xita mòkò koni jñà." Jè xita xi kòtsò, ta tikonachan-né ko jè-né xi tjina itjòn nga kondra fi-la Cristo.

⁸ Ndaà t'een kindá yijo-nò, mé-ne nga mìkiil sichjaà-nò jè kjotjò xi tjoé-nò it'aà ts'e xá xi titsa'nè. Nga mochjeén-né nga kàtatjoe yije-nò jè chji-la xá xi titsa'nè.

⁹ Ngats'ii xita xi otonè-la koni s'in tjin 'én xi tsakóya jè Cristo nga xin ndiyá kjoé, mìtsà Nainá tijnako; tanga jè xi kixi tjina nga k'oas'in tís'in koni s'in tsakóya Cristo, yaá tijnako Nainá xi Na'èn 'mì-laà ko jè xi Ki'ndí-la ma.

¹⁰ Tsà k'e jngoo xita kijchòkon-nò xi mejèn-la nga 'én-la Nainá keènojmi-nò tanga tsà mì k'oas'in okóya koni tsò 'én-la Cristo, ki kiil bi'nde-laà nga ni'ya-nò fahas'en ko ki 'mì-laà: "Tikjáyí!"

¹¹ Nga jè xi tsjá'nde-la nga sjiikas'en ni'ya-la, tikoáá yaá tisingásòn-ko kjohitsjeèn-la jñà xita xi ta kjoa ndiso nchihokóya.

'Én xi fehèt'aà-ne

¹² Tjin jchán-isa mé 'én xi mejèn-na nga koxán-nò, tanga majìn-na nga tà Xojon kit'aà-nò. Jè xi mejèn-na nga kjiikon xátì-nò. K'eé isa ndaà jchibá mé-ne nga ngats'iaá ngásòn ngáya kàtas'e-la kjòtsja inima-ná.

¹³ Jñà ixti-la chjoón tichji xi tikoá xó jaàjiln-ne Nainá nchisikasén-lè 'én nga síhixat'aà-lè. K'oas'in kàtama.

Xojon carta xi ma-ne jàn xi kiskii San Juan

Mé kjoa-ne nga ndaa chja Juan it'aà ts'e xita xi 'mi Gayo

¹ Ji ndí 'ndsè xi 'mì-lè Gayo xi 'ño ndaa chibá kò xi ngui kò inima-na nga matsjake-lè, tikji-lè Xojon jè 'an xi xita jchinga 'mì-na ya ingo.

² Ji ndí 'ndsè, 'an, k'oaá s'in tísijé-la Nainá, nga ndaa kátitjo yije nita mé kjoa xi s'iin ji, koni s'in ndaa tímachikon-t'in inima-lè xi it'aà ts'e Nainá, k'oaá tís'in ndaa kátijna jè yijo-lè nga njmé ch'in kátas'e-la.

³ Taxki 'ño kjótsja-na k'e nga j'ii i'nga jña 'ndsè xi tsibénojmi-na nga k'oaá s'in tñnjchi yijo-lè koni s'in tjin kjoa kixi it'aà ts'e Cristo.

⁴ Ni tì mé kjoa tjin-ne xi k'oaas'in 'ño matsja-la inima-na, ta jè-ne k'e nga 'nchrè nga jña xi ndí jxti-na xan-la nga k'oaá s'in nchisíjchá yijo-la koni s'in tjin xi kjoakixi.

⁵ Ngaji ndí 'ndsè xi 'ño matsjake-lè, 'ño kixi tñnjchi yijo-lè, k'e nga k'oaas'in ndaa nis'in-la ya ni'ya-lè jña xita xinguiáa xi bijchókon-lè xi tikoá 'én-la Nainá mokjeiin-la; kò isaá ta ndaa tjin-isa k'e nga tikoá ndaa nis'in-la jña xita xinguiáa xi xin j'nde f'ii-ne.

⁶ Jña xita xinguiáa k'oaá s'in tsibénojmi kixi ya nguixkon xita naxandá-la Cristo, nga ngaji 'ño matsjachi ngats'ii xita xinguiáa koi. K'oaas'in ndaa tjsiko-isi k'e nga kijchókon-lè; tji-là mé xi mochjeén-la k'e nga tjmaya ya iya ndiyá. K'oaá s'in tikoii koni s'in sasén-la Nainá.

⁷ Nga it'aà ts'e Cristo-né nga k'oaas'in jye tsibiné-la yijo-la jña xita xinguiáa koi, nga k'oaá s'in nchisíxá-la Jesucristo, kò majin-la nga jña kiskoé tsojmi xi tsjá-la xita xi mitsá it'aà ts'e Cristo mokjeiin-la.

⁸ Koi mochjeén-ne nga jña oko-ná nga ksjikoá jña xita xinguiáa koi. Tsá k'oaas'in ksjikoá, tsò-ne kjoa nga ngásòn tisanika'bisoán jè 'én kixi xi ndaa tsò.

Kjoa ch'o xi s'in jè xita xi 'mi Diótrfes

⁹ An jyeé kiskiaá jngoó Xojon nga kisikasén-la jña xita naxandá-la Cristo, tanga jè Diótrfes mikii sasén-la koni s'in ki'mi-lajen, nga jè, koi xi mejèn-la nga ta jè kotixoma.

¹⁰ K'e nga kjiçhoa, k'eé koxán kixi-la it'aà ts'e ngats'ii kjoa ch'o xi tís'in, nga 'ño ch'o tsò 'én ndiso xi tbinè-najen. Kò mitsá ta ya majngoó ikon, tikoá mikii ma-la nga sís'in-la jña xita xinguiáa xi bijchókon ya ni'ya-la. Kò jña 'ndsee xi mejèn-la nga sjis'in-la xita xinguiáa, jé bichjoá ikon-la, kò tikoá ochrjekajjin-né ya naxandá-la Cristo jña 'ndsè xi k'oaas'in sikitason kjondaá koi.

¹¹ Ji ndí 'ndsè xi 'ño matsjake-lè, kì jña chjngui-la jña kjoa xi ch'o tjin; ji, jña chjngui-la jña kjoa xi ndaa tjin. Nga jè xita xi ndaa s'in, xita ts'e Nainá-né; tanga jè xita xi ch'o s'in, k'j'èe kì beé yá-ne xi Nainá.

Kjondaá xi s'in jè xita xi 'mi Demetrio

¹² It'aà ts'e Demetrio, ngats'ii xita k'oaá tsò nga 'ño ndaa tjin koni s'in tís'in, skanda jè xi kjoa kixi, k'oaá s'in okó nga jè Demetrio, ndaa tjin koni s'in tís'in; k'oaá tís'in bixón-jen nga ndaa tjin koni s'in tís'in, kò ndaa 'yi nga 'én kixi-né koni s'in bixón-jen.

'Én-la Juan xi fehet'aà-ne

¹³ Tjin-isa-na mé 'én xi mejèn-na nga koxán-lè, tanga majin-na nga ta Xojon siikasén-lè;

¹⁴ jè xi mejèn-na nga kjiçkon xátì-lè; k'eé isa ndaa jchibanojmiá k'e nga kijchokon-lè.

¹⁵ K'oaas'in 'nchán kátijna kjit'aà inima-lè. Jña xita xi ndaa oko-ná xi j'nde-la tísíhixat'aà-lè. Kot'in-la jña xita xi ndaa oko-ná xi ya tísajnaço-lè, Nainá kátasíchikon-t'in nga jngoó jngoó.

Xojon carta xi kiskii San Judas

¹ 'An, Judas xi chî'nda-lâ Jesucristo ma, kô 'ndsè ma Jacobo, tikjiin-nò jñò xi xó kinokjoà-nò nga tjòkeè-nò Nainá xi Na'èn-ná ma, kô nga jè Jesucristo sikinda-nò.

² Tse kjojhîmatakòn kô kjoa'nchán kô kjoatjòcha kátatsjá-nò Nainá.

Kjo'in xi tjoé-lâ jñâ xîta xi jahas'en-jîin'ma naxandá-lâ Nainá nga 'én ndiso okóya (2 Pedro 2:1-17)

³ Ndí 'ndsè xi 'ño matsjake-nò, kjòtseé tjín-ne nga mejèn-na skii-nò koni s'in ngásòn kisiko-ná Nainá nga tschrjekâjîin-ná kjo'in kjoa ts'e jé-ná. Tanga i'ndeî mochjeén-né nga tikjiin-nò mé-ne nga ma bítsi'ba-nò nga 'ño tîxkâtjîò jè kjòtixoma koni s'in mokjeiín-nò xi xó k'oas'in jngoo k'a kis'enojmí-lâ xîta tsjeè-lâ Nainá.

⁴ Tjín i'nga xîta xi jahas'en-jîin'ma-nò. Jñâ xîta koi, kjòtseé k'oas'in tjínè-lâ nga kjo'in s'e-lâ koni tsò Xojon-lâ Nainá. Jñâ xîta koi, ch'oo s'in; mikii beèxkón Nainá. Sikjatjiyaá-lâ kjondaá-lâ Nainá; koi sikitason kjoa ch'o xi síjé yijo-lâ. Ochrjenguí Jesucristo xi ta jè tajngoo otixoma-ná.

⁵ Jñò, nas'in jye tjîiin-nò kjoa koi, tanga i'ngoo k'a tsíkítsjeèn-nò, jè Nainá tsachrjekâjîin xîta naxandá Israel ján Egipto, tanga xi jye komá iskan, jngoo k'a kisikjehesòn jñâ xîta xi mikii kòkjeiín-lâ i't'aà ts'e.

⁶ K'oaa tí komát'in jñâ àkjalé xi mikii ndaa tsibitsajnaîin xá xi kjòngatsja, ta saá kitsjeiín takòn i'nde xi kitjoé-lâ. Tjén-ne nachrjein jè, skanda i'ndeî, Nainá, na'ño kîcha cadena tjít'aà'ño-lâ nîta mé nachrjein-ne, ya ñanda i'ndeî jñò choòn, skanda jè nachrjein k'e nga sîndaajîin.

⁷ K'oaa tîs'in komát'in jñâ naxandá Sodoma kô Gomorra kô naxandá xi ya chrañat'aà-lâ kjijijò nga kjoachijnguí kis'iin nga ngui ta kjoach'o ts'e yijo-lâ kùtjîngui-lâ. Naxandá koi, ngats'ii xîta xi tjín, ni'in kisikjehesòn. Nainá k'oaa s'in tsibîjna jngoo-ná chîba ni'in xi ts'e kjo'in xi mikii bits'o nîta kjé-ne.

⁸ Jñâ xîta xi jahas'en-jîin'ma-nò, k'oaa tîs'in tà nijñâ t'biil-lâ, nchihòtsji jé-lâ yijo-lâ, ochrjenguí kjòtixoma-lâ Na'èn-ná, chjajno-lâ jñâ nga 'ño xi mikii tsején.

⁹ Jè Miguel xi àkjalé ítjòn, mîtsá 'én ngaá kùlchjako jè xîta neîi k'e nga kiskaàn-ya-ne yijo-lâ Moisés; mîtsá kó kitsò-lâ mé kjo'in xi tjoé-lâ; ta kitsò-lâ: "Nainá kátatsjá-lè kjo'in."

¹⁰ Tanga jñâ xîta koi, chjâ kondraá-lâ kjoa xi mikii tjîiin-lâ. Kô jñâ kjoa xi tjîiin-lâ, k'oaa s'in síchjeén koni cho xi tsjîn-lâ kjòhîtsjeèn nga tí yijo ts'e síkíts'ón-ne.

¹¹ jîma xó-ne xîta koi, nga jè ndiyá káin kùtjîngui-lâ! K'oaa tí tjín jé xi tsohòtsji koni kis'iin Balaam ta jè kjoa-lâ nga tòn sikijne. K'oaa s'in kiyá koni s'in k'en Coré koi kjoa-lâ nga kondra kii-lâ Nainá.

¹² Jñâ xîta koi k'e nga ya báhihtakò-nò nga s'e-lâ Na'èn-ná tjín-nò, síkíts'ón-jîin-nò, mikii masobà-lâ k'e nga kjèn-kò-nò. Ta yijo-laá sís'in-lâ. K'oaa ngaya-lâ koni ifi xi mîtsá jtsi tjîko, xkî xi ján fikò tjo; koni yá xi bixòjen xka-lâ nga mî toò ojà-lâ ìkjoàn tjané kô îma-lâ, jngoo k'a biyáa.

¹³ Jñâ xîta koi, k'oaa ngaya-lâ koni xó-lâ ndáchikon nga bíxteèn tjé-lâ ya indii-lâ nga okó kjoasobà-lâ; koni ni'ño xi kisichja ndiyá-lâ, kô k'oaa s'in tjínè-lâ nga ya kîtsajna ñanda i'nde jñò choòn nîta mé nachrjein-ne.

¹⁴ Jè Enoc xi ma-ne itoo tje-lâ Adán xi ya inchrobát'aà-ne; k'oaa tîs'in tsibîjna 'én i't'aà ts'e xîta koi k'e nga kitsò: "Chítsejèn-lâ Na'èn-ná nga tînchrobá, kjîn jchán jmii ma àkjalé-lâ xi tjîko,

¹⁵ nga koiindaajîin-lâ ngats'ii xîta mé-ne nga tsjá-lâ kjo'in ngats'ii xîta xi jé tjín-lâ koni tjín kjoa ch'o xi kis'iin, jñâ xi mikii beèxkón Nainá nga ch'o tsò 'én xi chjajno-lâ."

¹⁶ Jñâ xîta koi, kjit'aà nachrjein nchihóje, chjajno-lâ ngats'ii kjoa. Ta koi ótsji kjoa xi mochjeén-lâ yijo-lâ. K'e nga chjako xîta, ndaa síkítsajna yijo-lâ, ta 'én sin 'én ndaa chja; ta jè xi mejèn-lâ nga síkijne mé xi mejèn-lâ.

Kjoa kixi xi sîné-lâ xîta

¹⁷ Tanga jñò ndí 'ndsè xi matsjake-nò, tîkítsjeèn koni s'in jye kùlchjako ítjòn-nò jñâ xîta xi tsibíxáya-lâ Na'èn-ná Jesucristo,

¹⁸ nga kitsò-nò: "K'e nga jye kjoehet'aà nachrjein, s'eé xîta xi tà kjînokeè xi kjoa kixi. K'oaa s'in kojchâjîin kjoach'o xi síjé yijo-lâ nga mikii beèxkón Nainá."

¹⁹ Xîta koi, xîta naxandá-lâ Nainá sjòya. Kjòhîtsjeèn-lâ isò'nde tjín-lâ nga tsjîn-lâ Inîma Tsjeè-lâ Nainá.

²⁰ Tanga jñò ndí 'ndsè xi matsjake-nò, 'ño kixi tînchakoo jè kjoa tsjeè-lâ Nainá xi mokjeiín-nò. Titsi'ba-lâ Nainá nga jè Inîma Tsjeè-lâ kátasichiya-nò.

²¹ Tĩkindaa yijo-nò nga kjit'aà nàchrjein kàtas'e-nò kjoatjòcha-là Nainá. Chĩña-la kjoa ima takòn-là Na'èn-ná Jesucristo, mé-ne nga tsjá-nò kjoabinachon xi mikii fehet'aà nĩta kjé-ne.

²² Jchā ima takòn nga tĩsĩkoò jñā xĩta xi jò beè-là ikon.

²³ Kò jñā xĩta xi i'nga, nĩtoón tĩnàchrjekājñòò jñā kjoa ch'o xi s'ín nga jyeé kjòmèè ya bixòjìlìn ni'ín ts'e kjo'ín. Jchā ima takòn i'nga tanga t'een kindā yijo-nò tsà tĩkoā ya skajñòò jé-là. Tĩnàchrjekānguioò kjoa ts'e jé-là. Skanda jñā nikje tjé-là tĩnàchrjenguioò.

Jeya kàtĩjna Nainá

²⁴ Jè Nainá xi ma-là skindā-nò mé-ne nga mikii kixonguioò. Tsjeè siksajna-nò ya nguixkon kjoa jeya-là nga nĩmé jé sakò-nò kò 'nó s'e-nò kjotsja.

²⁵ Jè Nainá xi ta jè tajngòò ma-ne nga ochrjekājìlìn-ná kjo'ín xi i't'aà ts'e Na'èn-ná Jesucristo, ta jè tajngòò xi jeya kàtĩjna, 'nga kàtĩjna; kàtas'e-là kjotixoma; kàtas'e-là nga'nó; skanda kjòtseé, kò nàchrjein i'ndeji, kò skanda nĩta kjé-ne. K'oas'ín kàtama.

Xojon-la San Juan kjoa xi tsakó-la Jesucristo

Kjoa xi kijtsee kò 'én xi kii'nchré San Juan

¹ Jñà kjoa koi xi kitjoé-la Jesucristo nga Nainá kitsjaà-la mé-ne nga kokò-la xita chi'nda-la jñà kjoa xi ta nitoón okoma. Jesucristo kisikasén àkjale-la nga tsakó-la kjoa koi Juan xi chi'nda-la ma.

² Kò jè Juan tichja kixi-né [k'e nga kiskii] ngats'ii kjoa xi kijtsee kò xi kii'nchré koni s'in nga jè Jesucristo kiichja kixi-la jñà 'én xi kitsjaà-la Nainá.

³ Mé tà ndaa-la jè xita xi bíxkejiiin xojon kò jñà xi 'nchré 'én-la Nainá xi tít'aà xojon jè, jñà kjoa xi sa kítasòn; tikoáá mé ta ndaa-la jè xita xi sikítasòn koni tsò xojon jè, nga jè nachrjein, jyeé nchrobá machraña.

Kó tsò Juan nga síhixat'aà nga itòò naxandá-la Cristo xi títajna ján i'nde Asia

⁴ 'An xi 'mì-na Juan, tìsìhixat'aà-nò, jñò xi naxandá-la Cristo maà xi itòò i'nde títajnaà ján nangui Asia. Jè kátatsjá-nò kjondaà kò kjoa'nchán jè Nainá xi tjna, jè xi tsibijna kò jè xi kjoii jngoo k'a-ne; k'oa tís'in kátatsjá-nò kjondaà kò kjoa'nchán jñà inima xi itòò ma-ne xi títajna nguixkòn jè xi tijnasòn ixile nga tìhotixoma;

⁵ kò jè Jesucristo k'oa tís'in kátatsjá-nò kjondaà kò kjoa'nchán. Jè Cristo, jè xi ngui 'én kixi tsjá, xi ki'ndi tjòn xi jaáya-la it'aà ts'e kjoa biyaa kò jè xi otixoma-la jñà xita sko-la xi tijn i'nde it'aà nangui. Cristo matsjakeè-ná nga kisitsjeè jé-ná it'aà ts'e jni-la xi tsibixteèn.

⁶ Cristo k'oaá s'in kisikítajna-ná nga xita itjòn komaá kò nò'mii komaá nga jñà sixá-lá Nainá xi Na'èn-la ma Jesucristo. Jeya kátijna; jè kátatixoma kjit'aà, nita mé nachrjein-ne, nita mé nó-ne. K'oaá s'in kátama.

⁷ jchitsejèn-lá! Jè Cristo jyeé kjomeé f'ii nga tunchrobájiin ifi. Ngats'ii xita, xkoón skoe-ne. Jñà xita xi kisik'en Cristo tikoáá skoe-ne. Ngats'ii xita naxandá xi tijn i'nde it'aà nangui skindáyakeè-né nga 'on koma-la it'aà ts'e. Jon, k'oaá s'in koma.

⁸ "An-ná xi tijná itjoàn skanda tàts'en-la kjoa kò nga skanda fehet'aà-ne; 'an-ná xi tijná, xi tsibijna, kò xi kjoii jngoo k'a; tajngoó-ná xi tse nga'nó tijn-na", tsò Na'èn-ná xi Nainá.

Kjoa xi tsakó-la Nainá Juan it'aà ts'e Cristo

⁹ 'An-ná xi 'mì-na Juan, xi 'ndsé xan-nò it'aà ts'e Cristo. Nga yaá títajnakoaá Cristo ngásòn títanjiaàn kjo'in, kò ngásòn ya nokjoà-ná nándá tìhotixoma Nainá kò ngásòn tichkjoakò-ná ngats'ii kjoa. 'An nga 'én-la Nainá tichjaya kò tibenojmí kixi-la xita it'aà ts'e Cristo, k'oaá komà-ne ján kinikasén-na ya nangui jiin-nda nándá 'mì Patmos.

¹⁰ Jngoo nachrjein-la Nainá, 'an, nga ya tijnakoa inima Tsjeè-la, ya ijton índsiàn ki'nchré jngoo-la 'én xi 'nó kiichja koni jngoo chrjo xi 'nó jane,

¹¹ kitsò-na:

—'An-ná xi tijná itjoàn kò xi fehet'aà-ne. Chjoí jngoo xojon, tít'eii kjoa xi t'yi; ikjoàn tikasén-la naxandá-na xi itòò i'nde títajna ján nangui Asia, jñà naxandá xi 'mì Éfeso, Esmirna, Pérgamo, Tiatura, Sardis, Filadelfia kò Laodicea.

¹² K'éé kisikátjifaya nga mejèn-na skoeé ya xita xi tichja-na; kijtsee itòò candelero xi ngui kichja oro xi ma tiya asiti.

¹³ Ya jngoo osen-la nándá jncha candelero xi itòò ma-ne síjnajiin xi okji koni kji ki'ndi-la xita. Jngoo nikje kinakjá xi ndojò kji. Bijchó skanda itjòn ndsoko. Tíkjá jngoo ná'nó payo ya isòn inima-la xi ngui oro.

¹⁴ Tsja sko, k'oaá kjoàn koni kjoàn tsja chroba-la orrè, koni kjoàn 'nchán kjoàn. Xkòn, k'oaá s'in tsejèn koni tsá títí ni'in.

¹⁵ Ndsoko k'oaá kjoàn koni kichja siné xi 'nó ndaa ote k'e nga jye sjiin ni'in. Jè jta-la, k'oaá s'in na'ya-la koni nándá 'nó jè nándá tibixòjen-tjòn.

¹⁶ Jè tsja kixi, itòò ni'nó tjíya. Jè tso'ba jngoo kichja ndojò bitjo xi 'nó yijò kji ingajò ngobá. Isén-la k'oaá kji koni kji ts'oi k'e nga 'nó matsjè ndobá, 'nó ote kji.

¹⁷ K'e nga kijtsee, kiskaanguia ingui ndsoko koni jngoo mik'en. Ikjoàn jè tsakájnason-na tsja kixi, kitsò-na:

—Ki tsakjoòn-jèn, 'an-ná xi tijná itjoàn kò xi fehet'aà-ne,

¹⁸ kò tijnakon-ná. Tsakátijna k'en-ná tanga i'ndeí tijnakon-ná nita mé nachrjein, nita mé nó-ne. 'An tjíya ndsaa ibi ts'e kjoabiyaá ya i'nde-la mik'en. [Tj'i'ndeé-na nga skíx'ga kò kichjoà nga sjiikáya-la.]

¹⁹ Chjí jñà kjoa xi jye kà'yi kò kjoa xi tíma nachrjein i'ndeí kò kjoa xi koma nga koma iskan.

²⁰ Kíi tsò-ne jè kjoa'ma xi kà'yi ts'e ni'ño xi itoò ma-ne xi tjíya ndsaa kixi ko xi itoò candelero xi ngui kicha oro. Jñà ni'ño xi itoò ma, jñà àkjale-la naxandá-na xi itoò i'nde títsajna; ko jñà candelero xi itoò ma-ne, jñà-né xi naxandá-na xi itoò i'nde títsajna.

2

Kjoa xi kisinè-la naxandá-la Cristo ján Éfeso

¹ Chjí jngoo-la xojoñ jè àkjale-la naxandá-na xi tjna ján Éfeso: “Kíi tsò jè xi itoò ni'ño tjíya tsja kixi, jè xi tsóhojiñ osen-la jñà candelero xi itoò ma-ne xi ngui kicha oro, tsò-né:

² Tibe-ná xá-nò, 'ño títsanixá ko nga mikii bijta-nò. Tjikoáá tibe-ná nga mì tì kii chíkjoako-nò jñà xita xi ch'o s'in. Tjikoáá tibe-ná nga jyeé kichit'aà jñà xita xi tsò-la yijo-la nga Cristo tsibíxáya-la, tanga mìtsá kixi kjoa. Jyeé ki'yaà nga xita ndiso-né.

³ Kji't'aà nachrjein 'ño tse kjo'in títsanjioón, ko 'ño títsanixá xi kjoa ts'an. Mikii bijta-nò.

⁴ Tanga tjín jngoo-nò kjoa xi ch'o tjín xi mikii sasén-na nga mì tì k'oaá s'in tjín-nò kjotjòcha koni nga sa ítjòn.

⁵ Jñò, tikítsjeèn kó ki'nè nga sa ítjòn k'e nga kj'eè jè bixòjñò. Tjìkájno jé-nò. Jngoo k'a Nainá tangui'aà-là. K'oaá s'in t'een koni ki'nè nga sa ítjòn. Tsà majlín-nò, 'an kjián nga tsjaà-nò kjo'in ko kjoaáxin-nò ni'in candelero-nò ya i'nde ñánda síjna.

⁶ Tanga tjín kjoa xi ndaa títsa'nè nga majticha kjoa xi s'in jñà xita nicolaítas. 'An, tjikoáá majtike-ná.

⁷ Ndaa tiná'yaà koni tsò Iníma Tsjeè-la Nainá nga tíchja-la naxandá-na. Jñà xi síikijne, 'aán tsjaà-la nga skíne jñà toò-la jè yá xi síkijnakon-ná xi síjna ya i'nde-la Nainá ñánda 'ño ndaa choón.”

Kjoa xi kisinè-la naxandá-la Cristo ján Esmirna

⁸ Chjí jngoo-la xojoñ jè àkjale-la naxandá-na xi tjna ján Esmirna: “Kíi tsò jè xi tsibijna ítjòn ko xi fehet'aà-ne, jè xi k'en ko jaáya-la, tsò-né:

⁹ 'An be-ná xá-nò ko kjo'in xi títsanjioón ko nga xita ima 'mì-nò (tanga it'aà ts'e Nainá, xita nchiná-nò jñò). Be-ná nga ch'oo chjajno-nò jñà xita xi tsò nga xita judío-né tanga mìtsá kixi kjoa nga xita judío. Jñà xita koi, yaà chja-ne ya ni'ya ñánda maxkóya xita-la xita neji.

¹⁰ Ki tsakjoón-jèn jè kjo'in xi síkjoón, jè xita neji skínis'en-nò ndayá mé-ne nga skót'aà-nò kjoa xi mokjeiín-nò; te nachrjein s'e-nò kjo'in. 'Nó t'è-là takòn kóni skanda k'e nga kiyá. Ko 'aán tsjaà-nò jè kjoabinachon xi mikii fehet'aà koni jngoo corona.

¹¹ Ndaa tiná'yaà koni tsò Iníma Tsjeè-la Nainá nga tíchja-la naxandá-na. Jñà xi síikijne, nímé kjoa xi komat'in it'aà ts'e kjoabiyaà xi ma-ne jò k'a.”

Kjoa xi kisinè-la naxandá-la Cristo ján Pérgamo

¹² Chjí jngoo-la xojoñ jè àkjale-la naxandá-na xi tjna ján Pérgamo: “Kíi tsò jè xi tjín-la kicha ndojò xi yijò kji nga ingajò ngobá, tsò-né:

¹³ 'An tibe-ná xá-nò, tibe-ná nga yaá títsajnaà ñánda tíhotixoma xita neji. Tanga be-ná nga kixi títsajnaà; mikii nijcháajnoñ it'aà ts'an. Tjikoá be-ná nga mikii bí'ma koni s'in mokjeiín-nò it'aà ts'an, nas'in k'e nga k'en Antipas, xita xi kixi bénojmi xi it'aà ts'an; nga yaá k'en jjiin naxandá-nò ya ñánda síxá xita neji.

¹⁴ Tanga tjín i'nga kjoa xi mikii sasén-na nga ch'o títsa'nè, nga yaá títsajnajiin-nò xita xi mokjeiín-la koni s'in tsakóya Balaam kjótsee nga chinchá'a Balac nga mejèn-la kohótsi jé jñà xita Israel nga kátake tsojmi xi xkósòn kisinchaat'aà-la; tjikoá kátas'in kjoachijngui.

¹⁵ Tjikoáá títsajnajiin i'nga-nò xita xi mokjeiín-la koni s'in okóya jñà xita nicolaítas. Jñà xita koi, 'an majtike-ná.

¹⁶ K'oaá ma-ne tjìkájno jé-nò, kì tì jè binchaatsji-nò. Tsà mì k'oa s'een, nitoón kjián nga skaàn-koaga xita koi. Jè síkjeén kicha ndojò xi bitjo-ne ndsoba.

¹⁷ Ndaa tiná'yaà koni tsò Iníma Tsjeè-la Nainá nga tíchja-la naxandá-na. Jñà xi síikijne, 'aán tsjaà-la tsojmi xi skíne xi 'mì maná xi 'an tji'ma-na; tjikoá tsjaà jngoo-la ndi ndajò jtabá xi chroba kji; yaá tjít'aà 'in xitse xi mì yá beèkxon; tà jè skoexkon xi tjoé-la.”

Kjoa xi kisinè-la naxandá-la Cristo ján Tiatura

¹⁸ Chjí jngoo-la xojoñ jè àkjale-la naxandá-na xi tjna ján Tiatura: “Kíi tsò jè Kí'ndí-la Nainá xi kjojoàn xkon koni ni'in, ko jñà ndsoko, k'oaá kjoàn koni kicha sinè xi 'mì bronze xi 'ño ndaa kjòchrja'i:

¹⁹ 'An, be-ná xá-nò ko kjoatjòcha-nò, ko kós'in nga mokjeiín-nò ko kós'in títsanixá nga tíchikjoako-nò xá xi títsa'nè. Be-ná nga jè nachrjein i'ndeí isaá ndaa títsanixá mì k'oa-ne koni nga sa ítjòn.

²⁰ Tanga tjín i'nga kjoa xi mikii sasén-na nga ch'o títsa'nè, nga bi'i'nde-là jè chjoón Jezabel xi tsò-la yijo-la nga ma-la bénojmiya mé kjoa xi iskan koma nga konachan ko okóya-la xita chí'nda-na mé-ne nga kjoachijngui kátas'in-ne tjikoá kátake tsojmi xi xkósòn sinchá't'aà-la.

²¹ 'Aán tštsja is̄a-l̄a načhrjein nga kátasákájno jé-l̄a nga mì t̄i jé kòhótsji-ne, tanga maj̄in-l̄a tšjein takòn kjoačhijngui xi s'ín.

²² Tanga 'aán tsja-l̄a ch'in nga 'ńó tse kjo'in s̄iikjeīin kò j̄n̄a x̄ita xi ngásòn s'ín kjoačhijngui, tsà maj̄in-l̄a nga s̄iikájno jé-l̄a nga mì t̄i jé kòhótsji-ne.

²³ J̄n̄a x̄ita xi ya fit'aà-l̄a, j̄ngoo k'aá s̄ik'en. Kò ngats'ii x̄ita naḡandá-l̄a Cristo skoe-né nga 'an-ná xi be kó tsò kjoḡhítsjeen-l̄a kò in̄ima-l̄a j̄n̄a x̄ita. J̄n̄o, nga j̄ngoo ò j̄ngoo, k'oaá s'ín tsja-nò kjo'in koni t̄j̄in kjoa xi tštsja n̄e.

²⁴ Tanga j̄n̄o kò x̄ita xi i'nga xi tštsajna Tiatira xi mikii kota'yà kjoḡhítsjeen xi mikii ndaà t̄j̄in, t̄ikoā kj'eè kii beè j̄e xi tsò-l̄a j̄n̄a x̄ita koi kjoat̄j̄i'ma-l̄a x̄ita nej̄i. J̄n̄o, k'oaá xan-nò mìtsà t̄i mé kjoa s̄iijé-isa-nò.

²⁵ Tanga j̄n̄o, koni s'ín t̄j̄in j̄e kjoḡhítsjeen ndaà xi tštsja n̄e, k'oaá s'ín t'een skanda k'e nga 'an kjoiaa j̄ngoo k'a.

²⁶ J̄n̄a xi s̄iikjine-l̄a kjoa ts'e j̄e t̄ikoā s̄iikitasòn xá-nā koni s'ín mej̄en-nā skanda k'e nga kjoehet'aà načhrjein, 'aán tsja-l̄a xá nga j̄n̄a kòtixoma-l̄a ngats'ii naḡandá xi t̄j̄in isò'nde.

²⁷ J̄n̄a x̄ita xi kòtixoma, ngui koo k̄ich̄a kòtixoma-ne. K'oaá s'ín s̄iixkooaya koni t̄j̄i ni'nde.

²⁸ J̄e kjoḡtixoma j̄e, t̄ijé-ne xi kitsjaà-na Na'èn-nā. 'An t̄ikoā tsja-l̄a j̄e ni'ńó tse xi bitjok̄at̄j̄i k'e nga taj̄n̄oaya.

²⁹ Ndaà t̄j̄n̄a'yaa koni tsò In̄ima Tsjeè-l̄a Nainá nga t̄ich̄ja-l̄a naḡandá-nā."

3

Kjoa xi kisinè-l̄a naḡandá-l̄a Cristo ján Sardis

¹ 'Ch̄j̄i j̄ngoo-l̄a xojon j̄e àkjale-l̄a naḡandá-nā xi t̄j̄ina ján Sardis: "Kii tsò j̄e xi itoo in̄ima-l̄a Nainá t̄j̄in-l̄a, kò itoo ma ni'ńó-l̄a: 'An be-ná kjoa xi tštsja n̄e; k'oaá s'ín 'ya-nò nga tštsajnakon-nò tanga xi ngui kixi kjoa, tštsajnak'en-nò.

² T̄ikjaaya-l̄a yijo-nò, t̄j̄i-l̄a nga'ńó kjoa xi jye mej̄en t̄ich̄ja. 'An, kj'eè kii be tsà ndaà tštsja n̄e nga nguixk̄on Nainá.

³ T̄ikitsjeen kjoḡhítsjeen xi kitjoe-nò kò xi jye ndaà kina'yà; k'oaá s'ín t̄ikitasòn. T̄ikájno jé-nò, k̄i t̄i j̄e binchaats̄ji-nò. Tsà mikii s̄ikindaa yijo-nò k'oaá s'ín kjoikjaà-nò koni s'ín x̄ita chijé k'e nga mikii tštsajna ndaà mé hora-ne nga kjoii.

⁴ Tanga t̄j̄in chiba-nò x̄ita ya Sardis xi kj'eè mé j̄e ótsji, yaá taña k̄inchimako-na nga chroba kjoàn nikje xi kókjá nga k'oaá s'ín ok'in-l̄a.

⁵ J̄n̄a x̄ita xi s̄iikjine-l̄a kjoa ts'e j̄e, nikje chroba kjoàn xi kókjá; mikii s̄ich̄aaya 'in-l̄a ya it'aà xojon ts'e kjoabinachon. Kò k'oaá xan nga nguixk̄on Nainá xi Na'èn-nā ma kò nguixk̄on àkjale-l̄a nga x̄ita ts'an-ná.

⁶ Ndaà t̄j̄n̄a'yaa koni tsò In̄ima Tsjeè-l̄a Nainá nga t̄ich̄ja-l̄a naḡandá-nā."

Kjoa xi kisinè-l̄a naḡandá-l̄a Cristo ján Filadelfia

⁷ 'Ch̄j̄i j̄ngoo-l̄a xojon j̄e àkjale-l̄a naḡandá-nā xi t̄j̄ina ján Filadelfia: "K'oaá tsò j̄e xi ngui x̄ita tsjeè kò xi ngui j̄e sobà xi x̄ita kixi, j̄e xi t̄j̄in-l̄a ibi-l̄a x̄itaxá it̄j̄on xi ki'mi David, j̄e xi ma-l̄a kix'a xòhotj̄oa-l̄a ngajmii kò n̄j̄ngoo-isa xi t̄j̄i'nde-l̄a nga k̄iich̄joajt̄o; kò k'e nga j̄e k̄iich̄joajt̄o, n̄j̄ngoo-isa xi t̄j̄i'nde-l̄a nga skix'ajto:

⁸ 'An be yije-ná xá-nò; ch̄itsej̄en-l̄a, kisik̄j̄ina osen j̄ngoo-nò xotj̄oa xi t̄ix'á, xi n̄j̄ngoo t̄j̄i'nde-l̄a nga k̄iich̄joajt̄o. Nga na's in tà chiba nga'ńó t̄j̄in-nò tanga tštsanikitasòn-nò koni tsò 'én-nā; mikii bitsajna'ma it'aà ts'an.

⁹ T̄j̄in j̄ngoo t̄j̄in x̄ita xi ya ch̄ja-ne ya ni'ya ñanda maxkóya x̄ita-l̄a x̄ita nej̄i; x̄ita ndiso-né nga tsò nga x̄ita judío, tanga mìtsà kixi kjoa. X̄ita koi, 'aán kich̄ja-l̄a nga k̄atjančroba mé-ne nga k̄incha-xkó'nchit'aà-nò; k'oaá s'ín skoe-ne nga 'an, 'ńó matsja-je-nò.

¹⁰ Koi kjoa-l̄a nga tštsanikitasòn koni tsò 'én xi kitsjaà-nò nga k̄ich̄ikjoako k̄jit'aà-nò n̄j̄ta mé kjoa-ne, k'oaá ma-ne, 'aán kósiko-nò j̄e načhrjein xi jye nchrobá machraña nga s'e-l̄a kjo'in nga t̄j̄tsa isò'nde k'e nga ch̄it'aà yije x̄ita xi i' tštsajna it'aà nangui.

¹¹ Kjoii n̄itooñ j̄ngoo k'a. Ndaà t̄ikindaa ngats'ii k̄j̄ndaà xi t̄j̄in-nò koni s'ín mokjeīin-nò mé-ne nga mì yà xi kjoaá'an-nò xi j̄n̄o jye kinikjine.

¹² J̄n̄a xi s̄iikjine-l̄a ngats'ii kjoa ch'o xi t̄j̄in isò'nde, 'aán tsja j̄ngoo-l̄a j̄nde ñanda kitsajna nga k̄jit'aà načhrjein k'oaá ngaya-l̄a koni j̄ngoo chr̄j̄o xi k̄os̄ingui'ńó-l̄a ya ni'ya tsjeè-l̄a Nainá nga skiijnoa 'in-l̄a xi Nainá xan-l̄a kò 'in-l̄a naḡandá-l̄a Nainá, xi Jerusalén x̄itse 'mi xi k̄j̄inchrobá-ne ngajmii ñanda t̄j̄ina Nainá, t̄ikoā skiijnoa 'in x̄itse xi ts'an.

¹³ Ndaà t̄j̄n̄a'yaa koni tsò In̄ima Tsjeè-l̄a Nainá nga t̄ich̄ja-l̄a naḡandá-nā."

Kjoa xi kisinè-l̄a naḡandá-l̄a Cristo ján Laodicea

¹⁴ 'Ch̄j̄i j̄ngoo-l̄a xojon j̄e àkjale-l̄a naḡandá-nā xi t̄j̄ina ján Laodicea: "Kii tsò j̄e xi s̄j̄ngoo yije 'én-l̄a Nainá, j̄e xi ngui 'én kixi ts̄ja, j̄e xi ngui j̄e sobà kjoakixi, j̄e xi tsibits'ia ngats'ii xi tsibinda Nainá. K'oaá tsò:

¹⁵ 'An, be-ná mé kjoa xi títsa'nè; mítsà 'nchán títsajnaà nì mítsà tsjè títsajnaà nga mítsà kondrà títsajnao-ná ko mítsà ndaa onguít'aà-ná. Ndaa-là tjin tsà ngui ndaa onguít'aà-ná ko tsà majin tsà ngui kondrà títsajnao-ná.

¹⁶ Tanga jñò, nga isò-nò, mítsà 'nchán títsajnaà nì mítsà tsjè títsajnaà, k'oaá ma-ne nga ndsoba skìhisò-na.

¹⁷ Jñò k'oaá bixón: Xità nchiná-nájen; ndaa títsajna-jen; nímé chijat'aà-nájen. Tanga mikì 'ya nga 'iín títsajnaà; nímé xi tjin-nò; xità jma-nó; mikì tsjèjèn-nò; laká títsoò.

¹⁸ 'An, k'oaá xan-nò, 'aán tündát'aà-ná tton oro xi ni'ín kjòtsjeè-ne mé-ne nga xità nchiná koma-nò. Tíkò 'aán tündát'aà-ná níkje tsjeè xi chroba kjoàn mé-ne nga mi kosobà-nò nga títsajna laká yijo-nò. Tíkò tinguioò xkìi colirio jñà xkoòn mé-ne nga ndaa kotsejèn-nò.

¹⁹ Ngats'iì xità xi 'an matsjake, otikò-ná tíkò tsjaà-là kjo'in. Mochjeén-né nga tjii-là nga'ño yijo-nò; tìkájno jé-nò, kì tì jé binchaàtsji-nò.

²⁰ 'An, yaá tijnajtoa xotjoa ni'ya nga tichjà; tsà tjin i'nga xi kji'nchré-na, koa tsà skíx'a xotjoa ni'ya-la, komaá kjoahas'en nga kókjen-koaa, tíkò jè, kókjen-ko-na.

²¹ Jñà xi sjiikijne tsjaà'nde-là nga ya kítsajnat'aà-na ñánda tjna íxile ts'e kjotixoma-na koni s'in 'an jye kisikijne nga yaá tijnat'aà-là Na'èn-na ñánda tjna íxile ts'e kjotixoma-la.

²² Ndaa tjin'yaá koni tsò Inima Tsjeè-là Nainá nga tichjà-là naxandá-na."

4

Kós'in yaxkón Nainá ján ngajmii

¹ Xi jye komà iskan, kiskoòtsejèn ján i'ngaá; kijtseè ngajmii nga tix'á jngoò xotjoa ko jè jta xi k'nchré ítjòn-là xi koa tsò koni chrjo trompeta, kitsò-na:

—Nchróbá mijin jindé; kookò-lè kjoa xi koma k'e nga jye komá yije kjoa xi tíma j'ndei.

² Tà nítsoón j'iì kané jngooò k'a-na jè nga'ño-là Inima Tsjeè-là Nainá; kijtseè jngoaa íxile xi tjna ngajmii ñánda tísatixoma. Jé íxile jè, tjna jngoò xi ya tijnasòn.

³ Jè xi tijnasòn íxile nga tihotixoma, k'oaá kji ote tsejèn koni kji ndajo chjí xi 'mì jaspe, o koni kji ndajo chjí xi 'mì cornalina. Ya jndii-là íxile sijnandiù jngoò-là jñe xi okji ote tsejèn koni kji ndajo chjí xi 'mì esmeralda.

⁴ Tiyaa-ne nga jngoò itjandiù-là ñánda tjna xi tijnasòn íxile nga tihotixoma, kaàn ñijòn íxile 'ncha isa ñánda tísatixoma, tíkò kaàn ñijòn xità jchínga títsajnasòn xi ngui chroba kjoàn níkje xi kíkjà; saà corona kicha oro tji'a sko.

⁵ Ya ñánda tjna xi tijnasòn íxile nga tihotixoma, bitjo ni'ín ch'on, ko ts'ìin ch'on, tíkò na'ya-là jta xi chja; itoo ni'ín xi síhiseèn títi ya nguixkon íxile; jñà ni'ín, jñà inima tsjeè-là Nainá xi itoo ma-ne.

⁶ Ya nguixkon jè xi tijnasòn íxile nga tihotixoma, kjiina jngooò ndáchikon xi koni kji chitsín kji xi 'ño ote.

Ya it'aà íxile ko ya jndii-là, ñijòn ma xi títsajnakon; kóhokji jiton its'in ko ya jndso'ba, xki xi ján tjit'aà xkon.

⁷ Jè xi tjna ítjòn jñà xi títsajnakon, k'oaá kji koni kjoàn xa. Xi ma-ne jò, koni kji nchraja ki'ndi kji. Xi ma-ne jàn, isén-là xitàá tjin-là. Xi ma-ne ñijòn, k'oaá kji koni kji ja xi tsó'bajin isén.

⁸ Jñà xi ñijòn ma-ne xi títsajnakon nga jngoò jngooò, jooñ jngaá tjin-là. 'Ñó kjin ma-ne xkon xi tjin nga jngoò itjandiù-là ko jya-là. Mikì síkjáya ko nachrjein ko nitjen nga tsò:

Tsjeè-né, tsjeè-né, tsjeè-né jè Na'èn-ná xi Nainá,

xi ta jè tajngoò xi 'ño tse nga'ño tjin-là,

jè xi tsibijna, jè xi tjna ko jè xi kjoí jngooò k'a-ne.

⁹ Jñà xi títsajnakon nchitsjá-là kjoajeya, nchitsjá-là kjondaà, ko nchibeèxkón jè xi tijnasòn íxile jè xi tijnakon nita kjé-ne. K'e k'oa nchis'in,

¹⁰ jñà xità jchínga xi kaàn ñijòn ma-ne bincha-xkó'nchi-ñiat'aà-là jè xi tijnasòn íxile tíkò beèxkón-né jè xi tijnakon nita mé nachrjein-ne. Síkatsoò corona-là ya nguixkon jè xi tijnasòn íxile nga tsò:

¹¹ Na'èn, ok'in-lè nga jì tjoé-lè kjoajeya, nga jchaxkón-lè,

nga tsiji yije-né nga'ño xi tjin,

nga jì tsibindii ngats'iì tsojmi xi tjin,

nga k'oaá s'in kjòmejèn-lè nga tjin yije tsojmi

ko nga kisindaà kóhotjin xi tjin.

5

Xojon xi maxkóya ko jè Orrè

¹ 'An, kijtseè jè xi tijnasòn íxile nga tihotixoma, kjinaya tsja kixi jngoò xojon xi kixkóya xi kitjeijno jya-là ko ngatsejèn-là ko itoo k'a tji'ño ñánda jncha-là sello nga jngoò jngooò k'a.

² Kijtseè jngoà àkjale xi tse nga'ño tjín-la, xi 'ño kiichja nga kitsò:

—Yá xi ok'in-la nga skix'a jè xojon koa komà-la kjoaxín jña sello xi jncha-la.

³ Tanga nijá kisakò xi komà-la nga kiskix'a jè xojon, ni mikì ma kotsejèn-la nga kot'aà kó tsò 'én xi tjt'aà; nijngoò kisakò ján ngajmì, nijngoò kisakò jt'aà nangui, koa nijngoò kisakò injon nangui.

⁴ An, 'ño kiskindàya nga ko ndáxkoaàn k'e nga kijtseè nga nijngoò kjòtsji xi ok'in-la nga kiskix'a jè xojon nga ma kot'aà kó tsò 'én xi tjt'aà.

⁵ Jña xita jchínga xi kaàn ñijòn ma-ne, jngoò xi kitsò-na:

—Ki chihindàya-jèn. Tjina xi 'mì: Xa-la xita naxandá Judá, xi tikoá 'mì: Tje-la xitaxá ítjòn David, nga jè xi jye kiskijne-la kondra-la. Jè xi ok'in-la nga skíjndaya jè xojon koa koma kjoaxín sello-la xi itoò ma-ne.

⁶ K'eé kijtseè jngoò Orrè nga síjna ya jngoò osen-la ñánda tjina xi tjinasòn íxile nga tíhotixoma, ko ñánda títsajna jña xi ñijòn ma-ne xi títsajnakon, ko ñánda títsajna xita jchínga xi kaàn ñijòn ma-ne. Jè Orrè, k'oaá kji koni tsá jye k'en; itoò ma nchrajá-la tikoá itoò ma xkon; jña xkon, jña injima-la Nainá xi itoò ma-ne xi kinikasén nga títsa isò'nde.

⁷ Jè Orrè, kiskoé jè xojon xi kjinaya tsja kixj jè xi tjinasòn íxile nga tíhotixoma.

⁸ Jè Orrè, k'e nga jye kiskoé xojon jè, jña xi ñijòn ma-ne xi títsajnakon ko jña xita jchínga xi kaàn ñijòn ma-ne chincha-xkò 'nchi-ñiat'aà-la nga nchrajá-la tikoá itoò ma xkon; jña xkon, 'ya ko chitsín xi nguì oro xi tjíya chrjongó-la nainá. Jè chrjongó-la nainá jña xi kjoa bítsi'ba-la jña xita-la Nainá.

⁹ Kiseè jngoò sò xitse xi tsò:

Ok'in-lè nga ngaji chjoi jè xojon, chjaaxín sello-la nga ji kinik'en-lè, nga ko jni-lè tsibíchítji xita xi ya itjokàjiln-ne ngats'ì tje-la xita xi tjín isò'nde, ngats'ì 'én xi tjín isò'nde, ngats'ì naxandá xi tjín, ko ngats'ì nangui xi tjín isò'nde mé-ne nga ya kichja-ne jt'aà ts'e Nainá.

¹⁰ Ko xitaxá ítjòn ki'nì ko no'mù ki'nì nga ma síkitasòn-la Nainá, ko jña kotixoma j jt'aà nangui.

¹¹ K'e nga kiskoótsejèn, ki'nchrè jta-la jña àkjale xi kjiin jchán millón ma-ne xi nchiseè ya indù-la ñánda tjina xi tjinasòn íxile nga tíhotixoma ko ya ñánda títsajna jña xi títsajnakon ko jña xita jchínga.

¹² 'Nó jchán nchichja nga tsò:

Jè Orrè xi kinik'en, ok'in-la nga jchaxkón nga ts'e yije-né nga'ño xi tjín, ko kjoa nchiná ko kjoa chjine, ko jè tsjá nga'ño, ndaà kátayaxkón, jeya kátijna ko 'nga kátijna.

¹³ Ngats'ì xi xó kisindaà-ne xi tjín ngajmì, xi tjín j jt'aà nangui ko ya ingui nangui, ko xi tjín jjiin ndáchikon, ki'nchrè-la nga tsò: Jè xi tjinasòn íxile ko Orrè, 'nga kátitsajna; kátayaxkón, jeya kátitsajna, katas'e-la nga'ño njta mé nchrejine-ne.

¹⁴ Jña xi ñijòn ma-ne xi títsajnakon, kitsò:

—jK'oa's ín kátama!

Jña xita jchínga xi kaàn ñijòn ma-ne chincha-xkò 'nchi-ñiat'aà-la nga jeya kiskijna jè xi tjínakon njta mé nchrejine-ne.

6

Sello xi itoò ma-ne

¹ K'eé kijtseè jè Orrè nga jaaxín ítjòn jngoò sello. Ikjoàn ki'nchrè jngoò-la jña xi ñijòn ma-ne xi títsajnakon nga kiichja. K'oaá kitsò koni ma ch'on nga one, kitsò:

—Nchroboí.

² Kiskoótsejèn, k'eé kijtseè jngoò kohoyo xi chroba kji; jè xi tjínkjá-la kohoyo, kjinaya tsja jngoò arco xi mochjeén k'e nga tjín kojchán; ikjoàn kitjoé jngoò-la corona xi si'a skó xita k'e nga síkijne; kii nga jye kiskijne mé-ne nga síkijne isa-ne.

³ Jè Orrè, k'e nga jaaxín sello xi ma-ne jò, ki'nchrè-la jè xi ma-ne jò xi títsajnakon nga kitsò:

—jNchroboí!

⁴ Kò ìngòò kohòyò itjo xi inì kji; jè xi tǐnakjá-là, kitjoé jngòò-là kichà ndòjò xi 'ńó je kji, tǐkoà kitjoé-là nga'ńó nga kàtjaàxin kjoa'ńchán xi tǐn it'aà nangui mé-ne nga kàtasík'en-ne xikjín jǐnà xǐtǎ.

⁵ Jè Orrè, k'è nga jaàxin sello xi ma-ne jàn, ki'nchrè-là jè xi ma-ne jàn xi tǐtsajnakon nga kitsò:

—jNchroboí!

K'è nga kiskoòtsejèn, kǐtseè ìngòò kohòyò xi jmà kji; jè xi tǐnakjá-là kohòyò, jngòò libra tǐjya tsja jè xi machibaya-ne tsojmì.

⁶ Ki'nchrè jngòò-là jta ya jngòò osen-là jǐnà xi ñijòn ma-ne xi tǐtsajnakon nga kitsò:

—Nga jngòò nisoò trigo, jngòò nàchrjein chǐ-là chǐ'nda tǐn-ne. Kò nga jàn nisoò cebada, tǐkoàà jngòò nàchrjein chǐ-là chǐ'nda tǐn-ne. Kì tà nǐkìts'ón-jen jè asitǐ kò vino.

⁷ Jè Orrè, k'è nga jaàxin sello xi ma-ne ñijòn, ki'nchrè jta-là jè xi ma-ne ñijòn xi tǐtsajnakon nga kitsò:

—jNchroboí!

⁸ Kiskoòtsejèn, kǐtseè jngoaà kohòyò xi sinè kji. Jè xi tǐnakjá-là, Kjoabiyaà 'mì 'ín-là; ìngòò tǐjngui-là xi Ì'nde ts'e Mik'en 'mì. Kitjoé-là kjotixoma nga ngats'ìl xǐtǎ xi tǐn isò'nde, xi ñijòn xǐtǎ, jngòò kǐyá xi kjoa ts'e kjojchán, kjoa ts'e kjinchrá, kjoa ts'e ch'in kò kjoa ts'e cho ts'en xi tǐn jǐin ñǐnà sǐik'en.

⁹ Jè Orrè, k'è nga jaàxin sello xi ma-ne 'òn, 'an kǐtseè ya ìngui ìmǐxa tsjeè-là Nainá tǐtsajna jǐnà xǐtǎ xi kinik'en nga koií kjoa-là 'én-là Nainá, tǐkoà koií kjoa-là nga kixǐ kitsjaà 'én-là Nainá.

¹⁰ 'Nó nchichja nga tsò:

—Nǎ'èn xi jǐ sabá tǐhotixomai, jǐ xi ngui tsjeè tǐjni kò ngui kjokixǐ, skanda mé nàchrjein kindaaǐin-là nga k'oi-là kjo'in jǐnà xǐtǎ xi tǐn ján isò'nde, jǐnà xi kisik'en-najen.

¹¹ K'èé kits'ì-là nǐkje xi chroba kjoàn, ki'mì-là nga kàtasíkǐyá chiba nàchrjein isǎ skanda k'è nga kojngòò jǐnà xi 'ndse joó it'aà ts'e Cristo xi tǐkoà ngásón xá-là Nainá kǐyáǐin-ne.

¹² Jè Orrè, k'è nga jaàxin sello xi ma-ne joòn, kiskoòtsejèn nga j'ìl jngòò ch'ón xi 'ńó ts'a. Jè ts'oi, jmà kji komà koni nǐkje jmà, kò jè sá, inì kji komà koni jǐn.

¹³ Jǐnà n'ńó xi tǐn ngajmì, chixòt'aà nangui koni ma jǐnà toò ikò xkoén nga bixòngui k'è nga 'ńó 'ba tjo.

¹⁴ Jè ngajmì, k'oaà s'ín kichǐjà koni jngòò xojon xi ma maxkóya; ngats'ìl jǐnà nindoò kò nangui jǐin-nda xi tǐn jǐin ndáchikon, jahatǐjya-là ya ì'nde ñánda tǐtsajna.

¹⁵ Jǐnà xǐtǎxá ìtjòn xi tǐn isò'nde, kò xǐtǎ xi 'ńó ndaà yaxkon-là, kò xǐtǎ nchiná, kò xǐtǎ skò-là soldado, kò xǐtǎ xi tse nga'ńó tǐn-là, kò xǐtǎ chǐ'nda, kò xǐtǎ xi tǐtsajnandeǐi nga mǐtsà nei tǐn-là, yáá tsibitsajna'ma ñánda tǐn nguijò kò naxǐ xi tǐn-là nindoò.

¹⁶ Kitsò-là jǐnà nindoò kò jǐnà naxǐ:

—Tǐkatsjònè-najen yijo-nò, tǐjtsa'ma-nájèn mé-ne nga mǐkìl skoe-najen jè xi tǐjnasòn ìxǐle nga tǐhotixoma kò tǐkoà kitsajna'ma-lajen kjoajti-là kò kjo'in xi tsjá jè Orrè.

¹⁷ Nga jye ijchò nàchrjein-là Nainá kò Orrè nga kò kjojtǐ-là, 'ńó tse kjo'in tsjá. ¿Yá xi koma kichikjoako-là?

7

Jǐnà chǐ'nda-là Nainá xi tǐt'aà chǐba-là

¹ Xi jye komà iskan kjoa koi, 'an kǐtseè ñijòn àkjalè xi jncha kixǐ nga ñijòn chrjanguì-là isò'nde xi nchibichjoàhikon-là tjo mé-ne nga mǐ tǐ kii k'oa-ne ya isòn isò'nde kò isòn ndáchikon, tǐkoà ñijngòò yá sǐimíyá-là.

² Tǐkoàà kǐtseè ìngoaà àkjalè xi tǐnchrobá-ne ñánda bitjokàtǐ-ne ts'oi xi 'ya jngòò kichà ts'e Nainá xi tǐnakon xi ma sit'aà chǐba-là xǐtǎ. 'Nó kǐchja-là jǐnà àkjalè xi ñijòn ma-ne xi jye kitjoé-là nga'ńó nga tsjá ch'in-là isò'nde kò ndáchikon.

³ Kitsò-là:

—Kì tà chǐa ch'in 'bì-lá isò'nde kò ndáchikon kò yá, skanda k'è-né nga jye sǐt'aà chǐba-là ya tǐn-là jǐnà xi chǐ'nda-là Nainá.

⁴ Ki'nchrè-là kótǐn ma-ne jǐnà xǐtǎ xi kisit'aà chǐba-là, jngòò sindò kò ichán ñijòn jmii ma-ne, ngats'ìl tje-là xǐtǎ Israel.

⁵ Jǐnà ngats'ìl tje-là xǐtǎ koi xi kisit'aà chǐba-là: jǐnà tje-là Judá, tejo jmii ma-ne. Jǐnà tje-là Rubén, tejo jmii ma-ne. Jǐnà tje-là Gad, tejo jmii ma-ne.

⁶ Jǐnà tje-là Aser, tejo jmii ma-ne. Jǐnà tje-là Neftalí, tejo jmii ma-ne. Jǐnà tje-là Manasés, tejo jmii ma-ne.

⁷ Jǐnà tje-là Simeón, tejo jmii ma-ne. Jǐnà tje-là Leví, tejo jmii ma-ne. Jǐnà tje-là Isacar, tejo jmii ma-ne.

⁸ Jñà tje-la Zabulón, tejo jmiü ma-ne. Jñà tje-la José, tejo jmiü ma-ne. Jñà tje-la Benjamín, tejo jmiü ma-ne.

Xità xi kjin jchán ma-ne xi chroba kjoàn nikje xi ikjá

⁹ Xi jye komà, k'e nga kiskoòtsejèn, kjin jchán xita kijtsee; nyá xi maxkeya-la. Yáá títsajna xita xi ya inchrobàjijn-ne ngats'ii nangui xi tjin isò 'nde, ko ngats'ii tje-la xita xi tjin isò 'nde, ko títsajna xita xi chja ngats'ii 'én xi tjin, ko xita xi ya nchrobá-ne ngats'ii naxandá xi tjin. Jñà xita koi, 'ncha kixi-né nga nguixkon xi tijnasòn ixile nga tíhotixoma tikoá nga nguixkon jè Orrè. Saà nikje chrobaá ikjá ko saà xkajén kjiya tsja.

¹⁰ Ngats'ii xita koi, 'ño jchán nchichja nga tsò:

Jè Na'èn-ná xi Nainá xi tijnasòn ixile ñánda nga tíhotixoma ko jè Orrè,

tsachrjekàjijn-ná kjo'in.

¹¹ Ngats'ii jñà àkjale 'ncha kixi-né ya indii-la ñánda tjna xi tijnasòn ixile nga tíhotixoma ko ya ñánda títsajna jñà xita jchínga xi kaàn ñijòn ma-ne, ko jñà xi ñijòn ma-ne xi títsajnakon. Chíncha-xkó'nchi-ñiat'aà-la skanda it'aà nangui nga kijtseeékón Nainá.

¹² Kitsò:

K'oaá s'in kátama.

Nainá 'ño tjin-la kjoa machikon-t'in, ko kjoa jeya, ko kjoa chjine, tjin-la kjondaà, 'ño 'nga tjna, tse nga'ño tjin-la, ko tjin-la kjotixoma.

K'oas'in kátama skanda nita mé nachrjein-ne.

¹³ K'eé kichja jngoò-na jñà xita jchínga, kitsò:

—Jñà xita xi chroba kjoàn nikje xi ikjá, zyá xita-ne, ñánda kòf'ii-ne?

¹⁴ 'An, kixan-la:

—Ngajii tjiin-lè na'èn.

Jè kitsò-na:

—Jñà xita koi xi tsatojijn kjo'in jè nachrjein k'e nga 'ño tse kjo'in kis'e. Kisitsjeè nikje-la nga ko jni-la Orrè-la Nainá kisichroba-ne.

¹⁵ Koi kjoa-la nga ya títsajna-ne nguixkon jè xi tijnasòn ixile nga tíhotixoma ko nachrjein ko nitjen sis'in-la ya ingo-la. Jè xi tijnasòn ixile yáá kijnajijn osen kjit'aà-la nga sjiikinda.

¹⁶ Mi ti kii kjinchrá sjiikjein-ne ko mi ti kii koxínda-la. Ko mi ti kii koká-ne yijo-la jè ndobá-la ts'oi k'e nga 'ño matsjè.

¹⁷ Nga jè Orrè xi tjna jngoò osen-la ñánda tjna xi tijnasòn ixile nga tíhotixoma, jè sjiikinda koni s'in makinda orrè; jè kjoiko ñánda tibitjo nandá xi tijnakon. Nainá sjiixjino yije ndáxkon jñà xita koi.

8

Xi ma-ne itoò sello

¹ Jè Orrè, k'e nga jaáxin jè sello xi ma-ne itoò, osen-la hora jñà kis'e ján ngajmiü.

² Ikjoàn kijtsee jñà àkjale xi itoò ma-ne xi 'ncha kixi nguixkon Nainá, jngoò chrjo trompeta kits'ii-la nga jngoò jngoò.

³ K'eé j'ii jngoò àkjale xi 'ya jngoò kichá xi ngui oro jè xi tjíya chrjóngó-la Nainá. Tsasijna kixi ya it'aà imixa tsjeè-la Nainá, ikjoàn tse chrjóngó-la Nainá kits'ii-la mé-ne nga ya kisijngoòko-ne jè kjoa bitsi'ba-la jñà xita-la Nainá. Yáá tsaká ya isòn imixa tsjeè xi ngui oro xi tjna ya nguixkon jè xi tijnasòn ixile ñánda tíhotixoma.

⁴ Jè ni'ndi-la chrjóngó-la nainá ko kjoa bitsi'ba-la xita-la Nainá tsijin-né ya tsja jè àkjale ya nguixkon Nainá.

⁵ Jè àkjale kiskoè jè kichá xi tiya chrjóngó-la Nainá, chinchá-isa xá'í xi titisòn ya it'aà imixa tsjeè-la Nainá. Ikjoàn kisikatjen-sòn isò 'nde; 'ño kits'iin ch'on, kina'ya-la jta, ki'ya-la ni'in ch'on, ko ts'a ch'on.

Jñà chrjo trompeta

⁶ Jñà àkjale xi itoò ma-ne ko itoò chrjo trompeta tjíma'ya tsibítsajnandaà nga sjiikindáya.

⁷ Jè àkjale xi sjina itjòn kisikjindáya chrjo-la. Ikjoàn ts'a jtsí ndajo ko ni'in xi tsjájijn jni; ján kisikasén it'aà nangui. Jè xi ma-ne jàn-ya-la isò 'nde, jngoóya kití; k'oa ti tjin kití jñà yá; kití yije xka xkoén.

⁸ Jè xi ma-ne jò àkjale kisikjindáya chrjo-la. Ko jngoò xi okji koni jngoò nindoò xi jè kji xi titi, yáá kinikatjen-jiin ndáchikon. Nga jàn-ya-la ndáchikon, jngoóya, jni komá.

⁹ Jñà cho xi tjin-ngui ndáchikon, jngoóya k'en xi ma-ne jàn-ya cho. K'oaá tjs'in komá jñà chitso, jngoóya chixoña xi ma-ne jàn-ya chitso.

¹⁰ Jè xi ma-ne jàn àkjalé kisikjindáya chrjo-la. Ingoò ni'ño xi 'ño je kji xi tíjtjnga, kiskaàngui-ne ngajmii. Jè ni'ño jè, jngoòya xajngá nandá kiskaajjii xi ma-ne jàn-ya xajngá nandá kò ya ñánda tíjo nandá.

¹¹ Jè 'ín-la ni'ño jè, xka tsja 'mì. Kò jè nandá, jngoòya kjòtsja, jè xi ma-ne jàn-ya nandá. Kjín jchán xitá k'en nga kjòtsja nandá.

¹² Jè xi ma-ne ñijòn àkjalé kisikjindáya chrjo-la. Ikjoàn jngoòya kitsi'on jè ts'oi xi ma-ne jàn-ya yijo-la; kò k'oaá tís 'ín komá jè sá kò ni'ño. Ikjoàn kòjño jngoòya jè ts'oi kò sá kò ni'ño. Koa jngoòya kòjño jè nachrjein xi jàn-ya tjín-ne; kò k'oaá tís 'ín komá k'e nga nitjen; mì tì kii kjòhiseèn-ne.

¹³ K'e nga kiskoòtsejèn, ki'nchrè jngoò-la ja xi kitoòtjen ján jjiin isén. 'Nó kiichja nga kitsò: —Ima xó-ne, ima xó-ne, ima xó-ne jña xitá xi tjín ján isò'nde, taxkí 'oon komat'in k'e nga skindáya chrjo-la jña àkjalé xi ngui jàn chija-isa.

9

Chrjo trompeta xi ma-ne 'òn

¹ Jè xi ma-ne 'òn àkjalé kisikjindáya chrjo-la; 'an kjitsee jngoaa ni'ño xi kiskaàngui-ne ngajmii skanda it'aà nangui. Ikjoàn kjòngatsja jè ibi ts'e nitjan.

² Kiskix'a jè nitjan. K'oaá s'in itjo ni'ndi koni tsá ts'e ngajá xi 'ño ìi kjoàn. Jè ni'ndi xi itjo, kisijño jè ts'oi kò jjiin isén.

³ Jè ni'ndi, yaá itjojjin cho langosta xi tsangasòn isò'nde; kits'i-la nga'ño nga ma-la k'oe-la xitá koni cho na'yá xi tjín isò'nde.

⁴ K'oaá s'in kisatiixoma-la nga mikii tsjá ch'in-la ngats'ii xka iijná xi tjín isò'nde, kò nijngoò ya; tà jña xi koma tsjá ch'in-la jña xitá xi tsjin-la chiba-la Nainá ya itjòn tjen-la.

⁵ Mikii kitsjaa'nde-la nga sijk'en xitá; tà kjo'ín 'òn sá tsjá-la; jè kjo'ín xi tsjá, k'oaá ngaya-la koni k'e nga 'bé-la cho na'yá xitá nga ijò 'beé.

⁶ Nachrjein koi, jña xitá mejèn-la nga kiyá, tanga mikii sakò-la kós'ín sijk'en yijo-la. 'Nó komejèn-la nga sijk'en yijo-la tanga mikii koma kiyá.

⁷ Jña cho langosta k'oaá kjoàn isén-la koni kjoàn kohoyo xi binchanda-la kjojchán. Tjisòn sko koni corona xi ngui oro; isén-la xitáá tjín-la.

⁸ Tsja sko k'oaá kjoàn koni kjoàn ts'e íchjín; ni'ño, k'oaá kjoàn koni ts'e xa.

⁹ Ya isòn inima-la k'oaá kjoàn xi kijtsa koni kicha tájaá xi síkjeén xitá kjojchán; jña jngaá-la k'oaá s'in na'yá-la nga one koni tsá 'ño kjín ma carreta xi bindofe kohoyo nga ongachikon nga fi kjojchán.

¹⁰ Tjín nditsin koni cho na'yá kò tjín-la na'yá. Jña nditsin tjín-la nga'ño nga 'òn sá sijk'i'on xitá.

¹¹ Jè xi síjna sko-la cho langosta, jè àkjalé ts'e nitjan. Jè 'ín-la àkjalé jè, xi 'én hebreo, Abadón 'mì, koa xi 'én griego, Apolión 'mì. [Jña 'ín koi, tsóyaá-ne: jè xi síkts'óna.]

¹² Jyee tsato kjo'ín xi tjina itjòn xi taxkí 'oon komat'in xitá; tanga ngui jò chija xi sa nchrobá.

Chrjo trompeta xi ma-ne joòn

¹³ Jè xi ma-ne joòn àkjalé kisikjindáya chrjo-la; k'eé ki'nchrè jngoò-la jta xi ya itjojjin-ne nga ñijòn nchrajá-la jè imixa tsjeé xi ngui oro jè xi síjna nguixkon Nainá

¹⁴ nga kitsò-la jè àkjalé xi ma-ne joòn, xi kjiya chrjo tsja:

—Chjjjnda'ñoi jña àkjalé xi ñijòn ma-ne xi tjít'aá'ño ya chraña-la jè nandá xajngá jè Éufrates.

¹⁵ K'eé kitjájnda'ño jña àkjalé xi ñijòn ma-ne xi jye k'oaá s'in títsajnandaá jè hora, jè nachrjein, jè sá kò jè nó, mé-ne nga jngoòya sijk'en-ne xitá xi ma-ne jàn-ya ngats'ii xitá xi tjín.

¹⁶ 'An, ki'nchrè-la kótjín ma-ne jña xitá kjojchán xi kohoyo títsajnakjá-la; jò sindo millón ma-ne.

¹⁷ K'oaá s'in tsatsejèn-na jña kohoyo kò xitá xi títsajnakjá-la nga kicha tájaá kijtsa inima-la xi ini kjoàn koni ni'ín, xi azul kjoàn koni zafiro, kò xi siné kjoàn koni azufre. Jña sko kohoyo, k'oaá kjoàn koni sko xa; kò ya tso'ba, ni'ín bitjo, ni'ndi bitjo, kò azufre bitjo.

¹⁸ Jè kjoa-la nga ingaján kjo'ín koi, jngoò ya k'en xitá xi jàn ya ngats'ii xitá xi tjín. Jè kisik'en jè ni'ín, ni'ndi kò azufre xi bitjo-ne tso'ba kohoyo.

¹⁹ Nga'ño xi tjín-la kohoyo, yaá tji'a tso'ba kò itjòn nditsin, nga jña nditsin k'oaá kjoàn koni kjoàn ye; koa jña sko siki'on-ne jña xitá.

²⁰ Jña xitá xi tsingui-ne xi mikii k'en k'e nga jye tsato yije kjo'ín koi, mikii kisikájno jé-la nga mì tì jè kohótsji-ne; takó jña kjitseeékón inima ch'o-la neji, kò jña isén xi Nainá tsò-la xi kicha oro, plata, bronce, ndajo kò yá, jña xi mikii tsejèn-la kò xi mikii 'nchré kò xi mikii ma fi.

²¹ Jña xitá koi, mikii kisikájno jé-la nga mì tì jè kohótsji-ne nga xitá sik'en, nga ma-la bíndaá, kò nga kjoa chijngui s'in, kò kjoa chijé.

10

Àkjalé xi kjiya tsja jngoo xojon libro jtabá

¹ Jngoo àkjalé kijtseè-isa xi tjin-la nga'ño xi tinchrobájen-ne ngajmii nga ifi tsátijno; jè sko kijnasón jngoo ijñe; isen-la k'oaá kji koni ts'oi; jñá ndsoqo k'oaá s'in tsejen koni tsá ni'in xi ncha kixi nga titi.

² Kjinaya tsja jngoo xojon xi jtabá kji xi jye kitájndaya. Jè ndsoqo kixi tsasijnajin ya ndáchikon ko jè ndsoqo ngaskón tsasijnasón nangui.

³ K'oaá s'in 'ño kiichja koni tsò xa k'e nga kjindáya; k'e nga jye kiichja, itoo ch'on kina'ya jta-la nga tikoá kiichja.

⁴ K'e nga jye jane ch'on xi itoo kits'iin, 'an tijnandaà-ná nga mejèn-na skiijno jngoaa xojon, tanga ki'nchrè jngoo-la jta xi ngajmii inchrobà-ne xi kitsò-na:

—Jñá 'én xi káchja ch'on xi itoo kats'iin, 'maá tükjini; ki xojoón bit'i.

⁵ Jè àkjalé xi 'an kijtseè nga ya sijnajin jngoo ndsoqo ndáchikon ko xi jngoo ndsoqo ya sijnasón nangui, kiskimii'nga tsja kixi ján ngajmii.

⁶ kitsjaá 'én-la it'aà ts'e Nainá xi tijnakon nita mé nachrjein-ne, jè xi tsibindaà ngajmii, nangui ko ndáchikon, ngats'i tsojmi xi ya tjin, kitsò:

—Mì tì kii s'e isa-ne nachrjein.

⁷ K'e nga kichóya nachrjein-la nga kojits'ia jè àkjalé xi ma-ne itoo nga sijkindáya chrjo-la, jè kjoa'ma-la Nainá kitasón-né koni s'in kitsò jñá xita chí'nda-la xi kiichja ngajo-la.

⁸ Jè jta xi ki'nchrè itjòn-la xi ngajmii inchrobà-ne, jngoo k'a kiichja-na kitsò:

—T'in, chjoí jè xojon xi jtabá kji xi jye kitájndaya nga kjinaya tsja jè àkjalé xi sijnakixi isón ndáchikon ko isón nangui.

⁹ Kiikoaan jè àkjalé, kixan-la:

—Tjiù-ná jè xojon jtabá xi kjinaya ndseji.

Kitsò-na:

—Chjoí, ikjoàn chini; ján jya indso'boi kotjsaya-né, tanga ya i'a ndso'boi, ixii koma-lè koni tsá tsjén.

¹⁰ Kiskoé jè xojon xi kjiya tsja jè àkjalé. K'e nga kiskine, kisihixi'a ndso'ba koni tsá tsjén; tanga ján jya indso'ba kjòtsja-né.

¹¹ Ki'mi-na:

—Mochjeén-né nga jngoo k'a kijnójoaya ngajo-la Nainá mé kjoa xi komat'in jñá xita xi kjin naxandá nchrobà-ne ko xi kjin nangui chja-ne ko xi kjin skoya 'én chja, ko mé kjoa xi komat'in xitaxá itjòn xi tjin isò'nde.

11

Jò ma xita xi tsjá 'én it'aà ts'e Cristo

¹ K'ée kits'i jngoo-na ya xi ma machibaya-ne, xi k'oa kji koni kjoàn ya nise. Ki'mi-na:

—Tistijin, tichibayi jè ingo itjòn-la Nainá ko jè imixa tsjeè-la. Tixkeyi kótjin ma-ne jñá xita xi ya beèxkón Nainá.

² Jè nditsin xi kijnat'aà-la ingo, ki kii nichibayi nga jñá kitjoé-la xi taxki xita xi mìtsá xita judío. Jñá xita koi, ichán jò sá kotixoma ya Jerusalén xi j'nde tsjeè-la Nainá.

³ Aán siikasén ingajò xita-na xi tsjá 'én it'aà ts'an nga kichjaya jngoo jmii ko jò sindo ko jàn-kaàn nachrjein; ko jñá nikje xi kokjá, nikje jmá kjoàn xi ts'e kjoaba.

⁴ Jñá ingajò xita xi tsjá 'én, jñá-né ingajò ya olivo ko ingajò kichá candelero xi jncha kixi nguixkon Nainá xi otixoma-la isò'nde.

⁵ Tsá ya xi mejèn-la siki'on xita koi; ni'in kochrje tso'ba xi jngoo k'a koka jñá xi kondra-la. K'oaá s'in kiyá yije, nita ya-ne xi mejèn-la siki'on.

⁶ Jñá xita koi tjin-la nga'ño nga ma-la kiichjoà-la ngajmii mé-ne mì tì kii k'oa-ne jtsi jñá nachrjein k'e nga kichjaya. Tjkoaa tjin-la nga'ño it'aà ts'e nandá nga ma-la nga jni s'iin; ko koma-la kjin skoya kjo'in tsjá-la xita isò'nde; koma-la nga kos'in s'iin nita kótjin k'a mejèn-la nga s'iin.

⁷ Ingajò xita koi, k'e nga jye tsjá 'én-la, jè cho je xi ch'o kji xi bitjomijin-ne ya nitjan jño, skaàn-ko-né, ko sijkjine-la, ikjoàn kiyá ingajò xita koi.

⁸ Jñá yijo-la xita koi, yaá sijijò osen nditsin-la naxandá itjòn, ñanda kisit'aà krò Nā'én-ná. Jè 'in-la naxandá itjòn xi okji, k'oaá s'in ngaya-la koni Sodoma, o Egipto.

⁹ Xita xi ya inchrobájin-ne naxandá xi tjin isò'nde, ko ngats'i tje-la xita xi tjin isò'nde, ko xita xi chja ngats'i 'én xi tjin, ko xita xi ya nchrobà-ne ngats'i nangui xi tjin isò'nde, ján nachrjein osen skótsejen-jno yijo-la mik'en; ko mikii tsjá'nde nga sijnin jñá xita koi xi jò ma-ne.

¹⁰ Jñá xita xi tjin isò'nde kotjsaa-la nga jye k'en xita koi; tsjá kjo'tjò-la tsojmi xita xikjin. Koi k'oa's'in s'iin-ne nga jñá ingajò xita xi chja ngajo-la Nainá, tseé kjo'in tsjá-la jñá xita isò'nde.

¹¹ K'e nga jye tsato xi jàn nàchrjein osen, jè Nainá kisikítsajnakon ijngoò k'a-ne nga jaáya-la; ikjoàn chinchá kixi ijngoò k'a-ne; ko ngats'ii xita xi kijtsee, 'ño jchán kitsakjòn.

¹² Ingajò xita koi kii'nchrè jngoò-la jta xi 'ño kiichja xi ngajmii inchrobà-ne, kitsò-la: —Nchrobá-mijin-jno jindé.

Ikjoàn kiimjin-jin ifi ján ngajmii. Ngats'ii jña xita kondra-la kijtsee-né.

¹³ Tik'eé-ne j'ii jngoò ch'ón xi 'ño jchán ts'a; jngoò ya naxandá chixoña xi ma-ne te ya kóhokji naxandá; ko jè kjoa-la ch'ón, itoò jmii xita k'en. Jña xita xi tsiningui-ne, ndaà jchán kitsakjòn. Ikjoàn kiichjat'aà-la Nainá xi tjna ngajmii nga jeya kisikijna.

¹⁴ Jyeé tsato kjo'in xi ma-ne jò xi taxki 'oón komàt'in xita; tanga nchrobá njtoón xi ma-ne jàn k'a.

Chrjo trompeta xi ma-ne itoò

¹⁵ Jè xi ma-ne itoò àkjale kisikijndáya chrjo-la; kjín jchán jta kina'yà-la ngajmii xi 'ño kiichja nga kitsò:

Jña kjotixoma xi tjín isò'nde,

jyeé ts'e Na'è-ná xi otixoma-ná ko jè Cristo xi xó kinikasén-ne.

Jè kotixoma njta mé nàchrjein-ne.

¹⁶ Jña xita jchínga xi kaàn ñijòn ma-ne, xi títsajnané íxile nga nguixkòn Nainá, chinchá-xkó'nchí-ñiat'aà-la nga kijtseeékón Nainá.

¹⁷ Kitsò:

Na'èn xi Nainá 'mì-lè.

Ndaà chji-lè nga ta jì tã jngoò-né xi 'ño tse nga'ño tjín-lè,

ngaji xi tjini j'nde,

ko xi tjini skanda kjõtsee,

[ko xi sa kjoii ijngoò k'a-ne].

Ti'bi-lèjen kjondaà nga jyeé kachjoi nga'ño xi tjín-lè;

ko jyeé kòbíts'ii nga jì tihotixomai.

¹⁸ Jña xita xi taxki xita xi mitsá xita judío jyeé kòiti-la;

tanga jyeé ijchò nàchrjein-la kjojtì-lè k'e nga jì k'oi-la kjo'in xita koi,

jè nàchrjein k'e nga jì kındaàjiln-la jña xita xi jye k'en

ko k'oi-la kjotjò xi ok'in-la nga tjoé-la xita chj'nda-lè xi kiichja ngajo-lè

ko jña xita-la Nainá ko ngats'ii xi beèkkón-lè,

jña xi jtabá kjoàn ko xita jchínga.

Sikjehesoin jña xita xi ma-la sikjehesoin xita naxandá isò'nde.

¹⁹ Ján ngajmii kitáx'a j'nde tsjeé-la Nainá; ya jya j'nde tsjeé-la ki'ya-la jè kaxá ts'e kjoa xi tsibindaàjiln Nainá ko jña xita. Ikjoàn jate ni'in ch'ón, kina'yà-la jta, kits'iin ch'ón, ts'a ch'ón, ts'a jtsi ndajo xi 'ño tsiaàn kjoàn.

12

Jè chjoón ko jè ye

¹ Ján ngajmii tsatsejèn jngoò kjoxxkón. Jngoò chjoón ki'ya-la; jè ts'oi xi ma nikje-la. Jè sá yaá tjna ingui ndsoko, ko jngoò corona tjí'a sko xi tejò ni'ño tjít'aà.

² Jè chjoón, ki'ndí 'ya. 'Ñó jchán kjindáya nga jye machraña nga jts'ín ki'ndí-la; tseeé kjo'in tísikjein nga jye ijchò chjba-la nga jts'ín ki'ndí-la.

³ Ján ngajmii ijngoò kjoxxkón tsatsejèn. Jngoò ye xi 'ño jè kji tsatsejèn. Inì kji, itoò ma sko, ko jngoò corona ítsé tjí'a nga jngoò ijngoò sko. Tjkoáa te ma nchrajá-la.

⁴ Jè nditsin ye, jngoò ya ni'ño tsibíndofe xi ma-ne jàn ya ngats'ii ni'ño xi tjín ngajmii, ikjoàn tsibítsjot'aà nangui. Jè ye je, tsasijnat'aà-la jè chjoón xi tí'beé ki'ndí mé-ne nga skíne-ne ki'ndí-la k'e nga jye jts'in.

⁵ Jè chjoón, tsí'beé jngoò ki'ndí x'in nga jè kotixoma-la ngats'ii naxandá xi tjín isò'nde koni jngoò xita xi yá kichá kjíya tsja nga kjiin-la kjo'in xita xi mikii 'nchréñijon-la. Tanga jè ki'ndí-la chjoón, kitj'án-la; yaá kiiko ñánda tjna Nainá nga tihotixoma.

⁶ Jè chjoón, tsanga-né. Ján kii j'nde j't'aà xin ñánda nangui kixi choón, ñánda nga Nainá tsibíjnandaà jngoò-la j'nde nga ya katjii-la tsojmì xi skíne. Jngoò jmii ko jò sindo ko jàn-kaàn nàchrjein kijna.

⁷ Xi jye komá iskan, ján ngajmii kis'e kjojchán. Jè àkjale Miguel ko àkjale-la kiskaàn-kjoòko jè ye je. Ko jè ye je, ko àkjale-la nas'ín 'ño kiskaàn-kjoò,

⁸ tanga mikii kisikijne-la, ko mì tì mé j'nde kis'e-la ján ngajmii.

⁹ K'oaá s'in komá nga itjokàjiln ngajmii jè ye jchínga xi 'mì Xita Nejí ko xi 'mì Satanás xi konachan-la ngats'ii xita isò'nde. Kinikatjengui ya it'aà nangui ko àkjale-la.

¹⁰ Ki'nchrè jngoò-la jta ján ngajmii xi 'ño kiichja xi tsò:

—I'nde jyeé ijchò nachrjein nga kitjokàjiin kjo'in xita xinguiáá nga ko nga'ño-la Nainá nga jè kotixoma ko kjotixoma xi tjin-la Cristo [xi Nainá xó kisikasén-ne], koi kjoa-la nga jye kaniikatjengui jè xi ko nachrjein ko nitjen tsját'in 'én ndiso xita xinguiáá nga nguixkon Nainá.

¹¹ Jñà xita xinguiáá, nga ngui koó nga'ño xi tjin-la jni xi tsibixteen jè Orrè kisikijne-la ko ngui koó jñà 'én xi kitsjaa it'aà ts'e Nainá. Mikii kitsakjòn-la nas'in kinik'en.

¹² Tsja kátas'e-la ngajmii ko jñà xi ya títajna. Tanga ima xó-nò jñò xi ya títajnaa it'aà nangui ko xi títajnaa ya jjiin ndáchikon nga jè xita neii jyeé ijchòjen-tjingui-nò ko 'ño jti tjin-la nga jyeé tjiin-la nga ta chiba nachrjein kájna-isa.

¹³ Jè ye xi 'ño jè kji, k'e nga kinikatjengui it'aà nangui, tsangatjingui-la jè chjoón xi tsi'beé ki'ndi x'in.

¹⁴ Tanga jè chjoón, jò jngaa ts'e ja kits'i-la xi 'ño ii kjoàn mé-ne koma tótjen-ne nga kongala jè ye xi jè kji. Jan kii kájna ya i'nde it'aà xin nánda nangui kixi choón. Jan nó osen kájna nga kókinda nga tjoé-la tsojmi xi skine.

¹⁵ Jè ye xi jè kji, tsachrje nanda tso'ba nga ndána koma mé-ne nga koma kichroako-ne jè chjoón.

¹⁶ Tanga jè nangui kisichját'a-la jè chjoón; kitá'a, kits'i ndána xi jè ye tsachrje tso'ba.

¹⁷ Jè ye isaá 'ño kjòtikeé jè chjoón. Kii tjingui kondra-la jñà xita tje-la chjoón nga kiikjaan-ko jñà xi sikitasòn kjotixoma-la Nainá ko jñà xi ndaa tsjá 'én it'aà ts'e Cristo.

¹⁸ Jè ye, yaá tsibijnajii tsoimi xi 'ncha indii ndáchikon.

13

Jò cho ii xi ch'o kjoàn

¹ Kijtsee jngoaa cho je xi ch'o kji xi itjo-mijin-jiin-ne ndáchikon xi itòò ma skq; te ma nchrajá-la; jngoò corona itse tji'a nga jngoò jngoò nchrajá-la; jñà skq tjit'aà 'in xi Nainá chjajno-la.

² Jè cho je xi ch'o kji xi 'an kijtsee, k'oaá kji koni kjoàn xa indo; k'oaá kjoàn ndsoko koni ts'e cho oso; k'oaá kji tso'ba koni tso'ba xa. Jè nga'ño xi tjin-la jè ye, ko jè i'nde-la nánda tíhotixoma, ko jè kjotixoma-la xi 'ño tjin, jè cho ts'en kjongatsja.

³ 'Nó tse kitii jngoò skq jè cho je xi ch'o kji; k'oaá kji komà koni tsà jye kiyá; tanga jè skq xi 'ño tse kitii, kjondaà-ne. Ngats'ii xita xi tjin nga títja iso'nde, tà kjòxkón-la kjoa xi komà, ko yaá kiitjingui-la jè cho ts'en.

⁴ Ngats'ii xita kijtseeékón jè ye, nga jè ye kitsjaa-la kjotixoma xi tísikjeén jè cho ts'en. Jñà xita tikoáá kijtseeékón jè cho je xi ch'o kji. Ikjoàn kitsò:

—Tsjin jngoò isa koni jè cho je xi ch'o kji; mi ya tjin xi kichikjoa-la nga skaan-ko.

⁵ Jè cho ts'en kitjò'nde-la nga kiichja 'én xi 'nga sikájna yijo-la nga chjajno-la Nainá. Tikoáá kits'i'nde-la nga ichán jò sá kotixoma.

⁶ K'oaá s'in kis'iin; kiichjajno-la Nainá, kiichjajno-la 'in-la Nainá ko Ni'ya Tsjeé-la, ko kiichjajno-la jñà xita xi títajna ngajmii.

⁷ Tikoá kitjò'nde-la nga kiskaan-ko xita-la Nainá skanda kó nga kisikijne-la. Ikjoàn kits'i-la kjotixoma it'aà ts'e ngats'ii tje-la xita, ko it'aà ts'e ngats'ii naxandá xi tjin, ko it'aà ts'e ngats'ii xita xi chja ngats'ii 'én xi tjin, ko it'aà ts'e xita xi tjin nga jngoò jngoò nangui xi tjin iso'nde.

⁸ Ngats'ii xita xi tjin nga títja iso'nde, jè cho ts'en skoexkón, jñà ngats'ii xita xi mikii tjit'aà 'in-la nga tisa tats'en-la kjoa, jè xojon xi ts'e kjoabinachon xi ts'e Orrè-la Nainá xi k'en ngajo-la xita.

⁹ Ndaá tina'yaá koni xan-nò.

¹⁰ Jè xi ndayá kjis'en, k'oaá s'in tjiné-la nga ndayá kjoí. Jè xi kichja ndojò kiyá-ne, k'oaá s'in tjiné-la nga kichja ndojò kiyá-ne. Íi mochjeén nga kixi kitsajna kjit'aà ko nga kichikjoako-la kjo'in jñà xita-la Nainá.

¹¹ Xi komà iskan kijtsee jngoaa cho je xi ch'o kji xi itjo mijin-ne jjiin nangui. Jò ma nchrajá-la xi k'oa kjoàn koni nchrajá-la orrè. K'oaá s'in chja koni jngoò ye xi 'ño jè kji.

¹² K'oaá s'in tjin-la kjotixoma koni jè cho je xi ch'o kji xi tjna itjon nga ya síjna nguixkon. Bín-la xita xi tjin iso'nde nga kateékón jè cho je xi ch'o kji xi tjna itjon, jè xi kjondaà-ne nánda 'ño tse kitii jngoò skq.

¹³ Tikoáá maá-la kis'iin kjoxkón xi 'in tjin. Skanda maá-la kisikjinchrobá-jen ni'in xi ngajmii nchrobá-ne skanda it'aà nangui nga nguixkon xita.

¹⁴ Kiskoónachan-la xita xi tjin iso'nde, koi kjoa-la jñà kjoxkón xi kits'i'nde-la nga kis'iin nguixkon cho je xi ch'o kji xi tjna itjon. Tsibít'in-la xita nga kátindaá jngoò xkòsòn-la jè cho xi tjna itjon xi kichja ndojò kitii-ne skq tanga jaáya-la.

¹⁵ Jè cho xi ma-ne jò kits'i-la nga'ño nga kisikijnakon jè xkòsòn-la cho xi kisindaá, mé-ne nga koma kichja-ne ko ngats'ii xita xi mikii skoexkón sijk'en-ne.

¹⁶ K'oaá s'in tsibínè-là nga kàtasit'aà ch̄b̄a-là j̄nà xi x̄t̄a ixti, j̄nà x̄t̄a jchínga, j̄nà x̄t̄a nchíná ko j̄nà x̄t̄a ima, j̄nà x̄t̄a xi t̄sajnañdeji ko xi ch̄i'nda t̄sajna'ñó. Yaá kàtasit'aà ch̄b̄a-là ya tsja kixi ko tsà ya it̄jòn t̄jen-là.

¹⁷ Nj̄ngoo x̄t̄a xi ma k̄otse tsojmi, nj̄ngoo xi ma kot̄jna tsà mikii t̄jit'aà ch̄b̄a-là ko tsà jè 'in-là cho mikii t̄jit'aà-là ko tsà mikii t̄jit'aà-là número ts'e 'in-là cho.

¹⁸ Ij̄ndé mochjeén kjoachijne-là x̄t̄a; jè xi ndaa machiya-là, kàtixkeya número-là cho je xi ch'o kji; ts'e x̄t̄a-né. Jè número: joèn s̄indo ko jàn kaèn ko joèn.

14

Jè Orrè-là Nainá ko j̄nà x̄t̄a xi j̄ngoo s̄indo ko ichán ñijòn jmii ma-ne

¹ Xi komá iskan, kiskoótsejèn, k̄jt̄seè jè Orrè, nga s̄jnakixi isòn n̄indoó Siòn ko x̄t̄a xi j̄ngoo s̄indo ko ichán ñijòn jmii ma-ne xi t̄jit'aà it̄jòn t̄jen-là 'in-là Orrè ko ts'e Na'èn-là.

² Ki'nchrè j̄ngoo-là j̄t̄a xi ngajmii nchrobà-ne xi 'ñó t̄hone koni ma nandá k'e nga 'ñó maje, koni ma nga faáya-là ch'on k'e nga jye ts'ùin; k'oaá s'in ki'nchrè-là koni tsà k̄jìn ma x̄t̄a xi s̄ikjane ni'ñó arpa.

³ Tína'ya j̄ngoo-là sò x̄t̄se nga t̄j̄nda nguixkòn jè xi t̄jnasòn íxile nga t̄ihotixoma, ko ya nguixkòn xi ñijòn ma-ne xi t̄sajnakon ko ya nguixkòn j̄nà x̄t̄a jchínga. Niyá xi ma-là seè jè sò xi t̄j̄nda, ta j̄nà-né xi j̄ngoo s̄indo ko ichán ñijòn jmii ma-ne, j̄nà xi jye it̄jokaj̄in kjo'in ya isò'nde.

⁴ J̄nà x̄t̄a koi, mìtsà íchjín tsibitsajnakò, ngui tsjeè kisijchá yijo-là. J̄nà-né xi fi t̄j̄ngui-là Orrè n̄j̄ta ñánda-ne nga fi. J̄nà-né xi it̄jokaj̄in it̄jòn kjo'in ngats'ii it'aà ts'e x̄t̄a xi t̄j̄n isò'nde, mé-ne nga koma kongatsja it̄jòn-ne Nainá ko Orrè.

⁵ Nj̄mé 'én ndiso k̄ichja, ko nj̄mé jé t̄j̄n-là nga nguixkòn Nainá.

Àkjale xi jàn ma-ne

⁶ K̄jt̄seè ījngooà àkjale xi tsó'baj̄in isén nga t̄fiko 'én ndaa-là Nainá xi t̄j̄n n̄j̄ta mé n̄achrjein-ne nga keènojmi-là j̄nà x̄t̄a xi t̄sajna isò'nde, ngats'ii x̄t̄a xi t̄j̄n nga ījngoo ījngoo nangui, ngats'ii t̄je-là x̄t̄a, ngats'ii x̄t̄a xi ch̄ja ngats'ii 'én xi t̄j̄n, ko ngats'ii x̄t̄a xi t̄j̄n nga ngats'ii naxandá xi t̄j̄n isò'nde.

⁷ 'Nó ch̄ja kitsò:

—Jchaxkón Nainá, jeya t̄ik̄jna; jye ijchò n̄achrjein-là nga koij̄ndaaj̄in. Jchaxkón jè xi tsibindaà ngajmii, xi tsibindaà nangui, xi tsibindaà ndáchikon ko ñánda t̄bitjo nandá.

⁸ Ij̄ngoo àkjale k̄ichja xi kitsò:

—Jyeè kakaàngui, jyeè kakaàngui Babilonia, naxandá xi 'ñó je kji, jè xi bit'in-là naxandá xi t̄j̄n isò'nde nga [k'ejó nainá fit'aà-là] koni s'in x̄t̄a k'e nga kjoachijngui s'in. Koni s'in kis'ùin, k'oaá ngaya-là koni tsà kisich'i yije x̄t̄a isò'nde jè xán ts'e kjoachijngui-là xi t̄j̄ko kjojt̄i-là Nainá.

⁹ Ij̄ngoo àkjale tsatsejèn xi ma-ne jàn xi 'ñó ch̄ja nga kitsò:

—Tsà yá xi skoexkón jè cho je xi ch'o kji ko isén xkósòn-là, tsà t̄ikoa s̄it'aà ch̄b̄a-là it̄jòn t̄jen-là, o tsà tsja,

¹⁰ Nainá tsjá-là kjo'in, k'oaá ngaya-là koni tsà vino skoí xi t̄j̄ko kjoajti-là Nainá. Nga jè sobá Nainá jyeè tsibindaà j̄ngoo ch̄t̄sín vino xi 'ñó kjaán mé-ne nga kòkò-ne kjoajti-là nga s'e-là kjo'in j̄j̄in ni'in azufre xi 'ñó tsjè t̄iti. Tikotsejèn àkjale tsjeè ko Orrè.

¹¹ Jè ni'ndi-là ts'e kjo'in-là, k̄jit'aà n̄achrjein n̄j̄ta k̄jé-ne nga k̄j̄jomij̄in. Mikii s̄ikjaya ko n̄achrjein ko n̄j̄tjen j̄nà x̄t̄a xi jè cho ts'en ko isén xkósòn-là beèxkón, j̄nà xi t̄ikoa t̄jit'aà ch̄b̄a-là ko 'in-là jè cho je xi ch'o kji.

¹² Ij̄ndé nga mochjeén nga kàtáchikjoa-là n̄j̄ta mé kjoa-ne j̄nà x̄t̄a-là Nainá xi s̄ikitasòn k̄jotixoma-là ko xi ndaa mokjeiín-là it'aà ts'e Jesús.

¹³ Ki'nchrè ījngooà 'én xi ngajmii inchrobà-ne xi kitsò-na:

—Ch̄j, t̄it'eii sojòn: “J̄nà n̄achrjein xi fi-isa, mé tà ndaa-là j̄nà x̄t̄a xi k̄jyá nga mokjeiín-là it'aà ts'e Na'èn-ná.” K'oaá tsò Inj̄ma Tsjeè-là Nainá: “Kixii kjoa, j̄nà x̄t̄a koi s̄ikjaya-né kjoa ts'e xá-là; ján ngajmii, jchaa-là ngats'ii kjoa xi ndaa kis'ùin.”

K'e nga maxkó tsojmi xi jye kòjchá ya it'aà nangui

¹⁴ K'e nga kiskoótsejèn, k̄jt̄seè ījngooà ifi xi chroba kji, ya isò'nga ifi t̄j̄na j̄ngoo xi k'oa kji koni ki'ndi-là x̄t̄a. J̄ngoo corona xi ngui oro t̄ji'a skò, ko j̄ngoo k̄ichja libá k̄jija tsja xi 'ñó yijò kji.

¹⁵ Ij̄ngoo àkjale itjo ya i'nde tsjeè-là Nainá xi 'ñó ch̄ja, kitsò-là jè xi t̄jnasòn ifi:

—T̄its'ii nga t̄ixákoii k̄ichja libá-lè; t̄ichásoin, ko t̄ixkoí kòhótj̄in tsojmi t̄jè xi t̄j̄n it'aà nangui nga jye kòjchá yije; ko jyeè ijchò n̄achrjein-là nga sincháxkò.

¹⁶ Jè xi t̄jnasòn ifi, tsibits'íako k̄ichja libá-là ya isòn nangui nga tsatesòn tsojmi t̄jè-là isò'nde, ikjoàn chincháxkò.

¹⁷ Ìjngòò àkjalẹ itjo ya ì'nde tsjeè-là Nainá xi kijna ngajmii xi tìkoà kịchà libá kjiya tsja xi 'ńó yijò kji.

¹⁸ Ìjngòò àkjalẹ itjo-ne it'aà ímìxà tsjeè-là Nainá, jẹ xi síkinda ní'ín. 'Nńó kùichja-là jẹ àkjalẹ xi kịchà libá kjiya tsja; kítsò-la:

—Títs'ii nga tìxákojì kịchà libá-lè xi 'ńó yijò kji; tìchát'eìl 'én-là jńà toò uva xi t́jín it'aà nangui, nga jńà toò-là jye kichji.

¹⁹ Jẹ àkjalẹ tsibíts'ia'ko kịchà libá-là nga tsatet'aà toò-là jńà yá uva; ìkjoàn kisikatsjòdya ya ñánda nga ma binchanè toò uva. Kjoà koi, jẹ okó kjoajti-là Nainá.

²⁰ Mítsà ya jjiin naxandá kisinè jńà toò uva; ján ìndii naxandá kisinè; k'e nga jye kisinè, jní itjo ñánda nga kisinè; 'ńó tse jní itjo skanda ijchò kangui-là kó kji 'nga t́jina freno xi t́j'a tso'ba kohòyò kò ján sindò kilómetro tsangasòn.

15

Itoò ma àkjalẹ xi itoò kjo'in j'ii'ko

¹ Ìjngòò kjo'xkón kijtsee ján ngajmii xi 'ńó xkón kji kò 'ńó jeya ki'ya-la. Itoò ma àkjalẹ xi itoò kjo'in j'ii'ko jńà kjo'in xi fehet'aà-ne nga yaá fehet'aà-ne kjoajti-là Nainá.

² Tìkoà kijtsee jngoaà ndáchikon xi chítsín kji; tsjájiiin kò ní'ín. Ya ncha kixi ìsòn ndáchikon xi chítsín kji, jńà xítà xi jye kisikijne it'aà ts'e chò je xi ch'o kji kò ìsèn kòsòn-la, jńà xi mikii kitsjá'nde nga kisit'aà chibà-la, kò número ts'e 'ín-la. Xítà koi kjiya tsja ní'ńó arpa xi Nainá kitsjaà-la.

³ Nchiseè sò-la Moisés xi ch'índa-là Nainá kò sò-la Orrè, nchitsò: Na'èn xi Nainá 'mì-lè, xi ta jì tã jngoo-né xi 'ńó tse nga 'ńó t́jín-lè, 'ńó jeya kò 'ńó xkón t́jín ngats'ii kjoà xi 'nì. Xítà kixi-né; kixii t́jín ndiyá-lè.

Jii-né xi Xítaxá Ítjòn t́jina-là ngats'ii naxandá xi t́jín ìsò'nde.

⁴ ¿Yá xi mikii tsakjón-lè Na'èn?

¿Yá xi mikii skoexkón-lè?

Tajngoo ngaji xi xítà tsjii,

koi k'oas'ín kjoii-ne ngats'ii naxandá-la ìsò'nde nga skoexkón-lè

nga jye tí'ya-la kjoà kixi-lè.

⁵ K'e nga jye kijtsee kjoà koi, kiskoòtsejèn nga kitáx'a ján ngajmii jẹ ì'nde tsjeè-là Nainá xi t́jina ya Ní'ya Nikje xi okó nga ya t́jina Nainá.

⁶ Itjo ya ì'nde tsjeè-là Nainá jńà àkjalẹ xi itoò ma-ne xi j'ii'ko itoò kjo'in. Íkjá nikje lino chroba xi 'ńó ote kjoàn; tìkjá ndáyá-la na'ńó payo xi ngui oro.

⁷ Jńà xi ñijòn ma-ne xi títsajnakon, jngoo itjoiin xi kisingsatsja nga ìjngó ìjngó àkjalẹ xi itoò ma-ne; kitsjaà ìjngó ìjngó-la chítsín xi ngui oro xi ya t́jija kjo'in ts'e kjoajti-là Nainá xi t́jina kon nítà mé nachrjein-ne.

⁸ Ya jya ì'nde tsjeè-là Nainá, kitsee ní'ndi xi ya inchrobà-ne it'aà ts'e kjoajeya-la Nainá kò nga'ńó xi t́jín-la. Niyá xi kitjò'nde-là nga jahas'en ya ì'nde tsjeè-là Nainá skanda k'e nga jye tsitasòn yije jńà kjo'in xi itoò ma-ne xi j'ii'ko jńà àkjalẹ xi itoò ma-ne.

16

Chítsín xi itoò ma-ne

¹ Kì'nchrè jngoaà 'én xi ya itjo-ne ì'nde tsjeè-là Nainá nga kitsò-la jńà àkjalẹ xi itoò ma-ne: —Tanguíò, tìxteèn-sòn ìsò'nde jńà xi t́jija chítsín xi itoò ma-ne, kjo'in xi t́jiko kjoajti-là Nainá.

² Kii jẹ àkjalẹ xi tsako ìtjòn-la. Tsibixteèn-sòn ìsò'nde xi t́jija chítsín-la. Ngats'ii xítà xi t́jín-la chibà-la chò ts'en kò xi beèkón jẹ ìsèn xkòsòn-la jẹ chò je xi ch'o kji, tsako-la ch'in xajtsé xi 'ńó ch'o kjoàn kò jìò jchán ma.

³ Jẹ àkjalẹ xi ma-ne jò tsibixteèn-jiiin ndáchikon xi t́jija chítsín-la. Kò jẹ ndáchikon, ngui jní komá, koni tsà ya k'en-jiiin xítà. Ngats'ii xi títsajnakon ya jjiin ndáchikon jngoo k'aá k'en.

⁴ Jẹ àkjalẹ xi ma-ne ján, tsibixteèn-jiiin ya xajngá nandá kò ñánda t́bitjo nandá, jẹ xi t́jija chítsín-la. Saà jní komá.

⁵ Ikjoàn kì'nchrè-la jẹ àkjalẹ xi ts'e nandá, kitsò:

—Ngaji Na'èn, t́jín-lè kjoakixi, nga k'oagá s'ín kits'ii-la kjo'in jńà xítà it'aà ts'e kjoà koi, nga jii xi xítà tsjeè 'mì-lè, jii xi t́jini skanda kjòtsee, t́jini skanda ì'ndeji.

⁶ Nga jńà xítà koi tsibixteèn jni-la xítà-lè nga jńà kisik'en, kò xítà xi kùichja-ngajo-lè. Ì'ndeji ngaji k'oagá tís'ín t'biì ngajo-la jní nga nchi'biì; yaá chibà-la.

⁷ Tìkoà kì'nchrè jngoo-la 'én xi ya it'aà ímìxà tsjeè-là Nainá chja, nga tsò:

—Ji Na'èn xi Nainá 'mì-lè, xi ta ji ta jngoo-né xi 'nó tse nga'nó tjín-lè, kixij kjoa, jñà kjo'in xi tí'bil-la xitá koi, ndaá tjín ko ngui kixij tjín.

⁸ Jè àkjale xi ma-ne ñijòn, tsibixteèn xi tjíya chĩtsín-la ya isòn ts'oi. Jè ts'oi kitjò'nde-la nga jè ndobá-la kisichjàn yijo-la xitá.

⁹ Jè ndobá-la ts'oi 'nó kisichjàn-la ngats'ii xitá tanga jñà xitá koi mikii kisikájno jé-la ni mikii jeya kisikájna Nainá; ta saá kiichjajno-la Nainá nga jè xi tjín-la nga'nó it'aà ts'e kjo'in koi.

¹⁰ Jè àkjale xi ma-ne 'òn, tsibixteèn-sòn jè xi tjíya chĩtsín-la ya ñánda tíhotixoma jè cho ts'en. Ko jè j'nde ñánda tíhotixoma jè cho je xi ch'o kji, kòjñò-né. Jñà xitá xi beèxkón jè cho ts'en kiskinetjòn nijen-la nga 'nó ijò komá-la.

¹¹ Tanga mikii kisikájno jé-la; ta saá isa ndaá kiichjajno-la Nainá xi ts'e ngajmii, koi kjoa-la nga ijò komá yijo-la nga xajtsé tjín-la.

¹² Jè àkjale xi ma-ne joòn tsibixteèn-jiin xi tjíya chĩtsín-la ya xajngá nandá-je Éufrates. Jè nandá-la xajngá, kixiya-né, mé-ne nga koma kjoahato-ne jñà xitaxá ítjòn xi nchrobá-ne ñánda bitjokátji-ne ts'oi.

¹³ Kitseé-ná nga jè ye xi 'nó jè kji, ko jè cho je xi ch'o kji, ko jè xitá xi kiichjaya 'én ndiso nga itjo-ne tso'ba jàn inima ch'o xi cho xke kjoàn.

¹⁴ Jñà-né inima ch'o-la neji xi s'in kjoaxkón; bitjo nga bíxkóya xitaxá ítjòn xi tjín nga tjtisa isò'nde nga kjinchrobá kjoichán jè nachrjein xi jye tjíndaà-la Nainá xi ta jè tajngoo xi 'nó tse nga'nó tjín-la.

¹⁵ "Tiná'yaá, 'an, k'oaá s'in kjoiaa koni s'in f'ii xitá chijé. Mé ta ndaà-la jè xitá xi tjínndaà k'e nga 'an xi kjoiaa; kjiijnandaà nikje-la nga kòkjá; mé-ne nga mikii kosobá-la nga tjína laká."

¹⁶ Jñà inima cho-la neji tsibixkóya xitaxá ítjòn-la isò'nde ya j'nde ñánda 'mi Armagedón xi 'én hebreo.

¹⁷ Jè àkjale xi ma-ne itoo, tsibixteèn jiin isén xi tjíya chĩtsín-la. Kii'nchré-la 'én xi 'nó kiichja xi ya inchrobá-ne j'nde tsjeé-la Nainá xi tjína ngajmii ñánda tjína jè xi tjínasòn íxile nga tíhotixoma; kitsò:

—Jyeé tsitasòn yije.

¹⁸ Ijjoàn jate ni'in ch'on, kina'ya-la jta, kits'iin ch'on, ts'a ch'ón xi 'nó jchán ts'a; ni saá jngoo k'a k'oas'in 'ba kóni nga tisa tsatsejèn xitá isò'nde.

¹⁹ Jè naxandá je xi 'nó ndaá yaxkon-la, jàn ya komá. Ko jñà naxandá xi chja-ne nga jngoo jngoo nangui xi tjín isò'nde, jngoo k'aá kichijá. Ko jè naxandá je xi 'mì Babilonia xi 'nó ndaá yaxkon-la, mikii kisichjáajin Nainá nga kitsjaá-la kjo'in, k'oaá ngaya-la koni kisik'ii jngoo chĩtsín xi tjíya vino xi ngui kjoajti-la Nainá xi jè jye tjínndaà-la.

²⁰ Ngats'ii nangui xi tjín jiin ndáchikon ko jñà nindoó, jngoo k'aá kichijá, mì tí ki'ya-la.

²¹ Jñà xitá tsané jtí ndajo xi 'nó tsiaàn kjoàn, tjín-la tsá ichán kilo nga jngoo jngoo. Jñà xitá, 'on kiichjajno-la Nainá, koi kjoa-la nga tse kjo'in kis'e-la kjoa ts'e jtí ndajo.

17

Kós'in s'e-la kjo'in jè chjoón chijngui

¹ J'ii jngoo jñà àkjale xi itoo ma-ne xi itoo chĩtsín tjíya tsja, kiichja, kitsò-na:

—Nchroboí, kokoo-lè kjo'in xi tjoé-la jè chjoón chijngui xi 'nó ndaá yaxkon-la xi tjínandii ñánda nga kjin xajngá nandá fahato.

² Jñà xitaxá ítjòn xi tjín isò'nde, yaá tsafáhijtakò chjoón jè nga kjeji nainá kijtseèxkón k'oaá ngaya-la tsá kjoa chijngui kisikò jè chjoón. Ko ngats'ii xitá xi tjín isò'nde, k'oaá tí kis'iin nga kjeji nainá kiitjngui-la k'oaá ngaya-la koni tsá xán ts'e kjoachijngui-la chjoón kjoch'i-ne.

³ It'aà ts'e Inima Tsjeé-la Nainá, jè àkjale kiikò inima-na jngoo j'nde it'aà xín ñánda nangui kixi choón. Kijtseé jngoaá chjoón xi tjínakjá-la cho je xi ch'o kji xi ini kji. Yijájno yije yijo-la 'én xi kondra ts'e Nainá nga chajjano-la. Itoo ma skò ko te ma nchrajá-la.

⁴ Jè chjoón, nikje sko ko nikje ini kjoàn xi íkjá. Yijájno xi ngui oro ko ndajo ote xi 'nó ts'e chji-la, ko ndátòn fangui xi 'nó chji-la xi 'mì perla. Tjía tsja jngoo chĩtsín xi ngui oro; jè chĩtsín kitseé kjoa ch'o-la ko kjoa tje xi ts'e kjoa chijngui-la.

⁵ Ya ítjòn tjen-la, jtít'aá 'én 'ma xi tsò: "Babilonia xi 'nó jè kji nga ndaá yaxkon-la, jè nea-la íchjín chijngui ko ngats'ii kjoa ch'o xi tjín isò'nde."

⁶ K'e nga kiskoó'an chjoón jè, kijtseé xkooán nga ch'i-né nga jni-la xitá-la Nainá kits'ii ko ts'e xitá xi kinik'en nga 'én-la Jesús kiichjaya. K'e nga kijtseé tà kjòxkón-na.

⁷ Kitsò-na jè àkjale:

—¿Mé-ne maxkón-lè? 'Aán, kènojmi-lè kó tsòya-ne kjoa 'ma-la chjoón jè, ko it'aà ts'e cho je xi ch'o kji xi tjínakjá-la xi itoo ma skò koa te ma nchrajá-la.

⁸ Jè cho xi kà'yi, tsibijnakon-né, tanga j'ndeí tjínak'en-né; yaá kjinchrobá mijin-ne nitjan jñò mé-ne nga jngoo k'a chja-ne. Jñà xitá xi tjín isò'nde, xi mikii jtít'aá 'in-la xojon ts'e

kjoabinachon kóni nga tjsa kisindaà isò'nde, tà koxkón-la k'e nga skoexkon jè cho xi tsibijnakon, ko j'ndeij tijnak'en-né, tanga kotsején lingoò k'a-ne.

⁹ Ifindé mochjeén kjohitsjeén xi tjin-la kjoa chjine. Jñà sko cho xi itoò ma-ne, jñà ngaya-la jñà nindoò xi itoò ma-ne ñanda tijnanè jè chjoón. Tjikoá jñà ngaya-la xi itoò ma-ne xitaxá ítjòn.

¹⁰ On ma-ne xi jye k'en, jngoò ma xi tihotixoma-isa, ko jè xi lingoò, kj'eè kii f'ii. Tanga k'e nga kjoí, tà chibaá nachrjein kotixoma.

¹¹ Jè cho je xi ch'o kji xi tsibijnakon tanga j'ndeij tijnak'en-né, jè xi ma-ne jijn xitaxá ítjòn. Yaá tijnajijn-la xi itoò ma-ne, ko yaá tifi ñanda nga jngoò k'a jchja.

¹² Jñà nchrajá xi te ma-ne xi kà'yi, jñà ngaya-la xitaxá ítjòn xi te ma-ne xi kj'eè kii tjoé-la kjotixoma. Tanga k'e nga tjoé-la kjotixoma ta jngoò hora kotixomakjoò ko jè cho je xi ch'o kji.

¹³ Jñà xitaxá ítjòn xi te ma-ne, tajngoò kjohitsjeén tjin-la nga jè cho je xi ch'o kji sijngatsja nga ño-la ko kjotixoma-la.

¹⁴ Ikjoàn skaàn-ko jè Orrè, tanga jè Orrè sijkjine-né. Nga jè-né xi otixoma-la jñà xita xi otixoma, ko Xitaxá ítjòn-laá ma jñà xi xitaxá ítjòn titsajna. Jñà xita xi titsajna, xo kinokjoa-la, xo kitjaajijn-ne, ko kixij sikitason-la.

¹⁵ Jè àkjale k'oaá ti kitsò-na:

—Jè nandá xi kà'yi, ñanda tijnandii chjoón chijngui, naxandá-né, xita kjín-né, jñá-né xita xi tjin nga lingoò lingoò nangui xi tjin isò'nde, koa jñá-né xita xi chja ngats'ii 'én xi tjin isò'nde.

¹⁶ Jñà nchrajá xi te ma-ne xi kà'yi, ko jè cho je xi ch'o kji xi kà'yi, sijjikeè-né jè chjoón chijngui, kjoaá'an yije-la skanda jñà nikje-la, sijkájna laká-né. Yijo-la skine-né. Ikjoàn yaá kókajijn ni'in.

¹⁷ Nainá k'oaá s'in tsibijijn kjohitsjeén-la jñà xita koi nga k'oas'in sijkitason koni s'in mejèn-la Nainá. Jè kjotixoma xi tjin-la xita koi tingoò ikon nga jè cho ts'en kongatsja, skanda k'e nga kitason yije 'én xi kiichja Nainá.

¹⁸ Jè chjoón xi kà'yi, jè-né naxandá je xi otixoma-la jñà xitaxá ítjòn xi tjin isò'nde.

18

Kós'in kiskaàngui jè naxandá Babilonia

¹ Xi jye komá lskan, lingoò àkjale kjitsee xi tinchrobájen-ne ngajmii, xi ñó tse nga ñó tjin-la. Jè kjoa jeya-la xi 'ño ote kji, kisihiseèn-sòn nangui.

² Nó kiichja, kitsò:

—Jye kiskaàngui, jye kiskaàngui naxandá je Babilonia. Jyeé ta j'nde-la inijma ch'o-la neij komá, ya ñanda kitsee yije inijma tjé xi ch'o kjoàn. Ko ya titsajna njse xi ch'o kjoàn xi mikii ma chine.

³ Ngats'ii xita isò'nde, k'oaá ti kis'iin koni s'in xita naxandá jè nga kj'eij nainá kiltjngui-la, k'oaá ngaya-la koni tsá kjòch'i-ne jñà kjoachijngui xi kis'iin. Jñà xitaxá ítjòn-la xi tjin nga tjtsa isò'nde, k'oaá ti kis'iin. Ko jñà xita isò'nde xi tsojmi otseya nga s'in kjohima, kjonchiná-né xi kjoa ts'e kjotsja-la yijo-la koni s'in jñà xita xi tjin naxandá jè.

⁴ Lingoò 'én ki'nchrè xi ngajmii inchrobà-ne, xi kitsò:

—Jño xi naxandá ts'an xan-nò, tijkòajñoò naxandá jè, mé-ne nga mì ya kòkot'aà-nò jé-la, tjikoá mikii kòkot'aà-nò kjo'in xi s'e-la.

⁵ Jñà jé-la, jyeé timakjijn, jyeé j'ii skanda j ngajmii. Nainá, mikii sijjchàajijn [nga tsjá-la kjo'in] xi kjoa ts'e jé-la.

⁶ K'oaá tís'in kátamat'in ngajo-ne koni s'in kis'iin jè. Jò k'a k'oa tís'in kátamat'in ngajo-ne koni tjin kjoa xi kis'iin. Jè chitsín xi kisikáyajijn vino, kòkji tikájijn ngajo-là nga jò k'a isa jchá kátama, ljò k'a okji kjo'in kátako-la].

⁷ Jè kjoa-la nga jeya kisikájna yijo-la ko nga 'ño kis'e-la kjotsja, k'oa tís'in tjii ngajo-là kjo'in nga kátakjindáya. Nga k'oaá tsò inima-la: “An, k'oaá s'in tijná nga chjoón sko-la 'mì-na. An mitsá chjoón ka'an 'mì-na, tjikoá mikii silkjiaán kjo'in njta kjé-ne.”

⁸ Koi kjoa-la nga tajngoò nachrjein kitjopenè-la kjo'in: Kiyá xita-la. Tjikoá skindáya-né. S'eé-la kjoa ts'e kjinchrá. Ni'in kitj-ne nga kjoehesón. Nga 'ño tse nga ñó tjin-la jè Nainá xi otixoma nga k'oaá s'in jye kiskoosón-la nga tsjá-la kjo'in.

⁹ Jñà xitaxá ítjòn-la isò'nde 'ño skindáyakeè ko 'ño 'on koma-la k'e nga skoé nga títbitjo ni'ndi-la nga titi jè naxandá jè ya ñanda kiltjngui-la xi kj'eij nainá k'oaá ngaya-la koni tsá jngoò chjoón chijngui kiltjngui-la nga kisitsjako yijo-la.

¹⁰ Kjijn kìncha-ne nga skótsején-la, nga tsakjón-la kjo'in-la. N'ó kichja, kitso:

—Imá xo-ne, imá xo-ne naxandá je Babilonia xi 'ño kis'e-la nga ñó; tajngoò tjò kò'ii-la kjo'in.

¹¹ Jñà xita xi otjnaya tsojmi xi tjin isò'nde, tjikoá skindáyakeè-né nga 'on koma-la inijma-la nga mì tjé ya xi kotse-ne tsojmi xi otjnaya,

¹² tsojmi xi ts'e ton oro, plata, ndajo chji xi 'ño ndaa kjoan, ndaton chji xi 'ño ndaa kjoan; nikje lino xi 'ño chji, ko nikje seda, nikje sko ko xi ini kjoan; ngats'ii ya xi 'ño ndaa jne, tsojmi chji xi nindaà ni'ño cho kisindaà-ne, ngats'ii tsojmi xi ya xi 'ño chji xi ya ikon, ko kicha bronze, ko kicha xi 'mi hierro, ko ndajo marmol,

¹³ ko chrjoayá canela, ngats'ii tsojmi xi ndaa jne, chrjongó-la Nainá, ko xkiil jne xi 'mi mirra, ko chrjongó ts'e yá olivo, ko vino ko asiti. Trigo ko skoan inchrain, ko cho ch'á, orre, kohoyo, carreta, ko xita chi'nda nga kisatjna.

¹⁴ Kitsó-la jè naxandá:

—Ngats'ii kjoa xi ndaa kisaseen-la inima-lè, jyeé kitjaaxin yije-lè. Kjoa nchiná-lè jyeé kichija. Ko kjoa xi ndaa kotsjachi, mi ti kii sakó-lè nita kjé-ne.

¹⁵ Jña xita xi otjnaya tsojmi xi ya kjonchiná ts'e naxandá jè, kjiin kinchat'aaxin nga tsakjon-la kjo'in. Skindáyakeè koa 'ño 'on koma-la inima-la.

¹⁶ K'oaá kitsó:

—Ima xó-ne naxandá xi 'ño jè kji, xi nikje lino chji tsakakjá ko nikje xi sko kjoan ko xi ini kjoan. Yijajno yijo-la oro, ndaton chji xi 'mi perla ko ndajo chji xi 'ño ndaa kjoan.

¹⁷ Tajngoò tjò kachija yije kjoa nchiná xi tjín-la.

Ngats'ii xita xi sixáko chitso, ko ngats'ii xita xi ya chitso titsaya nga nchifi, jña xi ya iya chitso sixá ko ngats'ii xi sixájin ndáchikon, kjiin tsibitsajna

¹⁸ k'e nga kijtseeè ni'ndi-la naxandá nga titi; 'ño kiichja, kitsò:

—Ni saá jngoò naxandá tjín xi mangasón-kjoò koni kji naxandá jè, nga 'ño ndaa kiyaxkon-la.

¹⁹ Ikjoan tsibixteen-jno chijo sko, 'ño kiskindáyakeè nga 'on komà-la inima-la; kitsò:

—Ima xó-ne naxandá xi 'ño jè kji; jè kjoa nchiná-la, ndaa kjonchiná-ne jña xita xi tjín-la chitso ya jjin ndáchikon. Ko i'nde, ta jngoò tjò kachija yije kjoa nchiná-la.

²⁰ Ngats'ioò jñò xi titsajnaa ngajmii, tsjaá t'è-là takón. Jñò xi xita-la Nainá maà, jñò xi tsibixáya-nò Cristo, ko jñò xi Nainá nokjoa ngajo-là, tsja t'è-là inima-nò. Nainá jyeé kàtsjá-la kjo'in naxandá jè koi kjoa-la nga ch'o kisikó-nò.

²¹ Jngoò àkjale xi 'ño tse nga'ño tjín-la kiskoé jngoò ndajo xi koni kji ndajo natsi kji, kiskatjen-jin ndáchikon, kitsò:

—Jè naxandá Babilonia, xi 'ño jè kji, k'oaá s'in skajiin-nda; jngoò k'aá chija nita kjé-ne, mi ti ya xi skoexkon-ne.

²² Mi ti kii kiná'ya-la incho calle-la jña música xi síkjane arpa, jña xi síkjindáya xobi, ko xi síkjane chrjo trompeta. Mi ti kii s'e-la xita xi sixá nita mé xá-ne. Tjkoá mi ti kii koxáko-ne molino ts'e ncheé.

²³ Ni'in ts'e lámpara, mi ti kii s'ihiseèn-ne; mi ti kii s'e-ne s'eí nga kixan xita; koi kjoa-la kos'in komat'in-ne nga jña xita-la xi otseya ko otjnaya tsojmi, 'ño xita nchiná komá j'isò'nde; tjkoá kiskoobachan yije-la naxandá xi tjín isò'nde nga komà-la kis'in kjoatj'e.

²⁴ Naxandá jè, Nainá kitsjaà-la kjo'in nga jè ts'e-né nga kinik'en xita-la Nainá ko xita xi kiichjaya ngajo-la Nainá ko ngats'ii xita xi kinik'en nga tjtsa isò'nde.

19

Xita xi tsjá-la kjondaà Nainá ján ngajmii

¹ Xi jye komá iskan, ki'nchre-là ján ngajmii 'én koni kjin jchán ma xita xi chja nga tsó:

jAleluya! j'Nga tikjna Nainá!

Nga jè ochrjekajin-ná kjo'in kjoa ts'e jé-ná,

ko ta jè tajngoò xi tjín-la kjoajeya

ko xi tse nga'ño tjín-la.

² Nga jè Nainá, ndaa s'in ko kixi s'in

k'e nga tsjá-la kjo'in xita;

nga jyeé kitsjaà-la kjo'in jè naxandá je Babilonia

xi kisikits'ón-jin isò'nde nga tsakó-la xita isò'nde

nga kje'ejí nainá kijtseeèkón

k'oaá ngaya-la koni jngoò chjoón xi kjoa chijngui s'in.

Koi jè xi komà-la nga jè kisik'en xita chi'nda-la Nainá xi kiichja ngajo-la.

³ Jngoò k'a k'oa kitsò:

—jAleluya! j'Nga tikjna Nainá! Jè ni'ndi-la jè naxandá nga titi, k'oaá s'in kitjomijin nita mé nachrjein-ne.

⁴ Jña xita jchínga xi kaàn nijòn ma-ne ko xi nijòn ma-ne xi titsajnakon, chincha-xkó'nchi-ñiat'aà-la nga kijtseeèkón Nainá xi tjinasón ixile ñanda tihotixoma. Kitsò:

—jK'oa's'in kátama! Nga tikjna Nainá. jAleluya!

⁵ Ya ixile-la ñanda tihotixoma, kina'ya-la 'én xi kitsò:

Tji-là kjondaà Nainá ngats'ioò jñò xi ch'i'nda maà,
jñò xi ixti maà kò xita jchínga,
ngats'ioò xi tsakjoón-chaà Nainá.

⁶ K'i'nchrè-là 'én koni tsà kjín jchán ma xita xi chja, koni s'ín na'yà-là nandá k'e nga one,
koni s'ín na'yà-là k'e nga one ch'on, xi kitsò:

¡Aleluya!

¡Nga t'ikjina Nainá xi ta jè tajngoó xi 'ño tse nga'ño tjin-là!

Nga jyeé jè t'ihotixoma.

⁷ Tsja k'óé-lá inima-ná, s'itsja-chaà takoán, jeya s'ikjinaá Nainá,

nga jyeé j'ìi kjoa bixan-là Orrè;

chjoón-là jyeé t'ijnandaà.

⁸ Jè chjoón, jye ko'bi-là nikje lino xi 'ño chji,

xi 'ño tsjeé kjoàn t'ikoa 'ño ote nga kónakjá.

Jè nikje lino xi 'ño chji, jè ngaya-là kjoakixi xi s'ín xita-là Nainá.

⁹ Jè àkjalé kitsò-na:

—Chji kjoa koi: “Mé ta ndaa-là jñà xita xi xó kinokjoà-là kjoa bixan-là Orrè nga jè kòkjen-ko.”

Kitsò isa:

—Jñà 'én koi, ngui 'én kixi-là Nainá-né.

¹⁰ Tsohósijna xkó'nchiña it'aà ndsoko jè àkjalé nga mejèn-na skoexkoán. Tanga jè àkjalé kitsò-na:

—Ki k'oaá 'ni; 'an, t'ikoaá ch'i'nda-là Nainá ma koni ngaji kò jñà 'ndsi xi ndaa fi t'ingui-là jñà 'én kixi xi kiichja Jesús. Jè Nainá chaxkoín.

Jñà 'én kixi xi kiichja Jesús, t'ijnà-ne xi s'ikitsjeèn-ya-là xita xi chja ngajo-là Nainá.

Jè xi t'inasòn-là kohòyo chroba

¹¹ Kijtseè ngajmii nga t'ix'á; tsatsejèn jngoò kohòyo xi chroba kji. Jè xita xi t'ijnakjá-là, k'oaá s'ín yaxkon-là nga kixi s'ikitasòn kò kixi t'ijna, koi kjoa-là nga ngui kò kjoakixi-là bindaajin kò nga kjaán-kjoò.

¹² Jñà xkon, k'oaá kjoàn koni ni'ín. Ya sko, kjín corona jtoabá tji'a kò jngoò 'ín-là tji'aà xi mikii yá xi machiya-là kó tsòya-ne; tajngoò jè machiya-là kó tsòya-ne.

¹³ Jè nikje xi kinakjá, jni yijajno. Jè 'ín-là, 'Én-là Nainá 'mì.

¹⁴ Yaa t'ingui-là jñà soldado ts'e ngajmii nga t'itsajnakjá-là kohòyo chroba; saà nikje lino chrobaá ikjá xi 'ño chji kò tsjeé kjoàn.

¹⁵ Jè tso'ba bitjo jngoò kicha ndojò xi 'ño yijò kji, jè xi s'iki'on-ne ngats'ii naxandá. Nga jè kotixoma-là xita naxandá. Jè yá nise s'ikjeén xi ngui kicha tájaà. Jè sobá kosinè jñà toò uva ya iya chitso nga kochrje vino xi okò kjoajti-là Nainá xi ta jè tajngoó xi 'ño tse nga'ño tjin-là.

¹⁶ Jè nikje-là kò chrjomí-là tji'aà 'ín xi tsò: “Xitaxá Itjòn-là ngats'ii jñà xi xitaxá Itjòn t'itsajna kò jè-né xi otixoma-là ngats'ii jñà xita xi otixoma.”

¹⁷ Kijtseè jngoaa àkjalé xi ya s'inasòn-là ts'oi; 'ño chja-là ngats'ii cho xi t'ijmajin isén xi yijo kine. Tsò:

—Nchrobá, tixkóyaa xinguiqo mé-ne nga chjinee yijo xi Nainá tsja-nò,

¹⁸ nga chjinee yijo-là xitaxá Itjòn, kò yijo-là xita sko-là soldado, yijo-là xita ts'en, yijo-là kohòyo kò yijo-là xita xi t'itsakjá-là kohòyo, yijo-là ngats'ii xita xi t'itsajnandejí kò xita ch'i'nda kò xi ixti kò xita jchínga.

¹⁹ Kijtseè jè cho jè xi ch'o kji kò jñà xitaxá Itjòn ts'e isò'nde kò xita soldado-là; jyeé t'itsajnandaà nga skañ-kò jè xi t'ijnakjá-là kohòyo chroba kò jñà soldado-là.

²⁰ Jè cho jè xi ch'o kji kindobà 'ño; t'ikoa kindobà 'ño jè xi 'én ndiso kiichja xi kis'iin kjoakón nga nguixkon jè cho. K'oaá s'ín komà-ne nga kiskoónachan-là jñà xita xi kiskoé chiba-là t'ikoa kijtseèkón isén xkòsòn-là jè cho. Ingajò kinikatsjoòjin tikòn ijilín ni'ín xi t'itjnga ñanda t'iti kò azufre.

²¹ Jñà xita xi i'nga, jè kisik'en-ne jè kicha ndojò xi bitjo tso'ba jè xi t'ijnakjá-là kohòyo. Ngats'ii cho xi t'ijmajin isén, jñà kjòskil-ne nga kiskine yijo-là xita xi jye k'en.

20

Jè xi jngoò jmii nó

¹ Kijtseè jngoaa àkjalé xi t'inchrobájen-ne ngajmii. 'Ya ibi ts'e nitjan jñò. Kjiya tsja jngoò na'ño kicha cadena xi 'ño jè kji.

² Jè àkjalé kitsobà 'ño jè ye jchínga xi t'ijè-ne xi 'mì Xita Neji kò xi Satanás. Jngoò jmii nó tsibít'aà 'ño.

³ Kisikatjen-s'en ya nitjan jñò; tsibíchoa 'ño-là jè xotjoa; ikjoàn tsasijna-là sello mé-ne nga mi yá skix'a-ne jè xotjoa nitjan. Yaa tsasijnahya mé-ne nga mi t'ij kò koma skónachan-là xita

isò'nde, skanda k'e nga kjoehet'aà xi jngoò jmiù nó. Xi koma iskan tjàjnda'ño jngoò k'a-ne nga koma kojmeèndeí chiba nachrjein isa.

⁴ Kijtseè íxile ts'e kjotíxoma; títsajnasòn jñà xita xi kitjóe-la kjotíxoma nga jñà kojindaàjiiin. Tíkoà kjitseè iníma-la jñà xita xi kitiís'íin, nga koi kjoa-la 'én kixi xi kitsjaà it'aà ts'e Jesús ko nga 'én-la Nainá kiichjaya. Jñà xita koi, mikii kjitseeékón jè cho je xi ch'o kji ko jsén xkòsòn-la; tíkoà mikii kisit'aà chiba-la itjòn tjen-la ko tsja. Xita koi, jngoò k'a tsibítsajnakon; jngoò jmiù nó tsatíxoma ko Cristo.

⁵ Jñà xita koi xi jaáya ítjòn-la. Tanga jñà mik'en xi i'nga, skanda k'eé jaáya-la nga ijchò jngoò jmiù nó.

⁶ Mé ta ndaa-la jñà xi kòko-la nga kjoaáya ítjòn-la; xita koi, jyeé xita-la Nainá koma; jè kjoa biyaa xi ma-ne jò, nímé nga'ño tjin-la it'aà ts'e xita koi; mi tí mé ma sílko-ne. Tà saà no'mii-la Nainá koma ko ts'e Cristo. Jngoò jmiù nó kotíxomako.

⁷ K'e nga kjoehet'aà xi jngoò jmiù nó, tjàjnda'ño jngoò k'a-ne jè Satanás ya ñánda tíjnahiya nitjan jño.

⁸ Kijtjondeí-ne nga skónachan-la xita naxandá xi tjin nga tíjtsa isò'nde, jè Gog ko Magog. Koiíxkóya xita mé-ne nga koiíts'ia-ne kojochán. Kín jchán koma xita, k'oaá gaya-la koni tsomi xi jncha jndii ndáchikon.

⁹ Chinchimasòn kóhokji isò'nde; chinchandii-la nga jngoò itjandii ñánda títsajna xita-la Nainá ko naxandá xi tsjakeé. Ikjoàn kisikasén ni'ín Nainá xi inchrobà-ne ngajmii. Jngoò k'a tsaká kóhótjin.

¹⁰ Jè xita neíi xi kiskoðnachan-la xita, kinikatjen-jiin ya i'nde ñánda títinga ni'ín ko azufre. Jyeé ya títsajna jè cho je xi ch'o kji ko xi kiichjaya 'én ndiso. Yaa sílkeíin kjo'in ko nachrjein ko nitjen nita kjé-ne.

Jè íxile ts'e kjotíxoma xi chroba kji

¹¹ Kijtseè jngoò íxile xi chroba kji ko 'ño je kji nga ya tíjnasòn jngoò xi tíhotíxoma. Nga nguixkon jè xi tíjnasòn íxile, jngoò k'a kichija nangui ko ngajmii. Nita ñánda-ne, mi tí kii ki'ya-la.

¹² Kijtseè mik'en xi ixti kjoàn ko xi xita jchínga kjoàn, 'ncha kixi nguixkon Nainá. Ikjoàn kitáx'a jñà libro [ñánda tíjt'aà mé xi kis'iin nga jngó jngó xita]; koà jngoò libro kitáx'a ñánda tíjt'aà ts'e kjoabinachon. Jñà mik'en, k'oaá s'in kisindaàjiiin-la koni s'in tíjt'aà xojon ts'e libro, mé kjoa xi kis'iin.

¹³ Jè ndáchikon kitsjaà jñà mik'en xi ya k'en-jiin. Jè kjoabiyaà ko i'nde kjo'in tíkoá kitsjaà mik'en xi ya títsajna. K'oaá s'in kisindaàjiiin-la nga jngoò jngoò xita koni tjin kjoa xi kis'iin.

¹⁴⁻¹⁵ Jè kjoabiyaà ko i'nde kjo'in kinikatsjoòjiin ñánda títi ni'ín jnga. Ko jñà mik'en xi mikii tíjt'aà 'ín-la jè libro ts'e kjoabinachon, tíkoá yaa kinikatsjoòjiin ñánda títi ni'ín jnga. Jè xi ma-ne jò kjoabiyaà.

21

Ngajmii xitse ko nangui xitse

¹ Kijtseè jngoáa ngajmii xitse ko nangui xitse. Jè ngajmii xi kisijna ítjòn ko nangui xi kisijna ítjòn, jyeé kichija; tíkoá kichija jè ndáchikon.

² Tíkoà kjitseè jè naxandá tsjeé xi Jerusalén xitse 'mì, nga tinchrobájen ngajmii nga nguixkon Nainá. K'oaá s'in tíjnandaà koni jngoò chjoón xi ndaa bíndaà yijo-la nga jye kixan-ko x'in-la.

³ Ki'nchrè-la 'én xi 'ño chja, xi ngajmii inchrobà-ne, xi tsò:

—Chítsejèn-là Ni'ya Tsjeè-la Nainá, jyeé kòbitjojen; Nainá yaa kíjnakò jñà xita; xita naxandá-laà koma, nga jè sobà xi Nainá kítsò-la.

⁴ Jè sobà Nainá síxijino yije ndáxkon; mi tí kii s'e-ne kjoabiyaà; mi tí kii s'e-ne kjoaba; mi tí kii yá skíndàya-ne; mi tí kii s'e-ne xi ijòjno ijòt'aà yijo-la, koi kjoa-la nga jye tsato kjoa jchínga.

⁵ Jè xi tíjnasòn íxile ts'e kjotíxoma, kitsò:

—Chítsejèn-la, 'aán síixítseyá yije tsojmì xi tjin.

Ikjoàn kitsò-na:

—Chjí, xojon tí'teú jñà 'én koi; nga ngui k'oaá s'in tjin nga kítasòn; ngui 'én kixi-né.

⁶ Ikjoàn kitsò-na:

—Jyeé tsitasòn yije. 'An-ná xi tíjna ítjoàn skanda tàts'en-la kjoa kó nga skanda fehet'aà-ne. 'An-ná xi tsibíts'iaa ko xi síkhehet'aà-na kjoa. Ngats'ii xi xínda-la, 'aán tsjaà kjotjò-la nandá xi tíbitjo ya i'nde ñánda mikii xiya nandá mé-ne koma kíjnakon-ne iníma-la nita kjé-ne.

⁷ Jñà xi sílkijne, jñà skoé kjotjò ngats'ii kjondaà koi. 'Aán kótijnakoáa nga Nainá kítsò-na ko jñà, ixti-naà koma.

⁸ Tanga jñà x̄t̄a xi tsakjón, jñà xi mìkii mokjeiún-là, jñà xi 'ñó ch'o s'ín, jñà xi x̄t̄a sík'en, jñà xi kjoa chijngui s'ín, jñà xi x̄t̄a t'j'e, jñà xi xkósòn beèxkón, ngats'ii xi 'en ndiso chja, jàn kixojìin ñánda títi ní'in jngá kò azufre; jè xi ma-ne jò kjoabiyaà.

Naxandá x̄t̄se xi 'mì Jerusalén

⁹ J'iiikon jngoo-na àkjale jñà xi itoo ma-ne, xi t̄ikoā itoo ch̄itsín t̄jín-là, xi jncha kitseè xi itoo kjo'in xi fehet'aà-ne. Kitsò-na:

—Nchroboí, kokoò-lè jè xi koma chjoón-là Orrè.

¹⁰ It'aà ts'e Injima Tsjeè-là Nainá, jè àkjale kiiò injima-na jngoo nindoò xi jè kji kò 'nga kji. Tsakó-na jè naxandá xi jè kji, naxandá tsjeè Jerusalén nga tinchrobájen-ne ngajmii nga nguixkon Nainá.

¹¹ Jè naxandá tsjeè Jerusalén, oteè tsejèn xi kjoa ts'e kjoajeya-là Nainá. K'oaá s'ín ote kji koni ndajo ch̄jì xi 'ño ndaa kjoàn, koni ndajo xi jaspe 'mì nga ote kji koni ch̄itsín.

¹² Nga jngoo itjandii, jè naxandá, chrjò ndajo t̄jindii-là xi 'ño jè kji kò 'ño 'nga kji. Tejò xotjoa t̄jín-là. Nga jngoo jngoo xotjoa, jngoo àkjale sijnajto. T̄ikoā ya t̄jít'aà 'ín-là nga tejò naxandá xi ya inchrobát'aà-ne ixti-là Israel.

¹³ Ya kixi-là ñánda bitjokajiiin-ne ts'oi, jàn xotjoa t̄jín-là, ya kixi-là ñánda kahatji-ne ts'oi, jàn xotjoa t̄jín-là. Ya nortè, t̄ikoāá jàn xotjoa t̄jín-là, ya sur, t̄ikoāá jàn xotjoa t̄jín-là.

¹⁴ Jè chrjò ndajo xi t̄jindii-là naxandá, tejò chrjò ndajo xi ya t̄jít'aà nga tejò 'ín-là x̄t̄a xi tejò ma-ne xi it'aà ts'e Orrè kisixáya-là.

¹⁵ Jè àkjale xi tichjako-na, jngoo kicha kjinaya tsja xi ngui oro xi koni kji yá xi ma machiba-ne. Jè kisikjeén nga ma kisichiba naxandá kò xotjoa-là kò chrjò ndajo-là.

¹⁶ Jè naxandá k'oaá s'ín kijna nga ñijòn chrjangui t̄jín-là. Koni kji ndojò, k'oaá t̄jì kji tiyà-ne. Jè àkjale, k'e nga kisichiba, jò jmii kò jò sìndò kilómetro t̄jín-là. Ngásòn chiba t̄jín-là nga ndojò kò nga tiyà kò nga 'nga.

¹⁷ Ijkoàn kisichiba jè chrjò ndajo. Jngoo sìndò kò ichán ñijòn xkó tsja t̄jín-là xi chiba-là x̄t̄a xi tsikjeén jè àkjale, [jè xi ichán nanga t̄jín-ne].

¹⁸ Jè chrjò ndajo xi t̄jindii-là naxandá, koii t̄jindaà-ne ndajo ch̄jì xi 'mì jaspe. Kò jè naxandá, ngui oro sobà-né. K'oaá s'ín ote kji koni ch̄itsín tsjeè.

¹⁹ Jñà tàts'en chrjò xi t̄jindaà-ne nga tichjoàndii-là naxandá, ngui ndajo ch̄jì yijajno xi 'ño ndaa kjoàn. Jè xi itjòn, jè ndajo xi 'mì jaspe; xi ma-ne jò, ndajo xi 'mì zafiro; xi ma-ne jàn, ndajo xi 'mì ágata; xi ma-ne ñijòn, ndajo xi 'mì esmeralda;

²⁰ xi ma-ne 'òn, ndajo xi 'mì ónice; xi ma-ne joòn, ndajo xi 'mì cornalina; xi ma-ne itoo, ndajo xi 'mì crisólito; xi ma-ne jiiin, ndajo xi 'mì berilo; xi ma-ne ñijaàn, ndajo xi 'mì topacio; xi ma-ne te, ndajo xi 'mì crisoprasa; xi ma-ne tejngoo, ndajo xi 'mì jacinto; xi ma-ne tejò, ndajo xi 'mì amatista.

²¹ Jñà xotjoa xi tejò ma-ne, tejò ndajo perla t̄jindaà-ne. Nga jngoo jngoo xotjoa jngoo perla t̄jindaà-ne. Ndiyá teè-là naxandá, ngui oro sobà-né koni ch̄itsín xi ma ch̄itsejèn-ya.

²² Ya jiiin naxandá, nijngoo ingo kijtseè; nga jè sobà xi ma ingo-là naxandá, jè Nainá xi t̄jina itjòn nga ta jè tajngoo-né xi 'ño tse nga 'ño t̄jín-là kò jè Orrè.

²³ Jè naxandá, mìkii mochjeén-là jè ts'oi kò sá nga s̄ihiseèn-là. Nga jè sobà kjoa isén-là Nainá s̄ihiseèn-là; kò jè Orrè ma ní'ín-là.

²⁴ Ngats'ii jñà x̄t̄a naxandá ts'e isò'nde kinchima iseèn-né it'aà ts'e ní'ín-là. Kò jñà x̄t̄axá itjòn xi t̄jín isò'nde, k̄jiko kjoanchiná-là nga ya s̄iingatsja.

²⁵ Jñà xotjoa-là naxandá, mìkii sichjoáto nga k̄jít'aà nachrjein; nga ya naxandá, mìkii kojño.

²⁶ Ngats'ii naxandá k̄joiko ngats'ii kjoa nchiná-là kò ngats'ii tsojmi xi 'ño ch̄jì-là nga ya s̄iingatsja.

²⁷ Ya i'nde jè n̄imé kjoahas'en xi t̄jè kjoàn xi ch'o s'ín kò xi kjoa ndiso. Tà jñà kjoahas'en xi t̄jít'aà 'ín-là jè xojon-là Orrè xi ts'e kjoabinachon.

22

¹ Jè àkjale tsakó jngoo-na xajngá nandá xi kijna tsjeè tsjeè, jè nandá xi bitsajnakon-ná n̄it̄a mé nachrjein-ne. K'oaas'ín tsjeè kji koni ch̄itsín. Yaá t̄ibitjo ñánda s̄ijna íxile-là Nainá nga t̄ihotixoma kò yaá t̄ibitjo ñánda t̄ijna jè Orrè.

² Ya jngoo osen ndiyá-là naxandá tifa nandá. Kò ya ngobà ngobà xajngá nandá, yaá s̄ijna jè yá xi tsjá kjoabinachon n̄it̄a mé nachrjein-ne. Tejò k'a ojà-là toò nga jngoo nó. Jngoo jngoo k'a ojà-là toò nga jngoo jngoo sá. Jñà xkà-là, k'oaá s'ín mochjeén nga maxkii-là naxandá ts'e isò'nde.

³ Mì t̄jì mé kjoa ch'o s'e-ne xi mìkii sasén-là Nainá. Yaá sas̄ijna jè íxile-là Nainá kò ts'e Orrè nga kotixoma. Kò ngats'ii x̄t̄a ch̄i'nda-là, yaá s̄ixá-là.

⁴ Ngats'ìi xi x̄it̄a-l̄a ma, skoexkon-né kó k̄ji isén-l̄a Nainá; k̄o j̄e 'ín-l̄a Nainá yá s̄it'aà it̄jòn t̄jen-l̄a.

⁵ Yá j̄'nde j̄e, mì ti kojñò-ne. Jñà x̄it̄a xi yá t̄itsajna, mì t̄i ni'ín k̄ochjeén-l̄a xi s̄ijhiseèn-l̄a, t̄i k̄oaá mì t̄i ts'oi k̄ochjeén-l̄a; nga j̄e sobá Na'èn-ná xi Nainá s̄ijhiseèn-l̄a. Jñà x̄it̄a k̄otixoma n̄it̄a mé n̄achrjein-ne.

Jyee nchrobá machraña nga k̄joiī j̄ngoò k'a Cristo

⁶ J̄e àkjal̄e kitsò-na:

—'En koi, ngui k'oaá s'ín t̄jín nga k̄itasòn; ngui 'én kixi-né. J̄e Na'èn-ná xi Nainá xi síkichiya-l̄a jñà x̄it̄a xi ch̄j̄a ngajo-l̄a, koií xá kisikasén-ne àkjal̄e-l̄a nga k̄okò-l̄a xi ch̄i'nda-l̄a ma jñà k̄joa xi ta n̄it̄oón okoma.

⁷ —T̄iná'ya-ná. 'An, k̄joiī n̄it̄oón j̄ngoò k'a.

Mé ta ndaà-l̄a jñà xi síkitasòn jñà 'én xi kitsjaà Nainá koni s'ín t̄ichj̄a xojon j̄e.

⁸ 'An-ná xi 'mì-na Juan, 'aán ki'nchrè k̄oa k̄ijtsee k̄joa koi. K'e nga jye ki'nchrè k̄oa jye k̄ijtsee, tsohósijna-xkò'nchi-nfiñat'aà-l̄a j̄e àkjal̄e xi t̄ihokò-n̄a k̄joa koi, nga mejèn-na skoexkoán.

⁹ Tanga j̄e àkjal̄e kitsò-n̄a:

—Ki k'oaá 'nì. J̄e Nainá jchaxkoín. 'An, t̄i k̄oaá ch̄i'nda-l̄a Nainá ma, koni ngaji, k̄o x̄it̄a xingui xi ch̄j̄a ngajo-l̄a Nainá, k̄o ngats'ìi x̄it̄a xi síkitasòn 'én xi t̄jít'aà xojon j̄e.

¹⁰ K'oaá t̄is'ín kitsò-n̄a:

—Ki b̄jna'ma jñà 'én xi Nainá kitsjaà xi t̄jít'aà xojon j̄e, nga jyee nchrobá machraña n̄achrjein nga k̄itasòn.

¹¹ Jñà x̄it̄a xi mìtsà kixi t̄itsajna nguixkon Nainá nga ch'o s'ín, ta k'oaá s'ín k̄at̄itsajna. K̄o jñà xi t̄jín-l̄a k̄joakixi k̄o tsjèe t̄itsajna nga nguixkon Nainá, k'oaá t̄is'ín k̄at̄asik̄itasòn xi k̄joakixi k̄o k̄joatsjèe.

¹² —T̄iná'ya, 'an, k̄joiī n̄it̄oón j̄ngoò k'a. Yá k̄joiīk̄oa ch̄j̄i-l̄a xi tsjaà-l̄a x̄it̄a koni s'ín kis'iin nga j̄ngoò j̄ngoò.

¹³ 'An-ná xi t̄jinā it̄joàn skanda t̄ats'en-l̄a k̄joa k̄o skanda fehèt'aà-ne. 'An-ná xi tsibits'iaa k̄o xi síkjhèt'aà-na k̄joa. 'An-ná xi t̄jinā it̄joàn k̄o xi fehèt'aà-ne.

¹⁴ Mé ta ndaà-l̄a jñà x̄it̄a xi [j̄ni-l̄a Orrè] sítsjèe-ne níkj̄e-l̄a mé-ne nga t̄jò'nde-l̄a nga sk̄ine toò-l̄a yá xi tsj̄a k̄joabinachon, t̄i k̄oa k̄oma k̄joahas'en xotjoa-l̄a j̄e n̄axandá.

¹⁵ Tanga nd̄itsiaán k̄itsajna, ngats'ìi jñà x̄it̄a xi ch'o s'ín, k̄o jñà xi x̄it̄a t̄j'e, k̄o jñà xi k̄joa ch̄ijngui s'ín, k̄o jñà xi x̄it̄a sík'en, k̄o jñà xi xkòsòn beèxkòn k̄o ngats'ìi xi tsjakee k̄joa ndiso nga 'én ndiso ch̄j̄a.

¹⁶ —'An xi 'mì-na Jesús, 'aán kisikasén-nò àkjal̄e-n̄a nga tsj̄a-nò 'én it'aà ts'e k̄joa koi, jñò xi x̄it̄a n̄axandá-n̄a ma. 'An-ná j̄e jts'én xi itjot'aà-ne t̄j̄e-l̄a x̄it̄axá it̄jòn xi ki'mì David. 'An-ná ni'ño tse xi 'ño ote k̄ji xi bitjok̄at̄ji k'e nga tajñòya.

¹⁷ J̄e In̄ima Tsjèe-l̄a Nainá k̄o ch̄joón-l̄a Orrè, tsò-né:

—Nchroboí [Na'èn Jesús].

Jñà xi nchi'nchrè, k'oaá t̄i k̄atatsò:

—Nchroboí [Na'èn Jesús].

Jñà xi x̄indá-l̄a k̄o xi mejèn-l̄a nandá, k̄at̄janchrobá, k̄at'ìi k̄jotjò nandá xi tsj̄a k̄joabinachon.

¹⁸ 'An, k'oaá xan-nò, ngats'ioò xi na'yà-là jñà 'én xi kitsjaà Nainá xi t̄jít'aà xojon j̄e: Tsà yá xi k̄iit'aàsòn k̄joa xi t̄jít'aà xojon j̄e, Nainá k'oaá t̄is'ín tsjásòn-l̄a k̄jò'in koni s'ín t̄jít'aà xojon j̄e.

¹⁹ Tsà yá xi k̄joaáxin j̄ngoò-l̄a 'én xi kitsjaà Nainá xi t̄jít'aà xojon j̄e, Nainá, t̄i k̄oaá k̄joaáxin k̄jondaà xi t̄j̄i'nde-l̄a nga sk̄ine toò-l̄a yá xi tsj̄a k̄joabinachon k̄o mìk̄i tsj̄a'nde-l̄a nga ya k̄itsajna n̄axandá tsjèe-l̄a Nainá koni s'ín t̄jít'aà xojon j̄e.

²⁰ J̄e xi bénojmi k̄joa koi, k'oaá tsò:

—Jon, k̄joiī n̄it̄oón j̄ngoò k'a.

K'oaá s'ín k̄atama. ¡Nchroboí Na'èn Jesús!

²¹ K̄jondaà-l̄a Na'èn-ná Jesucristo k̄at̄ijnakò-nó ngats'ioò. K'oaá s'ín k̄atama.